


ГенѢ РобѢрѢ



The New Testament in the Gikyode language

GenD PobDrD
The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2025-04-25

PDF generated using Haiola and XeLaTeX on 25 Apr 2025 from source files dated 25 Apr 2025
4cc402b4-139a-5f33-9af9-fbf62307f663

Contents

Matiyu	1
Maako	70
Luka	113
Gyon	188
Yesu Isoo	242
Rom Awura	313
1 Korinti	347
2 Korinti	378
Galati	398
Efiso	410
Filipayi	421
Kolosiya	429
1 Tesalonika	437
2 Tesalonika	444
1 Timoti	448
2 Timoti	457
Taatusi	463
Filimon	467
Hilburu	469
Gyeemesi	495
1 Piita	503
2 Piita	512
1 Gyon	518
2 Gyon	526
3 Gyon	527
Gyude	529
Gileenyiile	532

Matiyu

Ɔkalan Konkonse Ɔbono Ɔ Nɔmarase Kyu Lii Yesu So Mɔ

Yesu Kirisito Gesu Gebono Dɔ Ɔ Lii Mɔ

¹ Yesu Kirisito gi lii daa aye Isirale awura Oloobu Deefidi ɔpaa dɔ, ne Deefidi mɔ gi lii aye Isirale awura aye-naana gyangbarase Aberaham ɔpaa dɔ. Ɔwole baare dɔ gere ne a nɔmarase Yesu mɔ-naanaana gekoroge gigyan so gigyan so yela. A nɔmarase mɔmɔ-anyen lii aye Isirale awura ɔnaana gyangbarase abere kpaa fo Yesu-lɛɛ abere dɔ de fe' nyɛ bii gesu gebono dɔ Yesu Kirisito gi lii mɔ.

² Oloobu Aberaham mɔ-bi ne n gye Ayisiki, Ayisiki mɔ-bi ne n gye Gyeekɔpo.

Gyeekɔpo mɔ-biana ne n gye Gyuda mɔ-re mɔ-daana de mɔ-tedeana.

³ Gyuda mɔ-biana ne n gye Pɛrese de Saara. (Mɔmɔ-nyi ne n gye Tamare.) Pɛrese mɔ-bi ne n gye Hɛsuron, Hɛsuron mɔ-bi ne n gye Ram.

⁴ Ram mɔ-bi ne n gye Aminadabe, Aminadabe mɔ-bi ne n gye Naason. Naason mɔ-bi ne n gye Salimon,

⁵ Salimon mɔ-bi ne n gye Bowase. (Bowase mɔ-nyi ne n gye Rahabe.) Bowase mɔ-bi ne n gye Obede. (Mɔ-nyi ne n gye Ruuti.)

Obede mɔ-bi ne n gye Gyesi, Gyesi mɔ-bi ne n gye Wura Deefidi.

Wura Deefidi mɔ-bi ne n gye Solomon. (Nkana Solomon mɔ-nyi mɔ-kuli ne n gye Yuraya.)

⁷ Solomon mɔ-bi ne n gye Rehobowan, Rehobowan mɔ-bi ne n gye Abigya.

Abigya mɔ-bi ne n gye Asa, Asa mɔ-bi ne n gye Gyehosafate.

Gyehosafate mɔ-bi ne n gye Gyoram, Gyoram mɔ-bi ne n gye Usiya.

⁹ Usiya mɔ-bi ne n gye Gyotam, Gyotam mɔ-bi ne n gye Ahase.

Ahase mɔ-bi ne n gye Hesekeya,

¹⁰ Hesekeya mɔ-bi ne n gye Menase.

Menase mɔ-bi ne n gye Amon, Amon mɔ-bi ne n gye Gyosaya.

¹¹ Gyosaya mɔ-bi ne n gye Gyeconiya mɔ-re mɔ-daa de mɔ-tedeana.

Gyeconiya baare abere dɔ ne Babilon awura mɛ nyise aye Isirale awura adedaabo kpaa kyena Babilon.

¹² Mɛ bo Babilon mɔ, Gyeconiya gi koroge Sɛɛletɛɛ. Sɛɛletɛɛ mɔ-bi ne n gye Serubabele.

¹³ Serubabele mɔ-bi ne n gye Abiwudi, Abiwudi mɔ-bi ne n gye Eliyakim.

Eliyakim mɔ-bi ne n gye Asoro.

¹⁴ Asoro mɔ-bi ne n gye Sadoke. Sadoke mɔ-bi ne n gye Akim,

Akim mɔ-bi ne n gye Eliwudi.

¹⁵ Eliwudi mɔ-bi ne n gye Eliyeesa,

Eliyeesa mɔ-bi ne n gye Matan.

Matan mɔ-bi ne n gye Gyeekɔpo,

¹⁶ Gyeekɔpo mɔ-bi ne n gye Gyosefo, Mariya mɔ-kuli.

Mariya baare ne n koroge Yesu ɔbono ɔ gye Kirisito mɔ. Mɔ ne Wurubuaare gi wolaa tɔge yee ɔ laa sun de ɔ' baa gyi gewura mɔ Wurubuaare ade so mɔ.

¹⁷ Imɔso aye-naana gyangbarase Abraham gi koroge, ne mɔ-bi gi baa koroge. Ne mɔ-naana ɔbono gi koroge. Me koroge-koroge genen gyan'gyan abara so gikpadɔ gudu ginan pei ne i baa koroge Wura Deefidi. Genen kee ne Deefidi gi koroge, ne mɔ-bi gi baa koroge, ne mɔ-naana ɔbono gi baa koroge. Me koroge-koroge genen gyan'gyan abara so gikpadɔ gudu ginan pei ne Babilon awura me nyise aye Gyuda awura adedaabo kpaa kyena Babilon ɔsowole so mɔ. Genen kee ne lii ibono me kpe Babilon genen mɔ, ɔnaana ɔbono ɔ te genen owi ɔbono dɔ mɔ gi koroge, ne mɔ-bi gi baa koroge. Ne mɔ-naana ɔbono gi koroge. Me koroge-koroge genen gyan'gyan abara so gikpadɔ gudu ginan pei ne i kyu koroge ɔbono Wurubuaare gi wolaa tɔge yee ɔ laa sun de ɔ' baa gyi gewura mɔ Wurubuaare ade so mɔ.

Gyosefo Gi Kuu Oderi Wu Yesu Gekoroge Ilaa

¹⁸ Fe' nu genɔɔbono i ba ne me kyu koroge Yesu Kirisito mɔ. Imɔ ne nan baa tɔge faa. Owi ɔbono Gyosefo kya ye Yesu mɔ-nyi Mariya ne men ti de de abara mɔ, me san wu daa yee Mariya laa koroge gebii naa de Wurubuaare Oduduu mɔ so.

¹⁹ Gyosefo, Mariya mɔ-kuli mɔ, gye isa ɔbono ɔ kya gyi gesintin sa Wurubuaare, ne ɔɲ kya laare fee ɔkyii mɔ o' gyi ipeeli sansana. Imɔso o kyu gewɔnsa yee ɔ laa kine mɔ ɲara dɔ.

²⁰ ɔ kya sa genen gewɔnsa gede mɔ, ɔ naa de ginsi gide, ne Wurubuaare dɔ ɔɔɔ ɔko gi ba mɔ ase oderi dɔ, ne ɔ tɔge sa mɔ yee, "Gyosefo, Wura Deefidi mɔ-naana, gen sa fo' sele yee foɲ baa dena fo-ka Mariya. ɔto ɔbono ɔ de faa, Wurubuaare Oduduu mɔ ne n yege ne ɔ de mɔ.

²¹ ɔnyen ne ɔ laa koroge, ne fo laa yela mɔ-ginyen yee Yesu, i kya nyiile yee ɔ laa mɔlege mɔ-ade lii mɔmɔ-ilaa nyenyen giwɔra dɔ."

²² Mariya ilaa ide pewu i ba daa de i' nye kyena de Wurubuaare agyebi abono ɔ wolaa tɔge yela dedaa mɔ. ɔ wolaa tɔge imɔ yela naa de mɔ-ikalan ɔtɔgebo mɔ so yee,

²³ "ɔbono ɔ men nyi ɔnyen mɔ
laa da ɔto de ɔ' koroge gebii nyenseɛ,
ne me laa tere gemɔ yee Imanuele."

(Imanuele gese ne n gye yee "Wurubuaare bo aye ase.")

²⁴ Gyosefo gi kyingi mɔ, o kyule ilaa ibono Wurubuaare dɔ ɔɔɔ mɔ gi tɔge mɔ mɔ, ne o kyu Mariya dena.

²⁵ Mɔ-re mɔ bere, me men de ginyen de gikyii kaabore ɔ koroge gebii mɔ. Ne Gyosefo gi yela mɔ-ginyen yee Yesu.

2

Abelense Ako Me Ba De Me' Baa Faala Yesu

¹ Me koroge Yesu daa Betelehem, Gyudiya gesinkpan so owi ɔbono Herode gye Gyudiya wura mɔ. Me koroge mɔ mɔ, abelense abono me nyi agyekpebi ilaa mɔ ako me lii de owi ɔbaaliiten so ba Gyerusalem ɔsowole so.

² Me baa taase yee, "A' kere gebii gebono me koroge ne ge laa baa gyi gewura sa Gyuda awura mo. A wu gemo-gigyekpebi gi baa lii de owi obaaliiten so. Imo ne a ba de a' baa nmii gemo de a' kyu buubuu obono o gye gemo-lee mo kyu sa gemo faa."

³ Wura Herode gi nu ilaa ibono so me naa mo, i kyogede mo-gisen do. Genen kee ne i kyogede Gyerusalem awura mo pewu asen do ne.

⁴ Wura Herode gi tere Wurubuaare asunbi alaebo abelense de momo Gyuda awura nbara anmarasebo mo pewu baa gyan. Ne o taase omo yee, "Nyamese obono me nmarase mo-ilaa yela yee Wurubuaare laa sun de o' baa gyi gewura aye pewu so mo, fone ne me laa koroge mo?"

⁵ Ne me lee geno yee, "Me laa koroge mo daa Betelehem, Gyudiya gesinkpan so. I kya nyiile yee Wurubuaare gi wolaa yeye mo-ikalan otogebo oko gi nmarase Betelehem osowole mo so ilaa yela.

⁶ O nmarase yee, 'Fo, Betelehem, Gyudiya gesinkpan so osowole, Gyudiya isowole do mo, me kya kyu fo yee fon gye osowole gbaa oko. In gye genen. Fo mo do ne me laa koroge wura bele.

Mo ne nan kere Wurubuaare ade Isirale awura mo so.' "

⁷ Herode ade mo me toge mo genen mo, o tere asafo mo lii nkan, ne o taase omo de o' bii abere abono me wu gigyekpebi mo gi lii mo.

⁸ Me toge mo mo, o nyiile omo yee me' kpe Betelehem, ne o toge denge omo-ansi yee, "Fe' kpa laare gebii mo dandan. Fe wu gemo mo, fe' yeye me-aso a' nu de me kee n' kpa nmii gemo de n' kyu buubuu obono o gye gemo-lee mo sa gemo."

⁹ Asafo mo me nu Wura Herode ilaa toge me mo, ne me kyon. Me kya kpe mo, me kii wu gigyekpebi gibono me wolaa wu owi obaaliiten so mo gi gyangbara gi sa omo. Abere abono gi fo nfono gebii mo ge bo mo, gi yele.

¹⁰ Me wu gigyekpebi mo gi yele genen mo, i wora omo okon gikyo kyode.

¹¹ Me loo geten mo do, ne me wu gebii mo gemo-re gemo-nyi Mariya. Me wu gemo mo, me nmii gemo ne me kyu buubuu sa gemo. Me bugi momo-atu ne me lee ilaa boogyalonse sa gemo. Ilaa mo ne n gye sika koko de onufuii de gitikee.

¹² Imo ide gemara mo, Wurubuaare gi ka sa asafo mo odero do yee men' baa kii naa de Herode ase. Imoso me kyu de okpa banban oko kpe gewi.

Me Kyu Kyokyoo Mo Sele Kpe Igyipiti

¹³ Asafo mo me kyon mo, imo genye mo Wurubuaare do osoo oko gi ba Gyosefo ase odero do baa toge mo yee, "Koso puru gebii mo gemo-re gemo-nyi de fe' sele kpe Igyipiti gesinkpan so. Fe' kyena nno kaabore abere abono nan toge fo yee fe' kii ba. Wura Herode kya laare gebii mo imooten."

¹⁴ Imoso Gyosefo gi koso ne o puru gebii mo gemo-re gemo-nyi genye gebono sele kpe Igyipiti.

¹⁵ Me kyena nno kaabore Wura Herode gi wu'. Me kyu gebii mo kpe Igyipiti genen mo, ilaa ibono Wurubuaare gi wolaa toge yela naa de mo-ikalan otogebo mo so mo i yeye i ba gesintin. I kya nyiile yee Wurubuaare gi wolaa toge yela yee, "Ne tere me-bi lii Igyipiti gesinkpan so."

Me Moo Nbii

¹⁶ Wura Herode gi wu yee asafo mo me pene mo men' baa naa de mo ase mo, i wora mo ginyadon gikyo kyode. Imoso o sun asa, ne me kpe

Betelehem osowole mo-re mo-nsowolebi pewu ibono i kyaaboo mo mo, ne me moo nbii nyense nbono pewu gi fo nsi nnyo kyu kpelege mo. I kya nyiile yee Herode gi nu lii asafo mo ase yee gigyekpebi mo gi lii mo, imo-nsi nnyo ne.

¹⁷ Kyu naa de nbii nde lewu so ne ilaa ibono Wurubuaare ikalan otogebu Gyemaya mo gi toge yela mo i ba gesintin. I kya nyiile yee Gyemaya baare gi wolaa wu asa gikpen giko lewu ilaa toge yela yee,

¹⁸ "Me nu osulon Rama osowole so.

Ako me kya su ne me kya saawo ken-ken.

Oloobu Reekyee mo-naanaana ne n kya su ma-a sa momo-biana.

Me toge wora momo kpon. Me men nu.

I kya nyiile yee momo-biana men baa me bo no."

Me Lii Igyipiti Kpe Nasarete

¹⁹ Wura Herode lewu gemara mo, Wurubuaare do osoo oko gi baa lee mo-nyoro nyiile Gyosefo oderi do Igyipiti.

²⁰ Ne o toge mo yee, "Koso, puru gebii mo gemo-re gemo-nyi de fo' kii kpe Isirale gesinkpan so. Abono nkana me kya laare gebii mo-imooten mo me wu'."

²¹ Genen so Gyosefo gi koso puru gebii mo gemo-re gemo-nyi kii kpe Isirale gesinkpan so.

²² O fo nno mo, o nu yee Herode lewu gemara mo, mo-bi Arekilose ne n yii mo-se giyaa Gyudiya gibaafon so. O nu genen mo, i wora mo gifuu yee me' kii kpe nno kpa kyena. Ne Wurubuaare gi gya mo oderi do yee on sa o' kpe nno. Imoso me bage kpe Galeli gibaafon so.

²³ Me fo nno mo, me kpa kyena osowole oko so me kya tere mo yee Nasarete. Me kyu gebii mo kpa kyena nno genen mo, i yee ilaa ibono Wurubuaare ikalan atogebu mo me wolaa toge kyu lii gemo so mo i ba gesintin. I kya nyiile yee me wolaa toge yela yee, "Me laa tere mo yee Nasaretenyen."

3

Gyon Gi Toge Toge Sa Asa

Yee Me' Loro Momo-Gekyena Do Gyoo Wurubuaare

¹ Genen owi obono mo, Gyon obono o baa gyere asa Wurubuaare sagyere mo gi kpe o te Gyudiya gipen do o kya toge o sa abono me kya kpe mo ase mo yee,

² "Fe' nu feye-nyoro gese de fe' kyeege lii ilaa nyenyen giwora do. Ide kon ne Wurubuaare laa yee mo-gewuragi do akyenabi a' ba asa do."

³ Wurubuaare ikalan otogebu, Isaya, gi wolaa wu Gyon baare ilaa nmarase yela yee,

"Asa me laa nu oko gigyebi' gipen do

o laa kpen o kya toge yee,

'Fe' lora feye-gekyena do gyoo Wurubuaare

de o' nye naa de okpa ntintin ba feye ase.' "

⁴ Gyon gegbe suuse mo, me kyu daa gekpatitii ifuu kyu luo gemo, ne o kyu gebue owole wora liide. Mo-ilaa gyise ne n gye nkpenfuree nko oyuduu de nman.

⁵ O bo gipen mo do nno mo, asa saky me kya lii Gyusalem osowole so, Gyudiya gesinkpan pewu so, de gesinkpan gebono ge kyaaboo Gyodan obon mo pewu so me kya kpe mo ase.

6 Me kya kpaa lee ilaa nyenyen ibonoana me wɔra mo tɔge, ne o kya gyere omo Wurubuaare sagyere Gyɔɔdan obon do.

7 Farasii de Saadusii akpen do awura sakyɔ kee me kpe mo ase yee o' gyere momo Wurubuaare sagyere. Gyɔn gi wu momo genen mo, o tɔge sa momo yee, "Fe de fee awɔɔ abono a bo gibɔrɔ mo gikpen! Wurubuaare ginyadon geke mo ge kya ba. O laa biide asa nyenyen pewu giso. Imoso feye kee fe wu yee i kaabore fe' sele lii Wurubuaare ginyadon mo do?"

8 Fe' wɔra ilaa worase ibono i laa lee nyiile yee fe nu feye-nyoro gese gesintin mo daa.

9 Feɲ sa fe' pene feye-nyoro yee ibono fe kpe nye fe gye Abraham ɔpaa do asa faa so mo, Wurubuaare laa yeye kyee feye. N' tɔge feye yee Wurubuaare laa taale yeye abui ade a' bingiri Abraham ɔpaa do asa.

10 Anyamese me de fee iyii. Oyii kamaase obono oɲ kya sɔrɔ abi mo, Wurubuaare gi ti puru mo-gekyɔɔ o laa ne mo too kyu kpaa wɔra ɔgya do.

11 Me, n de daa nkyu n kya gyere feye Wurubuaare sagyere de i' lee nyiile yee fe nu feye-nyoro gese, fe laa kyeege lii feye-ilaa nyenyen giwɔra do. Obono o laa ba me-gemara mo bere, o don me ilaa kamaase do. Fee n' ba gese de n' puru mo-ayaawole keda sa mo gbaa mo, men fo. Genen kaase obono mo, Wurubuaare Oduduu de ɔgya ne o laa kyu gyere asa Wurubuaare sagyere.

12 "Kaase obono gi ti baala de o' barage ilaa dense awɔrabo lii ilaa nyenyen awɔrabo do. O laa kyu ilaa dense awɔrabo mo kyu kpaa yela mo ase de o' biide ilaa nyenyen awɔrabo mo giso gekpaa-gekpa. I laa wɔra fee genobono me kya fon ɔmolɔgo mo. Me kya kyu ɔmolɔgo abi mo yela geten dense de me' kyu afonfontee mo kpaa fue de me' yii amo ɔgya. Genen ɔgya obono men kya nu giwu'."

Gyɔn Gi Gyere Yesu Wurubuaare Sagyere

13 Nke nbono do mo ne Yesu gi lii Galeli gesinkpan so kpaa tu Gyɔn Gyɔɔdan obon mo ase yee o' gyere mo Wurubuaare sagyere.

14 Yesu gi tɔge mo genen mo, Gyɔn men laare de o' kyule. O taase Yesu yee, "Fo ne n kaabore fo' gyere me Wurubuaare sagyere. Ne fo ne n kii ba me ase yee n' gyere fo Wurubuaare sagyere?"

15 Ne Yesu gi lee geno yee, "Yee de i' ba genen abere ade do. Imo-ɔkpa so ne de a' nye wɔra ilaa ibono i gye Wurubuaare gelaare mo pewu." Yesu gi tɔge genen mo, Gyɔn gi nu gese, ne o gyere mo Wurubuaare sagyere mo.

16 O kpe gyere Yesu Wurubuaare sagyere mo ta mo, Yesu gi lii nkyu mo do. O baa diire mo-ansi kere mo, Wurubuaare do i bugi, ne o wu Wurubuaare Oduduu gi kpelege lii nno fee bonbue baa gyan' mo so.

17 Wurubuaare gi tonge lii soso yee, "Me-bi ne. Mo-ilaa i bo me-gisen do. O kya gyi me-ginsi."

4

Ilaa Nyenyen Pewu Gemu Gi Soo Yesu Idoo

1 Imo gemara mo Wurubuaare Oduduu mo gi kyu Yesu kpe gipen do de ilaa nyenyen pewu gemu mo o' nye soo mo idoo kere yee o laa nye mo de o' nu mo ase?

2 Yesu bo gipen mo do mo, o nminde geno toloowi kalaade genen-n nke ikue-inyo. Nke ikue-inyo mo gemara mo, akon a kya mo do mo.

³ Nfono mɔ, ilaa nyenyen gemu mɔ, mɔ ɔbono ɔ kya soo anyamese idoo mɔ, gi ba mɔ ase baa tɔge mɔ yee, “Nengyene gesintin fo gye Wurubuaare mɔ-bi mɔ, tɔge abui ade yee a' bingiri agyudo.”

⁴ Yesu gi kine, ne ɔ tɔge sa mɔ yee, “Me nmarase Wurubuaare agyebi ɔwole mɔ do yee,

‘I men gye agyudo wole so ne nyamese laa nye gekyena;
i gye daa Wurubuaare geno do gigyebi kamaase so.’ ”

⁵ Lii nfono mɔ, ilaa nyenyen pewu gemu mɔ gi kyu Yesu kpe Gyerusalem ɔsowole ɔbono Wurubuaare gi lɔɔ yela sa mɔ-ɔson mɔ. Me fo nno mɔ, ilaa nyenyen pewu gemu mɔ gi kyu Yesu gyan' Wurubuaare ɔson obu mɔ nfono i bo lege-lege mɔ,

⁶ ne o kii soo mɔ ɔdoo kere yee, “Nengyene fo gye Wurubuaare mɔ-bi gesintin mɔ, lee fo-nyoro kpaa too gese; Wurubuaare agyebi ɔwole mɔ do mɔ, i tɔge yee,

‘Wurubuaare laa tɔge sa mɔ Wurubuaare do isoo mɔ yee me' kere fo so.’
Ne

‘me laa kɔole fo. Gisidi gbaa fo man sidi.’ ”

⁷ Yesu gi kine, ne ɔ lee geno yee, “Wurubuaare agyebi mɔ kee a tɔge yee, ‘Gen sa fo' daase fo-Wura Wurubuaare kere yee ɔ laa wɔra fo-gelaare sa fo.’ ”

⁸ Yesu gi kii kine genen mɔ, ilaa nyenyen pewu gemu mɔ gi kyu Yesu kpe gibii bele giko gimu so, ne ɔ yege Yesu gi wu gesinkpan so isowole kpei-kpei pewu imɔ-re imɔ-nyisigyɛ mɔ.

⁹ O nyiile Yesu genen mɔ, ne o kii soo Yesu ɔdoo kere yee, “Nengyene fo laa nmii de fo' kyu buubuu son me mɔ, nan kyu ilaa ibono ne nyiile fo faa pewu sa fo.”

¹⁰ Nfono mɔ Yesu gi lee geno kine yee, “Lii me ase, ilaa nyenyen pewu gemu! Me nmarase Wurubuaare agyebi ɔwole mɔ do yee,

‘Nmii de fo' kyu buubuu sa fo-Wura Wurubuaare.

Mɔ-wole guan ne i kaabore fo nyamese fo' son.’ ”

¹¹ Yesu gi lee geno genen mɔ, ilaa nyenyen pewu gemu mɔ gi taa mɔ yege, ne Wurubuaare do isoo me kpe mɔ ase kpaa kere mɔ so.

Yesu Gi Kyon Kpe Galeli

¹² Yesu gi nu yee me keda Gyɔn tii de obu mɔ, ɔ lii nfono kyon kpe Galeli gesinkpan so.

¹³ Ŋ baa kyena Nasarete ɔsowole so. Ŋ kyon kpaa kyena Kapɛniyon ɔsowole ɔbono ɔ bo Galeli ɔbon bele mɔ gigengen giko so. Genen gigengen gibono gi bo de Sebulun de Nafitali nsinkpan so.

¹⁴ Ŋ kpaa kyena nno daa de asa abono me bo nno mɔ me' nye Wurubuaare fatela ɔbono Isaya dare mɔ-ɔwole do mɔ. Isaya gi wɔra Wurubuaare ikalan ɔtɔgebo. Mɔ-ɔwole mɔ do mɔ, ɔ tɔge

¹⁵ yee

“Fe' nu Sebulun de Nafitali nsinkpan so asa ilaa.

Genen gesinkpan gebono ge bo de Gyɔɔdan ɔbon gibenbe giko so
kyu kpe de Galeli ɔbon bele mɔ ase.

Asa sakyɔ abono me men kya son Wurubuaare mɔ
me te saare Gyuda awura do Galeli nno.

¹⁶ Asa abono me te ilaa nyenyen gibiri do mɔ
me laa nye Wurubuaare fatela o' wu ɔmɔ hayin.

Gesinkpan so nfono me men nyi Wurubuaare ase gekyena ɔkpa mɔ,

ide kon gedε ge laa ke mɔmɔ.”

¹⁷ Lii owi obono Yesu gi kpe Galeli mɔ, o yii gese ɔ kya tɔge ɔ kya sa asa yeε, “Fe' nu feye-nyoro gese de fe' taa feye-ilaa nyenyen giwɔra yege. Ide kon ne Wurubuaare laa yege mɔ-gewuragi dɔ akyenabi a' ba asa dɔ ne.”

Yesu Gi Yii Gese ɔ Kya Leε Mɔ-Akasebo

¹⁸ Geke gedε mɔ, Yesu naa Galeli obon bele mɔ gigengen so mɔ, o wu iken alebo anyɔ ako, Simon Piita mɔ-rε mɔ-tede Andiru, me kya too asewu.

¹⁹ Yesu gi wu mɔmɔ mɔ, ɔ tɔge sa ɔmɔ yeε, “Fe' baa buu me de fe' wɔra me-akasebo. Ne wu yeε nkana fe gye iken alebo. Npere bere nan yege fe' san laare daa asa de me' nye Wurubuaare ase gekyena.”

²⁰ ɔ tɔge sa mɔmɔ genen mɔ, ayaa abono so mɔ, me taa mɔmɔ-asewu mɔ yege, ne me naa buu mɔ.

²¹ Me naa kpe ansi dɔ ηmaraa mɔ, o kii wu onyen oko mɔ-rε mɔ-tede, Gyeemesi de Gyɔn, Sebedi mɔ-biana. O wu mɔmɔ mɔ, mɔmɔ-rε mɔmɔ-se me bo gikolii dɔ me kya lɔrɔ mɔmɔ-asewu, ne ɔ tɔge mɔmɔ yeε me' baa wɔra mɔ-akasebo.

²² Ayaa abono so mɔ, me taa mɔmɔ-gikolii mɔ de mɔmɔ-se yege, ne me naa buu mɔ.

Yesu Gi Nyiile Asa Wurubuaare Okalan Mɔ Ne ɔ Kye Alobo

²³ Yesu gi kingi de Galeli gesinkpan so pewu ɔ kya tɔge Wurubuaare okalan konkonse mɔ ɔ kya sa asa. Wurubuaare gewuragi dɔ akyenabi mɔ ilaa ne ɔ de ɔ kya nyiile ɔmɔ genen. ɔ naa mɔmɔ Gyuda awura akyangbon dɔ ɔ kya nyiile asa, ne ɔ naa asa mɔ dɔ ɔ kya kye mɔmɔ-alɔbi kpei-kpei kamaase.

²⁴ Mɔ-ilaa wɔrase i kpaa nu gyan' de Siiriya gesinkpan so, imɔso asa me sola mɔmɔ-alɔbo pewu ba mɔ ase. Alɔbo mɔ me kya lɔ alɔbi nyenyen de alɔbi kpei-kpei. Ako me kya lɔ gilo tɔrase ne ako me gye ɔtegešana, ne ɔ kye mɔmɔ pewu. ɔ kosore ilaa nyenyen oduduu kpei-kpei lii ako so kee.

²⁵ Sakkpii bele naa o buu mɔ. Ako me lii Galeli, ne ako me lii Isowole Gudu gesinkpan so. Ako me lii Gyerusalem de isowole sense ibono i bo Gyudiya gesinkpan mɔ so. Ako kee me lii gesinkpan gebono ge bo Gyɔɔdan obon gibenbe giko mɔ so.

5

Yesu Gi Nyiile Asa Ilaa Gibii Giko So

¹ Yesu gi wu sakkpii bele mɔ mɔ, ɔ dii kpe gibii giko so, ne ɔ kpelege kyena. Mɔ-akasebo mɔ me baa kyena kyaabɔɔ mɔ,

² ne o yii gese ɔ kya nyiile ɔmɔ ilaa yeε,

³ “Amudensebo ne n gye abono ilaa i tiri mɔmɔ ne me kere daa Wurubuaare mɔ.

Wurubuaare gewuragi dɔ akyenabi a gye mɔmɔ-leε.

⁴ Amudensebo ne n gye asa abono mɔmɔ-asen dɔ i kya deε mɔmɔ mɔ. Wurubuaare laa yege mɔmɔ-asen a' tɔrɔ mɔmɔ.

⁵ Amudensebo ne n gye asa abono me kya bara mɔmɔ-nyoro gese mɔ.

Mɔmɔ ne nan baa nye gesinkpan mɔ so gekyena gebono Wurubuaare gi ka yela sa mɔ-ade mɔ.

⁶ Amudensebo ne n gye asa abono me kya laare me' gyi gesintin sa Wurubuaare

ne i kya tiri mɔmɔ feε akon abεε bolefo ne n de ɔmɔ mɔ.

Wurubuaare laa kpaa mɔmɔ de me' taale gyi gesintin sa mɔ.

⁷ Amudensebo ne n gye asa abono me kya su asa gitolon mɔ.

Wurubuaare laa su mɔmɔ gitolon kee.

⁸ Amudensebo ne n gye asa abono mɔmɔ-asen dɔ i fuuli mɔ.
Mɛ laa nye wu Wurubuaare de mɔmɔ-ansi.

⁹ Amudensebo ne n gye asa abono mɛ kya bara gisen yuuli asa dɔ mɔ.
Wurubuaare laa tere mɔmɔ yɛɛ mɔ-biana gesintin.

¹⁰ Amudensebo ne n gye asa abono mɛ kya gyi gesintin sa Wurubuaare,
ne ako mɛ kya ka mɔmɔ-ansi kyu lii imɔ so mɔ.
Wurubuaare gewuragi dɔ akyenabi a gye mɔmɔ-lɛɛ.

¹¹ Amudensebo ne n gye fɛye abono fɛ gye me-akasebo
ne me so ne asa mɛ kya saale fɛye,
ne mɛ kya ka fɛye-ansi,
ne mɛ kya kɛɛ abon kpɛi-kpɛi ma-a gyan fɛye so.

¹² Fɛ' yɛɛ i' wɔra fɛye ɔkon de fɛ' kyaa.

I lii fɛɛ Wurubuaare ntɛɛla belɛ gi dɛ sa fɛye Wurubuaare dɔ.

Fafaanan ne mɛ ka Wurubuaare ikalan atɔgebo
abono mɛ kyena kyena kyon mɔ ansi kee ne."

Yesu Akasebo Mɛ Dɛ Fɛɛ Nfɔlɛ De Fatela

¹³ Yesu gi da gikpale sa mɔ-akasebo mɔ yɛɛ, "Fɛ dɛ fɛɛ nfɔlɛ sa gesinkpan so asa. Ne fɛɛ nfɔlɛ gi ta nmɔ-ɔkon mɔ, nne ne fɛ laa wɔra de gi' kii wɔra ɔkon? Nmɔ-agan a ta. Mɛ laa too nmɔ fue daa de asa mɛ' kyise nmɔ de yaa.

¹⁴ "Fɛ dɛ fɛɛ fatela sa gesinkpan so asa. Fɛye so mɔ, asa mɛ laa bii Wurubuaare gesintin ɔkpa mɔ kusaa fɛɛ genɔɔbono ɔsowolɛ gyan gibii so ne ɔŋ kya ŋara mɔ.

¹⁵ Ɔko mɛŋ bo no ɔ laa nyɔga fatela de o' kyu fɛɛ gelɔbi bun mɔ so. Ɔ laa kyu kyɔlɔga daa de i' nye wu ɔkamaase ɔbono ɔ bo geten mɔ dɔ mɔ.

¹⁶ Genen kee ne i kaabore fɛ' yɛɛ fɛye-idense ibono fɛ kya wɔra mɔ i' wɔra fɛɛ fatela de asa mɛ' nye wu de mɛ' yen fɛye-sɛ Wurubuaare ɔbono ɔ bo soso mɔ.

Yesu Anyiilebi Kyu Lii Mosisi Nbara Mɔ So

¹⁷ "Fɛ nyi yɛɛ nɛ ba de n' baa kyɛɛɛ Mosisi nbara mɔ abɛɛ ilaa ibono Wurubuaare ikalan atɔgebo mɔ mɛ tɔge yela mɔ daa? Kuaa, nɛ ba daa de n' baa yɛɛ i' ba fɛɛ genɔɔbono mɛ ŋmarase yela mɔ.

¹⁸ Gesintin ne n' kya tɔge fɛye faa, fɛɛ genɔɔbono Wurubuaare dɔ iŋ tii yela ɔkara faa mɔ, Wurubuaare nbara nbono ɔ yela mɔ, ba-a nmɔ-gigyebi kolon gi maŋ kyɛɛɛ kaabore ilaa kamaase ibono mɛ ŋmarase yela mɔ i ba gesintin.

¹⁹ Lii genen so mɔ fo ɔbono fo laa tɔge yɛɛ nbara nko giŋ tiri ne fo maŋ gyi nmɔ so mɔ, fo kee fo maŋ wɔra nyamesɛ tirisɛ Wurubuaare gewuragi gekyena mɔ dɔ. Ne fo ɔbono fo nyiile asa kee yɛɛ iŋ tiri yɛɛ mɛ' gyi Wurubuaare nbara mɔ nko so mɔ, fo kee fo maŋ wɔra nyamesɛ tirisɛ Wurubuaare gewuragi gekyena mɔ dɔ. Fo ɔbono, mɔ, fo laa gyi nmɔ so ne fo laa nyiile asa yɛɛ mɛ' gyi nmɔ so mɔ, fo ne nan wɔra nyamesɛ tirisɛ Wurubuaare gewuragi gekyena mɔ dɔ.

²⁰ N' tɔge fɛye yɛɛ nengyene fɛ maŋ gyi gesintin don ibono nbara aŋmarasebo mɔ de Farasiil awura mɔ mɛ kya wɔra mɔ, fɛ maŋ nye Wurubuaare gewuragi dɔ gekyena mɔ kpa-a.

Yesu Ilaa Nyiilese Kyu Lii Ginyadon So

21 “Ɛe nu yee dedaa mo, Wurubuaare nbara anmarasebo mo me toge yee,

‘Ɛen sa fe' mo isa. Obono o mo isa mo,
me' kperere mo nbele agyibo ase.’

22 Mi-i me mo, n kya toge mi-i tigi feye yee fo okamaase obono fo kpe nye soɔ ginyadon wɔra fo-nanbo gbaa mo, me' kperere fo nbele agyibo ase. Fo obono fo saale fo-nanbo yee on bo giko do mo, me' kperere fo nbele agyibo abelense ase. Obono, mo, o laa toge sa mo-nanbo yee on bo asa do mo, mo bere, o kya sa mo-nyoro okpa de o' kpe ogya obono Wurubuaare kya biide ilaa nyenyen aworabo giso mo do ne.

23-24 “Lii imo ide so mo, nengyene fo oko fo kpe Wurubuaare asunbi oleeten fo' kpaale ase asunbi ne fo nyingi yee fo toro fo-nanbo so mo, taa fo-asunbi ato mo yee nno de fo' kpe de fo-re fo-nanbo mo fe' kpaale toge lɔro pei de fo' loo kii baa lae genen asunbi abono sa Wurubuaare.

25 Nengyene oko gi tere fo oko nbele ne fe kya kpe nbele mo ogyiten mo, fe' wolaa toge lɔro okpa do nno pei de fe' loo loo. I men gye genen mo, fonbii o laa kyu fo kpe nbele ogyibo mo ase de obono, mo, o' kyu fo kpaale wɔra ngbe awura obelense abaa do de o' keda fo tii de obu.

26 Gesintin ne n' kya toge feye faa, me keda fo tii de obu genen mo, fo laa sii nno genen-n kpaale fo owi obono okara me' wu yee fo ka fo-ilaa nyenyen giko mo ta, pei de me' loo tigi fo.

Yesu Ilaa Nyiilese Kyu Lii Gedena Genyida So

27 “Ɛe nu me naa kyena toge yee,

‘Ɛen sa fo' lii fo-ka abee fo-kuli gemara.’

28 Mi-i me mo, n kya toge mi-i sa feye yee fo obono fo wu okyii ne fo sa gewonsa yee fo nye mo, fo laa laare mo mo, fo ti nyida gedena ne.

29 “Nengyene fo oko fo gyise ginsi gi kya wu ilaa ne i kya yee fo kya wɔra ilaa nyenyen mo, logede gimɔ lae fue! Fo-nyoro geteeko i lii giden ne fo nye kyena Wurubuaare ase mo, i boran don ibono Wurubuaare laa kyu fo-nyoro gimumuli too wɔra ogya do mo.

30 Ne fee fo gyise gibaa ne n kya yee fo kya wɔra ilaa nyenyen mo, kebi gimɔ fue. Fo-nyoro geteeko i lii giden ne fo nye kyena Wurubuaare ase mo, i boran don ibono Wurubuaare laa kyu fo-nyoro gimumuli too wɔra ogya do mo.

Yesu Ilaa Nyiilese Kyu Lii Okyii Gikine Ilaa So

31 “Genen kee ne me naa kyena toge yee,

‘Obono o laa kine mo-ka mo, i kaabore o' sa mo gikine owole.’

32 Mi-i me mo, n kya toge mi-i sa feye yee nengyene i men gye yee fo-ka gi lii fo-gemara daa so ne fo kine mo ne okyii mo gi kpaale dena obanban mo, fo ne n yee mo o nyida gedena genen. Ne onyen obono o dena genen okyii obono mo, mo, kee gi toro Wurubuaare gelaare adenabi nbara. Wurubuaare kya kyu imo yee oko mo-ka ne o laare genen.

Yesu Ilaa Nyiilese Kyu Lii Ntan Gika So

33 “Genen kee ne fe nu yee dedaa mo nbara anmarasebo mo me toge sa asa yee,

‘Nengyene fe ka ntan sa Wurubuaare mo,
fe' gyi nmo so; fen sa fe' yee i' gbang.’

³⁴ Mi-i me mɔ, n kya tɔgɛ fɛyɛ yɛɛ, ntan ne n gye ntan, fɛɲ sa fɛ' ka. Fɛɲ sa fɛ' ka yɛɛ 'a kerɛ fɛɛ soso,' i lii fɛɛ soso nno mɔ, i gye Wurubuaare gewura gegyapaa.

³⁵ Fɛɲ sa fɛ' tɔgɛ yɛɛ 'a kerɛ fɛɛ gesinkpan.' Gesinkpan ne n gye Wurubuaare ayaa okyiseten. Fɛɲ sa fɛ' ka yɛɛ 'a kerɛ fɛɛ Gyerusalem.' Wurubuaare gye Wura beɛ sa ɔkamaase, ne Gyerusalem ne n gye mɔ-ɔsowole gbaa' gesinkpan gedɛ so.

³⁶ Fɛɲ sa fɛ' ka yɛɛ 'a kerɛ fɛɛ aye-amu'. I kya nyiile yɛɛ fɛ maɲ taale yɛgɛ fɛyɛ-amu ɔman kolon o' fuuli abɛɛ o' biiri.

³⁷ Fɛ' yɛgɛ fɛyɛ-'ɛn' ɔ' wɔra 'ɛn', de fɛyɛ-'kuaa' ɔ' wɔra 'kuaa'. Ilaa ibono i laa kii bɔla imɔ ide so mɔ, i laa lii daa ɔbonsan, nyamesɛ nyenyɛn mɔ ase.

Yesu Ilaa Nyiilese Kyu Lii Akyobo So

³⁸ "Mɛ kii tɔgɛ sa adedaabo mɔ yɛɛ,

'ɔbono ɔ boori mɔ-nanbo ginsi mɔ, mɛ' boori mɔ-lɛɛ kee ka gikɔ. ɔbono ɔ kyigi mɔ-nanbo ginyi mɔ, mɛ' kyigi mɔ-lɛɛ kee ka gikɔ.'

³⁹ Me, mɔ, n kya tɔgɛ mi-i sa fɛyɛ yɛɛ nengyene ɔko gi wɔra fo ɔko ilaa nyenyɛn mɔ, gɛɲ sa fo' kyu ilaa nyenyɛn ka mɔ gikɔ. ɔko gi da fo ɔtan gyisɛ so mɔ, kiseɛ benɛ-lɛɛ mɔ kee sa mɔ de o' kii da.

⁴⁰ Fo de ɔko gikɔ ne ɔ tɛrɛ fo nbeɛ, ne yɛɛ ɔ laa kyu fo-gegbe kyu yii giyaa mɔ, tɛsɛ kyu fo awo gegbe kee bɔla mɔ.

⁴¹ ɔko gi nyise fo yɛɛ fo' sola mɔ-gesola sa mɔ gikpaaten kolon mɔ, sola sa mɔ de fo-rɛ mɔ fɛ' naa akpaaten anyɔ.

⁴² ɔko gi kolɛ fo ilaa iko ne fo bo mɔ, sa mɔ. Ne ɔko kya laare de ɔ' paa fo ilaa iko ne fo bo imɔ mɔ, paa mɔ.

⁴³ "Fɛ nu mɛ tɔgɛ gedɛ geko yɛɛ,

'Fɛ' laare fɛyɛ-nanboana ilaa de fɛ' kyo fɛyɛ-akyobo.'

⁴⁴ Me berɛ n kya tɔgɛ fɛyɛ yɛɛ fɛ' laare fɛyɛ-akyobo kee ilaa de fɛ' dala sa asa abono mɛ kya ka fɛyɛ-ansi mɔ.

⁴⁵ Fɛ kya wɔra genen mɔ, fɛ laa wɔra fɛyɛ-sɛ ɔbono ɔ bo soso mɔ mɔ-biana. I lii fɛɛ Wurubuaare kya yɛgɛ owi kya lii sa anyamesɛ dɛnsɛ de anyenyɛn pɛwu. ɔ kya yɛgɛ nyangbon kya da sa abono mɛ kya gyi gesintin sa mɔ de abono mɛɲ kya gyi gesintin sa mɔ mɔ pɛwu.

⁴⁶ Fɛ kya laare asa abono mɛ kya laare fɛyɛ-ilaa wole mɔ, nne so ne Wurubuaare laa tɛɛla fɛyɛ? Lenpoo asɔbo abono mɛ kya kudi asa gyi mɔ gbaa kee mɛ kya laare daa abono mɛ kya laare mɔmɔ-ilaa mɔ.

⁴⁷ Nengyene fɛ kya faala daa fɛyɛ-subuana wole mɔ, fɛ wɔra ilaa don asa sɛnsɛ mɔ ne? Gesinkpan so asa kpɛi-kpɛi abono mɛ mɛɲ kya son Wurubuaare mɔ gbaa mɛ kya faala mɔmɔ-subuana genen.

⁴⁸ Imɔso fɛ' yɛgɛ fɛyɛ-ginyamesɛ dɛnsɛ gi' ta gudu fɛɛ gɛnɔɔbono fɛyɛ-sɛ Wurubuaare-lɛɛ gi ta gudu mɔ.

6

Gidense Awɔrabi

¹ "Fɛ laa wɔra gidɛnsɛ mɔ, fɛ' kerɛ fɛyɛ-nyoro so doɔdan de in sa i' ba yɛɛ asa so ne fɛ kya wɔra de mɛ' wu de mɛ' yen fɛyɛ. Nengyene genen ne n gye fɛyɛ-nwɔnsa mɔ, fɛ maɲ baa nye ntɛɛla nko lii fɛyɛ-sɛ Wurubuaare ɔbono ɔ bo soso mɔ ase.

² Fɛɛ fɛ wɔra idɛnsɛ sa ayɛnbo mɔ, fɛɲ sa fɛ' kyu imɔ kyu da gikpengboo. Genɛn nɛ abono mɛ kya diirɛ mɔmɔ-nyoro mɔ mɛ kya wɔra mɔmɔ-akyangbon dɔ de sansana de asa mɛ' nyɛ yɛn mɔmɔ nɛ. Mɛ wɔra genɛn mɔ, ntɛɛla nbono mɛ laa nyɛ mɔ pɛwu nɛ.

³ Nɛngyɛnɛ fo kyu bɛɛ wɔra gidɛnsɛ sa yɛnbo mɔ, gɛɲ yɛgɛ de gyisɛ ɔ' bii

⁴ de genɛn gidɛnsɛ gibono fo wɔra mɔ giɲ sa gi' lii gɛwi. I ba genɛn mɔ, fo-sɛ Wurubuaarɛ ɔbono ɔ kya wu asiiri dɔ mɔ nɛ nan tɛɛla fo.

Adalaabi

⁵ “Fɛ laa dalaa kee mɔ, fɛɲ sa fɛ' wɔra fɛɛ asa abono mɛ kya son Wurubuaarɛ ansi so giyan mɔ. Mɛ kya dalaa mɔ, mɔmɔ-ilaa laarɛsɛ nɛ n gye yɛɛ mɛ' kpaɛ yɛɛ mɔmɔ-akyangbon dɔ abɛɛ sansana de nyamɛsɛ kamaasɛ ɔ' nyɛ wu mɔmɔ yɛɛ mɔmɔ nɛ n yɛɛ mɛ kya dalaa faa. Gɛsintin nɛ n' kya tɔgɛ fɛyɛ faa, mɛ kya wɔra genɛn mɔ, ntɛɛla nbono mɛ laa nyɛ mɔ pɛwu nɛ.

⁶ Fɛyɛ bɛrɛ, fo ɔko fo laa dalaa mɔ, loo fo-obu dɔ de fo' tii gisin wɔra fo-nyoro de fo' dalaa sa fo-sɛ Wurubuaarɛ ɔbono asa mɛɲ kya wu mɔ de ansi mɔ. Mɔ ɔbono ɔ kya wu asiiri dɔ mɔ laa nu fo-gɛdalaa.

⁷ “Fɛ laa dalaa mɔ, fɛɲ sa fɛ' tɔgɛ ilaa kolon fɛ kya kpe fɛ kya ba bolobolo. Genɛn nɛ asa abono mɛɲ nyi Wurubuaarɛ agyɛbi mɔ mɛ kya dalaa nɛ. Mɔmɔ asɛ mɔ mɛ nyi daa yɛɛ nɛngyɛnɛ mɛ kya dalaa ilaa kolon mɛ kya kpe mɛ kya ba bolobolo genɛn mɔ, imɔ nɛ nan yɛgɛ mɔmɔ-ikpɛrɛ i' nu mɔmɔ asɛ.

⁸ Fɛyɛ bɛrɛ, fɛɲ sa fɛ' wɔra fɛɛ mɔmɔ. Pɛi de fɛ dalaa mɔ, fɛyɛ-sɛ Wurubuaarɛ ti o nyi ilaa ibono i tiri fɛyɛ mɔ.

⁹ “Imɔso ɔkpa ɔbono so fɛ laa kyu dalaa mɔ nɛ n gye yɛɛ: ‘Aye-sɛ, fo ɔbono fo bo soso,

yɛgɛ asa mɛ' buu fo yɛɛ fo-nkon nɛ n gye Wurubuaarɛ.

¹⁰ Yɛgɛ fo-gɛwuragi dɔ akɛnabi a' ba asa dɔ.

Yɛgɛ fo-gɛlaarɛ gɛ' wɔra gɛsinkpan so,

fɛɛ gɛnɔɔbono fo-gɛlaarɛ gɛ kya wɔra soso fo asɛ nno mɔ.

¹¹ Sa aye ndɛ gɛkɛ gɛdɛ-lɛɛ ilaa gyisɛ.

¹² Kyu aye-ilaa nyɛnyɛn kyu kyɛɛ aye

fɛɛ gɛnɔɔbono aye kee a kyu ilaa nyɛnyɛn ibono asa mɛ wɔra aye mɔ kyu kyɛɛ ɔmɔ mɔ.

¹³ Kpaɛ aye de ilaa iko iɲ sa i' nyɛ aye pɛnɛ de a' wɔra ilaa nyɛnyɛn.

Mɛɲ sa fo' yɛgɛ de a' loo ilaa nyɛnyɛn pɛwu gɛmu mɔ abaa dɔ.

[I lii fɛɛ gɛwuragi, ɔlon, de nyisigyɛ

i gye daa fo-lɛɛ gɛkpaɛ-gɛkpaɛ. I' ba genɛn.]’

¹⁴ “Nɛngyɛnɛ fɛ kyu asa ilaa nyɛnyɛn ibono mɛ wɔra fɛyɛ mɔ kyu kyɛɛ ɔmɔ mɔ, fɛyɛ-sɛ ɔbono ɔ bo soso mɔ kee laa kyu fɛyɛ-lɛɛ ilaa nyɛnyɛn kyu kyɛɛ fɛyɛ.

¹⁵ Nɛngyɛnɛ fɛ maɲ kyu asa ilaa nyɛnyɛn kyɛɛ mɔmɔ mɔ, fɛyɛ-sɛ Wurubuaarɛ kee maɲ kyu fɛyɛ-lɛɛ ilaa nyɛnyɛn kyu kyɛɛ fɛyɛ.

Gɛnɔ Anmindebi

¹⁶ “Fɛ laa nminde gɛnɔ kee mɔ, fɛ mɛɲ sa fɛ' bɔɔda. Genɛn nɛ asa abono mɛ kya son Wurubuaarɛ ansi so giyan mɔ mɛ kya wɔra nɛ. Mɛ kya taa mɔmɔ-nyoro yɛgɛ de ɔkamaasɛ gi nyɛ nɛ o wu mɔmɔ mɔ ɔ' nyɛ bii yɛɛ mɛ nminde nno. N kya tɔgɛ fɛyɛ gɛsintin yɛɛ mɛ kya wɔra genɛn mɔ, ntɛɛla nbono mɛ laa nyɛ mɔ pɛwu nɛ.

17 Feye bere fo oko fo laa nminde genɔ mɔ, foro fo-ansi de fo' pubuu fo-gimu

18 de oko-re oko ɔ men sa ɔ' bii yee fo nminde genɔ. Genen mɔ, fo-se Wurubuaare obono asa men kya wu de ansi mɔ wole ne ɔ' bii sa fo. Mɔ obono ɔ kya wu asiiri dɔ mɔ ne nan tee la fo.

Fe' Kyu Feye-Ansi Gyan' Wurubuaare Dɔ Ilaa So

19 Fe men sa fe' baala ato yela sa feye-nyoro gese gere.

Gerena mɔ ntakpenbi gi laa nyida amɔ abee a laa kuu ideri abee iyu me laa boori loo puru koso.

20 Fe' wɔra idense gese gere de fe' kpaa nye imɔ so ntee la Wurubuaare dɔ. Wurubuaare dɔ-lee ntee la bere, ntakpenbi gin kya nyida imɔ ne in kya kuu ideri

ne iyu men kya nye boori loo nno kpaa puru.

21 I lii fee nfono feye-ato a bo mɔ

nfono kee ne feye-nwɔnsa gi bo.

22 "Feye-nwɔnsa gi boran mɔ, fe de fee obono mɔ-ansi a boran mɔ. Feye-ansi a boran mɔ, fe laa wu ilaa kamaase.

23 Ne fee feye-ansi an boran mɔ, feye-ilaa kamaase i bo daa gibiri dɔ. Ngyene feye-gewɔnsa gebono ge kya yege fe kya nu ilaa gese mɔ ge nyida mɔ, fe laa wɔra fee agyaatanbo. Fe laa tansi kyena gibiri dɔ sirim!

24 "Nyamese oko men bo no ɔ laa taale son awura anyɔ. ɔ laa laare oko ilaa de ɔ' kyo oko, abee ɔ laa buu oko, ne ɔ man kyu obanban mɔ tere sei. Fe man taale son Wurubuaare de fe' kii son aterenbi.

Fen Sa Fe' Suili Kyu Lii Feye-Gekyena Dɔ Ilaa Tirise So

25 "Imɔso n kya tɔge mi-i sa feye yee fen sa fe' suili kyu lii feye-gekyena dɔ ilaa tirise so, fee ilaa ibonoana fe laa gyi abee fe laa nun abee fe laa kyu gyan' feye-nyoro so mɔ. Wurubuaare obono ɔ sa feye nkpa mɔ man taale sa feye agyudɔ kee? Obono ɔ sa feye nyoro gibi mɔ man taale sa feye ilaa ibono fe laa kyu gyan' feye-nyoro so mɔ?

26 Fe' taa laa ansi kere nbuii. Gin kya duu, gin kya tee, ne gin bo agyudɔ ikoolayelaten. Imɔ-re imɔ genen gbaa faa, feye-se obono ɔ bo soso mɔ kya sa mɔmɔ agyudɔ owi kamaase dɔ. Ne feye mɔ de-e? Fe men nyi yee fe don nbuii gbaa bun?

27 Feye dɔ ane ne nan sa gewɔnsa mɔ-nyoro so de ɔ' taale kyu ba-a geke kolon bola mɔ-nkpa so?

28 "Ne meneto so ne fe kya suili ilaa ibono fe laa kyu gyan' feye-nyoro mɔ so? Fe' laa ansi kere genɔobono iyii i kya wɔra afototo mɔ. In kya wɔra gesun, ne in kya luo akuru sa imɔ-nyoro.

29 Imɔ genen gbaa mɔ, n kya buu mi-i sa feye yee, Wura Solomon mɔ-re mɔ-awuratɔ pewu mɔ, ɔ men nye akuru abono a wɔra ɔdan fo genen afototo ade.

30 Iyii ibono i kya bingiri nya mɔ gbaa ne Wurubuaare kya gyere imɔ lɔrɔ kanpe faa. Feye anyamese ne ɔ laa lee ansi yege de fe' naa gibolonbukpan? O, feye asa ade! Gisɔgyi gibono fe bo sa Wurubuaare mɔ gin kyo.

31 Fen baa suili yee, 'Mene ne a laa gyi? Mene ne a laa nun? Mene ne a laa kyu gyan' aye-nyoro so?'

32 Asa abono me men nyi Wurubuaare agyebi mɔ ansi ne n kya peere genen ilaa ideana so. Feye-se obono ɔ bo soso mɔ nyi yee i tiri feye.

³³ Feye bere, fe' laare daa genooono Wurubuaare gewuragyi do akyenabi a laa ba asa do mo de fe' nyanga ansi gyi gesintin sa Wurubuaare. Fe ti fe kya wora genen mo, Wurubuaare laa yege ilaa sence ideana pewu kee i' yii feye-abaa.

³⁴ Imoso fe men sa fe' suili kyu lii oke-lee so. Oke geke mo ge laa bara gemo-lee. Imoso in kaabore fe' baa kyu oke-lee gikpon kyu too nde-lee gikpon so.

7

Yesu Gi Nyiile Asa Yee Me Men Sa Me' Toge Yee Oko Men Boran

¹ "Fen sa fe' kere oko ilaa worase de fe' toge yee on boran de Wurubuaare kee o men' kere feye-ilaa worase toge yee fen boran.

² Genooono okara fe kya kyu toge yee feye-nanboana men boran mo, genen kee ne Wurubuaare laa kyu toge yee fen boran ne. Okpa oono so fe laa kyu bun feye-nanboana gipuee mo, Wurubuaare laa kyu genen okpa oono so kee bun feye gipuee.

³ Men n wora so ne fo kya wu fo-nanbo ilaa nyenyen pii ibono o kya wora mo toge ne fon kya wu fo-lee ibele ide? I de daa fee fo wu gikpara gi bo oko ginsi do, ne fon kya wu yee gegyakpaabi ge taa fo-lee do.

⁴ Nne so ne fo laa toge sa fo-nanbo yee, 'O, me-nanbo, kere, gikpara gi bo fo-ginsi do. Yege n' lee gim o sa fo.' --Yege gegyakpaabi ge taa fo-lee do?

⁵ O, gikereansi anyamese! Fe' lee ngyakpaabi nbono gi taa feye-ansibi do mo de fe' nye wu doandan kpa lee akpara abono a bo feye-nanboana lee ansi abi do mo.

⁶ "Fen sa fe' kyu Wurubuaare okalan mo kpa toge sa asa abono Wurubuaare gelaare ilaa giwora in fe momo-giso mo. Genen asa abono me de daa fee igyoono kpense. Fe wora genen mo, me laa kyu ginyadon kisee dun feye. I de daa kee fee fe kyu awurato too sa akuuri. Me laa kyise-kyise amo daa nugidi gian.

Fe' Kole Wurubuaare

⁷ "Fe' dalaa kole Wurubuaare; o laa sa feye. Fe laare mo, fe laa nye. Fe nme Wurubuaare gisin mo, o laa tigi feye.

⁸ I kya nyiile yee okamaase oono o kpe o kya kole Wurubuaare mo, o laa sa mo. Ne oono o kpe o kya laare mo, o laa nye, ne oono mo, o kpe o kya nme Wurubuaare gisin mo, o laa tigi mo.

⁹ Feye do ose omo ne n bo no yee mo-bi laa kole mo bodobodo de o' kyu daa gibui kyu sa mo?

¹⁰ Abee mo-bi laa kole mo oken de o' kyu daa giwo sa mo?

¹¹ Feye abono fe gye ilaa nyenyen awura mo gbaa ne n kya bii kyu ilaa dense kyu sa feye-biana faa. Meneto so ne aye-se oono o bo soso mo man kyu ilaa dense kyu sa asa abono me kya kole mo mo?

¹² "Genooono fe kya laare fee asa me' wora sa feye mo, fe' wora imo onan kee sa asa. Mosisi nbara mo de Wurubuaare ikalan atogebo mo ilaa nyiile mo gese pewu ne.

¹³ Fe' loo de gebunono pi-i gebono ge de kpe Wurubuaare ase gekyena mo do mo. Wurubuaare gisobiide geten mo gebunono lee mo bere ge nmange, ne okpa oono o de kpe genen gebunono mo ase mo gye daa otinpon. Asa saky me naa mo so.

14 Gɛbunono gɛbono gɛ dɛ kpe Wurubuaare ase gekyena mɔ dɔ mɔ gɛn ɲmange, ne ɔkpa ɔbono ɔ dɛ kpe genen gɛbunono mɔ ase mɔ gye daa gekpasuɛ. Asa kalese ne n kya wu genen ɔkpa ɔbono bii.

Asa Ako Mɛ Kya Kɛɛ Abon Yɛɛ Wurubuaare ɔkalan Ne Mɛ Kya Tɔgɛ

15 “Fɛ’ dɛsɛ fɛyɛ-nyoro so dɛ asa abono mɛ kya kɛɛ abon yɛɛ Wurubuaare ikalan ne mɛ kya tɔgɛ mɔ. Ansi so mɔ, mɛ dɛ fɛɛ isandɛ, yɛgɛ mɔmɔ-ito dɔ mɔ, mɛ don agbowugbowu.

16 Mɔmɔ-ilaa wɔrasɛ ne fɛ laa kyu bii mɔmɔ-gisen dɔ ilaa. I dɛ daa fɛɛ gɛnɔbono fɛ kya kɛɛ oyii abi kyu bii mɔ-gidebi mɔ. Mɛ kya tɛɛ mango lii giwii oyii so? Mɛ kya tɛɛ payaa abi lii fɔlɔgɛ oyii so?

17 Nyamɛsɛ ɔbono mɔ-gisen dɔ i boran mɔ kya wɔra daa ilaa dɛnsɛ, ne ɔbono mɔ-gisen dɔ iɲ boran mɔ kya wɔra daa ilaa nyenyɛn.

18 I dɛ daa fɛɛ iyii. Oyii ɔbono ɔ bo alanfiya mɔ maɲ taalɛ sɔrɔ abi nyenyɛn, ne oyii ɔbono ɔ kya lɔ mɔ maɲ taalɛ sɔrɔ abi dɛnsɛ.

19 Oyii kamaasɛ ɔbono ɔ maɲ sɔrɔ abi dɛnsɛ mɔ mɛ laa ɲɛ mɔ kyu wɔra ɔgya dɔ.

20 Imɔso asa ilaa wɔrasɛ ne fɛ laa kyu bii yɛɛ mɛ gye Wurubuaare ikalan atɔgɛbo gɛsintin?

21 “I mɛɲ gye nyamɛsɛ kamaasɛ ɔbono ɔ kpe nyɛ ɔ kya tɛɛ mɛ yɛɛ, ‘Mɛ-wura, mɛ-wura’ mɔ ne nan nyɛ ɔkyɛnaten Wurubuaare gɛwuragyi mɔ dɔ. Genen mɔ, asa abono mɛ kya wɔra mɛ-sɛ ɔbono ɔ bo soso mɔ gɛlaarɛ mɔ wɔlɛ.

22 Gɛkaabono Wurubuaare laa gyi anyamɛsɛ pɛwu nbelɛ mɔ, asa sakyo mɛ laa tɛɛ mɛ yɛɛ, ‘Aye-wura, aye-wura’ dɛ mɛ’ tɔgɛ sa mɛ yɛɛ, ‘A tɔgɛ Wurubuaare ikalan sa asa, a gya ilaa nyenyɛn oduduu kpeɪ-kpeɪ koso asa so, ne a wɔra ilaa gbaa’gbaa ibono i lɛɛ Wurubuaare ɔlon nyiilɛ asa mɔ fɔ-ginyɛn dɔ.’

23 Nfono ne nan tɔgɛ tigi mɔmɔ yɛɛ, ‘Mɛɲ nyi fɛyɛ. Fɛ gye daa ilaa nyenyɛn awɔrabo. Fɛ’ naa mɛ-ansi so!’

Yesu Yɛɛ Asa Mɛ’ Gyi Mɔ-Ilaa Tɔgɛsɛ So

24 “ɔkamaasɛ ɔbono ɔ kya nu mɛ-ilaa tɔgɛsɛ idɛ ne ɔ kya wɔra imɔ so ilaa mɔ, ɔ dɛ fɛɛ ɔsɛɛbo ɔbono o yii obu. ɔ laa yii gɛsɛ ɔpɔɔrɛ mɔ, o kuru kpaa tu gifolɛ, pɛi ne ɔ too ɔpɔɔrɛ gyan’ gifolɛ mɔ so.

25 Gɛkɛ gɛdɛ mɔ, nyangbon gi baa da, afuu belɛ a da ne ibon i bɔla baa da dɛ genen obu mɔ. Imɔ genen gbaa mɔ, ɔ mɛɲ boori, i lii fɛɛ ɔ pɔrɔ mɔ dandan gyan gifolɛ so.

26 Nyamɛsɛ ɔbono, mɔ, ɔ kya nu mɛ-ilaa tɔgɛsɛ idɛ ne ɔ mɛɲ kya wɔra imɔ so ilaa mɔ, kaasɛ mɔ dɛ fɛɛ ɔnyɛn ɔbono ɔɲ nyi ɔlaako ne o yii obu gyan’ daa giɲɛsii so mɔ. ɔ mɛɲ kuru gɛsɛ ɔpɔɔrɛ mɔ gɛtɛn.

27 Gɛkɛ gɛdɛ mɔ, nyangbon dɛ afuu belɛ a baa da, ne ibon i bɔla baa da dɛ obu mɔ. Obu mɔ yii daa giɲɛsii so so mɔ, ɔ tɔrɔ daa wurum!”

28 Yesu gi tɔgɛ genen ilaa idɛana ta mɔ, mɔ-ilaa nyiilɛsɛ mɔ i wɔra sakpii ɔbono o nu imɔ mɔ giyan.

29 I lii fɛɛ mɛ nu mɔ-anyiilɛbi mɔ, mɛ wolaa wu yɛɛ Wurubuaare ne n sa mɔ genen ilaa nyiilɛsɛ mɔ. I mɛɲ gye genen ne mɔmɔ-nbara aɲmarasɛbo mɔ mɛ kya nyiilɛ ilaa ne.

1 Yesu gi nyiile asa ilaa mɔ ta mɔ, mɔ-rɛ sakpii bele ɔbono o buu mɔ mɔ me kpeleɛ lɪi gibii mɔ so me kya ba.

2 Nfono mɔ okononbu ɔko gi lɪi tu mɔ. Okononbu mɔ gi kpeleɛ ɪmii mɔ-ayaa dɔ, ne ɔ tɔɛ mɔ yɛɛ, "Me-wura, nengyene i gye fo-gelaare dɔ mɔ, fo laa taale kye me."

3 ɔ kole Yesu genen mɔ, Yesu gi tengɛ mɔ-gibaa kpaa yii mɔ, ne ɔ lɛɛ genɔ sa mɔ yɛɛ, "I gye me-gelaare; fo-gilo mɔ gi' ta." Ayaa abono so mɔ, okononbu mɔ alɔtɔ mɔ a ta, ne

4 Yesu gi tɔɛ mɔ yɛɛ, "Gɛɪ sa fo' tɔɛ sa ɔko-rɛ ɔko yɛɛ me ne n kye fo. Naa kpaa wɔra nbara ilaa ibono Mosisi gi yela sa okononbu kamaase ɔbono mɔ-gilo gi ta mɔ. Imɔ ne n gye yɛɛ fo laa kpɛɛ fo-nyoro kpaa nyiile Wurubuaare asunbi ɔlɛɛbo de ɔ' kerɛ fo-nyoro pɛwu gyan'. ɔ laa wu yɛɛ fo-gilo mɔ gi ta, de fo' kyu fo-afaala kyu sa mɔ de o' kyu lɛɛ asunbi sa Wurubuaare sa fo. Imɔ ne nan yɛɛ asa me' bii yɛɛ fo-alɔtɔ mɔ a ta gesintin."

Yesu Gi Kye Asogya ɔbelɛnsɛ ɔko Dega

5 Yesu gi kyon kpe Kapɛɛniyon. ɔ loo nno mɔ, Rom awura asogya ɔbelɛnsɛ ɔko gi lɪi kpaa gyangara mɔ ne ɔ kole mɔ

6 yɛɛ, "Me-wura, me-dega dɛ me-ɛɛten dɔ, ɔ kya lɔ ibono i bo lon. Nfono ɔ kpe ɔ dɛ mɔ ne ɔ dɛ. ɔ tansi ɔ kya yiyɛɛ. Imɔso gyan' me-giwoo."

7 Yesu gi kyule sa mɔ yɛɛ, "Nan kpaa kye mɔ sa fo."

8 Yesu gi tɔɛ mɔ genen mɔ, asogya ɔbelɛnsɛ mɔ gi lɛɛ genɔ sa Yesu yɛɛ, "Me-wura, me ɔdɛ mɛɪ kaabore ibono fo' kpe me-ɛɛten dɔ. Fo kpe nyɛ lɛɛ genɔ mɔ, me-dega mɔ gilo mɔ gi laa ta.

9 Me gbaa-gbaa kee n gye ɔbelɛnsɛ ɔbono n bo abelɛnsɛ ako gɛɛ. Ne n' bo abono, mɔ, mɛ bo me gɛɛ mɔ. Nengyene nɛ lɛɛ genɔ yɛɛ, 'fo ɔdɛ, kpe faa' mɔ, kaase mɔ laa kpe, abɛɛ n' tɔɛ yɛɛ, 'fo ɔdɛ, ba gɛɛ' mɔ, kaase mɔ laa ba. Nengyene nɛ tɔɛ me-dega yɛɛ 'wɔra idɛ!' mɔ, imɔ ne ɔ laa wɔra."

10 Yesu gi nu ɔbelɛnsɛ mɔ ilaa tɔɛɛ mɔ mɔ, i de mɔ-genɔ gikyo. Nfono ne Yesu gi kisee tɔɛ sa sakpii ɔbono o buu mɔ mɔ yɛɛ, "Gesintin ne n' kya tɔɛ mi-i sa fɛye faa, ba-a aye Isirale awura mɔ dɔ gbaa, mɛɪ wu nyamesɛ ɔbono ɔ bo gisɔɔgyi bele gidɛ ɔnan sa me fɛɛ Rom ɔbelɛnsɛ baare.

11 N kya tɔɛ mi-i sa fɛye yɛɛ gɛkaako mɔ asa sakyo mɛ laa lɪi nsinkpan kpei-kpei so baa nyɛ ikyenaten Wurubuaare gɛwuragyi mɔ dɔ taa aye-Isirale awura ako yɛɛ. Genen asa abono mɔmɔ-rɛ aye-naanaana Abraham de Ayisiki de Gyeekɔpo mɛ laa wɔra abaa gyi.

12 I san aye Isirale awura abono nkana Wurubuaare gɛwuragyi mɔ gɛ gye aye-lɛɛ mɔ, aye dɔ abono mɛɪ sɔɔ Wurubuaare gyi mɔ bere, Wurubuaare laa lɛɛ mɔmɔ lɪi mɔ ase kyu kpaa too wɔra nfono i tansi i bo gibiri mɔ. Genen gibiri gibono dɔ mɔ osulon de anɛbi giwe ne n bo nno."

13 Nfono ne Yesu gi tɔɛ sa asogya ɔbelɛnsɛ mɔ yɛɛ, "Naa fo kya kpe. I' wɔra sa fo fɛɛ genɔɔbono fo sɔɔ me gyi faa." Genen owi ɔbono dɔ gbaa-gbaa mɔ, mɔ-dega mɔ gi nyɛ alanfiya mɔ-ɛɛten dɔ.

Yesu Gi Kye Alɔbo Sakyo

14 Yesu gi naa kpe Piita gɛwi. ɔ loo ɛɛten mɔ dɔ mɔ, o wu Piita mɔ-saa kyiise dɛ ɔ kya lɔ ɔkyagyii,

15 ne Yesu gi yii mɔ. O yii mɔ mɔ, ɔkyagyii mɔ gi taa mɔ yɛɛ, ne ɔ taale kii koso keda mɔ-gisafo.

16 Imo gedɔɔde mo asa me kyu alɔbo de asa sakyɔ abono ilaa nyenyen oduduu kpei-kpei i te mɔmɔ so mo kyu ba Yesu ase. Yesu gi kpe lee geno daa ne ilaa nyenyen oduduu mo i koso mɔmɔ so. Ɔ kye asa abono me kya lo mo pewu kee.

17 Yesu gi wɔra genen ilaa ide mo, i kyena de ilaa ibono Wurubuaare ikalan ɔtɔgebo Isaya gi wolaa tɔge lii mo so mo. Ɔ tɔge yee, "Ibono a gye nbaari so mo, o kyu imo yee mɔ-nyoro ne i gye. Ne ɔ kye aye-alɔto sa aye."

Asa Ako Me Kole Yesu Yee Me Laa Buu Mo

18 Yesu mɔ-re mɔ-akasebo mo me bo Galeli ɔbon bele mo ase, ne Yesu gi wu yee sakpii mo gi kyaabɔɔ mo mo, ɔ tɔge sa mɔ-akasebo mo yee, "A' fara kpe gibenbe."

19 Me kya laare me' kyon mo, Gyuda awura nbara ɔɔmarasebo ɔko gi ba Yesu ase, ne ɔ kole Yesu yee, "Ɔbelense, nan buu fo kpe geten kamaase gebono fo kya kpe mo."

20 Ne Yesu gi tɔge sa mo yee, "Agbowugbowu gbaa me bo ibɔ dese, ne nbuii me bo asisaa. Me, anyamese pewu mɔmɔ-daa mo bere, men bo me-gimu okuntun."

21 Yesu akasebo mo do ɔko bere gi kole mo yee, "Me-wura, yege me n' kpaa pule me-se pei de n' loo baa buu fo."

22 Yesu gi tɔge sa mo yee, "Fo bere, baa buu me daa de asa abono Wurubuaare ase gekyena mo ilaa in fe ɔmɔ-giso mo me' pule abara."

Yesu Gi Yege Afuu A Taa Gida Yege

23 Yesu gi dii loo gikolii do mɔ-re mɔ-akasebo mo, ne me kyon.

24 Me kpaa fo nkyu mo nsana geteeko mo de-e, afuu bele ako a tigi, a kya da ginyadon so. I yege nkyu gi kya loo gikolii mo do. Genen abere abono mo Yesu bere gi de ginsi gide.

25 Nfono mo, mɔ-akasebo mo me da mo kyingi, ne me tɔge mo yee, "Aye-wura, mɔlege aye! A kya laare de a' sii."

26 Yesu gi lee geno yee, "O, feye asa ade! Menɛ n wɔra ne i bo feye gifuu genen? Gisɔɔgyi gibono fe bo sa me mo pewu ne?" Nfono ne ɔ koso ne ɔ tɔge afuu mo yee a' taa gida yege de nkyu mo, mo, gi' wɔra bɔyin. Nfono mo, ilaa kamaase i sii faa kurun.

27 Mɔ-akasebo mo me wu genen mo, i wɔra mɔmɔ giyan. Me san ma-a taase abara yee, "Menɛ nyamese ɔnan ne? Kere, afuu de nkyu gbaa gi kya nu mɔ-gede."

Yesu Gi Kosore Ilaa Nyenyen Oduduu Anyen Anyo Ako So

28 Yesu mɔ-re mɔ-akasebo mo me fara nkyu kpe gibenbe Gadara awura gesinkpan so. Ɔ fo nno mo, anyen anyo ako me lii ibuni opuleten baa gyangara mo. Ilaa nyenyen oduduu kpei-kpei i te mɔmɔ so, i kya yege me kya tansi wɔra asa abono me kya kyu de nno mo anyanyan. Imoso asa me sele de me' kyu de ɔkpa ɔbono.

29 Anyen anyo ade me wu Yesu mo, ilaa nyenyen oduduu kpei-kpei ibono i te mɔmɔ so mo i kpen ken-ken taase Yesu yee, "Wurubuaare mɔ-bi, aye-re fo menɛ ase? Fo ba de fo' baa wɔra aye-awɔɔfoɔ pei de Wurubuaare gisobiide owi mo ɔ' loo fo abee?"

30 Abere abono mo, akuuri gikpen bele giko gi yele gi kya gyi sindi nfono.

³¹ Imoṣo ilaa nyenyen oduduu kpei-kpei ibono i te anyen mo so mo i kole Yesu yee, “Nengyene fo laa gya aye koso mo, yee a' kpa a kyena akuuri gikpen gide so.”

³² Yesu gi lee geno yee, “Fe' koso naa.” Imoṣo ilaa nyenyen oduduu kpei-kpei mo i koso anyen mo so kpa a kyena akuuri mo so. Ayaa abono so mo, akuuri gikpen mo pewu gi sele kpelege de ogee kpa a loo obon do, ne nkyu mo gi gyi momo.

³³ Anyen abono me kya kere akuuri mo so mo, me sele kpe nten do kpa a toge ilaa ibono i ba momo-akuuri mo so de ilaa ibono Yesu gi wora sa anyen anyo mo pewu sa asa.

³⁴ Osowole mo so asa me nu genen mo, momo pewu me lii baa kere Yesu. Me wu mo mo, me de mo gisere yee o' lii momo-gesinkpan so.

9

Yesu Gi Kye Otagese

¹ Yesu gi dii loo gikolii mo do kii fara obon mo kpe osowole obono so o te mo.

² Yesu bo nno mo, asa ako me sola otagese oko de gifengen kyu bara mo yee o' kye mo. Yesu gi wu yee asa ade me soo mo gyi yee Wurubuaare olon bo mo do mo, o toge sa otagese mo yee, “Me-bi, yee fo-gisen gi' toro fo. Ne kyu fo-ilaa nyenyen ibono fo wora Wurubuaare mo kyu kyee fo.”

³ Nfono mo Gyuda awura nbara anmarasebo ako me toge sa momo-nyoro yee, “Onyen baare kya tonge fee mo ne n gye Wurubuaare!”

⁴ Yesu gi bii momo-nwonsa do. Imoṣo o taase momo yee, “Mene n wora so ne fe kya sa genen nwonsa nyenyen nde?”

⁵ Nan toge ilaa inyo sa otagese baare. Giko ne n gye yee, ‘Ne kyu fo-ilaa nyenyen ibono fo wora Wurubuaare mo kyee fo.’ Ginyose mo ne n gye yee, ‘Koso de fo' naa.’

Imo ide do mo, imomo ne fe laa wu de feye-ansi?

⁶ N kya laare de fe' nye bii yee me, anyamese pewu momo-daa mo, n bo okpa gesinkpan so de n' kyu asa ilaa nyenyen ibono me wora Wurubuaare mo kyee momo.” Genen so mo o kisee toge sa otagese mo yee, “Koso puru fo-gifengen de fo' naa kpe gewi.”

⁷ Gesintin mo, otagese mo gi koso, ne o naa kyon kpe mo-gewi.

⁸ Sakpii mo gi wu genen mo, i de omo-geno ne me yen Wurubuaare yee o kyu genen olon baare onan kyu sa nyamese.

Yesu Gi Tere Matiyyu Yee O' Wora Mo-Okasebo

⁹ Yesu gi lii nfono o kya kpe mo, o wu onyen oko te mo-gesun oworaten. Me kya tere mo yee Matiyyu. Genen Matiyyu mo gye daa lenpoo soobo. Yesu gi wu mo genen mo, o toge sa mo yee, “Baa buu me de fo' wora me-okasebo.” Gesintin mo, Matiyyu gi koso buu mo.

¹⁰ Imo gemara mo, Yesu mo-re mo-akasebo mo me kpe Matiyyu gewi. Me te me kya gyi mo, lenpoo asoobo abono Gyuda awura ase mo me gye asa nyenyen mo de ilaa nyenyen aworabo sense saky o me baa tu momo, ne momo-re momo me wora abaa gyi dabole.

¹¹ Farasii awura mo me wu genen mo, me baa taase Yesu akasebo mo yee, “Mene n wora so ne feye-obelense kya wora abaa gyi de lenpoo asoobo de ilaa nyenyen aworabo sense daa?”

¹² Yesu gi nu genen mɔ, ɔ lɛɛ genɔ sa Farasii awura mɔ yɛɛ, “Fɛɛ genɔɔbono ɔlɔbo tiri ɔkyɛbo mɔ, genen kee ne ilaa nyenyɛn awɔrabo mɛ tiri me ne. I mɛɲ gyɛ abono mɛ bo alanfiya mɔ ne n tiri ɔkyɛbo.

¹³ Mɛ ɲmarasɛ ilaa ibono nan baa tɔgɛ faa yela Wurubuaarɛ agyɛbi ɔwɔlɛ mɔ dɔ yɛɛ,

‘Mɛ, Wurubuaarɛ, n kya laarɛ fɛ’ su asa gitolon daa;

i mɛɲ gyɛ asunbi abono fɛ laa lɛɛ sa me mɔ
ne n’ kya laarɛ.’

Fɛ’ nu genen ilaa idɛ, fɛ’ kasɛ imɔ gɛsɛ, de fɛ’ bii yɛɛ ilaa nyenyɛn awɔrabo ne nɛ ba de n’ baa tɔgɛ yɛɛ mɛ’ wɔra mɛ-akasebo. I mɛɲ gyɛ abono mɛ nyi yɛɛ mɛ ti mɛ gyɛ gesintin awura mɔ.”

Ako Mɛ Taasɛ Yesu Ilaa Kyu Lii Nnɔ Giɲminde So

¹⁴ Nfono mɔ Gyɔn ɔbono ɔ gyɛrɛ asa Wurubuaarɛ sagyɛrɛ mɔ akasebo ako mɛ ba Yesu asɛ baa taasɛ mɔ yɛɛ, “Aye-rɛ Farasii awura a kya ɲminde nnɔ. Ne mɛnɛ n wɔra ne fo-lɛɛ akasebo mɔ bɛrɛ mɛɲ kya ɲminde nnɔ daa?”

¹⁵ Yesu gi lɛɛ genɔ da mɔmɔ gikpalɛ yɛɛ, “I mɛɲ gyɛ abɛrɛ adɛ ne mɛ laa wɔra genen. I dɛ daa fɛɛ genɔɔbono aye Gyuda awura a kya kpɛii ɔkyii mɔ. A’ kyu yɛɛ me ne n gyɛ ɔkyiifo mɔ-kuli mɔ. Mɛ-kyɛmɛnɛana mɛ ba mɛ asɛ a san a kya gyi ɔkon mɔ, i laa sa de mɛ’ bɔɔda? Kuaa. I laa baa fo owi ɔko mɔ, i laa baa puru ɔkyiifo mɔ kuli mɔ lɛɛ mɔ lɛɛ mɔ-kyɛmɛnɛana mɔ asɛ. Lii genen owi ɔbono kyu kyon mɔ, i laa sa de mɛ’ ɲminde nnɔ kon.”

Akyɛnabi Pobɔrɔ Abono Yesu Gi Bara Mɔ Gikpalɛ

¹⁶ Yesu gi kii da mɔmɔ gikpalɛ kyu nyiilɛ yɛɛ mɔ bɛrɛ ɔ bara akyɛnabi pobɔrɔ. ɔ da gikpalɛ mɔ yɛɛ, “Nengyɛnɛ gikuru dedaa gi tɛɛ mɔ, mɛɲ kya kyu gikuru pobɔrɔ gipanan kyu baa tii ɔtɛɛten mɔ. Fɛ wɔra genen mɔ, gikuru pobɔrɔ mɔ getɛn i laa kyigi lɛɛ de i’ wɔra ɔbo belɛ nyɛ ibono i wolaa tɛɛ mɔ.

¹⁷ A’ kii laa ansi kerɛ genɔɔbono mɛ kya kyu nta kyu wɔra nbuɛ iwɔlɛ dɔ mɔ de a’ kerɛ. ɔko maɲ kyulɛ kyu nta pobɔrɔ kyu wɔra nta ɔwɔraten iwɔlɛ dedaa dɔ. ɔbono ɔ wɔra genen mɔ, gyɛrɛbi ne ɔ kya laarɛ. Nta mɔ gi laa paadɛ nta ɔwɔraten iwɔlɛ mɔ de nta mɔ gi’ duuli fuɛ de iwɔlɛ mɔ, mɔ, kee i’ nyida. Mɛ kya kyu nta pobɔrɔ kyu wɔra daa nta ɔwɔraten iwɔlɛ pobɔrɔ dɔ. Genen ne mɛ laa kerɛ nta mɔ nnɔ-rɛ nnɔ-iwɔraten mɔ pɛwu so ne i maɲ gyi gyɛrɛbi.”

Yesu Gi Kyingi Gɛbolonbubii Gɛko Ne ɔ Kyɛ ɔkyii ɔko

¹⁸ Yesu san ɔ kya tɔngɛ de mɔmɔ mɔ, Gyuda awura ɔbelɛnsɛ ɔko gi baa ɲmii mɔ-ayaa dɔ kolɛ mɔ yɛɛ, “Mɛ-bi kyiiɛ gi kɛ wɛ’ ayaa adɛ so ne. Imɔ genen gbaa mɔ, fo kɛ ne fo kpaa kyu fo-abaa gyan’ mɔ so mɔ, ɔ laa kyingi.”

¹⁹ Yesu gi nu ɔbelɛnsɛ mɔ asɛ, ne mɔ-rɛ mɔ-akasebo mɔ mɛ koso buu mɔ.

²⁰ Mɛ kya kɛ mɔ, ɔkyii ɔko gi naa de Yesu gɛmara-gɛmara, ne ɔ kpaa yii Yesu gɛgbɛ gɛnɛbi. I kya da de genen ɔkyii ɔbono mɔ, imɔ-nsi gudu nnyɔ ne.

²¹ Pɛi ne ɔ laa yii Yesu gɛgbɛ mɔ genen mɔ, ɔ tɔgɛ sa mɔ-nyoro yɛɛ, “Mɛ-gibaa gi taa kɛ nyɛ yii mɔ-gɛgbɛ mɔ, n nyi ibono i laa kyɛ me.”

²² O yii gɛgbɛ mɔ genen mɔ, Yesu gi kiseɛ kerɛ. O wu mɔ mɔ, ɔ tɔgɛ sa mɔ yɛɛ, “Mɛ-bi, yɛgɛ fo-gisen gi tɔrɔ fo! Gisɔɔgyi gibono fo bo sa me mɔ ne nan kyɛ fo.” Ayaa abono so mɔ, ɔkyii mɔ gilɔ mɔ gi ta.

²³ Yesu gi kyon kpa'a loo Gyuda awura obelense mo geten do nfono gebii kyiise mo ge wu' mo. O wu genobono ilon abiibo de asa abono me ba geli mo me kya saawo me kya wora olanba mo,

²⁴ o toge sa momo yee, "Okamaase o' lii gere! Gebii mo gen wu'. Ge de daa." O toge yee gebii mo gen wu' mo, me kyu mo nmase daa.

²⁵ Yesu gi gya momo lii mo, o loo obu obono do obuni mo de mo. O kpa'a keda mo gibaa do, ne o kyingi koso yele.

²⁶ Genobono Yesu gi kyingi gebii mo mo i nu gyan' de genen gesinkpan gebono so pewu.

Yesu Gi Kye Agyaatanbo Anyo Ako

²⁷ Yesu gi lii geten mo do o kya kyon mo, agyaatanbo anyo ako me buu mo gemara-gemara me kya kpen mo yee, "Wura Deefidi onaanabi, su aye so!"

²⁸ Yesu gi loo geten gebono do o bo mo, agyaatanbo mo me naa kpa'a tu mo mo. O taase omo yee, "Fe soo gyi yee nan taale bugi feye-ansi ade sa feye?" Me kyule yee, "Een, aye-wura."

²⁹ Nfono ne Yesu gi kyu mo-abaa gyan momo-ansi mo so, ne o toge yee, "I' wora fee genobono fe soo me gyi mo sa feye."

³⁰ Nfono mo, momo-ansi mo a bugi, ne Yesu gi toge sa momo gensipere so yee, "Fe men sa fe' toge sa oko-re oko yee me ne n kye feye."

³¹ Imo genen gbaa mo, me lii mo ase mo, me naa kpa'a toge ibono o wora sa momo mo sa asa genen gesinkpan gebono geten kamaase.

Yesu Gi Kye Omuumuu

³² Abono nkana me gye agyaatanbo mo me kya lii Yesu ase mo, asa ako me kyu onyen oko bara Yesu yee o' kye mo. O men kya tonge, i kya nyiile yee ilaa nyenyen oduduu te mo so.

³³ Yesu gi kosore ilaa nyenyen oduduu mo lii onyen mo so, ne o taale o kya tonge. Sakkii obono o yele nfono mo gi wu genen mo, i wora momo giyan, me san toge yee, "A men ti wu genen ilaa ide onan Isirale gesinkpan gede so kere."

³⁴ Farasii gikpen mo do awura bere, me kya toge daa yee, "Ilaa nyenyen oduduu pewu gemu mo ne n kya sa Yesu olon. Imoso ne o kya taale gya ilaa nyenyen oduduu koso asa so genen."

Yesu Gi Su Asa So

³⁵ Yesu gi naa de isowole bele-bele de iburu-buru ibono i kyaaboo genen gesinkpan gebono so mo pewu. O naa Gyuda awura akyangbon do o kya nyiile asa Wurubuaare gewuragi do akyenabi mo so ilaa. Wurubuaare okalan konkonse mo ne o de o naa genen, ne o kya kye asa alobi kpei-kpei kamaase.

³⁶ Yesu gi wu sakkii bele obono o kya kyena ba mo ase mo, momo-ila'a i wora mo ayen. I lii fee ilaa kpei-kpei i kya nyala momo, ne me men nyi genobono me laa wora de i' molege momo mo. Me wora fee isande ibono men bo okparebo mo.

³⁷ Genen so mo, o toge sa mo-akasebo mo yee, "Asa abono i kaabore me' nu Wurubuaare okalan konkonse mo me de fee omologo ne n peere ndoo bele nko do. Akebiibo mo, mo, men kyoo sa ndoo wura mo."

³⁸ Imoso fe' dalaa kole Wurubuaare obono o gye Ndoo Wura mo yee mo gbaa-gbaa o' kyu abono me laa kebi omologo mo ba mo-ndoo mo do."

10

Yesu Gi Sun Mɔ-Isɔɔ Gudu Anyɔ Mɔ

¹ Yesu gi tere mɔ-akasebo gudu anyɔ mɔ ba mɔ ase, ne ɔ sa mɔmɔ ɔlon de me' taale gya ilaa nyenyen oduduu kpei-kpei koso asa so. Genen ɔlon mɔ laa yege me laa taale kye asa aloto kpei-kpei kamaase kee.

² Genen asa gudu anyɔ abono ne n wɔra mɔ-isɔɔ. Mɔmɔ ne n gye Simon ɔbono me kya tere mɔ-ginyen giko kee yee Piita mɔ, de Simon mɔ-tede Andiru,

Gyeemesi de mɔ-tede Gyɔn, Sebedi mɔ-biana;

³ Filipino de Batolomiyu,

Tomaase de Matiyo ɔbono nkana ɔ kya sɔɔ lenpoo mɔ,

Gyeemesi, Alefayo mɔ-bi, de Taadiyuse,

⁴ Simon ɔbono ɔn kya kyule mɔ-ɔsowole so mɔ,

de Gyudase Isikaayote ɔbono gemara-gemara ɔ fe Yesu sa mɔ-akyobo mɔ.

⁵ Yesu gi keda mɔ-isɔɔ gudu anyɔ ade sun. ɔ laa sun mɔmɔ mɔ, ɔ ka sa mɔmɔ yee, "Feɲ sa fe' kpe de asa abono me men gye Gyuda awura mɔ gibaafon, ne feɲ sa fe' loo Samariya awura isowole iko so.

⁶ Fe' kpe daa Isirale awura wole ase. Me de fee isande ibono i fue mɔ.

⁷ Fe naa mɔ, fe' toge toge sa asa yee, 'Wurubuaare gewuragi do akyenabi mɔ a kya laare a' ba asa do kon.

⁸ Fe' kye abono me kya lo mɔ, de fe' kyingi asa abono fe wu me wu' mɔ. Fe' kye ikononbu de fe' kosore ilaa nyenyen oduduu kpei-kpei asa so. Ne kyu genen ɔlon baare kyee feye; feye kee fe kye asa mɔ, fe' kyu kyee mɔmɔ.

⁹ Fe men' kyu aterenbi ne n gye aterenbi wɔra feye-igo ibo do.

¹⁰ Fe men' puru ba-a ato ɔwɔraten abee gegbe giwɔra nyɔse. Fe men' puru ayaawole abee oyii tugese keda. Gesun ɔwɔrabo gi kaabore ɔ' nye me' kere mɔ so.

¹¹ "ɔsowole kamaase ɔbono so fe laa loo mɔ, fe' laare ɔbono asa me kya buu mɔ mɔ de fe' kpa loo mɔ ase. Fe' kyena mɔ ase kaabore fe laa lii genen ɔsowole ɔbono so.

¹² Geten gebono do fe laa sogɛ genen mɔ, fe loo mɔ, fe' faala gemɔ do asa.

¹³ Nengyene gisen yuuli gi kaabore mɔmɔ mɔ, gisen yuuli gi laa wɔra mɔmɔ-leɛ. Ne gisen yuuli gin kaabore ɔmɔ mɔ, gi laa kii ba feye ase.

¹⁴ Nfono fe loo ne nno asa me kine me men sɔɔ feye abaa anyɔ abee me men nu feye ase mɔ, fe lii ɔsowole mɔ so abee geten gebono do mɔ, fe' kpiisi mɔmɔ-ɔsowole so abee mɔmɔ-geten do ise ibono i yii feye-ayaa mɔ yela mɔmɔ.

¹⁵ N kya toge feye gesintin yee gekɛ gebono Wurubuaare laa biide asa pewu giso mɔ, genen ɔsowole ɔbono so asa-leɛ gisobiide gi laa nyaakyo don Sodom de Gomora isowole so awura-leɛ mɔ.

¹⁶ "Fe' nu yee n kya sun feye fee nsandebii ne n kya kpe agbowugbowu do. Imɔso fe' bii feye-nyoro akedabi. Fe' wɔra feye-nyoro faa dolon-n fee abonue.

¹⁷ Fe' kere feye-nyoro so de asa abono n kya sun feye mɔmɔ ase mɔ. Mɔmɔ do ako me laa kpare feye kpe nbele agyibo ase de me' taa feye awulibi mɔmɔ-akyangbon do.

¹⁸ Me so mɔ, me laa biide feye ako kpe abeyin abelense de awura-awura ansi do. Me kyu feye kpe genen mɔ, i laa bugi ɔkpa sa feye de fe' nye toge me-ilaa sa mɔmɔ-re gesinkpan so asa kpei-kpei.

19 Mɛ keda fɛye mɔ, fɛɲ sa fɛ' yɛgɛ i' wɔra fɛye gɛwɔnsa yɛɛ fafaanan ne i kaabore fɛ' kpaa tɔgɛ abɛɛ ilaa idɛ ne fɛ laa tɔgɛ nbeɛ nbono dɔ ne. Owi mɔ gi fo mɔ, Wurubuaare laa sa fɛye ilaa ibono i kaabore fɛ' tɔgɛ mɔ.

20 I kya nyiile yɛɛ iɲ gye fɛye gbaa-gbaa ne nan tongɛ fɛye-gibaa so. Fɛye-sɛ Wurubuaare Oduduu ne nan tongɛ naa de fɛye so.

21 I laa ba yɛɛ fɛye dɔ ako fɛye-daana abɛɛ fɛye-tɛɛana gbaa mɛ laa fɛ fɛye sa asa de mɛ' mɔɔ fɛye. Ɔsɛ laa kyu genen kee wɔra mɔ-bi. Ne gɛbii gɛ laa koso yeɛ gɛmɔ-sɛ de gɛmɔ-nyi so de gɛ' yɛgɛ asa mɛ' mɔɔ mɔmɔ.

22 Mɛ so mɔ, ɔkamaasɛ laa kyo fɛye. Ɔbono ɔ laa yeɛ mɔ-ayaa so ka gyan' mɛ so kpaa lii mɔ, Wurubuaare laa mɔlɛgɛ mɔ de ɔ' nyɛ ɔkyenaten mɔ asɛ.

23 Nɛngyene mɛ ka fɛye-ansi ɔsowolɛ ɔko so mɔ, fɛ' seɛ kpe ɔsowolɛ banban so. N kya tɔgɛ fɛye gɛsintin yɛɛ fɛ maɲ naa aye-Isirale awura isowolɛ mɔ pɛwu so gyan' pɛi ne mɛ, anyamesɛ pɛwu mɔmɔ-daa mɔ, nan kii ba gɛsinkpan so.

24 "Ilaa ɔkasebo maɲ taalɛ don mɔ-onyiilebo, ne dega maɲ taalɛ don mɔ-wura.

25 Nɛngyene fo gye ɔkasebo ne ilaa ibono asa mɛ dɛ mɛ kya wɔra fo-onyiilebo mɔ mɛ dɛ ma-a wɔra fo kee mɔ, bii yɛɛ genen ne i kaabore i' ba ne. Nɛngyene fo gye dega ne mɛ dɛ ilaa ibono mɛ kya wɔra fo-wura mɔ ma-a wɔra fo mɔ, bii yɛɛ genen ne i kaabore i' ba ne. Nɛngyene asa mɛ tere mɛ ɔbono n gye geten wura mɔ yɛɛ Besibuli, ilaa nyenyɛn pɛwu gɛmu mɔ, mɛ-adɛ ne mɛ laa yɛgɛ? Mɔmɔ-lɛɛ asebi a laa don mɛ-lɛɛ adɛ gbaa.

26 "Imɔso fɛ mɛɲ sa fɛ' seɛ anyamesɛ. Sei mɛɲ bo no i ɲara yɛɛ i maɲ lii gifuli, abɛɛ ilaa iko i bo asiiri dɔ yɛɛ i maɲ lii gɛwi.

27 Imɔso ilaa ibono n kya tɔgɛ fɛye genye mɔ, fɛ' tɔgɛ sa asa owi kenken, ne ilaa ibono n kya tɔgɛ fɛye adɛɛdɛɛ dɔ aye-wolɛ mɔ, fɛ' liire imɔ da gikpengboo.

28 Fɛɲ sa fɛ' seɛ abono mɛ laa mɔɔ nyamesɛ nyoro gibi mɔ wolɛ ne mɛ maɲ taalɛ nyida mɔ-oduduu bɔla mɔ. Fɛ' seɛ daa Wurubuaare ɔbono ɔ laa taalɛ kyu fɛye too wɔra ɔgya dɔ fɛye-lɛwu gɛmara de i' nyida fɛye-nyoro de oduduu pɛwu mɔ.

29 Abonbue abono mɛ kya fɛ mɔmɔ anyɔ aterenbi gibi kolon daa mɔ gbaa, fɛye-sɛ Wurubuaare nyi mɔmɔ pɛwu so. Mɔmɔ dɔ ɔkolon mɛɲ kya wu' yɛɛ ɔ mɛɲ nyi mɔ so.

30 Ne fɛye mɔ de-e? Wurubuaare nyi dabɔlɛ fɛye-gimu dɔ iman gɛgyɔno gbaa.

31 Imɔso fɛ mɛɲ sa fɛ' seɛ gifuu. Fɛ tiri sa Wurubuaare gikyɔ don genen abonbue abono gikpadɔ gifonɛɛ-gifonɛɛ.

32 "Ɔbono ɔ yeɛ asa dɔ tɔgɛ yɛɛ mɛ ne n gye mɔ-wura mɔ, genen ne mɛ kee nan lɛɛ tɔgɛ mɛ-sɛ Wurubuaare ɔbono ɔ bo soso mɔ ansi dɔ yɛɛ ɔ gye mɛ-sonbo.

33 Ne ɔbono, mɔ, ɔ kine mɛ sansana yɛɛ mɛɲ gye mɔ-wura mɔ, genen ne mɛ kee nan kine mɔ mɛ-sɛ Wurubuaare ɔbono ɔ bo soso mɔ ansi dɔ yɛɛ mɛɲ nyi mɔ.

34 "Fɛɲ sa fɛ' tɔgɛ yɛɛ nɛ ba gɛsinkpan so faa mɔ, i laa yɛgɛ asa mɛ' nyɛ gisen yuuli kyu kyena de abara. Mɛ-giba mɔ gi laa barage asa abono mɛ kya nu mɛ-gɛdɛ mɔ lii abono mɛɲ kya nu mɛ-gɛdɛ mɔ dɔ.

35 Ɔnyɛn mɔ-rɛ mɔ-sɛ mɛ maɲ nu abara asɛ.

Ɔkyii mɔ-rɛ mɔ-nyi mɛ maɲ nu abara asɛ.

Ne ɔkyii mɔ-rɛ mɔ-saa kyiiɛ mɛ maɲ nu abara asɛ.

³⁶ Asa abono me laa kyo feye gikyo mo me laa lii daa feye-giyaa do.

³⁷ "Fo obono fo kya laare fo-se abee fo-nyi ilaa don genobono fo kya laare me-ilaa mo, fon kaabore fo' wora me-okasebo. Fo obono fo kya laare fo-bi nyense abee fo-bi kyiise ilaa don me-lee mo, fon kaabore fo' wora me-okasebo.

³⁸ Ne fo obono fo man kyule wu aworofoo me so de fo' kase me-gidebi, ba-a me laa da fo-ananbi oyii so mo mo ne fo man kyule genen mo, fon kaabore fo' wora me-okasebo.

³⁹ Fo obono fo kya korose fo-nkpa fii yela fo-gibaa so mo, Wurubuaare ase gekyena onan mo ge laa lii fo-gibaa. Ne fo obono, mo, kyu lii me so ne fo-nkpa gi lii fo-gibaa mo, fo laa nye Wurubuaare ase gekyena.

⁴⁰ "Isa obono o soo feye abaa anyo mo, me ne o soo abaa anyo genen. Ne obono o soo me abaa anyo mo, Wurubuaare obono o sun me mo kee ne o soo genen.

⁴¹ Obono o wu Wurubuaare ikalan otogebobii, ne genen so ne o soo mo abaa anyo mo, o laa nye Wurubuaare ikalan otogebobii nteela Wurubuaare ase. Obono o wu bii yee oko kya gyi gesintin sa Wurubuaare, ne genen so ne o soo mo abaa anyo mo, o laa nye gesintin agyibo nteela Wurubuaare ase.

⁴² Oko gi wu nbii nde do geko bii yee me-okasebo ne o gye, ne genen so ne o sa mo nkyu nunse mo, n kya toge feye gesintin, kaase mo man wora imo too nkyu do. Wurubuaare nteela gi de sa mo."

11

Gyon Obono O Gyere Asa Wurubuaare Sagyere Mo

Gi Sun Asa Yesu Ase

¹ Yesu gi ka mo-akasebo gudu anyo mo ta mo, o koso o naa de isowole kpei-kpei ibono i bo genen gesinkpan gebono so mo o kya nyiile asa ilaa ne o kya toge Wurubuaare okalan konkonse mo o sa momo.

² Yesu naa o kya nyiile ilaa genen mo, Gyon obono o naa kyena gyere asa Wurubuaare sagyere mo tii de obu, ne o nu Yesu Kirisito ilaa worase mo so. Genen so mo o sun mo-lee akasebo ako Yesu ase

³ yee me' kpaa taase mo yee, "Fo ne n gye omolegebo obono a nu yee o laa ba mo abee a' kere nyamese banban oko kpei okpa daa?"

⁴ Gyon isoo mo me kpe kpaa taase Yesu genen mo, Yesu gi lee geno sa omo yee, "Fe' kpaa toge ilaa kamaase ibono fe baa nu de feye-aso de ibono fe baa wu de feye-ansi n kya wora faa sa mo.

⁵ Ne yee agyaatanbo ansi a bugi,
ne otegešana me koso me naa.

Ne yee ikononbu aloto a ta,
ne isintiribu me kya nu ilaa.

Ne kyingi abono me wu' mo ako.

Ne ne toge Wurubuaare okalan konkonse mo sa ayenbo.

⁶ Imoo omudensebo ne n gye obono mo-gisoo gyi gi man koso me so mo."

Yesu Gi Toge Gyon Ilaa Sa Sakpii Mo

⁷ Gyon akasebo mo me kya kii mo, Yesu gi yii gese o kya toge Gyon ilaa o kya sa sakpii obono o bo mo ase nfono mo. Mo-geotonge mo do mo, o taase sakpii mo yee, "Owi obono fe kpe Gyon ase gipen mo do kpaa nu mo-ilaa toge me mo, mene isa onan ne fe kpaa kere daa? Fe wu mo mo, o de fee gifedaa ne afuu a kya da gimoo a kya kpe a kya ba abee?"

⁸ Ne ɔŋ de genen mɔ, nne ne ɔ de? Fe wu o bun gikuru dense? Kuaa, nkana akuru dense abunbo ne fe kya laare de fe' kpa kere bere mɔ, ofaanan fe kpe daa awura-awura nwi.

⁹ Imɔso fe kpe Gyɔn ase mɔ, mene nyamese ɔnan ne fe kpa kere daa? Wurubuaare ikalan ɔtɔgebo abee? En, n kya buu mi-i sa feye yee ɔ don Wurubuaare ikalan ɔtɔgebo gbaa.

¹⁰ Gyɔn ne n gye Wurubuaare ɔɔɔ ɔbono me nmarase mɔ-ila yela Wurubuaare agyebi ɔ yee Wurubuaare laa sun mɔ de ɔ' gyangbara kpa tɔge sa asa yee me' lɔɔ mɔmɔ-akye nabi gyoo me ɔbono nan baa mɔlege asa mɔ.

¹¹ Gesintin ne n kya tɔge feye faa, in ti koroge nyamese ɔbono ɔ don Gyɔn baare. Abono, mɔ, me laa nye Wurubuaare gewuragi ɔ akye nabi lii nperɛ kyu kyon mɔ, mɔmɔ ɔ ɔbono ɔŋ fo sei gbaa mɔ, laa don Gyɔn.

¹² Lii abere abono Gyɔn gi yii gese ɔ kya tɔge Wurubuaare ɔkalan mɔ ɔ kya sa asa baa lii de nde mɔ, asa me kya nyanga ansi ma-a nyise de me' nye Wurubuaare gewuragi ɔ akye nabi mɔ. Gensipeere awura ade me de ansi lon me kya nye genen akye nabi abono.

¹³ Lii ko-o dedaa kyu baa lii Gyɔn abere ade mɔ, asa me wolaa wu Wurubuaare gewuragi ɔ akye nabi abono so ilaa tɔge yela, ne me nmarase imɔ wɔra Wurubuaare nbara iwole ɔ de mɔ-ikalalan atɔgebo iwole ɔ.

¹⁴ N' tɔge sa feye abono fe laa kyule ɔɔ imɔ gyi mɔ yee Wurubuaare ikalan ɔtɔgebo ɔko gi tɔge yee 'Ilaagya laa kii ba'. Gyɔn ne ɔ dare genen.

¹⁵ ɔbono ɔ bo aso mɔ, o' nu."

¹⁶ Yesu gi kii taase sakpii mɔ yee, "Menɛtɔ gbaa ne nan nye kyu kesere de nde asa ade ne?" Yesu gi taase genen mɔ, o kii lee gese sa sakpii mɔ yee, "Nde asa me de feɛ nbii ne n kpa gyan' sansana geteeko. Me gyan' genen mɔ, me kya tɔge me kya sa abara

¹⁷ yee,

'A lan akɔre ne a bii ilon sa feye mɔ, fe kine, feŋ kyaa.

A kpen saawo bii lewu ilon de fe' saawo mɔ, fe kine, feŋ saawo.' "

¹⁸ Yesu gi lee gese yee, "Gyɔn gi ba gesinkpan so faa mɔ, ɔ kya nminde genɔ belen-belen ne ɔ meŋ kya nun nta. Imɔso asa me kya tɔge yee, 'Ilaa nyenyɛn odudu ne n te mɔ so.'

¹⁹ Me, anyamese pewu mɔmɔ-daa mɔ, mɔ, ne ba gesinkpan so faa, n kya gyi n kya nun. Imɔso asa me kya tɔge yee, 'Kere, onyen baare! Ogyibelebo de nta nunbo ne ɔ gye. Mɔ-kyemeneana ne n gye lenpoo asɔɔbo abono me kya kudi asa gyi mɔ de ilaa nyenyɛn aworabo sense.' Feŋ nu nde asa mɔ ilaa tɔge?" Ne Yesu gi kii tɔge bola yee, "Ilaa ibono nyamese kya kyu ɔlaako ginyi wɔra mɔ ne n kya nyiile yee mɔ-ɔlaako ginyi mɔ gi boran."

Gisobiide Gi De Gi Gyoo Isowole Iko So Asa

²⁰ Nfono mɔ Yesu gi yii gese ɔ kya tɔge isowole iko so asa ilaa yee me bo ilaa nyenyɛn, yee nkana o kyu Wurubuaare ɔlon kyu wɔra amunale ilaa gbaa'gbaa gikyo ne me meŋ nu Wurubuaare gede de me' taa mɔmɔ-ila nyenyɛn giwɔra yee.

²¹ ɔ tɔge yee, "O, Korasin ɔsowole so asa, feye laako! O, Besayida ɔsowole so asa, feye laako! Ne kyu Wurubuaare ɔlon wɔra amunale ilaa gbaa'gbaa feye-isowole so ibono fe wu de ansi. Nengyene nkana Taya de Sidon awura ne nen nye me-ila ibono wu genen mɔ, ofaanan me ti wolaa taa mɔmɔ-ila nyenyɛn giwɔra yee. Nkana ofaanan me kya boɔda kyena me kya peere ansi lee nyiile Wurubuaare yee me nu mɔmɔ-nyoro gese.

22 N kya tɔge feye yee geakaabono Wurubuaare laa biide asa nyenyen pewu giso mɔ, feye-lee i laa wɔra nyenyen don Taya de Sidon awura-lee.

23 Ne feye Kapreeniyon awura mɔ de-e? Fe nyi yee Wurubuaare laa kyu feye kpe mɔ ase? Kuaa, ɔ laa too feye wɔra daa ɔbo ɔ nfono ɔ kya biide ilaa nyenyen awɔrabo giso mɔmɔ-lewu gemara mɔ. I lii fee ne kyu Wurubuaare ɔlon kyu wɔra amunale ilaa gbaa'gbaa feye-ɔsowole so ne fe wu de feye-ansi. Nengyena nkana Sodom awura ne nen nye me-ilaa ibono wu genen mɔ, ɔfaanan mɔmɔ-ɔsowole san o yii baa lii de nde.

24 N kya tɔge mi-i sa feye yee geakaabono Wurubuaare laa biide asa nyenyen pewu giso mɔ, feye-lee i laa wɔra nyenyen don Sodom awura-lee mɔ."

Yesu Yee Asa Me' Ba Mɔ Ase De Me' Nye Nkyoola

25 Owi ɔbono Yesu san ɔ kya tɔge Wurubuaare ɔkalan konkonse mɔ so ilaa ɔ sa asa mɔ, Yesu gi faala Wurubuaare yee, "Me-se, soso de gesinkpan pewu Wura, n kya faala fo yee fo kyu genen ilaa ide ɔra abono me nyi ɔlaako mɔ de abono me see mɔ, ne fo san lee imɔ-gewi nyiile daa nbii de asa abono me men nyi gisee mɔ.

26 Gesintin, me-se. Imɔ ibono ne n wɔra fo ɔbole."

27 Yesu gi kii tɔge yee, "Me-se Wurubuaare gi kyu ilaa kamaase wɔra me-abaa ɔ. ɔko men bo no o nyi me, Wurubuaare mɔ-bi mɔ, genen mɔ, me-se Wurubuaare wole. Genen kee ne ɔko men bo no o nyi Wurubuaare, genen mɔ, me ɔbono n gye mɔ-bi mɔ; me-re asa abono n' kya laare de n' lee mɔ-gewi nyiile ɔmɔ mɔ wole ne nan nye bii mɔ.

28 "Feye abono pewu feye-gekyena ɔ ilaa i bo ɔlon sa feye, ne i wɔra fee gesola i kya nu feye mɔ, fe' ba me ase. Nan sɔɔ feye de fe' kyoola.

29 Fe' nu me-gede de fe' kase me-gidebi. Fe wɔra genen mɔ, feye-asen a laa kyena feye geten kolon. I kya nyiile yee n gye nyamese ɔbono n kya bara me-nyoro gese, ne n' pɔɔ lii me-gisen ɔ.

30 Me ase gekyena gen bo sen, ne gesola gebono nan kyu sola feye mɔ gen bo duduu."

12

Yesu Bo ɔlon Geke Kyoolase So

1 Genen nke nbono ɔ imɔ geke kyoolase geko mɔ, Yesu mɔ-re mɔ-akasebo mɔ me kya kpe geteeko, ne me baa loo awayu ndoo nko ɔ. Me kya kyon mɔ, akon a de mɔ-akasebo mɔ, ne me yii gese me kya kyade awayu mɔ, me kya fologe me kya we.

2 Farasii gikpen mɔ ɔ ako me wu mɔmɔ genen mɔ, me tɔge sa Yesu yee, "Kere, fo-akasebo mɔ me kya kyade awayu ade faa, gesun ne me kya wɔra aye-geke kyoolase mɔ faa. Aye-nbara mɔ gin kya sa ɔkpa genen."

3 Yesu gi lee gen ɔ mɔmɔ yee, "Fe nyi yee in de ɔkpa genen faa mɔ, imɔso fen i kale Deefidi mɔ-re mɔ-nanboana ilaa Wurubuaare agyebi mɔ ɔ kere? Me ɔmarase nno yee owi ɔko ɔ mɔ, akon a de Deefidi mɔ-re mɔ-nanboana.

4 Imɔso ɔ loo Wurubuaare ɔson panpan mɔ ɔ kpa puru bodobodo ɔbono asa me kyu bara Wurubuaare mɔ, ne o gyi ne o kyu iko kee sa mɔ-nanboana mɔ. Naafu aye-nbara mɔ gin kya sa ɔkpa yee fo nyamese giyan fo' nye gyi genen bodobodo ɔbono, genen mɔ, aye Gyuda awura asunbi alebo wole.

⁵ Ne feŋ ti kale Wurubuaare agyebi do nfono me nmarase Wurubuaare asunbi alebo gesun worase ilaa mo? Nno i kya nyiile yee Wurubuaare asunbi alebo mo me bo momo-gesun worase me kya wora Wurubuaare oson obu mo do geke kyoolase, ne Wurubuaare men kya kyu imo yee me toro geke kyoolase nbara.

⁶ N kya toge mi-i sa feye yee, me obono n yeke feye ase gerena faa ne don Wurubuaare oson obu mo.

⁷ Wurubuaare gi toge yela mo-agyebi owole do yee,
'Me Wurubuaare, n kya laare fe' su asa gitolon;
i men gye asunbi abono fe laa lee sa me mo
ne n' kya laare.'

Femen nu agyebi ade gese mo, nkana fe man bun me-akasebo ade gipuee. I lili fee me men wora ilaa nyenyen iko.

⁸ Imoso fe' nu yee me, anyamese pewu momo-daa mo, n bo olon dabole geke kyoolase mo so."

Yesu Gi Kye Gibaa Wuse Wura Geke Kyoolase

⁹ Yesu gi lili nfono ne o naa kpaa loo Gyuda awura gikyangbon giko do.

¹⁰ Onyen oko bo nno, mo-gibaa giko gi wu'. Ne asa abono me bo genen gikyangbon gibono do mo ako me kya dii Yesu de me' nye kyu mo wora nbele do. Imoso me taase mo yee, "Aye-nbara gi kya sa okpa yee a' kye alobo geke kyoolase?"

¹¹ Yesu gi lee geno taase momo yee, "Ne fee feye oko bo sande ne o toro obo do geke kyoolase mo de-e? O man kpaa lee mo lili genen obo mo do?"

¹² Ne nyamese mo men tiri don sande gbaa bun? Imoso fe' bii yee aye-nbara gi kya sa aye okpa de a' wora idense geke kyoolase."

¹³ Nfono mo o toge sa onyen gibaa wuse wura mo yee, "Tenge fo-gibaa mo." Gesintin mo, o tenge gim, ne gibaa mo gi kii kyingi wora fee gidense mo.

¹⁴ Farasii gikpen mo do awura me wu genen mo, me lili kpaa da gedde genobono me laa nye Yesu mo mo.

Yesu Men Laare Me' Sola Mo-Ginyen Yee O Kya Kye Alobo

¹⁵ Yesu gi nu yee me da gedde me kya laare mo-imooten mo, o lili nfono kpe geten poboro. O kya kpe mo, sakpii bele oko gi buu mo. O kye abono pewu me kya lo mo,

¹⁶ ne o ka sa momo yee men sa me' toge isa obono onan o gye mo sa asa.

¹⁷ O ka sa momo genen daa de mo Yesu ilaa ibono Wurubuaare gi toge kyu naa de mo-ikalan otogebo Isaya so mo i' nye ba gesintin. O toge yee,

¹⁸ "Fe' kere obono ne lee gibaa yii yee o' wora me-gesun mo.

Mo-ilaa i bo me-gisen do; o tansi o kya gyi me-ginsi.

Nan yege me-Oduuu mo o' kyena mo do,

de o' toge sa gesinkpan so asa kpei-kpei yee
nan gyi momo pewu nbele gesintin okpa so.

¹⁹ O man logede de oko, ne o man puide asa so.

Asa me man nu yee mo ne n naa o kya kpen de ikpa faa.

²⁰ Abono me gye afolebo de abono men ti soo Wurubuaare gyi dandan mo, o man jaala momo ne o man yege i' yoo momo-nyoro.

O man lee ansi yege momo kpaa fo gekaabono o laa yege gesintin ge' gyi ilaa kamaase so mo.

²¹ Mo so ne gesinkpan so asa kpei-kpei me laa kyu momo-ansi gyan'."

Yesu Gi Gyi Ilaa Nyenyen Pewu Gemu So

²² Imo ide gemara mo, asa ako me kyu onyen oko kyu bara Yesu. Genen onyen mo gye gyaatanbo ne o kii o gye omuumu. I kya nyiile yee ilaa nyenyen oduduu te mo so. Yesu gi kosore genen oduduu nyenyen obono lii onyen mo so, ne o taale o kya tonge ne o kya wu ilaa.

²³ Asa abono me koola nfono mo me wu genobono Yesu gi kosore ilaa nyenyen oduduu mo lii onyen mo so mo, i de momo pewu geno. Me san ma-a taase abara yee, "It'efaa ode ne n gye Wura Deefidi onaanabi obono a kere mo-okpa mo do-o?"

²⁴ Farasii awura me nu ilaa ide mo, me lee geno yee, "Mo ode bere, ilaa nyenyen oduduu pewu gemu mo obono me kya tere mo-ginyen giko yee Besibuli mo ne n kya sa mo olon. Imoso ne o taale o kya gya ilaa nyenyen oduduu kpei-kpei koso asa so genen."

²⁵ Yesu, mo, gi bii momo-nwonsa do, ne o toge sa momo akpale do yee, "Nengyene ilaa nyenyen gemu mo ne n kya yeye n' kosore mo-ade mo, i laa wora fee wura mo-re mo-ade ne n kya ko de abara. Me kya ko genen mo, mo-gewuragyi mo ge laa nyida. Osowole kolon do asa abee geten kolon do asa me ye momo-nyoro do me kya ko mo, genen osowole obono abee geten gebono ge laa boori.

²⁶ Imoso nengyene i gye gesintin yee ilaa nyenyen pewu gemu mo kya kosore mo-ade ilaa nyenyen oduduu kpei-kpei mo, me ye momo-nyoro do ne. Nne so ne mo-gewuragyi ge laa de kpe?"

²⁷ "Feye yee Besibuli olon do ne n' kya kosore ilaa nyenyen oduduu asa so? Ne ibono feye-ade ako, mo, kee me kya kosore ilaa nyenyen oduduu asa so faa mo de-e? Ane olon do ne me kya kosore imo genen daa? Feye gbaa-gbaa ade mo me laa kyole feye yee in' gye Besibuli olon do ne isa laa taale kosore ilaa nyenyen oduduu kpei-kpei.

²⁸ Genobono i de faa mo, Wurubuaare Oduduu mo ne n' de mi-kosore ilaa nyenyen oduduu asa so. Imoso i kya lee i kya nyiile feye yee Wurubuaare gewuragyi do akyenabi a ti a bo feye do ne."

²⁹ Ne Yesu gi kii da gikpale sa omo yee, "Ilaa nyenyen pewu gemu mo de daa fee onyen bolonse obono o kya dii mo-geten dandan. Nne ne fo oko fo laa wora de fo' loo genen geten gebono do yuuri mo-at'o? Pei ne fo laa yuuri mo-at'o mo, genen mo, fo nminde mo.

³⁰ "Fe' nu yee obono on' kya buu me mo kya so akyole de me ne. Obono on' kya kpa me de n' koola asa mo, o kya yaase momo ne.

³¹ N kya toge mi-i sa feye yee, ilaa nyenyen kpei-kpei kamaase ibono fo nyamese fo laa wora mo de asebi kamaase abono fo laa saale Wurubuaare mo, i laa sa de Wurubuaare o' kyu imo kyu kyee fo. Ibono oko laa saale Wurubuaare Oduduu mo bere, Wurubuaare man kyu imo ibono kyu kyee mo.

³² Fo obono fo toge me, anyamese pewu momo-daa mo, nyoro so ilaa nyenyen mo, i laa sa de Wurubuaare o' kyu kyee fo. Obono, mo, o laa saale Wurubuaare Oduduu mo bere, Wurubuaare man kyu kyee mo gekyena gede do ne o man kyu kyee mo gekyena poboro gebono ge laa baa ba geakaako mo do.

Nyamese Laawora Ne N Kya Nyiile Mo-Gidebi

³³ "Fe' kere nyamese ilaa worase de fe' kyu bii mo-gisen do ilaa. I de daa fee genobono oyii bo alanfiya ne mo-abi sorose kee mo a boran mo. Ne fee on' bo alanfiya mo, mo-abi kee an boran. Oyii abi ne me kya kyu bii mo-alanfiya. Nyamese ilaa worase kee ne me kya kyu bii mo-gisen do ilaa.

³⁴ Fɛ de fɛɛ awɔɔ abono a bo gibɔɔ mɔ gikpen. Feye ilaa nyenyɛn awura adɛ, ilaa dɛnsɛ imɔ ne nan lii fɛyɛ-nnɔ dɔ? Ilaa ibono i bo nyamesɛ gisen dɔ mɔ, imɔ ne ɔ kya lɛɛ tɔgɛ.

³⁵ Nyamesɛ dɛnsɛ bɛrɛ, ilaa dɛnsɛ ne n bo mɔ-gisen dɔ, ne ilaa dɛnsɛ ne nan lii mɔ-gɛnɔ dɔ. Ne nyamesɛ nyenyɛn, mɔ, ilaa nyenyɛn ne n bo mɔ-gisen dɔ, ne ilaa nyenyɛn kee ne nan lii mɔ-gɛnɔ dɔ.

³⁶ N kya tɔgɛ mi-i sa fɛyɛ yɛɛ gɛkɛ gɛbono Wurubuaarɛ laa gyi anyamesɛ pɛwu nbele mɔ, anyantɔgɛ kamaasɛ abono fo ɔko fo tɔgɛ mɔ fo laa yelɛ Wurubuaarɛ ansi dɔ lɛɛ fo-gɛnɔ ilaa ibono so fo tɔgɛ amɔ mɔ.

³⁷ Fo nyamesɛ fo-gɛnɔ dɔ ilaa tɔgɛsɛ ibono fo laa tɔgɛ gesinkpan so mɔ ne Wurubuaarɛ laa kyu gyi fo-nbele de o' bun fo gipueɛ abɛɛ o' sa fo aso."

Asa Mɛ Laarɛ Ilaa Lɛɛnyiilɛ Lii Yesu Asɛ

³⁸ Nfono mɔ nbara anmarasɛbo ako de Farasii gikpen mɔ dɔ asa ako mɛ tɔgɛ sa Yesu yɛɛ, "ɔbelɛnsɛ, a kya laarɛ fo' wɔra ilaa ibono i laa lɛɛ nyiile aye yɛɛ Wurubuaarɛ ne n sa fo ɔlon ɔbono fo dɛ mɔ."

³⁹ Yesu gi lɛɛ gɛnɔ sa mɔmɔ yɛɛ, "Feye ndɛ asa adɛ! Fɛ bo ilaa nyenyɛn ne fɛn kya son Wurubuaarɛ gesintin ɔkpa so! Genɛn so ne fɛ kpɛ fɛ kya laarɛ fɛ' wu ilaa lɛɛnyiilɛ faa. Ilaa kolon guan-n ne Wurubuaarɛ laa wɔra sa fɛyɛ de fɛ' wu. Genɛn ilaa ibono mɔ i laa wɔra daa fɛɛ ibono i ba Wurubuaarɛ ikalan ɔtɔgɛbo Gyoona so mɔ.

⁴⁰ Fɛɛ gɛnɔɔbono Gyoona gi gyi nke nsa toloowi kalaadɛ ɔkɛn bele ɔtɔ dɔ mɔ, genɛn kee ne mɛ, anyamesɛ pɛwu mɔmɔ-daa mɔ, nan gyi nke nsa toloowi kalaadɛ gesinkpan ɔbɔ dɔ ne.

⁴¹ "Owi ɔbono Wurubuaarɛ laa gyi anyamesɛ pɛwu nbele mɔ, Ninifa awura mɛ laa koso yelɛ tɔgɛ yɛɛ i kaabɔrɛ Wurubuaarɛ o' bun fɛyɛ ndɛ asa gipueɛ. I lii fɛɛ Gyoona owi mɔ, Gyoona gi tɔgɛ Wurubuaarɛ ɔkalan sa Ninifa awura mɔ, mɛ nu mɔmɔ-nyoro gɛsɛ ne mɛ kyɛgɛ lii mɔmɔ-ilaa nyenyɛn giwɔra dɔ. Feye bɛrɛ, fɛ nyɛ mɛ ɔbono ne don Gyoona mɔ n bo fɛyɛ asɛ gɛrɛ ndɛ faa, ne fɛ mɛn sɔɔ gyi.

⁴² Gɛkaabono kee mɔ wura kyiiɛ ɔbono o gyi gɛwura Siiba gesinkpan so dedaa mɔ laa koso yelɛ tɔgɛ yɛɛ i kaabɔrɛ Wurubuaarɛ o' bun fɛyɛ ndɛ asa adɛ gipueɛ. I lii fɛɛ Wura Solomon owi mɔ, genɛn ɔkyii baarɛ gi nu mɔ-ɔlaako ginyi mɔ so, ne ɔ koso lii ko-o mɔ-gewi gɛten bogetasɛ kpaa nu Wura Solomon ɔlaako ginyi ilaa nyiilɛ mɔ. Feye bɛrɛ, fɛ nyɛ mɛ ɔbono ne don Wura Solomon mɔ, n bo fɛyɛ asɛ gɛrɛ ndɛ, ne fɛ kine fɛ mɛn sɔɔ mɛ gyi.

⁴³ "Nengyɛnɛ ilaa nyenyɛn oduduu i koso isa so mɔ, i kya naa kingi, ne i kya wɔra imɔ fɛɛ i naa gesinkpan so nfono nkyu giɲ bo mɔ. I naa i naa i kya laarɛ ɔkyoolatɛn. Nengyɛnɛ iɲ nyɛ ɔkyoolatɛn mɔ,

⁴⁴ i kya tɔgɛ sa imɔ-nyoro yɛɛ, 'Nan kii kpaa kyɛna isa ɔbono n wolaa n tɛ mɔ so mɔ.' I kii kpɛ isa mɔ asɛ mɔ, i kya kpaa wu yɛɛ isa mɔ gi wɔra fɛɛ gɛten gɛbono mɛ kpaa gɛmɔ lɔrɔ, gɛ wɔra ɔdan, ne ɔko mɛn tɛ gɛmɔ dɔ mɔ.

⁴⁵ Nfono mɔ, ilaa nyenyɛn oduduu mɔ i kya kpaa tɛrɛ imɔ-nanboana sono ibono i bo ilaa nyenyɛn don imɔ-nyoro mɔ kyu baa bɔla imɔ-nyoro so de i' kii kpaa kyɛna isa mɔ so. Nengyɛnɛ i ba genɛn mɔ, i kya lɔrɔ wɔra nyenyɛn sa isa mɔ don gigyangbarasɛ mɔ. Genɛn ne i laa wɔra sa ndɛ nke ndɛ dɔ asa abono mɛ bo ilaa nyenyɛn mɔ ne."

Yesu Gi Nyiile Asa Abono ɔnan Mɛ Gye Mɔ-Subuana Mɔ

46 Yesu san ɔ kya tɔngɛ de asa mɔ mɔ, mɔ-nyi de mɔ-tedeana mɛ ba, mɛ yelɛ nɛmanman mɛ kya laare mɛ' wu mɔ.

47 Ɔko gi tɔgɛ sa Yesu yɛɛ, "Kerɛ, fo-nyi de fo-tedeana mɛ yelɛ nɛmanman mɛ kya laare mɛ' wu fo."

48 Yesu gi lɛɛ gɛnɔ taase mɔ yɛɛ, "Anɛ ne n gye me-nyi? Anɛana ne n gye me-tedeana?"

49 Nfono mɔ ɔ lɛɛ gibaa nyiile mɔ-akasebo mɔ ne ɔ tɔgɛ yɛɛ, "Me-nyi de me-tedeana ne!

50 Isa ɔbono ɔ kya wɔra me-sɛ Wurubuaare ɔbono ɔ bo soso mɔ gelaare mɔ, mɔ ne n gye me-tede, mɔ ne n gye me-pikyii, mɔ ne n gye me-nyi."

13

Dɔɔbo Ɔko Gikpale

1 Genen geke kolon gebono mɔ, Yesu gi lii geten mɔ dɔ kyon ɔbon bele mɔ gigengen. Ɔ fo nno mɔ, ɔ kpelegɛ kyena ne ɔ nyiile asa ilaa.

2 Sakkpii bele ɔko gi kyaabɔɔ mɔ. Genen so mɔ ɔ dii loo gikolii dɔ ɔ tɛ; asa mɔ, mɔ, mɛ san mɛ yelɛ gigengen so.

3 Ɔ tɔgɛ mɔmɔ ilaa gikyɔ akpale dɔ. Ɔ da gikpale giko sa mɔmɔ yɛɛ, "Dɔɔbo ɔko gi kyena. Owɔ ɔko dɔ mɔ, ɔ koso kpe ndɔɔ kpaa nɛmade ayu.

4 Ɔ kya nɛmade ayu mɔ mɔ, ako a tɔrɔ ɔkpa dɔ, ne nbuii mɛ baa tɔɔsɛ amɔ gyi.

5 Ayu mɔ ako, mɔ, a tɔrɔ kpandan so. Amɔ abono a kpaala kɔrɔ. I kya nyiile yɛɛ ise ibono i bo kpandan mɔ so mɔ in kyɔ,

6 imɔso ayu mɔ a mɛn nyɛ de amɔ-ilin i' loo gɛsɛ. Owɔ gi dii mɔ, a wiili ne a wu'.

7 Ako kee a tɔrɔ iwe dɔ. Abono a kɔrɔ mɔ, iwe mɔ i koso bun wɔra amɔ, ne a wu'.

8 Amɔ ako, mɔ, a tɔrɔ gɛsinkpan dɛnsɛ so. Amɔ berɛ, a kɔrɔ, ne a sen da amu kanpɛ. Dɔɔbo mɔ gi kebi amɔ mɔ, ɔ nyɛ abono ɔnan ɔ kyu nɛmade mɔ, amɔ ako ikue-inun, ako ikue-isa, ne ako mɔ oko de saalaa."

9 Yesu gi da gikpale mɔ ta mɔ, ɔ tɔgɛ yɛɛ, "Ɔbono ɔ bo aso mɔ, ɔ' nu!"

10 Nfono mɔ Yesu akasebo mɔ mɛ tu sindi mɔ ne mɛ taase mɔ yɛɛ, "Mɛnɛ n wɔra so ne fo kya tɔngɛ daa akpale dɔ fi-i sa mɔmɔ?"

11 Yesu gi lɛɛ gɛnɔ sa mɔmɔ yɛɛ, "Fɛye berɛ Wurubuaare laa lɛɛ mɔ-gɛwuragyɔ dɔ akyenabi mɔ ilaa boduduuse nyiile fɛye. I mɛn gye mɔmɔ asa sɛnsɛ adɛ.

12 I lii fɛɛ ɔbono ɔ kya nu Wurubuaare asɛ mɔ, ɔ laa nu de ɔ' nu imɔ gɛsɛ. Ne ɔbono, mɔ, ɔn kya nu Wurubuaare asɛ mɔ, ipii ibono ɔ nu mɔ gbaa, i laa kii lii mɔ-gimu dɔ.

13 Genen asa abono ɔnan berɛ, mɛ de mɔmɔ-ansi mɛ kya kerɛ, mɛn kii mɛ wu sɛi, mɛ kya nu ilaa de mɔmɔ-aso, mɛn kii ma-a nu imɔ gɛsɛ. Imɔso ne n' kya tɔngɛ de mɔmɔ akpale dɔ mɔ.

14 Mɔmɔ-ilaa idɛ i kyena de ilaa ibono Isaya gi wolaa wu tɔgɛ yela mɔ. Ɔ tɔgɛ yela yɛɛ,

'Mɛ laa kpe mɛ kya nu ilaa, mɛ man kii nu imɔ gɛsɛ.

Mɛ laa kpe mɛ kya kere ilaa, mɛ man kii wu sɛi.

15 I lii fɛɛ mɔmɔ-nwɔnsa dɔ in bugi de ilaa gɛsɛ ginu.

Mɔmɔ-aso a tii, ne mɛ baala mɔmɔ-ansi bun.

Ne fɛɛ i mɛn gye genen mɔ, ɔfaanan mɛ kya wu ilaa.

Mɛ kya nu ilaa de mɔmɔ-aso, ne mɛ kya nu ilaa gɛsɛ.

Ne fɛɛ mɛ nyɛ mɛ kya nu ilaa gɛsɛ mɔ,

nkana me laa kii ba me ase de n' kye momo-giloto gibono me kya lo mo.' "

¹⁶ Yesu gi kii toge sa mo-akasebo mo yee, "Feye bere, amudensebo ne n gye feye. Feye-ansi a kya wu ilaa, ne feye-aso a kya nu.

¹⁷ Gesintin ne n' kya toge feye faa, Wurubuaare ikalan atogebo de asense abono me gyi gesintin sa Wurubuaare baa kyon mo momo sakyō me tansi laare me' nye wu ilaa ibono fe kya wu faa, men kii nye. Me tansi laare me' nye nu ilaa ibono fe kya nu faa, men kii nye.

Yesu Gi Lee Doobo Gikpale Mo Gese

¹⁸ "Fe' nu doobo mo gikpale mo gese kon.

¹⁹ Ayu abono a toro okpa do mo a de fee asa abono me kya nu Wurubuaare gewuragi do akyenabi mo so ilaa ne men kya nu imo gese mo. Obonsan, nyamese nyenyen mo ne n kya baa soge amo lii momo-asen do.

²⁰ Ayu abono a toro kpanan so mo a de fee asa abono me kpe nu Wurubuaare agyebi mo, ne me kya soo amo de okon,

²¹ yeye men kya soo amo wora momo-asen do mo. Me de daa fee nbokyu. Ogenda oko gi kpe tu momo abee asa me kpe ka momo-ansi kyu lii agyebi mo so mo, fe laa kere mo, me kya luu nyoro.

²² Ayu abono a toro iwe do mo a de fee asa abono me kya nu Wurubuaare agyebi, ne gesinkpan gede so nsuili de aterenbi gilaare i kya gyi momo-amo mo. Imoso men baa ma-a taale wora agyebi mo so ilaa momo-gekyena do.

²³ Ayu abono a toro gesinkpan dense so mo bere, a de fee asa abono me nu Wurubuaare agyebi mo, ne me nu gese wora amo so ilaa momo-gekyena do fee genobono doobo mo gi nye ayu abono onan o kyu nmade mo, ako gikpado ikue-inun, ako ikue-isa, ne ako oko de saalaa mo."

Ife Gikpale

²⁴ Yesu gi kii toge sa momo yee, "Genobono Wurubuaare gewuragi do akyenabi mo a kya ba asa do mo i de fee gikpale gibono nan baa da faa. Doobo oko gi duu awayu mo-ndoo do.

²⁵ Imo genye asa pewu me de mo, mo-okyobo gi kpa duu ife wora mo-awayu mo do, ne o naa kyon.

²⁶ Awayu mo de ife mo i korō. Owi obono awayu mo a boori a kya mada mo, ne me wu yee ife i saare awayu mo do.

²⁷ Nfono mo doobo mo adegā mo me baa taase mo yee, 'Obelense, in gye awayu ne fo duu fo-ndoo mo do? Fone do ne ife ide onan i lii?'

²⁸ Ne doobo mo gi lee geno yee, 'Okyobo oko ne n duu ife mo genen.' Ne mo-adege mo me taase mo yee, 'Fo kya laare a' kpa kyigi ife mo de i' san awayu mo wole?'

²⁹ O lee geno yee, 'Kuaa. Nengyene fe laa kyigi ife mo mo, fe laa naa kyigi dabole de awayu mo.

³⁰ Imoso fe' yeye awayu mo de ife mo pewu i' yele dabole. I baa fo owi obono a laa gbaa awayu mo mo, nan toge gesun aworabo mo yee me' daa gikebi ife mo nminde imo adilla-adilla de me' yii imo ogya pei de me' loo gbaa awayu mo kyu kpa gyan' me-gigbaran so.' "

Maasade Gibi De Bodobodo Gelin Akpale

31 Yesu gi kii da gikpale giko sa mɔmɔ yɛɛ, “Genɔɔbono Wurubuaare gɛwuragyi dɔ akyenabi mɔ a kya yelege asa dɔ mɔ i de daa fɛɛ Maasade giponfɛ ilaa.

32 Maasade gibi gi kere faa ɲini-ɲini. Aponfɛ abi pɛwu dɔ mɔ, gimɔ ne mɛɲ kiire. Dɔɔbo gi duu Maasade gibi mɔ-ndɔɔ dɔ mɔ, gi kya kɔrɔ wɔra giponfɛ bele baa don giponfɛ kamaase. Gi kya wɔra oyii gbaa, ne nbuii gi kya baa luo asisaa gimɔ-nyalenbi dɔ.”

33 Yesu gi kii da asa mɔ gikpale giko yɛɛ, “Genɔɔbono Wurubuaare gɛwuragyi dɔ akyenabi mɔ a kya yelege asa dɔ mɔ i de daa fɛɛ gelin gebono mɛ kya kyu wɔra bodobodo ne ɔ kya ɲan dii mɔ. Mɛ kya kyu genen gelin gebono kyu bagade bodobodo nnyufo fɛɛ imudu isa' dɔ mɔ, ge kya yelege loo saare nnyufo mɔ pɛwu dɔ de bodobodo mɔ o' nyɛ dii.”

Yesu Gi Lɛɛ Akpale Mɔ Gɛɛ Sa Mɔ-Akasebo Mɔ

34 Yesu gi tɔge sa sakpii mɔ genen mɔ, ɔ tɔge imɔ pɛwu daa akpale dɔ. ɔ mɛɲ tɔge mɔmɔ ilaa iko yɛɛ ɔɲ da gikpale. ɔ kya tɔnge akpale dɔ genen mɔ,

35 i nyɛ kyena de ilaa ibono Wurubuaare ikalan ɔtɔgebo ɔko gi wolaa tɔge yela mɔ. ɔ tɔge yela yɛɛ,

“Nan tɔnge akpale dɔ sa mɔmɔ.

Nan tɔge mɔmɔ asiiri ilaa

ibono asa mɛ mɛɲ ti nu imɔ kere gekaako mɔ.”

36 Yesu gi tɔnge ta mɔ, ɔ lɛɛ sakpii mɔ ɔkpa, ne ɔ naa kpaa loo geten dɔ. ɔ loo geten dɔ mɔ, mɔ-akasebo mɔ mɛ ba mɔ ase baa taase mɔ yɛɛ, “Ife mɔ gikpale gibono fo da mɔ gɛɛ ne n gye yɛɛ mɛnɛ?”

37 Yesu gi lɛɛ genɔ sa mɔmɔ yɛɛ, “Dɔɔbo ɔbono o duu awayu mɔ ne n gye mɛ, anyamese pɛwu mɔmɔ-daa mɔ.

38 Nɔɔɔ mɔ ne n gye gesinkpan. Awayu mɔ ne n gye asa abono mɛ kya nyɛ ɔkyenaten Wurubuaare gɛwuragyi dɔ mɔ, ne ife mɔ, mɔ, ne n gye asa abono mɛ bo ɔbonsan, nyamese nyenyɛn mɔ gikpen dɔ mɔ.

39 ɔkyobo ɔbono, mɔ, ɔ baa duu ife mɔ ne n gye genen ɔbonsan, ilaa nyenyɛn pɛwu gemu mɔ. Awayu mɔ gigbaa owi mɔ ne n gye owi ɔbono gesinkpan so gekyena ge laa yela ɔkara mɔ. Adegɔ abono mɛ laa gbaa awayu mɔ ne n gye Wurubuaare dɔ isɔɔ.

40 Fɛɛ genɔɔbono mɛ laa koola ife de mɛ' dɛɛ imɔ mɔ, genen kee ne mɛ laa kyu wɔra asa nyenyɛn owi ɔbono gesinkpan so gekyena ge laa yela ɔkara mɔ.

41 Mɛ, anyamese pɛwu mɔmɔ-daa mɔ, nan sun mɛ-isɔɔ yɛɛ mɛ' kpe mɛ-ade abono n kya gyi gɛwura mɔmɔ so mɔ ase. Isɔɔ mɔ mɛ ba mɔ, mɛ laa baa tɔɔɛ ilaa nyenyɛn awɔrabo pɛwu de ilaa ibono pɛwu i kya yege mɛ-ade mɛ' wɔra ilaa nyenyɛn mɔ lɛɛ lii mɛ-gɛwuragyi mɔ dɔ.

42 Mɛ tɔɔɛ mɔmɔ lɛɛ genen mɔ, mɛ laa kyu mɔmɔ too wɔra ɔgya gin-gin dɔ. Osulon de anɛbi giwe ne n bo nno.

43 Genen owi ɔbono dɔ mɔ asa abono mɛ gyi gesintin sa Wurubuaare mɔ mɛ laa ɲelegi fɛɛ owi mɔmɔ-sɛ Wurubuaare gɛwuragyi gekyena mɔ dɔ. ɔbono ɔ bo aso mɔ, o' nu.”

Awuratɔ Abono A ɲara De Gɛgyi Boɔgyalonse Akpale

44 Yesu gi tɔge sa mɔmɔ yɛɛ, “Genɔɔbono fɛ laa nyɛ Wurubuaare gɛwuragyi dɔ akyenabi mɔ i de fɛɛ gikpale gibono nan baa da faa. Awuratɔ gbaa' ako a ɲara ndɔɔ nko dɔ, ne ɔnyɛn ɔko gi kpaa beendi amɔ. I tansi wɔra mɔ ɔkon gikyɔ, ne ɔ lɔrɔ amɔ ɲara, ne ɔ kpaa fɛ ilaa kamaase ibono ɔ bo mɔ, ne o kii kpaa sɔɔ gesinkpan gebono dɔ awuratɔ mɔ a bo mɔ.”

45 Yesu gi da gikpale banban kyu lii Wurubuaare gewuragyi do akyenabi mo so yee, "Ilaa ofebo oko kya laare ngyi boogyalonse nko de o' soo.

46 O wu nko nbono gi bo kanpe ne gi tansi gi bo ogyalon mo. O wu nmo genen mo, o kpaafee ilaa kamaase ibono o bo mo ne o kpaafee soo genen ngyi nbono.

Asewu Gikpale

47-48 "Wurubuaare gewuragyi do gekyena mo ge fo mo, ge laa wora fee genoo bono iken akedabo me kya too asewu mo. Asewu mo a kya keda iken kpei-kpei gikyoo de me' biide amoo-re iken mo lii gyan' gigengen so. Me lee iken mo mo, me kya kyee iken nyenyen lii idense do. Me kya kyu idense mo wora nkeebii do, ne me kya kyu inyenyen mo, mo, kyu too fue.

49 Fafaanan kee ne i laa wora owi obono gesinkpan so gekyena ge laa yela okara mo ne. Wurubuaare do isoo me laa baa kyee abono me bo ilaa nyenyen mo lee lii abono me kya gyi gesintin sa Wurubuaare mo do

50 de me' kyu asa nyenyen mo kpaafee too ogya gin-gin do. Osulon de anebi giwe ne n bo nno."

51 Yesu gi da akpale ade sa moomo genen mo, o taase moomo yee, "Fee nu ilaa ibono ne toge feye faa pewu gese?" Me lee genoo yee, "Een."

52 Yesu gi toge sa moomo yee, "Nbara onmarasebo kamaase nyi Wurubuaare agyebi dedaa ne o kii nye kase Wurubuaare gewuragyi do akyenabi ilaa bola mo, o de fee geten wura obono o bo ilaa dedaa de ilaa poboro pewu mo-ilaafee oyelaten mo. Nengyene i gye ilaa dedaa ilaa mo, o bo nno, ne i kii i gye ilaa poboro ilaa kee mo, o bo nno."

Yesu Gawi Awura Me Menj Soo Mo Gyi

53 Yesu gi da genen akpale ade pewu ta mo, o koso lii nfono

54 ne o kii kpe osowole obono so me bela mo mo. O nyiile asa ilaa moomo-gikyangbon do. Mo-ilaafee nyiilese mo i de asa mo genoo, ne me san me kya taase abara yee, "Fone ne ode gi kpaafee nye genen olaako ginyi gide lii? Nne ne o wora ne o nye olon baare o kya wora ilaa gbaa'gbaa ibono i kya de genoo faa?"

55 Inj gye kaafenta mo-bi mo ne? Inj gye mo-nyi ne n gye Mariya? Ne inj gye Gyeemesi, de Gyosefo, de Simon de Gyudase moomo-daa mo ne?

56 Inj gye aye-re mo-pikyiana ne n te gere? Ne fone do ne o nye imo ide pewu lii daa?"

57 Yesu menj gye isafo sa moomo so mo, me kine me menj soo mo gyi. Ne Yesu gi toge sa moomo yee, "Wurubuaare ikalan otogebo kya gyi ginsi geten kamaase, genen mo, mo gbaa-gbaa mo-gewi abee mo-geten do wole."

58 Asa me menj soo mo gyi so mo, onj kyu Wurubuaare olon wora amunale ilaa gbaa'gbaa nno gikyoo.

14

1 Genen nke nbono do mo, Wura Herode obono o kya kere Galeli gesinkpan so mo gi nu Yesu ilaa worase so.

2 O nu imo genen mo, o toge sa mo-adega yee, "Gyon obono o naa kyena gyere asa Wurubuaare sagyere mo ne. O kyingi lii ibuni do daa so ne o nye Wurubuaare olon o kya wora ilaa gbaa'gbaa genen faa."

Genoo bono I Ba Ne Gyon Gi Nye Lewu Mo

3-4 Genoo bono i ba ne Gyon gi nye lewu mo ne n gye yee Wura Herode mo-tede Filipino gi dena okyii oko, me kya tere mo yee Herodiyase, ne wura mo gi soge okyii mo kyu dena. Gyon gi nu genen mo, o toge sa Wura Herode

yee ibono o soge mo-tede mo-ka dena mo, in boran, in de okpa genen. O toge mo genen mo, wura mo gi yee me kpa keda mo, ne me nminde mo kyu kpa tii de obu.

⁵ Nkana wura mo gi laare o' yee me' mo mo. O kii o sele sakpii mo. I kya nyile yee sakpii mo kya buu Gyon yee o gye Wurubuaare ikalan otogbo.

⁶ Geke gede mo Wura Herode kya gyi mo-geke korogese gesi. Mo-re mo-nanboana me te me kya gyi geke bele mo mo, Herodiyase mo-bi obolonbu oko gi lli kyaa tala asa mo ansi. Mo-gekyaa mo ge wora Wura Herode obole giky.

⁷ Imoso o ka sa obolonbu mo yee, "Ilaa kamaase ibono fo kya laare mo, toge me, nan kyu sa fo. Nengyene fo taase me ne men nye sa fo mo, ne toro ntan."

⁸ Obolonbu mo gi lli kpa taase mo-nyi, ne mo-nyi gi toge mo ilaa ibono i kaabore o' taase mo. Imoso obolonbu mo gi kii baa toge wura mo yee, "N kya laare Gyon obono o gyere asa Wurubuaare sagyere mo gimu tangalan do feye-ansi do gere."

⁹ Obolonbu mo gi taase genen mo, Wura Herode gisen do i nyida mo. O ti ka ntan abelense mo ansi do so mo, o kyule ne o toge mo-adege mo yee me' wora ilaa ibono obolonbu mo kya laare mo sa mo.

¹⁰ Imoso o sun ne me kpa ten Gyon gimu nfono o tii de obu mo,

¹¹ ne me kyu gim taga tangalan do kyu bara obolonbu mo, ne obolonbu mo gi kyu kper mo-nyi.

¹² Gyon akasebo mo me nu genen mo, me kpa kyu mo-gibuni mo kyu kpa pul, ne me kpa buu sa Yesu.

Yesu Gi Sa Sakpii Bele Agyudo Ne Me Gy Kaabo

¹³ Yesu gi nu Gyon lewu mo so mo, o dii loo gikolii do ne o lli nfono o bo mo de o' kpe nfono asa men te mo. Asa sakyo me nu yee Yesu gi koso nfono mo, me naa de ayaa lli momo-isowole so de me' kpa tu mo.

¹⁴ Yesu gi fo nfono o kya kpe mo, o baa lli gikolii mo do mo, o wu sakpii bele ti o yele. O wu momo genen mo, momo-ilaa i wora mo ayen, ne o kye-kye abono me kya lo mo.

¹⁵ I wora gedode mo, mo-akasebo mo me kpa toge sa mo yee, "Nfono a bo faa, i gye daa ife nsana, ne owi gi ta. Imoso lee sakpii mo okpa de me' naa kpe isowole ibono i sindi gere mo de me' kpa nye agyudo so gyi."

¹⁶ Yesu gi kisee toge sa momo yee, "In tiri yee me' kpe geteeko. Feye gbaa-gbaa fe' sa momo ilaa iko de me' gyi."

¹⁷ Me lee geno yee, "Aye ase gere a bo daa ibodobodo inun de iken inyo."

¹⁸ Yesu gi toge momo yee, "Fe' kyu imo bara me gere."

¹⁹ Me kyu kper mo, ne Yesu gi toge sa sakpii mo yee me' kpelege kyena ife bonboli mo so. Me kyena mo, o puru ibodobodo inun de iken inyo mo ne o diire mo-ansi kere soso, o kyu afaala sa Wurubuaare, ne o gbaa gbaa ibodobodo mo do kyu sa mo-akasebo mo, ne momo, mo, me ye sa sakpii mo.

²⁰ Okamaase gi gyi kaabo, ne i kii san. Mo-akasebo mo me koola agyisan mo mo, a bola nkeebii gudu nnyo.

²¹ Anyen abono me saare asa abono me gyi agyudo mo gegyono ge laa wora fee anyen nwe ikue-inyo de saalaa. Akyii de nbii-lee gegyono gen too.

Yesu Gi Naa Nkyu So, I Men Muiine Mo Loo

²² Imo gemara mo, Yesu gi yege mo-akasebo mo me dii loo gikolii do de me' gyangbara mo fara kpe gibenbe giko mo so de mo mo o' lee sakpii mo okpa de o' baa tu momo.

²³ Yesu gi lee momo-okpa ta ne i san mo-wole mo, o dii kpe gibii giko so o' kpaa dala. O sii nno mo-wole genen kaabore i bun.

²⁴ Genen owi obono mo mo-akasebo mo me ti pale gikolii mo kyon geta. Afuu a kya da nkyu mo so, ne i yege gikolii mo gi kya kyengben. Afuu mo a kya da a kya ba de momo ase so.

²⁵ I baa fo gibaadiike mo, Yesu naa nkyu mo so o kya kpe de mo-akasebo mo ase.

²⁶ Me wu mo o naa nkyu mo so o kya ba mo, i nmaa momo-gisen, me kya kpen yee, "Obuni ne!" Ne i wora momo gifuu, me san ma-a saawo.

²⁷ Ayaa abono so mo, Yesu gi toge sa omo yee, "Fe' keda nyoro! Me Yesu ne. Fej sa fe' sele gifuu."

²⁸ Yesu gi toge sa omo genen mo, Piita gi toge sa mo yee, "Me-wura, nengyene i gye fo mo, toge me kee de n' naa nkyu mo so baa tu fo."

²⁹ Yesu gi lee geno yee, "Naa ba." Nfono mo Piita gi lii gikolii mo do o naa nkyu mo so o kya kpe Yesu ase.

³⁰ O wu ibono afuu mo a kya da de olon mo, i wora mo gifuu. Genen so mo, o yii gese o kya muiine o kya loo nkyu mo do. O kya loo mo, o saawo yee, "Me-wura, molege me!"

³¹ Ayaa abono so mo, Yesu gi tenge mo-gibaa keda mo, ne o taase mo yee, "Kere, gisogyi gibono fo bo sa me mo pewu ne? I wone ne fo so fo-nyoro akwole?"

³² Yesu mo-re Piita me baa dii loo gikolii mo do mo, nfono mo, afuu mo a taa gida yege.

³³ Mo-akasebo abono me bo gikolii mo do mo me nmii mo kyu buubuu sa mo ne me kya toge yee, "Gesintin, fo gye Wurubuaare mo-bi!"

Yesu Gi Kye Alobo Genesarete

³⁴ Me fara obon bele mo genen mo, me lii gikolii mo do dii gyan' Genesarete gesinkpan so.

³⁵ Genesarete awura me wu Yesu bii mo, me yege i nu gyan' genen gesinkpan gebono so pewu yee Yesu gi loo momo ase. Me nu genen mo, me kyu momo-asa abono me kya lo mo pewu bara mo.

³⁶ Me kole mo yee o' yege me' yii ba-a mo-gegbe ginebi. Ne gesintin mo, okamaase obono o nye ne o yii mo-gegbe mo, mo-aloto a kya ta.

15

Ako Me Kya Pene Asa Yee Momo-Nbara Gi Gye Wurubuaare-Lee

¹ Imo ide gemara mo, Farasii gikpen mo do asa ako de Gyuda awura nbara anmarasebo ako me lii Gyerusalem ba Yesu ase baa taase mo yee,

² "I wone so ne fo-akasebo mo me kya kere ansi taa aye-itiibilaa mo giwora yege daa? Imo ne n gye yee me laa gyi mo, menj kya foro momo-abaa aye-itiibilaa aforobi de sei on' sa o' kyolese momo-Wurubuaare onon."

³ Yesu gi lee geno sa omo yee, "Ne feye mo de-e? I wone so ne feye-itiibilaa so mo, fe kya kere ansi taa Wurubuaare nbara mo yege daa?"

⁴ Wurubuaare gi yela nbara yee, 'Buu fo-se de fo-nyi.' Nko kee ne n gye yee, 'Fo obono fo toge nno wora fo-nyi abee fo-se mo, me' mo fo.'

⁵ Feye Farasii awura de nbara anjmarasebo mo bere, fe kya nyiile daa yee oko laa taale toge sa mo-nyi abee mo-se yee, 'Ilaa ibono n bo ne nkana nan kyu kpaafeye mo, nan loro imo yela sa Wurubuaare.' Nengyene o nye toge genen mo, feye yee inj baa i tiri yee o baa buu mo-se de mo-nyi de o' kpaafeye mo.

⁶ Feye-anyamese itiibilaa ide so mo, fe kya nyaa Wurubuaare nbara mo yela nkan.

⁷ Fe bo gikeransii! Wurubuaare okalan obono Isaya gi nu toge mo i kyena de feye-ilaafeye wofere ide gesintin so.

⁸ 'Isaya gi nu Wurubuaare gi toge yee, 'Ansi so ne me-asa ade me kya lee me-ginyen; Momonwonsa do bere, me-re omo anj bo gese.

⁹ Me kya son me daa ansi so giyan.

I kya nyiile yee anyamese-lee nbara ne me de me kya pene me kya nyiile asa yee i gye me Wurubuaare-lee.'

Nyamese Nwonsa Ne N Kya Kyolese Mo-Wurubuaare Oson

¹⁰ Nfono ne Yesu gi tere sakpii obono o bo nfono mo ba mo ase, ne o toge sa momo yee, "Fe' yela giso de fe' nu gese yee,

¹¹ i menj gye ilaa ibono i kya loo nyamese genoo do mo ne n kya kyolese mo-Wurubuaare oson. Ilaa ibono i kya lii nyamese genoo do mo ne n kya kyolese mo-Wurubuaare oson."

¹² Nfono mo Yesu akasebo mo me tu sindi mo ne me taase mo yee, "Fo bii yee ilaa ibono fo toge mo i loo Farasii awura mo?"

¹³ Yesu gi lee genoo yee, "Farasii awura ilaa nyiilese mo i de fee iyii ibono i menj gye me-se obono o bo soso mo ne n duu imo mo. O laa kyigi imo pewu fue daa.

¹⁴ Genen so mo, fe' taa omo yee! Me gye daa agyaatanbo abono me de momo-nanboana agyaatanbo de iyii! Nengyene gyaatanbo laa keda monbo genen mo, momo anyo me laa wolaa loro obo do."

¹⁵ Nfono ne Piita yee, "Lee ilaa ibono fo toge sa sakpii mo gese sa aye."

¹⁶ Yesu gi lee genoo taase mo-akasebo mo yee, "Imoso feye kee feye-nwonsa do inj ti bugi de fe' nu ilaa gese?"

¹⁷ Fe menj nyi yee ilaa ibono i kya loo nyamese genoo do mo i kya kyon kpe mo-oto do de o' koo fue?

¹⁸ Ilaa ibono i kya lii fo-genoo do mo i kya lii daa fo-gewonsa do. Imo ibono ne n kya kyolese nyamese Wurubuaare oson.

¹⁹ I kya nyiile yee nyamese kya sa gewonsa pei ne o kya wofere ilaa nyenyen fee o kya mo isa, o kya lii mo-ka abee mo-kuli gemara, o kya laare ogyibara, o kya yuuri, o kya ten oko genoo nbele do, abee o kya nyida asa.

²⁰ Genen ilaa ideana ne n kya kyolese nyamese Wurubuaare oson. Nyamese gi gyi ne onj foro mo-abaa aye-itiibilaa aforobi mo, imo ibono i manj taale kyolese mo-Wurubuaare oson."

Isafokyii Gi Soo Yesu Gyi

²¹ Yesu gi lii nno, ne o kyon kpe gesinkpan geko so, ge sindi Taya de Sidon isowole.

²² Okyii oko te nno, o gye daa Keenakyii. O nu Yesu so. Imoso o naa o kya kpe mo ase mo, o kya kpen o kya kole mo yee, "Me-wura, Deefidi onaanabi, su me so! Ilaa nyenyen oduduu te me-bi kyiiise so, i kya nyala mo gikyo!"

23 Ɔkyii mɔ gi kole Yesu genen mɔ, Yesu men tɔge mɔ sei-sei. Nfono mɔ, mɔ-akasebo mɔ me tu ba mɔ ase baa tɔge mɔ yee, "Gya ɔkyii mɔ. O buu aye ɔ kya wɔra ɔlanba."

24 Ne Yesu gi lee genɔ tɔge yee, "Wurubuaare gi sun me yee n' baa kpaa daa aye Isirale awura abono me de fee isandɛ ibono i fue mɔ."

25 Ɔ tɔge genen mɔ, ɔkyii mɔ gi dabole kpaa nmii Yesu ayaa dɔ kole mɔ yee, "Me-wura, kpaa me!"

26 Yesu gi tɔge sa mɔ yee, "In kaabore fee ɔko o' kyu nbii agyudɔ abono me laa gyi mɔ kyu too sa igyoono."

27 Ne ɔkyii mɔ gi tɔge yee, "Me-wura, i gye gesintin bere. Imɔ, mɔ, igyoono gbaa kee me kya nye tɔse ibono mɔmɔ-wuraana me kya gyi ne i kya lɔ tɔro lepe gikɔdɔ mɔ gyi."

28 Nfono ne Yesu gi tɔge sa ɔkyii mɔ yee, "Ɔkyii, gisɔɔgyi gibono fo bo sa me mɔ gi tansi gi nyaakyɔ! Ibono fo kole me mɔ, i' wɔra sa fo." Genen owi ɔbono dɔ mɔ, mɔ-bi mɔ gi nye mɔ-nyoro lɔ ilaa nyenyen oduduu mɔ abaa dɔ.

Yesu Gi Kye Asa Alɔɔ Ne Ɔ Sa Asa Sakyo Agyudɔ

29 Yesu gi lɔi nno kpaa naa Galeli ɔbon bele mɔ gigengen so. Ɔ dii gyan' gibii giko so, ne ɔ kpelege kyena.

30 Ɔ kpelege kyena mɔ, sakpii bele ɔko gi ba mɔ ase. Me kyu alɔbo sakyo bara mɔ yee ɔ' kye, fee itegeseana, agyaatanbo, isintiribu, asa abono me lɔi adin, de abono me kya lɔ alɔbi kpei-kpei mɔ. Me kyu mɔmɔ baa yela Yesu ayaa dɔ, ne ɔ kye mɔmɔ.

31 Sakpii mɔ gi wu ibono agyaatanbo me kya wu ilaa, ɔtegesana me koso me kya naa, abono me lɔi adin mɔ me kii nye mɔmɔ-nyoro, ne imuumu me kya tɔnge genen mɔ, i de mɔmɔ-genɔ gikyo, ne me yen Wurubuaare yee Wurubuaare ɔbono mɔmɔ Isirale awura me kya son mɔ ne n sa Yesu ɔlon ne ɔ kya kpaa asa genen.

32 Imɔ ide gemara mɔ, Yesu gi tere mɔ-akasebo mɔ ba mɔ ase ne ɔ tɔge sa ɔmɔ yee, "Asa ade ilaa i bo me ayen. Nde nke nsa ne me bo me ase faa, men baa me bo sei de me' gyi. Men kya laare n' tɔge mɔmɔ yee me' naa kpe mɔmɔ-nwi yege me men nye sei gyi. Ne wɔra genen mɔ, me laa tɔro agbale ɔkpa dɔ."

33 Mɔ-akasebo mɔ me taase mɔ yee, "Fone dɔ ne a laa nye agyudɔ sa genyamesebi gede de me' gyi kaabo ife nsana gere?"

34 Yesu gi taase mɔmɔ yee, "Ibodobodo ifone ne fe bo?" Me lee genɔ sa mɔ yee, "A bo ibodobodo sono de nkenbii kalese nko."

35 Nfono ne Yesu gi tɔge sa asa abono pewu me buu ɔmɔ mɔ yee me' kpelege kyena. Me kpelege kyena gesinkpan mɔ,

36 o puru ibodobodo sono mɔ de iken mɔ, o kyu afaala kyu sa Wurubuaare, ne ɔ gbaa gbaa imɔ dɔ kyu sa mɔ-akasebo mɔ yee me' ye sa sakpii mɔ de me' gyi. Ne me sɔɔ ye sa mɔmɔ.

37 Me ye genen mɔ, ɔkamaase gi nye gyi kaabo, ne i fo mɔmɔ kii san. Yesu akasebo mɔ me koola agyisan mɔ mɔ, i bɔla nkeebii sono.

38 Anyen abono me gyi genen agyudɔ abono mɔ gegyɔnɔ ge gye nwe ikue-inyɔ. Akyii de nbii-lee gegyɔnɔ gen too.

39 Asa mɔ me gyi ta mɔ, Yesu gi lee mɔmɔ-ɔkpa, ne ɔ dii loo gikolii dɔ kyon kpe Magadan gesinkpan so.

D' Wɔra Ilaa Lɛɛnyiilese Lii Wurubuaare Dɔ

¹ Farasii de Saadusii akpen mɔ dɔ asa ako mɛ ba Yesu ase mɛ' baa kolɛ mɔ yɛɛ ɔ' wɔra ilaa lɛɛnyiilese lii Wurubuaare dɔ sa mɔmɔ de mɛ' nyɛ bii yɛɛ Wurubuaare ne n sa mɔ ɔlon ɔbono ɔ de mɔ. Mɛ kya kolɛ mɔ genen mɔ, mɛ kya daase mɔ mɛ kya kerɛ daa.

² Yesu gi lɛɛ genɔ sa mɔmɔ yɛɛ, "Owi kya kpe ɔ' kpaa tɔrɔ ne ɔ pɛɛrɛ kɔ-ɔ mɔ, fɛ kya wu bii tɔgɛ yɛɛ, 'Ɔkɛ owi laa lii.'"

³ Genen kee ne gɛdɛ gɛ kɛ ne fɛ wu nyangbon gi sin kiti-kiti-kiti mɔ, fɛ kya bii tɔgɛ yɛɛ, 'Nde nyangbon laa da.' Fɛ kya wu Wurubuaare awolɛ bii tɔgɛ yɛɛ idɛ ne nan wɔra, ne gɛsintin i kya ba genen. I wonɛ ne fɛɲ kii fa-a bii kerɛ nkɛ ndɛ dɔ lɛɛ ilaa dɔ de fɛ' bii ilaa ibono Wurubuaare kya lɛɛ ɔ kya nyiile fɛyɛ mɔ?

⁴ Fɛyɛ ndɛ asa adɛ! Fɛ bo ilaa nyenyɛn ne fɛɲ kya son Wurubuaare gɛsintin ɔkpa so! Genen so ne fɛ kpe fɛ kya laarɛ fɛ' wu ilaa lɛɛnyiilese faa. Ilaa kolon guan-n ne Wurubuaare laa wɔra sa fɛyɛ de fɛ' wu. Genen ilaa ibono mɔ i laa wɔra daa fɛɛ ibono i ba Gyoona so mɔ." Yesu gi tɔgɛ genen mɔ, ɔ naa kyon taa mɔmɔ yɛgɛ.

Bodobodo Gelin Gikpale

⁵ Yesu mɔ-rɛ mɔ-akasebo mɔ mɛ kyon kpe gibenbɛ giko mɔ so mɔ, mɔ-akasebo mɔ mɛ nyingi yɛɛ mɛ tan bodobodo so.

⁶ Yesu gi tɔgɛ sa ɔmɔ yɛɛ, "Fɛ' kerɛ fɛyɛ-nyoro so dɔɔdan. Farasii awura de Saadusii awura ilaa i de fɛɛ gelin gɛbono gɛ kya yɛgɛ bodobodo kya ɲan mɔ."

⁷ Yesu gi tɔgɛ sa mɔmɔ genen mɔ, mɛ kyu mɛ kya taase abara yɛɛ, "Ibono a mɛɲ dɛ bodobodo mɔ so ne ɔ tɔgɛ aye genen faa abɛɛ?"

⁸ Mɛ kya taase abara genen mɔ, Yesu gi ti bii ilaa ibono mɛ dare mɔ. Imɔso ɔ taase mɔmɔ yɛɛ, "Mɛnɛ n wɔra ne fɛ kya tɔgɛ kyu lii bodobodo ɔbono fɛ mɛɲ dɛ mɔ so? Gisɔɔgyi gibono fɛ bo sa mɛ mɔ pɛwu ne?"

⁹ Fɛɲ ti bii isa ɔbono n gye mɔ? Fɛ tan ibodobodo inun ibono nɛ gbaa-gbaa imɔ dɔ sa asa nwe ikue-inyɔ de saalaa ne mɛ gyi kpon mɔ so? Agyisan nkeebii nfone ne fɛ koola mɔ?

¹⁰ Ne fɛ tan ibodobodo sono ibono nɛ gbaa-gbaa imɔ dɔ sa asa nwe ikue-inyɔ ne mɛ gyi kpon mɔ so? Agyisan nkeebii nfone ne fɛ koola mɔ?

¹¹ Nkana i kaabore fɛ wolaa nu gɛsɛ yɛɛ inɲ gye bodobodo ilaa ne n' dare. N kya nyiile fɛyɛ daa yɛɛ fɛ' kerɛ fɛyɛ-nyoro so kyu lii Farasii de Saadusii awura mɔ so. Mɔmɔ-ila a de fɛɛ gelin gɛbono gɛ kya yɛgɛ bodobodo kya ɲan mɔ."

¹² Nfono mɔ, mɔ-akasebo mɔ mɛ nu gɛsɛ kon yɛɛ inɲ gye bodobodo ilaa ne ɔ dare. Ɔ dare daa Farasii awura de Saadusii awura mɔ ilaa nyiilese ibono i kya yelegɛ i kya nyida ilaa mɔ.

Piita Gi Lɛɛ Tɔgɛ Isa Ɔbono Ɔnan Yesu Gye Mɔ

¹³ Yesu mɔ-rɛ mɔ-akasebo mɔ mɛ kya laarɛ mɛ' sindi Sesariya-Filipayi ɔsowolɛ mɔ, ɔ taase mɔmɔ yɛɛ, "Asa ase mɔ, mɛnɛ nyamesɛ ɔnan ne mɛ, anyamesɛ pɛwu mɔmɔ-daa mɔ, n gye daa?"

¹⁴ Ne mɛ lɛɛ genɔ yɛɛ, "Ako mɛ kya tɔgɛ yɛɛ fo gye Oloobu Gyɔn ɔbono ɔ naa kyena gyere asa Wurubuaare sagyere mɔ. Ako mɔ yɛɛ kuaa. Fo ne n gye Oloobu Ilaagyɛ. Ne ako, mɔ, yɛɛ Wurubuaare ikalan atɔgɛbo iloobu mɔ dɔ ɔko fɛɛ Gyɛremaya abɛɛ ɔbanban ɔko ne n kyingi lii ibuni dɔ ba genen."

15 Nfono ne Yesu gi kii taase mɔ-akasebo mɔ yee, “Ne feye mɔ de-e? Mene nyamese onan ne fe nyi yee n' gye?”

16 Simon Piita gi lee geno yee, “Fo ne n gye obono Wurubuaare gi sun yee fo' baa mɔlege mɔ-ade de me' nye Wurubuaare ase gekyena mɔ. Mɔ obono ɔ bo nno gekpaa-gekpara mɔ mɔ-bi ne n gye fo.”

17 Nfono ne Yesu gi toge sa mɔ yee, “Fo Simon, Gyoona mɔ-bi, fo gye omudensebo! I men gye nyamese ne n lee ilaa ide nyiile fo. Me-se Wurubuaare obono ɔ bo soso mɔ ne n lee nyiile fo genen.

18 N' buu sa fo yee nan tere fo yee Piita. (Piita gese ne n gye yee gifole.) Fee genɔobono gifole gi laa taale yee obu ɔ' wɔra olon mɔ, genen kee ne nengyene ne koola me-asonbo gikpen mɔ mɔ, genen gifole gide ne nan wɔra mɔmɔ-gekpara. Ba-a lewu gbaa man taale tii me-asonbo gikpen mɔ.

19 Nan yee fo' kere Wurubuaare gewuragyi ɔ akyenabi mɔ gebunono mɔ so; ilaa ibono fo man sa okpa gesinkpan so mɔ, Wurubuaare obono ɔ bo soso mɔ kee man sa okpa, ne ibono fo sa okpa gesinkpan so mɔ, Wurubuaare obono ɔ bo soso mɔ kee gi sa okpa.”

20 Nfono ne Yesu gi ka sa mɔ-akasebo mɔ yee men sa me' toge sa oko-re oko yee mɔ ne n gye obono Wurubuaare gi sun yee ɔ' baa mɔlege mɔ-ade de me' nye mɔ ase gekyena mɔ.

Yesu Gi Toge Mɔ-Giwukyingi Mɔ So Ilaa

21 Lii nfono mɔ Yesu gi yii gese ɔ kya toge ɔ kya sa mɔ-akasebo mɔ yee i gye ilaa ibono i laa ba yee ɔ laa kpe Gyerusalem de ɔ' kpaa wu olaawuse kpei-kpei gikyɔ Gyuda awura asunbi alebo abelense de nbara anmarasebo mɔ de mɔmɔ-abelense sene mɔ abaa ɔ. Aa me laa mɔ mɔ. Me mɔ mɔ mɔ, imɔ geke sase mɔ, ɔ laa kyingi lii ibuni ɔ.

22 Nfono mɔ Piita gi kyu Yesu lii nkan ne o yii gese ɔ kya gya mɔ yee ɔn baa toge genen. ɔ toge mɔ yee, “Me-wura, Wurubuaare ɔ' kpare fue! I men sa i' ba fo so gekaako!”

23 Yesu gi kisee toge sa Piita yee, “Naa me ase, ilaa nyenyen gemu! Fo kya laare fo' nyida me-ilaa sa me. Fo-gewonsa gen gyan' Wurubuaare gelaare so. Anyamese-lee gelaare so ne fo-gewonsa ge gyan'.”

24 Ne Yesu gi kisee toge sa mɔ-akasebo mɔ yee, “Obono ɔ kya laare de ɔ' wɔra me-akasebo mɔ, kaase o' kyu mɔ-nyoro fue me so de o' kyule so awɔɔfo abono a laa tu mɔ me so mɔ abaa anyɔ, ba-a me laa da mɔ anjanbi oyii so mɔ mɔ me so mɔ, me' da mɔ.

25 I kya nyiile yee fo obono fo kya korɔse fo-nkpa fo kya yela fo-gibaa so mɔ, Wurubuaare ase gekyena onan ge laa lii fo-gibaa. Ne fo obono mɔ, kyu lii me so ne fo-nkpa gi lii fo-gibaa mɔ, fo laa nye Wurubuaare ase gekyena.

26 Fo nyamese fo nye gesinkpan gede so ilaa kamaase pewu, ne fo too fo-okyenaten Wurubuaare ase mɔ fue mɔ, fo nyi yee fo nye gekyena ne? Mene ne fo laa kyu sa Wurubuaare de fo' kii nye okyenaten mɔ ase?

27 Fe' bii yee me, anyamese pewu mɔmɔ-daa mɔ, nan kii ba gesinkpan so mɔ, me-re Wurubuaare ɔ isɔɔ ne nan ba. Me-se Wurubuaare nyisigyi ne nan kyu ba. Ne kii ba mɔ, nan kyu nyamese kamaase gekyena ɔ ilaa wɔrase kyu teela mɔ.

28 Gesintin ne n' kya toge feye faa, feye abono fe yele gerenaa faa fe man wu' ta pei de fe' loɔ wu yee me, anyamese pewu mɔmɔ-daa mɔ, n de me-gewuragyi n kya kpelege mii ba gesinkpan so.”

17

Wurubuaare Gi Lɛɛ Yesu Nyisigyi Nyiile Mɔ-Akasebo Asa' Ako

¹ Imɔ nke nsee gemara mɔ, Yesu gi kyu Piita de Gyeemesi de Gyɔn, Gyeemesi mɔ-tede, ne me dii kpe gibii bele giko so mɔmɔ wole.

² Me bo nno genen mɔ, Yesu nyoro gi kyeege kii lɔrɔ wɔra ɔdan too, ne mɔ-ansi dɔ i kya ɲelegi fɛɛ owi. Mɔ-ngbe nbono o suu mɔ gi fuuli gi kya ɲelegi faa ɲela-ɲela.

³ Me baa kii kere mɔ, iloobu inyɔ iko ne: Mosisi mɔ-rɛ Ilaagya. Me ba Yesu ase, mɔmɔ-rɛ mɔ me yeke me kya gyi nsingyi.

⁴ Me yeke genen mɔ, Piita gi tɔge sa Yesu yee, "Me-wura, i wɔra ɔdan yee a bo gerɛnaa. Nengyene fo kya laare mɔ, nan yii ipanpan isa' sa feye: fo-lɛɛ ɔko, Mosisi-lɛɛ ɔko, de Ilaagya-lɛɛ ɔko."

⁵ Piita men ti taa tɔge ta mɔ, gibuntɔ ɲelegise giko gi baa bun mɔmɔ so faa kpem, ne Wurubuaare gigyebi' gi lii gibuntɔ mɔ dɔ tɔge akasebo mɔ yee, "Me-gisen dɔ obi ne n gye Yesu. ɔ kya gyi me-ginsi. Fe' nu mɔ ase."

⁶ Mɔ-akasebo mɔ me nu gigyebi' mɔ genen mɔ, i tansi wɔra mɔmɔ gifuu, ne me kpelege de kyu mɔmɔ-ansi bun gesinkpan.

⁷ Nfono ne Yesu gi tu kpe mɔmɔ ase, ne o yii mɔmɔ, ne ɔ tɔge sa mɔmɔ yee, "Fe' koso, feɲ sa fe' sele gifuu."

⁸ Me diire mɔmɔ-ansi kere mɔ, men baa wu ɔko baa too de Yesu.

⁹ Me kii kpelege me kya ba mɔ, Yesu gi da mɔmɔ tii yee, "Feɲ sa fe' tɔge ilaa ibono Wurubuaare gi lɛɛ nyiile feye faa sa ɔko nperɛ. Me, anyamese pewu mɔmɔ-daa mɔ ne wu' kii kyingi lii ibuni dɔ mɔ pei de fe' lɔɔ gyi imɔ so gesingyi sa asa."

¹⁰ Yesu akasebo mɔ me tɔge sa mɔ yee, "Aye Gyuda awura nbara anmarasebo mɔ me kya kyena tɔge sa aye yee Oloobu Ilaagya laa kii lii Wurubuaare dɔ ba pei ne obono Wurubuaare laa sun de o' baa gyi gewura mɔ Wurubuaare ade so mɔ ɔ' lɔɔ ba. Ne fo ne n gye genen isa obono mɔ, mene n wɔra so ne Ilaagya men wolaa gyangbara fo ba?"

¹¹ Yesu gi tɔge sa ɔmɔ yee, "I gye gesintin yee i kaabore Ilaagya ɔ' gyangbara ba de ɔ' baa lɔrɔ ilaa kamaase yela pei de n' lɔɔ ba.

¹² N' buu sa feye yee Ilaagya gi ti wolaa kii ba ne Gyuda awura me men bii mɔ. Me wɔra mɔ genɔobono me kya laare mɔ. Genen kee ne me, anyamese pewu mɔmɔ-daa mɔ, nan wu awɔrɔfɔɔ mɔmɔ-abaa dɔ ne."

¹³ Yesu gi tɔge sa mɔ-akasebo mɔ genen mɔ, ide kon me bii yee Gyɔn obono ɔ gyere asa Wurubuaare sagyere mɔ ne ɔ dare genen.

Yesu Gi Kosore Ilaa Nyenyen Oduduu Gebii Geko So

¹⁴ Me kii kpa tu sakpii mɔ mɔ, ɔnyen ɔko gi ba Yesu ase, ne ɔ ɲmii mɔ-ansi dɔ kole mɔ

¹⁵ yee, "Obelense, su me-bi baare so sa me. ɔ kya lɔ gilo tɔrɔse, ɔ kya yiye gikyo. I kya taale kuu mɔ too ɔgya dɔ, nke nko mɔ, nkyu dɔ.

¹⁶ Ne kyu mɔ bara fo-akasebo mɔ mɔ, me men taale kye mɔ."

¹⁷ Yesu gi nu genen mɔ, ɔ tɔge yee, "O! Feye nke nde dɔ asa! Feɲ kya soɔ Wurubuaare gyi. Fe bo genɔbiide! Nke nfone ne nan kyena feye ase, n kpe mi-i nye gisen mi-i sa feye daa? Fe' kyu gebii mɔ bara me gerɛnaa."

¹⁸ Nfono mɔ Yesu gi tɔge sa ilaa nyenyen oduduu ibono i te gebii mɔ so ne ge kya lɔ gilo tɔrɔse mɔ yee i' koso gebii mɔ so ɔ kere imɔ faa. Ayaa abono so mɔ, ilaa nyenyen oduduu mɔ i koso gebii mɔ so, ne gebii mɔ gilo mɔ gi ta.

¹⁹ Imo gemara mo, mo-akasebo mo me baa taase Yesu momo-wole yee, "I wone so ne aye bere a menj taale gya ilaa nyenyen oduduu mo koso gebii mo so daa?"

²⁰ Yesu gi lee geno sa omo yee, "Gisoo gyi gibono fe bo sa Wurubuaare mo ginj fo ilaa iko so daa ne n yegge ne i ba genen. Gesintin ne n kya toge feye faa, nkana feye-gisoo gyi mo gi dabole gi kere pii fee Maasade giponfe gibi gbaa mo, fe laa taale toge sa genen gibii gibono fe kya wu faa yee, 'Koso gere kpe faanaa.' Gesintin mo gi laa koso. Sei manj don feye-giwora. [

²¹ Imo-re imo genen mo, pei ne fe laa taale kosore ilaa nyenyen oduduu ide onan mo, i tiri geno njminde de ndalaa.]"

Yesu Gi Kii Toge Mo-Giwukyingi Mo So Ilaa

²² Yesu mo-re mo-akasebo mo me naa de Galeli mo, Yesu gi toge sa omo yee, "Ako me laa kyu me, anyamese pewu momo-daa mo, wora asa abaa do

²³ de me' moo me. Me moo me mo, imo geke sase mo, nan kyingi lii ibuni do." Akasebo mo me nu genen mo, momo-asen do i tansi wora momo ayen gikyo.

Yesu Gi Toge Wurubuaare Oson Obu Mo Too-Too So Ilaa

²⁴ Yesu mo-re mo-akasebo mo me kpe Kapeniyon mo, Wurubuaare oson obu mo too-too asoobo ako me ba Piita ase, ne me taase mo yee, "Feye-obelense kya too Wurubuaare oson obu mo too-too ne?"

²⁵ Piita gi lee geno sa momo yee, "En, o kya too." Piita gi loo geten do mo, Yesu ne n daa gikyu too-too mo ilaa kyu tu mo. O taase Simon Piita yee, "Simon, fo ase mo, nengyene wura gi bara gesinkpan so too-too sa asafa abee fee me' doo de me' ye ne gemo so too-too gi ba mo, i kaabore nten abi kee me' too genen too-too mo?"

²⁶ Piita gi lee geno yee, "Kuaa." Ne Yesu yee, "I gye gesintin. Nten abi mo bere menj bo too-too obono do. Imoso me kee menj bo me-se Wurubuaare oson obu mo too-too mo gitoo do.

²⁷ Imo-re imo genen mo, anj kya laare a' wora too-too asoobo mo ginyadon. Imoso kpe obon mo do kpa too daaruwa. Oken obono fo laa daa gilee mo, kere mo-geno do, fo laa wu aterenbi gibi. Lee gim de fo' kyu kpa too me-re fo-lee."

18

Nbii Ilaa I Tiri Wurubuaare

¹ Genen owi obono do mo, Yesu akasebo mo me ba mo ase baa taase mo yee, "Wurubuaare gewuragy do akyenabi mo do mo, ane ne n don mo-nanbo?"

² Nfono mo Yesu gi tere gebii geko ba mo ase ne o kyu gemo yele momo-ansi do.

³ O toge sa momo yee, "Gesintin ne n' kya toge feye faa, nengyene fe manj kyeege wora feye-nyoro fee nbii mo, fe manj nye Wurubuaare gewuragy do akyenabi mo kpa-a.

⁴ Imoso fo obono fo bara fo-nyoro gese wora fee genen gebii gede mo, fo ne nan don fo-nanboana Wurubuaare gewuragy do akyenabi mo do.

⁵ Nengyene me so ne fo oko fo soo gebii fee gede onan abaa anyo mo, me ne fo soo genen.

⁶ “Ɔbɔno, mɔ, ɔ laa yeɛe apiipii abono me sɔɔ me gyi mɔ dɔ ɔko gisɔɔgyi gi' koso me so mɔ, nengyene fɛɛ me kyu gibui bele nminde kyaga de kaase ɔbɔno gibɔ ne me too mɔ wɔra apoo dɔ mɔ, i tɛsɛ i bɔ.

⁷ Ilaa ibono i kya yeɛe asa gisɔɔgyi gi' koso me so mɔ i nyaakyɔ gesinkpan so, imɔso gesinkpan so asa, mɔmɔ laako! I wɔra nne mɔ, genen ilaa ibonoana i laa ba. Ɔbɔno ɔ laa yeɛe i' ba genen mɔ bere, mɔ laako!

⁸ Nengyene fo-gibaa abɛɛ fo-giyaa gi kya yeɛe fo-gisɔɔgyi gi' koso me so mɔ, kɛbi gimɔ fue! I boran yeɛ fo-nyoro getɛko i lii giden de fo' nye kyena Wurubuaare ase don ibono Wurubuaare laa kyu fo-re fo-abaa anyɔ de fo-ayaa anyɔ too wɔra ɔgya ɔbɔno ɔɲ kya wu' gekaako mɔ dɔ mɔ.

⁹ Ne fɛɛ fo-ginsi ne n kya yeɛe fo-gisɔɔgyi gi' koso me so mɔ, lɔgedɛ gimɔ lɛɛ fue! I boran yeɛ fo' kyu ginsi kolon kpaɔ kyena Wurubuaare ase don ibono Wurubuaare laa kyu fo-re fo-ansi anyɔ too wɔra ɔgya ɔbɔno dɔ ɔ kya biide ilaa nyenyen awɔrabo giso mɔ.

¹⁰ “Fɛ' kere fɛye-nyoro so dɔɔdan de fɛɲ sa fe' tɔge yeɛ apiipii adɛ dɔ ɔko mɛɲ gye sei. N kya tɔge mi-i sa fɛye yeɛ Wurubuaare dɔ isɔɔ ibono me kya kere mɔmɔ so mɔ me kya wu me-sɛ Wurubuaare ɔbɔno ɔ bo soso mɔ owi kamaase. [

¹¹ Me, anyamesɛ pɛwu mɔmɔ-daa mɔ, nɛ ba gesinkpan so de n' baa mɔlɛge abono me fue Wurubuaare ɔkpa mɔ de mɔmɔ-re Wurubuaare nsana i' nye lɔrɔ.]”

Sandɛ Fuɛsɛ Gikpalɛ

¹² Nfono mɔ Yesu gi tɔge sa mɔmɔ yeɛ, “N' taasɛ fɛye ilaa iko. Nengyene nyamesɛ bo isandɛ ikue-inun ne ɔkolon gi fue mɔ, ɔ mɛɲ taa asense mɔ yeɛe abii dɔ nfono me kya gyi mɔ de ɔ' kpaɔ laare ɔbɔno ɔ fue mɔ?

¹³ Gɛsintin, ɔ laa laare sandɛ mɔ kpaɔ wu mɔ. O wu mɔ mɔ, i laa wɔra mɔ ɔkon gikyɔ kyɔde don isandɛ ikue-inan de saalaa isandɛ sango mɔ me san mɔ.

¹⁴ Genen kee ne fɛye-sɛ Wurubuaare dɛ ne. Inɲ gye mɔ-gɛlaare yeɛ apiipii adɛ dɔ ɔko ɔ' fue Wurubuaare ɔkpa mɔ de mɔ-ɔkyenaten Wurubuaare ase ɔ' lii mɔ-gibaa.

Genɔɔbɔno Fo Laa Lɔrɔ Fo-re Fo-Nanbo Yesu Sonbo Nsana

¹⁵ “Nengyene fo-nanbo ɔbɔno ɔ sɔɔ me gyi mɔ gi wɔra fo ilaa nyenyen mɔ, kpe mɔ ase de fo' kpaɔ tɔge mɔ ilaa nyenyen ibono ɔ wɔra fo mɔ fo-re mɔ wolɛ. Nengyene ɔ nu fo gɛsɛ mɔ, fo-re mɔ nsana i lɔrɔ ne.

¹⁶ Ne fɛɛ ɔ mɛɲ nu fo gɛsɛ mɔ, laare me-sonbo ɔko abɛɛ anyɔ bola de fo-nyoro de fɛye pɛwu fo' kpe mɔ ase. I lii fɛɛ Wurubuaare agyɛbi dɔ mɔ i tɔge yeɛ

pɛi ne fɛ laa bun isa gipueɛ yeɛ ɔ wɔra ilaa nyenyen mɔ,
i kaabore i' nye asa anyɔ abɛɛ asa' abono me kyule
yeɛ ɔ wɔra genen ilaa nyenyen ibono gɛsintin.

¹⁷ Nengyene ɔ mɛɲ nu mɔmɔ kee gɛsɛ mɔ, kyu genen ilaa ibono kyu kpaɔ too me-asonbo gikpen mɔ ansi dɔ. Ne fɛɛ ɔ mɛɲ nu me-asonbo gikpen mɔ gɛsɛ kee mɔ, fɛ' kyu mɔ fɛɛ ɔ gye daa abono mɛɲ kya son Wurubuaare mɔ dɔ ɔko abɛɛ ilaa nyenyen awɔrabo mɔ dɔ ɔko.

¹⁸ “Gɛsintin ne n' kya tɔge fɛye faa, ilaa ibono fɛɲ sa ɔkpa gesinkpan so mɔ, Wurubuaare ɔbɔno ɔ bo soso mɔ kee mɛɲ sa ɔkpa; ne ibono fɛ sa ɔkpa gesinkpan so mɔ, Wurubuaare ɔbɔno ɔ bo soso mɔ kee gi sa ɔkpa.

19 N' kii tɔge sa feye yee nengyene feye do anyamese anyo fe wɔra geno dalaa kole me-se Wurubuaare obono o bo soso mo ilaa iko mo, o laa wɔra imo sa feye.

20 Fe' nu yee nfono asa anyo abee asa' me gyan' me-ginyen do mo, n bo mɔmɔ ase."

Dega Obono On Bo Gitolon Mo Gikpale

21 Nfono mo Piita gi ba Yesu ase baa taase mo yee, "Me-wura, gikpado gifone ne fee me-nanbo gi wɔra me ilaa nyenyen ne i kaabore n' kyu kyee mo? Gikpado sono abe-e?"

22 Yesu yee, "Kuaa, i men gye gikpado sono wole. N' tɔge sa fo yee ikue-isa de saalaa genen-n gikpado sono.

23 "Imoso fe' nu. Wurubuaare gewuragyi do akyenabi mo a de fee gikpale gibono nan da faa. Owi oko do mo, wura oko gi kyena. O bo adega. Geke gede mo, o sa gewonsa yee o laa tere mo-adega mo de me' baa buu-buu ako abono me de mo mo sa mo.

24 O tere mɔmɔ oko oko. Dega gyangbarase obono o ba mo de mo giko ibono i tansi i gye giko bele. Nengyene fo buu-buu aterebi mo mo, fo man bii amɔ-gegyɔnɔ.

25 O taase mo mo, o men nye de o' ka. Imoso wura mo yee me' keda mo-re mo-ka de mo-biana, de me' kpaa kyu mo-atɔ abono o bo mo pewu dabole kyu kpaa fe de me' kyu baa ka mo giko mo.

26 Nfono ne dega mo gi kpelege nmii wura mo ansi do kole mo yee, 'Nye gisen sa me. I wɔra mo, nan baa ka fo.'

27 Wura mo gi nu genen mo, i wɔra mo ayen, ne o kyu giko mo pewu kyu kyee mo. Ne o sa mo okpa yee o' naa.

28 "Dega mo gi kpe lii mo-wura mo ase mo, o kpaa gyangara mo-nanbo dega oko. Mo-nanbo obono de mo giko kee. Giko gibono o de mo mo gi laa wɔra fee aterebi abono onan gesun ɔwɔrabo laa nye ibose isa' do mo. Genen giko mo so mo, o kpe wu mo mo, o too keda mo. Ne o nmere mo-gibo do yee o' ka mo-giko mo.

29 Mo-nanbo mo, mo, gi kpelege nmii mo-ayaa do kole mo yee, 'Nye gisen sa me. I wɔra mo, nan baa ka fo.'

30 On kyule, ne o yege me keda mo kpaa tii de obu. Nengyene o' ka giko mo mo, pei de me' loo tigi mo.

31 "Mo-nanboana adega me nu genɔobono dega mo gi kyu wɔra mo-nanbo mo mo, i men wɔra mɔmɔ okon, ne me kpaa buu sa mɔmɔ-wura mo.

32 Wura mo gi nu genen mo, o yege me kpaa tere mo ba mo ase. O kpe da de ginsi wu mo mo, o taase mo yee, 'Onyen, genen ne fo de ne? Fo de me giko bele ne fo kole me mo, men kyu kyee fo?

33 Fo men nyi yee i kaabore fo' su fo-nanbo so fee genɔobono ne su fo so mo?"

34 Ilaa ibono dega mo gi kyu wɔra mo-nanbo mo i kyu wura mo ginyadon gikyo. Imoso o yege me keda mo kpaa tii de obu de me' kii biide mo-giso bola kpaa fo owi obono okara o laa ka giko mo pewu mo."

35 Yesu gi lee gikpale mo gese yee, "Genen kee ne Wurubuaare gewuragyi do akyenabi mo a de ne. Fo obono fo-nanbo laa wɔra fo ilaa nyenyen ne fo man kyu kyee mo lii fo-gisen do mo, me-se Wurubuaare obono o bo soso mo laa wɔra fo fee genɔobono wura mo gi wɔra mo-dega obono on su mo-nanbo so mo."

19

Yesu Gi Tɔge Ɔkyii Gikine Ilaa

¹ Yesu gi tɔge ilaa ide ta mɔ, ɔ lii Galeli nfono kyon kpe ɔbon Gyɔɔdan gibenbe giko so Gyudiyaa gesinkpan so.

² Sakpii bele gi buu mɔ. Me loo nno mɔ, ɔ kye kye abono me kya lo mɔ.

³ Farasii gikpen dɔ awura ako me ba mɔ ase de me' baa soo mɔ idoo kere. Genen so mɔ me taase mɔ yee, "Imɔso aye-nbara gi kya nyiile yee nyamese laa taale yele ilaa kamaase ibono ɔ kya laare mɔ so kine mɔ-ka?"

⁴ Yesu gi lee genɔ taase ɔmɔ yee, "Fe men ti kale Wurubuaare agyebi kyu lii imɔ so do-o? Mɔ-agyebi mɔ a kya nyiile yee lii ko-o gese de gese mɔ, Wurubuaare gi lee ɔnyen oyuduu de ɔkyii oyuduu.

⁵ Wurubuaare gi tɔge nfono yee,

'Imɔ ide so mɔ,

ɔnyen laa taa mɔ-se de mɔ-nyi yee

de o' kyu mɔ-nyoro mada de mɔ-ka

de mɔmɔ asa anyɔ me' bingiri nyamese kolon.'

⁶ Imɔso ɔnyen mɔ-re mɔ-ka men baa me gye asa anyɔ, me bingiri nyamese kolon. Ibono Wurubuaare ne n kyu mɔmɔ dabole wɔra nyamese kolon faa mɔ, ɔko ɔɲ sa ɔ' barage mɔmɔ dɔ."

⁷ Farasii awura mɔ me kii taase Yesu yee, "Genen bere mɔ, mene ne n wɔra so ne Mosisi gi yela nbara yee nengyene ɔnyen laa kine mɔ-ka mɔ, ɔ' sa mɔ gikine ɔwole de ɔ' lee mɔ-ɔkpa mɔ daa?"

⁸ Yesu gi lee genɔ sa ɔmɔ yee, "Feye-aso dɔ i kɔrɔ ifuu so daa ne Mosisi gi sa feye ɔkpa de fe' kine feye-kaana genen. Nkana lii gese de gese mɔ, i men de genen.

⁹ N' buu sa feye yee nengyene i men gye yee fo-ka gi lii fo-gemara so ne fo kine mɔ kpaa kyu ɔkyii pobɔrɔ mɔ, fo tɔrɔ Wurubuaare gelaare adenabi nbara. ɔ kya kyu imɔ yee ɔko mɔ-ka ne fo laare genen."

¹⁰ Yesu gi tɔge genen mɔ, mɔ-akasebo mɔ me tɔge sa mɔ yee, "Nengyene fafaanan ne gedena ilaa i de bere mɔ, nyamese man tese dena mɔ, nkana i boran."

¹¹ Yesu gi lee genɔ sa mɔmɔ yee, "Gimaadena mɔ in gye nyamese kamaase ne nan taale kyena, genen mɔ, abono Wurubuaare gi kyu sa mɔmɔ mɔ wole.

¹² I kya nyiile yee i bo ilaa kpɛi-kpɛi ibono so anyen ako men kya dena mɔ. Ako bere, i koroge ɔmɔ de genen daa. Ako mɔ, mɔ, mɔmɔ-nanboana anyamese ne n kya keda mɔmɔ lee awɔrebi. Ako, mɔ, men kya dena mɔ, me kya laare me' nye nyoro kpaa asa de me' nye Wurubuaare gewuragyi dɔ akyenabi mɔ. ɔbono ɔ laa taale wɔra genen mɔ, ɔ' wɔra."

Yesu Gi Sɔɔ Nбии Buru-buru Abaa Anyɔ

¹³ Owi ɔko dɔ mɔ, asa ako me de nbii ma-a bara Yesu yee o' kyu mɔ-abaa gyan' mɔmɔ so de ɔ' dalaa sa mɔmɔ. Mɔ-akasebo mɔ, mɔ, me kya gya mɔmɔ yee me' kiiri nbii mɔ.

¹⁴ Yesu gi wu genen mɔ, ɔ tɔge sa mɔ-akasebo mɔ yee, "Fe' yee nbii mɔ me' ba me ase; feɲ' baa tii mɔmɔ-ɔkpa. Abono me de feɲ genen nbii ndeana ɔnan mɔ ne nan nye Wurubuaare gewuragyi dɔ akyenabi mɔ."

¹⁵ Ne o kyu mɔ-abaa gyan' nbii mɔ so, ne ɔ naa lii nno kyon.

Ane Ne Nan Nye Ɔkyenaten Wurubuaare Gewuragyi Dɔ?

¹⁶ Owi ɔko dɔ mɔ, ɔnyen ɔko gi ba Yesu ase baa taase mɔ yee, "ɔbelense, mene ilaa dense ne nan wɔra de n' nye Wurubuaare ase gekyena gekpaa?"

17 Yesu gi kisee taase mo yee, "Fo kya taase me kyu lii ilaa dense so faa mo, fo menj nyi yee Wurubuaare wole ne n gye nyamese dense? Nengyene fo kya laare fo' nye okyenaten Wurubuaare ase mo, gyi mo-nbara mo so."

18 Ne onyen mo gi taase Yesu yee, "Nbara nmo?" Yesu gi lee geno yee, "Genj sa fo' mo isa, genj' lii fo-ka abee fo-kuli gemara, genj' yuuri, genj' ten oko geno nbele do."

19 Buu fo-se de fo-nyi de fo' laare fo-nanbo fee fo-nyoro."

20 Onyen mo gi lee geno sa Yesu yee, "N ti n kya gyi genen nbara nde pewu so. Mene ne n kii san me?"

21 Yesu gi toge sa mo yee, "Nengyene fo kya laare fo ta gudu bere mo, naa kpaafee fo-ilaa ibono fo bo mo pewu de fo' kyu aterenbi mo kyu ye sa ayenbo. Fo wora genen mo, fo laa nye nteela Wurubuaare do, de fo' san naa baa buu me wora me-okasebo."

22 Onyen mo gi nu genen mo, mo-gisen do i nyida mo, ne o naa kyon. I kya nyiile yee o tansi o bo ato gikyo. O kere mo, o manj taale wora genen.

23 Nfono mo Yesu gi toge sa mo-akasebo mo yee, "N' toge feye gesintin yee i tansi i bo lon sa aterenbi awura de me' nye okyenaten Wurubuaare gewuragyi do."

24 N' kii toge sa feye yee pei de aterenbi wura o' nye okyenaten Wurubuaare gewuragyi do mo, i laa wora olon sa mo don genoo bono gekpatitii ge laa loo oobaato obo do lii mo."

25 Yesu akasebo mo me nu imo ide mo, i tansi de omo-geno, ne me san taase yee, "Genen bere mo, ane kaase ne nan nye Wurubuaare ase gekyena ne?"

26 Yesu gi kere momo faa yiridididi ne o lee geno yee, "Imo ide i don nyamese giwora; Wurubuaare bere, sei menj fo mo-giwora."

27 Nfono mo Piita gi taase mo yee, "Aye, mo, ibono a taa gesinkpan so ilaa kamaase yege ne a naa a buu fo faa mo, nne ne?"

28 Yesu gi toge sa mo-akasebo mo yee, "Gesintin ne n' kya toge mi-i sa feye faa, geakaako mo, Wurubuaare laa lee gekyena poboro. Genen abere abono mo, me, anyamese pewu momo-daa mo, nan kyena me-nyisigyi gegyapaa so n kya gyi gewura. Feye abono, mo, fee gye me-akasebo gudu anyo mo kee fee laa kyena ngyapaa so fee kya gyi gewura Isirale nten gudu nnyo mo so fee kya gyi momo-nbele fa-a sa momo."

29 Ne nyamese kamaase obono o taa mo-geten yege abee mo-se, abee mo-nyi, abee mo-daana, abee mo-tedeana, abee mo-pikiyiiana, abee mo-biana abee mo-nsinkpan yege me so mo, kaase laa nye imo-onan gikpado ikueinun de o' kii nye kyena Wurubuaare ase gekpaa-gekpaafee."

30 Ne Yesu gi kii toge yee, "Genen gekyena poboro gebono do mo abono me gye abelense gesinkpan so ilaa do mo ako me laa kpaafee bingiri nbii, ne abono me gye nbii gese gere ilaa do mo ako, mo, me laa kpaafee wora abelense."

20

Gesun Aworabo Gikpale

1 Yesu gi toge yee, "Genoo bono asa me laa nye nteela Wurubuaare gewuragyi mo do mo i laa wora fee gikpale gibono nan baa da faa. Geten wura oko ne n kyena. O bo gifole giko ndoo. Geke gedee mo, o kyingi nyenyenge fu-u kpaafee laare gesun aworabo de me' kpaafee wora gesun mo-ndoo do sa mo de o' ka omo giko."

² Mò-ré gesun awórabo mò mé gyi gigya, ne o kyule yéé ò laa ka òmò genòobono mé kya ka géké toloowi-léé gikò mò, ne ò yéé mé kyon ndòò mò dò.

³ Owi gi dii mò, o kpe oyiidò, ne ò kpaá wu anyen banban ako mé té menj kya wòra sei.

⁴ O wu mómò genen mò, ò tóge sa mómò yéé, 'Féye kee fé' baa kyon kpaá wòra gesun sa mé me-ndòò dò de n' ka féye gikò genòobono i laa kyena sa me-ré féye mò.'

⁵ Gesintin mò, asa mò mé kpe. Owi gi kyena nten nsana mò, o kii kpaá nyé ako ne mé kpe. Owi gi gbaa mò, o kii kpaá nyé abanban, ne mé kpe.

⁶ I san ñmaraa de owi ò' tórò mò, o kii kpe oyiidò kpaá wu anyen ako mé té giyan menj kya wòra sei. Ne ò taase òmò yéé, 'Mené n wòra ne fé kya waala géké mumuli, fé menj kya wòra sei?'

⁷ Mé léé genò sa mò yéé, 'A menj nyé òko de ò' baa sa aye gesun de a' wòra de ò' ka aye gikò.' Ne ndòò wura mò yéé, 'Tò, féye kee fé' kii baa kyon kpe me-ndòò dò.'

⁸ "Owi gi ta mò, ndòò wura mò gi tóge òbono ò kya keré mò-ndòò mò so ò kya sa mò mò yéé, 'Téré gesun awórabo mò de fo' ka mómò gikò. Ka lii abono mé ba gemara gemara mò, de fo' kyu kpaá loge de abono mé daa gikpe ndòò mò dò mò.'

⁹ Ò ka abono mé kpe ndòò mò dò owi kya laaré ò' tórò mò, mómò òkamaase gi nyé aterenbi abono mé kya ka géké toloowi gikò mò.

¹⁰ I tu abono mé daa gikpe ndòò mò dò mò, mé nyi yéé mómò bere mé laa nyé aterenbi don abono menj kpe belen mò. Imò genen mò, mómò kee mé nyé daa genòobono mé kya ka géké toloowi-léé gikò mò.

¹¹ Mé sòò mómò-aterenbi kale mò, mé yii gese mé kya lógedé de ndòò wura mò yéé,

¹² 'Asa abono mé ba gemara gemara mò menj wòra gesun kéela iko. Aye, mò, a yelé owi kélele so wòra gesun toloowi mò, fo kya ka aye-ré òmò pèwu gikò kyéé-kyéé?'

¹³ "Ndòò wura mò gi léé genò sa mómò dò òko yéé, 'Ònyen, menj kudi fo gyi. Me-ré fo anj tóge kyule daa yéé géké gikò ne nan ka fo?'

¹⁴ Imòso kyu fo-aterenbi de fo' naa fo kya kpe. N kya laaré de n' ka òkamaase òbono né nyé gemara gemara mò kee gikò féé fo-léé mò ònan.

¹⁵ Menj bo òkpa de n' kyu me-aterenbi kyu wòra ilaa ibono n kya laaré mò? Abéé fo wu me-gidense gibono né wòra mò, i kya loo fo daa?' "

¹⁶ Yesu gi da gikpalé gide ta mò, ò léé gese yéé, "Genen ne i laa wòra ne. Owi òbono asa mé laa nyé ntéela Wurubuaaré gewuragyi mò dò mò, abono mé gye nbii gesinkpan so ilaa dò mò ako mé laa kpaá wòra abelense, ne abono mé gye abelense gese gere ilaa dò mò ako, mò, mé laa kpaá bingiri nbii."

Yesu Gi Kii Tóge Mò-Lèwu Mò So Ilaa

¹⁷ Yesu kya kpe Gyerusalem mò, o kyu mò-akasebo gudu anyò mò lii nkan ne ò tóge sa òmò

¹⁸ yéé, "Fé' nu. A kya kpe Gyerusalem faa, ako mé laa kyu mé, anyamesé pèwu mómò-daa mò, wòra aye Gyuda awura asunbi aléébo abelense de aye-nbara anmarasebo abaa dò. Mómò, mò, mé laa tóge yéé n gye ilaa nyenyen òwòrabo, imòso n' wòra òmòsoé,

¹⁹ de mómò kee mé' kyu mé wòra asa abono mé menj gye aye Gyuda awura mò abaa dò. Genen asa abono mé laa gyaabii mé ikpa kpei-kpei so,

de me' taa me awulibi, de me' da me anjanbi oyii so mo. Ne wu' mo, imo geke sase mo, nan kyingi lii ibuni do."

Ɔkyii Ɔko Gi Kpaa Kole Gebelense Yesu Ase Sa Mo-Biana

²⁰ Imo gemara mo Yesu akasebo ako momo-nyi gi kyu momo ba mo ase baa kole mo ilaa ika. Akasebo mo me gye Sebedi mo-biana. Ɔkyii mo gi baa nmii mo-ayaa do

²¹ ne Yesu gi taase mo yee, "Mene ne fo kya laare?" Ɔ lee geno yee, "Owi obono fo laa gyi gewura mo, yee me-biana anyo ade me' wora fo-nwurabi nbono me laa sindi fo titiritii, oko o' kyena fo-gibaa gyise so de oko, mo, o' kyena fo-bene so."

²² Yesu gi lee geno toge sa mo-akasebo anyo mo yee, "Fe men nyi ilaa ibono fe kya kole faa. Imoso fe laa taale wu olaawuse obono onan o de o gyoo me mo?" Me kyule mo yee, "En, a laa taale."

²³ Nfono mo, Yesu gi toge sa omo yee, "Gesintin mo, fe laa wu olaawuse obono onan nan wu mo. Me ase ikyenaten mo bere, men bo okpa de n' lee yee ode ne o' kyena me-gibaa gyise so abee ode ne o' kyena me-bene so. Genen ikyenaten ibono i gye sa daa abono me-se Wurubuaare gi wolaa lro yela sa momo mo."

²⁴ Yesu akasebo sense gudu mo me nu ilaa ibono momo-nanboana anyo, nyamese mo-re mo-tede mo, me kpaa kole Yesu mo, i loo omo.

²⁵ Imoso Yesu gi tere momo pewu baa mo ase ne o toge sa momo yee, "Fee genobono fe nyi mo, abono me men nyi Wurubuaare agyebi mo momo-awura awura me kya kyu abono me bo momo gese mo kyu wora fee momo-nbide. Momo-anyamese gbaa'gbaa mo kee me kya kyu olon me kya gyi gebelense asa sense so.

²⁶ Feye-lee bere, in kaabore i' wora fee asa ade. Nengyene oko kya laare o' wora nyamese gbaa' feye do mo, i kaabore o' wora mo-nyoro fee feye-dega,

²⁷ ne obono o kya laare o' wora feye-wura mo, i kaabore o' wora mo-nyoro fee feye-gebide.

²⁸ I lii fee me, anyamese pewu momo-daa mo gbaa, men ba gesinkpan so yee asa me' son me. Ne ba daa de n' baa son asa de n' kyu me-nkpa kyee de i' lee asa sakyi lii ilaa nyenyen giwora do kiiri momo sa Wurubuaare."

Yesu Gi Bugi Agyaatanbo Anyo Ako Ansi

²⁹ Yesu mo-re mo-akasebo mo me kya lii Gyeriko osowole so mo, sakpii bele oko buu momo.

³⁰ Me kya kpe mo, agyaatanbo anyo ako ne n te okpa nkan. Me kpe nu yee Yesu ne n kya kyon faa mo, me yii gese me kya kpen ken-ken yee, "Aye-wura, Wura Deefidi onaanabi, su aye so!"

³¹ Sakpii obono o buu Yesu mo gi gya omo yee me' bun omo-nno so. Me kya gya momo genen mo, ide kon gbaa ne me lro me kya kpen ken-ken yee, "Aye-wura, Wura Deefidi onaanabi, su aye so!"

³² Nfono mo Yesu gi sii yele ne o tere momo ne o taase momo yee, "Mene ne fe kya laare n' wora sa feye?"

³³ Me lee geno yee, "Aye-wura, a kya laare aye-ansi a' bugi."

³⁴ Momo-ilaa i wora Yesu ayen ne o kyu mo-abaa yii momo-ansi mo. Ayaa abono so mo, momo-ansi a bugi me kya wu ilaa kamaase, ne me san naa buu mo.

21

Yesu Gi Loo Gyerusalem Fɛɛ Wura

1 Yesu mɔ-rɛ mɔ-akasebo mɔ mɛ kya fuude Gyerusalem mɔ, mɛ kpaa fo Betɛfagye ɔsowolɛ ɔbono ɔ gyan' Nfɔ Iyii Gibii Mɔ so mɔ. Mɛ fo nno mɔ, Yesu gi sun mɔ-akasebo mɔ dɔ anyɔ

2 yɛɛ, "Fɛ' kpe ɔsowolɛ ɔbono ɔ bo aye-ansi dɔ faa. Fɛ kpe fɛ kya loo ɔsowolɛ mɔ so mɔ, fɛ laa wu bee kyiiɛ kyaa de ɔfɛ, mɔ-bi yeɛ mɔ ase. Fɛ' sange mɔ de fɛ' kyu mɔ-rɛ mɔ-bi mɔ bara me.

3 Ne fɛɛ ɔko gi taase fɛye ilaa iko mɔ, fɛ' tɔgɛ mɔ yɛɛ, 'Wura mɔ yɛɛ ɔ tiri abee mɔ.' Fɛ tɔgɛ genen mɔ, mɛ laa yɛgɛ de fɛ' kyu abee mɔ ba ayaa adɛ so."

4 Genɔɔbono Yesu laa gyan' bee so loo Gyerusalem mɔ, i laa yɛgɛ ilaa ibono Wurubuaare gi tɔgɛ naa de mɔ-ikalan ɔtɔgɛbo ɔko so mɔ i' nyɛ ba gɛsintin. ɔ wolaa tɔgɛ Gyerusalem ilaa yela. (Gyerusalem ginyen giko ne n gye Sayon.) ɔ tɔgɛ yɛɛ,

5 "Fɛ' tɔgɛ sa Sayon awura yɛɛ,

'Fɛ' kere fɛye-wura kya ba fɛye ase. ɔ bara mɔ-nyoro gɛɛɛ;

ɔ gyan' bee so. Mɔ-bee ɔbono gye daa bee fɔɛ; ɔ mɛɪ ti sɛɛ.' "

6 Yesu akasebo mɔ mɛ kpe kpaa wɔra fɛɛ genɔɔbono ɔ tɔgɛ mɔmɔ mɔ.

7 Mɛ kyu bee mɔ mɔ-rɛ mɔ-bi mɔ bara mɔ, ne mɛ kyu mɔmɔ-akuru too bun abee mɔ so, ne ɔ dii gyan'.

8 Sakpii mɔ dɔ ako mɛ kyu mɔmɔ-akuru too mɔ-ɔkpa dɔ, ne ako mɛ nɛ iyii afɛdaa mɛ kya too de ɔkpa yɛɛ ɔ' baa naa.

9 Asa abono mɛ gyangbara Yesu de abono mɛ buu mɔ-gɛmara mɔ pɛwu mɛ kya kpen yɛɛ,

"Ayenbi a gye fo-lɛɛ, Wura Deefidi ɔnaanabi!

Wurubuaare ɔ' kosore fo-gimu!

Wurubuaare ginyen dɔ ne fo naa fo kya ba faa!

Ayenbi a' wɔra Wurubuaare ɔbono ɔ bo soso-soso mɔ-lɛɛ!"

10 Yesu gi loo Gyerusalem mɔ, ɔsowolɛ mɔ gi gyigisi. Nno asa mɔ mɛ san mɛ kya taase yɛɛ, "Anɛ ne n ba daa?"

11 Sakpii mɔ mɔ-rɛ Yesu mɛ naa mɔ mɛ lɛɛ genɔ sa mɔmɔ yɛɛ, "Yesu, Wurubuaare ikalan ɔtɔgɛbo mɔ ne n ba. ɔ lii Nasarete ɔsowolɛ ɔbono ɔ bo Galeli gesinkpan so mɔ."

Yesu Gi Gya Gigya Agyibo Lii Wurubuaare ɔson Obu Gikpaara Mɔ So

12 Yesu gi loo Wurubuaare ɔson obu mɔ gikpaara mɔ so, ne ɔ gya abono mɛ kya gyi gigya nno mɔ. ɔ da abono mɛ kya boori aterenbi mɔ iteebulu too. ɔ da abono mɛ kya fɛ abonbue mɔ ngyapaa kee too, ne

13 ɔ tɔgɛ sa mɔmɔ yɛɛ, "Mɛ nmarase Wurubuaare agyebi ako yela yɛɛ, 'Mɛ-ɔson obu mɔ laa wɔra daa ɔdalaaten.' Fɛye, mɔ, fɛ kyu nno bingiri iyu gikpalan."

14 Agyaatanbo de itegese mɛ yɛgɛ asa mɛ kyu mɔmɔ ba Yesu ase Wurubuaare ɔson obu mɔ gikpaara mɔ so nno, ne ɔ kye mɔmɔ.

15 Gyuda awura asunbi alɛɛbo abelense de mɔmɔ-nbara anmarasebo mɔ mɛ kya wu ilaa dense ibono Yesu kya wɔra ne i kya de asa genɔ mɔ ne mɛ kya nu ibono nbii mɛ kya yen mɔ mɔ, i kya loo mɔmɔ. Nbii mɔ mɛ kya kpen mɛ kya yen mɔ Wurubuaare ɔson obu mɔ gikpaara mɔ so nno yɛɛ, "Ayenbi a' wɔra Wura Deefidi ɔnaanabi mɔ-lɛɛ!" Genen so mɔ, i kyu abelense mɔ ginyadon,

16 ne me taase Yesu yee, "Ibono ade me kya toge faa, fon kya nu de fo' gya momo?" Yesu gi lee geno sa momo yee, "N kya nu kyode. Wurubuaare agyebi ako a toge yee,

'Nyii de abono me san ma-a nyabo mo ne fo yee me kya yen fo de i' tansi gyi fo-ginsi.'

Imoso feŋ ti kale nno?"

17 Yesu gi taase abelense mo genen mo, o naa taa momo yee ne o kyon kpaa de Betani.

Yesu Gi Toge Nno Wora Gifeeya Oyii Oko

18 Gede kese nyenyenge mo, Yesu gi kii o kya kpe Gyerusalem mo, akon a de mo.

19 O wu gifeeya oyii oko yele okpa nkan. O bage kpe mo ase mo, on wu ba-a gibi kolon oyii mo so, afedaa wole ne o wu. Nfono mo Yesu gi toge nno wora oyii mo yee, "Fon baa nye soro abi geakaako!" O toge genen mo, oyii mo gi wu'.

20 Owi obono Yesu akasebo mo me wu imo mo, i de momo-geno gikyo, ne me taase mo yee, "Nne ne gifeeya oyii mo gi ti kpe wu' kusaa genen?"

21 Yesu gi lee geno sa momo yee, "N kya toge feye gesintin, nengyene fe soo Wurubuaare gyi ne feŋ soo feye-nyoro akwole feye-asen do mo, fe laa wora ilaa ibono ne kyu wora oyii baare faa mo onan. Ne i men gye imo ibono wole gbaa. Nkana fe laa taale toge gibii gide yee, 'Koso gere kpaa toro apoo do,' gesintin mo, i laa wora genen.

22 Ilaa kamaase ibono fe laa dalaa kole Wurubuaare mo, nengyene fe soo mo gyi yee o laa wora sa feye mo, i laa yii feye-gibaa."

Abelense Ako Me Daase Yesu Kere

23 Imo gemara mo, Yesu gi kii kpe Wurubuaare onon obu mo gikpaara mo so o kya nyiile asa ilaa, ne Gyuda awura asunbi alebo abelense mo de momo abelense sense ako me ba mo ase baa taase mo yee, "Ilaa ibonoana fo kya wora faa mo, ane ginyen do ne fo kya wora imo daa? Ane ne n sa fo okpa yee fo' wora imo?"

24 Yesu gi lee geno sa momo yee, "Me kee nan taase feye ilaa kolon. Nengyene fe lee geno sa me mo, nan toge feye obono ginyen n de n kya wora ilaa mo.

25 Wurubuaare sagyere obono Gyon gi gyere asa mo, ane ne n sa mo okpa? Wurubuaare abee nyamese?" Yesu gi taase omo genen mo, akwole a toro momo wole-wole so, ne me toge yee, "Nengyene a kyule sa mo yee Wurubuaare ne n sa Gyon genen okpa obono mo, o laa taase aye yee ne mene n wora ne a men soo Gyon gyi?"

26 Ne fee a kii toge yee nyamese ne n sa Gyon genen okpa obono mo, an nyi ilaa ibono sakkii baare laa kyu wora aye mo. I lii fee momo pewu me kya buu Gyon yee Wurubuaare ne n sun mo yee o' wora genen ne o gye daa Wurubuaare ikalan otogebo."

27 Genen so mo me lee geno sa Yesu yee, "A men nyi." Ne Yesu gi kisee toge abelense mo yee, "Fe man toge me bere mo, me kee man toge feye obono o sa me okpa ne n' kya wora ilaa ibono n kya wora mo."

Nyii Nnyo Nko Gikpale

28 Yesu gi kii toge sa momo yee, "Fe' nu gikpale gide de n' taase feye gimo so ilaa. Owi oko do mo, onyen oko gi kyena. O bo nbii nyensee nnyo. Geke gede mo, o kpaa toge sa obelense mo yee, 'Me-bi, nde kpe me-ndoo kpaa wora gesun sa me.'

29 Mò-bi mọ gi lẹe gẹnọ sa mọ yee, 'Man kpe.' Imọ gemara mọ, o nu mọ-nyoro gese yee on kpe mọ, in boran, ne ọ koso kpe ndoo mọ.

30 Mọmọ-sẹ mọ gi kpa a tọge ọpii mọ ilaa kolon ibono kee. Ọpii mọ gi kyule yee, 'Yo-o, me-sẹ, nan kpe,' ne on kii kpe.

31 Imọso nbii nnyo nde do mọ, ọmọ mọ ne n wọra mọ-sẹ mọ gelaare ne?" Yesu gi taase genen mọ, asa mọ me lẹe gẹnọ yee, "Mọ-bi belense mọ." Me lẹe gẹnọ genen mọ, Yesu gi tọge sa mọmọ yee, "N kya tọge feye gesintin yee, tutu akyii de lenpoo asoobo abono fe kya kyu mọmọ yee me gye asa nyenyen mọ me laa nye Wurubuaare gẹwuragyi do gẹkyena taa feye yegẹ.

32 Imọ gese ne n gye yee Gyon gi baa nyiile feye gẹnọobono fe laa gyi gesintin sa Wurubuaare mọ, fe men kyule sọ mọ gyi. Lenpoo asoobo de tutu akyii mọ bere me sọ mọ gyi. Fe dabole wu ibono genen asa ade me sọ Gyon gyi mọ, imọ gemara mọ, fe men kyegge feye-nwonsa de feye kee fe' sọ mọ gyi."

Yesu Gi Kii Da Abelense Mọ Gikpale Giko

33 Yesu gi tọge sa abelense mọ yee, "Fe' kii nu gikpale giko. Geten wura ọko gi kyena. Ọ doo gifole giko ndoo. (Me kya kyu genen gifole gibono abi kyu wọra nta.) Ọ pọro ọpọre kyaaboo ndoo mọ, ọ wọra nta mọ ọdooten, ne ọ pọro obu faa lege-lege nfono asa me laa nye dii ndoo mọ mọ. Ọ wọra imọ ide ta mọ, o kyu ndoo mọ kyu wọra asa ako abaa do yee me' kere nmo so sa mọ de mọ-re ọmọ me' ye agyan abono me laa nye mọ. Ne ọ koso kpe gesinkpan geko so kpa a keela.

34 Gifole mọ abi abere tẹese a fo mọ, ndoo wura mọ gi lẹe mọ-adega ako sun mọ-ndoo akerebo mọ ase yee me' kpa a sọ mọ-lẹe ogyiten bara mọ.

35 Adeg a mọ me kpe mọ, ndoo akerebo mọ me keda mọmọ ne me daare ọko ne me mọ ọko ne me da obanban abui.

36 Ndoo wura mọ gi nu ilaa ibono i ba mọ, o kii sun adega abono me nyaakyo nye agyangbarase mọ. Mọ-ndoo akerebo mọ me kii wọra ọmọ fẹe agyangbarase mọ-lẹe mọ.

37 Imọ tiikara mọ, ọ lẹe mọ gbaa-gbaa mọ-bi sun mọmọ ase. Ọ tọge sa mọ-nyoro yee, 'Me-bi mọ bere, me laa kyu buubuu sa mọ.'

38 Mọ-bi mọ gi kpe mọ, mọ, ndoo akerebo mọ me kpe da de ginsi wu mọ mọ, me tọge sa abara yee, 'Ọbono ọ laa gyi mọ-sẹ ato mọ ne n kya ba faa. A' mọ mọ de mọ-tọgyi mọ ọ' nye sii de aye.'

39 Me tọge sa abara genen mọ, gesintin mọ, me keda ndoo wura mọ mọ-bi mọ ne me biide mọ lii ndoo mọ do ne me mọ mọ."

40 Yesu gi da gikpale mọ ta mọ, ọ taase mọmọ yee, "Ndoo wura mọ gi kpa a ba mọ, mene ne ọ laa kyu wọra mọ-ndoo akerebo abono?"

41 Me lẹe gẹnọ yee, "Ọ laa yegẹ genen asa nyenyen abono me laa wu' aworofo do lewu de o' kyu mọ-ndoo mọ kyu sa akerebo dense abono me laa kyu mọ-lẹe ogyiten sa mọ imọ-abere do mọ."

42 Yesu gi kii taase mọmọ yee, "Fen ti kale Wurubuaare agyebi ade? Me nmarase yee,

'Gibui gibono ibu aporo mọ me kyu too gebaamara mọ genen gibui gibono

ne n kii baa yegẹ ne obu mọ gi wọra olon ọ yele faa.

Wurubuaare ilaa wọrase ne i gye.

I bo aye obole ne i kya de aye-genọ.' "

43 Yesu gi kii tọge bọla yee, "Imọso n' tọge feye yee ọkpa obono Wurubuaare gi sa feye ne fe kya kere mọ-gẹwuragyi do akyenabi ilaa so mọ, ọ laa sọge

lii fɛye ase de o' kyu sa asa abono me laa wɔra ilaa ibono i laa kaabore genen akyenabi abono mɔ.

⁴⁴ Fɛ' kii nu Wurubuaare agyebi ade kee.

'Nyamase kamaase obono ɔ laa tɔrɔ gibui gibono so mɔ,
kaase laa gbaa gberi-gberi.

Ne gibui mɔ, mɔ, ne n kii baa tɔrɔ fo oko so mɔ,
fo laa kɔrɔ faa dogo-dogo wɔra fɛɛ nnyufu.' "

⁴⁵ Gyuda awura asunbi alɛɛbo abelɛnse mɔ de Farasii awura mɔ me nu Yesu akpale ade mɔ, me bii ibono mɔmɔ ne ɔ dare.

⁴⁶ Imɔso me laare de me' keda mɔ. Me kii me sele sakpii obono ɔ bo nno mɔ gifuu. I lii fɛɛ sakpii mɔ gi sɔɔ Yesu gyi yɛɛ ɔ gye Wurubuaare ikalan ɔtɔgebo.

22

Wura Mɔ-Bi Mɔ Gedenake Geke Bele Gigyi Gikpale

¹ Yesu gi kii da gikpale sa asa

²⁻³ yɛɛ, 'Fɛ' nu genɔɔbono asa me laa nye kyena Wurubuaare gewuragyi dɔ geakaako mɔ so ilaa. Owi oko dɔ mɔ wura oko gi wolaa tɔge asa yela yɛɛ ɔ laa kpɛii okyii sa mɔ-bi. Imɔso, i wɔra mɔ, me' baa gyi genen geke bele mɔ kpaa mɔ.

"Geke mɔ ge fo mɔ, o sun mɔ-adege ako yɛɛ me' naa tere tere abono ɔ da gibaa tere mɔ yɛɛ me' ba. Adege mɔ me kpaa tere mɔmɔ mɔ, me kine yɛɛ me man ba.

⁴ Ne o kii sun mɔ-adege banban yɛɛ me' kpaa tɔge sa abono ɔ da gibaa tere mɔ yɛɛ, 'Fɛ' kere! Ne yege me mɔɔ anaade abono me kiire mɔ de abono me bo nfo mɔ kyu wɔra agyudɔ; me wɔra ilaa kamaase loge; imɔso fe' baa gyi.'

⁵ Adege mɔ me kpaa tɔge asa mɔ genen mɔ, me men ka mɔmɔ-genɔ; mɔmɔ okamaase gi koso mɔ, ɔ kyon mɔ-gesun dɔ. Oko gi kyon mɔ-ndɔɔ dɔ ne obanban mɔ gi kyon mɔ-ilaa ofeten.

⁶ Ne ako, mɔ, me keda wura mɔ adege mɔ daare mɔɔ.

⁷ Wura mɔ gi nu genen mɔ, i kyu mɔ ginyadon, ne o sun mɔ-asogya ne me kpaa mɔɔ genen asa amɔɔbo abono, ne me yii mɔmɔ-ɔsowole mɔ ɔgya.

⁸ "Nfono mɔ ɔ tere mɔ-adege mɔ ako ne ɔ tɔge sa mɔmɔ yɛɛ, 'Me wɔra gedena mɔ agyudɔ mɔ ta. Abono ne da gibaa tere mɔ, mɔ, me men kaabore me' nye agyudɔ mɔ gyi ne.

⁹ Imɔso fe' naa loo nten dɔ de fe' kpaa tere asa abono okara fe laa nye mɔ yɛɛ me' ba de me' baa gyi.'

¹⁰ Gesintin mɔ, mɔ-adege mɔ me naa loo nten mɔ dɔ ne me kpaa koola asa abono okara me nye mɔ, adense de anyɛnyɛn pɛwu, ne asa mɔ me baa bɔla obu obono dɔ me kya wɔra gedena mɔ ilaa mɔ.

¹¹ "Wura mɔ gi loo obu mɔ dɔ de ɔ faala abono me kya gyi geke bele mɔ ma-a kpaa mɔ mɔ, o wu onyen oko bo nno. Oɲ suu gegbe gebono onan me kya kyu kpe gedena geke gigyi mɔ.

¹² Wura mɔ gi wu genen mɔ, ɔ taase mɔ yɛɛ, 'Onyen, nne ne fo wɔra ne fo nye loo gere yege fon suu gegbe gebono me kya suu kpe gedena geke gigyi mɔ?' Onyen mɔ men nye genɔ.

¹³ Nfono mɔ wura mɔ gi tɔge mɔ-adege abono me kya kere geke mɔ gigyi so mɔ yɛɛ, 'Fɛ' nminde onyen mɔ ayaa de abaa de fe' kyu mɔ lii kpaa too wɔra nfono i bo gibiri mɔ. Osulon de anɛbi giwe ne n bo nno.' "

14 Yesu gi da gikpale mo ta mo, o toge yee, "I bo nno yee Wurubuaare gi toge asa sakyo yee me' baa nye okyenaten mo-gewuragyi mo do. Akalese, mo, ne o toose lee yee me laa nye genen gekyena gebono."

Me Soo Yesu Idoo

15 Nfono mo Farasii awura gikpen mo do ako me lii asa mo do kpaa da geno genobono me laa soo Yesu idoo de me' nye mo mo-ila ta toge do mo.

16 Imoso me sun momo-akasebo ako de Wura Herode gemara abuubo ako kpe mo ase. Abono me kpaa too mo soso taase mo yee, "Obelense, a wu yee fo gye gesintin wura. Fo kya nyiile asa Wurubuaare okpa gesintin okpa so, ne fo men sele oko. Fo bere, fo men kya kere nyamese sakyo abee mo-nyisigyi obono o bo mo de fo' buu oko don oko.

17 A de fo gisere, toge aye, imoso Rom wura bele obono o kya kere aye so ne o kya son Wurubuaare mo, i de okpa yee a' soo mo-lenpoo abee a men sa a' soo?"

18 Yesu, mo, gi dese yee me de nwansa nyenyen, imoso o toge sa momo yee, "Fe gye o-dun-me, o-fon-me anyamese! Mene so ne fe kya soo me idoo genen?"

19 Oko o' lee aterenbi abono fe kya kyu soo lenpoo mo gibi ba de n' kere." Gesintin mo, me kyu aterenbi mo gibi mo kyu sa mo.

20 Ne o taase momo yee, "Ane gimu de mo-ginyen ne n gyan' aterenbi gibi gide so faa?"

21 Me lee geno yee, "Rom wura bele mo-lee." Ne Yesu gi kisee toge sa momo yee, "To. Genen bere mo, ilaa ibono i gye Rom wura bele mo-lee mo fe' kyu sa mo, ne ibono, mo, i gye Wurubuaare-lee mo, fe' kyu sa Wurubuaare."

22 Me nu genobono Yesu gi lee geno sa momo mo, i de momo-geno gikyo, ne me san naa kyon taa mo yega.

Saadusii Awura Me Taase Yesu Ilaa

23 Genen geke gebono mo, Saadusii gikpen do awura ako me ba Yesu ase. (Saadusii awura ade ne n kpe me de yee nengyene nyamese gi wu' mo, i ta. In baa i bo geteeko me laa kpaa kyena, ne Wurubuaare man kyingi asa gekaako.) Genen asa ade me baa toge sa Yesu

24 yee, "Obelense, Mosisi gi yela nbara nko sa aye yee, 'Nengyene onyen gi wu' taa mo-ka yega owi obono mo-ka mo men ti koroge sa mo mo, mo-daa abee mo-tede o' kyu okyii mo lee gikulaa de mo-re mo me' koroge nbii sa mo-kuli obono o wu' mo.'

25 To. Owi oko do mo onyen oko mo-re mo-tedeana asee me kyena aye-owole baare so gere. Genen onyen mo gi dena okyii. Mo-re mo-ka mo men koroge, ne o wu' taa mo-ka mo yega. Mosisi nbara nbono o yela sa aye mo so mo, mo-gigyanmara mo gi kyu okyii mo lee gikulaa.

26 Mo-re okyii mo me men koroge, ne mo kee gi wu' taa okyii mo yega. Jsase mo kee, genen; ne momo anyen sono mo pewu me dena okyii mo, ne me wu' taa mo yega. Okyii mo men koroge sa momo oko-re oko.

27 Laalaaloga mo, okyii mo kee gi wu'."

28 Me toge Yesu genen mo, ne me taase mo yee, "To, nengyene Wurubuaare laa kyingi asa gesintin mo, momo anyen sono ade do mo, ane ne n bo okyii mo genen gekyena poboro mo do? I kya nyiile yee owi obono me te de ansi mo, momo pewu me dena mo gyan'."

29 Yesu gi lee geno sa momo yee, "Fe fue. I kya nyiile yee fe men nyi Wurubuaare agyebi mo, ne fe men nyi Wurubuaare olon obono o bo mo kee.

³⁰ Asa abono Wurubuaare laa kyingi de me' kyena gekyena poboro mo, gedena gen baa ge bo no sa momo. Momo-gekyena ge laa wora daa fee Wurubuaare do isoo-lee mo onan."

³¹ Yesu gi kii toge sa Saadusii awura mo yee, "Fe kya soo akyyole yee asa me wu' mo in baa i bo geteeko me kya kpaa kyena faa mo, a' kere Wurubuaare agyebi owole mo do de a' kere. Imoso fe men ti kale mo-agyebi abono me nmarase yela sa feye nno

³² yee,

'Me ne n gye Aberaham Wurubuaare.

N gye Ayisiki Wurubuaare,

ne n' gye Gyeekopo Wurubuaare' mo?

Abera abono Wurubuaare gi toge genen ilaa ide sa Mosisi mo, genen asa ade me ti wolaa wu'. Ne fee iloobu ide men bo geteeko daa mo, Wurubuaare man toge yee, 'N gye momo-Wurubuaare.' Nkana o laa toge daa yee, 'Ne naa kyena wora momo-Wurubuaare yee.' "

³³ Sakpii obono o bo nfono mo gi nu genobono o lee gese mo, i de momo-geno.

Yesu Gi Nyiile Asa Wurubuaare Nbara Nbono Gi Tansi Gi Tiri Mo

³⁴ Farasii awura mo me nu yee Saadusii awura mo ayaa an fo gese Yesu ase mo, momo kee me kpaa nminde ba.

³⁵ Me fo mo, momo do obono o gye nbara onyilebo mo gi taase Yesu ilaa iko de o' daase mo kere. O taase yee,

³⁶ "Obelense, Wurubuaare nbara mo do mo, nmo mo ne n tansi gi tiri daa?"

³⁷ Yesu gi lee geno sa mo yee, "Nbono gi tiri mo ne n gye yee, 'Laare fo-Wura Wurubuaare lii fo-gisen do. Kyu fo-gisen pewu de fo-gewonsa pewu kyu laare Wurubuaare ilaa.'

³⁸ Genen nbara nde ne n don nsense mo, ne nmo ne n tansi gi tiri.

³⁹ Nnyose nbono kee gi tiri mo gi de fee nbono ne toge kyon mo. Nmo ne n gye yee, 'Laare fo-nanbo fee fo-nyoro.'

⁴⁰ Wurubuaare ikalan atogebo ilaa nyiilese mo de Mosisi nbara mo pewu do mo genen nbara nnyo nde ne n gye nmo-gemu."

Yesu Gi Kisee Taase Farasii Awura Mo Ilaa Iko

⁴¹ Owi obono Farasii awura mo me san me bo Yesu ase mo, Yesu kee gi taase momo ilaa taase yee,

⁴² "Obono Wurubuaare laa sun de o' baa gyi gewura mo Wurubuaare ade so mo, nne ne n gye feye-gewonsa kyu lii mo so? Ane onaanabi ne o gye?" Me lee geno sa mo yee, "O gye daa Deefidi onaanabi."

⁴³ Ne Yesu gi kii taase momo yee, "Ne i wone ne Wurubuaare Oduduu mo gi yee Deefidi gi wolaa tere genen onaanabi mo yee, 'Me-Wura' mo daa? Deefidi gi wolaa toge yela yee,

⁴⁴ 'Wurubuaare laa toge sa me-Wura mo yee,

"Baa kyena me-gibaa gyise so de me-re fo a' gyi gewura de n' yee fo' kyise fo-akyobo de fo-ayaa." ' ' "

⁴⁵ Yesu gi kii lee gese yee, "Deefidi kya tere mo yee, 'Me-Wura' faa mo, nne so ne o laa kii kisee wora daa Deefidi onaanabi?"

⁴⁶ Asa mo do oko-re oko men taale lee geno sa Yesu. San kyu lii genen geke gebono mo, oko men baa taale da otu taase Yesu ilaa de o' daase mo kere.

23

Wɔra Abelense Mɔ Ilaa Nyiilese; Geɲ Wɔra Mɔmɔ-Ilaa Wɔrase

1 Nfono mɔ Yesu gi tɔge sa sakpii mɔ de mɔ-akasebo mɔ yee,

2 "Nbara anmarasebo mɔ de Farasii awura mɔ ne n bo ɔkpa de me' lee Mosisi nbara mɔ gese sa asa.

3 Imɔso ilaa kamaase ibono me kya tɔge feye kyu lii nmɔ so mɔ fe' nu de fe' wɔra imɔ. Mɔmɔ-ila a wɔrase bere ne feɲ sa fe' wɔra. I lii fee ilaa ibono me kya nyiile feye mɔ, iɲ gye imɔ ne me kya wɔra.

4 Mɔmɔ-anyiilebi mɔ a de daa fee nsola boduduuse nbono giɲ bo gisola mɔ ne me de ma-a nyise asa. Mɔmɔ gbaa-gbaa bere, me maɲ kyu ba-a mɔmɔ-gibaa taa puru kpaa mɔmɔ.

5 "Me kya wɔra ilaa kamaase mɔ, me kya laare daa de asa me' wu de me' nye yen mɔmɔ. Wurubuaare agyeɓi abono aye Gyuda awura a kya kyu mada aye-asegbele so de abono a kya kyu kyaga aye-abaa dɔ mɔ, me kya yege mɔmɔ-lee bere i kya wɔra ibele-bele. Aye-itiibilaa ibono a kya kyu kyaga de aye-ngbe mɔ, me kya yege mɔmɔ-lee bere i kya tansi wɔra gisoro.

6 Ne fee me laa gyi geke bele mɔ, abee me kya kpe mɔmɔ-akyangbon dɔ mɔ, abelense de anyamese gbaa'gbaa ikyenaten ne me kya laare.

7 Me kya laare de asa me' tere mɔmɔ yee 'Anyiilebo' de me' kyu buubuu faala mɔmɔ sakpii dɔ de ɔkamaase o' wu.

8 "Feye bere feɲ sa fe' yege asa me' tere feye dɔ ɔko yee 'Onyiilebo.' I lii fee feye pɛwu fe gye gikpen kolon dɔ asa ne onyiilebo kolon ne fe bo. Me ne n gye feye-onyiilebo ɔbono.

9 Feɲ sa fe' tere ɔko yee 'aye-se' gesinkpan so gere. I kya nyiile yee fe bo daa ɔse kolon, mɔ ne n gye Wurubuaare ɔbono ɔ bo soso mɔ.

10 Genen kee ne feɲ sa fe' yege asa me' tere feye dɔ ɔko yee 'ɔgyangbarabo'; ɔgyangbarabo kolon guan-n ne fe bo, mɔ ne n gye me ɔbono Wurubuaare gi sun yee n' baa gyi gewura mɔ Wurubuaare ade so mɔ.

11 ɔbono ɔ tansi ɔ gye nyamese gbaa' feye dɔ mɔ gi kaabore o' wɔra daa feye-dega.

12 ɔbono ɔ diire mɔ-nyoro mɔ, Wurubuaare laa kpelegere mɔ gese, ne ɔbono, mɔ, ɔ bara mɔ-nyoro gese mɔ, Wurubuaare laa diire mɔ."

Nbara Anmarasebo De Farasii Awura, Feye Laako!

13 Nfono mɔ, Yesu gi kisee tɔge sa abelense mɔ ako yee, "Feye nbara anmarasebo de feye Farasii awura, feye laako! Fe gye daa o-dun-me, ɔ-fon-me anyamese! Fe kyu ilaa ibono nkana i laa yege asa me' nye Wurubuaare gewuragi dɔ akyenabi mɔ kyu ɲara mɔmɔ. Feye gbaa-gbaa fe meɲ kya kyu genen akyenabi mɔ kyu kyena, ne abono, mɔ, me kya laare me' kyena genen gekyena mɔ, fe kya ɲe fɔlɔge fe kya tii mɔmɔ-ɔkpa. [

14 Feye nbara anmarasebo de feye Farasii awura, feye laako! Fe gye daa o-dun-me, ɔ-fon-me anyamese! Fe kya kudi akyii ikulaabo mɔmɔ-re mɔmɔ-biana gyi, yege feye, mɔ, ne n kii fa-a dalaa faa bolo-bolo de asa me' nye yen feye yee feye ne n nyi gedalaa. Owi ɔbono Wurubuaare laa gyi feye-nbele mɔ, feye-gisobiide gi laa nyaakyɔ too.]

15 Feye nbara anmarasebo de feye Farasii awura, feye laako! Fe gye daa o-dun-me, ɔ-fon-me anyamese! Fe kya naa nkyu so de nsinkpan so gyan' de fe' taa nye ba-a nyamese kolon o' kyeege baa buu feye-lee Wurubuaare

asonbi mɔ. Fɛ nyɛ ɔkolon genen mɔ, fɛ kya yɛgɛ ɔ kya kii bingiri daa isa ɔbono ɔ kaabore o' kpe ɔgya dɔ mɔ-lɛwu gemara mɔ kii don fɛye-lɛɛ mɔ!

16 "Fɛye laako! Fɛ dɛ daa fɛɛ agyaatanbo ne n gyangbara mɛ sa agyaatanbo. Fɛ kya nyiile asa yɛɛ nengyene ɔko gi ka Wurubuaare ɔson obu mɔ ntan mɔ, ɔ laa taale yɛgɛ i' gbange. Sika kɔkɔɔ ɔbono ɔ bo Wurubuaare ɔson obu mɔ dɔ mɔ bere ne ɔko gi kyu ka ntan mɔ, fɛye ase mɔ, gi gye ntan bele.

17 Fɛ dɛ fɛɛ agyaatanbo, ne fɛ mɛn nyi ɔlaako! Imɔ imɔmɔ ne n tiri gikyo, sika kɔkɔɔ mɔ abɛɛ Wurubuaare ɔson obu mɔ daa? In gye Wurubuaare ɔson obu mɔ dɔ ne sika kɔkɔɔ mɔ dɛ so ne ɔ gye Wurubuaare-lɛɛ?

18 Fɛ kya nyiile asa kee yɛɛ nengyene ɔko gi ka Wurubuaare asunbi ɔlɛɛten mɔ ntan mɔ, mɔ-ntan mɔ gin gye ntan nko. Nengyene o kyu ilaa ibono ɔ laa kyu lɛɛ asunbi mɔ bere daa kyu ka ntan mɔ, fɛ kya kyu nmo yɛɛ gi gye ntan bele.

19 Mɛnɛ gɪgyaatanbo ne n kya mɔɔ fɛye faa? Ilaa ibono mɛ kyu ba mɛ' baa lɛɛ asunbi mɔ ne n tiri abɛɛ Wurubuaare asunbi ɔlɛɛten mɔ ne n tiri daa? In gye asunbi ɔlɛɛten mɔ ne n kya yɛgɛ asunbi atɔ mɔ a kya nyɛ bingiri Wurubuaare-lɛɛ?

20 Imɔso nengyene isa gi ka Wurubuaare asunbi ɔlɛɛten mɔ ntan mɔ, ɔ ka dabɔle de asunbi atɔ abono a gyan' asunbi ɔlɛɛten mɔ so mɔ pɛwu ne.

21 Nengyene ɔko gi ka Wurubuaare ɔson obu mɔ ntan mɔ, ɔ ka dabɔle de Wurubuaare ɔbono ɔ bo obu mɔ dɔ mɔ kee ne.

22 Ne fɛɛ ɔko gi ka Wurubuaare dɔ ntan mɔ, ɔ ka Wurubuaare gewuragyapaa mɔ ntan de Wurubuaare ɔbono ɔ tɛ gewuragyapaa mɔ so mɔ ntan kee ne.

23 "Fɛye nbara anmarasebo de fɛye Farasii awura, fɛye laako! Fɛ gye o-dun-me, ɔ-fon-me-ana gikyo! Ansi so mɔ, fɛ kya yɛ fɛye-afɛdaa gyise fɛɛ agbɛɛma de malebokyu de benkeni afɛdaa dɔ gikpadɔ gudu-gudu de fɛ' kyu gikolon-gikolon kyu kpaa kyɛɛ Wurubuaare fɛɛ genɔɔbono i dɛ sa fɛye mɔ. Ilaa ibono i tiri gikyo Wurubuaare nbara mɔ dɔ mɔ bere, fɛ kya nyaa imɔ ibono yela nkan. Fɛɛ fɛ laa gyi gesintin sa asa abɛɛ fɛ' su asa so, abɛɛ fɛ' sɔɔ Wurubuaare gyi mɔ, fɛ kya lɛɛ ansi taa imɔ ibono yɛgɛ. Nbara nbono ne i kaabore fɛ' tansi gyi nmo so. In gye yɛɛ fɛ' taa nbono fɛ ti fɛ kya gyi nmo so mɔ yɛgɛ bere.

24 Fɛ dɛ fɛɛ agyaatanbo ne n gyangbara mɛ sa agyaatanbo. Fɛ kya wɔra fɛɛ ɔbono ɔ laa wu kyɛsen mɔ-agyudɔ dɔ de ɔ' bii lɛɛ pɛi de o' gyi mɔ, ne tetɛmenyi bere gi bo mɔ-agyudɔ dɔ ne ɔ mɛn bii lɛɛ mɔ!

25 "Fɛye nbara anmarasebo de fɛye Farasii awura, fɛye laako! Fɛ gye o-dun-me, ɔ-fon-me anyamesɛ gesintin! Fɛ dɛ fɛɛ asa abono mɛ kya foro mɔmɔ-nwɛ de mɔmɔ-ilɛpɛ nyoro so taa imɔ tudɔ yɛgɛ mɔ. Imɔ ne n gye yɛɛ ansi so giyan ne fɛ kya gyɛɛ lɔrɔ fɛye-nyoro. Fɛye-itɔ dɔ de fɛye-amu dɔ bere onsipara de gekyo ne n bola nno.

26 Farasii awura, fɛ gye agyaatanbo gesintin! Fɛ' foro fɛye-nwɛ tudɔ de imɔ-nyoro so kee i' wɔra ɔdan.

Wurubuaare Laa Biide Feye Nde Asa Ade Giso

27 "Fɛye nbara anmarasebo de fɛye Farasii awura, fɛye laako! Fɛ gye daa o-dun-me, ɔ-fon-me anyamesɛ! Fɛ dɛ fɛɛ nkyan nbono mɛ porɔ nmo ne gi bo kanpɛ ansi so, yɛgɛ nmo tudɔ mɔ, awuye de anyamesɛ gyɔsɛ ne n bo nno!

28 Genen ne ansi so mɔ, asa mɛ laa kyu fɛye yɛɛ gesintin awura ne fɛ gye, yɛgɛ gikɛɛansi de ilaa nyenyɛn ne n bola fɛye-itɔ dɔ.

29 “Feye nbara anmarasebo de feye Farasii awura, feye laako! Fe gye o-dun-me, o-fon-me anyamese! Fe kya kere ansi poro Wurubuaare ikalan atogebbo de abono me gyi gesintin sa Wurubuaare baa kyon mo ako nkyan, ne fe kya denkyi momo ako-lee,

30 de fe' kyu gyaabii asa yee, 'Fee aye ne nan kyena aye-naanaana abere do mo, nkana a man kyule ibono me mo Wurubuaare ikalan atogebbo mo.'

31 Imo mo mo, ibono fe nye kyule yee feye-naanaana ne n mo Wurubuaare ikalan atogebbo mo faa mo, feye-re momo fe gye daa oyuduu kolon.

32 Imoso fe' tese loge feye-naanaana gesun gebono me yii gese mo!

33 “Fe bo ilaa nyenyen ne fe gye asa amooobo fee awoo abono a bo giboro mo! Wurubuaare laa bun feye gipuee de o' kyu feye too wora ogya obono do o laa biide ilaa nyenyen aworabo giso mo. Fe man nye lii genen gibobiide gibono do.

34 N' toge sa feye yee pei de i' loo fo genen mo, nan sun Wurubuaare ikalan atogebbo de asebo de Wurubuaare nbara anmarasebo feye ase. Fe laa mo mo momo ako, de fe' da momo ako ananbi iyii so mo de fe' taa momo ako awulibi feye-akyangbon do de fe' ka momo ako ansi lii isowole so kpe isowole so.

35 Imo ide so mo, asa abono me gyi gesintin sa Wurubuaare ne asa me mo momo mo pewu, Wurubuaare laa kyu imo-ilaa kyu taase feye nde asa de o' biide feye-giso. O laa yii gese taase feye ilaa kyu lii Abele obono o n wora sei ne me mo mo mo kyu genen-n kyu kpaa fo Sakariya, Barakaya mo-bi mo-lee lewu mo so. Sakariya obono mo me mo mo daa Wurubuaare asunbi oleeten de Wurubuaare obu bele mo nsana.

36 N kya toge feye gesintin yee Wurubuaare laa biide feye nde asa ade giso kyu lii genen asa abono so.

37 “O, Gyerusalem asa! Feye ne n kpe fa-a mo Wurubuaare ikalan atogebbo mo, ne fe kya too abui fa-a mo Wurubuaare isoo ibono o kya sun feye ase mo. Ne tansi laare fee n' nyaa feye ba me ase fee genooobono kyaase kya nyaa mo-biana baa wora mo-abantee do mo. Gikpado gifonee ne ne laare n' koola feye genen ne fe n kya kyule faa.

38 Fe' nu yee Wurubuaare laa lee ansi taa feye-osowole yee sa feye.

39 N kya buu mi-i sa feye yee fe man baa wu me kpaa fo geke gebono fe laa bugi feye-nno toge yee, 'Wurubuaare o' kosore onyen baare gimul Wurubuaare ginyen do ne o naa o kya ba faa!' ”

24

Yesu Gi Toge Yela Yee Gyerusalem Laa Baa Boori

1 Yesu kya lii Wurubuaare onon obu mo gikpaara mo so mo, mo-akasebo mo me naa kpaa tu mo, ne me kya toge mo yee o' kere ibu mo odan!

2 Yesu, mo, gi toge sa momo yee, “Nga fe wu ibu ide pewu? N' toge feye gesintin, i laa baa fo owi oko mo, ako me laa baa boori imo bun. Ba-a imo-gisodoo kolon gi man san yee gi man de gese.”

3 Imo gemara mo, Yesu te Nfo Iyii Gibii mo so mo, mo-akasebo mo me ba mo ase momo-wole ne me taase mo yee, “Owi omo do ne me laa boori imo bun genen? Mene ilaa ne nan ba de i' lee nyiile yee fo kya laare fo' kii ba gesinkpan so abee gesinkpan so gekyena ge kya laare ge' yela okara? A kya kole fo, toge aye.”

Ilaa Ibono I Laa Ba Gesinkpan So Nke Laalaaloge Do Mo

4 Yesu gi lɛɛ gɛnɔ sa mɔmɔ yɛɛ, “Fɛ' kerɛ fɛyɛ-nyoro so dandan daa de ɔko ɔ' mɛɲ sa ɔ' nyɛ fɛyɛ pɛnɛ. Genɛn ilaa ibono i maɲ ba nɛrɛ.

5 Pɛi de i' loɔ ba genɛn mɔ, asa sakyɔ mɛ laa naa mɛ kya tɔgɛ yɛɛ mɔmɔ ne gye mɛ, ɔbono Wurubuaarɛ gi sun yɛɛ n' baa gyi gɛwura mɔ Wurubuaarɛ adɛ so mɔ. Genɛn asa abono mɛ laa nyɛ asa sakyɔ pɛnɛ.

6 Fɛ laa nu iko so titiritii de koo-koo. Fɛ kya nu genɛn mɔ, fɛ mɛɲ sa fɛ' yɛgɛ fɛyɛ-gisɛn gi' nmaa fɛyɛ. Imɔ idɛ i gye ilaa ibono i laa ba daa. Ne i mɛɲ gye yɛɛ ilaa kamaasɛ i kya yɛla ɔkara ayaa abono so nɛ.

7 I kya nyiilɛ yɛɛ fɛ laa nu gesinkpan so asa kpɛi-kpɛi mɛ laa laarɛ iko too abara so. Abɛyin de abɛyin mɛ laa koso yɛlɛ mɛ kya ko de abara. Ntɛn kpɛi-kpɛi so mɔ, akon a laa tɔrɔ, nɛ gesinkpan gɛ laa gyigisi.

8 Imɔ idɛana pɛwu i laa nyiilɛ yɛɛ gɛkyɛna gɛdɛ ilaa i kya kpɛ laalaalɔgɛ nɛ. I laa wɔra fɛɛ gɛnɔɔbono gɛdun gɛ kya daa gitu ɔkyii nɛ i mɛɲ gye nfononfononɛ nɛ ɔ kya korɔgɛ mɔ.

9 “Genɛn abɛrɛ abono mɔ, ibono fɛ gye mɛ-akasebo faa so mɔ, asa mɛ laa kyu fɛyɛ wɔra ako abaa dɔ de mɛ' wɔra fɛyɛ awɔrɔfɔɔ de mɛ' mɔɔ fɛyɛ ako. Mɛ so mɔ, asa kpɛi-kpɛi pɛwu mɛ laa kyo fɛyɛ.

10 Nfononfononɛ mɔ, mɛ-akasebo sakyɔ mɛ laa taa mɛ yɛgɛ, mɛɲ baa wɔra mɛ-akasebo. Mɛ laa fɛ abara sa mɔmɔ-akyobo de mɛ' kyo abara.

11 Asa sakyɔ mɛ laa koso mɛ kya kɛɛ abon yɛɛ Wurubuaarɛ ikalan atɔgɛbo nɛ mɛ gye, de mɛ' pɛnɛ asa sakyɔ kee.

12 Ilaa nyɛnyɛn giwɔra i laa gbigi gikyɔ so mɔ, asa sakyɔ mɛ laa taa gɛsalaarɛ yɛgɛ.

13 Fo ɔbono, mɔ, fo sɔɔ mɛ gyi nɛ fo yɛlɛ fo-ayaa so girin genɛn kaabore fo wu' mɔ, Wurubuaarɛ laa mɔlɛgɛ fo de fo' nyɛ ɔkyɛnatɛn mɔ asɛ.

14 Asa mɛ laa naa gesinkpan so gɛtɛn kamaasɛ pɛwu gyan' mɛ kya tɔgɛ Wurubuaarɛ ɔkalan konkonsɛ mɔ ma-a sa gesinkpan so asa kpɛi-kpɛi pɛwu de mɛ' nyɛ nu Wurubuaarɛ gɛwuragyi dɔ akɛnyabi mɔ so ilaa de mɔmɔ-aso. I nyɛ ba genɛn ta mɔ, gesinkpan so gɛkyɛna gɛ laa yɛla ɔkara.

Nkɛ Nbono Dɔ-Lɛɛ Awɔrɔfɔɔ A Laa Don Awɔrɔfɔɔ Kamaasɛ

15 “Pɛi de i' loɔ ba genɛn mɔ, fɛ laa wu ilaa kyosɛ ibono i kya nyida Wurubuaarɛ ɔson ilaa mɔ i yɛlɛ Wurubuaarɛ ɔson obu mɔ dɔ. I laa wɔra fɛɛ gɛnɔɔbono Wurubuaarɛ ikalan ɔtɔgɛbo ɔbono mɛ kya tɛrɛ mɔ yɛɛ Danyɛlɛ mɔ gi wolaa wu tɔgɛ yɛla mɔ. (Fo ɔbono fo kya kalɛ ilaa idɛ mɔ, nu imɔ gɛsɛ.) Fɛ wu ilaa kyosɛ mɔ nno genɛn mɔ,

16 fɛyɛ abono fɛ bo Gyudiya gesinkpan so mɔ, fɛ' sɛlɛ kpɛ abii dɔ.

17 Fo ɔbono fo bo nɲmanɲman genɛn owi ɔbono mɔ, sɛlɛ. Gɛɲ sa fo' kii loo obu dɔ yɛɛ fo laa kpaa puru ilaa iko.

18 Nɛ fo ɔbono fo bo ndɔɔ dɔ genɛn owi ɔbono mɔ, gɛɲ baa kii ba gɛwi yɛɛ fo kya ba de fo' baa kyu fo-gikuru.

19 Awɔrɔfɔɔ a laa nyaakyɔ gikyɔ so mɔ, akyyii abono mɛ dɛ itɔ genɛn nkɛ nbono dɔ abɛɛ mɔmɔ-biana mɛ san mɛ kya nyabo mɔ, mɔmɔ laako!

20 Fɛ' dalaɛ yɛɛ genɛn ilaa idɛ i mɛɲ sa i' ba gikyɛ abɛɛ gɛkɛ kyoolasɛ.

21 I lii fɛɛ genɛn nkɛ nbono dɔ-lɛɛ awɔrɔfɔɔ mɔ a laa don awɔrɔfɔɔ kamaasɛ abono nyamɛsɛ gi ti wu kerɛ kpɛ kyu lii ko-o ibono Wurubuaarɛ gi lɛɛ soso de gɛsɛ mɔ baa lii de ndɛ mɔ. Genɛn awɔrɔfɔɔ abono ɔnan kee a maɲ baa ba gɛkaako.

22 Abono Wurubuaarɛ gi tɔsɛ lɛɛ yɛɛ mɛ' nyɛ mɔ-gɛwuragyi dɔ akɛnyabi mɔ so mɔ, ɔ kɛda awɔrɔfɔɔ nkɛ nbono kɔɔgɛ. Inɲ gye genɛn mɔ, nkana pɛi de nkɛ mɔ gi' baa logɛ mɔ, inɲ baa san ba-a isa.

23 “Genen owi obono mo, ako me laa toge yee, ‘Kere, obono Wurubuaare gi sun yee o’ baa molege aye mo ne gere.’ Ako, mo, me laa toge yee, ‘Mo ne n gye ode.’ Nengyene me toge feye genen mo, fe man sa fe’ soɔ imo gyi.

24 I kya nyiile yee genen owi obono mo, i laa nye abonbo ako. Oko laa toge yee, ‘Me ne n gye obono Wurubuaare gi toge yee o laa sun mo.’ Obanban, mo, laa toge yee, ‘N gye Wurubuaare ikalan otogebo.’ Me laa wora ilaa ibono i kya de geno de ilaa ibono i kya lee olon bele nyiile mo. Nkana momo-ilaa worase mo i laa pene asa abono Wurubuaare gi tose lee yee me’ nye mo-gewuragi do akyenabi mo gbaa. I man kii sa genen.

25 Imoso fe wu genen ilaa ideana mo, fe’ nyingi yee ne wolaa gyo feye imo so owolii yela.

26 Nengyene ako me toge feye yee, ‘Fe’ kere, o bo gipen do’ mo, fen sa fe’ buu momo kpe nno. Ne me kii toge yee, ‘Fe’ kere, o bo obu do’ mo, fen sa fe’ soɔ imo gyi.

27 I lli fee owi obono me, anyamese pewu momo-daa mo, nan kii ba gesinkpan so mo, i laa wora daa fee genobono nyangbon kya kyan gikolon kel-l lli owi obaaliten kpa lli owi otortoten ne i kya wu gesinkpan so pewu mo.

28 Nfono gebue wuse ge de mo, nno ne ipatee me kya da gikilen.

Kirisito Laa Lii Wurubuaare Awole Do Ba De Nyisigi De Olon Bele

29 “Aworofoo mo nke mo gi baa kyon mo, owi laa biiri. Bose laa yela asa gikulaa. Agyekpebi a laa kyigi giyan-giyan. Wurubuaare laa keda ilaa ibono i bo soso mo gyigisi.

30 Nfono mo asa me laa wu ilaa ibono i laa lee nyiile yee me, anyamese pewu momo-daa mo, n kya laare n’ kii ba gesinkpan so mo. Me wu imo genen mo, gesinkpan so asa kpei-kpei pewu me laa saawo. Me laa wu me, anyamese pewu momo-daa mo, nan naa lli Wurubuaare awole do n kya ba, n de nyisigi de olon bele.

31 Nan yee gegandan bele ge’ su de n’ sun Wurubuaare do isoo de me’ kpa koola asa abono Wurubuaare gi tose lee yee me’ nye mo-gewuragi do akyenabi mo. Me laa koola-koola momo lli gesinkpan gede geten kamaase pewu so.”

32 Ne Yesu gi toge yee, “Fe’ kase ilaa lli gifeeya oyii so. Aye gere mo, nengyene fe wu gifeeya ngyalenbi gi punge ne gi kya poroge afedaa mo, fe kya bii yee gikye gi kya fuude ne.

33 Genen kee ne i de ne. Nengyene fe wu ilaa ibonoana ne toge sa feye faa mo, fe’ bii yee me-gikiiba gesinkpan so mo gi tansi fuude ne. N ti n yele feye-gegunono gbaa-gbaa.

34 Gesintin ne n’ kya toge feye faa. Gesinkpan so asa ade me man wu’ loge pei de genen ilaa ideana pewu i’ loo ba.

35 Soso de gese i laa yela okara. Me-agyebi mo bere, a man yela okara geakaako kpa-a.

Wurubuaare Mo Nkon Ne N Nyi Owu Obono Kirisito Laa Kii Ba Mo

36 “Geke gebono abee owi obono nan kii ba mo bere, oko men nyi. Wurubuaare do isoo gbaa me men nyi, ne me, Wurubuaare mo-bi mo kee, men nyi. Genen mo, me-se Wurubuaare mo-nkon ne n nyi.

37 Me, anyamese pewu momo-daa mo, gikiiba gesinkpan so mo i kya fuude mo, i laa wora daa fee Nowa abere do-lee mo.

38 Imo ne n gye yee pei de nkyu gi loo gyi asa Nowa abere mo do mo, asa me kpe san me de momo-gekyena do laawora, fee gigyi, ginun, de gedena

genen-n kaabore geakaabono Nowa gi dii loo gikolii mo do mo. O loo gikolii mo do mo,

³⁹ nkyu mo gi baa gyi asa mo pewu, ibono me men dese. Genen kee ne me, anyamese pewu momo-daa mo, gikiiba gesinkpan so mo i laa wora ne.

⁴⁰ Genen geke gebono mo, i laa nye fee asa anyo me yele ndoo do dabole. Wurubuaare laa baa puru oko de o' taa oko yeye.

⁴¹ Akyii anyo me yele dabole me kya koroo fee awayu mo, Wurubuaare laa puru oko de o' taa onyose mo yeye.

⁴² Imoso fe' dese feye-nyoro so gyoo me-giba. Fe men nyi geakaabono me, feye-wura mo, nan kii ba mo."

⁴³ Yesu gi da imo so gikpale yee, "In gye feye gbaa-gbaa fe nyi? Nkana geten wura nyi yee owi baare okara ne oyu laa ba mo, naafo o man de ginsi gide. O laa dii mo-geten de oyu on sa o' nye boori loo gemo do yuuri mo.

⁴⁴ Genen kee ne i kaabore fe' bii feye-nyoro akedabi owi kamaase do ne. I kya nyiile yee me, anyamese pewu momo-daa mo, nan lii Wurubuaare do kii ba daa owi obono fe men dese mo."

⁴⁵ Nfono mo, Wura Yesu gi kii da momo gikpale yee, "Ane ne n de fee dega obono ilaa nan baa toge faa? O kya gyi gesintin sa mo-wura ne o nyi olaako. Mo-wura mo gi kyu mo-geten do ilaa wora mo-abaa do de owi gyise gi fo mo, o' ye agyudo sa mo-nanboana adega abono kee me te mo-wura mo ase mo.

⁴⁶ Nengyene mo-wura mo gi baa tu mo o kya wora ibono o yela sa mo mo, o laa gyi ginsi."

⁴⁷ Ne Yesu gi toge yee, "Gesintin ne n' kya toge feye faa, mo-wura mo laa kyu mo-ilaa pewu wora genen dega obono abaa do.

⁴⁸ "To, ne fee genen dega obono gye nyamese nyenyen mo, fonbii mo, o laa toge sa mo-nyoro yee, 'Ilaa iko i keda me-wura yela.'

⁴⁹ Fo baa kere mo, o yii gese o kya daare mo-nanboana sene mo, o kya gyi ne o kya nun nta o kya boo.

⁵⁰ O kya wora genen mo, mo-wura mo laa baa tuule mo owi obono o men dese mo.

⁵¹ O laa tansi biide dega obono giso de o' kale mo bola gikereansi awura mo so. Osulon de anebi giwe ne n bo nno."

25

Abolonbu Gudu Gikpale

¹ Yesu gi toge ide ta mo, o kii da gikpale giko yee, "A' kyu asa abono me laa nye Wurubuaare gewuranyi do gekyena mo ilaa kyu kesere de me-gikpale gide. Abolonbu gudu ne n kyena. Geke gede mo me puru momo-ifatela de me' kpa a gyoo okyiifo mo-kuli. Nengyene onyen mo gi kpai okyii mo o kya kpe mo-gewi mo, de me' buu omo kpa a kyaa de me' gyi de me' nun kpa a momo.

² Genen abolonbu gudu ade do mo, anun me gye asebo ne anun banban mo me men nyi olaako.

³ Abolonbu mo me kya kpe me' kpa a gyoo okyiifo mo-kuli mo genen mo, abono me men nyi olaako mo, me puru momo-ifatela mo, men bii puru ifatela nfo baa keda too, nengyene fee nfo gi ta momo-ifatela mo do mo, de me' nye kii ko wora.

⁴ Asebo mo bere me puru momo-ifatela mo, me bii puru ifatela nfo keda too.

5 Me gyoo okyiifo mo-kuli mo genen mo, oŋ ba belen, ne ginsi gide gi kyu mamo.

6 "I baa fo genye de nsana mo, me nu oko gi lee geno yee, 'Okyiifo mo-kuli mo kya ba-o! Fe' koso de fe' kpa a gyangara mo.'

7 Nfono ne abolonbu gudu mo me koso diire mamo-ifatela mo.

8 Anun abono men nyi olaako mo, me kole asebo mo yee, 'Aye-ifatela i kya wu. Fe' sa aye nfo.'

9 Asebo mo me kine yee, 'Kuaa. Ibono a de mo i man fo aye-re feye. Fe' kpe ofeten de fe' kpa a soo.'

10 Gesintin mo, abono men nyi olaako mo me koso kyon ofeten mo. Mamo-gemara mo, okyiifo mo-kuli mo gi ba, ne abolonbu abono me bii baala mamo-nyoro gyoo mo mo mamo-re mo me san naa loo geten do de me' kpa a gyi de me' nun de me' kyaa. Me loo mo, me keda gisin tii wora mamo-nyoro.

11 "In keela iko mo, abono men nyi olaako mo me kpa a ba, me kya hme gisin yee, 'Obelense, Obelense, tigi aye!'

12 Ne okyiifo mo-kuli mo gi lee geno sa mamo yee, 'Gesintin ne n boran, men nyi feye.' "

13 Yesu gi da gikpale mo ta mo, o toge yee, "Fe' dese feye-nyoro so. I lii fee fe men nyi geke gebono abee owi obono nan kii ba mo."

Adega Abono Me Buede Gyoo Mamo-Wura Mo Gikpale

14 Yesu gi kii toge sa mamo yee, "Me-gikiiba mo i laa wora fee gikpale gibono nan ba da faa. Imo ne n gye yee obelense oko kya laare o' kpe okpa. Imo so tere mo-adega ba mo ase ne o kyu mo-ilaa wora mamo-abaa do.

15 Ne o ye mo-sika kokoo sa mamo, okamaase gi nye genobono okara o laa bii kere imo so mo. Oko gi nye sika kokoo abi nwe ikue-inyo de saalaa, ne obanban gi nye sika kokoo abi nwe oko, ne osase, mo, gi nye sika kokoo abi nwe gudu. O ye sika kokoo mo sa mamo genen mo, o yii kyon mo-okpa mo.

16 O kpe kyon mo, dega gyangbarase obono o nye sika kokoo abi nwe ikue-inyo de saalaa mo, o kpa a fe sika kokoo mo nye aterenbi o de o kya buede, ne o kii nye soo sika kokoo obono obelense mo gi kyu wora mo-abaa do mo onan gikpado ginyo.

17 Genen kee ne dega obono o nye sika kokoo abi nwe oko mo gi kpa a fe sika kokoo mo nye aterenbi kyu buede. O buede mo, o kii nye soo sika kokoo obono obelense mo gi kyu wora mo-abaa do mo onan gikpado ginyo.

18 Dega obono o nye sika kokoo abi nwe gudu mo gi kpa a kuru obo, ne o kyu mo-obelense sika kokoo mo nara nno.

19 "Obelense mo gi keela nfono o kpe mo. O ba mo, o tere mo-adega yee me' baa buu-buu agyan abono okamaase gi nye mo sa mo.

20 Dega obono o nye sika kokoo abi nwe ikue-inyo de saalaa mo o kyu amo-onan gikpado ginyo ba, ne o toge sa mo-obelense mo yee, 'Obelense, sika kokoo abi nwe ikue-inyo de saalaa ne fo kyu sa me. Amo ne. Kere, ne nye amo-onan kii bola.'

21 Obelense mo gi nu genen mo, o toge sa mo yee, 'Fo wora ilaa; fow'kpon. Fo gye dega dense ne fo kya gyi gesintin. Fee genobono fo gyi gesintin ilaa pii ide do faa mo, nan kyu ilaa gikyo kyu wora fo-abaa do. Ba de me-re fo a' gyi okon dabole.'

22 Dega obono o nye sika kokoo abi nwe oko mo kee gi baa toge sa obelense mo yee, 'Obelense, sika kokoo abi nwe oko ne fo kyu sa me; kere, ne nye amo-onan kii bola.'

23 Obelense mo gi toge sa obono kee yee, 'Fo wora ilaa; foo'kpon. Fo gye dega dense ne fo kya gyi gesintin. Fee genobono fo gyi gesintin ilaa pii ide do faa mo, nan kyu ilaa gikyo kyu wora fo-abaa do. Ba de me-re fo a' gyi okon dabole.'

24 Nfono mo dega obono o nye sika kokoo nwe gudu mo gi baa toge sa mo-obelense mo yee, 'Obelense, ne wu yee fo-ilaa i bo lon, fo bo onsipara. Fo kya laare agyan lii gesun gebono in gye fo ne n wora gemo mo do.

25 Imoso ne sele fo gifuu, ne ne kyu fo-sika kokoo mo kyu kpa a nara obo do. Kere, fo-sika kokoo mo ne.'

26 Dega mo gi toge genen mo, obelense mo gi toge sa mo yee, 'Fo gye dega nyenyen, ne fo bo wolegyo. Fo nyi yee me-ilaa i bo lon. N gye onsipara wura. N kya laare agyan lii gesun gebono in gye me ne n wora mo do.

27 Ne i wone so ne fon kyu me-sika kokoo mo kyu kpa a fe de fo' kyu aterebi abono fo laa nye mo kpa a yela aterebi ovelaten de owi obono ne ba ne nan kpa a lee amo mo, n' nye de a' koroge sa me?'

28 Nfono mo obelense mo gi toge sa abono me yele nno mo yee, 'Fe' soge me-sika kokoo mo lii dega baare ase kyu bola obono o nye agyan nwe ikue-inyo de saalaa mo lee mo so.

29 I kya nyiile yee obono o bo ne o kya kyu wora ilaa mo, o laa kii nye too de i' tansi nyaakyo sa mo. Ne obono, mo, o n bo ne o n kya wora sei mo, ipii ibono o nye mo gbaa me laa soge imo lii mo ase.

30 Fe' kyu dega obono o n bo agyan faa kyu lii me ase kpa a too wora nfono i bo gibiri mo. Osulon de anebi giwe ne n bo nno.' "

Yesu Laa Teela Ilaa Dense Aworabo

31 Yesu gi toge yee, "Gekaako mo, me, anyamese pewu momo-daa mo, nan kii ba gesinkpan so de n' baa gyi gewura de nyisigyi. Nan kii ba mo, me-re Wurubuaare do isoo ne nan ba de n' kpelege kyena me-gewuragypaa so.

32 Nfono mo, asa kpei-kpei pewu me laa koola baa gyan' me-ansi do. Nan kyee ilaa dense aworabo lee lii asa sense do fee genobono nbue okparebo kya kyee mo-isande lee lii itiide do mo.

33 Ne kye asa mo do mo, nan kyu ilaa dense aworabo mo yela me-gibaa gyise so, de n' kyu asa sense mo, mo, yela me-bene gibaa so.

34 "Nfono mo me obono n gye wura mo nan toge sa abono me yele me-gibaa gyise so mo yee, 'Feye bere, fe wora amudensebo me-se Wurubuaare ase. Fe' baa kyena mo ase mo-gewuragyi mo do. O wolaa loro nno yela sa feye lii ko-o abere abono o lee soso de gese mo.

35 I kya nyiile yee owi obono akon a de me mo, fe sa me agyudo; bolefo kya mo me mo, fe sa me nkyu, n gye isafo feye-isowole so mo, fe keda me-gisafo,

36 men bo gikuru bunse abee gegbe suuse mo, fe sa me; ne lo mo, fe kere me so; ne me keda me tii de obu mo, fe kpa a laa me.'

37 Nfono mo, ilaa dense aworabo mo me laa taase me yee, 'Aye-wura, gemenke ne a wu fo yee akon a de fo ne a sa fo agyudo, abee bolefo kya mo fo ne a sa fo nkyu?

38 Gemenke ne fo ba aye-osowole so ne a keda fo gisafo, abee a wu yee fon bo gikuru abee gegbe ne a sa fo?

39 Gemenke ne a wu fo fo kya lo abee me tii fo de obu, ne a kpaa laa fo?"

40 Me obono n gye wura mo nan lee geno sa momo yee, 'Gesintin ne n' kya toge feye faa, owi obono fe wora genen ilaa ideana sa me-nanboana ade do oko, ba-a gebii pii ne o gye mo, me ne fo wora sa genen.'

41 "Nfono mo, nan toge sa abono me yele me-bene gibaa so mo yee, 'Feye bere, Wurubuaare gi toge nno wora feye. Fe' naa me ase kpe ogya obono on kya wu' gekaako mo do! Wurubuaare gi baala ogya obono yela sa ilaa nyenyen pewu gemu mo mo-re mo-isoo.

42 I lii fee owi obono akon a de me mo, feɲ sa me agyudo; bolefɔ kya moɔ me mo, feɲ sa me nkyu;

43 ne gyi gisafo feye-isowole so mo, feɲ soɔ me abaa anyo; men bo gikuru buse abee gegbe suuse mo, feɲ sa me; ne lo abee me keda me tii de obu mo, feɲ kpaa laa me.'

44 Nfono mo, me laa taase me yee, 'Aye-wura, gemenke ne a wu fo yee akon a de fo abee bolefɔ kya moɔ fo abee fo kya gyi gisafo abee fon bo gikuru abee gegbe abee fo kya lo abee me keda fo tii de obu, ne a men kere fo so?'

45 Nan lee geno sa momo yee, 'N kya toge feye gesintin yee genobono feɲ kpaa me-nanboana ade do oko, ba-a gebii ne o gye mo, me ne feɲ kpaa genen.'

46 Nfono mo, genen asa abono me laa kpe daa nfono Wurubuaare laa biide momo-giso gekpaa-gekpa mo. Ilaa dense aworabo mo bere, me laa nye kyena Wurubuaare ase gekpaa-gekpa."

26

Me Da Geno Yesu So

1 Yesu gi nyiile asa ilaa ide pewu ta mo, o toge sa mo-akasebo mo yee,

2 "Fee genobono fe nyi mo, i san nke nnyo de a' gyi aye-Lewu Gi Serege Aye So geke bele. Genen geke bele gebono gigyi do mo, me laa kyu me, anyamese pewu momo-daa mo, wora me-akyobo abaa do de me' da me ananbi oyii so moo."

3 Gyuda awura asunbi alebo abelense de momo abelense sense mo me kpaa gyan' Kayifase gewi. Kayifase ne n gye momo-asunbi alebo gemu.

4 Me gyan' genen mo, me da geno genobono me laa nara keda Yesu de me' moɔ mo mo.

5 Me toge yee in kaabore me' moɔ mo gesi mo gigyi do; in gye genen mo, i laa naa bara ikoo.

Okyii Oko Gi Kyege Anuwantere Woroge Yesu

6 Yesu gi kpe Betani osowole so. O bo nno mo, o kpe Simon obono nkana o gye okononbu mo geten do.

7 Me wora agyudo, Yesu te o kya gyi mo, okyii oko gi ba mo ase, o de puruntuwa dense oko de anuwantere boogyalonse. O fo Yesu ase mo, o kyege anuwantere mo woroge mo-gimu so.

8 Yesu akasebo mo me wu genen mo, i loo momo, ne me taase yee, "Mene n wora ne okyii baare gi gyi anuwantere mo gyerebi faa?"

9 Anuwantere baare men wora ofese mo, nkana a laa nye aterenbi bele de a' kyu ye sa ayenbo!"

10 Yesu gi nu momo ase, imoso o toge momo yee, "Mene n wora ne fe kya nyala okyii baare? Ilaa dense ne o wora sa me faa.

11 Ayenbo abono fe dare faa, me bo feye ase adaa-adaa. Me bere fe man nye me n' kyena feye ase kpaalii.

12 O kyeege anuwantere baare woroge me-gimu so faa mo, o gyere me yela gyoo me-gipule ne.

13 Fe' sɔɔ gibui yela. Gesinkpan so geten kamaase gebono me laa toge Wurubuaare okalan konkonse kyu lii me so mo, me laa toge ilaa ibono okyii baare gi wɔra sa me faa kee kyu nyingi mo."

Gyudase Gi Kyule Yee O Laa Kyu Yesu Wɔra Mɔ-Akyobo Abaa Do

14 Imo ide gemara mo, Gyudase Isikaayote obono o gye Yesu akasebo gudu anyo mo do oko gi kpe kpaal wu Gyuda awura asunbi alebo abelense mo,

15 ne o taase momo yee, "Nengyene ne taale kyu Yesu wɔra feye abaa do mo, mene ne fe laa sa me?" Nfono mo, abelense mo me kale aterenbi boduduuse ako abi oko de saalaa kyu sa mo.

16 San kyu lii nfono mo, Gyudase gi san o kya kere okpa obono so o laa yee abelense mo me' nye Yesu mo.

Yesu Mɔ-re Mɔ-Ade Me Gyi Geke Bele

17 Geke gebono Bodobodo Maadiise Agyibere mo ge kya yii gese mo, Yesu akasebo mo me ba mo ase baa taase mo yee, "Fone ne fo kya laare a' kpaal baala de a' gyi Lewu Gi Serege Aye So geke bele mo?"

18 Yesu gi lee geno yee, "Fe' naa loo nten do de fe' kpaal toge sa onyen oko yee, 'Me, feye-onyilebo mo yee, 'Me-owi gi fo. Fo-geten do ne me-re me-akasebo a laa baa kyena de a' gyi Lewu Gi Serege Aye So geke bele agyudo mo.' "

19 Yesu akasebo mo me kpaal wɔra fee genobono o toge sa momo mo, ne me kere Lewu Gi Serege Aye So geke bele mo agyudo mo yela nno.

20 I fo gedode mo, Yesu mo-re mo-akasebo gudu anyo mo me kpe ogyiten mo.

21 Me kya gyi mo, Yesu gi toge yee, "Gesintin ne n' kya toge mi-i sa feye faa, feye do oko laa yee me-akyobo me' nye me."

22 Yesu gi toge genen mo, i wɔra mo-akasebo mo ayen gikyo, ne me san me kya taase mo oko-oko yee, "Me-wura, imoso me ne nan wɔra fo genen?"

23 Yesu gi lee geno sa momo yee, "Obono o laa yee me-akyobo me' nye me mo me-re kaase ne n kya wɔra abaa gyi lepe kolon do.

24 I bo no yee me, anyamese pewu momo-daa mo, nan wu' lewu obono onan me wolaa nmarase yela Wurubuaare agyebi do kyu lii me so mo. Obono o laa kyu me, anyamese pewu momo-daa mo, wɔra me-akyobo abaa do mo bere, mo laako. I menan koroge mo mo, i boran sa mo."

25 Nfono mo Gyudase obono o laa kyu Yesu wɔra mo-akyobo abaa do mo gi taase Yesu yee, "Obelense, me ne nan wɔra fo genen?" Yesu gi lee geno sa mo yee, "Fo-geno do ne i lii."

Yesu Lewu Laa Loro Anyamese Mɔ-re Wurubuaare Nsana

26 Me san me kya gyi mo, Yesu gi puru bodobodo keda, o kyu afaala sa Wurubuaare, ne o gbaa-gbaa mo do kyu sa mo-akasebo mo yee, "Fe' sɔɔ de fe' gyi. Me-nyoro ne."

27 O puru konkon de nta kee keda, o kyu afaala sa Wurubuaare, ne o kyu nta mo sa mo-akasebo mo yee, "Feye pewu fe' sɔɔ de fe' nun koolo.

28 Nta nbono n de mi-i sa feye faa, me-nkalan ne. Nan wu' mo, me-nkalan gi laa kyeege fue sa asa sakyɔ de Wurubuaare ɔ' yege momo-re mo me' nye wɔra genɔ pobɔrɔ.

29 N' toge feye yee pei ne nan kii nun nta fafaanan mo, genen mo, geakaabono me-re feye a te a kya nun nmo npobɔrɔ me-se Wurubuaare gewuragyi mo do mo."

30 Yesu mo-re mo-akasebo mo me gyi ta mo, me bii afaala olon sa Wurubuaare, ne me lii kyon Nfo Iyii Gibii mo so.

Yesu Yee Piita Laa Soroge Yee Oj Nyi Yesu

31 Me kya kpe mo, Yesu gi toge sa mo-akasebo mo yee, "Nde genye gede feye pewu fe laa sele taa me yege. I kya nyiile yee me wolaa nmarase me-ilaa yela Wurubuaare agyebi mo do yee, 'Wurubuaare laa mo isande okparebo mo. I ba genen mo, isande gikpen mo gi laa yaase giyan-giyan.' "

32 Ne Yesu gi kii toge yee, "Ne kyingi lii ibuni do mo, nan gyangbara feye kpe Galeli."

33 Nfono ne Piita gi toge sa Yesu yee, "Ba-a me-nanboana pewu me laa sele taa fo yege mo, me bere man sele taa fo yege kpa-a."

34 Yesu gi toge sa mo yee, "Soɔ gibui yela, nde genye gede gbaa, pei de kyaase gyangbarase ɔ' loɔ fole mo, fo laa soroge gikpadɔ gisa' yee fo men nyi me."

35 Piita gi lee genɔ yee, "Ba-a me laa mo me-re fo mo, man soroge yee men nyi fo." Ne Yesu akasebo sense mo me toge genen kee.

Yesu Gi Kpaa Dalaa Gesemeni

36 Yesu mo-re mo-akasebo mo me kpe geteeko, me kya tere nno yee Gesemeni. Me fo nno mo, Yesu gi toge sa mo-akasebo mo yee, "Fe' kyena gere gyoo me. Nan tu kpe faanaa kpaa dalaa."

37 ɔ yege Piita mo-re Sebedi mo-biana anyɔ mo bere me buu mo. Me kya kpe mo, mo-gisen do i yii gese i kya dee mo, ne mo-nyoro gi kya toge mo.

38 Ne ɔ toge sa momo yee, "N kya wu' mi-i fue. I kya laare i' mo me gbaa. Fe' kyena gere de fe' dii ilaa kamaase ibono i laa ba mo kpaa me."

39 ɔ naa taa momo yege kpe ansi do nmaraa, ne o kyu mo-nyoro da bun gesinkpan, ɔ kya dalaa ɔ kole Wurubuaare yee, "Me-se, nengyene i laa sa mo, yege awɔrɔfoɔ abono a kya ba me so faa a' kyon gibaafon. Ne dabole dalaa genen faa mo, yege fo-lee fo-gelaare ne ge' wɔra, in gyɛ me-lee me-gelaare."

40 ɔ dalaa genen mo, o kii kpe mo-akasebo asa' mo ase. ɔ baa kpe mo, me de ginsi gide. O kyingi momo, ne ɔ taase Piita yee, "Imɔso fen taale kyena ba-a nmaraa de fe' dii ilaa ibono i laa ba mo kpaa me?"

41 Fe' dii ilaa ibono i kya ba mo de fe' dalaa yee imo iko i men' nye feye penɛ de fe' wɔra ilaa nyenyɛn. Ne wu yee feye-asen do mo, nkana fe kya laare fe' wɔra me-gelaare, feye anyamese-lee olon ne men' kya taale."

42 Yesu gi kii kyon taa momo yege ginyɔse kpaa dalaa kole Wurubuaare yee, "Me-se, nengyene i man sa de awɔrɔfoɔ abono a kya ba me so faa a' kyon gibaafon sa me bere mo, yege fo-gelaare ne ge' wɔra."

43 ɔ baa kii kpe mo-akasebo mo ase mo, me kii de. I lii fee ginsi gide gi de momo.

44 Yesu gi taa mo yege ne o kii kpaa dalaa gesase. Gedalaa kolon gebono ne ɔ kpe ɔ kya dalaa.

45-46 O kii ba tu mo-akasebo mo, o kyingi momo, ne o taase momo yee, "Fe san fe de fe kya kyoola? Owi mo gi fo. Kon ne ilaa nyenyen aworabo me laa nye me, anyamese pewu momo-daa mo ne. Fe' kere. Obono o laa kyu me wora momo-abaa do mo ne n kya ba faa. Fe' koso de a' gyangara mo."

Me Keda Yesu

47 Yesu san o kya tonge mo, Gyudase, Yesu akasebo gudu anyo mo do oko, gi ba nfono. Sakpii bele buu mo, me de nki de nkpotii. Me lii Gyuda awura asunbi alebo abelense de momo abelense sense mo ase.

48 Gyudase obono o laa kyu Yesu o kya wora abelense mo abaa do genen mo gi wolaa toge sa sakpii mo yee, "Obono fe wu ne faala mo da mo gya-gya mo, mo ne; fe' keda mo."

49 Imoso me kpaa fo nno mo, gesintin mo, Gyudase gi naa kpe Yesu ase, o tere mo yee, "Obelense," ne o faala mo da mo gya-gya.

50 Yesu gi toge sa mo yee, "Onyen, ilaa ibono fo ba de fo' baa wora mo, wora." O toge mo genen mo, sakpii mo do asa me lii keda Yesu.

51 Nfono mo, asa abono me bo Yesu ase mo do oko gi loore mo-geki lee, ne o haele dega oko giso fue. Dega mo wura ne n gye asunbi alebo gemu.

52 Yesu gi toge sa mo yee, "Kiiri geki mo wora gemo-giforo do. Abono me kya ko de nki mo, nki lewu ne me kya wu'.

53 Fe nyi yee man taale saawo tere me-se Wurubuaare de o' baa kpaa me? Fee ne saawo tere mo mo, ayaa ade so mo, o laa sun mo-isoo akpen afonee-afonee de me' kpelege baa kpaa me.

54 Ne fee me baa kpaa me mo, nne ne i laa nye kyena de Wurubuaare agyebi owole mo do ilaa? I bo mo-owole mo do yee i kaabore genen ilaa ide i' ba me so."

55 Me bo nno mo, Yesu gi taase sakpii mo yee, "I gye yee n gye oyu nyenyen daa ne fe kyu nki de nkpotii baa keda me faa? N kya kpaa kyena Wurubuaare onon obu gikpaara mo so geke kamaase n kya nyiile asa ilaa. I wone so ne feji keda me nno?"

56 Imo ide pewu i ba me so faa, i kyena daa de ilaa ibono Wurubuaare ikalan atogebho mo me wolaa nmarase yela Wurubuaare agyebi mo do mo." Nfono mo, mo-akasebo mo pewu me sele taa mo yeye.

Me Kyu Yesu Kpe Nbele Agyibo Ansi Do

57 Abono me keda Yesu mo me kpare mo kpe Kayifase gewi. Mo ne n gye Gyuda awura asunbi alebo gemu. Momo-nbara nmarasebo de momo-abelense sense abono me kya gyi asa nbele mo me gyan' mo-gewi.

58 Me de Yesu me kya kpe genen mo, Piita gi buu momo giyaa-giyaa genen-n kpaa loo asunbi alebo gemu mo gikpaara mo so. O loo nno mo, o kpaa kyena saare Wurubuaare onon obu mo adiibo mo do de o' wu ilaa ibono i laa ba mo.

59 Me kya gyi Yesu nbele mo, asunbi alebo abelense mo de nbele agyibo mo pewu me laare asa abono me laa baa kee abon gyan' Yesu so de me' nye mo mo mo,

60 me men nye. Asa saky me baa kee abon gyan' mo so bere. Me men kii nye abon abono me laa yeke amo so de me' mo mo mo. Laalaaloge mo asa anyo ako me lii yeke

61 toge yee, "Onyen baare gi toge yee o laa taale boori Wurubuaare onon obu mo de o' kyu nke nsa kii kyu yii mo."

62 Nfono mo, asunbi alebo gemu mo gi koso yeke ne o taase Yesu yee, "Ibono pewu me de ma-a gyan fo so faa, foji bo geno lee?"

⁶³ Yesu meŋ tɔge sei. Asunbi alɛbo gemu mo gi kii tɔge sa Yesu yee, "Ilaa ibono nan baa taase fo faa, ne foŋ tɔge gesintin mo, fo-re Wurubuaare obono o bo nno gekpaa-gekpaam mo abaa anyo. Imoso fo ne n gye obono Wurubuaare gi sun fo yee fo' baa gyi gewura mo-ade so mo? Fo ne n gye Wurubuaare mo-bi mo?"

⁶⁴ Yesu gi lee geno sa mo yee, "Fo ne n tɔge. N kya buu mi-i sa feye yee gekaako mo fe laa wu me, anyamese pewu momo-daa mo, n te Wurubuaare Ololonbo mo gyise gibaa so, n kya gyi gewura mo ase, ne nan kyena Wurubuaare awole so kpelege ba gesinkpan so."

⁶⁵ Asunbi alɛbo gemu mo gi nu imo ide mo, o biide mo-gegbe kyade de i' nyiile yee ilaa i ba, ne o tɔge yee, "O de mo-nyoro o kya kesere de Wurubuaare! Ilaa imo ne a baa a kya laare de a' baa nu lii mo ase baa don de ide? Ilaa ibono o tɔge faa, ide kon feye gbaa-gbaa fe nu de feye-aso.

⁶⁶ Meŋe nwonsa ne fe de?" Me lee geno sa mo yee, "O kaabore o' wora omose."

⁶⁷ Nfono mo, me too akyole wora mo-ansi do ne me ne ne mo akon. Ako me da mo itan,

⁶⁸ ne me tɔge mo yee, "Fo ne n gye obono Wurubuaare gi sun yee fo' gyi gewura aye Gyuda awura so mo, bii obono o ne fo mo."

Piita Gi Soroge Yee Oŋ Nyi Yesu

⁶⁹ Piita te gikpaara mo so mo, obolonbu oko gi baa tu mo, ne o tɔge sa mo yee, "Fo kee fo-re Yesu Galelinyen mo ne n naa."

⁷⁰ Piita gi soroge momo pewu ansi do yee, "Meŋ nyi ilaa ibono fo kya tɔge faa so."

⁷¹ O tɔge genen mo, o koso lii kpe geten mo gebunono. Obolonbu oko kee gi kii wu mo, ne o tɔge sa abono me bo nfono mo yee, "Onyen baare kee mo-re Yesu, Nasaretinyen mo ne n naa."

⁷² Piita gi ka sa mo yee, "Meŋ nyi genen onyen obono!"

⁷³ I kii wora nmaraa too mo, anyen abono me yeŋe nfono mo me naa ba Piita ase ne me tɔge yee, "Gesintin fo tansi fo gye omo do oko. Fo-gede atogebi gbaa i kya nyiile genen."

⁷⁴ Nfono mo, Piita gi ka sa momo yee, "Ne kere fee Wurubuaare. Meŋ nyi onyen obono fe dare faa. Nengyene abon ne n' kya kee mo, me-re Wurubuaare abaa anyo." Ayaa abono so mo, kyaase gi fole.

⁷⁵ Nfono mo Piita gi nyingi ilaa ibono Yesu gi tɔge sa mo mo. Yesu gi tɔge sa mo yee, "Nde genye gede pei de kyaase o' baa fole mo, fo laa soroge gikpado gisa' yee fo meŋ nyi me." Piita gi nyingi genen mo, o lii gikpaara mo so kpaa su gensipere so.

27

Me Kyu Yesu Kpe Obelense Pilato Ansi Do

¹ Nyenyenge fu-u mo Gyuda awura asunbi alɛbo abelense de momo abelense sene abono me kya gyi nbele mo pewu me da geno genobono me laa wora de Yesu o' wora omose mo.

² Imoso me nminde mo, ne me kpape mo kyu kpaa wora obelense obono o te sa Rom wura mo abaa do yee o' gyi mo-nbele. Me kya tere genen obelense obono yee Pilato.

Gyudase Gi Wora Mo-Nyoro Ofe

³ Gyudase obono o yegε Yesu akyobo me nye mo mo gi nu yεε Yesu laa wora omooεe. Imoo o nu mo-nyoro gεε yεε o wora ilaa nyenyen. Genen so mo o kiiri aterenbi abi oko de saalaa mo kperε asunbi alεbo abelense mo de momo abelense sense mo,

⁴ ne o toge sa momo yεε, "Ne fe onyen obono on wora ilaa nyenyen mo sa feye kaabore o kya laare o' nye lewu faa, ne wora ilaa nyenyen!" Me lee geno sa mo yεε, "Imo ibono in fe aye-giso. Fo-nkon ilaa ne!"

⁵ Me toge genen mo, Gyudase gi nmanyen aterenbi mo too momo Wurubuaare onon obu mo gikpaara mo so nfono, ne o naa kyon kpaawora mo-nyoro ofe mo.

⁶ Asunbi alεbo abelense mo me tooεe aterenbi mo ne me toge yεε, "Aterenbi ade mo, nkalan aterenbi ne. I lii fee amo ne a kyu so isa obono a laa yegε de o' wora omooεe mo, imoo in de okpa yεε a' kyu amo kpaasaare aye-onon aterenbi do."

⁷ Momo pewu me toge kyule abara yεε me' kyu genen aterenbi mo kpaaso gesinkpan gebono me kya tere yεε Nlobi Oporobo Gesinkpan mo de me' kyu nno wora asafu opuletan.

⁸ Imo ide so mo, asa me yela gesinkpan gebono ginyen giko yεε Nkalan Gesinkpan. Me san ma-a tere genen ginyen mo baa lii de nde.

⁹ Imo ide mo i yegε ilaa ibono Gyemaya gi wolaa wu toge mo i wora gesintin. Gyemaya gi wora Wurubuaare ikalan otogεbo. O toge yela yεε, "Isirale awura me kyule yεε

me laa so mo aterenbi boduduuse abi oko de saalaa.

¹⁰ Ne me kyu genen aterenbi mo kpaaso nlobi oporobo gesinkpan. Genen ne Wurubuaare gi toge me yεε n' wora ne."

Obelense Pilato Gi Taase Yesu Ilaa

¹¹ Obelense Pilato kya gyi Yesu nbele mo, o taase mo yεε, "Fo ne n gye wura sa Gyuda awura mo?" Ne Yesu gi lee geno yεε, "Fo-geno do ne i lii."

¹² Genon gebono Gyuda awura asunbi alεbo abelense mo de momo abelense sense mo me ten gyan' Yesu so mo bere, Yesu men toge sei kyu naa de imo so.

¹³ Pilato gi kii taase mo yεε, "Fon kya nu ilaa ibono pewu me de ma-agan' fo so faa?"

¹⁴ Yesu men baa bugi mo-geno toge sei, imoo i tansi de obelense mo geno.

Pilato Gi Sa Okpa Yεε Me' Moo Yesu

¹⁵ Gesi kamaase Gyuda awura me laa gyi momo-Lewu Gi Soroge Aye So geke bele mo, Pilato kya kyena tigi momo-asa abono me tii de obu mo do oko de kaase o' nye mo-nyoro naa. Gyuda awura mo gbaa-gbaa ne n kya lee gibaa yii yεε ode ne me kya laare, ne Pilato kya tigi mo.

¹⁶ Genen owi obono do mo onyen oko tii de obu, me kya tere mo yεε [Yesu] Barabase. Asa saky me nyi mo-ilaa so.

¹⁷ Imoo asa me koola me yele, ne Pilato gi taase momo yεε, "N' tigi ane sa feye? [Yesu] Barabase abεε Yesu obono me kya tere mo yεε Kirisito mo?"

¹⁸ Pilato gi wu yεε Yesu ilaa i bo Gyuda awura abelense mo gelaaloo daa so ne me kyu mo bara mo.

¹⁹ Pilato san o te nbele ogyiten o kya gyi nbele mo genen mo, mo-ka gi sun isa mo ase yεε, "Onyen obono fo kya gyi mo-nbele faa men wora ilaa nyenyen. Imoo gen sa fo' wora mo sei. Deeri genye ne kuu oderi wu mo, ne baa lii de nde faa, in gye me ne n te."

20 Gyuda awura asunbi alɛɛbo abelense mɔ de abelense sense mɔ mɛ wolaa tɔgɛ wɔra sakpii mɔ yɛɛ mɛ' tɔgɛ Pilato yɛɛ o' tigi daa Barabase de o' yɛgɛ Yesu ne o' wɔra ɔmɔɔsɛ.

21 Pilato gi kii taase sakpii mɔ yɛɛ, "Genen asa anyɔ ade dɔ mɔ, anɛ ne fɛ kya laare yɛɛ n' tigi sa fɛye?" Mɔmɔ pɛwu mɛ lɛɛ genɔ yɛɛ, "Barabase."

22 Mɛ tɔgɛ genen mɔ, Pilato gi taase mɔmɔ yɛɛ, "Mɔ, nne ne n' wɔra Yesu ɔbono mɛ kya tɛrɛ mɔ yɛɛ Kirisito mɔ?" Nfono mɔ asa mɔ pɛwu mɛ lɛɛ genɔ yɛɛ, "Da mɔ aɲanbi mada de oyii de o' wu'!"

23 Ne Pilato gi taase mɔmɔ yɛɛ, "De i' wonɛ? Menɛ ilaa nyenyɛn ne ɔ wɔra?" Nfono mɔ, mɛ lɔrɔ kpen ken-ken daa yɛɛ, "Da mɔ aɲanbi mada de oyii de o' wu'!"

24 Pilato gi wu yɛɛ ɔ buɛɛle sakpii mɔ kpon. I kya laare i' bara ikɔ. Genen so mɔ, o kyu nkyu foro mɔ-abaa sakpii mɔ ansi dɔ nfono, ne ɔ tɔgɛ sa mɔmɔ yɛɛ, "Genen ɔnyɛn baare lɛwu berɛ, mɛn nyi mɔ so sɛi. Fɛ' wolaa bii yɛɛ fɛye ne n yɛgɛ ne ɔ laa wɔra ɔmɔɔsɛ faa."

25 Sakpii mɔ pɛwu gi lɛɛ genɔ sa mɔ yɛɛ, "Yɛgɛ mɔ-lɛwu mɔ o' sola daa aye-rɛ aye-biana de aye-naanaana!"

26 Mɛ tɔgɛ genen mɔ, Pilato gi tigi Barabase sa mɔmɔ, ne ɔ yɛgɛ asogya mɛ taa Yesu awulibi ne ɔ tɔgɛ yɛɛ mɛ' kyu mɔ naa kpaa da mɔ aɲanbi mada de oyii de o' wu'.

Pilato Asogya Mɔ Mɛ Kyɛfoo Yesu

27 Nfono mɔ Pilato asogya mɔ mɛ kyu Yesu kyu loo mɔmɔ-gesun ɔwɔraten, ne mɛ tɛrɛ mɔmɔ Rom asogya gikpen pɛwu ba mɔ ase nno.

28 Mɛ luu mɔ-ngbɛ nbono o suu mɔ ne mɛ kyu giwurakuru kyu gyaabii bun mɔ.

29 Mɛ luu iwe kyu wɔra fɛɛ wura gɛpɛ kyu bun mɔ-gimu, ne mɛ kyu oyii tugɛsɛ kyu wɔra mɔ-gibaa gyisɛ dɔ fɛɛ ɔ gye daa wura. Mɛ san mɛ kya gyaabii mɛ kya nɔmii mɔ mɛ kya koso mɛ kya faala mɔ yɛɛ, "Gyuda awura wura! Fo-rɛ gimu dense!"

30 Mɛ kya too akyɔlɛ ma-a bun mɔ, ne mɛ sɔgɛ oyii tugɛsɛ mɔ lii mɔ-gibaa dɔ kiiri taa mɔ-gimu dɔ.

31 Mɛ kyɛfoo Yesu genen ta mɔ, mɛ maragɛ giwurakuru mɔ, ne mɛ kiiri mɔ gbaa-gbaa lɛɛ ngbɛ kyu suu mɔ, ne mɛ san kparrɛ mɔ lii de mɛ' kpaa da mɔ aɲanbi mada de oyii de o' wu'.

Mɛ Da Yesu Aɲanbi Lɛwu Oyii So

32 Mɛ dɛ Yesu mɛ kya lii ɔsowolɛ mɔ so mɛ' kpaa mɔɔ mɔ mɔ, mɛ gyangara ɔnyɛn ɔko, mɛ kya tɛrɛ mɔ yɛɛ Simon. Ɔ gye daa Siirinyɛn. Ne mɛ nyise mɔ yɛɛ o' sola Yesu lɛwu oyii mɔ.

33 Mɛ naa genen kpaa fo gɛtɛɛko, mɛ kya tɛrɛ nno yɛɛ Gologota. (Gologota gɛsɛ ne n gyɛ yɛɛ Gimu Giwuye Gikpalaan.)

34 Mɛ fo nno mɔ, mɛ kyu ilaa bololɔsɛ iko kyu wɔra nta dɔ ne mɛ kyu sa Yesu; ɔ da kerɛ mɔ, o kine yɛɛ ɔ manɲ nun.

35 Mɛ da Yesu aɲanbi mada de oyii mɔ, ne mɛ ye mɔ-nyoro so atɔ kyu. Mɛ kya ye atɔ mɔ mɔ, mɛ too ilaa iko kerɛ. Ibono ɔko gi gyi mɔ, o kyu.

36 Mɛ ye atɔ mɔ ta mɔ, mɛ san sii mɛ tɛ mɛ kya dii mɔ.

37 Ilaa ibono so mɛ da mɔ aɲanbi oyii so genen mɔ i mada mɔ-amu so yɛɛ,

YESU, GYUDA AWURA WURA Mɔ NE.

38 Mɛ da iyu inyɔ iko kee aɲanbi lɛwu iyii so fɛɛ Yesu-lɛɛ mɔ. Ɔko bo de Yesu gyisɛ gibaa so ne ɔko, mɔ, bo de mɔ-bɛnɛ so.

³⁹ Yesu kyɔle oyii mɔ so genen mɔ, asa abono mɛ kya kyon de nfono mɔ mɛ kya tugi mɔ inosun, ne mɛ kya saale mɔ yɛɛ,

⁴⁰ "Fo ne yɛɛ fo laa boori Wurubuaare ɔson obu mɔ de fo' kyu nke nsa kii yii mɔ mɔ? Kii mɔlegɛ fo-nyoro! Nengyene fo ne n gye Wurubuaare mɔ-bi mɔ gesintin mɔ, kpelegɛ lii lewu oyii mɔ so de a' kere."

⁴¹ Genen kee ne Gyuda awura asunbi alebo abelense mɔ de nbara anmarasebo mɔ de mɔmɔ abelense sense mɔ mɛ yoole mɔ ne. Mɛ kya tɔgɛ

⁴² yɛɛ, "Mɔ ne n mɔlegɛ asa. ɔ man taale mɔlegɛ mɔ-nyoro. In gye mɔ ne n gye Isirale awura wura mɔ? O' kii kpelegɛ oyii baare so de a' sɔɔ mɔ gyi!

⁴³ Mɔ ne yɛɛ ɔ gye Wurubuaare mɔ-bi mɔ. Mɔ ne n kya ka gyan' Wurubuaare so. Imɔso nengyene Wurubuaare kya laare mɔ-ilaa mɔ, ɔ' mɔlegɛ mɔ kon de a' kere!"

⁴⁴ Ne iyu ibono mɛ da mɔmɔ-re Yesu ananbi mɔ kee mɛ saale mɔ genen.

Yesu Gi Lee Ōɲe

⁴⁵ I fo owi ken-ken gere-gere mɔ, i wɔra gibiri sirim genen gesinkpan mɔ pɛwu so kaabore owi gbaase.

⁴⁶ Genen owi gbaase ɔbono dɔ mɔ, Yesu gi kpen ken-ken tɔgɛ mɔ-gede dɔ yɛɛ, "Ilayi, Ilayi, lama sabakitani?" (Imɔ gese ne n gye yɛɛ, "Me-Wurubuaare, me-Wurubuaare, i wone ne fo lee ansi taa me yege genen?")

⁴⁷ Asa abono mɛ yele nno mɔ ako mɛ nu mɔ ase ne mɛ tɔgɛ yɛɛ, "ɔ kya tere Oloobu Ilaagya!"

⁴⁸ Nfono mɔ, ɔko gi sele kyu taato dufu-dufu ɔko kyu kpa nyise wɔra mɔmɔ-nta bonyanse nko dɔ, ne o kyu de geyabii diire kpe Yesu genɔ ase yɛɛ ɔ' kyogyoo.

⁴⁹ Abono mɛ yele nno mɔ ako mɛ tɔgɛ sa kaase mɔ yɛɛ, "Yele de a' kere yɛɛ Ilaagya laa lii Wurubuaare dɔ baa mɔlegɛ mɔ?"

⁵⁰ Yesu gi kii kpen ken-ken ne ɔ lee ŋɛ.

⁵¹ Nfono mɔ gikuru gibono gi tii Wurubuaare tudɔ-lee obu bele mɔ gi kyan ginyɔ lii soso baa yii gese kyim. Gesinkpan ge gyigisi, ne afole a boori-boori.

⁵² Nkyan nbono gi bo afole dɔ mɔ gi bugi-bugi ne asa abono Wurubuaare gi lɔɔ ɔmɔ yela sa mɔ-nyoro mɔ sakyɔ mɛ kyingi lii ibuni dɔ,

⁵³ ne mɛ lii nkyan mɔ dɔ. Yesu gi kyingi mɔ, imɔ gemara mɔ, genen ibuni ibono mɛ naa baa loo Gyerusalem ɔsowole ɔbono Wurubuaare gi lɔɔ yela sa mɔ-ɔson mɔ, ne mɛ lee mɔmɔ-nyoro gewi nyiile asa sakyɔ.

⁵⁴ Asogya ɔbelense mɔ mɔ-re asogya sense abono mɛ kya dii Yesu mɔ mɛ wu gesinkpan gigyigisibi mɔ de ilaa ibono i wɔra-wɔra nfono mɔ, i tansi de ɔmɔ-genɔ ne i wɔra ɔmɔ gifuu, ne mɛ tɔgɛ yɛɛ, "Gesintin, onyen baare tansi ɔ gye Wurubuaare mɔ-bi!"

⁵⁵ Akyii sakyɔ abono mɛ buu Yesu lii Galeli ba Gyerusalem mɛ kya kpa mɔ mɔ kee mɛ bo nno. Mɛ yele geta-geta wu ilaa ide pɛwu.

⁵⁶ Genen akyii abono dɔ ako ne n gye Mariya Magadalakyii mɔ, de Mariya, Gyeemesi de Gyosefo mɔmɔ-nyi, de Sebedi mɔ-ka ɔbono ɔ koroge Yesu akasebo anyɔ ako mɔ.

Yesu Gipule

⁵⁷ I baa wɔra gedɔde mɔ, aterenbi wura ɔko gi ba. Mɛ kya tere mɔ yɛɛ Gyosefo. ɔ gye daa Arimatiyanyen, ne ɔ sɔɔ Yesu gyi.

⁵⁸ O kpe Pilato ase ne o kpa a kole mo yee o laa kpa a saga Yesu gibuni mo lii lewu oyii mo so kyu kpa a pule. Pilato gi sa mo okpa.

⁵⁹ Imoso Gyosefo gi kpa a saga Yesu gibuni mo. O kyu gikелеle kyabi-kyabi kyu mili Yesu gibuni mo,

⁶⁰ ne o kyu kpa a pule mo Gyosefo gbaa-gbaa gekyan poboro do. Ge gye daa folebo obono o wolaa yege me logedi yela sa ibuni gipule mo. Nno ne o pule Yesu, ne o belen gibui bele-bele baa tii obo mo gebunono ne o naa.

⁶¹ O kya pule Yesu genen mo, Mariya Magadalakyii mo de Mariya banban oko mo me te nno momo-ansi a sa de gekyan mo.

Abelense Mo Me Yege Asogya Me Dii Yesu Gekyan Mo

⁶² Gekaabono Yesu gi wu' mo ge gye gekе gebono Gyuda awura me kya baala nyoro ma-a gyoo momo-geke kyoolase. Imo gede kесе mo, Gyuda awura asunbi alebo abelense de Farasii gikpen mo do asa me kpa a gyan' Pilato ase.

⁶³ Me toge sa mo yee, "Obelense, a kya nyingi yee nke nbono genen obonbo mo te de ansi mo, o toge yee, 'Ne wu' mo, imo gekе sase mo Wurubuaare laa kyingi me lii ibuni do.'

⁶⁴ Imoso sa fo-asogya geno yee me' kpa a dii mo-gekyan mo dandan kaabore nke nsa mo gi' loo gyan'. In gye genen mo, mo-akasebo mo me laa naa kpa a yuuri mo-gibuni mo de me' kyu naa me kya kee abon yee Wurubuaare gi kyingi mo lii ibuni do. Genen gemara-gemara abon abono a laa wora nyenyen don abono momo-obelense mo gbaa-gbaa te de ansi ne o kee mo."

⁶⁵ Pilato gi toge sa momo yee, "Yo, nan sa feye asogya gikpen de me' kpa a dii gekyan mo sa feye. Feye, mo, fe' kpa a wora ilaa kamaase ibono fe laa taale mo de oko oᅇ sa o' nye kpa a yii folebo mo."

⁶⁶ Pilato gi toge genen mo, me koso lii, ne me kyon kpe gekyan mo geten. Me kpa a wora adawo ako kyu daase folebo mo. Ne me san yege asogya mo me' yele nno me kya dii.

28

Yesu Gi Kyingi Lii Ibuni Do

¹ Gеke kyoolase mo gede kесе mo, i gye Kosida. Imo nyenyenge fu-u mo, Mariya Magadalakyii de Mariya nyose mo me kpe de me' kpa a kere Yesu gekyan mo.

² Nfono mo, gesinkpan ge gyigisi ibono i wora olon. Wurubuaare do osoo oko gi kpelege lii soso baa belen gibui bele gibono gi tii folebo mo gebunono mo yela nkan, ne o dii o te gimso so.

³ Osoo mo kya nelegi fee nyangbon gi wiisee, ne mo-ilaa ibono o suu mo i fuuli pare-para fee okurufepuu.

⁴ Asogya abono me kya dii gekyan mo me wu Wurubuaare do osoo mo mo, i tansi wora momo gifuu, ne me kya seli faa gyin-gyin. Ne me lii toro gesinkpan, me de fee me wu' daa.

⁵ Wurubuaare do osoo mo gi toge sa akyii mo yee, "Fe men sa fe' sele gifuu. In gye Yesu obono me da mo ananbi oyii so moo mo ne fe kya laare?"

⁶ Oᅇ baa o bo gerena. O kyingi lii ibuni do fee genooobono o wolaa toge feye mo. Fe' baa kere nfono nkana mo-gibuni mo gi de mo.

⁷ Fe' kii belen kpa a toge sa mo-akasebo mo yee o kyingi lii ibuni do. Fe' toge sa momo yee o laa gyangbara momo kpe Galeli. Nno ne me laa kii wu mo. Mo-okalan obono o sa me yee n' toge feye mo ne."

⁸ Imo so akyii mo me nu mo, me sele belen lii gekyan mo geten de me' kpa'a toge okalan mo sa Yesu akasebo mo. Me kya kpe mo, okon bele bola momo-asen do, ne i kii koso i bo momo-gifuu.

⁹ Me baa kere mo, Yesu ne! Momo-re mo me gyan', ne o faala momo. Nfono mo, me tu sindi mo. Me nmii keda mo-ayaa do ne me yen mo.

¹⁰ Yesu gi toge sa momo yee, "Fe men sa fe' sele gifuu! Fe' kpa'a toge sa me-akasebo, momo abono me de fee me-tedana mo, yee me' kpe Galeli. Nno ne me laa wu me."

Asogya Mo Me Kpa'a Buu Sa Abelense Mo Yee Yesu Gi Kyingi

¹¹ Akyii mo me kya kpe mo, asogya abono me kya dii Yesu gekyan mo do ako me koso kpe nten do kpa'a buu ilaa ibono i tu omo gekyan mo gidii mo do mo pewu sa Gyuda awura asunbi alebo abelense mo.

¹² Abelense mo me nu genen mo, momo-re abelense sene mo me kpa'a gyan', ne me da gede genobono me laa wora ne Yesu gikyingi mo i man nye lii gewi mo. Me da gede genen mo, me kyu aterebi bele kyu sa asogya mo yee,

¹³ "Fe' so de fe' naa toge sa asa yee genye fe de mo, Yesu akasebo mo me baa yuuri mo-gibuni mo koso.

¹⁴ Nengyene ilaa ide i kpa'a nu Obelense Pilato mo, aye ne nan buele mo de on sa o' kyu ilaa nyenyen iko kyu wora feye."

¹⁵ Gesintin mo, asogya mo me so aterebi mo, ne me san me naa me kya toge genen ilaa ibono ma-a sa asa. Genen ilaa ide i gbigi momo Gyuda awura mo do ne me san me kya toge imo baa lii de nde.

Yesu Gi Ka Mo-Akasebo Mo Gika Laalalogese

¹⁶ Yesu akasebo gudu oko mo me kpe Galeli mo, me kyon kpe gibii gibono so Yesu gi toge sa momo yee me' kpa'a gyan' mo.

¹⁷ Me wu Yesu mo, me nmii mo ne me yen mo. Momo ako bere, i wora momo fee i men gye Yesu gbaa-gbaa ne.

¹⁸ Yesu gi tu sindi momo, ne o toge sa momo yee, "Me-se Wurubuaare gi kyu soso de gesinkpan so olon kamaase kyu wora me-abaa do.

¹⁹ Imo so fe' kpa'a yee gesinkpan so asa kpei-kpei pewu me' bingiri me-akasebo de fe' kyu aye-se Wurubuaare ginyen, de me, mo-bi mo ginyen, de mo-Odudu mo ginyen kyu gyere genen asa abono Wurubuaare sagyere,

²⁰ de fe' nyiile momo yee me' wora ilaa kamaase ibono ne ka sa feye yee fe' wora mo. N bo feye ase abere kamaase do kpa'a lii owi obono gesinkpan so gekyena ge laa yela okara mo."

Maako Ɔkalan Konkonse Ɔbono Ɔ Nmarase Kyu Lii Yesu So Mo

Gyon Gi Toge Asa Yee Me' Loro Momogekyena Do Gyoo Yesu

¹ Ɔkalan konkonse kyu lii Yesu Kirisito, Wurubuaare mo-bi mo so giyiigese ne n gye yee,

²⁻³ Wurubuaare gi toge sa mo-bi mo yee o laa yege mo de o' ba gesinkpan so. O kii toge sa mo yee,

“Pei ne fo laa kpe mo,
nan sun oko de o' gyangbara kpaa toge sa asa yee
me' lora momogekyena do gyoo fo.

Nengyene o kpe mo, asa me laa nu mo-gigyebi' gipen do,
o laa kpen o kya toge yee,

‘Fe' lora feye-gekyena do gyoo Wurubuaare
de o' nye naa de okpa ntintin ba feye ase.’ ”

Ilaa ibono Wurubuaare gi toge sa mo-bi mo genen mo, o yege mo-ikalan otogebho Isaya gi wolaa wu imo ne me nmarase imo yela owole do,

⁴ ne genen ilaa ibono i ba gesintin. Imo ne n gye yee Wurubuaare gi sun onyen oko me kya tere mo yee Gyon yee o' gyangbara mo-bi mo. Gyon gi kpe gipen do o kya gyere asa Wurubuaare sagyere. O kya toge o sa asa yee, “Fe' nu feye-nyoro gese de fe' kyeege lii feye-ilaa nyenyen giwora do. Fe wora genen mo, nan gyere feye Wurubuaare sagyere de i' nyiile yee Wurubuaare gi kyu feye-ilaa nyenyen kyee feye.”

⁵ Gesintin mo asa saky o me kya lii ma-a lii Gyudiya gesinkpan so de Gyerusalem osowole so me kya ba Gyon ase gipen mo do. Me kya kpe me kya toge momo-ilaa nyenyen ibono me wora mo, ne Gyon kya gyere momo Wurubuaare sagyere Gyoodan obon do.

⁶ Gyon gegbe suuse mo, me kyu daa gekpatitii ifuu kyu luo gemo, ne o kyu gebue owole wora liide. Mo-ilaa gyise ne n gye nkpenfuree nko oyuduu de nmasan.

⁷ Gyon ilaa togese do mo, o kya toge o kya sa asa yee, “Me-gemara mo, oko laa ba. O don me ilaa kamaase do. Fee n' ba gese de n' kyu mo-ayaawole tole mo-ayaa do sa mo gbaa mo, mej fo.

⁸ Me, n de daa nkyu n kya gyere feye Wurubuaare sagyere. Mo, obono o don me mo bere, Wurubuaare Oduduu ne o laa kyu gyere feye.”

Gyon Gi Gyere Yesu Wurubuaare Sagyere

⁹ Genen nke nbono Gyon kya gyere asa Wurubuaare sagyere mo ne Yesu gi lii Nasarete osowole Galeli gesinkpan so ba Gyon ase. Ne Gyon gi gyere mo Wurubuaare sagyere Gyoodan obon do.

¹⁰ Yesu gi kpe lii nkyu mo do dii gyan gigengen so mo, o wu Wurubuaare do i kya bugi, ne Wurubuaare Oduduu gi kpelege lii nno fee bonbue baa gyan mo so.

¹¹ Ne Wurubuaare gi tonge lii soso yee, “Fo gye me-bi. Fo-ilaa i bo me-gisen do. Fo kya gyi me-ginsi.”

Ilaa Nyenyen Pewu Gemu Mo Gi Soo Yesu Idoo

12 Ayaa abono so mɔ Wurubuaare Oduduu mɔ gi yege Yesu gi kpe gipen mɔ dɔ.

13 ɔ kyena gipen mɔ dɔ nke ikue-inyɔ. ɔ bo nno mɔ, ilaa nyenyen pewu gemu mɔ gi baa soo mɔ idoo kere yee ɔ laa nye mɔ de o' nu mɔ ase? ɔ men kii nye mɔ. Abere abono mɔ, ɔko men bo Yesu ase nno, ife dɔ nbue wole. Ne Wurubuaare dɔ isoo me kpaa kere mɔ so.

Yesu Gi Lɛɛ Mɔ-Akasebo Gyangbarase

14 I baa fo abere ako dɔ mɔ, me keda Gyɔn tii de obu. Imɔ gemara mɔ Yesu gi baa kpe Galeli gesinkpan so ɔ naa ɔ kya toge Wurubuaare okalan konkonse mɔ ɔ sa asa.

15 Mɔ-ilaa toge mɔ dɔ mɔ, ɔ kya toge yee, "Nke nbono Wurubuaare gi yela mɔ gi fo. Ide kon ne Wurubuaare gewuragyi dɔ akyenabi a laa ba asa dɔ ne. Imoso fe' nu feye-nyoro gese de fe' kyeege de fe' soo Wurubuaare okalan konkonse mɔ gyi."

16 Yesu naa Galeli obon gigengen mɔ so, ɔ baa kere mɔ, iken alebo ako ne, Simon mɔ-re mɔ-tede Andiru. Me kya too asewu.

17 O wu mɔmɔ genen mɔ, ɔ toge mɔmɔ yee, "Fe' baa wɔra me-akasebo. Ne wu yee nkana fe gye iken alebo. Npere nan yege de fe' san laare daa asa de me' nye Wurubuaare ase gekyena."

18 Ayaa abono so mɔ, me taa mɔmɔ-asewu mɔ yege, ne me naa buu mɔ.

19 ɔ naa kpe ansi dɔ ηmaraii mɔ, o wu Gyeemesi mɔ-re mɔ-tede Gyɔn, Sebedi mɔ-biana, me te gikolii dɔ, me kya lɔɔ mɔmɔ-asewu.

20 Nfono mɔ, Yesu gi toge mɔmɔ kee yee me' baa buu mɔ de me' wɔra mɔ-akasebo. Ne gesintin mɔ, me taa mɔmɔ-se Sebedi de mɔ-gesun awɔrabo yege, ne me naa buu Yesu.

Yesu Gi Kosore Ilaa Nyenyen Oduduu Lii ɔnyen ɔko So

21 Yesu mɔ-re mɔmɔ me naa kpaa loo Kapɛniyon. Me bo nno mɔ, mɔmɔ-geke kyoolase ge fo. Asa me kpaa gyan mɔmɔ-gikyangbon dɔ, ne Yesu gi nyiile mɔmɔ Wurubuaare ilaa nno.

22 Yesu ilaa nyiile mɔ i kya de mɔmɔ-geɔ. I lii fee me nu mɔ-anyiilebi mɔ, me wolaa wu yee Wurubuaare ne n sa mɔ mɔ-ilaa nyiilese pei ne ɔ kya nyiile genen. I men gye genen ne mɔmɔ-nbara anmarasebo mɔ me kya nyiile ilaa ne.

23 ɔnyen ɔko bo mɔmɔ-gikyangbon mɔ dɔ, ilaa nyenyen oduduu i te mɔ so. ɔnyen mɔ gi kpe wu Yesu mɔ, ilaa nyenyen oduduu ibono i te mɔ so mɔ i toge ken-ken faase Yesu yee,

24 "Yesu, Nasaretinyen, mene ne fo kya laare aye ase? Fo ba de fo' baa nyida aye ilaa nyenyen oduduu kpei-kpei mɔ abee?" Ne ilaa nyenyen oduduu mɔ i kii toge sa Yesu yee, "N nyi isa obono fo Yesu fo gye. Fo ne n gye gisen fufuli wura obono fo-nkon ne n lii Wurubuaare ase mɔ."

25 Nfono mɔ Yesu gi toge ilaa nyenyen oduduu mɔ yee, "Bun fo-geɔ so de fo' koso lii ɔnyen baare so, n kere fo faa."

26 Gesintin mɔ, ilaa nyenyen oduduu mɔ i saawo ken-ken kuu ɔnyen mɔ da gese, i kya gbebi mɔ, pei ne i koso lii ɔnyen mɔ so.

27 Genen ilaa ide i wɔra asa abono me bo nno mɔ pewu giyan. Me san ma-a taase abara yee, "Mene ilaa ne ide? Ilaa pobɔɔ iko mɔ ne? Yesu geɔ dɔ agyebi a bo gya! Ilaa nyenyen oduduu gbaa i kya nu mɔ ase!"

28 Nfono mɔ, ilaa ibono Yesu kya wɔra mɔ i nu gyan' de Galeli gesinkpan gebono so pewu.

Yesu Gi Kye Alɔbo Sakyo

²⁹ Yesu mɔ-re mɔ-akasebo mɔ me kpe lii gikyangbon mɔ dɔ mɔ, Simon mɔ-re Andiru me kyu Yesu kpe mɔmɔ-gewi. Gyeemesi mɔ-re Gyɔn kee me buu mɔmɔ kpe.

³⁰ Simon mɔ-saa kyiiise kya lɔ ɔkyagyii, ɔ de gifengen so. Imɔso Yesu gi loo mɔmɔ-gikpaara so mɔ, me buu sa mɔ yee ɔkyii mɔ kya lɔ.

³¹ Yesu gi loo ɔkyii mɔ ase, ne ɔ keda mɔ-gibaa dɔ kosore mɔ kyena. Nfono mɔ ɔkyii mɔ nyoro mɔ gi taa mɔ yegɛ, ne ɔ koso kii taale keda mɔmɔ-gisafɔ.

³² Genen geke gebono gedɔdɔde owi gi tɔrɔ mɔ, asa me kyu alɔbo bara Yesu yee ɔ' kye mɔmɔ. Ne ako, mɔ, me kyu abono ilaa nyenyen oduduu i te i te mɔmɔ so mɔ ba yee Yesu ɔ' kosore imɔ lii asa mɔ so.

³³ Ɔsowole ɔbono so asa pewu me ba Yesu ase nfono. Me yele gikpaara mɔ so sindi obu mɔ gibunono.

³⁴ Ne Yesu gi kye asa alɔbi kpei-kpei gikyo ne ɔ kosore ilaa nyenyen oduduu kpei-kpei lii asa so kee gikyo. Ilaa nyenyen oduduu mɔ i nyi Yesu, imɔso Yesu menj sa imɔ ɔkpa de i' nye tongɛ.

Yesu Gi Tɔge Wurubuaare Ɔkalan Konkonse Mɔ Galeli

³⁵ I kya laare i' fo gibaadiike mɔ, Yesu gi koso lii kpe nfono ɔko menj bo mɔ ne ɔ kpaa dalaa sa Wurubuaare.

³⁶ Simon mɔ-re mɔ-nanboana me naa ma-a laare Yesu.

³⁷ Me wu mɔ mɔ, me tɔge sa mɔ yee, “Ɔkamaase kya laare fo-geɛten.”

³⁸ Yesu gi kisee tɔge sa mɔmɔ yee, “A' kpe geɛten banban isowole ibono i sindi gerɛ mɔ de n' nye tɔge Wurubuaare ilaa sa imɔ so awura kee. Imɔso ne ne ba.”

³⁹ Gesintin ɔ naa gyan de Galeli isowole mɔ so. Ɔ naa mɔ, ɔ kya tɔge Wurubuaare ilaa mɔmɔ-akyangbon dɔ ne ɔ kya kosore ilaa nyenyen oduduu kpei-kpei lii asa so.

Yesu Gi Kye Okononbu Ɔko

⁴⁰ Okononbu ɔko gi ba Yesu ase baa nmii mɔ-ayaa dɔ ne ɔ tɔge mɔ yee, “Nengyene i gye fo-gelaare dɔ mɔ, fo laa taale kye me.”

⁴¹ Ɔ tɔge genen mɔ, mɔ-ilaa i wɔra Yesu ayen. Imɔso Yesu gi tengɛ mɔ-gibaa kpaa yii mɔ, ne ɔ tɔge yee, “I gye me-gelaare. Fo-gilo mɔ gi' ta.”

⁴² Gesintin mɔ, ayaa abono so mɔ, gilo mɔ gi ta.

⁴³ Yesu gi kye ɔnyen mɔ mɔ, ɔ tɔge mɔ yee, “Naa fo kya kpe.” Ne ɔ kii ka mɔ yee,

⁴⁴ “Geɛn sa fo' tɔge sa ɔko-re ɔko yee me ne n kye fo. Naa kpaa wɔra nbara ilaa ibono Mosisi gi yela sa okononbu kamaase ɔbono mɔ-gilo gi ta mɔ. Imɔ ne n gye yee fo laa kperɛ fo-nyoro kpaa nyiile Wurubuaare asunbi ɔleɛbo de ɔ' kerɛ fo-nyoro pewu gyan'. Ɔ laa wu yee fo-gilo mɔ gi ta de fo' kyu fo-afaala sa mɔ de ɔ' kyu leɛ asunbi sa Wurubuaare sa fo. Imɔ ne nan yegɛ asa me' bii yee fo-alɔtɔ mɔ a ta.”

⁴⁵ Ɔnyen mɔ gi kyon mɔ, ɔ san ɔ naa ɔ kya da imɔ so gikpengboo ɔ sa asa. Geɛten kamaase nfono ɔ kpe nye ne ɔ loo mɔ, ɔ kya tɔge imɔ so ilaa daa. Imɔso i yegɛ Yesu menj baa nye loo isowole so tentegelen. I lii feɛ asa me kya nmaa mɔ gikyo. Ɔ san ɔ te daa ifɛ dɔ. Imɔ genen gbaa mɔ, asa me kya lii geɛten kamaase ba mɔ ase ifɛ mɔ dɔ nno.

¹ Imo nke kalese gemara mo, Yesu gi kii ba Kapreeniyon osowole so. Ne i nu gyan de osowole mo yee Yesu gi kii ba; o bo mo-getsen do.

² Imoso asa me baa gyan mo ase faa fiye-e. Me genda, ibono isa men baa nye okpa tu ba gebunono ase. O kya toge Wurubuaare agyebi o kya sa momo.

³ Me bo nno genen mo, asa ako me kpaa kyu otogese oko ba mo ase. Anyen anan ne n sola mo ba.

⁴ Asa me nyaakyo nno so mo, abono me sola olobo mo ba mo men nye okpa kyu mo loo Yesu ase obu mo do de gebunono so. Imoso me dii obu mo soso marage mo de nfono so Yesu yele mo imaraa, ne me kpelegere olobo mo mo-re mo-gifengen loo de omarageten mo kyu mo yela Yesu ase.

⁵ Yesu gi wu yee asa ade me soo mo gyi yee Wurubuaare olon bo mo do mo, o toge sa otogese mo yee, "Me-bi, ne kyu fo-ilaa nyenyen ibono fo wora Wurubuaare mo kyu kyee fo."

⁶ Yesu gi toge genen mo, Gyuda awura nbara anmarasebo ako me te nno. Me kya taase momo-asen do yee,

⁷ "Okpa omo so ne onyen baare kya toge genen? O kya tonge fee mo ne n gye Wurubuaare. Ne in gye Wurubuaare wole mo, fo ane ne nan taale kyu oko ilaa nyenyen ibono o wora Wurubuaare mo kyu kyee mo?"

⁸ Ayaa abono so mo, Yesu gi bii momo-nwonsa nbono me kya sa mo, ne o taase momo yee, "Mene n wora so ne fe kya sa genen nwonsa nde?"

⁹ Nan toge ilaa inyo sa otogese baare. Giko ne n gye yee, 'Ne kyu fo-ilaa nyenyen ibono fo wora Wurubuaare mo kyee fo.' Ginyose mo ne n gye yee,

'Koso, puru fo-gifengen de fo' naa.'

Imo inyo ide do mo, imomo ne fe laa wu de feye-ansi?

¹⁰ N kya laare de fe' nye bii yee me, anyamese pewu momo-daa mo, n bo okpa gesinkpan so de n' kyu asa ilaa nyenyen ibono me kya wora Wurubuaare mo kyee momo."

Genen so mo, o kisee toge sa otogese mo yee,

¹¹ "N' toge sa fo yee koso, puru fo-gifengen de fo' naa kpe gewi."

¹² Gesintin, ayaa abono so mo, onyen mo gi koso ne o puru mo-gifengen, ne o naa lii asa mo do. Okamaase obono o bo nfono mo gi wu mo mo, i wora mo giyan. Me san me kya yen Wurubuaare, me kya toge yee me men ti wu imo ide onan gekaako kere.

Yesu Gi Tere Lefi Yee O' Baa Wora Mo-Okasebo

¹³ Yesu gi kii naa kpe obon mo gigengen. Sakkpii bele oko gi ba mo ase nno, ne o nyiile momo ilaa.

¹⁴ Yesu gi nyiile momo ilaa ta mo, o naa o kya kyon mo, o wu Lefi, Alefayo mo-bi, te lenpoo osooten, o kya soo lenpoo, ne Yesu gi toge mo yee, "Baa buu me de fo' wora me-okasebo." Ne Lefi gi koso baa buu mo.

¹⁵ Imo gemara mo, Yesu te Lefi geten do o kya gyi mo, lenpoo asoobo abono Gyuda awura ase mo me gye asa nyenyen mo de ilaa nyenyen aworabo sense sakyi me baa tu momo, ne momo-re momo me wora abaa gyi dabole. Lenpoo asoobo de ilaa nyenyen aworabo abono me buu Yesu mo me nyaakyo.

¹⁶ Gyuda awura nbara anmarasebo abono me gye Farasii gikpen mo do awura mo me wu yee lenpoo asoobo de ilaa nyenyen aworabo momo-re Yesu me kya gyi mo, me taase Yesu akasebo mo yee, "Mene n wora so ne feye-obelense kya wora abaa gyi de genen asa ade?"

¹⁷ Yesu gi nu genen mɔ, ɔ tɔge sa mɔmɔ yee, “Fɛe genɔɔbono ɔlɔbo tiri ɔkyebo mɔ, genen kee ne ilaa nyenyen awɔrabo me tiri me, Yesu, ne. I men gye abono me bo alanfiya mɔ ne n tiri ɔkyebo. Fe' bii yee ilaa nyenyen awɔrabo ne ne ba de n' baa tɔge yee me' wɔra me-akasebo. I men gye abono me nyi yee me ti me gye gesintin awura mɔ so ne ne ba.”

Asa Ako Me Taase Yesu Ilaa Kyu Lii Nno Nminde So

¹⁸ Owi ɔko dɔ mɔ, i ba yee Gyɔn akasebo de Farasii awura akasebo me kya nminde nno. Nfono ne asa ako me baa taase Yesu yee, “Gyɔn akasebo me kya nminde nno. Farasii awura akasebo kee me kya nminde nno. Ne menɛ n wɔra ne fo-lɛe akasebo mɔ bere, men kya nminde nno daa?”

¹⁹ Yesu gi lɛe genɔ da mɔmɔ gikpale yee, “I men gye abere ade ne me laa wɔra genen. I de daa fɛe genɔɔbono aye Gyuda awura a kya kpɛi ɔkyii mɔ. A' kyu yee me ne n gye ɔkyiifo mɔ-kuli. Owi ɔbono me-kyemeneana me ba me ase a san a kya gyi ɔkon mɔ, i kaabore me' nminde nno? I man sa genen.

²⁰ I laa baa fo owi ɔko mɔ, i laa puru ɔkyiifo mɔ-kuli mɔ lii mɔ-kyemeneana ase. Lii genen owi ɔbono kyu kyon mɔ, i laa sa de me nminde nno kon.”

Yesu Gi Nyiile Asa Yee ɔ Bara Akyenabi Pobɔɔ

²¹ Yesu gi kii da mɔmɔ gikpale kyu nyiile yee ɔ bara akyenabi pobɔɔ. ɔ da gikpale mɔ yee, “Nengyene gikuru dedaa gi tee mɔ, men kya kyu gikuru pobɔɔ gipanan kyu baa tii ɔtɛeten mɔ. Fe wɔra genen mɔ, gikuru pobɔɔ mɔ geten i laa kyigi lɛe de i' wɔra ɔbo bele nye ibono i wolaa tee mɔ.”

²² A' kii laa ansi kere genɔɔbono me kya kyu nta kyu wɔra nɔbe iwolɛ dɔ mɔ de a' kere. ɔko man kyule kyu nta pobɔɔ kyu wɔra nta ɔwɔraten iwolɛ dedaa dɔ. ɔbono ɔ wɔra genen mɔ, gyerebi ne ɔ kya laare. Nta mɔ gi laa paade nta ɔwɔraten iwolɛ mɔ de nta mɔ gi' duuli fue de iwolɛ mɔ, mɔ, kee i' nyida. Me kya kyu nta pobɔɔ kyu wɔra daa nta ɔwɔraten iwolɛ pobɔɔ dɔ.

Yesu Bo ɔlon Geke Kyoolase So

²³ Geke kyoolase geko mɔ, Yesu mɔ-re mɔ-akasebo mɔ me naa me kya kpe mɔmɔ-nten kpeɛ, ne me baa loo awayu ndɔɔ nko dɔ. Me naa awayu mɔ dɔ me kya kpe mɔ, Yesu akasebo mɔ me yii gese me kya kyade awayu mɔ, me kya fologe me kya we.

²⁴ Farasii gikpen mɔ dɔ awura ako me wu mɔmɔ genen mɔ, me taase Yesu yee, “Kere, fo-akasebo mɔ me kya kyade awayu ade faa, fo men nyi yee gesun ne me kya wɔra aye-geke kyoolase mɔ dɔ faa? Aye-nbara gin kya sa ɔkpa genen.”

²⁵⁻²⁶ Ne Yesu gi lɛe genɔ sa ɔmɔ yee, “Feye yee in de ɔkpa genen faa mɔ, imɔso feɲ ti kale Wura Deefidi mɔ-re mɔ-nanboana ilaa Wurubuaare agyebi mɔ dɔ kere? Me nmarase nno yee owi ɔko dɔ mɔ Abiyata gi wɔra Wurubuaare asunbi alebo gemu. Abiyata gekyena dɔ mɔ, geke geko dɔ mɔ, Wura Deefidi mɔ-re mɔ-nanboana me kya wu gensipɛɛre ne akon a de ɔmɔ. Imɔso ɔ loo Wurubuaare ɔson panpan mɔ dɔ kpaa puru bodobodo ɔbono asa me kya kyu bara Wurubuaare mɔ. Naafɔ aye-nbara mɔ gin kya sa ɔkpa fɛe fo nyamese giyan fo' nye gyi genen bodobodo ɔbono, genen mɔ, Gyuda awura asunbi alebo wolɛ. Wura Deefidi, mɔ, gi gyi bodobodo mɔ iko ne ɔ kyu iko kee sa mɔ-nanboana mɔ.”

²⁷ Imɔso Yesu gi lɛe gese sa mɔmɔ yee, “Fe' nu yee Wurubuaare gi yela geke kyoolase sa daa anyamese. ɔ men lɛe anyamese mɔ sa geke kyoolase.

28 Imoŋso me, anyamese pɛwu mɔmɔ-daa mɔ, n bo ɔlon dabɔle geke kyoolase mɔ so.”

3

Yesu Gi Kye Gibaa Wuse Wura Geke Kyoolase

1 Geke kyoolase geko kee mɔ Yesu gi kii kpaɔ loo Gyuda awura gikyangbon giko dɔ. ɔnyen ɔko bo nno, mɔ-gibaa giko gi wu'.

2 Yesu gi loo nno mɔ, asa ako me kya dii mɔ de me' kere yee ɔ laa kye gibaa wuse wura mɔ abee? Nengyene ɔ nye kye mɔ genen geke kyoolase gebono dɔ mɔ de me' nye kyu mɔ wɔra nbele dɔ yee ɔ wɔra gesun geke kyoolase.

3 Nfono mɔ Yesu gi toge sa ɔnyen mɔ yee, “Koso baa yele asa ansi dɔ gere.” Ne ɔnyen mɔ gi naa kpaɔ yele ansi dɔ.

4 Nfono ne Yesu gi taase asa mɔ yee, “Nne ne Wurubuaare nbara gi kya nyiile yee a' wɔra aye-geke kyoolase dɔ? A' wɔra ilaa dense abee a' wɔra ilaa nyenyen? A' soɔ abara nkpa abee a' mɔɔ abara?”

Yesu gi taase mɔmɔ genen mɔ, asa mɔ meɲ toge sei.

5 ɔ kere mɔmɔ dɔ pɛwu gyan. Mɔmɔ-gisoɔlon so mɔ, i yee ɔ kyu ginyadon mɔmɔ so, ne mɔmɔ-ilaa i kii kisee wɔra mɔ ayen. ɔ toge sa ɔnyen gibaa wuse wura mɔ yee, “Tenge fo-gibaa mɔ.” Gesintin mɔ ɔ tenge gimɔ, ne gibaa mɔ gi kii kyingi.

6 Nfono mɔ, Farasii awura mɔ me lii kpaɔ wu Wura Herode ade, ne me yii gese me kya ɲminde genɔɔbono me laa nye Yesu mɔɔ mɔ.

Sakpii Bele Buu Yesu

7-8 Imoŋso Yesu mɔ-re mɔ-akasebo mɔ me lii kyon Galeli ɔbon bele mɔ gigengen so. Asa me nu Yesu ilaa wɔrase so, imoŋso sakpii bele gi lii Galeli buu mɔ. Ne ako kee me lii Gyudiya de Gyerusalem de Idumiya nsinkpan so. Ako, mɔ, me lii Gyɔɔdan gemara nno so de Taya de Sidon isowole so ba mɔ ase.

9 Yesu gi toge sa mɔ-akasebo mɔ yee sakpii mɔ gi don abaa. Imoŋso me' kyu gikolii ba. Nengyene asa me laa genda de mɔ gikyɔ mɔ de ɔ' dii loo gikolii mɔ dɔ.

10 Mɔ-asa gikye so mɔ, ɔlɔbo kamaase kya laare de ɔ' kpaɔ yii mɔ de mɔ-alɔɔ a' nye ta.

11 Nengyene asa abono ilaa nyenyen oduduu i te mɔmɔ so mɔ me wu Yesu mɔ, ilaa nyenyen oduduu mɔ i kya yee asa mɔ me kya kpelege ɲmii mɔ-ayaa dɔ de ilaa nyenyen oduduu mɔ i' saawo toge yee, “Yesu, fo ne n gye Wurubuaare mɔ-bi mɔ.”

12 Yesu kya da ilaa nyenyen oduduu mɔ tii yee i meɲ' sa i' lee mɔ-gewi nyiile asa.

Yesu Gi Lee Mɔ-Isɔɔ Gudu Anyɔ

13 Imɔ gemara mɔ, Yesu gi dii kpe gibii giko so, ne ɔ tere asa abono ɔ kya laare mɔ yee me' ba mɔ ase. Gesintin mɔ, me kpe,

14 ne ɔ lee mɔmɔ dɔ asa gudu anyɔ abono me laa kyena mɔ ase de ɔ' kyena ɔ kya sun mɔmɔ de me' kpaɔ toge Wurubuaare ilaa sa asa.

15 ɔ sa mɔmɔ ɔlon de me' taale gya ilaa nyenyen oduduu kpei-kpei koso asa so.

16 Genen asa gudu anyɔ abono ɔ lee mɔ ɔko ne n gye Simon. Yesu gi yela mɔ-ginyen giko yee Piita.

17 Ako ne n gye Gyeemesi de mɔ-tede Gyɔn Sebedi mɔ-biana, abono Yesu gi yela mɔmɔ ayenbi yee Buwaneegyisi. (Buwaneegyisi gesɛ ne n gye yee “abono mɛ dɛ fɛɛ nyangbon gigure mɔ.”)

18 Mɛ kya tere ako kee yee Andiru de Filipino de Batolomiyu de Matiyu de Tomaase de Gyeemesi ɔko kee; Alefayo mɔ-bi, de Taadiyuse,

19 de Simon ɔko kee, ɔbono ɔŋ kya kyule mɔ-ɔsowole so mɔ de Gyudase Isikaayɔte, ɔbono gemara gemara ɔ fe Yesu sa mɔ-akyobo mɔ.

Yesu Gi Gyi Ilaa Nyenyɛn Pɛwu Gɛmu So

Yesu ɔ baa lii gibii mɔ so kpe gɛwi mɔ,

20 sakpii gi ti baa bɔla mɔ-geɛten dɔ ibono i yegɛ mɔ-rɛ mɔ-akasebo gudu anyɔ mɔ mɛŋ kya nye nyoro de mɛ' kpeɛ agyudɔ wɔra genɔ.

21 Yesu mɔ-subuana mɛ kya nu asa mɛ kya tongɛ nkan-nkan yee, “Yesu mɛŋ baa ɔ bo gimu. Itɛfaa i kya pɛɛɛ mɔ.” Imɔso mɛ kpe mɛ' kpaɛ keda mɔ lii sakpii mɔ dɔ de mɛ' baa kere mɔ so.

22 Gyuda awura nbara aŋmarasebo ako mɛ lii Gyɛrusalem baa nu yee Yesu kya gya ilaa nyenyɛn oduduu lii asa so. Genen so mɔ, mɛ kya nyida mɔ-ginyɛn yee, “I mɛŋ gye giyan so ne Yesu kya taale gya ilaa nyenyɛn oduduu koso asa so genen. Ilaa nyenyɛn oduduu pɛwu gɛmu mɔ ɔbono mɛ kya tere mɔ-ginyɛn giko yee Besibuli mɔ ne n tɛ mɔ so, ɔ kya sa mɔ ɔlon genen.”

23 Yesu gi nu yee mɛ kya nyida mɔ-ginyɛn genen mɔ, ɔ tere Gyuda awura nbara aŋmarasebo mɔ, ne ɔ tongɛ sa mɔmɔ akpale dɔ yee, “Ilaa nyenyɛn pɛwu gɛmu de ilaa nyenyɛn oduduu kamaase mɛ gye nyamese kolon. Imɔso ilaa nyenyɛn pɛwu gɛmu mɔ maŋ gya mɔ-ade koso asa so.

24 ɔ tɔge yee ɔ' wɔra genen mɔ, i laa wɔra fɛɛ wura mɔ-rɛ mɔ-ade ne n kya kɔ de abara. Mɛ kya kɔ genen mɔ, mɔ-gɛwuragyi mɔ gɛ maŋ dɛ kpe.

25 Geten kolon dɔ asa mɛ ye mɔmɔ-nyoro dɔ mɛ kya kɔ de abara mɔ, genen geten gɛbono gɛ laa boori.

26 Imɔso nengyene i gye gesintin yee ilaa nyenyɛn pɛwu gɛmu mɔ ne n kya kɔ de mɔ-ade ne mɛŋ bo genɔ kolon mɔ, genen bere mɔ, mɔ-gɛwuragyi gɛ maŋ dɛ kpe. ɔ maŋ baa nye ɔlon asa so.”

27 Ne Yesu gi kii da gikpale sa mɔmɔ yee, “Ilaa nyenyɛn pɛwu gɛmu mɔ dɛ daa fɛɛ ɔnyen bolonse ɔbono ɔ kya dii mɔ-geɛten dɔ atɔ pɛwu dandan. Nne ne fo ɔko fo laa wɔra de fo' loo genen geten gɛbono dɔ sɔge ɔnyen mɔ atɔ kyu kyon daa? Genen mɔ, fo taale ŋminde mɔ yela.

28 “N kya tɔge feye gesintin yee ilaa nyenyɛn kpei-kpei kamaase ibono fo nyamese fo laa wɔra mɔ, de asebi kamaase abono fo laa saale Wurubuaare mɔ, i laa sa de Wurubuaare o' kyu kyee fo.

29 Ibono ɔko laa saale mɔ Wurubuaare Oduduu mɔ mɔ bere, Wurubuaare maŋ kyu imɔ ibono kyu kyee mɔ. Genen ilaa nyenyɛn ibono bere, i laa sii fo kaase mɔ so gekpaɛ.”

30 Nkana Yesu gi nu yee Gyuda awura nbara aŋmarasebo mɔ mɛ kya nyida mɔ-ginyɛn yee ilaa nyenyɛn oduduu ne n tɛ mɔ so. Imɔso ne o bugi mɔ-genɔ tɔge ilaa ide sa mɔmɔ genen.

Yesu Gi Nyiile Asa Abono ɔnan Mɛ Gye Mɔ-Subuana Mɔ

31 Imɔ gemara mɔ, Yesu mɔ-nyi de mɔ-tedeana mɛ ba mɛ yeɛ nŋmaŋman, ne mɛ sun tere mɔ.

32 Sakpii tɛ kyaabɔɔ mɔ. Imɔso sakpii mɔ dɔ ako mɛ tɔge sa mɔ yee, “Fo-nyi de fo-tedeana mɛ yeɛ nŋmaŋman mɛ kya laare mɛ' wu fo.”

³³ Yesu gi lee geno taase momo yee, "Aneana ne n gye me-nyi de medeana?"

³⁴ O kere abono me te kyaaboo mo mo, ne o toge yee, "Me-nyi de medeana ne!

³⁵ Isa obono o kya wora Wurubuaare gelaare mo, mo ne n gye me-tede, mo ne n gye me-pikyii, mo ne n gye me-nyi."

4

DooBo Oko Gikpale

¹ Yesu kii o kya nyiile asa ilaa Galeli obon bele mo gigengen so. Asa me kyaaboo mo faa fiye-e. Imoso o dii loo gikolii do o gyan nkyu so, yee asa mo me san me yelee gigengen, me kya nu mo ase.

² O nyiile momo ilaa gikyo akpale do. O kya nyiile momo ilaa o kya kpe mo, o baa toge momo yee,

³ "Fe' nu gikpale gibono nan baa da faa. DooBo oko gi kyena. Owi oko do mo, o koso kpe ndoo kpaan hmade ayu.

⁴ O kya hmade mo, amo ako a toro okpa do ne nbuii me toose amo gyi.

⁵ Ayu mo ako, mo, a toro kpandan so. Amo abono a kpaala koroo. I kya nyiile yee ise mo i bo kpandan mo so mo in kyoo,

⁶ imoso ayu mo a men nye de amo-ilin i' loo gese. Owi gi dii mo, a wiili ne a wu'.

⁷ Ako kee a toro iwe do. Abono a koroo mo, iwe mo kee i koroo koso geele amo, ne a men nye da amu de a' wora abi.

⁸ Amo ako, mo, a toro gesinkpan dense so. Amo bere, a koroo, ne a sen da amu kanpe. DooBo mo gi kebi amo mo, o nye abono onan o kyu hmade mo, amo ako oko de saalaa, ako ikue-isa, ne ako mo ikue-inun."

⁹ Yesu gi da gikpale mo ta mo, o toge yee, "Obono o bo aso mo, o' nu."

Yesu Gi Lee Gikpale Mo Gese Sa Mo-Akasebo Mo

¹⁰ I san Yesu mo-re mo-akasebo gudu anyo mo de asa kalese ako mo, me taase mo akpale mo gese.

¹¹ Yesu gi toge momo yee, "Feye ne n gye abono Wurubuaare laa lee mo-gewuragi do akyenabi mo ilaa boduduuse nyiile. Asense mo bere, me laa nu ilaa kamaase daa akpale do

¹² de i' nye kyena de ilaa ibono i bo Wurubuaare owole mo agyebi do mo. I bo nno yee,

'Me laa kpe me kya kere ilaa, me man kii wu sei;

Me laa kpe me kya nu ilaa, me man kii nu ilaa gese.

Nkana me nye nu ilaa gese mo,

me laa naa kii ba Wurubuaare ase

de Wurubuaare o' kyu momo-ilaa nyenyen kyee momo.' "

¹³ Ne Yesu gi taase momo yee, "Fey nu gikpale gide gese? Gide ne fey nu gese faa, nne ne fe laa wora de fe' nu akpale sense gese?" Nfono mo Yesu gi lee gese sa momo yee,

¹⁴ "Ayu abono doobo mo gi hmade mo ne n gye Wurubuaare agyebi.

¹⁵ Asa ako me de fee ayu abono a toro okpa do mo. Asa abono mo, me kpe nu Wurubuaare agyebi mo, ayaa abono so mo, ilaa nyenyen pewu gemu kya baa lee agyebi mo lii momo-nwonsa do.

¹⁶⁻¹⁷ Genen kee ne asa ako mo me de fee ayu abono a toro kpandan so, ne amo-ilin i men nye ise loo gese mo. Genen asa mo me de daa fee nbokyu. Me kpe nu Wurubuaare agyebi mo, me kya soo amo de okon. Ogenda oko

gi kpe tu mɔmɔ abee asa me kpe ka mɔmɔ-ansi kyu lii agyebi mɔ so mɔ, fe laa kere mɔ, me kya luu nyoro.

¹⁸ Asa ako mɔ, me de fee ayu abono a tɔrɔ iwe dɔ mɔ. Nengyene me nu Wurubuaare agyebi mɔ,

¹⁹ gesinkpan gede so nsuili, de nkyoola, de ilaa kpei-kpei kamaase gilaare i kya gyi mɔmɔ-gimu. Imɔso i kya geele agyebi abono me nu mɔ, ne menj baa ma-a taale wɔra amɔ so ilaa mɔmɔ-gekyena dɔ.

²⁰ Asa ako mɔ, me de fee ayu abono a tɔrɔ gesinkpan dense so mɔ. Me kya nu Wurubuaare agyebi mɔ, de me' nu gese wɔra amɔ so ilaa mɔmɔ-gekyena dɔ fee genɔɔbono dɔɔbo mɔ gi nye ayu abono onan o kyu nmade mɔ, ako gikpadɔ oko de saalaa, ako ikue-isa, ne ako mɔ gikpadɔ ikue-inun mɔ."

Yesu Gi Kii Da Akpale Ako

²¹ Yesu san ɔ kya nyiile ɔmɔ ilaa mɔ, ɔ tɔge yee, "Ɔko menj bo no ɔ laa nyɔga fatela kyu loo obu dɔ de o' kyu fee gelɔbi baala bun mɔ so, abee o' kyu wɔra npa gese. Ɔ laa kyu mɔ gyan' daa nfono i laa wu asa mɔ.

²² I lii fee sei menj bo no i bo ɔɔɔ dɔ yee i manj lii gifuli, abee ilaa iko i nara yee i manj lii gewi.

²³ Ɔbono ɔ bo aso mɔ, o' nu."

²⁴ Ne Yesu yee, "Ilaa ibono fe nu mɔ, fe' kere imɔ dɔ dɔɔdan. Kaala ɔbono fe laa kyu kaala mɔ, Wurubuaare laa kyu mɔ-onan kaala sa feye kee de o' kii too feye.

²⁵ Ɔbono ɔ kya nu Wurubuaare ase mɔ, ɔ laa nye nu too, ne ɔbono ɔn kya nu Wurubuaare ase mɔ, ipii ibono o nu mɔ gbaa, i laa kii lii mɔ-gimu dɔ."

²⁶ Yesu gi kii tɔge sa mɔmɔ yee, "Genɔɔbono Wurubuaare gewuragyɔ dɔ akyenabi a kya yelege asa dɔ mɔ a de fee ilaa duuse. Dɔɔbo kya kpaan nmade fee ayu de o' naa ba gewi mɔ.

²⁷ Genye de gere, ɔ de-o, ɔ kere-o, genɔɔbono ayu mɔ a kya kɔrɔ de a' sen mɔ, ɔ menj nyi.

²⁸ Gesinkpan mɔ gbaa-gbaa ne n kya yege ne ayu mɔ a kya kɔrɔ amɔ-gibaa so. A kɔrɔ mɔ de a' baa da itɔ. A da itɔ mɔ de a' boori wɔra abi de a' peere.

²⁹ A peere mɔ, dɔɔbo mɔ menj baa ɔ waala nke. Ɔ kya loo amɔ dɔ gikebi daa. I kya nyiile yee ayu mɔ akebibere a fo."

Maasade Gibi Gikpale

³⁰ O kii taase mɔmɔ yee, "Nne ne a laa tɔge yee Wurubuaare gewuragyɔ dɔ akyenabi mɔ a de? Mene gikpale ne a laa kyu kesere ne?"

³¹ Genɔɔbono genen akyenabi abono a kya yelege asa dɔ mɔ i de fee Maasade giponfe ilaa. Pei ne fo laa duu gimɔ mɔ, gibi mɔ gi kere faa njini-njini. Aponfe abi dɔ pewu mɔ, gimɔ ne menj kiire.

³² Nengyene fo kyu gimɔ duu ne gi kɔrɔ mɔ, gi kya wɔra giponfe bele don giponfe kamaase. Gi kya ba-ba ngyalenbi kiirese de nbuii gi' taale luɔ asisaa kyena gimɔ-oyuli dɔ."

³³ Akpale gikyo fafaanan so-o ne Yesu gi kyu tɔge Wurubuaare agyebi sa mɔmɔ, genɔɔbono ɔkara me laa taale nu gese mɔ.

³⁴ Ɔn tɔnge de mɔmɔ yee ɔ menj da gikpale. Nengyene i san mɔ-re mɔ-akasebo mɔ wole mɔ, ɔ kya lee ilaa kamaase gese sa mɔmɔ.

Yesu Gi Yege Afuu Bele A Taa Gida Yege

35-36 Genen gekaabono gedɔɔde mɔ, Yesu mɔ-rɛ mɔ-akasebo mɔ mɛ san mɛ bo gikolii mɔ dɔ mɔ, ɔ tɔge sa mɔmɔ yɛɛ, “A' fara kpe gibenbe.” Ne gesintin mɔ, akasebo mɔ mɛ pale Yesu de gikolii mɔ lii nfono kyon taa asa mɔ yɛɛ. Akolii ako kee a buu mɔmɔ.

37-38 Mɛ kya kpe mɔ, Yesu tɛ gikolii mɔ gemara. ɔ de ginsi gide, o sin gɛputu. Nfono mɔ afuu bele ako a tigi, a kya da ginyadon so. A kya yɛge nkyu mɔ gi kya loo gikolii mɔ dɔ. I wɔra mɔmɔ gifuu, ne mɛ da Yesu kyingi taase mɔ yɛɛ, “ɔbelense, a kya laare a' sii faa, in fe fo-giso?”

39 Yesu gi kyingi, ne ɔ tɔge afuu mɔ yɛɛ a' taa gida yɛge, de nkyu mɔ, mɔ, gi' wɔra bɔyin. Gesintin mɔ, afuu mɔ a tɔrɔ ne ilaa kamaase i sii faa kurun.

40 Ne ɔ taase mɔ-akasebo mɔ yɛɛ, “I wone so ne fe gye afuubo genen? Feŋ kya sɔɔ me gyi?”

41 Yesu akasebo mɔ mɛ wu ilaa ibono ɔ wɔra genen mɔ, i de ɔmɔ-genɔ ne i wɔra mɔmɔ gifuu, mɛ san ma-a taase abara yɛɛ, “Mene nyamese ɔnan ne? Kere, afuu de nkyu gbaa gi kya nu mɔ-gede.”

5

Yesu Gi Kosore Ilaa Nyenyɛn Oduduu Lii ɔnyɛn ɔko So

1 Yesu mɔ-rɛ mɔ-akasebo mɔ mɛ fara ɔbon bele mɔ kpe gibenbe giko so Gerigasa gesinkpan so.

2 Yesu gi kpe lii gikolii mɔ dɔ mɔ, ɔnyɛn ɔko gi da lii ibuni opuleten ba de ɔ' baa gyangara mɔ.

Ilaa nyenyɛn oduduu kpei-kpei i tɛ genen ɔnyɛn ɔbono so.

3 Ibuni opuleten mɔ nno ne ɔnyɛn mɔ tɛ. Ilaa nyenyɛn oduduu kpei-kpei ibono i tɛ mɔ so mɔ so mɔ i yɛge ɔko mɛŋ baa ɔ kya taale ŋminde mɔ yela. Ba-a fo ne n kine fo kyuu agbangbaran, fo maŋ taale.

4 Gikpadɔ gifonɛ gifonɛ mɔ, asa mɛ da mɔ abaa de ayaa ilaran de ipan. Fɛɛ mɛ da mɔ ilaran de ipan genen mɔ, ɔ kya wolaa gbaa-gbaa imɔ. ɔ bo olon gikyo ibono ɔko mɛŋ kya taale mɔ.

5 Genye de gɛpɛ ilaa nyenyɛn oduduu mɔ i kya yɛge ɔnyɛn mɔ kya saawo ken-ken, ɔ kya kpen ibuni opuleten mɔ de abii so. I san mɔ, ɔ de abui ɔ kya ten mɔ-nyoro giyan-giyan.

6 Genen ɔnyɛn baare gi wu Yesu koo-koo ne ɔ sele kpaa ŋmii Yesu ayaa dɔ.

7-8 Nfono ne Yesu gi ka sa ilaa nyenyɛn oduduu mɔ yɛɛ i' koso lii ɔnyɛn mɔ so ɔ kere imɔ faa. Yesu gi ka sa imɔ genen mɔ, ilaa nyenyɛn oduduu mɔ i yɛge ɔnyɛn mɔ gi kpen ken-ken taase Yesu yɛɛ, “Me-rɛ fo mene ase, Yesu, Gitɔbele mɔ mɔ-bi? N de Wurubuaare ginyɛn n kya kole fo, gɛŋ wɔra me awɔrɔfɔɔ.”

9 Yesu gi taase ilaa nyenyɛn oduduu mɔ yɛɛ, “Mɛ kya tere fo-ginyɛn yɛɛ mene?”

10 Ne ilaa nyenyɛn oduduu mɔ i lɛɛ genɔ yɛɛ, “Mɛ kya tere me yɛɛ Sakpii, i kya nyiile yɛɛ a kyɔ.” Nfono ne ilaa nyenyɛn oduduu mɔ i tɛ ɔnyɛn mɔ so mɔ i kpe i kya de Yesu gisere i kya kole mɔ yɛɛ ɔ mɛŋ' sa ɔ' gya imɔ lii genen gesinkpan gɛbono so.

11 Abere abono mɔ, akuuri gikpen bele giko gi yele gibii mɔ alan dɔ nno mɛ kya gyi.

12 Ne ilaa nyenyɛn oduduu mɔ i tɛ ɔnyɛn mɔ so mɔ i kole Yesu yɛɛ ɔ' yɛge imɔ i' nye kpe kpaa kyena akuuri mɔ so.

13 Imoso Yesu gi sa imo okpa, ne i koso lii onyen mo so kpa kyena akuuri mo so. Akuuri mo pewu gegyona ge laa wora fee nwe oko. Momomo pewu me sele kpelege de gibii mo kpa loo obon bele mo do, ne nkyu mo gi gyi momo.

14 Anyen abono me kya kere akuuri mo so mo, me sele kpe nten do de ndoana do me kya toge ilaa ibono i ba momo-akuuri mo so mo ma-a sa asa nno. Ne asa mo me lii kpa kere.

15 Me ba Yesu ase mo, me wu onyen mo nkana ilaa nyenyen odudu gikpen mo gi te mo so mo, o bun gikuru o te Yesu ase. O nye mo-ginyamese gewonsa. I wora asa mo gifuu ne i de momo-geno.

16 Abono me yele nfono ne me wu ilaa kamaase mo me buu ilaa ibono i wora onyen mo de ilaa ibono i wora akuuri mo sa asa abono me sele baa tu omo mo.

17 Asa abono me te genen gesinkpan mo so mo me kole Yesu yee o' lii momo-gesinkpan so.

18 Yesu kya dii o loo gikolii do mo, onyen obono nkana ilaa nyenyen odudu mo i te mo so mo gi kole mo yee o' yee de o' baa buu mo.

19 Yesu mo men kyule sa mo. O toge mo daa yee o' naa kpe gewi de o' kpa toge sa mo-ade ilaa gbaa' ibono Wurubuaare gi wora sa mo mo de genobono o su mo gitolon mo.

20 Imoso onyen mo gi naa kyon gesinkpan gebono me kya tere yee Isowole Gudu mo so. O kpa toge ilaa ibono pewu Yesu gi wora sa mo mo. Asa me nu mo, i wora momo giyan.

Yesu Gi Kyingi Gebii Kyiise Geko Ne O Kye Olobo Oko

21 Yesu gi kyu gikolii mo kii fara kpe obon bele mo gibenbe giko so. O kpe mo, asa saky me ba gigengen mo so nno baa kyaaboo mo faa fina-a.

22 Nfono mo onyen oko gi ba Yesu ase. Me kya tere mo yee Gyarase. O gye Gyuda awura gikyangbon akerebo mo do oko.

Gyarase gi wu Yesu mo, o kpelege nmii mo-ayaa do

23 ne o kole mo yee o' gyan mo giwoo. Mo-bi kyiise pii oko kya lo, o kya laare de o' wu. Imoso o' kpa kyu mo-abaa gyan gebii mo so de o' kye mo de o' nye nkpa.

24 Yesu gi kyule ne o buu onyen mo me kya kpe onyen mo gewi.

Me kya kpe mo, asa abono me buu momo mo me nyaakyo, me kya genda de abara. Imoso me de momo-nyoro ma-a kpiide de mo.

25 Men ti taa loo onyen mo gewi mo, okyii oko bo sakpii mo do i kya da de mo. I kya da de mo faa, imo nsi gudu nnyo ne.

26 O kpe-kpe aloto akyebo ase, ne o wu olaa momo-abaa do gikyo. In lee mo, i kya kii loto kine daa. O nyida mo-aterenbi abono o bo mo pewu, in taa wora sei.

27-28 O nu Yesu so mo, o toge sa mo-nyoro yee, "Me-gibaa gi taa kpe nye yii mo-egbe mo, n nyi ibono i laa kye me." Okyii mo gi buu Yesu gemara gemara baa loo sakpii mo do lii kpa yii Yesu egbe.

29 Ayaa abono so mo, ibono i kya da de okyii mo mo, i ten. Genobono i tee mo-nyoro do mo, i yee o' bii yee mo-gilo mo gi ta.

30 Nfono mo, Yesu gi dese yee mo-odudu gi wora ilaa iko, ne o kisee kere asa mo do, ne o taase yee, "Ane ne n yii me-egbe mo?"

31 Mo-akasebo mo me buu mo mo me kisee taase mo yee, "Ne aye asa kpatakper abono a kya genda de abara faa, i wone so ne fo kya taase yee oko gi yii fo?"

32 Yesu gi kisee o kya kere de o' wu okolon obono o yii mo-egbe mo.

³³ Ɔkyii mɔ nyi ilaa ibono i wɔra mɔ-nyoro dɔ so mɔ, ɔ lii kpaɔ ŋmii Yesu ansi dɔ, ɔ kya seli gyin-gyin. I wɔra mɔ gifuu, ne ɔ tɔɛ ilaa ibono i ba mɔ pɛwu gesintin sa Yesu.

³⁴ Ɔkyii mɔ gi tɔɛ ta mɔ ne Yesu yɛɛ, “Me-bi, gisɔɔgyi gibono fo bo sa me mɔ ne n kye fo faa. Imɔso naa fo kya kpe de gisen yuuli. Fo-nyoro gi' tɔɔ fo.”

³⁵ Yesu san ɔ yele ɔ kya tɔɛ ɔ kya sa ɔkyii mɔ mɔ, ako me lii Gyarase gɛwi ba. Gyarase ne n gye gikyangbon ɔkerebo ɔbono ɔ kolɛ Yesu yɛɛ ɔ' baa kye mɔ-bi sa mɔ mɔ. Me baa tɔɛ Gyarase yɛɛ, “Fo-bi mɔ gi wu'. Mene so ne fo ba fi-i nyala ɔbelense mɔ?”

³⁶ Yesu gi nu ɔkalan ɔbono me baa tɔɛ Ɔbelense Gyarase mɔ, ɔ kisee tɔɛ sa mɔ yɛɛ, “Gɛŋ sa fo' sele gifuu. Fo bere, kpe sɔɔ me gyi daa.”

³⁷ Yesu gi tɔɛ genen mɔ, ɔ gya asa mɔ pɛwu. Ɔŋ baa yɛɛ me buu mɔ baa too de Piita, Gyeemesi, de Gyɔn, Gyeemesi mɔ-tede.

³⁸ Me naa kpaɔ loo ɔbelense mɔ geten dɔ mɔ, ɔlanba ne. Asa me de osulon me yele.

³⁹ Yesu gi loo nno mɔ, ɔ taase yɛɛ, “Mene ɔlanba de osulon ne fe de fe yele genen? Gebii mɔ gɛŋ wu', gɛ de daa.”

⁴⁰ Ɔ tɔɛ genen mɔ, me kyu mɔ ŋmase daa. Nfono mɔ ɔ gya asa mɔ lii geten mɔ dɔ, ne i san gebii mɔ mɔ-sɛ de mɔ-nyi de mɔ-akasebo asa' abono me buu mɔ mɔ, ne ɔ kyu mɔmɔ loo obu mɔ dɔ nfono obuni mɔ de mɔ.

⁴¹ Ɔ keda gebii mɔ gibaa dɔ, ne ɔ tɔɛ de mɔ-gɛdɛ dɔ yɛɛ, “Talita kum!” (“Talita kum” gɛsɛ ne n gye yɛɛ “Gebolonbubii, koso.”)

⁴² Ayaa abono so mɔ, gebii kyiiise mɔ ge koso ge naa. I de mɔmɔ-gɛnɔ gikyo kyɔde. Gebii kyiiise mɔ ge gyi nsi gudu nnyɔ genen owi ɔbono.

⁴³ Ne Yesu gi ka sa mɔmɔ yɛɛ mɛŋ' sa me' tɔɛ imɔ sa ɔko-rɛ ɔko. Ne ɔ tɔɛ sa mɔmɔ yɛɛ me' laare ilaa iko sa gebii mɔ de ge' gyi.

6

Yesu Gɛwi Awura Me Mɛŋ Sɔɔ Mɔ Abaa Anyɔ

¹ Yesu gi lii genen ɔsowole ɔbono so kpe mɔ-gɛwi. Mɔ-akasebo mɔ me buu mɔ kpe.

² I fo gɛkɛ kyoolase mɔ, Yesu gi yii gɛsɛ ɔ kya nyiile asa ilaa mɔmɔ-gikyangbon dɔ. Asa abono me bo nno mɔ me nyaakyo. Me nu mɔ-ilaa nyiilese mɔ, i de mɔmɔ-gɛnɔ. Me san me kya taase yɛɛ, “Fone ne ɔde gi nye imɔ ide pɛwu lii? Fone ne ɔ nye ɔlaako ginyi gide lii? Nne so nne se ne ɔ kya nye wɔra amunale ilaa genen?”

³ In gye mɔ ne n gye kaafenta mɔ? In gye mɔ-nyi ne n gye Mariya? In gye mɔ-tedeana ne n gye Gyeemesi, Gyosefo, Gyudase de Simon? In gye aye-rɛ mɔ-pikyiana ne n te gere?” Yesu mɛŋ gye isafo sa mɔmɔ so mɔ, me mɛŋ kyule nu mɔ ase.

⁴ Yesu gi wu genen mɔ, ɔ tɔɛ sa mɔmɔ yɛɛ, “Wurubuaare ikalan ɔtɔgebo kya gyi ginsi geten kamaase, genen mɔ, mɔ-gɛwi, mɔ gbaa-gbaa geten dɔ de mɔ-subuana ase wɔra.”

⁵ Yesu mɛŋ taale wɔra amunale ilaa ibono i kya de gɛnɔ mɔ nfono. Ɔ kyu mɔ-abaa gyan daa alɔbo kalɛse ako so ne ɔ kye mɔmɔ.

⁶ I de Yesu gɛnɔ yɛɛ asa mɔ me mɛŋ sɔɔ mɔ gyi.

Yesu Gi Sun Mɔ-Akasebo Gudu Anyɔ Mɔ

Yesu gi lii nno mɔ, ɔ naa de isowole ibono i sindi nfono mɔ ɔ kya nyiile mɔmɔ Wurubuaare agyebi.

7 Ɔ tere mɔ-akasebo gudu anyɔ mɔ, ne o sun mɔmɔ yee me' naa anyɔ-anyɔ kpe isowole so, ne ɔ sa mɔmɔ olon de me' taale gya ilaa nyenyen oduduu kpei-kpei koso asa so.

8 Ɔ ka sa mɔmɔ yee, “Ɛ kya kpe faa, feɲ sa fe' puru sei-sei keda baa too de feye-iyii tugese. Feɲ sa fe' puru agyudo keda. Fe men' keda ato oworaten. Fe men' puru aterenbi wɔra feye-igo ibo do.”

9 Feɲ' sa fe' suu nɔbe nnyɔ. Ayaawole bere fe' wɔra.”

10 Yesu gi kii toge sa mɔmɔ yee, “Geten gebono do fe loo mɔ, fe' kyena nno kaabore fe laa lii osowole obono so.

11 Nengyene fe loo osowole oko so ne nno asa me kine me men' bugi ansi de feye abee me men' nu feye ase mɔ, fe lii osowole mɔ so mɔ, fe' kpiisi feye-ayaa ise yela mɔmɔ. Imɔ ne nan lee nyiile asa yee me kine Wurubuaare okalan faa mɔ, gisobiide gi de gi gyoo mɔmɔ.”

12 Gesintin mɔ, Yesu akasebo gudu anyɔ mɔ me kyon kpaa toge sa asa yee me' nu mɔmɔ-nyoro gese de me' kyeege mɔmɔ-nwɔnsa lii ilaa nyenyen giwɔra do.

13 Me kosore ilaa nyenyen oduduu kpei-kpei gikyɔ ibono i te asa so mɔ, ne me kyu nfo nko kyu nyaa alobo sakyɔ, ne mɔmɔ-aloto a ta.

Genɔɔbono I Ba Ne Gyɔn Gi Nye Lewu Mɔ

14 Wura Herode kee gi nu Yesu ilaa wɔrase mɔ so. I kya nyiile yee Yesu ginyen gi nu gyan de geten kamaase. Ako yee, “Oloobu Gyɔn obono ɔ naa kyena gyere asa Wurubuaare sagyere mɔ ne. O kyingi lii ibuni do daa so ne ɔ nye olon ɔ kya wɔra ilaa gbaa'gbaa ibono i kya de genɔ genen faa.”

15 Ako mɔ me kya soɔ akyaɔle yee, “Kuaa. Oloobu Ilaagya ne n kii ba.” Abanban mɔ yee, “Ɔ gye daa Wurubuaare ikalan otogebo fee Wurubuaare ikalan atogebo adedaabo mɔ oko.”

16 Wura Herode gi nu Yesu ilaa mɔ mɔ, mɔ-lee ibono ɔ kya toge mɔ ne n gye yee, “Gyɔn obono ne yege me ten mɔ-gimu mɔ ne n kii kyingi faa.”

17 Genɔɔbono i ba ne Wura Herode gi yege me' ten Gyɔn gimu mɔ ne n gye yee, wura mɔ mɔ-tede Filipino gi dena okyii oko, me kya tere mɔ yee Herodiyase, ne Wura Herode gi soge okyii mɔ kyu dena.

18 Gyɔn mɔ gi nu genen mɔ, ɔ kya toge wura mɔ yee, “Fo soge fo-tede mɔ-ka faa, in boran. In de okpa genen.”

19 Okyii mɔ gi nu yee Gyɔn kya kyɔle mɔ-re wura mɔ gedena mɔ mɔ, ɔ soɔ ginyadon de Gyɔn. Imoso mɔ-kuli wura mɔ gi kpaa keda Gyɔn nminde tii de obu. Okyii mɔ gi laare fee me' mɔ mɔ; on kii nye.

20 I kya nyiile yee wura mɔ nyi yee Gyɔn gi lorɔ mɔ-nyoro yela ne ɔ kya gyi gesintin sa Wurubuaare. Imoso ɔ sele mɔ, ne ɔ men' yege de me' mɔ mɔ. Ɔ kya kyena nu Gyɔn agyebi toge mɔ, mɔ-gewɔnsa do in kya kyena mɔ okpa kolon. I kii i de mɔ agyebi mɔ ginu.

21 Geke gedɛ mɔ Wura Herode kya gyi mɔ-geke korogese gesi. Imoso ɔ da gibaa tere mɔ-abelense de mɔ-asogya abelense de Galeli abelense gbaa'gbaa yee me' baa gyi geke mɔ kpaa mɔ. Genen geke gebono mɔ i bugi okpa sa Herodiyase de ɔ' nye Gyɔn mɔ mɔ.

22 Asa mɔ me gyan me kya gyi geke bele mɔ, Herodiyase mɔ-bi obolonbu oko gi lii kyaa tala asa mɔ ansi. Mɔ-gekyaa mɔ ge wɔra Wura Herode mɔ-re mɔ-asafa mɔ obole gikyɔ. Imoso ɔ ka sa obolonbu mɔ yee, “Ilaa kamaase ibono fo kya laare mɔ, toge me, nan kyu sa fo.”

²³ O kii ka sa obolonbu mọ yee, “Nengyene fo taase me ne men nyẹ sa fo mọ, ne tọw ntan. Ba-a me-gesinkpan mọ de gemọ-asa mọ gibaafon pewu ne fo kya laare mọ, nan kyu sa fo.”

²⁴ Obolonbu mọ gi lii kpaa taase mọ-nyi yee, “Menẹ ne n' tọge wura mọ yee ọ' sa me?” Ne mọ-nyi yee, “Tọge mọ yee Gyon obono ọ gyere asa Wurubuaare sagyere mọ gimu ne fo kya laare.”

²⁵ Ayaa abono so mọ, obolonbu mọ gi sele kpaa tọge wura mọ yee, “N kya laare daa Gyon obono ọ gyere asa Wurubuaare sagyere mọ gimu tangalan ọ ayaa ade so.”

²⁶ Obolonbu mọ gi taase genen mọ, i yee Wura Herode gisen ọ i nyida mọ. Ọ ti ka ntan abelense mọ ansi ọ so mọ, mọ, in kya sa mọ gikine.

²⁷ Imọso ayaa abono so mọ, o sun mọ-nten amuana mọ ọ ọko yee ọ' kpaa kyu Gyon gimu ba, ne ọ kpaa ten mọ-gimu nfono o tii de obu mọ,

²⁸ ne o kyu gimọ taga tangalan ọ kyu bara obolonbu mọ, ne obolonbu mọ gi kyu kperẹ mọ-nyi.

²⁹ Gyon akasebo mọ me nu genen mọ, me kpaa kyu mọ-gibuni mọ kyu kpaa pule.

Yesu Gi Sa Sakpii Bele Ọko Agyudo

³⁰ Yesu akasebo mọ me lii nfono o sun mọmọ mọ ba mọ, me baa buu ilaa ibono me wọra mọ de ibono me nyiile mọ pewu sa mọ.

³¹ Me ba mọ, asa me kpe ma-a dii ma-a kpelege mọmọ so. Imọso i yee men kya nye nyoro de me' gyi gbaa. Nfono ne Yesu gi tọge sa mọmọ yee, “Fe' koso de aye-wole a' kpe nfono asa men te mọ de fe' nye kyoola ọmaraa.”

³² Ne gesintin mọ, me dii loo mọmọ-gikolii ọ ne me kyon nfono asa men bo mọ.

³³ Me kya kpe mọ, asa sakyo me wu mọmọ bii. Imọso me kuu onangya lii isowole mọ pewu so kyu de gigengen so, ne me gyangbara kpaa gyoo mọmọ.

³⁴ Yesu gi lii gikolii mọ ọ yele gigengen mọ, o wu sakpii bele-bele ti ọ yele. O wu mọmọ genen mọ, mọmọ-ilaa i wọra mọ ayen, i lii fee me de fee isande ibono men bo ọkparebo. Ne o nyiile mọmọ ilaa gikyọ.

³⁵ Ọ kya nyiile asa mọ ilaa ọ kya kpe mọ, owi kya ta. Imọso mọ-akasebo mọ me kpaa tọge mọ yee, “Nfono a bo faa, i gye daa ife nsana, ne owi kya ta.

³⁶ Imọso lee asa mọ okpa de me' naa kpe isowole de ndoana nbono gi sindi gere mọ de me' kpaa nye agyudo so gyi.”

³⁷ Yesu gi kisee tọge sa mọmọ yee, “Fe' sa mọmọ ilaa iko de me' gyi.” Yesu akasebo mọ me taase mọ yee, “A' kyu aterenbi bele kyu kpaa so bodobodo bara asa ade de me' gyi?”

³⁸ Nfono ne Yesu gi taase mọ-akasebo mọ yee, “Ibodobodo ifone ne fe bo? Fe' kpaa kere de fe' baa buu sa me.” Me kpaa kere, ne me baa buu sa mọ yee, “A bo daa ibodobodo inun de iken inyo.”

³⁹ Nfono ne Yesu gi tọge yee asa mọ pewu me' kpelege kyena ife bonboli mọ so akpen-akpen.

⁴⁰ Gesintin mọ, me kyena ife mọ so akpen ako ọ, ikue inun-inun, de akpen ako mọ ọ, ikue-inyo de saalaa-saalaa.

⁴¹ Me kyena genen mọ, Yesu gi puru ibodobodo inun mọ de iken inyo mọ, ne ọ diire mọ-ansi kere soso, o kyu afaala sa Wurubuaare, ne ọ gbaa ibodobodo mọ ọ ne o kyu sa mọ-akasebo mọ de me' kyu sa asa mọ. Ọ ye iken inyo mọ kee sa asa mọ pewu.

42 Mómó pèwu mé gyi kaabo.

43 Yesu akasebo mó mé koola-koola bodobodo mó de iken agyisan mó pèwu mó, i bóla nkeebii gudu nnyo.

44 Anyen abono mé saare asa abono mé gyi agyudó mó gegyónó gé gyé anyen nwé ikue-inyó de saalaa.

Yesu Gi Naa Nkyu So, I Menj Muiine Mó Loo

45 Nfono mó, Yesu gi yége mó-akasebo mó mé dii loo gikolii mó dó de mé' gyangbara mó fara kpe Besayida, gibenbe giko mó so de mó mó ó' lée sakpii mó okpa de ó' baa tu ómó.

46 Yesu gi lée mómó-okpa ta mó, ó dii kpe abii dó de ó' kpaá dalaá.

47 I kya bun mó, i san Yesu wolé gesinkpan mó so nno yége mó-akasebo mó mé bo gikolii mó dó mé gyan nkyu so mé kya kpe. Mé ti fo nkyu mó nsansana.

48 Yesu gi wu mó-akasebo mó mé kya yiyéé de gikolii mó nkyu mó so. I kya nyiile yéé afuu a kya da ken-ken kyu kpe de nfono so mé lii de mó. Imóso i yége mé kya pale gikolii mó mé kya kpon. I baa fo sindi gibaadiike mó, Yesu naa nkyu mó so ó kya kpe de mómó ase. Ó kéré ansi wóra féé ó laa kyon mómó so.

49 Mé wu mó ó naa nkyu mó so ó kya ba mó, mé nyi yéé obuni. Mé san mé kya saawo.

50 Mómó pèwu mé wu mó mó, i nmaa mómó-asen. Ayaa abono so mó, Yesu gi tóge sa mómó yéé, "Fé' keda nyoro. Mé Yesu ne. Féj sa fé' sele gifuu."

51 Nfono mó ó dii loo mómó ase gikolii mó dó ne afuu mó a taa gida yége. A taa yége genen mó, i de mómó-génó gikyo kyóde.

52 I kya nyiile yéé genóobono Yesu gi yége ibodobodo mó i' njan mó, mé menj ti nu imó gése. Mó-mó-nwónsa dó inj bugi de mé' bii isa óbono ónan Yesu gye mó.

Yesu Gi Kye Alobo Genesarete Gesinkpan So

53 Mé fara óbon bele mó lii kpe gibenbe giko mó so, Genesarete gesinkpan so, ne mé nminde mómó-gikolii mó kyaga nfono.

54 Mé kpe mé kya lii gikolii mó dó mó, asa mé wu Yesu bii,

55 imóso mé sele gyan de gesinkpan mó pèwu mé kya sola alobo mómó-ré mómó-afengen mé de ma-a kpe nfono mé kya nu yéé Yesu bo mó.

56 Geten kamaase gebono Yesu gi kpe nye loo mó, isowolé bele-bele so-o, nsowolébi so-o, ndóó dó-o, mé kya kyu alobo kpaá yela sansana, de mé' kole mó yéé ó' yége mé' yii ba-a mó-gegbe ginébi. Gesintin mó, okamaase óbono ó nye yii mó-gegbe mó, mó-álotó a kya ta.

7

Ako Mé Kya Pené Asa Yéé Mó-mó-Nbara Gi Gye Wurubuaare-Lée

1 Farasii gikpen dó awura ako de Gyuda awura nbara anmarasebo ako mé lii Gyerusalem ósowolé so baa gyan Yesu ase.

2 Nfono mó mé wu Yesu akasebo ako mé té mé kya gyi ibono mé menj foro mómó-abaa mómó Gyuda awura itiibilaa aforobi de i' lée ilaa kyólesése sa mómó péi de mé' lóó gyi.

3 Farasii awura de mómó Gyuda awura asense mó pèwu bere mé kya wóra mómó-tiibi ilaa wórase ibono mé kase lii mómó-seana ase mó, imóso menj kya gyi yéé mé menj foro mómó-abaa itiibilaa aforobi.

4 Mómò-ílaa kyose i nyaakyo gikyo. Nengyene ba-a me lii gígya ba mɔ, me kya kyu nkyu ñmade mómò-nyoro pei de me' loo nye gyi. Ne me kya kyu nkyu ñmade nwe, nlobi, de ikuruwa de sei ɔɲ' sa ɔ' kyolese mómò-Wurubuaare ɔson.

5 Imo so Farasii awura mɔ de Gyuda awura nbara aɱmarasebo mɔ me taase Yesu yee, "I wone so ne fo-akasebo mɔ me kya kere ansi taa aye-itiibilaa mɔ giwɔra yege daa? Imo ne n gye yee me laa gyi mɔ, men kya foro mómò-abaa aye-itiibilaa aforobi mɔ de sei ɔɲ' sa ɔ' kyolese mómò-Wurubuaare ɔson."

6 Abelense mɔ me taase Yesu genen mɔ, ɔ lee geno kyu bun mómò gipuee yee, "Wurubuaare ɔkalan ɔbono Isaya gi nu toge mɔ i kyena de feye-gikereansi ilaa wɔrase ide gesintin so. Isaya gi nu Wurubuaare gi toge yee,

'Ansi so ne me-asa ade me kya lee me-ginyen;

Mómò-nwɔnsa do bere, me-re mómò aɲ bo gese.

7 Me kya son me daa ansi so giyan.

I kya nyiile yee anyamese-lee nbara ne me de me kya penɛ me kya nyiile asa yee i gye me Wurubuaare-lee.'

8 Feye Farasii awura de nbara aɱmarasebo mɔ, fe too Wurubuaare-lee nbara mɔ fue ne fe san fe kya gyi daa anyamese-lee tiibi ilaa wɔrase mɔ so."

9 Yesu gi kii toge mómò yee, "Genoobono fe nyaa Wurubuaare nbara mɔ yela nkan de fe' nye sii de feye anyamese itiibilaa faa mɔ, fe wɔra ilaa ne?"

10 Adedaabo owi mɔ, Wurubuaare gi yela nbara sa Mosisi yee o' kyu sa feye. Nbara mɔ nko ne n gye yee,

'Buu fo-se de fo-nyi.'

Nko kee ne n gye yee,

'Fo ɔbono fo toge nno wɔra fo-se abee fo-nyi mɔ, me' mɔɔ fo.'

11 Feye Farasii awura de nbara aɱmarasebo ade bere, feɲ kya gyi nbara nde so. Ōko bo no, ɔ laa soɔ ginyadon wɔra mɔ-nyi de mɔ-se, ɔɲ kya laare me' yii mɔ-ilaa. Ō laa toge sa mómò yee, 'Ílaa ibono n bo ne nkana nan kyu kpaa feye mɔ, feɲ baa nye yii imɔ, i gye Koriban.' (Koriban gye ntan nbono i kya nyiile yee ne lɔro imɔ yela sa Wurubuaare.)

12 Ō ka Koriban ntan ne gemara o nu mɔ-nyoro gese yee in boran mɔ, feye Gyuda awura nbara aɱmarasebo de Farasii awura mɔ feɲ baa fa-a yege mɔ de ɔ' lee Koriban ntan mɔ de mɔ-nyi abee mɔ-se me' nye yii mɔ-ilaa.

13 Feye-anyamese itiibilaa ide so mɔ, fe kya nyaa Wurubuaare agyebi mɔ yela nkan. Feye-itiibilaa ide ne fe de fe kya nyiile feye-biana baa lii de nde faa. In gye yee Koriban ntan nde wole gbaa; fe kya wɔra imɔ ide ɔnan kee gikyo."

Nyamese Nwɔnsa Ne N Kya Kyolese Mɔ-Wurubuaare ɔson

14 Yesu gi kii tere sakpii ɔbono ɔ bo nfono mɔ ba mɔ ase ne ɔ toge sa mómò yee, "Feye pewu fe' yela giso de fe' nu gese yee

15 sei men bo no i laa loo nyamese geno do de i' kyolese mɔ-Wurubuaare ɔson. Genen mɔ, ilaa ibono i kya lii mɔ-geno do mɔ wole ne n kya kyolese mɔ-Wurubuaare ɔson. [

16 Ōkamaase ɔbono ɔ bo aso mɔ, o' nu."]

17 Yesu gi taa sakpii mɔ yege ne ɔ loo geten do mɔ, mɔ-akasebo mɔ me taase mɔ ilaa ibono ɔ toge sa sakpii mɔ mɔ gese.

¹⁸ Yesu gi lɛɛ gɛnɔ taase mɔmɔ yɛɛ, “Imɔso fɛye kee fɛye-nwɔnsa dɔ in ti bugi de fɛ' nu ilaa gɛsɛ? Imɔso fɛ mɛn nyi yɛɛ sɛi mɛn bo no i laa loo nyamese gɛnɔ dɔ de i' kyɔlese mɔ-Wurubuaare ɔson?”

¹⁹ I kya nyiile yɛɛ in kya loo mɔ-gewɔnsa dɔ, i kya loo daa mɔ-ɔtɔ dɔ de ɔ' kɔɔ fɛɛ.” Yesu gi tɔge genen mɔ, ɔ lɛɛ nyiile yɛɛ ilaa gyise kamaase i boran; in kya kyɔlese nyamese Wurubuaare ɔson.

²⁰ Yesu gi kii lɛɛ gɛsɛ bɔla yɛɛ, “Ilaa ibono i kya lii nyamese gewɔnsa dɔ mɔ ne n kya kyɔlese mɔ-Wurubuaare ɔson.

²¹ I kya nyiile yɛɛ nyamese kya sa gewɔnsa pei ne ɔ kya wɔra ilaa nyenyɛn fɛɛ ɔ kya laare ogyibara, ɔ kya yuuri, ɔ kya mɔɔ asa,

²² ɔ kya lii mɔ-ka abɛɛ mɔ-kuli gemara, ɔ kya wɔra onsipara, ɔ kya sa gekpe nwɔnsa, ɔ kya pene asa, ɔ kya wɔra ilaayan, ɔ bo gelaaloo, ɔ kya nyida asa, ɔ kya nyiile mɔ-nyoro, ne ɔ kya wɔra ilaa gyaga.

²³ Genen ilaa nyenyɛn idɛana pɛwu i kya lii nyamese gewɔnsa dɔ ne imɔ ne n kya kyɔlese mɔ-Wurubuaare ɔson.”

Isafokyii Gi Sɔɔ Yesu Gyi

²⁴ Yesu gi koso lii nno kyon kpe gesinkpan geko so, gɛ sindi Taya [de Sidon isowolɛ]. ɔ fo nno mɔ, ɔ kpaa loo geten geko dɔ. ɔn kya laare de ɔko ɔ' wu mɔ. ɔn bo nara dɔ so mɔ, imɔ pɛwu i wɔra gyan.

²⁵⁻²⁶ Mɔ-rɛ mɔ-giloo mɔ, ɔkyii ɔko gi nu mɔ so. Ilaa nyenyɛn oduduu i tɛ genen ɔkyii mɔ mɔ-bi kyiiise so. ɔkyii mɔ gi baa kpelegɛ dɛ Yesu ayaa dɔ, ne ɔ kole mɔ yɛɛ ɔ' gya genen ilaa nyenyɛn oduduu mɔ koso mɔ-bi mɔ so sa mɔ. ɔkyii mɔ gi lii Sirofinisiya gesinkpan so. ɔn gye asa abono mɛ kya son Wurubuaare mɔ dɔ isa.

²⁷ ɔkyii mɔ gi kole Yesu mɔ, Yesu gi tɔge sa mɔ yɛɛ, “In kaabore fɛɛ ɔko ɔ' kyu nbii agyudɔ kyu too sa igyoono abere abono nbii mɔ mɛn ti gyi mɔ.”

²⁸ ɔkyii mɔ yɛɛ, “Me-wura, i gye gesintin bere. Imɔ, mɔ, igyoono gbaa kee mɛ kya nye tɔɔsɛ ibono nbii mɛ kya gyi ne i kya lii tɔrɔ lɛpɛ gikɔɔdɔ mɔ gyi.”

²⁹ Ne Yesu gi kisee tɔge sa ɔkyii mɔ yɛɛ, “Ibono fo tɔge faa so mɔ, ne yɛgɛ ilaa nyenyɛn oduduu mɔ gi koso fo-bi mɔ so, imɔso fo bere, naa kpe gewi.”

³⁰ Gesintin mɔ, ɔkyii mɔ gi kii kpe gewi mɔ, ɔ kpaa wu mɔ-bi mɔ dɛ gifengen so; ilaa nyenyɛn oduduu ibono nkana i tɛ gɛbii mɔ so mɔ i koso.

Yesu Gi Kyɛ Omuumuu

³¹ Yesu gi lii gesinkpan gebono gɛ sindi Taya ɔsowolɛ so mɔ kpaa loo lii Sidon ɔsowolɛ so kyu genen-n kpaa lii gesinkpan gebono so Isowolɛ Gudu mɔ i bo mɔ baa fo ɔbon bele ɔbono mɛ kya tɛrɛ mɔ yɛɛ Galeli mɔ ase.

³² Asa ako mɛ kyu ɔlɔbo ɔko kyu baa tu Yesu. ɔlɔbo mɔ gye daa osintiribu ne ɔ kya tɔngɛ mɔ, in kya lii dɔɔdan. Nfono mɔ asa mɔ mɛ kole Yesu yɛɛ ɔ' wɔra aniya de ɔ' kyu mɔ-gibaa gyan ɔlɔbo mɔ so de mɔ-gilo mɔ gi' ta.

³³ Yesu gi kyu ɔnyɛn mɔ lii sakpii mɔ dɔ kpe nkan ne ɔ kyu mɔ-abaabi wɔra ɔnyɛn mɔ aso dɔ. Imɔ gemara mɔ, ɔ too akyɔle bun mɔ-gibaabi so ne ɔ kyu yii ɔnyɛn mɔ ɔnandii.

³⁴ Ne Yesu gi diire mɔ-ansi kerɛ soso ne ɔ muusi. ɔ kisee kerɛ ɔnyɛn mɔ ne ɔ tɔge de mɔ-gɛdɛ dɔ yɛɛ “Efata”. (Efata gɛsɛ ne n gye yɛɛ, “Tigi”.)

³⁵ Nfono mɔ ɔnyɛn mɔ aso mɔ a tigi, ne ɔ san ɔ kya nu ilaa, ne mɔ-ɔnandii kee gi sange ɔ san ɔ kya tɔngɛ dandan.

³⁶ Yesu gi kyɛ ɔnyɛn mɔ mɔ, ɔ da asa mɔ tii yɛɛ mɛn sa mɛ' buu ilaa idɛ sa ɔko-rɛ ɔko. ɔ kya gya mɔmɔ mɔ, i kya lɔrɔ wɔra mɔmɔ iwen daa.

³⁷ Genoobono Yesu gi kye onyen mo mo, i wora okamaase giyan. Me san ma-a toge yee, "Yesu kya wora daa ilaa dense so-o. Isintiribu de imuumuu gbaa, o kya kye momo me kya nu ilaa ne me kya tonge."

8

Yesu Gi Sa Sakpii Bele Agyudo

¹ Genen nke nbono do mo asa me kii gyan Yesu ase faa fiye-e. Osowole men bo nno, ne asa mo men bo agyudo de me' gyi. Nfono mo Yesu gi tere mo-akasebo mo, ne o toge sa momo yee,

² "Nde nke nsa ne asa gikpen bele gide me buu me faa, me men baa me bo agyudo de me' gyi. Imoso momo-ilaa i bo me ayen.

³ Nengyene ne toge momo yee me' naa kpe momo-nwi yee me men nye sei gyi mo, me laa toro agbale okpa do. Ako me man taale loo gewi. Momo ako me lii geta-geta."

⁴ Yesu akasebo mo me taase mo yee, "Ife nsana gere, nne ne a laa nye agyudo sa genyamesebi gede de me' gyi?"

⁵ Yesu gi taase mo-akasebo mo yee, momo-lee bodobodo mo me bo mo i gye ifone? Me lee geno yee i gye sono.

⁶ Nfono mo, o toge asa abono pewu me buu momo mo yee me' kyena. Me kpelege kyena gesinkpan mo, o puru ibodobodo sono mo, o kyu afaala sa Wurubuaare, ne o gbaa-gbaa imo do kyu sa mo-akasebo mo yee me' ye sa sakpii mo de me' gyi. Ne me soo ye sa momo.

⁷ Mo, me bo nkenbii kalase nko. Nfono ne o soo nkenbii mo ne o kii kyu afaala sa Wurubuaare ne o kiri sa momo yee me' kyu ye sa asa mo de me' kyu gyi de momo-bodobodo mo.

⁸ Me ye genen mo, okamaase gi nye gyi kaabo, ne i fo momo kii san. Me koola agyisan mo, i bola nkeebii sono.

⁹ Asa abono me gyi amo mo gegyono ge laa wora fee nwe ikue-inyo.

Asa mo me gyi ta mo, Yesu gi lee momo-okpa, ne me kyon gewi.

¹⁰ Nfono mo Yesu mo-re mo-akasebo mo, mo, me san dii loo momo-gikolii do ne me kyon Domanuta gesinkpan so.

Farasii Awura Ako Yee Yesu O' Wora Ilaa Leenyiilese Sa Omo

¹¹ Me bo nno mo, Farasii gikpen do awura ako me baa soo akwole de Yesu. Me laare fee o' wora ilaa leenyiilese lii Wurubuaare do sa momo de me' nye bii yee Wurubuaare ne n sa mo olon obono o de mo. Me kya laare o' wora genen mo, me kya daase mo me kya kere.

¹² Yesu gi songa faa fo-o ne o toge yee, "Mene n wora ne nde asa ade me kya laare ilaa leenyiilese de me' wu genen? Gesintin ne n' kya toge feye faa, me man nye ba-a ilaa kolon wu de ansi."

¹³ Nfono ne o naa taa momo yee, ne o kii dii loo gikolii mo do fara kpe obon bele mo gibenbe giko mo so.

Bodobodo Gelin Gikpale

¹⁴ Me kya kpe mo, me tan me men laare agyudo keda. Bodobodo kolon ne n san momo ase gikolii mo do.

¹⁵ Yesu gi ka mo-akasebo mo yee, "Fe' kere feye-nyoro so doodan. Farasii gikpen do awura de Wura Herode ilaa mo i de fee gelin gebono ge kya yee bodobodo kya njan mo."

¹⁶ Yesu gi ka momo genen mo, me kyu me kya taase abara yee, "Ibono a men de bodobodo mo so ne o toge aye genen faa abee?"

17 Me kya taase abara genen mo, Yesu gi ti bii ilaa ibono me dare mo. Imoso o taase momo yee, "Mene n wora ne fe kya tonge kyu lii bodobodo obono fe menj de mo so? Fej ti bii isa obono n gye mo? Meneto so ne feye-aso do i koru ifuu genen?"

18 Fe bo ansi, yee fe menj kya wu. Fe bo aso, yee fe menj kya nu. Imoso fe tan

19 owi obono ne gbaa-gbaa ibodobodo inun do ne asa nwe ikue-inyo de saalaa me gyi kpon mo? Agyisan nkeebii nfone ne fe koola mo?" Mo-akasebo mo me lee geno yee, "Nkeebii gudu nnyo."

20 Ne Yesu gi kii taase momo yee, "Ne owi obono ne gbaa-gbaa ibodobodo sono mo do kyu sa asa nwe ikue-inyo mo de? Agyisan nkeebii nfone ne fe koola mo?" Mo-akasebo mo me kii lee geno yee, "Nkeebii sono."

21 Nfono ne Yesu gi kii taase momo yee, "Imoso fej ti nu gese?"

Yesu Gi Kye Gyaatanbo

22 Yesu mo-re mo-akasebo mo me baa fo Besayida osowole so. Osowole mo so asa ako me kyu onyen oko baa tu Yesu. Onyen mo gye daa gyaatanbo. Me ba mo, me kole Yesu yee o' wora aniya de o' kyu mo-abaa gyan mo so sa momo de mo-ansi mo a' bugi.

23 Yesu gi keda gyaatanbo mo gibaa do kyu mo lii nten nkan ne o too akyole wora mo-ansi do ne o kyu mo-abaa bun mo-ansi mo so. Yesu gi lee mo-abaa onyen mo-ansi mo so ne o taase mo yee, "Fo kya wu ilaa iko?"

24 Gyaatanbo mo gi diire mo-ansi ne o kere mo, o toge yee, "N kya wu asa. Mo, me de fee iyii me naa me naa."

25 Ne Yesu gi kii kyu mo-abaa bun gyaatanbo mo ansi mo so ne o lee. Nfono mo gyaatanbo mo gi kii loru kere mo, mo-ansi mo a bugi. O san o kya wu ilaa kamaase doodan.

26 Yesu gi kye gyaatanbo mo ta mo, o toge mo yee o' naa kpe mo-gewi. O menj' sa o' kyu de osowole mo so.

Piita Gi Lee Toge Isa Obono Onan Yesu Gye Mo

27 Yesu mo-re mo-akasebo mo me yii okpa me kya kpe isowole ibono i sindi Sesariya Filipayi osowole so mo. Me naa me kya kpe mo, Yesu gi taase mo-akasebo mo yee, "Asa ase mo, mene nyamese onan ne n' gye?"

28 Ne mo-akasebo mo me lee geno yee, "Ako me kya toge yee fo gye Oloobu Gyon obono o naa kyena gyere asa Wurubuaare sagyere mo. Ako mo yee Kuaa! Fo ne n gye Oloobu Ilaagya. Ne ako, mo, yee Wurubuaare ikalan atogebo iloobu mo do oko kpei ne n kyingi lii ibuni do ba genen."

29 Nfono ne Yesu gi kii taase mo-akasebo mo yee, "Ne feye mo de? Mene nyamese onan ne fe nyi yee n' gye?" Piita gi lee geno yee, "Fo ne n gye obono Wurubuaare gi sun de fo' baa molege asa de me' nye Wurubuaare ase gekyena mo."

30 Piita gi lee geno genen mo, Yesu gi ka sa mo-akasebo mo yee me menj' sa me' toge sa oko-re oko nyamese obono onan o gye mo.

Yesu Gi Toge Mo-Giwukyingi Mo So Ilaa

31 Nfono ne Yesu gi yii gese o kya nyiile momo yee, "I gye ibono i laa ba yee me, anyamese pewu momo-daa mo, n' wu olaawuse kpei-kpei gikyo. Gyuda awura asunbi alebo abelense de nbara anmarasebo de momo-abelense sense mo me laa kine me, ne me laa yee asa me' mo me. Me mo me mo, imo geke sase mo, nan kyingi lii ibuni do."

32 O toge tigi momo, on nara momo. Ne Piita gi kyu mo lii nkan ne o gya mo yee on baa toge genen.

³³ Ne Yesu gi kisee kerε mɔ-akasebo sense mɔ, ne ɔ gya Piita yεε, “Naa me ase; ilaa nyenyen gεmu! Fo-gewɔnsa gεŋ gyan Wurubuaare gelaare so. Anyamese-lεε gelaare so ne fo-gewɔnsa gε gyan.”

³⁴ Nfono ne Yesu gi tere sakpii mɔ ba mɔ ase daboλε de mɔ-akasebo mɔ ne ɔ tɔge sa mɔmɔ yεε, “Ɔbono ɔ kya laare de ɔ' wɔra me-ɔkasebo mɔ, kaase mɔ o' kyu mɔ-nyoro fue, o' kyule wu awɔrɔfɔɔ me so, de ɔ' kase me-gidebi. Ba-a me laa da mɔ anjanbi oyii so mɔɔ mɔ, mε' da mɔ.

³⁵ I kya nyiile yεε fo ɔbono fo kya korɔse fo-nkpa fo kya yela fo-gibaa so mɔ, Wurubuaare ase gekyena ɔnan mɔ gε laa lii fo-gibaa. Ne fo ɔbono, mɔ, kyu lii me-rε me-ɔkalan konkonse mɔ so ne fo-nkpa gi lii fo-gibaa mɔ, fo laa nye Wurubuaare ase gekyena.

³⁶ Fo nyamese fo nye gesinkpan gedε so ilaa kamaase pεwu gyan ne fo too fo-ɔkyenaten Wurubuaare ase mɔ fue mɔ, fo nyi yεε fo nye gekyena ne?

³⁷ Menε ne fo laa kyu sa Wurubuaare de fo' kii nye ɔkyenaten mɔ ase?

³⁸ Gekyena gedε dɔ mɔ fe te saare asa abono me kya wɔra ilaa nyenyen ne mεŋ kya gyi gesintin sa Wurubuaare mɔ. Imɔso fe' keda feye-nyoro. Nengyene asa adε ansi dɔ ne i bo fo ɔko ipeeli yεε fo kya son me abεε fo kya sɔɔ me-agyεbi mɔ gyi mɔ, genen kee ne i laa wɔra me, anyamese pεwu mɔmɔ-daa mɔ, ipeeli sa fo genen kaase ɔbono, gεkaabono nan kii ba gesinkpan so mɔ. Genen gεkaabono mɔ me-se Wurubuaare laa keda mɔ-isoɔ sun lii Wurubuaare dɔ. Me-rε ɔmɔ ne nan ba, ne me-se Wurubuaare laa lεε me-nyisigyι nyiile asa.”

9

¹ Yesu gi kii tɔge sa mɔmɔ yεε, “Gesintin ne n' kya tɔge feye faa, feye abono fe yele gεrenaa faa, fe maŋ wu' ta pei ne fe laa wu Wurubuaare gewuragyι gekyena gε ba anyamese dɔ ne Wurubuaare gi lεε mɔ-ɔlon nyiile.”

Wurubuaare Gi Lεε Yesu Nyisigyι Nyiile Mɔ-Akasebo Asa' Ako

² Imɔ nke nsee gεmara mɔ, Yesu gi kyu mɔ-akasebo Piita, Gyeemesi, de Gyɔn ne me dii kpe gibii bele giko so mɔmɔ wole. Mε bo nno genen mɔ, Yesu nyoro gi kyεεge kii lɔrɔ wɔra ɔdan too,

³ ne mɔ-ngbe nbono ɔ suu mɔ gi fuuli faa pare-pare, gi kya ηelegi. Gesinkpan gedε so mɔ, nyamese maŋ taale foro ilaa de i' lii fuuli pare-pare genen.

⁴ Mε baa kii kerε mɔ, iloobu inyɔ iko ne: Ilaagya mɔ-rε Mosisi. Mε ba Yesu ase, mɔmɔ-rε mɔ me yele me kya gyi nsingyi.

⁵ Mε yele genen mɔ, Piita gi ten loo tɔge atɔgekpane sa Yesu yεε, “Ɔbelense, i wɔra ɔdan yεε a bo gere. Yege de a' yii ipanpan isa' sa feye: fo-lεε ɔko, Ilaagya-lεε ɔko, de Mosisi-lεε ɔko.”

⁶ Yesu akasebo mɔ me wu iloobu mɔ genen mɔ, i ηmaa mɔmɔ-gisen ne i wɔra mɔmɔ gifuu. Piita mεŋ bii ilaa ibono ɔ laa tɔge mɔ. Imɔ ne n bara mɔ-atɔgekpane mɔ genen.

⁷ Mɔmɔ pεwu me san me yele mɔ, gibuntɔ giko gi ba baa bun mɔmɔ so faa kpem, ne Wurubuaare gigyεbi gi lii gibuntɔ mɔ dɔ tɔge sa akasebo mɔ yεε, “Me-gisen dɔ obi ne n gye Yesu, fe' nu mɔ ase.”

⁸ Ayaa abono so mɔ, Yesu akasebo mɔ me kerε kyaabɔɔ mɔ, mεŋ baa wu ɔko baa too de Yesu.

9 Me kya kpelege ma-a ba mo, Yesu gi da momo tii yee, "Feh sa fe' toge ilaa ibono fe wu faa sa oko nperε. Me, anyamese pewu momo-daa mo, ne wu' kii kyingi lii ibuni do mo, pei de fe' loo gyi imo so gesingyi sa asa."

10 O gya momo mo, me nu mo ase; me menj buu sa oko. Momo-wole ne n taase abara yee, "Ibono o dare yee o laa wu' de o' kii kyingi faa mo, imo gese ne n gye nne?"

11 Ne Yesu akasebo mo me taase mo yee, "Aye Gyuda awura nbara anmarasebo mo me kya kyena toge sa aye yee Oloobu Ilaagya laa kii lii Wurubuaare do ba pei de obono Wurubuaare laa sun yee o' baa gyi gewura Wurubuaare ade so mo o' loo ba. Ne fo ne n gye genen isa obono mo, mene n wora so ne Ilaagya menj baa gyangbara fo ba?"

12 Yesu gi lee geno yee, "I gye gesintin yee i kaabore Ilaagya o' gyangbara ba de o' baa loro ilaa kamaase pei de n' loo ba. Me nmarase me, anyamese pewu momo-daa mo ilaa Wurubuaare agyebi mo do yela yee i gye ibono i laa ba yee n' wu aworofoo gikyo asa abaa do de menj' kyu me tere sei. Ilaa ibono me nmarase genen mo gese ne n gye mene?"

13 N' toge feye yee Ilaagya gi ti wolaa kii ba, ne ibono Gyuda awura me kya laare mo me ti kyu wora mo fee genobono me wolaa nmarase wora Wurubuaare agyebi mo do mo."

Yesu Gi Kosore Ilaa Nyenyen Oduduu Gebii Geko So

14 Me kpelege me kya ba Yesu akasebo sense mo ase mo, me wu sakpii yeke kyaaboo momo; momo-re nbara anmarasebo me kya soo akyoolε.

15 Sakpii mo gi da de ginsi wu Yesu kya ba mo, i de sakpii mo geno gikyo, ne me sele kpa gyangara mo, ne me faala mo.

16 Ne Yesu gi taase momo yee, "Mene gesingyi ne feye-re me-akasebo fe kya gyi mo?"

17 Nfono mo oko gi lee geno lii sakpii mo do yee, "Obelense, ilaa nyenyen oduduu oko te me-bi nyense so, i kya yege genj kya taale tonge. Imoso ne kyu mo ba fo ase.

18 Nengyene i kyena gemo so mo, i kya kuu gemo too gesinkpan. I san mo, gemo-gemo do i kya furu afuru, ne ge kya we gemo-anyi. Gemo-nyoro gi kya san faa denkesen. Ne ba ne menj tu fo mo, ne kole fo-akasebo mo yee me' gya genen ilaa nyenyen oduduu mo koso gemo so sa me mo, me menj taale."

19 Ne Yesu gi toge sakpii mo yee, "O! Feye nke nde do asa! Feh kya soo Wurubuaare gyi. Nke nfone ne nan kyena feye ase, n kpe mi-i nye gisen mi-i sa feye daa? Fe' kyu gebii mo bara me."

20 Ne me kyu gemo bara mo.

Ilaa nyenyen oduduu mo gi wu Yesu mo, ayaa abono so mo, i kyu gebii mo too gesinkpan. Ge san ge kya belen, ge kya kpiri, ne gemo-gemo do i kya furu.

21 Ne Yesu gi taase gebii mo mo-se yee, "I kya wora gemo ofaanan faa, i ti keela?" Gebii mo mo-se gi lee geno yee, "Lii ko-o gemo-nbii do ne i yii gemo."

22 I kya laare i' moo gemo so mo, i kya kyu gemo kyu too ogya do de nkyu do. Nengyene fo laa taale wora ilaa iko kyu lii imo so mo, su aye so de fo' molege aye."

23 Yesu gi taase mo yee, "Fo yee, 'nengyene nan taale mo'? Imoso fo kya soo akyoolε yee manj taale? Nu yee obono o kya soo Wurubuaare gyi mo, ilaa kamaase i kya wora sa mo."

24 Gebii mo mo-se gi kpe nu yee gisoo gyi ne n tiri mo, o kyu osulon kole mo yee, "N kya soo Wurubuaare gyi bere. Ibono menj soo gyi mo, yee ne' soo gyi."

25 Yesu gi wu yee sakpii mo kya nyaakyo o kya too mo, o toge sa ilaa nyenyen oduduu mo yee, "Fo ilaa nyenyen oduduu obono fo te gebii gede so, ne fo yee ge bingiri gemugamuga de osintiribu mo, n kya toge mi-i sa fo yee, koso gemo so, n kere fo faa, de forj' baa kii ba gemo so geakaako."

26 Ilaa nyenyen oduduu mo gi lokede saawo, ne i kyu olon nyala gebii mo kerii-kerii pei ne i koso gemo so. I koso taa gebii mo yee mo, ge san ge de fee obuni. Asa sakyo me kya toge yee ge wu' daa.

27 Nfono ne Yesu gi keda gemo-gibaa do puru ne ge koso yele.

28 Yesu gi kpaaloo obu do mo, mo-akasebo mo me baa taase mo momo-wole yee, "I wone so ne aye bere, a menj taale gya ilaa nyenyen oduduu mo koso gebii mo so daa?"

29 Me taase Yesu genen mo, o toge sa momo yee, "Sei menj bo no i laa taale gya ilaa ideana onan koso, genen mo, [geno nminde de] gedalaa."

Yesu Gi Kii Toge Mo-Giwukyingi Mo So Ilaa

30 Me lii nfono mo, me naa loo Galeli gesinkpan so me kya kyon. Yesu menj kya laare de oko o' bii nfono so me bo de mo.

31 I kya nyiile yee o kya laare de o' nyiile mo-akasebo mo ilaa momo-wole. O kya nyiile momo ilaa mo, o toge sa momo yee, "Owi mo gi fo ibono me-akyobo me laa kyu me, anyamese pewu momo-daa mo, wora asa ako abaa do de me' mo me. Me mo me mo, imo geke sase mo, nan kyingi lii ibuni do."

32 O buu sa omo genen mo, me menj nu imo gese. I kii i bo momo gifuu de me' taase mo.

Isa Obono Onan O Don Mo-Nanboana Mo

33-34 Yesu mo-re mo-akasebo mo me kya kpe Kapenyon osowole so. Me naa okpa do me kya kpe mo, mo-akasebo mo me kya soo akycole yee momo do mo, ane ne n don mo-nanbo. Me loo geten do mo, Yesu gi taase mo-akasebo mo yee, "A kya ba mo, mene akycole ne fe kya soo mo?" Me sii kurun. I kya nyiile yee ipeeli i gyi momo kyu lii akycole mo so.

35 Ne Yesu gi kpelege kyena ne o tere mo-akasebo gudu anyo mo ba mo ase ne o toge sa momo yee, "Nengyene oko kya laare gebelense o' gyi mo, i kaabore o' wora mo-nyoro fee gebii de o' wora dega sa okamaase."

36 Nfono ne Yesu gi keda gebii pii geko, ne o kyu gemo yele momo-ansi do, ne o kyu mo-abaa mili gemo kyaaboo, ne o toge sa momo yee,

37 "Nengyene me so ne fo oko fo bugi ansi de gebii geko fee gede onan mo, me ne fo bugi ansi de genen. Ne fo bugi ansi de me mo, fo bugi ansi de me-se obono o sun me mo kee ne."

Yesu Yee Obono Oj Kya Kyo Mo Mo Yele Mo-Gemara Ne

38 Ne Gyon gi toge sa Yesu yee, "Obelense, a wu onyen oko o de fo-ginyen o kya gya ilaa nyenyen oduduu kpei-kpei o kya koso asa so. Kaase mo menj kii o bo aye do, imoso a gya mo yee oj' baa wora genen."

39 Ne Yesu gi lee geno sa mo yee, "Fe san wu genen mo, fenj' baa gya mo. Obono o de me-ginyen o kya wora amunale ilaa mo, genen kaase obono manj baa kii toge ilaa nyenyen iko kyu lii me so ayaa abono so.

40 I kya nyiile yee obono oj kya soo akycole de aye mo, o yele aye-gemara ne.

41 Ibono fe kya son me, Kirisito, mo so ne oko gi sa feye ba-a nkyu nunse mo, n kya toge feye gesintin, kaase mo man wora imo too nkyu do gyan. Wurubuaare nteela gi de sa mo.

Feh Kere Dandan Mo, Fe Man Nye Kyena Wurubuaare Ase

42 “Obono, mo, o laa yege apiipii abono me so me gyi mo do oko gisoo gyi gi' koso me so mo, nengyene fee me kyu gibui bele nminde kyaga de kaase obono giboo ne me too mo wora apoo do mo, i tese i bo.

43-44 Imoso nengyene fo-gibaa gi kya yege fo-gisoo gyi gi' koso me so mo, kebi gimoo fue! I boran yee fo kyu gibaa kolon de fo' kpa kyena Wurubuaare ase mo don ibono Wurubuaare laa kyu fo-re fo-abaa anyoo too wora ogya obono on kya wu' geakaako mo do mo.

45-46 “Nengyene fo-giyaa gi kya yege fo-gisoo gyi gi' koso me so mo, kebi gimoo fue! I boran yee fo kyu giyaa kolon kpa kyena Wurubuaare ase don ibono Wurubuaare laa kyu fo-re fo-ayaa anyoo too wora ogya obono on kya wu' geakaako mo do mo.

47 “Nengyene fo-ginsi gi kya yege fo-gisoo gyi gi' koso me so mo, bogede gimoo lee fue. I boran yee fo' kyu ginsi kolon kpa kyena Wurubuaare gewuragi mo do don ibono Wurubuaare laa kyu fo-re fo-ansi anyoo too wora ogya do mo.

48 Nno bere i don gesinkpan so gibiinaa de gekyan gbaa bun.

Imo-lee ogya onan men kya nu giwu',
ne nno ilaa gyose-lee asonsoo an kya wu' geakaako.

49 “Ogya laa fuo okamaase. Obono o loo lii mo, i laa lora mo fee genobono nfole gi kya lora ipo mo.

50 Nfole gi bo kon. Nengyene fee nfole gi ta nmo-okon mo, nne ne fe laa wora nmo de gi' kii wora okon? In bo sei fe laa taale wora. Imoso fe' wora fee nfole sa abara de fe' nye gisen yuuli kyu kyena.”

10

Yesu Gi Nyiile Mo-Akasabo Mo Okyii Gikine Ilaa

1 Yesu gi koso lii nno, ne o kpe Gyudiya gesinkpan so de Gyoodan obon mo gibenbe giko so. Sakpii gi ti kpa kyaaboo mo, ne o nyiile momo ilaa fee genobono o wolaa o kya wora mo.

2 Nfono mo Farasii gikpen mo do awura ako me baa soo Yesu idoo kere. Genen so mo, me taase mo yee, “Aye-nbara do mo, i de okpa fee onyen o' kine mo-ka?”

3 Ne Yesu gi kisee taase momo yee, “Mene nbara ne Mosisi gi yela sa feye kyu lii okyii gikine so?”

4 Me lee geno yee, “Mosisi yee, nengyene onyen laa kine mo-ka mo, o' sa mo gikine owole de o' lee mo okpa.”

5 Me lee geno genen mo, Yesu gi toge sa momo yee, “Ibono feye-aso do i koro ifuu mo so ne Mosisi gi yela nbara nde sa feye genen.

6 Nkana me nmarase yela Wurubuaare agyebi owole mo do yee lii ko-o abera abono Wurubuaare gi lee soso de gese mo,

'o lee onyen oyuduu de okyii oyuduu'.

Me kii nmarase yee,

7 'Imo ide so ne onyen kya taa mo-se de mo-nyi yege
de o' kyu mo-nyoro mada de mo-ka

8 de me' bingiri nyamese kolon mo.'

Imoſo ɔnyen mɔ-re mɔ-ka mɛŋ baa mɛ gye asa anyɔ, mɛ bingiri nyamese kolon.

⁹ Ibono Wurubuaare ne n kyu mɔmɔ dabole wɔra nyamese kolon faa mɔ, ɔko ɔŋ sa ɔ' barage mɔmɔ dɔ."

¹⁰ Yesu mɔ-re mɔ-akasebo mɔ mɛ kii ba geten dɔ mɔ, mɔ-akasebo mɔ mɛ kii lɔrɔ taase mɔ kyu lii gedena gesingyi mɔ so.

¹¹ Ne Yesu gi tɔge mɔ-akasebo mɔ yɛɛ, "N kya tɔge mi-i sa fɛye yɛɛ nengyene fo kine fo-ka kpaa kyu ɔkyii pobɔrɔ mɔ, fo tɔrɔ Wurubuaare gelaare adenabi nbara. ɔ kya kyu imɔ yɛɛ ɔko mɔ-ka ne fo laare genen.

¹² Ne fo ɔkyii ɔbono fo kine fo-kuli kpaa dena ɔnyen pobɔrɔ mɔ, fo kee fo tɔrɔ Wurubuaare gelaare adenabi nbara mɔ. ɔ kya kyu imɔ fɛɛ fo lii fo-kuli gemara ne."

Yesu Gi Sɔɔ Nɔɔ Buru-buru Abaa Anyɔ

¹³ Owi ɔko dɔ mɔ, asa ako mɛ kpe mɛ dɛ nbii ma-a bara Yesu yɛɛ o' kyu mɔ-abaa gyan nɔmɔ so de ɔ' dalaa sa mɔmɔ. Yesu akasebo mɔ, mɔ, mɛ kya gya mɔmɔ yɛɛ mɛ' kiiri nbii mɔ.

¹⁴ Yesu gi wu genen mɔ, i loo mɔ. Ne ɔ tɔge sa mɔ-akasebo mɔ yɛɛ, "Fɛ' yɛge nbii mɔ gi' ba me ase; fɛŋ' baa tii mɔmɔ-ɔkpa. Abono mɛ dɛ fɛɛ genen nbii ndeana ɔnan mɔ ne n kya nye Wurubuaare gewuragyi dɔ akyenabi mɔ.

¹⁵ Gesintin ne n' kya tɔge fɛye faa, fo nyamese kamaase ɔbono fo mɛŋ kyu fo-nyoro wɔra fɛɛ gebii de fo' kyule kyena Wurubuaare gewuragyi dɔ akyenabi mɔ, fo maŋ nye genen gekyena gebono kpa-a."

¹⁶ Imoſo Yesu gi puge nbii mɔ ne ɔ kyu mɔ-abaa gyan mɔmɔ so kole Wurubuaare ayuule sa mɔmɔ.

Anɛ Ne Nan Nye ɔkyenaten Wurubuaare Gewuragyi Dɔ?

¹⁷ Yesu kya laare o' kpe ɔkpa mɔ, ɔnyen ɔko gi sele baa nmii mɔ-ayaa dɔ ne ɔ taase mɔ yɛɛ, "ɔbelense dense, nne ne nan wɔra de n' nye Wurubuaare ase gekyena gekpaa?"

¹⁸ Yesu gi kisee taase mɔ yɛɛ, "Fo kya tere me yɛɛ nyamese dense faa mɔ, fo mɛŋ nyi yɛɛ Wurubuaare wole ne n gye nyamese dense?"

¹⁹ In gye fo nyi Wurubuaare nbara mɔ? Nbara mɔ gi kya nyiile yɛɛ geŋ' sa fo' mɔɔ isa, geŋ' lii fo-ka abɛɛ fo-kuli gemara, geŋ' yuuri, geŋ' ten ɔko genɔ nbele dɔ, geŋ' kudi ɔko gyi, buu fo-se de fo-nyi."

²⁰ ɔnyen mɔ gi lɛɛ genɔ sa Yesu yɛɛ, "ɔbelense, kpe kyu lii me-nbii dɔ mɔ, n kya gyi nbara nde pewu so."

²¹ Yesu gi kisee kere ɔnyen mɔ mɔ, mɔ-ilaa i loo mɔ-gisen dɔ, ne ɔ tɔge sa mɔ yɛɛ, "I kya san fo ilaa kolon. Naa kpaa fɛ fo-ilaa ibono fo bo mɔ pewu de fo' kyu aterebi mɔ kyu ye sa ayenbo. Fo wɔra genen mɔ, fo laa nye nteela Wurubuaare dɔ, de fo' san naa baa buu me wɔra me-ɔkasebo."

²² ɔnyen mɔ gi nu ibono Yesu gi tɔge mɔ genen mɔ, mɔ-gisen dɔ i nyida mɔ, i yɔɔ mɔ-nyoro, ne ɔ naa kyon. I kya nyiile yɛɛ ɔ tansi ɔ bo atɔ gikyo. ɔ kere mɔ, ɔ maŋ taale wɔra genen.

²³ Nfono mɔ, Yesu gi kere mɔ-akasebo mɔ dɔ gyan, ne ɔ tɔge mɔmɔ yɛɛ, "I tansi i bo lon sa aterebi awura de mɛ' kyena Wurubuaare gewuragyi dɔ akyenabi."

²⁴ Yesu gi tɔge genen mɔ, i dɛ mɔ-akasebo mɔ genɔ gikyo. Ne o kii tɔge sa mɔmɔ yɛɛ, "Mɛ-biana, i tansi i bo lon de nyamese ɔ' nye Wurubuaare gewuragyi dɔ akyenabi.

25 Pei de aterenbi wura o' nye Wurubuaare gɛwuragyi do gɛkyena mo, i bo lon sa mo don genɔobono gɛkpatitii gɛ laa loo obaato obo do lii mo."

26 Yesu gi toge genen mo, i lɔɔ de mo-akasebo mo genɔ too, ne me san taase mo yee, "Genen bere mo, ane kaase ne nan nye Wurubuaare ase gɛkyena ne?"

27 Yesu gi kere momo faa yiridididi, ne o lee genɔ sa momo yee, "Imo ide i don nyamese giwora. Wurubuaare-lee kpei. I lii fee sei men fo Wurubuaare bere giwora."

28 Nfono mo Piita gi taase mo yee, "Aye, mo, ibono a taa gesinkpan ilaa kamaase yee, ne a naa a buu fo faa mo, nne ne?"

29-30 Yesu gi toge sa mo-akasebo mo yee, "Gesintin ne n' kya toge feye faa, nyamese kamaase obono o taa ilaa iko yee me so abee me-okalan konkonse mo so mo, kaase laa nye genen ilaa ibono onan gikpado ikue-inun. Fee oko gi taa mo-geten yee, abee mo-se, abee mo-nyi, abee mo-daana, abee mo-tedeana, abee mo-pikiyiana, abee mo-biana, abee mo-nsinkpan yee me so mo, kaase laa nye nten, adaa, atede, anyi, apikyii, nbii de nsinkpan abere abono o te de ansi faa. Iko kee ne n gye yee asa me laa ka mo-ansi. Ne gɛkyena gɛbono gɛ laa kii ba mo do mo, o laa nye kyena Wurubuaare ase gɛkpaa-gɛkpaa."

31 Ne Yesu gi kii toge yee, "Genen gɛkyena poboro gɛbono do mo, abono me gye abelense gesinkpan so ilaa do mo ako me laa kpaa bingiri nbii. Ne abono me gye nbii gese gere ilaa do mo ako mo, mo, me laa kpaa wora abelense."

Yesu Gi Kii Toge Mo-Giwukyingi Mo So Ilaa

32 Yesu mo-re mo-akasebo mo me kya kpe Gyerusalem. Asa ako kee me buu momo. Me naa me kya kpe mo, Yesu ne n gyangbara. Ako me kya laare me' moo Yesu Gyerusalem, imoso ibono me kii me kya kpe nno mo, i de mo-akasebo mo genɔ ne i bo abono me buu momo mo gifuu. Yesu gi kii kyu mo-akasebo gudu anyo mo lii nkan ne o kii toge omo ilaa ibono i laa ba mo so Gyerusalem mo.

33 O toge sa mo-akasebo mo yee, "Fe' nu. A kya kpe Gyerusalem faa, ako me laa kyu me, anyamese pewu momo-daa mo, wora aye Gyuda awura asunbi afeebo abelense de aye-nbara anmarasebo abaa do. Momo, mo, me laa toge yee n gye ilaa nyenyen oworabo, imoso n' wora omoose, de mamo kee me' kyu me wora asa abono me men gye Gyuda awura mo abaa do.

34 Genen asa abono me laa gyaabii me ikpa kpei-kpei so, de me' too akyole bun me. Me laa taa me awulibi de me' moo me. Ne wu' mo, imo gke sase mo, nan kyingsi lii ibuni do."

Gyeemesi Mo-re Gyon Me Kole Yesu Gebelense

35 Imo gemara mo Gyeemesi mo-re Gyon, Sebedi mo-biana mo, me ba Yesu ase, ne me baa kole mo yee, "Obelense, a de fo gisere, ilaa ibono a kya laare a' baa kole fo faa, wora aniya de fo' wora imo sa aye."

36 Ne Yesu gi taase momo yee, "Mene ne fe kya laare n' wora sa feye?"

37 Ne me lee genɔ yee, "Abere abono fo laa baa gyi gɛwura de nysisigy mo, yee aye ne a' wora fo-nwurabi nbono a laa sindi fo titiritii mo, oko o' kyena fo-gibaa gyise so de oko, mo, o' kyena fo-bene so."

38 Ne Yesu gi toge sa momo yee, "Fe nyi nyi ilaa ibono fe kya kole faa. Imoso fe laa taale wu olaawuse obono men o de o gyoo me mo? Me-aworofoo sagyere obono me laa kyu gyere me mo, fe laa taale de me' gyere feye genen sagyere obono onan kee?"

³⁹ Me kyule mo yee, "En, a laa taale." Ne Yesu gi toge sa momo yee, "I gye gesintin bere. Fe laa wu olaawuse obono onan o de o gyoo me mo, ne aworofoo sagyere obono nan gyere mo, feye kee fe laa gyere genen sagyere obono.

⁴⁰ Me ase ikyenaten mo bere, men bo okpa de n' lee yee ode ne o' kyena me-gibaa gyise so abee ode ne o' kyena me-bene so. Genen ikyenaten ibono i gye sa daa abono Wurubuaare gi loro imo yela sa mo."

⁴¹ Yesu akasebo sense gudu mo me nu ilaa ibono Gyeemesi de Gyon me kpaa kole Yesu mo, i loo omo.

⁴² Imoso Yesu gi tere momo pewu ba mo ase, ne o toge sa momo yee, "Fee genobono fe nyi mo, asa abono me men nyi Wurubuaare agyebi mo momo-awura awura me kya kyu abono me bo momo gese mo wora fee momo-nbide. Momo-anyamese gbaa'gbaa mo kee, me kya kyu olon gyi gebelense asa sense so.

⁴³ Feye-lee bere, in kaabore i' wora fee asa ade. Nengyene oko kya laare o' wora nyamese gbaa' feye do mo, i kaabore o' wora mo-nyoro fee feyede-ga,

⁴⁴ ne obono o kya laare o' wora feye-wura mo, i kaabore o' wora mo-nyoro fee gebide sa okamaase.

⁴⁵ I lii fee me, anyamese pewu momo-daa mo gbaa, men ba gesinkpan so yee asa me' son me. Ne ba daa de n' baa son asa de n' kyu me-nkpa kyee de i' lee asa sakyoo lii ilaa nyenyen giwora do kiiri momo sa Wurubuaare."

Yesu Gi Kye Gyaatanbo

⁴⁶ Yesu mo-re mo-akasebo de sakpii bele me loo Gyeriko osowole so. Me loo me kya lii mo, gyaatanbo oko te okpa nkan. Me kya tere genen gyaatanbo obono yee Batimeyase. Mo-se ne n gye Timeyase.

⁴⁷ Gyaatanbo mo gi nu yee Yesu, Nasaretnyen mo ne n ba o kya kyon mo, o yii gese o kya kpen o kya toge yee, "Yesu, Wura Deefidi onaanabi, su me so!"

⁴⁸ O kya kpen genen mo, asa sakyoo me kya gya mo yee, "Bun fo-genoo so!" Me kya gya mo genen mo, ide kon gbaa ne o loro o kya kpen ken-ken yee, "Wura Deefidi onaanabi, su me so!"

⁴⁹ Yesu gi nu genen mo, o sii yele, ne o toge sa momo yee, "Fe' tere mo sa me." Gesintin mo, me tere gyaatanbo mo yee, "Fo-gisen gi' yuule fo, koso, Yesu kya tere fo."

⁵⁰ Gyaatanbo mo gi nu genen mo, o nmanyan mo-gikuru too nkan, ne o firigi yele mo-ayaa so, ne o naa kpe Yesu ase.

⁵¹ Ne Yesu gi taase mo yee, "Mene ne fo kya laare n' wora sa fo?" Gyaatanbo mo gi lee genoo yee, "Obelense, n kya laare me-ansi a' bugi."

⁵² Ne Yesu gi toge sa mo yee, "Naa fo kya kpe. Gisoo gyi gibono fo bo sa me mo ne nan bugi fo-ansi faa." Ayaa abono so mo, mo-ansi mo a bugi, ne o san naa buu Yesu.

11

Yesu Gi Loo Gyerusalem Fee Wura

¹ Yesu mo-re mo-akasebo mo me kya fuude Gyerusalem mo, me kpaa fo Betefagye de Betani isowole ibono i gyan' Nfo Iyii Gibii mo so. Me fo nno mo, Yesu gi sun mo-akasebo mo do anyoo

² Ƴɛɛ, “Ƒɛ' kpe ɔsowolɛ ɔbono ɔ bo aye-ansi dɔ faa. Ƒɛ kpe Ƒɛ kya loo ɔsowolɛ mɔ so mɔ, Ƒɛ laa wu bee ƒolɛ ɔbono ɔko mɛɲ ti gyan' mɔ kerɛ mɔ kyaa de ɔƑɛ. Ƒɛ' sange mɔ de Ƒɛ' kyu mɔ bara me gɛɛɛ.

³ Ne Ƒɛɛ ɔko gi taase Ƒɛye Ƴɛɛ, ‘Mene ne Ƒɛ kya wɔra genen?’ mɔ, Ƒɛ' tɔgɛ mɔ Ƴɛɛ, ‘Wura mɔ tiri bee mɔ.’ Ƒɛ tɔgɛ mɔ genen mɔ, ɔ laa Ƴɛgɛ de Ƒɛ' kyu mɔ ba ayaa ade so.”

⁴ Imɔso mɛ kpe, ne gɛsintin mɔ, mɛ kpaa wu bee ƒolɛ kyaa de ɔƑɛ gɛbunono gɛko aɛ ɔkpa nkan, ne mɛ sange mɔ.

⁵ Mɛ kya sange mɔ mɔ, abono mɛ yelɛ nfono mɔ mɛ taase mɔmɔ Ƴɛɛ, “Mene n wɔra ne Ƒɛ kya sange bee mɔ?”

⁶ Ne akasebo mɔ mɛ tɔgɛ mɔmɔ Ƒɛɛ gɛnɔɔbono Yesu gi tɔgɛ sa mɔmɔ mɔ, imɔso mɛ taa mɔmɔ Ƴɛgɛ, ne mɛ sange bee mɔ kyon.

⁷ Mɛ kyu bee mɔ bara Yesu mɔ, mɛ kyu akuru too gyan mɔ so, ne Yesu gi dii gyan'.

⁸ Asa sakyɔ mɛ kyu mɔmɔ-akuru too mɔ-ɔkpa dɔ, ne ako mɛ kyadɛ afɛdaa mɛ kya too de ɔkpa Ƴɛɛ ɔ' baa naa.

⁹ Abono mɛ gyangbara de abono mɛ buu mɔ-gɛmara mɔ pɛwu, mɛ kya kpen mɛ kya tɔgɛ Ƴɛɛ,
“Ayenbi a gye fo-lɛɛ!

Wurubuaare ɔ' kosore fo-gimu!

Wurubuaare ginyen dɔ ne fo naa fo kya ba faa!

¹⁰ Aye-naana Wura Deefidi gɛwuragi

gɛbono fo dɛ fo kya ba mɔ gɛ' bara nkyoola!

Ayenbi a' wɔra Wurubuaare ɔbono ɔ bo soso-soso mɔ-lɛɛ!”

¹¹ Yesu gi naa kpaa loo Gyɛrusalem, ne ɔ kyon kpe Wurubuaare ɔson obu mɔ gikpaara mɔ so. ɔ kerɛ kerɛ ilaa kamaase gyan. Owi kya ta so mɔ, mɔ-rɛ mɔ-akasebo gudu anyɔ mɔ mɛ lii Gyɛrusalem kpe Betani.

Yesu Gi Tɔgɛ Nno Wɔra Gifeeya Oyii

¹² Imɔ gɛdɛ kɛsɛ mɔ, mɛ kii lii Betani mɛ kya kpe Gyɛrusalem mɔ, akon a dɛ Yesu.

¹³ ɔ lɛɛ ansi kerɛ mɔ, o wu gifeeya oyii ɔko mɔ-rɛ mɔ-afɛdaa. Ne ɔ naa kpe mɔ aɛ de ɔ' kpaa kerɛ Ƴɛɛ ɔ laa nye mɔ-abi de o' gyi abɛɛ. O kpe mɔ, oɲ wu ba-a gibi kolon oyii mɔ so, afɛdaa wolɛ ne o wu. I lii Ƒɛɛ oyii mɔ owi sɔrɔsɛ mɛɲ ti fo.

¹⁴ Nfono mɔ Yesu gi tɔgɛ nno wɔra oyii mɔ Ƴɛɛ, “Ƒon baa nye sɔrɔ de ɔko ɔ' nye fo-abi gyi gɛkaako.” Yesu gi tɔgɛ sa oyii mɔ genen mɔ, mɔ-akasebo mɔ mɛ nu.

Yesu Gi Gya Asa Lii Wurubuaare ɔson Obu Gikpaara Mɔ So

¹⁵ Mɛ kpaa fo Gyɛrusalem mɔ, Yesu gi kii naa kpe Wurubuaare ɔson obu mɔ gikpaara mɔ so. ɔ fo nno mɔ, o wu Ƴɛɛ asa mɛ kyu nno bingiri gigya ogyiten. ɔ gya gigya agyibo abono lii gikpaara mɔ so. Asa ako mɛ tɛ mɛ kya boori aterenbi, ne ako mɔ mɛ kya Ƒɛ abonbuɛ nno. O wu mɔmɔ mɔ, ɔ da abono mɛ kya boori aterenbi mɔ iteebulu bun, ne ɔ da abono mɛ kya Ƒɛ abonbuɛ mɔ ngyapaa too-too.

¹⁶ O kine kee Ƴɛɛ ɔko-rɛ ɔko ɔ mɛɲ' sa ɔ' sola gɛsola baa kyu de Wurubuaare ɔson obu mɔ gikpaara mɔ so.

¹⁷ O nyiile asa abono mɛ bo nfono mɔ ilaa Ƴɛɛ, “Mɛ wolaa ɲmarase Wurubuaare agyɛbi ako yela Ƴɛɛ,
‘Mɛ-ɔson obu mɔ laa wɔra ɔdalaaten sa asa kpɛi-kpɛi pɛwu.’
Ne i wonɛ ne Ƒɛye, mɔ, Ƒɛ kyu nno bingiri iyu gikpalan?”

18 Yesu ilaa nyiilese mo i de sakpii mo pewu geno, ne i toro momo-gisen. Gyuda awura asunbi alebo abelense de momo nbara anmarasebo mo bere, me nu ilaa ibono Yesu gi wora mo, me laare okpa obono so me laa nye mo mo mo. Me kii me sele Yesu gifuu. I kya nyiile yee me wu yee sakpii mo yele mo-gemara.

19 I baa fo genen geke gebono gedode mo, Yesu mo-re mo-akasebo mo me lii osowole mo so.

Gifeeya Oyii Mo Gi Wu'

20 Gede kese nyenyenge fu-u mo, Yesu mo-re mo-akasebo mo me kii me kya kyon mo, me wu gifeeya oyii mo gi wu' lii mo-ilin do kyu dii.

21 Piita gi wu genen mo, o nyingi ilaa ibono Yesu gi toge sa oyii mo mo, ne o nyiile Yesu yee, "Obelense, kere, gifeeya oyii obono fo toge nno wora mo gi wu' mo!"

22 Yesu gi lee geno toge sa mo-akasebo mo yee, "Fe' soo Wurubuaare gyi.

23 Gesintin ne n kya toge feye faa, nengyene fo oko fo toge sa gibii gide yee, 'Koso gere kpaa toro apoo do', ne fo men soo fo-nyoro akyole fo-gisen do ne fo soo gyi yee i laa wora mo, Wurubuaare laa yee i' wora sa fo gesintin.

24 Imoso n kya toge feye yee ilaa kamaase ibono fo oko fo laa dalaa kole Wurubuaare mo, soo gyi yee i laa yii fo-gibaa, ne gesintin, o laa sa fo imo.

25 Fo yele fo kya dalaa ne fo nyi yee oko gi wora fo ilaa nyenyen mo, kyu kyee mo, de fo-se obono o bo soso mo o' kyu fo-lee ilaa nyenyen kyee fo. [

26 Nengyene fo man kyu kyee fo-nanboana mo, genen kee ne fo-se obono o bo soso mo man kyu fo-lee ilaa nyenyen kyee fo ne.]"

Abelense Ako Me Daase Yesu Kere

27 Yesu mo-re mo-akasebo mo me kii ba Gyerusalem osowole so. O naa Wurubuaare onon obu mo gikpaara mo so mo, Gyuda awura asunbi alebo abelense de momo-nbara anmarasebo de abelense sense ako me ba mo ase

28 ne me baa taase mo yee, "Ilaa ibono fo kya wora faa mo, ane ginyen do ne fo kya wora imo daa? Ane ne n sa fo okpa yee fo' wora imo?"

29 Nfono ne Yesu gi toge abelense mo yee, "Nan taase feye ilaa kolon. Fe lee geno sa me mo, nan toge feye obono ginyen n de n kya wora genen ilaa ide mo.

30 Ilaa taasese mo ne n gye yee, 'Wurubuaare sagyere obono Gyon gi gyere asa mo, ane ne n sa mo okpa? Wurubuaare abee anyamese?' Fe' lee geno de n' nu."

31 Yesu gi taase abelense mo genen mo, akyole a toro momo wole-wole so, ne me toge yee, "Nengyene a toge yee Wurubuaare ne n sa Gyon genen okpa obono mo, o laa taase aye yee ne mene n wora so ne a men soo Gyon gyi?"

32 Abee a' toge yee nyamese ne n sa Gyon genen okpa obono daa? Kuaa!" Ibono so me men taale toge genen mo ne n gye yee me sele sakpii mo gifuu. I lii fee sakpii mo kya buu Gyon yee Wurubuaare ne n sun mo ne o gye Wurubuaare ikanal otogebon gesintin.

33 Imoso me toge sa Yesu yee, "A men nyi." Ne Yesu gi kisee toge sa momo yee, "Fe man toge me bere mo, me kee man toge feye obono o sa me okpa ne n' kya wora ilaa ibono n kya wora mo."

12

Yesu Gi Da Abelense Mɔ Gikpale

¹ Yesu gi kii tɔge sa abelense mɔ akpale dɔ yee, “Ɔnyen ɔko gi kyena. Ɔ dɔɔ gifɔle giko ndɔɔ. (Mɛ kya kyu genen gifɔle gibono abi kyu wɔra nta.) Ɔ pɔrɔ ɔpɔrɔe kyaabɔɔ ndɔɔ mɔ, ɔ wɔra nta mɔ ɔdooten ndɔɔ mɔ dɔ, ne ɔ pɔrɔ obu faa lege-lege nfono asa mɛ laa nye dii ndɔɔ mɔ mɔ. Ɔ wɔra imɔ ide ta mɔ, ɔ kyu ndɔɔ mɔ kyu wɔra asa ako abaa dɔ yee mɛ' kere nɔmɔ so de mɔ-rɛ mɔmɔ mɛ' ye agyan abono mɛ laa nye mɔ. Ne ɔ koso kpe ɔkpa kpa kɛla.

² “Gifɔle mɔ abi abere tɛese a fo mɔ, ndɔɔ wura mɔ gi sun mɔ-dega ɔko yee ɔ' kpe mɔ-ndɔɔ akerebo mɔ ase de ɔ' kpa sɔɔ mɔ-lɛɛ ogyiten bara mɔ.

³ Mɔ-dega mɔ gi kpe mɔ, mɔ-ndɔɔ akerebo mɔ mɛ keda mɔ, ne mɛ daare mɔ, ne mɛ gya mɔ kii abaa gikpan.

⁴ Ndɔɔ wura mɔ gi nu ilaa ibono i ba mɔ, ɔ kii sun mɔ-dega ɔko ndɔɔ akerebo mɔ ase. Mɛ daare ɔbono kee gooli mɔ-gimu, ne mɛ wɔra mɔ ibono i mɛɲ gye iwɔrase mɔ.

⁵ Ndɔɔ wura mɔ gi kii sun mɔ-dega ɔko kee. Ɔbono bere mɔ, mɛ mɔɔ mɔ kprem! O sun mɔ-adege sense genen, ne ndɔɔ akerebo mɔ mɛ kya daare ako, ne mɛ kya mɔɔ ako.

⁶ “I san ndɔɔ wura mɔ isa kolon ɔko ɔɲ ti sun mɔ. Mɔ ne n gye mɔ-bi kolon ɔbono ɔ bo ne mɔ-ilaa ne n bo mɔ-gisen dɔ mɔ. Ɔ tɔge sa mɔ-nyoro yee, ‘Mɛ-bi mɔ bere, mɛ laa kyu buubuu sa mɔ.’ Gesintin mɔ, ɔ sun mɔ-bi mɔ mɔmɔ ase.

⁷ Ndɔɔ akerebo mɔ mɛ wu mɔ ɔ kya ba mɔ, mɛ tɔge sa abara yee, ‘Ɔbono ɔ laa gyi mɔ-sɛ atɔ mɔ ne n kya ba faa. A' mɔɔ mɔ de mɔ-tɔgyi mɔ ɔ' nye sii de aye.’

⁸ Gesintin mɔ, mɛ keda ndɔɔ wura mɔ mɔ-bi mɔ mɔɔ, ne mɛ too mɔ lii ndɔɔ mɔ dɔ.”

⁹ Yesu gi da gikpale gide ta mɔ, ɔ taase abelense mɔ yee, “Fɛ nyi yee mɛne ne ndɔɔ wura mɔ laa wɔra? N' tɔge sa feye: ɔ laa kpa mɔɔ mɔ-ndɔɔ akerebo mɔ de ɔ' kyu ndɔɔ mɔ wɔra apɔbɔrɔ abaa dɔ.”

¹⁰ Yesu gi kii taase mɔmɔ yee, “Imɔso fɛɲ ti kale Wurubuaare ɔwɔle mɔ agyebi adɛ? Mɛ ɲmarase yee,

‘Gibui gibono ibu apɔrɔbo mɔ mɛ kyu too gebaamara mɔ,
genen gibui kolon gibono ne n baa yege obu mɔ gi' wɔra ɔlon ɔ yele
faa.

¹¹ Genen ilaa ide i kya lii Wurubuaare ase daa.

I bo aye ɔbolɛ ne i kya dɛ aye-genɔ.’ ”

¹² Gikpale mɔ Yesu gi da kyu lii ndɔɔ akerebo mɔ so mɔ, abelense mɔ mɛ laare yee mɛ' keda mɔ. I lii fɛɛ mɛ bii yee mɔmɔ ne ɔ dare. Mɛ kii mɛ sele sakpii ɔbono ɔ bo nfono mɔ. Imɔso mɛ naa taa mɔ yege.

Abelense Ako Mɛ Daase Yesu Kere Ilaa Taasese Dɔ

¹³ Abelense mɔ mɛ naa genen mɔ, mɛ kpa sun Farasii gikpen mɔ dɔ asa ako de Wura Herode gemara abuubo mɔ ako kpe Yesu ase yee mɛ' kpa taase mɔ ilaa adawo so; nengyene fɛɛ ɔ lɛɛ genɔ ɔkpa so mɔ, de ɔ' nye tɔrɔ mɔmɔ-ɔdoo dɔ.

¹⁴ Asunbo mɔ mɛ kpe, ne mɛ kpa too Yesu soso yee, “Ɔbelense, a wu yee fo bo gesintin ne fo mɛɲ sele ɔko. Fo bere, fo mɛɲ kya kere nyamese sakyɔ abɛɛ mɔ-nyisigyi ɔbono ɔ bo mɔ de fo' buu ɔko don ɔko. Fo kya nyiile asa Wurubuaare ɔkpa daa gesintin ɔkpa so. Rom wura bele ɔbono

o kya kerε aye so ne oη kya son Wurubuaare mō, i de okpa Wurubuaare ase fεε a' sōo mō-lenpoo abεε a menη sa a' sōo?"

15 Yesu gi dεse yεε mε kerε ansi daa ne mε kya taase mō. Imōso o taase mōmō yεε, "Mene so ne fe kya soo me idoo genen? Oko o' lεε aterenbi gibi ba de n' kerε."

16 Gesintin mō, mε kyu aterenbi gibi kyu sa mō, ne Yesu gi taase mōmō yεε, "Ane gimu de mō-ginyen ne n gyan aterenbi gibi gide so faa?" Ne mε lεε genō yεε, "Rom wura bele mō-lεε."

17 Nfono ne Yesu gi tōge mōmō yεε, "To. Genen bere mō, ilaa ibono i gye Rom wura bele mō-lεε mō, fe' kyu sa mō, de ibono, mō, i gye Wurubuaare-lεε mō, fe' kyu sa Wurubuaare." Genōobono Yesu gi tōge mō, i de mōmō-genō gikyō.

Saadusii Awura Mε Taase Yesu Ilaa

18 Saadusii gikpen dō awura ako kee mε ba Yesu ase. Saadusii awura ade ne n kpe mε de yεε nyamese gi wu' mō, i ta. Iη baa i bo getεko o laa kpaa kyena, ne Wurubuaare manη kyingi asa gεkaako. Imōso genen asa ade mε ba de mε' baa nu Yesu genō dō. Mε taase mō yεε,

19 "Obelense, Mosisi gi yela nbara nko sa aye yεε, 'Nengyene onyen gi wu' taa mō-ka yege owi obono mō-ka mō menη ti koroge sa mō mō, mō-tede abεε mō-daa o' kyu okyii mō lεε gikulaa de mō-rε mō mε' koroge nbii sa mō-kuli obono o wu' mō.'

20 "To. Owi oko dō mō, onyen oko mō-rε mō-tedeana ase mε kyena. Genen onyen baare gi kyu okyii. Mō-rε mō-ka mō menη koroge pei ne onyen mō gi wu' taa mō-ka mō yege.

21 Mosisi nbara nbono o yela sa aye mō so mō, mō-gigyanmara mō gi kyu okyii mō lεε gikulaa. Mō-rε okyii mō mε menη koroge, ne mō kee gi wu' taa okyii mō yege. Osase mō kee genen.

22 Mōmō anyen sono mō pεwu mε dena okyii mō, ne mε wu' taa mō yege. Okyii mō menη koroge sa mōmō oko-rε oko. Laalalogε mō, okyii mō kee gi wu'.

23 To, nengyene Wurubuaare laa kyingi asa mō, ane ne n bo okyii mō genen gekyena pobōrō gebono dō? I kya nyiile yεε owi obono mε te de ansi mō, mōmō anyen sono ade pεwu mε dena mō gyan."

24 Yesu gi lεε genō sa mōmō yεε, "Fε fue. I kya nyiile yεε fe menη kya nu Wurubuaare agyebi mō gεse, ne fe menη nyi Wurubuaare olon obono o bo mō.

25 Asa abono Wurubuaare laa kyingi de mε' nye gekyena pobōrō mō, gεdena gε menη baa gε bo no sa mōmō. Mōmō-gekyena gε laa wōra daa fεε Wurubuaare dō isōo-lεε mō onan."

26 Ne Yesu gi kii tōge sa Saadusii awura mō yεε, "Fε kya sōo akyōole yεε asa mε wu' mō, iη baa i bo getεko mε laa kpaa kyena mō faa mō, a' kerε Wurubuaare agyebi mō dō de a' kerε. Imōso feη ti kale aye-naana Mosisi ilaa nno? Owi obono Wurubuaare gi yeλε giponfe giko dō tongε sa mō mō, o tōge Mosisi yεε,

'Me ne n gye Aberaham Wurubuaare.

N gye Ayisiki Wurubuaare,

ne n' gye Gyeekōpo Wurubuaare.'

27 Aberε abono Wurubuaare gi tōge genen ilaa ide sa Mosisi mō, genen asa ade mε ti wolaa wu'. Ne fεε iloobu ide menη bo getεko daa mō, Wurubuaare manη tōge yεε, 'N gye mōmō-Wurubuaare.' Nkana o laa tōge daa yεε, 'Ne naa kyena wōra mōmō-Wurubuaare yege.' Fε fue gesintin."

Yesu Gi Nyiile Asa Wurubuaare Nbara Nbono Gi Tansi Gi Tiri Mɔ

28 Mɛ yeɛ mɛ kya sɔɔ akyɔɔɛ genen mɔ, Gyuda awura nbara ɔɱmarasebo ɔko gi ba ɔ kya nu mɔmɔ ase. O nu ibono Yesu gi lɛɛ genɔ kanpɛ mɔ, mɔ kee gi taase Yesu yeɛ, “Wurubuaare nbara mɔ dɔ pɛwu mɔ, nmɔ ne n tansi gi tiri don nsense?”

29 Ne Yesu gi lɛɛ genɔ yeɛ, “Nbono gi tiri don nsense mɔ ne n gye nbono gi kya toɛ yeɛ,

‘Isirale awura, fe' yela fɛye-aso de fe' nu!

Aye-Wura Wurubuaare gye daa ɔkolon.

30 Imɔso laare fo-Wura Wurubuaare ilaa lii fo-gisen dɔ.

Kyu fo-gisen pɛwu, fo-gewɔnsa pɛwu de fo-ɔlon pɛwu kyu

laare Wurubuaare ilaa.’

31 Nbara nyɔsɛ nbono kee gi baa gi tiri mɔ ne n gye yeɛ,

‘Laare fo-nanbo fɛɛ fo-nyoro.’

I mɛɱ baa i bo nbara nko gi tiri don nmɔ ndɛ.”

32 Nbara ɔɱmarasebo mɔ gi toɛ Yesu yeɛ, “ɔbelense, ibono fo toɛ mɔ, i gye gesintin; Wurubuaare kolon ne n bo no. Mɔ-gɛmara mɔ, Wurubuaare ɔko mɛɱ baa ɔ bo no.

33 I kaabore nyamese o' kyu mɔ-gisen pɛwu, mɔ-nwɔnsa pɛwu, de mɔ-nyoro ɔlon pɛwu kyu laare Wurubuaare ilaa de ɔ' laare mɔ-nanbo ilaa fɛɛ mɔ-nyoro. Nyamese gi gyi genen nbara nnyɔ ndɛ so mɔ, imɔ ne n tiri gikyɔ don ibono ɔ laa kyu nbue lɛɛ asunbi kamaase sa Wurubuaare mɔ.”

34 Yesu gi nu genɔɔbono ɔnyen mɔ gi lɛɛ genɔ fɛɛ ɔlaako onyibo mɔ, ɔ toɛ mɔ yeɛ, “Fo-rɛ Wurubuaare gewuragyi dɔ akyenabi mɔ iɱ bo geta de abara.”

San kyu lii nfono mɔ, ɔko mɛɱ baa taale da otu taase Yesu ilaa de mɛ' daase mɔ kere.

Yesu Gi Kisee Taase Asa Mɔ Ilaa

35 Imɔ gɛmara mɔ Yesu kya nyiile ilaa Wurubuaare ɔson obu gikpaara mɔ so mɔ, ɔ taase abelense mɔ yeɛ, “Nne so ne nbara anyiilebo mɔ mɛ kya toɛ yeɛ ɔbono Wurubuaare laa sun de o' gyi gewura mɔ Wurubuaare ade so mɔ laa kisee wɔra daa Wura Deefidi ɔnaanabi?

36 Yeɛge Wurubuaare Oduduu mɔ gi nyiile Wura Deefidi ne mɔ gbaa-gbaa gi wolaa toɛ kaase mɔ ilaa yela yeɛ,

‘Wurubuaare laa toɛ sa me-Wura mɔ yeɛ,

“Baa kyena me-gibaa gyise so de me-rɛ fo a' gyi gewura

de n' yeɛge fo' kyise fo-akyobo de fo-ayaa.” ’ ’ ”

37 Yesu gi kii lɛɛ gese yeɛ, “Imɔso Deefidi gbaa-gbaa kya tere kaase yeɛ ‘me-Wura’ faa mɔ, nne so ne ɔ laa kisee wɔra daa Deefidi ɔnaanabi?”

Sakpii ɔbono ɔ bo nfono mɔ pɛwu gi nu Yesu ilaa toɛgese mɔ, i wɔra mɔmɔ ɔkon kyɔde.

Yesu Gi Lɛɛ Nbara Aɱmarasebo Mɔ Gidebi Nyiile

38 Yesu kya nyiile asa mɔ ilaa mɔ, ɔ toɛ sa mɔmɔ yeɛ, “Fɛ' kere fɛye-nyoro so dɔɔdan de aye Gyuda awura nbara aɱmarasebo ade. Mɛ kya laare daa ngbe bele-bele gisuu naa asa dɔ. Mɛ kya laare de asa mɛ' tere mɔmɔ yeɛ ‘Abelense’ de mɛ' kyu buubuu faala ɔmɔ sansana de ɔkamaase o' wu.

39 Ne fɛɛ mɛ kpe mɔmɔ-akyangbon dɔ abɛɛ mɛ laa gyi gɛke bele mɔ, abelense de anyamese gbaa' gbaa ikyenaten ne mɛ kya laare gikyena.

40 Mɔmɔ genen asa abono ne n kya kii kudi akyii ikulaabo mɔmɔ-rɛ mɔmɔ-biana gyi, yeɛge mɛ laa dalaa mɔ, mɛ kya dalaa faa bolo-bolo de asa

mɛ' nye yen mɔmɔ yɛɛ mɛ nyi gedalaa. Owi ɔbono Wurubuaare laa gyi mɔmɔ-nbele mɔ, mɔmɔ-gisobiide gi laa nyaakyo too."

Yesu Gi Yen Okulaabo Yenbo Ɔko

⁴¹ Yesu tɛ Wurubuaare ɔson obu gikpaara mɔ so, mɔ-ansi a sa de aterenbi gidekaa. Nno ne asa mɛ kya kyu aterenbi abono mɛ kya kyɛɛ Wurubuaare mɔ wɔra. Imɔso Yesu tɛ ɔ kere asa sakyo abono mɛ kya baa too aterenbi mɔ. O wu aterenbi awura sakyo mɛ kya baa too aterenbi bele-bele mɛ kya wɔra gidekaa mɔ dɔ.

⁴² Nfono mɔ, ɔkyii okulaabo yenbo ɔko gi ba. Ne o kyu aterenbi abi anyo kyu too wɔra gidekaa mɔ dɔ.

⁴³ Yesu gi wu genen mɔ, ɔ tere mɔ-akasebo mɔ, ne o nyiile mɔmɔ yɛɛ, "In gyɛ fɛ wu okulaabo yenbo baare? Gesintin ne n' kya tɔgɛ fɛye faa, ɔkyii baare gi kyɛɛ Wurubuaare aterenbi don asa sense abono mɛ kya too mɔ pɛwu.

⁴⁴ I kya nyiile yɛɛ asa adɛ pɛwu mɛ kya gyɔgɛ mɔmɔ-aterenbi dɔ daa kyu baa kyɛɛ Wurubuaare. Ɔkyii mɔ bere, ipii ibono ɔ bo ne nkana imo ne ɔ tɛ ɔ kpasa de mɔ, imo pɛwu ne o kyu baa kyɛɛ Wurubuaare faa."

13

Ilaa Ibono I Laa Ba Gesinkpan Mɔ Nke Laalaaloge Dɔ

¹ Yesu kya lii Wurubuaare ɔson obu mɔ gikpaara mɔ so mɔ, mɔ-akasebo mɔ dɔ ɔko gi tɔgɛ mɔ yɛɛ, "Ɖbelense, kere ibu mɔ ɔdan. Kere genɔɔbono imo-abui mɔ a kiire ne a bo kanpe mɔ."

² Ne Yesu gi tɔgɛ sa mɔ yɛɛ, "In gyɛ fɛ kya wu ibu bele-bele idɛ? Ako mɛ laa baa boori imo bun. Ba-a gibui kolon gi man san yɛɛ gi man de gɛsɛ."

³ Imo gemara mɔ, Yesu tɛ Nfɔ Iyii Gibii mɔ so mɔ-ansi a sa de Wurubuaare ɔson obu mɔ, ne Piita, Gyeemesi, Gyɔn, de Andiru mɛ ba mɛ kya taase mɔ ilaa mɔmɔ wole. Mɛ taase yɛɛ,

⁴ "Owi ɔmɔ dɔ ne mɛ laa boori imo bun genen? Mɛnɛ ilaa ne nan ba de i' lɛɛ nyiile yɛɛ ilaa idɛ pɛwu i kya laare i' ba gesintin? A kya kole fo, tɔgɛ aye."

⁵ Yesu gi tɔgɛ sa mɔmɔ yɛɛ, "Fɛ' kere fɛye-nyoro so dɔɔdan de ɔko ɔ mɛn' sa ɔ' nye fɛye penɛ. Genen ilaa ibono i man ba nperɛ.

⁶ Pɛi de i' loɔ ba genen mɔ, asa sakyo mɛ laa naa mɛ kya tɔgɛ yɛɛ mɔmɔ ne n gyɛ mɛ ɔbono Wurubuaare gi sun mɔ. Genen asa abono mɛ laa nye asa sakyo penɛ.

⁷ Nengyene fɛ kya nu iko so titiritii de koo-koo mɔ, fɛ mɛn sa fɛ' yɛgɛ fɛye-gisen gi' nmaa fɛye. I lii fɛɛ genen ilaa idɛ i kaabore i' ba. Ne i mɛn gyɛ yɛɛ ilaa kamaase i kya yela ɔkara ayaa abono so ne.

⁸ I kya nyiile yɛɛ fɛ laa nu gesinkpan so asa kpei-kpei mɛ laa laare iko too abara so. Abeyin de abeyin mɛ laa koso yɛɛ mɛ kya ko de abara. Nten kpei-kpei so mɔ, gesinkpan gɛ laa gyigisi. Akon kee a laa tɔrɔ. Imo ideana i laa nyiile yɛɛ gɛkyena gɛdɛ ilaa i kya yii gɛsɛ i kya kpe laalaaloge daa. I laa wɔra fɛɛ genɔɔbono gedun gɛ kya tu ɔkyii, ne i mɛn gyɛ ayaa abono so ne ɔ kya korogɛ mɔ.

⁹ "Fɛye abono fɛ kya son me mɔ berɛ, fɛ' bii fɛye-nyoro akedabi. Ibono fɛ gyɛ me-akasebo faa so mɔ, mɛ laa kyu fɛye kyu kpe nbele agyibo ase. Mɛ laa taa fɛye awulibi mɔmɔ-akyangbon dɔ. Me so mɔ, fɛ laa yɛɛ awura de abeyin abelense ansi dɔ de mɛ' nye nu me-ilaa lii fɛye-genɔ dɔ.

¹⁰ Pɛi ne ɛsinkpan so ɛkyena ɛ laa ta ɔkara mɔ, genen mɔ, mɛ tɔɛ me-ɔkalan konkɔnse mɔ sa ɛsinkpan so asa kpeɪ-kpeɪ pɛwu gyan'.

¹¹ "Nengyene mɛ kyu fɛye kyu kpe nbele agyibo ase mɔ, fɛ mɛɲ' sa fɛ' yɛɛ de i' wɔra fɛye ɛwɔnsa yɛɛ mɛnɛ ne fɛ laa kpaɔ tɔɛ nbele ogyiten mɔ. Owi mɔ gi fo mɔ, fɛ' bugi fɛye-nno de fɛ' tɔɛ ilaa ibono Wurubuaare laa sa fɛye yɛɛ fɛ' tɔɛ mɔ. Wurubuaare Odudu mɔ ne nan tɔɛ naa de fɛye so, i mɛɲ gye fɛye gbaa-gbaa ne nan tɔɛɛ.

¹² "I laa ba yɛɛ fɛye abono fɛ kya son me faa dɔ ako, fɛye-daana abɛɛ fɛye-tedeana mɛ laa fɛ fɛye sa fɛye-akyobo de mɛ' mɔɔ fɛye. Ɔsɛ gbaa laa kyu genen wɔra mɔ-bi, ne ɛbii ɛ laa koso yele ɛmɔ-sɛ de ɛmɔ-nyi so de ɛ' yɛɛ asa mɛ' mɔɔ mɔmɔ.

¹³ Me so mɔ, ɔkamaase laa kyo fɛye. Ɔbono ɔ laa yele mɔ-ayaa so ka gyan me so kpaɔ lii mɔ, Wurubuaare laa mɔlɛɛ mɔ de ɔ' nye ɔkyenaten mɔ ase.

Nke Nbono Dɔ-Lɛ Awɔrɔfɔɔ Mɔ A Laa Don Awɔrɔfɔɔ Kamaase

¹⁴ "Pɛi de ɛkyena ɛdɛ ɛ' yela ɔkara mɔ, fɛ laa wu ilaa kyɔsɛ ibono i kya nyida Wurubuaare ɔson ilaa mɔ i yele nfono i mɛɲ kaabɔrɛ i' yele mɔ. (Fo ɔbono fo kya kale ilaa ide mɔ, nu imɔ ɛsɛ.) Fɛ wu ilaa kyɔsɛ mɔ nno genen mɔ, fɛye abono fɛ bo Gyudiya ɛsinkpan so mɔ, fɛ' sele kpe abii dɔ.

¹⁵ Fo ɔbono fo bo nɲmanɲman genen owi ɔbono mɔ, sele. Ɔɛɲ sa fo' kii ɛmara abɛɛ fo' loo obu dɔ yɛɛ fo laa kpaɔ puru ilaa iko.

¹⁶ Fo ɔbono fo bo ndɔɔ dɔ genen owi ɔbono mɔ, ɛɲ baa kii ba ɛwi yɛɛ fo kya ba de fo' baa kyu fo-gikuru.

¹⁷ Awɔrɔfɔɔ a laa nyaakyɔ gikyɔ so mɔ, akyii abono mɛ dɛ itɔ genen nke nbono dɔ abɛɛ mɔmɔ-biana mɛ san mɛ kya nyabo mɔ, mɔmɔ laako!

¹⁸ Fɛ' dalaa sa Wurubuaare yɛɛ genen ilaa ide mɔ, i mɛɲ' sa i' ba gikyɛ dɔ.

¹⁹ I lii fɛɛ genen nke nbono dɔ-lɛ awɔrɔfɔɔ mɔ a laa don awɔrɔfɔɔ kamaase abono nyamesɛ gi ti wu kɛrɛ kpe kyu lii ko-o ibono Wurubuaare gi lɛɛ soso de ɛsɛ mɔ baa lii de ndɛ faa. Ne awɔrɔfɔɔ abono ɔnan kee a maɲ baa ba ɛkaako.

²⁰ Asa abono Wurubuaare gi tɔɔsɛ lɛɛ yɛɛ mɛ' nye mɔ-ɛwɔrɔfɔɔ dɔ akɛnabi mɔ so mɔ, ɔ kɛda awɔrɔfɔɔ nke mɔ kɔɔɛ. In gye genen mɔ, nkana pɛi de nke mɔ gi baa logɛ mɔ, in baa san ba-a isa.

²¹ "Genen owi ɔbono mɔ, ako mɛ laa tɔɛ yɛɛ, 'Kɛrɛ, ɔbono Wurubuaare gi sun yɛɛ ɔ' baa mɔlɛɛ aye mɔ ne ɛrɛ.' Ako, mɔ, mɛ laa tɔɛ yɛɛ, 'Kɛrɛ, mɔ ne n gye ɔdɛ.' Nengyene mɛ nyiile fɛye genen mɔ, fɛ mɛɲ' sa fɛ' sɔɔ mɔmɔ gyi.

²² I kya nyiile yɛɛ genen owi ɔbono mɔ, i laa nye abonbo ako. Ɔko laa tɔɛ yɛɛ, 'Me ne n gye ɔbono Wurubuaare gi tɔɛ yɛɛ ɔ laa sun mɔ.' Ɔbanban, mɔ, laa tɔɛ yɛɛ, 'N gye Wurubuaare ikalan ɔtɔɛbo.' Mɛ laa wɔra ilaa ibono i kya dɛ ɛnɔ de ilaa ibono i kya lɛɛ ɔlon beɛ nyiile mɔ. Nkana mɔmɔ-ilaa wɔrase mɔ i laa pɛnɛ asa abono Wurubuaare gi tɔɔsɛ lɛɛ yɛɛ mɛ' nye mɔ-ɛwɔrɔfɔɔ dɔ akɛnabi mɔ gbaa. I maɲ kii sa genen.

²³ "Imɔso fɛye abono fɛ kya son me mɔ bɛrɛ, fɛ' dɛsɛ fɛye-nyoro so. Ne wolaa gyɔ fɛye ilaa kamaase ɔwolii yela.

Kirisito Laa Lii Wurubuaare Awɔlɛ Dɔ Ba De Nyisigyɛ De Ɔlon Belɛ

²⁴ "Awɔrɔfɔɔ mɔ nke mɔ gi baa kyon mɔ, genen nke nbono dɔ mɔ, owi laa biiri. Bose laa yela asa gikulaa.

²⁵ Agyekpebi a laa kyigi giyan-giyan. Wurubuaare laa keda ilaa ibono i bo soso mo gyigisi.

²⁶ Nfono ne asa me laa wu me, anyamese pewu momo-daa mo, nan naa lii Wurubuaare awole do n kya ba, n de nyisigyi de olon bele.

²⁷ Nan sun Wurubuaare do isoo de me' kpa koola asa abono Wurubuaare gi toose lee yee me laa nye mo-gewuragyi do akyenabi mo. Me laa koola momo lii gesinkpan gede geten kamaase."

Owi Obono Kirisito Laa Kyu Ba Mo, Wurubuaare Mo-Nkon Ne N Nyi

²⁸ Ne Yesu gi da gikpale sa momo yee, "Fe' kase ilaa lii gifeeya oyii so. Aye gere mo, nengyene fe wu gifeeya ngyalenbi gi punge ne gi boori afedaa mo, fe kya bii yee gikyee gi kya fuude ne.

²⁹ Genen kee ne i de ne. Nengyene fe wu ilaa ibonoana ne toge sa feye faa i kya ba mo, fe' bii yee me-gikiiba mo gi tansi fuude ne. N ti n yele feye-gebunono gbaa-gbaa.

³⁰ Gesintin ne n kya toge feye faa. Asa abono me te gesinkpan so genen abere ade do mo me man wu' ta pei de genen ilaa ideana pewu i' loo ba.

³¹ Soso de gese i laa yela okara. Me-agyebi mo bere, a man yela okara gekaako kpa-a.

³² "Geke gebono abee owi obono nan kii ba mo bere, oko men nyi. Wurubuaare do isoo gbaa me men nyi, ne me, Wurubuaare mo-bi mo kee, men nyi, genen mo, me-se Wurubuaare mo-nkon ne n nyi.

³³ Imoso fe men nyi owi obono nan kii ba faa mo, fe' kere dandan de fe' dese feye-nyoro so.

³⁴ "I laa wora fee gikpale gibono nan baa da faa. Obelense oko ne n kyena, o kya laare o' kpe okpa. Gekaabono o laa koso gewi mo, o kyu mo-gesun wora mo-adege abaa do, momo okamaase mo-re mo-lee gesun worase. O toge sa obono o te o kya dii mo-gebunono mo yee o kya kyon faa, o' kere doodan; o men' sa o' de ginsi gide."

³⁵ Yesu gi toge sa mo-akasebo mo yee, "Imoso feye kee, fe' dese feye-nyoro so. I kya nyiile yee fe men nyi abere abono me, feye-geten wura mo, nan kii ba mo. I gye genye-o, genye de nsana-o, kyaase gyangbarase afolebere-o, abee gibaadike daa-o, oko men nyi.

³⁶ Men' kya laare fee n' baa tuule feye ibono fe men dese.

³⁷ In gye feye-wole ne n' kya toge ilaa ide mi-i sa. N dare daa nyamese kamaase yee o' dese mo-nyoro so gyoo me-giba."

14

Abelense Me Da Gede Yela De Me' Nye Yesu Moo

¹ I kya san nke nnyo de Gyuda awura me' gyi momo-Lewu Gi Serege Aye So geke bele de Bodobodo Maadiise Agyibere gesi. Genen owi obono mo Gyuda awura asunbi alebo abelense de momo-nbara anmarasebo me san me kya laare genjobono me laa nara keda Yesu de me' moo mo mo.

² I kya nyiile yee me kya toge yee in kaabore me' moo mo gesi mo gigyid; in gye genen mo, i laa naa bara iko.

Okyii Oko Gi Loro Yesu Gyoo Gipule

³ Yesu gi kpe Betani osowole so. O bo nno mo, o kpe Simon obono nkana o gye okononbu mo gewi. Me te me kya gyi mo, okyii oko gi ba Yesu ase o de anuwantere boogyalonse oko onan. Nadi oyii ilin ne me kyu wora mo.

Ɔ fo Yesu ase mɔ, ɔ keda puruntuwa dense obono anuwantere mɔ bo mɔ dɔ mɔ gibo kpɛede, ne ɔ kyeege anuwantere mɔ woroge Yesu gimu so.

⁴ Ibono ɔkyii mɔ gi wɔra mɔ i loo asa abono me bo nno mɔ ako. Imɔso me taase abara yee, “Mene n wɔra ne ɔkyii baare gi gyi anuwantere mɔ gyerebi faa?”

⁵ Anuwantere baare men wɔra ofese mɔ, nkana a laa nye aterenbi bele de a' kyu ye ye sa ayenbo!” Imɔso me saale ɔkyii mɔ.

⁶ Yesu, mɔ, gi tɔge sa mɔmɔ yee, “Mene n wɔra ne fe kya nyala ɔkyii mɔ genen? Fe' taa mɔ yege. Ilaa dense ne ɔ wɔra sa me faa.

⁷ Ayenbo abono fe dare faa, me bo feye ase adaa-adaa. Nengyene fe kya laare fe' wɔra mɔmɔ idense mɔ, fe laa taale wɔra sa mɔmɔ aberɛ kamaase. Me bere, fe man nye me n' kyena feye ase kpa a lii.

⁸ Ɔkyii mɔ gi wɔra ibono ɔ laa taale mɔ sa me. O gyere me yela gyoo me-gipule ne.

⁹ Fe' sɔɔ gibui yela. Gesinkpan so geten kamaase gebono me laa tɔge tɔge Wurubuaare ɔkalan konkɔnse kyu lii me so mɔ, me laa tɔge ilaa ibono ɔkyii baare gi wɔra sa me faa kee kyu nyingi mɔ.”

Gyudase Laa Fe Yesu Sa Gyuda Awura Abelense

¹⁰ Imɔ ide gemara mɔ, Yesu akasebo gudu anyɔ mɔ dɔ obono me kya tere mɔ yee Gyudase Isikaayote mɔ, gi kpe kpa a wu Gyuda awura asunbi alebo abelense mɔ, ne ɔ tɔge mɔmɔ yee ɔ laa kpa a mɔ de me' nye Yesu.

¹¹ Me nu ibono Gyudase gi tɔge mɔ, i wɔra mɔmɔ ɔkon, ne me ka sa mɔ yee nengyene ɔ taale wɔra genen mɔ, me laa sa mɔ aterenbi. Imɔso ɔ san ɔ kya kere owi obono i laa sa de ɔ' yege me' nye Yesu mɔ.

Yesu Mɔ-re Mɔ-Akasebo Mɔ Me Laa Gyi Geke Bele

¹² Bodobodo Maadiise Agyibere geke bele mɔ ge kya yii gese mɔ, me kya kyɔle isande de me' kyu gyi mɔmɔ-Lɛwu Gi Serege Aye So geke bele. Genen geke gebono mɔ, Yesu akasebo mɔ me baa taase mɔ yee, “Fone ne fo kya laare a' kpa a kere agyudo yela de a' gyi Lɛwu Gi Serege Aye So geke bele mɔ?”

¹³ Ne Yesu gi lɛɛ mɔ-akasebo anyɔ sun, ne ɔ tɔge mɔmɔ yee, “Fe' naa loo nten dɔ. Fe kya loo mɔ, fe laa wu onyen oko so nkyu de gelɔbi. Fe' buu mɔ kpa a loo geten gebono dɔ ɔ laa loo mɔ,

¹⁴ de fe' taase geten wura mɔ yee, ‘Obelense mɔ yee asafo obu ɔmɔ dɔ ne mɔ-re mɔ-akasebo mɔ me laa baa kyena de me' gyi geke bele mɔ agyudo mɔ?’

¹⁵ Geten wura mɔ laa nyiile feye soso-lɛɛ obu bele oko. Ikyenaten de ikamaase i ti i bo nno. Fe' baala agyudo mɔ yela sa aye nno.”

¹⁶ Yesu akasebo mɔ me kyon kpa a loo nten mɔ dɔ. Gesintin mɔ, me wu ibono pewu Yesu gi tɔge sa mɔmɔ mɔ. Ne me kere Lɛwu Gi Serege Aye So geke bele mɔ agyudo mɔ yela nno.

Yesu Gi Nyiile Mɔ-Akasebo Mɔ Yee Ɔ Laa Wu'

De I' Yee Wurubuaare Mɔ-re Anyamese Me' Nye Wɔra Genɔ Pobɔɔ

¹⁷ I fo gedɔde mɔ, Yesu mɔ-re mɔ-akasebo gudu anyɔ mɔ me kpe nno de me' kpa a gyi.

¹⁸ Me kya gyi mɔ, Yesu gi tɔge yee, “Gesintin ne n' kya tɔge mi-i sa feye faa; feye dɔ oko laa yege me-akyobo me' nye me. Me-re kaase ne n' kya wɔra abaa gyi.”

19 Yesu gi tɔge genen mɔ, i wɔra mɔ-akasebo mɔ ayen, ne me san me kya taase mɔ ɔko-ɔko yee, "Me ne nan wɔra fo genen?"

20 Yesu gi lee geno yee, "Feye gudu anyɔ ade dɔ ɔko laa yee me-akyobo me' nye me. Me-re kaase a kya wɔra abaa gyi lepe kolon dɔ faa.

21 I bo no yee me, anyamese pewu mɔmɔ-daa mɔ, nan wu' lewu obono onan me wolaa nmarase yela Wurubuaare agyebi mɔ dɔ kyu lii me so mɔ. Obono ɔ laa kyu me, anyamese pewu mɔmɔ-daa mɔ, wɔra me-akyobo abaa dɔ mɔ bere, kaase mɔ laako. I mennan koroge mɔ mɔ, i bɔ sa mɔ."

22 Me san me kya gyi mɔ, Yesu gi puru bodobodo keda, o kyu afaala sa Wurubuaare, ne ɔ gbaa-gbaa mɔ dɔ kyu sa mɔ-akasebo mɔ yee, "Fe' sɔɔ de fe' gyi. Me-nyoro ne."

23 Ne o puru konkon de nta keda, ne o kyu afaala sa Wurubuaare. O kyu nta mɔ sa mɔ-akasebo mɔ, ne mɔmɔ pewu me nun kɔɔle.

24 Ne Yesu gi tɔge sa mɔmɔ yee, "Nta nbono ne sa feye faa, me-nkalan ne. Nan wu' mɔ, me-nkalan gi laa kyeege fue sa asa sakyɔ de i' yee mɔmɔ-re Wurubuaare me' nye wɔra geno pɔbɔɔ.

25 Gesintin ne n kya tɔge feye faa, pei ne nan kii nun nta mɔ, genen mɔ, gekaabono n te n kya nun nmɔ npɔbɔɔ Wurubuaare gewuragyi mɔ dɔ mɔ."

26 Yesu mɔ-re mɔ-akasebo mɔ me gyi ta mɔ, me bii afaala ɔlon sa Wurubuaare, ne me lii kyon Nfo Iyii Gibii mɔ so.

Piita Laa Soroge Yee ɔ Meni Nyi Yesu

27 Me kya kpe mɔ, Yesu gi tɔge sa mɔ-akasebo mɔ yee, "Feye pewu fe laa sele taa me yeege. I kya nyiile yee me wolaa nmarase me-ilaa yela Wurubuaare agyebi mɔ dɔ yee, 'Wurubuaare laa mɔɔ isande ɔkparebo mɔ;

i ba genen mɔ, isande mɔ me laa yaase giyan-giyan.' "

28 Ne Yesu gi kii tɔge yee, "Ne kyingi lii ibuni dɔ mɔ, nan gyangbara feye kpe Galeli."

29 Nfono ne Piita gi tɔge sa Yesu yee, "Ba-a asense mɔ pewu me laa sele taa fo yeege mɔ, me bere, man sele taa fo yeege kpa-a."

30 Yesu gi tɔge sa mɔ yee, "Sɔɔ gibui yela, nde genye gede pei de ikyaase i' baa fole ginyɔ mɔ, fo gbaa ne nan soroge gikpadɔ gisa' yee fo meni nyi me."

31 Ne Piita gi kii tɔge mɔ ginsi peere so yee, "Ba-a me laa mɔɔ me-re fo mɔ, man soroge yee meni nyi fo." Ne akasebo sence mɔ me tɔge genen kee.

Yesu Gi Kpa Dalaa Gesemeni

32 Yesu mɔ-re mɔ-akasebo mɔ me kpe geteeko, me kya tere nno yee Gesemeni. Me fo nno mɔ, ɔ tɔge sa mɔ-akasebo mɔ yee, "Fe' kyena gere gyoo me de n' kpa dalaa."

33 ɔ yee Piita, Gyeemesi, de Gyon bere me' buu mɔ.

Me kya kpe mɔ, mɔ-gisen dɔ i yii gese i kya dee mɔ, ne mɔ-nyoro gi kya tɔge mɔ.

34 Ne ɔ tɔge sa mɔmɔ yee, "N kya wu' mi-i fue. I kya laare de i' mɔɔ me gbaa. Fe' kyena gere de fe' dii ilaa kamaase ibono i laa ba mɔ."

35 ɔ naa taa mɔmɔ yeege kpe ansi dɔ nmaraa, ne o kyu mɔ-nyoro too gesinkpan, ɔ kya dalaa ɔ kya kole Wurubuaare yee nengyene i laa sa mɔ, ɔ' yee genen ilaa ibono i kya ba mɔ so faa, i' baa kyon nkan sa mɔ.

36 O kii tɔge yee, "Me-se, sei meni don fo giwɔra. Nengyene fo laa kyule mɔ, nkana yee awɔɔfɔɔ abono a kya ba me so faa a' kyon gibaafon. Ne

dabole kole genen faa, yegε fo-lεε fo-gelaare ne ge' wora. I menj gye me-lεε gelaare."

³⁷ Ɔ dalaa genen mɔ, o kii kpe mɔ-akasebo asa' mɔ ase. Ɔ baa kpe mɔ, me de ginsi gide. O kyingi mɔmɔ, ne ɔ taase Simon Piita yεε, "Simon, fe de daa? Fe menj taale kyena ba-a nmaraa de fe' dii ilaa ibono i laa ba mɔ?"

³⁸ Ne ɔ tɔge sa mɔmɔ yεε, "Fe' dii ilaa ibono i laa ba mɔ de fe' dalaa yεε imɔ iko i menj' nye feye pene de fe' wora ilaa nyenyen. Ne wu yεε feye-asen dɔ bere mɔ nkana fe kya laare fe' wora me-gelaare; feye anyamese-lεε ɔlon ne menj kya taale."

³⁹ O kii kyon taa mɔmɔ yegε kpaɔ dalaa genen gedalaa kolon gebono kee sa Wurubuaare.

⁴⁰ Ɔ baa kii kpe mɔ-akasebo mɔ ase mɔ, me kii de. I lii fεε ginsi gide gi de mɔmɔ. O kyingi ɔmɔ mɔ, me menj bii ilaa ibono me laa tɔge mɔ.

⁴¹⁻⁴² Gisase mɔ, o kpe kii baa tu mɔ-akasebo mɔ, o kyingi mɔmɔ, ne ɔ taase mɔmɔ yεε, "Fe san fe de, fe kya kyoola? Fe' koso genen; owi mɔ gi fo. Kon ne ilaa nyenyen awɔrabo me laa nye me, anyamese pewu mɔmɔ-daa mɔ. Fe' kere. Ɔbono ɔ laa kyu me wora mɔmɔ-abaa dɔ mɔ ne n kya ba faa. Fe' koso de a' kpaɔ gyangara mɔ."

Yesu Akyobo Abaa A Gyan' Mɔ So

⁴³ Yesu san ɔ kya tɔnge mɔ, ayaa abono so mɔ, Gyudase, Yesu akasebo gudu anyɔ mɔ dɔ ɔko, gi ba nfono. Sakkpii buu mɔ, me de nki de nkpotii. Me lii Gyuda awura asunbi alεebo abelense de mɔmɔ-nbara anmarasebo de mɔmɔ-abelense sense mɔ ase.

⁴⁴ Gyudase ɔbono ɔ laa kyu Yesu wora abelense mɔ abaa dɔ genen mɔ gi wolaa tɔge sa sakkpii mɔ yεε, "Ɔbono fe wu ne faala mɔ da mɔ gya-gya mɔ, mɔ ne. Fe' keda mɔ de fe' kpare mɔ kpe abelense mɔ ase."

⁴⁵ Imɔso me kpaɔ fo nno mɔ, gesintin mɔ, Gyudase gi naa kpe Yesu ase, ne ɔ tere mɔ yεε, "Ɔbelense!" ne ɔ faala mɔ da mɔ gya-gya.

⁴⁶ Nfono mɔ sakkpii mɔ gi keda Yesu.

⁴⁷ Ne Yesu asa abono me bo nfono mɔ dɔ ɔko gi loore mɔ-geki lεε, ne ɔ nεεle dega ɔko giso fue. Dega mɔ wura ne n gye Gyuda awura asunbi alεebo gemu.

⁴⁸ Nfono ne Yesu gi taase sakkpii mɔ yεε, "N gye oyu nyenyen daa, ne fe kyu nki de nkpotii ba de fe' baa keda me faa?"

⁴⁹ Inj gye me-rε feye ne n bo no geke kamaase n kya nyiile asa ilaa Wurubuaare ɔson obu mɔ gikpaara mɔ so? I wone so ne fe menj keda me nno? To. Ɔfaanan ne fe laa kyu wora me de i' yegε ilaa ibono me wolaa nmarase yela Wurubuaare agyebi dɔ mɔ i' nye ba gesintin."

⁵⁰ Nfono mɔ mɔ-akasebo mɔ pewu me sele taa mɔ yegε.

⁵¹ Sakkpii mɔ de Yesu ɔ kya kpe mɔ, gedegabi geko bere ge buu mɔ. Gikuru boɔgyalonse wole ne ge bun. Sakkpii mɔ gi laare ɔ' keda mɔ.

⁵² Ne o luu mɔ-nyoro lii gikuru mɔ dɔ sa mɔmɔ sele kyon gibolonbukpan.

Me Kyu Yesu Kpe Nbele Agyibo Ase

⁵³ Me kpare Yesu kpe Gyuda awura asunbi alεebo gemu mɔ gewi, ne Gyuda awura asunbi alεebo abelense de mɔmɔ-nbara anmarasebo de mɔmɔ-abelense sense abono me kya gyi nbele mɔ pewu me baa gyan'.

⁵⁴ Me de Yesu me kya kpe genen mɔ, Piita gi buu mɔmɔ giyaa-giyaa kpaɔ loo asunbi alεebo gemu mɔ gikpaara mɔ so. Ɔ loo nno mɔ, o sii kyena saare asunbi alεebo gemu mɔ ngbe awura dɔ, me te me kya wole ɔgya.

⁵⁵ Mē kya gyi Yesu nbele mō, Gyuda awura asunbi alēbo abelense de nbele agyibo mō pewu mē kya laare ilaa ibono mē laa nye yele imō so kyu bun Yesu gipuee de mē' nye mō mō mō. Mē menj kya nye.

⁵⁶ Abono mē ten Yesu genō mō mē nyaakyō. Mōmō pewu nno mō genj wōra gikolon.

⁵⁷ Ako mē koso kee abon gyan mō so yee,

⁵⁸ “A nu Yesu gi tōge yee, ‘Nan boori Wurubuaare ɔson obu baare bun de n' kyu nke nsa yii ɔpoboro. Anyamese abaa ne mē kyu pōro ɔde; ɔbono nan yii mō bere, inj gye anyamese abaa ne nan kyu yii mō.’ ”

⁵⁹ Imō ide genen gbaa mō, mōmō abono mē tōge mō nno gi menj wōra gikolon.

⁶⁰ Nfono ne asunbi alēbo gemu mō gi koso yele sansana, ne ɔ taase Yesu yee, “Ibono pewu mē de ma-a gyan fo so faa, foj bo genō lee?”

⁶¹ O sii kurun, ɔj tōge sei. Nfono ne asunbi alēbo gemu mō gi kii taase Yesu yee, “Fo ne n gye ɔbono Wurubuaare gi wolaa tōge yee ɔ laa sun de o' gyi gewura mō-ade so mō? Fo-se ne n gye mō ɔbono ayenbi pewu a kaabore mō mō?”

⁶² Yesu yee, “En, me ne. Ne fe laa wu me, anyamese pewu mōmō-daa mō, n te Wurubuaare ɔlolonbo mō gyise gibaa so, n kya gyi gewura mō ase. Nan kyena Wurubuaare awole so kpelege ba gesinkpan so.”

⁶³ Asunbi alēbo gemu mō gi nu imō ide mō, ɔ biide mō-gegbe kyade de i' lee nyiile yee ilaa i ba. Ne ɔ tōge yee, “Abelense, ibono ɔ tōge faa, inj don abaa? Ilaa imō ne a baa a kya laare de a' baa nu lii mō so?”

⁶⁴ Fe nu genɔbono o kyu mō-nyoro kesere de Wurubuaare mō, fe de nne?” ɔ taase mōmō genen mō, mōmō pewu mē bun Yesu gipuee, ne mē kyule yee ɔ kaabore ɔ' wōra ɔmōose.

⁶⁵ Nfono mō, mōmō ako mē too akyole bun mō. Ne mē kyu ilaa iko nminde mō-ansi, mē kya ne ma-a ne mō akon, ne mē kya tōge mō yee ɔ' bii ɔbono ɔ ne mō mō. Mē kyu mō sa asunbi alēbo gemu mō ngbe awura mō, ne mē da-da mō itan.

Piita Gi Soroge Gikpadō Gisa' Yee ɔ Menj Nyi Yesu

⁶⁶ Piita san ɔ te gikpaara mō so gese nno mō, asunbi alēbo gemu mō obolonbu ɔko gi ba nfono.

⁶⁷ O wu Piita te ɔ kya wole ɔgya. ɔ kpeele kere mō, ne ɔ tōge yee, “Fo kee fo-re Yesu Nasaretenyen mō ne n naa.”

⁶⁸ Ne Piita gi soroge yee, “Menj nyi ilaa ibono fo dare faa. Menj kya nu imō gese gbaa.” Piita gi tōge genen ta mō, ɔ naa kpe gebunono ase. [Ayaa abono so mō, ikyaase i fole.]

⁶⁹ Obolonbu ɔko gi wu Piita ne ɔ tōge sa abono mē bo nfono mō yee, “ɔnyen baare bo Yesu ade mō dō.”

⁷⁰ Piita gi kii soroge imō lee ɔkpa. I kii wōra nmaraa too mō, abono mē yele nfono mō mē tōge sa Piita yee, “I gye gesintin daa. Fo bo Yesu ade mō dō, i lii fee fo kee fo gye Galelinyen.”

⁷¹ Ne Piita gi ka sa mōmō yee, “Ne kere fee Wurubuaare, menj nyi ɔnyen ɔbono fe dare faa. Nengyene abon ne n kya kee mō, me-re Wurubuaare abaa anyō.”

⁷² Ayaa abono so mō, ikyaase i fole [ginyose]. Ne Piita gi nyingi genɔbono Yesu gi wolaa tōge sa mō yee, “Nde genye gede pei de ikyaase i baa fole ginyose mō, fo laa soroge gikpadō gisa' yee fo menj nyi me.” Piita gi nyingi genen mō, ɔ loo osuten.

15

Me Kyu Yesu Kpe Ɖbelense Pilato Ansi Dɔ

¹ Gede ge kpe ge kya ke mɔ, nbele agyibo mɔ pewu me kii gyan. Genen nbele agyibo abono ne n gye Gyuda awura asunbi alɛbo abelense de mɔmɔ-isowole so abelense de mɔmɔ-nbara anmarasebo. Me gyan genen mɔ, me tɔge kyule abara genɔɔbono me laa wɔra Yesu mɔ. Imɔso me ŋminde mɔ, ne me kpare mɔ lii kyu kpa wɔra ɔbelense ɔbono ɔ te sa Rom wura mɔ abaa dɔ yee o' gyi mɔ-nbele. Me kya tere genen ɔbelense ɔbono yee Pilato.

² Ɖbelense Pilato kya gyi Yesu nbele mɔ, ɔ taase mɔ yee, "Fo ne n gye wura sa Gyuda awura mɔ?" Ne Yesu gi lee genɔ yee, "Fo-genɔ dɔ ne i lii."

³ Gyuda awura asunbi alɛbo abelense mɔ me kyu ilaa kpei-kpei gikyɔ gyan Yesu so.

⁴ Imɔso Ɖbelense Pilato gi taase Yesu yee, "Fon kya nu genɔɔbono me de ilaa kpei-kpei gikyɔ ma-a gyan fo so mɔ? Fo man lee genɔ?"

⁵ Yesu men baa bugi mɔ-genɔ tɔge sei, imɔso i de Ɖbelense Pilato genɔ gikyɔ.

Me Tɔge Yee Yesu Ɖ' Wɔra Imɔso

⁶ Gesi kamaase i wolaa i gye ilaa ibono Ɖbelense Pilato kya wɔra sa Gyuda awura mɔ yee nengyene me laa gyi mɔmɔ-geke bele gede mɔ, ɔ kya tigi mɔmɔ-asa abono ɔ keda tii de obu mɔ dɔ nyamese kolon de ɔ' naa. Mɔmɔ gbaa-gbaa ne n kya lee yii yee ɔde ne me kya laare, ne Pilato kya tigi mɔ sa mɔmɔ.

⁷ Genen owi ɔbono dɔ mɔ, ɔnyen ɔko tii de obu me kya tere mɔ yee Barabase. Owi ɔko dɔ mɔ, mɔ-re asa ako me koso kɔ de abeyin awura. Iko mɔ dɔ mɔ me mɔɔ asa, imɔso me keda ɔmɔ tii de obu. Genen Barabase baare bo mɔmɔ dɔ.

⁸ Geke bele mɔ so mɔ, sakpii gi kpe Ɖbelense Pilato ase kpa kole mɔ yee o' tigi abono o tii de obu mɔ dɔ ɔko sa mɔmɔ fee genɔɔbono ɔ kya kyena wɔra mɔ.

⁹ Ne Ɖbelense Pilato gi taase mɔmɔ yee, "N' tigi Yesu, feye Gyuda awura wura mɔ sa feye de ɔ' naa abee?"

¹⁰ I kya nyiile yee Pilato gi wu yee Yesu ilaa i bo Gyuda awura asunbi alɛbo abelense mɔ gelaalo daa so ne me kyu mɔ bara mɔ.

¹¹ Gyuda awura asunbi alɛbo abelense mɔ me ti wolaa wu sakpii mɔ yela yee, "Nengyene Pilato gi taase feye yee ane ne ɔ' taa yee sa feye mɔ, fe' tɔge yee ɔ' tigi daa Barabase; in gye Yesu." Imɔso me tɔge sa Pilato yee Barabase ne me kya laare.

¹² Ne Pilato gi kii taase mɔmɔ yee, "Mɔ, nne ne n' wɔra Yesu ɔbono fe kya tere yee feye Gyuda awura wura mɔ?"

¹³ Ɖ taase mɔmɔ genen mɔ, me kpen tɔge mɔ yee, "Da mɔ ananbi mada de oyii de ɔ' wu!"

¹⁴ Ne Pilato gi taase mɔmɔ yee, "De i' wone? Mene ilaa nyenyen ne ɔ wɔra?" Nfono mɔ me lɔrɔ kpen ken-ken daa yee, "Da mɔ ananbi oyii so mɔ!"

¹⁵ Pilato kya laare ɔ' buɛle sakpii mɔ de i' yuuli so mɔ, o tigi Barabase, ne ɔ yee asogya me' taa Yesu awulibi, ne yee me' kyu mɔ kpa da ananbi oyii so mɔ.

16 Nfono mɔ, asogya mɔ mɛ kyu Yesu kyu loo Pilato gɛwi nfono i gye mɔmɔ-gesun ɔwɔraten mɔ. Ne mɛ tɛrɛ mɔmɔ Rom asogya gikpen mɔ pɛwu baa gyan nno.

17 Nfono mɔ, mɛ kyu giwurakuru kyu gyaabii bun mɔ, ne mɛ luo iwe wɔra fɛɛ wura gɛpɛ ne mɛ kyu bun mɔ.

18 Mɛ san mɛ kya gyaabii faala mɔ yɛɛ, “Gyuda awura wura! Fo-rɛ gimu dɛnsɛ!”

19 Mɛ dɛ gɛyabii mɛ kya taa mɔ-gimu so ma-a kpe ma-a ba, ne mɛ kya too akyɔlɛ ma-a bun mɔ. Mɛ san mɛ kya faala mɔ mɛ kya ɲmii mɛ kya koso fɛɛ wura-lɛɛ mɔ ɔnan.

20 Mɛ gyaabii mɔ genen ta mɔ, mɛ maragɛ giwurakuru mɔ, ne mɛ kiiri mɔ gbaa-gbaa lɛɛ ngbɛ kyu suu mɔ, ne mɛ san kpare mɔ lii de mɛ' kpaa da mɔ anjanbi oyii so mɔɔ.

Mɛ Da Yesu Anjanbi Mada De Oyii

21 Mɛ dɛ Yesu mɛ kya kpe mɔ, mɛ gyangara ɔnyen ɔko, mɛ kya tɛrɛ mɔ yɛɛ Simon. Ɔ gye daa Siirinnyen. Mɔ-biana ne n gye Alesanda de Rufuse. Mɛ wu mɔ mɔ, ɔ naa ɔ kya ba ɔ' baa loo ɔsowolɛ mɔ so, ne mɛ nyise mɔ yɛɛ ɔ' sola Yesu lɛwu oyii mɔ.

22 Mɛ kyu Yesu kpaa fo getɛsko, mɛ kya tɛrɛ nno yɛɛ Gologota. (Gologota gɛɛ ne n gye Gimu Giwuye Gikpalan.)

23 Mɛ fo nno mɔ, mɛ kyu gɛlin geko mɛ kya tɛrɛ gɛmɔ yɛɛ miira kyu saare nta dɔ sa Yesu yɛɛ ɔ' nun, ne ɔ kine.

24 Nfono mɔ, mɛ luu Yesu ngbɛ nbono ɔ suu mɔ ne mɛ da mɔ anjanbi mada de oyii mɔ. Ne mɛ yɛ mɔ-nyoro so atɔ kyu. Mɛ kya yɛ atɔ mɔ mɔ, mɛ too ilaa iko kerɛ. Ibono i yii de fo mɔ, fo kyu.

25 Nyenyenge iwi sango ne mɛ da Yesu anjanbi mada de oyii mɔ.

26 Mɛ ɲmarasɛ ilaa ibono so mɛ kyu bun mɔ gipueɛ mɔ mada mɔ-amu so yɛɛ,

GYUDA AWURA WURA Mɔ NE.

27 Mɛ da iyu inyɔ iko kee anjanbi mada de iyii Yesu asɛ nfono, ɔko bo mɔ-gyisɛ gibaa so, ne ɔko bo mɔ-bɛnɛ so. [

28 Genen ilaa idɛ i yɛgɛ ilaa ibono mɛ wolaa ɲmarasɛ yela Wurubuaarɛ agyɛbi dɔ kyu lii Yesu so mɔ i' ba gɛsintin. Mɛ ɲmarasɛ yɛɛ, “Mɛ laa kalɛ mɔ wɔra ilaa nyenyɛn awɔrabo dɔ.”]

29 Asa abono mɛ yɛlɛ mɛ kerɛ mɔ, mɛ kya tugi mɔ inosun, mɛ kya yoole mɔ yɛɛ, “Fo ne yɛɛ fo laa boori Wurubuaarɛ ɔson obu mɔ de fo' kyu nkɛ nsa kii yii mɔ mɔ?”

30 Kii mɔlɛgɛ fo-nyoro! Kpelegɛ lii oyii mɔ so de a' kerɛ!”

31 Genen kee ne Gyuda awura asunbi alɛbo abɛlɛnsɛ mɔmɔ-rɛ nbara anjarasɛbo mɔ mɛ yoole mɔ ne. Mɛ kya tɔgɛ ma-a sa abara yɛɛ, “Mɔ ne n mɔlɛgɛ asa, ne ɔɲ kya taalɛ ɔ' mɔlɛgɛ mɔ-nyoro faa.

32 In gye mɔ ne Wurubuaarɛ gi sun yɛɛ ɔ' mɔlɛgɛ anyamesɛ mɔ? In gye mɔ ne n gye wura sa Isirale awura mɔ? O' kii kpelegɛ oyii baarɛ so de a' kerɛ de a' sɔɔ mɔ gyi.”

Ne abono mɛ da mɔmɔ-rɛ Yesu anjanbi mɔ kee mɛ kya saalɛ mɔ genen.

Yesu Gi Lɛɛ Ɔɲɛ

33 I fo owi ken-ken gere-gere mɔ, i wɔra gibiri sirim genen gɛsinkpan mɔ pɛwu so kaaborɛ owi gbaasɛ.

³⁴ Genen owi gbaase obono mɔ, Yesu gi kpen ken-ken tɔge mɔ-gede dɔ yee, "Ilayi, Ilayi, lama sabakitani?" (Imɔ gese ne n gye yee, "Me-Wurubuaare, me-Wurubuaare, i wonɛ ne fo lee ansi taa me yege genen?")

³⁵ Asa abono me yele nno mɔ ako me nu mɔ ase mɔ, me tɔge sa abara yee, "Fe' nu! ɔ kya tere Oloobu Ilaagya."

³⁶ Nfono mɔ oko gi sele kyu taato dufu-dufu oko kyu kpaa nyise wora mɔmɔ-nta bonyanse nko dɔ, ne o kyu de geyabii diire kpe Yesu genɔ ase yee ɔ' kyogyoo. Ne kaase mɔ gi kii tɔge yee, "Fe' taa mɔ yege de a' kere yee Ilaagya laa lii Wurubuaare dɔ baa kpelegerɛ mɔ oyii mɔ so?"

³⁷ Nfono mɔ Yesu gi kpen ken-ken, ne ɔ lee ɔɛ.

³⁸ Yesu gi wu' genen mɔ, gikuru gibono gi tii Wurubuaare tudɔ-lee obu bele mɔ gi kyan ginyɔ lii soso baa yii gese kyim.

³⁹ Asogya mɔ obelense yele nfono mɔ-re Yesu ansi a kere abara. O wu genɔobono i ba ne Yesu gi kyu lee ɔɛ mɔ, ɔ tɔge yee, "Gesintin, ɔnyen baare tansi ɔ gye Wurubuaare mɔ-bi."

⁴⁰ Akyii kee me yele geta-geta wu ilaa ide pɛwu. Mɔmɔ ako ne n gye Mariya Magadalakyii, de Salome, de Mariya obono ɔ gye Gyeemesi ɔpiiase de Gyosesi mɔmɔ-nyi mɔ.

⁴¹ Aberɛ abono Yesu naa de Galeli gesinkpan so mɔ, mɔmɔ ne n buu mɔ me kya kere mɔ so. Akyii sakyɔ abono me buu mɔ ba Gyerusalem mɔ kee me bo mɔ-owuten mɔ nfono.

Me Pule Yesu

⁴² Genen geakaabono me mɔɔ Yesu mɔ ge gye abaala geke sa Gyuda awura. Me kya baala ma-a gyoo mɔmɔ-geke kyoolase. Imɔso i kya fo gedɔɔde mɔ,

⁴³ ɔnyen oko gi da otu kpe Obelense Pilato ase kpaa tɔge mɔ yee ɔ' yege mɔ de ɔ' kpaa saga Yesu gibuni mɔ kpaa pule. Me kya tere ɔnyen obono yee Gyosefo. ɔ lii Arimatiya ɔsowole so. ɔ gye nyamese gbaa' Gyuda awura nbele agyibo mɔ dɔ, ne mɔ-gisen dɔ mɔ, mɔ-ansi a gyan geakaabono asa me laa nye Wurubuaare gewuragyi dɔ gekyena mɔ so.

⁴⁴ Obelense Pilato gi nu yee Yesu gi wu' belen genen mɔ, i de mɔ-genɔ. Imɔso ɔ tere asogya obelense mɔ, ne ɔ taase mɔ yee, "I gye gesintin yee Yesu gi ti wu'?"

⁴⁵ Ne asogya obelense mɔ gi kyule yee, "En, Yesu gi ti wu'." Nfono mɔ, Pilato gi sa Gyosefo ɔkpa de ɔ' taale kpaa saga Yesu gibuni mɔ kpaa pule.

⁴⁶ Gyosefo gi kpaa sɔɔ gikelele ne ɔ baa saga Yesu gibuni mɔ lii oyii mɔ so, ne o kyu gikelele mɔ kyu mili mɔ pɛwu. ɔ mili mɔ ta mɔ, o kyu obuni mɔ kpaa pule folebo obono me wolaa logedi yela sa ibuni gipule mɔ dɔ. Ne ɔ belen gibuni kpaatakperɛ baa tii folebo mɔ gebunono.

⁴⁷ Mariya Magadalakyii mɔ de Mariya, Gyosesi mɔ-nyi mɔ, me bo nno me kperɛ mɔmɔ-ansi kpaa wu Yesu opuleten.

16

Yesu Gi Kyingi Lii Ibuni Dɔ

¹ Gyuda awura geke kyoolase mɔ ge kyon mɔ, Mariya Magadalakyii mɔ de Mariya, Gyeemesi mɔ-nyi, de Salome me kpaa sɔɔ ilaa iko i de fee atikee. Me laa kyu kpe folebo mɔ dɔ de me' kyu kpaa bo Yesu gibuni mɔ.

² Geke kyoolase mɔ gede kesɛ mɔ, i gye Kosida. Imɔ nyenyenge fu-u mɔ, genen akyii ade me puru ilaa ibono me kpaa sɔɔ mɔ, ne owi mɔ-re mɔ-gibalii mɔ, me ba Yesu opuleten mɔ.

³ Mɛ kya kpe mɔ, mɛ kya taase abara yɛɛ, “Aɛɛ ne a laa nye de ɔ' belen gibui mɔ lii foledɔ mɔ gebunono sa aye ne?”

⁴ Mɛ baa diire ansi kere mɔ, gibui kpaatakperɛ mɔ gi dɛ nkan, gin baa gi tii foledɔ mɔ gebunono.

⁵ Mɛ loo foledɔ mɔ dɔ mɔ, mɛ baa kere mɔ, mɛ wu dega ɔko tɛ de gyise so, o suu gegbe fufuli wurugakya. Akyii mɔ mɛ wu dega mɔ, i nmaa mɔmɔ-gisen.

⁶ Ne ɔ tɔgɛ mɔmɔ yɛɛ, “Fɛɛɛ' yɛgɛ fɛyɛ-gisen gi' nmaa fɛyɛ. In gyɛ Yesu Nasaretɛnyen ɔbono mɛ da mɔ ananbi oyii so mɔɔ mɔ ne fɛ kya laare faa? O kyingi lii ibuni dɔ. Ɔɔɔ baa ɔ bo gɛɛnaa. Fɛ' kere. Nfono nkana mɔ-gibuni mɔ gi dɛ mɔ ne.

⁷ Imɔso fɛ' kpaa tɔgɛ Piita mɔ-rɛ Yesu akasebo sɛnsɛ mɔ yɛɛ ɔ gyangbara mɔmɔ kyon Galeli. Nno ne mɛ laa kii wu mɔ fɛɛ gɛnɔɔbono ɔ wolaa tɔgɛ mɔmɔ yela mɔ.”

⁸ Nfono mɔ akyii mɔ mɛ lii ɔɔ mɔ dɔ sele kyon. I dɛ mɔmɔ-gɛnɔ, ne mɔmɔ-nyoro gi kya da mɔmɔ. I wɔra mɔmɔ gifuu so mɔ, mɛɛ tɔgɛ sei sa ɔko-rɛ ɔko.

[

⁹ Kosida gɛkɛ mɔ Yesu gi kyingi lii ibuni dɔ mɔ, imɔ nyɛnyɛngɛ fu-u mɔ, ɔ daa gileɛ mɔ-nyoro nyiile daa Mariya Magadalakyii mɔ. (Mɔ ne n gyɛ ɔkyii ɔbono fɛ nu yɛɛ Yesu gi naa kyena gya ilaa nyɛnyɛn oduduu kpɛi-kpɛi sono koso mɔ so mɔ.)

¹⁰ Yesu gi lɛɛ mɔ-nyoro nyiile mɔ gɛnɛn mɔ, ɔkyii mɔ gi naa kpe abono nkana mɛ buu Yesu mɔ ase. Ɔ baa kpe mɔ, mɛ kya su, mɛ kya nyingi Yesu. O buu sa mɔmɔ

¹¹ yɛɛ o wu Yesu tɛ nkpa. O buu sa mɔmɔ gɛnɛn mɔ, mɛ mɛɛ sɔɔ imɔ gyi.

Yesu Gi Lɛɛ Mɔ-Nyoro Nyiile Mɔ-Akasebo Ako

¹² Imɔ gemara mɔ, Yesu mɔ-nanboana anyɔ ako mɛ lii ɔsowolɛ belɛ ɔko so mɛ kya kpe gɛtɛko. Mɛ naa mɛ kya kpe mɔ, Yesu gi baa lɛɛ mɔ-nyoro nyiile mɔmɔ. Gɛnɔɔbono ɔ kyɛgɛ mɔ, mɛ mɛɛ bii mɔ belɛ.

¹³ Ɔ lɛɛ mɔ-nyoro nyiile mɔmɔ gɛnɛn mɔ, mɛ kii kpe ɔsowolɛ belɛ mɔ so kpaa buu sa mɔmɔ-nanboana asɛnsɛ mɔ. Mɔmɔ-nanboana mɔ bɛɛ mɛ mɛɛ sɔɔ imɔ gyi.

¹⁴ Yesu akasebo gudu ɔko mɔ mɛ tɛ mɛ kya gyi mɔ, Yesu gi kpaa lɛɛ mɔ-nyoro nyiile mɔmɔ. Ɔ taase mɔmɔ yɛɛ, “Mɛɛ n wɔra ne fɛ bo akycɔlɛ ne fɛɛ kya sɔɔ ilaa gyi gɛnɛn? I kya nyiile yɛɛ asa mɛ wu mɛ ne kyingi lii ibuni dɔ ne mɛ baa buu sa fɛyɛ mɔ, fɛ mɛɛ sɔɔ mɔmɔ gyi.”

¹⁵ Ne ɔ tɔgɛ sa mɔmɔ yɛɛ, “Fɛ' kpe gɛsinkpan gɛtɛn kamaasɛ so de fɛ' kpaa tɔgɛ mɛ-ɔkalan konkɔnsɛ mɔ sa nyamɛsɛ kamaasɛ.

¹⁶ Ɔbono ɔ sɔɔ ɔkalan mɔ gyi ne fɛ gyɛrɛ mɔ Wurubuaarɛ sagyɛrɛ mɔ, Wurubuaarɛ laa mɔlɛgɛ mɔ de ɔ' nye kyena mɔ ase gekpaa-gekpaa. Ɔbono mɔ, ɔ mɛɛ sɔɔ ɔkalan mɔ gyi mɔ, Wurubuaarɛ laa bun mɔ gipueɛ.

¹⁷ Abono mɛ sɔɔ mɛ-ɔkalan konkɔnsɛ mɔ gyi mɔ, mɛ laa wɔra ilaa gbaa'gbaa ibono nkana nyamɛsɛ mɛɛ taalɛ wɔra mɔ-gibaa so mɔ. Imɔ ne n gyɛ yɛɛ mɛ laa kyu mɛ Yesu ginyɛn gya ilaa nyɛnyɛn oduduu kpɛi-kpɛi koso asa so; mɛ laa dalaa de ndɛ nbono mɛɛ wolaa mɛ kya nu mɔ;

¹⁸ mɛ laa kɛda awɔɔ de abaa ne mɛ laa nun gibɔɔ kamaasɛ, i mɛɛ wɔra mɔmɔ sei. Mɛ laa kyu mɔmɔ-abaa gyan alɔbo so, de mɔmɔ-alɔbi mɔ a' ta.”

Wurubuaare Gi Puru Yesu Kyon Wurubuaare Do

¹⁹ Wura Yesu gi toge sa mo-akasebo mo genen ta mo, i puru mo kyon Wurubuaare do, ne o kpe o te Wurubuaare gbaa gyise so o kya gyi gewura.

²⁰ Yesu akasebo mo, mo, me naa kpe geten kamaase me kya toge mo-okalan konkonse mo ma-a sa asa, ne Wura Yesu gbaa-gbaa gi naa de momo so wora ilaa gbaa gbaa de i' lee nyiile asa yee mo-okalan mo gye gesintin.]

Luka Ɔkalan Konkonsɛ Ɔbono Ɔ Nmarasɛ Kyu Lii Yesu So Mɔ

Ilaa Ibono So Luka Gi Nmarasɛ Yesu Ilaa Yela Mɔ

¹Ɔbelensɛ Tiyoɕilo, fo wolaa fo nyi yɛɛ asa sakyɔ mɛ kyu too mɔmɔ-nyoro so yɛɛ mɛ laa tɔsɛ ilaa ibono Yesu gi wɔra aye dɔ mɔ de mɛ' nmarasɛ imo yela.

² Mɛ nmarasɛ imo yela de i' kyu kyena genɔ kolon fɛɛ genɔɔbono asa ako mɛ wu tɔgɛ mɔ. Genen asa abono berɛ ne n wu Yesu ilaa wɔrasɛ de mɔmɔ-ansi lii gɛsɛ de gɛsɛ ne mɛ naa wɔra Yesu agyebi mɔ so gesun.

³ Mɛ kee, fɛɛ genɔɔbono anmarasɛbo mɔ mɛ nmarasɛ mɔ, n wolaa mi-i laare Yesu gekyena dɔ ilaa mɔ dɔ doɔdan lii imo gɛsɛ de gɛsɛ. Ɔbelensɛ Tiyoɕilo, nɛ laare imo dɔ wu mɔ, nɛ wɔra mɛ-gewɔnsa yɛɛ mɛ kee, nan nmarasɛ imo so ilaa gifyan so gifyan so sa fo

⁴ de fo' nyɛ bii gesintin kyu lii ilaa ibono fo nu mɔ so.

Gyon Mɔ-Nyi De Mɔ-Sɛ Ilaa

⁵ Owi ɔbono Herode kya gyi gewura Gyudiya gesinkpan so mɔ, Gyuda awura asunbi alɛebo mɔ dɔ ɔko bo no, mɛ kya tɛrɛ mɔ-ginyen yɛɛ Sakariya. Asunbi alɛebo akpen mɔ dɔ mɔ, Sakariya gye Oloobu Abigyaa-lɛɛ gikpen dɔ. Mɛ kya tɛrɛ mɔ-ka yɛɛ Elisabete. Mɔ kee gye Gyuda awura asunbi alɛebo gesu dɔ.

⁶ Sakariya mɔ-rɛ mɔ-ka mɛ kya gyi gesintin sa Wurubuaarɛ. Mɛ kya gyi mɔ-nbara so, ne mɛ kya wɔra itiibilaa pɛwu imo-ikpa so.

⁷ Imo genen mɔ, mɛ mɛn nyɛ gekorogɛ. Elisabete gye daa ɔlabanbo, ne mɔmɔ anyɔ mɛ ti mɛ kya bele.

⁸ Owi ɔko dɔ mɔ, i tu Sakariya-lɛɛ gikpen dɔ awura yɛɛ mɔmɔ ne mɛ' wɔra asunbi ilaa sa Wurubuaarɛ. Imɔso gekɛ gedɛ mɛ kya wɔra Wurubuaarɛ ɔson ilaa

⁹ fɛɛ genɔɔbono Gyuda awura asunbi alɛebo mɔ mɛ kya wɔra mɔ, mɛ too ilaa iko kɛrɛ de mɛ' wu ɔbono ɔ laa loo Wurubuaarɛ ɔson obu mɔ dɔ kpaa dɛɛ onufuii de i' wɔra ofɛn mɔ. Mɛ too imo kɛrɛ genen mɔ, i baa yii daa de Sakariya.

¹⁰ Imɔso mɛ kya son mɔ, i fo onufuii adɛɛberɛ mɔ, ɔ loo ɔson obu mɔ dɔ, yɛgɛ sakpii mɔ pɛwu yelɛ nɛmanɛman mɛ kya dalaa.

Wurubuaarɛ Dɔ Ɔsɔɔ Ɔko Gi Ba Sakariya Asɛ

¹¹ Ɔ bo obu mɔ dɔ mɔ, Wurubuaarɛ dɔ ɔsɔɔ ɔko gi ba mɔ asɛ baa yelɛ Wurubuaarɛ onufuii ɔdɛɛten mɔ gyisɛ so.

¹² Sakariya gi wu mɔ genen mɔ, i nmaa mɔ-gisen ne i wɔra mɔ gifuu.

¹³ Wurubuaarɛ dɔ ɔsɔɔ mɔ gi tɔgɛ sa mɔ yɛɛ, "Sakariya, gɛn sa fo' yɛgɛ i' wɔra fo gifuu. Wurubuaarɛ gi nu fo-gedalaa. Fo-ka Elisabete laa korogɛ gebii nyensɛɛ sa fo. Yela mɔ-ginyen yɛɛ Gyon.

¹⁴ I laa wɔra fo-gisen dɔ ɔkon gikyɔ. Asa sakyɔ kee mɛ laa gyi ɔkon yɛɛ i korogɛ genen gebii gebono.

¹⁵ Ɔ laa baa wɔra nyamɛsɛ gbaa' sa Wurubuaarɛ. Nta ne n gye nta gi man yii mɔ-gɛno. Wurubuaarɛ Oduduu mɔ laa suu de mɔ lii ko-o mɔ-nyi ɔtɔ dɔ.

16 Ǿ laa yege feye-Isirale awura sakyɔ me' kii ba mɔmɔ-Wura Wurubuaare ase baa son mɔ.

17 Pei ne Wurubuaare laa ba mɔ-ade ase mɔ, Gyɔn baare laa kyu oduduu de ɔlon bele fee Oloobu Ilaagya-lee mɔ ɔnan gyangbara mɔ. Ǿ laa lɔrɔ nbii de ase nsana. Ǿ laa yege abono me bo gisomaanu sa Wurubuaare mɔ me' bii ɔlaako fee abono me kya gyi gesintin sa mɔ mɔ. Ǿ laa lɔrɔ Wurubuaare ade sa Wurubuaare de me' wɔra asa abono me baala mɔmɔ-nyoro yela mɔ."

Sakariya Men Sɔɔ Gaberiyele Gyi

18 Wurubuaare dɔ ɔsɔɔ mɔ gi tɔge genen ta mɔ, Sakariya gi taase mɔ yeɛ, "Nne ne nan wɔra de n' bii yeɛ genen ilaa ibono fo tɔge faa i laa ba gesintin? N gye daa ɔnyen belense ne me-ka kee gi bele."

19 Nfono mɔ Wurubuaare dɔ ɔsɔɔ mɔ gi lee geno yeɛ, "Me ne n gye Gaberiyele. Me-re Wurubuaare ne owi kamaase dɔ. Mɔ ne n keda me sun fo ase yeɛ n' baa tɔge fo genen ɔkalan konkonse baare.

20 Sɔɔ gibui yela. Fo man baa tɔnge. Fo laa bingiri omuumuu kaabore genen ilaa ide i laa ba gesintin. I kya nyiile yeɛ ilaa ibono ne tɔge sa fo mɔ fo men sɔɔ imɔ gyi. Owi mɔ gi fo mɔ, i laa ba gesintin."

21 Genen owi ɔbono pewu mɔ asa abono me bo nɔmanman mɔ me gyoo Sakariya me kya kpon. I de mɔmɔ-geno yeɛ ɔ keela Wurubuaare ɔson obu mɔ dɔ gikyɔ.

22 Owi ɔbono ɔ kpaa lii ba mɔ, ɔɲ baa ɔ taale ɔ' tɔnge. Nfono mɔ, me bii ibono o wu ilaa iko lii Wurubuaare ase Wurubuaare ɔson obu mɔ dɔ. Mɔ-abaa ne ɔ san ɔ de ɔ kya kaala. O bingiri omuumuu.

23 Sakariya-lee owi ɔbono ɔ kya kyu wɔra asunbi ilaa sa Wurubuaare mɔ gi loge mɔ, o kii kyon mɔ-ɔsowole so.

24 Imɔ gemara mɔ, mɔ-ka Elisabete gi da ɔtɔ. Ǿ da ɔtɔ mɔ, ɔ men kyule lii gikpaara so genen-n ibose inun. Ǿ kya tɔge ɔ kya sa mɔ-nyoro yeɛ,

25 "Kere ilaa ibono Wurubuaare gi wɔra sa me! Ide bere, o nyingi me so yeɛ ɔ laa denge me-ansi ipeeli me-nanboana dɔ."

Gaberiyele Gi Ba Mariya ɔbono Ǿ Laa Koroge Yesu Mɔ Ase

26 Elisabete ɔtɔ ibose isee dɔ mɔ, Wurubuaare gi sun mɔ-ɔsɔɔ Gaberiyele lii Wurubuaare dɔ kpe Nasarete ɔsowole so Galeli gesinkpan so yeɛ o' kpe obolonbu ɔko ase.

27 Obolonbu mɔ men ti taa bii ɔnyen. ɔnyen ɔko ne n kya ye mɔ, me kya tere mɔ yeɛ Gyosefo. Ǿ gye Oloobu Deefidi gesu dɔ. Obolonbu mɔ ginyen ne n gye Mariya.

28 Imɔso Wurubuaare dɔ ɔsɔɔ mɔ gi ba Mariya baare ase baa faala mɔ ne ɔ tɔge sa mɔ yeɛ, "Omodensebo! Wurubuaare yeɛ fo-gemara."

29 Wurubuaare dɔ ɔsɔɔ mɔ ilaa tɔgese mɔ i wɔra Mariya gewɔnsa gikyɔ. Ǿ san ɔ kya taase mɔ-nyoro yeɛ, "Mene afaala ɔnan ne?"

30 Nfono mɔ, Wurubuaare dɔ ɔsɔɔ mɔ gi tɔge mɔ yeɛ, "Mariya, gen yege i' wɔra fo gifuu. Wurubuaare gibaa gi gyan fo so.

31 Nu yeɛ fo laa nye ɔtɔ de fo' koroge ɔnyen. Yela mɔ-ginyen yeɛ Yesu.

32 Ǿ laa wɔra nyamese gbaa' ne me laa tere mɔ yeɛ Gitobeɛ mɔ-bi. Wura Wurubuaare laa kyu mɔ-naana Oloobu Deefidi gewuragi mɔ sa mɔ

33 de o' gyi gewura Oloobu Gyeekɔpo gesu pewu so gekpaa-gekpaa. Mɔ-gewuragi ge man ta ɔkara."

34 Wurubuaare dɔ ɔsɔɔ mɔ gi tɔge genen ta mɔ, Mariya gi taase mɔ yeɛ, "Nne so ne i laa ba genen? Men ti bii ɔnyen kere."

³⁵ Wurubuaare dɔ ɔsɔɔ mɔ gi lɛɛ gɛnɔ yɛɛ, “Wurubuaare Oduduu laa ba fo so. Gitɔbele mɔ ɔlon laa baa bun fo so. Genen so mɔ mɛ laa tɛrɛ gɛbii gɛbono fo laa baa korogɛ faa yɛɛ Wurubuaarɛ-lɛɛ, Wurubuaarɛ mɔ-bi.

³⁶ Nu yɛɛ fo-subu Elisabɛtɛ kee gi nye ɔtɔ mɔ-gikyibelɛnsɛ gidɛ dɔ. Mɔ ɔbono nkana mɛ kya tɛrɛ mɔ yɛɛ ɔlabanbo mɔ, mɔ-ɔtɔ mɔ ibosɛ isɛɛ nɛ. Mɔ kee laa korogɛ ɔnyɛn.

³⁷ I kya nyiile yɛɛ sei mɛɲ bo no i don Wurubuaarɛ giwɔra.”

³⁸ Wurubuaare dɔ ɔsɔɔ mɔ gi tɔgɛ genen ta mɔ, Mariya gi lɛɛ gɛnɔ yɛɛ, “Yo, nɛ nu. N tɛ sa daa Wurubuaarɛ. I' ba sa me fɛɛ gɛnɔɔbono fo tɔgɛ faa.” Nfono mɔ Wurubuaarɛ dɔ ɔsɔɔ mɔ gi lii kyon taa Mariya yɛgɛ.

Mariya Gi Kpaa Laa Elisabɛtɛ

³⁹ Genen nkɛ nbono dɔ mɔ, Mariya gi koso kyon belen-belen kpe Gyudiyaa gesinkpan so abii dɔ ɔsowolɛ ɔko so.

⁴⁰ ɔ fo nno mɔ, ɔ naa loo ɔbelɛnsɛ Sakariya gɛtɛn dɔ kpaa faala mɔ-ka Elisabɛtɛ.

⁴¹ Elisabɛtɛ gi kpe nu Mariya afaala de mɔ-aso mɔ, gɛbii mɔ gɛ kisee gikolon Elisabɛtɛ ɔtɔ dɔ. Ayaa abono so mɔ, Wurubuaarɛ Oduduu gi baa suu de Elisabɛtɛ,

⁴² ne ɔ bugi gɛnɔ tɔgɛ Wurubuaarɛ ilaa ken-ken sa Mariya yɛɛ, “Akyii dɔ pɛwu mɔ, fo ne Wurubuaarɛ gi yuule, ne gɛbii gɛbono fo laa korogɛ mɔ,

Wurubuaarɛ ayuule a bun gɛmɔ so.

⁴³ Fo ɔbono fo laa wɔra mɛ-ɔmɔlɛgɛbo de mɛ-wura mɔ-nyi mɔ ne n naa de fo-ayaa baa laa mɛ ɔdɛ faa?

⁴⁴ Kɛrɛ! Nɛ kpe nu fo-afaala mɔ, ayaa abono so mɔ, gɛbii gɛbono gɛ bo mɛ-ɔtɔ dɔ mɔ gɛ kyu ɔkon kisee.

⁴⁵ Fo ɔkyii baarɛ, ibono fo sɔɔ gyi yɛɛ ɔkalan ɔbono Wurubuaarɛ gi sa fo mɔ laa ba gɛsintin faa, Wurubuaarɛ ayuule a gye fo-lɛɛ.”

Mariya Gi Bii Afaala ɔlon Yen Wurubuaarɛ

⁴⁶ Mariya gi tɔgɛ yɛɛ,

“N kya yen mɛ Wura Wurubuaarɛ lii mɛ-gisɛn dɔ.

⁴⁷ Wurubuaarɛ, mɛ-ɔmɔlɛgɛbo mɔ so mɔ, ɔkon bɔla mɛ-gisɛn dɔ.

⁴⁸ Mɛ, Wurubuaarɛ obolonbu ɔbono mɛɲ bo gikɔ dɔ mɔ, mɛ-ilaa i tiri Wurubuaarɛ nɛ ɔ kalɛ mɛ wɔra asa dɔ.

Lii ndɛ kyu kyon mɔ, nyamɛsɛ kamaasɛ ɔbono i korogɛ mɔ mɔ laa san tɛrɛ mɛ yɛɛ Omudɛnsɛbo.

⁴⁹ Gɛsintin, Wurubuaarɛ ɔbono ɔ gye ɔlonbo mɔ gi wɔra ilaa gbaa' sa mɛ. Mɔ nɛ n gye Gisɛn Fuuli Wura.

⁵⁰ Asa abono mɛ sɛlɛ Wurubuaarɛ mɔ, Wurubuaarɛ laa kpe ɔ kya su mɔmɔ gitolon san sa abi san sa anaana.

⁵¹ Wurubuaarɛ laa lɛɛ mɔ-ɔlon belɛ nyiile. Abono mɛ kya diirɛ mɔmɔ-nyoro mɔ, ɔ laa bara mɔmɔ gɛsɛ.

⁵² ɔ laa kyigi awura mɔmɔ-nyapaa so de ɔ' diirɛ abono mɛ mɛɲ bo gikɔ dɔ mɔ loo asa dɔ.

⁵³ Abono mɛɲ bo sɛi mɔ ɔ laa kyu ilaa dɛnsɛ kyu kyɛɛ ɔmɔ de i' tɔrɔ ɔmɔ-asɛn.

Aterɛnbi awura bɛrɛ, ɔ laa lɛɛ ɔmɔ-ɔkpa abaa gudu, ayaa gudu.

⁵⁴ ɔ laa lɛɛ mɔ-gitolon gibono ɔ bo mɔ nyiile

de ɔ' kpaɔ aye Isirale awura abono a gye mɔ-asonbo mɔ.

55 ɔ laa kpaɔ Isirale fɛɛ genɔɔbono ɔ wolaa ka yela
sa aye-naanaana agyangbarase mɔ.

ɔ ka yɛɛ ɔ laa su Oloobu Aberaham mɔ-rɛ mɔ-naana naanaana
pɛwu so gɛkpaɔ-gɛkpaɔ.”

56 Mariya gi ba Elisabete ase genen mɔ, ɔ kyena nno fɛɛ ibose isa' pɛi ne ɔ
loɔ kii gɛwi.

Elisabete Gi Korogɛ Gyon

57 Elisabete owi korogɛɛ gi fo mɔ, ɔ korogɛ ɔnyen.

58 ɔ korogɛ mɔ, mɔ-nanboana de mɔ-subuana mɛ nu yɛɛ Wurubuaare
gi tansi su mɔ gitolon, ne mɛ gyi ɔkon kpaɔ mɔ.

59 Mɔ-gɛkorogɛ mɔ nke gukue gɛmara mɔ, mɛ ba de mɛ' baa ten kyokyoo
mɔ giwɔrɛ de mɛ' yela mɔ-ginyen fɛɛ genɔɔbono mɔmɔ-itiibilaa i kya nyiile
mɔ. Nkana mɛ kya laarɛ de mɛ' kyu mɔ-sɛ Sakariya ginyen kyu yela mɔ,

60 ne kyokyoo mɔ mɔ-nyi gi kine yɛɛ, “Kuaa. A laa tɛrɛ mɔ yɛɛ Gyon.”

61 Talabo mɔ gi tɔgɛ genen mɔ, asa mɔ mɛ tɔgɛ sa mɔ yɛɛ, “Fɛye-gesu dɔ
mɔ, mɛ mɛɲ ti yela ɔko-rɛ ɔko ginyen gide.”

62 Nfono mɔ mɛ kaala abaa dɔ kyu taase kyokyoo mɔ mɔ-sɛ de mɛ' bii
ginyen gibono ɔ kya laarɛ mɛ' tɛrɛ gɛbii mɔ mɔ.

63 Mɛ kaala nyiile mɔ genen mɔ, ɔ taase taato nmarasɛɛ so, ne ɔ
nmarasɛ gyan yɛɛ, “Mɛ' tɛrɛ mɔ yɛɛ Gyon.” ɔ nmarasɛ genen mɔ, i de
mɔmɔ pɛwu genɔ.

64 Ayaa abono so mɔ, Sakariya genɔ gɛ bugi ne o kii taale ɔ kya tɔngɛ,
ne o yii gɛɛ ɔ kya yen Wurubuaare.

65 Abono mɛ tɛ sindi mɔmɔ mɔ pɛwu mɛ nu imɔ mɔ, i wɔra mɔmɔ
gifuu. Genen ilaa ide pɛwu ne n san wɔra gɛsingyi gyisɛ sola kyon kpaɔ
lii Gyudiyaa abii mɔ dɔ isowolɛ mɔ so.

66 ɔkamaase ɔbono o nu ilaa ibono i ba mɔ pɛwu mɔ gi sa imɔ so nwonso
gikyo ne ɔ san ɔ kya taase mɔ-nyoro yɛɛ, “Mɛnɛ ne gɛbii gɛdɛ gɛ laa baa
wɔra gɛkaako?” I kya nyiile yɛɛ mɛ wu ibono Wurubuaare ɔlon bo mɔ dɔ.

Sakariya Gi Bii ɔlon Yen Wurubuaare

67 Wurubuaare Oduduɔ mɔ gi suu de gɛbii mɔ mɔ-sɛ, Sakariya ne o wu
Wurubuaare ilaa tɔgɛ yɛɛ,

68 “Ayenbi a gye sa Isirale awura wura, Wurubuaare.

ɔ ba aye abono a gye mɔ-adɛ mɔ ase
de ɔ' lɛɛ aye lii ilaa nyenyɛn dɔ
de a' nye kyena sa mɔ.

69 ɔ laa bara aye ɔlolonbo de ɔmɔlɛgɛbo ɔko
lii Deefidi ɔbono ɔ wɔra Wurubuaare sonbo mɔ gɛsu dɔ.

70 ɔ wolaa tɔgɛ genen ɔmɔlɛgɛbo baarɛ so ilaa yela
lii ko-o dedaa kyu naa de mɔ-ikalaa atɔgɛbo abono
ɔ loɔ yela sa mɔ-gesun mɔ so.

71 Wurubuaare laa mɔlɛgɛ aye lii aye-akyobo ase.

ɔ laa sɔgɛ aye lii asa abono pɛwu
mɛ mɛɲ kya laarɛ aye-ilaa mɔ abaa dɔ.

72 ɔ laa mɔlɛgɛ aye genen de o' su aye gitolon
fɛɛ genɔɔbono ɔ ka yela sa aye-naanaana mɔ.

Wurubuaare gi wolaa tɔgɛ yɛɛ
ɔ laa yɛgɛ aye-rɛ mɔ a' wɔra genɔ pobɔrɔ.

ɔ maɲ lɛɛ ansi yɛgɛ genen genɔ pobɔrɔ gɛbono.

73 ɔ laa gyi ntan nbono ɔ ka yela sa aye Gyuda awura ɔnaana gyangbarase, Aberaham, mɔ so.

74 ɔ ka ntan mɔ yɛɛ ɔ laa sɔge aye lii aye-akyobo abaa dɔ de ɔ' sa aye ɔkpa yɛɛ a' son mɔ ibono a maŋ sele sei.

75 A laa kyu gisen fufuli de gesintin son mɔ aye-nke ɔkara.

76 Me-bi, fo-o fo mɔ,
mɛ laa tere fo yɛɛ Gitɔbele mɔ ikalan ɔtɔgebo.

I kya nyiile yɛɛ fo laa gyangbara sa aye-Wura
ɔbono ɔ laa mɔlɛge aye mɔ de fo' lɔrɔ ɔkpa gyoo mɔ.

77 Fo laa yɛge mɔ-ade me' nu mɔ-amɔlɛge mɔ so
yɛɛ ɔ laa kyu mɔmɔ-ilaa nyenyen kyu kyɛɛ mɔmɔ.

78 Aye-Wurubuaare mɔ gye otolonbo lii mɔ-gisen dɔ.
Mɔ-gitolon mɔ so mɔ, ɔ laa yɛge gɛde dense ge' ke sa aye

79 de aye abono a tɛ gibiri dɔ ne a sele lɛwu mɔ,
i' nye wu aye de a' naa de gisen yuuli ɔkpa mɔ.”

80 Gebii mɔ ge sɛɛ, ne ɔ nye oduduu dɔ ɔlon. ɔ san kyena daa gipen dɔ kpa a fo gɛke gɛbono Wurubuaare gi baa lɛɛ mɔ-gewi nyiile Isirale awura mɔ.

2

Mariya Gekoroge Ilaa

1 Owi ɔbono dɔ mɔ, Gyuda awura de asa oyuduu kpei-kpei mɛ tɛ sa daa Rom awura. Genen nke nbono dɔ mɔ i ba yɛɛ mɔmɔ Rom wura bele, Siisa ɔgustuse, gi yela nbara sa ɔkamaase yɛɛ ɔ' ŋmarase mɔ-ginyen de me' kale abono pɛwu mɛ tɛ gesinkpan gɛbono so mɔ.

2 Imɔ ide ne n gye ibono i gyangbara yɛɛ mɛ kale asa de me' bii gesinkpan so asa gɛgyɔnɔ. I ba daa abere abono ɔbelense Kuriniyuse tɛ sa Rom abeyin Siiriya gesinkpan so mɔ.

3 Mɛ kya kale asa genen mɔ, ɔkamaase gi kpe mɔ-gewi de ɔ' kpa a ŋmarase mɔ-ginyen.

4 Imɔso Gyosefo kee gi koso lii Nasarete ɔsowole ɔbono ɔ bo Galeli gesinkpan so mɔ, ne o kpe Gyudiya gesinkpan so de ɔ' kpa a ŋmarase mɔ-ginyen Betelɛhem ɔsowole so nfono mɛ koroge mɔ-naana Oloobu Deefidi mɔ. I kya nyiile yɛɛ ɔ gye daa Oloobu Deefidi gesu dɔ de mɔ-getsen dɔ isa.

5 Imɔso o kpe nno de me' kpa a ŋmarase mɔ-re mɔ-ka Mariya ɔbono ɔ kya ye mɔ ne Wurubuaare gi yɛge mɔ ɔ da ɔtɔ mɔ anyen.

6 Mɛ bo Betelɛhem nno mɔ, owi gi fo ibono Mariya laa koroge,

7 ne ɔ koroge mɔ-bi gyangbarase, gɛbii nyenseɛ. O kyu ataaban mili mɔ ne o kyu mɔ diila nbue ogyiten gidɛkaa dɔ. I kya nyiile yɛɛ mɛ men nyɛ ɔkpa kpa a soge asafo ɔlooten. Nno mɔ i ti bɔla.

Isande Akparebo Ako Mɛ Nu Yɛɛ I Koroge Yesu

8 Genen gesinkpan gɛbono so kee mɔ, isande akparebo ako mɛ bo ndɔɔ dɔ mɛ kya dii ɔmɔ-nbue genye.

9 Mɛ bo nno genen mɔ, Wurubuaare dɔ ɔsɔɔ ɔko gi lii ɔmɔ so. ɔsɔɔ mɔ gi lii ɔmɔ so genen mɔ, Wurubuaare nyisigyɛ gi baa ŋelegi kyaabɔɔ ɔmɔ. Mɛ wu genen mɔ, i wɔra isande akparebo mɔ gifuu gikyɔ kyɔde.

10 I wɔra ɔmɔ gifuu genen mɔ, Wurubuaare dɔ ɔsɔɔ mɔ gi tɔge sa ɔmɔ yɛɛ, “Fɛŋ sa fɛ' sele gifuu. N de ɔkalan konkonse mi-i bara fɛye! ɔkon bele ɔko kya ba. ɔ kya ba daa sa anyamese pɛwu.

11 Imo ne n gye yee nde geke gede Oloobu Deefidi osowole mo so mo, me koroge omolegebo. Mo ne n gye Wura. Mo ne Wurubuaare gi wolaa toge yee o laa sun de o' baa molege feye mo.

12 Ilaa ibono i laa lee mo-gewi nyiile feye mo ne n gye yee fe laa wu kyokyoo me kyu ataaban kyu mili mo, o de nbue ogyiten gidexaa do."

13 Wurubuaare do osoo mo gi toge genen mo, me baa kere mo, Wurubuaare do isoo alolonbo gikpen bele ne n lii Wurubuaare do ba. Me ba me yelee osoo gyangbarase mo ase me kya yen Wurubuaare me kya toge yee,

14 "Nysisigy i' wora Wurubuaare-lee Wurubuaare do, de gesinkpan gede so mo, gisen yuuli gi' wora abono me kya gyi Wurubuaare ginsi mo-lee."

15 Wurubuaare do isoo mo me naa taa omo yegge kii kpe Wurubuaare do. Me kyon mo, isande akparebo mo me kya toge me kya sa abara yee, "A' kpe Betlehem de a' kpa kere ilaa ibono i ba nno ne Wurubuaare gi lee nyiile aye faa."

16 Ne gesintin me yii okpa kyon belen-belen. Me kpe mo, me kpa wu Mariya mo-re Gyosefo. Ne me wu kyokyoo mo de nbue ogyiten gidexaa mo do.

17 Me wu mo genen mo, me buu okalan obono me nu lii mo so mo sa mo-se de mo-nyi.

18 Ne i de abono pewu me nu imo mo geno gikyo.

19 Mariya bere, gi kyu ilaa mo wora mo-gisen do, o kpe o kya sa imo so gewonsa.

20 Isande akparebo mo, mo, me kii kpe momo-isande mo ase me kpe me de nysisigy me kya sa Wurubuaare, me kya yen mo kyu lii ilaa ibono pewu me nu ne me kpa wu de momo-ansi mo so. I kya nyiile yee me kpa wu ilaa kamaase fee genobono Wurubuaare do osoo mo gi wolaa toge omo mo.

Me Yela Yesu Ginyen

21 Mariya gi koroge mo imo geke kuese mo, me ten kyokyoo mo-giwore. Me wora kyokyoo mo itiibilaa ide genen mo, me yela mo-ginyen yee Yesu. Ginyen gide ne Wurubuaare do osoo mo gi wolaa sa mo pei ne mo-nyi gi loo da mo-oto.

22 Imo ide gemara mo, owi mo gi fo ibono me laa wora tiibi ilaa sa Mariya de i' nyiile yee o ko lii fee genobono Oloobu Mosisi nbara mo gi kya nyiile sa atalabo mo. Imoso me kyu kyokyoo mo kpe momo-osowole gemu Gyerusalem, kyon kpa loo Wurubuaare onon obu mo gikpaara so de me' kyu mo kpa wora Wurubuaare abaa do.

23 (I kya nyiile yee Wurubuaare nbara mo do mo me nmarase yela sa Gyuda awura mo yee, "Gebii nyense kamaase gebono me laa daa gikoroge mo me' kyu gemo yee ge gye Wurubuaare-lee.")

24 Me kpe Wurubuaare onon obu mo gikpaara mo so genen mo, tiibi ilaa ibono me laa wora sa talabo mo de o' wora fee o ko lii mo ne n gye yee me laa kyu abonbue anyo abee gewi nbuii nko onan nmo nnyo kpa lee asunbi sa Wurubuaare fee genobono me nmarase yela Wurubuaare nbara mo do mo.

Obelense Simon Gi Wu Yesu Ilaa Toge

25 Genen owi obono mo, onyen oko te Gyerusalem osowole obono so, me kya tere mo-ginyen yee Simon. O gye isa obono o sele Wurubuaare ne o kya gyi gesintin sa mo. Onyen mo te o gyoo owi obono Wurubuaare

laa mɔlɛgɛ Isirale awura de mɔmɔ-asen a' tɔrɔ mɔmɔ mɔ. Wurubuaare Oduduu bo mɔ dɔ.

²⁶ Wurubuaare Oduduu mɔ gi wolaa lɛɛ nyiile Simon baare yɛɛ pɛi ne ɔ laa wu' mɔ, genen mɔ, o' wu isa ɔbono Wura Wurubuaare laa sun de ɔ' baa mɔlɛgɛ mɔ Wurubuaare adɛ mɔ de mɔ-ansi.

²⁷ Gɛkɛ gɛdɛ mɔ, Wurubuaare Oduduu mɔ gi suu de Simon ne ɔ kpare mɔ kpe Wurubuaare ɔson obu gikpaara mɔ so. Owi ɔbono Yesu mɔ-sɛ de mɔ-nyi mɛ kyu kyokyoo Yesu baa loo nno de mɛ' baa wɔra Wurubuaare nbara tiibi ilaa sa mɔ mɔ,

²⁸ Simon gi wu mɔmɔ. O wu mɔmɔ mɔ, ɔ sɔɔ kyokyoo mɔ keda, ne ɔ yen Wurubuaare yɛɛ,

²⁹ “Mɛ-Wurubuaare, ɔbono ilaa kamaase i bo daa fo-abaa dɔ, idɛ kon bɛɛ, fo laa taale tɛɛ mɛ de n' ba fo asɛ de gisen yuuli fɛɛ genɔɔbono fo wolaa tɔgɛ yela mɔ.

³⁰ I kya nyiile yɛɛ nɛ wu ɔbono fo sun de ɔ' baa mɔlɛgɛ asa mɔ de mɛ-ansi.

³¹ Amɔlɛgɛ abono fo baala fo laa lɛɛ nyiile asa kpei-kpei pɛwu mɔ, nɛ wu amɔ de mɛ-ansi.

³² Kyokyoo baare laa baa wɔra fatela de ɔ' lɛɛ fo Wurubuaare ilaa nyiile asa kpei-kpei abono mɛ mɛɲ nyi fo Wurubuaare mɔ de o' kyu nyisigyɛ kyu bara fo-adɛ Isirale awura.”

³³ Ilaa ibono Simon gi tɔgɛ kyu lii kyokyoo mɔ so genen mɔ, i dɛ mɔ-sɛ de mɔ-nyi genɔ.

³⁴ Simon gi faala Wurubuaare genen mɔ, ɔ kole Wurubuaare ayuule bun mɔmɔ so ne ɔ tɔgɛ sa kyokyoo mɔ mɔ-nyi Mariya yɛɛ, “Fo wu fo-bi baare? ɔ paa ba yɛɛ ɔ laa yɛgɛ i' diire asa sakyɔ mɔmɔ-gɛkyena dɔ de asa sakyɔ mɔ kee mɛ' lii tɔrɔ mɔmɔ-gɛkyena dɔ Isirale gɛsinkpan gɛdɛ so. ɔ paa ba yɛɛ ɔ laa wɔra ɔbono ɔ laa lɛɛ Wurubuaare ilaa wɔrase nyiile asa de mɛ' sɔɔ imɔ akycɔlɛ.

³⁵ I laa yɛgɛ asa nɔwɔnsa nbono mɛ dɛ mɔ gi' lii gɛwi. Fo, Mariya mɔ, fo-gisen dɔ i laa sogya fo fɛɛ gɛki ne mɛ yii fo.”

Jkyii belense Ana Gi Bii Kirisito

³⁶ Wurubuaare ikalan ɔtɔgɛbo kyiise ɔko kee bo nno. Mɛ kya tɛɛ mɔ-ginyen yɛɛ Ana. ɔ wɔra ɔkyii belense. Mɔ-sɛ ginyen ne n gye Fanuwɛlɛ, Akya gesu dɔ ne ɔ lii. Mɔ-gibolonbu dɔ mɔ, ɔ dena nsi sono ɔkara ne mɔ-kuli gi wu' taa mɔ yɛgɛ.

³⁷ Mɔ-kuli gi wu' mɔ, ɔɲ baa dena. Owi ɔbono mɛ kyu kyokyoo Yesu ba Wurubuaare ɔson obu mɔ dɔ genen mɔ, ɔkyii mɔ gi gyi nsi ikue-inan nsi nnan. Owi kamaase dɔ mɔ ɔ kpe ɔ bo daa Wurubuaare ɔson obu mɔ dɔ ɔ kya son Wurubuaare ɔ kya ɲminde genɔ, ɔ kya dalaa genyɛ de gɛpɛ.

³⁸ Genen ɔkyii belense baare gi kpaa loo Wurubuaare ɔson obu gikpaara mɔ so mɔ, i kpe kpaa gyangara owi ɔbono Gyosefo mɔ-rɛ Mariya de kyokyoo mɔ mɛ bo nno mɔ. Mɛ kpaa gyan genen mɔ, ɔkyii belense mɔ gi kyu afaala kyu sa Wurubuaare ne o yii gɛsɛ ɔ kya tɔgɛ ilaa ibono kyokyoo mɔ laa baa wɔra mɔ ɔ kya sa asa. ɔ tɔgɛ kyokyoo mɔ ilaa sa abono pɛwu mɛ kya kɛɛ ɔmɔlɛgɛbo mɔ ɔkpa mɔ. Mɔmɔ-gewɔnsa gɛ gyan yɛɛ genen kaase ɔbono laa yɛgɛ Gyerusalem, mɔmɔ-ɔsowole gɛmu mɔ, o' nye mɔ-nyoro lii mɔ-akyobo abaa dɔ.

39 Yesu mɔ-sɛ de mɔ-nyi mɛ wɔra ilaa kamaase loge fɛɛ genɔɔbono Wurubuaare nbara mɔ gi kya nyiile mɔ, mɛ kii kpe Galeli gesinkpan so ne mɛ kii kpe Nasarete ɔsowole ɔbono so mɛ te mɔ.

Gebii Yesu

40 Gebii mɔ ge sɛɛ ne ge wɔra ɔlon. Ɔlaako ginyi gi bola mɔ dɔ, ne Wurubuaare gibaa gi gyan mɔ so.

41 Gesi kamaase dɔ mɔ owi ɔbono mɛ kya gyi mɔmɔ Gyuda awura Lɛwu Gi Serege Aye So gekɛ bele mɔ, Yesu mɔ-nyi de mɔ-sɛ mɛ kya kyena kpe Gyusalem.

42 Imɔso gesi gebono Yesu gi gyi nsi gudu nnyɔ mɔ, mɛ kyon kpe Gyusalem de mɛ' kpaɔ gyi gekɛ bele mɔ fɛɛ genɔɔbono mɔmɔ Gyuda awura mɛ kya wɔra mɔ.

43 Mɛ gyi gekɛ bele mɔ ta mɛ kya kii mɔ, Yesu bere, gi sii kyena Gyusalem yɛge mɔ-nyi de mɔ-sɛ mɛ mɛn bii.

44 Mɛ kyu imɔ yɛɛ ɔ bo mɔmɔ-gikpen gibono mɛ naa mɔ dɔ. Mɛ naa gekɛ mumuli toloowi pei ne mɛ lɔ laare mɔ-getsen mɔmɔ-subuana de mɔmɔ-kyemeneana ase.

45 Mɛ mɛn wu mɔ. Genen so mɛ kii kpe Gyusalem mɛ' kpaɔ laare mɔ.

46 Mɛ kya laare mɔ genen mɔ, imɔ gekɛ sase mɔ, mɛ kpaɔ wu mɔ Wurubuaare ɔson obu gikpaara mɔ so. Ɔ tɛ Wurubuaare nbara anmarasebo mɔ dɔ ɔ kya nu mɔmɔ ase, ne ɔ kya taase mɔmɔ ilaa.

47 Genɔɔbono gebii mɔ ge kya nu gese ne ge kya lɛɛ genɔ mɔ i de ɔkamaase ɔbono ɔ kya nu mɔ ase mɔ genɔ.

48 Mɔ-nyi de mɔ-sɛ mɛ kpaɔ wu mɔ genen mɔ, i de ɔmɔ-genɔ gikyɔ. Ne mɔ-nyi gi taase mɔ yɛɛ, "Me-bi, menɛtɔ ne n wɔra ne fo wɔra aye genen? Kere genɔɔbono me-re fo-se a naa a kya yiyɛɛ a kya laare fo a kya kpon mɔ."

49 Mɔ-nyi gi taase mɔ genen mɔ, Yesu gi kii taase ɔmɔ daa yɛɛ, "Mene n wɔra ne fɛ naa fɛ kya laare me? Fɛ mɛn nyi yɛɛ i kaabore ɔfaanan n bo me-se geten dɔ?"

50 Ɔ taase mɔmɔ genen mɔ, mɛ mɛn nu mɔ gese.

51 Imɔ ide gemara mɔ Yesu gi buu mɔ-nyi de mɔ-sɛ lii ne mɛ kii kyon Nasarete ɔsowole so nfono mɛ te mɔ. Mɔmɔ-gekylene dɔ mɔ, ɔ kya bara mɔ-nyoro gese sa ɔmɔ. Mɔ-nyi gi kyu genen ilaa ide pewu kyu wɔra mɔ-nwɔnsa dɔ.

52 Yesu gi sɛɛ, ne mɔ-ɔlaako ginyi gi nyaakyɔ, ne ɔ gyi Wurubuaare de anyamese pewu ginsi.

3

Gyon Gi Tɔge Sa Asa Yɛɛ Mɛ' Lɔrɔ Mɔmɔ-Gekylene Dɔ Gyoo Yesu

1-2 Owi ɔbono Tabiriyuse gye Rom wura bele mɔ, imɔ nsi gudu nnun dɔ mɔ, Wurubuaare gi tɔnge sa Gyon, Sakariya mɔ-bi. Genen abere abono mɔ, i bo abelense abono mɛ kya kere Gyuda awura so sa Rom wura bele mɔ. Ɔbono ɔ kya kere Gyudiyale gesinkpan so mɔ ne n gye Pontiyuse Pilato. Wura Herode ne n kya kere Galeli so, ne mɔ-tede Filipo gye wura ɔ kya kere Ituriya de Tirakonite so. Wura Lisaniya mɔ ne n kya kere Abelin gesinkpan so. Abono mɛ gye Gyuda awura asunbi aleɛbo gemu genen owi ɔbono dɔ mɔ ne n gye Anase de Kayifase. Genen abere abono dɔ mɔ Wurubuaare gi tɔnge sa Gyon gipen dɔ.

3 Wurubuaare gi tɔnge sa Gyon genen mɔ, Gyon gi naa gesinkpan gebono ge kyaabɔ Gyɔdan ɔbon mɔ ɔ kya tɔge ɔ sa asa yɛɛ mɛ' nu mɔmɔ-nyoro

gese de me' kyeege lii momo-ilaa nyenyen giwora do. Me wora genen mo, o laa gyere momo Wurubuaare sagyere de i' nyiile yee Wurubuaare gi kyu momo-ilaa nyenyen kyee omo.

⁴ Gyon naa o kya toge ilaa ide o kya sa asa genen mo, i kyena de ilaa ibono Wurubuaare ikalan otogebo Isaya gi wolaa wu toge mo. Me wolaa nmarase Isaya agyebi abono yela owole do yee,

"Asa me laa nu oko gigyebi gipen do
o laa kpen o kya toge yee,

'Fe' laro feye-gekyena do gyoo Wurubuaare
de o' naa de okpa ntintin ba feye ase.

⁵ Nfonoana i wora fee i bo igee mo
Wurubuaare laa yee ise i dii bola imo.

O laa yee abii de nbiibi mo pewu
gi' boori de gi' de gitaga.

Nfonoana i mee mee mo, o laa yee i laa kyirigi
ne nfonoana i bo ibo logoto-logoto mo,

Wurubuaare laa waale imo ise de i' dii kyaga.

⁶ Amolege abono Wurubuaare laa kyu molege anyamese
de i' laro momo-re mo nsana mo,
momo pewu me laa wu amo de ansi.' "

⁷ Sakpii kya kpe Gyon ase de o' gyere omo Wurubuaare sagyere mo, o toge sa omo yee, "Fe de daa fee awoo abono a bo giboro mo gikpen! Wurubuaare ginyadon geke mo ge kya ba. O laa biide asa nyenyen pewu giso. Imoso feye kee fe wu yee i kaabore fe' sele lii Wurubuaare ginyadon mo do?"

⁸ Genen bere mo, fe' wora ilaa worase ibono i laa lee nyiile yee fe nu feye-nyoro gese gesintin mo daa. Fei sa fe' pene feye-nyoro yee ibono fe kpe nye fe gye Aberaham o'paa do asa faa so mo, Wurubuaare laa yee kyee feye. N' toge feye yee Wurubuaare laa taale yee abui ade a' bingiri Aberaham o'paa do asa.

⁹ Anyamese me de fee iyii ibono Wurubuaare gi duu mo. Oyii kamaase obono o' kya soro abi mo, Wurubuaare gi ti puru mo-gekyoo o laa ne mo too kyu kpaa wora ogya do."

¹⁰ Gyon gi toge sa sakpii mo genen mo, me taase mo yee, "Nne ne a laa wora de i' lee nyiile yee a kyeege?"

¹¹ O lee geno sa omo yee, "Feye abono fe bo ngbe nnyo-nnyo mo, fe' kyu geko-geko sa abono me menj bo ba-a gekolon mo. Obono, mo, o bo agyudo mo, mo kee o' sa mo-nanbo obono o menj bo mo."

¹² Lenpoo asoobo ako kee me saare sakpii mo do. Me kpe Gyon ase yee o' gyere omo Wurubuaare sagyere. Pei ne o laa gyere momo Wurubuaare sagyere mo, me taase mo yee, "Obelense, nne ne a laa wora de i' lee nyiile yee a kyeege?"

¹³ Lenpoo asoobo mo me taase Gyon genen mo, o lee geno sa omo yee, "Fe laa soo asa lenpoo mo, fei sa fe' soo momo aterenbi de i' don genooobono i kaabore fe' soo mo."

¹⁴ Asogya kee me kpaa taase mo yee, "Ne aye mo de-e? Nne ne a laa wora de i' lee nyiile yee a kyeege?" Me taase Gyon genen mo, o lee geno sa omo yee, "Fe' menj kyu feye-gisogya olon obono fe bo mo kyu soge aterenbi lii ako ase abee fe' njaala momo yee nengyene me man sa feye aterenbi mo, fe laa kyu momo wora nbele do. Giko gibono abeyin kya ka feye mo, fe' yee i' gyi feye-ginsi."

¹⁵ Genen abere abono mo asa nwansa gi gyan' daa yee ofaanan Gyon ne n gye obono Wurubuaare yee o laa sun de o' baa molege omo de me' nye Wurubuaare ase gekyena onan mo.

¹⁶ Lii genen so mo, Gyon gi toge sa omo pewu yee, "Me, n de daa nkyu n kya gyere feye Wurubuaare sagyere. Obono o don me mo kya ba. Fee n' ba gese de n' kyu mo-ayawole tole mo-ayaa do sa mo gbaa mo, menj fo. Genen kaase obono mo, Wurubuaare Oduduu de ogya ne o laa kyu gyere feye Wurubuaare sagyere.

¹⁷ Kaase obono gi ti baala de o' barage ilaa dense aworabo lii ilaa nyenyen aworabo do. O laa kyu ilaa dense aworabo mo kpaayela mo ase de o' biide ilaa nyenyen aworabo mo giso gekpaa-gekpaayela. I laa wora fee genobono me kya fon omologo mo. Me kya kyu omologo abi mo yela geten dense de me' kyu afonfontee mo kpaayela de me' yii amo ogya. Genen ogya obono menj kya nu giwu'."

¹⁸ Gyon gi toge Wurubuaare okalan konkonse mo sa sakkii mo, ne o ka momo kyu lii ilaa kpei-kpei gikyo so.

¹⁹ Genen abere abono mo Gyon wolaa o kya ka Wura Herode kee kyu lii ilaa nyenyen ibono o kya wora mo pewu so. Imo iko ne n gye yee Wura Herode gi soge mo-tede mo-ka Herodiyase kyu dena. Gyon mo gi nu genen mo, o toge sa Wura Herode yee ibono o wora faa, inj boran. O ka wura mo genen mo, i loo wura mo,

²⁰ ne o keda Gyon kpaayela tii de obu. O tii Gyon de obu genen mo, i yeege o kii lora wora ilaa nyenyen bola ibono o ti wolaa wora mo so.

Gyon Gi Gyere Yesu Wurubuaare Sagyere

²¹ Menj ti keda Gyon tii de obu ne asa pewu me kya ba mo ase de o' gyere momo Wurubuaare sagyere obon do mo, o gyere Yesu kee Wurubuaare sagyere. O gyere mo ta ne Yesu kya dalaa mo, Wurubuaare do i bugi.

²² Nfono mo asa me wu Wurubuaare Oduduu mo gi kpelege lii soso fee bonbue baa gyan' Yesu so, ne Wurubuaare gi tonge lii soso yee, "Fo gye me-bi. Fo-ilaa i bo me-gisen do. Fo kya gyi me-ginsi."

Opa Obono Do Asa Me Nyi Yee Yesu Gi Lii Mo

²³ Yesu gi gyi fee nsi oko de saalaa pei ne o yii gese o naa o naa o kya wora gesun gebono Wurubuaare gi kyu wora mo-abaa do mo. Asa me nyi mo mo, me nyi mo daa yee Gyosefo mo-bi.

Gyosefo-lee mo-se ne n gye Heeli,

²⁴ Heeli mo-se ne n gye Matati,

Matati mo-se ne n gye Lefi,

Lefi mo-se ne n gye Meliki,

Meliki mo-se ne n gye Gyanayi,

Gyanayi mo-se ne n gye Gyosefo oko.

²⁵ Genen Gyosefo obono mo-se ne n gye Matatiya,

Matatiya mo-se ne n gye Amose,

Amose mo-se ne n gye Nahum,

Nahum mo-se ne n gye Esili,

Esili mo-se ne n gye Nagayi,

²⁶ Nagayi mo-se ne n gye Maati,

Maati mo-se ne n gye Matatiya oko,

Matatiya obono mo-se ne n gye Semeyin,

Semeyin mo-se ne n gye Gyoseki,

Gyoseki mo-se ne n gye Gyode,

27 Gyoodɛ mɔ-sɛ ne n gye Gyowanan,
 Gyowanan mɔ-sɛ ne n gye Resa,
 Resa mɔ-sɛ ne n gye Serubabele,
 Serubabele mɔ-sɛ ne n gye Sɛɛletɛɛ,
 Sɛɛletɛɛ mɔ-sɛ ne n gye Neri,
 28 Neri mɔ-sɛ ne n gye Mɛliki ɔko.
 Mɛliki ɔbono mɔ-sɛ ne n gye Adi,
 Adi mɔ-sɛ ne n gye Koosam,
 Koosam mɔ-sɛ ne n gye Elimadam,
 Elimadam mɔ-sɛ ne n gye Ere,
 29 Ere mɔ-sɛ ne n gye Gyiisase,
 Gyiisase mɔ-sɛ ne n gye Eliyasa,
 Eliyasa mɔ-sɛ ne n gye Gyorim,
 Gyorim mɔ-sɛ ne n gye Matati ɔko.
 Matati ɔbono mɔ-sɛ ne n gye Lɛfi ɔko.
 30 Lɛfi ɔbono mɔ-sɛ ne n gye Simiyon,
 Simiyon mɔ-sɛ ne n gye Gyuda,
 Gyuda mɔ-sɛ ne n gye Gyosefo ɔko kee.
 Gyosefo ɔbono mɔ-sɛ ne n gye Gyonam,
 Gyonam mɔ-sɛ ne n gye Eliyakim,
 31 Eliyakim mɔ-sɛ ne n gye Mɛliya,
 Mɛliya mɔ-sɛ ne n gye Mena,
 Mena mɔ-sɛ ne n gye Matata,
 Matata mɔ-sɛ ne n gye Natan,
 Natan mɔ-sɛ ne n gye Deefidi,
 32 Deefidi mɔ-sɛ ne n gye Gyɛsi,
 Gyɛsi mɔ-sɛ ne n gye Ɔbedɛ,
 Ɔbedɛ mɔ-sɛ ne n gye Bowase,
 Bowase mɔ-sɛ ne n gye Salimon,
 Salimon mɔ-sɛ ne n gye Naason,
 33 Naason mɔ-sɛ ne n gye Aminadabɛ,
 Aminadabɛ mɔ-sɛ ne n gye Adamin,
 Adamin mɔ-sɛ ne n gye Hɛsuron,
 Hɛsuron mɔ-sɛ ne n gye Pɛrɛsɛ,
 Pɛrɛsɛ mɔ-sɛ ne n gye Gyuda ɔko.
 34 Gyuda ɔbono mɔ-sɛ ne n gye Gyeekɔpo,
 Gyeekɔpo mɔ-sɛ ne n gye Ayisiki,
 Ayisiki mɔ-sɛ ne n gye Aberaham,
 Aberaham mɔ-sɛ ne n gye Tera,
 Tera mɔ-sɛ ne n gye Neehɔ,
 35 Neehɔ mɔ-sɛ ne n gye Serugi,
 Serugi mɔ-sɛ ne n gye Rewu,
 Rewu mɔ-sɛ ne n gye Pelegi,
 Pelegi mɔ-sɛ ne n gye Ebe,
 Ebe mɔ-sɛ ne n gye Sila,
 36 Sila mɔ-sɛ ne n gye Kayinan,
 Kayinan mɔ-sɛ ne n gye Afakisadɛ,
 Afakisadɛ mɔ-sɛ ne n gye Sem,
 Sem mɔ-sɛ ne n gye Nowa,
 Nowa mɔ-sɛ ne n gye Lamɛki,
 37 Lamɛki mɔ-sɛ ne n gye Mɛtusala,
 Mɛtusala mɔ-sɛ ne n gye Inɔki,
 Inɔki mɔ-sɛ ne n gye Gyaradɛ,

Gyaradɛ mɔ-sɛ ne n gye Mahalali,
Mahalali mɔ-sɛ ne n gye Kayinan ɔko.

³⁸ Kayinan ɔbono mɔ-sɛ ne n gye Inosi,
Inosi mɔ-sɛ ne n gye Seti,
Seti mɔ-sɛ ne n gye Adam.

Adam berɛ Wurubuaarɛ gi lɛɛ mɔ daa kyu ba gesinkpan so.

4

Ilaa Nyenyɛn Pɛwu Gɛmu Mɔ Gi Soo Yesu Idoɔ Kere

¹ Yesu gi lɛɛ Gyɔɔdan ɔbon mɔ dɔ nfono Gyɔn gi gyere mɔ Wurubuaarɛ sagyere mɔ mɔ, Wurubuaarɛ Oduduu gi suu de mɔ, ne Wurubuaarɛ Oduduu mɔ gi kyu mɔ kpe ɔ naa gipen mɔ dɔ.

² Yesu gi gyi gipen mɔ dɔ nke ikue-inyɔ. Ɔ bo nno genen mɔ, ilaa nyenyɛn pɛwu gɛmu mɔ kya soo mɔ idoo ɔ kya kere yɛɛ ɔ laa nu mɔ asɛ? Nke nbono pɛwu dɔ mɔ, Yesu mɛn gyi sei-sei. Nke mɔ gi baa loge mɔ, akon a kya mɔ mɔ kon.

³ Ilaa nyenyɛn pɛwu gɛmu mɔ gi tɔgɛ Yesu yɛɛ, “Nengyene gɛsintin fo gye Wurubuaarɛ mɔ-bi mɔ, tɔgɛ sa gibui gide de gi' bingiri bodobodo sa fo de fo' gyi.”

⁴ Yesu gi kine ne ɔ lɛɛ gɛnɔ sa mɔ yɛɛ, “Mɛ nmarase Wurubuaarɛ agyebi mɔ dɔ yɛɛ, ‘I mɛn gye agyudɔ wole so ne nyamese laa nye gekyena.’”

⁵ Yesu gi kine genen mɔ, ilaa nyenyɛn pɛwu gɛmu mɔ gi kyu Yesu kpaɛ yɛɛ soso-soso getɛko, ne ɔ yɛgɛ Yesu gi kere gesinkpan so isowolɛ kpɛi-kpɛi imɔ-rɛ imɔ-awura pɛwu gyan' gikolon.

⁶ O nyiile Yesu genen mɔ, o kii soo Yesu ɔdoo yɛɛ, “Gɛsinkpan so gɛwuragyi pɛwu de gɛmɔ-nyisigyɛ ɔbono fo kya wu faa mɔ, i san i bo daa me-gibaa dɔ. Nyamese kamaase ɔbono n kya laare mɔ, nan taale kyu kyɛɛ mɔ.”

⁷ Imɔso nengyene fo laa nmi son me mɔ, imɔ ibono fo kya wu faa nan kyu imɔ pɛwu sa fo.”

⁸ Nfono mɔ, Yesu gi kine, ne ɔ lɛɛ gɛnɔ yɛɛ, “Mɛ nmarase Wurubuaarɛ agyebi mɔ dɔ yɛɛ, ‘Nmi de fo' kyu buubuu sa fo-Wura Wurubuaarɛ. Mɔ-wole guan ne i kaabore fo nyamese fo' son.’”

⁹ Yesu gi kii kine genen mɔ, ilaa nyenyɛn pɛwu gɛmu mɔ gi kyu mɔ kpe Gyɛrusalem ɔsowolɛ so. Mɛ fo nno mɔ, o kyu mɔ kpaɛ gyan' Wurubuaarɛ ɔson obu mɔ nfono i bo lege-lege mɔ ne o kii soo mɔ ɔdoo kere yɛɛ, “Nengyene fo gye Wurubuaarɛ mɔ-bi gɛsintin mɔ, lɛɛ fo-nyoro lɛɛ soso gerɛnaa kpaɛ too gɛɛ.”

¹⁰ A nyi ibono mɛ nmarase Wurubuaarɛ agyebi ako yela yɛɛ, ‘Wurubuaarɛ laa tɔgɛ sa mɔ Wurubuaarɛ dɔ isɔɔ yɛɛ mɛ' dii fo dandan.

¹¹ Mɛ laa kɔolɛ fo. Gisidi gbaa fo man sidi.’ ”

¹² Ilaa nyenyɛn pɛwu gɛmu mɔ gi tɔgɛ mɔ genen mɔ, Yesu gi lɛɛ gɛnɔ sa mɔ yɛɛ, “Wurubuaarɛ agyebi ako kee a tɔgɛ yɛɛ, ‘Gɛn sa fo' daase fo-Wura Wurubuaarɛ kere yɛɛ ɔ laa wɔra fo-gɛlaare sa fo.’”

¹³ Ilaa nyenyɛn pɛwu gɛmu mɔ gi soo Yesu idoo ikpa kamaase so kpon genen mɔ, ɔ naa kyon taa Yesu yɛgɛ kpe ɔ gyoo owi ɔbono ɔ laa kii nye ɔkpa soo mɔ idoo mɔ.

14 Yesu gi kii kpe Galeli gesinkpan so mɔ, Wurubuaare Oduduu mɔ kya wɔra ilaa kyu naa de Yesu so. Imɔso mɔ-ilaa i nu gyan' de isowole ibono i sindi nno mɔ pewu.

15 ɔ kya kpe mɔmɔ-akyangbon dɔ kpaa nyiile mɔmɔ Wurubuaare ilaa, ne okamaase kya yen mɔ.

16 Yesu gi kyon kpe Nasarete osowole so nfono me bela mɔ mɔ. ɔ bo nno mɔ, mɔmɔ Gyuda awura geke kyoolase geko mɔ, o kpe mɔmɔ-gikyangbon dɔ fee genɔɔbono ɔ kya kyena wɔra mɔ. ɔ bo gikyangbon mɔ dɔ genen mɔ, ɔ koso yele de ɔ' kale Wurubuaare agyebi.

17 Nfono mɔ me kyu owole obono Wurubuaare gi yege mɔ-ikalan otogebɔ Isaya mɔ gi wolaa nmarase yela mɔ kyu sa mɔ. Yesu gi sɔɔ owole mɔ, ne o bugi mɔ, ne ɔ kale kyu lii nyamese obono Wurubuaare laa yege ɔ' baa mɔlege anyamese mɔ so. Nno mɔ isa mɔ gi tɔge yee,

18 “Wurubuaare gi yege mɔ-Oduduu mɔ gi suu de me, ne o sun me de n' baa tɔge mɔ-okalan konkonse mɔ sa abono ilaa i tiri mɔmɔ mɔ.

Ne abono ilaa i nminde mɔmɔ fee me keda mɔmɔ tii de ibu mɔ Wurubuaare gi sun me yee n' baa tɔge sa mɔmɔ yee me laa nye mɔmɔ-nyoro.

O sun me yee n' baa bugi agyaatanbo ansi de n' yege abono i kya ka mɔmɔ-ansi mɔ me' nye mɔmɔ-nyoro.

19 O sun me de n' baa buu sa asa yee

owi obono Wura Wurubuaare laa mɔlege ɔmɔ mɔ gi fo kon.”

20 Yesu gi kale imɔ ide ta mɔ, ɔ baala owole mɔ bun ne o kiiri sa obono ɔ kya kere gikyangbon mɔ so mɔ, ne ɔ gbaa kyena de ɔ' lee gese sa mɔmɔ. ɔ kpelege ɔ te genen mɔ, okamaase obono ɔ bo mɔmɔ-gikyangbon mɔ dɔ nfono mɔ pewu ansi a san a yii daa mɔ so.

21 Nfono mɔ, o yii gese ɔ laa tɔnge mɔ, ɔ tɔge yee, “Wurubuaare agyebi abono ne kale sa feye faa, i kyena de me-gekyena dɔ ilaa. Nde' geke gede mɔ agyebi abono ne kale faa a ba gesintin fee genɔɔbono fe nu mɔ.”

Wurubuaare Ikanan Atogebɔ Menj Kya Gyi Ginsi Mɔmɔ-Nwi

22 Mɔmɔ abono pewu me bo nno mɔ me kya yen mɔ. I de mɔmɔ-geno yee ɔ kya taale bii tɔge agyebi abono a kya gyi ginsi genen. Me san ma-taase abara yee, “Inj gye Gyosefo mɔ-bi mɔ ne?”

23 Nfono ne Yesu gi tɔge sa mɔmɔ yee, “Ne bii feye-nwɔnsa dɔ yee fe kya laare fe' tɔge me yee, 'Fo gye asa okyebɔ faa mɔ, kye fo gbaa-gbaa fo-ade. Ilaa ibonoana a nu fo naa fo kya wɔra Kapɛniyon osowole so mɔ, wɔra fo-osowole gbaa-gbaa so gere kee de a' kere.' ”

24 Yesu gi kii tɔge sa mɔmɔ yee, “Gesintin ne n' kya tɔge feye faa, Wurubuaare ikalan otogebɔ oko menj bo no ɔ kya gyi ginsi mɔ-gewi.

25 N' sa feye sinkaala oko de fe' nu. Dedaa mɔ, ikulaabo me nyaakyo aye Isirale gesinkpan gede so. Genen owi obono mɔ, Wurubuaare ikalan otogebɔ oko gi kyena. Wurubuaare Oduduu bo mɔ dɔ. Me kya tere mɔ yee Ilaagya. Mɔ-gekyena dɔ mɔ owi oko dɔ mɔ, i ba yee nyangbon menj baa da nsi nsa de gibaafon. Imɔso i yege akon bele ako a baa tɔɔ gesinkpan gede pewu so.

26 Nfono mɔ Wurubuaare gi yege Ilaagya gi' kpaa wɔra ilaa degenɔse sa daa okulaabo kolon oko ne ɔ nye agyudo gyi kpaa lii owi obono akon mɔ abere mɔ a baa kyon mɔ. Okulaabo obono gbaa menj taa gye aye Isirale

awura dɔ. Genen okulaabo ɔbono mɔ ɔ kyena daa Sarefa ɔsowole so. Sarefa mɔ gye gesowolebi sindi Sidon ɔsowole.

²⁷ Sinkaala nyɔse kee ne n gye yee Wurubuaare ikalan ɔtɔgebo ɔko kee gi kyena, Wurubuaare Oduduu bo mɔ dɔ. Me kya tere mɔ yee Elisiya. Mɔ-gekylene dɔ mɔ, akononbu me nyaakyɔ aye Isirale gesinkpan gedɛ so. Mɔmɔ ɔko-re ɔko men nyɛ de Elisiya ɔbono n' dare faa ɔ' kye mɔ. Siiriyanyen kolon ɔko wole ne n nyɛ ne Elisiya gi kye mɔ. Mɔ gbaa kee men gye aye Isirale awura mɔ dɔ. Me kya tere mɔ-ginyen yee Naaman."

²⁸ Ilaa ibono Yesu gi tɔge faa so mɔ, i yege asa abono me bo mɔmɔ-gikyangbon mɔ dɔ nno mɔ pɛwu me kyu ginyadon de mɔ.

²⁹ Me koso ne me nen mɔ kyu lɛ ɔsowole mɔ so kpe ogee genɔ de me' kpaa nen mɔ too wɔra ogee mɔ dɔ. Me yii ɔsowole mɔ gyan' daa gibii so.

³⁰ Me yeɛ ogee mɔ genɔ genen mɔ, Yesu gi naa loo mɔmɔ dɔ lɛ kyon taa mɔmɔ yege, ne me men baa nyɛ nen mɔ wɔra ogee mɔ dɔ.

Yesu Gi Kosore Ilaa Nyenyɛn Oduduu Lɛ Nyɛn ɔko So

³¹ Yesu gi lɛ nno mɔ, ɔ kii kyon kpe Kapɛɛniyon ɔsowole ɔbono ɔ bo Galeli gesinkpan so mɔ. ɔ bo nno mɔ, ɔ kya kyena nyɛle mɔmɔ Wurubuaare ilaa mɔmɔ-nke kyoolase.

³² Mɔ-anyiilebi mɔ a kya de asa genɔ. I lɛ fɛe me kya wolaa wu bii yee Wurubuaare ne n sa mɔ ilaa nyiilese mɔ.

³³ Geke kyoolase geko mɔ, ɔnyɛn ɔko bo mɔmɔ-gikyangbon mɔ dɔ, ilaa nyenyɛn oduduu i te mɔ so. ɔnyɛn mɔ gi wu Yesu mɔ, ilaa nyenyɛn oduduu ibono i te mɔ so mɔ i tɔge ken-ken taase Yesu yeɛ,

³⁴ "Ndo-o! Yesu Nasaretɛnyɛn, mene ne fo kya laare aye ase? Fo ba de fo' baa nyida aye ilaa nyenyɛn oduduu kpei-kpei mɔ abɛɛ?" Ne ilaa nyenyɛn oduduu mɔ i kii tɔge sa Yesu yeɛ, "N nyi isa ɔbono fo, Yesu, fo gye. Fo ne n gye gisen fufuli wura ɔbono fo-nkon ne n lɛ Wurubuaare ase mɔ."

³⁵ Nfono mɔ, Yesu gi tɔge ilaa nyenyɛn oduduu mɔ yeɛ, "Bun fo-genɔ so de fo' koso lɛ ɔnyɛn baare so, n kere fo faa." Gesintin mɔ, ilaa nyenyɛn oduduu mɔ i kuu ɔnyɛn mɔ da geɛ asa mɔ ansi dɔ nfono, ne i koso lɛ ɔnyɛn mɔ so, in wɔra ɔnyɛn mɔ sei.

³⁶ Genen ilaa ide i wɔra asa abono me bo nno mɔ pɛwu gyan. Me san ma-a taase abara yeɛ, "Mene ilaa ne ide? Yesu genɔ dɔ agyɛbi a bo gya! ɔ bo ɔkpa lɛ Wurubuaare ase yeɛ ɔ' gya ilaa nyenyɛn oduduu de i' nu mɔ ase!"

³⁷ Ilaa ibono Yesu kya wɔra mɔ i nu gyan' de genen gesinkpan gebono so pɛwu.

Yesu Gi Kye Asa Sakyɔ Alɔbi

³⁸ Yesu gi lɛ mɔmɔ-gikyangbon mɔ dɔ mɔ, ɔ kyon kpe Simon gewi. Genen abere abono mɔ, Simon mɔ-saa kyii se kya lɔ. ɔkyagyii de mɔ. Imɔso Yesu gi loo Simon gewi mɔ, abono me bo geten mɔ dɔ mɔ me kole mɔ yeɛ ɔ' wɔra aniya de ɔ' kye ɔkyii mɔ sa mɔmɔ.

³⁹ Nfono mɔ Yesu gi kpaa yeɛ ɔkyii mɔ amu so, ne ɔ tɔge sa gilɔto mɔ yeɛ gi' taa ɔkyii mɔ yege ɔ kere gimɔ faa. Ayaa abono so mɔ, ɔkyii mɔ gi nyɛ alanfiya, ne ɔ koso kii taale keda mɔmɔ-gisafo.

⁴⁰ Genen geke gebono mɔ owi mɔ kya kpe ɔ' kpaa tɔrɔ mɔ, asa abono me de alobo mɔ me kyu ɔmɔ pɛwu bara Yesu. Ne ɔ kyu mɔ-abaa gyan' mɔmɔ ɔkamaase so, ɔ kya kye mɔmɔ-aloto ɔ sa ɔmɔ.

⁴¹ ɔ kosore ilaa nyenyɛn oduduu kpei-kpei lɛ asa so gikyɔ. Genen ilaa nyenyɛn oduduu mɔ i kya koso mɔ, i kya saawo ken-ken tɔge sa Yesu yeɛ,

"Fo ne n gye Wurubuaare mo-bi mo." Imoso Yesu kya da imo tii. O men kya sa imo okpa de i' nye tonge. I kya nyiile yee ilaa nyenyen oduduu mo i wu Yesu bii yee mo ne n gye obono Wurubuaare gi sun yee o' baa molege anyamese mo.

⁴² Gede ge ke mo, Yesu gi kpe nfono asa men bo mo. Asa me laare mo ne me laare mo genen-n kpaa wu mo ne me buede mo yee o' kyena momo ase, o' baa naa taa momo yee.

⁴³ Nfono ne Yesu gi toge sa momo yee, "I kaabore n' naa isowole banban so de n' kpaa toge Wurubuaare okalan konkonse kyu lii mo-gewuragi do akyenabi mo so sa nno asa. Imoso ne Wurubuaare gi sun me ba gesinkpan so."

⁴⁴ Imoso Yesu gi naa Gyudiya gesinkpan so toge toge Wurubuaare gewuragi do akyenabi mo so ilaa sa asa momo-akyangbon do.

5

Yesu Gi Yii Gese O Kya Lee Mo-Akasebo

¹ Geke gede mo Yesu yele obon bele obono me kya tere mo yee Genesarete mo gigengen so. Asa me ba mo ase me kya nyise ma-a loo abara do de me' nye tu sindi mo de me' nu Wurubuaare agyebi abono o kya toge mo.

² O wu akolii anyo ako a yii obon mo gigengen. Iken akedabo ne n taa amo yee me kya foro momo-asewu nkyu mo do.

³ Yesu gi wu akolii mo genen mo, o dii loo giko do. Simon ne n bo genen gikolii gibono. Yesu te gikolii mo do mo, o toge Simon yee o' nen gikolii mo loo nkyu mo do nmaraa. Gesintin mo, Simon gi nen gikolii mo loo nkyu mo do. Yesu gi san o gyan' nkyu mo so o kya nyiile asa Wurubuaare ilaa.

⁴ Yesu gi nyiile asa mo ilaa ta mo, o toge Simon mo-re mo-nanboana abono me bo Yesu ase gikolii mo do mo yee, "Fe' pale gikolii mo kpe nkyu bokense mo do de fe' too faye-asewu mo de fe' keda iken."

⁵ Simon gi lee geno yee, "Obelense, deeru genye pewu mo a too asewu ade kalaade, an nye sei-sei mo, ide do gere ne a laa nye ilaa iko? To! Fo ne n nye toge faa mo, a laa too."

⁶ Gesintin mo, me too asewu mo mo, me keda iken gikyo-gikyo. Me kya biide iken mo mo, asewu mo gbaa a kya laare de a' tee.

⁷ Me tere momo-nanboana abono me de gikolii nyose mo yee me' baa kpaa momo. Gesintin mo, me kpe ne me kpaa lee iken mo bola akolii mo anyo. Iken mo oduduu so mo, akolii mo a kya laare de a' muine loo nkyu mo do.

⁸ Simon Piita gi wu ilaa ibono Yesu gi wora sa omo mo, o kpelege nmii Yesu ayaa do, ne o toge sa mo yee, "Me-Wura, n gye daa ilaa nyenyen oworabo. Imoso tu lii me ase."

⁹ Ilaa ibono so Simon gi toge genen mo ne n gye yee iken mo ilaa mo i tansi de mo-re abono me bo gikolii mo do mo pewu geno gikyo.

¹⁰ I de Gyeemesi de Gyon, Sebedi mo-biana mo geno kee. Momo-re Simon ne n kya wora gesun gebono dabole. Nfono mo Yesu gi toge Simon yee, "Gen sele gifuu. Ne wu yee fo kya lee daa iken. Lii nperu kyu i kya kpe mo nan yee fo laa san laare daa asa de me' baa nye Wurubuaare ase gekyena."

¹¹ O toge genen mo, Simon mo-re mo-nanboana Gyeemesi de Gyon, me pale akolii mo lii gyan' gigengen so, ne me kyon taa ilaa kamaase yee san me naa me buu daa Yesu.

Yesu Gi Kye Okononbu Oko

12 Yesu bo gesinkpan gebono so mo, geke gede mo, o bo momo-isowole mo oko so, ne onyen oko gi baa tu mo. O gye okononbu. O wu Yesu mo, o kpelege bun Yesu ayaa do, ne o kole mo yee, "Obelense, nengyene i gye fo-gelaare mo, n nyi yee fo laa taale kye me."

13 Yesu gi tenge mo-gibaa kpaayii okononbu mo, ne o lee geno sa mo yee, "I gye me-gelaare; fo-gilo mo gi' ta." Ayaa abono so mo, mo-gikononbu mo gi ta.

14 Yesu gi ka sa onyen mo yee, "Gen sa fo' toge sa oko-re oko yee me ne n kye fo. Naa kpaayii wora ilaa ibono Mosisi gi yela sa okononbu kamaase obono mo-gilo gi ta mo. Imo ne n gye yee fo laa kpere fo-nyoro kpaayii Wurubuaare asunbi olebo de o' kere fo-nyoro pewu gyan'. O laa wu yee fo-gilo mo gi ta, de fo' kyu fo-afaala abono fo laa kyu faala Wurubuaare mo kyu sa mo de o' kyu lee asunbi sa fo. Imo ne nan yee asa me' bii yee fo-aloto mo a ta gesintin."

15 Yesu gi da onyen mo tii yee on sa o' buu sa isa gbaa faa, Yesu ilaa i dabole nu gyan' nten kpei-kpei. Imoso i yee asa sakyoo me kya san kpande kpaayii mili Yesu. Me kya laare me' nu ilaa ibono o kya nyiile asa mo ne me kya laare o' kye momo-aloto sa omo.

16 Asa me kya mili Yesu gikyo so mo, o kya kyena lii sakpii mo do kpe nfonoana asa men bo mo kpaayii dalaa.

Yesu Gi Kye Otegesi

17 Geke gede mo Yesu kya nyiile asa Wurubuaare ilaa mo, Farasii awura gikpen mo do ako de Gyuda awura nbara anyiilebo mo ako me te mo ase. Me lii isowole kpei-kpei so. Momo ako me lii Galeli isowole so de Gyudiya isowole so de Gyerusalem. Wurubuaare olon bo Yesu so o kya kye asa aloto.

18 Anyen ako kee me sola otegesi oko de gifengen kyu ba de o' kye mo sa momo. Me laare okpa obono so me laa nye kyu otegesi mo loo obu mo do de me' kyu mo kpaayii yela Yesu ansi do.

19 Sakpii obono o bo nno mo kyo so mo, men kya nye okpa. Imoso me sola otegesi mo dii kpaayii gyan' obu mo soso. Me marage obu mo nmaraa, ne me kyu otegesi mo loo de omarageten mo kpelegere mo-re gifengen mo loo yela Yesu ase asa mo nsana.

20 Yesu gi wu yee asa ade me soo mo gyi yee Wurubuaare olon bo mo do mo, o toge sa otegesi mo yee, "Onyen, ne kyu fo-ilaa nyenyen ibono fo wora Wurubuaare mo kye fo."

21 Yesu gi toge genen mo, Gyuda awura nbara anmarasebo mo de Farasii awura gikpen mo do asa mo me kya taase momo-nyoro yee, "Mo ne n gye ane ne o kya tonge fee mo ne n gye Wurubuaare genen? Ne in gye Wurubuaare wole mo, fo ane ne nan taale kyu oko ilaa nyenyen ibono o wora Wurubuaare mo kyu kye mo?"

22 Yesu gi bii momo-nwonsa do. Imoso o taase momo yee, "Mene n wora so ne fe kya sa genen nwonsa nde?"

23 Nan toge ilaa inyo sa otegesi baare. Giko ne n gye yee, 'Ne kyu fo-ilaa nyenyen ibono fo wora Wurubuaare mo kye fo.' Ginyose mo ne n gye yee, 'Koso de fo' naa.'

Imo inyo ide do mo, imomo ne fe laa wu de feye-ansi?

24 N kya laare de fe' nye bii yee me, anyamese pewu momo-daa mo, n bo okpa gesinkpan so de n' kyu asa ilaa nyenyen ibono me wora Wurubuaare

mō kyee mōmō.” Genen so mō, o kisee tōge sa otēgeṣe mō yee, “Koso, puru fo-gifengen de fo' naa kpe gēwī.”

²⁵ Ayaa abono so mō, ɔnyen mō gi koso yeḷe mōmō pēwu-u ansi dō. O puru mō-gifengen gibono so ɔ de mō ne o yen Wurubuaare.

²⁶ I wōra mōmō abono mē bo nfono mō pēwu giyan, mē kya yen Wurubuaare, ne i kya wōra ɔmō gifuu. Mē san ma-a taase abara yee, “Mene ilaa ne a wu nde geke gedē faa?”

Ilaa Nyenyen Aworabo So Ne Yesu Gi Ba Gesinkpan So

²⁷ Imō idē gemara mō, Yesu kya kpe geteeko ne o wu lenpoo ɔsɔɔbo ɔko. Mē kya tere mō yee Lefi. Ɔ tē mō-gesun ɔwɔraten. Yesu gi wu Lefi genen mō, ɔ tōge sa mō yee, “Baa buu me de fo' wōra me-okasebo.”

²⁸ Gesintin mō, Lefi gi koso taa ilaa kamaase yege ne ɔ san ɔ naa o buu Yesu.

²⁹ Lefi naa o buu Yesu genen mō, geke gedē mō ɔ yege mē' gyi geke bele mō-geten dō sa Yesu. Imōso lenpoo ɔsɔɔbo abono Gyuda awura aṣe mō mē gye asa nyenyen mō sakyo de Yesu akasebo mō de asa kpei-kpei sakyo mē baa wōra abaa gyi dabole.

³⁰ Imōso Farasii awura ako mōmō-rē Gyuda awura nbara aṣmarasebo mō me lōgedē de Yesu akasebo mō yee, “Mene n wōra so ne feye-rē lenpoo ɔsɔɔbo de ilaa nyenyen aworabo fe kya gyi fe kya nun de abara genen?”

³¹ Yesu gi nu genen mō, ɔ lēe genō sa mōmō yee, “Fēe genɔɔbono ɔlɔbo ne n tiri ɔkyebo mō, genen kee ne ilaa nyenyen aworabo mē tiri me, Yesu, ne. I mēṅ gye abono mē bo alanfiya mō ne n tiri ɔkyebo.

³² Imōso i mēṅ gye abono mē nyi yee mē ti mē gye gesintin awura mō so ne ne ba gesinkpan so. Ne ba daa de n' baa tōge sa ilaa nyenyen aworabo yee mē' nu mōmō-nyoro geṣe de mē' kyeege lii mōmō-ilaa nyenyen giwōra dō.”

Nnɔ Nminde

³³ Asa ako mē baa tōge sa Yesu yee, “Gyon akasebo mē kya ṅminde nnɔ belen-belen de mē' dalaa. Farasii awura mō-lēe akasebo mō kee mē kya wōra genen. Ne mene n wōra ne fo-lēe akasebo mō bere mēṅ kya ṅminde nnɔ daa?”

³⁴ Yesu gi da mōmō gikpalē yee, “I mēṅ gye abere adē ne mē laa wōra genen. I dē daa fēe genɔɔbono aye Gyuda awura a kya kpii okyii mō. A' kyu yee me ne n gye ɔkyiifo mō-kuli mō. Me-kyemeneana mō mē ba mē aṣe a kya gyi ɔkon mō, i laa sa de mē' ṅminde nnɔ?”

³⁵ Kuaa. I laa baa fo owi ɔko mō, i laa baa puru ɔkyiifo mō-kuli mō lii me-kyemeneana aṣe. Lii genen owi ɔbono kyu kyon mō, i laa sa de mē' ṅminde nnɔ kon.”

Akyenabi Poboro Abono Yesu Gi Bara Mō Gikpalē

³⁶ Yesu gi kii da mōmō gikpalē kyu nyiile yee mō bere ɔ bara akyenabi poboro. Ɔ da gikpalē mō yee, “Nengyene gikuru dedaa gi tēe mō, mēṅ kya ten gikuru poboro kyu baa tii ɔtēten mō. Fē wōra genen mō, fē laa nyida gikuru poboro mō daa giyan. Gi mēṅ kyena de gidedaa mō.”

³⁷ Yesu gi kii da ɔmō gikpalē yee, “A' laa ansi kere genɔɔbono mē kya kyu nta kyu wōra nbuē iwolē dō mō de a' kere. Ɔko mēṅ kyule kyu nta poboro kyu wōra nta ɔwɔraten iwolē dedaa dō. Ɔbono ɔ wōra genen mō, gyerebi ne ɔ kya laare. Nta mō gi laa paadē nta ɔwɔraten iwolē mō de nta mō gi' duuli fue de iwolē mō, mō, kee i' nyida.

³⁸ Me kya kyu nta poboro kyu wora daa nta oworaten iwole poboro do.

³⁹ Fe' nu kee yee oko man nun nta dedaa de o' koso ayaa abono so kpe kpaa laare nta poboro geten. O nun nta dedaa mo, ilaa ibono o laa toge mo ne n gye yee nta nde gi boran."

6

Yesu Bo Olon Geke Kyoolase So

¹ Geke kyoolase geko mo, Yesu mo-re mo-akasebo mo me kya kpe geteeko, ne me baa loo awayu ndoo nko do. Me naa awayu mo do me kya kpe mo, mo-akasebo mo me yii gese me kya kyade awayu mo, me kya fologe me kya we.

² Farasii gikpen mo do ako me wu momo genen mo, me taase momo yee, "Fe kya kyade awayu ade faa, fe men nyi yee gesun ne fe kya wora aye-geke kyoolase do faa? Aye-nbara gin kya sa okpa genen."

³ Ne Yesu gi lee geno sa omo yee, "Fe nyi yee inj de okpa genen faa mo, imoso feji ti kale Wura Deefidi mo-re mo-nanboana ilaa Wurubuaare agyebi mo do kere? Me nmarase nno yee owi oko do mo, akon a de Deefidi mo-re mo-nanboana.

⁴ Imoso o loo Wurubuaare oson panpan do kpaa puru bodobodo obono asa me kyu bara Wurubuaare mo. Naafo aye-nbara mo gin kya sa okpa yee fo nyamese giyan fo' nye gyi genen bodobodo obono, genen mo, Gyuda awura asunbi alebo wole. Wura Deefidi mo gi gyi bodobodo mo iko ne o kyu iko kee sa mo-nanboana mo."

⁵ Imoso Yesu gi lee gese sa momo yee, "Me, anyamese pewu momo-daa mo, n bo olon dabole geke kyoolase mo so."

⁶ Geke kyoolase geko kee mo, Yesu gi kpe momo Gyuda awura gikyangbon giko do, ne o kpaa nyiile asa ilaa. Onyen oko bo nno, mo-gibaa gyise gi wu'.

⁷ Gyuda awura nbara anmarasebo ako de Farasii gikpen mo do ako me kya laare okpa obono so me laa nye kyu Yesu wora nbele do. Imoso me kya dii mo de me' kere yee o laa kye onyen mo geke kyoolase gebono? Nengyene o kye mo mo, me laa kyu imo yee Yesu gi toro nbara wora gesun geke kyoolase.

⁸ Yesu gi bii momo-nwonsa do. Genen so mo, o toge sa onyen mo yee, "Koso yele de fo' naa ba ansi do gere." Gesintin mo, onyen mo gi koso naa kpaa yele asa mo ansi do.

⁹ Nfono mo Yesu gi taase omo yee, "Nne ne Wurubuaare nbara gi kya nyiile aye yee a' wora geke kyoolase? A' wora idense abee a' wora ilaa nyenyen? A' soo abara nkpa abee a' moo abara daa?"

¹⁰ O kere asa mo do pewu gyan' ne o toge sa onyen mo yee, "Tenge fogibaa mo." Gesintin mo, o tenge gimmo, ne gibaa mo gi kii kyingi.

¹¹ Genooobono Yesu gi kye onyen mo geke kyoolase mo so mo, nbara anmarasebo mo de Farasii awura mo me keda mo ginyadon, ne me lii kpe me kya nminde ilaa ibono me laa kyu wora Yesu mo.

Yesu Gi Dalaa Ne O Lee Mo-Isoo Gudu Anyo

¹² Genen owi obono mo Yesu gi dii kpe gibii giko so o' kpaa dalaa, ne o dalaa sa Wurubuaare genen-n kalaade.

¹³ Gede ge ke mo, o tere mo-akasebo mo ba mo ase ne o lee momo do asa gudu anyo, ne o yela omo ginyen yee mo-isoo.

¹⁴ Genen asa gudu anyo mo ne n gye

Simon obono Yesu gi yela mo ginyen nyose yee Piita mo,
de Simon mo-tede Andiru,
Gyeemesi de Gyon,
Filipo de Batolomiyu,

¹⁵ Matiyu de Tomaase,

Gyeemesi, Alefayo mo-bi,

de Simon obono me kya tere mo yee Obono On Kya Kyule Mo-Osowole So
mo,

de Gyudase, Gyeemesi mo-tede,

¹⁶ de Gyudase Isikaayote obono gemara gemara o fe Yesu sa Yesu akyobo
mo.

Yesu Kya Nyiile Asa Wurubuaare Ilaa Ne O Kya Kye Alobo

¹⁷ Yesu gi lee mo-isoo mo genen mo, mo-re momo me kpelegee lii gibii mo
so ba gitaga giko do. Me fo gitaga mo do mo, me tu sakpii bele yelee o gyoo
Yesu. Mo-akasebo mo sakyoo me bo nno. Asa abono me lii nten kpei-kpei
mo sakyoo kee me bo sakpii mo do. Asa sakyoo me lii Gyudiyaa isowole so,
Gyerusalem osowole so, de isowole ibono i bo apoo geno geno ne i sindi
Taya de Sidon isowole so mo.

¹⁸ Me ba de me' baa nu Yesu ilaa togesee de me' nye o' kye momo-aloto.
Abono ilaa nyenyen oduduu kpei-kpei i kya nyala momo mo kee me ba,
ne Yesu gi kosore ilaa nyenyen oduduu mo lii momo so ne me nye momo-
nyoro.

¹⁹ Sakpii mo do nyamesee kamaase kya laare okpa obono so o laa nye de
o' yii Yesu mo. I kya nyiile yee okamaase obono o yii Yesu mo, olon oko
kya lii Yesu do kpa kye kaase mo.

Abono Me Gye Amudensebo

²⁰ Yesu yelee o kere mo-akasebo mo, ne o toge sa momo yee,
"Amudensebo ne n gye feye abono fe gye ayenbo mo.

Wurubuaare gewuragyi do akyenabi a gye feye-lee.

²¹ Amudensebo ne n gye feye abono akon a kya mo feye nperere faa mo.

Wurubuaare laa yege fe laa gyi kaabo.

Amudensebo ne n gye feye abono fe de ginsikyu do nperere mo.

Wurubuaare laa yege fe laa baa nmase.

²² Feye abono kyu lii me, anyamesee pewu momo-daa mo so ne

asa me laa kyo feye,

ne me man yege fe' saare momo do, me laa saale feye,

ne me laa kpa feye-giso yee fe gye asa nyenyen mo,

fe gye amudensebo.

²³ I ba genen mo, fe' yege i' wora feye okon de fe' kyaa.

I kya nyiile yee Wurubuaare nteela bele gi de gi sa feye Wurubuaare
do.

Fafaanan kee ne feye-akyobo momo-naanaana mo me kyu wora
Wurubuaare ikalan atogeebo mo baa kyon mo.

Abono Me Men Gye Amudensebo

²⁴ Ne feye abono fe gye aterenbi awura nperere faa mo,
feye laako.

Feye bere, fe ti nye feye-lee nkyoola ne.

Feye abono fe kya nye fe kya gyi fe kya kaabo nperere faa mo,
feye laako.

Akon a laa baa mo feye.

25 Feye abono fe kya nmase nperε faa mō,
feye laako.

Fe laa suili de fe' ne genō saawo.

26 Dedaa mō Wurubuaare ikalan atogεbo ako
me taa Wurubuaare ikalan mō yege
san tōge daa mōmō gbaa-gbaa lεε gewōnsa dō ilaa sa asa,
ne feye-naanaana me yen mōmō.

Feye abono asa pewu me laa yen feye genen kee mō,
feye laako.

Yesu Yεε A' Laare Aye-Akyobo Ilaa

27 Feye abono fe kya nu me ase mō bere, n kya tōge mi-i sa feye
yeε fe' laare feye-akyobo ilaa.

Fe' wōra gidense sa abono me kya kyo feye mō.

28 Fe' kole Wurubuaare ayuule sa abono
me kya tōge nno me kya wōra feye mō.

Fe' dalaa kole Wurubuaare sa abono
me kya wōra feye ilaa nyenyen mō.

29 Nengyene oko gi da fo-otan gyise so mō,
kisee onyose mō sa mō de o' kii da.

Nengyene oko gi sōge fo soso-lεε gegbe mō,
yege de o' kyu gese-lεε mō kee bōla.

30 Okamaase obono o laa kole fo ilaa iko ne fo bo mō, sa mō.

Nengyene oko gi sōge ilaa ibono i gye fo-lεε mō,
geŋ tōge mō yeε o' kiiri imō sa fo.

31 Genōbono fe kya laare feε asa me' wōra sa feye mō,
fe' wōra imō onan kee sa asa.

32 "Nengyene fe kya laare asa abono me kya laare feye-ilaa mō wole mō,
nne so ne i kaabore Wurubuaare o' yen feye? Ilaa nyenyen awōrabo gbaa
kee me kya laare asa abono me kya laare omō-ilaa mō.

33 Nengyene fe kya wōra gidense sa daa abono me kya wōra gidense sa
feye wole mō, nne so ne i kaabore Wurubuaare o' yen feye? Ilaa nyenyen
awōrabo gbaa kee me kya wōra genen.

34 Fe kya kyu feye-aterenbi kyu paa daa abono fe nyi mōmō so yeε oke de
okaamara me laa taale kii nye ka feye mō wole mō, i kaabore Wurubuaare
o' yen feye? Kuaa. Ilaa nyenyen awōrabo gbaa kee me kya kyu mōmō-
aterenbi paa mōmō-nanboana ilaa nyenyen awōrabo. I lii feε me nyi yeε
oke de okaamara me laa kiiri mōmō-ato mō bara mōmō.

35 Imoso feye abono fe gye me-akasebo mō bere, fe' laare feye-akyobo
ilaa de fe' wōra gidense sa omō. Me laa paa feye ilaa iko ne fe bo mō, fe' sa
mōmō de feŋ sa fe' sa gewōnsa yeε me' kiiri bara feye. Fe wōra genen mō,
fe laa nye nteela bele, ne fe laa wōra Wurubuaare obono o gye Gitobele mō
mō-biana. I kya nyiile yeε o bo gidense sa dabole ilaa nyenyen awōrabo de
abono o kya wōra ilaa dense sa mōmō ne in kya gyi mōmō-ginsi mō pewu.

Fe' Su Asa Gitolon

36 "Fe' wōra gitolon awura feε feye-se gitolon wura Wurubuaare.

37 Feŋ sa fe' kere ansi so tōge yeε feye-nanboana ilaa in boran, de
Wurubuaare kee o men' kere feye-ilaa ansi so tōge yeε in boran. Fe men' sa
fe' bun feye-nanboana gipueε de Wurubuaare kee o men' bun feye gipueε.

Fɛ' kyu ilaa nyenyen ibono asa mɛ kya wɔra fɛye mɔ kyu kyɛɛ mɔmɔ, de Wurubuaare kee o' kyu fɛye-ilaa nyenyen kyɛɛ fɛye.

³⁸ Fɛ' kyɛɛ ilaa. Fɛ kya kyɛɛ ilaa mɔ, Wurubuaare laa tansi kyɛɛ fɛye ilaa kee. I laa wɔra fɛɛ genɔɔbono mɛ kya kyu mudu dɛnsɛ kyu kaala fɛɛ nnyufo faa. Akaalabo dɛnsɛ mɔ mɛ kya kaala bɔla de mɛ' gyigisi de mɛ' nyise de i' loo genda abara dɔ de mɛ' kii gyɔgɛ too de i' bɔla i kya fuɛ. Mudu ɔbono ɔnan fɛ kyu kaala sa ako mɔ, mɔ-ɔnan kee ne Wurubuaare laa kyu kaala sa fɛye."

Kere Fo-Lɛɛ Ilaa Nyenyen So Pɛi De Fo' Kere Fo Nanbo-Lɛɛ

³⁹ Yesu gi da mɔmɔ gikpalɛ gidɛ kee taase yɛɛ, "Gyaatanbo laa taale keda mɔ-nanbo gyaatanbo de oyii de i' kyena? Mɔmɔ anyɔ mɛ manj tɔrɔ ɔbɔ dɔ?"

⁴⁰ Ilaa ɔkasebo manj taale don mɔ-onyiilebo. ɔkasebo, mɔ, gi kase ilaa kpaa logɛ mɔ, ɔ laa wɔra daa fɛɛ mɔ-onyiilebo.

⁴¹ "Mɛnɛ n wɔra so ne fo kya wu fo-nanbo ilaa nyenyen pii ibono ɔ kya wɔra mɔ ne foŋ kya wu fo-lɛɛ ibelɛbelɛ idɛ? I dɛ daa fɛɛ fo wu gikpara gi bo ɔko ginsi dɔ ne fo manj wu yɛɛ gɛgyakpaabi gɛ taa fo-lɛɛ dɔ.

⁴² Nnɛ so ne fo laa tɔgɛ sa fo-nanbo yɛɛ, 'O, me-nanbo, kere, gikpara gi bo fo-ginsi dɔ. Yɛgɛ n' lɛɛ gimɔ sa fo.' –Yɛgɛ gɛgyakpaabi gɛ taa fo-lɛɛ dɔ? O, gikɛɛansi anyamesɛ! Fɛ' lɛɛ ngyakpaabi nbono gi taa fɛye-lɛɛ ansi dɔ mɔ de fɛ' nyɛ wu dɔɔdan kpaa lɛɛ akpara abono a bo fɛye-nanboana lɛɛ ansi abi dɔ mɔ sa mɔmɔ.

Nyamesɛ Laawɔra Ne N Kya Nyiile Mɔ-Gidebi

⁴³⁻⁴⁴ "Nyamesɛ ilaa wɔrase ne fɛ laa kyu bii mɔ-gisen dɔ ilaa. Oyii ɔbono ɔ bo alanfiya mɔ manj taale sɔrɔ abi nyenyen. Ne oyii ɔbono ɔ kya lɔ mɔ kee manj taale sɔrɔ abi dɛnsɛ. Oyii kamaasɛ kee mɔ, mɔ-abi ne mɛ kya kyu bii mɔ. ɔko manj nyɛ mango tɛɛ lii giwii oyii dɔ. ɔko manj nyɛ payaa tɛɛ lii fɔlɔgɛ oyii dɔ.

⁴⁵ Nyamesɛ dɛnsɛ berɛ, ilaa dɛnsɛ ne n bo mɔ-gisen dɔ; ne ilaa dɛnsɛ ne nan lii mɔ-genɔ dɔ. Nyamesɛ nyenyen mɔ, ilaa nyenyen ne n bo mɔ-gisen dɔ, ne ilaa nyenyen ne nan lii mɔ-genɔ dɔ. Ilaa ibono i bo nyamesɛ gisen dɔ mɔ, imɔ ne ɔ kya lɛɛ tɔgɛ."

⁴⁶ Yesu gi taase asa abono mɛ buu mɔ mɔ yɛɛ, "Mɛnɛ n wɔra so ne fɛ kya tɛrɛ me yɛɛ, 'Aye-Wura, Aye-Wura,' yɛgɛ fɛŋ kya wɔra ilaa ibono n kya tɔgɛ fɛye mɔ daa?"

⁴⁷ ɔkamaasɛ ɔbono ɔ ba me asɛ, o nu me-ilaa tɔgɛsɛ, ne ɔ kya wɔra imɔ so ilaa mɔ, nan nyiile fɛye genɛn nyamesɛ ɔbono oyudu.

⁴⁸ Kaasɛ mɔ dɛ fɛɛ ɔsɛɛbo ɔbono o yii obu. ɔ laa yii obu mɔ mɔ, o kuru gɛsɛ ɔpɔɔrɛ mɔ getɛn kpaa tu gifolɛ pɛi ne ɔ too gɛsɛ ɔpɔɔrɛ mɔ gyan' gifolɛ mɔ so. ɔsɛɛbo mɔ gi ti pɔrɔ obu mɔ ta mɔ, gɛkɛ gɛdɛ mɔ, ɔbon gi bɔla baa da de genɛn obu mɔ. Nkyu gi da de mɔ genɛn mɔ, ɔ mɛŋ boori. I lii fɛɛ ɔ pɔrɔ mɔ dɔɔdan gyan gifolɛ so.

⁴⁹ Nyamesɛ ɔbono, mɔ, o nu me-ilaa tɔgɛsɛ, ne ɔ mɛŋ kya wɔra imɔ so ilaa mɔ, kaasɛ mɔ dɛ fɛɛ nyɛn ɔbono oŋ nyi ɔlaako ne o yii obu gyan' daa giŋɛsii so gyan mɔ. ɔ mɛŋ kuru gɛsɛ ɔpɔɔrɛ mɔ getɛn. Nyɛn mɔ gi ti pɔrɔ obu mɔ ta mɔ, gɛkɛ gɛdɛ mɔ, ɔbon gi bɔla baa da de obu mɔ. Ayaa abono so mɔ, obu mɔ gi tɔrɔ daa wurum!"

7

Rom Asogya Obelense Ōko Gi Sɔɔ Yesu Gyi

1 Yesu gi tɔnge sa sakpii mɔ ta mɔ, ɔ naa loo Kapɛɛniyon ɔsowole so.

2 Genen owi obono mɔ, Rom awura asogya obelense Ōko bo ɔsowole mɔ so, mɔ-dega obono mɔ-ilaa i bo mɔ-gisen dɔ mɔ kya lɔ, ibono i bo lon. ɔ kya laare de ɔ' lɛɛ gibaa.

3 Obelense baare gi nu Yesu so, ne ɔ keda Gyuda awura abelense ako sun Yesu ase yɛɛ mɛ' kpaa kole mɔ de ɔ' baa kyɛ mɔ-dega mɔ sa mɔ.

4 Isɔɔ mɔ o sun mɔ mɛ kpe Yesu ase mɔ, mɛ kpaa kole mɔ yɛɛ ɔ' wɔra aniya ɔ' kpaa kyɛ mɔmɔ-obelense dega mɔ sa mɔ. Mɛ tɔge sa Yesu yɛɛ, "Obelense mɔ gi kaabore ibono fo' kpe de fo' kpaa kyɛ mɔ-dega mɔ sa mɔ.

5 ɔ kya laare aye Gyuda awura ilaa. ɔ pɔrɔ aye-gikyangbon kyɛɛ aye gyan."

6 Isɔɔ mɔ mɛ tɔge Yesu genen mɔ, Yesu gi naa buu mɔmɔ. Mɛ kya fuude obelense mɔ geten dɔ mɔ, obelense mɔ gi kii sun mɔ-kyɛmɛnɛana ako Yesu ase yɛɛ, "Me-Wura, mɛ ɔdɛ mɛn kaabore ibono fo' ba me-geten dɔ. Imɔso genj' baa nyala fo-nyoro.

7 Mɛ gbaa-gbaa kee nɛ wu yɛɛ mɛn kaabore n' ba fo ase baa yeɛ fo-ansi dɔ. Genen so mɔ, wɔra aniya, fo bere, kpe lɛɛ genɔ. Fo nye lɛɛ genɔ mɔ, me-dega mɔ gilo mɔ gi laa ta.

8 Mɛ kee n gye obelense obono n bo Ōko gɛsɛ, nɛ n' bo abono, mɔ, mɛ bo mɛ gɛsɛ mɔ. Nengyene nɛ lɛɛ genɔ yɛɛ 'fo ɔdɛ, kpe faa' mɔ, kaase mɔ laa kpe, abɛɛ n' tɔge yɛɛ 'fo ɔdɛ, ba gɛrɛ' mɔ, kaase mɔ laa ba. Nengyene nɛ tɔge sa me-dega yɛɛ, 'wɔra ide' mɔ, imɔ ne ɔ laa wɔra."

9 Yesu gi nu obelense mɔ ilaa tɔgɛsɛ mɔ, i de mɔ-genɔ gikyɔ. Nfono ne Yesu gi kisee tɔge sa sakpii obono o buu mɔ mɔ yɛɛ, "N' tɔge sa fɛye yɛɛ ba-a aye Isirale awura mɔ dɔ gbaa, mɛn wu nyamɛsɛ obono ɔ bo gisɔɔgyi belɛ gidɛ ɔnan sa mɛ fɛɛ Rom obelense baare."

10 Obelense mɔ isɔɔ mɔ mɛ baa kii kpe mɔmɔ-obelense mɔ geten dɔ mɔ, mɛ kpaa wu daa dega mɔ gi nye alanfiya.

Yesu Gi Kyingi Obuni

11 Imɔ ide gemara mɔ, Yesu gi naa kpe ɔsowole Ōko so mɛ kya tere mɔ yɛɛ Neen. ɔ kya kpe mɔ, mɔ-akasebo mɔ de sakpii belɛ mɛ buu mɔ kpe.

12 Mɛ yii gɛkpen kyaabɔ Neen ɔsowole mɔ ne mɛ lɛɛ gebunono. Yesu kpe ɔ kya sindi Neen gɛkpen mɔ gebunono mɔ, ɔ baa kere mɔ, asa mɛ so obuni mɛ kya lii mɛ kya kpe mɔmɔ-ibunɔ opuletɛn mɛ' kpaa pule. Genen ɔnyen obono o wu' mɔ, mɔ-nkon ne gye mɔ-nyi mɔ-bi, nɛ mɔ-nyi mɔ gye daa okulaabo. Mɛ so obuni mɔ mɛ kya lii genen mɔ, obuni mɔ mɔ-nyi de sakpii belɛ mɛ buu mɔ mɛ kya kpe opuletɛn mɔ.

13 Wura Yesu gi wu ɔkyii mɔ genen mɔ, mɔ-ilaa i wɔra mɔ ayen gikyɔ ne ɔ tɔge sa mɔ yɛɛ, "Ōkyii, genj baa su."

14 Nfono mɔ Yesu gi tu sindi obuni mɔ ne o kyu mɔ-gibaa yii ilaa ibono obuni mɔ de imɔ so mɔ. O yii imɔ genen mɔ, asa abono mɛ so obuni mɔ mɛ sii yeɛ. Ne Yesu gi tɔge sa obuni mɔ yɛɛ, "Dega, n kya tɔge mi-i sa fo yɛɛ, kyingi."

15 Nfono nfono mɔ, ɔnyen mɔ o wu' mɔ gi kyingi koso ɔ tɛ ɔ kya tɔngɛ. Ne Yesu gi kiiri mɔ kyu wɔra mɔ-nyi mɔ abaa dɔ.

16 Ibono Yesu gi kyingi ɔnyen mɔ mɔ, i wɔra asa abono mɛ bo nfono mɔ pɛwu gifuu. Mɛ yen Wurubuaare kyu lii imɔ so. Mɛ san mɛ kya tɔge

ma-a sa abara yee, "I koroge Wurubuaare ikalan otogebo gbaa' saare aye do. Wurubuaare gi ba de o' baa laa mo-ade."

17 Yesu ilaa ide i kpaa nu gyan' de Gyudiyi gesinkpan so de gesinkpan gebono ge sindi nno mo pewu.

Gyon Gi Sun Asa Yesu Ase

18 Gyon obono o naa kyena gyere asa Wurubuaare sagyere mo-lee akasebo me kpaa buu ilaa ibono Yesu gi wora mo pewu sa momo-obelense.

19 Ibono Gyon gi nu imo mo, o tere mo-akasebo mo do asa anyo ne o sun aye de a' baa taase fo yee, "Fo ne n gye asa omolegebo obono a nu yee o laa ba mo abee a' kere nyamese banban oko kpei okpa daa?"

20 Gyon isoo mo me kpe Yesu ase ne me kpaa toge sa mo yee, "Gyon obono o gyere asa Wurubuaare sagyere mo ne n sun aye fo ase faa. O sun aye de a' baa taase fo yee, 'Fo ne n gye asa omolegebo obono a nu yee o laa ba mo abee a' kere nyamese banban oko kpei okpa daa?' "

21 Pei de Gyon isoo mo me taase Yesu genen mo, me wu Yesu gi kpe kye asa sakyo alobi ta ne. O kye dabole de aloto abono an boran a kya nyala asa gikyo gikyo mo. O kosore ilaa nyenyen oduduu kpei-kpei ibono i te asa ako so mo. O bugi agyaatanbo sakyo ansi, ne me kii nye me kya wu ilaa.

22 Yesu laa lee geno sa Gyon isoo mo mo, o toge sa momo yee, "Fe' kii kpe kpaa buu ilaa ibono fe baa nu de feye-aso de ilaa ibono fe wu de feye-ansi n kya wora faa sa Gyon.

Ne yee agyaatanbo ansi a bugi,
ne otageseana me koso me naa.

Ne yee akononbu aloto a ta, ne isintiribu me kya nu ilaa.

Ne kyingi abono me wu' mo ako.

Ne ne toge Wurubuaare okalan konkonse mo sa ayenbo.

23 Imoso omudensebo ne n gye nyamese obono mo-gisoo gyi gi man koso me so mo."

Yesu Gi Yen Gyon Sa Sakkii Mo

24 Yesu gi tonge de Gyon isoo mo ta ne me kyon mo, o yii gese o kya toge Gyon ilaa o kya sa sakkii obono o bo mo ase nfono mo. Mo-ge tonge mo do mo, o taase sakkii mo yee, "Owi obono fe kpe Gyon ase gipen do kpaa nu mo-ilaa toge me mo, mene isa onan ne fe kpe fe' kpaa kere daa? Fe wu mo mo, o de fee gifedaa ne afuu a kya da gim o a kya kpe a kya ba abee?"

25 Ne on de genen mo, nne ne o de? Fe wu o bun gikuru dense? Kuaa, asa abono me kya bun akuru dense ne me kyoola mo me kya kyena daa awura nten do.

26 Imoso fe kpe Gyon ase mo, mene isa onan ne fe kpe de fe' kpaa kere daa? Wurubuaare ikalan otogebo abee? Wurubuaare ikalan otogebo ne fe kpaa wu gesintin. N kya buu mi-i sa feye yee o don genen gbaa.

27 Gyon ne n gye Wurubuaare sooo obono me nmarase mo-ilaa yela Wurubuaare agyebi do yee Wurubuaare laa sun mo de o' gyangbara kpaa toge sa asa yee me' loro momo-gekyena do gyoo me obono nan baa molege asa mo.

28 "N kya toge feye yee in ti koroge nyamese obono o don Gyon baare mo. Abono, mo, me laa nye Wurubuaare gewuragyi do akyenabi lii nperere kyu kyon mo, momo do obono on fo sei gbaa mo laa don Gyon.

29 Asa abono pewu me kpaa nu Gyon ilaa toge me de lenpoo asoo abono fe kya kyu momo yee me gye asa nyenyen mo gbaa me soo kyule yee

Wurubuaare ilaa ibono Gyɔn gi tɔgɛ mɔ i gye gesintin, ne mɛ yɛgɛ Gyɔn gi gyere mɔmɔ Wurubuaare sagyere.

³⁰ Farasii gikpen mɔ dɔ asa de Gyuda awura nbara anmarasebo mɔ bere, mɛ nu Wurubuaare gelaare ilaa ibono Gyɔn gi tɔgɛ mɔmɔ mɔ, mɛn sɔ kyule, ne mɛ kine yɛɛ Gyɔn maɲ nyɛ gyere mɔmɔ Wurubuaare sagyere.”

³¹ Yesu gi kii taase sakkpii mɔ yɛɛ, “Menɛtɔ gbaa ne nan nyɛ kyu kesere de ndɛ asa adɛ ne? Nnɛ ne mɛ dɛ daa?”

³² Yesu gi taase genen ne o kii lɛɛ gɛsɛ sa sakkpii mɔ yɛɛ, “Ndɛ asa mɔ mɛ dɛ fɛɛ nbii ne n kpaa gyan' sansana. Mɛ gyan' genen mɔ, nfono mɔ, mɛ kya tɔgɛ mɛ kya sa abara yɛɛ,

‘A lan akɔrɛ ne a bii ilon sa fɛye mɔ, fɛ kine, fɛɲ kyaa.

A kpen saawo bii lɛwu ilon de fɛ' saawo mɔ, fɛ kine, fɛɲ saawo.’ ”

³³ Yesu gi lɛɛ gɛsɛ yɛɛ, “Gyɔn ɔbono ɔ gyere asa Wurubuaare sagyere mɔ gi ba gesinkpan so mɔ, ɔ kya nminde genɔ belen-belen ne ɔ mɛɲ kya nun nta. Imɔso fɛ tɔgɛ yɛɛ, ‘Ilaa nyenyɛn oduduu ne n tɛ mɔ so.’

³⁴ Mɛ, anyamesɛ pɛwu mɔmɔ-daa mɔ, mɔ, nɛ ba gesinkpan so faa, n kya gyi n kya nun. Imɔso fɛ kya tɔgɛ yɛɛ, ‘Kɛrɛ, ɔnyɛn baarɛ! Ogyibelebo de nta nunbo ne ɔ gye. Mɔ-kyɛmɛnɛana ne n gye lɛnpoo asɔɔbo de ilaa nyenyɛn awɔrabo sense.’ Fɛɲ nu ndɛ asa ilaa tɔgɛsɛ?”

³⁵ Ne Yesu gi kii tɔgɛ bɔla yɛɛ, “Abono mɛ buu ɔlaako ginyi ɔkpa mɔ bere ne nan lɛɛ gimɔ-gewi nyiile yɛɛ gi gye ɔlaako ginyi gesintin.”

Yesu Gi Kpaa Gyi Simon Farasiinyen Ase

³⁶ Owi ɔko dɔ mɔ, Farasii gikpen mɔ dɔ ɔnyɛn ɔko gi sun kpaa tere Yesu yɛɛ ɔ' ba mɔ-geten dɔ de mɔ-rɛ mɔ mɛ' gyi dabɔlɛ. Yesu gi kpe ne ɔ kpaa kyena saarɛ abono mɛ tɛ ogyiten mɔ dɔ mɔ.

³⁷ ɔkyii ɔko bo ɔsowolɛ ɔbono so. Asa pɛwu mɛ nyi mɔ so yɛɛ mɔ-gekyaena dɔ mɔ ɔ gye ilaa nyenyɛn ɔwɔrabo. Genen ɔkyii baarɛ gi nu yɛɛ Yesu tɛ Farasiinyen mɔ geten dɔ ɔ kya gyi mɔ, o kpe geten mɔ dɔ. Yesu gi wolaa kyu ɔkyii mɔ ilaa nyenyɛn ibono ɔ wɔra Wurubuaare mɔ kyɛɛ mɔ. ɔkyii mɔ kya kpe mɔ, ɔ dɛ anuwanterɛ de puruntuwa.

³⁸ ɔkyii mɔ gi loo geten mɔ dɔ mɔ, o kyu de Yesu gemara-gemara kpe Yesu ayaa ase. ɔ kya nyingi gitolon gibono Yesu gi su mɔ mɔ, i wɔra mɔ ɔkon, ne i kii kyu wɔra mɔ gisu. O sii nmii mɔ-ayaa dɔ ne o su genen-n kaabore mɔ-ansikyu a pale Yesu ayaa, ne o kyu mɔ-gimu iman kyu kpaarɛ Yesu ayaa. ɔ kpe ɔ kya faala mɔ lii mɔ-gisen dɔ, ne o kyu anuwanterɛ mɔ ɔ dɛ mɔ kyu kyɛgɛ worogɛ Yesu ayaa so.

³⁹ Farasiinyen ɔbono ɔ da gibaa tere Yesu mɔ gi wu ibono ɔkyii mɔ gi wɔra genen mɔ, ɔ tɔgɛ sa mɔ-nyoro yɛɛ, “ɔkyii ɔbono ɔ kya pusaa ɔnyɛn baarɛ faa gye daa ilaa nyenyɛn ɔwɔrabo. Nengyɛn fɛɛ ɔnyɛn baarɛ gye Wurubuaare ikalan ɔtɔgɛbo gesintin mɔ, ɔfaanan ɔ laa bii nyamesɛ ɔbono ɔnan ɔkyii baarɛ gye mɔ.”

⁴⁰ Farasiinyen mɔ kya tɔgɛ ɔ kya sa mɔ-nyoro genen mɔ, Yesu gi bii. Imɔso Yesu gi tɔgɛ sa mɔ yɛɛ, “Simon, n bo ilaa iko n kya laarɛ n' tɔgɛ sa fo.” Ne Simon gi lɛɛ genɔ yɛɛ, “ɔbelɛnsɛ, tɔgɛ mɛ, n kya nu.”

⁴¹ Nfono ne Yesu gi da mɔ gikpale yɛɛ, “Asa anyɔ ako mɛ dɛ aterɛnbi wura ɔko giko. ɔko dɛ mɔ giko belɛ fɛɛ gesun ɔwɔrabo aterɛnbi abono ɔ laa nyɛ gesi dɔ mɔ. Ne ɔko, mɔ, dɛ mɔ giko pi-i fɛɛ gesun ɔwɔrabo aterɛnbi abono ɔ laa nyɛ bɔsɛ dɔ mɔ.

⁴² ɔ yela mɔmɔ owi ɔbono mɛ laa kyu baa ka mɔ mɔ. Owi mɔ gi fo ne mɛ mɛɲ kya taalɛ de mɛ' ka mɔ mɔ, o kyu kyɛɛ mɔmɔ asa anyɔ.” Yesu gi

da gikpale mo ta mo, o taase Simon yee, "Momo asa anyo ade do mo, omo ne nan laare aterenbi wura mo ilaa gikyo don mo-nanbo?"

⁴³ Simon gi lee geno yee, "Itefaa i laa wora obono mo-lee giko gi nyaakyo mo." Simon gi lee geno genen mo, Yesu gi toge sa mo yee, "I kyena."

⁴⁴ Nfono mo, Yesu gi toge sa Simon yee, "Genen ne fo-re okyii baare ilaa i de faa. Nyamese ilaa nyenyen i de fee giko ne o de Wurubuaare. Me n gye isafo ne ne ba fo-geten do. Ne ba faa, fo men yee me' sa me nkyu de n' foro me-ayaa. Okyii baare, mo, mo-ansikyu ne o kyu foro me-ayaa, ne o kyu mo-gimu iman lee me-ayaa nkyu.

⁴⁵ Fo faala me mo, fon da me gya-gya; okyii baare bere, lii abere abono o ba gerenaa faa, o kpe o de daa me-ayaa do o kya faala me lii mo-gisen do.

⁴⁶ Fo men woroge me-gimu nfo sa me. Okyii baare, mo, anuwantere ne o kyu woroge me-ayaa gbaa.

⁴⁷ N' toge fo yee mo-ilaa nyenyen ibono i nyaakyo ne ne kyu kyee mo mo ne n yee o nye gelaare' bele sa me faa. Isa obono, mo, mo-ilaa nyenyen in kyo ne oko gi kyu kyee mo mo, gelaare' pi-i ne o laa nye sa kaase kee."

⁴⁸ Yesu gi kisee toge sa okyii mo yee, "Okyii, fo wora Wurubuaare ilaa nyenyen, ne ne kyu kyee fo."

⁴⁹ Nfono mo, abono mo-re omo me te ogyiten mo me san me kya taase abara yee, "Mo ne n gye ane de o' taale kyu asa ilaa nyenyen ibono me wora Wurubuaare mo kyee momo?"

⁵⁰ Yesu gi kii toge sa okyii mo yee, "Genobono fo soo me gyi mo ne n molege fo faa. Imoso naa fo kya kpe de gisen yuuli."

8

Yesu Gi Naa Naa De Isowole

¹ Imo ide gemara mo i men keela ne Yesu gi naa de isowole bele-bele de iburu-buru so o kya lee Wurubuaare okalan konkonse mo o kya toge asa de me' nu Wurubuaare gewuragi do akyenabi mo so ilaa. Yesu naa de isowole mo so genen mo, mo-akasebo gudu anyo mo me buu mo.

² Akyii ako kee me buu omo. O wolaa gya ilaa nyenyen oduduu kpei-kpei koso genen akyii abono ako so ne o kye momo ako alobi kee. Momo do oko ne n gye Mariya Magadalakyii. Okyii baare so ne Yesu gi naa kyena gya ilaa nyenyen oduduu kpei-kpei sono koso mo.

³ Akyii mo do oko kee ginyen ne n gye Gyowana. Gyowana mo-kuli ne n gye Kyusa obono o kya kere Wura Herode geten de mo-ilaa so mo. Me kya tere akyii mo do oko kee yee Susana. Akyii sakyi ako kee me buu Yesu. Me naa me naa genen mo, akyii ade me de momo gbaa-gbaa aterenbi me kya kpa Yesu mo-re mo-akasebo mo.

Dooobo Oko Gikpale

⁴ Asa me kpe ma-a lii ma-a lii isowole so ma-a ba Yesu ase. Sakkii mo gi nyaakyo mo, o da gikpale gide sa momo yee,

⁵ "Dooobo oko gi kyena. Owi oko do mo, o koso kpe ndoo kpa hmade ayu. O kya hmade ayu mo, ako a toro okpa do, ne asa me kyise-kyise amo ne nbui me baa toose amo gyi.

⁶ Ayu mo ako, mo, a toro kbandan so. A koro lii mo, a kii wu'. I nyiile yee gesinkpan mo nfono in bo ise gikyo.

⁷ Ako kee a toro iwe do. Abono a koro mo, iwe mo i koso bun wora amo, ne a wu'.

⁸ Amo ako, mo, a toro gesinkpan dense so. Amo bere, a koru ne a sen da amu kanpe. Dobo mo gi kebi amo mo, o nye ibono onan o kyu nmade mo, gikpado ikue-inun." Yesu gi da gikpale mo ta mo, o toge sakkii mo yee, "Obono o bo aso mo, o' nu."

⁹ Yesu akasebo mo me taase mo gikpale mo gese.

¹⁰ Ne Yesu gi lee geno sa momo yee, "Feye ne n gye abono Wurubuaare laa lee mo-gewuragi do akyenabi mo ilaa boduduuse nyiile. Asense mo bere, n kya toge sa omo daa akpale do de i' nye kyena de ilaa ibono i bo Wurubuaare agyebi mo do mo. I bo nno yee, 'me laa kpe me kya kere, me man kii wu sei; me laa kpe me kya nu ilaa, me man kii nu gese.'

Yesu Gi Lee Gikpale Mo Gese

¹¹ "Fe' nu gikpale mo gese kon. Ayu abono doobo mo gi nmade mo ne n gye Wurubuaare agyebi.

¹² Abono a toro okpa do mo, a de fee asa abono me kya nu Wurubuaare agyebi mo ne ilaa nyenyen pewu gemu mo kya baa lee amo lli omo-asen do mo. Ilaa nyenyen gemu mo men kya laare de me' nye soo agyebi mo gyi de Wurubuaare o' molege momo.

¹³ Ayu abono a toro kpanan so ne amo-ilin i men nye ise loo gese mo a de fee asa abono me nu Wurubuaare agyebi mo, ne me nu gese de okon, yeye me men kya kyu amo wora momo-asen do mo. Me kya soo amo gyi nmaraa, ne agenda oko gi tu momo mo, fo baa kere mo, me kya luu nyoro.

¹⁴ Ayu abono a toro iwe do mo a de fee asa abono me kya nu Wurubuaare agyebi mo, ne gesinkpan gede so nsuili, aterenbi gilaare, de anyamese obole gelaare ilaa i kya gyi omo-amu mo. Imoso men kya kpe ansi do de me' wora agyebi mo so ilaa momo-gekyena do.

¹⁵ Ayu abono a toro gesinkpan dense so mo bere, a de fee asa abono me kya kyu gesintin de gisen dense kyu nu Wurubuaare agyebi mo. Me nu amo mo, me kya soo amo wora momo-amu do de me' nye gisen me kya wora amo so ilaa momo-gekyena do."

¹⁶ Yesu gi kii da sakkii mo gikpale yee, "Oko men bo no o laa nyoga fatela de o' kyu nara gelobi do, abee o' kyu wora npa gese. O laa kyu mo kyolga daa de i' nye wu asa abono me laa baa loo mo.

¹⁷ Sei men bo no i bo obo do yee i man lli gifuli, abee ilaa iko i nara yee i man lli gewi.

¹⁸ Imoso ibono fe kya nu Wurubuaare ilaa faa, fe' kere imo so doodan. I kya nyiile yee obono o kya nu Wurubuaare ase mo, o laa nye nu too. Ne obono, mo, oyi kya nu Wurubuaare ase mo, ipii ibono o nu mo gbaa, i laa kii lli mo-gimu do."

¹⁹ Genen abere abono mo Yesu mo-nyi de mo-tedana me ba mo ase nno. Sakkii mo so mo, me men nye okpa tu sindi mo.

²⁰ Nfono mo, ako me buu sa mo yee, "Fo-nyi de fo-tedana me yele nmanman me kya laare me' wu fo."

²¹ Yesu gi lee geno toge sa momo yee, "Me-nyi de me-tedana ne n gye asa abono me nu Wurubuaare agyebi mo ne me kya wora amo so ilaa mo."

Yesu Gi Tenge Sa Afuu Ne A Taa Gida Yeye

²² Geke gede mo, Yesu mo-re mo-akasebo me bo obon bele mo ase mo, Yesu gi toge sa mo-akasebo mo yee, "A' fara kpe gibenbe." Gesintin mo, me dii loo gikolii do ne me yii okpa.

²³ Mɛ kya kpe mɔ, Yesu gi de ginsi gide gikolii mɔ dɔ. Nfono mɔ, afuu bele ako a tigi, a kya da ginyadon so. A kya yege nkyu mɔ gi kya loo gi kya bola gikolii mɔ, ne gensipɛɛɛ ge tu ɔmɔ.

²⁴ Mɛ da Yesu kyingi mɛ kya tɔge mɔ yɛɛ, “ɔbelense, ɔbelense, a kya laare de a' sii!” Yesu gi kyingi mɔ, ɔ koso ne ɔ tɔge afuu mɔ yɛɛ a' taa gida yege de nkyu nbono gi kya koso mɔ, mɔ, gi' wɔra boyin. Gesintin mɔ, afuu mɔ a taa gida yege, ne ilaa kamaase i sii kurun.

²⁵ Nfono mɔ, ɔ taase mɔ-akasebo mɔ yɛɛ, “Gisɔɔgyi gibono feye yɛɛ fe bo sa me mɔ gi bo fone dɔ daa?” Yesu akasebo mɔ mɛ wu ilaa ibono ɔ wɔra mɔ, i wɔra mɔmɔ gifuu ne i wɔra mɔmɔ giyan. Mɛ san mɛ kya taase abara yɛɛ, “Mene nyamese ɔnan ne? Kere, ɔ kya tɔnge sa afuu de nkyu gbaa ne i kya nu mɔ gade.”

Yesu Gi Kosore Ilaa Nyenyɛn Oduduu Kpei-Kpei Lii Oyeebu ɔko So

²⁶ Yesu mɔ-rɛ mɔ-akasebo mɔ mɛ kii pale gikolii mɔ kpaa fo Gerigasa awura gesinkpan so. Fo lii Galeli gesinkpan so mɔ, mɔmɔ-gesinkpan ge bo ɔbon bele mɔ gibenbe giko mɔ so.

²⁷ Yesu gi lii gikolii mɔ dɔ dii gyan' gigengen mɔ, ɔsowole mɔ so ɔnyen ɔko gi baa gyangara mɔ. Ilaa nyenyɛn oduduu i te genen ɔnyen ɔbono so, i yege ɔ san ɔ naa daa gibolonbukpan, ne ɔɲ baa ɔ te nten dɔ. Ibuni opuleten ne ɔ san ɔ te gekpaa-gekpaa. I wɔra mɔ genen mɔ, i keɛla.

²⁸⁻²⁹ O wu Yesu mɔ, Yesu gi tɔge ilaa nyenyɛn oduduu mɔ yɛɛ i' koso lii ɔnyen mɔ so, ɔ kere imɔ faa. Nfono mɔ ilaa nyenyɛn oduduu mɔ i yege ɔnyen mɔ gi saawo kpaa gyaa nmii Yesu ansi dɔ, ne i kpen ken-ken taase Yesu yɛɛ, “Yesu, Wurubuaare Gitobele mɔ-bi, mene ne fo kya laare fo' wɔra me? N kya kole fo, geɲ wɔra me awɔrafɔɔ.” Pei de Yesu mɔ-rɛ ɔnyen mɔ mɛ' gyan' genen mɔ, ilaa nyenyɛn oduduu mɔ i kya kyena ba ɔnyen mɔ so belen-belen. I ba mɔ so mɔ, asa mɛ kya kyu agbangbaran nminde mɔ abɛɛ mɛ kya da mɔ ilaran yela, ne mɛ kya dii mɔ de ɔɲ sa ɔ' nyɛ kpaa wɔra ilaa iko. Ilaa nyenyɛn oduduu mɔ ɔlon so mɔ, ɔ kya wolaa gbaa gbaa agbangbaran mɔ fue, de i' kpare mɔ kyu lii kpe gipen dɔ.

³⁰ ɔnyen mɔ gi kpen genen mɔ, Yesu gi taase mɔ yɛɛ, “Mɛ kya tere fɔginyen yɛɛ mene?” Ilaa nyenyɛn oduduu mɔ i te ɔnyen mɔ so mɔ i lɛɛ geno sa Yesu yɛɛ, “Mɛ kya tere me yɛɛ Sakpii.” I kya nyiile yɛɛ ilaa nyenyɛn oduduu kpei-kpei gikyo ne n te ɔnyen mɔ so.

³¹ Ilaa nyenyɛn oduduu mɔ i kpe i kya kole Yesu yɛɛ ɔ' mɛɲ sa ɔ' gya imɔ koso lii ɔnyen mɔ so kyu kpe nfono Wurubuaare kya tii ilaa nyenyɛn oduduu kpei-kpei wɔra ɔbo dɔ mɔ.

³² Akuuri gikpen giko gi yeɛ gibii giko alan dɔ nfono, mɛ kya gyi. Ilaa nyenyɛn oduduu ibono i te ɔnyen mɔ so mɔ i kole Yesu yɛɛ nengyene ɔ laa gya imɔ koso mɔ, ɔ' yege de i' kpaa kyena akuuri mɔ so. Ne Yesu gi sa imɔ ɔkpa.

³³ Imɔso i koso lii ɔnyen mɔ so kpaa kyena akuuri mɔ so. Ne akuuri gikpen mɔ pɛwu gi sele kpelege de gibii mɔ kpaa loo ɔbon bele mɔ dɔ, ne nkyu mɔ gi gyi mɔmɔ.

³⁴ Anyen abono mɛ kya kere akuuri mɔ so mɔ mɛ wu ilaa ibono i ba mɔ pɛwu. Imɔso mɛ sele kpe ɔsowole mɔ so de ndɔɔana dɔ mɔ kpaa buu ilaa ide sa asa.

³⁵ Genen so mɔ, asa mɔ mɛ kpaa wu ilaa ibono i ba mɔ de ansi. Mɛ ba Yesu ase mɔ, mɛ wu ɔnyen ɔbono ilaa nyenyɛn oduduu mɔ i koso mɔ so mɔ. O bun gikuru, ɔ nyɛ mɔ-ginyamese gewɔnsa, ɔ te Yesu gilana dɔ ɔ kya nu mɔ ase. I wɔra asa mɔ gifuu, ne i de mɔmɔ-geno.

³⁶ Abono me wu ilaa kamaase de ansi mo me buu genoo bono Yesu gi kyu molege onyen mo mo pewu sa abono me sele baa tu momo mo.

³⁷ Me nu imo mo, momo Gerigasa awura mo pewu me kole Yesu yee o' lii momo-gesinkpan so. I lii fee Yesu ilaa mo i don wora momo gifuu gikyo. Gesintin mo, Yesu mo-re mo-akasebo mo me dii loo gikolii do de me' kii.

³⁸ Me kya laare me' kii mo, onyen obono Yesu gi kosore ilaa nyenyen oduduu mo lii mo so mo gi kole Yesu yee, "Yege me n' buu fo de n' kpaay kyena fo ase." Yesu mo men kyule sa mo. O toge mo daa yee,

³⁹ "Kii kpe fo-gewi de fo' kpaay toge ilaa gbaa' ibono Wurubuaare gi wora sa fo faa sa fo-gewi awura." Gesintin mo, onyen mo gi kii kpe mo-gewi, ne o naa gyan' de osowole mo o kya toge ilaa gbaa' ibono Yesu gi wora sa mo mo.

Yesu Gi Wora Ilaa Bele Sa Gyarase De Okyii Olobo Oko

⁴⁰ Yesu gi kii kpe obon bele mo gigengen gibono so o daa gillii mo. O baa loo nno mo, sakpii bele ti o yele o gyoo mo me kya faala mo mo-re ginaa-naa.

⁴¹ Onyen oko gi ba Yesu ase nno. Me kya tere mo-ginyen yee Gyarase. O gye obelense obono o kya kere Gyuda awura gikyangbon giko so. Genen onyen baare gi baa kpelege nmii Yesu ayaa do, ne o kole mo yee o' wora anyia, o' yeege me' kpe mo-gewi.

⁴² I kya nyiile yee gebii kolon ne o koroge; ge gye daa okyii. Ge gyi fee nsi gudu nnyo. Ge kya lo ge kya laare ge' wu. O buu sa Yesu genen mo, Yesu gi nu mo ase, ne o naa buu mo. Me kya kpe mo, asa me kya kpiide de Yesu.

⁴³ Okyii oko bo omo do. I kya da de mo. I kya da de mo mo, imo nsi gudu nnyo ne. [O nyida aterenbi abono o bo mo pewu] kpe-kpe aloto akyebo ase; momo oko-re oko men taale kye mo.

⁴⁴ Genen okyii baare kya laare mo-gilo mo gi' ta so mo, o kyu de Yesu gemara gemara kpaay yii Yesu gegbe ginebi. Ayaa abono so mo, ibono i kya da de mo mo, i ten.

⁴⁵ Okyii mo gi yuuri kpaay yii Yesu genen mo, Yesu gi dese, ne o taase yee, "Ane ne n yii me mo?" Okamaase kya kine yee in gyee mo ne n yii mo, ne Piita gi taase mo yee, "Obelense, sakpii obono o kyaaboo fo me kya kpiide de fo faa mo, fo kya toge yee oko gi yii fo?"

⁴⁶ Yesu gi lee geno so mo yee, "Oko gi yii me. I kya nyiile yee ne bii me-nyoro do yee me-oduduu gi wora ilaa iko."

⁴⁷ Okyii mo gi wu yee ibono o yii Yesu mo i men nara mo. Imoso o lii baa nmii Yesu ayaa do, o kya seli faa gyin-gyin. O toge ilaa ibono so o yii mo mo de genoo bono i kpe kye mo ayaa abono so mo asa mo pewu ansi do.

⁴⁸ Nfono ne Yesu gi toge mo yee, "Me-bi, gisoo gyi gibono fo bo sa me mo ne n kye fo faa. Imoso naa fo kya kpe de gisen yuuli."

⁴⁹ Yesu san o yele o kya tonge mo, oko gi lii Obelense Gyarase geten do baa toge sa Gyarase yee, "Fo-bi mo gi wu". Imoso gen baa nyala obelense mo yee o' baa kye mo."

⁵⁰ Yesu gi nu imo ide mo, o kisee toge sa Gyarase yee, "Gen sa fo' sele gifuu. Fo bere, kpe soo me gyi, ne ge laa kii nye nkpa kyena sa fo."

⁵¹ Yesu gi kpaay loo Gyarase geten do mo, o men yeege de asa me' nye loo obu mo do obuni mo ase baa too de mo-re Piita, Gyon, de Gyeemesi, de gebii mo mo-se de mo-nyi.

⁵² Asa abono me bo nno mo pewu me de osulon me yele. Me kya yiyee genen mo, Yesu gi toge sa momo yee, "Fen baa saawo. Gebii mo gen wu'. Ge de daa."

⁵³ O toge genen mo, me kyu mo nmase daa. Me nyi ibono gebii mo ge wu' gesintin.

⁵⁴ Yesu, mo, men taa ka omo geno. O keda gebii mo gibaa do ne o toge sa gemo yee, "Gebii, koso."

⁵⁵ Yesu gi toge sa gebii mo genen mo, o kiiri gemo-onye baa wora gemo do. Ayaa abono so mo ge koso, ne Yesu gi toge yee, "Fe' laare ilaa iko sa gemo de ge' gyi."

⁵⁶ I de gebii mo mo-nyi de mo-se geno, ne Yesu gi toge sa momo yee me men sa me' toge ilaa ibono i ba faa sa oko-re oko.

9

Yesu Gi Keda Mo-Isɔɔ Gudu Anyɔ Mo Sun

¹ Yesu gi tere mo-isɔɔ gudu anyɔ mo baa gyan' ne o sa momo okpa de me' kyu mo-ginyen de me' nye olon ilaa nyenyen oduduu kpei-kpei pewu so. Genen olon mo laa yege me laa taale kye asa aloto kee.

² O sa momo olon mo genen mo, o keda momo sun yee me' naa toge toge Wurubuaare gewuragyi do akyenabi mo so ilaa sa asa de me' kye asa alɔbi.

³ O toge sa momo yee, "Fe kya kpe faa, fen sa fe' puru sei-sei keda. Fe men' puru ba-a oyii tugese, abee gidiiku, abee agyudo, abee aterenbi keda. Fe men' puru gegbe giwora nyose gbaa baa keda.

⁴ Geten gebono do fe loo ne me kya kere feye so mo, fe' kyena nno kaabore fe laa lii genen osowole obono so.

⁵ Osowole obono fe loo ne nno asa me kine me men bugi ansi de feye mo, fe lii momo-osowole mo so mo, fe' kpiisi feye-ayaa ise yela momo. Imo ne nan yege me' bii yee me kine Wurubuaare okalan mo faa mo, gisobiide gi de gi gyoo omo."

⁶ Yesu gi sun mo-asunbo mo genen mo, gesintin mo, me yii okpa ne me naa de isowole, ne geten kamaase gebono me kya kpe mo, me kya toge Wurubuaare okalan konkonse mo ne me kya kye asa alɔbi.

Wura Herode Kya Laare O' Wu Yesu De Ansi

⁷ Genen owi obono mo, Wura Herode gi nu ilaa ibono Yesu kya wora mo. O nu imo genen mo, i wora mo giyan, ne on kya bii imo do. I lii fee asa me kya toge yee, "Oloobu Gyon obono o naa kyena gyere asa Wurubuaare sagyere mo ne n kyingi lii ibuni do ba genen."

⁸ Ako mo yee, "Kuaa. Oloobu Ilaagya ne n kii ba." Abanban, mo, yee, "Wurubuaare ikalan atogebɔ adedaabo mo do oko ne n kyingi lii ibuni do kii ba genen."

⁹ Wura Herode-lee ibono o toge mo ne n gye yee, "Ne yege me ten Gyon gimu. Ne ane, mo, ne n ba o gye obono n kya nu mo so genen faa?" Ne Wura Herode gi san o kya laare genobono o laa nye wu Yesu de ansi mo.

Yesu Gi Sa Sakpii Bele Agyudo Ife Nsana

¹⁰ Yesu asunbo mo me kpe nfono o sun momo mo ne me kii ba mo, me baa buu ilaa ibono me wora mo pewu sa mo. Me buu sa mo ta mo, o yege mo-re momo wole me kpe osowole obono me kya tere mo yee Besayida mo so.

11 Me laa kpe mo, sakpii obono o bo momo ase mo gi bii nfono me kya kpe mo, ne me buu momo. Sakpii mo gi kpa tu momo mo, Yesu gi faala omo, ne o toge Wurubuaare gewuragi do akyenabi mo so ilaa sa momo, ne o kye kye abono mo me kya lo mo.

12 Owi gi kpelege mo, Yesu akasebo gudu anyo mo me kpa toge sa mo yee, "Lee sakpii mo okpa de me' naa kpe isowole de ndoana nbono gi sindi gere mo de me' kpa laare nten nko loo de me' nye agyudo gi. Nfono a bo faa, i gye daa ife nsana."

13 Yesu gi kisee toge sa momo yee, "Feye gbaa-gbaa fe' sa momo ilaa iko de me' gyi." Me lee geno yee, "Aye ase gere mo, a bo daa ibodobodo inun de iken inyo. A laa taale so agyudo sa ginyamese gi de pewu?"

14 Anyen abono me bo genen sakpii bele obono do mo gegyono ge laa wora fee nwe ikue-inyo de saalaa. Yesu gi toge sa mo-akasebo mo yee, "Fe' yeye de asa mo me' kpelege kyena akpen-akpen; gikpen kamaase do asa me' wora fee ikue-inyo de saalaa."

15 Gesintin mo, Yesu akasebo mo me yeye asa mo pewu me kpelege kyena gesinkpan.

16 Me kyena genen mo, Yesu gi puru ibodobodo inun mo de iken inyo mo, ne o diire mo-ansi kere Wurubuaare, o kyu afaala sa Wurubuaare, ne o gbaa-gbaa ibodobodo mo do kyu sa mo-akasebo mo yee me' kyu ye sa sakpii mo de me' gyi.

17 Me ye sa momo mo, momo pewu me nye gyi kaabo kii san. Mo-akasebo mo me koola agyisan mo mo, i bola nkeebii gudu nnyo.

Piita Gi Bii Toge Nyamese Obono Yesu Gye Mo

18 Owi oko do mo Yesu kya dalaa mo wole, ne mo-akasebo mo me bo mo ase. Nfono mo o taase momo yee, "Sakpii mo ase mo, mene nyamese ne n' gye?"

19 Ne mo-akasebo mo me lee geno yee, "Asa ako me kya toge yee fo gye Oloobu Gyon obono o naa kyena gyere asa Wurubuaare sagyere mo. Ako mo yee Kuaa! Fo ne n gye Oloobu Ilaagya. Ne ako, mo, yee Wurubuaare ikalan atogebodo adedaabo mo do oko kpei ne n kyingi lii ibuni do ba genen."

20 Nfono ne Yesu gi kii taase mo-akasebo mo yee, "Ne feye ase mo de-e? Mene nyamese onan ne n' gye?" Piita gi lee geno yee, "Fo ne n gye obono Wurubuaare gi sun yee o' baa molege asa de me' nye Wurubuaare ase gekyena mo."

21 Piita gi lee geno genen mo, Yesu gi ka sa omo yee me men sa me' toge sa oko-re oko yee mo ne n gye obono Wurubuaare gi sun mo.

22 Yesu gi kii toge sa omo yee, "I gye ilaa ibono i laa ba yee me, anyamese pewu momo-daa mo, nan wu olaawuse kpei-kpei gikyo. Gyuda awura asunbi alebo abelense de nbara anmarasebo de momo-abelense sense mo me laa kine me, ne me laa yeye asa de me' mo mo. Me mo me mo, imo geke sase mo, nan kyingi lii ibuni do."

23 Nfono ne Yesu gi toge sa momo abono me bo nno mo pewu yee, "Obono o kya laare de o' wora me-okasebo mo, kaase mo o' kyu mo-nyoro fue, geke kamaase mo o' kyule wu aworofoo me so, de o' kase me-gidebi. Ba-a me laa da mo ananbi oyii so mo mo, me' da mo.

24 I kya nyiile yee fo obono fo laa korose fo-nkpa yela fo-gibaa so mo, Wurubuaare ase gekyena onan mo ge laa lii fo-gibaa. Ne fo obono, mo, kyu lii me so ne fo-nkpa gi lii fo-gibaa mo, fo laa nye Wurubuaare ase gekyena.

25 Fo nyamese fo nye gesinkpan gede so ilaa kamaase pewu gyan' ne fon nye okpa kpe Wurubuaare ase mo, fo nyi yee fo nye gekyena ne?

26 Nengyene i bo fo oko ipeeli yee fo gye me-sonbo abee fo kya soo me-agyebi mo gyi mo, genen kee ne i laa wora me, anyamese pewu momo-daa mo, ipeeli sa fo, gekaabono nan kii ba gesinkpan so mo. Genen gekaabono mo, me-se Wurubuaare laa keda mo-isoo sun, ne me laa sun me ba de nyisigi. Wurubuaare laa kyu mo-lee nyisigi onan kyu sa me de asa me' wu de ansi.

27 Gesintin ne n' kya toge feye faa, feye abono fe yele gerena faa fe man wu' ta pei de fe' loo wu yee Wurubuaare gewuragi gekyena mo ge ba anyamese do."

Wurubuaare Gi Lee Yesu Nyisigi Nyiile Mo-Akasebo Asa' Ako

28 Yesu gi toge genen ilaa ide mo, fee nke guke gemara mo, o kyu Piita de Gyon de Gyeemesi, ne me dii kpe gibii giko so de o' kpa dala.

29 O kya dala genen mo, mo-ansi do i kyeege kii loro wora odan too ne mo-ngbe nbono o suu mo gi fuuli gi kya nelegi faa nela-nela-nela.

30 Me baa kere mo, iloobu inyo iko ne: Mosisi mo-re Ilaagya. Me ba Yesu ase, momo-re mo me yele me kya gyi nsingyi.

31 Ibono me lii Wurubuaare do ba mo so mo, me bo nyisigi. Momo-re Yesu me toge lewu obono o laa wu' Gyerusalem mo so ilaa.

32 Piita mo-re mo-nanboana mo bere, genen abere abono pewu mo ginsi gide gi kya boo omo. Imoso i nmange momo-ansi so mo, me wu Yesu de nyisigi de iloobu inyo mo me yele mo ase.

33 Iloobu mo me kya laare me' kyon taa Yesu yege mo, Piita gi ten loo toge atogekpande sa Yesu yee, "Obelense, i wora odan yee a bo gerena. Yege de a' yii ipanpan isa' sa feye: fo-lee panpan oko, Mosisi-lee oko de Ilaagya-lee oko."

34 Piita men ti taa tonge ta mo, gibunto giko gi ba baa bun momo so faa kpe. Abere abono gibunto mo gi kya laare gi' bun momo so genen mo, i wora Piita mo-re mo-nanboana mo gifuu.

35 Nfono mo, Wurubuaare gigyebi' gi lii gibunto mo do toge kyu lii Yesu so yee, "Me-bi ne. Mo ne ne lee gibaa yii de o' wora me-gisen do ilaa. Fe' nu mo ase."

36 Wurubuaare gi toge genen ta mo, Yesu akasebo mo me kere mo, momo-re Yesu wole ne n san me yele. Genen nke nbono do mo, me men toge genen ilaa ibono me kpa wu gibii mo so mo sa oko-re oko.

Yesu Gi Kosore Ilaa Nyenyen Oduduu Lii Gebii Geko So

37 Imo gede kese mo, Yesu mo-re mo-akasebo asa' mo me kpelege lii gibii mo so me kya ba mo, sakpii bele gi baa gyangara momo.

38 Me gyan' mo, onyen oko gi kpen toge sa Yesu yee, "Obelense, n de fo gisere, kere me-bi so sa me. Mo-nkon ne n' bo.

39 I bo no i bo no mo, ilaa nyenyen oduduu kya baa kyena mo so. I kyena mo so genen mo, ayaa abono so mo, i kya yege o kya kpen ken-ken gikolon de i' kuu mo taa gesinkpan, i kya gbebi mo yege mo-geno do i kya furu afuru. I kya nyala mo genen-n keela pei de i' loo ba-a kyon mo so.

40 Ne kole fo-akasebo yee me' wora aniya de me' gya genen ilaa nyenyen oduduu obono koso mo so sa me mo, me men taale."

41 Yesu gi toge yee, "O! Nde feye nke nde do asa! Fej kya soo Wurubuaare gyi. Fe kpe fa-a biide geno daa so-o! Nke nfone ne nan kyena feye ase n

kpe mi-i nye gisen mi-i sa feye daa?" Ne ɔ tɔge gebii mɔ mɔ-se yee, "Kyu fo-bi mɔ ba gere."

⁴² Gebii mɔ ge kya ba Yesu ase mɔ, ilaa nyenyen oduduu mɔ i kuu gemo taa gesinkpan, i san i kya gbebi gemo. Nfono mɔ Yesu gi tɔge sa ilaa nyenyen oduduu mɔ yee i' koso gebii mɔ so ɔ kere imɔ faa. Yesu gi kye gebii mɔ, ne ɔ kiiri gemo sa gemo-se.

⁴³ Genɔɔbono Yesu gi kyu lee Wurubuaare ɔlon bele gewi nyiile asa mɔ nfono mɔ, i de mɔmɔ ɔkamaase geno.

Yesu Gi Kii Tɔge Kyu Lii Mɔ-Lewu So

Owi ɔbono sakpii mɔ kya diile Yesu ilaa wɔrase mɔ ne i kya de mɔmɔ-geno genen mɔ, Yesu gi tɔge sa mɔ-akasebo mɔ yee,

⁴⁴ "Fe' yela giso de fe' nu dɔɔdan: me-akyobo me laa kyu me, anyamese pewu mɔmɔ-daa mɔ, wɔra asa ako abaa dɔ de me' wɔra me ilaa ibono me kya laare mɔ."

⁴⁵ O buu sa ɔmɔ genen mɔ, me men nu imɔ gese. Mɔmɔ-nwɔnsa dɔ i men bugi de me' bii imɔ so ilaa. I kii i bo mɔmɔ gifuu de me' taase mɔ.

Yesu Akasebo Mɔ Dɔ Mɔ, Anɛ Ne N Don Mɔ-Nanbo?

⁴⁶ Owi ɔko dɔ mɔ, akɔɔle a tɔrɔ Yesu akasebo mɔ so. Me kya sɔ akɔɔle yee mɔmɔ dɔ mɔ, anɛ ne n don mɔ-nanbo?

⁴⁷ Yesu gi bii yee me kya sɔ akɔɔle genen mɔ, ɔ keda gebii geko ba mɔ ase,

⁴⁸ ne ɔ buu sa mɔmɔ yee, "Nengyene fee me so ne fo ɔko fo bugi ansi de genen gebii gede ɔnan mɔ, me ne fo bugi ansi de genen. Ne fo bugi ansi de me mɔ, fo bugi ansi de Wurubuaare ɔbono ɔ sun me mɔ kee ne. I kya nyiile yee ɔbono ɔ kya wɔra mɔ-nyoro fee mɔ ne n gye gebii feye dɔ mɔ, mɔ ne n gye ɔbono ɔ gye nyamese gbaa' feye dɔ."

⁴⁹ Ne Gyon gi tɔge sa Yesu yee, "ɔbelense, a wu ɔnyen ɔko de fo-ginyen ɔ kya gya ilaa nyenyen oduduu kpei-kpei ɔ kya koso asa so. I men kii i gye aye-re mɔ ne n naa. Imɔso a gya mɔ yee ɔn baa wɔra genen."

⁵⁰ Ne Yesu gi lee geno sa mɔ yee, "Fe san wu mɔ genen mɔ, feɲ' baa gya mɔ. I kya nyiile yee isa ɔbono ɔ men kya sɔ akɔɔle de feye mɔ, ɔ yele feye-gemara ne."

Ako Me Kine Yee Yesu Maɲ Nye Kyena Mɔmɔ-ɔsowole So

⁵¹ Owi mɔ kya fuude ibono Wurubuaare laa puru Yesu lii gesinkpan so kii kpe mɔ ase mɔ, Yesu gi kyu mɔ-ansi kyu yii de Gyerusalem ɔsowole so yee nno ne ɔ laa kpe kon.

⁵² Pei ne ɔ laa yii ɔkpa mɔ, ɔ sun isɔɔ yee me' gyangbara mɔ. Isɔɔ mɔ me kyon mɔ, me kpaa loo Samariya ɔsowole ɔko so de me' lɔrɔ ɔkpa sa mɔ.

⁵³ Ibono Yesu gi tɔge yee Gyerusalem ne ɔ kya kpe so mɔ, ɔsowole mɔ so asa me men kyule sɔ mɔ gisafo.

⁵⁴ Isɔɔ mɔ me kpaa buu sa Yesu yee ɔsowole mɔ so asa me kine mɔ. Mɔ akasebo, Gyeemesi mɔ-re Gyon, me nu genen mɔ, me taase mɔ yee, "Aye-wura, mɔ kya laare a' tere ɔgya lii Wurubuaare dɔ kpelege ba de ɔ' baa dee mɔmɔ?"

⁵⁵ Me taase Yesu genen mɔ, ɔ kisee kere mɔmɔ, ne ɔ tɔge mɔmɔ yee ibono me tɔge faa in boran.

⁵⁶ Nfono mɔ, me naa kyon kpe ɔsowole banban ɔko so.

Abono Me Kya Laare Me' Wɔra Yesu Akasebo

⁵⁷ Με σοο de okpa oko me kya kpe mo, onyen oko gi toge sa Yesu yee, "Nan buu fo kpe geten kamaase gebono fo laa kpe mo."

⁵⁸ Yesu gi toge sa onyen mo yee, "Agbowugbowu gbaa me bo ibo dese, ne nbuii kee me bo asisaa. Me, anyamese pewu momo-daa mo bere, men bo me-gimu okunten."

⁵⁹ Yesu gi toge sa onyen banban oko bere yee, "Baa buu me de fo' wora me-okasebo." Obono gi lee geno sa Yesu yee, "Me-wura, yeye me n' kpaapule me-se pei de n' loo baa buu fo."

⁶⁰ Nfono ne Yesu gi toge sa mo yee, "Yeye asa abono Wurubuaare ilaa in fe omogiso mo me' pule abara. Fo bere, baa kyon kpe de fo' kpaapule Wurubuaare gewuragi do akyenabi mo so ilaa sa asa."

⁶¹ Oko mo gi buu sa Yesu yee, "Me-wura, nan baa buu fo de n' wora fo-okasebo. Imo mo mo, yeye de n' kpaakale me-geten do awura de n' ba."

⁶² O kole Yesu genen mo, Yesu gi toge sa mo yee, "Fo obono fo yii gese fo kya baale baale ne fo kya kpee fe kya kere fo-gemara mo, bii yee fon kaabore fo' nye akyenaten Wurubuaare gewuragi mo do ne."

10

Yesu Gi Keda Asa Ikue-Isa De Saalaa Asa Anyo Sun

¹ Imo ide gemara mo, Yesu gi lee asa ikue-isa de saalaa asa anyo ako kee ne o keda omogiso sun yee me' naa anyo-anyo kpe isowole de nten kpekpe nfonoana mo gbaa-gbaa laa baa kpe mo yee me' gyangbara mo kpe nnoana.

² Me laa kyon mo, Yesu gi toge sa momo yee, "Asa abono i kaabore me' nu Wurubuaare okalan konkonse mo me de fee omologo ne n peere ndoo bele nko do. Akabibo mo, mo, men kyoo sa ndoo wura mo. Imoso fe' dalaa kole Wurubuaare obono o gye Ndoo Wura mo yee mo gbaa-gbaa o' kyu akabibo ba mo-ndoo mo do."

³ "Fe' naa fe kya kpe. Fe' bii yee n kya sun feye fee nsandebii ne n kya kpe agbowugbowu do."

⁴ Fe men sa fe' kyu aterenbi, ato oworaten, abee ayaawole keda. Fe kya kpe mo, fe men sa fe' waala feye-nyoro yee fe kya faala oko-re oko okpa do."

⁵ Geten' gebono do fe laa loo mo, fe' daa gifaala gemo do asa yee, 'Gisen yuuli gi' wora feye-lee.'

⁶ Nengyene gisen yuuli awura me bo geten' gebono do mo, me laa nye gisen yuuli. Nengyene gisen yuuli awura men bo nno mo, gisen yuuli mo gi laa kii ba feye ase.

⁷ "Geten' gebono do fe sogemo mo, fe' kyena gemo do kaabore fe laa lii osowole obono so. Ilaa ibono me laa sa feye mo, fe' gyi de fe' nun. I kya nyiile yee gesun oworabo gi kaabore o' nye me' kere mo so. Fe' sii de geten' kolon, fen sa fe' sogemo geten' gedo do de fe' lii kii kpaasogemo gebanban geko do."

⁸ "Nengyene fe loo osowole so ne osowole obono so asa me kya keda feye gisafomo, agyudo abono me laa kyu baa yii feye-ansi do mo, fe' gyi amo."

⁹ Fe' kye alobo abono me bo genen osowole obono so mo de fe' toge sa osowole mo so asa mo yee, 'Wurubuaare kya laare o' kale feye bola mo-ade so mo-gewuragi mo do.'

10 “Nengyene fe loo osowole oko so ne nno asa me kine me man bugi ansi de feye mo, fe' lii kpaa yeke osowole obono ikpa do de fe' toge sa asa mo yee,

11 ‘Feye-osowole mo so ise ibono i yii aye-ayaa mo gbaa, a kpiisi yela feye. Ide bere, fe' bii yee Wurubuaare gi laare o' kale feye bola mo-ade so mo-gewuragi mo do. Feye ne n kine.’”

12 Yesu gi kii toge sa omo yee, “Feye bere n kya toge mi-i sa feye yee osowole obono fe loo ne me man keda feye gisafo mo, geke gebono Wurubuaare laa biide asa pewu giso mo, genen osowole obono so asa-lee gisobiide gi laa nyaaky do don Sodom awura lee mo.”

Wurubuaare Laa Bun Isowole Iko Asa Gipuee

13 “O, Korasin awura, feye laako! O, Besayida awura, feye laako! Ne kyu Wurubuaare olon wora ilaa gbaa'gbaa feye ase ibono fe wu de ansi. Nengyene nkana Taya de Sidon awura ne nen nye me-ilaa ibono wu genen mo, ofaanan me ti wolaa taa momo ilaa nyenyen giwora yege. Nkana ofaanan me kya booda kyena me kya peere ansi nyiile Wurubuaare yee me nu momo-nyoro gese.

14 Fe' bii yee geakaabono Wurubuaare laa biide asa nyenyen pewu giso mo, feye-lee i laa wora nyenyen don Taya de Sidon awura-lee.

15 Ne feye Kapreeniyon awura mo de-e? Genen geakaabono mo fe nyi yee Wurubuaare laa kyu feye kpe mo ase? Kuaa, o laa too feye wora daa obo do nfono o kya biide ilaa nyenyen aworabo giso momo-lewu gemara mo.”

16 Yesu gi kii toge sa mo-akasebo mo yee, “Obono o nu feye ase mo, me ase ne o nu genen, ne obono o kine yee o man nu feye ase mo, me ne kaase mo gi kine genen. Obono o kine yee o man nu me ase kee mo, Wurubuaare obono o sun me ba gesinkpan so mo ne kaase mo gi kine genen.”

Yesu Asunbo Mo Me Kpe Kii Ba

17 Asa ikue-isa de saalaa anyamese anyo abono Yesu gi sun mo me kpe ne me kii ba de oko. Me toge sa Yesu yee, “Obelense, ilaa nyenyen oduduu kpei-kpei gbaa i bara imo-nyoro gese sa aye fo-ginyen do.”

18 Me buu sa Yesu genen mo, Yesu gi toge sa momo yee, “Ne wu ilaa nyenyen pewu gemu mo gi lii Wurubuaare do faa pila-a fee genobono nyangbon kya wiisee gikolon mo baa kyon kpaa toro.

19 Fe' nu yee ne sa feye olon de fe' taale kyise awoo de nnan so de fe' taale kyise ilaa nyenyen pewu gemu obono o gye Wurubuaare okyobo mo olon pewu so. Sei man wora feye.

20 Imo genen gbaa mo, fe men sa fe' yege de i' wora feye okon yee ilaa nyenyen oduduu kpei-kpei i bara imo-nyoro gese sa feye. Fe' yege de i' wora feye okon daa yee Wurubuaare gi nmarase feye-anyen yela Wurubuaare do yee fe laa baa kyena nno.”

21 Owi obono Yesu kya tonge de mo-akasebo mo genen mo, Wurubuaare Oduduu mo gi sa mo okon bele mo-gisen do, ne o faala Wurubuaare yee, “Me-se, soso de gesinkpan pewu Wura, n kya faala fo yee fo kyu genen ilaa ide nara abono me nyi olaako mo de abono me see mo, ne fo san lee imo-gewi nyiile daa nbii de asa abono me men nyi gisee mo. Gesintin, me-se. Imo ibono ne n wora fo obole.”

22 Yesu gi kii toge yee, “Me-se Wurubuaare gi kyu ilaa kamaase kyu wora me-abaa do. Oko men bo no o nyi me, Wurubuaare mo-bi mo, genen mo, me-se Wurubuaare wole. Genen kee ne oko men bo no o nyi Wurubuaare,

genen mɔ, me ɔbono n gye mɔ-bi mɔ; me-re asa abono n kya laare de n' lɛɛ mɔ gewi nyiile ɔmɔ mɔ wole ne n nyi mɔ."

²³ Yesu gi kisee tɔge sa mɔ-akasebo mɔ wole yɛɛ, "Amudensebo ne n gye feye abono fe kya nye wu me-ilaa wɔrase de ansi.

²⁴ N kya tɔge mi-i sa feye yɛɛ Wurubuaare ikalan atɔgebo kpei-kpei de awura-awura sakyɔ me laare me' wu ilaa ibono fe kya wu faa, meŋ kii nye; me laare me' nu ilaa ibono fe kya nu faa, meŋ kii nye."

Yesu Gi Nyiile Asa Ilaa Ibono I Tiri Sa Wurubuaare Mɔ

²⁵ Owi ɔko dɔ mɔ, Wurubuaare nbara onyiilebo ɔko gi ba de ɔ' baa daase Yesu kere. Imɔso ɔ taase mɔ yɛɛ, "ɔbelense, nne ne nan wɔra de n' nye kyena Wurubuaare ase gekpaa?"

²⁶ Yesu gi kisee taase mɔ yɛɛ, "Fo kya kale Wurubuaare nbara mɔ mɔ, fo kya nu nmo gese nne?"

²⁷ ɔnyen mɔ gi lɛɛ geno yɛɛ, "Wurubuaare nbara mɔ gi kya nyiile yɛɛ, 'Laare fo-Wura Wurubuaare lii fo-gisen dɔ. Kyu fo-gisen pewu, fo-ɔlon pewu de fo-gewɔnsa pewu kyu laare Wurubuaare ilaa.' Ne i kya nyiile kee yɛɛ, 'Laare fo-nanbo fɛɛ fo-nyoro.' "

²⁸ Nfono ne Yesu yɛɛ, "Fo lɛɛ geno mɔ, i kyena. Fo gyi nmo nde so mɔ, fo laa kyena Wurubuaare ase."

²⁹ Nbara onyiilebo mɔ gi laare ɔ' lɛɛ nyiile yɛɛ ɔŋ fue. Genen so mɔ o kii taase Yesu yɛɛ, "Wurubuaare nbara gi kya nyiile yɛɛ n' laare me-nanbo fɛɛ me-nyoro faa mɔ, anɛ mɔ ne n gye me-nanbo daa?"

³⁰ Yesu gi lɛɛ geno gikpale dɔ sa ɔnyen mɔ yɛɛ, "Owi ɔko dɔ mɔ aye-nanbo, Gyudanyen ɔko gi lii Gyerusalem ɔ kya kpe Gyeriko. ɔ kya kpe mɔ, nkyɛɛ iyu me bun ɔkpa dɔ ne. Me lii tu mɔ, ne me daare mɔ san ŋmaraa de o' wu'. Me puru mɔ-atɔ pewu ne me sele taa mɔ yɛge.

³¹ ɔ de nfono genen mɔ, aye gbaa-gbaa aye-isa ɔko gi baa kyu de nno. ɔ gye Wurubuaare asunbi ɔlɛɛbo. ɔ fue lii mɔ so genen mɔ, o wu ibono ɔ de, ne ɔ gelege kyon.

³² Aye Gyudanyen ɔko kee gi baa tu mɔ. ɔ gye Lɛfi geten dɔ isa. ɔ baa tu ɔnyen mɔ de genen mɔ, mɔ kee gi gelege kyon mɔ so.

³³ "Nfono mɔ, Samariyanyen ɔko gi baa lii mɔ so. ɔŋ taa gye aye isa gbaa. ɔ baa tu mɔ de mɔ, mɔ-ilaa i wɔra mɔ ayen gikyɔ.

³⁴ ɔ gyan' bee so, imɔso ɔ kpelege mɔ-bee so naa kpe ɔnyen mɔ ase. O wu ibono ɔnyen mɔ gi gooli mɔ, o kyu nfo de nta nko kyu woroge mɔ-ilo mɔ so ne ɔ ŋminde imɔ. ɔ ŋminde imɔ ta mɔ, ne o puru mɔ gyan' mɔ-bee so kyu mɔ kpe ɔsowole ɔbono o sindi nfono mɔ. ɔ gye isafɔ so mɔ, ɔ kpaa loo asafo ɔsogeten. Imɔso o kyu ɔlɔbo mɔ kee kpe nno, ne ɔ kere mɔ so.

³⁵ Gede kɛse mɔ, ɔ lɛɛ mɔ-aterenbi kyu sa geten wura mɔ ne ɔ tɔge sa geten wura mɔ yɛɛ, 'Kere ɔlɔbo baare so sa me. N kya kpe de n' ba. Aterenbi abono fo laa kii nyida bɔla de ade so mɔ, ne ba mɔ, nan ba ka fo.' "

³⁶ Yesu gi da gikpale mɔ ta mɔ, ne ɔ taase nbara onyiilebo mɔ yɛɛ, "Fo ase mɔ, genen asa asa' ade dɔ mɔ, anɛ ne n wɔra genanbo ilaa sa aye-nanbo Gyudanyen ɔbono iyu mɔ me daare mɔ?"

³⁷ Ne ɔ lɛɛ geno yɛɛ, "ɔbono o su mɔ gitolon mɔ."

Ne Yesu gi tɔge sa mɔ yɛɛ, "Gesintin, fo lɛɛ geno mɔ, i kyena. Imɔso naa fo kya kpe de fo' kpaa wɔra genen kee."

³⁸ Owi oko do mo, Yesu mo-re mo-akasebo mo me naa me kya kpe mo, me kpa a fo osowole oko so. Okyii oko bo genen osowole obono so, me kya tere mo-ginyen yee Maata. Mo-gewi ne Yesu gi soge.

³⁹ Maata bo otede oko me kya tere mo yee Mariya.

Wura Yesu gi loo geten mo do genen mo, Mariya gi naa kpa a gbaa kyena mo-ayaa do o kya nu mo-ilaa nyiilese.

⁴⁰ Maata bere ilaa ibono o kya wora de o' kyu keda asafo mo i nyaakyo ne imo ne n kpe i bo mo-ansi so. Imoso o kpa a taase Yesu yee, "Me-wura, ibono me-tede gi taa gesun mo giwora pewu yee sa me-nkon faa, i men fe fo-giso do-o? Toge sa mo de o' koso baa kpa a me."

⁴¹ Maata gi toge sa mo genen mo, Wura Yesu gi lee geno yee, "O, Maata! Ilaa kpei-kpei i kya wora fo nwonsa gikyo, ne fon kya nye fo-nyoro.

⁴² Ilaa kolon, mo, ne n tiri sa nyamese. Imo ne Mariya bere gi bii lee faa. Oko man taale soge imo lii mo ase."

11

Yesu Gi Nyiile Mo-Akasebo Mo Adalaabi

¹ I ba yee Yesu bo geteeko o kya dalaa. O dalaa ta mo, mo-okasebo oko gi kole mo yee, "Aye-wura, nyiile aye gedalaa fee genooobono Gyon gi nyiile mo-lee akasebo mo."

² Nfono ne Yesu gi nyiile momo yee, "Nengyene fe laa dalaa mo, fe' dalaa yee:

Aye-se,

yee asa me' buu fo yee fo-nkon ne n gye Wurubuaare.

Yee fo-gewuragy i do akyenabi a' ba asa do.

³ Sa aye nde geke gede-lee ilaa gyise.

⁴ Kyu aye-ilaa nyenyen kyee aye.

Aye, mo, kee, a de ilaa nyenyen ibono nyamese kamaase gi wora aye mo a kya kyee mo.

Kpa a aye de ilaa iko in sa i' nye aye pen de a' wora ilaa nyenyen."

⁵ Yesu gi kii toge sa momo yee, "A' kyu yee feye do oko bo okyemene. Genye de nsana geko mo, o koso kpe mo-kyemene mo-gewi kpa a nme mo-gisen ne o toge sa mo yee,

⁶ 'Me-kyemene, nperere ne me-kyemene oko gi kpe baa soge me so faa. Men bo sei de n' sa mo. Imoso paa me ibodobodo isa'.

⁷ O kole mo genen mo, mo-kyemene mo gi lee geno yee, 'Gen sa fo' nyala me. Ne ti tii. Me-biana me de me ase. Man baa taale koso de n' baa sa fo ilaa iko!'

⁸ N' toge feye yee nkana fee gkyemene mo wole so ne o man koso sa mo sei mo, genooobono mo-kyemene mo laa kpe mada mo-gikole mo, i wora nne mo, o laa koso de o' sa mo ilaa kamaase ibono i tiri mo mo.

⁹ Imoso n kya toge mi-i sa feye yee, 'Fe' dalaa kole Wurubuaare; o laa sa feye. Fe' laare; fe laa nye. Fe' nme Wurubuaare gisin; o laa tigi feye.'

¹⁰ I kya nyiile yee okamaase obono o kpe o kya kole mo, Wurubuaare kya sa mo. Ne obono o kpe o kya laare mo, o kya nye. Obono mo, o kpe o kya nme Wurubuaare gisin mo, o kya tigi mo.

¹¹ Feye do ose omo ne n bo no yee mo-bi laa kole mo oken de o' kyu daa giwo kyu sa mo?

¹² Abee mo-bi laa kole mo giboli de o' kyu daa genan kyu sa mo?

13 Feye abono fe gye ilaa nyenyen awura mo gbaa ne n kya bii kyu ilaa dense kyu sa feye-biana faa. Meneto so ne aye-se obono o bo soso mo man kyu mo Wurubuaare Oduduu mo kyu sa asa abono me kya kole mo mo?"

Yesu Ne N Kya Gyi Ilaa Nyenyen Pewu Gemu So

14 Owi oko do mo, Yesu gi kosore ilaa nyenyen oduduu onyen oko so. Ilaa nyenyen oduduu mo men kya tonge, ne i yee onyen mo gi wora omuumu. Yesu gi kosore genen oduduu obono onyen mo so mo, onyen mo gi taale o kya tonge. I de sakpii obono o gyan' nno mo geno.

15 Asa mo ako bere me kya toge yee, "Ilaa nyenyen oduduu pewu gemu mo obono me kya tere mo-ginyen giko yee Besibuli mo ne n kya sa Yesu olon. Imoso ne o kya taale o kya gya ilaa nyenyen oduduu kpei-kpei koso asa so genen."

16 Momo ako, mo, me toge mo yee o' wora ilaa lili Wurubuaare do sa momo de i' lee nyiile yee Wurubuaare ne n sa mo olon obono o de mo. Me toge mo genen mo, me kya daase mo me kya kere.

17 Yesu, mo, gi bii momo-nwonsa do, ne o toge sa momo akpale do yee, "Nengyene ilaa nyenyen gemu mo ne n kya yee n' kosore mo-ade mo, i laa wora fee wura mo-re mo-ade ne n kya ko de abara. Me kya ko genen mo, mo-gewuragi mo ge laa nyida. Ne geten kolon do asa me ye momo-nyoro do me kya ko de abara mo, genen geten gebono ge laa boori.

18 Imoso nengyene i gye gesintin yee ilaa nyenyen pewu gemu mo kya ko de mo-ade mo, nne so ne mo-gewuragi ge laa de kpe? Feye yee ilaa nyenyen gemu mo olon ne n' de n kya kosore mo gbaa-gbaa ade. Fe soo gyi yee o laa kyule sa me genen? O man kyule.

19 Ne ibono feye-ade ako, mo, me kya kosore ilaa nyenyen oduduu asa so faa mo de-e? Ane olon do ne me kya kosore imo genen daa? Feye gbaa-gbaa ade mo me laa kyoolle feye yee in gye Besibuli olon do ne isa laa taale kosore ilaa nyenyen oduduu kpei-kpei.

20 Genobono i de faa mo, Wurubuaare olon ne n' de mi-i kosore ilaa nyenyen oduduu asa so. Imoso i kya lee i kya nyiile feye yee Wurubuaare gewuragi do akyenabi a ti ba feye do ne."

Yesu Kya Soge Asa Lili Ilaa Nyenyen Gemu Mo Abaa Do

21 Ne Yesu gi kii da momo gikpale yee, "Ilaa nyenyen pewu gemu mo de daa fee onyen bolonse obono o de adonto o kya dii mo-geten do ato pewu dandan. O bo nno genen mo, oko man nye soge sei lili mo-aba da.

22 Ne fee oko gi ba ne o bo lon don mo mo, obono laa baa ko de mo. O gyi mo so mo, o laa soge mo-adonto abono o kya ka gyan' amo so mo lili mo ase de o' san kyu ato mo ye-ye sa asa.

23 "Fe' nu yee obono on kya buu me mo kya soo akyoolle de me ne. Obono on kya kpa me de n' koola asa mo kya yaase momo ne.

24 "Nengyene ilaa nyenyen oduduu i koso isa so mo, i kya naa kingi, ne i kya wora imo fee i naa gesinkpan so nfono nkyu gin bo mo i kya laare okyoolaten. Nengyene in nye okyoolaten mo, i kya toge sa imo-nyoro yee, 'Nan kii kpa kyena isa obono so n wolaa n te mo.'

25 I kii kpe isa mo ase mo, i kya kpa wu yee isa mo gi wora fee geten gebono me kpa gemo lora gemo do ne ge wora odan mo.

26 Nfono mo, ilaa nyenyen oduduu mo kya kpa tere imo-nanboana sono ibono i bo ilaa nyenyen don imo-nyoro mo kyu baa bola imo-nyoro so de i' kpa kyena isa mo so kon. Nengyene i ba genen mo, i kya lora wora nyenyen sa isa mo don gifyangbarase mo."

Yesu Gi Nyiile Isa Obono Ɔ Gye Omudensebo Mɔ

²⁷ Ɔkyii ɔko bo sakkpii mɔ dɔ. Yesu gi tɔge ide ta mɔ, o kpen tɔge Yesu yee, “Kaase obono ɔ koroge fo ne fo nyabo mɔ mɔ, mɔ-re gimu dense.”

²⁸ Yesu, mɔ, gi lee geno sa ɔkyii mɔ yee, “Omudensebo gbaa-gbaa, mɔ, ne n gye obono ɔ laa nu Wurubuaare agyebi ne ɔ laa gyi amɔ so mɔ.”

²⁹ Sakkpii obono ɔ kya ba Yesu ase mɔ kpe ɔ kya nyaakyɔ ɔ kya too mɔ, Yesu gi yii gese ɔ kya tɔge ɔ kya sa mɔmɔ yee, “Nde nke nde asa me bo ilaa nyenyen. Me kpe me kya laare yee n' wɔra ilaa sa mɔmɔ de i' lee nyiile yee Wurubuaare ne n sa me olon obono n de mɔ. Ilaa leenyiilese kolon guan-n ne Wurubuaare laa wɔra sa ɔmɔ. Genen ilaa ibono mɔ i laa wɔra daa fee ibono i ba Gyoona so mɔ onan.

³⁰ Wurubuaare gi kyu mɔ-olon wɔra ilaa sa mɔ-ikalan ɔtɔgebo Gyoona, ne i wɔra ilaa leenyiilese sa Ninifa awura. Genen kee ne ɔ laa kyu mɔ-olon wɔra ilaa sa me, anyamese pewu mɔmɔ-daa mɔ ne. I laa wɔra ilaa leenyiilese sa nde asa ade.

³¹ “Owi obono Wurubuaare laa gyi anyamese pewu nbele mɔ, wura kyii obono o gyi gewura Siiba gesinkpan so dedaa mɔ laa yelee tɔge yee i kaabore Wurubuaare o' bun feye nde asa ade gipuee. I lii fee Wura Solomon owi mɔ, genen ɔkyii baare gi nu Solomon ɔlaako ginyi mɔ so, ne ɔ koso lii koo-koo mɔ-gewi kpaa nu Wura Solomon ɔlaako ginyi ilaa nyiilese mɔ. Feye bere, fe nye me obono ne don Wura Solomon mɔ n bo feye ase gere nde, ne fe men sɔɔ me gyi.

³² Gekaabono kee mɔ, Ninifa awura me laa yelee tɔge yee i kaabore Wurubuaare o' bun feye nde asa gipuee. I lii fee Gyoona owi mɔ, Gyoona gi tɔge Wurubuaare ɔkalan sa Ninifa awura mɔ, me nu mɔmɔ-nyoro gese ne me kyeege lii mɔmɔ-ila nyenyen giwɔra dɔ. Feye bere, fe nye me obono ne don Gyoona mɔ, n bo feye ase gere nde, ne fe men sɔɔ me gyi.”

³³ Yesu gi da mɔmɔ gikpale yee, “Ɔko men bo no ɔ laa nyɔga fatela de o' kyu yii nfono i nara mɔ abee o' kyu fee tasa baala bun mɔ so. Ɔ laa kyu mɔ kyɔloga daa de asa abono me laa ba fatela mɔ ase mɔ i' nye wu mɔmɔ peren-n.

³⁴ Feye-nwɔnsa gi boran mɔ, fe de fee obono mɔ-ansi a boran mɔ. Feye-ansi a boran mɔ, fe laa wu ilaa kamaase. Ne fee feye-ansi a boran mɔ, feye-ila kamaase i bo daa gibiri dɔ.

³⁵ Imɔso fe' kere feye-nyoro so doɔdan de feye-gewɔnsa gebono ge kya yege fe kya nu ilaa gese mɔ gen sa ge' nyida.

³⁶ Nengyene Wurubuaare kya yege fe' nu ilaa gese ne sei men sii gibiri dɔ sa feye mɔ, feye-gekylene dɔ ilaa i laa wɔra fee fatela ne n kya wu hayin.”

Nbara Anmarasebo de Farasii Awura, Feye Laako!

³⁷ Ibono Yesu gi tɔnge ta mɔ, Farasii gikpen mɔ dɔ onyen ɔko gi da gibaa tere mɔ yee ɔ' ba mɔ-geten dɔ de mɔ-re mɔ me' gyi. Yesu gi kpe kpaa tu asa ako ogyiten mɔ.

³⁸ Yesu gi yii gese ɔ kya gyi agyudɔ mɔ mɔ, i de Farasiinyen mɔ geno yee Yesu men foro mɔ-abaa mɔmɔ Gyuda awura itiibilaa aforobi de in sa i' kyɔlese mɔ-Wurubuaare ɔson.

³⁹ Genen so mɔ, Wura Yesu gi tɔge sa mɔ yee, “Genɔobono feye Farasii awura fe kya wɔra mɔ, fe de fee asa abono me kya foro mɔmɔ-nwe de mɔmɔ-ilepe imɔ-nyoro so taa imɔ tudɔ yege mɔ. Imɔ ne n gye yee ansi so giyan ne fe kya gyere lɔrɔ feye-nyoro. Feye-itɔ dɔ de feye-amu dɔ bere, onsipara de gekyo ne n bola nno.

40 Feh kya sa gewonsa kpe geta! In gye Wurubuaare kolon obono o poro nyoro mo kee ne n poro oto?

41 Fe' kyu ilaa ibono i bo feye-asen do mo kyu wora gidense sa ayenbo. Fe wora genen mo, fe laa wu yee sei man baa kyolesse feye-ason mo.

42 "Feye Farasii awura ade, feye laako! Ansi so bere mo, fe kya bii ye feye-ilaa do gikpado gudu-gudu de fe' kyu gikpado kolon-kolon kyu sa Wurubuaare fee genobono i de sa feye mo, dabile de afedaa gyise fee agbema de malebokyuu gbaa. Fe kya wora imo ide pewu faa mo, genobono fe laa gyi gesintin sa asa abee fe' laare Wurubuaare ilaa mo bere, fe kya lee ansi yege imo. Nbara nbono, mo, ne i kaabore fe' tansi gyi nmo so. In gye yee fe' taa nbono fe ti fe kya gyi nmo so mo yege daa.

43 "Feye Farasii awura, feye laako! Nengyene fe kya kpe feye-akyangbon do mo, abelense ikyenaten gikyena ne n tiri feye. Fe kya laare asa me' kyu buubuu faala feye sakpii do de okamaase o' wu.

44 "Feye laako! Feye-ilaa nyenyeny i nara feye-ito do fee nkyan nbono me men daase nmo ne asa me kya kyise nmo so kyon mo."

45 Yesu gi toge ilaa ide mo, Gyuda awura nbara anyiilebo mo do oko gi toge sa mo yee, "Obelense, fo toge ilaa ide mo, fe saale aye kee ne."

46 Yesu gi lee geno yee, "Feye nbara anyiilebo mo kee, feye laako! Feye-anyiilebi mo a de daa fee nsola boduduuse nbono gin bo gisola ne fe de fa-a nyise asa. Feye gbaa-gbaa bere fe man kyu ba-a feye-gibaa kolon taa puru kpa mo mo.

47 "Feye laako! Fe kya poro nkyan fe kya wora Wurubuaare ikalan atogbo abono feye-naanaana me mo mo.

48 Fe kya poro mo mo nkyan mo faa mo, fe kya kyule yee ibono feye-naanaana mo me mo mo genen mo, i boran sa feye ne.

49 Feye-re feye-naanaana ilaa worase i kyena de ibono Wurubuaare gi wolaa toge mo-olaako Ginyi Owole mo do mo. O toge yee, 'Nan sun me-ikalan atogbo de me-isoo mo mo ase.

Me laa mo mo ako, ne me laa ka mo mo ako ansi.'

50 "Imo ide so mo, Wurubuaare ikalan atogbo abono pewu asa me mo kyu lii gesinkpan so gkyena giyigese kyu baa lii de nde mo, Wurubuaare laa kyu imo-ilaa kyu taase nde asa de o' biide mo mo-giso. I lii fee me kyule yee ibono me mo mo mo, i kyena sa mo mo.

51 O laa yii gese taase nde asa ilaa kyu lii Abele obono me gyangbara mo mo mo kyu genen-n baa lii Sakariya-lee lewu mo so. Obono, mo, me mo mo Wurubuaare asunbi oleeten de Wurubuaare obu bele mo nsana. N kya buu mi-i sa feye yee Wurubuaare laa biide feye nde asa ade giso kyu lii genen asa abono lewu so.

52 "Feye nbara anyiilebo, feye laako! Fe kyu ilaa ibono nkana i laa yege de asa me' bii Wurubuaare ilaa mo kyu nara mo mo. Feye gbaa-gbaa fe men kya kyu de olaako ginyi okpa mo, ne fe kii koso ne fologe tii abono me kya laare de me' kyu de okpa obono mo."

53 Lii owi obono Yesu gi lii Farasiinyen mo gewi mo, nbara anmarasebo mo de Farasii awura mo me san me de mo ginyadon, ne me kya laare me' nu mo-geno do.

54 Me kya soo mo idoo de o' nye toge ilaa nyenyeny iko de me' nye mo.

12

¹ Genen abere abono do mo, asa sakyɔ me koola gyan' Yesu ase kaabore me kya kyise abara ayaa. Me ba genen mo, Yesu gi daa gitonge sa mo-akasebo mo yee, "Fe' kere feye-nyoro so doodan. Farasii awura mo me gye o-dun-me, o-fon-me anyamese. Momo-ila nyiilese i de daa fee gelin ebono ge kya yee bodobodo kya nan mo.

² I lii fee sei men bo no i bo asiiri do yee i man lii gewi, abee ilaa iko i nara yee i man lii gifuuli.

³ Imoso ilaa ibono fe nara toge genye mo, asa me laa nu imo owi ken-ken, ne ilaa ibono fe toge adeedee do wɔra abara aso do obu do feye-wole mo, asa me laa liire imo da gikpengboo.

⁴ "N' buu sa feye abono fe gye me-kyemeneana mo yee fe' men sa fe' sele momo abono me laa mo daa nyamese nyoro gibi mo wole ne me man baa taale nyida mo-oduduu bola mo.

⁵ Nan toge feye obono i kaabore fe' sele mo. Fe' sele daa Wurubuaare. Mo bere, nengyene o mo feye-nyoro gibi mo, o bo olon de o' kii taale too feye wɔra ogya do nfono o kya biide ilaa nyenyen aworabo giso mo. En, n kya toge mi-i sa feye yee mo ne fe' sele.

⁶ Abonbue abono me kya fe momo anun aterenbi abi anyo gbaa mo, Wurubuaare men kya tan momo do okolon so.

⁷ Ne feye mo de-e? Wurubuaare nyi dabile feye-gimu do iman gegyɔno gbaa. Imoso fe men sa fe' sele gifuu. Fe tiri sa Wurubuaare gikyɔ don genen abonbue abono afonfe-afonfe.

⁸ "N' buu sa feye yee, obono o yele asa do toge yee me ne n gye mo-wura mo, genen ne me, anyamese pewu momo-daa mo kee, nan lee toge Wurubuaare do isoo mo ansi do yee o gye me-sonbo.

⁹ Ne obono, mo, o kine me sansana yee men gye mo-wura mo, genen ne me kee nan kine mo Wurubuaare do isoo mo ansi do yee o men gye me-sonbo.

¹⁰ Fo obono fo saale me, anyamese pewu momo-daa mo mo, i laa sa de Wurubuaare o' kyu kyee fo. Obono, mo, o saale Wurubuaare Oduduu mo mo bere, Wurubuaare man kyu imo ibono kyee kaase mo.

¹¹ Nengyene fee asa me kyu feye kpe akyangbon do, awura-awura ase de abelense ase mo, fe' men sa fe' yee i' wɔra feye gewonsa yee nne ne fe laa lee geno abee mene ilaa ne fe laa toge.

¹² Owi mo gi fo mo, Wurubuaare Oduduu mo laa nyiile feye genobono fe laa lee geno mo."

Fo Kya Ka Gyan' Fo-Atɔ So Mo, Fo Men Nyi Olaako

¹³ Onyen oko bo sakpii mo do nfono. O toge sa Yesu yee, "Obelense, toge sa me-daa de o' yee a' gyi aye-se ato abono o wu' taa yee sa aye mo."

¹⁴ Yesu gi taase mo yee, "Onyen, me ne n gye feye-ato oyebo? In gye feye-ato giye so ne Wurubuaare gi sun me ba gesinkpan so."

¹⁵ Yesu gi kine sa onyen mo genen mo, o kisee toge sa sakpii mo yee, "Fe' kere feye-nyoro so dandan. Onsipara ne n gye onsipara, fe' sa fe' wɔra. Fo nyamese ne n kine fo bo awurato nne, i man yee fo' nye Wurubuaare ase gekyena onan."

¹⁶ Nfono ne Yesu gi too otare sa momo yee, "Aberɛ ako do mo, aterenbi wura oko gi kyena ibono o bo ndoo. Gesi geko do mo, mo-ndoo gi wɔra odan sa mo.

¹⁷ Ne o sa gewonsa yee, 'Nne ne nan wɔra? Me-agbaran mo an kyo sa me-agyudo abono ne doo faa.

18 Nbuo, ne bii ilaa ibono nan wɔra mɔ. Nan singi agbaran ade, de n' kii lɔrɔ yii abele-bele. Nfono ne nan kyu me-ilaa gyise mɔ pɛwu yela.

19 Ne wɔra genen ta mɔ, nan tɔge sa me-nyoro yee n bo ilaa gyise ibono i laa fo me gigyi nsi nfone nfone. Imoso nan kyoola, de n' gyi, de n' nun, de me-gisen gi' tɔrɔ me.'

20 "Ɔ kpe ɔ kya sa ideana pɛwu gɛwɔnsa mɔ, Wurubuaare gi tɔge sa mɔ yee, 'Fo menɔ nyi ɔlaako. Nde genye gedɛ kpini fo laa wu'. Fo wu' mɔ, ane ne nan san nye gyi ilaa ibono fo baala baala yela sa fo-nyoro genen mɔ?'"

21 Yesu gi tɔge genen mɔ, ɔ lee gese yee, "Genen kee ne i laa wɔra fo obono fo baala awuratɔ yela sa fo-nyoro ne foɔ wɔra gidense de fo' nye awuratɔ Wurubuaare dɔ mɔ."

Fɛɔ Sa Fe' Yee Gekyena Dɔ Ilaa Tirise I' Wɔra Feye Nwɔnsa

22 Yesu gi tɔge sa mɔ-akasebo mɔ yee, "N kya tɔge mi-i sa feye yee fe' menɔ sa fe' suili kyu lii feye-gekyena dɔ ilaa tirise so, fɛɛ ilaa ibonoana fe laa gyi abee fe laa kyu gyan' feye-nyoro so mɔ.

23 Wurubuaare obono ɔ sa feye-nkpa mɔ manɔ taale sa feye agyudɔ kee? Obono ɔ sa feye nyoro gibi mɔ manɔ taale sa feye ilaa ibono fe laa kyu gyan feye-nyoro so mɔ?

24 Fe' taa laa ansi kere nbuii. Giɔ kya duu. Giɔ kya tee. Giɔ bo agyudɔ ikoolayelaten. Imɔ-re imɔ genen gbaa faa, Wurubuaare kya sa mɔmɔ agyudɔ owi kamaase dɔ. Ne feye mɔ de-e? Fe menɔ nyi yee fe don nbuii gbaa bun?

25 "Fe suili feye-gekyena dɔ ilaa so mɔ, nne ne i laa kpa feye? I manɔ yee fe' nye kyena ba-a geke kolon bɔla.

26 Nengyene fe manɔ taale wɔra genen ilaa pete-pete ide mɔ, mene n wɔra so ne fe kya nyala feye-nyoro de ilaa sense?

27 "Fe' laa ansi kere genobono iyii i kya wɔra afototo mɔ. Inɔ kya wɔra gesun ne inɔ kya luo akuru sa imɔ-nyoro. Imɔ genen gbaa mɔ, n kya buu mi-i sa feye yee Wura Solomon mɔ-re mɔ-awuratɔ pɛwu mɔ, ɔ menɔ nye akuru abono a wɔra ɔdan fo genen afototo ade.

28 Iyii ibono i kya bingiri nya mɔ gbaa ne Wurubuaare kya gyere imɔ lɔrɔ kanpe faa. Feye anyamese ne ɔ laa lee ansi yee de fe' naa gibolonbukpan? O, feye asa ade, gisɔgyi gibono fe bo sa Wurubuaare mɔ giɔ ti taa wɔra sei.

29 "Fe' menɔ sa fe' pɛere ginsi ilaa ibono fe laa gyi de fe' nun mɔ so. Fɛɔ sa fe' yee i' wɔra feye nwɔnsa.

30 Asa abono menɔ nyi Wurubuaare agyebi mɔ ansi ne n kya pɛere genen ilaa ideana so. Feye-se Wurubuaare nyi yee i tiri feye.

31 Imoso feye bere, fe' pɛere ansi daa de Wurubuaare gewuragi dɔ akyenabi mɔ a' ba asa dɔ. Fe ti fe kya wɔra genen mɔ, Wurubuaare laa yee ilaa sense ideana pɛwu kee i' yii feye-abaa."

I Bo Wurubuaare Obole Yee Ɔ' Sa Feye Mɔ-Gewuragi Dɔ Akyenabi

32 Yesu gi kii tɔge yee, "Me-ade kalese, fɛɔ sa fe' sele gifuu. I gye feye-se Wurubuaare obole gelaare yee ɔ' sa feye ikyenaten dense mɔ-gewuragi mɔ dɔ.

33 Fe' fe feye-atɔ de fe' kyu amɔ-aterenbi kyee ayenbo. Fe' laare daa ikpengyo ibono onan i menɔ kya nyida mɔ yela sa feye-nyoro. Imɔ ne n gye yee fe laa wɔra idense yela de fe' nye nteela Wurubuaare dɔ. Wurubuaare

dɔ-lɛɛ nteɛla mɔ bere, gin kya ta, oyu men kya tu sindi nmo ne ntakpenbi gin kya nyida nmo.

³⁴ Imɔso fe' laare daa soso-lɛɛ awurato. I lii feɛ nfono fo-awurato a bo mɔ, nfono kee ne fo-nwɔnsa gi bo."

Fe' Baala Feye-Nyoro Gyoo Me-Gikiiba Mɔ

³⁵⁻³⁶ Yesu gi kii tɔge yeɛ, "Fe' baala feye-nyoro gyoo owi obono nan kii lii Wurubuaare dɔ ba mɔ de fe' wɔra feɛ gikpale gibono nan da faa. Adega ako mɔmɔ-re mɔmɔ-wura ne n bo nno. Mɔmɔ-wura mɔ gi koso kyon geke bele gigy de ɔ' ba. Me baala mɔmɔ-nyoro me te me gyoo mɔ. Me wu yeɛ owi gi ta ne ɔj ti ba mɔ, me nyɔga ifatela yela, me kya kere mɔ-ɔkpa. Me kya laare feɛ ɔ baa nmeɛ gisin mɔ, de me' nye koso tigi mɔ kusaa.

³⁷ Amudensebo ne n gye adega abono mɔmɔ-wura laa kii baa tu mɔmɔ, me te me kere mɔ-ɔkpa genen mɔ. Feye kee fe' kyena kere me-ɔkpa de fe' bii feye-nyoro akedabi genen. Gesintin ne n kya tɔge mi-i sa feye faa, abere abono adega mɔ wura mɔ gi kii baa tu ɔmɔ me te me kere mɔ-ɔkpa mɔ, ɔ laa lɔrɔ mɔ-nyoro de ɔ' yege me' kpelege kyena ogyiten, de mɔ gbaa-gbaa ne ɔ' san kyu agyudɔ baa yii mɔmɔ.

³⁸ Genye de nsana abee gibaadiike gbaa ne ɔ kpa kii ba mɔ, ɔ baa tu mɔmɔ me te me kere mɔ-ɔkpa genen mɔ, me laa gyi mɔ-ginsi."

³⁹ Yesu gi da imɔ so gikpale yeɛ, "In gye feye gbaa-gbaa fe nyi? Nkana geten wura nyi yeɛ owi baare ɔkara ne oyu laa ba mɔ, naafo ɔ man yege de oyu ɔ' nye loo mɔ-geten dɔ baa yuuri mɔ.

⁴⁰ Genen kee ne i kaabore fe' bii feye-nyoro akedabi owi kamaase dɔ. I kya nyiile yeɛ me, anyamese pewu mɔmɔ-daa mɔ, nan lii Wurubuaare dɔ kii ba daa owi obono fe men dese mɔ."

Wurubuaare Gi Kyee Fo Gikyo Mɔ, ɔ Laa Taase Fo Gikyo Kee

⁴¹ Yesu gi tɔge genen mɔ, Piita gi taase mɔ yeɛ, "Obelense, aye fo-akasebo mɔ wole ne fo kya da gikpale gide faa abee ɔkamaase daa?"

⁴² Nfono mɔ, Wura Yesu gi da mɔ gikpale yeɛ, "Ane ne n de feɛ dega obono ilaa nan baa tɔge faa? ɔ kya gyi gesintin sa mɔ-wura ne o nyi ɔlaako. Mɔ-wura mɔ gi kyu mɔ-geten dɔ ilaa wɔra mɔ-abaa dɔ de owi gyise gi fo mɔ, ɔ' ye agyudɔ sa geten mɔ dɔ awura.

⁴³ Nengyene mɔ-wura mɔ gi baa tu mɔ ɔ kya wɔra ibono ɔ ka yela sa mɔ mɔ, ɔ laa gyi mɔ-ginsi."

⁴⁴ Ne Yesu gi tɔge yeɛ, "Gesintin ne n' kya tɔge feye faa, mɔ-wura mɔ laa kyu mɔ-ilaa pewu kyu wɔra genen dega obono abaa dɔ.

⁴⁵ "To, ne feɛ dega mɔ gi tɔge sa mɔ-nyoro yeɛ, 'Ilaa iko i keda me-wura yela,' fo baa kere mɔ, o yii gese ɔ kya daare mɔ-nanboana sense, anyen de akyii mɔ, ɔ kya gyi ne ɔ kya nun nta ɔ kya boo.

⁴⁶ ɔ kya wɔra genen mɔ, mɔ-wura mɔ laa baa tuule mɔ owi obono ɔ men dese mɔ. ɔ baa tuule mɔ mɔ, ɔ laa tansi biide mɔ-giso de ɔ' kale mɔ bɔla asa abono men kya gyi gesintin mɔ so.

⁴⁷ "Dega obono o nyi mɔ-wura gelaare ne ɔ men baala ilaa yela abee ɔ men wɔra mɔ-wura mɔ gelaare mɔ, wura mɔ laa yege me laa tansi koree mɔ gesintin so.

⁴⁸ Dega obono, mɔ, ɔ men nyi ne ɔ kpa wɔra ilaa ibono i gye ilaa koreese mɔ, wura mɔ laa yege me laa koree mɔ nmaraa daa de me' taa mɔ yege." Yesu gi da gikpale mɔ ta mɔ, ɔ lɛɛ gese yeɛ, "ɔkamaase obono Wurubuaare gi kyee mɔ gikyo mɔ, genen kee ne Wurubuaare laa taase ilaa gikyo lii mɔ

ase. Obono Wurubuaare gi kyu ilaa gikyo wora mo-abaa do mo, ilaa ibono Wurubuaare laa baa taase lii mo ase mo kee i laa nyaakyo.”

Yesu Gi Ba Baa Nyoga Ogya Kyu Too Gesinkpan So

⁴⁹ Yesu gi kii toge yee, “Ne ba gesinkpan so faa, ogya ne ne ba de n' baa nyoga kyu too gemo so. Nkana fee genen ogya obono gi ti kyange gbaa mo, i gye me-gelaare.

⁵⁰ Pei de n' wora genen mo, olaawuse oko laa tu me. Genen olaawuse obono ne nan yeye n' wora Wurubuaare gelaare kpaaloge. Olaawuse obono menj ti tu me faa mo, me-gisen ginj te me geten kolon.

⁵¹ “Imoso fe nyi yee ne ba faa mo, i laa yeye asa me' nye gisen yuuli kyu kyena de abara daa? Kuua! N' buu sa feye yee me-giba mo gi laa barage asa abono me kya nu me-gede mo lii abono menj kya nu me-gede mo do.

⁵² Kpe kyu lii nde kyu kyon mo, geten kolon do asa anun do mo, asa' me laa wora geno anyo mo so, ne anyo mo, mo, me laa wora geno asa' mo so.

⁵³ Onyen mo-re mo-se me man nu abara ase.

Okyii mo-re mo-nyi me man nu abara ase.

Ne okyii mo-re mo-saa kyiiise me man nu abara ase.”

I Kaabore Fe' Taale Kere Nde Ilaa De Fe' Bii Ilaa Ibono I Kya Ba Mo

⁵⁴ Yesu gi kii toge sa sakpii obono o bo nno mo yee, “Nengyene fe kpe nye ne fe wu nyangbon kya yii mo, fe kya bii toge yee nyangbon laa da. Gesintin mo, nyangbon mo kya baa da.

⁵⁵ Ne fe wu yee owi gi baa lii nyenyenge fu-u awulun aberere mo, fe kya bii toge kee yee, ‘Nde bere owi laa lii de olon.’ Gesintin mo, i kya ba genen.

⁵⁶ Gikereansi awura! Fe kya kere soso de gesinkpan adebi de fe' bii toge yee ilaa ide ne nan wora. Fej kaabore fe' bii kere nke nde-lee ilaa do de fe' bii ilaa ibono Wurubuaare kya laare o' baa wora mo?

⁵⁷ Feye gbaa-gbaa fe' kere ilaa dense de ilaa nyenyen do de fe' lee ibono i boran mo wora.

⁵⁸ “Nengyene oko gi tere fo oko nbele ne fe kya kpe nbele mo ogyiten mo, kyu aniya de fo-re mo fe' toge lora okpa do pei de fe' loo loo. I menj gye genen mo, fonbii o laa kyu fo kpe nbele ogyibo mo ase de obono, mo, o' kyu fo kpaal wora ngbe awura obelense abaa do de o' keda fo tii de obu.

⁵⁹ N kya buu mi-i sa feye yee me keda fo tii de obu genen mo, fo laa sii nno genen-n kpaal fo owi obono okara me' wu yee fo ka fo-ilaal nyenyen giko mo ta mo, pei de me' loo tigi fo.”

13

Fenj Kyeege Mo, Fe Laa Nye Lewu

¹ Genen owi obono do mo, asa ako me baa buu sa Yesu yee Obelense Pilato gi mo Galeli asa ako. Owi obono o moo momo genen mo, me yele me kya kyan asunbi me kya sa Wurubuaare. Imoso i yeye momo-nkalan gbaa gi saare nbue nbono me kyu kyan asunbi mo lee nkalan do.

² Me buu sa Yesu genen mo, o lee geno taase yee, “Genoobono genen asa ade me wu' aworofoo lewu faa mo, fe nyi yee momo-ilaal nyenyen i kyo don Galeli asa sense daa abee?”

³ Kuua. N kya buu mi-i sa feye yee nengyene fe man nu feye-nyoro gese de fe' kyeege lii feye-ilaal nyenyen giwora do mo, genen kee ne feye pewu fe laa wu' ne.”

4 Yesu gi kii taase mōmō yee, “Ne asa gudu gukue abono obu lege-lege mō gi gbaa mō mōmō Silowam mō de-e? Fe nyi yee genen asa abono kee, mōmō-lee ilaa nyenyen i kyō don Gyerusalem awura-lee?”

5 Kuaa. N kya buu mi-i sa feye yee nengyene fe maŋ nu feye-nyoro gese de fe' kyeege lii feye-ilaa nyenyen giwōra dō mō, genen kee ne feye pewu fe laa wu' ne.”

6 Nfono mō, Yesu gi da mōmō gikpale yee, “Ŋnyen ōko gi kyena. Ō bo ndō, ne o duu oyii ōko ō laa sōrō abi gyise mō-ndō mō dō. Ō bo ōko kya kere ndō mō so ō sa mō. Geke gedē mō, o kpe ndō, ne ō naa kpe oyii mō ase de ō' kpaa kere yee ō laa nye mō-abi de o' gyi abee? O kpe genen mō, ō men' nye ba-a gibi kolon.

7 Imōso ō tōge sa mō-ndō ōkerebo mō yee ō' ne oyii mō fue. I lii fee nsi nsa ne ō kya ba gere faa, ōŋ kya nye oyii mō abi. Ō yele giyan. Ō men' bo agyan.

8 Nfono mō ne mō-ndō ōkerebo mō gi lee genō yee, ‘Ōbelense, yeege ō' yele gesi kolon de a' kere. Nan puligi mō-gikōre dō kyaabō de n' kyu fee inaadebin woroge opuligiten mō.

9 Gesi ge' baa gyan' mō, foŋbii mō ō laa sōrō. Nengyene ō men' kii sōrō bere mō, pei de ō' lō wōra ōŋefuese.’ ”

Yesu Gi Kye Ōkyii Ōko Geke Kyoolase Dō

10 Geke kyoolase geko mō, Yesu kya nyiile asa ilaa Gyuda awura gikyangbon giko dō.

11 Ōkyii ōko bo nno, ilaa nyenyen odudu te mō so, ne i yeege ō loo gilō. Ō mee faa gōn'geron'gōn. Ō men' kya taale yele ntintin. I wōra ōkyii mō genen mō, imō nsi gudu gukue ne.

12 Yesu gi wu ōkyii mō mō, ō tere mō ba mō ase, ne ō tōge mō yee, “Ōkyii, fo-gilō mō gi' ta sa fo!”

13 Ne o kyu mō-abaa kyu gyan' ōkyii mō so. Ayaa abono so mō, gilō mō gi ta ne ōkyii mō gi tēge yele ntintin ne ō yen Wurubuaare kyu lii ilaa ibono Wurubuaare gi yee Yesu gi wōra sa mō mō so.

14 Yesu gi kye ōkyii mō geke kyoolase so mō, i kya loo ōbelense ōbono ō kya kere gikyangbon gibono so mō. Genen so mō ōbelense mō gi tōge sa asa abono me bo gikyangbon mō dō mō yee, “Nke sono dō mō, nke nsee ne i kaabore fee a' kyu wōra gesun; geke sonose mō ge gye geke kyoolase sa aye. Imōso fe' kyena ba daa nke nbono dō i kaabore asa me' wōra gesun mō de me' kye feye. Fe men' baa kyena ba nke kyoolase yee me' kye feye.”

15 Ōbelense mō gi tōge genen sa asa mō mō, Wura Yesu gi lee genō sa mō yee, “Fo-re abono fe de genen gewōnsa gedē mō, fe gye o-dun-me, ō-fon-me anyamese. Imōso aye-geke kyoolase so mō, feye ōkamaase men' kya sange mō-gebue fee naade abee bee de ō' kpare mō lii mō-ōdeten kyu mō kpe de ō' kpaa nun nkyu?”

16 To! Fe' kere genen ōkyii baare, aye-naana Abraham ōpaa dō isa ne. Ilaa nyenyen pewu gemu mō gi nye mō wōra mō-gyōlo dō faa, imō nsi gudu gukue ne. Imōso i men' kaabore fee geke kyoolase fee gedē faa mō, ōkyii baare ō' nye de n' lee mō lii ilaa nyenyen pewu gemu mō abaa dō?”

17 Yesu ilaa taasese mō ō taase genen mō, i wōra mō-akyobo pewu ipeeli. Sakpii ōbono ō kya kyena buu mō mō pewu bere ilaa dense ibono Yesu kya kyena wōra fee ide ōnan pewu mō i bo mōmō ōbole gikyo kyōde.

Wurubuaare Gewuragi Dō Akyenabi A De Nne?

18 Nfono mɔ, Yesu gi taase yee, “Wurubuaare gewuragyi dɔ akyenabi a de nne? Mene ne nan kyu kesere de amo ne?”

19 Genɔɔbono Wurubuaare gewuragyi dɔ akyenabi a kya yelege asa dɔ mɔ, i de daa fee Maasade giponfe ilaa. Dɔɔbo gi duu gimɔ abi nini-nini ndɔɔ dɔ mɔ, gi laa kɔrɔ de gi' sen wɔra giponfe kpatakperɛ. Nbuui gbaa gi laa baa luo asisaa gim-nyalenbi dɔ.”

20 Yesu gi kii taase yee, “Mene ne nan kyu Wurubuaare gewuragyi dɔ akyenabi kyu kesere de ne?”

21 Genɔɔbono Wurubuaare gewuragyi dɔ akyenabi a kya yelege asa dɔ mɔ i de daa fee gelin gebono me kya kyu wɔra bodobodo ne ɔ kya njan dii mɔ. Me kya kyu genen gelin gebono kyu bagade bodobodo nnyufo fee imudu isa' dɔ mɔ, ge kya yelege loo saare nnyufo mɔ pewu dɔ de bodobodo mɔ ɔ' njan dii.”

22 Yesu kya kpe Gyerusalem mɔ, ɔ naa de isowole bele-bele de ipii-pii so ɔ kya nyiile asa ilaa.

23 Owi ɔko dɔ mɔ, ɔko gi kpaa taase Yesu yee, “ɔbelense, imoso asa abono me laa nye Wurubuaare ɔ' mɔlege mɔmɔ de me' nye kyena mɔ ase mɔ me laa wɔra daa asa kalese?” ɔ taase genen mɔ, Yesu gi tɔge sa asa abono me bo mɔ ase nfono mɔ yee,

24 “Fe' nyanga ansi de fe' loo de gebunono pi-i gebono ge de kpe Wurubuaare ase gekyena mɔ dɔ mɔ. N' buu sa feye yee asa abono me laa laare yee me' nye gekyena Wurubuaare ase ne me man nye mɔ, me laa nyaakyɔ.”

25 Yesu gi da imɔ so gikpale sa mɔmɔ yee, “Owi gi ta mɔ, geten wura laa yege me' tii mɔ-gikpaara gebunono wɔra gijanbi, asa men baa nye loo. Feye dɔ ako fe laa san fe yele nmanman fe kya nmeɛ mɔ-gisin yee, ‘ɔbelense, tigi aye!’ Nfono mɔ, mɔ mɔ laa tɔge yee, ‘Men nyi feye.’

26 I ba genen mɔ, fe laa de mɔ gisere yee, ‘ɔbelense, aye-re fo a gyi ne a nun daboɛ kere. Fo nyiile asa ilaa aye-isowole so.’

27 Nfono mɔ ɔbelense mɔ laa kii lee geno yee, ‘Men nyi feye. Me ne n tɔge sa feye. Fe gye daa ilaa nyenyen awɔrabo. Fe' naa me-ansi so!’

28 Nfono mɔ osulon de anebi giwe i laa tɔrɔ feye so. I lii fee fe laa wu iloobu Abraham, Ayisiki, de Gyeekɔpo de mɔmɔ abono pewu me tɔge Wurubuaare ikalan baa kyon mɔ me nye ɔkyenaten Wurubuaare gewuragyi mɔ dɔ, ne feye, mɔ, Wurubuaare gi gya feye lii mɔ ase.

29 Asa me laa lii ansi de gemara de bene so de gyise so pewu ba, de me' baa nye ɔkyenaten Wurubuaare gewuragyi mɔ dɔ. Me laa gyi de me' nun de ɔkon.

30 Genen gewuragyi gebono dɔ mɔ, fe laa wu yee abono me gye gemara awura gesinkpan so ilaa dɔ mɔ ako me laa kpaa wɔra agyangbarabo, ne abono me gye agyangbarabo gese gere mɔ ako me laa kpaa bingiri gemara awura.”

Gyerusalem Ilaa I Kya Loo Yesu

31 Yesu gi kpe tɔge genen ta mɔ, ayaa abono so mɔ, Farasii awura ako me baa tɔge sa mɔ yee, “Naa lii gere kpe geten banban. I kya nyiile yee Wura Herode kya laare fo-imɔoten.”

32 Nfono mɔ Yesu gi tɔge sa mɔmɔ yee, “Fe' kpaa tɔge sa Wura Herode ɔbono ɔ de fee agyagaa mɔ yee, ‘Nke kalese nde dɔ mɔ, n kya gya ilaa nyenyen oduduɔ kpɛi-kpɛi n kya koso asa so ne n' kya kye asa alɔɔ. Imo ide gemara mɔ, nan wɔra ilaa ibono so ne ba gesinkpan so mɔ.’

³³ To. Nke kalese nde do mo, i kaabore n' yii okpa de n' kpaaloo Gyerusalem de i' kyu kyena de feye-gelaare yee Wurubuaare ikalan atogbo ba-a okolon manj wora omooose osowole banban oko so baa too de Gyerusalem.

³⁴ "O, Gyerusalem asa! Feye ne n kpe fa-a mo Wurubuaare ikalan atogbo mo ne fe kya too fa-a too abui fa-a mo Wurubuaare isoo ibono o kya sun feye ase mo. Ne tansi laare fee n' nyaa feye ba me ase fee genobono kyaase kya nyaa mo-biana baa wora mo-abantee do mo. Gikpado gifonee ne ne laare n' koola feye genen ne fey kya kyule faa.

³⁵ Fe' nu yee Wurubuaare laa lee ansi taa feye-osowole yege sa feye. N kya toge feye gesintin yee fe manj baa wu me kpaaloo fo geke gebono fe laa bugi feye-nno toge yee, 'Wura Wurubuaare o' kosore onyen baare gimul Wurubuaare ginyen do ne o naa o kya ba faal' "

14

Yesu Gi Kye Onyen Obono O Kya Lo Kyankpan Mo Geke Kyoolase

¹ Gyuda awura geke kyoolase geko mo, Farasii awura obelense gbaa' oko gi da gibaa tere Yesu yee o' baa gyi mo-gewi. Yesu gi kpe mo, obelense mo mo-re abono me bo mo ase mo me kya dii mo de me' kere ilaa ibono o laa wora mo.

² Nfono mo, onyen oko gi ba Yesu ase, o kya lo kyankpan.

³ Yesu gi wu obo mo mo, o taase Gyuda awura nbara anmarasebo mo de Farasii awura abono me bo nfono mo yee, "I de okpa fee a' kye aloto geke kyoolase abee i menj de okpa?"

⁴ Yesu gi taase momo mo, me menj lee geno. Nfono ne o tenge gibaa yii obo mo ne o kye mo ne o lee mo-okpa yee o' naa kpe gewi.

⁵ Yesu gi kye onyen mo ta mo, o taase asa mo yee, "Feye oko mo-bi abee mo-naade gi toro loko do geke kyoolase mo, o manj lee mo ayaa abono so? O laa kyena yee i gye geke kyoolase so mo, o manj lee mo?"

⁶ Yesu gi taase momo genen mo, menj taa lee geno.

Abelense De Nii Ikyenaten Gikpale

⁷ Yesu gi wu yee asa abono geten wura mo gi da gibaa tere mo me kya laare daa abelense ikyenaten. Imoso o da momo gikpale yee,

⁸ "Nengyene oko gi da gibaa tere fo oko yee fo' baa gyi geke bele kpaaloo mo, fo kpe mo, genj kpaaloo laare abelense ikyenaten. Fonbii mo, nyamese gbaa' obono o don fo mo kee laa ba gitere mo.

⁹ I ba genen mo, obono o da gibaa tere feye mo laa baa toge sa fo yee, 'Koso de fo' sa obelense gegyapaa.' Nfono mo, fo laa koso de ansi ipeeli kpaaloo kyena nii ikyenaten.

¹⁰ Imoso nengyene oko gi da gibaa tere fo oko mo, fo kpe mo, fo bere, kpaaloo laare daa nii ikyenaten de fo' kyena. Obono o tere fo mo gi wu yee fo gye nyamese gbaa' sa mo mo, o laa baa toge sa fo yee, 'Me-kyemene, koso baa kyena ansi do gere.' Nfono mo fo laa gyi ginsi asa abono me bo nfono mo pewu ase.

¹¹ Imo gese ne n gye yee nyamese kamaase obono o kya diire mo-nyoro mo, Wurubuaare laa bara mo gese. Ne obono, mo, o kya bara mo-nyoro gese mo, Wurubuaare laa diire mo."

¹² Yesu gi toge sa obono o da gibaa tere mo mo kee yee, "Fo laa wora geke bele agyudo owi kenken abee gedode ne fo laa da gibaa tere asa mo, genj

tere fo-kyemɛnɛana, fo-daana, fo-tedɛana, fo-subuana, de aterenbi awura wole. Fo tere mɔmɔ mɔ, mɔmɔ kee mɛ laa da gibaa tere fo geakaako ka giko.

13 Imɔso fo laa da gibaa tere asa genen mɔ, tere daa ayenbo, abono me lii giden, ɔtegesɛana, de agyaatanbo.

14 Abono ne fo tere mɔ, fo laa wɔra omudensebo Wurubuaare ase. I kya nyiile yee mɔmɔ bere, mɛ man taale wɔra imɔ onan ka fo giko. Wurubuaare ne nan ka fo giko sa mɔmɔ geakaabono ɔ laa kyingi gesintin awura lii ibuni dɔ de mɛ' kpa kya mɔ ase mɔ."

Wurubuaare Geke Bele Gikpale

15 Asa abono mɔmɔ-re Yesu mɛ te ogiyten mɔ dɔ oko gi nu ilaa ibono Yesu gi tɔge genen mɔ, ɔ tɔge sa Yesu yee, "Amudensebo ne n gye asa abono mɛ laa nye gyi Wurubuaare geke bele agyudɔ geakaabono asa mɛ laa nye Wurubuaare gewuragyi dɔ gekyena mɔ."

16 Nfono ne Yesu gi da gikpale kyu lii imɔ so sa onyen mɔ yee, "Onyen oko bo nno. Geke gede mɔ, ɔ da gibaa tere asa sakyɔ yee ɔ laa gyi geke bele, imɔso mɛ' ba de mɛ' baa gyi de mɛ' nun kpa mɔ."

17 Owi mɔ gi fo mɔ, ɔ sun mɔ-dega yee ɔ' naa kpa tere abono ɔ da gibaa tere mɔ yee mɛ' ba. Mɛ gyan ta.

18 Dega mɔ gi kpe asa mɔ ase mɔ, mɔmɔ pɛwu mɛ nye ikyeregyanten yee mɛ man nye nyoro ba. Mɔmɔ oko yee ɔ sɔɔ gesinkpan geteeko. ɔ kya kpe de ɔ' kpa kere gemɔ. Imɔso ɔ' kpa tɔge mɔ-wura mɔ yee ɔ de mɔ gisere, ɔ man nye nyoro ba.

19 ɔbanban kee yee ɔ sɔɔ inaade gudu ibono ɔ kya laare ɔ' kpa kere mɔmɔ-gidebi. Imɔso ɔ de mɔ-wura mɔ gisere yee ɔ man nye nyoro ba.

20 ɔko kee yee ɔ kpe dena okyii ne, imɔso ɔ man nye nyoro ba.

21 "Dega mɔ gi kii baa buu sa mɔ-wura mɔ yee nfono ɔ sun mɔ mɔ, ɔ kpe mɔ, asa mɔ okamaase yee ɔ man nye nyoro ba. Mɔ-wura mɔ gi nu genen mɔ, i kyu mɔ ginyadon ne ɔ tɔge mɔ yee ɔ' kpaala de ɔ' naa kpe nten-ana dɔ de gebogolon kamaase dɔ de ɔ' kpa tere ayenbo, ɔtegesɛana, abono me lii giden mɔ, de agyaatanbo pɛwu yee mɛ' ba de mɛ' baa gyi."

22 Dega mɔ gi kpe kpa tere mɔmɔ ba, ne ɔ baa tɔge mɔ-wura mɔ yee, 'Nfono fo sun me mɔ, ne kpe ba. Abono ne nye mɔ, mɛ man taale bɔla ikyenaten mɔ.'

23 Nfono ne mɔ-wura mɔ yee, 'Kii naa kpe ibunmara de ndɔɔ ikpa dɔ de fo' kpa pɛere ansi wɔra asa abono fo laa nye mɔ pɛwu yee mɛ' baa bɔla me-gewi."

24 N kya buu mi-i sa fɛye abono fe bo gerenaa mɔ yee abono ne tere yee mɛ' ba ne mɛ kine mɔ, mɔmɔ oko-re oko man nye agyudɔ abono ne yee mɛ' gyan yela mɔmɔ mɔ daa kere.' "

ɔbono ɔ Kya Laare O' Buu Yesu Mɔ ɔ' Taase Mɔ-Nyoro Ilaa

25 Owi oko dɔ mɔ, sakpii bele oko buu Yesu. Nfono ne Yesu gi kisee tɔge sa mɔmɔ yee,

26 "Nyamese ɔbono ɔ kya laare fɛe ɔ' ba me ase de ɔ' baa wɔra me-okasebo mɔ, i kaabore ɔ' lee mɔ-gewɔnsa lii mɔ-se de mɔ-nyi de mɔ-subuana pɛwu so. ɔ' lee mɔ-gewɔnsa lii mɔ-ka de mɔ-biana kee so de ɔ' lee mɔ-gewɔnsa lii mɔ gbaa-gbaa mɔ-nyoro kee so. Nengyene ɔ man wɔra genen mɔ, ɔ man taale wɔra me-okasebo."

27 Ne fo ɔbono fo man kyule wu awɔrɔwɔ me so de fo' kase me-gidebi, ba-a mɛ laa da fo ananbi oyii so mɔ mɔ ne fo man kyule genen mɔ, fo man taale wɔra me-okasebo.

28 “Imo so i kaabore obono o laa buu me mo o' taase mo-nyoro yee o laa taale buu me kpa a lii? I de daa fee obono o kya laare o' poro gikagya mo. Pei ne o laa poro genen obu obono mo, i kaabore o' kyena de o' buu-buu kere yee o laa taale yii mo kpa a loge?”

29 I man gye genen mo, o too gese opore ne o' baa taale loge obu mo mo, asa me laa nmase mo yee,

30 ‘Kaase baare gi yii gese o kya poro gikagya ne o kponderere gim o.’

31 “Ab ee a' kyu yee wura oko laa kpa a ko de wura banban. Mo-lee iko akobo mo me laa wora fee nwe gewe. Ne mo-nanbo mo-lee, mo, me laa wora fee mo-lee mo onan gikpado ginyo. Pei ne o laa kpe iko mo mo, o man daa gikyena de o' taase mo-nyoro yee imo so nan taale ko de wura obono mo-iko akobo mo me ky o don me-lee mo gikpado ginyo faa?”

32 Nengyene o wu yee o man taale mo, o laa lee isoo wolaa sun wura banban mo ase owi obono me san me bo geta de abara mo de o' kpa a kole mo yee me' toge kyule abara de me' lora momo nsana de gisen yuuli gi' ba.

33 Genen kee ne i kaabore fe' taase feye-nyoro ilaa ne. I lii fee obono o man lee mo-ansi lii mo-ato abono o bo mo pewu so de o' baa buu me mo, genen kaase obono man taale wora me-okasebo.”

Fe' Yee Feye-Akyenabi A' Wora Fee Nfole

34 Yesu gi da momo imo so gikpale yee, “Nfole gi bo kon. Ne fee nfole mo gi ta nmo-okon mo? Nne ne fe laa wora nmo de gi' kii wora okon? In bo sei fe laa wora.

35 Genen nfole nbono gin baa gi bo giko do. Me kya too nmo fue daa. Obono o bo aso mo, o' nu.”

15

Sande Fuese Gikpale

1 Abere ako do mo, ilaa nyenyen aworabo de lenpoo asoobo abono me kya kudi asa gi mo me ba Yesu ase baa nu mo-ila a toge se.

2 Genen so mo Farasii awura de Gyuda awura nbara anmarasebo mo me kya logede yee, “Men e ne n ba ne Yesu kya bugi ansi de ilaa nyenyen aworabo ade ne o kya gi de momo?”

3 Nfono mo, Yesu gi da momo gikpale yee,

4 “N' taase feye ilaa iko. Nengyene nyamese bo isande ikue-inun ne okolon gi fue mo, o man taa asense mo yee momo-ogyiten de o' kpa a laare obono o fue mo? Gesintin, o laa laare mo genen-n kaabore o' wu mo.

5 O wu mo mo, i kya wora mo okon gikyo kyode, de o' puru mo gyan' gigongon kyu mo ba gewi.

6 O ba gewi mo, o laa tere mo-geten do awura de mo-nanboana de o' toge sa momo yee, ‘Aye pewu a' gi okon me-sande fuese mo so. I lii fee ne kpa a wu mo baa bola asense mo so.’

7 Genen kee ne i de ne. Nengyene fee gesinkpan so gere ilaa nyenyen aworabo kolon gi nu mo-nyoro gese ne o kyeege lii mo-ila a nyenyen giwora do mo, abono me bo Wurubuaare do mo me laa gi okon bele. Fee asa ikue-inan de saalaa asa sango me bo no me nyi yee me gye gesintin awura ne in tiri yee me' kyeege mo, n' buu sa feye yee momo-ila a i man wora Wurubuaare do asa mo okon fee nyamese kolon obono o kyeege mo lee mo.”

Aterenbi Gibi Fuese Gikpale

⁸ Yesu gi kii da gikpale yee, “Okyii oko bo aterenbi abi tirise gudu, ne genye geko mo, gikolon gi fue mo ase mo-ubu do. Nne ne o laa wora? O laa nyoga fatela de o' kpa mo-ubu mo laare gim do dan kaabore o' kpa wu gim.

⁹ Nengyene o wu gim mo, o kya tere mo-getsen do awura de mo-nanboana baa gyan' de o' toge sa momo yee, 'Aye pewu a' gyi okon, i lii fee ne wu me-aterenbi gibi gibono gi fue mo.' ”

¹⁰ Yesu gi toge genen ta mo, o lee gese yee, “N' buu sa feye yee nengyene fee ilaa nyenyen oworabo kolon gi nu mo-nyoro gese ne o kyeege lii mo-ilaalaa nyenyen giwora do mo, genen kee ne i kya wora Wurubuaare do isoo okon ne.”

Gebii Fuese Gikpale

¹¹ Yesu gi kii da gikpale kyu lii Wurubuaare so yee, “Aberɛ ako do mo, onyen oko gi kyena. O bo nbii nyenseɛ nnyo.

¹² Geke gedɛ mo, opiiase mo gi koso kpaal toge mo-se yee, 'Me-se, ye fo-ato de fo' kyu me-lee ogyiten sa me, ibono fo san fo te de ansi faa.' Gesintin mo, momo-se gi ye mo-ato mo do sa momo.

¹³ O ye sa momo genen mo, imo nke kalese nko mo, opiiase mo gi baala mo-ilaalaa pewu ne ibono i gye ifese mo, o fe. Ne o koso taa mo-se de mo-daa yee kyon kpe osowole oko so koo geta-geta. O kpe nno mo, o kpaal gyi okon giyan-giyan nyida mo-aterenbi mo.

¹⁴ Aberɛ abono mo-aterenbi mo a ta wora mo mo, akon bele ako a toro gesinkpan gebono so o te mo. Nfono mo, ayen a keda mo. Oj baa o de sei.

¹⁵ O san koso kyu mo-nyoro kpaal da mada de nten obi oko ne obono, mo, yee o' kpaal kyena mo-ndoo do de o' kere akuuri so.

¹⁶ Akon mo a don mo-abaa so mo, nengyene fee o nye akuuri mo ilaalaa gyise gbaa mo, nkana o kya laare kyode. Imo genen mo, oko men kya sa mo imo iko-re iko.

¹⁷ Geke gedɛ, o baa nu mo-nyoro gese yee o wora ilaalaa nyenyen. Imoso o toge sa mo-nyoro yee, 'Adega abono me te me-se ase mo gbaa, momo pewu me kya nye gyi kaabo kii san. Kere, me ne n te gerɛnaa, n kya wu akon mo.

¹⁸ Nan koso de n' kpe me-se ase de n' kpaal de mo gisere. Ne loo mo ase mo, nan toge mo yee, “Me-se, ne wora fo-re Wurubuaare ilaalaa nyenyen.

¹⁹ Men kaabore fo' baa tere me yee fo-bi. Imoso, me-se, n de fo gisere, soo me de fo' kyu me wora fee fo-adege mo do oko.” ’

²⁰ “O sa genen gewansa gedɛ ta mo, gesintin mo, o koso ne o kyon mo-se ase. O kya fuude mo-se geten mo, mo-se gi wu mo koo-koo geta. O wu mo genen mo, i wora mo ayen. Ne o kuu onangya kpaal puge mo o kya da mo gya-gya.

²¹ O faala mo ta mo, mo-bi mo gi de mo gisere yee, 'Me-se, ne wora fo-re Wurubuaare ilaalaa nyenyen. Men baa kaabore fo' baa tere me yee fo-bi.'

²² Mo-se mo, mo, gi kyu mo naa loo geten do, ne o toge sa mo-adege yee, 'Belen! Fe' kpaala! Fe' kyu gegbe dense baa suu mo de fe' wora mo gebore gibaa do de fe' kyu ayaawole kyu tole mo-ayaa do.

²³ De fe' kpaal keda naade kiirese obono o laa wora nfo mo de fe' baa mo de fe' kyu wora agyudo de a' gyi de a' nun de a' kyaa.

²⁴ I kya nyiile yee me-bi baare mo de fee obono o wu' ne o kii kyingi. O fue, ne a kii wu mo.' Gesintin mo, onyen mo adege mo me wora fee

genoobono momo-wura mo gi toge momo mo, ne me gyi ne me nun ne me kyaa.

²⁵ “Genen owi obono do pewu mo, onyen mo mo-bi belense mo, mo, bo ndoo do. O lii ndoo o kya ba gewi ne o kya fuude gotten do mo, o kya nu ilon de gekyaa i de i yele mo-se gotten do.

²⁶ Nfono mo, o tere mo-se adegga mo do oko ne o taase mo ilaa ibono i ba nno mo.

²⁷ O taase mo genen mo, o toge sa mo yee, ‘Fo-tede ne n ba ne fo-se gi yeye me keda naade obono o wora nfo mo mo yee mo-bi gi kii ba baa tu mo gimu nkpa de alanfiya.’

²⁸ “O nu genen mo, o soo ginyadon ne o kine yee o man baa loo gotten do. Mo-se gi nu yee mo-bi belense mo gi soo ginyadon mo, o lii kpe mo ase, o kya bueele mo.

²⁹ Nfono mo, mo-bi mo gi lee geno sa mo yee, ‘Me-se, fo gbaa-gbaa kere, nsi nde do pewu mo, n yele n kya son fo. Men wora gisomaanu sa fo geakaako kere. Mi-i me mo, fo men sa me ba-a getiidebi yee n' mo de me-re me-kyemeneana a' kyu gyi okon.

³⁰ Fon wu fo-bi obono o kpaayida fo-aterenbi akyii so giyan mo gi kpaay kii ba mo, fo bii yeye me keda naade obono o wora nfo mo mo sa mo mo?’

³¹ O taase genen mo, mo-se mo gi lee geno sa mo yee, ‘Me-bi, fo bo me ase gere owi kamaase do. Ilaa ibono n bo mo pewu i gye daa fo-lee.

³² Fo-tede baare, mo, i kaabore a' kyaa sa mo de a' yeye i' wora aye okon. I kya nyiile yee o de fee obono o wu' ne o kii kyingi. O wora fee obono o fue ne a kii wu mo mo. ”

16

Dega Obono O Nyi Gisee Mo Gikpale

¹ Yesu gi da gikpale sa mo-akasebo mo yee, “Owi oko do mo aterenbi wura oko gi kyena. O bo dega obono o kya kere mo-ilaa so o kya sa mo. Owi oko do mo i ba yee aterenbi wura mo gi nu yee mo-dega mo kya gyi mo-aterenbi mo gyerebi.

² O nu genen mo, o tere mo-dega mo ba mo ase ne o toge mo yee, ‘N kya nu yee fo kya gyi me gyerebi. Imoso men baa mi-i laare fo yee fo' kere me-ilaa so sa me. Baa buu-buu ilaa ibono fo kya kere imo so mo gegyano sa me de fo' nye okpa.’

³ “Mo-dega mo gi nu genen mo, o toge sa mo-nyoro yee, ‘Me-obelense kya gya me o kya lii gesun gede do ne. Nne ne nan wora? Me ne, men bo lon de n' taale wora gesun bolonse, ne i laa wora me ipeeli yee n' lii kpaay kole pei de n' loo nye gyi.

⁴ Nbuo! Ne bii ilaa ibono nan wora mo. Nan wora ilaa ibono i laa yeye n' nye akyemene de owi obono me-wura mo gi lee me-okpa mo, me' nye soo me kyena momo ase momo-nten-ana do.’

⁵ “Dega mo gi sa gewonsa genen ta mo, o tere asa abono me de mo-obelense mo ako mo pewu oko-oko. O taase ogyangbarase mo yee, ‘Nne ne fo de me-obelense giko?’

⁶ Obono gi lee geno yee, ‘Nfo nlo gewe.’ Dega mo gi toge sa mo yee, ‘Soo owole de fo' nmarase gewefan yela, imo ne n gye fo-giko gibono fe laa ko mo.’

⁷ O kii taase onyose mo yee, ‘Ne fo-o fo mo de-e? Nne ne fo de me-obelense giko?’ O lee geno yee, ‘Awayu ikotoku gewe.’ Dega mo gi kii toge

sa mɔ yɛɛ, ‘Sɔɔ ɔwɔlɛ de fo' n̄marase akpanyaa ikue-inan. Fo-giko gibono fo laa ka mɔ ne.’

⁸ “Ɔbelense mɔ gi nu genen mɔ, ɔ yen mɔ-dega ɔbono ɔɲ bo gesintin faa yɛɛ ɔ bii sa gewɔnsa kyu lii ɔkɛ so. Me Yesu, n kya tɔgɛ mi-i sa fɛye yɛɛ asa abono gesinkpan gɛrɛ-lɛɛ gekyena ne n tiri mɔmɔ mɔ mɛ kya bii sa gewɔnsa kyu lii ɔkɛ so. Fɛye abono fɛ nyɛ Wurubuaare fatela mɔ bere, fɛɲ kya bii sa gewɔnsa kyu lii Wurubuaare ilaa so genen.

⁹ Asa mɛ dɛ aterenbi ma-a kudi abara. N' tɔgɛ sa fɛye yɛɛ fɛye bere fɛ' kyu fɛye-aterenbi kyu lɛɛ akyɛmenɛ; de owi ɔbono iɲ baa i gyɛ aterenbi ilaa mɔ fɛ' nyɛ akyɛmenɛ mɛ' da fɛye gya-gya Wurubuaare geten dɔ de fɛ' kyena.

¹⁰ “Ɔbono ɔ kya gyi gesintin ilaa buru-buru dɔ mɔ mɔ kee ne nan gyi gesintin ilaa bele-bele dɔ. Ne ɔbono, mɔ, ɔɲ kya gyi gesintin ilaa buru-buru dɔ mɔ, ɔ maɲ taale gyi gesintin ilaa bele-bele dɔ kee.

¹¹ To! Nengyene gesinkpan so-lɛɛ awuratɔ ne fɛɲ kya gyi gesintin kyu kerɛ amɔ so faa, fɛ nyi yɛɛ Wurubuaare laa kyule kyu awuratɔ gbaa-gbaa mɔ wɔra fɛye-abaa dɔ?

¹² Ne fɛɛ gesinkpan so ilaa ibono i maɲ wɔra fɛye-lɛɛ kpaa lii mɔ ne fɛɲ kya gyi gesintin kyu kerɛ imɔ so mɔ, fɛ nyi yɛɛ Wurubuaare laa kyule kyu ilaa ibono i laa wɔra fɛye-lɛɛ gekpaa-gekpaɛ mɔ kyu sa fɛye?

¹³ Nyamese ɔko mɛɲ bo no ɔ laa taale son awura anyɔ. Ɔ laa laare ɔko ilaa de ɔ' kyo ɔko, abɛɛ ɔ laa buu ɔko, ne ɔ maɲ kyu ɔbanban mɔ kyu tɛrɛ sɛi. Fɛ maɲ taale son Wurubuaare de fo' kii son aterenbi.”

Wurubuaare-Lɛɛ Gelaare Kpɛi ne Anyamese-Lɛɛ Gelaare Kee Kpɛi

¹⁴ Yesu gi tɔgɛ ilaa idɛ pɛwu mɔ, Farasii awura gikpen mɔ dɔ asa mɛ nu mɔ ase. Mɔmɔ bere, mɛ kya laare aterenbi ilaa. Imɔso mɛ kyu mɔ n̄mase daa.

¹⁵ Ne Yesu gi tɔgɛ sa mɔmɔ yɛɛ, “Fɛye bere fɛ kya laare fɛ' gyi ginsi asa ansi so. Wurubuaare nyi fɛye-asen dɔ. Ilaa ibono i gyɛ ilaa gbaa' sa anyamese mɔ i gyɛ daa ilaa kyose sa Wurubuaare.

¹⁶ “Pɛi ne Gyɔn ɔbono ɔ gyere asa Wurubuaare sagyere mɔ gi ba gesinkpan so mɔ, asa mɛ kya kase daa Wurubuaare nbara de mɔ-ikalan atɔgɛbo ilaa n̄marasɛɛ mɔ de mɛ' nyɛ bii genɔɔbono mɛ laa kyena sa Wurubuaare mɔ. San kyu lii Gyɔn owi mɔ, asa mɛ yii gɛsɛ mɛ kya nu Wurubuaare ɔkalan konkɔnsɛ kyu lii mɔ-gewuragyi dɔ akyenabi mɔ so. Imɔso ɔkamaase kya nyise ɔ kya loo ɔlon so de ɔ' nyɛ genen awuragyibo akyenabi mɔ.

¹⁷ Iɲ gyɛ yɛɛ Wurubuaare nbara mɔ ginɲ bo no daa. Fɛ' nu yɛɛ genɔɔbono soso de gɛsɛ ilaa pɛwu i laa n̄aa mɔ i maɲ wɔra ɔsen fɛɛ genɔɔbono Wurubuaare laa lɛɛ mɔ-nbara mɔ gigyɛbi kolon fue mɔ.

¹⁸ Fo ɔbono fo kine fo-ka kpaa kyu ɔkyii pobɔrɔ mɔ, fo tɔrɔ Wurubuaare gelaare adenabi nbara. Ɔ kya kyu imɔ fɛɛ ɔko mɔ-ka ne fo laare genen. Ne ɔnyen ɔbono ɔ dena fo-ka dedaa mɔ, mɔ, kee gi tɔrɔ Wurubuaare gelaare adenabi nbara fɛɛ ɔko mɔ-ka ne ɔ laare genen.”

Lasarose Mɔ-rɛ Aterenbi Wura Mɔ Ilaa

¹⁹ Yesu gi kii tɔgɛ yɛɛ, “Aterenbi wura ɔko gi kyena. Ɔ kya bun daa akuru densɛ de akuru boɔgyalonɛ ne ɔ kpɛ ɔ kya gyi ɔkon adaa-adaa.

²⁰ Ɔnyen ɔko kee gi kyena. Ɔ gyɛ daa yenbo. Mɔ-nyoro gi tigi ilo. Mɛ kya tɛrɛ mɔ yɛɛ Lasarose. Asa mɛ kya kyena kyu mɔ kpaa yela aterenbi wura mɔ-gɛbunono ase.

21 Lasarose kya laare yee aterenbi wura mo gi gyi ta mo, o' nye o kya toose mo-lepe gikoodo o kya gyi. Aterenbi wura mo men kya sa mo okpa. O te gebunono ase genen mo, igyoono i kya baa ninde mo-ilo mo kii siile mo bola.

22 "Geke gede mo yenbo mo gi wu' ne me pule mo, ne Wurubuaare do isoo me baa kyu mo kpa yela aye-naana Aberaham gekelabi do Wurubuaare do. Aterenbi wura mo kee gi baa wu' ne me pule mo.

23 O kpe ogya do nfono asa nyenyen me kya nye gisobiide momo-lewu gemara mo, i kya ka mo-ansi. O bo nno mo, o baa diire mo-ansi mo, o wu Aberaham koo-koo Wurubuaare do. Lasarose te mo-gekelabi do.

24 "O wu momo genen mo, o kpen ken-ken toge sa Aberaham yee, 'Me-se Aberaham, su me gitolon; sun Lasarose de o' kyu mo-gibaabi kpa nyoo nkyu do de o' taa kyu baa yuule me-onandii sa me. I kya nyiile yee n kya yiye ogya baare do gere.'

25 "Nfono mo, Aberaham gi lee geno sa mo yee, 'Me-bi, nyingi yee owi obono fo kyena gesinkpan so mo, fo nye ilaa dense, ne Lasarose, mo, gi nye ilaa nyenyen. Ide kon bere, Wurubuaare gi yege Lasarose nyoro gi toro mo, ne fo, mo, fo kya yiye.

26 Imo ide pewu gemara kee mo, Wurubuaare gi yege obo bele gi de aye-re feye nsana. Obono o kya laare o' lii aye ase kpe feye ase nno mo, man taale. Ne oko mo kee man taale lii feye ase nno ba aye ase gerena.'

27 "Aberaham gi toge sa mo genen mo, o kole Aberaham yee, 'Me-se, n de fo giser, genen bere mo, sun Lasarose de o' kpe me-se geten do gesinkpan so sa me.

28 N bo atede anun. O' kpe de o' kpa ka momo sa me. I men gye genen mo, momo kee me laa baa loo genen olaawuse baare do.'

29 "O kole Aberaham genen mo, Aberaham gi toge sa mo yee, 'Fo-tedana mo me ti me bo okpa de me' nu Wurubuaare agyebi abono Mosisi mo-re Wurubuaare ikalan atogebomo me wolaa nmarase yela mo. Imoso me' nu imo ibono.'

30 "Nfono mo, obono nkana o gye aterenbi wura mo gi lee geno yee, 'Kuaa, me-se Aberaham, me man taa nu imo ibono. Nengyene fee fo yege oko gi lii ibuni do feye ase kii kpe gesinkpan so kpa tonge sa momo mo, me laa nu momo-nyoro gese de me' kyeege lii ilaa nyenyen giwora do.'

31 Ne Aberaham yee, 'Nengyene me man nu Wurubuaare agyebi abono Mosisi mo-re Wurubuaare ikalan atogebomo me wolaa nmarase yela mo, genen kee ne ba-a oko gi kii lii ibuni do kpe momo ase mo, me man taa nu kaase obono ase.' "

17

Anj Sa A' Yege Aye-Nanboana Me' Fue Wurubuaare Okpa

1 Yesu gi toge sa mo-akasebo mo yee, "I wora nne mo, ilaa ibonoana i laa yege asa me' wora ilaa nyenyen mo i laa ba. Imo mo, obono o laa yege i ba genen mo, kaase mo laako!

2 Nengyene fee me kyu gibui bele nminde kyaga de mo-gibo ne me too mo wora apoo do mo, i bo sa mo nye ibono o laa yege apiipii abono me soo me gyi mo do oko gisoo gyi gi' koso me so mo.

3 Imoso fe' kere feye-nyoro so doodan! Nengyene fee fo-nanbo oko gi wora fo ilaa nyenyen mo, toge mo. Fo toge mo ne o nu mo-nyoro gese yee o wora, in boran mo, kyu kyee mo.

4 Nengyene fɛɛ ɔ wɔra fo ilaa nyenyɛn gikpadɔ sono gɛkɛ kolon dɔ ne imɔ ikamaase dɔ ɔ kya ba fo ase baa tɔgɛ sa fo yɛɛ o nu mɔ-nyoro gɛsɛ mɔ, kpɛ fo dɛ fo kya kyɛɛ mɔ genen kee.”

Gɛdegabi Dɛnsɛ Gikpale

5 Yesu gi tɔgɛ genen mɔ, mɔ-isɔɔ mɔ mɛ kolɛ mɔ yɛɛ, “Aye-Wura, kpaa aye de a' nyɛ kii sɔɔ fo gyi too.”

6 Mɛ kolɛ genen mɔ, Wura Yesu gi tɔgɛ sa mɔmɔ yɛɛ, “Nengyene fɛyɛ-gisɔɔgyi mɔ gi dabɔlɛ gi kɛrɛ pi-i fɛɛ Maasade giponfɛ gibi gbaa mɔ, fɛ laa taalɛ tɔgɛ sa genen oyii belɛ-belɛ ɔbono ɔ yɛlɛ faa yɛɛ, ‘Kyigi koso gɛrɛ de fo' kyu fo-nyoro kpaa too wɔra apoo dɔ.’ Gɛsintin mɔ, oyii mɔ laa nu fɛyɛ ase de o' kyigi.

7 “A' kyu imɔ yɛɛ ɔbelɛnsɛ gbaa' ɔko bo gɛdegabi gɛ tɛ mɔ ase, ne o sun gɛmɔ yɛɛ gɛ' kpaa dɔɔ mɔ-ndɔɔ abɛɛ gɛ' kɛrɛ mɔ-nbue so. Ne fɛɛ gɛ lii aponfɛ dɔ ba mɔ, nɛɛ ne ɔ laa tɔgɛ sa gɛmɔ? Imɔso ɔ laa tɔgɛ sa gɛmɔ yɛɛ, ‘Ba de n' kyu agyudɔ baa yii fo?’

8 Kuaa. ɔ laa tɔgɛ sa gɛmɔ daa yɛɛ, ‘Ba kyon kpaa gyere, de fo' baa laare agyudɔ ako sa me de n' gyi. Nɛ gyi ta mɔ, de fo' kpaa gyi kon.’

9 “Fɛɛ fɛyɛ dɔ ɔko bo dega ɔ tɛ fo ase ne fo sa mɔ gesun ne ɔ wɔra mɔ, in tiri yɛɛ fo' yen mɔ.

10 Wurubuaarɛ kee gi sa fɛyɛ nsun wɔrase. Fɛ wɔra nɛmɔ ta mɔ, fɛ' tɔgɛ daa yɛɛ, ‘A gyɛ daa Wurubuaarɛ adega. Nsun nɛbono gi gyɛ aye-nwɔrase mɔ ne a wɔra. In tiri yɛɛ Wurubuaarɛ ɔ' yen aye.’ ”

Yesu Gi Kye Ikononbu Gudu

11 Yesu naa ɔ kya kpe Gyɛrusalem mɔ, o kyu de Samariya de Galeli nsinkpan mɔ nsana.

12 ɔ naa ɔ kya kpe genen mɔ, ibono ɔ kya laare de o' loo ɔsowolɛ ɔko so mɔ, mɔ-rɛ ikononbu gudu iko mɛ gyan'. Ikononbu mɔ mɛ laa gyangara Yesu genen mɔ, mɛ sii yɛlɛ fɛɛ koo-koo faa,

13 ne mɛ kpen tɔgɛ sa Yesu yɛɛ, “ɔbelɛnsɛ Yesu, a dɛ fo gisɛrɛ, su aye so.”

14 Yesu gi nu genen mɔ, ɔ tɔgɛ sa mɔmɔ yɛɛ, “Fɛ' kyu fɛyɛ-nyoro kpaa nyiile Wurubuaarɛ asunbi alɛɛbo de mɛ' kɛrɛ fɛyɛ-nyoro so gyan' de mɛ' bii yɛɛ fɛyɛ-gilɔ mɔ gi ta sa fɛyɛ.” Akononbu mɔ mɛ naa mɛ kya kpe Wurubuaarɛ asunbi alɛɛbo mɔ ase fɛɛ gɛnɔɔbono Yesu gi tɔgɛ mɔmɔ mɔ, mɛ baa kɛrɛ mɔ, mɔmɔ-gilɔ mɔ gi ta.

15 Nfono mɔ, mɔmɔ dɔ ɔko berɛ, ibono o wu yɛɛ mɔ-gilɔ mɔ gi ta mɔ, o kii kpe Yesu ase. ɔ kya kpe genen mɔ, ɔ kya kpen ɔ kya faala Wurubuaarɛ kyu lii ilaa ibono Wurubuaarɛ gi yɛgɛ Yesu gi wɔra sa mɔ mɔ so.

16 ɔ kpaa fo Yesu ase mɔ, ɔ kpeleɛ ɲmii mɔ-ayaa dɔ ɔ kya faala mɔ. Genen okononbu baare gye daa Samariyanɛn.

17 O kii ba ɔ kya faala Yesu genen mɔ, Yesu gi taase yɛɛ, “I mɛɲ gyɛ asa gudu ne nɛ kyɛ mɔ? Ne sango abono mɛ san mɔ mɛ bo fonɛ?”

18 Imɔso mɔmɔ dɔ ba-a ɔkolon mɛɲ taalɛ kii ba de ɔ' baa kyu afaala kyu sa Wurubuaarɛ, genen mɔ, ɔbono ɔ gyɛ isafo mɔ wolɛ?”

19 Nfono mɔ Yesu gi tɔgɛ sa ɔnyɛn ɔbono o kii baa ɔ kya faala mɔ mɔ yɛɛ, “Koso naa. Gisɔɔgyi gibono fɛ bo sa me mɔ ne n mɔlɛgɛ fo faa.”

Gɛnɔɔbono Wurubuaarɛ Gɛwuragyi Dɔ Akyɛnabi A Laa Ba Mɔ

20 Farasii awura ako me taase Yesu yee, "Owi omo do ne asa me laa nye Wurubuaare gewuragyi do gekyena?" Yesu gi lee geno yee, "Wurubuaare gewuragyi do akyenabi a laa ba mo, fe manj wu ilaa ibono i laa lee imo nyiile tentegelen.

21 Oko manj toge sa mo-nanbo yee, 'Kere, Wurubuaare gewuragyi do gekyena mo ne.' I kya nyiile yee Wurubuaare gewuragyi do akyenabi mo a ti a bo feye ase."

22 Nfono mo o toge sa mo-akasebo mo yee, "Gekaako fe laa laare yee me, anyamese pewu momo-daa mo, n' kii kyena feye ase fee geke kolon gbaa mo, fe manj nye.

23 I laa baa nye abono me laa toge feye yee, 'Kere, mo ne faanaa' abee 'Kere, mo ne gere!' I ba genen mo, feŋ sa fe' ka momo-geno.

24 I kya nyiile yee me, anyamese pewu momo-daa mo, nan kii ba gesinkpan so mo, i laa wora daa fee genobono nyangbon kya wiisee pila-a baa kyon ne i kya wu gesinkpan so mo.

25 Pei de n' loo lii gesinkpan so kpe Wurubuaare do mo, i tiri yee n' wu olaawuse de nde nke nde do asa me' kine me.

26 "Me, anyamese pewu momo-daa mo, gikiiba gesinkpan so mo i kya fuude mo, i laa wora daa fee Nowa abere do-lee mo kee.

27 Imo ne n gye yee pei de nkyu gi loo gyi asa Nowa abere mo, asa me kpe san me de momo-gekyena do laawora me kya wora, fee gigyi, ginun, de gedena genen-n kaaboro gekaabono Nowa gi dii loo gikolii mo do. O loo gikolii mo do genen mo, nkyu gi baa gyi asa mo pewu.

28 Me-gikiiba mo gi laa wora fee Lote owi mo kee. Lote owi mo do mo asa me kya gyi me kya nun. Momo ako me de gebueede do. Abanban, mo, me kya doo, ne ako, mo, me kya poro ibu.

29 Geke gebono Lote giyaa gi lii Sodom mo, ogya de ferewuta i lii Wurubuaare do baa njmade osowole mo ne i dee asa mo pewu mo.

30 Genobono ne kaala faa pewu mo, genen ne i laa wora asa geke gebono me, anyamese pewu momo-daa mo, nan lee me-nyoro gewi nyiile mo.

31 "Genen geke gebono mo, fo obono fo bo njmanjman mo, sele. Geŋ sa fo' toge yee fo-ilaa i bo obu do, fo laa kpa puru. Genen kee ne fo obono fo bo ndoo do genen owi obono mo, geŋ toge yee fo laa kii gewi kpa puru ilaa iko.

32 Fe' nyingi ilaa ibono i wora Lote mo-ka mo!

33 Obono o laa korose mo-nkpa yela mo-gibaa so mo, Wurubuaare ase gekyena ge laa lii mo-gibaa, ne obono, mo, kyu lii me so ne mo-nkpa gi lii mo-gibaa mo, kaase mo laa nye Wurubuaare ase gekyena.

34 "N kya buu mi-i sa feye yee genen geke gebono nan lee me-nyoro gewi nyiile asa mo, i laa nye fee asa anyo me de npa kolon so mo, Wurubuaare laa baa puru oko de o' taa oko yege.

35 Akyii anyo me yele dabole me kya koroo fee awayu mo, Wurubuaare laa puru oko de o' taa onyose mo yege. [

36 Anyen anyo me bo ndoo do dabole mo, Wurubuaare laa kyole oko lee de o' taa oko yege.]"

37 Yesu akasebo mo me taase mo yee, "Obelense, fone do ne ilaa ide pewu i laa ba genen?" Ne Yesu gi lee geno yee, "Nfono gebue wuse ge de mo, nno ne ipatee me kya da gikilen."

18

Tɔɔraa Wurubuaare De Gedalaa; ɔ Laa Nu Fo Ase

¹ Gɛkɛ gɛdɛ mɔ, Yesu gi da gikpale sa mɔ-akasebo mɔ kyu nyiile mɔmɔ yɛɛ i kaabore me' dalaa owi kamaase dɔ. Mɛ mɛn sa mɛ' yɛgɛ i' yɔɔ mɔmɔ-nyoro de mɛ' taa yɛgɛ.

² Yesu gi da gimɔ yɛɛ, "Owi ɔko dɔ mɔ nbele gyibo ɔko gi kyena ɔsowole ɔko so. Genen anyen baare mɛn kya kyu Wurubuaare kyu tere sei, i' baa yɛgɛ nyamese.

³ Owi ɔbono dɔ mɔ ɔkyii okulaabo ɔko mɔ kee bo genen ɔsowole ɔbono so. Okulaabo baare kpe ɔ kya dii ɔ kya kpelege nbele gyibo mɔ so ɔ kya kole mɔ yɛɛ, 'ɔbelense, n dɛ fo gisere, ɔko kya gɛnda me. Imɔso gyi me-re mɔ nbele de n' nye me-nyoro.'

⁴ Okulaabo mɔ gi tɔɔraa nbele gyibo mɔ genen-n kɛɛla. Nbele gyibo baare gi kine lɛɛ ɔkpa. Okulaabo mɔ, mɔ, mɛn taa mɔ-gitɔɔraa yɛgɛ. Imɔso nbele gyibo mɔ gi tɔgɛ sa mɔ-nyoro yɛɛ, 'I bo no yɛɛ mɛn kya kyu Wurubuaare tere sei i' baa yɛgɛ nyamese.

⁵ Genɔɔbono ɔkyii baare kya tɔɔraa me faa bere, nan kere de n' kɛbi mɔ-nbele ndɛ lɛɛ lii me-ayaa dɔ de n' kyu mɔ-amolege abono a gye mɔ-lɛɛ mɔ sa mɔ. Mɛn wɔra genen mɔ, ɔ laa tɔɔraa me don ide.' "

⁶ Aye-Wura Yesu gi da gikpale gidɛ ta mɔ, ne ɔ taase mɔ-akasebo mɔ yɛɛ, "Fɛ nu ilaa ibono nbele gyibo ɔbono ɔn bo gesintin mɔ gbaa gi tɔgɛ sa mɔ-nyoro mɔ?

⁷⁻⁸ To, ne Wurubuaare, Gesintin Wura mɔ, mɔ de-e? ɔ man gyi gesintin sa fɛye abono ɔ tɔɔse fɛye lɛɛ ne fɛ kya tɔɔraa mɔ genye de gɛpɛ mɔ de ɔ' mɔlege fɛye? N kya buu mi-i sa fɛye yɛɛ, Wurubuaare man yɛgɛ de i' kɛɛla ne ɔ laa wolaa mɔlege fɛye. Imɔ-re imɔ ibono Wurubuaare kya gyi gesintin sa fɛye faa mɔ, imɔso me, anyamese pewu mɔmɔ-daa mɔ, n' baa kii ba gesinkpan so mɔ, nan baa wu yɛɛ anyamese mɛ kya ka gyan' Wurubuaare so bere ne?"

Farasiinyen De Lenpoo Sɔɔbo Gikpale

⁹ Yesu gi kii da gikpale giko sa asa abono mɛ kya sɔɔ mɔmɔ-nyoro gyi yɛɛ mɛ gye gesintin awura ne mɛn kya kyu mɔmɔ-nanboana anyamese tere sei mɔ,

¹⁰ yɛɛ, "Anyen anyɔ ako mɛ kpe Wurubuaare ɔson obu gikpaara mɔ so de mɛ' kpaa dalaa. Genen anyen anyɔ adɛ dɔ mɔ, ɔko gye Farasii awura gikpen mɔ dɔ isa ne ɔko, mɔ, gye lenpoo sɔɔbo.

¹¹ "Mɛ loo ɔdalaaten mɔ genen mɔ, Farasiinyen mɔ gi koso dalaa mɔ-gewɔnsa dɔ yɛɛ, 'Wurubuaare, n kya faala fo yɛɛ mɛn dɛ fɛɛ asa sense. Asa sense bere mɛ kya kudi asa gyi, mɛn kya gyi gesintin, ne mɛ kya laare asa mɔmɔ-kaana. Mɛn kii n dɛ fɛɛ lenpoo sɔɔbo baare.

¹² Fo-ɔson mɔ so mɔ, nke sono kamaase dɔ mɔ, n kya kyu nke nnyɔ kyu nminde gɛnɔ. Ne me-atuendi abono n kya nye bɔsɛ munuli dɔ mɔ, n kya yɛ amɔ dɔ gikpadɔ gudu de n' kyu giko kyu sa fo Wurubuaare.'

¹³ "Lenpoo ɔsɔɔbo mɔ, mɔ, gi yeɛ koo-koo. O nyi yɛɛ ɔ gye ilaa nyenyɛn ɔwɔrabo so mɔ, ɔ sele Wurubuaare ansi ipeeli, imɔso ɔ kyu mɔ-gimu kyu too gɛsɛ, ne ɔ dalaa kole Wurubuaare yɛɛ, 'Wurubuaare, su me so. N gye ilaa nyenyɛn ɔwɔrabo.'

¹⁴ Yesu gi da gikpale mɔ ta mɔ, ɔ lɛɛ gɛsɛ yɛɛ, "N kya buu mi-i sa fɛye yɛɛ mɔmɔ asa anyɔ adɛ dɔ mɔ, lenpoo ɔsɔɔbo baare ne n wɔra nyamese dense Wurubuaare ansi so; i mɛn gye Farasiinyen mɔ. I kya nyiile yɛɛ fo

nyamese obono fo kya diire fo-nyoro mo, Wurubuaare laa bara fo gese. Ne fo obono fo kya bara fo-nyoro gese mo, Wurubuaare laa diire fo."

Yesu Mo-re Nbii Buru-buru

¹⁵ Owi oko do mo, asa ako me de nbii buru-buru kee ma-a bara Yesu yee o' kyu mo-abaa gyan' momo so de o' dalaa sa momo. Yesu akasebo mo, mo, me wu genen mo, me kya gya momo yee me' kiiri nbii mo.

¹⁶ Yesu gi wu genen mo, o tere nbii mo ba mo ase, ne o toge sa mo-akasebo mo yee, "Fe' yeye nbii mo me' ba me ase; feŋ' baa tii momo-okpa. Abono me de fee genen nbii ndeana onan mo ne n kya nye Wurubuaare gewuragi do akyenabi mo.

¹⁷ Gesintin ne n' kya toge feye faa, fo nyamese kamaase obono fo men kyu fo-nyoro wora fee gebii pii de fo' kyule kyena Wurubuaare gewuragi do akyenabi mo, fo man nye Wurubuaare ase gekyena mo kpa-a."

Ane Ne Nan Nye Kyena Wurubuaare Ase?

¹⁸ Owi oko do mo, Gyuda awura obelense gbaa' oko gi baa taase Yesu yee, "Obelense dense, nne ne nan wora de n' nye Wurubuaare ase gekyena gekpaa?"

¹⁹ Yesu gi kisee taase mo yee, "Fo kya tere me yee obelense dense faa mo, fo men nyi yee Wurubuaare wole ne n gye nyamese dense?"

²⁰ In gye fo nyi Wurubuaare nbara mo? Nbara mo gi kya nyiile yee, 'Geŋ sa fo' lii fo-ka abee fo-kuli gemara laare oko. Geŋ' mo isa. Geŋ' yuuri. Geŋ' ten oko geno nbele do. Buu fo-se de fo-nyi.' "

²¹ Onyen mo gi lee geno sa Yesu yee, "Obelense, kpe kyu lii me-nbii do mo, n kya gyi nbara nde pewu so."

²² Yesu gi nu genen mo, o toge sa onyen mo yee, "I kya san fo ilaa kolon. Kpaa fe fo-ilaa ibono fo bo mo pewu de fo' kyu aterebi mo ye sa ayenbo. Fo wora genen mo, fo laa nye nteela Wurubuaare do de fo' san naa baa buu me wora me-okasebo."

²³ Onyen mo gi nu genen mo, i yoo mo-nyoro. I kya nyiile yee o tansi o bo ato gikyoo. O kere mo, o man taale wora genen.

²⁴ Yesu gi kere onyen mo, ne o toge yee, "I tansi i bo lon sa aterebi awura de me' nye Wurubuaare gewuragi do akyenabi mo.

²⁵ Gesintin, pei de me' nye Wurubuaare gewuragi do akyenabi mo, i laa wora olon sa momo don genobono gekpatiti ge laa loo obaato obo do lii mo."

²⁶ Asa me nu imo ide mo, me taase yee, "Genen bere mo, ane kaase ne nan nye amolege de o' nye kyena Wurubuaare ase ne?"

²⁷ Yesu gi lee geno sa momo yee, "Ilaa ibono i don nyamese giwora mo, in fo Wurubuaare bere giwora."

²⁸ Nfono mo Piita gi taase mo yee, "Obelense, aye bere, a taa ilaa ibono a bo mo pewu yege ne a ba a naa a buu fo faa, nne ne?"

²⁹ Yesu gi toge momo yee, "Gesintin ne n' kya toge feye faa, nyamese kamaase obono o taa mo-ge ten yege, abee mo-se, abee mo-nyi, abee mo-daana, abee mo-tedeana, abee mo-biana abee mo-ka yege Wurubuaare gewuragi do akyenabi mo so mo,

³⁰ kaase laa nye imo onan gikpado gifonee gifonee abere abono o te de ansi faa. Ne gekyena gebono ge laa kii ba mo do mo, o laa nye kyena Wurubuaare ase gekpaa-gekpa."

Yesu Gi Kii Toge Yee O Laa Wu' De O' Kyingi Lii Ibuni Do

³¹ Yesu gi kyu mɔ-akasebo gudu anyɔ mɔ lii nkan ne ɔ tɔge sa mɔmɔ yee, "Fɛ' nu. A kya kpe Gyerusalem faa, ilaa ibono Wurubuaare ikalan atɔgebo mɔ me wolaa nmarase yela kyu lii me, anyamese pewu mɔmɔ-daa mɔ so mɔ, i laa ba gesintin kon.

³² Gyuda awura me laa kyu me wɔra asa abono me men gye Gyuda awura mɔ abaa dɔ. Genen asa abono me laa gyaabii me ikpa kpei-kpei so. Me laa saale me, de me' too akyole bun me.

³³ Me laa taa me awulibi, de me' mɔɔ me. Ne wu' mɔ, imo geke sase mɔ, nan kyingi lii ibuni dɔ."

³⁴ Yesu akasebo mɔ me men nu ilaa ibono ɔ tɔge mɔ iko-re iko gese. Imo gese ginu i nara mɔmɔ, ne me men taale bii ilaa ibono ɔ dare mɔ.

Yesu Gi Kye Gyaatanbo Gyeriko Osowole So

³⁵ Yesu kya sindi Gyeriko osowole mɔ, gyaatanbo oko te okpa nkan ɔ kya kole ilaa.

³⁶ O nu sakpii mɔ kya kyon mɔ, ɔ taase yee, "Menɛ ne n ba daa?"

³⁷ Asa mɔ dɔ ako me lee genɔ sa mɔ yee, "Yesu Nasaretnyen mɔ ne n ba ɔ kya kyon."

³⁸ Nfono mɔ gyaatanbo mɔ gi kpen ken-ken yee, "Yesu! Wura Deefidi onaanabi, su me so!"

³⁹ Asa abono me gyangbara Yesu ansi dɔ mɔ me gya onyen mɔ yee o' bun mɔ-genɔ so. Me gya mɔ genen mɔ, ide kon gbaa ne ɔ lɔrɔ ɔ kya kpen ken-ken daa yee, "Wura Deefidi onaanabi, su me so!"

⁴⁰ Yesu gi nu genen mɔ, o sii yeɛ, ne ɔ tɔge yee me' kyu gyaatanbo mɔ ba. Me kyu mɔ ba mɔ, Yesu gi taase mɔ yee,

⁴¹ "Menɛ ne fo kya laare n' wɔra sa fo?" Onyen mɔ gi lee genɔ yee, "Me-wura, n kya laare me-ansi a' bugi."

⁴² Yesu gi lee genɔ sa mɔ yee, "Fo-ansi a' bugi! Gisɔgyi gibono fo bo sa me mɔ ne nan kye fo faa."

⁴³ Ayaa abono so mɔ, onyen mɔ ansi a bugi, ɔ kya wu ilaa kamaase, ne ɔ san naa buu Yesu ɔ kya lee Wurubuaare ginyen. Sakpii mɔ gi wu ilaa ibono i ba mɔ, mɔmɔ pewu me yen Wurubuaare.

19

Sakiyɔse Gi Nye Wurubuaare Amolege

¹ Yesu gi loo Gyeriko ɔ kya lii mɔ,

² obelense oko bo nno. Me kya tere mɔ yee Sakiyɔse. ɔ bo abono me kya sɔɔ lenpoo ne me kya kudi asa gyi mɔ gikpen mɔ dɔ. ɔ gye aterenbi wura gesintin.

³ Yesu gi loo osowole mɔ so genen mɔ, Sakiyɔse baare ginsi gi pɛere ɔ kya laare de o' wu Yesu de mɔ-ansi. Sakiyɔse gye daa nyamese din. Imoso ibono sakpii mɔ kyɔ gikyɔ so mɔ, ɔ men kya nye de o' wu Yesu.

⁴ Genen so mɔ, o kuu onangya kyon asa mɔ so ne ɔ kpa dɔ ɔ gyan' Siikamɔ oyii bele oko so nfono Yesu laa kyu de mɔ. Yesu laa kyon mɔ, de ɔ nye wu mɔ.

⁵ Yesu gi baa fo oyii mɔ gikɔdɔ mɔ, ɔ diire mɔ-ansi kere oyii mɔ dɔ, ne ɔ tere yee, "Sakiyɔse, kpelege ba belen. Fo-gewi ne i kaabore n' kyena nde."

⁶ Nfono mɔ Sakiyɔse gi kpelege lii oyii mɔ so ne o kyu Yesu kpe mɔ-gewi kpa keda mɔ gisafo de okon.

⁷ Asa abono me wu yee Yesu gi kpe o bo Sakiyose geten do mo pewu, me kya logede yee, "Kere, Yesu gi kpe kpaa soge daa ilaa nyenyen oworabo gewi."

⁸ Yesu bo Sakiyose gewi genen mo, Sakiyose gi koso yele ne o toge sa Yesu yee, "Me-wura, nu me ase. Nan ye me-ilaa kamaase ibono n bo mo do de n' kyu gibaafon kyu ye-ye sa ayenbo. Asa abono pewu ne kudi momo gyi baa kyon mo nan ka ibono ne kudi momo gyi mo sa momo de n' kii ka da gyan' momo gikpado ginan."

⁹ Nfono ne Yesu gi toge yee, "Nde bere, genen geten gede do asa me nye Wurubuaare amolege. Feye abono pewu fe bo gerenaa mo, fe' bii yee genen onyen baare gye aye-naana Aberaham opaa do isa fee feye kee.

¹⁰ Me, anyamese pewu momo-daa mo, ne ba daa de n' baa laare asa abono me fue Wurubuaare okpa mo geten de n' molege omo de me' kii wu okpa mo."

Yesu Gewuragyi Mo Gikpale

¹¹ Asa mo me san me kya nu Yesu ilaa toge sa mo, o da momo gikpale giko. I kya nyiile yee momo-nwonsa ne n gye yee o kya fuude Gyerusalem faa mo, Wurubuaare gewuragyi gebono o kyu sa mo mo ge laa lii gewi kon ne. Gikpale gebono o da momo mo ne n gye

¹² yee, "Nyamese gbaa' oko gi kyena, o gye wuragyibo. Owi oko do mo, o kya laare de o' kpe obono o gye Wura bele mo ase de Wura bele mo o' kpaa yii mo gewura de o' kyu baa gyi mo-lee osowole so.

¹³ "Pei ne o laa kyon mo, o tere mo-adege gudu abono me te mo ase mo ne o ye aterenbi sa momo okamaase. Momo okamaase gi nye kyee-kyee. O laa ye aterenbi mo sa momo mo, o toge sa momo yee, 'Fe' soo aterenbi ade buede gyoo me de n' baa kii ba mo a' wora agyan sa me.'

¹⁴ Mo-osowole mo so asa, mo, me kya kyo mo. Imoso o kyon mo, me sun isoo kpe Wura bele mo ase de me' kpaa toge sa Wura bele mo yee men kya laare yee o' gyi gewura sa momo.

¹⁵ "Wura bele mo mo gi dabole kyu gewuragyi mo sa mo, ne o kii ba mo-osowole mo so. O ba mo, o tere mo-adege abono o sa omo aterenbi mo ba mo ase yee me' baa buu-buu agyan abono okara me nye mo.

¹⁶ Mo-dega gyangbarase mo gi toge sa mo yee, 'Obelense, kere, aterenbi abono fo kyu sa me mo, ne nye amo-onan gikpado gudu.'

¹⁷ Obelense mo gi nu genen mo, o toge sa mo yee, 'Fo wora ilaa; fow'kpon. Fee genobono fo gyi gesintin ilaa ipii ide do faa mo, nan kyu isowole gudu kyu sa fo de fo' kere imo so.'

¹⁸ Mo-dega nyose mo gi toge mo yee, 'Obelense, aterenbi abono fo kyu sa me mo, ne nye amo-onan gikpado ginun.'

¹⁹ Obelense mo gi lee geno yee, 'Fo, mo, nan yeye fo laa kere isowole inun so.'

²⁰ "Mo-dega mo oko bere, gi toge sa mo yee, 'Obelense, fo-aterenbi nel Ne kyu amo nminde de gipanan nara kyin-n.

²¹ Ne wu yee fo-ilaa i bo lon, imoso ne sele fo gifuu. Fo bo onsipara. Fo kya laare agyan lii gesun gebono in gye fo ne n wora mo do.'

²² O toge genen ta mo, obelense mo gi toge mo yee, 'Fo gye dega nyenyen. Nan kyu fo-ilaa toge ide kyu bun fo gipuee. Fo nyi yee me-ilaa i bo lon. N gye onsipara wura. N kya laare agyan lii gesun gebono in gye me ne n wara mo do.

²³ Ne i wone ne fon kyu me-aterenbi mo kpaa yela aterenbi oyelaten de owi obono ne ba ne nan kpaa lee amo mo, n' nye de a' koroge sa me?'

24 “Nfono mɔ, ɔbelense mɔ gi tɔge sa abono me yeɛ nno mɔ yeɛ, ‘Fe’ sɔge me-aterenbi mɔ lii dega baare ase kyu bɔla ɔbono ɔ nye amɔ-ɔnan gikpadɔ gudu mɔ.’

25 Me lee genɔ sa mɔ yeɛ, ‘ɔbelense, ɔ ti nye amɔ-ɔnan gikpadɔ gudu!’

26 ɔbelense mɔ gi lee genɔ sa mɔmɔ yeɛ, ‘N’ buu sa feye yeɛ ɔbono ɔ bo ne ɔ kya kyu wɔra ilaa mɔ, ɔ laa kii nye too. Ne ɔbono, mɔ, ɔɲ bo ne ɔɲ kya kyu wɔra sei mɔ, ipii ibono ɔ nye mɔ gbaa me laa sɔge lii mɔ ase.

27 I san abono me gye me-akyobo ne me menɲ kya laare n’ wɔra mɔmɔ-wura mɔ, fe’ kyu mɔmɔ baa mɔɔ me-ansi dɔ gereɛnaa.’ ”

Yesu Gi Naa Loo Gyerusalem Fɛɛ Wura

28 Yesu gi tɔge imɔ ide ta mɔ, ide kon mɔ o yii ɔkpa ɔ kya dii ɔ kya kpe Gyerusalem.

29 O sindi Betefagye de Betani isowole ibono i gyan’ Nfɔ Iyii gibii mɔ so mɔ, o sun mɔ-akasebo mɔ dɔ anyɔ

30 yeɛ, “Fe’ kpe ɔsowole ɔbono ɔ bo aye-ansi dɔ faa. Fe kya loo ɔsowole mɔ so mɔ, fe laa wu bee fɔle ɔbono ɔko menɲ ti gyan’ mɔ kere mɔ kyaa de ɔfe. Fe’ sange mɔ kyu bara me gere.

31 Ne fɛɛ ɔko gi taase feye yeɛ, ‘Mene n wɔra ne fe kya sange bee mɔ’ mɔ, fe’ tɔge sa mɔ yeɛ, ‘Wura mɔ tiri bee mɔ.’ ”

32 Abono o sun mɔ me kyon mɔ, me kpaɛ wu ilaa kamaase, fɛɛ genɔɔbono Yesu gi tɔge sa mɔmɔ mɔ.

33 Me kya sange bee mɔ mɔ, bee mɔ mɔ-wuraana me taase mɔmɔ yeɛ, “Mene n wɔra ne fe kya sange bee mɔ?”

34 Ne me lee genɔ yeɛ, “Wura mɔ tiri bee mɔ.”

35 Imɔso me sange bee mɔ kyu kperɛ Yesu. Ne me kyu mɔmɔ-akuru too gyan’ bee mɔ so, ne me puru Yesu gyan’.

36 Asa sakyɔ me buu mɔ. Ako, mɔ, me yangbara sa mɔ me kya kyu mɔmɔ-akuru too mɔ-ɔkpa dɔ yeɛ ɔ’ baa naa amɔ so kyon.

37 Me kya laare me’ kpeleɛ Nfɔ Iyii Gibii mɔ mɔ, i bo mɔ-akasebo gikpen bele mɔ ɔkon kyode, ne me yii gese me kya yen Wurubuaare ken-ken kyu lii ilaa gbaa’gbaa ibono pɛwu Yesu gi kyu Wurubuaare ɔlon kyu kpaɛ asa ne me wu de mɔmɔ-ansi mɔ so.

38 Me naa me kya kpen yeɛ,

“Fo ne n gye Wura!

Wura Wurubuaare ɔ’ kosore fo-gimu!

Wurubuaare ginyen dɔ ne fo naa fo kya ba faa!

Gisen yuuli gi bo Wurubuaare dɔ!

Wurubuaare ɔbono ɔ bo soso mɔ tansi ɔ bo nyisigyi!”

39 Farasii awura abono me bo sakpii mɔ dɔ mɔ me tɔge sa Yesu yeɛ, “ɔbelense, gya fo-ade mɔ yeɛ me’ sii kurun.”

40 Ne Yesu gi lee genɔ sa ɔmɔ yeɛ, “N’ buu sa feye yeɛ ba-a me’ sii kurun mɔ, abui gbaa a laa bugi genɔ kpen.”

Yesu Gi Su Sa Gyerusalem

41 Yesu kya fuude Gyerusalem. ɔ da de ginsi ne o wu ɔsowole mɔ mɔ, o su sa nno asa.

42 ɔ kya su genen mɔ, ɔ tɔge yeɛ, “Gyerusalem awura, me-gisen dɔ gelaare ne yeɛ nkana fe’ bii ɔkpa ɔbono so fe laa kyu de fe’ nye gisen yuuli nde geke gede mɔ! Imɔ, mɔ, mɔ, i baala feye-ansi bun; feɲ nye bii genen ɔkpa ɔbono.

⁴³ Gekaako mo feye-akyobo me laa kyaaboo feye faa kilenten. Me laa sola ise mada gekpen gebono fe yii kyaaboo feye-osowole mo de i' dii kyaga de oooore mo. I dii kyaga mo, me laa kyu de nfono so kpelege loo feye-osowole do baa ko de feye. Me laa tii feye wora nsana.

⁴⁴ Feye-akyobo me laa boori feye-ibu bun, ba-a oooore kolon man san, ne me laa mo feye. I lii fee Wurubuaare gi sun me yee n' baa kere feye mo, fey wu me hii."

Yesu Gi Gya Asa Lii Wurubuaare Oson Obu Gikpaara Mo So

⁴⁵ Yesu gi loo Gyerusalem mo, o kyon kpe Wurubuaare oson obu gikpara mo so. O fo nno mo, o wu yee asa me kyu nno bingiri gigya ogyiten. O wu genen mo, o yii gese o kya gya abono me kya fe ilaa nno mo,

⁴⁶ ne o toge sa omo yee, "Me nmarase Wurubuaare agyebi ako yela yee, 'Me-ason obu mo laa wora daa odalaaten.' Feye, mo, fe kyu nno bingiri iyu gikpala."

⁴⁷ Geka kamaase mo Yesu kya nyiile asa ilaa Wurubuaare oson obu gikpaara mo so. Gyuda awura asunbi alebo abelense, momo-nbara anmarasebo, de momo-anyamese gbaa'gbaa mo me kya laare mo-imooten.

⁴⁸ Momo-asa sense mo so mo, men kii me kya nyee de me' keda mo. I kya nyiile yee momo abono pewu me kpe me kya nu mo ase.

20

Abelense Ako Me Daase Yesu Kere

¹ Geke gedee, Yesu kya nyiile asa ilaa ne o kya toge Wurubuaare okalan konkonse mo Wurubuaare oson obu mo gikpaara mo so, ne Gyuda awura asunbi alebo abelense de momo-nbara anmarasebo de momo-abelense sense ako mo me kpe mo ase,

² ne me kpaa taase mo yee, "Ilaa ibonoana fo kya wora faa mo, ane ginyen do ne fo kya wora imo daa? Ane ne n sa fo okpa yee fo' wora imo? Toge aye."

³ Yesu gi lee geno yee, "Me kee nan taase feye ilaa kolon de fe' lee geno sa me.

⁴ Wurubuaare sagyere obono Gyon gi gyere asa mo, ane ne n sa mo okpa? Wurubuaare abee nyamese? Fe' lee geno de n' nu."

⁵ Yesu gi taase omo genen mo, akwole a toro momo wole-wole so, ne me toge yee, "Nengyene a kyule sa mo yee Wurubuaare ne n sa Gyon genen okpa obono mo, o laa taase aye yee, ne mene n wora ne a men soo Gyon gyi?"

⁶ Ne fee a kii toge yee nyamese ne n sa Gyon genen okpa obono mo, asa mo pewu me laa da aye abui mo. I lii fee me nyi yee Wurubuaare ne n sun Gyon ne o gye daa Wurubuaare ikalan otogebobo."

⁷ Genen so mo me lee geno sa Yesu yee, "A men nyi obono o sa Gyon genen okpa obono mo."

⁸ Ne Yesu gi toge sa momo yee, "Fe man toge me bere mo, me kee man toge feye obono o sa me okpa ne n' kya wora ilaa ibono n kya wora mo."

Yesu Gi Da Abelense Mo Gikpale

⁹ Ne Yesu gi da gikpale sa abelense mo yee, "Onyen oko gi kyena. O doo gifole giko ndoo. O doo ndoo mo genen mo, o kyu nno wora asa ako abaa do yee me' kere nno so sa mo de mo-re momo me' ye agyan abono me laa nyee mo. Ne o koso kpe okpa kpaa keela.

10 Gifole mo abi abere teese a fo mo, ndoo wura mo gi sun mo-dega oko yee, o' kpe mo-ndoo akerebo mo ase de me' kyu mo-lee ogyiten bara mo. Mo-dega mo gi kpe mo, mo-ndoo akerebo mo me daare mo, ne me gya mo kii abaa gikpan.

11 Ndo wura mo gi nu ilaa ibono i ba mo, o kii sun mo-dega oko mo-ndoo akerebo mo ase. Obono kee gi kpe mo, ndoo akerebo mo me daare mo ne me wora mo ibono i men gye iworase mo gya mo kii abaa gikpan.

12 Ndo wura mo gi sun dega sase. O kpe mo, ndoo akerebo mo me daare obono kee gooli mo, ne me too mo lii ndoo mo do.

13 Nfono mo, ndoo wura mo gi taase mo-nyoro yee, 'Nne ne nan wora me-ilaa ide ne?' Ne o kii toge sa mo-nyoro yee, 'Nan sun me gbaa-gbaa me-gisen do obi me-ndoo akerebo ade ase. Mo bere, ne soo gyi yee me laa kyu buubuu sa mo.' Gesintin mo, o sun mo-bi mo momo ase.

14 Mo-bi mo gi kpe mo, mo, ndoo akerebo mo me kpe da de ginsi wu mo mo, me toge sa abara yee, 'Obono o laa gyi mo-se ato mo ne n kya ba faa. A' moo mo de mo-togyi mo o' nye sii de aye.'

15 Gesintin mo, me keda ndoo wura mo mo-bi mo biide lii ndoo mo do ne me moo mo."

Yesu gi da gikpale gide ta mo, o taase asa mo yee, "Imoso mene ne ndoo wura mo laa wora mo-ndoo akerebo mo?"

16 N' toge sa feye yee ndoo wura mo laa kpa moo momo de o' kyu ndoo mo kyu wora akerebo poboro abaa do." Asa mo me nu imo ide mo, me toge yee, "In sa i' ba genen!"

17 Me lee geno genen mo, Yesu gi kere omo faa yiridididi ne o taase omo yee, "Ne fee i man ba genen mo, i wone so ne me nmarase imo ide yela Wurubuaare agyebi do? Me nmarase yee,

'Gibui gibono ibu aporo mo me kyu too gebaamara mo
genen gibui kolon gibono
ne n kii baa yege ne obu mo gi wora olon
o yele faa.

18 Nyamese kamaase obono
o laa toro genen gibui gibono so mo,
kaase laa gbaa gberi-gberi.

Ne gibui mo, mo, ne n kii baa toro fo oko so mo bere,
fo laa koro faa dogo-dogo wora fee nnyufo.' "

19 Yesu gi da gikpale mo genen mo, Gyuda awura nbara anmarasebo mo de momo-asunbi alebo abelense mo me bii yee momo ne o dare. Imoso me laare fee me' keda mo genen owi obono. Me kii me sele sakpii obono o bo nfono mo gifuu.

Me Soo Yesu Idoo Kyu Lii Lenpoo Gisoo So

20 Imoso abelense abono me kya laare me' keda Yesu mo me san me kya dii mo daa. Me sun asa ako mo ase yee me' kpa pene fee me gye gesintin awura; nengyene o toge ilaa ibono me laa nye yele imo so mo, de me' kyu mo wora momo-abeyin obelense obono o kya kere momo so mo abaa do.

21 Imoso isoo mo me kpe Yesu ase ne me kpa too mo soso yee, "Obelense, a wu yee fo kya toge ne fo kya nyiile ilaa de i' kyena okpa so. Fo bere, fo men kya kere nyamese saky abee mo-nyisigyi obono o bo mo de fo' buu oko don oko. Fo kya nyiile asa Wurubuaare okpa daa de i' kyena de Wurubuaare gesintin mo.

22 A de fo gisere, tōge aye, imōso Rom wura bele obono o kya kere aye so ne ōŋ kya son Wurubuaare mō, i de okpa Wurubuaare ase yee a' sōo mō-lenpoo abee a men sa a' sōo?"

23 Yesu, mō, gi dese yee me kya soo mō idoo daa. Ne o tōge sa o mō yee,

24 "Ōko o' lee aterenbi gibi ba de n' kere." Gesintin mō, me kyu aterenbi gibi kyu sa mō, ne o taase o mō yee, "Ane gimu de mō-ginyen ne n gyan' aterenbi gibi gide so faa?" Me lee geno yee, "Rom wura bele mō-lee."

25 Ne Yesu gi kisee tōge sa mō mō yee, "To! Genen bere mō, ilaa ibono i gye Rom wura bele mō-lee mō fe' kyu sa mō, ne ibono, mō, i gye Wurubuaare-lee mō, fe' kyu sa Wurubuaare."

26 Genobono o lee geno sa o mō mō, i de mō mō-geno. Me men nye ilaa nyenyen iko lii ilaa ibono o tōge sansana mō de me' kyu mō wōra nbele dō. Imōso me men baa taale tōge sei.

Saadusii Awura Me Taase Yesu Lewu Gemara Ilaa

27 Saadusii gikpen dō awura ako kee me ba Yesu ase. Saadusii awura ade ne n kpe me de yee nengyene nyamese gi wu' mō, i ta. In baa i bo geteeko o laa kpa kyena, ne Wurubuaare man baa kyingi asa geakaako.

28 Genen asa ade me ba Yesu ase baa taase mō yee, "Ōbelense, Mosisi gi yela nbara nko sa aye yee, 'Nengyene onyen gi wu' taa mō-ka yee owi obono mō-ka mō men ti koroge sa mō mō, mō-daa abee mō-tede o' kyu okyii mō lee gikulaa de mō-re mō me' koroge nbii sa mō-kuli obono o wu' mō.'

29 To. Owi ōko dō mō, onyen ōko mō-re mō-tedeana asee ne n kyena. Genen onyen baare gi kyu okyii. Mō-re mō-ka mō men koroge ne o wu' taa mō-ka mō yee.

30 Mosisi nbara nbono o yela sa aye mō so mō, mō-gigyaamara mō gi kyu okyii mō lee gikulaa. Mō-re okyii mō me men koroge, ne mō kee gi wu' taa okyii mō yee.

31 Osase mō kee genen, ne mō mō anyen sono mō pewu me dena okyii mō gyan', ne me wu' taa mō yee. Okyii mō men koroge sa mō mō ōko-re ōko.

32 Laalaaloge mō, okyii mō kee gi wu'.

33 To, nengyene Wurubuaare laa kyingi asa mō, ane ne n bo genen okyii baare gekyena poboro gebono dō? I kya nyiile yee owi obono me te de ansi mō, mō mō anyen sono ade pewu me dena mō."

34 Yesu gi lee geno yee, "Abono me te de ansi mō ne n kya dena.

35 Asa abono Wurubuaare gi wu yee me kaabore me' nye kyena mō ase ne o laa kyingi mō mō lii ibuni dō geakaako mō, mō mō bere, gedena gen baa ge bo no sa mō mō.

36 Me man baa wu' geakaako. Mō mō-gekyena ge laa wōra daa fee Wurubuaare dō isoo-lee mō onan. Me gye Wurubuaare mō-biana gesintin. I lii fee Wurubuaare gi kyingi mō mō lii ibuni dō."

37 Ne Yesu gi kii tōge sa Saadusii awura mō yee, "Fe kya sōo akyoole yee asa me wu' mō, in baa i bo geteeko me laa kpa kyena mō, a' kere Wurubuaare agyebi owole mō dō de a' kere. Owole mō dō mō, Mosisi gbaa' gi wolaa lee nyiile aye yee asa me wu' mō, me bo geteeko me kya kpa kyena. O nu Wurubuaare gi tōnge sa mō lii giponfe giko dō ne o nmarase agyebi mō yela yee,

'Me ne n gye Aberaham Wurubuaare.

N gye Ayisiki Wurubuaare,

ne n' gye Gyeekopo Wurubuaare.'

38 Abere abono Wurubuaare gi toge genen ilaa ide sa Mosisi mo, genen asa ade me ti wolaa wu'. Ne fee iloobu ide menj bo geteeko daa mo, Wurubuaare manj toge yee, 'N gye momo-Wurubuaare.' Nkana o laa toge daa yee, 'Ne naa kyena wora momo-Wurubuaare yee.' Imoso Wurubuaare nyi yee me bo geteeko me te."

39 Yesu gi toge genen ta mo, Gyuda awura nbara anmarasebo mo ako me toge sa mo yee, "Obelense, fo lee geno kanpe."

40 Kpe kyu lii nfono mo, oko menj baa taale too Yesu soso kere.

Yesu Gi Kisee Taase Asa Mo Wura Deefidi Ilaa

41 Nfono mo, Yesu, mo, gi taase momo yee, "Nne so ne okamaase kya toge yee obono Wurubuaare laa sun de o' gyi gewura mo Wurubuaare ade so mo laa kisee wora daa Wura Deefidi onaanabi?"

42 Yee Deefidi gbaa-gbaa gi ti toge kaase mo ilaa wolaa yela. O toge Wurubuaare Ilon owole mo do yee,

'Wurubuaare laa toge sa me-Wura mo yee,

"Baa kyena me-gibaa gyise so de me-re fo a' gyi gewura

43 de n' yee fo' kyise fo-akyobo de fo-ayaa." "

44 Yesu gi kii lee gese yee, "Imoso Deefidi kya tere kaase yee, 'Me-Wura' faa mo, nne so ne o laa kisee wora daa Deefidi onaanabi?"

Fe' Kere Feye-Nyoro So De Nbara Anmarasebo Mo

45 Owi obono asa mo pewu me kya nu Yesu ase mo, o toge sa mo-akasebo mo yee,

46 "Fe' kere feye-nyoro so doodan de aye Gyuda awura nbara anmarasebo ade. Me kya laare daa ngbe bele-bele gisuu naa asa do. Me kya laare fee asa me' tere momo yee 'Abelense' de me' kyu buubuu faala omo sakpii do de okamaase o' wu. Ne fee me kya kpe momo-akyangbon do mo, abee me laa gyi geke bele mo, abelense de anyamese gbaa'gbaa ikyenaten ne me kya laare.

47 Momo genen asa abono ne n kya kii kudi akyii ikulaabo momo-re momo-biana gyi, yee me laa dalaa mo, me kya dalaa faa bolo-bolo de asa me' nye yen momo yee momo ne n nyi gedalaa. Owi obono Wurubuaare laa gyi momo-nbele mo, momo-gisobiide gi laa nyaakyo too."

21

Yesu Gi Yen Okulaabo Yenbo Oko

1 Yesu bo Wurubuaare onon obu gikpaara mo so mo, o diire mo-ansi kere gidekaa gibono asa me kya kyu aterenbi wora sa Wurubuaare mo. O wu aterenbi awura me kya lee momo-aterenbi me kya wora.

2 Nfono mo, o wu okyii okulaabo yenbo oko, mo, gi baa kyu aterenbi abi anyo ako baa wora gidekaa mo do.

3 Yesu gi wu genen mo, o nyiile mo-akasebo mo yee, "Inj gye fe wu okulaabo yenbo baare? Gesintin ne n' kya toge feye faa, okyii baare gi kye Wurubuaare aterenbi don asa sense ade pewu.

4 I kya nyiile yee asa ade pewu me lee momo-aterenbi do daa kyu baa kyee Wurubuaare. Okyii baare, mo, ipii ibono o bo ne nkana imo ne o te kpsa de mo, imo pewu ne o kyu baa kyee Wurubuaare faa."

Yesu Gi Toge Yela Yee Gyerusalem Laa Baa Boori

5 Yesu akasebo mo ako me kya gyi nsingyi kyu lii Wurubuaare onon obu mo so. Me kya diile mo-odan ne me kya kere abui dense-dense abono me

kyu ɔɔɔ mɔ mɔ de ilaa dɛnsɛ ibono asa mɛ kyu baa kyɛɛ Wurubuaarɛ ne mɛ kyu lɔɔɔ obu mɔ mɔ. Yesu, mɔ, gi tɔgɛ sa mɔmɔ yɛɛ,

6 “Imɔ ibono pɛwɛ fɛ kya wu faa, i laa baa fo owi ɔko mɔ, ako mɛ laa baa boori imɔ bun. Ba-a gibui kolon gi manɔ san yɛɛ gi manɔ dɛ gesɛ.”

7 Yesu akasebo mɔ dɔ ako mɛ taase mɔ yɛɛ, “Ɔbelɛnsɛ, owi ɔmɔ dɔ ne mɛ laa boori imɔ bun genɛn? Mɛnɛ ilaa ne nan ba de i' lɛɛ nyiile yɛɛ ilaa idɛ i kya laarɛ i' ba gɛsintin?”

8 Ɔ lɛɛ gɛnɔ yɛɛ, “Fɛ' kerɛ fɛyɛ-nyoro so dandan daa de ɔko o' mɛnɛ sa ɔ' nyɛ fɛyɛ pɛnɛ. Asa sakyɔ mɛ laa naa mɛ kya tɔgɛ yɛɛ mɔmɔ ne n gye mɛ ɔbono Wurubuaarɛ gi sun mɔ. Mɛ laa tɔgɛ yɛɛ, ‘Owi mɔ gi fuude.’ Fɛ nu genɛn mɔ, fɛ mɛnɛ sa fɛ' buu mɔmɔ-gitan.

9 “Nengyɛnɛ fɛ kya nu yɛɛ faanaa isowolɛ mɛ kya kɔ de abara, de faanaa asa mɛnɛ kya kyulɛ mɔmɔ-ɔsowolɛ mɔ, fɛ mɛnɛ sa fɛ' yɛgɛ fɛyɛ-gisɛn gi' nmaa fɛyɛ. Imɔ idɛ i gye ilaa ibono i laa daa giba mɔ daa. Ne i mɛnɛ gye yɛɛ ilaa kamaasɛ i kya yɛla ɔkara ayaa abono so ne.”

10 Ne Yesu gi kii tɔgɛ ɔmɔ yɛɛ, “Fɛ laa nu asa kpɛi-kpɛi mɛ laa laarɛ iko too abara so. Abɛyin de abɛyin mɛ laa koso yɛɛ mɛ kya kɔ de abara.

11 Ntɛn kpɛi-kpɛi so mɔ, gɛsɛnkpan gɛ laa gyigisi de ɔlon, akon a laa tɔɔɔ, ne alɔɔ abono a kya kyangɛ asa mɔ a laa gbigi. Ilaa ibono i laa wɔra gɛsɛnkpan mɔ so mɔ, i laa wɔra asa gifuu. Ilaa belɛ-belɛ i laa wɔra Wurubuaarɛ awolɛ dɔ, ne i laa lɛɛ Wurubuaarɛ ɔlon nyiile asa.

12 “Pɛi ne genɛn ilaa idɛana pɛwɛ i laa baa ba mɔ, ibono fɛ gye mɛ-akasebo faa so mɔ, asa abaa a laa gyan' fɛyɛ so de mɛ' ka fɛyɛ-ansi. Mɛ laa kparɛ fɛyɛ kpe mɔmɔ-akyangbon dɔ kpaa gyi fɛyɛ-nbɛlɛ de mɛ' kyu fɛyɛ tii de ibu. Mɛ laa kparɛ fɛyɛ kpe awura de abɛyin abɛlɛnsɛ ansi dɔ. Mɛ so ne mɛ laa wɔra fɛyɛ imɔ idɛ pɛwɛ.

13 I ba genɛn mɔ, i laa bugi ɔkpa sa fɛyɛ daa de fɛ' nyɛ tɔgɛ mɛ-ilaa sa mɔmɔ.

14 Fɛ' kyu too fɛyɛ-nyoro so yɛɛ fɛ manɔ sa gɛwɔnsa yɛla yɛɛ idɛ ne a laa kpaa tɔgɛ nbɛlɛ mɔ ogyitɛn.

15 Owi mɔ gi fo mɔ, mɛ, Yesu ne nan sa fɛyɛ agyɛbi de ɔlaako ginyi de fɛ' kyu lɛɛ gɛnɔ. Fɛyɛ-akyobo mɔ dɔ ɔko-rɛ ɔko manɔ nyɛ lɛɛ imɔ gɛnɔ abɛɛ mɛ' sɔɔ imɔ akɔɔlɛ.

16 Fɛyɛ abono fɛ kya son mɛ faa dɔ ako akorogɛbo, abɛɛ fɛyɛ-daana, abɛɛ fɛyɛ-tɛdɛana, abɛɛ fɛyɛ-subuana, abɛɛ fɛyɛ-kyɛmɛnɛana, mɛ laa fɛ fɛyɛ dɔ ako sa fɛyɛ-akyobo de mɛ' mɔɔ fɛyɛ dɔ ako.

17 Mɛ so mɔ, ɔkamaasɛ laa kyo fɛyɛ.

18 Mɛ dabɔlɛ kyo fɛyɛ nɛnɛ mɔ, mɛ manɔ taalɛ wɔra fɛyɛ sei.

19 Fo ɔbono fo ka gyan mɛ so kpaa lii mɔ, fo laa nyɛ Wurubuaarɛ asɛ gɛkyɛna ɔnan.

20 “Nengyɛnɛ fɛ wu asogya mɛ kyaabɔɔ Gyɛrusalɛm mɔ, fɛ' bii yɛɛ i manɔ kɛɛla ne ɔsowolɛ mɔ laa boori bun.

21 Fɛ wu genɛn mɔ, fɛyɛ abono fɛ bo Gyudiya gɛsɛnkpan so mɔ, fɛ' sɛlɛ kpe abii dɔ. Fɛyɛ abono fɛ bo ɔsowolɛ mɔ so mɔ, fɛ' lii mɔ dɔ, ne fɛyɛ abono, mɔ, fɛ bo ndɔɔ dɔ genɛn owi ɔbono mɔ, fɛ mɛnɛ sa fɛ' tɔgɛ yɛɛ fɛ laa kii ba ntɛn dɔ.

22 Genɛn owi ɔbono ne Wurubuaarɛ laa ka asa ilaa nyɛnyɛn ibono mɛ wɔra mɔ gikɔ. Ɔ biidɛ mɔmɔ-giso genɛn mɔ, i laa yɛgɛ ilaa kamaasɛ ibono mɛ nmarasɛ yɛla Wurubuaarɛ agyɛbi mɔ dɔ mɔ i' nyɛ ba gɛsintin.

23 Awɔɔɔɔɔ a laa nyaakyo gikyɔ so mɔ, akyii abono mɛ da ito genɛn nkɛ nbono dɔ mɔ abɛɛ mɔmɔ-biana mɛ san mɛ kya nyabo mɔmɔ mɔ,

momo laako. I kya nyiile yee geyiyee bele ge laa toro gesinkpan so, ne Wurubuaare laa lee mo-ginyadon gewi nyiile feye Gyuda awura ade.

²⁴ Asa me laa mo Gyuda awura ako de nki. Me laa keda momo ako gikyii nminde momo kyu kpaabingiri asafo geten kamaase kyaaboo de gesinkpan so. Asafo ne nan san kyu Gyerusalem osowole kyu bingiri momo-lee kpaafowowi obono momo-lee olon laa yela okara mo.

Yesu Gi Kii Toge Mo-Gesinkpan So Gikiiba Ilaa

²⁵ "Asa me laa wu ilaa leenyiilese owi de boses de agyekpebi do. Gesinkpan so asa kpei-kpei me laa nu apoo kya ghere, ne me laa nu afuu abono a laa da apoo so mo, i laa nmaa momo-asen, ne momo-nyoro gi laa toge momo.

²⁶ Asa me laa wu ilaa ibono i kya wora gesinkpan so mo, imo-gifuu do so-o so mo, i laa yee me laa lii toro me kya kiide ma-a wu. I kya nyiile yee olon kpei-kpei obono o bo soso ne i yee a taale a te gese gere mo, Wurubuaare laa keda mo kyeege.

²⁷ Nfono mo, asa me laa wu me, anyamese pewu momo-daa mo, nan naa lii Wurubuaare awole do n kya ba, n de olon de nyisigi bele.

²⁸ Nengyene fe wu genen ilaa ideana i yii gese i kya ba mo, fe' diire feye-ansi kere soso. I lii fee owi obono Wurubuaare laa mlege feye de fe' nye feye-nyoro mo gi fuude ne."

Fe' Kere Doodan De Kirisito Gikiiba Mo Gi Men Tuule Feye

²⁹ Ne Yesu gi da gikpale sa momo yee, "Fe' kere gifeeya oyii de iyii sense.

³⁰ Nengyene fe kya wu iyii i kya yaa ne i kya laare i' poroge mo, fe kya bii yee gikyee gi kya fuude ne.

³¹ Genen kee ne i de ne. Nengyene fe wu ilaa ibonoana ne toge sa feye faa i kya ba mo, fe' bii yee Wurubuaare kya laare o' lee mo-gewuragi mo nyiile asa kon.

³² Gesintin ne n' kya toge feye faa. Asa abono me te gesinkpan so genen abere ade do mo me man wu' loge pei de genen ilaa ideana pewu i' loo ba.

³³ Soso de gese i laa yela okara. Me-agyebi mo bere a man yela okara geakaako kpa-a.

³⁴ "Fe' dese feye-nyoro so. Fe' men sa fe' yee okon gigy de nta giboo de feye-gekyena do ilaa tirise i' gyi feye-amu. I men gye genen mo, geke gebono nan kii ba mo, i laa tuule feye; fe man dese.

³⁵ I kya nyiile yee genen geke gebono ge laa tuule asa sense pewu abono me bo gesinkpan so mo fee genobono odo kya too gebue mo.

³⁶ Fe' dese feye-nyoro so owi kamaase do fe kpe fe kya dalaa fe kya kole Wurubuaare yee o' sa feye olon de nengyene genen ilaa ide pewu i ba i kya wora mo de fe' nye taale lii imo do de fe' nye ayaa yelese me, anyamese pewu momo-daa mo-ansi do."

³⁷ Geke kamaase mo Yesu kya nyiile asa ilaa Wurubuaare onon obu gikpaara mo so. Owi gi ta mo, o kya lii Gyerusalem de o' kpaade Nfo Iyii Gibii mo so.

³⁸ Gede ge kpe ge kya ke mo, o kya kii ba Gyerusalem Wurubuaare onon obu gikpaara mo so. Asa mo pewu me kya ba mo ase nno nyenyenge fuu de me' nye nu mo-ilaa nyiilese mo.

1 Gyuda awura Bodobodo Maadiise geke bele gebono me kya tere yee Lewu Gi Serege Aye So mo ge kya fuude.

2 Ne Gyuda awura asunbi alebo abelense de momo-nbara anmarasebo mo me kya laare genobono me laa nye Yesu momo mo, me kii me sele sakpii obono o yele Yesu gemara mo.

3 Nfono mo, ilaa nyenyen pewu gemu mo gi suu de Gyudase. O gye Yesu isoo gudu anyo mo do oko. Mo-ginyen giko ne n gye Isikaayote.

4 Ilaa nyenyen gemu mo gi suu de Gyudase mo, o kpe kpaa wu genen asunbi alebo abelense mo de Wurubuaare onon obu mo adiibo abelense. Ne o toge momo yee o laa laare okpa obono so o laa nye kyu Yesu wora momo-abaa do mo.

5 Me nu genen mo, i wora momo okon ne me toge sa mo yee o taale wora genen mo, momo, mo, me laa soo mo ka giko.

6 O kyule ne o san o kya laare owi obono i laa sa de o' kyu Yesu wora momo-abaa do ne asa sense mo me manj bii mo.

Yesu Mo-re Mo-Ade Me Gyi Geke Bele

7 Geke gebono Bodobodo Maadiise Agyibere mo ge kya yii gese mo, me kya kyooli isande de me' kyu gyi momo-Lewu Gi Serege Aye So geke bele mo.

8 Genen geke gebono do mo, Yesu gi lee Piita mo-re Gyon sun yee, "Fe' kpe de fe' kpaa baala Lewu Gi Serege Aye So geke bele mo agyudo sa aye de a' baa gyi."

9 Ne me taase mo yee, "Fone ne fo kya laare a' kpaa baala agyudo mo yela?"

10 Yesu gi lee geno sa momo yee, "Fe' naa loo nten do. Fe kya loo mo, fe laa wu onyen oko, o so nkyu de gelobi. Fe' buu mo kpaa loo geten gebono do o laa loo mo

11 de fe' taase geten wura mo yee, 'Obelense mo yee asafu obu omo do ne mo-re mo-akasebo mo me laa kyena de me' gyi Lewu Gi Serege Aye So Geke Bele agyudo mo?'

12 Geten wura mo laa nyiile feye soso-lee obu bele oko. Ikyenaten de ikamaase i ti i bo nno. Fe' kere agyudo mo yela sa aye nno."

13 Yesu akasebo mo me kyon. Gesintin mo, me kpaa wu ilaa kamaase fee genobono Yesu gi nyiile momo mo. Ne me kere Lewu Gi Serege Aye So geke bele agyudo mo yela nno.

Yesu Gi Nyiile Mo-Isoo Mo Yee O Laa Wu' Sa Momo

14 Owi gyise mo gi fo mo, Yesu mo-re mo-isoo mo me kpe nno kpaa kyena me kya gyi.

15 Me kya gyi mo, Yesu gi toge sa momo yee, "Ne tansi laare yee me-re feye a' gyi genen Lewu Gi Serege Aye So agyudo ade dabole pei de n' loo wu olaawuse obono o de sa me mo.

16 N kya toge mi-i sa feye yee menj baa kii gyi genen gesi gede. Pei de n' kii gyi gemo mo, genen mo, ilaa ibono so a kya gyi gemo gesi kamaase mo i ba gesintin ne Wurubuaare gi ti yeye asa me nye mo-gewuragyi do gekyena."

17 O toge genen ta mo, o puru konkon de nta, ne o kyu afaala kyu sa Wurubuaare, ne o kyu sa mo-isoo mo, ne o toge sa momo yee, "Fe' soo nta nde de fe' nun kooli.

18 N' toge feye yee pei ne nan kii nun nta mo, genen mo, asa me nye Wurubuaare gewuragyi do gekyena."

19 Ɔ tɔge genen ta mɔ, o puru bodobodo keda, o kyu afaala sa Wurubuaare, ne ɔ gbaa-gbaa mɔ dɔ kyu sa mɔ-akasebo mɔ yee, “Me-nyoro ne. N de mi-i sa feye. Fe' wɔra imɔ ide kyu nyingi me.”

20 Genen kee ne me gyi ta mɔ, o puru konkon de nta keda, ne ɔ tɔge yee, “Nta nbono n de mii sa feye faa, me-nkalan ne. Nan wu' mɔ, me-nkalan gi laa kyeege fue sa feye, de Wurubuaare ɔ' yege feye-re mɔ fe' nye wɔra geno pobɔɔ.

21 “Ɔbono ɔ laa yege me-akyobo me' nye me mɔ bo me ase genen ogyiten baare.

22 I bo no yee me, anyamese pewu mɔmɔ-daa mɔ, nan wu' lewu ɔbono onan Wurubuaare gi wolaa tɔge yela mɔ. Ɔbono ɔ laa kyu me wɔra me-akyobo mɔ abaa dɔ mɔ bere, kaase laako!”

23 Nfono mɔ mɔ-isɔɔ mɔ me yii gese me kya taase abara de me' bii mɔmɔ dɔ ɔkolon ɔbono ɔ laa wɔra genen mɔ.

24 Nfono mɔ, Yesu isɔɔ mɔ me kya sɔɔ abara akyɔɔle yee mɔmɔ pewu dɔ mɔ ane ne n don mɔ-nanbo.

25 Imɔso Yesu gi tɔge sa mɔmɔ yee, “Asa abono me men nyi Wurubuaare agyebi mɔ, mɔmɔ-awura me kya kyu abono me bo mɔmɔ gese mɔ wɔra fee mɔmɔ-nbide, ne abono me kya gyi gebelense mɔmɔ so mɔ, me kya yege ɔmɔ me' tere mɔmɔ yee, ‘Aye-seana.’

26 Feye-lee bere, ij kaabore i' wɔra fee asa abono. Ɔbono ɔ don mɔ-nanboana mɔ gi kaabore ɔ' bara mɔ-nyoro gese de o' bingiri fee gebii pii gekpaa feye dɔ de ɔbono ɔ gye feye-ogyangbarabo mɔ ɔ' wɔra mɔ-nyoro fee feye-dega.

27 Ɔbono ɔ te ne me kya kyu agyudɔ baa yii mɔ de o' gyi mɔ, de ɔbono ɔ laa kyu agyudɔ mɔ baa yii mɔ mɔ, ɔmɔ dɔ mɔ, ane ne n don mɔ-nanbo? Asa ase mɔ, ɔbono ɔ te ne me kya kyu agyudɔ baa yii mɔ mɔ ne n don. Me bere ne ba daa de n' baa son feye.

28 “Me-ɔlaawuse kamaase dɔ mɔ, feye ne n gye abono fe mili me.

29 Fee genɔɔbono me-se Wurubuaare gi sa me gewuragi mɔ, me kee ne sa feye gewuragi.

30 Abere abono n kya gyi gewura mɔ, me-re feye a laa wɔra abaa gyi de a' nun dabɔle. Fe laa gyi gewura Isirale nten gudu nnyɔ mɔ so de fe' gyi mɔmɔ-nbele sa mɔmɔ.”

Yesu Gi Tɔge Yee Piita Laa Kine Yee Ɔ Men Nyi Mɔ

31 Nfono mɔ Yesu gi tɔge sa Simon yee, “Simon, Simon, kere! Ilaa nyenyen pewu gemu mɔ gi kole ɔkpa de ɔ' nye fo-re fo-nanboana ade de ɔ' daase gisɔɔgyi gibono fe bo sa me mɔ kere.

32 Fo bere ne dalaa sa fo yee fo-gisɔɔgyi mɔ gin sa gi' koso me so. Nengyene fo-gisɔɔgyi gi kii wɔra ɔlon mɔ, kpaa fo-nanboana de mɔmɔ-lee gi' wɔra ɔlon kee.”

33 Simon Piita, mɔ, gi lee geno yee, “Me-wura, me laa tii fo de obu-o, me laa mɔɔ fo daa-o, me-re fo ne.”

34 Yesu gi lee geno sa mɔ yee, “Sɔɔ gibui yela, genye gede pei de kyaase gyangbarase ɔ' lɔɔ fole mɔ, fo laa soroge gikpado gisa' yee fo men nyi me.”

35 Nfono mɔ Yesu gi taase mɔ-isɔɔ mɔ yee, “Owi ɔbono ne sun feye ne fe men keda aterenbi, abee ilaa ɔwɔraten abee ayaawole mɔ, fe kpondere ilaa iko?” Me lee geno yee, “Kuaa, an kpondere sei sei.”

36 Yesu gi tɔge sa mɔmɔ yee, “Nperɛ berɛ fɛye dɔ ɔbono ɔ bo aterenbi ɔwɔraten abɛɛ atɔ ɔwɔraten mɔ o' puru keda. Ne ɔbono, mɔ, ɔɲ bo geki mɔ o' fɛ mɔ-gegbɛ de o' kyu sɔɔ geki.

37 I bo Wurubuaare agyebi mɔ dɔ yee, ‘Mɛ kale mɔ wɔra ilaa nyenyɛn awɔrabo dɔ.’

N kya buu mi-i sa fɛye yee i laa ba me so genen. Me-geSinkpan so gekyena ge kya ba laalaalɔge fɛɛ genɔɔbono me wolaa ɲmarase yela mɔ.”

38 ɔ tɔge genen ta mɔ, mɔ-isɔɔ mɔ mɛ tɔge sa mɔ yee, “ɔbelense, kere, a bo nki nnyɔ.” Ne Yesu gi tɔge sa mɔmɔ yee, “I kaabo genen.”

Yesu Gi Kpaa Dalaa Nfɔ Iyii Gibii So

39 Yesu gi lii kpe Nfɔ Iyii Gibii mɔ so, fɛɛ genɔɔbono ɔ wolaa ɔ kya wɔra mɔ, ne mɔ-akasebo mɔ me buu mɔ.

40 Mɛ fo nno mɔ, ɔ tɔge sa mɔmɔ yee, “Fɛ' dalaa yee ilaa ibono i kya ba mɔ i mɛɲ' nye fɛye penɛ de fɛ' wɔra ilaa nyenyɛn.”

41 ɔ naa taa mɔmɔ yege tu kpe ansi dɔ ɲmaraa, ne o sii ɲmii ɔ kya dalaa.

42 ɔ dalaa yee, “Me-se, nengyene fo laa kyule mɔ, nkana yege awɔrɔfɔɔ abono a kya ba me so faa a' kyon gibaafon. Ne dabɔle kole genen faa, i mɛɲ gye me-leɛ gelaare ne ge' wɔra. Fo-leɛ gelaare ne ge' wɔra.” [

43 ɔ dalaa genen mɔ, Wurubuaare ɔsɔɔ gi lii Wurubuaare dɔ ba mɔ ase baa sa mɔ ɔlon.

44 Imɔ genen gbaa mɔ, mɔ-gisen dɔ i kya dɛɛ mɔ, ne o kii lɔrɔ pɛɛɛ ansi dalaa. Gisisiri gibono gi kya lii mɔ-nyoro so gi kya tɔrɔ geSinkpan mɔ gi dɛ fɛɛ nkalan.]

45 Yesu gi kyon ɔ' kpaa dalaa mɔ, mɔ-akasebo mɔ mɛ kya yiyee mɔ so, ne ginsi gide gi baa yuuri mɔmɔ. Yesu gi dalaa ta ne ɔ baa tu mɔmɔ mɔ, mɛ dɛ ginsi gide.

46 O kyingi mɔmɔ, ne ɔ taase mɔmɔ yee, “Fɛ dɛ daa? Fɛ' koso de fɛ' dalaa yee ilaa ibono i kya ba mɔ i mɛɲ' nye fɛye penɛ de fɛ' wɔra ilaa nyenyɛn.”

Yesu Akyobo Abaa A Gyan' Mɔ So

47 Yesu san ɔ yeɛ ɔ kya tongɛ mɔ, sakpii bele ɔko gi dii lii mɔmɔ so. Gyudase ɔbono ɔ gye mɔ-isɔɔ gudu anyɔ mɔ dɔ ɔko gyangbara ɔ sa mɔmɔ. Gyudase gi fo mɔ, ɔ naa kpe Yesu ase, ɔ kya laare ɔ' faala mɔ da mɔ gya-gya.

48 O kpe Yesu ase mɔ, Yesu gi taase mɔ yee, “Gyudase, me-afaala ne? Genen ne fo laa kyu me, anyamese pewu mɔmɔ-daa mɔ, wɔra me-akyobo abaa dɔ ne?”

49 Yesu isɔɔ mɔ mɛ wu ilaa ibono i kya ba mɔ, mɛ taase Yesu yee, “Aye-wura, a' ɲɛ mɔmɔ nki?”

50 Yesu mɛɲ ti leɛ genɔ mɔ, mɔ-isɔɔ mɔ dɔ ɔko gi ɲɛɛɛ dega ɔko gyise giso fue. Dega mɔ wura ne n gye asunbi alɛɛbo gemu.

51 Nfono mɔ Yesu gi tɔge sa mɔ-isɔɔ mɔ yee, “Fɛ' taa yege!” Ne ɔ tenge mɔ-gibaa yii dega mɔ giso, ne giso mɔ gi kii baa kyaga.

52 Ne Yesu gi taase asunbi alɛɛbo abelense mɔ de Wurubuaare ɔson obu mɔ adiibo abelense de abelense sense abono me ba de mɛ' baa keda mɔ mɔ yee, “N gye oyu nyenyɛn daa, ne fɛ kyu nki de nkpotii baa keda me faa?”

53 In gye me-rɛ fɛye ne, Wurubuaare ɔson obu gikpaara mɔ so adaa-adaa? I wonɛ ne fɛ mɛɲ keda me nno? Ide kon berɛ fɛye-owi mɔ ne n fo faa, ne ilaa nyenyɛn gemu ɔbono ɔ bo lon gibiri dɔ mɔ laa nye mɔ-nyoro wɔra mɔ-gelaare kon.”

Piita Gi Soroge Gikpadɔ Gisa' Yee On Nyi Yesu

⁵⁴ Imoso me keda Yesu, ne me kpare mo kpe asunbi alebo gemu mo geten do. Me kya kpe genen mo, Piita gi buu momo giyaa-giyaa.

⁵⁵ Me loo asunbi alebo gemu mo geten do mo, me wu yee asa me baada ogya gikpaara mo so me te kyaaboo ogya mo me kya wole, ne Piita gi naa kpa kyaena momo ase.

⁵⁶ Obolonbu oko gi wu Piita te ogya mo ase, ne o kere mo-ansi do faa yiridididi, ne o toge yee, "Genen onyen baare kee mo-re Yesu ne n naa."

⁵⁷ Piita gi soroge kpale-kpale yee, "Okyii, men taa nyi mo!"

⁵⁸ I wora nmaraa mo, onyen oko kee gi wu Piita ne o toge sa mo yee, "Fo kee fo gye genen asa abono do." Piita gi lee genɔ sa mo yee, "Onyen, men bo momo do!"

⁵⁹ I kii wora nmaraa too mo, onyen oko kee gi toge yee, "I gye gesintin daa. Onyen baare kee mo-re Yesu ne n naa. I lii fee mo kee gye Galelinyen."

⁶⁰ Piita gi lee genɔ sa obono kee yee, "Onyen, men taa nyi ilaa ibono fo kya toge faa." Piita san o kya tonge mo, ayaa abono so mo, kyaase gyangbarase gi fole.

⁶¹ Nfono mo Wura Yesu gi kpele kere mo. Momo-ansi a gyan' mo, Piita gi nyingi genɔobono Wura Yesu gi wolaa toge sa mo yee, "Nde genye gede pei de kyaase gyangbarase o' loo fole mo, fo laa soroge gikpadɔ gisa' yee fo men nyi me."

⁶² Piita gi nyingi genen mo, o lii gikpaara mo so kpa su gensipeere so.

Me Daare Yesu Ne Me Toge Gelaaloo Agyebi Sa Mo

⁶³ Nfono mo, nge awura abono me kya dii Yesu mo me gyaabii mo ikpa kpei-kpei so, ne me daare mo.

⁶⁴ Me nminde mo-ansi yeye me kya ne mo, ne me kya taase mo yee, "Ane ne n ne fo? Bii obono o ne fo mo de a' kere."

⁶⁵ Me toge agyebi loose kpei-kpei gikyo sa mo kee.

Me Kyu Yesu Kpe Nbele Agyibo Ase

⁶⁶ Gede ge kpe ge kya ke mo, Gyuda awura asunbi alebo abelense de momo nbara anmarasebo de momo abelense gbaa'gbaa ako me baa gyan', ne me yeye me kpa kyu Yesu bara momo.

⁶⁷ Me kyu mo ba mo, abelense mo me taase mo yee, "Fo ne n gye obono Wurubuaare gi wolaa toge yee o laa sun de o' baa gyi gewura mo-ade so mo? Toge aye." O lee genɔ sa momo yee, "Me ne n kine n' toge feye nne mo, fe man so me gyi."

⁶⁸ Nengyene ne kii taase feye ilaa iko kee mo, fe man lee genɔ sa me.

⁶⁹ Lii nde kyu i kya kpe mo, me, anyamese pewu momo-daa mo, nan san kyena daa Wurubuaare Ololonbo mo gyise giba so n kya gyi gewura."

⁷⁰ O toge momo genen mo, momo pewu me taase mo yee, "Genen bere mo, fo ne n gye Wurubuaare mo-bi mo ne!" O lee genɔ yee, "Feye gbaa-gbaa fe bii ne."

⁷¹ Me nu genen mo, me taase abara yee, "Ilaa imo ne a baa a kya laare de a' baa nu lii mo so? Aye gbaa-gbaa a nu de aye-aso lii mo-genɔ do kon."

23

Me Kyu Yesu Kpe Obelense Pilato Ase

¹ Me toge genen mo, abelense gikpen mo pewu me koso ne me kyu Yesu kpe Obelense Pilato ase.

2 Me kpe fo Pilato ase mo, me yii gese me kya buu momo-lee geno me kya sa Pilato yee, "A wu onyen baare yele o kya peno aye-ade Gyuda awura. O gya momo yee me' menj sa me' soo Rom awura wura bele obono o kya kere aye so mo lenpoo. O kya kyu mo-nyoro yee mo ne n gye wura obono Wurubuaare gi wolaa toge yee o laa sun mo."

3 Imoso Pilato gi taase Yesu yee, "Fo ne n gye wura sa Gyuda awura mo?" Ne Yesu gi lee geno yee, "Fo-geno do ne i lii."

4 Nfono mo Pilato gi toge sa Gyuda awura asunbi aleebo abelense mo de sakpii mo yee, "Me bere, menj wu ilaa nyenyen iko lii genen onyen baare so."

5 Pilato gi buu sa momo genen mo, me kii loro toge bola yee, "Genen onyen baare kya yogesi asa mo-ilaa nyiilese do Gyudiya gesinkpan pewu so. O yii gese lii Galeli gesinkpan so kaabore o kyu baa loo gerenaa."

6 Pilato gi nu genen mo, o taase momo yee, "O gye Galelinyin daa?"

7 Pilato gi bii yee Yesu gi lii daa nfono so Wura Herode kya kere mo, o yeye me kyu Yesu kyu kpere Herode. Genen owi obono mo Herode gbaa-gbaa kee bo Gyerusalem nno.

Me Kyu Yesu Kpe Wura Herode Ase

8 Herode gi da de ginsi ne o wu Yesu mo, i wora mo okon gikyo kyode. I kya nyiile yee o nu Yesu so mo, i keela, ne o kya laare o' wu mo de ansi. O kya laare fee Yesu o' wora ilaa ibono nyamese manj taale wora mo-gibaa so mo iko de o' kere.

9 Herode gi taase Yesu ilaa gikyo. Yesu, mo, menj lee geno sa mo.

10 Gyuda awura asunbi aleebo mo de momo-nbara anmarasebo me yele nno me kya kyu ilaa ibono i bo lon mo me kya gyan' Yesu so.

11 Nfono mo Herode mo-re mo-ngbe awura mo me kyefoo Yesu, ne me gyaabii mo ikpa kpei-kpei so. Me kyu giwurakuru kyu gyaabii bun mo, ne Herode gi yeye me kyu mo kiiri kpere Obelense Pilato.

12 Nkana Pilato mo-re Herode me menj kya loo. Kyu lii genen geke gebono kyu kyon mo, me kyu abara gekyemene.

Me Toge Yee Yesu O' Wora Imoso

13 Me kiiri Yesu bara Pilato mo, o tere Gyuda awura asunbi aleebo de momo-abelense gbaa'gbaa de momo-asa sense abono me bo nfono mo,

14 ne o buu sa momo yee, "Fe kyu genen onyen baare ba me ase mo, feye yee o kya yogesi asa. Ilaa ibono fe de fe kya gyan' mo so mo, ne taase mo feye-ansi do gerenaa mo, menj wu yee o wora imo iko-re iko.

15 Herode kee menj wu ilaa nyenyen iko mo so. I kya nyiile yee ne yeye me kyu mo kpe Herode ansi do ne Herode gi kpa kiiri mo bara me-re feye faa. Fe' nu yee ilaa iko i menj bo no i kya nyiile yee onyen baare gi wora ilaa nyenyen ibono i kaabore o' wora imoso mo.

16 Imoso nan yeye me' biide mo-giso de n' taa mo yeye de o' naa." [

17 I wolaa i gye ilaa ibono Obelense Pilato kya wora sa Gyuda awura mo yee nengyene me laa gyi momo-geke bele gede mo, o kya tigi momo-asa abono o keda tii de obu mo do nyamese kolon de o' naa. Genen so mo, Pilato gi taase Gyuda awura mo yee ane ne me kya laare de o' tigi sa momo genen gesi gebono do?]

18 Sakpii mo gi nu yee o laa tigi Yesu mo, momo pewu me kpen gikolon yee, "Fe' kyu genen onyen baare kpa mo! Fe' tigi daa Barabase sa aye!"

19 Ibono so Barabase tii de obu genen mo ne n gye yee owi oko do mo, mo-re asa ako me koso ko de abeyin awura Gyerusalem osowole mo so, ne o mo isa genen iko ibono do.

²⁰ Pilato gi laare fɛɛ nkana ɔ taa Yesu yɛgɛ de ɔ' naa. Genen so mɔ, ɔ kii kpen tɔngɛ sa sakpii mɔ de ɔ' buɛɛɛ mɔmɔ.

²¹ Sakpii mɔ, mɔ, kpe ɔ kya kpen ɔ kya sa mɔ yɛɛ, “Da mɔ aɗanbi oyii so! Da mɔ aɗanbi oyii so mɔ!”

²² Mɛ tɔgɛ sa Pilato genen mɔ, ɔ kii taase mɔmɔ gisase yɛɛ, “De i' wonɛ? Mɛnɛ ilaa nyenyɛn ne ɔ wɔra? Mɛɗ wu ilaa ibono ɔ wɔra ne i kaabore ɔ' wɔra ɔmɔɔsɛ mɔ. Imɔso nan yɛgɛ mɛ' biide mɔ-giso de n' taa mɔ yɛgɛ de ɔ' naa.”

²³ Pilato gi tɔgɛ sa mɔmɔ genen mɔ, mɛ lɔrɔ mɛ kya kpen ken-ken yɛɛ ɔ' da mɔ aɗanbi oyii so mɔ. Mɛ kpe ma-a kpen genen mɔ, mɔmɔ-lɛɛ mɔ ne Pilato gi san nu.

²⁴ O kyule yɛɛ ɔ laa wɔra ilaa ibono mɛ kya laare mɔ sa ɔmɔ.

²⁵ ɔ tigi ɔnyɛn ɔbono ɔ bara iko ne ɔ mɔɔ isa mɔ sa mɔmɔ. Yesu bere, ɔ yɛgɛ mɛ kyu mɔ kyon de ɔ' kpaa wɔra ɔmɔɔsɛ fɛɛ genɔɔbono mɛ kya laare mɔ.

Mɛ Da Yesu Aɗanbi Mada De Oyii

²⁶ Mɛ de Yesu mɛ kya kpe genen mɔ, mɛ gyangara Simon ɔbono ɔ lii Siirini mɔ. Mɛ wu mɔ mɔ, ɔ naa ɔ kya ba ɔ' baa loo ɔsowole mɔ so, ne mɛ nyise mɔ yɛɛ ɔ' sola Yesu lɛwu oyii mɔ. Mɛ kyu oyii mɔ sola mɔ yɛɛ ɔ' buu Yesu de mɛ' kpe.

²⁷ Sakpii belɛ buu mɔmɔ. Akyii ako kee mɛ buu mɔmɔ mɛ kya saawo mɛ kya yiɛɛ mɛ kya sa Yesu.

²⁸ Yesu gi kisee tɔgɛ sa akyii mɔ yɛɛ, “Gyɛrusalem akyii, fe' mɛɗ sa fe' su sa mɛ. Fe' su sa daa fɛye-nyoro de fɛye-biana.

²⁹ Awɔrɔfɔɔ owi kya ba. Asa abono mɛ laa wu awɔrɔfɔɔ abono mɔ mɛ laa tɔgɛ yɛɛ, ‘Amudensebo ne n gye alabanbo de abono nbii mɛɗ nyabo mɔmɔ kerɛ mɔ.’

³⁰ Awɔrɔfɔɔ belɛ abono so mɔ, asa mɛ laa tɔgɛ sa abii de nbiibi yɛɛ, ‘Fe' boori bun aye so.’

³¹ Asa mɛ de mɛ ɔbono n de fɛɛ oyii bonboli mɛ kya wɔra ɔgya faa mɔ, fɛye abono fe de fɛɛ ngya wolese mɔ bere ne mɛ laa yɛgɛ?”

³² Asa mɔ mɛ de Yesu mɛ kya kpe genen mɔ, mɛ de ilaa nyenyɛn awɔrabo anyo ako kee mɛ kya kpe mɛ' kpaa da aɗanbi iyii so mɔ.

³³ Mɛ naa genen kpaa fo gikpalan giko ase. Mɛ kya tɛɛ nno yɛɛ Gimu Giwuye Gikpalan. Nno ne mɛ da Yesu mɔ-rɛ ilaa nyenyɛn awɔrabo anyo mɔ aɗanbi mada de iyii. Mɔmɔ dɔ ɔko bo de Yesu gyise so ne ɔko, mɔ, bo de mɔ-bene so. I san Yesu, mɔ, bo nsana. [

³⁴ Nfɔno ne Yesu gi dalaa kole Wurubuaare sa abono mɛ da mɔ aɗanbi mada de oyii mɔ yɛɛ, “Mɛ-sɛ, kyu kyɛɛ mɔmɔ. Mɛ mɛɗ nyi ilaa ibono mɛ kya wɔra faa.”] Mɛ wɔra ilaa ide pɛwu ta mɔ, mɛ yɛ mɔ-nyoro so atɔ kyu. Mɛ kya yɛ atɔ mɔ mɔ, mɛ too ilaa iko kerɛ. ɔbono i yii de mɔ mɔ, ɔ kyu.

³⁵ Genen owi ɔbono pɛwu mɔ, asa mɛ yeɛ mɛ kerɛ mɔ. Ne Gyuda awura abelɛnsɛ mɔ mɛ kya yoole mɔ. Mɛ kya tɔgɛ yɛɛ, “Mɔ ne n mɔlɛgɛ asa; ɔ' mɔlɛgɛ mɔ-nyoro. Nengyene ɔ gye ɔbono Wurubuaare ne n lɛɛ gibaa yii yɛɛ ɔ' mɔlɛgɛ asa mɔ, ɔ' mɔlɛgɛ mɔ-nyoro de a' kerɛ.”

³⁶ Asogya mɔ kee mɛ yoole mɔ, ne mɛ kpaa kyu mɔmɔ-nta bonyanse nko kyu ba mɛ kya sa mɔ,

³⁷ ne mɛ tɔgɛ sa mɔ yɛɛ, “Fo ne n gye wura sa Gyuda awura mɔ gɛsintin mɔ, mɔlɛgɛ fo-nyoro de a' kerɛ.”

³⁸ Mɛ nɛmarase kpaa mada Yesu amu so yɛɛ,

GYUDA AWURA WURA Mɔ NE.

³⁹ Ilaa nyenyen aworabo anyo mo do oko mada de mo-lee oyii mo mo, o toge ilaa loose sa Yesu yee, "In gye fo ne Wurubuaare gi sun yee fo' baa gyi gewura mo Wurubuaare ade so mo? Kii molege fo-nyoro de fo' molege aye kee."

⁴⁰ O kya toge genen mo, mo-nanbo ilaa nyenyen aworabo mo gi gya mo yee on' baa toge genen, ne o taase mo yee, "Fo men sele Wurubuaare do-o? Aye-re mo pewu ne me kya biide giso me kya mo faa."

⁴¹ Aye bere, i kaabore aye. I lii fee aye-ilaa nyenyen ibono a wora mo giko ne me kya ka aye faa. Onyen baare, mo, on wora ilaa nyenyen iko."

⁴² Onyen mo gi toge sa mo-nanbo mo genen mo, ne o kisee toge sa Yesu yee, "Yesu, n de fo gisere, nyingi me so owi obono fo-gewuragi mo ge laa yii fo-gibaa mo."

⁴³ Nfono ne Yesu gi toge sa mo yee, "Gesintin ne n kya buu mi-i sa fo faa, nde geke gede fo laa loo okyoolaten me ase Wurubuaare do."

Yesu Gi Lee On

⁴⁴⁻⁴⁵ I baa wora fee owi ken-ken gere-gere mo, owi men baa o kya lii ne i wora gibiri sirim genen gesinkpan mo pewu so kaabore owi gbaase. Gikuru gibono gi ti Wurubuaare obu bele mo gi kyan ginyo lii soso baa yii gese kyim.

⁴⁶ Nfono mo, Yesu gi kpen ken-ken toge sa Wurubuaare yee, "Me-se, fo-aba do ne n' de me-on mi-i wora." O toge genen ta mo, o lee on.

⁴⁷ Asogya abono me kya dii Yesu mo momo-obelense gi wu ilaa ibono i ba genen mo, o yen Wurubuaare ne o toge yee, "Gesintin, onyen baare tansi o gye gesintin wura."

⁴⁸ Genen kee ne sakkii bele obono o kpa yele kere Yesu gimoo ne me wu ilaa kamaase mo me kii me kya kpe gewi mo, momo okamaase kya we nyoro o kpe o de mo-aba o kya suii mo-gikan. I kya nyiile yee, momo-asen do i nyida momo gikyo.

⁴⁹ Yesu mo-kyemeneana de akyii abono me buu mo lii Galeli kpe Gyerusalem mo me yele geta-geta wu ilaa ide pewu.

Me Pule Yesu

⁵⁰ Onyen oko bo genen osowole mo so. Me kya tere mo yee Gyosefo. O lii Arimatiya, Gyudiya awura osowole oko so. O gye Gyuda awura nbele agyibo abelense mo do oko. O gye isa dense ne o kya gyi gesintin.

⁵¹ Mo bere, o men yele kyule ibono me kyu wora Yesu mo. Owi kamaase do mo, mo-ansi a gyan' gekaabono asa me laa nye Wurubuaare gewuragi do gekyena mo.

⁵² Genen Gyosefo baare gi kpe Pilato ase kpa kole mo yee, o kya laare o' kpa saga Yesu gibuni mo lii lewu oyii mo so kyu kpa pule. Pilato men kine.

⁵³ Imoso Gyosefo gi kpa saga Yesu gibuni mo. O kyu gikеле kyu mili obuni mo ne o kyu mo kpa pule gifole gibono me wolaa logedi wora obo yela sa ibuni gipule mo do. Me men ti taa pule obuni genen folebo obono do kere.

⁵⁴ Owi kya ta momo. Genen geke gebono ge gye abaala geke kyu sa momo Gyuda awura geke kyoolase so mo, me kya kpaala.

⁵⁵ Akyii abono me buu Yesu lii Galeli ba Gyerusalem nfono mo me buu Gyosefo kpe, ne me kperere momo-ansi kpa wu folebo mo de genobono Gyosefo gi kyu pule Yesu mo.

⁵⁶ Owi kya ta so mɔ, akyii mɔ mɛ kii kpe gɛwi, ne mɛ kpaa baala ilaa ikoana ibono mɛ kya kyu bɔ ibuni mɔ fɛɛ onufuii de pipere yela. Mɛ kyena kyoola geke kyoolase mɔ, fɛɛ gɛnɔɔbono mɔmɔ-nbara gi kya nyiile mɔ.

24

Yesu Gi Kyingi Lii Ibuni Dɔ

¹ Mɛ pule Yesu mɔ, imɔ Kosida gibaadiike mɔ, akyii mɔ mɛ kyu ibono mɛ kpaa baala yela i de fɛɛ onufuii de pipere mɔ kyu kyon kpe Yesu folebo gekyan mɔ ase de mɛ' kyu imɔ kyu kpaa bɔ mɔ.

² Mɛ fo nno mɔ, mɛ wu gibui bele gebono nkana gi tii folebo mɔ gebunono mɔ gi belen kpe gi de nkan.

³ Nfono mɔ, mɛ loo folebo mɔ dɔ. Mɛ loo nno genen mɔ, mɛ mɛɲ wu Wura Yesu gibuni mɔ.

⁴ I wɔra ɔmɔ ya-a. Mɛ san sii mɛ yele. Mɛ yele mɔ, anyen anyɔ ako mɛ lii tuule mɔmɔ. Mɛ suu ngbe, gi kya njelegi njale-njale.

⁵ I wɔra akyii mɔ gifuu gikyo, ne mɛ kyu mɔmɔ-ansi too gese. Nfono mɔ anyen mɔ mɛ taase mɔmɔ yɛɛ, "Mene n wɔra ne fe ba ibuni opuleten ba fe kya laare obono ɔ te de ansi mɔ?"

⁶ ɔ mɛɲ bo gere. O kyingi lii ibuni dɔ. Fe' nyingi ilaa ibono ɔ wolaa toge feye nke nbono ɔ bo feye ase Galeli gesinkpan so mɔ.

⁷ ɔ toge feye yɛɛ i gye ilaa ibono i laa ba yɛɛ mɛ laa kyu mɔ obono ɔ gye anyamese pewu mɔmɔ-daa mɔ kyu wɔra ilaa nyenyen awɔrabo abaa dɔ de mɛ' da mɔ aɲanbi mada de oyii de o' wu'. Imɔ geke sase mɔ, ɔ laa kyingi lii ibuni dɔ."

⁸ Anyen mɔ mɛ toge genen ta mɔ, nfono mɔ, akyii mɔ mɛ nyingi yɛɛ Yesu gi naa kyena toge ɔmɔ genen ilaa ide.

⁹ Akyii mɔ mɛ lii opuleten mɔ mɔ, mɛ kyon Yesu isɔɔ gudu ɔko mɔ de mɔ-akasebo sense mɔ ase, ne mɛ kpaa buu ilaa ibono mɛ kpaa wu nno mɔ pewu sa mɔmɔ.

¹⁰ Akyii abono mɛ kpaa buu ilaa ide sa Yesu isɔɔ mɔ ne n gye Mariya Magadalakyii de Gyowana de Mariya, Gyeemesi mɔ-nyii. Akyii ako kee mɛ bola mɔmɔ so.

¹¹ Yesu isɔɔ mɔ mɛ nu ilaa ibono akyii mɔ mɛ kpaa wu mɔ, mɛ mɛɲ kyu imɔ kyu wɔra ilaa dɔ; mɛ mɛɲ sɔɔ imɔ gyi. [

¹² Piita bere gi nu genen mɔ, ɔ koso ne o kuu ɔnangya kyon gekyan mɔ geten. ɔ fo nno mɔ, o sunge kere folebo mɔ dɔ, mɔ, o wu daa gikɛɛɛle gibono mɛ kyu mili Yesu mɔ wolɛ ne n de. I wɔra mɔ giyan, ne ɔ lii nno san ɔ kya sa imɔ so gɛwɔnsa.]

Yesu Gi Lɛɛ Mɔ-Nyoro Nyiile Mɔ-Akasebo Anyɔ Ako

¹³ Genen geke kolon gebono mɔ, Yesu akasebo mɔ dɔ anyɔ ako mɛ kya kpe ɔsowole ɔko so. Mɛ kya tere genen ɔsowole mɔ yɛɛ Imayɔse. Lii Gyerusalem kpe nno mɔ, i gye akpaaten sono.

¹⁴ Mɛ kya kpe mɔ, mɛ kya gyi nsingyi kyu lii ilaa ibono pewu i ba Yesu so mɔ,

¹⁵ ne mɛ kya sa imɔ so gɛwɔnsa. Nfono mɔ, Yesu gbaa-gbaa gi kpaa tu mɔmɔ, ne mɔmɔ pewu mɛ san naa dabɔle mɛ kya kpe.

¹⁶ Mɔmɔ-re mɔ mɛ naa genen mɔ, i lɛɛ mɔmɔ-nwɔnsa, mɛ mɛɲ nye bii mɔ.

¹⁷ Nfono mɔ, Yesu gi taase mɔmɔ yɛɛ, "Mene nsingyi ne fe naa fe kya gyi ne i bo feye ayen genen?" ɔ taase ɔmɔ genen mɔ, mɛ sii yele.

18 Ne mómó dó obono mé kya tere mó yée Kulopase mó gi lée genó taase mó yée, “Ilaa ibono i ba Gyerusalem genen nke nsa nde dó faa, imóso fo-wole ne n gye isafo obono fo menj ti nu imó?”

19 Yesu gi kisee taase yée, “Mene ilaa?” Ne mé lée genó sa mó yée, “Ilaa ibono i ba Yesu Nasaretinyen mó so mó ne a dare. Nkana ó gye daa Wurubuaare ikalan atógebo. Wurubuaare gbaa-gbaa de anyamese pewu mé wu yée mó-ilaá wórase de mó-ilaá tógese i bo duduu.

20 Aye Gyuda awura asunbi alébo abelense de aye-abelense gbaa'gbaa mé kyu mó wórá abeyin abaa dó yée ó' yége mé' móó mó, ne gesintin mó, mé da mó ananbi oyii so móó.

21 “Aye, mó, aye-ansi a gyan' yée nkana mó ne n gye obono ó laa lée aye Isirale awura lii aye-akyobo abaa dó de aye-nyoro gi' tóro aye. Mé móó mó faa, nde nke nsa ne.

22 Imó ide pewu gemara mó, nde mó aye-gikpen mó dó akyii ako mé yége i wórá aye ya-a. I lii fée gibaadiike mó, mé koso kpe Yesu gekyan mó geten;

23 mó, mé menj wu mó-gibuni mó. Mé kii ba baa tóge sa aye yée mé kpe mó, mé wu Wurubuaare dó isóó iko. Wurubuaare dó isóó mó mé tóge sa mómó yée Yesu te de ansi.

24 Aye dó ako kee mé kpe gekyan mó geten nno. Mé kpaa wu fée genóobono akyii mó mé baa tóge mó. Mómó kee mé menj wu mó.”

25 Mé tóge genen ta mó, Yesu gi tóge sa mómó yée, “Fé ñaabaa-o! imóso kookoomene fe kya nu ilaa ibono Wurubuaare ikalan atógebo mó mé tóge yela pewu faa mó, fénj ti sóó imó gyi?”

26 Fé menj nyi yée i kaabore obono Wurubuaare gi sun yée ó' gyi gewura mó Wurubuaare ade so mó ó' wu ólaawuse obono onan pei de mó-nyisigyí mó ó' lóó yii mó-gibaa?”

27 Nfono mó Yesu gi lée Wurubuaare agyebi abono mé tóge kyu naa de mó so mó gese sa mómó. Ó yii gese lii Mosisi iwolé mó dó kyu kpaa lii Wurubuaare ikalan atógebo asense mó pewu-lée mó dó.

Akasebo Mó Ansi A Bugi, Ne Mé Bii Yesu Kon

28 Mé fo ósowolé obono so mé kya kpe mó, Yesu gi wórá fée mó bere ó kya loo ó kya lii daa.

29 Mé wu genen mó, mé keda mó yela yée, “Owi gi ta. I laa bun fo ókpa dó. Naa de aye ase gere.” Mé tóge mó genen mó, ó nu mómó ase.

30 I fo owi gyise mó, ó puru bodobodo ne ó faala Wurubuaare ne ó gbaa-gbaa bodobodo mó dó ne ó kyu sa mómó.

31 Nfono mó, mómó-ansi a bugi ne mé bii mó kon. Ayaa abono so mó, menj baa wu mó.

32 Mé san mé kya tóge ma-a sa abara yée, “Nkyée imóso ne ó kya lée Wurubuaare agyebi mó gese ó kya sa aye ókpa dó ne i keda aye-nyoro ne i wórá aye-asen dó ókon mé.”

33 Menj baa wu Yesu genen mó, mé nyise koso ayaa abono so kii kpe Gyerusalem nfono Yesu isóó mó mé bo mó. Mé loo nno mó, mé wu Yesu isóó gudu óko mó mómó-ré Yesu akasebo ako mé koola mé te,

34 ne mé nu mé kya tóge ma-a sa abara yée, “Aye-wura mó gi kyingi lii ibuni dó gesintin. Ó lée mó-nyoro nyiile Simon.”

35 Nfono mó, anyen anyó mó kee mé lée mómó-lée ibono mé wu mó tóge sa mómó. Mé tóge ibono i ba ókpa dó mó de genóobono mómó-wura mó gi gbaa gbaa bodobodo dó kyu sa mómó ne mé lóó bii mó mó kee sa mómó.

³⁶ Anyo mo me san me kya toge imo mo, me baa kere mo, Wura Yesu gbaa-gbaa ne n yele momo do. [Ne o faala omo yee, "Wurubuaare gisen yuuli gi' wora feye-lee."]

³⁷ Me wu Yesu genen mo, i nmaa momo-gisen ne i wora momo gifuu. Me nyi yee obuni.

³⁸ Nfono mo Yesu gi taase momo yee, "Mene n wora ne i bo feye-nwansa do kpada-kpada? Mene n wora ne fe bo akwole genen?"

³⁹ Fe' kere me-abaa, de fe' kere me-ayaa. Me gbaa-gbaa ne. Menj gye obuni. Fe' tabo me de fe' kere. Obuni menj bo awuye de nyoro inun fee me-lee ide." [

⁴⁰ O toge imo ide mo, o kyu mo-abaa de mo-ayaa kyu nyiile momo.]

⁴¹ Imo genen gbaa mo, genooono i wora momo okon kyode so mo, i de momo fee i gye daa abon ne i de momo-geno. Imoso Yesu gi taase momo yee, "Fe bo ilaa gyise iko gere?"

⁴² O taase genen mo, me sa mo oken.

⁴³ O soo oken mo ne o we, momo pewu ansi do nfono.

⁴⁴ Nfono ne o toge sa momo yee, "Ilaa ibonoana fe wu i ba me so faa, owi obono n bo feye ase mo, ne wolaa toge sa feye yee i laa ba gesintin fee genooono me wolaa nmarase yela mo. Ilaa ibono i bo Mosisi nbara mo do mo de ibono Wurubuaare ikalan atogbebo mo me yege me nmarase yela mo de ibono i bo Wurubuaare Ilon Owole mo do kyu lii me so mo pewu i kaabore i' ba gesintin."

⁴⁵ Nfono mo o yege me nye nu Wurubuaare agyebi mo gese,

⁴⁶ ne o toge sa momo yee, "Me nmarase yela Wurubuaare agyebi mo do yee i de sa obono Wurubuaare laa sun de o' molege mo-ade mo yee o' wu olaawuse lewu de imo geke sase mo o' kyingi lii ibuni do.

⁴⁷ Me kii nmarase yee asa me laa naa kaase mo ginyen do me kya toge okamaase yee o' kyeege lii mo-ilaa nyenyen giwora do de Wurubuaare o' kyu mo-ilaa nyenyen kyee mo. Me laa toge ilaa ide sa gesinkpan so asa kpei-kpei pewu. Me laa yii gese lii daa Gyerusalem gere.

⁴⁸ Feye ne n gye abono fe wu ilaa ibono ne wora de ilaa ibono i ba me so mo pewu de feye-ansi. Feye ne nan toge me-ila sa asa de me' nu.

⁴⁹ Fe' nu! Nan kyu me-se Wurubuaare olon obono o ka yela sa feye mo kyu bunge feye. Imoso, fe' kyena Gyerusalem gere gyoo genen olon mo. O laa kpelege lii Wurubuaare do baa bun feye so."

Wurubuaare Gi Puru Yesu Kyu Dii Kpe Mo Ase

⁵⁰ Yesu gi tonge sa momo ta mo, o kpare momo lii osowole mo so. Me kpaaf fo sindi Betani mo, o diire mo-abaa momo so ne o kole Wurubuaare ayuule bun omo so.

⁵¹ O san o kya yuule momo mo, i puru mo dii kyon kpe Wurubuaare do taa momo yege.

⁵² Me son Yesu nno, ne me kii kpe Gyerusalem de okon bele.

⁵³ Kpe kyu lii genen geke gebono mo, me kya kpe Wurubuaare onon obu gikpaara mo so geke kamaase kpaaf yen Wurubuaare.

Gyon Okalan Konkonse Obono O Nmarase Kyu Lii Yesu So Mo

Wurubuaare Gigyebi Mo Gi Baa Bingiri Nyamese

¹ Lii ko-o gese de gese mo, Wurubuaare Gigyebi mo gi bo no. Obono o gye genen Gigyebi mo ti o bo Wurubuaare ase, ne Gigyebi mo kee gi gye Wurubuaare.

² Gigyebi mo gi bo Wurubuaare ase lii ko-o gese de gese.

³ Ilaa kamaase ibono Wurubuaare gi lee soso de gese pewu mo, o lee imo naa daa de mo-Gigyebi mo so. Sei men bo no ibono Wurubuaare gi lee yee in gye mo-re mo-Gigyebi mo ne n lee imo.

⁴ Lii Wurubuaare Gigyebi mo so ne anyamese me kya nye Wurubuaare ase gekyena onan ne genen gekyena mo ge gye fatela sa anyamese.

⁵ Fatela mo kya wu gibiri do, ne gibiri mo gi men taale mo fatela mo.

⁶ Wurubuaare gi sun onyen oko me kya tere mo yee Gyon.

⁷ O sun mo de o' baa toge ilaa ibono o nyi kyu lii fatela mo so mo sa asa de okamaase o' kyu mo-nyoro too fatela mo so kyu lii ilaa ibono genen Gyon baare laa buu sa momo mo so.

⁸ Gyon men gye fatela mo bere. O ba de o' baa buu fatela mo nyoro so ilaa sa asa daa.

⁹ Fatela mo gbaa-gbaa bo no. Mo ne n kya kyange sa nyamese kamaase ne i kya wu mo mo. Genen fatela mo ne n kya ba gesinkpan so faa.

¹⁰ O wolaa o bo gesinkpan mo so ne mo ne n lee gesinkpan mo, ne gesinkpan so anyamese me men bii mo.

¹¹ O ba mo gbaa-gbaa mo-gesinkpan so, ne mo gbaa-gbaa asa men kyule so mo.

¹² Asa abono me so mo, ne me kyu momo-nyoro too mo so mo bere, Wurubuaare gi sa momo okpa de me' wora mo Wurubuaare mo-biana gesintin.

¹³ Genen Wurubuaare mo-biana abono, momo-re Wurubuaare gese de gibe mo gi men de fee ibono anyamese me kya da ito koroge mo. Ne in gye nyamese anokyu abee nyamese ne n wora adawo sa gewonsa kyu koroge momo. Wurubuaare gbaa-gbaa ne n yege ne me wora mo-biana.

¹⁴ Genen Wurubuaare Gigyebi gibono gi baa wora nyamese ne o kyena saare aye do. A wu mo-nyisigyi de aye-ansi. Genen nyisigyi obono o bo mo kya nyiile yee mo-nkon ne n gye Wurubuaare mo-bi obono o lii Wurubuaare ase. O kpe o kya sa aye so gewonsa dense ne o tansi o gye gesintin wura.

¹⁵ Genen Wurubuaare Gigyebi gibono ilaa ne Gyon gi toge mo. Gyon gi lee gibaa nyiile mo yee, "Ode ilaa ne ne naa kyena toge yee, 'Mo obono o laa ba me-gemara mo gi don me ilaa kamaase do mo. I kya nyiile yee o wolaa o bo no pei ne i loo koroge me.' "

¹⁶ O ta gudu ilaa kamaase do so mo, o kya sa aye so gewonsa dense ne o kya wora ilaa o kya sa aye pewu o kya kpe o kya ba.

¹⁷ Wadaa Wurubuaare gi sa anyamese mo-onon nbara mo, o kyu naa daa de Oloobu Mosisi so. Ne Wurubuaare gi san lee mo-gewonsa dense de mo-gesintin nyiile anyamese mo, o kyu naa daa de Yesu Kirisito so.

¹⁸ Nyamese kamaase men ti taa wu Wurubuaare kere. Wurubuaare mo-bi kolon obono o nyi Wurubuaare gisen do ilaa mo ne n lee Wurubuaare gidebi nyiile anyamese.

Gyon Obono O Loro Okpa Sa Omolegebo Mo

¹⁹ Fe' nu ilaa ibono Wurubuaare gi sun Gyon yee o' baa toge anyamese mo. I lii fee Gyuda awura abelense abono me bo Gyerusalem osowole so mo, me sun Wurubuaare asunbi alebo ako de Lefi gikpen do asa ako Gyon ase, ne me kpaa taase mo yee mo ne n gye ane?

²⁰ Me kpaa taase mo genen mo, o toge gesintin sa momo. O men para omo. O toge tigi momo yee, "I men gye me ne n gye asa omolegebo obono Wurubuaare yee o laa sun mo."

²¹ Gyon gi toge momo genen mo, me kii taase mo yee, "Ne in gye fo ne n gye kaase obono mo, fo ne n gye ane? Fo gye Oloobu Ilaagya abee?" Gyon gi lee geno yee, "Kuaa, men gye Ilaagya." "Mo, fo ne n gye Wurubuaare ikalan otogebo mo?" Ne Gyon gi kii lee geno yee, "Kuaa."

²² Nfono mo, isoo mo me toge mo yee, "Kii toge aye isa obono fo gye mo. I kaabore a' nye ilaa iko kpaa toge abono me sun aye mo. Fo gbaa-gbaa ase mo, fo ne n gye ane daa?"

²³ Gyon gi toge sa momo yee, "Wurubuaare ikalan otogebo obono me kya tere mo yee Isaya mo gi nmarase yela Wurubuaare agyebi do yee, Me laa nu oko gigyebi gipen do,

o laa kpen o kya toge o kya sa momo yee,

'Fe' lora feye-akyanabi de fe' baala feye-nyoro gyoo Wurubuaare.'

Me ne n gye genen kaase obono Isaya dare mo."

²⁴ Gyuda awura abelense abono me sun isoo mo Gyon ase genen mo me gye daa Farasii gikpen do asa.

²⁵ Imoso isoo mo me taase Gyon yee, "Fo yee in gye fo ne n gye obono Wurubuaare laa sun de o' baa molege aye mo, fon gye Oloobu Ilaagya, ne fon kii fo gye Wurubuaare ikalan otogebo mo, i wone so ne fo kya gyere asa Wurubuaare sagyere?"

²⁶ Me taase Gyon genen mo, o lee geno yee, "Me bere, n de daa nkyu n kya gyere feye Wurubuaare sagyere. Oko, mo, gi ti ba o saare feye do gbaa, fen kii fe nyi mo.

²⁷ I bo no yee n gye mo-obelense bere. Men kii fo mo de sei. Fee n' ba gese de n' kyu mo-ayaawole kyu tole mo-ayaa do sa mo gbaa mo, men fo."

²⁸ Genen ilaa ide pewu i ba daa Betani osowole so Gyodan obon gibenbe giko mo so owi obono Gyon kya gyere asa Wurubuaare sagyere mo.

Yesu Gi Wora Fee Wurubuaare Sande

²⁹ Imo gede kese mo, Gyon gi wu Yesu naa o kya ba de mo ase, ne o toge yee, "Fe' kere obono Wurubuaare laa kyu lee asunbi fee sande mo. Onyen baare lewu ne nan kpaare anyamese ilaa nyenyen fue sa momo.

³⁰ Ode ilaa ne ne naa kyena toge yee, 'N gye mo-obelense bere. Men kii fo mo de sei mo. I kya nyiile yee o wolaa o bo no pei ne i' loo koroge me.'

³¹ Me-gibaa so mo, man wu mo bii. Mo so ne Wurubuaare gi sun me ba gesinkpan so de n' gyere asa Wurubuaare sagyere de n' baa lee mo gewi nyiile Isirale awura."

³² Gyon gi buu Yesu ilaa sa asa mo yee, "Ne wu Wurubuaare Oduduu mo gi kpelege fee bombue lii soso, ne o baa suu de Yesu.

³³ Genen owi obono pewu mo, men wolaa bii mo. Wurubuaare obono o sun me yee n' baa gyere asa Wurubuaare sagyere mo ne n toge sa me

yee, 'Nyamese obono fo wu Wurubuaare Oduduu mo gi kpelege lii soso baa suu de mo mo, genen kaase obono ne nan kyu Wurubuaare Oduduu kyu gyere asa Wurubuaare sagyere mo.'

³⁴ Ne wu imo de me-ansi. Imoso ne n' kya buu mi-i sa feye yee mo ne n gye Wurubuaare mo-bi mo."

Yesu Akasebo Gyangbarase

³⁵ Imo gede kese kee mo, Gyɔn mo-re mo-akasebo mo do anyo ako me yele.

³⁶ O wu Yesu naa o kya kyon mo, o toge yee, "Fe' kere. Obono Wurubuaare laa kyu lee asunbi fee sande mo ne."

³⁷ Gyɔn akasebo mo me nu ibono o toge genen so mo, me naa buu Yesu.

³⁸ Yesu gi kisee kere ne o wu momo me buu mo genen mo, o taase momo yee, "Mene ne fe kya laare?" Me lee geno yee, "Rabi! Fone ne fo soge?" (Rabi gese ne n gye yee onyillebo.)

³⁹ Me taase mo-olooten genen mo, Yesu gi toge sa momo yee, "Fe' baa kpe de fe' kpa kere." Imoso me naa buu mo kpa fo nfono o bo mo. Me kyena mo ase nno owi obono okara o san genen geke mo do mo pewu. Owi obono me naa buu Yesu genen mo, i laa wora fee owi gbaase, iwi inan do.

⁴⁰ Andiru, Simon Piita mo-tede, gye asa anyo abono me nu ilaa ibono Gyɔn gi toge mo ne me naa buu Yesu mo do oko.

⁴¹ Andiru gi kpe nno kii ba mo, ilaa ibono o daa giwora mo ne n gye yee o kpa laare mo-tede Simon geten, ne o buu sa mo yee, "A wu Masaya mo." (Masaya gese ne n gye yee obono Wurubuaare gi sun yee o' baa molege anyamese de me' nye Wurubuaare ase gekyena mo.)

⁴² Andiru gi buu sa mo-tede Simon genen mo, o kyu mo kpe Yesu ase. Yesu gi kere mo, ne o tere mo-ginyen sa mo yee, "Fo ne n gye Simon, Gyɔn mo-bi mo. Me laa san tere fo-ginyen yee Sefase." (Sefase gese ne n gye yee Piita abee gifole.)

Yesu Gi Tere Filipino De Natanele

⁴³ Imo gede kese mo, Yesu gi sa gewonsa yee o laa kpe Galeli gesinkpan so. O wu Filipino ne o toge sa mo yee, "Baa buu me de fo' wora me-okasebo."

⁴⁴ Filipino kee gi lii Besayida, osowole obono so Andiru de Piita me lii mo.

⁴⁵ Filipino gi wu Natanele ne o buu sa mo yee, "Nyamese obono Mosisi gi wolaa toge mo-ilaa yela Wurubuaare nbara mo do mo ne Wurubuaare ikalan atogebomo kee me kpe ma-a toge mo-ilaa mo, nde bere, a wu mo de aye-ansi. Mo ne n gye Yesu Nasaretanyen, Gyosefo mo-bi mo."

⁴⁶ Filipino gi toge Yesu ilaa sa mo genen mo, Natanele gi kisee taase Filipino yee, "Imoso nyamese gbaa' oko laa taale lii Nasarete osowole obono so?" Nfono ne Filipino gi toge sa mo yee, "Fo bere, baa kere."

⁴⁷ Yesu gi wu Natanele naa o kya ba mo ase mo, o toge yee, "Fe' kere, Isiralenyen gbaa-gbaa, o' kya pene asa."

⁴⁸ Yesu gi toge sa Natanele genen mo, Natanele gi taase mo yee, "Nne ne fo wora ne fo bii me-gidebi?" Ne Yesu gi toge sa mo yee, "Pei de Filipino o' loo tere fo lii gifeeya oyii mo ase mo, ne ti wolaa wu fo."

⁴⁹ Yesu gi buu Natanele nyoro so ilaa sa mo genen mo, Natanele gi toge sa mo yee, "Obelense, fo ne n gye Wurubuaare mo-bi mo. Fo ne n gye wura sa aye Isirale awura mo."

⁵⁰ Nfono ne Yesu gi taase mo yee, "Ibono ne buu sa fo yee ne wolaa wu fo gifeeya oyii mo ase mo so ne n yeye ne fo soo me gyi faa? Fo bere, yee! Fo laa baa wu ilaa gbaa'gbaa don ide gbaa."

⁵¹ Gesintin ne n' kya tɔge feye faa, fe laa wu Wurubuaare do i laa bugi de fe' wu Wurubuaare do isoo me laa dii me kya kpelege me, anyamese pewu momo-daa mo so."

2

Me Kpii Okyii Keena Osowole So

¹ Imo nke nsa gemara mo, me kya kpii okyii Keena osowole obono o bo Galeli gesinkpan so mo. Yesu mo-nyi bo nno.

² Me da gibaa tere Yesu mo-re mo-akasebo mo kee. Gesintin mo, me kpe gedena mo geten.

³ Me te me kya gyi geke bele mo mo, momo-nta gi ta wora omo. Ne Yesu mo-nyi gi toge sa mo yee, "Men baa me bo nta."

⁴ O toge genen mo, Yesu gi taase mo yee, "Okyii, ide i gye me-re fo ilaa iko? Me-owi men ti fo."

⁵ Nfono ne Yesu mo-nyi gi toge sa adeg a abono me kya kere geten gebono so mo yee, "Ilaa kamaase ibono Yesu laa toge feye mo, fe' wora."

⁶ Geten mo do mo, nkyu nlo nsee nko gi yii nno. Afole ne me kyu wora genen nlo nbono. Me kya saa nkyu lli nlo nbono do kyu foro momo-ayaa de abaa momo Gyuda awura itii bilaa okpa so de inj' sa i' kyolese momo-Wurubuaare on. Nkyu fee ankaron gidin ne nan loo genen nlo nbono gekamaase do.

⁷ Yesu gi toge sa geten mo do adeg a mo yee, "Fe' saa nkyu wora nlo nde do." Ne me saa nkyu wora nmo do ne gi bola yele-yele.

⁸ Nkyu mo gi bola nlo mo genen mo, ne Yesu gi toge sa momo yee, "Ide kon, fe' saa nko kyu kper e obelense obono o kya kere geke bele gede so mo." Gesintin mo, adeg a mo me saa nmo nko kper e mo.

⁹ O daa kere mo, gi gye nta. O men nyi nfono genen nta mo gi lli mo. (Adeg a mo me saa nkyu mo mo bere me nyi yee nkyu ne Yesu gi yeg e gi bingiri nta.) Obelense mo gi tere okyiiifo mo mo-kuli mo,

¹⁰ ne o toge sa mo yee, "Okamaase obono o kya kpii okyii fafaanan mo kya daa gikyu nta dense ye pei. Nengyene me ti nun ne i fo momo mo, ide kon mo de o' san loo nta nbono gin boran mo do. Fo-o fo mo, fo kyu nta dense mo daa yela baa fo genen abere ade?"

¹¹ Yesu gi wora genen ilaa leenyiilese ide Keena osowole obono o bo Galeli gesinkpan so mo. I gye ilaa ibono o da giwora ne i lee mo-nyisigyi obono o bo mo gewi nyiile, ne mo-akasebo mo me soo mo gyi yee Wurubuaare olon bo mo do.

¹² Okyiiifo mo gikpii mo i kyon mo, imo gemara mo, Yesu mo-re mo-nyi, de mo-tedana de mo-akasebo mo me kyon kpe Kapenyion osowole so. Ne me kyena nno nke kalese nko.

Yesu Gi Gya Asa Lii Wurubuaare On Obu Gikpaara Mo So

¹³ Gyuda awura mo geke bele gebono me kya tere yee Lewu gi Serege Aye So mo ge kya fo mo, Yesu gi kpe Gyerusalem.

¹⁴ O loo Wurubuaare on obu gikpaara mo so mo, o wu asa me kya fe inaade de isande de abonbue. O wu asa abono me kya boori aterenbi nno me de momo-gesun do.

¹⁵ Yesu gi wu genen asa mo, o fili ofe wora giwulibi ne o kyu gya asa mo pewu de isande mo de inaade mo lli Wurubuaare on obu gikpaara mo so. Abono me kya boori aterenbi mo o kyeege momo-aterenbi abi mo fue ne o da momo-iteebulu mo too-too.

16 Ne ɔ tɔge sa asa abono me kya fe abonbue mo yee, "Fe' puru feye-abonbue lii gere. Feη' sa fe kyu me-se, Wurubuaare geten do kyu bingiri gigya ogyiten."

17 Ibono Yesu gi gya asa mo genen mo, mo-akasebo mo me nyingi ilaa ibono me wolaa ηmarase yela Wurubuaare agyebi mo do mo. Me ηmarase yela nno yee,

Genɔobono me-gewonsa ge gyan fo-ɔson obu mo so mo,
i gyi me-gimu.

18 Genen ilaa ibono Yesu gi kyu wɔra asa Wurubuaare ɔson obu gikpaara mo so mo, i yeye Gyuda awura abelense mo me taase mo yee, "Mene ne fo laa taale wɔra de i' lee nyiile aye yee Wurubuaare ne n sa fo okpa yee fo' wɔra genen ilaa ide?"

19 Gyuda awura abelense mo me taase Yesu genen mo, ɔ lee genɔ yee, "Nengyene fe boori Wurubuaare ɔson obu baare bun mo, nan kyu nke nsa kii yii mo."

20 Yesu gi tɔge genen mo, Gyuda awura abelense mo me taase mo yee, "Wurubuaare ɔson obu ɔbono a kyu nsi ikue-inyo nsi nsee kyu yii mo, ne fo yee fo laa kyu nke nsa kyu yii mo faa?"

21 Yesu gi tɔge genen mo, mo-nyoro ne ɔ dare genen. In gye Wurubuaare ɔson obu mo gbaa-gbaa.

22 Imɔso, ibono asa me moɔ Yesu ne o kii kyingi lii ibuni do mo, mo-akasebo mo me nyingi yee ɔ wolaa tɔge genen ilaa ide kyu lii mo-nyoro so baa kyon, ne me soɔ Wurubuaare agyebi mo de mo Yesu ilaa tɔge mo gyi.

Yesu Nyi Okamaase Do Son Lii

23 Gyuda awura me kya gyi mo mo Lewu Gi Serege Aye So geke bele mo, Yesu san ɔ bo Gyerusalem. ɔ wɔra ilaa ibono i lee nyiile yee Wurubuaare ɔlon bo mo do, ne asa sakyo me soɔ mo gyi.

24 Imo-re imo genen gbaa mo, Yesu meη kyu mo mo-gisoo gyi mo kyu wɔra ilaa do.

25 I kya nyiile yee o nyi okamaase do son lii. ɔη te de oko ne ɔ' baa buu oko nyoro so ilaa sa mo. Mo gbaa-gbaa gi ti wolaa o nyi ilaa ibono i bo nyamese gisen do mo.

3

Yesu Gi Nyiile Nikodemusi Ilaa

1 Me kya tere onyen oko yee Nikodemusi. ɔ gye Farasii gikpen mo do de Gyuda awura isowole so abelense mo do oko.

2 Genye geko mo, genen Nikodemusi baare gi ba Yesu ase baa tɔge mo yee, "ɔbelense, a wu yee fo gye onyiilebo ɔbono Wurubuaare ne n sun fo mo. I lii fee oko meη bo no ɔ laa taale wɔra ilaa leenyiilese gbaa'gbaa ibono onan fo kya wɔra faa, genen mo, Wurubuaare ɔlon bo mo do."

3 ɔ tɔge genen mo, Yesu gi lee genɔ yee, "Gesintin ne n' kya tɔge fo faa, in kii lɔɔ koroge nyamese mo, ɔ maη nye Wurubuaare gewuragyi do akyanabi mo."

4 Nfono ne Nikodemusi gi taase Yesu yee, "Nne so ne i laa sa de me' kii lɔɔ koroge nyamese abere abono ɔ ti see mo? ɔ maη taale kii kpa loo mo-nyi ɔto do de mo-nyi o' kii lɔɔ koroge mo ginyose."

5 Yesu gi læe gɛno yɛɛ, “Fonj ti nu me gɛsɛ. Gɛsintin ne n' kya tɔgɛ fo faa, nɛngyene mɛ mɛnj kyu nkyu de Wurubuaare Oduduu mɔ kii kyu lɔrɔ korogɛ nyamesɛ mɔ, ɔ manj nye Wurubuaare gɛwuragyi dɔ akɛnabi mɔ.

6 Ilaa ibono nyamesɛ gi korogɛ mɔ, nyamesɛ oyuduu ne i gye. Ilaa ibono Wurubuaare Oduduu mɔ gi korogɛ mɔ bɛrɛ, oduduu ne i gye.

7 Imɔso nɛngyene nɛ tɔgɛ sa fo yɛɛ i kaabore i' kii lɔrɔ korogɛ fo mɔ, gɛnj sa fo' yɛgɛ de i' dɛ fo-gɛno.

8 “Afuu a kya da kpe de nfono so a kya laare mɔ daa. Nɛngyene a kya da gɛnen mɔ, fo nyamesɛ fo laa nu amɔ-ɔlanba daa de fo-aso: fo manj wu amɔ de fo-ansi. Fo mɛnj nyi nfono so a kya lii de mɔ, ne fo mɛnj nyi nfono so a kya kpe de mɔ. Gɛnen kee ne i dɛ sa nyamesɛ ɔbono i kya kyu Wurubuaare Oduduu lɔrɔ korogɛ mɔ mɔ.”

9 Yesu gi tɔgɛ gɛnen mɔ, Nikodemusi gi taase mɔ yɛɛ, “Nnɛ so nnɛ so ne i laa taalɛ ba gɛnen?”

10 Nfono ne Yesu gi læe gɛno yɛɛ, “Fo ɔbono fo gye Wurubuaare nbara onyiilebo sa Isirale awura mɔ ne mɛnj kya nu gɛnen ilaa idɛ gɛsɛ faa?”

11 N kya tɔgɛ fo gɛsintin, ilaa ibono a nyi mɔ, imɔ so ilaa ne a kya tɔgɛ, ne ilaa ibono a wu de ansi mɔ ne a kya buu sa asa. Fɛye mɔ, fɛnj kya laare fɛ' sɔɔ imɔ gyi.

12 Gɛsinkpan so ilaa ne nɛ tɔgɛ sa fɛye ne fɛ mɛnj kya sɔɔ gyi faa, nɛngyene nɛ tɔgɛ Wurubuaare dɔ ilaa sa fɛye mɔ, nnɛ ne fɛ laa wɔra de fɛ' sɔɔ imɔ gyi?

13 Nyamesɛ ɔko mɛnj bo no ɔ ti dii kpe Wurubuaare asɛ, gɛnen mɔ, mɛ, anyamesɛ pɛwu mɔmɔ-daa ɔbono nɛ kpelegɛ lii Wurubuaare dɔ ba mɔ wolɛ.

14 “Dadaa mɔ Oloobu Mosisi gi puru giwɔɔ de oyii diirɛ soso gipɛn mɔ dɔ, ne asa mɛ nye nkpa. Gɛnen kee ne i gye ilaa ibono i laa ba yɛɛ asa mɛ laa puru mɛ, anyamesɛ pɛwu mɔmɔ-daa mɔ diirɛ soso,

15 de nyamesɛ kamaase ɔbono o kyu mɔ-nyoro too mɛ so mɔ ɔ' nye kyena Wurubuaare asɛ gɛkpaa-gɛkpaa.

16 “Ibono Wurubuaare kya laare aye anyamesɛ ilaa gikyɔ so mɔ, o kyu mɔ-bi kolon sa aye yɛɛ ɔbono o kyu mɔ-nyoro too mɔ-bi mɔ so mɔ ɔ' nye kyena mɔ asɛ gɛkpaa-gɛkpaa. ɔ mɛnj sa ɔ' fue mɔ-lɛwu gemara.

17 Wurubuaare mɛnj sun mɔ-bi mɔ ba gɛsinkpan so yɛɛ ɔ' baa bun asa gipɛɛ. O sun mɔ daa yɛɛ ɔ' baa mɔlegɛ mɔmɔ de mɔmɔ-rɛ mɔ nsana i' lɔrɔ kyu naa de mɔ-bi mɔ so.

18 “Fo nyamesɛ ɔbono fo kyu fo-nyoro too mɔ so mɔ, Wurubuaare manj bun fo gipɛɛ. Fo ɔbono fo mɛnj kyu fo-nyoro too mɔ so mɔ bɛrɛ, Wurubuaare gi ti wolaa bun fo gipɛɛ. I kya nyiile yɛɛ fonj kyu fo-nyoro too Wurubuaare mɔ-bi kolon mɔ so.

19 Ilaa ibono so Wurubuaare laa kyu bun anyamesɛ gipɛɛ mɔ ne n gye yɛɛ ɔbono ɔ gye fatela mɔ gi lii Wurubuaare dɔ ba anyamesɛ dɔ mɔ, mɛ laare gibiri mɔ ilaa daa taa fatela mɔ yɛgɛ. I lii fɛɛ mɔmɔ-ilaa wɔrase inj boran.

20 Imɔ gɛsɛ ne n gye yɛɛ nyamesɛ kamaase ɔbono ɔ kya wɔra ilaa nyɛnyɛn mɔ kya kyo fatela, ɔnj kya tu sindi mɔ. Inj gye gɛnen mɔ, mɔ-ilaa nyɛnyɛn ibono ɔ kya wɔra mɔ i laa naa lii gewi.

21 Nyamesɛ ɔbono ɔ kya gyi gɛsintin mɔ bɛrɛ, kya kyu mɔ-nyoro ba fatela asɛ de asa mɛ' wu mɔ-ilaa wɔrase de mɔmɔ-ansi yɛɛ ilaa ibono ɔ wɔra mɔ, ɔ wɔra imɔ naa daa de Wurubuaare so.”

Gyɔn Gi Lɛɛ Isa Ɔbono Ɔnan Yesu Gyɛ Mɔ Tɔgɛ

²² Imɔ gemara mɔ, Yesu mɔ-rɛ mɔ-akasebo mɔ mɛ kyon kpe Gyudiya gɛsinkpan so ne mɛ kyena nno nkɛ kalɛɛ nko, ne ɔ gyere asa Wurubuaare sagyere.

²³ Genen owi ɔbono dɔ mɔ, Gyɔn kee kya gyere asa Wurubuaare sagyere Ayinon ɔsowolɛ ɔbono o sindi Salim mɔ so. I kya nyiile yɛɛ nkyu gi nyaakyo nno. Asa mɛ kya kpe Gyɔn asɛ nno ne ɔ kya gyere mɔmɔ Wurubuaare sagyere.

²⁴ (Genen owi ɔbono mɔ, mɛ mɛn ti taa keda Gyɔn tii de obu.)

²⁵ Gyɔn-lɛɛ akasebo mɔ de Gyuda awura mɔ dɔ ɔko mɛ nyɛ biidɛ kyu lii genɔɔbono mɔmɔ Gyuda awura mɛ kya wɔra de in sa i' kyɔlɛɛ mɔmɔ-Wurubuaare ɔson mɔ.

²⁶ Mɛ biidɛ ta mɔ, mɛ naa kpe Gyɔn asɛ ne mɛ kpaa taasɛ mɔ yɛɛ, "Ɖbelɛnsɛ, ɔnyen ɔbono ɔ baa tu aye Gyɔɔdan ɔbon gibenbɛ ne fo lɛɛ mɔ nyiile aye mɔ gi ba ɔ bo faanaa ɔ kya gyere asa Wurubuaare sagyere. Kɛrɛ asa mɔ pɛwu mɛ san ma-a kpe daa mɔ asɛ."

²⁷ Gyɔn gi lɛɛ genɔ sa ɔmɔ yɛɛ, "Ilaa ibono Wurubuaare gi kyu sa ɔko lii Wurubuaare dɔ mɔ wolɛ guan-n ne nan taalɛ wɔra mɔ-lɛɛ.

²⁸ Fɛye gbaa-gbaa fɛ nu lii mɛ-genɔ dɔ yɛɛ i mɛn gyɛ mɛ ne n gyɛ ɔbono Wurubuaare gi sun de n' baa mɔlɛgɛ anyamesɛ mɔ. Mɛ berɛ, n gyɛ daa ɔbono Wurubuaare gi sun yɛɛ n' baa lɔrɔ ɔkpa sa mɔ.

²⁹ "Ɖkyiifo mɔ-kuli ne n bo mɔ-ka. Pɛi de ɔnyen ɔ' nyɛ ɔkyii mɔ, ɔ kya nyɛ okpowura. Mɛ dena ne ɔnyen mɔ kya tɔgɛ gɛdena mɔ so ilaa mɔ, i kya wɔra okpowura mɔ ɔkon gikyo kyɔde. Imɔso mɛ n' dɛ daa fɛɛ okpowura. Yesu ne n bo mɔ-adɛ. Nɛ nyɛ wu yɛɛ asa mɛ san mɛ kya kpe daa mɔ asɛ faa mɔ, idɛ kon ne i wɔra mɛ ɔkon kpaa logɛ ne.

³⁰ Imɔso mɔ-lɛɛ nyisigi ɔ' kpe ɔ kya njan ɔ kya too de mɛ-lɛɛ mɔ, ɔ' kɔɔgɛ."

³¹ "Nyamesɛ ɔbono ɔ lii Wurubuaare asɛ ba mɔ gi don nyamesɛ kamaasɛ. Ɖbono ɔ lii gɛsinkpan so mɔ ɔ gyɛ daa gɛsinkpan so isa. Ne ilaa ibono ɔ kya tɔngɛ mɔ, ɔ kya tɔngɛ naa daa de gɛsinkpan so ilaa. Ɖbono ɔ lii Wurubuaare dɔ mɔ gi don nyamesɛ kamaasɛ.

³² Ilaa ibono o wu de mɔ-ansi mɔ de ibono o nu de mɔ-aso mɔ ne ɔ kya tɔgɛ. Ɖko-rɛ ɔko mɛn kii ɔ laarɛ o' nu mɔ asɛ.

³³ Nyamesɛ ɔbono ɔ kya nu mɔ asɛ mɔ berɛ, kaasɛ mɔ gi kyule ne ɔ nyisɛ gibaa yɛɛ Wurubuaare gyɛ gɛsintin wura.

³⁴ I kya nyiile yɛɛ ɔbono Wurubuaare gi sun lii Wurubuaare dɔ mɔ, Wurubuaare agyɛbi ne n kya lii mɔ-genɔ dɔ. Wurubuaare gi yɛgɛ mɔ-Oduduu mɔ pɛwu gi' suu de mɔ. Ɖn sa mɔ-Oduduu mɔ san.

³⁵ Wurubuaare kya laarɛ mɔ-bi mɔ ilaa ne o kyu ilaa kamaasɛ wɔra mɔ-abaa dɔ.

³⁶ Nyamesɛ kamaasɛ ɔbono o kyu mɔ-nyoro kyu too Wurubuaare mɔ-bi mɔ so mɔ laa nyɛ ɔkyenaten Wurubuaare asɛ gekpaa-gekpaa. Ne ɔbono mɔ ɔ mɛn kya nu Wurubuaare mɔ-bi mɔ gɛdɛ mɔ, man nyɛ Wurubuaare asɛ gekyena ɔnan kpa-a. Wurubuaare ginyadon ne nan sii de mɔ."

4

Samariyakyii Gi Sɔɔ Yesu Gyi

¹ Farasii awura mɔ mɛ nu yɛɛ Yesu kya nyɛ asa don Gyɔn. Mɛ nu yɛɛ asa sakyɔ mɛ buu Yesu ne ɔ kya gyere ɔmɔ Wurubuaare sagyere.

² (Gesintin bere mo, Yesu gbaa-gbaa men gyere asa Wurubuaare sagyere. Mo-akasebo mo ne n gyere momo.)

³ Wura Yesu gi nu ilaa ibono Farasii awura mo me kya toge kyu lii mo so genen mo, o koso lii Gyudiya gesinkpan mo so kyon kpe Galeli.

⁴ O laa kpe Galeli mo, i kaabore o' naa daa de Samariya gesinkpan so.

⁵ Imoso o kya kpe mo, o kpaa fo Samariya awura osowole oko so, me kya tere mo yee Sayikaa. Sayikaa osowole baare sindi gesinkpan gebono aye Gyuda awura naana Gyeekopo gi kyu sa mo-bi Gyosefo mo.

⁶ Gyeekopo loko bo genen gesinkpan gebono so. Yesu gi kpaa fo nno mo, i tagere mo, ne o kpaa kyena loko mo ase. Genen owi obono mo, i gye owi kenken gere-gere fee iwi gudu inyo.

⁷ Yesu te loko mo ase o kya kyoola mo, Samariyakyii oko gi ba de o' baa saa nkyu. Nfono ne Yesu gi kole okyii mo yee, "Sa me nkyu de n' nun."

⁸ (Okyii mo gi ba ne Yesu gi kole mo nkyu mo genen mo, Yesu akasebo mo me kyon nten do me' kpaa soo agyudo.)

⁹ Yesu gi kole Samariyakyii mo nkyu mo genen mo, okyii mo gi taase mo yee, "Nne so ne fo Gyudanyen fo kya kole me, Samariyakyii nkyu de fo' nun?" (Okyii mo men taase Yesu genen giyan. Gyuda awura momo-re Samariya awura me men kya yii abara ilaa.)

¹⁰ Okyii mo gi taase mo genen mo, Yesu gi lee geno yee, "Nengyene fee fo nyi gidense gibono Wurubuaare kya laare o' wora sa fo de nyamese obono onan n gye ne ne kole fo yee fo' sa me nkyu de n' nun faa mo, nkana fo gbaa ne nan kole me nkyu. Genen nkyu nbono mo gi laa kpe gi kya kyon gi kya sa fo Wurubuaare ase gekyena onan."

¹¹ Nfono mo, okyii mo gi taase Yesu yee, "Obelense, fo men de ilaa ibono fo laa kyu saa nkyu mo. Loko baare bo kin. Fone do ne fo laa nye genen nkyu nbono gi laa kpe gi kya kyon mo sa isa?"

¹² Fo ne n don aye-naana Gyeekopo obono o kyu loko mo sa aye mo abee? Gyeekopo gbaa-gbaa de mo-biana de mo-nbue kee me nun loko baare nkyu."

¹³ Yesu gi lee geno yee, "Okamaase obono o nun loko baare nkyu mo, bofefo laa kii mo mo."

¹⁴ Obono, mo, o laa nun me-lee nkyu nbono nan sa mo mo bere, bofefo man baa mo mo geakaako kpa-a. I laa sa mo Wurubuaare ase gekyena onan fee obon obono mo-gemu gen kya naa mo."

¹⁵ Nfono mo, okyii mo gi kole Yesu yee, "Obelense, sa me genen nkyu nbono fo dare faa de bofefo o men baa mo me, de men baa ba gere baa saa nkyu."

¹⁶ Yesu gi kii toge sa mo yee, "Naa kpe gewi de fo' kpaa tere fo-kuli de fe' ba."

¹⁷ Nfono mo okyii mo gi lee geno yee, "Men bo onyen." Ne Yesu gi toge sa mo yee, "Fo bo gesintin fee ibono fo toge yee fon bo onyen faa.

¹⁸ Fo ti dena anyen anun ne obono fo-re mo fe bo no nperere faa kee men gye fo-kuli. Genen so mo fo toge yee fon bo onyen faa mo, fo toge gesintin."

¹⁹ Yesu gi toge genen mo, okyii mo gi toge sa mo yee, "Obelense, n kya wu fo faa, fo gye daa Wurubuaare ikalan otogebo.

²⁰ Aye-naanaana Samariya awura me baa son Wurubuaare daa gibii gide so. Ne feye Gyuda awura, mo, fe kya toge yee Gyerusalem osowole so ne i kaabore asa me' kpaa son Wurubuaare."

21 Yesu gi tɔge sa mɔ yee, “Ɔkyii, gesintin ne n kya tɔge fo faa, owi mɔ kya fo ibono Wurubuaare gison gin baa tiri yee gibii gide so abee Gyerusalem osowole mɔ so ne me laa son Wurubuaare.

22 Feye Samariya awura fe kya wu daa ɔson fe kya son giyan. Fe men nyi ilaa ibono fe kya son mɔ. Aye Gyuda awura bere, a nyi ɔbono a kya son mɔ. Genɔɔbono asa me laa nye Wurubuaare amolege de mɔmɔ-re mɔ me' kyena mɔ i laa lii daa aye Gyuda awura ase.

23 “Owi ɔko kya ba, owi mɔ gi ti fo gbaa ibono aye-se Wurubuaare asonbo me laa kyu gesintin son mɔ oduduu dɔ. Genen asonbo abono onan ne n gye asonbo gbaa-gbaa abono aye-se Wurubuaare kya laare mɔ.

24 Wurubuaare gye daa Oduduu. Abono me laa son mɔ mɔ, i kaabore me' kyu gesintin son mɔ oduduu dɔ.”

25 Nfono mɔ, ɔkyii mɔ yee, “N nyi ibono Masaya mɔ kya ba, mɔ ne n gye ɔbono Wurubuaare laa sun de ɔ' baa mɔlege anyamese mɔ. Nengyene ɔ ba mɔ, ɔ laa lee ilaa kamaase gese sa aye.”

26 Yesu gi buu sa mɔ yee, “Me ɔbono n kya tɔnge de fo faa, me ne n gye Masaya ɔbono fo-gewɔnsa ge gyan mɔ so mɔ.”

Akasebo Mɔ Me Kii Ba Yesu Ase

27 Yesu mɔ-re Samariyakyii mɔ me yele me kya tɔnge genen mɔ, Yesu akasebo mɔ me baa tu mɔmɔ. Me baa wu mɔmɔ genen mɔ, i de ɔmɔ-genɔ yee Yesu mɔ-re ɔkyii mɔ me kya tɔnge. Mɔmɔ dɔ ɔko-re ɔko men kii taale taase mɔ yee, “Mene ne fo kya laare lii ɔkyii mɔ ase?” abee “Mene n wɔra ne fo kya tɔnge de ɔkyii mɔ?”

28 Nfono mɔ ɔkyii mɔ gi taa mɔ-nkyu gelɔbi mɔ yee ne ɔ sele kpe osowole mɔ dɔ kpaa tɔge sa asa yee,

29 “Fe' baa kpe fe' kpaa kere ɔnyen ɔko! O buu ilaa kamaase ibono ne wɔra me-gekyena dɔ mɔ pɛwu sa me. Abe-e mɔ ne n gye ɔbono Wurubuaare gi sun de ɔ' baa mɔlege anyamese mɔ fee?”

30 Ɔkyii mɔ gi kpaa buu sa asa genen mɔ, me koso lii osowole mɔ so me kya kpe Yesu ase.

31 Ɔkyii mɔ gi kyon nten dɔ ɔ' kpaa tere asa mɔ, Yesu akasebo mɔ me kyu agyudɔ mɔ me kpaa sɔɔ mɔ sa mɔ, ne me tɔge sa mɔ yee, “Ɔbelense, wɔra aniya, sɔɔ agyudɔ mɔ gyi.”

32 Yesu gi tɔge sa mɔmɔ yee, “N bo agyudɔ abono n kya gyi ne fe men nyi amɔ so sei.”

33 Mɔ-akasebo mɔ me san me kya taase abara yee, “Abee ɔko gi ti kyu agyudɔ bara mɔ daa?”

34 Nfono mɔ, Yesu gi tɔge sa mɔmɔ yee, “Me-ilaa gyise ne n gye yee n' wɔra ɔbono o sun me ba gesinkpan so mɔ gelaare de n' wɔra mɔ-gesun mɔ kpaa loge.

35 Feye fe laa tɔge yee, ‘I san daa ibose inan de ɔmɔlogɔ akebibere a' fo.' Mi-i me mɔ, n kya tɔge mi-i sa feye yee fe' laa ansi de fe' kere asa abono i tiri yee me' nu Wurubuaare agyebi mɔ. Me de fee ɔmɔlogɔ ne n pɛere de gikebi.

36 Abono me kya kpaa asa de me' nye Wurubuaare ase gekyena mɔ me de fee adɔɔbo abono me kya koola agyudɔ kyu kpaa gyan' agbaran so mɔ. Genen Wurubuaare gesun awɔrabo abono me ti loo gesun mɔ dɔ me kya wɔra. Me ti me kya nye mɔmɔ-ntɛela ne. I kya ba genen de aduubo mɔ de akoolabo mɔ me' nye gyi ɔkon kolon dabole.

37 Ilaa ibono adedaabo me tɔge mɔ i gye gesintin yee, ‘Ɔko kya duu de ɔko, mɔ, ɔ' kebi de ɔ' koola.’

38 Imo gese ne n gye yee ne sun feye ne i wora fee fe kpa koola agyudo abono i men gye feye ne n nyaade gisisiri duu amo. Asa ako kpei ne n nyaade momo-gisisiri kyu duu amo, ne feye mo, fe baa kyu genen gesun mo fe kya wora faa."

Samariya Awura Sakyo Me Soo Yesu Gyi

39 Genen Samariya awura osowole mo so asa sakyo me soo Yesu gyi kyu lii ilaa ibono okyii mo gi buu sa momo mo so. Okyii mo gi buu sa momo yee, "O toge me-nyoro so ilaa kamaase ibono ne wora mo sa me."

40 Asa mo me lii osowole mo so ba Yesu ase genen mo, me kole mo yee o' kyena momo ase. Imoso o kyena nno nke nnyo.

41 Kyu lii Yesu ilaa nyiilese so mo, asa sakyo me' kii soo mo gyi too.

42 Asa mo me toge sa okyii mo yee, "I men baa i gye mo-ilaa ibono fo toge aye mo so ne a kya soo mo gyi. Aye gbaa-gbaa a nu de aye-aso, ne a nyi yee i men bo sei, onyen baare gye obono o laa molege anyamese mo."

Yesu Gi Kye Galelinyen Oko Mo-Bi

43 Yesu gi kyena Samariya awura ase nke nnyo mo, o koso lii nno, ne o kyon kpe Galeli gesinkpan so.

44 Yesu gbaa-gbaa gi wolaa toge sa mo-akasebo mo yee Wurubuaare ikalan otogebo oko men bo no o kya gyi ginsi mo-gewi.

45 Yesu gi loo Galeli gesinkpan so genen mo, Galeli awura mo me soo mo abaa anyo. I kya nyiile yee momo kee me kpe kpa gyi momo-geke bele mo Gyerusalem osowole so mo, me wu ilaa ibono Yesu gi wora mo.

46 Yesu naa de Galeli gesinkpan so mo, o kii kpe Keena osowole so. Nno ne o yee nkyu gi bingiri nta mo. O bo nno genen mo, obelense oko bo Kapeniyon osowole so, mo-bi nyense kya lo.

47 Obelense mo gi nu yee Yesu gi lii Gyudiya gesinkpan so ba Galeli gesinkpan so mo, o kpa kole Yesu yee o' baa kye mo-bi mo sa mo. O kya laare de o' wu.

48 O kole mo genen mo, Yesu gi toge mo yee, "Imoso feye oko-re oko man soo gyi yee Wurubuaare ne n sun me, genen mo, fe wu amunale ilaa de ilaa ibono i kya de geno mo de feye-ansi?"

49 Obelense mo gi kole Yesu yee, "Obelense, yege de a' kpe gebii mo ase pei de ge' loo lee oje."

50 Nfono mo Yesu gi toge sa obelense mo yee, "Kii kpe gewi. Ne yege fo-bi mo gi nye nkpa." Obelense mo gi soo Yesu ilaa toge mo gyi. Imoso o kii kyon gewi.

51 O kya kpe gewi mo, mo-re mo-adega mo ako me gyan okpa do ne me toge sa mo yee mo-bi mo gi nye alanfiya.

52 Obelense mo gi nu genen mo, o taase mo-adega mo, "Owi omo do ne gilb mo gi ta?" Ne me buu sa mo yee, "Deeri owi gi kpele mo ne okyagyii mo gi taa gemo yege."

53 Nfono mo, o bii yee genen owi obono gbaa-gbaa ne Yesu gi toge sa mo yee, "Kii; ne yege fo-bi mo gi nye nkpa" mo. Imoso mo-re mo-geten do asa pewu me soo Yesu gyi.

54 Yesu gi lii Gyudiya gesinkpan so ba Galeli mo, genen ilaa ide ne n gye ilaa lenyiilese nyose ibono o wora ne i lee nyiile asa yee Wurubuaare ne n sun mo.

1 Imo ide gemara mo, momo Gyuda awura geke bele geko ge baa gyan'. Ne Yesu gi kpe Gyerusalem momo osowole gemu mo so.

2 Gibun giko gi bo Gyerusalem osowole mo so. De Gyuda awura gedε do mo, me kya tere gibun gibono yεε Betesata. Gibun mo gi sindi osowole mo gekpen gebunono gebono me kya tere gemo yεε Isande Gebunono mo. Me yii ipanpan inun kyaaboo gibun mo.

3 Me kya kyu alobo sakyɔ abono me men kya taale wɔra sei, fεε agyaatanbo, otεgesεana, de abono momo-nyoro abaaфон a wu' mo kyu kpaα yela genen ipanpan mo do [de me' gyoo owi obono nkyu mo gi laa luburu mo.

4 I kya nyiile yεε Wurubuaare do osoo kya kyena kpelegε lii Wurubuaare do baa luburu nkyu mo. Owi obono nkyu mo gi kya luburu genen mo, obobo obono o daa ginyε loo nkyu mo do mo, mo-gilo mo gi kya ta].

5 Onyen oko bo genen alobo ade do o kya lo faa, imo nsi oko de saalaa nsi gukue ne.

6 Yesu gi wu genen onyen baare ne o bii yεε o de nno keela gikyɔ mo, o taase mo yεε, "Fo kya laare fo-gilo mo gi' ta sa fo?"

7 Obobo mo gi lεε genɔ yεε, "Obelense, men bo oko de o' kpaα me de n' nye loo nkyu mo do. Owi obono nkyu mo gi kya luburu ne n' kya laare de n' loo nmo do mo, oko kya wolaa da me."

8 Nfono ne Yesu gi toge mo yεε, "Koso yele, puru fo-gifengen de fo' naa."

9 Ayaa abono so mo, onyen mo gilo mo gi ta. O koso puru mo-gifengen ne o naa.

Genen geke gebono Yesu gi kyu kye genen obobo baare mo, ge gye geke kyoolase.

10 Imoso Gyuda awura abelense mo me wu onyen obono Yesu gi kye mo so mo-gifengen mo, me toge sa mo yεε, "Nde i gye geke kyoolase. I men de okpa yεε fo' sola gifengen."

11 Gyuda awura abelense mo me toge sa mo genen mo, o lεε genɔ yεε, "Obono o kye me mo ne n toge sa me yεε n' koso, puru me-gifengen de n' naa."

12 Nfono mo, Gyuda awura abelense mo me taase onyen mo yεε, "Ane ne n gye onyen obono o toge sa fo yεε 'koso puru fo-gifengen de fo' naa' mo?"

13 Onyen mo man bii Yesu. I lii fεε asa me nyaakyo nno, ne Yesu gi naa loo momo do kyon.

14 Imo gemara mo Yesu gi kpe kpaα wu onyen mo Wurubuaare oson obu gikpaara mo so, ne Yesu gi toge mo yεε, "Fo wu genobono fo kii nye alanfiya mo? Taa ilaa nyenyen giwɔra yεge de ilaa iko i men sa i' kii baa wɔra fo de i' don gilo gibono fo lo faa."

15 Onyen mo gi kyon kpe Gyuda awura abelense mo ase ne o kpaα toge sa momo yεε Yesu ne n gye obono o kye mo mo.

16 Imo ide so mo Gyuda awura abelense mo me yii gese me kya ka Yesu ansi. I kya nyiile yεε geke kyoolase ne Yesu gi kyu kye onyen mo.

17 Yesu gi toge sa momo yεε, "Owi kamaase do mo me-se Wurubuaare kya wɔra gesun. Imoso me kee n kpe mi-i wɔra gesun."

18 Yesu gi toge sa momo genen mo, i yεge Gyuda awura abelense mo me kii lɔro keda nyoro me kya laare mo-imooten. Momo ase mo Yesu gi toro momo-geke kyoolase nbara mo ne me kii toge yεε in gye ibono wole gbaa. O toge kee yεε Wurubuaare ne n gye mo-se. Me kyu imo yεε Yesu kya nyiile yεε mo-re Wurubuaare me gye kyεε-kyεε. Oko men don mo-nanbo.

Wurubuaare Gi Kyu Asa Nbele Gigyi Sa Yesu

19 Nfono ne Yesu gi tɔge sa mɔmɔ yee, “Gesintin ne n' kya tɔge feye faa, me, Wurubuaare mɔ-bi mɔ, maŋ wɔra ilaa iko me-gibaa so. N' kya wɔra daa ilaa ibono n' kya wu me-se Wurubuaare kya wɔra mɔ. Ilaa kamaase ibono ɔ kya wɔra mɔ, imɔ kee ne me, mɔ-bi mɔ kya wɔra.

20 I kya nyiile yee Wurubuaare kya laare me, mɔ-bi mɔ, ilaa. Imɔso ɔ kya kyu ilaa ibono mɔ gbaa-gbaa kya wɔra mɔ pewu kyu nyiile me. ɔ laa baa kyu ilaa bele-bele ibono i don ide mɔ gbaa kyu nyiile me de i' de feye-geɔ.

21 FEE geɔɔbono Wurubuaare laa baa kyingi asa abono me wu' mɔ de ɔ' sa mɔmɔ nkpa mɔ, genen kee ne me, Wurubuaare mɔ-bi mɔ n' kya kyu Wurubuaare ase gekyena ɔnan sa asa abono n' kya laare n' sa mɔmɔ mɔ.

22 “Wurubuaare meŋ kya gyi asa nbele. O kyu asa nbele gigyi kyu sa daa me, mɔ-bi mɔ

23 de ɔkamaase o' kyu buubuu kyu sa me, fEE geɔɔbono me kya kyu buubuu sa Wurubuaare mɔ. Fo nyamese kamaase ɔbono fo meŋ kya buu me, Wurubuaare mɔ-bi mɔ, genen kee ne fo meŋ kya buu Wurubuaare ɔbono o sun me mɔ kee ne.

24 “Gesintin ne n' kya tɔge mi-i sa feye faa, fo ɔbono fo nu me-geɔde ne fo kyu fo-nyoro too ɔbono o sun me mɔ so mɔ, fo genen kaase ɔbono fo ti fo bo Wurubuaare ase gekyena. Maŋ bun fo kaase ɔbono gipuee. Fo lii Wurubuaare gisobiide mɔ do baa nye Wurubuaare ase gekyena.

25 N' kya tɔge feye gesintin, owi mɔ kya ba, owi mɔ gi ti fo gbaa. Asa abono me wɔra fEE me wu' me naa mɔ, me laa nu me, Wurubuaare mɔ-bi mɔ gigyebi', ne mɔmɔ abono me nu me-geɔde mɔ me laa nye Wurubuaare ase gekyena ɔnan kon.

26 I kya nyiile yee geɔɔbono Wurubuaare ne n' de nkpa de mɔ-gibaa mɔ, genen ne Wurubuaare gi yee me, mɔ-bi mɔ kee n' de nkpa de me-gibaa ne.

27 Wurubuaare gi sa me, mɔ-bi mɔ ɔkpa yee n' gyi asa nbele, i kya nyiile yee me ne n' gye anyamese pewu mɔmɔ-daa mɔ.

28 Fe meŋ sa fe' yee de ilaa ide i' de feye-geɔ. I kya nyiile yee owi mɔ kya ba, asa abono me de nkyan do mɔ pewu me laa nu me-gigyebi' kon.

29 Abono me wɔra idense mɔ me laa kyingi lii ibuni do ba de me' kyena Wurubuaare ase, ne abono, mɔ, me wɔra inyenyen mɔ, me laa kyingi lii ibuni do ba de n' bun mɔmɔ gipuee.

Ilaa Ibonoana I Kyu Yee Asa Me' Wu Yesu Gidebi Mɔ Bii

30 “Maŋ taale wɔra sei me-gibaa so. Geɔɔbono n' kya nu mɔ, genen ne n' kya kyu kere asa ilaa do wu mɔmɔ-gidebi ne. Geɔɔbono n' kya kyu wu asa ilaa mɔ, i gye gesintin ɔkpa so. I kya nyiile yee meŋ kya laare me-lee gelaare. ɔbono o sun me mɔ gelaare ne n' kya laare.

31 Nengyene ne tɔge yee me gbaa-gbaa n' buu sa asa isa ɔbono ɔnan n' gye mɔ, i maŋ sa de asa me' bii yee i gye gesintin.

32 ɔko bo soso ɔ kya lee me-gidebi nyiile, ne n' nyi yee ilaa ibono ɔ kya lee nyiile mɔ i gye gesintin.

33 “Fe sun kpaa taase Gyon kyu lii me so, ne ɔ lee gesintin gebono o nyi mɔ tɔge sa feye.

34 Inj gye yee n' kya soɔ ilaa ibono anyamese me kya tɔge kyu lii me so mɔ kyule bere. Ne taa tɔge Gyon ilaa ide daa de fe' nye Wurubuaare ɔ' mɔlege feye.

³⁵ Gyon gi wōra fēe fatela ōbono ō kyange ne i kya wu mō. Fē kyule kyena de mō-fatela mō ŋmaraa daa ne fē gyi ōkon.

³⁶ “N bo ilaa ibono i kya lēe me-gidebi nyiile ne i don Gyon-lēe mō gbaa. I kya nyiile yēe nsun nbono me-se Wurubuaare gi kyu wōra me-abaa dō de n' wōra loge mō, nmo dō ne n' kpe n de faa. Genen nsun mō ne n kya lēe me nyiile asa yēe me-se Wurubuaare ne n sun me.

³⁷ “Me-se ōbono o sun me mō gbaa-gbaa kee gi lēe isa ōbono ōnan n' gye mō nyiile. Fēŋ ti taa nu mō-gigyebi', ne fēŋ ti taa wu mō de fēye-ansi kerē.

³⁸ Ne mō-agyebi mō kee aŋ bo fēye-asen dō. I kya nyiile yēe fē mēŋ kya kyu fēye-nyoro too me ōbono Wurubuaare gi sun me mō so.

³⁹ “Fē kya pēere ansi kase Wurubuaare agyebi mō. Fē nyi yēe amō ne nan yēge fē' nye kyena Wurubuaare ase gekpaa. To! Genen Wurubuaare agyebi abono kee ne n kya lēe me-ilaa nyiile.

⁴⁰ Imō genen gbaa mō, fē kine fē maŋ ba me ase de fē' nye Wurubuaare ase gekyena mō.

⁴¹ Nengyene anyamese mē kya yen me mō, mēŋ kya kyu imō wōra ilaa dō.

⁴² N nyi fēye, fēŋ kya laare Wurubuaare ilaa fēye-asen dō.

⁴³ Ne ba me-se Wurubuaare ginyen dō ne fēŋ kya laare fē' nu me ase. Nengyene fēe ōko kpei ne n ba fēye ase mō-gibaa so mō, ōbono bere, fē laa nu mō ase.

⁴⁴ Fē kpe fa-a laare de fē' gyi ginsi fēye-nanboana ase. Iŋ tiri fēye yēe fē' gyi ginsi ōbono mō-nkon ne n gye Wurubuaare mō ase. Nne ne fē laa taale sōo me gyi?

⁴⁵ Imōso fē' mēŋ sa fē' sa gēwōnsa yēe me ne nan kpaa tōge fēye-gidebi sa Wurubuaare. Mosisi ōbono fēye-ansi a gyan mō so mō ne nan kpaa tōge fēye-gidebi sa Wurubuaare de o' gyi fēye-nbele.

⁴⁶ Nengyene fēe fē sōo Mosisi gyi gēsintin mō, nkana fē laa sōo me kee gyi. I kya nyiile yēe ō ŋmarase me-ilaa yela.

⁴⁷ Ibono fē mēŋ sōo imō gyi faa, nne so ne fē laa sōo ilaa ibono n kya tōge mō gyi?”

6

Yesu Gi Sa Asa Nwe Ikue-Inyo De Saalaa Agyudo

¹ Imō ide gēmara mō, Yesu gi fara kpe Galeli ōbon bele mō gigengen giko so. Mē kya tere genen ōbon mō ginyen giko yēe Tabiriyase.

² Sakpii bele buu mō. I lii fēe asa mē kya wu Yesu kya kye alobo ne i kya lēe nyiile yēe Wurubuaare ōlon bo mō dō.

³ Yesu gi kpe nno mō, o dii kpe gibii giko so, ne mō-re mō-akasebo mō me kpelege kyena.

⁴ Genen owi ōbono mō, Gyuda awura gēke bele gēbono mē kya tere gēmō yēe Lēwu Gi Serege Aye So mō ge kya fuude.

⁵ Yesu tē gibii mō so genen mō, o wu sakpii bele kya ba mō ase. Imōso ō taase Filipino yēe, “Nne ne a laa wōra de a' nye agyudo sōo de asa ade mē' nye gyi ne?”

⁶ Yesu gi taase Filipino genen mō, ō kya too mō soso daa. Ō ti wolaa o nyi ilaa ibono ō laa wōra mō.

⁷ Filipino gi lēe genō yēe, “Aye ne n kine a nye aterenbi abono ōnan gēsun ōwōrabo laa nye ibose gukue dō kyu kpaa sōo agyudo gbaa mō, iŋ gye mōmō ōkamaase ne nan nye baa pii faa gyi.”

⁸ Yesu akasebo mo do obono me kya tere mo yee Andiru, Simon Piita mo-tede mo, gi toge sa Yesu yee,

⁹ “Gedegabi geko ge de ibodobodo pii-pii inun de nkenbii nnyo nko. Genen agyudo pii ade mo, mene ne i laa wora sa asa bele ade pewu?”

¹⁰ Yesu gi toge yee, “Fe' yeye asa mo me' kpelege kyena.” Ife bonboli i nyaakyo nfono, imoso me kpelege kyena. Momo-gegyono ge laa wora fee nwe ikue-inyo de saalaa.

¹¹ Me kyena mo, Yesu gi puru ibodobodo mo, o kyu afaala sa Wurubuaare, ne o yeye me' ye sa asa mo nfono me te mo. Genobono Yesu gi wora ibodobodo mo, genen kee ne o wora iken mo, ne me gyi kaabo kii san.

¹² Me gyi kaabo mo, Yesu gi toge sa mo-akasebo mo yee, “Fe' kpaapuru agyisan mo de imo iko i menj sa i' de nyida.”

¹³ Imoso me wora fee genobono o toge momo mo. Agyisan mo me kii nye lili ibodobodo inun mo do mo, i bola nkeebii gudu nnyo.

¹⁴ Asa mo me wu ilaa ibono Yesu gi wora ne i lee Wurubuaare olon obono o bo mo do mo nyiile mo, me toge yee, “I gye gesintin yee ode ne n gye Wurubuaare ikalan otogebo obono Wurubuaare gi wolaa toge yee o laa ba gesinkpan so mo.”

¹⁵ Genen so mo me kya laare de me' baa keda mo olon so kyu kpaapuru yee. Yesu gi bii genen mo, o naa taa momo yeye kii kpe gibii mo so mo-wole.

Yesu Gi Naa Nkyu So, Ij Muiine Mo Loo

¹⁶ I baa fo gedode mo, Yesu akasebo mo me kii kpelege kpe obon bele mo do.

¹⁷ Me dii loo gikolii do ne me pale gimmo foro me kya kpe de Kapreeniyon osowole so. I wora genye ne Yesu menj ti taa baa tu omo.

¹⁸ Genen abere abono kee mo, afuu bele a koso a kya da ne i yeye nkyu mo gi kya gyigisi.

¹⁹ Yesu akasebo mo me pale gikolii mo genen-n kpe ansi do fee akpaaten asa' abee anan mo, me wu isa naa nkyu mo so o kya ba de momo ase so sindi gikolii mo. Me wu mo genen mo, i nmaa momo-gisen.

²⁰ Ne isa mo gi toge sa momo yee, “Me Yesu ne. Fej sa fe' sele gifuu.”

²¹ Yesu gi toge genen mo, me yeye mo o' baa loo gikolii mo do. Mo-re mo-gidiiloo gikolii mo do mo, me ti loo nfono me kya kpe mo.

Asa Me Naa Me Kya Laare Yesu

²² Gede kee mo asa abono me san obon bele mo gigengen mo so mo me wu ibono nkana gikolii kolon ne n san nno. Menj kii wu Yesu o' loo gikolii mo do mo-akasebo mo ase. Momo-wole ne n kyon.

²³ Akolii ako a lili Tabiriyase baa sindi nfono. (Nno ne Yesu gi kyu afaala sa Wurubuaare ne o kyu bodobodo sa asa mo ne me gyi mo.)

²⁴ Imoso ibono asa mo menj wu Yesu abee mo-akasebo mo nfono mo, me dii loo akolii abono a ba nfono mo do ne me kyon Kapreeniyon me' kpaapuru laare Yesu.

Yesu Ne N Gye Agyudo Abono A Kya Sa Wurubuaare Ase Gekyena

²⁵ Asa mo me kpaapuru wu Yesu obon bele mo gigengen giko mo so mo, me taase mo yee, “Obelense, owi momo do ne fo ti baa loo gere?”

²⁶ Yesu gi lee geno yee, “N' toge feye gesintin yee fe naa fe kya laare me faa, bodobodo obono fe nye gyi kaabo mo so. Nkana i menj gye ilaa ibono ne wora ne i lee nyiile yee Wurubuaare olon bo me do mo so.

27 Fɛ mɛŋ sa fɛ' wɔra gesun kyu laare gesinkpan-lɛɛ agyudɔ wɔlɛ. Fɛ' wɔra gesun laare daa agyudɔ abono a laa yɛgɛ fɛ' nyɛ kyena Wurubuaare aɛɛ gɛkpaa-gɛkpaa mɔ. Me, anyamese pewu mɔmɔ-daa mɔ ne nan sa fɛye genen agyudɔ abono. Aye-sɛ Wurubuaare gi lɛɛ nyiile yɛɛ me ne o sun de n' yɛgɛ asa mɛ' nyɛ mɔ aɛɛ gɛkyena."

28 Yesu gi tɔgɛ genen mɔ, asa mɔ mɛ taasɛ mɔ yɛɛ, "Mɛnɛ gesun ne Wurubuaare kya laare a' wɔra?"

29 Yesu gi lɛɛ gɛnɔ yɛɛ, "Gesun gɛbono Wurubuaare kya laare yɛɛ fɛ' wɔra mɔ ne n' gɛyɛ yɛɛ fɛ' kyu fɛye-nyoro too me, ɔbono Wurubuaare gi sun me mɔ so."

Asa Mɛ Dɛ Nwɔnsa Nnyɔ Kyu Lii Yesu Ilaa Nyiileɛ So

30 Nfono ne asa mɔ mɛ taasɛ Yesu yɛɛ, "Mɛnɛ ne fo laa wɔra de i' lɛɛ nyiile aye yɛɛ Wurubuaare ne n' sun fo de a' kyu aye-nyoro too fo so? Mɛnɛ gesun ne fo laa wɔra?"

31 Owi ɔko dɔ mɔ, aye-naanaana adedaabo mɔ mɛ nyɛ agyudɔ abono mɛ kya tɛrɛ yɛɛ 'mana' mɔ gyi gipɛn dɔ. Ne mɛ ŋmarasɛ imɔ wɔra Wurubuaare agyɛbi ɔwɔlɛ mɔ dɔ yɛla yɛɛ, ɔ sa mɔmɔ agyudɔ lii soso ne mɛ gyi."

32 Asa mɔ mɛ tɔgɛ genen mɔ, Yesu gi tɔgɛ sa mɔmɔ yɛɛ, "N' kya tɔgɛ fɛye gesintin, i mɛŋ gɛyɛ Mosisi ne n' sa fɛye-adedabo agyudɔ abono a lii Wurubuaare dɔ mɔ. Mɛ-sɛ Wurubuaare ne n' sa ɔmɔ genen agyudɔ abono. Ne idɛ kon mɔ ɔ kya sa fɛye Wurubuaare dɔ agyudɔ gbaa-gbaa."

33 Genen Wurubuaare dɔ agyudɔ abono n' dare mɔ ne n' gɛyɛ ɔbono ɔ kpelegɛ lii Wurubuaare dɔ ne ɔ kya sa anyamesɛ Wurubuaare aɛɛ gɛkyena mɔ."

34 Nfono mɔ, asa mɔ mɛ kolɛ Yesu yɛɛ, "ɔbelɛnsɛ, sa aye genen agyudɔ abono owi kamaasɛ."

35 Yesu gi lɛɛ gɛnɔ yɛɛ, "Mɛ ne n' gɛyɛ agyudɔ abono a kya sa Wurubuaare aɛɛ gɛkyena ɔnan mɔ. Nyamesɛ kamaasɛ ɔbono ɔ ba mɛ aɛɛ mɔ, akon a maŋ baa mɔɔ mɔ gɛkaako kpa-a. ɔbono o kyu mɔ-nyoro too me so mɔ, bolefo maŋ baa mɔɔ mɔ gɛkaako kpa-a."

36 "Fɛɛ gɛnɔɔbono nɛ wolaa buu sa fɛye mɔ, fɛ wu me, fɛŋ kii kyu fɛye-nyoro too me so."

37 Abono pewu mɛ-sɛ Wurubuaare kya sa mɛ mɔ, mɛ laa ba mɛ aɛɛ. Ne ɔbono ɔ ba genen mɔ, maŋ gya mɔ yɛɛ o' kii."

38 I kya nyiile yɛɛ ne lii Wurubuaare dɔ ba de n' baa wɔra ɔbono o sun me mɔ ɔbolɛ gɛlaare, i mɛŋ gɛyɛ mɛ gbaa-gbaa lɛɛ gɛlaare. ɔbono o sun me mɔ-gɛlaare so ne n' naa."

39 Mɔ-gɛlaare ne n' gɛyɛ yɛɛ abono o kyu sa mɛ mɔ dɔ ɔko-rɛ ɔko ɔŋ sa ɔ' fue mɔ-lɛwu gemara. ɔ kya laare daa fɛɛ n' kyingi mɔmɔ lii ibuni dɔ gɛkɛ laalaalogɛsɛ gɛbono Wurubuaare laa gyi anyamesɛ pewu nbele mɔ."

40 Mɛ-sɛ Wurubuaare kya laare yɛɛ nyamesɛ kamaasɛ ɔbono o wu me bii yɛɛ me ne n' gɛyɛ mɔ-bi mɔ ne o kyu mɔ-nyoro too me so mɔ, genen kaasɛ mɔ ɔ' nyɛ ɔkyenaten Wurubuaare aɛɛ gɛkpaa-gɛkpaa. Nan kyingi mɔ lii ibuni dɔ gɛkɛ laalaalogɛsɛ gɛbono Wurubuaare laa gyi anyamesɛ nbele mɔ."

41 Yesu gi tɔgɛ yɛɛ, "Mɛ ne n' gɛyɛ agyudɔ abono a lii Wurubuaare dɔ ba mɔ."

42 ɔ tɔgɛ genen mɔ, Gyuda awura abelɛnsɛ mɔ mɛ kya ŋuiini kyu lii imɔ so yɛɛ, "In' gɛyɛ Yesu, Gyosɛfo mɔ-bi mɔ ne? In' gɛyɛ mɔ-sɛ de mɔ-nyi ne a

nyi mo? Ne mene so ne ide kon o kya toge yee o lii Wurubuaare do ba mo daa?"

⁴³ Nfono ne Yesu gi toge sa momo yee, "Fe' yee ginuini mo.

⁴⁴ Oko man taale ba me ase mo-gibaa so, genen mo, Wurubuaare obono o sun me mo gi biide mo ba. Ne nan kyingi mo lii ibuni do geke laalaalogese gebono Wurubuaare laa gyi anyamese nbele mo.

⁴⁵ Wurubuaare ikalan atogebon owole mo do mo, me nmarase yela yee, Wurubuaare laa nyiile asa pewu ilaa.

N kya toge feye yee nyamese kamaase obono o nu imo ne o kase lii me-se Wurubuaare ase mo, genen kaase obono laa ba me ase.

⁴⁶ Ne toge genen mo, in gye yee n kya toge yee nyamese oko gi ti wu Wurubuaare de ansi kere. Obono o lii Wurubuaare ase mo mo-nkon ne n ti wu Wurubuaare de ansi.

⁴⁷ Gesintin ne n kya toge mi-i sa feye faa, obono o kyu mo-nyoro too me so mo laa kyena Wurubuaare ase gekpaa-gekpa.

⁴⁸ Me ne n gye agyudo abono a kya sa Wurubuaare ase gekyena onan mo.

⁴⁹ I gye gesintin yee feye-naanaana me gyi agyudo abono me kya tere yee 'mana' mo gipen do. Imo genen gbaa mo, me wu'.

⁵⁰ Me bere, n gye agyudo abono a lii Wurubuaare do ba mo. Nengyene fo oko fo gyi amo mo, fo man wu fue fo-lewu gemara.

⁵¹ Me ne n gye agyudo abono a kya sa Wurubuaare ase gekyena onan mo. Ne kpelege lii Wurubuaare do ba. Nengyene oko gi gyi genen agyudo ade mo, o laa nye Wurubuaare ase gekyena onan gekpaa. Genen agyudo abono nan kyu sa anyamese de me' nye Wurubuaare ase gekyena onan mo ne n gye me-nyoro."

Yesu Ilaa Togese I Yee Akyoolo A Toro Abelense Mo So

⁵² Ilaa ibono Yesu gi toge genen mo, i yee akyoolo a toro Gyuda awura abelense mo so. Me san me kya taase abara yee, "Nne ne onyen baare laa taale kyu mo-nyoro sa aye de a' gyi?"

⁵³ Nfono mo Yesu gi toge sa momo yee, "N kya toge feye gesintin; nengyene fey kya gyi me, anyamese pewu momo-daa mo-nyoro ne fe men kya nun me-nkalan mo, fey bo Wurubuaare ase gekyena onan.

⁵⁴ Obono o kya gyi me-nyoro ne o kya nun me-nkalan mo, o ti nye Wurubuaare ase gekyena onan gekpaa. Nan kyingi mo lii ibuni do geke laalaalogese gebono nan gyi anyamese nbele mo.

⁵⁵ Me-nyoro gi gye agyudo gesintin so, ne me-nkalan gi gye nkyu nunse gesintin so.

⁵⁶ Obono o kya gyi me-nyoro ne o kya nun me-nkalan mo, genen kaase obono bo me do, ne me kee n bo mo do.

⁵⁷ "Me-se obono o bo no adaa-adaa mo ne n sun me. Kyu lii mo so ne n' bo Wurubuaare ase gekyena onan faa. Genen kee ne, kyu lii me so mo, obono o kya gyi me-nyoro mo laa nye Wurubuaare ase gekyena onan.

⁵⁸ Me ne n gye agyudo abono a lii Wurubuaare do ba mo. Men de fee agyudo abono onan aye-naanaana mo me gyi ne me dabole wu' mo. Nyamese obono o gyi genen agyudo abono n dare faa bere, laa nye Wurubuaare ase gekyena onan gekpaa."

⁵⁹ Yesu gi toge imo ideana gikyangbon do abere abono o kya nyiile ilaa Kapeniyon mo.

⁶⁰ Akasebo mo me nu ibono o toge mo, momo do asa sakyu me toge yee, "Ilaa ide bere, i bo lon. Ane ne nan taale soo imo ide kyule?"

61 Yesu gi ti wolaa bii mo-gisen do yee me kya nyiine kyu lii ilaa ide so. Imoso o taase momo yee, "Imo ide i kya laare i' yee feye-gisoo gyi gi' koso me so?"

62 To! Imo ide gbaa ne. N baa kere fe wu me, anyamese pewu momo-daa mo, ne kii dii n kya kpe Wurubuaare do nfono nkana n wolaa n bo pei ne ne kpelege ba gesinkpan so mo.

63 "Wurubuaare Oduduu mo ne n kya sa nyamese Wurubuaare ase gekyena onan. Nyamese gibaa so mo o man taale wora sei de o' nye Wurubuaare ase gekyena. Agyebi abono ne toge sa feye faa a gye daa oduduu do ilaa ne a kya sa Wurubuaare ase gekyena onan.

64 Imo-re imo genen mo, feye ako fen kya soo gyi." Yesu gi toge genen mo, o ti wolaa o nyi asa mo do abono me men soo mo gyi mo de obono o laa yee mo-akyobo me' nye mo mo.

65 Yesu gi kii toge sa mo-akasebo mo yee, "Imo ide so ne ne toge feye yee oko men bo no o laa taale ba me ase mo-gibaa so, genen mo, me-se Wurubuaare gi sa mo okpa."

66 Lii genen abere abono mo, akasebo mo saky me tee momo-nyoro lii mo do, men baa me naa buu mo.

67 Imoso Yesu gi taase mo-akasebo gudu anyo mo yee, "Ne feye mo de-e? Feye kee fe laa tee feye-nyoro lii me do?"

68 Nfono mo Piita gi lee geno yee, "Aye-Wura, ane ase ne a laa kpe? Fo ne n bo agyebi abono a laa yee nyamese o' kyena Wurubuaare ase gekpaa-gekpa mo.

69 A ti kyu aye-nyoro too fo so ne a bii yee fo ne n gye gisen fufuli wura obono fo-nkon ne n lii Wurubuaare ase mo."

70 Yesu gi lee geno sa momo yee, "Me ne n lee feye gudu anyo ade. Feye do oko, mo, bo nwansa nyenyen."

71 Yesu kya toge genen mo, Gyudase, Simon Isikaayote mo-bi mo ne o dare genen. Gesintin mo, Gyudase baare gi baa kyu Yesu wora mo-akyobo abaa do, yee o gye Yesu akasebo gudu anyo mo do oko.

7

Yesu Mo-Tedeana Men Kya Soo Mo Gyi

1 Imo gemara mo, Yesu gi san naa-naa daa de Galeli isowole so. O men baa kyule kpe Gyudiya isowole so. I kya nyiile yee Gyuda awura abelense mo me kya laare mo-imooten.

2 Momo-geke bele geko ge kya fuude. Genen geke bele gebono gigyi do mo, me kya lii kpa da ipanpan kyena imo do.

3 Genen so mo, Yesu mo-tedeana me toge sa mo yee, "Koso lii gere de fo' kpe aye-isowole gemu Gyudiya gesinkpan so de fo-akasebo me' nye wu ilaa gbaa'gbaa ibono fo kya wora mo de momo-ansi.

4 Nengyene oko kya laare de asa me' bii mo so mo, o men kya wora mo-ilaa kyu nara. Nengyene fo kya taale wora genen ilaa ide mo, tese lee fo-nyoro gewi nyiile asa tentegelen."

5 Yesu mo-tedeana me toge genen mo, i kya nyiile yee momo gbaa me men kya soo Yesu gyi yee Wurubuaare ne n sun mo.

6 Me toge sa Yesu genen mo, Yesu gi toge sa momo yee, "Me-owi mo men ti fo. Feye bere, owi kamaase do mo, feye-owi gi fo sa feye.

7 Asa abono gesinkpan so ilaa ne n bo momo-ansi so mo me man taale kyo feye. Me bere me kya kyo me. I kya nyiile yee n kya toge momo gesintin yee momo-ilaa worase mo in boran.

8 Fe' koso kpe geke bele mo gigyi. Me bere, man kpe. Me-owi obono nan kyu lee me-nyoro gewi sa asa mo men ti fo."

9 Yesu gi toge sa mo-tedeana mo genen mo, o sii kyena Galeli. Mo-tedeana mo, mo, me kyon.

Abelense Mo Me Laare Yesu Geke Bele Ogyiten Mo Kpon

10 Yesu mo-tedeana mo me kyon genen mo, imo gemara mo ne Yesu mo kee gi koso kpe nno. O men kyule naa kpe tentegelen de o' kyu mo-nyoro saare asa do.

11 Gyuda awura abelense mo me kya laare mo geke bele ogyiten mo me kya kpon. Me san me kya taase yee, "O bo fone daa?"

12 Sakpii mo do asa kee me kya gyi nsingyi adedeede do kyu lii mo so gikyo. Ako me kya toge yee, "O gye nyamese dense." Mommo ako mo yee, "Kuaa. O kya pene asa daa de me' fue Wurubuaare okpa."

13 Oko-re oko men toge imo so ilaa tentegelen. I kya nyiile yee me sele Gyuda awura abelense mo.

Yesu Ilaa Nyiilese I Lii Wurubuaare Ase

14 Me gyi Ipanpan Do Gikyena gesi mo baa fo nsansana mo, ide kon mo, Yesu gi koso kpe Wurubuaare onon obu gikpaara mo so kpe o kya nyiile asa ilaa.

15 Yesu ilaa nyiilese mo i de Gyuda awura abelense mo geno. Me san me kya taase yee, "Nne so ne mo obono o men kpe imo-owole mo ne n kii o nyi ilaa mo genen?"

16 Nfono ne Yesu gi toge sa momo yee, "Me-ilaa nyiilese i men lii me gbaa-gbaa ase. I lii daa obono o sun me mo ase.

17 Fo nyamese kamaase obono fo kya laare fo' wora Wurubuaare gelaare mo, fo ne n gye obono fo laa bii yee me-ilaa nyiilese ide i lii daa Wurubuaare ase, abee me gbaa-gbaa gibaa so ne n' kya kyu nyiile ilaa genen.

18 Obono o kya nyiile asa ilaa mo-gibaa so mo kya laare daa nyisigyi o kya sa mo-nyoro. Ne obono, mo, o kya laare fee obono o sun mo mo ne o' nye nyisigyi mo, genen kaase obono ne n bo gesintin. Oj kya pene asa.

19 In gye Mosisi ne n kyu Wurubuaare nbara sa feye? Ne i wone so ne feye do oko-re oko men kya gyi nmo so ne fe kii fe kya laare me-imooten daa?"

20 Yesu gi taase asa mo genen mo, me lee geno yee, "Ilaa nyenyen oduduu te fo so. Ane ne n kya laare o' mo fo?"

21 Nfono mo, Yesu gi lee geno yee, "Ilaa kolon ne ne wora geke kyoolase ne i de feye geno faa.

22 In gye Mosisi gi yela awore giten nbara sa feye? I men lii Mosisi gbaa-gbaa ase bere. Genen nbara nbono gi lii daa aye-naanaana agyangbarabo mo ase. Fe koroge gebii nyensee ne geke gebono me laa kyu ten gemo-giwore mo i baa yii de geke kyoolase mo, fe men kya toge yee i gye geke kyoolase so mo fe' kosore yela geke poboro.

23 Ibono i ti i gye nbara so mo fe kya dabole ten awore nke kyoolase genobono i laa wora ne fe man toro Mosisi nbara mo. Mene n wora ne fe kyu ginyadon me so yee ne kye nyamese geke kyoolase?

24 Fen sa fe' kere asa ansi so toge yee momo-ilaa in boran. Fe' kyu gesintin bun asa gipuee de fe' sa aso."

Yesu Ne N Gye Obono Wurubuaare Yee O Laa Sun Mo Abee?

²⁵ Yesu kya tɔge genen mɔ, Gyɛrusalem ɔsowole mɔ so nten abi abono me bo nfono mɔ, me kya taase yee, “I men gye genen ɔnyen baare ne me kya laare de me' mɔɔ mɔ?”

²⁶ Kere, mɔ ne n yele tentegelen sansana ɔ kya tɔnge ne ɔko men kya tɔge mɔ sei mɔ. Abɛɛ idɛ kon, abelense mɔ me bii yee mɔ ne n gye ɔbono Wurubuaare gi wolaa tɔge yee ɔ laa sun de ɔ' baa mɔlege anyamese mɔ daa?

²⁷ Ɔde bere a nyi ɔsowole ɔbono so ɔ lii mɔ. Ɔbono Wurubuaare laa sun de ɔ' baa mɔlege anyamese mɔ, nkana a nyi yee ɔko-re ɔko man bii nfono ɔ laa lii mɔ.”

²⁸ Akyɔɔle mɔ so mɔ, Yesu san ɔ kya nyiile ilaa Wurubuaare ɔson obu gikpaara mɔ so genen mɔ, ɔ taase ɔmɔ ken-ken yee, “Fe nyi me? Fe nyi nfono ne lii mɔ? I men gye me-gibaa so ne ne ba. Ɔbono ɔ sun me mɔ bo no gesintin. Feye bere, fe men nyi mɔ.

²⁹ Me bere, n nyi mɔ. Mɔ ase ne ne lii ne mɔ ne n sun me.”

³⁰ Yesu gi tɔge genen ta mɔ, nfono mɔ Gyuda awura abelense mɔ me san me kya laare ɔkpa de me' nye keda mɔ. Imɔ genen mɔ, ɔko-re ɔko gibaa gi men yii mɔ. I kya nyiile yee mɔ-owi ɔbono Wurubuaare gi yela mɔ men ti taa fo.

³¹ Sakpii mɔ do asa sakyɔ bere, me sɔɔ Yesu gyi ne me san me kya taase yee, “Ɔbono Wurubuaare laa sun de ɔ' baa mɔlege anyamese mɔ laa ba mɔ, ɔbono laa taale baa wɔra ilaa lɛnyiilese de i' don ibono ɔnyen baare gi wɔra faa?”

Me Keda Yesu

³² Farasii awura mɔ me kya nu ibono sakpii mɔ me kya gyi nsingyi kyu lii Yesu so genen mɔ, mɔmɔ-re Gyuda awura asunbi alɛɛbo abelense me sun Wurubuaare ɔson obu mɔ adiibo ako yee me' kpa keda Yesu ba.

³³ Nfono mɔ Yesu gi tɔge yee, “Nan kii kyena feye ase daa nmaraa faa bɔla de n' kii kpe ɔbono ɔ sun me mɔ ase.

³⁴ Genen owi ɔbono mɔ, fe laa laare me, fe man kii nye me wu. Nfono nan kpa kyena mɔ feye bere, fe man taale ba nno.”

³⁵ Yesu gi tɔge genen mɔ, Gyuda awura abelense mɔ me san me kya tɔge ma-a sa abara yee, “Ndo, fe' nu mɔ-ilaa tɔgeɛ! Fone ne ɔnyen baare kya laare ɔ' kpe daa ne ɔ kya tɔge yee a laa laare mɔ-geten, a man wu mɔ faa? Abɛɛ ɔ laa sele kpa kyena aye-ade abono me te saare Geriiki awura do mɔ de ɔ' nyiile Geriiki awura mɔ ilaa daa?”

³⁶ Ibono ɔ tɔge yee a laa laare mɔ-geten kpon, a man wu mɔ, ne nfono ɔ laa kpe mɔ, a man taale kpe nno mɔ, mene ne ɔ dare genen?”

³⁷ Geke gebono ge tiikara mɔmɔ-geke bele gigyi do mɔ ne n gye geke gbaa' sa mɔmɔ. Genen geke gebono mɔ, Yesu gi koso yele ne ɔ tɔge ken-ken yee, “Nengyene bolefo de ɔko mɔ, kaase ɔ' ba me ase de ɔ' baa nun nkyu.

³⁸ Nyamese kamaase ɔbono ɔ kyu mɔ-nyoro too me so mɔ laa wɔra fee genɔbono me wolaa nmarase yela Wurubuaare agyebi do mɔ. Me nmarase yee,

‘Ɔbon laa kyon lii mɔ-gisen do.

Genen ɔbon ɔbono man nna geakaako.’ ”

³⁹ Yesu gi tɔge genen mɔ, imɔ gese ne n gye yee Wurubuaare laa kyu mɔ-Oduduu mɔ sa asa abono me laa kyu ɔmɔ-nyoro too Yesu so mɔ. Abere abono Yesu gi tɔge genen mɔ, Wurubuaare men ti taa kyu mɔ-Oduduu mɔ

sa ɔmɔ. I kya nyiile yee Wurubuaare men ti lee Yesu nyisigy gewi nyiile asa.

Akyɔɔle A Tɔɔ Asa Mɔ So

⁴⁰ Asa mɔ me nu ilaa ibono Yesu gi tɔge genen mɔ, mɔmɔ ako yee, "Gesintin mɔ, ɔnyen baare ne n gye Wurubuaare ikalan ɔtɔgebo ɔbono a nyi yee ɔ laa ba mɔ."

⁴¹ Mɔmɔ ako, mɔ, yee, "Mɔ ne n gye ɔbono Wurubuaare laa sun de ɔ' baa mɔlege anyamese mɔ." Ne mɔmɔ ako mɔ yee, "Ɔ man taale wɔra isa ɔbono Wurubuaare laa sun mɔ. Genen kaase ɔbono man lii Galeli gesinkpan so.

⁴² Wurubuaare agyebi mɔ dɔ mɔ, i tɔge yee ɔbono Wurubuaare laa sun genen mɔ laa wɔra daa Deefidi mɔ-naanaana dɔ de ɔ' lii Betelhem, Deefidi gewi."

⁴³ Mɔmɔ-nno gin wɔra gikolon kyu lii Yesu so.

⁴⁴ Mɔmɔ ako me laare fee me' keda mɔ kpaa tii. Mɔmɔ ɔko-re ɔko gibaa gi men kii nye yii mɔ.

Gyuda Awura Abelense Mɔ Me Men Sɔɔ Yesu Gyi

⁴⁵ Nfono mɔ Wurubuaare ɔson obu mɔ dɔ adiibo mɔ me kii kpe Gyuda awura asunbi alɛebo abelense mɔ de Farasii awura mɔ ase. Ne abelense mɔ me taase adiibo mɔ yee, "Mene n wɔra ne fe men bara mɔ?"

⁴⁶ Me lee geno yee, "Nyamese ɔko men bo no ɔ laa taale tɔnge lee ɔnyen baare."

⁴⁷ Nfono mɔ Farasii awura mɔ me taase adiibo mɔ yee, "Imɔso ɔ kpaa nye feye kee penɛ?"

⁴⁸ Abelense mɔ ako abee aye Farasii awura mɔ dɔ ako kee me sɔɔ mɔ gyi do-o?

⁴⁹ Genen asa abono me sɔɔ mɔ gyi mɔ bere men nyi Wurubuaare nbara nbono Mosisi gi yela mɔ. Imɔso mɔmɔ-re Wurubuaare abaa anyɔ."

⁵⁰ Ɔ tɔge genen mɔ, ɔbelense ɔko bo mɔmɔ Farasii awura mɔ dɔ me kya tere mɔ yee Nikodemusi. (Genen Nikodemusi baare ne n gye ɔnyen ɔbono ɔ naa kyena kpaa wu Yesu genye geko mɔ.) Nikodemusi gi taase mɔ-nanboana abelense mɔ yee,

⁵¹ "Aye-nbara gi kya bun nyamese gipuee owi ɔbono ɔn ti taa buu mɔ-geno dɔ ilaa de a' nu de a' bii ilaa ibono ɔ wɔra mɔ?"

⁵² Me kisee taase mɔ daa yee, "Fo kee fo lii Galeli daa do-o? Lɔɔ kpaa kere Wurubuaare agyebi mɔ dɔ dandan. Fo laa wu de fo' bii yee Wurubuaare ikalan ɔtɔgebo ɔko men bo no ɔ laa taale lii Galeli gesinkpan so."

[
⁵³ Me tɔge genen ta mɔ, mɔmɔ ɔkamaase gi yaase kyon mɔ-geɛten dɔ.

8

Me Keda Ɔkyii Ɔko

¹ Yesu bere, gi naa kyon kpe Nfo Iyii Gibii mɔ so.

² Gibaadiike fu-u mɔ, Yesu gi baa loo ɔsowole mɔ so ne o kii naa kpe Wurubuaare ɔson obu gikpaara mɔ so. Asa abono me bo nfono mɔ pewu me naa ba Yesu ase, ne o kpelege kyena ɔ kya nyiile mɔmɔ ilaa.

³ Gyuda awura nbara anjmarasebo mɔ de Farasii awura mɔ me kpaa kyu ɔkyii ɔko ba Yesu ase nfono. Me keda mɔ de ɔnyen. Me kyu mɔ baa yele sansana

4 ne me tɔge sa Yesu yee, “ɔbelense, a keda ɔkyii baare de ɔnyen.

5 To, Wurubuaare nbara do mo Mosisi gi nmarase yela yee a' too abui moɔ genen asa abono ɔnan. Fo-o fo mo, nne ne fo de?”

6 Me taase Yesu genen ilaa ide daa kyu soo mo idoo kere de me' kyu mo wɔra nbele do. Me taase Yesu genen mo, o sii wuruge ne o kyu mo-gibaabi o kya nmarase gesinkpan.

7 Me kpe ma-a taase mo genen so mo, o koso yele ne o tɔge sa momo yee, “Feye do ɔbono ɔɲ ti wɔra ilaa nyenyen mo, o' daa gigyangbara too gibui da ɔkyii mo.”

8 Yesu gi tɔge momo genen mo, o kii sii wuruge kyu mo-gibaabi o kya nmarase gesinkpan mo.

9 Gyuda awura nbara nmarasebo mo de Farasii awura mo me nu ilaa ibono Yesu gi tɔge sa momo genen mo, me yaase gebelense so gekuii-gekuii ne i san ɔkyii mo wole gi san o yele Yesu ase sakpii mo do.

10 I san momo-wole genen mo, Yesu gi koso yele ne o taase ɔkyii mo yee, “ɔkyii, me bo fone? I men nye oko de o' bun fo gipue?”

11 ɔkyii mo gi lee geno yee, “Kuaa, me-wura.” Nfono ne Yesu gi tɔge sa mo yee, “Me kee man bun fo gipue. Naa fo kya kpe de fo' taa fo-ilaa nyenyen giwɔra yee.”]

Yesu Ne N Gye Fatela Sa Anyamese

12 Yesu gi kii tɔge sa momo yee, “Me ne n gye fatela sa anyamese. ɔbono o laa wɔra me-ɔkasebo mo man naa gibiri do. O laa nye Wurubuaare ase gekyena ɔnan de i' wɔra fee fatela ne n kya wu mo.”

13 Nfono mo Farasii awura mo me tɔge sa mo yee, “Fo-wole ne n kya buu faa. I man sa de a' kyu imo wɔra ilaa do.”

14 Yesu gi lee geno sa momo yee, “Me-wole ne n kya buu gbaa mo, i kaabore fe' nu me ase. I kya nyiile yee me ne n nyi nfono ne lii mo ne me ne n nyi nfono nan kii kpe mo. Feye bere, fe men nyi nfono ne lii mo ne fe men nyi nfono nan kii kpe mo.

15 Ansi so ne fe kya kere de fe' tɔge yee oko ilaa i boran abee in boran. Me bere, men kya kere asa ilaa do tɔge sei.

16 Nengyene fee n' taa tɔge oko ilaa gbaa mo, nkana i laa kyena. I kya nyiile yee i men gye me-wole ne n kya kere imo do. Me-re me-se ɔbono o sun me mo ne n kya kere imo do.

17 Feye gbaa-gbaa nbara do mo, me wolaa nmarase yela yee nengyene fee asa anyo nno gi wɔra gikolon nbele do mo i kaabore fe' nu momo ase.

18 To, me n kya tɔge me-nyoro so ilaa ne; me-se ɔbono o sun me mo kee laa lee nyiile yee me-ilaa tɔgese ide i gye gesintin.”

19 Lii genen so mo, me taase mo yee, “Fo-se mo bo fone?” Yesu gi lee geno yee, “Fe men nyi me. Me-se ne fe laa bii? Nengyene fe nyi me mo, nkana ɔfaanan fe nyi me-se kee.”

20 Owi ɔbono Yesu gi tɔge genen agyebi ade sa momo mo, o sindi nfono me kya too aterenbi wɔra sa Wurubuaare, ɔson obu gikpaara mo so. ɔko-re oko men kii keda mo nfono, i kya nyiile yee mo-owi kedase men ti fo.

²¹ Yesu gi kii tōge sa mōmō yee, “N kya kii mi-i kyon ne. Fe laa san laare me de Wurubuaare ɔ' baa mōlēge feye, feŋ baa nye. Fe laa wu' de feye-ilaa nyenyen daa. Nfono n kya kpe mō, fe maŋ taale ba nno.”

²² Nfono mō, Gyuda awura abelense mō me kya tōge ma-a sa abara me kya ŋmase yee, “Ŋnyen baare te faa, ɔ laa mōɔ mō-nyoro. Fe meŋ kya nu genɔɔbono ɔ kya kale aye mō? ɔ tōge yee nfono ɔ kya kpe mō a maŋ taale ba nno.”

²³ Yesu gi kii tōge sa mōmō yee, “Fe lii daa gese gere. Me bere, ne lii daa Wurubuaare dō. Gesinkpan gere-lee wole asa ne fe gye. Feŋ kya nyingi Wurubuaare so. Me bere, meŋ de fee feye genen asa abono onan.

²⁴ Ne ti wolaa tōge sa feye yee fe laa wu' daa de feye-ilaa nyenyen. I gye gesintin yee nengyene fe kine fe maŋ sōɔ me gyi yee me ne n bo no pei ne ilaa kamaase i bo no mō fe laa wu' daa de feye-ilaa nyenyen.”

²⁵ Yesu gi tōge ɔmō genen mō, me taase mō yee, “Fo ne n gye ane?” Yesu gi lee genɔ yee, “Ne ti wolaa tōge feye lii ko-o gese de gese.

²⁶ N bo ilaa gikyɔ nan tōge kyu lii feye so de i' kyu bun feye gipuee. ɔbono o sun me mō, mō, ne n bo gesintin. Ilaa ibono ne nu lii mō ase mō wole ne n' kya lee tōge sa anyamese.”

²⁷ Yesu kya tōnge de ɔmō genen pewu faa, me meŋ nu gese yee mō-se Wurubuaare ne ɔ dare yee mō ne n sun mō mō.

²⁸ Imōso Yesu gi kii tōge sa mōmō yee, “Nengyene me ti puru me, anyamese pewu mōmō-daa mō, diire gyan lewu oyii so mō, nfono ne fe laa bii yee me ne n bo no pei ne ilaa kamaase i bo no. Genen kee mō fe laa bii yee meŋ kya wōra ilaa iko abee n' tōge ilaa iko me-gibaa so. Ilaa ibono me-se Wurubuaare gi nyiile me mō ne n' kya tōge.

²⁹ ɔbono o sun me mō bo me ase. ɔ meŋ taa me yege. I kya nyiile yee owi kamaase dō mō, n kya wōra daa ilaa ibono i kya gyi mō-ginsi mō.”

³⁰ Asa mō me nu Yesu gi tōge genen ilaa ide mō, mōmō dō sakyɔ me sōɔ mō gyi yee Wurubuaare ne n sun mō.

Asa Abono Me Meŋ Gye Nbide De Abono Me Gye Nbide Mō

³¹ Yesu gi tōge sa Gyuda awura abono me sōɔ mō gyi mō yee, “Nengyene fe keda me-ilaa nyiilese ibono n kya nyiile feye faa dō mō, fe gye me-akasebo gesintin.

³² Fe laa bii Wurubuaare gesintin ilaa mō, ne genen gesintin ilaa ibono mō i laa yege fe laa nye feye-nyoro. Feŋ baa wōra nbide.”

³³ Gyuda awura abelense mō me lee genɔ yee, “Aberaham mō-naanaana ne a gye. Gekaako a meŋ ti taa wōra nbide sa ako. Ne nne so ne fo kya tōge yee a laa nye aye-nyoro?”

³⁴ Nfono mō Yesu gi lee genɔ yee, “Gesintin ne n kya tōge mi-i sa feye faa, nyamese kamaase ɔbono ɔ kya wōra ilaa nyenyen mō gye daa gebide sa ilaa nyenyen.

³⁵ Gebide ne n kine ge keela nne mō, ge maŋ bingiri gemō-wura mō-bi. Geten wura mō-bi mō bere, gye geten mō dō gekpaa.

³⁶ Imōso nengyene me, Wurubuaare mō-bi mō ne yege fo ɔko fo' nye fo-nyoro lii gebide dō mō, fo nye fo-nyoro gesintin.

³⁷ N nyi ibono Aberaham mō-naanaana ne fe gye. Fe kii fe kya laare me-imooten. I kya nyiile yee ilaa ibono n kya nyiile mō feŋ kya nu gese sa me.

³⁸ Ilaa ibono ne wu me-se Wurubuaare ase mō ne n' kya tōge. Feye mō kee, ilaa ibono fe nu lii feye-se ase mō ne fe kya wōra.”

39 Mɛ lɛɛ gɛnɔ yɛɛ, “Aberaham ne n gye daa aye-naana.” Nfono ne Yesu gi tɔgɛ sa mɔmɔ yɛɛ, “Nengyene fɛɛ Aberaham mɔ-naanaana ne fɛ gye gɛsintin mɔ, nkana fɛ laa wɔra ilaa ibono Aberaham gi wɔra mɔ ɔnan.

40 Imɔmɔ mɔ, n kya tɔgɛ gɛsintin gebono nɛ nu lii me-sɛ Wurubuaarɛ aɛ n kya sa fɛye mɔ, fɛ kya laarɛ me-imɔɔten daa. Aberaham berɛ mɛn wɔra fɛye-lɛɛ ide ɔnan.

41 Ɔbono ɔ gye fɛye-sɛ gbaa-gbaa mɔ ilaa wɔrase mɔ ɔnan ne fɛ kya wɔra faa.” Mɛ lɛɛ gɛnɔ yɛɛ, “Aye berɛ, a mɛn gye agyibara nbii. Ɔsɛ kolon ne a bo. Mɔ ne n gye Wurubuaarɛ.”

42 Nfono ne Yesu gi tɔgɛ sa mɔmɔ yɛɛ, “Nengyene Wurubuaarɛ ne n gye fɛye-sɛ mɔ, nkana fɛ laa laarɛ me-ilaa. Nɛ lii daa Wurubuaarɛ aɛ ne nɛ ba. Wurubuaarɛ ne n sun me. I mɛn gye me gbaa-gbaa me-gibaa so ne nɛ ba.

43 Mɛnɛ n wɔra ne fɛ mɛn kya nu ilaa ibono n kya tɔgɛ mɔ gɛsɛ daa? Fɛ kya kyo me me-ilaa tɔgɛsɛ so. Genen so ne fɛ mɛn kya nu me-gɛsɛ faa.

44 Fɛ lii fɛye-sɛ ilaa nyenyɛn pɛwu gɛmu mɔ aɛɛ. Imɔso fɛye-gɛlaarɛ ne n gye yɛɛ fɛ' wɔra fɛye-sɛ mɔ gɛlaarɛ. Lii ko-o gɛsɛ de gɛsɛ mɔ, ɔ gye daa ɔbono ɔ kya mɔɔ asa. Mɔ-rɛ gɛsintin mɛn kya wu abara ginsi. Gɛsintin gɛ mɛn bo mɔ dɔ. Nengyene ɔ kya kɛɛ abon mɔ, mɔ-ilaa wɔrase ne i wolaa i gye. Mɔ-oyuduu ne. Ɔ gye daa ɔbonbo, ne mɔ ne n gye abon pɛwu gɛmu.

45 Mɛ berɛ, n kya tɔgɛ daa gɛsintin. Imɔso ne fɛ mɛn kya sɔɔ me gyi faa.

46 “Fɛye dɔ anɛ ne nan taalɛ lɛɛ yii me yɛɛ nɛ wɔra ilaa nyenyɛn iko kerɛ? Fɛ nyi ibono gɛsintin ne n' kya tɔgɛ. Ne mɛnɛ n wɔra ne fɛ mɛn sɔɔ me gyi?”

47 Abono mɛ gye Wurubuaarɛ adɛ mɔ mɛ kya nu Wurubuaarɛ ilaa tɔgɛsɛ. Fɛ mɛn gye Wurubuaarɛ adɛ so ne fɛ mɛn kya nu Wurubuaarɛ ilaa tɔgɛsɛ faa.”

Yesu Mɔ-rɛ Aberaham

48 Yesu gi tɔgɛ Gyuda awura abelɛnsɛ mɔ genen mɔ, mɛ taasɛ mɔ yɛɛ, “Inj gye a tɔgɛ yɛɛ i tɛ faa fo gye daa Samariyanɛn, ilaa nyenyɛn oduduu i tɛ fo so, i mɛn gye imɔ ne?”

49 Nfono ne Yesu gi lɛɛ gɛnɔ yɛɛ, “Ilaa nyenyɛn oduduu inj taa tɛ me so. N kya kyu buubuu kyu sa me-sɛ Wurubuaarɛ daa, ne fɛye berɛ, fɛ mɛn kya buu me.

50 Nɛ tɔgɛ genen faa, mɛn kya laarɛ nyisigyɛ mi-i sa me-nyoro. I bo ɔbono ɔ kya laarɛ nyisigyɛ ɔ sa me mɔ. Mɔ ne nan gyi me-rɛ fɛye-nbɛlɛ.

51 Gɛsintin ne n' kya tɔgɛ mi-i sa fɛye faa, ɔbono ɔ kya nu me-gɛdɛ mɔ, mɛn wu' lɛwu gbaa-gbaa gɛkaako kpa-a.”

52 Gyuda awura abelɛnsɛ mɔ mɛ lɛɛ gɛnɔ yɛɛ, “Idɛ kon berɛ, a wu gɛsintin yɛɛ ilaa nyenyɛn oduduu i tɛ fo so. Aberaham gi wu'. Wurubuaarɛ ikalan atɔgɛbo mɔ kee mɛ wu'. Fo-o fo berɛ, fo kya tɔgɛ daa yɛɛ nyamɛsɛ ɔbono ɔ kya nu fo-gɛdɛ mɔ, mɛn wu' gɛkaako kpa-a.

53 Fo ne n don aye-naana Aberaham? Aberaham gi wu' ne Wurubuaarɛ ikalan atɔgɛbo mɔ kee mɛ wu'. Ne mɛnɛ nyamɛsɛ ɔnan ne fo kya tɔgɛ yɛɛ fo gye daa?”

54 Yesu gi lɛɛ gɛnɔ yɛɛ, “Nengyene fɛɛ n kya lɛɛ me-nyisigyɛ nyiile asa me-gibaa so mɔ, genen nyisigyɛ ɔbono mɛn gye sɛi. Me-sɛ Wurubuaarɛ ne n kya lɛɛ me-nyisigyɛ nyiile. Mɔ ne n gye ɔbono fɛ kya ten fɛye-nyoro gɛnɔ yɛɛ fɛye-Wurubuaarɛ mɔ.

⁵⁵ Yεε fε mεη nyi mɔ. Me bere, n nyi mɔ. Nengyene ne tɔge yεε mεη nyi mɔ mɔ, nan wɔra ɔbonbo fεε fεye. N nyi mɔ, ne n' kya nu mɔ-gede.

⁵⁶ "Feye-naana Aberaham gi nu yεε ɔ laa nye wu me-gesinkpan so giba mɔ, i wɔra mɔ ɔkon. Ne gesintin mɔ, o wu me-giba, ne o gyi ɔkon."

⁵⁷ Gyuda awura abelense mɔ me taase Yesu yεε, "Fo ɔbono fon ti taa gyi nsi ikue-inyɔ de saalaa mɔ, nne ne fo wɔra ne fo-re Aberaham fε wu abara?"

⁵⁸ Nfono mɔ, Yesu gi tɔge sa mɔmɔ yεε, "N' tɔge fεye gesintin yεε pɛi de i' lɔɔ koroge Aberaham mɔ, n wolaa n bo no. Me ne n bo no pɛi ne ilaa kamaase i bo no."

⁵⁹ Ibono Yesu gi tɔge genen so mɔ, me puru abui me laa too da mɔ mɔ. O wu genen mɔ, ɔ ηara lii Wurubuaare ɔson obu gikpaara mɔ so ne ɔ kyon taa mɔmɔ yεε.

9

Yesu Gi Kye ɔnyen ɔbono I Koroge Mɔ De Gigaatanbo Mɔ

¹ Yesu gi lii Wurubuaare ɔson obu gikpaara mɔ so ɔ kya kyon mɔ, o wu ɔnyen gyaatanbo ɔko. Me koroge mɔ daa de gigaatanbo mɔ.

² Nfono mɔ Yesu akasebo mɔ me taase mɔ yεε, "ɔbelense, anε ilaa nyenyen so ne me koroge ɔnyen baare de gigaatanbo faa? Mɔ-se de mɔ-nyi abεε mɔ gbaa-gbaa daa?"

³ Yesu akasebo mɔ me taase mɔ genen mɔ, Yesu gi lεε genɔ yεε, "I mεη gye ɔnyen baare ilaa nyenyen so, ne i mεη kii i gye mɔ-se abεε mɔ-nyi ilaa nyenyen so ne me koroge mɔ de gigaatanbo. I ba genen daa de Wurubuaare gesun wɔrase mɔ ge' lii gewi kyu naa de ɔnyen mɔ so.

⁴ Aye bere, ilaa ibono i kaabore a' wɔra mɔ ne n gye yεε a' kpe keda ɔbono o sun me mɔ gesun mɔ dɔ a' kpe a kya wɔra abere abono a bo nyoro faa. Genye ge kya ba. I baa bun wɔra aye mɔ, ɔko-re ɔko maη baa taale wɔra sei.

⁵ Abere abono me n san n bo gesinkpan so faa, n gye fatela sa gesinkpan so anyamese."

⁶ Yesu gi tɔge genen ta mɔ, ɔ too akyɔle bun yela gesinkpan ne ɔ fɔgede wɔra gipateε ne o kyu bɔ gyaatanbo mɔ ansi. ɔ bɔ mɔ ta mɔ,

⁷ ɔ tɔge sa mɔ yεε, "Naa kpaa foro fo-ansi Silowam gibun dɔ." (Silowam gese ne n gye yεε abunge.) ɔnyen mɔ gi naa kpaa foro mɔ-ansi ne ɔ lii nfono mɔ, mɔ-ansi mɔ a bugi. Ide kon mɔ, ɔ san ɔ kya wu.

⁸ Asa abono mɔmɔ-re gyaatanbo mɔ-lεε nten gi sindi abara mɔ de abono pewu nkana me nyi mɔ yεε ɔ kya kyena kole aterenbi mɔ, me san me kya taase abara yεε, "I mεη gye ɔnyen baare ne n kya kyena ikpa nkan-nkan kole aterenbi mɔ?"

⁹ Asa ako me kyule yεε, "En, mɔ ne." Ne mɔmɔ ako mɔ yεε, "Kuaa, i mεη gye mɔ ne. ɔ lii mɔ daa." Me kya sɔɔ abara akyɔle genen mɔ, ɔnyen mɔ gbaa-gbaa gi tɔge sa ɔmɔ yεε, "Me ne."

¹⁰ Imɔso asa mɔ me taase mɔ yεε, "Ne nne ne fo-ansi mɔ a wɔra ne a bugi?"

¹¹ ɔ lεε genɔ sa mɔmɔ yεε, "ɔnyen ɔbono me kya tere mɔ yεε Yesu mɔ ne n wɔra gipateε ne o kyu bɔ me-ansi ne ɔ tɔge sa me yεε, 'Naa kpaa foro fo-ansi Silowam gibun dɔ.' Gesintin mɔ, ne naa kpaa foro me-ansi mɔ, me-ansi a bugi. Imɔ ne ne nye n kya wu faa."

¹² ɔnyen mɔ gi tɔge sa asa mɔ genen mɔ, me taase mɔ yεε, "ɔ bo fone dɔ?" Ne ɔ lεε genɔ yεε, "Mεη nyi."

Abelense Me Kya Taase Genoobono Yesu Gi Kye Gyaatanbo Mo

¹³ Nfono mo, asa mo me kyu onyen mo kpe Farasii awura mo ansi do.

¹⁴ Geke gebono Yesu gi wora gipatee mo kyu bugi gyaatanbo baare ansi mo, genen geke gebono ge gye momo Gyuda awura geke kyoolase.

¹⁵ Asa mo me kyu onyen mo kperere Farasii awura mo genen mo, Farasii awura mo kee me taase mo genoobono i ba ne mo-ansi a bugi ne o nye o kya wu mo. Onyen mo gi buu sa momo yee, "O kyu gipatee kyu bo me-ansi ne ne kpaa foro me-ansi ne a bugi ne ne nye n kya wu faa."

¹⁶ Onyen mo gi buu sa Farasii awura mo genen mo, momo ako me toge yee, "Onyen obono o wora genen ilaa ide faa, i men gye Wurubuaare ne n sun mo. I kya nyiile yee o men kya gyi Wurubuaare geke kyoolase nbara mo so." Momo ako mo yee, "Nengyene o gye ilaa nyenyen oworabo mo, nne so ne o laa taale wora amunale ilaa ide onan?" Momo pewu nno gi wora kpei-kpei.

¹⁷ Nfono mo, Farasii awura mo me kii taase onyen mo yee, "Fo-o fo mo, fo-ansi ne o bugi sa fo mo. Imoso mene ilaa ne fo bo fo laa toge kyu lii mo so?" Onyen mo gi lee geno yee, "O gye daa Wurubuaare ikalan otogebobo."

¹⁸ Imo ide gemara pewu mo, Gyuda awura abelense mo me men soo gyi yee i gye gesintin fee nkana genen onyen baare gye daa gyaatanbo. Imoso me sun kpaa tere mo-nyi de mo-se,

¹⁹ ne me taase momo yee, "Feye-bi obono fe kya toge yee fe koroge mo de gyaatanbo mo ne? Ne mene n wora ne mo-ansi a bugi ne o kya wu kon?"

²⁰ Nfono mo, onyen mo mo-se de mo-nyi me lee geno yee, "A nyi ibono aye-bi ne. A koroge mo de gyaatanbo daa.

²¹ To, genoobono i ba ne ide kon o kya wu faa bere, aye a man taale bii. A men kii a nyi nyamese kolon obono o bugi mo-ansi mo. O men baa o gye gebii. Fe' taase mo gbaa-gbaa. O laa taale tonge sa mo-nyoro."

²² Gyuda awura abelense mo gifuu so-o so ne n yege ne onyen mo mo-nyi de mo-se me toge genen. I kya nyiile yee Gyuda awura abelense mo me ti toge yela yee obono o laa lee toge sansana yee Yesu ne n gye omolegebo obono Wurubuaare gi toge yee o laa sun ne me nu mo, me laa tii kaase yee mo-giyaa gi man baa nye yii momo-gikyangbon do.

²³ Genen ilaa ibono so ne me toge sa Gyuda awura abelense mo yee, "O men baa o gye gebii. Fe' taase mo gbaa-gbaa" mo.

Onyen Mo Giyaa Gi Man Baa Nye Yii Gikyangbon Do

²⁴ Nfono mo, abelense mo me kii tere onyen mo nkana o gye gyaatanbo mo ba momo ase ginyose, ne me toge mo yee, "Kere fee Wurubuaare de fo' toge gesintin gebono fo nyi mo. Aye bere, a nyi ibono genen onyen baare gye daa ilaa nyenyen oworabo."

²⁵ Me toge sa mo genen mo, o lee geno yee, "Me ne yee o gye ilaa nyenyen oworabo abee feye daa? Ilaa kolon ibono n nyi mo ne n gye yee nkana n gye daa gyaatanbo, ne ide kon mo n kya wu ilaa."

²⁶ O toge genen mo, me kii taase mo yee, "Mene ne o kyu wora fo? Nne so nne so ne o wora ne o bugi fo-ansi mo sa fo daa?"

²⁷ Onyen mo gi lee geno yee, "Ne ti wolaa buu sa feye genoobono i ba mo, ne fe men nu me ase. Mene ne fe kii fe kya laare de fe' kii nu? Abee feye kee fe kya laare fee fe' baa wora mo-akasebo daa?"

²⁸ Onyen mo gi taase momo genen mo, me toro loo mo-asebi do, ne me toge sa mo yee, "Fo ne n gye mo-okasebo. Aye bere, a gye daa Mosisi-lee.

29 A nyi ibono Wurubuaare gi tonge sa Mosisi. Genen onyen baare bere, a men nyi nfono o lii mo."

30 Onyen mo gi lee geno yee, "Genen bere mo, i gye ilaa ibono i kya de geno ne. Feye yee fe men nyi nfono o lii mo. Mo, mo ne n kii bugi me-ansi sa me faa.

31 A nyi ibono Wurubuaare men kya nu ilaa nyenyen aworabo ndalaa. Nyamese obono o kya sele mo Wurubuaare, ne o kya wora mo-gelaare ilaa mo, genen kaase obono ne Wurubuaare kya nu mo-gedala.

32 Kpe kyu lii ko-o ibono Wurubuaare gi lee soso de gese baa fo genen owi baare faa, a men ti taa nu yee nyamese oko gi ti taale bugi gyaatanbo obono me koroge mo de gigaatanbo mo ansi gekaako kere.

33 Imoso, ngyene i men gye Wurubuaare ne n sun genen onyen baare mo, nkana ofaanan o menan taale wora sei."

34 Onyen mo gi toge genen ta mo, Gyuda awura abelense mo me toge sa mo yee, "Fo obono i koroge fo de gibusafo mo, fo ne nan kii baa nyiile aye ilaa?" Nfono ne me tii mo yee mo-giyaa gi man baa nye yii momo-gikyangbon do.

Me Gye Agyaatanbo Yee Momo-Ansi A Men Kii Boori

35 Yesu gi nu yee Gyuda awura abelense mo me tii onyen mo genen mo, o kpaawu onyen mo, ne o taase mo yee, "Fo soo anyamese pewu momo-daa mo gyi?"

36 Onyen mo gi lee geno yee, "Obelense, anyamese pewu momo-daa mo ne n gye ane? Nyiile me mo de n' soo mo gyi."

37 Yesu gi toge mo yee, "Fo ti wu mo ne. Mo ne n kya tonge de fo faa."

38 Nfono mo, onyen mo gi toge sa Yesu yee, "Me-wura, ne soo gyi," ne o nmii mo ne o kyu buubuu sa mo.

39 Nfono mo Yesu gi toge yee, "Ne ba gesinkpan so daa de i' barage anyamese do de asa abono in kya wu omo mo, me' nye wu ilaa, de abono, mo, me kya wu mo, me' bingiri agyaatanbo."

40 Farasii awura abono me bo Yesu ase nfono mo me nu ibono Yesu gi toge genen mo, me taase mo yee, "Aye ne n gye agyaatanbo mo faa?"

41 Ne o lee geno yee, "Ngyene fe gye agyaatanbo mo, nkana fe man gyi gipuee. To, ibono mo, fe kya toge yee fe kya wu faa, feye-gipuee mo gi sii de feye."

10

Isande Gekpen Gebunono Gikpale

1 Yesu gi da gikpale sa momo yee, "N kya toge feye gesintin, nyamese obono o men kyu de gebunono so kyu loo isande gekpen mo do ne o kpaawu dii de geteeko so kyu loo mo, genen kaase obono gye daa oyu abee o kya laare o' kpaawuuri geyu pinini daa.

2 Ne nyamese obono, mo, o kyu de gebunono so kyu loo isande gekpen mo do mo ne n gye isande mo okparebo.

3 Isande okparebo mo kya naa kpe gebunono ase ne obono o kya dii isande gebunono mo kya tigi gisen sa mo de o' loo. O kya tere mo-isande mo okamaase mo-re mo-ginyen de o' kyu momo kyu kpe gigyi.

4 Okparebo mo gi kpare mo-isande mo lii gekpen mo do mo, o kya gyangbara sa momo de me' buu mo. I kya nyiile yee me kya bii mo-geno de me' nu mo ase.

⁵ Isa ɔko giyan bere, me man kyule naa buu mo. Me laa sele taa mo yege. I kya nyiile yee me men kya bii mo-genɔ de me' nu mo ase."

⁶ Yesu gi da Gyuda awura abelense mo gikpale genen mo, me men nu gimɔ gese.

⁷ Genen so mo, o kii toge yee, "N kya toge feye gesintin. Me ne n gye isande gekpen mo gebunono mo.

⁸ Momo abono pewu me da gibaa wɔra fee me-lee onan mo, me de daa fee iyu abee abono me kya yuuri geyu pinini mo. Isande mo me men ka momo abono genɔ.

⁹ Me n de fee gekpen gebunono mo. Nengyene ɔko laa naa de me so kyu loo mo, genen kaase obono laa nye amolege. ɔ laa loo de ɔ' lii owi kamaase obono ɔ kya laare mo de ɔ' nye ogyiten.

¹⁰ Iyu mo me ba daa de me' baa yuuri, me' moɔ de me' nyida. Mi-i me bere, ne ba daa de n' yege asa me' nye Wurubuaare ase gekyena gekpaa.

Yesu Ne N Gye Isande ɔkparebo Dense Mo

¹¹ "Me ne n gye isande ɔkparebo dense mo. Obono ɔ gye isande ɔkparebo dense mo ne n kya kyu mo-nyoro fue de ɔ' soɔ mo-isande lewu.

¹² Obono ɔ kya kpare isande de me' ka mo giko mo bere, i men gye mo ne n bo isande mo. Nengyene o wu fee kuntun kya ba isande mo do mo, ɔ laa sele taa isande mo yege de kuntun mo ɔ' baa keda isande mo, de ɔ' yaase momo.

¹³ Ibono so ɔ kya sele taa isande mo yege genen mo ne n gye yee ɔ kya kere momo so daa de me' ka mo giko. Isande mo ilaa i men tiri mo de sei.

¹⁴ "Me ne n gye isande ɔkparebo dense mo. N nyi me-isande ne me-isande, mo, kee me nyi me,

¹⁵ fee genɔobono me-se Wurubuaare nyi me ne me kee n nyi mo mo. Nan kyu me-nyoro fue de n' soɔ me-isande mo lewu.

¹⁶ N bo isande iko kee nten nko. Momo abono me men bo gikpen gide do. I kaabore n' kyu momo ba kee de me' nu me ase de me' wɔra isande gikpen kolon de me' nye isande ɔkparebo kolon.

¹⁷ "Wurubuaare kya laare me-ilaa. I kya nyiile yee nan kyu me-nkpa fue de n' kii kpaa kyu.

¹⁸ ɔko man soge me-nkpa lii me-abaa do. Me gbaa-gbaa me-gibaa so ne n' kya kyu me-nkpa kyu fue. N bo ɔkpa de n' kyu me-nkpa fue ne n' bo ɔkpa de n' kii kpaa kyu me-gibaa so. Genen ne me-se Wurubuaare gi ka sa me ne."

¹⁹ Ilaa ibono Yesu gi toge faa so mo, i yege Gyuda awura abelense mo nwonso nbono me kya sa kyu lii mo so mo gi kii wɔra kpei-kpei.

²⁰ Asa mo do sakyɔ me kya toge yee, "Ilaa nyenyen oduduu i te Yesu so. ɔ kya lo giye daa. Ma-a nu' ode ase?"

²¹ Momo ako mo yee, "I men gye isa obono onan ilaa nyenyen oduduu i te mo so mo atongebi ne. Nne so ne ilaa nyenyen oduduu i laa taale bugi agyaatanbo ansi?"

Gyuda Awura Abelense Me Men Gye Yesu Isande Mo Do

²² Owi ɔko do mo Yesu bo Gyerusalem, ne owi gi fo ibono Gyuda awura mo me kya gyi gekɛ bele kyu nyingi genɔobono me lɔɔ Wurubuaare onon obu mo yela sa mo-onon mo.

²³ Genen owi obono mo, i gye awo abere. Yesu naa de Wurubuaare onon obu gikpaara mo so gesalaga gebono me kya tere gemɔ yee Solomon gesalaga mo do.

24 Nfono mɔ, Gyuda awura abelense mɔ me baa kyaabɔɔ Yesu ne me taase mɔ yɛɛ, “Fo kya laare a' kyena kpaa fo owi ɔmɔ daa? Nengyene fo ne n gye ɔbono Wurubuaare gi sun de ɔ' baa mɔlɛge anyamese mɔ, tɛse tɔge tigi aye.”

25 Me taase Yesu genen mɔ, ɔ lɛɛ genɔ yɛɛ, “Nɛ wolaa tɔge sa fɛye. Fɛɲ sɔɔ me gyi daa. Ilaa gbaa'gbaa ibono n dɛ me-sɛ Wurubuaare ginyen n kya wɔra mɔ ne n kya lɛɛ nyamese ɔbono ɔnan n gye mɔ gewi nyiile.

26 Fɛye mɔ, fɛ mɛɲ kii sɔɔ me gyi. I kya nyiile yɛɛ fɛɲ gye me-isandɛ.

Abono Me Gye Yesu Isandɛ Mɔ

27 “Isandɛ ibono i gye me-lɛɛ mɔ, me kya nu me-gɛdɛ. N nyi mɔmɔ ne me kya naa buu me.

28 N kya sa mɔmɔ Wurubuaare ase gɛkyena gɛkpaa. Iɲ bo no yɛɛ mɔmɔ dɔ ɔko laa fuɛ mɔ-lewu gɛmara. ɔko mɛɲ bo no ɔ laa sɔge mɔmɔ lii me-abaa dɔ.

29 Me-sɛ Wurubuaare ɔbono o kyu mɔmɔ sa me mɔ bo lon don ilaa kamaasɛ. Ne ɔko mɛɲ bo no, ɔ laa taalɛ sɔge mɔmɔ lii me-sɛ Wurubuaare abaa dɔ.

30 Me-rɛ me-sɛ Wurubuaare mɔ a gye daa gikolon.”

Abelense Mɔ Me Kya Laare Mɛ' Da Yesu Abui Mɔɔ

31 Ibono Yesu gi tɔge genen ta mɔ, Gyuda awura abelense mɔ me kii puru abui me laa da mɔ mɔɔ.

32 Nfono ne Yesu gi tɔge sa mɔmɔ yɛɛ, “Wurubuaare gi yɛge ne wɔra ilaa gbaa'gbaa fɛye-ansi so. Imɔ imɔmɔ so ne fɛ kya laare de fɛ' da me abui faa?”

33 Gyuda awura abelense mɔ me lɛɛ genɔ yɛɛ, “I mɛɲ gye ilaa gbaa'gbaa ibono fo wɔra mɔ so ne a kya laare de a' da fo abui mɔɔ. Ibono fo kya kyu fo-nyoro kɛsɛrɛ de Wurubuaare mɔ so ne a kya laare de a' mɔɔ fo genen. Fo gye daa nyamesɛ ne fo kya kyu fo-nyoro yɛɛ fo gye Wurubuaare.”

34 Yesu gi kii taase ɔmɔ yɛɛ, “Mɛ mɛɲ ɲmarasɛ yela Wurubuaare agyɛbi mɔ dɔ yɛɛ,

Wurubuaare gi tɔge yɛɛ fɛ gye Wurubuaare ɔnan?

35 Wurubuaare agyɛbi mɔ berɛ, a mɛɲ kya kɛɛ abon gɛkaako. Asa abono mɛ nyɛ Wurubuaare gi tɔnge sa mɔmɔ mɔ gbaa ne Wurubuaare gi tɛrɛ mɔmɔ yɛɛ me gye Wurubuaare ɔnan faa.

36 Ne me, ɔbono me-sɛ Wurubuaare gi lɔrɔ me yela sa mɔ-nyoro ne o sun me ba gɛsinkpan so mɔ, n kya tɔge yɛɛ ‘N gye Wurubuaare mɔ-bi’ mɔ, nne so ne fo laa tɔge yɛɛ n dɛ me-nyoro mi-i kɛsɛrɛ de Wurubuaare?

37 “Nengyene fɛɛ fɛ wu yɛɛ mɛɲ kya wɔra ilaa ibono i gye me-sɛ Wurubuaare ilaa wɔrasɛ mɔ, fɛɲ sa fɛ' sɔɔ me gyi.

38 Ne fɛɛ fɛ wu yɛɛ n kya wɔra imɔ berɛ mɔ, ba-a ne fɛ maɲ sɔɔ me gbaa-gbaa gyi mɔ, fɛ' sɔɔ me-sɛ ilaa wɔrasɛ ibono n kya wɔra mɔ gyi de fɛ' nu gɛsɛ de fɛ' bii yɛɛ Wurubuaare bo me dɔ ne me kee n bo mɔ dɔ.”

39 Yesu gi tɔge genen mɔ, asa mɔ me kii laare fɛɛ mɛ' keda mɔ. Mɛ mɛɲ nyɛ mɔ. ɔ lii mɔmɔ-abaa dɔ.

40 Yesu gi kii naa foro Gyɔɔdan ɔbon mɔ, ne ɔ san kpaa kyena nfono Gyɔn gi naa kyena gyere asa Wurubuaare sagyere mɔ.

41 Asa sakyɔ me kya kpe mɔ ase nno. Mɛ kya tɔge yɛɛ, “Gyɔn mɛɲ wɔra ilaa lɛɛnyiiisɛ iko. Ilaa kamaasɛ ibono ɔ tɔge kyu lii ɔnyen baarɛ so mɔ berɛ, i gye gɛsintin.”

42 Imɔso asa sakyɔ me sɔɔ Yesu gyi nno.

11

Lasarose Lewu

¹ Genen owi obono do mo onyen oko kya lo gensipere so. Me kya tere mo yee Lasarose. O gye Betaninyen. (Betani osowole baare gye Mariya de mo-daa Maata gewi.)

² Mariya ne n gye okyii obono fe nu yee o kyu anuwantere woroge Yesu ne o kyu mo-gimu iman kpaare Yesu ayaa mo. Genen Mariya baare mo-pinyen ne n gye Lasarose obono o kya lo mo.)

³ O kya lo genen mo, mo-pikiyiana ade me sun kpaatoge sa Yesu yee, "Aye-wura, fo-kyemene obono fo kya laare mo-ilaa mo kya lo."

⁴ Yesu gi nu genen mo, o toge yee, "Gilo gide gin ba de gi' baa mo Lasarose. Gi ba daa de gi' baa lee Wurubuaare nyisigy mo nyiile de Wurubuaare o' lee me, Wurubuaare mo-bi mo nyisigy mo kee nyiile."

⁵ Yesu kya laare Maata de mo-tede de momo-pinyen Lasarose ilaa.

⁶ Imo-re imo genen mo, o nu Lasarose gilo mo so mo, o sii kyena nfono o bo mo nke nnyo bola.

⁷ Imo gemara mo, Yesu gi toge sa mo-akasebo mo yee, "A' kii kpe Gyudiya."

⁸ O toge omo genen mo, mo-akasebo mo me toge sa mo yee, "Obelense, Gyuda awura abelense mo me laare de me' da fo abui mo faa, in ti gyi nke nko. Fo laa kii kpe nno?"

⁹ Yesu akasebo mo me taase mo genen mo, o kisee da momo gikpale de o' kyu nyiile momo yee genen owi obono do mo in bo gifuu. O da gikpale mo yee, "In gye iwi gudu inyo ne n bo geke do? Nyamese obono o naa owi kenken mo, men kya sisi. I kya nyiile yee gesinkpan gede so fatela kya wu mo."

¹⁰ Ne obono, mo, o naa genye mo kya sisi. I kya nyiile yee o in bo fatela mo ase."

¹¹ Yesu gi toge genen mo ne o kii toge sa momo yee, "Aye-kyemene Lasarose gi de. Nan kpaat kyingsi mo."

¹² Nfono mo, mo-akasebo mo me toge sa mo yee, "Obelense, nengyene o de ginsi gide bere mo, o laa nye alanfiya ne."

¹³ Yesu akasebo mo me men bii yee o kya toge kyu lii Lasarose lewu so daa. Me nyi daa yee ginsi gide gbaa-gbaa ne o dare.

¹⁴ Nfono ne Yesu gi toge tigi momo yee, "Lasarose gi wu'.

¹⁵ Feye so mo, i wora me okon fee men bo nno pei ne o wu' de fe' nye so mo gyi. Imoso fe' yeye de a' kpe mo ase."

¹⁶ Nfono mo, Tomaase obono me kya tere mo yee Ata mo gi toge sa mo-nanboana mo yee, "Aye-re mo pewu a' kpe. Nengyene i gye lewu mo, aye-re Yesu pewu a' kpe de a' kpaat wu'."

Yesu Ne N Kya Sa Wurubuaare Ase Gekyena Onan

¹⁷ Yesu gi kpaat loo nno mo, o nu yee Lasarose gi wu'. O wu' ne me pule mo mo, imo nke nnan ne.

¹⁸ Betani osowole mo de Gyerusalem i men bo geta de abara. I man fo akpaaten anyo dandan.

¹⁹ Imoso i yeye Gyuda awura mo asa saky me kpe Maata de Mariya ase de me' kpaat toge wora momo kyu lii momo-pinyen lewu mo so.

²⁰ Maata gi nu Yesu so mo, o lii kyon o' kpaat gyangara mo, yeye Mariya, mo, te geten do.

²¹ Maata gi wu Yesu mo, o toge sa mo yee, "Me-Wura, ne fee fo bo gere mo, nkana me-pinyen o mennan wu'.

22 Imo-re imo genen gbaa faa, n nyi yee ba-a nperε, ilaa kamaase ibono fo kole lii Wurubuaare ase mo o laa kyu sa fo."

23 Yesu gi toge sa mo yee, "Fo-pinyen laa kii kyingi kyena nkpa."

24 Maata gi kyule mo yee, "N nyi ibono me-pinyen laa kii nyε nkpa geke laalaalogeε gebono Wurubuaare laa kyingi ibuni de o' gyi omo-nbele mo."

25 Nfono mo, Yesu gi kii lora toge sa Maata yee, "Me ne n gye obono n bo okpa de n' kyingi asa abono me wu' mo. Me ne n gye obono n kya sa asa Wurubuaare ase gekyena onan mo. Nyamese obono o kyu mo-nyoro too me so mo, ba-a o wu' mo, o laa kyena Wurubuaare ase."

26 Ne nyamese kamaase obono o te ne o kyu mo-nyoro too me so mo, mo-Wurubuaare ase gekyena onan mo ge man lii mo-gibaa kpa-a. Maata, fo kya so ilaa ide gyi?"

27 Maata gi lee geno yee, "Een, me-wura. Ne so gyi yee fo ne n gye obono Wurubuaare gi sun de fo' baa molege anyamese mo. Fo ne n gye Wurubuaare mo-bi obono aye-ansi a gyan mo so yee o laa kpelege lii Wurubuaare do ba gesinkpan so mo."

Mariya Gi Kpa Gyangara Yesu

28 Maata gi toge Yesu genen ta mo, o kpa tere mo-tede Mariya lii nkan ne o toge mo yee, "Obelense mo gi ba, o bo faanaa, o kya tere fo."

29 Mariya gi nu genen mo, o kpe koso daa ne o lii kpa gyangara mo.

30 Genen owi obono mo, Yesu men ti loo osowole mo gbaa-gbaa so. O san o bo nfono Maata gi kpa gyangara mo mo.

31 Gyuda awura abono me bo Mariya ase geten mo do mo me kya toge ma-a wora mo mo, me wu genobono Mariya gi kpe nyise koso lii genen mo, me nyi fee o kya kpe nfono me pule mo-pinyen mo o' kpa saawo daa. Imo so me buu mo.

32 Mariya gi kpa fo nfono Yesu bo mo, o da de ginsi wu mo mo, o kpelege nmii mo-ayaa do ne o toge sa mo yee, "Me-Wura, nengyene fee fo bo gere daa mo, nkana me-pinyen o mennan wu'."

33 Ibono Yesu gi wu genobono Mariya kya saawo de Gyuda awura abono me buu mo mo kee me kya saawo mo, mo-gisen do i nyida mo, ne i loo mo kee gikyō.

34 Ne o taase yee, "Fone do ne fe pule mo?" Me lee geno yee, "Obelense, ba de fo' baa kere."

35 Nfono mo Yesu gi su.

36 Gyuda awura mo me wu genen mo, me toge sa abara yee, "Fe' kere, o laare mo-ilaa gikyō ne-o!"

37 Asa mo ako, mo, yee, "Mo obono o kye gyaatanbo mo mo men taale yegε de Lasarose o men sa o' wu'?"

38 Imo so Yesu gisen gi kii nyida mo ginyose. Nfono mo o naa kpe nfono me pule mo mo.

Yesu Gi Kyingi Lasarose Lii Ibuni Do

Folebo do ne me pule Lasarose ne me kyu gibui bele giko kyu tii gifole mo gebunono.

39 Yesu gi naa kpe nno genen mo, o toge sa asa mo yee, "Fe' belen gibui mo lii folebo mo gebunono." Nfono mo Lasarose mo-pikyii Maata gi toge sa Yesu yee, "Obelense, me pule mo faa, nde nke nnan ne. O laa lii son."

40 Yesu gi taase mo yee, "Men toge sa fo yee nengyene fo kyu fo-nyoro too me so mo, fo laa wu Wurubuaare nyisigy?"

41 Nfono mɔ, mɛ belen gibui bele mɔ lii folɛbɔ mɔ gɛbunono, ne Yesu gi diire mɔ-ansi kere soso ne ɔ faala Wurubuaare yɛɛ, “Me-sɛ, fo'sun, fɛɛ fo nu me asɛ.

42 N nyi yɛɛ fo kya nu me asɛ owi kamaase dɔ. Asa abono mɛ yelɛ gɛɛnaa faa so ne n' kya tɔgɛ genen ilaa idɛ faa de mɛ' nyɛ sɔɔ gyi yɛɛ fo ne n sun me.”

43 Yesu gi dalaa ta mɔ, o kpen ken-ken yɛɛ, “Lasarose, lii ba!”

44 Nfono mɔ Lasarose ɔbono o wu' mɔ gi lii ba Yesu asɛ gɛsintin. ɔ lii ba genen mɔ, akuru abono mɛ kyu dela mɔ-gibuni mɔ a kpe san a mili mɔ-ayaa de mɔ-abaa de mɔ-ansi genen. Yesu gi tɔgɛ sa asa mɔ yɛɛ, “Fɛ' marage akuru mɔ lii mɔ-nyoro so de ɔ' naa.”

Abelense Mɛ Da Gɛdɛ Yela De Mɛ' Nyɛ Yesu Mɔɔ

45 Gyuda awura mɔ mɛ buu Mariya kpe nno mɔ mɛ wu ilaa ibono Yesu gi wɔra faa mɔ, mɔmɔ dɔ asa sakyɔ mɛ sɔɔ Yesu gyi.

46 Mɔmɔ ako mɔ, mɛ naa kpe Farasii awura mɔ asɛ ne mɛ kpaa buu ilaa ibono Yesu gi wɔra mɔ sa mɔmɔ.

47 Imɔso Gyuda awura asunbi alɛɛbo abelensɛ mɔ de Farasii awura mɔ mɛ tɛrɛ Gyuda awura nbelɛ agyibo baa gyan' ne mɛ taase abara yɛɛ, “Ilaa lɛɛnyilɛsɛ kpɛi-kpɛi ibono ɔnyen baarɛ kya wɔra faa, nne ne a laa wɔra mɔ?”

48 A taa mɔ yɛgɛ mɔ, asa mɔ pɛwu mɛ laa naa sɔɔ mɔ gyi yɛɛ mɔ ne n gye ɔbono Wurubuaare gi sun de ɔ' baa gyi gɛwura mɔ Wurubuaare adɛ so mɔ. Nengyene i ba genen mɔ, Rom awura mɔ mɛ laa baa boori aye Wurubuaare ɔson obu mɔ de mɛ' sɔgɛ wɛwura mɔ lii aye asɛ.”

49 Mɔmɔ dɔ ɔbono ɔ gye Gyuda awura asunbi alɛɛbo gɛmu genen gesi gɛbono dɔ mɔ ginyen ne n gye Kayifasɛ. Nbelɛ agyibo mɔ mɛ gyan mɛ kya sa gɛwɔnsa genen mɔ, Kayifasɛ baarɛ gi tɔgɛ sa mɔmɔ yɛɛ, “Fɛɛ taa nyi ɔlaako.

50 Fɛ mɛɲ nyi yɛɛ nengyene asa mɔ pɛwu lɛwu so ne nyamesɛ kolon gi tɛsɛ wu' sa mɔmɔ mɔ, i boran?”

51 Gɛsintin so mɔ, Kayifasɛ baarɛ, mɛɲ tɔgɛ genen ilaa idɛ mɔ gbaa-gbaa gibaa so. Ibono mɔ ne n gye asunbi alɛɛbo gɛmu genen gesi gɛbono dɔ mɔ so ne Wurubuaare gi yɛgɛ ɔ wolaa wu tɔgɛ ilaa ibono i laa baa ba Yesu so mɔ genen. ɔ wu yɛɛ Yesu laa wu' sa mɔmɔ Gyuda awura pɛwu.

52 Genen gbaa mɔ, Kayifasɛ mɛɲ bii yɛɛ i mɛɲ gye mɔmɔ Gyuda awura mɔ wole ne Yesu laa wu' sa. Yesu gi nyɛ wu' mɔ, de i' koola Wurubuaare mɔ-biana gbaa-gbaa abono mɛ yaasɛ mɛ bo nten kpɛi-kpɛi mɔ pɛwu, kyu baa wɔra nyamesɛ kolon.

53 San kyu lii genen gɛkɛ gɛbono nbelɛ agyibo mɔ mɛ gyan' kyu kyon mɔ, Gyuda awura abelensɛ adɛ mɛ da gɛdɛ yela de mɛ' nyɛ Yesu mɔɔ.

54 Kyu lii genen so mɔ, Yesu mɛɲ baa naa tentegelen saarɛ Gyuda awura mɔ dɔ. Mɔ-rɛ mɔ-akasebo mɔ mɛ san naa kpaa kyena daa Ifiram ɔsowolɛ so sindi gipen giko.

55 Mɛ bo nno mɔ, mɔmɔ Gyuda awura Lɛwu Gi Seregɛ Aye So gɛkɛ bele mɔ gɛ kya fuude. Imɔso asa sakyɔ mɛ kya lii genen gɛsinkpan gɛbono so mɛ kya kpe Gyɛrusalem, mɔmɔ-isowolɛ gɛmu mɔ so. Mɛ kya daa gigyangbara kpe nno kpaa wɔra itiibilaa iko baala gyoo mɔmɔ-gɛkɛ bele mɔ gigyɛ de in' sa i' kyolɛsɛ mɔmɔ-Wurubuaare ɔson.

56 I fo genen owi ɔbono mɔ, asa mɔ mɛ yelɛ Wurubuaare ɔson obu gikpaara mɔ so, mɛ kya laare Yesu. Mɛ san mɛ kya taase abara yɛɛ, “Nne ne n gye fɛyɛ-nwɔnsa? Fɛ nyi yɛɛ ɔ laa baa gyi gɛkɛ bele gɛdɛ abɛɛ?”

⁵⁷ Asunbi alɛɛbo abelense mɔ de Farasii awura mɔ mɛ wolaa ka sa asa yɛɛ ɔkamaase ɔbono o nyi nfono Yesu bo mɔ ɔ' baa buu sa mɔmɔ de mɛ' nyɛ keda mɔ kpaa tii.

12

Mariya Gi Kyɛɛɛ Anuwanterɛ Worogɛ Yesu Ayaa So

¹ I kya san nke nsee de Gyuda awura mɛ' gyi mɔmɔ-Lɛwu Gi Serege Aye So gɛkɛ belɛ mɔ, Yesu gi kpe Betani ɔsowolɛ ɔbono so Lasarose tɛ mɔ. (Lasarose ne n gye onyen ɔbono o wu' ne mɛ pule mɔ ne Yesu gi kyingi mɔ lii ibuni dɔ mɔ.)

² ɔ loo nno mɔ, mɛ wɔra agyudɔ ne mɛ kyu gyi gɛkɛ belɛ sa mɔ. Lasarose mɔ-pikyii Maata ne n kerɛ gɛgyan mɔ so. Lasarose kee bo mɔmɔ dɔ ogyiten mɔ.

³ Mɛ tɛ mɛ kya gyi mɔ, Lasarose mɔ-pikyii Mariya gi kpaa kyu puruntuwa de anuwanterɛ boɔgyalonɛ ɔko ɔnan kyu ba. Nadi oyii ilin ne mɛ kyu wɔra mɔ. Mariya gi kyu anuwanterɛ mɔ ba mɔ, ɔ kyɛɛɛ worogɛ Yesu ayaa so ne o kyu mɔ-gimu iman kyu kpaare Yesu ayaa. ɔ wɔra genen mɔ, anuwanterɛ mɔ-ofen gi sɔɔ geten gɛbono dɔ mɛ bo mɔ pɛwu gyi.

⁴ Owi ɔbono mɔ, Gyudase Isikaayɔtɛ, Yesu akasebo gudu anyɔ mɔ dɔ ɔko bo nno. (Mɔ ne n baa yɛɛɛ Yesu akyobo mɛ nyɛ mɔ mɔ.)

⁵ O wu ilaa ibono Mariya gi wɔra mɔ, ɔ tɔgɛ yɛɛ, "Anuwanterɛ baare mɛn wɔra ɔfɛse mɔ, nkana a laa nyɛ aterenbi belɛ de a' kyu yɛ sa ayenbo!"

⁶ Gyudase gi tɔgɛ genen mɔ, i mɛn gye yɛɛ mɔ-gewɔnsa gɛ gyan' ayenbo mɔ so gesintin daa. ɔ gye daa oyu. Mɔ ne n kya keda mɔmɔ-aterenbi ɔwɔraten. ɔ kya kyena yuuri aterenbi mɔ ako. Imɔ ne n yɛɛɛ ne ɔ tɔgɛ genen.

⁷ Yesu gi lɛɛ genɔ sa mɔ yɛɛ, "Taa ɔkyii mɔ yɛɛɛ. ɔ wɔra imɔ yela gyoo mɛ-gipule ne.

⁸ Ayenbo abono fo dare faa, mɛ bo fɛye ase adaa-adaa. Me berɛ, fɛ man nyɛ me de n' kyena fɛye ase kpaa lii."

Asunbi Alɛɛbo Abelense Mɛ Kya Laare Mɛ' Mɔɔ Lasarose

⁹ Ibono Gyuda awura sakyɔ mɛ nu yɛɛ Yesu bo Betani ɔsowolɛ so mɔ, mɛ kpe mɔ ase nno. I mɛn gye Yesu mɔ-nkon so ne sakpii belɛ mɔ gi kpe nno genen. Mɛ kpe nno kee daa de mɛ' kpaa kerɛ Lasarose ɔbono o wu' ne Yesu gi kyingi mɔ lii ibuni dɔ mɔ.

¹⁰ Imɔso Gyuda awura asunbi alɛɛbo abelense mɔ mɛ laare ɔkpa ɔbono so mɛ laa nyɛ de mɛ' mɔɔ Lasarose kee mɔ.

¹¹ I lii fɛɛ kyu lii Lasarose so mɔ, mɔmɔ Gyuda awura sakyɔ mɛ san ma-a kine mɔmɔ-asunbi alɛɛbo abelense mɔ-lɛɛ mɔ, ne mɛ san ma-a sɔɔ Yesu gyi.

Yesu Gi Loo Gyerusalem Fɛɛ Wura

¹² Imɔ gɛdɛ kesɛ mɔ, sakpii belɛ ɔbono ɔ ba Gyerusalem de mɛ' baa gyi mɔmɔ-gɛkɛ belɛ mɔ mɛ nu yɛɛ Yesu bo ɔkpa dɔ ɔ kya ba Gyerusalem.

¹³ Genen so mɔ, mɛ kyade-kyade abelafe ne mɛ kyu lii kpe mɛ' kpaa gyangara mɔ. Mɛ san mɛ kya kpen mɛ kya tɔgɛ yɛɛ, "Ayenbi a gye fo-lɛɛ!

Wurubuaare ɔ' kosore fo-gimu!

Wurubuaare ginyen dɔ ne fo naa fo kya ba faa!

Fo ne n gye ɔbono fo laa gyi gɛwura aye Isirale awura so!"

14 Yesu gi laare bee fɔle ɔko ne ɔ dii gyan' mɔ so ɔ kya kpe, fɛɛ genɔɔbono me wolaa nmarase yela Wurubuaare agyebi mɔ dɔ mɔ. Me nmarase yela yɛɛ,

15 Sayon! ɔsowole bele so awura!

Fɛn sa fe' sele gifuu.

Fɛ' kere, fɛye-wura ne n gyan' bee fɔle so
ɔ kya ba mɔ.

16 I ba genen pɛwu faa, Yesu akasebo mɔ me men nu gese ayaa abono so. Owi ɔbono Wurubuaare gi kyu nyisigyi kyu sa Yesu mɔ, pɛi ne mɔ-akasebo mɔ me lɔ baa nyingi yɛɛ ilaa ibono me nmarase yela Wurubuaare agyebi mɔ dɔ mɔ, nkyɛ Yesu ne me dare genen.

17 Sakpii ɔbono o wu Yesu gi kyingi Lasarose ne ɔ tere mɔ lii folebo gekyan mɔ dɔ mɔ, me naa tɔge tɔge imɔ so ilaa sa asa pɛi ne mɔmɔ-geke bele gigyi mɔ gi lɔ fo.

18 Amunale ilaa ibono Yesu gi wɔra mɔ so ne asa sakyɔ me lii kpaagyangara mɔ genen.

19 Sakpii ɔbono o buu Yesu mɔ so mɔ, Farasii awura mɔ me tɔge sa abara yɛɛ, "Fɛ men wu? A laa taa kpon daa. Fɛ' kere. Asa mɔ pɛwu ne n kpande kpaamili mɔ mɔ."

Yesu Gi Tɔge Mɔ-Giwukyingi Mɔ So Ilaa

20 Owi ɔbono asa me kpe Gyerusalem kpaason Wurubuaare genen geke bele gebono mɔ, abono men gye Gyuda awura mɔ ako kee me saare mɔmɔ dɔ.

21 Genen asa ade me ba Filipino ase baa tɔge mɔ yɛɛ, "ɔbelense, a kya laare fɛɛ a' wu Yesu." (Genen Filipino baare gye Yesu akasebo mɔ dɔ ɔko. ɔ lii Besayida, Galeli gesinkpan so.)

22 Me tɔge mɔ genen mɔ, ɔ kpaatɔge imɔ sa Andiru, ne mɔmɔ asa anyɔ me naa kpaatɔge sa Yesu.

23 Nfono ne Yesu gi tɔge sa mɔmɔ yɛɛ, "Ide kon bere, owi mɔ gi fo ibono me, anyamese pɛwu mɔmɔ-daa mɔ, nan nye nyisigyi bele.

24 Gesintin ne n' kya tɔge fɛye faa; nengyene giwayu gibi gin tɔɔ ise dɔ de gi' wu' mɔ, gi kya sii de gimɔ-nkon. Nengyene giwayu gibi mɔ gi wu' ise dɔ mɔ, gi kya kɔɔ de gi' sɔga abi gikyɔ.

25 Imɔso fo ɔbono fo-nkpa ne n tiri fo ne fo kya kɔɔse nɔ fi-i yela fo-gibaa so mɔ, Wurubuaare ase gekyena ge laa lii fo-gibaa. Ne fo ɔbono, mɔ, Wurubuaare ilaa so ne fo yɛɛ fo-nkpa gin tiri fo gese gere mɔ, fo kya baala nɔ fi-i yela de fo' nye Wurubuaare ase gekyena gekpaa ne.

26 Fo nyamese kamaase ɔbono fo kya laare de fo' son me mɔ, i kaabore fo' baa wɔra me-ɔkasebo. Nfono me laa wu me mɔ, nno kee ne me laa wu me-anso. Me-se Wurubuaare laa tɛla ɔbono ɔ kya son me mɔ.

Yesu Gi Tɔge Lewu ɔbono ɔnan ɔ Laa Wu' Mɔ

27 "Ide kon, me-gisen dɔ i kya dɛɛ me fɛɛ ɔgya. Nne ne nan tɔge ne? N' kole me-se yɛɛ o' mɔlege me de awɔɔfɔɔ abono a kya ba me so faa a' kyon gibaafon abɛɛ? Kuaa. Genen awɔɔfɔɔ ade so ne ne ba gesinkpan so."

28 Yesu gi dalaa kole Wurubuaare yɛɛ, "Me-se, lee fo-nyisigyi gewi." ɔ dalaa genen mɔ, gigyebi' giko gi lii Wurubuaare dɔ tɔge yɛɛ, "Ne ti wolaa lee me-nyisigyi gewi nyiile, ne nan kii lee mɔ gewi."

29 Sakpii mɔ ɔ yele nfono mɔ gi nu gigyebi' mɔ genen mɔ, mɔmɔ ako me tɔge yɛɛ, "Nyangbon gi ghere." Ako mɔ yɛɛ, "Wurubuaare dɔ ɔsɔ ne n tɔge sa mɔ."

³⁰ Asa mɔ me kya tɔge genen mɔ, Yesu gi lɛɛ gɛnɔ yɛɛ, “Fɛye so ne gigyebi' gide gi tɔnge genen, nkana i mɛn gye me so.

³¹ Idɛ kon Wurubuaarɛ laa bun gɛsinkpan so asa gipueɛ kyu lii mɔmɔ-ilaɛ nyenyɛn so. Nkana ilaa nyenyɛn pewu gemu mɔ ne n bo ɔlon gɛsinkpan so. Idɛ kon Wurubuaarɛ laa kosore mɔ gɛgyapaa mɔ so.

³² Nengyene i puru me diirɛ lɛwu oyii so ne nɛ wu' mɔ, nan biidɛ asa kpɛi-kpɛi pewu kyu ba me asɛ de i' mɔlɛgɛ ɔmɔ.”

³³ Yesu gi tɔge genen ilaa idɛ kyu lɛɛ nyiile lɛwu ɔbono ɔnan ɔ laa kyu wu' mɔ.

³⁴ Nfono mɔ asa mɔ me tɔge sa Yesu yɛɛ, “A nu lii Wurubuaarɛ nbara mɔ dɔ yɛɛ ɔbono Wurubuaarɛ laa sun de ɔ' baa mɔlɛgɛ anyamesɛ mɔ laa kyena gɛkpaa-gɛkpaa. Ne i wonɛ so ne fo kya tɔge yɛɛ i kaabore mɛ' puru anyamesɛ pewu mɔmɔ-daa mɔ diirɛ lɛwu oyii so de ɔ' wu'? Anɛ ne n gye genen anyamesɛ pewu mɔmɔ-daa mɔ daa?”

³⁵ Asa mɔ me taasɛ Yesu genen mɔ, ɔ da gikpalɛ kyu lii mɔ-nyoro so sa mɔmɔ yɛɛ, “I san nmaraa daa de owi ɔ' ta. Owi san ɔ bo no faa, fɛ' naa de owi mɔ. Nengyene i bun wɔra fɛye mɔ, fɛ laa naa gibiri. Nyamesɛ ɔbono ɔ naa gibiri mɔ, mɛn kya bii nfono so ɔ kya kpɛ de.

³⁶ Imɔso ibono owi san ɔ bo no faa, fɛ' kyu fɛye-nyoro too mɔ so de fɛ' nye wɔra fɛɛ asa abono fɛ gye owi mɔ asa.” Yesu gi tɔge genen ta mɔ, ɔ naa taa mɔmɔ yɛgɛ kpaa nɔara.

Gyuda Awura Abelensɛ Mɔ Mɛn Kya Sɔɔ Yesu Gyɪ

³⁷ Ilaɛ lɛenyiilese ibono Yesu gi wɔra mɔ i nyaakɔ gikyɔ, ne asa mɔ me wu imɔ de mɔmɔ-ansi. Mɛn kii sɔɔ mɔ gyɪ.

³⁸ I mɛn gye giyan. I ba genen mɔ i nye kyena de ilaa ibono Isaya gi wolaa nmarasɛ yela mɔ daa. Isaya gi wɔra Wurubuaarɛ ikalan ɔtɔgebo, ne ɔ naa kyena taasɛ Wurubuaarɛ yɛɛ,

“Me-Wura Wurubuaarɛ, mɔmɔ dɔ anɛ
ne n sɔɔ fo-ɔkalan ɔbono a tɔge sa mɔmɔ mɔ gyɪ?
Ne amɔlɛgɛ abono fo kya laarɛ fo' kyu mɔlɛgɛ asa mɔ
anɛana ne n wu amɔ bii?”

³⁹ Genen kee ibono mɛ mɛn taalɛ sɔɔ Yesu gyɪ mɔ, i dɛ daa fɛɛ gɛnɔɔbono Isaya baarɛ gi wolaa tɔge yela yɛɛ,

⁴⁰ “Wurubuaarɛ yɛɛ mɛ' tɛsɛ wɔra fɛɛ agyaatanbo.
Mɔmɔ-nwɔnsa dɔ in sa i' bugi de ilaa gɛsɛ ginu.
Mɔmɔ adɛ berɛ mɛ man nye wu ilaa ibono i bo no mɔ,
abɛɛ mɔmɔ-nwɔnsa dɔ i' bugi de ilaa gɛsɛ ginu.

Nkana mɛ nu ilaa gɛsɛ mɔ,
mɛ laa kii ba me Wurubuaarɛ asɛ
de n' kye mɔmɔ-gilɔtɔ gibono mɛ kya lɔ faa.”

⁴¹ Isaya mɛn tɔge genen giyan. ɔ wolaa wu Yesu nyisigyɪ mɔ, imɔso ne ɔ tɔge kyu lii mɔ so genen.

⁴² Gyuda awura mɔ mɛ kine Yesu faa, imɔ-rɛ imɔ genen mɔ, mɔmɔ sakɔ mɛ sɔɔ Yesu gyɪ, dabɔlɛ de mɔmɔ abelensɛ mɔ ako. Mɛ mɛn kyule lɛɛ mɔmɔ-gisɔɔgyɪ mɔ gewi daa. I kya nyiile yɛɛ mɛ sɛlɛ Farasii awura mɔ gifuu yɛɛ mɛ laa naa gya mɔmɔ yɛɛ mɔmɔ-giyaa gin baa nye yii mɔmɔ-gikyangbon dɔ.

⁴³ Nyisigyɪ ɔbono asa mɛ laa kyu sa mɔmɔ mɔ ne mɛ kya laarɛ don Wurubuaarɛ-lɛɛ nyisigyɪ ɔbono ɔ laa sa mɔmɔ mɔ.

⁴⁴ Yesu gi kpɛn tɔge sa asa mɔ yɛɛ, “ɔbono ɔ sɔɔ me gyɪ mɔ, i mɛn gye mɛ-wolɛ ne ɔ sɔɔ gyɪ. Kaasɛ gi sɔɔ ɔbono ɔ sun me mɔ kee gyɪ ne.

45 Ɔbono o wu me mɔ gi wu ɔbono o sun me mɔ kee ne.

46 Me ne ba gesinkpan so daa fɛɛ fatela de ɔbono o kyu mɔ-nyoro too me so mɔ ɔ mɛn sa o' sii gibiri dɔ.

47 “Nengyene fo ɔko fo kya nu me-ilaa tɔgesɛ ne foŋ kya gyi imɔ so mɔ, inŋ gye me ne nan bun fo gipueɛ. I kya nyiile yɛɛ mɛn ba gesinkpan so de n' baa bun anyamesɛ gipueɛ. Ne ba daa de n' baa mɔlegɛ mɔmɔ de mɛ' nye gɛkyena Wurubuaarɛ ase.

48 Nyamesɛ ɔbono o kine me ne o kine de me-ilaa tɔgesɛ mɔ berɛ bo ɔbono ɔ laa bun mɔ gipueɛ mɔ. Me-agyɛbi abono ne tɔgɛ mɔ ne nan bun mɔ gipueɛ gɛkɛ gebono gesinkpan so gɛkyena gɛ laa yela ɔkara mɔ.

49 I kya nyiile yɛɛ ilaa ibono n kya tɔgɛ mɔ, i mɛn gye me-gibaa so ne n kya tɔgɛ imɔ. Me-sɛ Wurubuaarɛ ɔbono o sun me mɔ gbaa-gbaa ne n ka sa me yɛɛ idɛ de idɛ ne n' tɔgɛ.

50 N nyi yɛɛ ilaa ibono ɔ ka sa me genen mɔ i laa yɛgɛ asa mɛ' nye kyena mɔ ase gɛkpaa. Imɔso ilaa ibono n kya tɔgɛ mɔ, n kya tɔgɛ daa genɔɔbono me-sɛ Wurubuaarɛ gi tɔgɛ me yɛɛ n' tɔgɛ mɔ.”

13

Yesu Gi Foro Mɔ-Akasebo Mɔ Ayaa

1 I san gɛkɛ kolon de Gyuda awura mɛ' gyi mɔmɔ Lewu Gi Seregɛ Aye So gɛkɛ belɛ mɔ, Yesu gi bii yɛɛ owi mɔ gi fo ibono ɔ laa lii gesinkpan so de o' kii kpe mɔ-sɛ ase. Mɔ-gɛkyena dɔ mɔ, ɔ laarɛ mɔ-akasebo abono mɛ bo mɔ ase mɔ ilaa. Genen aberɛ adɛ dɔ mɔ Yesu kya laarɛ ɔ' baa lɛɛ nyiile genɔɔbono ɔkara ɔ kya laarɛ ɔmɔ-ilaa mɔ.

2 Genen gɛkɛ gebono gɛdɔdɛ mɔ, Yesu mɔ-rɛ mɔ-akasebo mɔ mɛ tɛ mɛ kya gyi mɔ, ilaa nyenyɛn pɛwu gemu mɔ gi ti suu de Gyudase Isikaayɔtɛ, ɔbono ɔ gye Simon mɔ-bi mɔ de ɔ' yɛgɛ Yesu akyobo mɛ' nye mɔ.

3 Yesu nyi ibono mɔ-sɛ Wurubuaarɛ gi kyu ilaa kamaasɛ kyu wɔra mɔ Yesu abaa dɔ. O nyi kee yɛɛ ɔ lii Wurubuaarɛ ase ne ɔ laa kii kpe mɔ ase.

4 Mɛ gyi ta mɔ, ɔ koso yɛlɛ ne o luu soso-lɛɛ gɛgbɛ gebono o suu mɔ, ne o kyu bɔdɛbaa kyu dela mɔ-gesara dɔ.

5 Nfono mɔ, ɔ kyɛɛgɛ nkyu wɔra tasa dɔ ne o yii gɛsɛ ɔ kya foro mɔ-akasebo mɔ-ayaa ɔko ɔko yɛgɛ ɔ dɛ bɔdɛbaa mɔ o kyu dela mɔ-gesara dɔ mɔ, ɔ kya lɛɛ mɔmɔ-ayaa nkyu.

6 Yesu gi baa fo Simon Piita ase mɔ, Piita gi taasɛ mɔ yɛɛ, “Me-Wura, fo ne nan foro me-ayaa sa me?”

7 Ne Yesu gi lɛɛ genɔ yɛɛ, “Fo mɛn nyi ilaa ibono n kya wɔra faa. Gemara mɔ, fo laa baa bii.”

8 Piita gi kii tɔgɛ mɔ yɛɛ, “O kuaa! Inŋ kaabore fo' foro me-ayaa sa me gɛkaako.” Yesu gi tɔgɛ mɔ yɛɛ, “Nengyene manŋ foro fo-ayaa sa fo mɔ, genen berɛ mɔ, me-rɛ fo a mɛn baa a bo sei giwɔra.”

9 Nfono mɔ, Piita gi lɛɛ genɔ yɛɛ, “Ɔbelɛnsɛ, genen berɛ mɔ, i mɛn gye me-ayaa wolɛ. Tɛsɛ foro me-abaa de me-gimu kee sa me.”

10 Ne Yesu gi tɔgɛ sa mɔ yɛɛ, “Nengyene nyamesɛ gi gyere mɔ, mɔ-nyoro gɛtɛɛko ginŋ baa gi bo ineesi ibono i tiri yɛɛ o' kii gyere. Mɔ-ayaa dɔ wolɛ ne n tiri yɛɛ ɔ' foro. Fɛye adɛ pɛwu fɛn bo ineesi, genen mɔ, fɛye dɔ nyamesɛ kolon guan ne n bo ineesi.”

11 Yesu ti wolaa o nyi ɔbono ɔ laa yɛgɛ mɔ-akyobo mɛ' nye mɔ mɔ. Imɔso ne ɔ tɔgɛ yɛɛ, “Fɛye adɛ pɛwu fɛn bo ineesi, genen mɔ, fɛye dɔ nyamesɛ kolon guan.”

12 Yesu gi foro mɔ-akasebo mɔ ayaa ta mɔ, o kiiri mɔ-soso lee gagbe mɔ suu ne ɔ naa kii kpaa kyena mɔ-ɔkyenaten ogyiten mɔ. Nfono mɔ ɔ taase mɔ-akasebo mɔ yee, "Ɛe nu ilaa ibono ne wɔra sa feye faa gese?"

13 Ɛe kya tere me yee feye-ɔbelense de feye-Wura. Ɛe tere me genen mɔ, fe menj fue. I kya nyiile yee genen nyamese ne n' gye.

14 To, me obono n gye feye-ɔbelense de feye-wura mɔ ne n bara me-nyoro gese, ne ne foro feye-ayaa sa feye faa. Imoso, feye kee fe' bara feye-nyoro gese de fe' foro abara ayaa sa abara genen.

15 Ne wɔra sinkaala yela sa feye ne. Feye kee fe' wɔra ilaa ibono ne wɔra sa feye faa onan.

16 Gesintin ne n' kya tɔge mi-i sa feye faa, dega menj kya don mɔ-ɔbelense. Ɔsoɔ menj kya don obono o sun mɔ mɔ.

17 Ibono fe nye bii yee i kaabore fe' son abara faa, ne fe kya son abara gesintin mɔ, fe laa wɔra amudensebo.

18 "I menj gye feye pewu ne n' dare. N nyi feye abono ne lee yee fe' wɔra me-gesun mɔ. I tiri yee ilaa ibono me wolaa nmarase yela Wurubuaare agyebi mɔ do mɔ, mɔ, i' nye ba gesintin. Me wolaa nmarase yela yee, 'Nyamese obono me-re mɔ a kya wɔra abaa gyi mɔ

ne nan kisee dii yele me so.'

19 N wolaa mi-i tɔge feye genen ilaa ide npere pei de i' loo ba. Nengyene i san ba mɔ, de fe' soɔ me gyi yee me ne n bo no pei ne ilaa kamaase i bo no.

20 Gesintin ne n' kya tɔge mi-i sa feye faa, obono ɔ soɔ obono ne sun mɔ abaa anyɔ mɔ, me ne ɔ soɔ genen. Ne obono ɔ soɔ me abaa anyɔ mɔ, obono o sun me mɔ ne ɔ soɔ genen."

Yesu Yee Ɔko Laa Kyu Mɔ Wɔra Mɔ-Akyobo Abaa Do

21 Yesu gi tɔge genen ta mɔ, mɔ-gisen do i nyida mɔ ne o buu sa mɔmɔ yee, "Gesintin ne n' kya tɔge mi-i sa feye faa; feye do ɔko laa kyu me wɔra me-akyobo abaa do."

22 Yesu gi tɔge genen mɔ, mɔ-akasebo mɔ me kpɛɛɛ kere abara. Me menj nyi obono ɔ dare mɔ.

23 Me, Yesu ɔkasebo obono ɔ kya laare me-ilaa mɔ ne n te n sindi mɔ ogyiten mɔ.

24 Nfono ne Simon Piita gi da gimu sa me yee n' taase mɔ yee aye do ane ne ɔ dare daa?

25 Gesintin mɔ, ne tu sindi Yesu ne ne taase mɔ yee, "ɔbelense, ane ne fo dare daa?"

26 Yesu gi tɔge sa me yee, "Kaase obono nan kyu bodobodo nyɔɔ ipɔ do sa mɔ de o' gyi mɔ, mɔ ne n' dare genen." Nfono mɔ Yesu gi kyu bodobodo obono ɔ de mɔ kyu nyɔɔ ipɔ mɔ do gesintin ne o kyu sa Gyudase, Simon Isikaayote mɔ-bi yee o' soɔ gyi.

27 Gyudase gi kpe soɔ bodobodo mɔ gyi mɔ, ilaa nyenyen pewu gemu mɔ gi suu de mɔ. Nfono mɔ Yesu gi tɔge sa Gyudase yee, "Ide kon ilaa ibono fo laa wɔra mɔ, wɔra imɔ kusaa."

28 (Aye akasebo sense abono aye-re Yesu a te a kya gyi mɔ do ɔko-re ɔko menj nu ilaa ibono Yesu gi tɔge sa Gyudase mɔ gese.

29 Mɔmɔ ako bere, me nyi daa yee Yesu kya tɔge ɔ kya sa Gyudase yee ɔ' kpaa soɔ ilaa ibonoana me laa kyu gyi gɛke bele mɔ abee ɔ' kpaa kyu ilaa iko kpaa sa ayenbo. I kya nyiile yee Gyudase ne n' kya keda mɔmɔ-aterenbi.)

³⁰ Gyudase gi kpe gyi bodobodo mɔ, ayaa abono so mɔ, ɔ lii taa mɔmɔ yegɛ. Genen owi obono mɔ, i gye genye.

Nbara Pobɔrɔ

³¹ Gyudase gi lii, ne i san Yesu mɔ-rɛ mɔ-akasebo sɛnsɛ mɔ, Yesu gi tɔgɛ yɛɛ, "Idɛ kon ne me, anyamesɛ pɛwu mɔmɔ-daa mɔ nyisigyi mɔ laa lii gɛwi ne. Genen kee ne Wurubuaarɛ-lɛɛ nyisigyi mɔ laa lii gɛwi kyu lii me so ne.

³² Nengyene Wurubuaarɛ nyisigyi mɔ gi lii gɛwi kyu lii me so mɔ, genen kee ne Wurubuaarɛ laa yegɛ me-lɛɛ nyisigyi mɔ ɔ' lii gɛwi kyu lii mɔ Wurubuaarɛ so ne. Ayaa adɛ so ne Wurubuaarɛ laa wɔra genen ilaa idɛ."

³³ Yesu gi kii tɔgɛ sa mɔmɔ yɛɛ, "Me-biana, nan kyena fɛye dɔ nmaraa daa faa bɔla. Fɛ laa laarɛ me-gɛten. Fɛɛ genɔɔbono nɛ tɔgɛ sa Gyuda awura abelɛnsɛ baa kyon mɔ, nperɛ n kya tɔgɛ mi-i sa fɛye kee yɛɛ nfono n kya kpe mɔ, fɛ manj taalɛ kpe nno.

³⁴ Pɛi ne nan kyon mɔ, n kya yela nbara pobɔrɔ n kya sa fɛye yɛɛ fɛ' laarɛ abara ilaa. Fɛɛ genɔɔbono nɛ laarɛ fɛye-ilaa mɔ, fɛye kee fɛ' laarɛ abara ilaa genen.

³⁵ Nengyene fɛ laarɛ abara ilaa mɔ, imɔ ne nan yegɛ ɔkamaase ɔ' bii yɛɛ me-akasebo ne fɛ gye."

Yesu Yɛɛ Piita Laa Kine Yɛɛ ɔ Mɛn Nyi Mɔ

³⁶ Yesu gi tɔgɛ genen mɔ, Simon Piita gi taase mɔ yɛɛ, "Me-wura, fo laa kpe fonɛ?" Nfono ne Yesu gi lɛɛ genɔ sa mɔ yɛɛ, "Nfono n kya kpe mɔ, fo manj taalɛ buu me kpe nno nperɛ. Gɛmara mɔ fo laa buu me ba nno."

³⁷ Piita gi kii taase mɔ yɛɛ, "Me-wura, mɛnɛ n wɔra so ne manj taalɛ buu fo kpe nno nperɛ yegɛ nan taalɛ sɔɔ fo-lɛwu wu?"

³⁸ Ne Yesu gi taase Piita yɛɛ, "Fo laa sɔɔ me-lɛwu wu'? Sɔɔ gibui yela, pɛi de kyaasɛ gyangbarasɛ ɔ' lɔɔ folɛ ndɛ mɔ, fo laa sorogɛ gikpado gisa' yɛɛ fo mɛn nyi me."

14

Yesu Gi Tɔgɛ Wɔra Mɔ-Akasebo Mɔ

¹ Yesu gi tɔgɛ sa mɔ-akasebo mɔ yɛɛ, "Fɛ mɛn sa fɛ' yegɛ fɛye-asɛn dɔ i' nyida fɛye. Fɛye berɛ fɛ' kpe kyu fɛye-nyoro too Wurubuaarɛ so daa. Fɛ' kyu fɛye-nyoro too me so kee.

² Ibu kyenasɛ i nyaakyɔ me-sɛ Wurubuaarɛ gɛten dɔ. Ne fɛɛ i mɛn gye genen mɔ, nkana manj tɔgɛ sa fɛye yɛɛ nan kpaa lɔrɔ gɛtɛɛko gyoo fɛye.

³ Nengyene nɛ kpaa lɔrɔ nno yela sa fɛye genen mɔ, nan kii ba fɛye asɛ de n' baa puru fɛye kyu kpe me asɛ. Nfono nan kyena mɔ, nno ne fɛye kee fɛ laa kyena.

⁴ ɔkpa ɔbono so nan naa de n' kpe mɔ, fɛ ti fɛ nyi genen ɔkpa mɔ."

⁵ Yesu gi tɔgɛ genen mɔ, Tomaasɛ gi taase mɔ yɛɛ, "Me-wura, a mɛn nyi nfono fo kya kpe mɔ. Ne nne ne a laa wɔra de a' bii ɔkpa mɔ?"

⁶ Yesu gi lɛɛ genɔ yɛɛ, "Me ne n gye ɔkpa mɔ. Me so ne asa mɛ laa bii gɛsintin mɔ ne mɛ laa nyɛ Wurubuaarɛ asɛ gɛkyena ɔnan. ɔko-rɛ ɔko mɛn bo no ɔ laa taalɛ kpe Wurubuaarɛ asɛ, genen mɔ, kaasɛ mɔ gi kyu de me so.

⁷ Fɛɛ fɛ bii me mɔ, fɛ bii me-sɛ Wurubuaarɛ kee ne. San kyu lii nperɛ kyu i kya kpe mɔ, fɛ ti nyɛ me-sɛ Wurubuaarɛ bii, ne fɛ nyɛ mɔ wu de fɛye-ansi ne."

⁸ Yesu gi tɔge genen mɔ, Filipino gi tɔge sa mɔ yee, “Me-Wura, nyiile aye aye-se Wurubuaare. A nye bii mɔ mɔ, i kaabo aye.”

⁹ Yesu gi taase mɔ yee, “Filipo, ko-o ibono me-re feye a kyena kaabore faa, imɔso fo men ti taa bii me? Nyamese kamaase obono o wu me mɔ, o wu me-se Wurubuaare ne, ne nne so ne fo kii fi-i tɔge me yee n' nyiile feye me-se Wurubuaare?”

¹⁰ Fo men kya sɔɔ me gyi yee me-se Wurubuaare bo me dɔ ne me kee n bo mɔ dɔ? Ilaa ibono n kya tɔge mɔ i men gye me-gibaa so ne n' kya tɔge imɔ. I gye daa me-se Wurubuaare obono o te me dɔ mɔ ne n kya wɔra mɔ-gesun.

¹¹ Sɔɔ me gyi yee n bo me-se dɔ, ne mɔ kee bo me dɔ. Ne tɔge faa ne fo man sɔɔ gyi mɔ, kii sɔɔ me gyi kyu lii me-ilaa ibono n de Wurubuaare olon n kya wɔra mɔ so.

¹² “Gesintin ne n' kya tɔge mi-i sa feye; obono o kyu mɔ-nyoro too me so mɔ laa wɔra ilaa ibono onan n kya wɔra mɔ de i' kii don me-lee mɔ gbaa. I kya nyiile yee nan kpe me-se Wurubuaare ase.

¹³ Ilaa kamaase ibono fe dalaa kole Wurubuaare naa de me so mɔ, nan wɔra sa feye de asa me' nye wu Wurubuaare nyisigi mɔ kyu naa de me, Wurubuaare mɔ-bi mɔ so.

¹⁴ Ilaa kamaase ibono fe dalaa kole me-ginyen dɔ mɔ, gesintin, nan wɔra sa feye.

Yesu Gi Ka Yee ɔ Laa Kpaa Sun Wurubuaare Oduduu Mɔ Ba

¹⁵ “Nengyene fe kya laare me-ilaa mɔ, fe laa gyi me-nbara mɔ so.

¹⁶ Nan dalaa kole me-se Wurubuaare de o' kii sun okpaabo oko de o' baa kyena feye ase gekpaa-gekpa.

¹⁷ Mɔ ne n gye Wurubuaare Oduduu obono o bo gesintin mɔ. Abono men kya sɔɔ Wurubuaare gyi mɔ me man taale sɔɔ mɔ abaa anyɔ. I kya nyiile yee me men nyi yee o bo no, ne me men kii me nyi mɔ. Feye bere, fe nyi mɔ. ɔ te feye ase ne o laa kyena feye-asen dɔ.

¹⁸ “Man taa feye yeye feye-nkon fee anmenbi. Ne kpe mɔ, nan kii ba feye ase.

¹⁹ I kpe san nmaraa daa, abono me men kya sɔɔ Wurubuaare gyi mɔ me man baa wu me. Feye bere, fe laa wu me. Me, n ti n bo Wurubuaare ase gekyena. Imɔso feye kee fe laa nye Wurubuaare ase gekyena.

²⁰ Genen owi obono mɔ, fe laa nye bii yee n bo me-se Wurubuaare dɔ ne feye mɔ, fe bo me dɔ, ne mi-i me mɔ, n bo feye dɔ.

²¹ Fo nyamese obono fo kya sɔɔ me-nbara wɔra fo-gisen dɔ ne fo kya gyi nmɔ so mɔ, fo ne n kya laare me-ilaa. Me-se Wurubuaare laa laare fo genen kaase obono ilaa. Me kee nan laare fo-ilaa ne nan lee me-nyoro gewi nyiile fo.”

²² Yesu gi tɔge genen ta mɔ, mɔ-akasebo mɔ dɔ obono me kya tere mɔ yee Gyudase mɔ (i men gye Gyudase Isikaayote bere) genen Gyudase baare gi taase Yesu yee, “Me-Wura, mene n wɔra so ne aye-wole ne fo laa lee fo-nyoro gewi nyiile, ne abono men kya sɔɔ Wurubuaare gyi mɔ bere, fo man lee fo-nyoro gewi nyiile mɔmɔ daa?”

²³ Yesu gi lee genɔ sa mɔ yee, “Obono o kya laare me-ilaa mɔ kya nu mede. Me-se Wurubuaare laa laare mɔ-ilaa, ne me-re me-se Wurubuaare a laa ba mɔ ase de a' baa kyena mɔ dɔ.

24 Ɔbono ɔ mɛn kya laare me-ilaa mɔ, mɛn kya nu me-gɛdɛ. Ɔkalan ɔbono nɛ tɔgɛ sa fɛyɛ faa mɛn lii me asɛ, ɔ lii daa Wurubuaare ɔbono ɔ sun me mɔ asɛ.

25 “Ibono a san a tɛ dabɔlɛ faa ne n' kya tɔgɛ fɛyɛ genen ilaa idɛ faa.

26 Nengyene nɛ kyon mɔ, Wurubuaare laa sun ɔko de ɔ' baa yii me-giyaa de ɔ' kpaɔ fɛyɛ. Mɔ ne n gye Wurubuaare Oduduu mɔ. Ɔ laa baa nyiile fɛyɛ ilaa kamaasɛ de ɔ' nyingi fɛyɛ-ilaa ibono pɛwu nɛ tɔgɛ fɛyɛ mɔ.

27 Gisen yuuli ne n' dɛ mi-i yela fɛyɛ. Me-gisen yuuli ne n' dɛ mi-i sa fɛyɛ. I mɛn gye gɛsinkpan gɛdɛ so gisen yuuli mɔ ɔnan. Fɛ mɛn sa fɛ' yɛgɛ fɛyɛ-asen a' nyida fɛyɛ. Fɛ mɛn sa fɛ' yɛgɛ i' wɔra fɛyɛ gifuu.

28 “Fɛ ti wolaa nu me nɛ tɔgɛ sa fɛyɛ yɛɛ nan kpe de n' kii ba fɛyɛ asɛ. Nengyene fɛ kya laare me-ilaa gɛsintin mɔ, nkana fɛ nu yɛɛ n kya kpe mɛ-sɛ Wurubuaare asɛ mɔ, i laa wɔra fɛyɛ ɔkon daa. I kya nyiile yɛɛ mɛ-sɛ gi don me.

29 N wolaa mi-i buu mi-i sa fɛyɛ abɛrɛ adɛ pɛi de i' lɔɔ ba. I san ba mɔ, de fɛ' nyɛ sɔɔ me gyi.

30 Man baa nyɛ tɔngɛ de fɛyɛ gikyɔ iko. I kya nyiile yɛɛ ilaa nyenyɛn pɛwu gɛmu ɔbono ɔ bo ɔlon gɛsinkpan so mɔ kya ba. Me bɛrɛ, ɔ mɛn bo ɔlon ɔko me so.

31 Ilaa ibono mɛ-sɛ Wurubuaare gi ka sa me mɔ ne n' kya wɔra. Imɔ ne nan yɛgɛ asa mɛ laa wu bii yɛɛ n kya laare mɛ-sɛ Wurubuaare ilaa.

“Fɛ' koso de a' lii gerɛ.”

15

Yesu Dɛ Fɛɛ Oyii

1 Yesu gi kii tɔgɛ sa mɔ akasebo mɔ yɛɛ, “Me n dɛ fɛɛ oyii duusɛ kolon ɔbono mɛ-sɛ Wurubuaare gi duu mɔ. Mɔ ne n kya kerɛ genen oyii ɔbono so.

2 Me-gɛgyalenbi kamaasɛ gɛbono gɛ mɛn kya sɔrɔ abi mɔ, mɛ-sɛ Wurubuaare kya nɛ gɛmɔ fɛɛ, ne me-gɛgyalenbi gɛbono, mɔ, gɛ kya sen ne gɛn kya sɔrɔ abi gikyɔ mɔ, ɔ kya nɛɛlɛ gɛmɔ-gimu so de gɛ' ba ngyalenbi de gi' nyɛ sɔrɔ gikyɔ.

3 Fɛyɛ ne n gye mɛ-nyalenbi nbono Wurubuaare kya kerɛ nmɔ so genen mɔ. I kya nyiile yɛɛ kyu lii Wurubuaare agyɛbi abono nɛ tɔgɛ sa fɛyɛ mɔ so mɔ, fɛ nyɛ ne i kpaare fɛyɛ-ilaa nyenyɛn fɛɛ sa fɛyɛ.

4 Fɛ' kyena me dɔ de me kee n' kyena fɛyɛ dɔ. Oyii gɛgyalenbi wolɛ gɛ man taalɛ sɔrɔ abi gɛmɔ-gibaa so, genen mɔ, gɛ kyaa de oyii mɔ. Genen kee ne i dɛ sa fɛyɛ ɔkamaasɛ faa. Fo-wolɛ fo man taalɛ wɔra Wurubuaare gɛlaare ilaa wɔrasɛ, genen mɔ, mɛ-rɛ fo ne n tɛ.

5 “Me ne n gye oyii mɔ. Fɛyɛ mɔ, ne n gye oyii mɔ ngyalenbi mɔ. Ɔbono ɔ tɛ me dɔ ne me kee n tɛ mɔ dɔ mɔ, genen kaasɛ ɔbono ne nan tansi wɔra Wurubuaare gɛlaare ilaa wɔrasɛ mɔ. Ne fɛɛ i mɛn gye mɛ-rɛ fo ne n tɛ mɔ fo man taalɛ wɔra imɔ iko-rɛ iko.

6 Nengyene nyamɛsɛ mɛn tɛ me dɔ mɔ, ɔ dɛ fɛɛ gɛgyalenbi gɛbono mɛ kya nɛɛlɛ fɛɛ. Gɛ wolɛ ne asa mɛ kya puru kpaɔ too wɔra ɔgya dɔ de gɛ' dɛɛ mɔ.

7 “Nengyene fɛ tɛ me dɔ ne mɛ-agyɛbi a tɛ fɛyɛ dɔ mɔ, ilaa kamaasɛ ibono fɛ kya laare ne fɛ dalaa kolɛ Wurubuaare mɔ, ɔ laa wɔra imɔ sa fɛyɛ.

⁸ Ilaa ibono i laa lɛɛ me-sɛ Wurubuaarɛ nyisigyɪ mɔ nyiile mɔ ne n gye yɛɛ fo' tansi wɔra mɔ-gɛlaarɛ ilaa wɔrasɛ. Imɔ ne nan lɛɛ nyiile yɛɛ fɛ gye me-akasebo gɛsintin.

⁹ “Fɛɛ gɛnɔɔbono Wurubuaarɛ gi laarɛ me-ilaa mɔ, genen ne me kee ne laarɛ fɛye-ilaa faa. Fɛ' kpe fɛ tɛ me dɔ de n' laarɛ fɛye-ilaa genen kyu i kya kpe.

¹⁰ Nengyene fɛ kya gyi me-nbara so mɔ, fɛ laa kyena me dɔ de n' laarɛ fɛye-ilaa fɛɛ gɛnɔɔbono nɛ gyi me-sɛ Wurubuaarɛ nbara so, ne n' tɛ mɔ dɔ ɔ kya laarɛ me-ilaa faa.

¹¹ Nɛ buu genen ilaa idɛ sa fɛye de i' nye wɔra fɛye ɔkon fɛɛ gɛnɔɔbono i bo me ɔkon mɔ. N kya laarɛ i' wɔra fɛye-gisen dɔ ɔkon kpaɔ logɛ.

¹² “Me-nbara nbono n dɛ n kya sa fɛye mɔ ne n gye yɛɛ fɛ' laarɛ abara ilaa fɛɛ gɛnɔɔbono nɛ laarɛ fɛye-ilaa mɔ.

¹³ Gɛlaarɛ gɛko gɛɪ bo no gɛ baa don de ibono nyamesɛ laa sɔɔ mɔ-kyɛmɛnɛana lɛwu mɔ.

¹⁴ Ilaa ibono n kya ka fɛye yɛɛ fɛ' wɔra faa, ne fɛ wɔra imɔ mɔ, fɛ gye me-kyɛmɛnɛana.

¹⁵ Mɛɪ baa n kya tɛrɛ fɛye yɛɛ me-adeɛa. I kya nyiile yɛɛ dega mɛɪ nyi mɔ-ɔbelɛnsɛ gɛwɔnsa. Idɛ bɛrɛ, nɛ tɛrɛ fɛye daa yɛɛ me-kyɛmɛnɛana. I kya nyiile yɛɛ ilaa kamaasɛ ibono nɛ nu lii mɛ-sɛ Wurubuaarɛ asɛ mɔ, nɛ kyu nyiile fɛye.

¹⁶ “I mɛɪ gye fɛye ne n tɔɔsɛ me lɛɛ de n' wɔra fɛye-ɔbelɛnsɛ. Me ne n tɔɔsɛ fɛye lɛɛ yɛɛ fɛ' wɔra Wurubuaarɛ gɛsun de i' bara ilaa dɛnsɛ fɛɛ gɛnɔɔbono oyii kya sɔɔɔ abi mɔ. N kya laarɛ yɛɛ genen ilaa dɛnsɛ mɔ i' dɛ kpe gɛkpaa-gɛkpaa. I ba genen mɔ, fɛ dala kole Wurubuaarɛ ilaa kamaasɛ me-ginyɛn dɔ mɔ, ɔ laa yɛɛ i' yii fɛye-gibaa.

¹⁷ Ilaa ibono n kya ka fɛye mɔ ne n gye yɛɛ fɛ' laarɛ abara ilaa.

Asa Abono Mɛ Mɛɪ Kya Sɔɔ Wurubuaarɛ Gyɪ Mɔ Mɛ Laa Kyo Fɛye

¹⁸ “Nengyene abono mɛɪ kya sɔɔ Wurubuaarɛ gyɪ mɔ mɛ kya kyo fɛye mɔ, fɛ' nyingi yɛɛ me ne mɛ wolaa kyo pɛi ne i tu fɛye genen.

¹⁹ Fɛɛ fɛye-rɛ ɔmɔ fɛ gye nyamesɛ kolon daa mɔ, nkana mɛ laa laarɛ fɛye-ilaa. Idɛ mɔ faa mɔ, fɛ mɛɪ baa fɛ gye mɔmɔ dɔ. Nɛ tɔɔsɛ fɛye lɛɛ lii mɔmɔ dɔ. Imɔsɔ ne mɛ kya kyo fɛye genen.

²⁰ Fɛ' nyingi gigyɛbi gibono nɛ tɔɛ sa fɛye mɔ. Nɛ tɔɛ yɛɛ, ‘Dega mɛɪ kya don mɔ-ɔbelɛnsɛ.’ Nengyene mɛ ka me ɔbono n gye fɛye-ɔbelɛnsɛ mɔ ansi mɔ, i dɛ i gyoo fɛye kee. Nengyene mɛ nu me-gɛdɛ mɔ, mɛ laa nu fɛye-gɛdɛ kee.

²¹ Mɛ so ne mɛ laa ka fɛye-ansi genen. I kya nyiile yɛɛ mɛ mɛɪ nyi ɔbono o sun me mɔ.

²² “Nengyene fɛɛ mɛɪ ba gɛsinkpan gɛdɛ so de n' baa tɔngɛ sa asa mɔ, nkana ilaa ibono mɛ kya wɔra faa, Wurubuaarɛ mɛɪ bun mɔmɔ gipueɛ. Imɔ idɛ, mɔ, nɛ ba ne mɛ nu lii me asɛ faa, mɛ mɛɪ baa mɛ bo ɔkyɛrɛgyantɛn.

²³ Nyamesɛ ɔbono ɔ kya kyo me mɔ kya kyo me-sɛ Wurubuaarɛ kee ne.

²⁴ Nɛ wɔra ilaa dɛgɛnɔsɛ ibonoana ɔko-rɛ ɔko mɛɪ ti taa wɔra kɛrɛ. Nɛ fɛɛ nkana mɛɪ wɔra genen de mɛ' wu de mɔmɔ-ansi mɔ, nkana ilaa ibono mɛ kya wɔra faa, Wurubuaarɛ mɛɪ bun mɔmɔ gipueɛ. Imɔ idɛ, mɔ, mɛ wu de mɔmɔ-ansi ne mɛ dabɔlɛ kyo me-rɛ me-sɛ Wurubuaarɛ pɛwu.

²⁵ I mɛn ba genen giyan. I ba genen mɔ, i kyena daa de ilaa ibono Wurubuaare gi yege mɛ nmarase yela mɔ-agyɛbi ɔwole mɔ dɔ sa mɔmɔ mɔ. Mɛ wolaa nmarase nno yɛɛ, I mɛn bo ilaa kolon ibono so mɛ kyo me mɔ.

²⁶ “Nan sun ɔbono ɔ laa kpaa feye mɔ feye ase. Mɔ ne n gye Wurubuaare Oduduu ɔbono ɔ laa lii Wurubuaare ase mɔ. ɔ gye gesintin wura. Nengyene ɔ ba mɔ, ɔ laa lɛɛ me-ilaa nyiile asa.

²⁷ Feye kee fe laa lɛɛ me-ilaa nyiile asa. I kya nyiile yɛɛ kpe kyu lii owi ɔbono nɛ yii me-gesun mɔ gɛsɛ mɔ, me-rɛ feye ne.”

16

¹ “Awɔrɔfɔɔ abono a dɛ a gyoo feye mɔ so ne nɛ tɔgɛ genen ilaa idɛ pɛwu sa feye, de feye-gisɔgyi mɔ gi mɛn sa gi' koso me so.

² Asa mɛ laa tii feye yɛɛ feye-giyaa gi man nyɛ yii mɔmɔ-akyangbon dɔ. I mɛn gye ibono wole gbaa. Owi ɔko kya ba ibono fɛɛ ɔko gi mɔɔ feye dɔ ɔko mɔ, ɔ laa kyu imɔ yɛɛ Wurubuaare ɔson mɔ dɔ ne ɔ kpe ɔ dɛ genen yege in gye genen ne.

³ Ibono mɛ mɛn nyi me abɛɛ me-sɛ Wurubuaare mɔ so ne mɛ laa wɔra feye genen ilaa ibonoana faa.

⁴ I mɛn gye giyan so ne n' kya tɔgɛ feye genen ilaa idɛ. Mɛn kya laare awɔrɔfɔɔ mɔ a' baa tuule feye. N kya laare daa fɛɛ nengyene awɔrɔfɔɔ mɔ a baa tu feye mɔ de fɛ' nyingi yɛɛ nɛ wolaa tɔgɛ feye amɔ so ilaa yela de i' nyɛ keda feye-nyoro.

Wurubuaare Oduduu Mɔ Gesun Wɔrase

“Mɛn wolaa tɔgɛ genen ilaa idɛ sa feye lii gɛsɛ de gɛsɛ. I kya nyiile yɛɛ n san n bo feye ase.

⁵ Idɛ kon berɛ, n kya kii n kya kpe ɔbono o sun me mɔ ase. Feye dɔ ɔko-rɛ ɔko mɛn kii taase me yɛɛ fonɛ ne n kya kpe.

⁶ Nɛ wu yɛɛ ilaa ibono pɛwu nɛ tɔgɛ sa feye faa ne n yege ne feye-asen dɔ i nyida feye gikyo genen.

⁷ N kya tɔgɛ feye gesintin yɛɛ nɛ kii kpe mɔ, feye ne i laa wɔra ɔdan sa. I kya nyiile yɛɛ nengyene mɛn kii kpe Wurubuaare ase mɔ, ɔbono nan sun de ɔ' baa kpaa feye mɔ man ba. Nengyene nɛ kii kpe mɔ, pɛi ne nan sun mɔ feye ase.

⁸ ɔ ba mɔ, ɔ laa bugi anyamesɛ nwɔnsa kyu lii ilaa nyɛnyɛn giwɔra de gesintin gigyɛ de gipueɛ gibun so. ɔ laa nyiile mɔmɔ yɛɛ mɔmɔ-nwɔnsa nɔbono mɛ dɛ kyu lii genen ilaa ibonoana so mɔ in kyena.

⁹ Kyu lii ilaa nyɛnyɛn giwɔra so mɔ, Wurubuaare Oduduu mɔ laa yege asa mɛ' bii yɛɛ mɛ gye ilaa nyɛnyɛn awɔrabo. I lii fɛɛ mɛ mɛn kyu mɔmɔ-nyoro too me so.

¹⁰ Kyu lii gesintin gigyɛ so mɔ, Wurubuaare Oduduu mɔ laa yege asa mɛ' bii yɛɛ nɛ gyi gesintin sa Wurubuaare. I lii fɛɛ nan kpe me-sɛ Wurubuaare ase nɛ fɛn baa wu me.

¹¹ Nɛ kyu lii gipueɛ gibun so mɔ, Wurubuaare Oduduu mɔ laa yege asa mɛ' bii kee yɛɛ mɛn kyɛgɛ mɔ, Wurubuaare laa bun ɔmɔ gipueɛ. I lii fɛɛ ɔ ti bun ilaa nyɛnyɛn pɛwu gemu ɔbono ɔ bo ɔlon gesinkpan so mɔ gipueɛ.

¹² “N san n bo ilaa gikyo nan tɔgɛ sa feye. Imɔ genen mɔ, nengyene nɛ tɔgɛ imɔ pɛwu ayaa adɛ so mɔ, i laa don feye-abaa, fɛ man taale nu imɔ gɛsɛ.

13 Wurubuaare Oduduu mo ne n gye obono o kya lee Wurubuaare gesintin ilaa nyiile. Nengyene genen Wurubuaare Oduduu obono gi ba mo, mo ne nan baa gyangbara sa feye de fe' bii Wurubuaare gesintin ilaa mo pewu. I kya nyiile yee i men gye mo-gibaa so ne o laa baa tonge. Ilaa ibono o nu mo, imo ne o laa toge, ne o laa toge feye ilaa ibono i laa baa ba mo.

14 Wurubuaare Oduduu mo laa kyu nyisigi bara me. O laa lee ilaa ibono i gye me-lee mo gewi nyiile feye.

15 Ilaa ibono pewu me-se Wurubuaare bo mo, i gye me-lee. Imoso ne ne toge yee Wurubuaare Oduduu mo laa lee ilaa ibono i gye me-lee mo gewi nyiile feye mo.

Geyiyee De Okon

16 "I san daa hmaraa faa, fe man baa wu me ne i kii wora hmaraa mo, fe laa kii wu me."

17 Yesu gi toge genen mo, mo-akasebo mo ako me kya taase abara yee, "Mene ilaa ne o dare genen? O kya toge yee i san daa hmaraa faa, a man baa wu mo, ne i kii wora hmaraa mo, a laa kii wu mo. O kii toge kee yee o kya kpe mo-se Wurubuaare ase."

18 Me kpe san ma-a taase abara yee, "Mene ne o dare yee, 'hmaraa daa faa'? A men kya nu imo gese."

19 Yesu akasebo mo me kpe ma-a taase abara genen mo, o bii yee me kya laare fee me' taase mo imo gese. O taase momo yee, "Ibano ne toge feye yee, 'I san daa hmaraa faa, fe man baa wu me; ne i kii wora hmaraa mo, fe laa kii wu me' mo, imo gese ne fe kya taase abara faa?"

20 N kya toge feye gesintin; ilaa ibono i laa ba me so mo, fe laa saawo de fe' yiyee. Asa abono men kya soo Wurubuaare gyi mo bere i laa wora momo okon. Imo genen mo, feye-geyiyee mo ge laa baa bingiri okon sa feye.

21 I laa wora feye fee owi obono okyii kya dun mo. Genen owi obono do mo, o kya yiyee, i kya nyiile yee gedun ge yii mo. Nengyene o nye ne o koroge mo, o kya tan mo-geyiyee mo so. Oh baa o kya nyingi imo. I kya nyiile yee i kya wora mo okon yee o koroge nyamese ba gesinkpan so.

22 Genen ne i laa baa wora feye kee ne. Nperfe faa bere mo, fe bo geyiyee do. Nan kii ba feye ase de feye-gisen gi' toro feye. Genen owi obono mo oko men bo no o laa taale soge okon obono fe laa gyi mo lii feye-abaa do.

23 Nengyene genen geke gebono ge fo mo, fe man baa taase me ilaa taasee iko.

"Gesintin ne n kya toge mi-i sa feye faa; ilaa kamaase ibono fe laa dalaa kole lii Wurubuaare ase mo, o laa yeye de i' yii feye-gibaa kyu lii me Yesu so.

24 Fe men ti taa dalaa kole Wurubuaare ilaa iko kyu naa de me so gekaako kere. Fe' dalaa kole mo kyu naa de me so. O laa yeye i' yii feye-gibaa de i' tansi wora feye-asen do okon.

Yesu Gi Ti Gyi Gesinkpan So Ilaa Kamaase So

25 "Akpale do ne ne toge me-se ilaa sa feye faa. Owi oko kya ba ibono man baa da feye akpale kyu lii mo so. Nan san toge me-se Wurubuaare ilaa sa feye mo, nan toge tigi feye daa.

26 San kyu lii genen owi obono kyu kyon mo, fe laa dalaa kole Wurubuaare ilaa kyu naa de me so. I menj gye yee me ne nan kole me-se Wurubuaare sa feye.

27 Me-se Wurubuaare gbaa-gbaa kya laare feye-ilaa. I kya nyiile yee fe laare me-ilaa ne fe soo me gyi yee ne kpelege lii daa Wurubuaare ase.

28 Ne lii me-se ase ne ne ba gesinkpan so. Npere mo n kya lii gesinkpan so n kya kii mi-i kpe me-se Wurubuaare ase."

29 Yesu gi toge genen mo, mo-akasebo mo me toge sa mo yee, "Fonj wu? Ide kon bere ne fo toge tigi aye ne. Fonj baa tonge akpale do sa aye.

30 Ide kon ne a bii yee fo nyi ilaa kamaase. I menj baa i tiri yee oko o' baa taase fo ilaa. Imo ide i yeye a' soo fo gyi yee fo lii daa Wurubuaare ase gesintin."

31 Me toge genen ta mo, Yesu gi taase momo yee, "Ide kon bere, fe soo me gyi?"

32 To, owi oko kya ba, o ti fo gbaa, ibono fe laa yaase giyan-giyan de fe' kii kpe feye-nwi taa me yeye de i' san me-nkon. I manj kii san me-nkon bere. Me-se Wurubuaare bo me ase.

33 Ne toge genen ilaa ide sa feye daa de fe' nye gisen yuuli. I lii fee me-re feye a wora nyamese kolon. Asa me laa yeye fe' wu aworofo gesinkpan so gere. Imo genen gbaa mo, fe' yeye i' keda feye-nyoro. Ne ti gyi anyamese olon pewu so."

17

Yesu Gi Dalaa Sa Mo-Nyoro

1 Yesu gi toge genen ta mo, o diire mo-ansi kere soso ne o dalaa sa Wurubuaare yee, "Me-se, owi mo gi fo. Lee me, fo-bi mo nyisigyi nyiile asa. Fo lee me-nyisigyi nyiile mo, de me, fo-bi mo n' lee fo-lee nyisigyi mo nyiile.

2 Fo sa me olon nyamese kamaase so de n' yeye asa abono fo sa me mo me' kyena fo Wurubuaare ase gekpaa-gekpaa.

3 Genobono asa me laa nye fo ase gekyena gekpaa mo ne n gye yee me' bii fo obono fo-nkon ne n gye Wurubuaare mo, de me' bii me, Yesu Kirisito obono fo sun me mo.

4 Ne lee fo-nyisigyi mo gewi nyiile. I lii fee ne loge gesun gebono fo sa me yee n' baa wora gesinkpan so mo.

5 Ide kon, me-se, fo-o fo mo, yeye n' gyi ginsi fo ase, de fo' kiiri me-nyisigyi obono n wolaa n bo mo fo ase pei ne soso de gese i' loo wora ilaese mo sa me.

Yesu Gi Dalaa Sa Mo-Akasebo

6 "Asa abono fo sa me lii asa sense do mo, ne lee fo-gidebi mo nyiile momo. Me wolaa me gye daa fo-lee pei ne fo kyu omo kyu sa me. Momo, mo, me nu fo-gede.

7 Ide kon me bii yee ilaa kamaase ibono fo kyu sa me mo, i lii daa fo ase.

8 Iklan ibono fo sa me mo, ne toge momo, ne momo, mo, me nu me ase, ne me bii ibono i gye gesintin yee ne lii fo ase. Me soo gyi yee fo ne n sun me.

9 "Momo ne n' kya dalaa mi-i sa faa. Inj gye asa sense ne n kya dalaa mi-i sa. Momo abono fo kyu sa me ne me soo me gyi mo ne n' kya dalaa n kya sa. I kya nyiile yee me gye daa fo-lee.

10 Okamaase obono o gye me-lee mo, o gye daa fo-lee ne okamaase obono o gye fo-lee mo, o gye me-lee kee. N kya nye nyisigyi kyu naa de momo so.

11 Ide kon bere man baa kyena gesinkpan so. Momo ade bere me san me te saare asa abono me men sɔɔ fo gyi mo do. Mi-i me mo, n kya kii n kya ba fo ase mi-i taa omo mi-i yegɛ. Imoso, me-se, fo obono fo-nkon ne n gye Wurubuaare mo, kyu olon obono fo sa me mo, kyu kere momo so de me' wɔra nyamese kolon fɛɛ genooobono me-re fo a gye nyamese kolon mo.

12 Owi obono n bo momo ase mo, ne kyu fo-olon kere momo so, genen olon obono ne fo kyu sa me mo. Ne kun momo, ne momo do ba-a nyamese kolon men yegɛ mo-okyenaten obono o laa nye fo ase mo o' lii mo-gibaa, genen mo, okolon obono i wolaa i gye mo-npaaba mo wole, de i' yegɛ ilaa ibono me nmarase yela fo-agyebi mo do mo i' ba gesintin.

13 "Ide kon n kya kii mi-i ba fo ase ne. N san n bo gesinkpan so faa mo, n kya toge genen ilaa ide, de okon obono ne nye mo, momo ade kee me' nye genen okon obono kpaa loge.

14 Ne toge fo-okalan mo sa me-ade ade, ne abono men kya sɔɔ fo gyi mo me kya kyo momo. I kya nyiile yee men gye omo do, fɛɛ genooobono me kee, men gye momo do mo.

15 Men kya dalaa yee fo' lee momo lii abono me men kya sɔɔ fo Wurubuaare gyi mo do daa. N kya kole fo daa yee fo' kere momo so de Obonsan, nyamese nyenyɛn mo, o men sa o' nye omo.

16 Men gye abono men kya sɔɔ fo gyi mo do. Genen kee me-ade ade men gye abono men kya sɔɔ fo gyi mo do.

17 Loro momo yela sa fo-nyoro kyu naa de fo Wurubuaare gesintin mo so. Fo-agyebi mo ne n gye genen gesintin gebono.

18 Fɛɛ genooobono fo Wurubuaare fo sun me ba abono men kya sɔɔ fo gyi mo ase mo, genen ne me kee n kya sun me-akasebo ade asa abono men kya sɔɔ fo gyi mo ase ne.

19 Momo so mo, ne lora me-nyoro yela sa fo de momo kee me' nye lora omo-nyoro yela sa fo gesintin mo."

Yesu Gi Dalaa Sa Okamaase Obono O Laa Sɔɔ Mo Gyɛ Mo

20 Yesu gi kii dalaa yee, "I men gye ade wole ne n' kya dalaa n kya sa. N kya dalaa n kya sa asa abono kee me laa kyu momo-nyoro too me so kyu lii okalan obono ade me laa toge sa momo mo so.

21 Me-se, yegɛ momo pewu me wɔra nyamese kolon. Fɛɛ genooobono fo bo me do ne me kee n bo fo do mo, yegɛ momo kee me' kyena aye do de i' yegɛ asa abono me men kya sɔɔ fo gyi mo me' nye sɔɔ gyi yee fo ne n sun me.

22 Fo-nyisigyɛ obono fo kyu sa me mo, ne kyu sa momo. Imo ne nan yegɛ me' wɔra nyamese kolon fɛɛ genooobono me-re fo a gye nyamese kolon faa.

23 Nan kyena momo do de fo fo, mo, fo' kyena me do, de me' nye wɔra nyamese kolon kpaa loge. I ba genen mo, asa abono men kya sɔɔ fo gyi mo me laa nye bii yee fo ne n sun me ne fo kya laare momo-ilaa fɛɛ genooobono fo kya laare me-ilaa mo.

24 "Me-se, me-gisen do mo, n kya laare fɛɛ nfono nan kyena mo, momo abono fo kyu sa me mo me-re omo a' kyena nno de me' nye wu me-nyisigyɛ obono fo kyu sa me pei ne soso de gese i' loo wɔra ileese mo. Genooobono fo laare me-ilaa mo ne n yegɛ ne fo kyu genen nyisigyɛ obono sa me.

²⁵ O, me-se, Gesintin Wura, anyamese me men̄ nyi fo gesinkpan ged̄e so. Me bere n nyi fo. Ne me-ade mɔ kee, me nye bii yee fo ne n sun me.

²⁶ Ne lee fo-gidebi mɔ nyiile mɔmɔ. Ne nan kpe mi-i lee fo-gidebi mɔ n kya nyiile mɔmɔ de gelaare' gebono fo bo sa me mɔ ge' kyena mɔmɔ dɔ, de me kee n' kyena mɔmɔ dɔ."

18

Me Keda Yesu

¹ Yesu gi dalaɔ genen ta mɔ, mɔ-re mɔ-akasebo mɔ me lii fara Kideron gekolobi mɔ kyon kpe ndɔɔ nko dɔ.

² Yesu mɔ-re mɔ-akasebo mɔ me kya kyena kpaa gyan' nno. Imɔso Gyudase obono ɔ kya laare o' kyu Yesu wɔra abelense mɔ abaa dɔ mɔ nyi nno.

³ Gyudase baare gi kpe Gyuda awura asunbi alebo abelense de Farasii awura ase ne me lee mɔmɔ-asogya gikpen bele de Wurubuaare ɔson obu mɔ dɔ adiibo ako kyu wɔra de mɔ yee me' kpe ndɔɔ mɔ dɔ kpaa keda Yesu. Me kya kpe mɔ, me de ifatela de afulaa de adonto.

⁴ Yesu gi ti wolaa bii ilaa ibono i kya ba mɔ so mɔ. Genen so mɔ, ɔ lii kpaa gyangara mɔmɔ ne ɔ taase mɔmɔ yee, "Ane ne fe kya laare?"

⁵ Yesu gi taase mɔmɔ genen mɔ, me lee geno yee, "Yesu, Nasaretinyen mɔ ne a kya laare." Ne Yesu gi toge sa mɔmɔ yee, "Me ne." (Genen owi obono dɔ mɔ, Gyudase obono ɔ yege abelense mɔ me nye mɔ genen mɔ yele mɔmɔ ase nfono.)

⁶ Yesu gi toge sa mɔmɔ yee "Me ne" mɔ, me kii gemara njmaraa ne me lii-lii toɔɔ.

⁷ Yesu gi kii loɔɔ taase mɔmɔ yee, "Ane ne fe kya laare?" Ne me lee geno yee, "Yesu, Nasaretinyen mɔ ne a kya laare."

⁸ Yesu gi kii toge sa mɔmɔ yee, "Men̄ buu sa feye yee, 'Me ne'? Imɔso nengyene me ne fe kya laare bere mɔ, fe' yege de me-akasebo ade me' naa."

⁹ Yesu gi toge genen ilaa ide de i' yege ibono ɔ wolaa daa gitoge mɔ, i' nye ba gesintin. ɔ wolaa toge sa mɔ-se Wurubuaare yee, "Asa abono fo kyu sa me mɔ, men̄ yege mɔmɔ dɔ ba-a okolon okyenaten Wurubuaare ase mɔ o' lii mɔ-gibaa."

¹⁰ Me kya laare de me' keda Yesu mɔ, Simon Piita gi loore geki gebono ɔ de mɔ lee ne ɔ njele dega oko giso fue. Me kya tere dega mɔ yee Malekosi. Mɔ-wura ne n gye Gyuda awura asunbi alebo gemu mɔ.

¹¹ Yesu gi wu genen mɔ, ɔ toge sa Piita yee, "Kiiri geki mɔ wɔra gemɔ-giforo dɔ." Ne ɔ taase mɔ yee, "Men̄ sa n' wu aworɔfo abono me-se Wurubuaare yee n' wu mɔ?"

Me Kyu Yesu Kyu Kpe Anase Ansi Dɔ

¹² Nfono mɔ, asogya mɔ de mɔmɔ-obelense mɔ de Wurubuaare ɔson obu mɔ adiibo mɔ me keda Yesu ne me njminde mɔ.

¹³ Me njminde mɔ genen mɔ, me daa gikyu mɔ kpe Anase ase daa pei. (Anase ne n gye Kayifase mɔ-saa nyense. Genen Kayifase baare ne n gye Gyuda awura asunbi alebo gemu genen gesi gebono.)

¹⁴ Mɔ ne n gye obono ɔ wolaa toge gigyebi giko sa Gyuda awura abelense mɔ baa kyon mɔ. ɔ toge yee, "Nyamese kolon gi tese wu' sa asa mɔ pewu mɔ, i boran.")

Piita Gi Soroge Yee ɔ Men̄ Nyi Yesu

15 Me de Yesu me kya kpe Anase ase genen mo, Simon Piita de me, Yesu okasebo oko, a buu mo. Me bere, me-re asunbi alebo gemu mo a nyi abara so mo, ne nye buu Yesu loo gikpaara me so. Ne i san Piita gi sii o yele nmanman gebunono ase.

16 O sii genen mo, ne kii kpe gebunono mo ase ne ne kpaatonge de obolonbu obono o kya kere gebunono mo so mo, ne o kyu Piita loo.

17 Piita kya loo mo, obolonbu mo gi taase mo yee, "Fo kee fon bo onyen baare akasebo mo do?" Piita gi kine yee, "Kuaa! Men gye mo-akasebo mo do."

18 Genen owi obono gye awo abere so mo, asunbi alebo gemu mo adega de abono me kya dii mo-geten mo me wora ogya gikpaara mo so me yele me kya wole. Piita gi naa sii yele momo ase, mo kee kya wole ogya mo.

Asunbi Alebo Abelense Gemu Mo Gi Taase Yesu Ilaa

19 Yesu bo Gyuda awura asunbi alebo gemu mo ase genen mo, o taase Yesu ilaa kyu lii mo-akasebo de mo-ilaa nyiilese mo so.

20 Ne Yesu gi lee geno yee, "Ne yele tentegelen tonge Wurubuaare ilaa sa okamaase. Owi kamaase do mo, ne nyiile asa ilaa akyangbon do de Wurubuaare onon obu mo gikpaara mo so, nfono Gyuda awura pewu me kya kpaatonge gyan' mo. Men tonge sei asiiri do.

21 Imoso gen sa fo' taase me. Kpaatonge asa abono me nu me-ilaa nyiilese mo. Me nyi ilaa ibono ne tonge mo."

22 Yesu gi lee geno genen mo, abono me kya dii geten mo do oko yele sindi Yesu. O fon Yesu otan ne o taase mo yee, "Genen ne i kaabore fo' tonge de asunbi alebo gemu mo ne?"

23 Nfono ne Yesu gi tonge sa mo yee, "Nengyene ne tonge ilaa iko ne i men boran mo, tonge de n' nu. Ne i gye ilaa dense ne ne kii tonge daa mo, i gye itan ilaa daa?"

24 Nfono mo me kpare Yesu de ofe kpe Kayifase obono o gye asunbi alebo gemu mo ase.

Piita Gi Kii Soroge Yee O Men Nyi Yesu

25 Simon Piita san o yele ogya mo ase o kya wole mo, nfono mo, asa abono me bo ogya mo ase mo me taase mo yee, "Fo kee fo men gye Yesu akasebo mo do oko?" Ne Piita gi lee geno yee, "Kuaa! Men gye mo-akasebo mo do."

26 Me taase Piita genen mo, asunbi alebo gemu mo-dega oko bo nfono, mo-re obono Piita gi kebi mo-giso mo me bo gesu. Genen dega baare gi taase Piita yee, "Men wu fo Yesu ase ndoo mo do?"

27 Ne Piita gi lee geno yee, "Kuaa." Ayaa abono so mo, kyaase gi folo.

Me Kyu Yesu Kpe Pilato Ansi Do

28 Gede ge kpe ke mo, Gyuda awura abelense mo me kyu Yesu lii Kayifase ase kyu mo kpe Obelense Pilato gewi. Obelense Pilato baare te sa Rom awura o kya kere momo Gyuda awura so. Gyuda awura mo Lewu Gi Serege Aye So geke bele mo ge fo so mo, me kpe Obelense Pilato gewi genen mo, momo gbaa-gbaa bere, me men loo geten mo do. I kya nyiile yee nengyene me loo geten mo do mo, i laa kyolese momo-Wurubuaare onon. I kyolese momo mo, me man nye gyi momo-geke bele mo.

29 Genen so mo, Obelense Pilato gi lii kpe momo ase ne o taase momo yee, "Mene ilaa ne onyen baare gi wora so ne fe de mo fe kya bara me?"

30 O taase momo genen mo, me lee geno yee, "Nengyene o men gye ilaa nyenyen oworabo mo, nkana a man kyu mo baa wora fo-abaa do."

31 Nfono ne Ɔbelense Pilato gi tɔge sa Gyuda awura abelense mɔ yee, "Fe' kyu mɔ naa, de feye gbaa-gbaa fe' kpa kyu feye-lee nbara kpa gyi mɔ-nbele." Pilato gi tɔge sa mɔmɔ genen mɔ, me tɔge sa mɔ yee, "Rom awura abeyin mɔ men sa aye ɔkpa yee a' mɔɔ isa."

32 Genen ilaa ibono Gyuda awura abelense mɔ me tɔge sa Pilato faa, i yege ilaa ibono Yesu gi wolaa tɔge kyu lii lewu ɔbono ɔnan ɔ laa wu' mɔ so mɔ i' nye ba gesintin.

33 Ɔbelense Pilato gi nu genen mɔ, o kii naa loo mɔ-getsen dɔ ne ɔ tere Yesu ne ɔ taase mɔ yee, "Fo ne n gye wura sa Gyuda awura mɔ?"

34 Yesu gi lee genɔ yee, "Fo gbaa-gbaa ne n kya tɔge abee ako ne n tɔge me-ilaa sa fo daa?"

35 Ne Pilato gi taase Yesu yee, "Fo nyi yee n gye Gyudanyen? Fo gbaa-gbaa fo-gewi awura de mɔmɔ-asunbi aleebo abelense ne n kyu fo baa wɔra me-abaa dɔ. Mene ilaa ne fo tansi wɔra daa?"

36 Nfono ne Yesu gi lee genɔ yee, "I men gye gesinkpan so gewura ɔnan ne n' kya gyi. Nengyene me-gewuragi ge gye gesinkpan so lee ɔnan mɔ, nkana me-ade me laa kɔ de men sa n' loo Gyuda awura abelense ade abaa dɔ. Ide mɔ faa mɔ, me-gewuragi gen bo gere."

37 Ɔbelense Pilato gi taase mɔ yee, "Genen bere mɔ, fo gye wura ne?" Ne Yesu gi lee genɔ yee, "Fo ne n kya tɔge yee n gye wura. I koroge me ba gesinkpan so de n' baa lee gesintin nyiile anyamese de me' nye bii gemɔ-ilaa. Imɔso ne ne ba. Nyamese kamaase ɔbono ɔ kya laare gesintin mɔ kya nu me ase."

38 Nfono mɔ, Ɔbelense Pilato gi taase yee, "Mene, mɔ, ne n gye gesintin?"

Me Tɔge Yee Yesu Ɔ' Wɔra Imɔso

Nfono mɔ Pilato gi lii kpe Gyuda awura mɔ ase, ne ɔ tɔge sa mɔmɔ yee, "Men wu ilaa nyenyen kolon ibono ɔnyen baare gi wɔra mɔ.

39 I wolaa i gye ilaa ibono a kya wɔra sa feye gesi kamaase yee nengyene fe kya gyi feye lewu Gi Serege Aye So geke bele mɔ, n kya tigi feye asa abono ne keda tii de obu mɔ dɔ nyamese kolon de ɔ' naa. Imɔso n' tigi feye Gyuda awura wura mɔ sa feye de ɔ' naa?"

40 Ɔbelense Pilato gi taase genen mɔ, me lee genɔ yee, "Kuaa! I men gye ɔbono. Tigi daa Barabase sa aye!" (Owi ɔko dɔ mɔ, Barabase baare mɔ-re asa ako me koso kɔ de abeyin awura. Imɔso ne me keda mɔ tii de obu.)

19

1 Imɔ gemara mɔ, Pilato gi yege me taa Yesu awulibi.

2 Ne asogya mɔ me luu iwe wɔra fee wura gere ne me kyu bun mɔ, ne me kyu giwurakuru kyu gyaabii bun mɔ.

3 Nfono mɔ, me san me kya gyaabii mɔ me kya faala mɔ me kya kpe me kya ba yee, "Gyuda awura wura! Fo-re gimu dense!" me san me kya da mɔ itan.

4 Pilato asogya mɔ me wɔra Yesu genen ta mɔ, Pilato gi kii lii kpa tɔge sa Gyuda awura mɔ yee, "Fe' nu yee nan kyu Yesu bara feye de fe' bii yee men wu ilaa nyenyen ibono so nan kyu bun mɔ gipuee mɔ."

5 Imɔso Pilato gi kyu Yesu lii baa nyiile Gyuda awura mɔ. O bun iwe gere gebono asogya mɔ me kyu bun mɔ mɔ, ne o bun giwurakuru mɔ. Ne Pilato gi tɔge sa Gyuda awura mɔ yee, "Fe' kere feye-ɔnyen mɔ!"

6 Gyuda awura asunbi aleebo abelense mɔ de mɔmɔ-asogya mɔ me wu Yesu mɔ, me kpen ken-ken tɔge sa Pilato yee, "Da mɔ ananbi oyii so! Da mɔ ananbi oyii so mɔɔ!" Me kpen tɔge sa Pilato genen mɔ, ɔ tɔge sa mɔmɔ

yee, "Feye gbaa-gbaa fe' baa kyu mo kpaa da mo anjanbi mo feye-atɔ. Me bere, men wu ilaa nyenyen ibono o wɔra mo."

⁷ Nfono ne Gyuda awura abelense mo me toge sa Pilato yee, "A bo nbara nko. Imoso kyu lii genen nbara nbono so mo, i kaabore o' wɔra omɔɔse. I lii fee o kya kyu mo-nyoro yee o gye Wurubuaare mo-bi."

⁸ Ibono Pilato gi nu genen ilaa ide mo, i lɔɔ wɔra mo gifuu too.

⁹ O naa loo geten do, ne o taase Yesu yee, "Fo lii fone daa?" O taase Yesu genen mo, Yesu men ka mo-geno.

¹⁰ Ibono o men ka mo-geno mo, Pilato gi kii taase mo yee, "Fo man ka me-geno? Fo men nyi yee n bo okpa de n' taa fo yee de fo' naa, ne n' bo okpa kee de n' yee de me' da fo anjanbi mada de oyii de fo' wu?"

¹¹ Nfono ne Yesu gi toge sa mo yee, "I men gye fo-gibaa so ne fo nye okpa me so faa. Fee Wurubuaare men sa fo okpa mo, nkana fo man nye okpa me so. Imoso nyamese obono o kyu me baa wɔra fo-abaa do mo ne n so ilaa nyenyen ibono i nyaakyɔ mo."

¹² Yesu gi toge genen mo, Pilato gi san o kya laare okpa obono so o laa kyu de o' taa Yesu yee de o' naa mo. Nfono mo Gyuda awura mo me kpe ma-a kpen ken-ken daa ma-a toge ma-a sa Obelense Pilato yee, "Nengyene fo taa onyen baare yee ne o naa mo, fo men kya buu feye Rom awura wura bele mo. Nu yee nyamese kamaase obono o kya kyu mo-nyoro yee o gye wura fee genooobono onyen baare kya wɔra faa mo, genen kaase obono kya laare feye-wura bele mo abolon ne."

¹³ Pilato gi nu ilaa ibono Gyuda awura mo me toge genen mo, o yee me' kpare Yesu kyu lii kpe gikpalan giko do ne Pilato gi kpaa kpelege kyena awura gegyapaa gebono me kya kyena gemɔ so gyi nbele mo. (Me kya tere gikpalan gibono yee Abui Otगतen Gikpalan. Gyuda awura gede do mo, me kya tere gimɔ yee Gabata.)

¹⁴ Genen geke gebono ge gye abaala geke sa Gyuda awura Lewu Gi Serege Aye So geke bele mo gigyi. Owi obono me lii kpe gikpalan mo do mo, i san nmaraa de i' wɔra fee owi kenken aberɛ. Nfono ne Pilato gi kyu Yesu nyiile Gyuda awura mo yee, "Feye-wura mo ne."

¹⁵ Pilato gi toge genen mo, me kpen ken-ken gikolon toge sa mo yee, "Kyu mo naa. An kya laare de a' baa wu mo. Da mo anjanbi mada de oyii de o' wu'." Ne Pilato gi taase momo yee, "N' da feye-wura mo anjanbi mada de oyii de o' wu'?" O taase omo genen mo, Gyuda awura asunbi alebo abelense mo me lee geno yee, "An bo wura oko baa too de feye-Rom wura bele mo."

Me Da Yesu Anjanbi Mada De Oyii

¹⁶ Pilato gi kere mo, kuaa daa. Ne o kyu Yesu kyu wɔra mo-asogya mo abaa do yee me' kpaa da mo anjanbi oyii so mo. Ne asogya mo me kyu Yesu kyu kyon.

¹⁷ Me kyu mo lii me kya kpe mo, me yee Yesu gbaa-gbaa ne n so mo-lewu oyii. Me kpaa fo geteeko me kya tere nno yee Gimu Giwuye Gikpalan. De Gyuda awura gede do mo, me kya tere nno yee Gologota.

¹⁸ Nno ne me da Yesu anjanbi mada de oyii. Me da anyen anyo ako kee anjanbi mada de iyii bola de Yesu. Momo do oko bo de Yesu gyise gibaa so ne oko, mo, bo de mo-bene gibaa so, i san Yesu, mo, bo nsansana.

¹⁹ Pilato gi yee me' nmarase kyu kpaa mada Yesu amu so yee,

YĒSŪ, NĀSĀRĒTENYEN, GYŪDA AWURA WURA MŌ NE.

²⁰ Nfono me da Yesu anjanbi mada de oyii mo i men bo geta de nten. Imoso i yee Gyuda awura sakyɔ me kale ilaa ibono Pilato gi yee me' nmarase

mada Yesu amu so mɔ. I kya nyiile yɛɛ mɛ n̄marase imɔ de Gyuda awura gɛdɛ dɔ, de Rom awura gɛdɛ dɔ, de Geriiki awura gɛdɛ dɔ.

²¹ Gyuda awura asunbi alɛɛbo abelense mɔ mɛ wu genen mɔ, mɛ lɔgɛdɛ de Pilato yɛɛ, “I mɛn̄ kaabore fo' yɛgɛ de mɛ' n̄marase yɛɛ, ‘Gyuda awura wura mɔ ne' kyu kpaa mada genen. I kaabore fo' yɛgɛ mɛ' n̄marase daa yɛɛ ‘Ŋnyen baare ne yɛɛ mɔ ne n̄ gyɛ Gyuda awura wura mɔ.’ ”

²² Nfono ne Pilato gi tɔgɛ sa mɔmɔ yɛɛ, “Ilaa ibono ne yɛgɛ mɛ' n̄marase mɔ, mɛ n̄marase daa gɛkpaa.”

Mɛ Yɛ Yesu Nyoro So Atɔ Kyu

²³ Asogya mɔ mɛ da Yesu ananbi mada de oyii mɔ ta mɔ, mɛ yɛ ilaa ibono nkana i bo mɔ-nyoro so mɔ dɔ gikpadɔ ginan ne mɔmɔ ɔkamaase gi kyu giko. Mɛ yɛ imɔ genen mɔ, i san Yesu gɛgɛ gebono ɔ kya suu gɛsɛ pɛi de o' suu ngbɛ sense gyan' mɔ. Genen gɛgɛ gebono bere, mɛ mɛn̄ baa-baa gɛmɔ kyaga. Mɛ kpɛ luo gɛmɔ daa lii soso baa yii gɛsɛ.

²⁴ Asogya mɔ mɛ tɔgɛ sa abara yɛɛ, “Fɛ mɛn̄ sa fe' yɛgɛ de a' kyadɛ gɛgɛ gɛdɛ dɔ yɛ. A' too ilaa iko kɛrɛ. Ōbono i yii de mɔ mɔ, kaase mɔ o' kyu gɛmɔ.” Ilaa ibono mɛ too kɛrɛ genen mɔ, i yɛgɛ ilaa ibono mɛ wolaa n̄marase yela Wurubuaare agyɛbi dɔ mɔ i ba gɛsintin. Mɛ n̄marase yɛɛ, Mɛ yɛ me-nyoro so atɔ kyu
ne mɛ too ilaa iko kɛrɛ
de mɛ' wu ɔbono ɔ laa kyu me-gɛgɛ mɔ.

²⁵ Asogya mɔ mɛ kya wɔra genen pɛwu mɔ, Yesu mɔ-nyi, de mɔ-nyibɛlɛ, de Mariya, Kulopase mɔ-ka mɔ, de Mariya Magadalakyii mɔ mɛ yɛlɛ Yesu lɛwu oyii mɔ asɛ.

²⁶ Ibono Yesu gi wu mɔ-nyi de me, mɔ-ɔkasebo ɔbono ɔ kya laare me-ilaa mɔ, a yɛlɛ sindi abara mɔ, ɔ tɔgɛ sa mɔ-nyi yɛɛ, “Ōkyii, fo-bi ne.”

²⁷ Ne o kii kisee tɔgɛ sa me yɛɛ, “Fo-o fo mɔ, fo-nyi ne.” Kpɛ kyu lii genen gɛkɛ gebono dɔ ne nɛ kyu mɔ kpaa kyena me asɛ me-geɛten dɔ.

Yesu Gi Wu'

²⁸ Yesu mada de lɛwu oyii mɔ genen mɔ, o wu yɛɛ idɛ kon bere ɔ logɛ ilaa kamaasɛ. Ne ɔ tɔgɛ yɛɛ, “Bolefo kya mɔɔ me.” Ō tɔgɛ genen de i' yɛgɛ ilaa ibono mɛ wolaa n̄marase yela Wurubuaare agyɛbi dɔ mɔ i' nyɛ ba gɛsintin.

²⁹ Genen owi ɔbono mɔ, nta bonyanse nko oyuduu gi yii de gɛlɔbi nno. Imɔso mɛ kyu taatɔ dufu-dufu ɔko kyu kpaa nyise wɔra nta mɔ dɔ, ne mɛ kyu de hisopo gɛyabii kyu diirɛ kpɛ mɔ-gɛnɔ asɛ.

³⁰ Yesu gi kyogyoo nta mɔ mɔ, ɔ tɔgɛ yɛɛ, “I logɛ kon.” Ne o kyu mɔ-gimu too gɛsɛ, o lɛɛ mɔ-ɔn̄ɛ kyu wɔra Wurubuaare abaa dɔ.

Mɛ Yii Yesu Gɛkɛlɛbi Dɔ Fondi

³¹ Ibono gɛdɛ gɛ laa kɛ ne mɛ laa gyi mɔmɔ Gyuda awura gɛkɛ kyoolase so mɔ, Gyuda awura mɔ mɛ kya laare yɛɛ abono mɛ da mɔmɔ ananbi mada de iyii mɔ mɛ' nyɛ wu' kusaa de mɛn̄ sa mɛ' sii mɛ kyɔlɛ iyii mɔ so genen gɛkɛ gebono dɔ de i mɛn̄ sa i' kyɔlɛsɛ mɔmɔ-gɛsi mɔ gigyɪ. I kya nyiile yɛɛ mɔmɔ-gɛkɛ kyoolase gɛdɛ gɛ baa saare mɔmɔ Gyuda awura gɛsi gigyɪ. Imɔso Gyuda awura mɔ mɛ kpaa wu Pilato yɛɛ ɔ' yɛgɛ de mɔ-asogya mɔ mɛ' kpaa boori genen asa asa' abono ayaa awuye. Nɛngyene mɛ nyɛ wu' kusaa mɔ de mɛ' saga mɔmɔ lii iyii mɔ so kpaa pule.

³² Genen so mɔ, asogya mɔ mɛ kpaa boori ɔko-lɛɛ ayaa awuye de ɔbanban mɔ kee.

³³ Mē baa fo Yesu ase de mē' baa boori mō-lēē ayaa awuyē fēē anyen anyo ako mō-lēē mō, mē' baa kerē mō, Yesu gi ti wolaa wu'. Imoso mē mēḡ baa boori mō-ayaa awuyē mō.

³⁴ Asogya mō dō oko gi san lēē mō-gikpē yii Yesu gēkēlēbi dō fondi. Ayaa abono so mō, nkalan de nkyu gi tigi lii Yesu nyoro dō.

³⁵ Mē obono n kya ḡmarasē ilaa idē mō nē wu imō de me-ansi, nē ibono nē wu mō nē n' kya buu mi-i sa fēyē faa. N nyi yēē n kya tōgē fēyē gēsintin de fēyē kee fē' nyē kyu fēyē-nyoro too Yesu so.

³⁶ Ibono Yesu gi wu' nē Gyuda awura mō mē mēḡ nyē boori mō-ayaa awuyē mō, i yegē ilaa ibono mē ḡmarasē yela Wurubuaare agyēbi dō mō i ba gēsintin. Mē ḡmarasē yēē, Ba-a mō-giwuyē kolon gi maḡ wōra giboorise.

³⁷ Ne mē kii ḡmarasē yēē, Gyuda awura mō mē laa kerē nyamēsē obono mē yii mō fondi mō.

Mē Pule Yesu

³⁸ Gyosefo, Arimatiyanen oko bo no. O sōo Yesu gyi. Gyuda awura abelensē mō gifuu so mō, oḡ lēē mō-gisōogyi mō gēwi. Yesu gi wu' mō, o kpaa wu Pilato yēē o' yegē mō de o' kpaa saga Yesu gibuni mō lii oyii mō so kyu kpaa pule. Pilato gi sa mō okpa nē o kpaa saga Yesu gibuni mō kyu kyon o' kpaa pule.

³⁹ Nfono nē Nikodemusi obono o naa kyena kpaa wu Yesu genyē gēko mō gi kpaa kyu ilaa iko i dē fēē onufuii de pipere nē mē kyu saare abara dō genen mō. Nikodemusi gi kyu genen ilaa idē kpaa tu Gyosefo de mē' kyu kpaa bō Yesu gibuni mō. Ilaa ibono Nikodemusi gi kyu kpe genen mō, imō-oduduu laa wōra fēē awayu bagi oduduu.

⁴⁰ Gyosefo mō-rē Nikodemusi mē kyu gikēlē de ilaa ibono i dē fēē onufuii de pipere mō kyu mili Yesu gibuni mō itiibilaa okpa so fēē genōobono mōmō Gyuda awura mē kya kyu pule ibuni mō.

⁴¹ Ndōo nko gi sindi nfono mē da Yesu aḡanbi mada de oyii nē o wu' mō. Genen ndōo nbono dō mō, gifolē giko gi bo nno mē wolaa logedi gimō wōra obō yela sa ibuni gipule. Mē mēḡ ti taa pule obuni genen folēbō obono dō kerē.

⁴² Genen gēkē gebono mē da Yesu aḡanbi mō gē gyē abaala gēkē sa Gyuda awura gēkē kyoolasē mō so mō, Gyosefo mō-rē Nikodemusi mē san mē kya kpaa. Folēbō mō sindi nfono mē da Yesu aḡanbi mō. Imoso mō dō nē mē kyu Yesu gibuni mō kpaa pule.

20

Yesu Gi Kyingi Lii Ibuni Dō

¹ Mē pule Yesu mō, imō Kosida gēkē mō, Mariya Magadalakyii mō gi koso kpe nfono mē pule mō mō. O koso genen mō, i gyē gibaadiike, i mēḡ ti taa ḡmangē logē. O fo nno mō, o wu yēē gibui bele gibono mē kyu tii folēbō mō gēbunono mō, giḡ baa gi tii.

² O wu genen mō, o sele kpe Simon Piita de me, Yesu okasēbo obono Yesu kya laare me-ilaa mō ase nē o kpaa tōgē sa aye yēē, "Mē kpaa puru aye-wura gibuni mō lii folēbō mō dō. A mēḡ bii nfono mē kyu mō kpaa yela mō."

³ Okyii mō gi tōgē sa aye genen mō, me-rē Piita a yii okpa kyon nten nkan folēbō mō gēten.

4 A kya kpe mɔ, a sele daa. Ne sele belen-belen kyon Piita so. Genen so mɔ, ne daa mɔ kpaa loo folebɔ mɔ ase.

5 Ne fo nno mɔ, ne mada kerɛ folebɔ mɔ dɔ ne ne wu akuru mɔ me kyu mili obuni mɔ a de nno. Meɲ loo folebɔ mɔ dɔ bere.

6 Simon Piita gi sele lii gemara gemara baa tu me, ne ɔ loo folebɔ mɔ dɔ kpaa wu akuru abono me kyu mili obuni mɔ a de.

7 O wu gitaaban gibono me kyu nminde obuni mɔ genɔ kyaga de mɔ-gimu mɔ gi bɔɔ gi de nkan gi meɲ kya yii akuru abono me kyu mili mɔ mɔ.

8 Nfono mɔ, me, obono ne gyangbara kpaa fo nno mɔ kee ne loo folebɔ mɔ dɔ kpaa wu de me-ansi ne ne sɔɔ gyi yee Yesu gi kyingi lii ibuni dɔ gesintin.

9 Wurubuaare agyebi mɔ a wolaa nyiile yee Yesu laa kyingi lii ibuni dɔ. Nkana kyu baa fo genen abere abono mɔ, aye, mɔ-akasebo mɔ, a meɲ ti taa nu genen agyebi ade gese.

10 Lii nfono mɔ, a yaase kyon aye-ntenana dɔ.

Yesu Gi Lɛɛ Mɔ-Nyoro Nyiile Mariya Magadalakyii Mɔ

11 Mariya Magadalakyii mɔ bere, gi sii ɔ yeɛ folebɔ mɔ ase ɔ kya su. ɔ kya su genen mɔ, ɔ mada kerɛ folebɔ mɔ dɔ.

12 ɔ mada kerɛ mɔ, Wurubuaare dɔ isɔɔ inyɔ iko ne n te folebɔ mɔ dɔ me suu ilaa fufuli. Mɔmɔ dɔ ɔko te de nfono so nkana Yesu ayaa a sa de mɔ ne ɔnyɔse mɔ, mɔ, te de nfono so nkana Yesu gimu gi de de mɔ.

13 Nfono mɔ, Wurubuaare dɔ isɔɔ mɔ me taase Mariya yee, “ɔkyii, mene n wɔra ne fo kya su?” ɔ lɛɛ genɔ yee, “Ako me baa puru me-wura gibuni mɔ. Meɲ nyi nfono me kyu mɔ kpaa yela.”

14 ɔ tɔge genen mɔ, ɔ baa kpɛɛɛ kerɛ mɔ, Yesu ne. O wu mɔ genen mɔ, ɔ meɲ nyi yee i gye mɔ.

15 Nfono mɔ Yesu gi taase mɔ yee, “ɔkyii, mene n wɔra ne fo kya su? Ane ne fo kya laare?” Mariya bere nyi daa yee ɔfaanan obono ɔ kya kerɛ ndɔɔ nbono gi bo nfono mɔ so mɔ ne n kya taase mɔ genen. Imɔso ɔ tɔge sa mɔ yee, “ɔbelense, nengyene fo puru mɔ kpaa yela geteeko mɔ, nyiile me de n' kpaa puru mɔ.”

16 Ne Yesu gi tere mɔ yee, “Mariya.” ɔ tere mɔ genen mɔ, Mariya gi dese ne ɔ tere mɔ de Gyuda awura gedɛ dɔ yee, “Raboni!” (Raboni gese ne n gye yee onyiilebo.)

17 Nfono ne Yesu gi tɔge sa Mariya yee, “Geɲ baa mili me genen. Meɲ ti dii kpe me-se Wurubuaare ase. Fo bere, naa kpaa tɔge sa me-akasebo abono me wɔra me-tedeana mɔ yee n kya dii mi-i kpe me-se Wurubuaare ase, me-se obono ɔ gye feye-se, me-Wurubuaare obono ɔ gye feye-Wurubuaare mɔ ase.”

18 Yesu gi tɔge genen mɔ, Mariya Magadalakyii mɔ gi naa, ne ɔ kpaa tɔge sa Yesu akasebo mɔ yee, “Ne wu aye-Wura Yesu,” ne ɔ buu ilaa ibono Yesu gi tɔge mɔ mɔ sa ɔmɔ.

Yesu Gi Lɛɛ Mɔ-Nyoro Nyiile Mɔ-Akasebo

19 Genen Kosida obono gedɔɔde mɔ, Yesu akasebo mɔ me gyan' obu ɔko dɔ. Me sele Gyuda awura abelense mɔ gifuu so mɔ, me tii gisin wɔra ginanbi wɔra mɔmɔ-nyoro. Me bo obu mɔ dɔ genen mɔ, me baa kerɛ mɔ, Yesu ne n yeɛ mɔmɔ nsana. Ne ɔ faala ɔmɔ yee, “Wurubuaare gisen yuuli gi' wɔra feye-lɛɛ.”

²⁰ Yesu gi tɔge mɔ-akasebo mɔ genen mɔ, o kyu mɔ-abaa dɔ apan mɔ de mɔ-gɛkelebi dɔ-lɛɛ mɔ kyu nyiile ɔmɔ. Mɔ-akasebo mɔ me wu mɔmɔ-obelense mɔ, i wɔra mɔmɔ ɔkon gikyɔ.

²¹ Yesu gi kii faala mɔ-akasebo mɔ yɛɛ, “Wurubuaare gisen yuuli gi' wɔra fɛye-lɛɛ.” Ne o kii tɔge sa mɔmɔ yɛɛ, “Fɛɛ genɔɔbono me-sɛ Wurubuaare gi sun me mɔ, me kee n kya sun fɛye.”

²² Yesu gi tɔge genen mɔ, ɔ songa bun mɔmɔ so, ne ɔ tɔge sa mɔmɔ yɛɛ, “Fɛ' sɔɔ Wurubuaare Oduduu.

²³ Asa abono fɛ kyu mɔmɔ-ilaa nyenyen ibono me wɔra mɔ kyɛɛ mɔmɔ mɔ, Wurubuaare laa kyu kyɛɛ mɔmɔ kee. Ne asa abono, mɔ, fɛ kine ne fɛ maŋ kyu mɔmɔ-ilaa nyenyen ibono me wɔra mɔ kyɛɛ mɔmɔ mɔ, Wurubuaare kee maŋ kyu kyɛɛ mɔmɔ.”

Yesu Gi Lɛɛ Mɔ-Nyoro Nyiile Tomaase

²⁴ Owi ɔbono Yesu gi kpaa tuule mɔ-akasebo sense mɔ, Tomaase, ɔbono me kya tere mɔ yɛɛ Ata mɔ, Yesu akasebo gudu anyɔ mɔ dɔ ɔko meŋ bo nno.

²⁵ Imɔso ɔ baa loo mɔ, mɔ-nanboana mɔ me buu sa mɔ yɛɛ, “A wu aye-Wura Yesu.” Ne Tomaase gi tɔge sa mɔmɔ yɛɛ, “Nengyene meŋ wu aŋanbi mɔ apan nten mɔ-abaa dɔ de n' kyu me-gibaabi kyu yii nfono aŋanbi mɔ a fondi mɔ de n' kyu me-gibaa yii mɔ-gɛkelebi dɔ-lɛɛ mɔ, maŋ sɔɔ gyi.”

²⁶ Imɔ gɛke kuese mɔ, Yesu akasebo mɔ me kii me bo obu mɔ dɔ. Ide kon bere, Tomaase kee bo mɔmɔ dɔ. Me tii gisen wɔra giŋanbi. Me baa kere mɔ, Yesu ne n yele mɔmɔ dɔ. ɔ faala ɔmɔ yɛɛ, “Wurubuaare gisen yuuli gi' wɔra fɛye-lɛɛ.”

²⁷ Nfono mɔ, ɔ tɔge sa Tomaase yɛɛ, “Kyu fo-gibaabi yii gere de fo' kere me-abaa. Tenge fo-gibaa baa yii me-gɛkelebi. Geŋ baa sɔɔ akycɔle. Sɔɔ gyi.”

²⁸ Tomaase gi tere mɔ yɛɛ, “Me-wura de me-Wurubuaare!”

²⁹ Nfono ne Yesu gi taase mɔ yɛɛ, “Inj gye ibono fo wu me mɔ so ne fo sɔɔ gyi faa? Nu yɛɛ omudensebo ne n gye ɔbono ɔ meŋ wu me de mɔ-ansi ne ɔ sɔɔ gyi yɛɛ ne kyingi lii ibuni dɔ mɔ.”

Ilaa Ibono So Ne Nyarase ɔwole Baare Mɔ

³⁰ Yesu gi wɔra ilaa gbaa'gbaa gikyɔ kee ibono i lɛɛ Wurubuaare olon nyiile ne mɔ-akasebo mɔ me wu de ansi. I meŋ gye imɔ pɛwu ne ne nyarase wɔra ɔwole baare dɔ.

³¹ Ne nyarase imɔ ide ɔkara yela daa de i' kpaa fɛye de fɛ' nye sɔɔ gyi yɛɛ Yesu ne n gye Wurubuaare mɔ-bi ɔbono o sun yɛɛ ɔ' baa mɔleɛɛ anyamesɛ de mɔmɔ-rɛ Wurubuaare nsana i' nye lɔrɔ mɔ. Nengyene fɛ sɔɔ Yesu gyi mɔ, fɛ laa nye Wurubuaare ase gɛkyena ɔnan.

21

Yesu Gi Lɛɛ Mɔ-Nyoro Nyiile Mɔ-Akasebo Sono Ako

¹ Imɔ nke kalese gemara mɔ, Yesu gi kii lɛɛ mɔ-nyoro nyiile mɔ-akasebo ɔbon bele ɔko geten. Me kya tere genen ɔbon ɔbono yɛɛ Tabiriyase. Genɔɔbono so i ba mɔ ne n gye yɛɛ,

² owi ɔko dɔ mɔ, Simon Piita de Tomaase Ata mɔ, de Natanele ɔbono ɔ lii Keena ɔsowole ɔbono ɔ bo Galeli gesinkpan so mɔ, de Sebedi mɔ-biana mɔ, de Yesu akasebo mɔ dɔ anyɔ ako kee me bo geten kolon.

³ Nfono mɔ, Simon Piita gi kale mɔ-nanboana mɔ yɛɛ, “N kya kpe n' kpaa keda iken.” Piita gi kale mɔmɔ genen mɔ, me tɔge mɔ yɛɛ, “Aye-rɛ fo a laa

kpe!" Nfono mɔ, mɛ lii ne mɛ dii loo gikolii dɔ ne mɛ kyon. Genye gɛbono pɛwu mɔ, mɛ mɛn nyɛ sɛi.

⁴ Gɛdɛ gɛ kpe gɛ kya kɛ mɔ, mɛ' baa kerɛ mɔ, Yesu ne n yɛlɛ ɔbon mɔ gigengen so. Yesu akasebo mɔ mɛ wu mɔ genen mɔ, mɛ mɛn bii yɛɛ i gye Yesu.

⁵ Yesu gi wu mɔmɔ ne ɔ taase mɔmɔ yɛɛ, "Adega, fɛn nyɛ sɛi?" Ne mɛ lɛɛ gɛnɔ yɛɛ, "Kuaa."

⁶ Ne Yesu gi tɔgɛ mɔmɔ yɛɛ, "Fɛ' too asewu mɔ wɔra nkyu mɔ dɔ kyu kpe de gikolii mɔ gyise so. Fɛ laa keda iken." Gesintin mɔ, mɛ too amɔ mɔ, mɛ keda iken gikyo. Mɛ mɛn kya taale de mɛ' biide asewu mɔ. Iken ibono mɛ keda mɔ, i nyaakyɔ gikyo.

⁷ Me, Yesu ɔkasebo ɔbono ɔ kya laare me-ilaa mɔ, ne tɔgɛ sa Piita yɛɛ, "I gye daa aye-wura." Simon Piita kya wɔra gɛsun gikolii mɔ dɔ genen owi ɔbono dɔ so mɔ, ɔ mɛn suu gɛgɛ. Ibono ɔ kpe nu yɛɛ i gye aye-wura mɔ, o kyu mɔ-ngbɛ kyu suu ne o tin loo nkyu mɔ dɔ fara lii kyon gigengen so.

⁸ Aye asense mɔ berɛ, a pale gikolii mɔ a kya biide asewu mɔ, yɛgɛ iken mɔ i bɔla amɔ dɔ. Nfono a yɛlɛ ne a wu Yesu mɔ de gigengen mɔ in bo gɛta de abara. I laa kpe wɔra daa fɛɛ ifɛ inan gisoro.

⁹ A dii lii gigengen mɔ so mɔ, a wu ɔken tɔ agyangbalii dɔ ne a wu bodobodo kee de nfono.

¹⁰ Yesu gi tɔgɛ sa mɔ-akasebo mɔ yɛɛ, "Fɛ' kyu iken ibono fɛ keda nperɛ-nperɛ mɔ iko ba."

¹¹ Nfono ne Simon Piita gi dii loo gikolii mɔ dɔ ne o biide asewu mɔ de iken belɛ-belɛ ibono i bɔla asewu mɔ mɔ lii gigengen so. Iken ibono mɛ keda mɔ gɛgyɔnɔ gɛ gye ikue-sono de saalaa iken isa. Dabɔle ibono iken mɔ i kiire ne i nyaakyɔ genen faa, mɛ biide imɔ mɔ, asewu mɔ a mɛn tɛɛ.

¹² Yesu gi tɔgɛ sa aye yɛɛ, "Fɛ' ba gyi nyenyenge agyudo." Aye dɔ ɔko-rɛ ɔko mɛn taale da otu taase mɔ yɛɛ, "Fo ne n gye anɛ?" A ti wolaa bii yɛɛ i gye aye-wura ne.

¹³ Nfono mɔ Yesu gi kpaɔ puru bodobodo mɔ ne o kyu sa aye. Genen kee ne o puru ɔken mɔ ɔ tɔ ɔgya mɔ dɔ mɔ ne o kyu sa aye yɛɛ a' kyu gyi de bodobodo mɔ.

¹⁴ Yesu gi kyingi lii ibuni dɔ mɔ, ɔbon baare so-lɛɛ ide ne n wɔra gisase ibono ɔ kya lɛɛ mɔ-nyoro nyiile mɔ-akasebo mɔ.

Yesu Gi Kii Lɔrɔ Sa Piita Gebelense

¹⁵ A gyi ta mɔ, Yesu gi tɛrɛ Simon Piita yɛɛ, "Simon, Gyɔn mɔ-bi." Ne ɔ taase mɔ yɛɛ, "Fo kya laare me-ilaa don gɛnɔɔbono mɔmɔ adɛ mɛ kya laare me-ilaa mɔ?" ɔ taase mɔ genen mɔ, Piita gi lɛɛ gɛnɔ yɛɛ, "ɛn, me-wura. Fo nyi ibono n kya laare fo-ilaa." Piita gi lɛɛ gɛnɔ genen mɔ, Yesu gi tɔgɛ sa mɔ yɛɛ, "Sa me-nsandɛbii mɔ agyudo."

¹⁶ Yesu gi kii tɛrɛ Piita yɛɛ, "Simon, Gyɔn mɔ-bi." Ne o kii taase mɔ ginyɔsɛ yɛɛ, "Fo kya laare me-ilaa?" Piita gi kii lɛɛ gɛnɔ yɛɛ, "ɛn, me-wura, fo nyi ibono n kya laare fo-ilaa." Piita gi lɛɛ gɛnɔ mɔ, Yesu gi kii tɔgɛ sa mɔ yɛɛ, "Kerɛ me-isande mɔ so."

¹⁷ Yesu gi kii tɛrɛ Piita gisase yɛɛ, "Simon, Gyɔn mɔ-bi." Ne o kii taase mɔ yɛɛ, "Fo kya laare me-ilaa?" Ibono Yesu gi taase mɔ gisase gidɛ mɔ, mɔ-gisen dɔ i nyida mɔ yɛɛ Yesu gi kii taase mɔ genen. Nfono ne Piita gi lɛɛ gɛnɔ yɛɛ, "Me-wura, fo nyi ilaa kamaase. Fo nyi ibono n kya laare fo-ilaa." Piita gi lɛɛ gɛnɔ genen mɔ, Yesu gi kii tɔgɛ sa mɔ yɛɛ, "Kerɛ me-isande mɔ so de agyudo."

¹⁸ N kya tɔge fo gesintin; owi obono fo gye dega mɔ, fo kya dela fo-gbagya fo-atɔ de fo' naa kpe geten kamaase gebono fo kya laare mɔ. Fo baa wɔra obelensɛ mɔ, fo laa tenge fo-abaa de ɔko ne ɔ' san kyu fo-gbagya dela fo de ɔ' sola fo kpe de nfono so fo mɛn kya laare mɔ."

¹⁹ (Yesu gi tɔge genen ilaa ide sa Piita kyu lɛɛ nyiile mɔ lewu obono onan mɔ Piita laa baa wu' de i' kyu nyisigyɛ bara Wurubuaare mɔ.) Ide gemara mɔ, Yesu gi tɔge sa Piita yɛɛ, "Baa buu me de fo' wɔra fɛɛ me-lɛɛ mɔ onan."

²⁰ Piita gi kisee kerɛ mɔ, o wu me, Yesu ɔkasebo obono Yesu kya laare me-ilaa mɔ. (Owi ɔko dɔ a tɛ a kya gyi mɔ, me ne n faga taase Yesu ilaa mɔ-giso dɔ yɛɛ, "Me-wura, anɛ ne nan yɛge fo-akyobo mɛ' nyɛ fo mɔ?")

²¹ Piita gi kisee kerɛ ne o wu me genen mɔ, ɔ taase Yesu yɛɛ, "Me-wura, ne onyen baare mɔ de-e? Mene ne nan ba mɔ so gɛkaako?"

²² Yesu gi lɛɛ genɔ sa Piita yɛɛ, "Nengyene i gye me-gɛlaare yɛɛ ɔ' kyena kaabore n' kii ba mɔ, i gye fo mene? Fo bere baa buu me de fo' wɔra me-lɛɛ mɔ onan daa."

²³ Genen ilaa ibono Yesu gi tɔge kyu lii me, mɔ-ɔkasebo obono ɔ kya laare me-ilaa faa so mɔ, i yɛge Yesu asonbo mɔ me san me naa ma-a tɔge yɛɛ me bere, man wu'. Yesu mɔ, mɛn kii tɔge genen. ɔ tɔge daa yɛɛ nengyene i gye mɔ-gɛlaare yɛɛ n' kyena kaabore o' kii baa tu me mɔ, i gye Piita mene?

ɔwole Baare Agyebi Laalaalɔge

²⁴ ɔbono Yesu akasebo mɔ me dare genen mɔ ne n nmarase ɔwole baare faa. O wu imɔ de mɔ-ansi, ne aye kee a wu yɛɛ ibono ɔ nmarase yela faa i gye gesintin.

²⁵ Yesu gi wɔra wɔra ilaa kpei-kpei gikyɔ. In gye imɔ pɛwu ne nɛ taale nmarase wɔra ɔwole baare dɔ faa. Nengyene me tɔge yɛɛ mɛ' nmarase imɔ ikamaase yela mɔ, nɛ sɔɔ gyi yɛɛ iwole mɔ i laa bɔla gesinkpan san. I man nyɛ iyelaten.

Yesu Isɔɔ Gɛsun Wɔrase

Yesu Gi Kyingi Mɔ, O Nyiile Mɔ-Isɔɔ Ilaa Ibono I Kaabore Mɛ' Wɔra Mɔ

¹ Tiyo filo dense, me-ɔwole gyangbarase mɔ dɔ mɔ, ne tɔge ilaa ibono Yesu gi wɔra de ilaa ibono o nyiile asa kyu lii gese de gese kyu kpaafɔ geke gebono Wurubuaare gi puru mɔ kyu dii kpe mɔ ase mɔ.

² Pei ne Wurubuaare laa puru mɔ dii kpe mɔ ase genen mɔ, ɔ tɔge ilaa sa mɔ-isɔɔ mɔ ɔ lɛɛ mɔ. Kyu naa de Wurubuaare Oduduu mɔ ɔlon dɔ mɔ, ɔ tɔge mɔmɔ ilaa ibono i kaabore mɛ' wɔra mɔ.

³ Yesu awɔrɔfɔɔ lɛwu gemara mɔ, o kii kyingsi. O kyingsi mɔ, nke ikue-inyɔ dɔ mɔ, ɔ lɛɛ mɔ-nyoro gewi nyiile mɔ-isɔɔ mɔ yɛɛ ɔ tɛ de ansi ibono in bo akyɔɔle. ɔ tɔge ilaa sa mɔmɔ kyu naa de Wurubuaare gewuragyi dɔ akyenabi mɔ so.

Yesu Yɛɛ Mɔ-Adɛ Mɔ Mɛ' Kyena Gyoo Wurubuaare Oduduu

⁴ Genen nke ikue-inyɔ nbono dɔ mɔ, imɔ geke gedɛ mɔ, Yesu mɔ-re mɔ-isɔɔ mɔ me koola mɛ tɛ mɔ, ɔ tɔge sa mɔmɔ yɛɛ, “Fɛ mɛn sa fɛ' lii Gyɛrusalem ɔsowole baare so kpe getɛɛko. Fɛ' kyena gere gyoo ilaa ibono me-sɛ Wurubuaare yɛɛ ɔ laa kyu baa kyɛɛ fɛye mɔ. Fɛ ti nu me ne tɔge genen ilaa ibono so ilaa sa fɛye baa kyon.

⁵ Ne tɔge fɛye yɛɛ Gyɔn gi kyu daa nkyu kyu gyere asa Wurubuaare sagyere. Fɛye berɛ, nke kalɛɛ ndɛ dɔ mɔ, Wurubuaare laa kyu mɔ-Oduduu mɔ daa kyu gyere fɛye Wurubuaare sagyere.”

⁶ Geke gedɛ mɛ kii mɛ tɛ dabɔle mɔ, mɛ taase mɔ yɛɛ, “Aye-Wura, idɛ kon owi mɔ gi fo ibono fo laa sɔge aye Isirale awura mɔ gewuragyi mɔ kiiri wɔra aye-abaa dɔ?”

⁷ Mɛ taase Yesu genen mɔ, ɔ lɛɛ genɔ sa mɔmɔ yɛɛ, “Owi ɔbono ilaa idɛ i laa ba mɔ i mɛn gye ibono i kaabore fɛ' bii. Me-sɛ Wurubuaare ne n kya yela imɔ-aberɛ mɔ-gibaa so.

⁸ Fɛ' nu yɛɛ Wurubuaare Oduduu mɔ laa ba fɛye so de fɛ' nyɛ ɔlon. Fɛ laa naa fɛ kya tɔge me-ilaa ibono fɛ wu de ansi mɔ sa asa Gyɛrusalem ɔsowole so de Gyudiya de Samariya nsinkpan pɛwu so de gesinkpan geten kamaase so.”

Wurubuaare Gi Puru Yesu Kyu Dii Kpe Mɔ Ase

⁹ Yesu gi tɔge genen ta mɔ, i puru mɔ dii i kya kpe soso yɛge mɛ yelɛ mɛ kɛrɛ mɔ kaabore o muule Wurubuaare awolɛ dɔ.

¹⁰ Yesu isɔɔ mɔ mɛ kpe san mɛ yelɛ ma-a kɛrɛ soso yiridididi mɔ, ayaa abono so mɔ, mɛ baa kɛrɛ mɔ, anyen anyɔ ako ne n yelɛ mɔmɔ ase. Mɛ suu ilaa fufuli.

¹¹ Anyen mɔ mɛ taase Yesu isɔɔ mɔ yɛɛ, “Galeli awura, mɛne n wɔra ne fɛ yelɛ fɛ kya kɛrɛ soso yiridididi genen? Genen Yesu ɔbono Wurubuaare gi puru dii kpe mɔ ase taa fɛye yɛge faa laa kii ba fɛɛ genɔɔbono fɛ wu mɔ ɔ kya kyon Wurubuaare dɔ mɔ.”

¹² Anyen anyɔ mɔ mɛ tɔge mɔmɔ genen ta mɔ, Yesu isɔɔ mɔ mɛ naa lii gibii gibono mɛ kya tɛrɛ gimɔ yɛɛ Nfɔ Oyii Gibii mɔ so nno kii kyon kpe Gyɛrusalem ɔsowole mɔ so. Lii gibii mɔ so nno kyu kpe ɔsowole mɔ so mɔ i mɛn bo geta; i laa wɔra daa fɛɛ gikpaaten kolon.

Matiyase Gi Yii Gyudase Giyaa

13 Yesu isɔɔ mɔ mɛ loo ɔsowolɛ mɔ so mɔ, mɛ naa kpe abansoro nfono mɛ kya kyena sogɛ mɔ, ne mɛ dii loo soso-lɛɛ obu mɔ dɔ. Genen Yesu isɔɔ ibono anyen ne n gye Piita, Gyɔn, Gyeemesi, Andiru, Filipino, Tomaase, Batolomiyu, Matiyu de Gyeemesi, Alefayo mɔ-bi. Mɔmɔ ako ne n gye Simon obono ɔŋ kya kyule mɔ-ɔsowolɛ so mɔ de Gyudase, Gyeemesi mɔ-bi.

14 Mɔmɔ asa adɛ pɛwu de akyii ako de Mariya Yesu mɔ-nyi de Yesu mɔ-tedɛana mɛ kpe mɛ dɛ gedalaa dɔ de genɔ kolon.

15 Genen nke nbono dɔ mɔ, imɔ gɛkɛ gɛdɛ mɔ, Yesu asonbo adɛ ako mɛ gyan'. Mɔmɔ pɛwu gɛgyɔnɔ gɛ gye fɛɛ asa ikue-isee. Ne Piita gi koso yele ne ɔ tongɛ sa mɔmɔ yɛɛ,

16 "Me-nanboana, Wurubuaare Oduduu mɔ gi naa de aye-naana Wura Deefidi so tɔgɛ Gyudase nyoro so ilaa, ne mɛ nmarase imɔ yela Wurubuaare agyebi dɔ. Imɔso i kaabore i' ba gesintin. Gyudase baare ne n gye obono ɔ gyangbara sa abono mɛ kpaa keda Yesu mɔ.

17 Nkana ɔ bo aye-gikpen gidɛ dɔ. Aye-rɛ mɔ ne Wurubuaare gi sa genen gesun gɛdɛ."

18 Ilaa nyenyɛn ibono Gyudase gi wɔra ne mɛ nye Yesu mɔ, mɛ ka mɔ imɔ so giko, ɔ kyu genen aterɛnbi abono kpaa sɔɔ gesinkpan. Imɔ gemara mɔ, Gyudase gi tɔɔ paadɛ, ne mɔ-ɔtɔ dɔ ilaa pɛwu i lii.

19 Asa abono pɛwu mɛ tɛ Gyɛrusalem ɔsowolɛ so mɔ mɛ nu Gyudase ilaa idɛ so. Lii genen so mɔ, mɛ yela gesinkpan gɛbono ginyɛn mɔmɔ-gɛdɛ dɔ yɛɛ Akɛledama. (Imɔ gɛsɛ ne n gye yɛɛ Nkalan Gesinkpan.)

20 Piita getɔngɛ mɔ dɔ mɔ, ɔ tɔgɛ yɛɛ, "Wurubuaare agyebi dɔ nfono mɛ kya tɛrɛ yɛɛ Ilon ɔwolɛ mɔ, mɛ nmarase Gyudase nyoro so ilaa yela yɛɛ, 'Mɔ-ɔkyenaten i' bingiri akyanfon. ɔko ɔŋ' sa ɔ' kyena nno.' I kii tɔgɛ kee yɛɛ, 'ɔko kpei ne ɔ' kyu mɔ-gesun wɔrase wɔra.'

21-22 "Imɔso, me-nanboana, i kaabore a' laare ɔko kyu bɔla aye so de aye-rɛ mɔ pɛwu a' nye a kya tɔgɛ Wura Yesu giwukyɛngi mɔ so ilaa a kya sa asa. I kaabore kaase ɔ' wɔra nyamesɛ obono aye-rɛ mɔ a naa owi obono pɛwu aye-rɛ aye-Wura Yesu a naa a kya kingi, kpe kyu lii abere abono Gyɔn kya gyere asa Wurubuaare sagyere mɔ kyu baa fo genen gɛkɛ gɛbono Wurubuaare gi puru Yesu dii kyon Wurubuaare dɔ taa aye yɛgɛ mɔ."

23 Piita gi tɔgɛ genen ta mɔ, mɛ lɛɛ asa anyɔ yɛɛ mɛ' kerɛ mɔmɔ anyɔ dɔ de mɛ' lɛɛ ɔko. Genen asa anyɔ abono anyen ne n gye Gyosefo de Matiyase. Gyosefo baare anyen ako ne n gye Basabase abɛɛ Gyusetise.

24 Mɛ lɛɛ Gyosefo de Matiyase genen mɔ, mɛ dalaa yɛɛ, "Aye-Wura Wurubuaare, fo ne n nyi nyamesɛ kamaase gisen dɔ. Genen asa anyɔ abono a lɛɛ faa mɔ, fo ne nan nyiile aye ɔkolon obono fo lɛɛ

25 de ɔ' baa wɔra Yesu ɔsɔɔ fɛɛ aye de ɔ' wɔra genen gesun gɛbono Gyudase gi wu' taa yɛgɛ kyon kpe nfono i kaabore mɔ mɔ."

26 Mɛ dalaa genen ta mɔ, nfono mɔ, mɛ too ilaa iko kerɛ ne i kpaa yii de Matiyase ne mɛ kyu mɔ kyu bɔla mɔmɔ Yesu isɔɔ gudu ɔko abono mɛ san mɔ so.

2

¹ Geke gedɛ mɔ, Gyuda awura mɛ kya gyi mɔmɔ-agyudɔ ako akɛbibɛrɛ gesi. Mɛ kya tɛrɛ genɛn gesi mɔ yɛɛ Pentekosi. Genɛn gesi gɛbono dɔ mɔ, Yesu asonbo pɛwu mɛ kpaa gyan' gɛtɛn kolon.

² Mɛ bo nno mɔ, mɛ nu ɔlanba ɔko gi tɔrɔ! ɔlanba mɔ gi lii Wurubuaarɛ dɔ fɛɛ afuu belɛ ako ne n kya da a kya ba, ne ɔlanba mɔ gi kpaa bola gɛtɛn gɛbono dɔ mɛ gyan' mɔ pɛwu.

³ Mɛ baa kɛrɛ mɔ, ilaa iko ne n baa yɛ gyan'gyan mɔmɔ ɔkamaasɛ so fɛɛ ɔgya ɔbono ɔ kya dɛ mɔ.

⁴ Nfonon mɔ, Wurubuaarɛ Oduduu mɔ gi suu de Yesu asonbo mɔ, mɛ san ma-a bugi nno ma-a tɔngɛ ndɛ kpɛi-kpɛi nbono mɛn wolaa ma-a tɔgɛ mɔ. Mɛ kya tɔgɛ genɔɔbono ɔkara Oduduu mɔ gi sa ɔmɔ yɛɛ mɛ' tɔgɛ mɔ.

⁵ Genɛn owi ɔbono mɔ, asa mɛ nyaakyɔ Gyɛrusalem ɔsowolɛ mɔ so. I lii fɛɛ mɔmɔ-nanboana Gyuda awura abono mɛ sɛlɛ Wurubuaarɛ mɔ ako kee mɛ ba bola mɔmɔ so mɛ kya son Wurubuaarɛ. Mɛ lii nten kpɛi-kpɛi mɛ kya tɔgɛ ndɛ nbono asa mɛ kya tɔgɛ gɛsinkpan pɛwu so mɔ.

⁶ ɔlanba ɔbono ɔ wɔra gɛtɛn mɔ dɔ so mɔ, sakkpii belɛ gi kpaa gyan' nno. Yesu asonbo mɔ mɛ kya tɔngɛ mɔ, i wɔra sakkpii mɔ giyan. I kya nyiile yɛɛ mɔmɔ ɔkamaasɛ kya nu mɔmɔ-ilaa tɔngɛsɛ de mɔmɔ gbaa-gbaa ndɛ dɔ.

⁷ I dɛ mɔmɔ-gɛnɔ, mɛn baa mɛ nyi gibono dɔ mɛ dɛ mɔ. Mɛ san mɛ kya taasɛ yɛɛ, "Genɛn anyɛn abono mɛ kya tɔngɛ faa mɔmɔ pɛwu mɛ mɛn gye Galeli awura daa?"

⁸ Ne i wonɛ so ne mɛ kya taalɛ mɛ kya tɔngɛ de aye ɔkamaasɛ ndɛ genɛn?

⁹ A lii isowolɛ kpɛi-kpɛi so. Kɛrɛ, aye dɔ ako mɛ gye Paatiya awura. Ako mɔ mɛ gye Miidi awura. Elamiti awura mɛ bo aye dɔ. Ako mɔ mɛ tɛ Mesopotemiya. Ako mɛ gye Gyudiya awura, Kapadosiya awura, Pontusɛ awura, Esiya awura,

¹⁰ Firigiya awura, Panfiliya awura, Igyipiti awura, ne ako mɛ lii Libiya gibaafon gibono gi sindi Siirin ɔsowolɛ so mɔ. Aye dɔ ako mɛ gye asafɔ kpan-n abono mɛ lii Rom ɔsowolɛ so. Genɛn asafɔ adɛ ako mɛ gye Gyuda awura gbaa-gbaa ne ako mɛ loo daa Gyuda awura ɔson mɔ dɔ.

¹¹ Aye ako mɛ gye Keriiti awura ne ako mɛ gye Arabiya awura. Aye genɛn asa adɛ ɔkamaasɛ kya nu ilaa belɛ-belɛ ibono Wurubuaarɛ gi wɔra ne mɛ kya tɔgɛ imɔ so ilaa faa aye-ndɛ dɔ."

¹² Sakkpii mɔ ɔkamaasɛ kya nu ilaa ibono mɛ kya tɔgɛ mɔ gɛsɛ de mɔmɔ-ndɛ dɔ mɔ, i dɛ mɔmɔ pɛwu genɔ ne i wɔra mɔmɔ giyan. Mɛ san mɛ kya taasɛ abara daa yɛɛ, "Mɛnɛ ilaa ne a laa wu gɛsinkpan so faa?"

¹³ Sakkpii mɔ dɔ asa ako bɛrɛ mɛ kya nɛmasɛ Yesu asonbo mɔ yɛɛ, "Nɛmaawo, mɛ mɛn boo daa?"

Piita Gi Lɛɛ Gɛsɛ Sa Sakkpii Mɔ

¹⁴ Ibono mɛ kya nɛmasɛ Yesu asonbo mɔ genɛn mɔ, Piita mɔ-rɛ mɔ-nanboana Yesu isɔɔ gudu ɔko mɔ mɛ koso yɛlɛ, ne Piita gi bugi genɔ tɔgɛ ken-ken sa sakkpii mɔ yɛɛ, "Mɛ-nanboana Gyudiya awura dɛ fɛyɛ asa abono pɛwu fɛ tɛ Gyɛrusalem gɛrɛ mɔ, fɛ' yɛla giso dɛ fɛ' nu dɔɔdan.

¹⁵ Aye genɛn anyɛn abono fɛ kya wu aye faa, i mɛn kya boo fɛɛ genɔɔbono fɛyɛ-nwɔnsa gɛ kya nyiile fɛyɛ mɔ. I san i gye nyɛnyɛngɛ gikyɔ de giboo. Npɛrɛ ibono a yɛlɛ faa, i laa wɔra daa fɛɛ iwi sango.

¹⁶ "To, ilaa ibono i ba aye so faa mɔ ilaa ne mɛ wolaa nɛmarasɛ yɛla Wurubuaarɛ agyɛbi dɔ mɔ. Wurubuaarɛ ikalan ɔtɔgɛbo ɔbono mɛ kya tɛrɛ mɔ yɛɛ Gyowɛlɛ mɔ ne n nɛmarasɛ imɔ yɛla. ɔ nɛmarasɛ yɛɛ,

¹⁷ 'Wurubuaarɛ gi tɔgɛ yɛɛ,

"Gɛsinkpan so gɛkyɛna nkɛ laalaalogɛ mɔ dɔ mɔ,

i laa ba yɛɛ me Wurubuaare nan kyɛɛɛ me-Oduduu bun anyamese so.

Genen asa abono, anyen de akyii

me laa tonge me Wurubuaare ilaa sa asa.

Abelense de adegamɛ laa wu me-ilaa fɛɛ ideri yegɛ me kere,
ne me laa kuu me ilaa wɔrase so ideri kee.

18 Abono me gye me-ade mɔ,
nan kyɛɛɛ me-Oduduu bun mɔmɔ-re mɔmɔ-anyen de akyii so
genen nke nbono dɔ
de me' tonge me Wurubuaare ilaa sa asa.

19 Nan lɛɛ ilaa nyiile asa Wurubuaare awole dɔ
fɛɛ nkalan, ɔgya, de igyesii.

Nan wɔra adegenɔ ilaa gesinkpan so.

20 Pɛi de me Wura Wurubuaare nyisigyɛ gɛke gbaa' mɔ
gɛ lɔɔ baa fo mɔ,
owi laa kisee hingiri obibiri de bose mɔ o' pɛere fɛɛ nkalan.

21 I laa ba yɛɛ ɔkamaase ɔbono ɔ saawo tere Wura Wurubuaare mɔ,
ɔ laa mɔlegɛ mɔ." "

22 "Me-nanboana Isirale awura, fe' nu ilaa ide. Wurubuaare gi nyiile fɛye yɛɛ Yesu, Nasaretɛnyen mɔ, ne n gye ɔbono mɔ Wurubuaare gi sun mɔ. Ilaa ibono Wurubuaare gi wɔra fɛye-ansi so ne i lɛɛ nyiile genen mɔ ne n gye nsun boduduuse kpɛi-kpɛi nbono Yesu gi wɔra abere abono ɔ bo gesinkpan so mɔ. ɔ wɔra ilaa gbaa'gbaa ibono nkana nyamese maɲ taale wɔra mɔ-gibaa so mɔ, de ilaa ibono i lɛɛ Wurubuaare nyisigyɛ nyiile asa mɔ. Fɛye gbaa-gbaa fe nyi imɔ so.

23 Wurubuaare gi wolaa toge yela ne ɔ wolaa o nyi yɛɛ anyamese me laa nye Yesu baare mɔɔ. Imɔso ne i ba yɛɛ fe yegɛ ilaa nyenyɛn aworabo me da mɔ anjanbi oyii so, ne o wu'.

24 Imɔ-re imɔ genen gbaa mɔ, Wurubuaare gi kii kyingi mɔ. ɔ lɛɛ mɔ lii lɛwu anyanyan dɔ. I kya nyiile yɛɛ iɲ bo no yɛɛ ɔ laa wu' sii ise dɔ.

25 "Aye-naana Deefidi gi wolaa wu Yesu gisen dɔ ilaa, ne ɔ nmarase imɔ yela Wurubuaare ageyibi dɔ yɛɛ,
'Owi kamaase dɔ mɔ n kya wu me-Wura Wurubuaare sindi me. Imɔso i maɲ nmaa me-gisen.

26 Imɔso i bo me-gisen dɔ ɔkon. N kya lɛɛ mɔ-ginyɛn.
Ne me-ansi a gyan yɛɛ sei maɲ taase me-nyoro gibi so.

27 I kya nyiile yɛɛ fo Wurubuaare, fo maɲ yegɛ me-oduduu mɔ
ɔ' kpaɛ sii ibuni dɔ.

Nɛ kyu me-nyoro fue sa fo. Fo maɲ yegɛ me n' gyɔ sii ise dɔ.

28 Fo ne n nyiile me ikpa ibono so nyamese laa naa
de ɔ' nye ɔkyenaten dense fo ase.

N bo fo ase mɔ, i laa tansi wɔra me ɔkon gikyɔ." "

29 Ne Piita gi lɛɛ gɛse yɛɛ, "Me-nanboana, nan toge tigi fɛye yɛɛ aye-naana Deefidi ɔbono ɔ toge genen ilaa ide mɔ gi wu' ne me pule mɔ. Mɔ-gɛkyan gɛ de aye ase gere kyu baa lii de ndɛ.

30 ɔ wɔra daa Wurubuaare ikalan ɔtogebo. Wurubuaare gi ka sa mɔ yɛɛ ɔ' kere fɛɛ mɔ Wurubuaare gbaa-gbaa, ɔ laa kyu mɔ Deefidi mɔ-naanaana dɔ ɔko kyu yii gɛwura mɔ Deefidi giyaa dɔ gɛkaako mɔ-lɛwu gɛmara.

31 Wurubuaare gi lɛɛ nyiile mɔ genen mɔ, ɔ bii yɛɛ genen mɔ-ɔnaanyi ɔbono ne nan gyi gɛwura Wurubuaare ade so mɔ. Ne o wu yɛɛ Wurubuaare laa kyingi mɔ lii ibuni dɔ. Genen so mɔ, ɔ toge imɔ so ilaa

yela yee, 'Wurubuaare man yege mo de o' wu' sii asa abono me wu' mo do, ne mo-nyoro inun i man nye gyɔ gekyan do kpa-a.'

³² Gesintin mo, Yesu baare gi wu' mo, Wurubuaare gi kyingi mo lii ibuni do. Aye ade pewu a wu imo de ansi.

³³ "Wurubuaare gi diire mo kpe mo ase, kyu mo yela mo-gyise gibaa so, ne o kyu mo-Wurubuaare Oduduu mo sa mo fee genɔɔbono o wolaa ka yela sa mo mo. Imoso ilaa ibono fe kya wu de ansi ne fe kya nu de aso faa, Yesu ne n kyu imo kyu kyeege bun aye so.

³⁴ Aye-naana Deefidi bere, i men diire mo kpe Wurubuaare do. Deefidi gbaa-gbaa gi wu toge yee,

'Wura Wurubuaare gi toge sa me-Wura yee,

"Baa kyena me-gyise gibaa so de me-re fo a' gyi gewura

³⁵ de n' yege fo' kyise fo-akyobo de fo-ayaa."

³⁶ "Imoso me-nanboana Isirale awura pewu, fe' bii yee in bo akyɔɔle yee Yesu ne n gye Wura. Mo ne Wurubuaare gi lee yee o' gyi gewura mo Wurubuaare ade so mo. Ne mo mo ne fe yege me da mo ananbi oyii so mo mo."

Asa Sakyɔ Me Sɔɔ Gyi Ne Me Gyere ɔmo Wurubuaare Sagyere

³⁷ Asa me nu ilaa ibono Piita gi toge faa mo, i sele momo-nyoro nyer-r. Nfono ne me taase Piita de mo-nanboana Yesu isɔɔ sence mo yee, "Ansaana, nne ne a laa wɔra ne?"

³⁸ Asa mo me taase genen mo, Piita gi lee geno sa momo yee, "Feye okamaase o' nu mo-nyoro gese yee o gye ilaa nyenyen ɔwɔrabo de fe' kyeege de me' gyere feye Wurubuaare sagyere Yesu Kirisito ginyen do de Wurubuaare o' kyu feye-ilaa nyenyen kyee feye. Fe wɔra genen mo, Wurubuaare laa kyu mo-Oduduu mo kyee feye.

³⁹ I kya nyiile yee ilaa ibono aye-Wura Wurubuaare yee o laa kyu kyee asa mo, feye ne o dare yee o laa kyee mo. O ka yela sa feye-re feye-biana de feye-naanaana de asa abono me bo geta-geta mo pewu. O ka yela sa daa nyamese kamaase obono Wurubuaare laa toge mo yee o' kyu mo-nyoro kyu sa mo Wurubuaare mo."

⁴⁰ Piita gi toge ilaa sakyɔ sa asa mo gensipere so. O toge wɔra momo yee, "Fe' mɔlege feye-nyoro lii abono me men bo gesintin mo do de fen sa fe' loo momo-gisobiide mo do."

⁴¹ Piita gi tɔnge sa momo genen mo, asa sakyɔ me nu gese, ne me gyere momo Wurubuaare sagyere. Asa abono me baa bɔla Yesu asonbo so genen geke gebono wole mo me laa wɔra fee asa nwe oko de saalaa.

Yesu Asonbo Mo Gikyenabi

⁴² Yesu asonbo mo me kpe me kya kase Yesu isɔɔ mo ilaa nyiilese mo, ne me kpe me bo abara do. Me kya kpa gyan' dabole, me kya gyi agyudo abono a kya nyiile yee me gye nyamese kolon mo, ne me kya dabole dalaa.

⁴³ Yesu isɔɔ mo me kya wɔra ilaa gbaa'gbaa ibono nkana nyamese man taale wɔra mo-gibaa so mo ne i kya lee Wurubuaare olon mo nyiile. Imoso i yege gifuu gi keda okamaase.

⁴⁴ Asa abono pewu me kyu ɔmo-nyoro too Yesu so mo me kyena fee nyamese kolon. Okamaase ilaa i gye mo-nanbo ilaa.

⁴⁵ I bo no i bo no mo, me kya fe momo-ilaa ibono me bo mo de me' ye imo-aterenbi mo sa abara genɔɔbono okara i tiri ɔmo mo.

⁴⁶ Geke kamaase me kya kpa gyan' Wurubuaare ɔson obu mo do dabole. Me kya gyan' momo-nten-ana do kee, me kya gyi agyudo abono a kya lee

mɔmɔ-ginyamese kolon nyiile mɔ. Mɛ kya gyi amɔ de ɔkon lii mɔmɔ-asen dɔ.

⁴⁷ Mɛ kya yen Wurubuaare, ne mɛ kya gyi asa sɛnsɛ ginsi. Gɛkɛ kamaase Wurubuaare kya kyu asa pobɔɔ abono ɔ kya mɔlegɛ mɔmɔ lii mɔmɔ-ilaa nyenyen giwɔra dɔ mɔ baa bola mɔmɔ so.

3

Piita Mɔ-rɛ Gyɔn Mɛ Kye ɔtegesɛ ɔko

¹ Gɛkɛ gɛdɛ owi gbaase ibono mɔmɔ Isirale awura mɛ kya kpaɔ gyan' dalaa mɔ, Piita mɔ-rɛ mɔ-nanbo Gyɔn mɛ koso mɛ kya kpe Wurubuaare ɔson obu mɔ dɔ de mɛ' kpaɔ dalaa.

² Mɛ kpaɔ fo Wurubuaare ɔson obu mɔ gebunono gebono mɛ kya tere gemɔ yɛɛ ɔdan Gebunono mɔ ase mɔ, mɛ baa kere mɔ, ɔnyen ɔko ne. ɔnyen baare gye daa ɔtegesɛ. Genen ne i kyu korogɛ mɔ ne. Gɛkɛ kamaase mɔ, asa mɛ kya sola mɔ kyu baa yela genen gebunono gebono ase de ɔ' kyena kole asa abono mɛ kya kpaɔ dalaa Wurubuaare ɔson obu mɔ dɔ mɔ aterɛnbi.

³ ɔnyen mɔ gi wu Piita mɔ-rɛ Gyɔn mɛ kya laare de mɛ' loo ɔson obu mɔ dɔ mɔ, ɔ kole mɔmɔ yɛɛ mɛ' sa mɔ aterɛnbi.

⁴ Nfono mɔ, Piita mɔ-rɛ Gyɔn mɛ kere mɔ yiridididi, ne mɛ tɔgɛ sa mɔ yɛɛ, "Kerɛ aye gɛrɛ."

⁵ Gɛsintin mɔ, ɔnyen mɔ gi kere mɔmɔ mɔ, o nyi yɛɛ ɔ laa nyɛ ilaa iko lii mɔmɔ ase daa.

⁶ Nfono mɔ, Piita gi tɔgɛ sa ɔnyen mɔ yɛɛ, "Aterɛnbi berɛ, mɛɲ bo. Ilaa ibono n bo ne nan kyu sa fo mɔ ne n gye yɛɛ kyu lii Yesu Kirisito, Nasarɛnyen mɔ-ginyen dɔ mɔ, koso yeɛ de fo' naa."

⁷ Piita gi tɔgɛ genen sa ɔnyen mɔ mɔ, ɔ keda mɔ-gibaa gyise dɔ, ne o puru mɔ koso yeɛ mɔ-ayaa so. Ayaa abono so mɔ, ɔnyen mɔ-ayaa dɔ de mɔ-ɛɲmeli dɔ pɛwu i wɔra mɔ ɔlon.

⁸ ɔ koso tin, ne ɔ naa buu mɔmɔ loo Wurubuaare ɔson obu mɔ dɔ. ɔ naa ɔ kya tin o-o tin ne ɔ kya faala Wurubuaare ɔ kya yen mɔ.

⁹ Asa abono mɛ bo nfono mɔ pɛwu mɛ wu ɔnyen mɔ naa ɔ kya yen Wurubuaare mɔ,

¹⁰ mɔmɔ pɛwu mɛ wu mɔ bii yɛɛ nkana mɔ ne n kya kyena ɔdan Gebunono mɔ ase kole aterɛnbi Wurubuaare ɔson obu mɔ ase mɔ. Genɔɔbɔno i wɔra ne ɔnyen mɔ gi nyɛ alanfiya mɔ, i wɔra asa mɔ giyan, mɛɲ baa mɛ nyi imɔ-atɔgɛbi.

¹¹ Piita mɔ-rɛ Gyɔn mɛ naa kpe mɛ yeɛ Solomon gikpalaɲ mɔ dɔ mɔ, ɔnyen mɔ mili mɔmɔ. Ibono asa mɛ wu ɔnyen mɔ gi taale ɔ naa mɔ, i de mɔmɔ-gɛnɔ, ne mɔmɔ kee mɛ sele kpe mɔmɔ ase nno.

Piita Gi Tɔgɛ Genɔɔbɔno I Ba Ne ɔ Taale Kye ɔnyen Mɔ

¹² Piita gi wu yɛɛ i de asa gɛnɔ mɔ, ɔ taase mɔmɔ yɛɛ, "Mɛ-nanboana, Isirale awura, mɛnɛ n wɔra ne imɔ ide i kya de fɛye-gɛnɔ gikyo genen? Mɛnɛ n wɔra ne fɛ kya kere aye ɲaa-a genen? Fɛ nyi yɛɛ aye ne n nyɛ ɔlon aye-gibaa so abɛɛ aye ne n kya gyi Wurubuaare ginsi so ne ɔnyen baare gi taale ɔ naa faa?"

¹³ Wurubuaare ɔbono aye-naanaana, Aberaham, Ayisiki, de Gyeekɔpo, de aye-adedaaɔ sɛnsɛ mɔ mɛ son mɔ ne n kyu nyisigyɛ kyu sa Yesu, Wurubuaare Gɛsun ɔwɔrabo mɔ. Fɛye berɛ, fɛ kyu genen Yesu baare kyu wɔra nbele dɔ, ne fɛ kine mɔ ɔbelɛnsɛ Pilato ansi dɔ, yeɛ nkana Pilato gi laare fɛɛ ɔ' taa mɔ yeɛ de ɔ' naa.

14 Fɛ kine Gɛsintin de Gisen Fufuli Wura mɔ, ne asa ɔmɔɔbo berɛ ne fɛ kole Pilato yɛɛ o' tigi sa fɛye de ɔ' naa.

15 Ɔbono ɔ kya sa Wurubuaarɛ ase gekyena mɔ ne fɛ yɛgɛ mɛ' kyu mɔɔ. Wurubuaarɛ, mɔ, gi kyingi mɔ lii ibuni dɔ. Aye a wu imɔ de ansi ne a kya tɔgɛ fɛye faa.

16 "Fɛ kya wu ɔtɛgɛsɛ baarɛ ne fɛ wolaa fɛ nyi mɔ. Yesu ginyen mɔ dɔ ne mɔ-ayaa a kyaga faa. Gɛnɔɔbono a sɔɔ Yesu gyi mɔ so ne ɔ nyɛ alanfiya fɛye pɛwu ansi dɔ gɛrɛ faa.

17 "Me-nanboana, Isirale awura, nɛ wu yɛɛ ilaa ibono fɛye-rɛ fɛye-abelɛnsɛ mɔ fɛ kyu wɔra Yesu mɔ, fɛ mɛnɪ nyi daa.

18 I mɛnɪ ba genen giyan. I gye daa ilaa ibono Wurubuaarɛ gi wolaa naa de mɔ-ikalan atɔgɛbo mɔ pɛwu so tɔgɛ yela yɛɛ ɔbono ɔ laa sun de ɔ' baa mɔlegɛ asa mɔ laa wu awɔɔfɔɔ. Wurubuaarɛ gi yɛgɛ i ba genen gɛsintin.

19 Imɔso fɛ' nu fɛye-nyoro gɛsɛ de fɛ' kyɛɛgɛ de Wurubuaarɛ ɔ' kpaarɛ fɛye ilaa nyenyɛn ibono fɛ kya wɔra mɔ fɛ sa fɛye.

20 Fɛ wɔra genen mɔ, i bo no i bo no mɔ, ɔ laa kpɛ ɔ kya kpaa fɛye de fɛye-nyoro gi' tɔrɔ fɛye. Imɔ gɛmara mɔ, ɔ laa yɛgɛ Yesu o' kii ba gɛsinkpan so. Mɔ ne ɔ wolaa lɛɛ yɛɛ ɔ' baa mɔlegɛ fɛye mɔ.

21 "Wurubuaarɛ laa yɛgɛ o' sii kyena Wurubuaarɛ dɔ kpaa fo owi ɔbono mɔ Wurubuaarɛ laa lɔrɔ ilaa kamaasɛ mɔ. Lii ko-o dedaa mɔ, ɔ wolaa tɔgɛ ilaa idɛ yela kyu naa de asa abono ɔ lɔrɔ yela yɛɛ mɛ' tɔgɛ mɔ-ikalan mɔ so.

22 Aye-naana Mosisi gbaa kee gi wolaa tɔgɛ kyu lii Yesu baarɛ so yela yɛɛ,

'Wura Wurubuaarɛ laa lɛɛ mɔ-ikalan ɔtɔgɛbo fɛɛ me, Mosisi lii fɛye dɔ sa fɛye.

Ilaa kamaasɛ ibono genen Wurubuaarɛ ikalan ɔtɔgɛbo ɔbono laa tɔgɛ fɛye mɔ, fɛ' nu mɔ ase.

23 I laa ba yɛɛ nyamɛsɛ kamaasɛ ɔbono ɔ manɪ nu genen Wurubuaarɛ ikalan ɔtɔgɛbo ɔbono ase mɔ, Wurubuaarɛ laa lɛɛ mɔ lii mɔ-adɛ mɔ dɔ.'

24 "Lii Samuɛlɛ abɛrɛ kyu ba lii de ndɛ, abono pɛwu mɛ wɔra Wurubuaarɛ ikalan atɔgɛbo mɔ mɛ wu ndɛ nkɛ ndɛ dɔ ilaa tɔgɛ yela kyu lii Yesu so.

25 Fɛye ne Wurubuaarɛ ikalan atɔgɛbo mɔ mɛ tɔgɛ genen ilaa idɛ yela. Ne fɛye so ne Wurubuaarɛ gi yɛgɛ mɔ-rɛ fɛye-naanaana mɛ wɔra gɛnɔ. Wurubuaarɛ gi ka yela sa aye-naana Aberaham yɛɛ, 'Kyu naa de fonaanaana so ne gɛsinkpan so ɔpaa kamaasɛ asa mɛ laa nyɛ Wurubuaarɛ o' yuule mɔmɔ.'

26 Gɛsintin mɔ, Wurubuaarɛ gi lɛɛ Yesu yɛɛ ɔ' baa wɔra mɔ-Gesun Ɔwɔrabo gɛsinkpan so. Ɔ ba mɔ, fɛye ase ne ɔ daa gikpe de ɔ' nyɛ yuule fɛye de fɛye ɔkamaasɛ ɔ' nyɛ kyɛɛgɛ lii mɔ-ilaa nyenyɛn giwɔra dɔ."

4

Mɛ Tii Piita Mɔ-rɛ Gyɔn De Obu

1 Piita mɔ-rɛ Gyɔn mɛ san mɛ kya tɔngɛ mɛ kya sa asa mɔ mɔ, abelɛnsɛ ako mɛ kpɛ mɔmɔ ase nno. Mɔmɔ ne n gye Gyuda awura asunbi alɛɛbo de Wurubuaarɛ ɔson obu mɔ adiibo ɔbelɛnsɛ, de Saadusii awura.

2 Genen abelɛnsɛ adɛ mɛ kpaa tu mɔmɔ genen mɔ, mɛ wu ibono Piita mɔ-rɛ Gyɔn mɛ kya nyiile asa ilaa yɛɛ Wurubuaarɛ gi kyingi Yesu lii ibuni

dɔ. Ibono i kya nyiile yee nyamese gi wu' mɔ, ɔ bo geteeko ɔ kya kpe. Abelense mɔ me wu genen mɔ, me kyu ginyadon de Piita mɔ-re Gyɔn.

³ Genen so mɔ, abelense mɔ me kya laare me' kyu Piita mɔ-re Gyɔn wɔra nbele dɔ. Owi gi ta so mɔ, me keda mɔmɔ kyu tii de obu kaabore gedε ge ke.

⁴ Asa abono me nu Piita mɔ-re Gyɔn getonge mɔ bere, mɔmɔ dɔ sakyo me kyu ɔmɔ-nyoro too Yesu so. Mɔmɔ-re abono me ti wola kyu ɔmɔ-nyoro too Yesu so mɔ kyu dabole mɔ, anyen abono me bo mɔmɔ dɔ mɔ gegyɔnɔ ge gye nwe ikue-inyɔ de saalaa.

⁵ Me keda Piita de Gyɔn kyu tii de obu genen mɔ, gedε ge ke mɔ, abelense mɔ me kpaa gyan' Gyerusalem ɔsowole mɔ so nno. Me gye abelense abono me kya kere mɔmɔ Gyuda awura mɔ so, de Gyuda awura nbele agyibo, de Wurubuaare nbara aɲmarasebo.

⁶ Abelense mɔ me kpaa gyan' Gyuda awura asunbi alebo gemu ɔbono me kya tere mɔ yee Anase mɔ ase. Kayifase, de Gyɔn ɔko, de Alesanda, de asunbi alebo gemu mɔ gesu mɔ dɔ abelense pewu me bo genen gegyan' mɔ dɔ kee.

Piita Gi Buu Mɔ-Genɔ Gyuda Awura Abelense Pewu Ansi Dɔ

⁷ Me tigi Piita mɔ-re Gyɔn ne me kyu mɔmɔ kyu baa yele mɔmɔ-ansi dɔ ne me taase mɔmɔ yee, “Meneto olon dɔ abee ane ginyen dɔ ne fe kye ɔtegesi mɔ daa?”

⁸ Nfono mɔ, Wurubuaare Oduduu mɔ gi suu de Piita, ne ɔ tɔge sa mɔmɔ yee, “Abelense abono fe kya kere aye Gyuda awura so de ɔsowole so abelense,

⁹ iɲ gye gidense gibono a wɔra sa ɔtegesi baare faa so ne fe kya taase aye imɔ so ilaa nde' faa? Nengyene fe kya laare de fe' bii genɔɔbono a kyu kye mɔ bere mɔ de-e,

¹⁰ n kya laare n' tɔge tigi feye pewu de Isirale awura pewu de fe' nu yee Yesu Kirisito, Nasaretenyen mɔ, ɔbono fe yege me da mɔ aɲanbi oyii so mɔmɔ mɔ ginyen dɔ ne ɔnyen baare gi nye mɔ-nyoro alanfiya ɔ yele feye-ansi so faa. Wurubuaare, mɔ, gi kyingi mɔ lii ibuni dɔ.

¹¹ Yesu baare ilaa ne me ɲmarase yela Wurubuaare agyebi mɔ dɔ geteeko mɔ. Me ɲmarase yee,

Gibui kolon gibono feye ibu apɔrɔbo mɔ

fe kyu too gebaamara mɔ

ne n kii baa yege ne obu mɔ gi wɔra olon ɔ yele faa.

¹² ɔko men bo nɔ gesinkpan so, ɔ laa taale mɔlege asa lii mɔmɔ-ilaa nyenyen giwɔra dɔ de me' nye Wurubuaare ase gekyena. Genen mɔ, Yesu ginyen wole ne Wurubuaare gi sa aye yee a' saawo tere de a' nye genen amolege abono.”

¹³ Piita mɔ-re Gyɔn me tɔge tigi nbele agyibo mɔ genen mɔ, i de mɔmɔ-genɔ. Men kii me gye mɔmɔ ɔsowole so abelense, ne me men kii me nyi ɔwole. Ide kon mɔ, abelense mɔ me san baa bii yee ibono nkana mɔmɔ-re Yesu ne n kya naa mɔ so ne me sɔɔ ɔmɔ-nyoro gyi ne me taale tɔge tigi mɔmɔ genen.

¹⁴ Ibono abelense mɔ me wu ɔnyen ɔbono Piita mɔ-re Gyɔn me kye mɔ mɔ yele mɔmɔ ase nfono mɔ, me men baa taale tɔge sei.

Nbele Agyibo Mɔ Me Da Gedε Gyoo Piita Mɔ-re Gyɔn

¹⁵ Nbele agyibo mɔ me yege Piitaana me lii taa mɔmɔ yege ne mɔmɔ wole-wole me san me kya taase abara yee,

16 “Nne ne a laa wɔra genen anyen ade ne? Ilaa gbaa' ibono i ba kyu naa de mɔmɔ so faa inj bo nara dɔ. Ɔkamaase ɔbono ɔ te Gyerusalem ɔsowole baare so mɔ gi nu imɔ. A manj taale sɔɔ imɔ so akɔwɔle.

17 Imɔso ilaa ibono a laa wɔra ne genen ilaa ide i manj nye gbigi kyon geta-geta mɔ ne n gye yee a laa tere ɔmɔ de a' ka sa mɔmɔ yee gekaako-gekaako me' menj baa kii tɔnge Yesu ilaa sa ɔko-re ɔko.”

18 Me tɔge kyule abara genen mɔ, ne me tere Piita mɔ-re Gyɔn kii ba mɔmɔ ase ne me da mɔmɔ tii yee, “Gekaako-gekaako fe menj' baa tɔge abee fe' nyiile asa ilaa kyu naa de Yesu ginyen dɔ.”

19 Me tɔge sa Piita de Gyɔn genen mɔ, me lee genɔ sa mɔmɔ yee, “Feye gbaa-gbaa fe' kere imɔ ide dɔ yee imɔmɔ ne n boran sa Wurubuaare: A' nu feye ase abee a' nu Wurubuaare ase daa?”

20 Aye bere Yesu ilaa ibono a wu de ansi ne a nu de aso mɔ, a manj taale baala aye-nno bun yee a manj tɔge imɔ sa asa.”

21 Me tɔge genen mɔ, abelense mɔ me kii lɔɔ ka sa mɔmɔ ken-ken yee nengyene me kii wɔra genen mɔ, me laa wu mɔmɔ kyule. Nfono ne me taa mɔmɔ yee. Kyu lii asa so mɔ, abelense mɔ me menj nye ɔkra ɔbono me laa kyu biide Piita mɔ-re Gyɔn giso mɔ. I kya nyiile yee asa mɔ pewu me kya yen Wurubuaare kyu lii genɔɔbono me taale kye ɔnyen mɔ mɔ.

22 Ɔnyen ɔbono me wɔra genen ilaa gbaa' ide kyu kye mɔ genen mɔ nsi gi laa don nsi ikue-inyɔ.

Yesu Asonbo Mɔ Me Wɔra Genɔ Kolon Dalaa Sa Wurubuaare

23 Abelense mɔ me taa Piita mɔ-re Gyɔn yege genen mɔ, me naa kpe mɔmɔ-nanboana asense mɔ ase ne me kraa buu ilaa ibono pewu asunbi alɛɛbo abelense mɔ de abelense sence mɔ me tɔge sa mɔmɔ mɔ.

24 Mɔmɔ-nanboana mɔ me nu imɔ mɔ, mɔmɔ pewu me dabɔle ne me bugi genɔ dalaa sa Wurubuaare yee, “Wura Wurubuaare, fo ɔbono ilaa kamaase i bo daa fo-gibaa dɔ mɔ, fo ne n lee soso de gesinkpan, apoo, de ilaa kamaase ibono i bo imɔ dɔ mɔ pewu.

25 Fo ne n tɔge ilaa naa de fo-dega, aye-naana Deefidi so. Fo-Oduduu gi yege mɔ ɔ taale lee genɔ taase ilaa, ne me nmarase imɔ yela Wurubuaare agyebi dɔ yee,

‘Mene n wɔra ne gesinkpan so asa kpei-kpei me kya kyu ginyadon nyenyen, me kya wɔra genɔ Wurubuaare so daa?
Me kya too owi abui ne.

26 Awura-awura de isowole so abelense me laa gyan' de me' baala yee me laa kɔ de Wurubuaare mɔ-re ɔbono ɔ sun yee ɔ' baa gyi gewura mɔ Wurubuaare ade so mɔ.’ ”

27 Yesu asonbo mɔ me dalaa yee, “Wurubuaare, i gye gesintin yee Gyerusalem ɔsowole baare so mɔ, asa me gyan' yee me laa kɔ de fo-Gesun Ɔwɔro, Yesu. Mɔ ne fo lɔɔ yela ne fo sun yee ɔ' baa gyi gewura fo-ade so mɔ. Wura Herode, Ɔbelense Pontiyuse Pilato, fo-ade Isirale awura, de asa kpei-kpei me gyan'

28 de me' wɔra ilaa ibono fo wolaa tɔge yela mɔ. Fo ɔlon dɔ de fo-gelaare dɔ ne fo wolaa tɔge yela yee i laa ba genen.

29 “Ide kon bere, Wurubuaare, kere ilaa nyenyen ibono me tɔge yee me laa wɔra aye abono a te sa fo mɔ. Sa aye otu de a' taale tɔge fo-agyebi mɔ sa asa de a menj' sele gifuu

30 de fo' tenge fo-gibaa gyan' aye so de a' taale kye asa alɔbi. Yege de a' taale wɔra ilaa gbaa' gbaa ibono nkana nyamese manj taale wɔra mɔ-gibaa

so kyu naa de fo-Gesun Ɔwɔrabo Yesu ɔbono fo lɔrɔ yela sa fo-nyoro mɔ ginyen dɔ.”

³¹ Yesu asonbo mɔ mɛ dalaa kolɛ Wurubuaare genen mɔ, nfono mɛ bo mɔ i gyigisi. Wurubuaare Oduduu mɔ gi suu de mɔmɔ pɛwu, ne mɛ san da otu mɛ kya tɔnge Wurubuaare agyebi. Mɛ mɛn seɛ nyamese gifuu.

Yesu Asonbo Mɔ Gikyenabi

³² Asa abono mɛ ka gyan' Yesu so mɔ pɛwu gewonsa de mɔmɔ-asen a san wɔra daa gikolon. Ilaa kamaase ibono mɔmɔ ɔkamaase bo mɔ, kaase mɔ mɛn kya kyu imɔ yɛe genen ilaa ibono i baa i gye mɔ wolɛ-lɛɛ. Mɛ kya kyu imɔ fɛɛ i gye daa mɔmɔ pɛwu ilaa.

³³ Wurubuaare gi sa Yesu isɔɔ mɔ getonge, ne mɔ-olon dɔ mɔ mɛ kya tansi bii lɛɛ Wura Yesu giwukyingsi mɔ so ilaa mɛ kya tɔge mɛ kya sa asa. Wurubuaare tansi ɔ kya kpaa ɔmɔ ne ɔ kya wɔra ilaa sa mɔmɔ pɛwu.

³⁴ Sei mɛn kya tiri mɔmɔ abono mɛ ka gyan' Yesu so mɔ dɔ ɔko-rɛ ɔko. I kya nyiile yɛe mɔmɔ dɔ ɔkamaase ɔbono ɔ bo nsinkpan abɛɛ ibu mɔ, mɛ kya fɛ imɔ ne mɛ kya kyu imɔ-aterenbi abono mɛ nyɛ mɔ,

³⁵ kyu baa wɔra Yesu isɔɔ mɔ abaa dɔ. Ne fɛɛ i tiri Yesu asonbo mɔ dɔ ɔko mɔ, Yesu isɔɔ mɔ mɛ kya yɛ sa mɔmɔ ɔkamaase genɔɔbono ɔkara i tiri mɔ mɔ.

³⁶ Genen owi ɔbono mɔ ɔnyen ɔko bo mɔmɔ dɔ. Mɛ kya tere mɔ-ginyen yɛe Gyosefo. Yesu isɔɔ mɔ mɛ yela mɔ ayenbi yɛe Banabase. (Banabase gesɛ ne n gye yɛe ɔbono ɔ kya wɔra ilaa keda asa nyoro.) Ɔ gye daa Gyudanyen, ne ɔ lii Lɛfi geten dɔ. Ɔ lii Saapurose gesinkpan so.

³⁷ Genen Gyosefo baare bo ndɔɔ. Ɔ fɛ ndɔɔ mɔ, ne ɔ kyu aterenbi abono ɔ nyɛ mɔ kyu baa wɔra Yesu isɔɔ mɔ abaa dɔ.

5

Ananiyase Mɔ-rɛ Mɔ-Ka Mɛ Nyɛ Lɛwu

¹ Ɔnyen ɔko mɛ kee bo Yesu asonbo mɔ dɔ, mɛ kya tere mɔ yɛe Ananiyase, ne mɔ-ka ginyen ne n gye Safira. Mɔ-rɛ mɔ-ka mɛ bo gesinkpan, ne ɔ kpaa fɛ gemɔ.

² Ɔ lɛɛ gesinkpan mɔ aterenbi abono ɔ nyɛ mɔ dɔ ako yela, ne ɔ kyu abono a san mɔ kyu kpaa penɛ wɔra Yesu isɔɔ mɔ abaa dɔ yɛe ɔ fɛ mɔ-gesinkpan gɛko mɔ, aterenbi abono ɔ nyɛ mɔ pɛwu ne ɔ dɛ ɔ kya kyɛɛ faa. Ɔ kya wɔra genen pɛwu mɔ, mɔ-ka kee nyi imɔ so.

³ Ɔ kyu aterenbi mɔ ba genen mɔ, Piita gi tere mɔ ne ɔ taase mɔ yɛe, “Ananiyase, mɛnɛ n wɔra ne fo yɛge ilaa nyɛnyɛn gemu mɔ gi suu de fo ne fo kya penɛ Wurubuaare Oduduu mɔ genen? Mɛnɛ n wɔra ne fo keda aterenbi abono fo nyɛ lii fo-gesinkpan mɔ fo fɛ mɔ dɔ iko kɔɔge yela?”

⁴ Nengyene gesinkpan mɔ gɛ dɛ ne fo mɛn fɛ gemɔ mɔ, gɛ mɛn gye folɛɛ daa? Ne fo kii fɛ gemɔ mɔ, i mɛn gye fo ne n bo fo-aterenbi? Ne i wonɛ ne fo sa gewonsa gedɛ genen? Fo nyi yɛe anyamese ne fo penɛ faa? Wurubuaare ne fo penɛ genen.”

⁵⁻⁶ Ananiyase gi nu ilaa ibono Piita gi taase mɔ genen mɔ, ɔ lii tɔrɔ ne ɔ wu'. Nfono mɔ adega abono mɛ bo nno mɔ mɛ koso kyu akuru mili mɔ ne mɛ keda mɔ lii kyu kyon kpaa pule. Ɔkamaase ɔbono ɔ nu genen Ananiyase ilaa idɛ mɔ, gifuu belɛ gi keda mɔ.

⁷ Adegɛ mɛ mɛ keda Ananiyase gibuni mɔ kyu kyon mɛ' kpaa pule mɔ, i baa wɔra nmaraa mɔ, mɔ-ka gi baa loo. Ɔ baa loo genen mɔ, ɔ mɛn nyi ilaa ibono i ba mɔ-kuli so mɔ so sei.

8 Nfono ne Piita gi tɔge sa mɔ yee, “Tɔge me, imɔso i gye gesintin yee aterenbi gegyɔnɔ gede ɔkara ne fo-re fo-kuli fe nye lii gesinkpan gebono fe fe mɔ dɔ?” Piita gi taase mɔ genen mɔ, ɔ lee genɔ yee, “En, aterenbi ade ɔkara ne a nye.”

9 ɔkyii mɔ gi tɔge sa Piita genen mɔ, Piita gi taase mɔ yee, “I wone so ne fo-re fo-kuli fe tɔge kyule abara ne fe ba fe kya soo Wurubuaare Oduduu mɔ idoo fe kya kere genen? To, asa abono me kyu fo-kuli kpa a pule mɔ, genen asa abono me laa kyu fo kee kyu lii kpe kpa a pule.”

10 ɔkyii mɔ gi nu genen mɔ, ayaa abono so mɔ, ɔ lii tɔrɔ Piita ayaa dɔ ne o wu'. Adeg a abono me kpa a pule mɔ-kuli mɔ me baa loo mɔ, ɔkyii mɔ kee gi wu' ɔ de, ne me kyu mɔ lii kyon me' kpa a pule sindi mɔ-kuli.

11 Nfono mɔ gifuu bele giko gi keda Yesu asonbo mɔ pewu de asa abono me nu genen ilaa ide mɔ pewu.

Yesu Isɔɔ Mɔ Me Kya Wɔra Ilaa Gbaa'Gbaa

12 Yesu isɔɔ mɔ me kya wɔra ilaa gbaa'gbaa ibono i kya lee nyiile yee Wurubuaare ɔlon bo mɔmɔ dɔ. Mɔmɔ-re Yesu asonbo sense mɔ pewu me kya kyena kpa a gyan' fee nyamese kolon Wurubuaare ɔson obu mɔ dɔ gibaafon giko nfono me kya tere yee Solomon Gikpala n mɔ.

13 Asa sense abono me men bo mɔmɔ-gikpen mɔ dɔ mɔ men kya taale da otu kpa a saare mɔmɔ dɔ. Imɔ genen gbaa faa mɔ, Yesu asonbo mɔ me dabole me kya gyi ginsi asa ansi so.

14 Asa sakyɔ, anyen de akyii, me kya sɔɔ Wura Yesu gyi ne me kpe ma-a ba ma-a bɔla mɔ-asonbo mɔ so.

15 Kyu lii ilaa dense ibono Yesu isɔɔ mɔ me kya wɔra mɔ so mɔ, asa me kya kya alɔbo de mɔmɔ-ideten kyu kpa a diila de ikpa de nengyene Piita kya kyon de nfono so mɔ, ba-a mɔ-geyii gbaa ge' taa nye ten kyon alɔbo mɔ ako so mɔ de i' kye mɔmɔ.

16 Asa sakyɔ me kya lii ma-a lii isowole ibono i sindi Gyerusalem mɔ me kya sola alɔbo de asa abono ilaa nyenyen oduduu i te mɔmɔ so i kya nyala mɔmɔ mɔ me kya bara Yesu isɔɔ mɔ, ne mɔmɔ mɔ me kya kye mɔmɔ pewu.

Me Tii Yesu Isɔɔ Mɔ De Obu

17 Nfono mɔ, Gyuda awura asunbi aleɛbo gemu mɔ mɔ-re mɔ-nanboana pewu abono me bo Saadusii gikpen mɔ dɔ mɔ, me wu Yesu isɔɔ mɔ gesun wɔrase mɔ, i bo mɔmɔ gelaaloo gikyɔ,

18 imɔso me kpa a keda mɔmɔ, ne me kyu mɔmɔ kpa a tii de obu nfono me kya tii ɔsowole mɔ so ilaa nyenyen awɔrabo mɔ.

19 Me keda mɔmɔ kyu tii de obu genen mɔ, imɔ genye mɔ Wurubuaare dɔ ɔsɔɔ gi baa keda obu mɔ tigi ne ɔ kpare mɔmɔ lii, ne ɔ tɔge sa mɔmɔ yee,

20 “Fe' naa kpe Wurubuaare ɔson obu gikpaara mɔ so de fe' kpa a tɔge gekyena pobɔrɔ gebono Yesu kya sa mɔ ilaa pewu sa asa.”

21 Yesu isɔɔ mɔ me nu ilaa ibono Wurubuaare dɔ ɔsɔɔ mɔ gi tɔge sa mɔmɔ. Gede ge ke mɔ, me naa kpa a loo Wurubuaare ɔson obu gikpaara mɔ so, ne me yii gese me kya nyiile asa ilaa.

Genen owi ɔbono mɔ, Isirale awura asunbi aleɛbo gemu mɔ mɔ-re mɔ-nanboana me tere abelense sense mɔ pewu (mɔmɔ ne n gye nbele agyibo sa Isirale awura mɔ), ne me baa gyan'. Me baa gyan' mɔ, me sun asogya kpe nfono me kya tii asa de obu mɔ yee me' kpa a kyu Yesu isɔɔ mɔ ba mɔmɔ-ansi dɔ.

22 Asogya abono me lee sun genen mo me kpe mo, me men wu Yesu isoo mo me keda tii de obu mo, ne me kii kpaabuu sa abelense mo

23 yee, "A kpe mo, obu mo asin mo a tii kpen, ne abono me kya dii nno mo me yele gebunono mo ase me kya dii. A tigi ne a loo obu mo do mo, a men wu oko-re oko."

24 Wurubuaare oson obu mo adiibo obelense mo de asunbi alebo gemu mo-re mo-nanboana mo me nu genen mo, i wora momo giyan ne i de momo-geno me men nyi genobono i wora ne i ba genen mo.

Yesu Isoo Mo Me Buu Momo-Geno Sa Abelense Mo

25 Nfono mo, oko gi baa buu sa momo yee, "Anyen abono fe keda tii de obu mo, me yele Wurubuaare oson obu gikpaara mo so me kya nyiile asa ilaa."

26 Abelense mo me nu genen mo, Wurubuaare oson obu mo adiibo obelense mo-re mo-asogya mo, me lii kyon de me' kpaabuu keda Yesu isoo mo ba abelense mo ansi do. Asogya mo me sele gifuu yee asa me laa naa da momo abui mo so mo, me men kyu Yesu isoo mo kiri-kiri.

27 Me kpaabuu kyu Yesu isoo mo ba genen mo, me yee momo-re nbele agyibo mo me baa gyan'. Nfono mo, Gyuda awura asunbi alebo gemu mo gi taase Yesu isoo mo ilaa. O taase momo yee,

28 "A men gya feye yee geakaako-geakaako fe' men baa nyiile asa ilaa kyu lii Yesu baare ginyen do? Fe' kere genobono fe naa fe kya nyiile asa mo- ilaa gyan' de Gyusalem pewu mo. Fe kya laare fee fe' kyu mo-lewu mo kyu sola aye ne."

29 O taase momo genen mo, Piita mo-re Yesu isoo sense mo, me lee geno yee, "Wurubuaare gede ne i kaabore a' nu. I men gye nyamese-lee gede.

30 Wurubuaare obono aye-naanaana me son mo mo gi kii kyingi Yesu obono fe da mo ananbi kyolga oyii so mo do.

31 Wurubuaare gi diire mo kpe mo ase kyu mo kpaabuu yii gewura buu de mo Wurubuaare. Wurubuaare yee Yesu ne o' wora ogyangbarabo de omolegebo sa asa. I lii fee genen Yesu baare laa yee Isirale awura me' nye nu momo-nyoro gese yee me gye ilaa nyenyen aworabo de Wurubuaare o' nye kyu momo-ilaa nyenyen kyee momo.

32 Aye ne n wu Yesu ilaa ide de aye-ansi ne a kya toge imo a kya sa asa faa. Wurubuaare Oduduu mo kee kya lee imo-gesintin nyiile asa. Mo-Oduduu obono ne o kya kyu sa asa abono me kya nu mo-gede mo."

Obelense Gameeliya Gi Gya Nbele Agyibo Mo

Yee Me Men' Moo Yesu Isoo Mo

33 Nbele agyibo mo me nu ilaa ibono Yesu isoo mo me toge sa momo genen mo, i kyogede momo-gisen do, ne me laare momo-imooten.

34 Obelense oko bo abelense mo do. Me kya tere mo yee Gameeliya. Asa pewu me kya kyu buubuu sa mo gikyo. O gye daa Farasii gikpen mo do ne o kya nyiile Wurubuaare nbara. Gameeliya baare gi koso toge yee me' kyu Yesu isoo mo kyu lii kpe nkan nmaraa pei.

35 Me liire momo nkan genen mo, o toge sa nbele agyibo mo yee, "Menanboana Isirale awura, ilaa ibono fe kya laare de fe' kyu wora genen asa ade faa, fe' kere feye-nyoro so doodan.

36 Nke nko do mo, onyen oko gi koso yee o gye omolegebo, me kya tere mo yee Tiyodase. Asa me laa wora fee asa nwe nnan me kpaabuu kpane mili mo. Asa ako me mo do mo. Me mo do mo genen mo, asa abono pewu me buu mo mo me yaase ne ilaa ibono nkana me kya wora mo pewu i sii giyan.

³⁷ “Mɔ-gemara mɔ, owi ɔbono mɛ naa kyena kale asa iko dɔ mɔ, Gyudase, Galelinyen mɔ kee gi koso yele yee ɔ laa kɔ de abeyin. Mɔ kee gi baa nye asa me kpane mili mɔ. Ako me mɔɔ mɔ kee, ne asa abono me mili mɔ genen mɔ pewu me yaase giyan-giyan.

³⁸ Imɔso nperɛ-nperɛ ilaa ibono anyen ade me de faa, n' tɔge tigi fɛye yee fɛye bere fe' taa mɔmɔ yegɛ. Ɔko ɔɲ' sa o yii mɔmɔ. I kya nyiile yee nengyene ilaa ibono me kya wɔra faa, mɔmɔ-anyamese gbaa-gbaa ne n ɲminde yee me laa wɔra mɔmɔ-gibaa so mɔ, me laa kpon daa.

³⁹ Ne kuaa, ilaa ibono me kya wɔra faa, i lii daa Wurubuaare ase mɔ, nkana fe maɲ taale gyi mɔmɔ so. Laalaalɔge mɔ, fe laa baa wu daa yee fe kya kɔ de Wurubuaare.”

Gameeliya gi ka abelɛnse mɔ de nbele agyibo mɔ genen mɔ, me nu mɔ ase,

⁴⁰ ne me tere Yesu isɔɔ mɔ kii loo kpe mɔmɔ ase. Me yegɛ me taa mɔmɔ, ne me da ɔmɔ tii yee gekaako me' menj baa yele Yesu ginyen dɔ tonge sa asa. Nfono mɔ nbele agyibo mɔ me taa mɔmɔ yegɛ,

⁴¹ ne me naa lii.

Yesu isɔɔ mɔ me lii genen mɔ, i wɔra mɔmɔ ɔkon fɛɛ Wurubuaare gi kale ɔmɔ wɔra mɔ-asonbo dɔ yee asa me ka ɔmɔ-ansi kyu lii Yesu so genen.

⁴² Imɔ genen gbaa mɔ, geke geɲ bo no yee Yesu isɔɔ mɔ me menj kpe Wurubuaare ɔson obu mɔ dɔ de nten-ana dɔ kpaa tɔge Wurubuaare ɔkalan konkɔnse mɔ sa asa yee Yesu ne n gye ɔbono ɔ laa mɔlegɛ asa de me' nye Wurubuaare ase gekyena mɔ.

6

Me Lee Asa Sono Yee Me' Kpaa Yesu Isɔɔ Mɔ

¹ Owi ɔbono Yesu akasebo mɔ me kya nyaakɔ ma-a too mɔ, i bo Gyuda awura abono me kya tɔge Geriiki awura gedɛ ne i bo abono me kya tɔge mɔmɔ Gyuda awura-lee gedɛ wole mɔ mɔmɔ dɔ. Genen owi ɔbono mɔ, biide ɔko gi baa tɔɔ akpen anyɔ ade so. Gyuda awura abono me kya tɔge Geriiki awura gedɛ mɔ me kya lɔgedɛ yee nengyene geke kamaase Yesu akasebo mɔ me kya ye agyudɔ sa ikulaabo mɔ, me kya ligi mɔmɔ-lee ikulaabo.

² Nfono mɔ, Yesu isɔɔ gudu anyɔ mɔ me tere Yesu akasebo mɔ pewu baa gyan' ne me tɔge sa mɔmɔ yee, “I menj boran yee a' nyaa Wurubuaare agyebi mɔ gitɔge yela nkan de a' nu de agyudɔ giye sa asa wole.

³ Imɔso, ansaana, fe' kere fɛye dɔ de fe' lee asa sono sa aye de a' kyu gesun gebono wɔra mɔmɔ-abaa dɔ. Abono fe laa lee mɔ, fe' kere yee asa me kya tere mɔmɔ-ginyen dense ne Wurubuaare Oduduu mɔ te mɔmɔ so ne me nyi ɔlaako;

⁴ de aye mɔ, a' nye aye-nyoro a kya nu daa de gedalaa de Wurubuaare agyebi mɔ gesun gebono o kyu wɔra aye-abaa dɔ mɔ.”

⁵ Ilaa ibono Yesu isɔɔ gudu anyɔ mɔ me tɔge genen mɔ, i wɔra sakkpii mɔ pewu ɔkon. Nfono ne me lee Sitiifen de asa ase ako. Genen Sitiifen baare kya ka gyan' Yesu so gikyɔ-gikyɔ ne Wurubuaare Oduduu mɔ tansi ɔ te mɔ so. Asense abono me lee mɔ anyen ne n gye Filipino, Perokoro, Nikanɔ, Timon, Pamenase, de Nikolase. Genen Nikolase baare gi lii Antiyoki. Ɔ gye isafɔ, ne o kyu mɔ-nyoro wɔra Gyuda awura ɔson dɔ.

⁶ Me kyu genen asa sono abono me lee faa kyu baa yela Yesu isɔɔ gudu anyɔ mɔ ansi dɔ ne mɔmɔ mɔ, me kyu mɔmɔ-abaa gyan' mɔmɔ so dalaa kole Wurubuaare sa mɔmɔ.

⁷ Wurubuaare agyebi mo a kya yelege a kya too ne Yesu akasebo me kya nan Gyerusalem osowole mo so gikyɔ-gikyɔ. Wurubuaare asunbi alebo mo do sakyɔ kee me nu Wurubuaare gedɛ ne me sɔɔ Yesu okalan mo gyi.

Me Keda Sitiifen

⁸ Wurubuaare gibaa gi gyan Sitiifen so ne mo-olon bo mo do. Imoso i yege o kya wɔra ilaa gbaa'gbaa ibono nkana nyamese man taale wɔra mo-gibaa so mo de ilaa ibono i kya lee Wurubuaare on gewi nyiile mo.

⁹ Asa ako me lii Gyuda awura gikyangbon giko do. Momɔ do ako me kya sɔɔ akɔɔle de Sitiifen. Me kya tere genen gikyangbon mo yee Asa Abono Men Baa Me Gye Nvide Mo Gikyangbon. Momɔ ako me lii Siirini osowole so de Alesandiriya osowole so, ne ako me lii Silisiya de Esiya nsinkpan so.

¹⁰ Wurubuaare Oduduu mo gi sa Sitiifen olaako ginyi giko. Nengyene o kya tonge mo, asa abono me kya sɔɔ akɔɔle de mo mo me men kya taale wɔda.

¹¹ Imoso genen asa abono me sa anyen ako aterebi nara yee me' ten Sitiifen geno yee me nu o kya saale momo-naana Mosisi de Wurubuaare.

¹² Asa ade me ten Sitiifen geno ne i yege Gyuda awura abelense de momo-nbara anmarasebo de asa sense mo me kyu ginyadon wɔra Sitiifen. Nfono mo, me kpaa keda mo ne me kpae mo kpe nbele agyibo mo ansi do.

¹³ Me kyu mo kpe nbele agyibo mo ase genen mo, me ten mo-geno yee, "Owi kamaase do mo, genen onyen baare kpe o kya toge daa ilaa nyenyen kyu lii Wurubuaare on oba baare de aye-naana Mosisi nbara mo so.

¹⁴ A nu o kya toge yee Yesu Nasarenyen mo laa baa nyida Wurubuaare on oba baare de o' kyeege idedaabolaa ibono aye-naana Mosisi gi yela sa aye mo."

¹⁵ Asa abono pewu me te nbele mo ogyiten mo me kere Sitiifen yiridididi mo, mo-ansi do i wɔra fee Wurubuaare do sɔɔ ansi do onan.

7

Sitiifen Gi Lee Ilaa Gese Sa Nbele Agyibo Mo

¹ Me bo nbele mo ogyiten genen mo, asunbi alebo gemu mo gi taase Sitiifen yee, "Ilaa ibono me kya toge kyu lii fo so faa i gye gesintin?"

² Sitiifen gi lee geno yee, "Me-sana de me-subuana, fe' nu me ase. Nysisigi Wura Wurubuaare gi lee mo-nyoro nyiile aye-naana Abraham owi obono o te Mesopotemiya gesinkpan so pei ne o loo kpaa kyena Haran osowole so.

³ Owi obono Wurubuaare gi lee mo-nyoro gewi nyiile Abraham genen mo, o toge sa mo yee, 'Abraham, koso fo-gesinkpan gedɛ so de fo' naa taa fo-subuana yege de fo' kpaa kyena gesinkpan gebono nan nyiile fo mo so.'

⁴ Wurubuaare gi toge Abraham genen mo, gesintin mo Abraham gi koso lii kyon Kaladiya gesinkpan so, ne o kpaa kyena Haran osowole so. Abraham mo-se lewu gemara ne Wurubuaare gi yege o koso lii Haran baa kyena genen gesinkpan gebono so aye Gyuda awura a te nde faa.

⁵ "Owi obono Wurubuaare gi kyu Abraham baa kyena gesinkpan gebono a te faa mo, Wurubuaare men sa mo yee mo-gesinkpan ogyiten ne. Baa nyamese giyaa onmange okara Wurubuaare men sa mo. Imo genen mo, Wurubuaare gi ka yela sa Abraham yee o laa kyu gemo kyu kyee mo gekaako de ge' wɔra mo-re mo-biana kyu kpaa lii mo-naanaa geno-geno gesinkpan gekpaa. Owi obono Wurubuaare kya ka o kya sa Abraham genen mo, Abraham men bo ba-a gebii.

6 Wurubuaare genɔ dɔ agyebi abono ɔ tɔge sa Aberaham mɔ ne n gye yee, 'Aberaham, fo-naanaana oyuduu dɔ pewu me laa kpaa gyi gisafɔ ako gesinkpan so. Nten abi mɔ me laa ka mɔmɔ-ansi de me' kyu mɔmɔ wɔra nbide san sa abi san sa anaana nsi nwe nnan.

7 Nan biide asa abono fo-oyuduu mɔ me laa son mɔ giso. Imɔ gemara mɔ me laa lii nten abi mɔ dɔ de me' kii baa kyena gesinkpan gebono so fo yeɛ faa de me' son me.'

8 Wurubuaare gi yela awɔre giten nbara sa Aberaham de i' lee nyiile yee Wurubuaare gi yege mɔ-re Aberaham me wɔra genɔ kolon. Genen so mɔ, Aberaham gi koroge Ayisiki mɔ, imɔ geke kuese mɔ, ɔ ten Ayisiki giwɔre. Ayisiki gi kyu koroge Gyeekɔpo mɔ, mɔ kee gi ten mɔ-bi mɔ giwɔre. Gyeekɔpo gi koroge ne ɔ ten mɔ-biana gudu anyɔ mɔ awɔre. Genen Gyeekɔpo mɔ-biana gudu anyɔ ade ne n yege aye-Isirale awura ɔpaa mɔ gi yelege.

9 "Aye-naana Gyeekɔpo mɔ-biana ade mɔmɔ-genɔɔre ase ne n gye Gyosefo. Mɔ-ilaa i wɔra mɔ-daana gelaaloo gikyo. Genen so mɔ, me fe mɔ sa asa ako ne me kyu mɔ kpe Igyipiti. Me fe Gyosefo genen mɔ, Wurubuaare de mɔ ɔ naa.

10 Imɔso Wurubuaare gi lee mɔ lii mɔ-awɔrɔfɔɔ kamaase dɔ. ɔ yege Igyipiti wura gi wu mɔ bii yee o nyi ɔlaako. Imɔso o gyi Igyipiti wura mɔ ginsi ne wura mɔ gi yii mɔ gebelense buu de mɔ. Gyosefo kee ne n kya kere wura mɔ-getsɔ de ilaa kamaase so.

11 Me bo nno genen-n mɔ, owi ɔko dɔ mɔ, akon bele ako a tɔrɔ Igyipiti gesinkpan pewu so de Keena gesinkpan so nfono aye-naanaana me te mɔ. Nfono mɔ awɔrɔfɔɔ bele a tu mɔmɔ. Aye-naanaana men kya nye agyudɔ de me' gyi.

12 Ibono aye-naana Gyeekɔpo gi nu yee Igyipiti bere agyudɔ a bo no me kya fe mɔ, ɔ keda aye-naanaana kyu sun ne me kpe mɔmɔ-gikpe gyangbarase.

13 Ginyɔse mɔ o kii sun mɔmɔ mɔ, ide kon ne mɔmɔ-tede Gyosefo mɔ gi lɔɔ lee mɔ-nyoro nyiile mɔmɔ. Nfono ne Igyipiti wura mɔ gi kyu bii gesu gebono dɔ Gyosefo gi lii mɔ.

14 Gyosefo gi sun kpaa kyu mɔ-se Gyeekɔpo mɔ-re mɔ-ade pewu yee me' baa kyena mɔ ase. Mɔmɔ pewu gegyɔnɔ ge gye asa ikue-isa de saalaa asa anun.

15 Gesintin mɔ, Gyeekɔpo gi koso mɔ-re mɔ-ade mɔ, ne me kpaa kyena Igyipiti gesinkpan so. Gyeekɔpo de mɔ-biana, aye-naanaana mɔ, me kyena Igyipiti kaabore me wu' nno.

16 Me kya wu' mɔ, abono me te de ansi mɔ me kya sola ibuni mɔ kyu kpe Sikyem ɔsowole so kpaa wɔra folebo gekyan geko dɔ. Mɔmɔ-naana Aberaham ne n kale aterenbi wolaa sɔɔ genen gekyan gebono yela. ɔ sɔɔ gemɔ lii ɔnyen ɔko mɔ-biana ase me kya tere mɔ yee Hamɔ.

17 "Owi ɔbono Wurubuaare laa baa wɔra ilaa ibono ɔ wolaa ka yela sa Aberaham mɔ kya fuude mɔ, aye-asa abono me kpaa kyena Igyipiti awura ase mɔ me yelege nyaakyo too.

18 I bo no i bo no mɔ, wura pobɔrɔ ɔko gi baa gyi gewura sa Igyipiti awura. Genen wura ɔbono bere men nyi Gyosefo.

19 O kyu adawo ɔ kya wɔra aye-gesu mɔ genɔ. ɔ kya nyise mɔmɔ okyugya. ɔ kya yege me' kyu mɔmɔ-nbii nyensee pobɔrɔ abono me kya koroge mɔ kpaa yela njmanman de me' wu'.

20 “Mɔmɔ-awɔrɔfɔɔ mɔ abere dɔ ne i kyu koroge Mosisi. Mɛ koroge Mosisi genen mɔ, ɔ wɔra ɔdan Wurubuaare ansi so. Mɛ nara kere mɔ so mɔ-sɛ gɛten dɔ ibose isa’.

21 Mɛ kyu mɔ lɪi kpaa yela nɪmanman mɔ, wura mɔ mɔ-bi kyiiɛ ɔko gi kpaa puru mɔ, ne o kyu mɔ bela wɔra fɛɛ mɔ gbaa-gbaa mɔ-bi.

22 Imɔso mɛ kyu Igyipiti awura ilaa wɔrase pɛwu kyu bela mɔ. Mosisi gi sɛɛ wɔra nyamese gbaa’ mɔ-gɛtɔngɛ dɔ de mɔ-ilaa wɔrase dɔ.

23 “O gyi nsi ikue-inyɔ mɔ, i ba mɔ-gewɔnsa dɔ yɛɛ ɔ’ kpaa laa mɔ-nanboana Isirale awura.

24 ɔ kpaa laa mɔmɔ genen mɔ, o wu Igyipitinyen ɔko kya kudi mɔ-nanbo Isiralenyen ɔko ɔ kya daare giyan. Mosisi gi wu genen mɔ, ɔ kɔɔle mɔ-nanbo Isiralenyen mɔ so, ne ɔ mɔɔ Igyipitinyen mɔ.

25 Mosisi gi wɔra genen mɔ, mɔ bere, o nyi yɛɛ mɔ-nanboana Isirale awura mɔ mɛ laa nu ilaa ibono ɔ wɔra mɔ gese de mɛ’ bii yɛɛ Wurubuaare kya laare de ɔ’ naa de mɔ Mosisi so lɛɛ mɔmɔ lɪi mɔmɔ-gebide mɔ dɔ daa. Mosisi gi dabɔle wɔra genen faa, mɔ-nanboana mɔ mɛ mɛn taa nu imo gese sa mɔ.

26 Imɔ gɛde kese mɔ, Mosisi gi naa kpaa lɪi mɔ-nanboana Isirale awura wole-wole anyɔ ako so mɛ yele mɛ kya kɔ. Nfono ne Mosisi gi keda mɔmɔ ne ɔ taase mɔmɔ yɛɛ, ‘Mɛ-nanboana, fɛ mɛn nyi yɛɛ fɛ gye daa nyamese kolon? Fɛn’ baa kɔ.’

27 “Mosisi kya keda mɔmɔ genen mɔ, ɔbono ɔ kya kudi mɔ-nanbo mɔ gi nen Mosisi kpaa yela nkan ne ɔ taase Mosisi yɛɛ, ‘Anɛ ne n lɛɛ fo yɛɛ fo’ kere aye so de fo’ gyi aye-nbɛle?’

28 Fo kya laare de fo’ mɔɔ mɛ fɛɛ genɔɔbono deerɪ fo ti mɔɔ Igyipitinyen mɔ abɛɛ?’

29 Mosisi gi nu ilaa ibono mɔ-nanbo Isiralenyen gi taase mɔ mɔ, ɔ koso sele lɪi genen ɔsowole ɔbono so ne ɔ kpaa kyena Midiyan awura gesinkpan so. ɔ koroge nbii nyenseɛ nnyɔ nno.

30 “Owi ɔbono Mosisi tɛ Midiyan mɔ, imɔ nsi ikue-inyɔ gemara mɔ, Wurubuaare dɔ ɔsɔɔ gi lɛɛ mɔ-nyoro nyiile mɔ giponfɛ giko dɔ. Giponfɛ mɔ gi yele gi kya dɛɛ gipen dɔ sindi Saanayi gibii.

31 Mosisi gi wu genen mɔ, i dɛ mɔ-genɔ. Imɔso ɔ kya tu ɔ kya sindi giponfɛ mɔ de ɔ’ lɔrɔ kere dɔɔdan mɔ, o nu Wurubuaare gigyebi’. Wurubuaare gi tɔgɛ sa mɔ yɛɛ,

32 ‘Mɛ ne n gye Wurubuaare ɔbono fo-naanaana Abraham, de Ayisiki, de Gyeekɔpo me son mɔ.’ Nfono mɔ, i wɔra Mosisi gifuu. ɔ san ɔ yele nno ɔ kya seli. ɔn baa taale diire ansi kere giponfɛ mɔ gɛten gbaa.

33 Nfono ne Wura Wurubuaare gi tɔgɛ sa Mosisi yɛɛ, ‘Nɛ kpeleɛ ba nfono fo yele faa. Imɔso lɛɛ fo-ayaawole.

34 Genɔɔbono Igyipiti awura mɛ kya wɔra mɛ-ade abono mɛ bo mɔmɔ-gesinkpan so mɔ genɔ mɔ, ne wu de mɛ-ansi. Ne nu mɔmɔ-ɔsulon ne ne kpeleɛ ba de n’ baa mɔleɛ ɔmɔ. Ide kon tu ba. Nan sun fo Igyipiti.’

35 “Genen Mosisi baare ne aye-naanaana Isirale awura mɔ mɛ naa kyena gya mɔ. Mɛ taase mɔ genen abere abono dɔ yɛɛ, ‘Anɛ ne n lɛɛ fo yɛɛ fo’ kere aye so de fo’ gyi aye-nbɛle?’ Mosisi baare, mɔ, kee ne Wurubuaare gi sun yɛɛ ɔ’ kere mɔmɔ so de ɔ’ sɔgɛ mɔmɔ lɪi mɔmɔ-gebide dɔ. Wurubuaare dɔ ɔsɔɔ ɔbono Mosisi gi wu giponfɛ mɔ dɔ mɔ ne nan kpaa mɔ.

36 Mosisi gi lɛɛ aye-naanaana mɔ lɪi Igyipiti awura gesinkpan mɔ so. ɔ wɔra ilaa gbaa’gbaa ibono i lɛɛ nyiile yɛɛ Wurubuaare ɔlon bo mɔ dɔ. ɔ wɔra ilaa ibono i kya dɛ genɔ mɔ Igyipiti gesinkpan so de apoo abono mɛ

kya tere mo yee Apoo Pebara mo so. Nsi ikue-inyo mumuli do kee mo, o kpe o kya wora ilaa gbaa'gbaa gipen mo do.

37 "Genen Mosisi baare ne n toge sa aye-naanaana Isirale awura mo owi oko do baa kyon yee, 'Wurubuaare laa lee mo Wurubuaare ikalan otogebo oko lii feye do sa feye fee genobono o lee me Mosisi kee sa feye mo.'

38 Owi obono aye-naanaana me bo gipen mo do mo, Mosisi mo-re Wurubuaare do osoo kee me bo momo ase nno. Wurubuaare do osoo mo kya tonge sa Mosisi Saanayi gibii so de Mosisi mo o' kyu genen ikalan ibono kyu kpaa buu sa aye-naanaana mo. Imo ne n de sa aye baa lii de nde faa, ne i laa de sa aye gekpaa-gekpa.

39 "Imo-re imo genen gbaa mo, aye-naanaana mo me kine me men nu Mosisi gede. Me nyaa Mosisi-lee mo yela nkan ne momo-nwonsa gi kii kpe Igyipiti gesinkpan so.

40 Abero abono Mosisi bo gibii mo so o kya nu Wurubuaare ikalan mo, me baa kole aye-naana Aron yee, 'Wora ikpere sa aye de a' son imo de i' nye gyangbara sa aye. Mosisi obono o kpare aye kyu lii Igyipiti gesinkpan mo so mo bere an baa wu mo, ne a men nyi ilaa ibono i wora mo mo.'

41 Nfono ne Aron gi yeye me wora okpere fee genaadebi ne me kyu nbue kyu kyoole mo. Me kere genen okpere obono momo anyamese me kyu momo-abaa kyu poro genen mo, i wora momo okon.

42 Wurubuaare, mo, men kya laare genen. Genen so mo, o lee mo-ansi taa momo yeye yee me' wora ibono i bo momo obole mo, ne me san kyu agyekpebi kyu bingiri momo-ikpere me kya son amo ibono in gye Wurubuaare gelaare. Me wolaa nmarase momo-ilaa ide yela Wurubuaare ikalan atogebo owole mo do. Me nmarase nno yee,

'O, Isirale awura, mene ilaa ne fe wora faa?
Nsi ikue-inyo nbono fe kyu kyena gipen mo do

ne feye yee fe kya kyoole nbue fe kya sa me mo,
in gye me ne fe kya wora imo fe kya sa.

43 Fe sola feye-okpere Moloki mo-re mo-obu kee fe naa fe kya son.
Ne feye-okpere Refan obono fe sale mo fee gigyekpebi mo kee
ne fe sola fe naa.

Genen ilaa ibono feye gbaa-gbaa ne n kyu feye-abaa kyu wora imo mo,
fe baa kii son imo?

Kyu lii genen ilaa ibono so mo, me Wurubuaare nan gya feye koso
de n' kpere feye kpaa kyena Babilon awura gesinkpan mo gemara.'

44 "Ansaana, fe' nu yee aye-naanaana me bo gipen mo do mo, me nye Wurubuaare osonten momo ase. I gye nbue iwole-lee panpan obono me kya taale bo mo sola naa naa mo. Wurubuaare ne n kaala panpan mo gidebi nyiile Mosisi, ne Mosisi gi yeye me wora panpan mo fee genobono Wurubuaare gi kaala nyiile mo mo.

45 Aye-naanaana mo me kyu panpan mo kyu sa momo-biana, ne momo-biana momo-re momo-obelense Gyosuwa me kyu panpan mo kyu ba gesinkpan gebono so a te faa. Pei de me' loo baa loo gerenaa mo, asa kpei-kpei me ti wolaa me te gere, ne Wurubuaare gi gya momo abono koso ne o soge gesinkpan mo kyu sa aye-naanaana.

"Genen Wurubuaare nbue iwole-lee panpan obono n dare faa gi sii aye-naanaana ase genen-n kaabore i baa fo Deefidi gekyena do.

46 Deefidi gi gyi Wurubuaare ginsi ne Wurubuaare gi wora wora ilaa sa mo. Ne Deefidi gi kole Wurubuaare yee o' yeye mo de o' yii obu gbaa-gbaa de i' wora mo Wurubuaare obono mo-naana Gyeekopo gi son mo osonten.

⁴⁷ Deefidi gi kole Wurubuaare genen mo, i men gye mo gbaa-ghaa ne n nye yii Wurubuaare osonten mo. Mo-bi Solomon ne n baa yii genen obu mo.

⁴⁸ “Wurubuaare gi yegɛ Solomon gi dabole yii Wurubuaare oson obu mo genen gbaa faa, Gitobele mo men kya kyena ibu ibono anyamese me kyu momo-abaa kyu poro mo do. Wurubuaare ikalan otogebɔ oko gi wolaa nmarase imo so ilaa yela

⁴⁹ yee,

Wurubuaare gi toge yee,

‘Wurubuaare do ne n gye me-gewuragyapaa.

Gesinkpan ne n gye me-ayaa do owole toose.

Ne mene obu onan ne fe laa poro wɔra me yee me-obu ne?

Fone do ne fe laa taale loro yela yee n' baa kyena?

⁵⁰ I men gye me gbaa-ghaa ne n' kyu me-abaa kyu poro ilaa kamaase pewu?

⁵¹ “Feye abelense abono fe te gere faa, feye-aso do i korɔ ifuu. I wone so ne fe bo gisomaanu fee abono men kya son Wurubuaare genen? Fe man kyu feye-gisen kyu sa Wurubuaare, ne fe man nu Wurubuaare gedɛ. Ilaa ibono aye-naanaana de aye-sɛana me wɔra mo, imo-ayaa kee ne fe buu faa. Owi kamaase do fe kpe fa-a kine Wurubuaare Oduduu mo gelaare.

⁵² Wurubuaare ikalan otogebɔ omo ne n bo no yee aye-sɛana de aye-naanaana me men ka mo-ansi? Me momo-moo Wurubuaare ikalan otogebɔ abono me wolaa toge yela yee Gesintin Wura laa ba gesinkpan so mo. Gesintin mo, Yesu, obono o gye Gesintin Wura mo, gi kpaa ba mo, fe kyu mo wɔra asa abaa do, ne me momo mo sa feye.

⁵³ Yegɛ feye ne Wurubuaare do isoo mo me kyu Wurubuaare nbara mo baa sa, ne feye, mo, ne men gyi nmo so faa.”

⁵⁴ Nbele agyibo mo me nu genen ilaa ibono Sitiifen yele o kya tonge o kya sa momo mo, i kyogede momo-asen do ne me san me kya we nyoro kyu lii mo so.

⁵⁵ Sitiifen bere, Wurubuaare Oduduu mo gi suu de mo so mo, o diire mo-ansi kere soso yiridididi mo, o wu Wurubuaare nyisigyɛ ne o wu Yesu yele Wurubuaare ase Wurubuaare gibaa gyise so.

⁵⁶ Sitiifen gi wu genen mo, o toge sa abelense mo yee, “Fe' kere! Soso i bugi ne Yesu, anyamese pewu momo-daa mo, yele Wurubuaare ase mogibaa gyise so.”

⁵⁷ Sitiifen gi toge sa momo genen mo, me puide mo so, ne me kyu momo-abaa tii momo-aso de men' baa nu ilaa ibono o kya toge mo. Nfono mo, momo pewu me dabun mo so gikolon,

⁵⁸ ne me biide mo lii nten nkan kpe me' kpaa da mo abui mo. Pei ne nbele agyibo mo me laa da mo abui mo mo, me marage momo-akuru kyu kpaa yela onyen oko ase, me kya tere mo yee Soolo.

⁵⁹ Me kya da Sitiifen abui genen mo, Sitiifen gi saawo tere Yesu yee, “Me-Wura Yesu, fo-abaa do ne n' de me-onɛ n kya wɔra.”

⁶⁰ Nfono mo, Sitiifen gi sii nmii ne o kpen ken-ken yee, “Me-wura, kyu momo-ilaa nyenyɛn ibono me kya wɔra faa kyu kyee momo.” Sitiifen gi dalaa genen mo, o lee onɛ.

8

Me Ka Yesu Asonbo Gikpen Mo Ansi

¹ Soolo gi yele abono me momo Sitiifen mo gemara.

Kpe san kyu lii geke gebono me da Sitiifen abui moɔ mo kyu kyon mo, asa me loro me kya ka Yesu asonbo gikpen gibono gi bo Gyerusalem mo ansi gikyo. I yege momo pewu me san yaase gyan' de Gyudiya de Samariya nsinkpan so. I san daa Yesu isoo mo wole nno.

² Me moɔ Sitiifen genen mo, asa abono me sele Wurubuaare mo do ako me pule mo, ne me su mo gesintin so.

³ Yesu asonbo gikpen mo onon mo so mo, Soolo kpe o kya wɔra momo anyanyan daa. O kya gbere loo nten-ana do kpaa biide anyen de akyii lii kyu kyon kpaa tii de obu.

Filipo Gi Naa Samariya So

O Kya Toɔge Yesu Okalan Konkonse Mo So Ilaa

⁴ Yesu asonbo abono me yaase me naa mo, me kpe me kya toge Wurubuaare okalan konkonse mo me kya sa asa nfonoana me naa me naa mo.

⁵ Filipo gi kyon kpe osowole bele obono me kya tere mo yee Samariya mo ne o kpaa toge sa nno asa yee obono o laa molege asa de me' nye Wurubuaare ase gekyena mo gi ti ba gesinkpan so.

⁶ Sakpii bele mo do okamaase gi yela giso ne o nu Filipo ase, ne asa me wu ilaa gbaa'gbaa ibono o kyu Yesu onon wɔra mo de momo-ansi.

⁷ I lii fee o kye asa sakyɔ abono i mara omo mo de otageseana. Ne o yege ilaa nyenyen oduduu ibono i te asa sakyɔ so mo i saawo ken-ken koso momo so.

⁸ Kyu lii genen so mo, i wɔra osowole obono so asa okon kyode.

Fewura Oko Gi Nu Wurubuaare Agyebi

⁹ Onyen oko gi kyena genen Samariya osowole obono so, me kya tere mo yee Simon. Simon baare kya wɔra afe nno mo i keela. O kya nyiile mo-nyoro yee mo ne n bo no. Mo-ilaa wɔrase i kya de asa geno Samariya gesinkpan pewu so.

¹⁰ Nyamese kamaase obono o bo nno mo, gebii-o, obelense-o, kya yela giso nu Simon baare ase. Asa me san me kya toge yee, "Genen onyen baare ne n gye Wurubuaare onon obono me kya tere mo yee Obele mo."

¹¹ Simon baare wolaa o kya wɔra afe ne i kya de asa geno mo, in gye genen owi obono do, i keela. Imoso asa mo me kya nu mo-gede.

¹² Filipo gi kpe nno, ne o kpaa toge Wurubuaare okalan konkonse mo sa asa de me' nu Wurubuaare gewuragi do akyenabi mo ilaa. O toge omo yee Yesu ne n gye obono o laa molege asa de me' nye genen akyenabi abono. Asa mo me nu Filipo ilaa toge so mo, me soo imo gyi, ne o gyere momo Wurubuaare sagyere, momo-re momo-anyen de akyii.

¹³ Simon fewura baare gbaa kee gi soo Filipo ilaa toge so mo gyi ne o nye Wurubuaare sagyere. O san kyu mo-nyoro kyu da mada de Filipo. Filipo kya wɔra ilaa gbaa'gbaa ibono nyamese man taale wɔra mo-gibaa so ne i kya lee Yesu onon bele gewi nyiile asa. Simon obono nkana o gye fewura mo, kya wu genen mo, i kya de mo-geno gikyo.

¹⁴ Imo gemara mo Yesu isoo mo me bo Gyerusalem mo me nu yee Samariya awura me soo Wurubuaare agyebi mo gyi. Imoso Yesu isoo mo me lee momo do asa anyo, Piita mo-re Gyɔn kyu sun genen asa abono ase nno.

¹⁵ Me kpe mo, me kpaa dalaa sa momo de me' nye Wurubuaare Oduduu mo o' ba momo so.

16 I kya nyiile yɛɛ Samariya awura mɔ mɛ nyɛ daa Wurubuaare sagyere mɔ wɔlɛ Wura Yesu ginyen dɔ. Mɛɲ ti nyɛ de Wurubuaare Oduduu mɔ ɔ' baa bun mɔmɔ ɔko-rɛ ɔko so.

17 Piita mɔ-rɛ Gyɔn mɛ dalaa sa mɔmɔ mɔ, mɛ kyu mɔmɔ-abaa gyan' mɔmɔ so, ne Wurubuaare Oduduu mɔ gi baa bun mɔmɔ so.

Fɛwura Mɔ Nyi Yɛɛ Aterenbi A Laa Taale Sɔɔ

Wurubuaare Oduduu ɔlon

18 Nfono mɔ, ibono Simon gi wu Piita mɔ-rɛ Gyɔn, Yesu isɔɔ mɔ, mɛ kya kyu mɔmɔ-abaa gyan' asa so ne Wurubuaare Oduduu mɔ kya baa bun mɔmɔ so mɔ, o kyu aterenbi kyu sa mɔmɔ.

19 Ne ɔ tɔɛ sa Piita mɔ-rɛ Gyɔn yɛɛ, "Fɛ' sɔɔ aterenbi adɛ de fɛ' kyu genen ɔlon ɔbono fɛ bo faa kyu gbaa me-gibaa de ɔkamaase ɔbono me kee ne nyɛ kyu me-abaa gyan' mɔ so mɔ, ɔ' nyɛ Wurubuaare Oduduu mɔ ɔ' baa bun mɔ so."

20 Simon gi tɔɛ genen mɔ ne Piita gi tɔɛ sa mɔ yɛɛ, "Fo-rɛ fo-aterenbi nɛɛ, fo-rɛ Wurubuaare abaa anyɔ! Aterenbi a maɲ taale sɔɔ ilaa ibono Wurubuaare kya kyu kyɛɛ mɔ.

21 Fo maɲ taale saare aye dɔ de fo' wɔra ilaa ide ɔnan. I kya nyiile yɛɛ fo-gisen dɔ in boran Wurubuaare ansi so.

22 Nu fo-nyoro gɛsɛ de fo' kyɛɛɛ lii ilaa nyɛnyɛn ibono fo de faa dɔ de fo' dalaa kole Wurubuaare yɛɛ nengyene i laa sa mɔ, o' kyu fo-nwɔnsa nbono fo de faa kyu kyɛɛ fo.

23 I kya nyiile yɛɛ ne wu fo faa ako genyɛ gɛ gye fo gelaaloo. Ilaa nyɛnyɛn kee i suu fo gɛgbɛ."

24 Nfono mɔ, Simon mɔ gi kole Piita mɔ-rɛ Gyɔn yɛɛ, "Fɛ' dalaa sa Wurubuaare sa me de genen ilaa ibono fɛ dare faa dɔ iko-rɛ iko i' mɛɲ sa i' ba me so."

25 Piita mɔ-rɛ Gyɔn mɛ lɛɛ Wura Yesu agyɛbi de mɔ-ilaa ibono mɛ wu de mɔmɔ-ansi mɔ tɔɛ sa nno asa ta mɔ, mɛ kii kyon kpe Gyɛrusalem. Mɛ kya kpe mɔ, mɛ naa de Samariya awura isowolɛ gikyɔ so mɛ kya tɔɛ Wurubuaare ɔkalan konkonse mɔ ma-a sa nno awura kee pei ne mɛ kpaa loo Gyɛrusalem.

Filipo Gi Tɔɛ Wurubuaare ɔkalan Sa Itopiyanyen ɔko

26 Owi ɔko dɔ mɔ, Wurubuaare dɔ ɔsɔɔ ɔko gi baa tɔɛ sa Filipo yɛɛ, "Koso, de fo' kpeleɛ de gɛsɛ so naa de ɔkpa ɔbono ɔ de lii Gyɛrusalem kyu kpe de Gaasa ɔsowolɛ so mɔ. Genen ɔkpa ɔbono ne n kya loo de gipen dɔ lii mɔ."

27 Gɛsintin mɔ, Filipo gi koso yii ɔkpa ɔ kya kpe. Filipo kya kpe mɔ, ɔ baa kerɛ mɔ, Itopiyanyen ɔko ne. Itopiyanyen mɔ gye daa ɔbelɛnsɛ gbaa', ne ɔ bo abono mɛ kya kerɛ Itopiya wura so mɔ dɔ. Itopiya awura bere mɔmɔ-wura gye daa ɔkyii. Onyen mɔ ne n gye ɔbelɛnsɛ ɔbono ɔ kya kerɛ wura kyiiɛ mɔ aterenbi de mɔ-awuratɔ pɛwu so. Genen ɔbelɛnsɛ baarɛ gi kpe Gyɛrusalem kpaa son Wurubuaare.

28 ɔ kya kii mɔ ne Filipo gi kpaa tu mɔ genen. ɔbelɛnsɛ mɔ tɛ ilaa iko dɔ i naa, mɔ, bee ne n kya biidɛ genen ilaa mɔ. I so Itopiyanyen mɔ i naa genen mɔ, ɔ kya kale ilaa ɔ kya lii ɔwolɛ ɔbono Wurubuaare ikalan ɔtɔɛbo Isaya gi nmarase mɔ dɔ.

29 Nfono mɔ, Wurubuaare Oduduu mɔ gi tɔɛ sa Filipo yɛɛ, "Naa kpe de fo' kpaa naa sindi ɔbelɛnsɛ baarɛ."

³⁰ Gesintin mɔ, Filipino gi sele kpe ɔbelense mɔ ase ɔ naa sindi mɔ. O nu ɔbelense mɔ kya kale ilaa ɔ kya lii ɔwole ɔbono Wurubuaare ikalan ɔtɔgebo Isaya gi ηmarase mɔ dɔ. Filipino gi nu mɔ, ɔ taase ɔbelense mɔ yee, "Fo kya nu ilaa ibono fo kya kale faa gese ne?"

³¹ ɔbelense mɔ gi lee geno yee, "Nne ne nan wɔra de n' nu gese? Genen mɔ, ne nye ɔko gi lee gese sa me." Nfono mɔ ɔbelense mɔ gi kole Filipino yee ɔ' dii loo baa kyena mɔ ase. Gesintin mɔ, Filipino gi dii loo kyena mɔ ase.

³² Wurubuaare agyebi abono ɔbelense mɔ kya kale genen owi ɔbono dɔ mɔ ne n gye yee,

"Me kpare mɔ lii kpa mɔɔ fee sande.

Mɔ mɔ gi sii kurun fee gesandebi ne me keda me laa daase.

Oη bugi mɔ-geno.

³³ Me wɔra mɔ ipeeli.

Me men gi mɔ-nbele gesintin ɔkpa so.

Ibono me ten mɔ-agyo faa,

ɔko-re ɔko man baa nye wu mɔ-biana abee mɔ-naanaana ilaa tɔge."

³⁴ Filipino gi dii ɔ te ɔbelense mɔ ase mɔ, ɔbelense mɔ gi taase mɔ yee, "Ane ne Wurubuaare ikalan ɔtɔgebo mɔ dare faa? ɔ tɔge kyu lii mɔ gbaa-gbaa mɔ-nyoro so abee ɔko kpei ne ɔ dare daa?"

³⁵ ɔ taase Filipino genen mɔ, Filipino gi lee geno yee Yesu ne ɔ dare genen, ne ɔ tɔge Yesu ɔkalan konkonse mɔ sa ɔbelense mɔ. Filipino laa lee Yesu ɔkalan konkonse mɔ tɔge sa ɔbelense mɔ mɔ, ɔ yii gese lii daa Wurubuaare agyebi mɔ nfono ɔbelense mɔ kya kale mɔ.

³⁶ Me kya kpe mɔ, me kpa tu nkyu nko. ɔbelense mɔ gi tɔge Filipino yee, "Kere, nkyu. Mene ne n bo no i laa taa tii me-ɔkpa de men sa n' nye sɔɔ Wurubuaare sagyere?" [

³⁷ Filipino gi tɔge sa ɔbelense mɔ yee, "Nengyene fo ka gyan Yesu so lii fo-gisen dɔ bere mɔ, ɔkpa de fee fo' nye Wurubuaare sagyere." Nfono mɔ ɔbelense mɔ gi lee geno yee, "Ne ka gyan Yesu Kirisito so yee mɔ ne n gye Wurubuaare mɔ-bi mɔ."]

³⁸ Nfono mɔ, ɔbelense mɔ gi yege me sii ye le ne mɔ-re Filipino me loo nkyu mɔ dɔ ne Filipino gi gyere mɔ Wurubuaare sagyere.

³⁹ Me dii lii nkyu mɔ dɔ mɔ, Wurubuaare Oduduu gi puru Filipino kyon kpe geteeko. ɔbelense mɔ men baa wu mɔ. ɔbelense mɔ gi san keda mɔ-gewi ɔkpa de ɔkon fee ɔ ka gyan Yesu so.

⁴⁰ Wurubuaare Oduduu mɔ gi puru Filipino lii Itopiya ɔbelense mɔ ase genen mɔ, Filipino gbaa-gbaa ɔ' baa kere mɔ, ɔ ti ɔ ye le ɔsowole ɔbono me kya tere mɔ yee Asotusi mɔ so. Nfono mɔ Filipino gi naa de isowole ɔ kya tɔge Wurubuaare agyebi mɔ ɔ sa asa genen-n kaabore ɔ kpa loo ɔsowole bele ɔbono me kya tere mɔ yee Sesariya mɔ so.

9

Yesu Gi Lee Mɔ-Nyoro Nyiile Sɔɔlo ɔkpa Nsana

¹ Genen owi ɔbono pɛwu mɔ, Sɔɔlo gi luu mɔ-ansi gyan' Wura Yesu akasebo mɔ so, ɔ kya laare ɔmɔ-imɔɔten. Genen so mɔ ɔ kpe Gyuda awura asunbi aleɛbo gemu mɔ ase kpa tɔge mɔ

² yee ɔ kya laare de ɔ' kpe Damasikose ɔsowole so de ɔ' kpe mɔmɔ Gyuda awura akyangbon dɔ. O kpe ne ɔ wu ɔko kya son Wurubuaare kyu naa de Yesu-lee ɔkpa mɔ so mɔ, ɔ gye ɔnyen-ɔ ɔkyii-o mɔ de ɔ' ηminde mɔ kyu mɔ ba Gyuda awura asunbi aleɛbo gemu mɔ ansi dɔ Gyerusalem nno.

Imɔso asunbi alɛɛbo gɛmu mɔ ɔ' sa mɔ mɔ-gibaa dɔ ɔwɔle de i' wɔra yɛɛ mɔ ne n sun mɔ.

³ Gɛsintin mɔ, Sɔɔlo gi nyɛ ɔwɔle mɔ, ne o yii ɔkpa. O fuude Damasikose ɔsowole mɔ, ɔ baa kerɛ mɔ, fatela gi lii Wurubuaarɛ dɔ baa kyaabɔɔ mɔ gikolon fɛɛ nyangbon ne n wiisɛɛ.

⁴ Ɔ lii tɔrɔ ne o nu gigyebi' giko gi terɛ mɔ nno nnyo yɛɛ, "Sɔɔlo, Sɔɔlo." Ne gigyebi' mɔ gi taasɛ mɔ yɛɛ, "Mɛnɛ n wɔra ne fo kya ka mɛ-ansi genɛn?"

⁵ Sɔɔlo gi lɛɛ gɛnɔ taasɛ yɛɛ, "Mɛ-wura ɔmɔ ne?" Ne gigyebi' mɔ gi tɔgɛ mɔ yɛɛ, "Mɛ ne n gye Yesu, ɔbono fo kya ka ansi mɔ.

⁶ Fo berɛ, dabɔle koso de fo' naa loo ɔsowole mɔ so. Fo ti loo nno mɔ, mɛ laa tɔgɛ fo ilaa ibono i kaabore fo' wɔra mɔ."

⁷ Wɛn abono mɔmɔ-rɛ Sɔɔlo mɛ kya kpe ɔkpa ɔbono mɔ mɛ sii yelɛ mɛ mɛn tɔgɛ ba-a gigyebi. Mɛ nu gigyebi' mɔ berɛ, mɛ mɛn kii wu ɔko-rɛ ɔko.

⁸ Sɔɔlo gi nyisɛ koso ne o bugi mɔ-ansi mɔ, ɔn baa ɔ kya wu sɛi. Imɔso mɛ keda mɔ daa de gibaa kyu loo Damasikose ɔsowole mɔ so.

⁹ Nkɛ nsa pɛwu mɔ, ɔ mɛn kya wu. Ɔn kya gyi, ne ɔn kya nun.

Wurubuaarɛ Gi Nyiile Ananiyase Yɛɛ Ɔ' Kpaa Dalaa Bugi Sɔɔlo Ansi

¹⁰ Genɛn owi ɔbono dɔ mɔ, Yesu akasebo mɔ dɔ ɔko bo Damasikose ɔsowole ɔbono so nno; mɛ kya terɛ mɔ yɛɛ Ananiyase. Wura Yesu gi lɛɛ nyiile Ananiyase baarɛ fɛɛ oderɛ ne ɔ terɛ mɔ-ginyɛn so yɛɛ, "Ananiyase." Yesu gi terɛ mɔ genɛn mɔ ne o kyule yɛɛ, "Mɛ-wura, mɛ ne."

¹¹ Ananiyase gi kyule mɔ, Wura Yesu gi tɔgɛ sa mɔ yɛɛ, "Koso kpe ɔkpa ɔbono mɛ kya terɛ yɛɛ Ntintin Ɔkpa mɔ dɔ de fo' kpe Gyudase gɛtɛn dɔ. Fo loo gikpaara mɔ so mɔ, taasɛ ɔnyɛn ɔko so, mɛ kya terɛ mɔ yɛɛ Sɔɔlo. Ɔ gye Taasu ɔsowole so isa; ɔ ba ɔ bo nno ɔ kya dalaa.

¹² Ɔ kya dalaa mɔ, nɛ ti wolaa lɛɛ nyiile mɔ fɛɛ oderɛ yɛɛ ɔko laa ba mɔ asɛ. Mɛ kya terɛ mɔ yɛɛ Ananiyase. Nɛ tɔgɛ mɔ yɛɛ Ananiyase laa kyu mɔ-abaa kyu gyan' mɔ so de mɔ-ansi mɔ a' bugi sa mɔ de o' kii nyɛ ɔ kya wu."

¹³ Nfono mɔ Ananiyase gi lɛɛ gɛnɔ yɛɛ, "Mɛ-wura, nɛ ti nu Sɔɔlo baarɛ ilaa lii asa sakyɔ asɛ. Nɛ nu yɛɛ ilaa nyɛnyɛn ibono ɔ de ɔ kya wɔra fo Yesu adɛ abono fo lɔrɔ yela sa fo-nyoro Gyerusalem ɔsowole so mɔ i nyaakyɔ.

¹⁴ Ne ibono ɔ ba gɛrɛ faa, ɔ bo ɔkpa lii Gyuda awura asunbi alɛɛbo abelɛnsɛ mɔ asɛ de o' nminde nyamɛsɛ kamaasɛ ɔbono ɔ laa dalaa terɛ fo Yesu ginyɛn mɔ kyu kpaa tii de obu."

¹⁵ Nfono mɔ Wura Yesu gi buu sa Ananiyase yɛɛ, "Fo berɛ, koso kpe mɔ asɛ daa. Nɛ lɛɛ gibaa yii mɔ yɛɛ ɔ' tɔgɛ mɛ-ilaa sa gɛsinkpan so asa kpɛi-kpɛi, de awura-awura, de Isirale awura kee.

¹⁶ Mɛ gbaa-gbaa ne nan nyiile mɔ gɛnɔɔbono ɔkara ɔ laa wu awɔrɔfɔw mɛ so mɔ."

¹⁷ Nfono mɔ, Ananiyase gi koso lii kpaa loo gɛtɛn gɛbono dɔ Sɔɔlo gi sogɛ mɔ, ne ɔ kpaa kyu mɔ-abaa kyu gyan' Sɔɔlo so ne ɔ tɔgɛ sa mɔ yɛɛ, "Mɛ-nanbo Sɔɔlo, Wura Yesu ɔbono ɔ lɛɛ mɔ-nyoro nyiile fo ɔkpa dɔ gɛkaabono fo kya ba gɛrɛnaa mɔ ne n sun mɛ fo asɛ faa. O sun mɛ yɛɛ n' baa yɛgɛ fo-ansi mɔ a' bugi de fo' kii nyɛ wu ilaa de Wurubuaarɛ Oduduu kee ɔ' baa suu de fo."

¹⁸ Ananiyase gi kpe tɔgɛ genɛn ta mɔ, ayaa abono so mɔ, i wɔra Sɔɔlo fɛɛ ilaa iko ne n kyale lii mɔ-ansi dɔ. Mɔ-ansi mɔ a' bugi ne o' kii nyɛ ɔ kya wu. Ɔ koso yelɛ ne mɛ gyere mɔ Wurubuaarɛ sagyere.

19 Mɛ laare ilaa iko sa mɔ ne o gyi. I baa wɔra ŋmaraa mɔ, ɔ nye ɔlon kon.

Sɔɔlo Gi San ɔ Kya Tɔge Yesu ɔkalan Konkonse Mɔ ɔ Kya Sa Asa

Idɛ gemara mɔ, Sɔɔlo gi sii kyena Yesu akasebo mɔ ase Damasikose nno nke kalɛsɛ.

20 Ayaa abono so mɔ, ɔ san ɔ kya kpe daa Gyuda awura akyangbon dɔ ɔ kya lɛɛ ɔ kya tɔge ɔ sa asa yɛɛ, "Yesu ne n gye Wurubuaare mɔ-bi mɔ."

21 Nyamesɛ kamaasɛ ɔbono o nu ilaa ibono Sɔɔlo kya tɔge mɔ, i kya dɛ mɔ-gɛnɔ. Asa mɛ san mɛ kya taasɛ yɛɛ, "In gye Sɔɔlo ne n kya yege ɔlanba kya tɔɔ Gyerusalem asa abono mɛ dɛ Yesu ginyen mɛ kya son Wurubuaare dɔ mɔ? In gye genen so ne ɔ ba gere de ɔ' baa keda asa ŋminde kyu kperɛ asunbi alɛɛbo abelɛnsɛ faa?"

22 Sɔɔlo, mɔ, kpe ɔ kya lɔɔɔ ɔ kya tɔge Yesu ilaa ɔ kya too daa. ɔ keda nyoro ɔ kya lɛɛ ɔ kya tɔge yɛɛ Yesu ne n gye ɔbono ɔ kya mɔleɛge asa de mɛ' nye Wurubuaare asɛ gɛkyena mɔ, ne Gyuda awura abono mɛ bo Damasikose nno mɔ gɛnɔ gɛ wu'.

23 Sɔɔlo gi kyena nno kɛɛla mɔ, Gyuda awura abono mɛ bo nno mɔ mɛ gyan' ne mɛ da gedɛ yela yɛɛ mɛ laa mɔɔ mɔ.

24 Mɛ da mɔ gedɛ genen mɔ, Sɔɔlo gi bii. Genyɛ de gɛpɛ mɔ, mɛ san mɛ kya dii nbunono nbono gi dɛ lii ɔsowolɛ mɔ dɔ mɔ de mɛ' nye mɔ mɔɔ.

25 Genyɛ gɛko mɔ Sɔɔlo akasebo mɛ kyu mɔ kpe de gɛkpen mɔ mɛ yii wɔra ɔsowolɛ mɔ gɛtɛɛko so. Ne mɛ kyu mɔ kyu wɔra gɛkeebii dɔ ne mɛ kpelegɛɛ mɔ de ɔfɛ ne ɔ seɛ kyon.

Sɔɔlo Gi Kii Kpe Gyerusalem

26 Sɔɔlo gi naa kyon kpaa loo Gyerusalem mɔ, ɔ laare fɛɛ o' kyu mɔ-nyoro kpaa loo Yesu akasebo gikpen mɔ dɔ. Yesu akasebo mɔ pɛwu mɛ seɛ mɔ. I kya nyiile yɛɛ mɛ mɛŋ sɔɔ mɔ gyi yɛɛ o bingiri Yesu ɔkasebo gesintin.

27 Nfono mɔ, mɔmɔ dɔ ɔbono mɛ kya tɛɛ mɔ yɛɛ Banabasɛ mɔ gi keda mɔ de gibaa ne o kyu mɔ kpe Yesu isɔɔ mɔ asɛ. Nno ne Banabasɛ gi lɛɛ gɛsɛ dandan sa mɔmɔ kyu lii gɛnɔɔbono so Sɔɔlo gi wu Wura Yesu ɔkpa dɔ ne Yesu gi tɔngɛ sa mɔ mɔ. Banabasɛ gi buu sa mɔmɔ gɛnɔɔbono Sɔɔlo gi naa Damasikose ɔsowolɛ so ɔ kya lɛɛ Wurubuaare ilaa tɔge sa asa Yesu ginyen dɔ mɔ, ne ɔ mɛŋ seɛ nyamesɛ gifuu.

28 San kyu lii nno mɔ, mɔmɔ-rɛ Sɔɔlo mɛ san ma-a wɔra ilaa kamaasɛ dabɔlɛ Gyerusalem nno, ne Sɔɔlo kya lɛɛ Wurubuaare ilaa tɔge sa asa Wura Yesu ginyen dɔ. ɔŋ kya seɛ gifuu.

29 Sɔɔlo kya lɛɛ Wura Yesu ilaa tɔge genen mɔ, ɔ tɔge sa Gyuda awura abono mɛ kya tɔge Geriiki gedɛ mɔ kee, ne mɔmɔ-rɛ Sɔɔlo mɛ sɔɔ akyɔɔlɛ de abara. Mɔmɔ bɛɛ, mɛ kpe ma-a laare mɔ-imɔɔten daa.

30 Nfono mɔ, mɔ-nanboana abono mɛ bo Yesu ɔson mɔ dɔ mɔ mɛ nu genen mɔ, mɛ kyu Sɔɔlo kpeleɛ kyon Sesariya, ne mɛ lɛɛ mɔ-ɔkpa ne ɔ kyon kpe mɔ-gɛwi Taasu.

31 Imɔ gemara mɔ, asa mɛŋ baa ma-a ka Yesu asonbo mɔ ansi. Yesu asonbo abono mɛ bo Gyudiya de Galeli de Samariya nsinkpan so mɔ pɛwu nyoro gi tɔɔɔ ɔmɔ. Wurubuaare kya lɔɔɔ ɔmɔ, ne mɛ dɛ buubuu mɛ kya sa Wura Yesu mɔmɔ-gɛkyena dɔ. Wurubuaare Oduduu mɔ kya kpaa ɔmɔ. Imɔso owi kamaasɛ dɔ mɔ mɛ kpe ma-a nyaakyɔ ma-a too daa.

Piita Gi Wɔra Ilaa Dense Sa Asa Anyɔ Ako

32 Piita kpe ɔ naa geten kamaasɛ. Gɛkɛ gedɛ mɔ ɔ naa kpaa lii mɔ-nanboana abono mɛ kya son Yesu Lida ɔsowolɛ so mɔ so.

³³ Ɔ bo nno mɔ, o wu ɔnyen ɔko me kya tere mɔ-ginyen yee Aniyase. Genen Aniyase baare ayaa a wu'. Nsi gukue mumuli pewu mɔ, ɔ kpe ɔ de daa gifengen so. Ɔ mɛɲ kya taale koso yele.

³⁴ Piita gi wu ɔnyen mɔ genen mɔ, ɔ tere mɔ-ginyen yee, "Aniyase" ne ɔ tɔge sa mɔ yee, "Yesu Kirisito laa kye fo nperɛ-nperɛ. Koso. Bɔɔ fo-gifengen de fo' naa." Ayaa abono so mɔ, ɔnyen mɔ gi koso.

³⁵ Asa abono me te Lida ɔsowole so de Sarɔn gesinkpan so mɔ pewu me wu yee me kyu Yesu ginyen kye Aniyase mɔ, me kyeege lii kpe me kya son Wura Yesu.

³⁶ Yesu ɔkasebo kyiiɛ ɔko te Gyopa ɔsowole so. Me kya tere mɔ yee Tabita. De Geriiki gedɛ dɔ mɔ me kya tere mɔ yee Dɔkase. Mɔ-gekyena dɔ mɔ ɔ kpe ɔ kya wɔra daa gidense ne mɔ-gibaa dɔ i kya bugi sa ayenbo.

³⁷ Genen nke nbono Piita bo Lida mɔ, gilɔ gi baa keda Dɔkase baare ne o wu'. O wu' genen mɔ, me gyere mɔ kpasa abansoro soso-lee obu ɔko dɔ.

³⁸ Gyopa ɔsowole de Lida ɔsowole iɲ bo geta de abara. Imɔso Yesu akasebo abono me bo Gyopa mɔ me nu yee Piita bo Lida mɔ, me lee asa anyɔ kyu sun mɔ ase yee me' kpaɔ tere mɔ yee ɔ' wɔra aniya de ɔ' kpaala ba mɔmɔ ase. Ɔɲ sa ɔ' waala owi.

³⁹ Gesintin mɔ, Piita gi koso ne mɔ-re abono me sun mɔ me kyon. Me kpaɔ loo mɔ, me kyu Piita kyu dii kpe soso obu mɔ dɔ abansoro mɔ soso. Ɔ loo obu mɔ dɔ mɔ, akyii akulaabo abono me bo nno mɔ pewu me baa yele kyaabɔ mɔ me kya saawo. Me kyu ngbe nbono Dɔkase gi baa owi ɔbono ɔ san ɔ te de ansi mɔ kyu nyiile mɔ.

⁴⁰ Piita gi kpiisi mɔmɔ pewu lii obu mɔ dɔ ne o sii ɲmii ne ɔ dalaa. Ɔ dalaa ta mɔ, o kisee mɔ-ansi sa obuni mɔ ne ɔ tɔge yee, "Tabita, koso." Piita gi tɔnge sa obuni mɔ genen mɔ, obuni mɔ gi bugi mɔ-ansi, o wu Piita, ne ɔ koso kyena.

⁴¹ Ɔ koso kyena genen mɔ, Piita gi keda mɔ-gibaa dɔ ne ɔ koso yele mɔ-ayaa so. Nfono mɔ, Piita gi tere asa abono me kya son Yesu de akyii akulaabo mɔ yee me' loo ba, ne o kyu mɔ kyu wɔra mɔmɔ-abaa dɔ de ansi.

⁴² Ɔkyii mɔ gikyingi mɔ gi nu gyan' de Gyopa ɔsowole mɔ pewu. Kyu lii genen so mɔ asa sakyɔ me kyu mɔmɔ-nyoro too Wura Yesu so.

⁴³ Imɔ ide gemara mɔ, Piita gi sii kyena ɔnyen ɔko ase Gyopa ɔsowole mɔ so nno keɛla. Me kya tere ɔnyen mɔ yee Simon. Nbuɛ iwolɛ gesun ne ɔ kya wɔra.

10

Wurubuaare Dɔ Ɔsɔɔ Gi Lee Mɔ-Nyoro Nyiile Kɔniiliyuse

¹ Owi ɔko dɔ mɔ, ɔnyen ɔko gi kyena Sesariya ɔsowole so. Me kya tere mɔ-ginyen yee Kɔniiliyuse. Ɔɲ gye Gyudanyen. Ɔ gye ɔbelense sa Rom asogya gikpen gibono me kya tere gimɔ yee Itali Awura Gikpen mɔ.

² Kɔniiliyuse baare gi kyu mɔ-gisen kyu sa Wurubuaare. Mɔ-re mɔ-geten dɔ asa pewu me kya son Wurubuaare. Ɔ kya kpaɔ ayenbo de aterɛnbi gikyɔ lii mɔ-gisen dɔ. Owi kamaase dɔ mɔ, ɔ kya dalaa sa Wurubuaare.

³ Geke gedɛ owi gbaase mɔ, i lee nyiile mɔ fee oderɛ ne o wu Wurubuaare dɔ ɔsɔɔ naa ɔ kya loo mɔ ase faa tentegelen, ne Wurubuaare dɔ ɔsɔɔ mɔ gi tere mɔ-ginyen so yee "Kɔniiliyuse."

⁴ Wurubuaare dɔ ɔsɔɔ mɔ gi tere Kɔniiliyuse genen mɔ, i wɔra Kɔniiliyuse gifuu ne ɔ kere Wurubuaare dɔ ɔsɔɔ mɔ faa yiridididi. Nfono mɔ Kɔniiliyuse gi taase mɔ yee, "ɔbelense?"

Wurubuaare dɔ ɔsɔɔ mɔ gi tɔge sa mɔ yee, “Fo-gedalaa gebono fo kya dalaa sa Wurubuaare mɔ de fo-aye abono fo kya wɔra sa ayenbo mɔ i loo Wurubuaare ase, ne ɔ kya nyingi fo so.

⁵ Ide kon berɛ koso, de fo' sun ako de mɛ' kpe Gyopa kpaɛ tere ɔnyen ɔko nno. Mɛ kya tere mɔ yee Simon. Mɔ-ginyen giko kee ne n gye Piita.

⁶ ɔ sogɛ daa Simon ase kee. Nbuɛ iwolɛ gesun ne ɔ kya wɔra. Mɔ-geɛn ge sindi apoo.”

Kɔniiliyuse Gi Sun Kpaɛ Tere Piita

⁷ Wurubuaare dɔ ɔsɔɔ mɔ gi tɔnge de Kɔniiliyuse genen mɔ, mɔ-re mɔ-gikyon mɔ, Kɔniiliyuse gi tere mɔ-adeɛa anyɔ ako abono mɛ tɛ mɔ ase mɔ mɔmɔ-re mɔ-asogya mɔ dɔ ɔko ba mɔ ase. Genen sogya ɔbono gi kyu mɔ gisen kyu sa Wurubuaare ne ɔ gye abono mɛ kya dii Kɔniiliyuse mɔ dɔ ɔko.

⁸ Kɔniiliyuse gi tere ɔmɔ genen mɔ, ɔ buu ilaa ibono Wurubuaare dɔ ɔsɔɔ mɔ gi tɔge sa mɔ mɔ pɛwu sa ɔmɔ. Ne ɔ keda ɔmɔ sun Gyopa.

⁹ Imɔ gedɛ keɛɛ mɔ, mɛ yii ɔkpa mɛ kya kpe Gyopa ɔsowolɛ so. Mɛ kya sindi ɔsowolɛ mɔ mɔ, genen owi ɔbono mɔ, Piita gi dii kpe ɔ bo obu soso nfono mɛ telense mɔ ɔ kya dalaa. Genen owi ɔbono mɔ i laa wɔra fɛɛ owi kenken gere-gere.

¹⁰ Akon a da mɔ, ne ɔ kya laare mɛ' sa mɔ ilaa iko de o' gyi. ɔ bo soso nno ne mɔ-geɛn wura mɔ adɛ mɔ, mɔ, mɛ kya wɔra agyudo gese. ɔ bo nno genen mɔ, i lɛɛ ilaa iko nyiile mɔ fɛɛ oderɛ, ne

¹¹ ɔ nye wu Wurubuaare dɔ. O wu ilaa iko i de fɛɛ barapaa bele-bele ɔko i kpeleɛ lɛi soso i kya ba. Ilaa inan iko i de genen ilaa mɔ nkan-nkan i kya kpeleɛgere imɔ i kya ba gese.

¹² Piita gi kerɛ ilaa mɔ so mɔ, ɔ wu nbuɛ de ilaa ibono i kya kpɛi imɔ-ito so mɔ de nbuii oyuduu kamaase.

¹³ I kpeleɛ baa yii mɔ-ansi dɔ mɔ, Piita gi nu gigyebi' giko gi tere mɔ tɔge yee, “Piita, koso de fo' mɔɔ wɛ.”

¹⁴ Piita gi lɛɛ genɔ yee, “Kuaa, me-wura. Maɲ taale wɔra genen. I kya nyiile yee lɛi ko-o ibono i koroge me faa, meɲ ti taa gyi aye Gyuda awura ilaa kyose abɛɛ ilaa ibono i laa kyolese aye mɔ.”

¹⁵ Piita gi lɛɛ genɔ genen mɔ, ɔ kii nu gigyebi' mɔ gi kii tɔge sa mɔ yee, “Ilaa kamaase ibono Wurubuaare gi tɔge yee in baa i gye ilaa kyose mɔ, fo nyamese geɲ sa fo' tɔge yee i gye ilaa kyose.”

¹⁶ I wɔra Piita genen so-o gikpadɔ gisa'. Gikpadɔ gisase mɔ gemara mɔ, ayaa abono so mɔ, i puru ilaa mɔ de ilaa ibonoana i gyan' barapaa mɔ so mɔ kiiri dii kyon Wurubuaare dɔ.

¹⁷ Piita kya sa ilaa ibono i wɔra mɔ fɛɛ oderɛ faa so gewɔnsa ɔ kya kpon mɔ, genen owi ɔbono pɛwu mɔ, Kɔniiliyuse isɔɔ mɔ ɔ sun mɔ ase mɔ, mɛ ti baa loo ɔsowolɛ mɔ so mɛ kya taase Simon gewi ɔkpa. Mɛ ti ba mɛ yeɛ gebunono gbaa.

¹⁸ Isɔɔ mɔ mɛ taase geɛn mɔ dɔ asa mɔ yee, “Isafo ɔko meɲ bo gere mɛ kya tere mɔ yee Simon Piita?”

¹⁹ Owi ɔbono Simon Piita san ɔ kya sa ilaa ibono i wɔra mɔ fɛɛ oderɛ mɔ so gewɔnsa ɔɲ kya nu imɔ gese mɔ, Wurubuaare Oduduu mɔ gi buu sa mɔ yee, “Kere, anyen asa' ako mɛ kya taase fo so.

²⁰ Koso de fo' kpeleɛ kpaɛ tu ɔmɔ de fo-re ɔmɔ fe' kpe nfono mɛ lɛi mɔ. Geɲ sɔɔ akycɔɔle yee in de ɔkpa yee fo' kpe abono mɛ meɲ gye Gyuda awura mɔ gewi. I kya nyiile yee me ne n sun ɔmɔ fo ase.”

21 Nfono mɔ, Piita gi kpeleɛ kpaa tu ɔmɔ ne o buu sa ɔmɔ yɛɛ, “Me ne n gye isa ɔbono fɛ kya laare mɔ. Me-gere i de gese?”

22 Piita gi taase ɔmɔ genen mɔ, mɛ lɛɛ genɔ yɛɛ, “ɔbelense Kɔniiliyuse ne n sun aye fo ase. ɔ gye ɔbelense gbaa' sa asogya gikpen giko. ɔ gye isa ɔbono ɔ sele Wurubuaare ne ɔ kya gyi gesintin sa mɔ. Feye Gyuda awura mɔ pɛwu fɛ kya lɛɛ mɔ-ginyen. Wurubuaare ne n keda mɔ-ɔsɔɔ ɔko sun lii Wurubuaare dɔ ne ɔ baa kaala nyiile ɔbelense Kɔniiliyuse yɛɛ o' sun baa kyu fo lii gerenaa kpe mɔ-gewi de o' nu ilaa ibono fo laa tɔɛ sa mɔ mɔ.”

23 Mɛ buu sa Piita genen mɔ, Piita gi kyu ɔmɔ loo geten dɔ ne mɔmɔ pɛwu mɛ naa dɛ nno genen geke gebono. Gede kese mɔ, Piita gi koso ne mɔ-re Kɔniiliyuse isɔɔ mɔ mɛ yii ɔmɔ-ɔkpa. Piita mɔ-nanboana Yesu ɔson mɔ dɔ abono mɛ bo Gyopa nno mɔ ako mɛ buu ɔmɔ.

24 Imɔ gede kese mɔ mɛ kpaa loo Kɔniiliyuse gewi Sɛsariya. Kɔniiliyuse gi sun mɔ-isɔɔ mɔ genen mɔ, ɔ san ɔ tɛ ɔ kere ɔmɔ-ɔkpa daa ne ɔ tere mɔ-subuana de mɔ-nanboana abono mɔ-re ɔmɔ mɛ kya loo mɔ baa gyan'.

Piita Gi Kpaa Loo Kɔniiliyuse Geten Dɔ

25 Piita kya loo Kɔniiliyuse geten dɔ mɔ, Kɔniiliyuse gi lii ɔ' baa gyangara mɔ. ɔ kpeleɛ dɛ Piita ayaa dɔ faa bura-a, i wɔra mɔ yɛɛ o' kyu buubuu sa mɔ fɛɛ ɔ kya son mɔ.

26 Nfono mɔ, Piita gi tɔɛ Kɔniiliyuse yɛɛ, “Koso, me kee n gye daa nyamese fɛɛ fo-ɔnan.”

27 Piita mɔ-re Kɔniiliyuse mɛ faala ne mɛ gyi nsingyi naa loo geten dɔ. Piita gi loo nno mɔ, ɔ baa kere mɔ, asa ne faa birim. Mɛ gyan' Kɔniiliyuse gewi.

28 Nfono ne Piita gi tɔɛ sa ɔmɔ yɛɛ, “Feye gbaa-gbaa fɛ nyi ibono i men de ɔkpa sa aye Gyuda awura yɛɛ aye-re asa sense fɛɛ feye mɔ a' saare abara dɔ abɛɛ a' kpe feye-nwi. Me bere, Wurubuaare ne n lɛɛ nyiile me yɛɛ men sa n' kere me-nanbo nyamese yɛɛ ɔ men gye sɛi abɛɛ nengyene me-re mɔ a dabɔle mɔ i laa kyɔlese me-Wurubuaare ɔson.

29 Lii genen so mɔ, fo sun kpaa tere me mɔ, mi-i me mɔ, men kine. Imɔ ne nɛ ba faa. Mene so ne fo sun baa tere me daa?”

30 Piita gi taase genen mɔ, Kɔniiliyuse gi lɛɛ genɔ yɛɛ, “Nde i laa wɔra fɛɛ nkɛ nnan ne, owi baare ɔkara mɔ, n bo me-geten dɔ gere n kya dalaa fɛɛ genɔɔbono n wolaa mi-i wɔra owi gbaase kamaase mɔ. N baa kere mɔ, ɔnyen ɔko ne n ba ɔ yele me-ansi dɔ o suu ngbe fufuli gi kya nɛlegi.

31 ɔnyen mɔ gi tere me-ginyen so yɛɛ, ‘Kɔniiliyuse,’ ne o buu sa me yɛɛ, ‘Wurubuaare gi nu fo-gɛdalaa ne ɔ kya nyingi fo-gidense gibono fo kya wɔra fo kya sa asa mɔ.

32 Imɔso sun kpe Gyopa de mɛ' kpaa tere Simon ɔbono mɛ kya tere mɔ-ginyen giko kee yɛɛ Piita mɔ. ɔ sogɛ daa Simon ɔbono ɔ kya wɔra nbue iwɔle gesun mɔ ase. Mɔ-gewi gɛ sindi apoo.

33 Ayaa abono so ne nɛ sun fo ase, ne fo-o fo mɔ, foj kine ne fo ba faa. Aye abono pɛwu a gyan' Wurubuaare ansi dɔ nperɛ-nperɛ faa, a ba daa de a' baa nu ilaa kamaase ibono Wura Wurubuaare gi buu sa fo yɛɛ fo' tɔɛ mɔ. ”

Piita Gi Tɔɛ Yesu Ilaa Sa Kɔniiliyuse Mɔ-re Geten Dɔ Asa

34 Nfono mɔ, Piita gi bugi mɔ-genɔ ne ɔ tɔɛ yɛɛ, “Ide kon bere, nɛ wu ibono i gye gesintin yɛɛ Wurubuaare men kya ligi ɔko.

35 Fo nyamese kamaase obono fo sele Wurubuaare ne fo kya gyi gesintin mɔ, fo genen kaase obono ne n kya gyi Wurubuaare ginsi. Fo gye fone-o, fo men gye fone-o, imɔ ibono in tiri.

36 “Wurubuaare gi kyu mɔ-ɔkalan konkonse mɔ bunge aye Isirale awura. ɔ tɔge ɔmɔ yee Yesu Kirisito ne nan yee asa me' nye gisen yuuli. Yesu Kirisito ne n gye Wura sa nyamese kamaase.

37 ɔfaanan fe ti nu Yesu Kirisito so de ilaa dense ibono ɔ wɔra Gyudiya gesinkpan pewu so mɔ. Gyɔn gi tɔge Wurubuaare sagyere mɔ so ilaa sa asa mɔ, imɔ gemara mɔ ne Yesu gi yii mɔ-gesun mɔ giwɔra gese. O yii gese lii daa Galeli gesinkpan so.

38 Genɔobono Wurubuaare gi sun Yesu Nasaretɛnyen ne ɔ yee mɔ-Oduduu gi sa mɔ-ɔlon mɔ, i men gye feye gisafo. Wurubuaare kya kpaɔ mɔ so mɔ, ɔ naa wɔra idense, ɔ kya kye asa abono ilaa nyenyɛn pewu gemu mɔ kya nyala mɔmɔ mɔ.

39 “Ilaa kamaase ibono Yesu gi wɔra aye Gyuda awura gesinkpan so de Gyerasalem, aye ɔsowole gemu mɔ so mɔ, a wu de aye-ansi. Me kyu mɔ da ananbi kyɔɔga oyii so kyu mɔɔ.

40 O wu' mɔ, imɔ geke sase mɔ Wurubuaare gi kyingi mɔ lii ibuni dɔ, ne ɔ yee asa me wu mɔ de ansi.

41 I men gye asa mɔ pewu ne n nye wu mɔ. Aye abono Wurubuaare gi kyɔɔle aye lee yee a' tɔge mɔ Yesu ilaa sa asa mɔ wole ne n wu mɔ. ɔ kyingi lii ibuni dɔ mɔ, aye-re mɔ a wɔra abaa gyi ne a nun.

42 Yesu gi ka sa aye yee a' naa a kya tɔge mɔ-ɔkalan mɔ sa asa de a' buu sa mɔmɔ yee mɔ ne n gye obono Wurubuaare gi lee yela yee geakaako mɔ, asa abono me te de ansi de abono me wu' mɔ pewu, mɔ ne nan gyi mɔmɔ-nbele.

43 Wurubuaare ikalan atɔgebo mɔ pewu me wolaa wu mɔ-ilaɔ nmarase yela sa aye yee fo nyamese kamaase obono fo ka gyan Yesu Kirisito so mɔ fo laa nye Wurubuaare o' kyu fo-ilaɔ nyenyɛn kyee fo kyu naa de mɔ so.”

Wurubuaare Oduduu Mɔ Gi Suu De Asa

Abono Men Gye Gyuda Awura Mɔ

44 Piita san ɔ kya tɔge genen ilaa ide mɔ, Wurubuaare Oduduu mɔ gi baa suu de asa abono pewu me gyan' Koniliyuse gewi me kya nu mɔ ase mɔ.

45 Gyuda awura abono me ka gyan Yesu so ne me buu Piita kpe Koniliyuse gewi mɔ pewu me wu genen mɔ, i de mɔmɔ-genɔ. I lii fee Wurubuaare gi yee mɔ-Oduduu mɔ gi baa suu de asa abono me men gye mɔmɔ Gyuda awura mɔ kee.

46 I kya nyiile yee me nu me kya yen Wurubuaare de nde nbono men wolaa me kya nu mɔ dɔ.

Nfono ne Piita gi taase yee,

47 “Nengyene ne gyere genen asa ade Wurubuaare sagyere mɔ, ne fue? Fe' kere ibono me nye Wurubuaare gi kyu mɔ-Oduduu mɔ kyu sa mɔmɔ fee genɔobono o kyu sa aye kee mɔ. Mene n wɔra ne fo ɔko fo laa kine yee men sa n' gyere ɔmɔ Wurubuaare sagyere?”

48 Nfono mɔ, ɔ tɔge yee me' gyere ɔmɔ Wurubuaare sagyere Yesu Kirisito ginyɛn dɔ. Me nye Wurubuaare sagyere mɔ genen mɔ, me kole Piita yee o' kii kyena ɔmɔ ase nke kalese nko.

11

Wurubuaare Kya Laare Asa Kpei-Kpei Pewu Me' Loo Yesu ɔson Mɔ Dɔ

1 Imo gemara mo, Yesu isoo mo de momo-nanboana Yesu onon mo do abono me bo Gyudiya gesinkpan mo pewu so mo me nu yee Piita gi kpe abono men gye omo Gyuda awura mo ase kee kpaa toge Wurubuaare agyebi mo sa omo, ne momo mo me soo agyebi mo gyi.

2 Imoso owi abono Piita gi dii kpe Gyerusalem mo, Yesu asonbo mo do abono me de yee Gyuda awura awore giten nbara gi tiri sa Yesu asonbo pewu mo me logede de Piita yee ibono o wora mo inj te.

3 Me taase mo yee, "I wone so ne fo kpe asa abono men ten awore mo ase ne fo-re momo fe wora abaa gyi? Aye-nbara mo gin kya sa okpa genen."

4 Nfono mo, Piita gi lee gese sa momo genobono i yii gese mo pewu kpaa loge. O toge yee,

5 "Me bere n bo Gyopa osowole so n kya dalaa. Nfono mo i wora me fee oderi. I wora me fee n kya kuu oderi genen mo, ne wu ilaa iko fee barapaa bele-bele oko ne n kpe kpelegee lli Wurubuaare do. Ilaa inan iko i de barapaa mo nkan-nkan, ne i kpelegere mo ba me ase.

6 Ne laro kere barapaa mo so doodan mo, ne wu nbue de nbui de ilaa ibono i kya kpil imo-ito so mo de ntakpenbi kpei-kpei pewu.

7 Ne wu nmo genen mo, ne nu gigyebi giko gi toge sa me yee, 'Piita, koso de fo' mo we.'

8 Ne lee geno yee, 'Kuaa, me-wura. Man taale wora genen. I kya nyiile yee lli ko-o ibono i koroge me faa, gekaako men ti taa kyu ilaa ibono i gye aye-ilaa kyose abee i kya kyolese aye Gyuda awura onon mo kyu yii me-geno kere.'

9 Nfono mo, gigyebi mo gi kii toge lli Wurubuaare do sa me yee, 'Ilaa kamaase ibono Wurubuaare yee inj baa i gye ilaa kyose mo, fo nyamese gen sa fo' toge yee i gye ilaa kyose.'

10 Genen ilaa ide i wora me genen so-o gikpado gisa' ne i puru imo pewu kiiri dii kyon Wurubuaare do.

11 "Aya abono so mo, anyen asa' ako me ti ma-a laare me' loo geten gebono do n bo mo. Koniiliyuse ne n sun omo lli Sesariya me ase.

12 Nfono mo Wurubuaare Oduduu mo gi toge sa me yee n' koso de me-re omo a' kpe. Men sa n' soo akwole yee inj de okpa fee n' kpe asa abono me men gye aye Gyuda awura mo gewi. Aye-nanboana ase ad ee kee me buu me lli Gyopa kpe Sesariya nno, ne a kpaa loo onyen abono o sun kpaa tere me mo geten do.

13 "A loo onyen mo geten do mo, o buu sa aye genobono o wu Wurubuaare do oso oko gi ba o yele mo-geten do mo. Wurubuaare do oso mo gi toge sa mo yee, 'Sun kpe Gyopa kpaa tere Simon abono me kya tere mo-ginyen giko kee yee Piita mo.'

14 Fo sun kpaa tere mo mo, o laa lee okalan oko toge sa fo de i' yegfe fo-re fo-geten do asa pewu fe' nye Wurubuaare o' molege feye de fe' nye mo ase gekyena.'

15 "Onyen mo gi buu sa me genen mo, ne tonge sa mo-re abono me gyan' nno mo. N san n kya tonge mi-i sa momo mo, Wurubuaare Oduduu mo gi kpelegee baa bun momo so kee fee aye-lee mo onan.

16 Nfono mo, ne nyingi ilaa ibono Wura Yesu gi naa kyena toge mo. O toge yee, 'Gyon de daa nkyu o kya gyere asa Wurubuaare sagyere. Feye bere Wurubuaare laa kyu daa mo-Oduduu mo kyu gyere feye Wurubuaare sagyere.'

17 Imɔso nengyene Wurubuaare de mɔ-Oduduu mɔ ɔ kya sa asa ade fɛɛ genɔɔbono a ka gyan' Wura Yesu Kirisito so ne Wurubuaare gi kyu mɔ-Oduduu mɔ sa aye mɔ, me ne n gye anɛ de n' taale tii Wurubuaare ɔkpa?"

18 Piita mɔ-nanboana Yesu asonbo gikpen mɔ dɔ mɔ mɛ nu ilaa ibono ɔ buu sa ɔmɔ mɔ, mɔmɔ-genɔ ge wu'. Mɛ nu mɔ gese, ne mɛ yen Wurubuaare ne me tɔge yee, "Ide kon Wurubuaare gi yegɛ asa abono me meŋ gye aye Gyuda awura mɔ dɔ ako kee mɛ nye nu mɔmɔ-nyoro gese ne me kyegɛ lii mɔmɔ-ilaa nyenyen giwɔra dɔ de mɛ' nye Wurubuaare ase gɛkyena."

Asa Kpei-Kpei Me Ka Gyan' Wura Yesu So

19 Aberɛ abono asa me mɔɔ Sitiifen ne me kya ka Yesu asonbo asense mɔ ansi Gyerusalem mɔ, i yegɛ Yesu asonbo mɔ me yaase kpe nten kpei-kpei. Ako me loo ife kpaa fo koo-koo Fonisiya gesinkpan so de Saapurose gikyaafiya so de Antiyoki ɔsowole so. Mɛ yaase genen mɔ, me naa me kya tɔge Yesu agyebi mɔ me kya sa daa Gyuda awura wole.

20 Mɔmɔ asa ako bere, me baa loo Antiyoki mɔ, me tɔge Yesu ilaa sa Geriiki awura kee. Abono me kyule tɔge Yesu ilaa sa Geriiki awura mɔ ako me lii Saapurose de Siirini ɔsowole so. Mɛ tɔge Wura Yesu ɔkalan konkonse mɔ sa asa.

21 Wurubuaare gi kpaa abono me tɔge Yesu ilaa mɔ, ne asa sakyɔ me ka gyan' Wura Yesu so ne me kisee ba me kya son mɔ.

22 Yesu asonbo gikpen gibono me bo Gyerusalem mɔ mɛ nu yee genen asa abono me ka gyan' Yesu so mɔ, me keda ɔnyen ɔko sun Antiyoki nno, me kya tere mɔ yee Banabase.

23-24 Banabase gi kpe ne ɔ kpaa wu Wurubuaare ilaa wɔrase ibono ɔ kya wɔra Antiyoki mɔ de mɔ-ansi mɔ, i wɔra mɔ-gisen dɔ ɔkon. Banabase baare gye isa dense gesintin. Wurubuaare Oduduu mɔ kya wɔra ilaa mɔ-gɛkyena dɔ ne ɔ tansi ɔ bo gikagyan sa Wura Yesu. Imɔso Banabase gi tɔge keda Antiyoki awura abono pɛwu nyoro yee me' kpe kyu mɔmɔ-asen pɛwu sa Wura Yesu de me' kpe ma-a ka ma-a gyan mɔ so genen. Nfono mɔ, asa sakyɔ me kyu ɔmɔ-nyoro too Wura Yesu so baa bola mɔmɔ so.

25 Banabase gi lii nfono mɔ, ɔ kyon kpe Taasu kpaa laare Sɔlo.

26 O wu Sɔlo mɔ, ɔ kyu mɔ kpe Antiyoki, ne ɔmɔ asa anyɔ me sii kyena Yesu asonbo gikpen gibono gi bo nno mɔ ase gesi mumuli. Mɛ nyiile asa sakyɔ Wurubuaare ilaa Antiyoki ɔsowole ɔbono so. Nno ne asa me daa gitere Yesu akasebo mɔ yee Kirisito awura.

27 Genen nke nbono dɔ mɔ Wurubuaare ikalan atɔgebo ako me lii Gyerusalem ba Antiyoki nno.

28 Me ba genen mɔ, Wurubuaare Oduduu mɔ gi suu de ɔmɔ dɔ ɔko, me kya tere mɔ yee Agabuse. O wu ilaa ibono i laa baa ba owi ɔko dɔ mɔ. O wu genen mɔ, ɔ koso yele ne ɔ tɔge yee akon bele ako a kya laare de a' baa tɔrɔ gesinkpan pɛwu so. Wura Kelɔɔdiyuse gɛkyena dɔ ne ilaa ibono Agabuse gi wu tɔge mɔ i loɔ ba gesintin.

29 Nfono mɔ, Yesu akasebo abono me bo Antiyoki nno mɔ me ŋminde yela yee mɔmɔ ɔkamaase ɔ' too aterenbi genɔɔbono ɔkara ɔ laa taale mɔ de me' kyu kpe Gyudiya gesinkpan so kpaa kpaa mɔmɔ-nanboana Yesu ɔson mɔ dɔ abono me te nno mɔ.

30 Gesintin mɔ, me too aterenbi mɔ genen, ne me kyu sun Banabase mɔ-re Sɔlo yee me' kyu kpaa wɔra abelense abono me kya kere Yesu asonbo gikpen mɔ so nno mɔ abaa dɔ.

12

Asa Mɛ Kii Ka Yesu Asonbo Mɔ Ansi

¹ Genen owi ɔbono mɔ, Wura Herode gi luu mɔ-ansi yii Wura Yesu asonbo gikpen mɔ dɔ ako so, ɔ kya ka ɔmɔ-ansi.

² ɔ yege mɛ mɔɔ Gyeemesi, Gyɔn mɔ-daa mɔ, de geki.

³ Ibono o wu yege gimɔɔ mɔ ɔ yege mɛ mɔɔ Gyeemesi mɔ i wɔra Gyuda awura mɔ ɔkon mɔ, ɔ mɛn sin genen. ɔ yege mɛ keda Piita kee. Genen owi ɔbono dɔ mɔ, i gye owi ɔbono mɛ kya gyi mɔmɔ Gyuda awura bodobodo maadiise gesi.

⁴ Herode gi yege mɛ keda Piita genen mɔ, mɛ kyu mɔ kpaa tii de obu, ne ɔ yege mɛ kyu mɔ kyu wɔra asogyaana abaa dɔ mɛ kya dii mɔ anan-anan mɛ kya kyare abara. Asogya mɔ mɛ bo akpen anan. Wura Herode gi laare daa fɛe Gyuda awura mɔ mɛ' gyi mɔmɔ-Lɛwu Gi Serege Aye So Gesi mɔ loge pɛi de ɔ' lɔɔ gyi Piita nbele sansana.

⁵ Imɔso ibono mɛ mɛn ti taa gyi genen gesi gebono ta so mɔ, mɛ yege Piita kpe o tii de obu. Owi ɔbono Piita tii de obu mɔ genen mɔ, Yesu asonbo gikpen mɔ mɛ kya lɛe ɔmɔ-gisen dɔ ndalaa mɛ kya kole Wurubuaare mɛ kya sa mɔ.

Wurubuaare Dɔ ɔsɔɔ Gi Tigi Piita

⁶ Fɛe ɔke Wura Herode laa yege de mɛ' tigi Piita kyu mɔ ba sansana baa gyi mɔ-nbele mɔ, imɔ genye mɔ Piita gi de ginsi gide asogya anyɔ nsana. Mɛ da mɔ abeletɔ ilaran inyɔ kyaga de ɔmɔ. Sogyaana ako mɔ mɛ yeke mɛ kya dii obu ɔbono dɔ ɔ bo mɔ gebunono.

⁷ Nfono mɔ, Wura Wurubuaare ɔsɔɔ gi ba Piita ase obu mɔ dɔ, ne fatela gi kyange nno faa nma-a. Wurubuaare dɔ ɔsɔɔ mɔ gi da mɔ kyingi ne ɔ toge sa mɔ yege, "Koso belen." Nfono mɔ, abeletɔ ilaran mɔ i lii mɔ-abaa dɔ.

⁸ Wurubuaare dɔ ɔsɔɔ mɔ gi toge sa Piita yege, "Puru fo-ngbe suu de fo' kyu fo-ayaawole wɔra." Piita gi wɔra genen, ne ɔsɔɔ mɔ gi kii toge sa mɔ yege, "Keda fo soso-lɛe gegbe mɔ mili fo-nyoro de fo' naa buu me."

⁹ Gesintin mɔ, Piita gi buu Wurubuaare dɔ ɔsɔɔ mɔ lii obu mɔ dɔ. Genen abere abono pɛwu mɔ, ilaa ibono Wurubuaare dɔ ɔsɔɔ mɔ kya wɔra mɔ, Piita bere mɛn nyi yege i gye gesintin. I kya wɔra mɔ daa fɛe oder.

¹⁰ Mɛ naa baa kyon asogya gyangbarase abono mɛ kya dii nno mɔ so, ne mɛ kii baa kyon anyɔse mɔ kee so naa baa fo gekpen gebono mɛ pɔɔ kyaabɔɔ asa otɔiten mɔ gebunono. Genen gebunono gebono ge de kyu lii kpe nten dɔ. Gisin gibono mɛ kyu tii gemɔ mɔ gi gye daa abeletɔ gisin. Mɛ fo gebunono mɔ ase genen mɔ, gimɔ gbaa-gbaa gi tigi gimɔ-atɔ sa ɔmɔ ɔkpa ne mɛ lii loo nten dɔ. Mɛ lii genen mɔ, mɛ kyu de nten dɔ ɔkpa ɔko. Ayaa abono so mɔ, Wurubuaare dɔ ɔsɔɔ mɔ gi kyon taa Piita yege.

¹¹ Nfono kon mɔ, Piita ansi a ba ilaa ibono i wɔra mɔ mɔ so, ne ɔ toge sa mɔ-nyoro yege, "Ide kon bere, ne bii ibono i gye gesintin yege Wura Wurubuaare ne n sun mɔ-ɔsɔɔ baa mɔlege mɛ lii Herode abaa dɔ, de ilaa ibono pɛwu Gyuda awura mɔ mɛ kya laare mɛ' kyu wɔra mɛ mɔ i' nye wɔra giyan."

¹² Piita gi bii mɔ-ɔyɛletɛn ɔbono ɔ yeke mɔ, ɔ naa kyon kpe Mariya, Gyɔn mɔ-nyi gewi. Mɛ kya tere genen Gyɔn ɔbono ginyen giko kee yege Maako. Asa sakyɔ mɛ gyan' Mariya mɔ gewi mɛ kya dalaa genen owi ɔbono dɔ.

¹³ Piita gi fo gebunono mɔ, ɔ sa ago-o. ɔ sa ago-o genen mɔ, obolonbu ɔko gi naa kpe de ɔ' kpaa tigi mɔ. Mɛ kya tere genen obolonbu ɔbono yege Roda.

¹⁴ Roda gi nu Piita gigyebi' mɔ, ɔ bii mɔ. I wɔra mɔ ɔkon gikyɔ so mɔ, ɔŋ taa baa wu ansi de o' tigi mɔ. ɔ sele kpaa buu sa asa abono me bo nno me kya dalaa mɔ yee Piita yele gebunono.

¹⁵ Roda gi buu sa ɔmɔ genen mɔ, me taase mɔ yee, "Fo kya budi daa do-o?" Mɔ, ɔ kpe ɔ de daa yee i gye daa Piita. Nfono mɔ me toge yee, "I gye daa Wurubuaare do ɔsoɔ obono ɔ kya kere Piita so mɔ ne."

¹⁶ Piita kpe san ɔ kya nmee gisin mɔ daa. Me kpaa tigi ne me wu yee i gye Piita mɔ, i de ɔmɔ-geno.

¹⁷ Piita gi diire mɔ-gibaa yee me' wɔra kurun, ne ɔ lee gese pewu nyiile ɔmɔ genobono Wura Wurubuaare gi kpaa lee mɔ lii obu mɔ do mɔ. O buu sa ɔmɔ ta mɔ, ɔ toge sa ɔmɔ yee, "Fe' buu genen ilaa ide sa Gyeemesi de aye-nanboana Yesu asonbo sense mɔ." Nfono ne ɔ lii taa ɔmɔ yee ne ɔ kyon geten banban.

¹⁸ Gede ge baa ke mɔ, asogya abono me kya dii Piita mɔ men baa wu mɔ. Me yiyee gikyɔ yee fone ne Piita gi kyon wɔra ɔmɔ.

¹⁹ Wura Herode gi laare Piita kpon ɔŋ kya wu mɔ mɔ, ɔ tere asogya mɔ me kya dii Piita mɔ kpaa taase ilaa. ɔ taase ɔmɔ ilaa ta mɔ, ɔ toge yee me' mɔ genen asogya abono. Imɔ gemara mɔ, Herode gi lii Gyudiya gesinkpan mɔ so ne ɔ kyon kpe Sesariya kpaa kyena nno nmaraa.

Herode Lewu

²⁰ Genen abere abono do mɔ Wura Herode de ginyadon de Taya de Sidon isowole so asa. Imoso asa mɔ me toge kyule abara yee me laa kpaa wu mɔ. Me daa giwu obono o buu de wura mɔ, me kya tere mɔ yee Belasituse, ne mɔmɔ-re mɔ me wɔra geno kolon pei. Me wɔra geno kolon genen mɔ, ne me nye kpaa wu wura mɔ, ne me kole wura mɔ yee ɔ' yee me' nye gisen yuuli de me' kyu kyena. I kya nyiile yee pei de me' nye agyudo gyi mɔ, me kya kpaa so lii daa mɔ-gesinkpan so awura ase.

²¹ ɔ yela geke sa ɔmɔ de mɔ-re ɔmɔ me gyan', ne o kyu mɔ-giwurakuru kyu bun ne ɔ kpaa kyena gewuragyapaa so. Me gyan' genen mɔ ne ɔ tonge sa ɔmɔ.

²² Herode gi tonge sa ɔmɔ genen ta mɔ, asa mɔ me san me kya kpen me kya toge yee, "Onyen mɔ bere, ɔkperɛ ne, i men gye nyamese."

²³ Ayaa abono so mɔ, Wura Wurubuaare soɔɔ gi kyu gilo too Herode so. ɔ loo asonsoɔ faa nyiŋe-nyiŋe pei ne ɔ loo wu'. I kya nyiile yee ɔ men kyu nyisigyɔ obono ɔ gye Wurubuaare wole-lee mɔ kyu sa mɔ.

Banabase de Soɔlo Me Kii Kpe Antiyoki

²⁴ I baa lii abere abono mɔ, Wura Yesu agyebi mɔ a kpe a kya yelege ne asa abono me kya soɔ amɔ gyi mɔ me kya nyaakyɔ me kya too.

²⁵ Banabase mɔ-re Soɔlo me loge ɔmɔ-ilaa ibono me kpe Gyerusalem kpaa wɔra mɔ, me kii kyon nfono me lii mɔ. Me kya kii mɔ, me kyu Gyɔn obono me kya tere mɔ-ginyen giko kee yee Maako mɔ buu mɔmɔ-nyoro.

13

Me Sun Banabase Mɔ-re Soɔlo

¹ Yesu asonbo gikpen gibono gi bo Antiyoki soowole so mɔ gi nye asa abono me kya toge Wurubuaare ikalan de abono me kya nyiile asa Yesu ilaa. Mɔmɔ-anyen ne n gye Banabase de Soɔlo de Simiyon obono me kya tere mɔ yee Nigyere mɔ, de Lusiyuse obono ɔ lii Siirini mɔ, de Manayan obono me bela mɔ-re Wura Herode geten kolon do mɔ.

² Owi ɔko do mɔ, Yesu asonbo gikpen mɔ me kya son Wura Yesu ne me kya nminde nno. Me kya son genen mɔ, Wurubuaare Oduduu mɔ gi toge

sa ɔmɔ yɛɛ, “Fe' loro Banabase mɔ-re Sɔlo yela sa me Wurubuaare de me' kpaɔ wɔra gesun gebono n kya laare me' wɔra mɔ.”

³ Gesintin mɔ, me loro Banabase mɔ-re Sɔlo yela, ne me kii ŋminde nno ne me dalaa kyu mɔmɔ-abaa gyan mɔmɔ so kole Wurubuaare yɛɛ ɔ' kpaɔ mɔmɔ, ne me lɛɛ ɔmɔ ɔkpa.

⁴ Wurubuaare Oduduu mɔ gi sun Banabase mɔ-re Sɔlo genen mɔ, me kpe Siluusiya ɔsowole so. Me kpaɔ loo nno mɔ, me loo gikolii kyu kyon kpe Saapurose gikyaafiya so.

⁵ Me kya kpe mɔ, me kpaɔ fo Salamise ɔsowole so mɔ, me yii gese me kya tɔge Wurubuaare agyɛbi mɔ ma-a sa asa Gyuda awura akyangbon dɔ. Banabase mɔ-re Sɔlo me nye Gyɔn Maako gi kpaɔ ɔmɔ.

Sɔlo Mɔ-re Banabase Me Gyangara Biila Wura Ɔko

⁶ Sɔloana me naa-naa gyan' de genen gikyaafiya gebono pɛwu kpaɔ fo Pafose ɔsowole so mɔ, me kpaɔ lii Gyudanyen ɔko so. Genen ɔnyen mɔ gye daa biila wura. Ɔ kya kyu mɔ-nyoro yɛɛ Wurubuaare ikalan ɔtɔgebo ne ɔ gye. Me kya tere mɔ yɛɛ Baayesu.

⁷ Baayesu baare tɛ ɔbelense ɔko ase. Me kya tere ɔbelense mɔ yɛɛ Segyise Pɔloose. Mɔ ne n kya kere genen gesinkpan gebono so sa Rom awura. Ɔbelense mɔ nyi ɔlaako. O nu Banabase mɔ-re Sɔlo so mɔ, o sun kpaɔ tere ɔmɔ de ɔ' nye nu Wurubuaare agyɛbi.

⁸ Me kpe ɔbelense mɔ gitere mɔ de-e, biila wura mɔ kya sɔɔ mɔmɔ akyɔɔɔɔ. Mɔ-ginyen Baayesu mɔ gese de Geriiki awura gedɛ dɔ ne n gye Elimase. Elimase mɔ kya laare daa genɔɔbono ɔ laa yege ne ɔbelense mɔ maŋ nye nu mɔmɔ ase de ɔ meŋ sa ɔ' nye sɔɔ Yesu gyi. Imoso ne ɔ kya sɔɔ mɔmɔ akyɔɔɔɔ genen.

⁹ Sɔlo ginyen giko ne n gye Pɔlo.

Wurubuaare Oduduu mɔ gi suu de mɔ, ne ɔ kere biila wura mɔ-ansi dɔ faa yiridididi

¹⁰ Ne ɔ tɔge sa mɔ yɛɛ, “Ilaa nyenyɛn pɛwu gemu mɔ mɔ-bi ne n gye fo. Fo-lɛɛ ne n kpe i gye ibono fo laa kyu ilaa nyenyɛn kpei-kpei kyu pene asa adawo so. Gesintin gigyi ilaa bere, fo kya kyo imɔ pɛwu. Fo kpe fi-i laare genɔɔbono fo laa kyu pene yɛɛ Wura Yesu gesintin ilaa ne n gye abon. Fo maŋ taa imɔ yege genen?”

¹¹ Idɛ kon bere, Wurubuaare laa nyiile fo ŋmaraa pii de fo' kere. Fo-ansi a laa boori wɔra fo. Fo maŋ baa nye wu owi kpaɔ fo ɔkara ɔko pɛi de fo' kii nye wu ilaa.” Ayaa abono so mɔ, ɔnyen mɔ ansi so a wɔra mɔ faa tum, ne i wɔra gibiri wɔra mɔ. Ɔ san ɔ naa ɔ kya laa abaa ɔ kya laare ɔbono ɔ laa keda mɔ.

¹² Ɔbelense mɔ gi wu ibono i ba biila wura mɔ so mɔ, i yege ɔ ka gyan Wura Yesu so. I kya nyiile yɛɛ ibono Pɔloana me de Wurubuaare ilaa me kya nyiile asa kyu naa de Wura Yesu so mɔ, i naa mɔ-gimu dɔ.

Pɔloana Me Kyu Gikolii Kpe Panfiliya Gesinkpan So

¹³ Pɔlo mɔ-re abono me kya naa genen mɔ me lii Pafose kyu gikolii kpe Pɛega ɔsowole ɔbono ɔ bo Panfiliya gesinkpan so mɔ. Gyɔn Maako bere gi naa taa ɔmɔ yege kii kyon kpe Gyerusalem.

¹⁴ Pɔlo mɔ-re asense mɔ me loo Pɛega mɔ, me denge kyon kpe ko-o Antiyoki ɔbono ɔ bo Pisidiya gesinkpan so mɔ.

Geke kyoolase gedɛ mɔ, me koso kpe mɔmɔ Gyuda awura gikyangbon dɔ. Me loo nno mɔ, me kpelege kyena.

¹⁵ Asa abono me gyan' nno mɔ me kale Wurubuaare nbara ɔwole de Wurubuaare ikalan ɔtɔgebo ɔwole. Me kale ta mɔ, abelense abono me

kya kere mɔmɔ-gikyangbon mɔ so mɔ mɛ lɛɛ isa kpaɔ tɔgɛ sa Pɔɔloana yɛɛ, “Aye-nanboana Isirale awura, nengyene fɛ bo gɛtɔngɛ gɛko fɛ laa tɔgɛ keda asa abono mɛ bo gɛɛnaa faa nyoro mɔ, fɛ' tɔgɛ sa ɔmɔ.”

Pɔɔlo Gi Tɔgɛ Yesu Ilaa Sa Isirale Awura Antiyoki ɔsowole So

¹⁶ Nfono mɔ, Pɔɔlo gi koso yeɛ ne ɔ diire mɔ-gibaa yɛɛ mɛ' wɔra kurun de mɛ' nu mɔ ase ne ɔ yii gɛsɛ ɔ kya tɔgɛ yɛɛ, “Me-nanboana Isirale awura de fɛye asafo abono fɛ selɛ aye-Wurubuaarɛ mɔ, fɛ' nu me ase.

¹⁷ Wurubuaarɛ ɔbono aye Isirale awura a kya son mɔ ne n lɛɛ aye-naanaana adedaabo mɔ yela sa mɔ-nyoro. Mɛ kpaɔ gyi gisafo Igyipiti gɛsinkpan so, ne Wurubuaarɛ gi yɛgɛ mɛ nɔn wɔra ɔsowole gbaa'. Imɔ gɛmara mɔ, ɔ kyu mɔ-ɔlon belɛ mɔ kparɛ ɔmɔ lii Igyipiti gɛsinkpan mɔ so.

¹⁸ ɔ kere ɔmɔ so gipɛn dɔ genɛn-n nsi ikue-inyɔ.

¹⁹ Imɔ gɛmara mɔ, mɛ baa loo Keena gɛsinkpan so. Genɛn owi ɔbono mɔ asa akpɛn kpɛi-kpɛi sono mɛ ti mɛ tɛ gɛsinkpan mɔ so. Wurubuaarɛ gi yɛgɛ aye-naanaana mɛ nyida asa abono isowole mɔ, ne ɔ kyu mɔmɔ-gɛsinkpan mɔ sa aye-naanaana mɔ.

²⁰ Pɛi de mɛ loo nye gɛsinkpan mɔ, i gyi fɛɛ nsi nwe nnan de ikue-inyɔ de saalaa. Aye-naanaana mɔ mɛ tɛ gɛsinkpan mɔ so mɔ, Wurubuaarɛ kya lɛɛ agyangbarabo lii mɔmɔ kee-kee dɔ yɛɛ mɔmɔ ne mɛ' gyangbara sa ɔmɔ. I ba genɛn kaabore Samuele ɔbono ɔ gye Wurubuaarɛ ikalan ɔtɔgɛbo mɔ owi gi baa fo.

²¹ Samuele gɛkyena dɔ mɔ aye-naanaana mɔ mɛ kole Wurubuaarɛ yɛɛ ɔ' sa ɔmɔ wura. Mɛ kole Wurubuaarɛ genɛn mɔ, gɛsintin mɔ Wurubuaarɛ gi kyu ɔɔlo ɔbono ɔ gye Kisi mɔ-bi mɔ kyu sa ɔmɔ yɛɛ ɔ' wɔra ɔmɔ-wura. ɔɔlo gye Bengyamin gesu dɔ. O gyi gewura mɔ, nsi ikue-inyɔ.

²² Wurubuaarɛ gi kyigi ɔɔlo lii gɛgyapaa mɔ so ne ɔ kyu Deefidi kyu yii. Deefidi baarɛ ilaa ne Wurubuaarɛ gi lɛɛ tɔgɛ aye yɛɛ, ‘Nɛ wu yɛɛ Deefidi, Gyɛsi mɔ-bi mɔ, gye mɛ-gisen dɔ isa ɔnan; ɔ laa wɔra mɛ-gɛlaarɛ ilaa kpaɔ lii.’

²³ “Wurubuaarɛ gi wolaa ka yela yɛɛ ɔ laa lɛɛ ɔmɔlɛgɛbo lii genɛn Deefidi baarɛ mɔ-anaanaanabi dɔ sa aye Isirale awura. Genɛn ɔmɔlɛgɛbo ɔbono gi ti ba. Mɔ ne n gye Yesu.

²⁴ Pɛi ne ɔ ba mɔ, Wurubuaarɛ gi yɛgɛ Gyɔn gi wolaa baa tɔgɛ sa aye Isirale awura pɛwu yɛɛ a' nu aye-nyoro gɛsɛ de a' kyɛɛgɛ lii aye-ilaa nyɛnyɛn giwɔra dɔ de mɛ' gyere aye Wurubuaarɛ sagyere.

²⁵ Gyɔn gesun gɛbono ɔ baa wɔra mɔ gɛ kya kpe laalaalɔgɛ mɔ, ɔ taase yɛɛ, ‘Fɛye ase mɔ, mɛnɛ nyamesɛ ne mɛ n gye? In gyɛ mɛ ne n gye ɔbono fɛye-ansi a gyan' mɔ so mɔ. Mɛ-gɛmara mɔ, ɔko laa ba. Mɛn' fo de n' ba gɛsɛ kyu mɔ-ayaawolɛ tole mɔ-ayaa dɔ sa mɔ gbaa.’

²⁶ “Me-subuana Aberaham gɛtɛn dɔ asa, de fɛye asafo abono kee fɛ selɛ Wurubuaarɛ mɔ, Wurubuaarɛ gi yɛgɛ mɛ-rɛ fɛye a nye nu ɔmɔlɛgɛbo ɔbono so ilaa ne.

²⁷ Asa abono mɛ bo Gyerusalem mɔ de ɔmɔ-abelɛnsɛ abono mɛ kya kere ɔmɔ so mɔ mɛ mɛn' wu Yesu bii yɛɛ mɔ ne n gye ɔmɔlɛgɛbo mɔ. Gɛkɛ kyoolase kamaase mɔ, mɛ kya kalɛ Wurubuaarɛ ikalan ɔtɔgɛbo iwolɛ mɔ, mɛ mɛn' kya nu imɔ gɛsɛ. Mɔmɔ, mɔ, ne n gye abono mɛ yɛgɛ ilaa ibono Wurubuaarɛ ikalan ɔtɔgɛbo mɔ mɛ tɔgɛ yela mɔ i nye ba gɛsintin. I lii fɛɛ mɔmɔ ne n yɛgɛ ne mɛ mɔ Yesu.

²⁸ Nkana mɛ mɛn' wu ilaa ibono so mɛ laa yeɛ tɔgɛ yɛɛ ɔ' wɔra ɔmɔɔsɛ mɔ. Imɔ-rɛ imɔ genɛn gbaa mɔ, mɛ dabɔlɛ tɔgɛ Pilato yɛɛ ɔ' lɛɛ gɛnɔ yɛɛ

Yesu ɔ' wɔra ɔmɔɔsɛ. Gesintin mɔ, Pilato gi lɛɛ gɛnɔ, ne mɛ da Yesu anjanbi oyii so mɔɔ.

²⁹ Mɛ wɔra Yesu ɔmɔ-iwɔrase pɛwu ta fɛɛ gɛnɔɔbono Wurubuaarɛ ikalan atɔgebo mɔ mɛ wolaa nɔmarase yela kyu lii mɔ so mɔ, mɛ saga mɔ lii mɔ-lɛwu oyii mɔ so, ne mɛ kyu mɔ kpaa pule folebɔ gekyan dɔ.

³⁰ Wurubuaarɛ, mɔ, gi kyingi mɔ lii ibuni dɔ.

³¹ Yesu gi kyingi lii ibuni dɔ genen mɔ, nke gikyo dɔ mɔ ɔ lɛɛ mɔ-nyoro nyiile asa abono nkana mɛ buu mɔ lii Galeli kpe Gyɛrusalem mɔ. Asa abono mɛ wu mɔ de ansi genen mɔ ne n gye abono mɛ kya lɛɛ mɔ-ilaa mɛ kya tɔgɛ ma-a sa aye Isirale awura mɔ.

Ibono Wurubuaarɛ Gi Ka Yela Sa Aye-Naanaana Mɔ

I Ba Gesintin Kon

³² "Aye kee, a ba gɛrɛnaa faa, a dɛ daa ɔkalan konkonsɛ kyu lii mɔ so a kya bara fɛye. Ilaa ibono Wurubuaarɛ gi wolaa ka yela sa aye-naanaana mɔ, ɔ yɛgɛ i ba gesintin sa aye mɔmɔ-biana mɔ.

³³ Nnɛ ne ɔ wɔra ne ɔ yɛgɛ i ba gesintin sa aye genen? Imɔ ne n gye yɛɛ ɔ kyingi Yesu lii ibuni dɔ. Wurubuaarɛ Ilon ɔwɔlɛ mɔ dɔ kee Wurubuaarɛ gi tɔgɛ Yesu ilaa ɔlon nyɔsɛ mɔ dɔ yɛɛ,

'Fo gye me-gisen dɔ obi. Nde ne wɔra fo-sɛ.'

³⁴ Wurubuaarɛ agyɛbi dɔ getɛko kee ɔ tɔgɛ yela yɛɛ ɔ laa kyingi Yesu lii ibuni dɔ de gekaako ɔ mɛn sa ɔ' kpaa loo isɛ dɔ de ɔ' gyɔ. Kyu lii ilaa idɛ so mɔ ɔ tɔgɛ yɛɛ,

'Fɛɛ gɛnɔɔbono nɛ ka yela sa Deefidi mɔ i man gbange. Me Wurubuaarɛ gbaa-gbaa nan kpaa fo.'

³⁵ Ne Wurubuaarɛ ilon ɔwɔlɛ mɔ dɔ mɔ, ɔko gi tɔgɛ sa Wurubuaarɛ yɛɛ, 'ɔbono o kyu mɔ-nyoro fue sa fo mɔ berɛ, fo man yɛgɛ mɔ ɔ' gyɔ sii isɛ dɔ kpa-a.'

³⁶ I mɛn gye Deefidi ne Wurubuaarɛ ɔwɔlɛ mɔ dare genen. I kya nyiile yɛɛ Deefidi gi wɔra Wurubuaarɛ gelaarɛ mɔ-gekyena dɔ pɛwu, ne o wu' kpe mɔ-naanaana asɛ, ne mɔ-nyoro gibi mɔ gi gyɔ.

³⁷ ɔbono Wurubuaarɛ gi kyingi mɔ lii ibuni dɔ mɔ berɛ, mɛn gyɔ.

³⁸ "Imɔso, aye-nanboana, fɛ' nu gɛsɛ yɛɛ kyu naa de Yesu baarɛ so ne fe laa nye Wurubuaarɛ o' kyu fɛye-ilaa nyenyɛn kyu kyɛɛ fɛye.

³⁹ Nengyene fo nyamesɛ fo tɔgɛ yɛɛ fo laa kyi Wurubuaarɛ nbara nbono Mosisi gi nɔmarase sa aye mɔ so pɛi de Wurubuaarɛ o' kyu fo-ilaa nyenyɛn kyɛɛ fo mɔ, fo man taalɛ. ɔkamaasɛ ɔbono o kyu mɔ-nyoro too Yesu so berɛ mɔ laa nye Wurubuaarɛ o' kpaarɛ mɔ-ilaa nyenyɛn kamaasɛ fue sa mɔ de Wurubuaarɛ o' kyu mɔ yɛɛ mɔ-gisen dɔ i boran.

⁴⁰ Fɛ' kerɛ fɛye-nyoro so dɔɔdan de gisobiide gibono Wurubuaarɛ ikalan atɔgebo mɔ mɛ dare mɔ gi mɛn' ba fɛye so. I kya nyiile yɛɛ Wurubuaarɛ ikalan atɔgebo mɔ mɛ nɔmarase ilaa ibono Wurubuaarɛ gi ka yela mɔ mɔmɔ-iwɔlɛ dɔ yɛɛ,

⁴¹ 'Fɛye abono fɛ kya nɔmasɛ me-ɔkalan mɔ ne fɛn kya kyu me kyu tɛrɛ sei mɔ,

fɛ' kyena de fɛ' kerɛ ilaa ibono nan baa wɔra mɔ.

I laa baa dɛ fɛye-gɛnɔ ne fe laa wu' kpɛm.

I kya nyiile yɛɛ nan wɔra ilaa fɛye-gekyena dɔ.

Nengyene ɔko gi buu genen ilaa mɔ sa fɛye gbaa mɔ, fɛ man sɔɔ gyi.' "

⁴² Pɔɔlo gi tɔŋɛ ta ne mɔ-rɛ Banabase mɛ laa lii Gyuda awura gikyangbon mɔ dɔ mɔ, asa mɔ mɛ kole ɔmɔ yɛɛ gɛkɛ kyoolase gɛbono gɛ laa kii ba mɔ mɛ' wɔra aniya de mɛ' kii baa nyiile mɔmɔ genen ilaa ibono Pɔɔlo gi tɔŋɛ sa ɔmɔ faa.

⁴³ Mɛ yaasɛ lii gikyangbon mɔ dɔ mɔ, Gyuda awura de asafo abono mɛ seɛ Wurubuaare ne mɛ loo Gyuda awura ɔson mɔ dɔ mɔ sakyɔ mɛ naa buu Pɔɔlo mɔ-rɛ Banabase. Mɛ buu mɔmɔ genen mɔ, Pɔɔloana mɛ tɔŋɛ keda ɔmɔ-nyoro yɛɛ, "Ɛɛ nyɛ Wurubuaare amɔɔɛgɛ kyu naa de Yesu so faa mɔ, fɛ' kɛ fa-a ka gyan mɔ so."

Pɔɔlo Ilaa I Wɔra Gyuda Awura Ako Gelaaloo

⁴⁴ Gɛkɛ kyoolase gɛbono gɛ kii ba mɔ, asa mɛ kpaa gyan faa fina-a de mɛ' nyɛ nu Wurubuaare agyɛbi kyu lii Yesu so. Mɛ gyan genen mɔ, i san daa pi-i de ɔsowolɛ mɔ so asa pɛwu mɛ' lii kɛ nno.

⁴⁵ Gyuda awura mɔ ako mɛ wu genɔɔbono asa mɛ nyaakyɔ Pɔɔloana ase genen mɔ, i wɔra mɔmɔ gelaaloo. Imɔso ɔ kya tɔŋɛ mɔ, mɛ sɔɔ mɔ akyɔɔɛ, ne mɛ saalɛ mɔ fili.

⁴⁶ Nfono mɔ, Pɔɔlo mɔ-rɛ Banabase mɛ da otu tɔŋɛ sa ɔmɔ yɛɛ, "I tiri yɛɛ fɛye ne a daa gitɔŋɛ Wurubuaare agyɛbi mɔ sa. Ibono fɛ kine amɔ ginu ne fɛye gbaa-gbaa ne n bun fɛye-nyoro gipueɛ yɛɛ fɛye berɛ, fɛŋ kaabore fɛ' nyɛ Wurubuaare ase gɛkyena gɛkpaa faa mɔ, a laa naa taa fɛye yɛgɛ. A kya kyon asa kpɛi-kpɛi abono mɛ mɛŋ gye Gyuda awura mɔ ase ne.

⁴⁷ I kya nyiile yɛɛ Wura Wurubuaare gi wolaa ka yela mɔ-agyɛbi dɔ yɛɛ, 'Nan lɛɛ fo yela de fo ne fo' wɔra fɛɛ fatela sa gɛsinkpan so asa kpɛi-kpɛi.

Gɛsinkpan gɛbɔgɔlon kamaase gɛbono dɔ mɛ bo mɔ,
fo ne nan kyu mɛ Wurubuaare amɔɔɛgɛ kpɛre ɔmɔ
de mɛ' nyɛ ɔkyenaten mɛ ase.' "

⁴⁸ Abono mɛ mɛŋ gye Gyuda awura mɔ mɛ nu genen ɔkalan baare mɔ, i wɔra ɔmɔ ɔkon, ne mɛ tɔŋɛ yɛɛ ɔkalan ɔbono mɛ nu kyu lii Wura Yesu so faa gye ɔkalan dense, ne mɔmɔ dɔ asa abono i wolaa i gye yɛɛ mɛ laa nyɛ gɛkyena Wurubuaare ase gɛkpaa mɔ, mɛ ka gyan Yesu so.

⁴⁹ Wura Yesu agyɛbi mɔ a nu gyan' de nsana nno pɛwu.

⁵⁰ Nfono mɔ, Gyuda awura mɔ berɛ mɛ kɛ akyii abono mɛ bo aterɛnbi ne mɛ bo Gyuda awura mɔ dɔ mɔ ase de anyɛn abono mɛ gye anyamesɛ gbaa'gbaa ɔsowolɛ mɔ so mɔ ase, ne mɛ kpaa nyida Pɔɔlo de Banabase sa ɔmɔ. Imɔso i yɛgɛ asa mɛ kya ka Pɔɔlo mɔ-rɛ Banabase ansi ne mɛ gya ɔmɔ lii isowolɛ ibono i bo nsana nno mɔ so.

⁵¹ Pɔɔlo mɔ-rɛ Banabase mɛ laa lii ɔsowolɛ mɔ so mɔ, mɛ kpiisi mɔmɔ-ayaa isɛ yela mɔmɔ de i' lɛɛ nyiile yɛɛ mɛŋ ba mɛ nyi ɔsowolɛ mɔ so awura ilaa, ne mɛ kyon kɛ Ikoniyon.

⁵² Mɔmɔ-nanboana Yesu akasɛbo abono mɛ san ɔsowolɛ mɔ so mɔ, Wurubuaare Odudu mɔ gi suu de mɔmɔ, ne mɛ san mɛ tɛ de ɔkon.

14

Pɔɔloana Mɛ Wɔra Ilaa Gbaa'gbaa Ikoniyon

¹ Pɔɔlo mɔ-rɛ Banabase mɛ kpaa loo Ikoniyon mɔ, mɛ naa kɛ Gyuda awura gikyangbon dɔ. Mɛ tɔŋɛ Yesu ilaa, ne i yɛgɛ Gyuda awura de asa kpɛi-kpɛi sakyɔ mɛ sɔɔ Yesu gyi.

² Gyuda awura abono mɛ kine mɛ mɛŋ sɔɔ Yesu gyi mɔ berɛ, mɛ baa nyida Yesu asonbo mɔ sa asa kpɛi-kpɛi ne i nyida mɔmɔ nsana.

³ Imɔso Pɔɔlo mɔ-re Banabase me sii kyena Ikoniyon nno keela nmaraa me kya da otu lee Wura Yesu ilaa me kya toge asa. Me lee toge omo genɔɔbono Wurubuaare kya naa de Yesu so mɔlege anyamese, ne Wura Yesu kee gi lee nyiile yee i gye gesintin. I kya nyiile yee o yege me taale wɔra ilaa gbaa'gbaa ibono nkana nyamese man taale wɔra mɔ-gibaa so mɔ.

⁴ Nfono mɔ, osowole mɔ so asa mɔ me ye ginyo. Ako me yele Gyuda awura mɔ gemara, ne mɔmɔ ako, mɔ, me yela Yesu isɔɔ mɔ gemara.

⁵ Gyuda awura mɔmɔ-re mɔmɔ-abelense abono me kya kere omo so mɔ de asa kpei-kpei me wɔra genɔ yee me laa wɔra Pɔɔlo mɔ-re Banabase ilaa nyenyen de me' da omo abui mɔ.

⁶ Me nu genen mɔ, me kpande lii nno kyon Likoniya gesinkpan so, ne me kpe Lisitera de Deebi isowole so, de gesinkpan gebono ge sindi nno mɔ.

⁷ Nno kee me naa me kya toge Yesu okalan konkonse mɔ ma-a sa asa.

Pɔɔlo Gi Kye Jtegese

⁸ Owi obono me bo Lisitera mɔ, me wu onyen oko te, mɔ-ayaa a wu'. Lii ko-o ibono i koroge mɔ mɔ, oɲ naa kere.

⁹ Pɔɔlo kya tonge mɔ, genen onyen baare kya nu mɔ ase. Pɔɔlo gi kere mɔ faa yiridididi mɔ, o bii yee genen onyen baare bo gisooɲgi gibono gi laa taale kye mɔ.

¹⁰ Pɔɔlo gi wu genen mɔ, o kpen ken-ken yee, "Koso yele fo-ayaa so." Nfono mɔ, onyen mɔ gi firigi yele mɔ-ayaa so, ne o san o kya naa kon.

¹¹ Sakpii mɔ gi wu ilaa bele ibono Pɔɔlo gi wɔra mɔ, me kpen toge Likoniya gede do yee, "Ikperere ne n bingiri anyamese ba aye ase faa!"

¹² Genen so mɔ asa mɔ me kyu Banabase yee mɔ ne n gye okperere obono me kya tere yee Suse ne Pɔɔlo, mɔ, ibono mɔ ne n kpe o kya gyangbara tonge sa asa so mɔ, me kyu mɔ yee o gye okperere obono me kya tere yee Heremise.

¹³ Nfono mɔ Suse okpegyoro obono mɔ-okperere obu sindi gebunono gebono me kya kyu loo osowole mɔ so mɔ gi kpa kyu inaade de iyii afototo kyu kpe osowole mɔ gekpen gebunono mɔ ase de mɔ-re sakpii mɔ me' kyoole Pɔɔlo mɔ-re Banabase fee ikperere-lee mɔ onan.

¹⁴ Banabase mɔ-re Pɔɔlo me nu yee me laa kyoole omo genen mɔ, me keda ngbe nbono me suu mɔ kyade de i' lee nyiile yee me kine imo, ne me sele loo saare sakpii mɔ do me san me kya kpen me kya toge yee,

¹⁵ "Anyen, mene n wɔra ne fe kya wɔra genen? A gye daa anyamese fee feye kee. Aye bere a kyu Wurubuaare okalan konkonse mɔ bara feye daa de fe' nye kyeege lii feye-ikperere gison gibono gin kya kpa feye de sei faa do de fe' baa son Wurubuaare obono o bo nno adaa-adaa mɔ. Mɔ ne n gye obono o lee soso de gese de apoo de ilaa kamaase ibono i bo imo do pewu mɔ.

¹⁶ Dedaa mɔ, o sa gesinkpan so asa kpei-kpei okpa de me' wɔra ilaa ibono i bo mɔmɔ obole mɔ.

¹⁷ O dabole sa feye okpa genen mɔ, i men gye yee o men wɔra ilaa de i' lee nyiile feye yee o bo no. O kya wɔra gidense sa feye. O kya sa feye nyangbon ne o kya yege ilaa duuseana i kya sorɔ imo-abi imo-abere do. O kya sa feye agyudo de ilaa dense gikyo ibono i kya yege feye-asen a kya toro feye."

¹⁸ Banabase mɔ-re Pɔɔlo me dabole toge ilaa ide sa omo gbaa faa, i wɔra olon sa omo, men laare me' taale tii sakpii mɔ yee me men sa me' kyoole omo fee ikperere-lee mɔ.

19 Imo ide gemara mo, Gyuda awura ako me lii Antiyoki de Ikoniyon baa tɔge asa mo yee me' yege momo-re omo me' wɔra genɔ Pɔɔlo so. Gesintin mo me wɔra genɔ, ne me kpaa da mo abui ne me kpɔi mo lii osowole mo so. Me kpɔi mo lii osowole mo so genen mo, me nyi yee o wu' daa!

20 Yesu akasebo mo me baa kyaaboo mo. O koso yelee ne o kii naa loo osowole mo so. Gede kese mo Pɔɔlo mo-re Banabase me kyon kpe Deebi.

Me Tɔge Wurubuaare Agyebi Nten Kpei-Kpei

21 Me loo Deebi mo, me tɔge Yesu okalan konkonse mo sa asa ne i yege asa sakyɔ me wɔra Yesu akasebo. Me lii nno mo, me kii kyon kpe Lisitera de Ikoniyon de Antiyoki.

22 Me kpe Yesu akasebo abono me bo nno mo ase kpaa tɔge keda momonyoro, ne me tɔge wɔra omo yee me' kpe sii de momo-gisooɔgyi gibono me soɔ Yesu gyi mo. Me tɔge sa momo yee, "I bo no yee a laa wu awɔɔfoɔ gikyɔ bere. Imo gemara mo, a laa nye Wurubuaare gewuragyi do akyenabi mo."

23 Pɔɔlo mo-re Banabase me lee abelense sa Wura Yesu asonbo akpen mo. Me nmɔnde genɔ ne me dalaa kyu genen abelense mo wɔra Wura Yesu abono me ka gyan mo so mo abaa do.

24 Me naa de Pisidiya gesinkpan so, ne me baa fo Panfliya gesinkpan so.

25 Imo gemara mo, me kpe Pɛɛga osowole so. Me tɔge Yesu okalan konkonse mo sa asa abono me bo nno mo, ne me kyon kpeleɛge kpe Ataliya osowole so. Me lii Ataliya mo, me kyu gikolii ne me pale kyon kii kpe Antiyoki.

26 Pɛi ne me laa kpe genen okpa obono mo, Antiyoki nno ne me bo, ne Wura Yesu asonbo gikpen mo me kyu momo wɔra Wurubuaare abaa do de me' wɔra genen gesun gebono.

27 Imoso me kpaa loo Antiyoki nno mo, me koola Yesu asonbo gikpen mo kpaa gyan', ne me buu ilaa ibono pewu Wurubuaare gi yee me taale wɔra mo sa omo de genooɔbɔno Wurubuaare gi bugi okpa sa asa abono me men gyɛ Gyuda awura ne me nye kyu omo-nyoro too Yesu so mo.

28 Pɔɔlo mo-re Banabase me sii kyena Yesu akasebo mo ase nno keela.

15

Me Sun Ako Gyerusalem

1 Genen owi obono do mo, anyen ako me lii Gyudiya ba me kya nyiile Yesu asonbo ilaa yee, "Nengyene me men ten fo oko giwɔre fee genooɔbɔno aye-naana Mosisi nbara mo gi kya nyiile mo, fo man nye Wurubuaare o' mɔleɛge fo de fo' nye okyenaten mo ase."

2 Pɔɔlo mo-re Banabase me nu genen ilaa ide mo, akyoole bele ako a tɔɔ omo-re genen asa abono so, men nu abara gese. Imoso Yesu asonbo mo me kyu amu sindi abara, ne me lee Pɔɔlo mo-re Banabase de momo-nanboana ako sun Gyerusalem de me' kpaa wu Yesu isoo mo de abelense abono me kya kere Yesu asonbo gikpen gibono gi bo nno mo so de me' kyu genen ilaa ibono kyu kpaa too momo-ansi do.

3 Yesu asonbo gikpen mo me lee abono me sun mo okpa mo, me kyu de Fonisiya de Samariya nsinkpan so. Me naa me kya kpe genen mo, me kya buu sa momo-nanboana Yesu onon mo do yee asa abono me men gyɛ Gyuda awura mo momo do ako kee me nu momo-nyoro gese ne me kyeege me kya son Wura Yesu. Abono me kya nu genen mo, i kya wɔra momo pewu okon gikyɔ.

⁴ Mɛ kpaa loo Gyɛrusalem mɔ, Yesu asonbo gikpen gibono gi bo nno mɔ de mɔmɔ-abelɛnsɛ de Yesu isɔɔ mɔ mɛ sɔɔ mɔmɔ abaa anyɔ, nɛ mɔmɔ mɔ, mɛ buu ilaa ibono Wurubuaare gi wɔra kyu naa de ɔmɔ so mɔ sa mɔmɔ.

⁵ Nfono mɔ, asa ako mɛ koso yɛɛ. Genen asa abono mɛ gye Farasii ɔson gikpen mɔ dɔ abono mɛ sɔɔ Yesu gyi mɔ. Mɛ kpɛ koso yɛɛ mɔ, ilaa ibono i laa lii ɔmɔ-gɛnɔ dɔ mɔ nɛ n gye yɛɛ, “I kaabore asa abono mɛ mɛn gye aye Gyuda awura nɛ mɛ kya laare mɛ' son Yesu mɔ mɛ' ten ɔmɔ-awɔre de a' ka sa ɔmɔ yɛɛ mɛ' gyi aye-naana Mosisi nbara mɔ so.”

Abelɛnsɛ Mɛ Gyan' Imɔ-Gesingyi Gyɛrusalem

⁶ Nfono mɔ, Yesu isɔɔ mɔ de Yesu asonbo gikpen mɔ abelɛnsɛ mɔ mɛ kpaa gyan' de mɛ' gyi imɔ so gesingyi.

⁷ Mɛ kpaa gyan' mɔ, mɛ kyena imɔ so kɛɛla. Nfono mɔ, Piita gi koso nɛ ɔ tɔgɛ sa ɔmɔ yɛɛ, “Mɛ-nanboana Yesu asonbo, fɛye gbaa-gbaa fɛ nyi yɛɛ abere ako dɔ mɔ, Wurubuaare gi tɔɔsɛ mɛ lɛɛ yɛɛ n' tɔgɛ Yesu ɔkalan konkonsɛ mɔ sa abono mɛ mɛn gye aye Gyuda awura mɔ kee de mɛ' nye ka gyan mɔ so. Wurubuaare gi lɛɛ mɛ genen mɔ, i mɛn gye ndɛ'.

⁸ Wurubuaare nyi nyamesɛ kamaasɛ gisen dɔ. O kyu mɔ-Odudun mɔ sa abono mɛ mɛn gye aye Gyuda awura mɔ kee fɛɛ aye-lɛɛ mɔ ondan de i' lɛɛ nyiile yɛɛ mɔmɔ kee mɛ laa nye wɔra Yesu asonbo.

⁹ Wurubuaare asɛ mɔ aye Gyuda awura aɲ kɔrɔ, nɛ mɔmɔ kee mɛn kɔrɔ. I kya nyiile yɛɛ mɔmɔ dɔ abono mɛ kyu ɔmɔ-nyoro too Yesu so mɔ, Wurubuaare gi kpaaɛ mɔmɔ-ilaa nyenyɛn fuɛ, fɛɛ genɔɔbɔno ɔ wɔra sa aye abono kee a wolaa kyu aye-nyoro too Yesu so mɔ.

¹⁰ Nɛ idɛ kon i wonɛ so nɛ fɛ kya laare i' wɔra ɔlon sa Yesu akasɛbo abono mɛ mɛn gye Gyuda awura mɔ? Gesola gɛbɔno fɛ dɛ fɛ kya laare fɛ' kyu sola mɔmɔ faa, aye-naanaana mɛn taalɛ gɛmɔ nɛ aye kee a mɛn taalɛ gɛmɔ. Fɛ sola ɔmɔ genen gesola gɛdɛ mɔ, fɛ kya soo Wurubuaare idoo nɛ.

¹¹ Inj kaabore i' ba genen. A sɔɔ gyi yɛɛ a nye Wurubuaare amɔlɛgɛ kyu naa de Wura Yesu gitolon gibono ɔ bo mɔ so fɛɛ genɔɔbɔno mɔmɔ kee mɛ nye mɔ.”

¹² Piita gi tɔngɛ ta mɔ, mɔmɔ pɛwu mɛ sii faa kurun, nɛ mɛ yɛla mɔmɔ-aso de mɛ' nu Pɔɔlo mɔ-rɛ Banabase kee asɛ. Pɔɔlo mɔ-rɛ Banabase mɛ tɔgɛ genɔɔbɔno mɛ kpɛ asa abono mɛ mɛn gye Gyuda awura mɔ asɛ nɛ Wurubuaare gi kpaa ɔmɔ de mɛ' nye wɔra ilaa ibono i kya lɛɛ Yesu ɔlon mɔ nyiile mɔ de ilaa gbaa'gbaa ibono nkana nyamesɛ mɛn taalɛ wɔra imɔ mɔ-gibaa so mɔ.

¹³ Mɛ tɔngɛ ta mɔ, Gyeemesi gi lɛɛ genɔ yɛɛ,

¹⁴ “Mɛ-nanboana Yesu asonbo, fɛ' nu mɛ asɛ. Kyu lii asa abono mɛ mɛn gye Gyuda awura mɔ so mɔ, Simon Piita gi lɛɛ gesɛ genɔɔbɔno Wurubuaare gi kpaa laa mɔmɔ gigyangbarasɛ mɔ. ɔ kpaa laa ɔmɔ genen mɔ, ɔ kya laare de ɔ' lɛɛ mɔmɔ dɔ ako de mɛ' wɔra mɔ-asonbo.

¹⁵ Genen nɛ Wurubuaare ikalan atɔgɛbo mɔ mɛ wolaa tɔgɛ kyu lii mɔmɔ so kee nɛ. Mɛ tɔgɛ yɛɛ,

¹⁶ ‘Wurubuaare yɛɛ,

“Imɔ idɛ gemara mɔ, nan kii ba. Nɛ kii ba mɔ,
nan baa lɔrɔ Wura Deefidi gɛten gɛbɔno gɛ boori mɔ yii.
Nan lɔrɔ akyanfon mɔ pɔrɔ.

¹⁷ Imɔ nɛ nan yɛgɛ gesinkpan so asa sɛnsɛ pɛwu mɛ' laare mɛ ɔbɔno n gye wura mɔ gɛten. Asa abono pɛwu nɛ tɔgɛ ɔmɔ yɛɛ mɛ' wɔra mɛ-asonbo mɔ mɛ laa lii asa kpɛi-kpɛi pɛwu dɔ ba mɛ asɛ.”

Genen ne Wura Wurubuaare gi tɔge ne.

Mɔ ne n kya wɔra imɔ ide pewu.

18 Lii ko-o dedaa ne Wurubuaare gi wolaa tɔge lɛe ilaa ide nyiile.' "

19 Gyeemesi gi kii tɔge yee, "Imɔso me-lɛe ibono n bo nan tɔge mɔ ne n gye yee i menj faa kaabore a' yegɛ Wurubuaare ɔson ɔ' wɔra ɔlon sa asa sɛnsɛ kpeɪ-kpeɪ abono me kya son Wurubuaare kyu naa de Yesu so faa. Anj sa a' tɔge yee me' gyi aye Gyuda awura nbara mɔ pewu so.

20 A' nmarase kpaa sa ɔmɔ daa yee me' menj sa me' gyi akyɔɔletɔ. Imɔ ibono i laa kyɔlese mɔmɔ-Wurubuaare ɔson. Genen kee ne a' tɔge sa mɔmɔ yee me menj sa me' laare agyibara. Me menj sa me' gyi nkalan de me menj sa me' gyi gebue gebono me menj ten gemɔ-lɛe nkalan mɔ.

21 Nengyene fɛɛ Mosisi nbara mɔ bere ne me kya laare me' nu mɔ, kpe kyu lii ko-o adedaabo aberɛ dɔ mɔ, isowole kamaase so mɔ i bo abono me kya tɔge nbara mɔ sa asa aye Gyuda awura akyangbon dɔ. Me kya tɔge mɔ so ilaa geke kyoolase kamaase."

Ilaa Ibono Abelɛnsɛ Mɛ Wu Mɔ

22 Gyeemesi gi tɔnge ta mɔ, Yesu isɔɔ mɔ de abelɛnsɛ sɛnsɛ mɔ de asa abono me bo Yesu ɔson gikpen mɔ dɔ mɔ pewu me wu yee i kyena sa ɔmɔ, ne me kyule ne me tɔge yee me laa lɛe mɔmɔ dɔ asa ako de genen asa abono mɔmɔ-rɛ Pɔɔlo de Banabase me' kyu ɔwole kpe Antiyoki. Gesintin mɔ, me keda Gyudase ɔbono me kya tere mɔ-ginyɛn giko yee Baasabase mɔ de Siilase sun. Genen asa abono me gye agyangbarabo ako Yesu ɔson mɔ dɔ.

23 Me laa kpe genen mɔ, abelɛnsɛ abono me kya sun ɔmɔ mɔ me nmarase mɔmɔ-gibaa dɔ ɔwole sa ɔmɔ yee,

"Aye Yesu isɔɔ de aye abono a gye feye-nanboana Yesu ɔson mɔ dɔ mɔ, aye-rɛ aye-abelɛnsɛ ne n gyan' ne a nmarase feye genen ɔwole baare. A kya nmarase feye abono fe te Antiyoki ɔsowole so de Siiriya de Silisiya nsinkpan so ne fe menj gye Gyuda awura ne fe baa loo Yesu ɔson mɔ dɔ mɔ. A kya faala feye.

24 "A nu yee aye asa ako me lii aye ase gerɛnaa owi ɔbono i menj gye aye ne n sun ɔmɔ ne me kpe kpaa nyala feye. A nu yee ilaa ibono me kpaa tɔge sa feye mɔ i yegɛ feye-nwɔnsa dɔ i bo feye kpada-kpada.

25-27 Imɔso a gyan' ne a kyu amu sindi abara ne a tɔge kyule abara yee a laa lɛe asa ako sun feye ase de fe' nu ilaa ibono a nminde mɔ lii mɔmɔ gbaa-gbaa nno dɔ. Abono a lɛe mɔ ne n gye Gyudase mɔ-rɛ Siilase. Aye-nanboana laarese, Pɔɔlo mɔ-rɛ Banabase, me bɔla mɔmɔ so. Pɔɔlo mɔ-rɛ Banabase me gye asa abono me kyu mɔmɔ-nkpa fue sa aye-Wura Yesu Kirisito gesun mɔ.

28 "Aye-rɛ Wurubuaare Oduduu mɔ a kerɛ faa, i menj boran fɛɛ a' kii kyu gesola geko kii baa sola feye baa too de ilaa tirise ibono a laa tɔge feye faa. Imɔ ne n gye yee,

29 fe' menj sa fe' gyi akyɔɔletɔ. Fe menj sa fe' gyi nkalan abee gebue gebono fej ten gemɔ-lɛe nkalan mɔ. Fe menj sa fe' laare agyibara. Nengyene fe gyi genen ilaa ideana so mɔ, fe wɔra ibono i kaabore fe' wɔra mɔ ne. Fe' kyena dandan. A sin gere."

Gyɛrusalem Abelɛnsɛ Mɛ Sun Asa Antiyoki

30 Yesu isɔɔ mɔ me lɛe asunbo mɔ ɔkpa ne me kyon kpe Antiyoki. Me loo Antiyoki mɔ, me tere asonbo gikpen mɔ gi bo nno mɔ kpaa gyan' ne me lɛe ɔwole mɔ kyu sa ɔmɔ.

³¹ Yesu asonbo gikpen mɔ me kale ɔwole mɔ mɔ, i wɔra ɔmɔ ɔkon gikyo. I kya nyiile yee ɔwole mɔ gi yegɛ i keda ɔmɔ-nyoro.

³² Gyudase mɔ-re Siilase gbaa-gbaa kee me gye daa Wurubuaare ikalan atɔgebo. Me tɔge ilaa gikyo sa mɔmɔ-nanboana Yesu ɔson mɔ dɔ de i' nye keda ɔmɔ-nyoro de mɔmɔ-nyoro giɲ sa gi' yɔɔ mɔmɔ.

³³ Me kyena nno ηmaraa mɔ, abono ase me sun ɔmɔ mɔ, me lee ɔmɔ-ɔkpa de gisen yuuli ne me kii kpe abelense abono me sun ɔmɔ mɔ ase.

[³⁴ Me laa kii mɔ, Siilase bere gi sa gɛwɔnsa yee ɔ laa kyena Antiyoki nno ηmaraa.]

³⁵ Pɔɔlo mɔ-re Banabase kee me sii kyena Antiyoki, ne mɔmɔ-re mɔmɔ-nanboana sakyo kee me tɔge Wura Yesu ɔkalan konkonse mɔ sa asa, ne me nyiile mɔmɔ ilaa kyu lii ɔkalan mɔ so.

Pɔɔlo Mɔ-re Banabase Me Yaase Kpe Nten Kpei-Kpei

³⁶ Imɔ gemara mɔ, Pɔɔlo gi tɔge sa Banabase yee, "Yegɛ de a' kii kpe isowole ibono so a naa kyena tɔge aye-Wura Yesu ɔkalan konkonse mɔ sa asa mɔ de a' kpaalaa abono me sɔɔ Yesu gyi nno mɔ de a' kere gɛnɔɔbono me te mɔ."

³⁷ Banabase gi laare fɛɛ me' kyu Gyɔn Maako de mɔmɔ-re mɔ me' kpe.

³⁸ Pɔɔlo bere mɛn laare genen. I kya nyiile yee Gyɔn gi tɛɛ mɔ-nyoro naa taa ɔmɔ yegɛ Panfiliya owi ɔko dɔ; ɔ mɛn yegɛ de ɔmɔ-re mɔ me' naa wɔra Wurubuaare agyebi gesun mɔ kpaalaa logɛ.

³⁹ Nfono mɔ akyɔɔle a tɔrɔ Pɔɔlo mɔ-re Banabase so me mɛn tɔge kyule abara. Imɔso me tɔge yee me laa yaase kpe nten kpei-kpei. Banabase gi kyu Maako kyu buu mɔ-nyoro ne me dii loo gikolii dɔ ne me pale kyon Saapurose gesinkpan so.

⁴⁰ Pɔɔlo, mɔ, gi lee Siilase, ne mɔ-re mɔ me kyu de mɔmɔ-lee ɔkpa. Me laa kyon genen mɔ, ɔmɔ-nanboana Yesu ɔson mɔ dɔ mɔ me kyu ɔmɔ kyu wɔra Wura Yesu abaa dɔ yee ɔ' kpaalaa mɔmɔ gesun mɔ dɔ.

⁴¹ Imɔso me naa-naa gyan' de Siiriya de Silisiya nsinkpan so, ne ɔ tɔge keda Yesu asonbo akpen mɔ nyoro.

16

Pɔɔlo Gi Nye De Timoti ɔ' Kpaalaa Mɔ

¹ Pɔɔlo gi kingi kpaalaa fo Deebi de Lisitera isowole so. Genen owi ɔbono dɔ mɔ, Yesu ɔkasebo ɔko te Lisitera nno, me kya tere mɔ ginyen yee Timoti. Mɔ-nyi gye Gyudakyii, ne ɔ sɔɔ Yesu gyi; mɔ-se mɔ gye Geriikinyen.

² Timoti mɔ-nanboana Yesu ɔson mɔ dɔ abono me bo Lisitera de Ikoniyon isowole so mɔ me kya yen mɔ.

³ Pɔɔlo kya laare Timoti ɔ' wɔra mɔ-dega de mɔ-re mɔ me' naa kingi. Imɔso ɔ kyu Timoti kpe, ne me ten mɔ-giwɔre Gyuda awura tiibi ɔkpa so. I kya nyiile yee Gyuda awura abono me bo nsana-nsana nno mɔ pewu me nyi ibono Timoti mɔ-se gye Geriikinyen.

⁴ Pɔɔloana me naa me naa de isowole. Ilaa ibono Yesu isɔɔ mɔ de Yesu asonbo abelense abono me te Gyerusalem mɔ me yela sa Yesu asonbo mɔ pewu mɔ me de imɔ me kya tɔge de asa me' nye gyi imɔ so.

⁵ Yesu asonbo akpen mɔ me nu imɔ mɔ, i yegɛ me lɔrɔ sɔɔ Yesu gyi too, ne mɔmɔ-gegyɔnɔ gɛ kya nyaakyo gɛ kya too geke kamaase.

⁶ Wurubuaare Oduduu mɔ mɛn sa Pɔɔloana ɔkpa de me' nye kpaalaa tɔge Yesu ɔkalan mɔ Esiya gesinkpan so. Lii genen so mɔ me naa daa de Firigiyi de Galati nsinkpan so me kya tɔge Yesu ɔkalan mɔ.

⁷ Mɛ fo Misiya gesinkpan ɔkara mɔ i wɔra ɔmɔ fɛɛ mɛ' naa de Bitiniya gesinkpan so. Yesu Oduduu mɔ mɔ mɛn kyule sa ɔmɔ.

⁸ Imɔso mɛ loo Misiya lii kyon kpeleɛ kpe Tirowase.

⁹ Mɛ bo Tirowase mɔ, genye geko mɔ, i wɔra Pɔɔlo fɛɛ oderi, ne o wu Masadoniyanen ɔko gi ba ɔ yele ɔ kya kole mɔ yɛɛ, “Wɔra aniya, ba Masadoniya de fo' baa kpaɛ aye.”

¹⁰ Abere abono mɔ, mɛ ɔbono n kya nmarase ɔwole baare mɔ, n bo Pɔɔloana ase nno. Ibono Pɔɔlo gi wu genen ilaa ide fɛɛ oderi mɔ, a wu yɛɛ Wurubuaare ne n kya sun aye yɛɛ a' kpaɛ tɔɛ Yesu ɔkalan konkonse mɔ sa Masadoniya awura. Imɔso ayaa abono so mɔ, a koso baala.

Lidiya Gi Sɔɔ Yesu Gyi

¹¹ A kya kpe mɔ, a kyu gikolii lii Tirowase kpe Samotirasi gesinkpan so. An bage geteeko. Gede kese mɔ a loo Niyapolisi ɔsowole so.

¹² A lii nfono mɔ, a kyon kpe daa Filipayi. Filipayi gye ɔsowole bele Masadoniya gesinkpan so. Rom awura abeyin ne n kya kere ɔmɔ so. A loo Filipayi genen mɔ, a sii kyena nno nke kalɛɛ nko.

¹³ I fo gekɛ kyoolase mɔ, a koso lii kpe ɔsowole mɔ nkan kpe ɔbon ɔko gigengen. A kya kpe genen mɔ, a nyi yɛɛ ɔfaanan nno ne asa mɛ kya gyan' dalaɛ fɛɛ? A fo nno mɔ, a kpeleɛ kyena ne a tongɛ sa akyii abono mɛ baa gyan' nno mɔ.

¹⁴ Abono mɛ nu aye ase mɔ dɔ ɔko ginyen ne n gye Lidiya. ɔ lii Tayatira ɔsowole so, ɔ kya fɛ akuru pebara boɔgyalonɛ. ɔ gye Wurubuaare ɔsonbo. Wura Yesu gi yɛɛ Lidiya gi bugi mɔ-gisen ne ɔ yɛ mɔ-giso nu ne ɔ sɔɔ ilaa ibono Pɔɔlo gi tɔɛ kyu lii Yesu so mɔ gyi.

¹⁵ ɔ sɔɔ Yesu gyi genen mɔ, a gyere mɔ-rɛ mɔ-geten dɔ awura Wurubuaare sagyere. Nfono mɔ ɔkyii mɔ gi kole aye yɛɛ, “Nengyene fɛ nye wu mɛ bii yɛɛ nɛ sɔɔ Wura Yesu gyi gesintin mɔ, fɛ' baa loo mɛ ase.” Ne ɔ keda aye yela mɔ-gewi.

Obolonbu ɔko Buu Aye ɔ Kya Kpen

¹⁶ Gekɛ gede mɔ, a koso a kya kpe ɔdalaaten mɔ de-e, aye-rɛ obolonbu ɔko a gyan'. Ilaa nyenyen oduduu tɛ mɔ so, ne i kya yɛɛ ɔ kya wu ilaa tɔɛ. ɔ tɛ asa ako ase, ne mɔ-wuraana mɔ mɛ kya nye aterebi gikyɔ lii mɔ-ilaɛ ibono ɔ kya wu tɔɛ mɔ so.

¹⁷ Aye-rɛ mɔ a gyan' genen mɔ, ɔ kpe san ɔ naa o buu aye-rɛ Pɔɔlo. ɔ kya kpen ɔ kya tɔɛ yɛɛ, “Fɛ' kere, genen anyen ade ne n gye Wurubuaare ɔbono ɔ gye Gitobele mɔ adegɛ. Mɔmɔ ne n kya tɔɛ mɛ kya sa fɛye ɔkpa ɔbono so fɛ laa naa de fɛ' nye Wurubuaare ɔ' mɔleɛ fɛye de fɛ' nye kyena mɔ ase mɔ.”

¹⁸ Nke gikyɔ dɔ mɔ, genen ilaa ide ne ɔkyii baare kpe ɔ kya tɔɛ. Gekɛ gede bere mɔ, ilaa nyenyen oduduu mɔ kya kpen genen mɔ, i kyu Pɔɔlo ginyadon ne o kisee faa imɔ so yɛɛ, “Wura Yesu Kirisito ginyen dɔ mɔ, mɛ yɛɛ koso lii ɔkyii baare so.” Ayaa abono so mɔ, ilaa nyenyen oduduu mɔ gi koso obolonbu mɔ so.

Mɛ Keda Pɔɔlo Mɔ-rɛ Siilase Kyu Wɔra Nbele Dɔ

¹⁹ I ba genen mɔ, mɔ-wuraana mɔ mɛ wu yɛɛ ide kon bere mɛ man baa nye aterebi lii mɔ so. Imɔso mɛ keda Pɔɔlo mɔ-rɛ Siilase kpɛi mɔmɔ lii kpe sansana ɔsowole mɔ so abelɛnɛ ansi dɔ.

²⁰ Mɛ kyu Pɔɔlo mɔ-rɛ Siilase kyu kperɛ nbele agyibo ne mɛ buu sa nbele agyibo mɔ yɛɛ, “Genen anyen anyɔ ade mɛ gye daa Gyuda awura. Ilaa ibono i laa bara nbele ɔsowole mɔ so mɔ ne mɛ kya wɔra.

21 I kya nyiile yee me kya bara itiibilaa ibono in de okpa yee aye Rom awura a' wɔra abee a' gyi imo so mo."

22 Nfono mo, sakkii obono o bo nno mo de nbele agyibo mo me wɔra geno yee me laa wɔra Pɔolo mo-re Siilase anyanyan. Nbele agyibo mo me kyade kyade Pɔolo mo-re Siilase ngbe lii momo-nyoro so ne me yee me taa momo nyaabii.

23 Me taa Pɔolo mo-re Siilase momo-gelaare ta mo, me kyu omo kyu kpa tii de obu. Me laa kyu omo kpa tii genen mo, nbele agyibo mo me toge sa obelense obono o kya dii asa abono me keda tii de obu mo yee o' kere Pɔolo mo-re Siilase so dandan de men sa me' nye sele.

24 O nu genen ilaa ide mo, o kyu omo kyu kpa wɔra tudo tudo-lee obu mo do ne o da omo-ayaa do ipan.

Gesinkpan Ge Gyigisi Tigi Obu Mo Asin

25 Imo genye de nsana mo, Pɔolo mo-re Siilase me kya dalaa me kya bii ilon me kya sa Wurubuaare. Momo-nanboana abono momo kee me tii obu mo do mo, me bugi omo-aso me kya nu omo ase.

26 Me kpe ma-a dalaa me kya bii ilon mo genen mo, nfono mo, gesinkpan ge gyigisi de olon ne i yee obu mo ipore mo i gyigisi kpa tu gese. Ayaa abono so mo, obu mo asin mo pewu a tigi ne ipan mo me da momo mo i kyale lii momo-ayaa do.

27 Obono o kya dii asa abono me keda tii de obu mo gi wu asin mo a tigi mo, o nyi yee asa mo o kya dii omo mo me sele lii kyon daa. Imoso o biide geki lee o laa kyu mo mo-nyoro.

28 Pɔolo gi kpen ken-ken toge sa mo yee, "Geŋ sa fo' mo fo-nyoro. Aye pewu a bo gere; an sele."

29 Obono mo gi nu genen mo, o saawo tere asa yee me' bara fatela, ne o ghere loo obu mo do. Mo-nyoro gi kya da mo faa gyin-gyin, ne o kpelege nmii Pɔolo mo-re Siilase ayaa do.

30 Nfono mo o kyu omo lii ne o taase omo yee, "Abelense, nne ne nan wɔra de Wurubuaare o' molege me de n' nye kyena mo ase?"

31 O taase omo genen mo, me toge sa mo yee, "Kyu fo-nyoro too Wura Yesu so. Fo wɔra genen mo, fo-re fo-getsen do awura fe laa nye Wurubuaare amolege de fe' nye kyena mo ase."

32 Me toge sa mo genen mo, me kpa toge Wurubuaare okalan konkonse kyu lii Wura Yesu so sa mo-re mo-getsen do awura pewu.

33-34 O kyu Pɔolo mo-re Siilase genen genye gebono kpe mo-getsen do. O mada omo-ilo, ne me gyere mo-re mo-getsen do awura pewu Wurubuaare sagyere ayaa abono so. O sa omo agyudo ne me gyi, ne mo-re mo-getsen do awura mo pewu me gyi okon. I kya nyiile yee o kyu mo-nyoro kyu too Wurubuaare so.

Pɔolo Manj Kyule Yee Me' Yee Omo Me' Naa Asiiri Do

35 Gede ge ke mo, nbele agyibo mo me sun ngbe awura kpa toge sa obono o kya tii asa de obu mo yee, "Yee anyen mo me' naa."

36 Nfono mo obono o kya dii asa abono me keda tii de obu mo gi toge sa Pɔolo yee, "Nbele agyibo mo me sun baa toge yee a' yee feye de fe' naa. Imoso fe' lii naa de gisen yuuli."

37 O buu sa omo genen mo, Pɔolo gi toge sa mo-re ngbe awura abono me bo nno mo yee, "Me koree aye sansana, yee me men gyi aye-nbele de me' wu yee a gyi gipuee. Ne me kyu aye kpa tii de obu, yee Rom awura me kya kyu aye kee yee a gye momo Rom awura. Ne i wone so ne me laa

tigi aye de a' naa ne me kya wɔra imɔ daa asiiri dɔ? A man kyule. Mɔmɔ gbaa-gbaa me' ba de me' lɛɛ aye lii obu mɔ dɔ."

³⁸ Ngbe awura mɔ me kyu genen okalan baare kyu kpaɔ tɔge sa nbele agyibo mɔ. Me nu yeɛ Rom awura me kyu Pɔɔlo mɔ-re Siilase feɛ me gye mɔmɔ Rom awura mɔ, i wɔra ɔmɔ gifuu.

³⁹ Imɔso nbele agyibo mɔ me kpaɔ de ɔmɔ gisere, ne me tigi ɔmɔ. Me tigi ɔmɔ mɔ, me tɔge ɔmɔ yeɛ me' wɔra aniya, me' lii ɔsowole mɔ so.

⁴⁰ Pɔɔlo mɔ-re Siilase me lii obu mɔ dɔ mɔ, me naa kpe Lidiya gewi. Me wu mɔmɔ-nanboana Yesu asonbo mɔ, me tɔge ilaa sa ɔmɔ de i' keda ɔmɔ-nyoro, ne me naa lii ɔsowole mɔ so kyon.

17

Asa Me Ka Pɔɔloana Ansi Tesalonika ɔsowole So

¹ Me naa kpaɔ loo Anfipolise de Apoloniya isowole so lii kpaɔ fo Tesalonika ɔsowole so. Gyuda awura gikyangbon gi bo nno.

² Pɔɔlo gi kpe nno kpaɔ tɔge Wurubuaare agyebi sa mɔ-nanboana Gyuda awura feɛ genɔɔbono ɔ wolaa ɔ kya wɔra mɔ. Mɔ-re Gyuda awura mɔ me gyi amɔ so nsingyi nke kyoolase nsa gyan abara so.

³ ɔ lɛɛ Wurubuaare agyebi mɔ gese ne ɔ nyiile ɔmɔ yeɛ ɔbono Wurubuaare laa sun de ɔ' baa mɔlɛge asa de me' nye Wurubuaare ase gekyena mɔ wolaa ɔ gye ɔbono ɔ laa wu ɔlaawuse de o' wu' de me' pule mɔ de imɔ gemara mɔ o' kyingi lii ibuni dɔ. Pɔɔlo gi tɔge sa ɔmɔ yeɛ, "Yesu ɔbono ilaa n kya tɔge feye faa ne n gye genen nyamese ɔbono Wurubuaare gi sun yeɛ ɔ' baa mɔlɛge asa mɔ."

⁴ Nfono mɔ asa abono me bo nno mɔ ako me sɔɔ ibono ɔ tɔge mɔ gyi, ne me baa bɔla Pɔɔlo mɔ-re Siilase so. Mɔmɔ dɔ mɔ i nye Geriiki awura abono me kya son Wurubuaare mɔ de akyiinyen sakyɔ.

⁵ Gyuda awura abono me menɔ sɔɔ gyi mɔ bere i wɔra ɔmɔ gelaaloo. Imɔso me kpaɔ koola ilaa nyenyɛn awɔrabo abono me naa giyan me menɔ bo giko dɔ mɔ wɔra gikpen bele, me san me kya faa me kya wɔra ɔlanba bele ɔsowole mɔ so, ne me gbere kpe Gyeeson gewi me' kpaɔ laare Pɔɔlo mɔ-re Siilase de me' nye kyu ɔmɔ kpaɔ wɔra ɔsowole mɔ so abelense abaa dɔ.

⁶ Me kpe Gyeeson gewi ne me menɔ wu mɔmɔ mɔ, me san kyu keda daa Gyeeson mɔ-re Yesu asonbo mɔ ako kpɛi ɔmɔ kpere abelense abono me kya kere ɔsowole mɔ so mɔ. Me kyu ɔmɔ kpe mɔ, me kpen tɔge sa abelense mɔ yeɛ, "Genen anyen ade ne n gye abono me kya kpadɛɛ ilaa gesinkpan geten kamaase mɔ. Me kyu mɔmɔ genen ilaa ibono kyu baa loo ɔsowole baare so kee,

⁷ ne Gyeeson baare gi sɔɔ ɔmɔ yela mɔ-geten dɔ. Mɔmɔ pewu menɔ kya gyi aye Rom awura wura bele mɔ nbara mɔ so. Me kya tɔge yeɛ inɔ gye mɔ ne n gye wura bele mɔ. Me de daa yeɛ wura bele mɔ ne n gye Yesu."

⁸ Abelense mɔ de asa sɛnse abono kee me ba nfono mɔ me nu genen ilaa ide mɔ, mɔmɔ-nwɔnsa gi nyida ɔmɔ.

⁹ Nfono mɔ, abelense mɔ me yege Gyeeson mɔ-re Yesu asonbo abono me ka aterɛnbi ako yela de i' nyiile yeɛ kyu lii genen owi ɔbono kyu i kya kpe mɔ, me laa yege gisen yuuli gi' ba ɔsowole mɔ so, ne me taa ɔmɔ yege.

Me Kyu Pɔɔloana Nara Lii Tesalonika Kyon Kpe Biroya

¹⁰ Imɔ genye mɔ, Yesu asonbo abono me bo Tesalonika nno mɔ me kyu Pɔɔlo mɔ-re Siilase nara lii ɔsowole mɔ so, ne me lɛɛ ɔmɔ-ɔkpa, ne me

kyon Biroya. Pɔɔlo mɔ-rɛ Siilase mɛ kpaa loo Biroya mɔ, mɛ kyon kpe daa mɔmɔ Gyuda awura gikyangbon dɔ.

¹¹ Asa abono mɛ bo Biroya nno mɔ bere, mɛ kya nu ilaa gɛsɛ don Tesalonika awura mɔ. I kya nyiile yɛɛ i kya da ɔmɔ ɔbɔle de mɛ' yela giso nu Yesu ɔkalan mɔ, ne gɛkɛ kamaase mɔ mɛ kya pɛɛrɛ ansi kere Wurubuaare agyebi ɔwɔle mɔ dɔ de mɛ' wu yɛɛ ilaa ibono Pɔɔlo kya tɔgɛ mɔ i kya kyena de Wurubuaare agyebi mɔ?

¹² Lii genen so mɔ, nno asa sakɔyɔ mɛ kyu mɔmɔ-nyoro too Yesu so. ɔmɔ dɔ mɔ i nyɛ Geriiki akyiinyen de mɔmɔ anyen kee sakɔyɔ.

¹³ Gyuda awura abono mɛ bo Tesalonika mɔ mɛ nu yɛɛ Pɔɔlo gi kpaa tɔgɛ Wurubuaare agyebi mɔ Biroya kee mɔ, mɛ kpe nno kpaa kpadɛɛ nno asa nwonso ne mɛ yogesi mɔmɔ, ne sakpii bele gi baa gyan.

¹⁴ Ayaa abono so mɔ, Pɔɔlo mɔ-nanboana Yesu ɔson mɔ dɔ mɛ lɛɛ Pɔɔlo ɔkpa, ne ɔmɔ dɔ ako mɛ sun mɔ kpe ko-o apoo genɔ; Siilase mɔ-rɛ Timoti bere mɛ sii kyena Biroya.

¹⁵ Asa abono mɛ sun Pɔɔlo lii Biroya kpe apoo genɔ mɔ, mɛ sun mɔ kpaa loo ko-o Atense ɔsowole so. Mɛ laa kii mɔ, Pɔɔlo gi sa ɔmɔ ɔkalan yɛɛ mɛ kpe mɔ, mɛ' tɔgɛ sa Siilase mɔ-rɛ Timoti yɛɛ mɛ' kpaala de mɛ' lii nno baa tu mɔ belen.

Atense Awura Mɛ Kya Laare Mɛ' Nu Ilaa Pobɔɔ

¹⁶ Owi ɔbono Pɔɔlo tɛ Atense ɔ gyoo Siilase mɔ-rɛ Timoti mɔ, o wu yɛɛ ikperɛ gison i tansi i nyaakyɔ ɔsowole mɔ so. O wu genen mɔ, mɔ-gisen dɔ i kya dɛɛ mɔ.

¹⁷ Imɔso ɔ kya kpe mɔmɔ Gyuda awura gikyangbon dɔ kpaa tɔgɛ Yesu ilaa sa Gyuda awura de asa abono mɛ mɛn gye Gyuda awura ne mɛ sele Wurubuaare mɔ, de mɔmɔ-rɛ mɔ mɛ' gyi imɔ so nsingyi. Gɛkɛ kamaase kee mɔ, ɔ kya kpe sansana fɛɛ oyii dɔ faa, ne mɔ-rɛ asa abono ɔ kya kpaa tu nno mɔ mɛ kya gyi nsingyi kyu lii Yesu ilaa so.

¹⁸ Nfono mɔ, anyiilebo ako mɛ baa sɔɔ mɔ akyɔɔlɛ. Mɔmɔ ako mɛ de Epikuriya ilaa nyiilese, ne ako mɔ mɛ de Setoowike-lɛɛ ilaa nyiilese. Anyiilebo mɔ mɛ nu Pɔɔlo-lɛɛ ilaa tɔgɛse mɔ, mɔmɔ ako mɛ kya taase yɛɛ, "Mɛnɛ ilaa ne ɔtɔngɛbo baare dare daa?" Mɔmɔ ako mɔ yɛɛ, "ɔfaa getɛeko ikperɛ ilaa ne ɔ kya tɔngɛ ɔ kya sa aye genen." I kya nyiile yɛɛ Pɔɔlo kya tɔgɛ Yesu ilaa sa mɔmɔ yɛɛ Yesu gi wu' ne mɛ pule mɔ ne o kyingi lii ibuni dɔ. Imɔso ne asa mɔ ako mɛ kya tɔgɛ yɛɛ ikperɛ iko ne ɔ dare mɔ.

¹⁹ Genen so mɔ, asa mɔ mɛ kyu Pɔɔlo kpe Aropaguse gibii so nfono ɔsowole mɔ so abelense mɛ kya kyena kpaa gyan' mɔ, ne mɛ taase mɔ yɛɛ, "A laa nye nu ilaa nyiilese pobɔɔ ibono fo de fi-i nyiile asa faa?"

²⁰ I kya nyiile yɛɛ ilaa ibono fo kya tɔgɛ mɔ, a mɛn ti taa nu imɔ ɔnan kere. Imɔso a kya laare de fo' lɛɛ imɔ gɛsɛ sa aye de a' nu."

²¹ Atense nten abi de asafo abono pɛwu mɛ bo nno mɔ mɔmɔ-lɛɛ ne n kpe i gye ilaa pobɔɔ gitɔgɛ abɛɛ ilaa pobɔɔ ginu.

Pɔɔlo Gi Tɔgɛ Yesu Ilaa Sa Ikperɛ Asonbo Aropaguse Gibii So

²² Pɔɔlo yɛɛ Aropaguse gibii so abelense mɔ nsana mɔ, ɔ tɔgɛ sa ɔmɔ yɛɛ, "Atense awura, ne wu yɛɛ fɛye gere fɛ kya pɛɛrɛ ansi de fɛye-ɔson ɔkpa kamaase so.

²³ I kya nyiile yɛɛ n naa n naa ne n' kya wu fɛye isonten mɔ, ne wu fɛye-ɔson gibui giko getɛeko. Mɛ nmarase gyan genen gibui mɔ so yɛɛ,

ɔBONO A KYA SON NE A MɛN NYI Mɔ Mɔ ɔSONTEN.

To, ɔbono fɛ kya son yege fɛ mɛn kii fɛ nyi mɔ mɔ, idɛ kon, mɔ-ila ne n' kya tɔgɛ mi-i sa fɛye faa.

24 Mɔ ne n gye Wurubuaare obono ɔ lee gesinkpan de ilaa kamaase ibono pewu i bo gemɔ dɔ mɔ. Mɔ ne n gye Wura sa soso de gese, imɔso in gye osonten obono nyamese gi kyu mɔ-abaa pɔɔ mɔ ne Wurubuaare laa kyu wɔra mɔ-okyenaten.

25 Genen kee ne nyamese man taale kyu mɔ-abaa wɔra ilaa iko de i' molege Wurubuaare. I kya nyiile yee Wurubuaare ne n kya sa anyamese pewu nkpa de gesonga de ilaa kamaase.

26 "Aye anyamese kpei-kpei pewu Wurubuaare gi yege a gye daa onana kolon, ne ɔ yege a yaase kyena kyaaboo gesinkpan mɔ pewu so. Wurubuaare ne n wolaa tɔge yela abere abono anyamese kpei-kpei me laa kyena de okara obono me laa kyena kpaa lii mɔ, ne ɔ wolaa yela momo-sinkpan kpei-kpei ikara nfono me laa kyena mɔ.

27 Wurubuaare gi lee isowole mɔ so anyamese daa de me' laare mɔ-getsen fee genobono agyaatanbo me kya laa abaa mɔ. ɔ kya laare fee a' nye wu mɔ. Yege on kii ɔ bo geta de aye oko-re oko.

28 I kya nyiile yee Wurubuaare gi kyaaboo aye, ne mɔ so ne a bo onje a naa, ne a gye anyamese faa. I de daa fee genobono feye-ilon abiibo oko gi tɔge yee, 'A gye daa Wurubuaare mɔ-biana' mɔ.

29 Imɔso ibono a gye Wurubuaare mɔ-biana faa mɔ, i men taa kaabore a' sa gewonsa yee Wurubuaare gidebi gi de fee ilaa ibono nyamese gi kyu sika kokoo abee silibaa abee gibui kyu adawo wɔra mɔ.

30 Owi obono anyamese me men nyi Wurubuaare agyebi mɔ, Wurubuaare gi lee ansi, ne o kyu kyee omɔ. Imɔ ide kon bere, Wurubuaare kya ka nyamese kamaase obono ɔ bo geten kamaase mɔ yee o' nu mɔnyoro gese de on' baa wɔra ilaa ibono Wurubuaare men kya laare mɔ.

31 I kya nyiile yee Wurubuaare laa gyi anyamese pewu nbele geaka. ɔ ti wolaa yela geke, ne ɔ lee gibaa yii oko yee o' gyi momo pewu nbele gesintin okpa so sa mɔ. O kyingi genen nyamese obono lii ibuni dɔ de i' lee nyiile aye anyamese pewu yee genen ilaa ibono ɔ dare mɔ i laa ba gesintin."

32 Ibono Pɔolo gi tɔge gikyingi lii ibuni dɔ so ilaa mɔ, asa mɔ ako bere me kyu mɔ nmase daa. Ako mɔ yee, "Geke banban mɔ a kya laare fo' kii baa tɔge ilaa ide sa aye."

33 Nfono mɔ Pɔolo gi naa kyon taa abelense mɔ yege.

34 Momo dɔ anyen ako me kpaa bola de mɔ, ne me ka gyan Yesu so. Me kya tere oko yee Dayonise. Dayonise baare gye abelense abono me kya kpaa gyan Aropaguse gibii mɔ so mɔ dɔ oko. Akyii ako kee me bo abono me ka gyan Yesu so mɔ dɔ. Me kya tere momo dɔ oko yee Damarise.

18

Pɔolo Gi Kpe Korinti Osowole So

1 Imɔ ide gemara mɔ, Pɔolo gi koso lii Atense, ne o kpe Korinti osowole so.

2 O kpe nno genen mɔ, ɔ kpaa wu Gyudanyen oko, me kya tere mɔ yee Akuila. Me koroge mɔ Pontuse gesinkpan so. Nke kalese nbono dɔ ne Akuila mɔ-re mɔ-ka Pirisila me lii Itali gesinkpan so ba Korinti nno. Ibono so me koso Itali ba Korinti nno mɔ ne n gye yee Wura Kelɔɔdiyuse gi gya Gyuda awura abono me te Itali mɔ pewu yee me' koso lii momo Rom awura gesinkpan so. Pɔolo gi kpe Akuila mɔ-re mɔ-ka Pirisila baare gewi kpaa laa omɔ.

³ Mɔ-rɛ ɔmɔ pɛwu mɛ kya wɔra daa gesun kolon. Genen so mɔ, ɔ kyena ɔmɔ aɛ ne mɛ wɔra genen gesun gebono. Mɔmɔ-gesun mɔ ne n gye yɛ mɛ kya kyu nbue iwolɛ baa-baa kyaga de i' wɔra fɛɛ ibi.

⁴ Gɛkɛ kyoolasɛ kamaasɛ mɔ, Pɔɔlo kya kpe mɔmɔ Gyuda awura gikyangbon dɔ kpaa tɔgɛ Yesu ilaa sa Gyuda awura de Geriiki awura abono mɛ bo nno mɔ. Ɔ kya tɔgɛ wɔra ɔmɔ de mɛ' sɔɔ Yesu gyi.

⁵ Owi ɔbono Siilasɛ mɔ-rɛ Timoti mɛ lii Masadoniya ba Korinti nno mɔ, Pɔɔlo san ɔ de Yesu ilaa gitɔgɛ mɔ dɔ owi kamaasɛ. Ɔ kya lɛɛ nyiilɛ Gyuda awura ne ɔ kya buu ɔ kya sa ɔmɔ yɛɛ Yesu ne n gye ɔbono mɔmɔ-ansi a gyan mɔ so yɛɛ ɔ laa baa mɔlɛgɛ mɔmɔ de mɛ' nyɛ Wurubuaarɛ aɛ gɛkyena ɔnan.

⁶ Gyuda awura mɔ mɛ kine ilaa ibono Pɔɔlo kya tɔgɛ mɔ, ne mɛ tɔgɛ ilaa nyenyɛn kyu lii mɔ so. Imɔso ɔ kpiisi mɔ-gɛgɛ ne ɔ tɔgɛ sa ɔmɔ yɛɛ, “Nengyɛnɛ fɛyɛ-ɔkyɛnaten Wurubuaarɛ aɛ gi lii fɛyɛ-gibaa mɔ i mɛn lii mɛ aɛ. Fɛyɛ gbaa-gbaa aɛ ne i lii. Kyu lii nɔpɛrɛ kyu i kya kpe mɔ, nan san kpe daa asa abono mɛ mɛn gye Gyuda awura mɔ aɛ taa fɛyɛ yɛgɛ.”

⁷ Ɔ tɔgɛ genen ta mɔ, ɔ naa kyon kpe ɔnyɛn ɔbono mɛ kya tɛrɛ mɔ yɛɛ Titiyusɛ Gyusetusɛ mɔ gɛwi. Titiyusɛ gye Wurubuaarɛ ɔsonbo. Fo kpe lii mɔ-gɛwi mɔ, mɔmɔ Gyuda awura gikyangbon ne fo laa tu.

⁸ Pɔɔlo bo nno mɔ, Kirisipusɛ ɔbono ɔ kya kerɛ gikyangbon gibono so mɔ mɔ-rɛ mɔ-gɛten dɔ awura pɛwu mɛ kyu mɔmɔ-nyoro too Wura Yesu so. Genen kɛɛ ne Korinti awura abono mɛ nu Yesu ɔkalan mɔ lii Pɔɔlo aɛ mɔ, mɔmɔ dɔ sakyɔ mɛ kyu mɔmɔ-nyoro too Wura Yesu so ne mɛ nyɛ Wurubuaarɛ sagyɛrɛ.

⁹ Genyɛ gɛko mɔ, Wura Yesu gi tɔngɛ sa Pɔɔlo fɛɛ ɔ kya kuu oderi daa. Ɔ tɔngɛ sa mɔ yɛɛ, “Gɛn sa fo' seɛ gifuu. Kpɛ fɛ kya tɔngɛ fɛ kya sa ɔmɔ. Gɛn sa fo' baala fo-gɛnɔ bun.

¹⁰ I kya nyiilɛ yɛɛ n bo fo aɛɛ. Ɔko-rɛ ɔko maɲ taalɛ baa wɔra fo ilaa nyenyɛn iko. N bo asa sakyɔ genen ɔsowolɛ baarɛ so.”

¹¹ Idɛ gemara mɔ, Pɔɔlo gi sii kyena Korinti nno gesi de gibaafon ɔ kya nyiilɛ asa mɔ Wurubuaarɛ agyɛbi.

¹² Genen owi ɔbono dɔ mɔ Galiyo gye Rom abeyin mɔ ɔbelɛnsɛ ɔbono ɔ kya kerɛ Akaya gesinkpan gebono so. Mɔ-abɛrɛ dɔ mɔ Gyuda awura mɔ mɛ wɔra gɛnɔ kolon ne mɛ gbɛrɛ kpe kpaa kɛda Pɔɔlo ne mɛ kyu mɔ kpe nfono ɔbelɛnsɛ Galiyo kya gyi asa nɛɛɛ mɔ.

¹³ Mɛ tɔgɛ sa ɔbelɛnsɛ mɔ yɛɛ, “Ɔnyɛn baarɛ kya penɛ asa de mɛ' son Wurubuaarɛ ɔkpa ɔko so ibono in kya kyena de nɔbara mɔ.”

¹⁴ Pɔɔlo kpɛ ɔ kya laarɛ de o' bugi mɔ-gɛnɔ mɔ, Galiyo gi lɛɛ gɛnɔ tɔgɛ yɛɛ, “O! Fɛyɛ Gyuda awura, nengyɛnɛ fɛɛ i gye ilaa nyenyɛn iko daa ne ɔ wɔra mɔ, abɛɛ fɛɛ gɛyɛ ne ɔ kpaa yuuri ne fɛ kyu mɔ ba mɛ aɛ bɛrɛ mɔ, nkana i kaabore n' nyɛ gisen nu fɛyɛ aɛɛ.

¹⁵ Imɔ idɛ bɛrɛ, i gye daa ilaa taasɛsɛ kyu lii fɛyɛ Gyuda awura ilaa nyiilɛsɛ de fɛyɛ-ɔson anyɛn de fɛyɛ-nɔbara mɔ so. Imɔso fɛyɛ gbaa-gbaa fɛ' kerɛ imɔ so fɛyɛ aɔ. Maɲ kyulɛ gyi genen nɛɛɛ ndɛ.”

¹⁶ Ɔ tɔgɛ genen mɔ, ɔ gya ɔmɔ lii nɛɛɛlɛ ogyitɛn mɔ dɔ.

¹⁷ Nfono mɔ, asa sɛnsɛ abono mɛ bo nno mɔ mɔmɔ pɛwu mɛ too kɛda Sositɛni, ɔbono ɔ kya kerɛ Gyuda awura gikyangbon mɔ so mɔ, ne mɛ daarɛ mɔ nɛɛɛlɛ ogyitɛn nno. ɔbelɛnsɛ Galiyo mɛn taa ka ɔmɔ-gɛnɔ.

18 Imɔ ide gemara mɔ, Pɔɔlo gi kii gyi nke nno. ɔ laa kyon mɔ, ɔ kale mɔ-nanboana Yesu ɔson mɔ dɔ, ne ɔ kyu gikolii kyon Siiriya gesinkpan so. Mɔ-re Pirusila de Akuila ne n kpe. ɔ kpaa lii Senkiriya ɔsowole so mɔ, ɔ sɛɛ mɔ-gimu nno de i' nyiile yɛɛ ɔ wɔra ɔmɔ Gyuda awura itiibilaa iko sa Wurubuaare ne.

19 Imɔ gemara mɔ, mɛ kpaa loo Efiso ɔsowole so. Nfono ne ɔ laa naa taa Pirusila de Akuila yɛɛ. Pɛi de Pɔɔlo ɔ loɔ kyon mɔ, ɔ kpaa loo Gyuda awura gikyangbon dɔ, ne mɔ-re Gyuda awura mɔ mɛ gyi nsingyi.

20 Mɛ tɔɛ mɔ yɛɛ ɔ' kyena ɔmɔ ase too mɔ, ɔ kine.

21 ɔ kole mɔmɔ ɔkpa ne ɔ tɔɛ sa ɔmɔ yɛɛ, "Nengyene Wurubuaare gi kyule mɔ, nan kii ba fɛye ase". Nfono mɔ ɔ naa kpaa dii loo gikolii dɔ lii Efiso nno.

22 ɔ kpaa loo Sesariya mɔ, ɔ lii gikolii mɔ dɔ naa kpe Gyerusalem kpaa faala Yesu asonbo gikpen mɔ mɛ bo nno mɔ ne ɔ naa kyon Antiyoki ɔsowole so.

23 ɔ kyena nno nmaraa mɔ, ɔ koso lii nno, ne ɔ naa-naa de isowole so gyan' de Galati de Firigiya awura nsinkpan so. ɔ naa ɔ naa ɔ kya tɔɛ ɔ kya keda Yesu akasebo mɔ nyoro.

Apolose Gi Tɔɛ Yesu Ilaa Sa Asa

24 Gyudanyen ɔko gi baa loo Efiso ɔsowole so. Mɛ kya tɛɛ mɔ-ginyen yɛɛ Apolose. ɔ gye Alesandiriya ɔsowole so isa. O nyi getonge, ne ɔ tansi ɔ nyi Wurubuaare agyebi mɔ ilaa dɔ dandan.

25 ɔ nye kase Wura Yesu ɔson ɔkpa mɔ ilaa lii ako ase. Imɔ ne ɔ san ɔ dɛ, ne ɔ kya bugi mɔ-gisen tɔɛ imɔ sa asa. ɔ kya nyiile Yesu ilaa dandan, yɛɛ Wurubuaare sagyere ɔbono Gyɔn gi kyu gyere asa mɔ ilaa wole ne ɔ nyi.

26 Apolose gi da gikan ɔ yeɛ ɔ kya tɔɛ Yesu ilaa ɔ sa asa mɔmɔ Gyuda awura gikyangbon dɔ. Pirusila mɔ-re Akuila mɛ nu Apolose ilaa tɔɛɛ mɔ, mɛ kyu mɔ lii nkan, ne mɛ lɛɛ gɛɛ sa mɔ genɔɔbono Wurubuaare ɔson ɔkpa dɛ mɔ bɔla de ɔ' nye bii imɔ dɔ too.

27 Apolose kya laare ɔ' fara kpe Akaya mɔ, mɔ-nanboana Yesu ɔson mɔ dɔ abono mɛ bo Efiso nno mɔ mɛ tɔɛ keda mɔ-nyoro, ne mɛ nmarase ɔwole bunge Yesu akasebo abono mɛ bo Akaya nfono ɔ kya kpe mɔ yɛɛ mɛ' sɔɔ mɔ abaa anyɔ. ɔ loo nno mɔ, ɔ tansi kpaa asa abono Wurubuaare gi su mɔmɔ so ne mɛ nye kyu mɔmɔ-nyoro too Yesu so mɔ.

28 Kyu lii genɔɔbono mɔ-getonge mɔ gɛ kya lɛɛ gesintin nyiile so mɔ, ɔ tonge lɛɛ Gyuda awura mɔ. ɔ lɛɛ nyiile kyu lii Wurubuaare agyebi mɔ dɔ yɛɛ Yesu ne n gye ɔbono Wurubuaare gi sun de ɔ' baa mɔlɛɛgɛ asa de mɛ' nye Wurubuaare ase gekyena mɔ.

19

Asa Ako Mɛ Nye Wurubuaare Oduduu Gi Suu De Mɔmɔ

1 Owi ɔbono Apolose san ɔ bo Korinti mɔ, Pɔɔlo gi naa de gesinkpan gebono gɛ bo de soso so mɔ, ne ɔ kpaa loo Efiso ɔsowole so. ɔ loo nno mɔ, ɔ wu Kirisito akasebo ako,

2 ne ɔ taase ɔmɔ yɛɛ, "Aberɛ abono fɛ sɔɔ Kirisito gyi mɔ, fɛ nye Wurubuaare Oduduu mɔ gi baa suu de fɛye?" Mɛ lɛɛ genɔ yɛɛ, "Kuaa! Gɛkaako aɲ ti nu kere yɛɛ Wurubuaare Oduduu bo no gbaa."

3 O kii taase ɔmɔ yɛɛ, "Mɛnɛ Wurubuaare sagyere onan ne mɛ gyere fɛye daa?" Mɛ lɛɛ genɔ yɛɛ, "Gyɔn-lɛɛ Wurubuaare sagyere mɔ ne mɛ kyu gyere aye."

4 Nfono ne Pɔɔlo gi tɔge sa ɔmɔ yee, “Gyon-lee Wurubuaare sagyere mo kya nyiile daa yee nyamese gi nu mo-nyoro gese ne o kyeege lii mo-ilaa nyenyen giwora do. Ne o kya tɔge o kya sa asa mo yee me' ka gyan' obono o laa ba mo-gemara mo so. Genen kaase obono ne n gye Yesu.”

5 Akasebo mo me nu imo ide mo, me yege Pɔɔlo gi gyere momo Wurubuaare sagyere Wura Yesu ginyen do.

6 Pɔɔlo gi kyu mo-abaa kyu gyan' ɔmɔ so mo, Wurubuaare Oduduu mo gi ba suu de ɔmɔ, ne me yii gese me kya yen Wurubuaare de nde nbono men wolaa me kya nu mo, ne me kya lee Wurubuaare ikalan me kya tɔge me kya sa abara.

7 Momo pewu gegyɔno ge laa wɔra fee anyen gudu anyo.

Pɔɔlo Kya Nyiile Asa Yesu Okalan

8 Pɔɔlo gi kyon kpa loo Gyuda awura gikyangbon do. Ibose isa' mumuli mo o da otu tɔge Yesu ilaa sa ɔmɔ, ne o tɔge bueele asa kyu naa de Wurubuaare gewuragyi do akyenabi ilaa so.

9 Momo ako me kya wɔra gisoolon, me kya kine yee me man soo ibono o kya tɔge mo gyi, ne me kya tɔge ilaa nyenyen kyu lii Wura Yesu ɔson okpa mo so ma-a sa asa sakyɔ. Kyu lii genen so mo Pɔɔlo gi tee mo-nyoro lii gisomaanu awura ade do, ne o kyu Yesu akasebo mo kyu buu mo-nyoro ne me san me kya gyan' Tiranuse gikyangbon do geke kamaase. Me kya gyan' mo, Pɔɔlo kya yege me kya gyi daa Yesu okalan mo so nsingyi.

10 Pɔɔlo gi yege me keda ilaa ide do genen nsi nnyo gyan' abara so. Imoso asa abono me te Esiya gesinkpan so, momo Gyuda awura de asa sɛnse mo pewu, me nye nu Wura Yesu okalan mo so ilaa.

11 Genen nke nbono do mo Wurubuaare gi naa de Pɔɔlo so wɔra ilaa gbaa'gbaa ibono nkana nyamese man taale wɔra imo mo-gibaa so mo.

12 Ba-a asa me kyu Pɔɔlo ntaakufibi nbono o kya keda mo de mo-nyoro so akuru kyu kpe aloba ase mo, i kya kye momo-aloto, ne i kya kosore ilaa nyenyen oduduu kpei-kpei ibono i te i te ɔmɔ so mo.

13 Gyuda awura ako me wolaa me kya kyu okpa oko so ma-a gya ilaa nyenyen oduduu ma-a koso asa so. Me men kii me bo Wura Yesu asonbo mo do. Me wu Yesu asonbo ilaa worase mo, momo ako me laare fee me' kyu Yesu ginyen wɔra kere yee i laa yege ilaa nyenyen oduduu i' koso asa so? Ako me kya tɔge yee, “Ne kere fee Yesu obono Pɔɔlo kya tɔge mo-ilaa o kya sa asa mo yee koso kaase baare so, n kere fo faa.”

14 Anyen sono ako kee me naa me kya wɔra genen me kya kere. Anyen mo me gye obelense oko mo-biana. O gye daa Gyuda awura asunbi alebo obelense; me kya tere mo yee Sikifa. Owi oko do mo mo-biana sono mo me kyu Yesu ginyen me kya laare me' gya ilaa nyenyen oduduu koso onyen oko so.

15 Ne ilaa nyenyen oduduu mo i tɔge asa sono ade yee, “N nyi Yesu, ne n nyi Pɔɔlo. Feye mo ne n gye aneana de fe' taale kosore me?”

16 Nfono mo ilaa nyenyen oduduu mo i yege onyen mo gi gbere loo asa sono mo do. O gooli-gooli ɔmɔ, ne me koso sele lii obu obono do me bo mo gibolonbukpan.

17 Genen ilaa ide i nu gyan' de Efiso gesinkpan pewu so. Gyuda awura de asa kpei-kpei pewu me nu genen ilaa ide. Imoso gifuu gi keda ɔmɔ, ne me kyu Yesu ginyen mo yee gi tansi gi gye ginyen boduduuse.

18 I ba genen mo, Yesu asonbo mo sakyɔ me nu momo-nyoro gese, ne me san baa gyan mo, me kya lee ilaa nyenyen ibono me wɔra wɔra mo tɔge sa abara.

19 Asa abono nkana me kya wɔra afe ne me sɔɔ Yesu gyi mɔ, me koola mɔmɔ-afe anyen de amɔ-laawɔra iwɔle baa gyan', ne me deɛ imɔ asa mɔ pɛwu ansi dɔ. Me buu aterenbi abono me kyu sɔɔ afe mɔ de imɔ-iwɔle mɔ pɛwu gegyɔnɔ mɔ, i gye fɛɛ aterenbi abono gesun awɔrabo anan me laa nye nsi oko de saalaa nsi nnun dɔ mɔ.

20 Kyu lɔi ilaa ide so mɔ, Wura Yesu agyebi mɔ a kpe a kya yelege, ne abono me kya sɔɔ amɔ gyi mɔ, a kya wɔra ilaa mɔmɔ-gekyena dɔ.

21 Imɔ ide gemara mɔ, Wurubuaare gi yege Pɔɔlo gi kyu too mɔ-nyoro so yɛɛ ɔ laa kyu de Masadoniya de Akaya nsinkpan so kyu kpe Gyɛrusalem. ɔ tɔge sa mɔ-nyoro yɛɛ, "Ne ti nye kpe nno mɔ, i kaabɔre n' kpe Rom ɔsowole so kee."

22 Genen so mɔ, o sun mɔ-akpaabo mɔ dɔ anyɔ Masadoniya de me' gyangbara kpaɔ lɔrɔ ɔkpa gyoo mɔ, ne mɔ mɔ gi sii kyena Esiya gesinkpan so nmaraa. Abono o sun mɔ ne n gye Timoti de Irasituse.

ɔlanba Bele Gi Tɔrɔ Efiso ɔsowole So

23 Genen abere abono dɔ mɔ, ɔlanba bele gi tɔrɔ Efiso nno. I kya nyiile yɛɛ asa abono men kya son Wura Yesu mɔ me kya tɔge yɛɛ Yesu-lɛɛ ɔson mɔ laa kpadɛɛ mɔmɔ.

24 Onyen ɔko bo Efiso nno. ɔ gye daa ɔbelebo. Me kya tere mɔ yɛɛ Dimiiterosi. ɔ kya kyu isilibaa bele ɔkperɛ ɔko mɔ-re mɔ-ɔson ilaa fe sa asa. ɔkperɛ mɔ gye daa ɔkyiise, me kya tere mɔ yɛɛ Atemise. Lii genen gesun gebono so mɔ Dimiiterosi mɔ-re abono me bo adawo ɔsowole mɔ so mɔ me kya nye aterenbi gikyɔ.

25 Dimiiterosi gi koola mɔmɔ adawo awura mɔ de abono mɔmɔ-gesun ge lɔi ɔmɔ-lɛɛ mɔ pɛwu baa gyan' ne ɔ tɔge sa mɔmɔ yɛɛ, "Ansaana, fɛye gbaa-gbaa fe wu yɛɛ genen gesun gede so ne a kya nye aterenbi.

26 Fe kya wu ne fe kya nu genɔɔbono Pɔɔlo baare gi ti penɛ asa sakyɔ ne ɔ kya kyɛge mɔmɔ-nwɔnsa mɔ. ɔ kya tɔge yɛɛ ilaa ibono anyamese me kyu mɔmɔ-abaa kyu wɔra mɔ i man taale wɔra ɔkperɛ kpa-a. In gye Efiso gere wole ne ɔ kya tɔge ilaa ide. I ti nu gyan' de Esiya gesinkpan pɛwu.

27 Genen so mɔ i laa taale ba yɛɛ aye-gesun gede ge laa nyida wɔra aye. I men gye aye-gesun gede wole gbaa. I laa taale ba yɛɛ asa man baa kyu aye-ɔkperɛ bogyase Atemise obu mɔ kyu tere sei. Asa man baa buu ɔkperɛ mɔ yɛɛ ɔ bo gya, nkana Esiya awura pɛwu me kya son mɔ ne mɔ-ɔson mɔ bo gesinkpan geten kamaase so."

28 Gesun awɔrabo mɔ me nu genen ilaa ide mɔ, me kyu ginyadon bele ne me san me kya kpen yɛɛ, "Aye Efiso awura ɔkperɛ Atemise bo gya!"

29 Genen ilaa ide i yege asa sakyɔ me san me kya wɔra ɔlanba ɔsowole mɔ so. Me sele lɔi kpaɔ koola dabɔle fɛɛ oyii dɔ faa. Asa mɔ dɔ ako me keda Pɔɔlo mɔ-nanboana anyɔ ako abono mɔ-re ɔmɔ me naa me naa mɔ ne me kyu mɔmɔ kpe nfono me kpaɔ gyan' mɔ. Me kya tere mɔmɔ yɛɛ Gayuse de Arisetaakuse. Me gye Masadoniya awura.

30 Pɔɔlo kya laare de mɔ gbaa-gbaa kee o' kpe nfono me kpaɔ gyan' mɔ. Mɔ-nanboana Yesu akasebo mɔ men sa mɔ ɔkpa.

31 Mɔ-kyemenɛana ako abono me gye Esiya awura abelense mɔ kee me sun asa mɔ ase kpaɔ kole mɔ yɛɛ ɔ' men sa ɔ' tɔge yɛɛ mɔ-giyaa gi laa yii oyii mɔ dɔ nfono me kyu mɔ-nanboana anyɔ mɔ kyu kpe mɔ.

32 Genen abere abono mɔ asa abono me gyan' fɛɛ oyii dɔ mɔ me kya kpen giyan-giyan; mɔmɔ ɔkamaase-lɛɛ ilaa tɔgesɛ kpei. Mɔmɔ dɔ asa sakyɔ me men nyi ilaa kolon ibono so me tansi kpaɔ gyan' nno mɔ gbaa'.

³³ Gyuda awura me lee Alesanda yee o' yele momo-giyaa do de o' tonge sa sakpii mo. Imoso sakpii mo me san lee yii mo yee mo ne n bara olanba mo. Mo, mo, gi kaala abaa do nyiile asa mo yee me' sii kurun de o' nye lee ibono me de ma-a gyan' mo so mo geno sa momo.

³⁴ Ibono asa mo me bii yee o gye daa Gyudanyen mo, momo pewu me san me kya kpen gikolon me kya toge me kya kpe me kya ba genen-n fee iwi inyo mumuli yee, "Aye Efiso awura okpere Atemise bo gya! Aye Efiso awura okpere Atemise bo gya!"

Efiso Obelense Oko Gi Yegɛ Sakpii Mo Gi Sii Kurun

³⁵ Me kya kpen genen mo, Efiso osowole mo so obelense oko gi ba nno. O yegɛ sakpii mo gi sii kurun, ne o tonge sa omo yee, "Efiso awura, okamaase nyi yee aye-okpere kyiiise, Atemise tansi o bo gya. Okamaase nyi ibono aye ne n kya kere mo-obu bele mo so de mo-gibui bele gibono gi lii Wurubuaare do baa toro mo so.

³⁶ Oko men bo no o laa soɔ genen ilaa ide akyoolɛ. Imoso fe' sii kurun de fe men sa fe' kpaala wɔra ilaa iko de i' baa nyida ilaa.

³⁷ Ibono fe kpa kyu genen asa anyo ade ba gerɛnaa faa, i gye daa gyan. I men gye yee me kpa yuuri okpere mo obu mo do ilaa iko ne me men kii saale aye-okpere kyiiise mo.

³⁸ Imoso nengyene Dimiiterosi de mo-nanboana adawo awura momo-re oko me bo nbele mo, nbele igyiten i bo no ne nbele agyibo abelense mo kee me bo no. Me' kyu kaase mo kyu kpe nno de me' kpa gyi mo-nbele.

³⁹ Kuaa, nengyene ilaa banban iko kpɛi ne fe kya laare mo, fe' kyu imo kpe gegyan gebono abelense me kya kyena gyan' mo do kpa lɔro.

⁴⁰ Genobono i de faa, nengyene a men bii mo, aye Rom abelense abono me kya kere aye so mo me laa bun aye gipuee yee ibono a wɔra nde mo, a kya laare a' bara iko daa. A man kii nye ilaa kolon ibono so a wɔra olanba mo."

⁴¹ Efiso obelense mo gi toge genen ta mo, o yaase abono me gyan' nfono mo.

20

Pɔolo Gi Kyon Masadoniya De Geriiki Nsinkpan So

¹ Olanba mo gi ta mo, imo gemara mo, Pɔolo gi sun tere mo-nanboana Yesu akasebo mo baa gyan' ne o toge keda momo-nyoro ne o kale omo, ne o koso kyon Masadoniya gesinkpan so.

² O naa-naa de Masadoniya o kya toge ilaa gikyo ibono i laa keda asa abono me soɔ Yesu gyi mo nyoro, ne o naa kpa loo Geriiki gesinkpan so.

³ O gyi Geriiki nno ibose isa'. Imo gemara mo, o laare o' kyu gikolii kpe Siiriya gesinkpan so. O kya baala de o' kpe mo, o nu yee Gyuda awura abono me bo Geriiki gesinkpan so mo me da gedɛ mo so. Imoso o toge mo-nyoro yee o laa kii kpa kyu de Masadoniya nfono so o lii de mo.

⁴ O laa kii genen mo, asa ako yee me laa buu mo kpe. Genen asa abono ne n gye Sopata, Piruse mo-bi obono o lii Biroya mo, de Arisetaakuse mo-re Sekundo, Tesalonika awura mo, de Deebinyen mo me kya tere yee Gayuse mo de Timoti mo-re Esiya awura asa anyo ako me kya tere omo yee Tikakuse de Tirofimuse.

⁵ Me yangbara me obono n kya nmarase owole baare faa, me-re me-nanboana, kpa gyoo aye Tirowase osowole so.

⁶ Aye bere a sii kyena gyi Bodobodo Maa Diise Gesi mo ta, ne a kyu gikolii lii Filipayi osowole so. A gyi nke nnun okpa do, ne a kpa tu momo Tirowase. A kyena Tirowase nke sono.

Dega Oko Gi Lii Soso Nfansere Do Baa Tɔɔ

⁷ Imo Memereda gedoddenye mo, aye-re aye-nanboana Yesu asonbo mo a koola gyan' a laa gyi agyudo abono a kya lee aye ginyamese kolon mo nyiile mo. A baa gyan' genen mo, Pɔlo gi tonge sa asa abono me bo nno mo. O kale momo yee gede ge ke mo, o laa kpe geteeko. Genen so mo, o tonge genen-n kaabore genye de nsana.

⁸ Ifatela i nyaakyo soso-lee obu obono do a gyan' genen mo.

⁹ Dega oko, mo, te de nfansere geten. Me kya tere mo-ginyen yee Yutikuse. O te genen mo, o kya gyose. Pɔlo kpe o kya tonge o kya kpe mo, ginsi gide gi kyu dega mo, ne i lee mo lii de nfansere soso obu mo do kpa too gesinkpan. Asa me baa kpelege kpa puru mo mo, o ti wu'.

¹⁰ Pɔlo gi kpelege kpa tu mo, ne o mee bun mo so. O mili mo ne o san kyingi mo. Nfono mo, o toge sa asa mo yee, "Fe' nye gisen. O kere."

¹¹ Imo gemara mo, aye-re Pɔlo a kii dii kpe soso nno, ne a kpa gyi agyudo abono a kya lee aye ginyamese kolon mo nyiile mo. A gyi ta mo, Pɔlo gi kii tonge genen-n kaabore i nmange. Ibono Pɔlo gi wɔra pei ne a kyon taa asa mo yegɛ mo ne.

¹² Pɔlo gi kyon taa asa mo yegɛ mo, me sun dega obono o kii nye nkpa mo kpe mo-geten do. I tansi wɔra omo okon.

Pɔlo Gi Lii Tirowase Mo, O Kyon Mileto

¹³ A laa kpe Asose osowole so mo, Pɔlo gi toge sa aye yee aye a' kyu gikolii gyangbara mo. Mo bere o kya laare de o' naa de ayaa de a' kpa gyan'. Imoso a kyu gikolii, ne a kyon de apoo.

¹⁴ Pɔlo gi baa tu aye Asose mo, o loo gikolii mo do aye ase fee genobono a wolaa toge yela mo, ne a pale gikolii mo kyon kpe Mitelin osowole so.

¹⁵ A lii Mitelin mo, imo gede kese mo, aye-re Kiyose gikyaafiya ansi a sa de abara. Geke nyose mo a baa yele Samose gikyaafiya so ne imo gede kese mo, a kpa loo Mileto osowole so.

¹⁶ Pɔlo gi wolaa toge yela yee o laa pale kpa kyon Efiso osowole so de in sa i' waala mo-nke Esiya gesinkpan so. I kya nyiile yee o kya kpaala de o' nye loo Gyerusalem osowole so pei de momo Gyuda awura me' gyi momo-agyudo ako Akebiberɛ Gesi.

Pɔlo Gi Kale Yesu Asonbo Abelense Abono Me Bo Efiso Mo

¹⁷ A loo Mileto mo, Pɔlo gi sun kpa tere Yesu asonbo gikpen abelense abono me bo Efiso osowole so mo.

¹⁸ Me ba mo, o toge sa omo yee, "Kpe kyu lii geaabono me-ayaa a yii Esiya gesinkpan so mo, feye gbaa-gbaa fe wu me-gikyenabi feye do.

¹⁹ Fe nyi genobono ne bara me-nyoro gese wɔra Wura Yesu gesun mo. N kya wɔra Yesu gesun mo mo, Gyuda awura mo me ta me-geno kii ta me geno. Ne loo loo momo-idoo do lii, ne ne kyu osulon wɔra gesun mo.

²⁰ Ne lee ilaa kamaase ibono i laa kpa feye mo toge feye, men sele sei. Ne nyiile feye ilaa sansana de feye-nten-ana do kee.

²¹ Genen owi obono pewu mo, n kpe mi-i lee Yesu ilaa mi-i nyiile feye. Fo gye Gyuda isa-o, fo gye asa sɛnse mo do-o, ne ka sa feye okamaase yee o' taa mo-ilaa nyenyɛn giwɔra yegɛ kii ba Wurubaare ase de o' ka gyan aye-Wura Yesu so.

22 “Ide kon mɔ, fe' nu yee n kya kpe Gyerusalem. Wurubuaare Oduduu mɔ ne n nyiile me yee n' kpe. Imɔso man taale kine. Men nyi ilaa ibono i laa kpaɔ tu me nno mɔ.

23 Ɔsowole kamaase obono so ne kpe mɔ, Wurubuaare Oduduu mɔ kya lee nyiile me yee ne kpe Gyerusalem mɔ, me laa keda me tii de obu, ne me laa ka me-ansi.

24 Mi-i me mɔ, men kya kyu me-nkpa yee gi gye sei sa me. I tiri me daa yee n' nye wɔra gesun gebono Wura Yesu gi kyu wɔra me-abaa dɔ mɔ kpaɔ loge. Ɔ tɔge me yee n' lee mɔ-okalan konkonse mɔ nyiile asa de me' nye bii genɔobono Wurubuaare kya naa de Yesu so mɔlege anyamese mɔ.

25 “Ide kon bere, n nyi yee feye oko-re oko man baa wu me geakaako. Nkana me ne n naa feye dɔ n kya tɔge Wurubuaare gewuragyi dɔ akyenabi mɔ so ilaa mi-i sa feye.

26 Imɔso n kya buu mi-i sa feye nde geke gede yee nengyene feye dɔ oko gi fue, ɔ men nye okyenaten Wurubuaare ase mɔ, me-ayaa de me-abaa a men bo nno.

27 I kya nyiile yee ne tɔge ilaa ibono Wurubuaare gi tɔge yela yee ɔ laa wɔra mɔ pewu sa feye. Men kyu imɔ iko ɔara feye.

28 “Fe' kere feye-nyoro so dandan de fe' kere Yesu asonbo sɛnsɛ mɔ so dandan kee. Wurubuaare Oduduu mɔ gi yege ne fe wɔra abelense sa ɔmɔ. Imɔso fe' kere ɔmɔ so dandan fee genɔobono isande okerebo dense kya kere mɔ-isande so mɔ. I kya nyiile yee Wurubuaare gi yege mɔ-bi gi kyu mɔ gbaa-gbaa nkalan kyee de i' lɔrɔ feye-re mɔmɔ pewu de Wurubuaare nsana.

29 N nyi ibono ne kyon taa feye yege mɔ, anyiilebo nyenyɛn ako me laa ba feye dɔ. Me laa wɔra fee akuntun ne n loo isande dɔ. Me man yege Yesu asonbo abono fe kya kere ɔmɔ so mɔ.

30 Feye-abelense mɔ dɔ ako me laa koso kee abon de me' nye akasebo me' buu ɔmɔ taa gesintin mɔ yege.

31 “Imɔso fe' bii feye-nyoro akedabi. Fe' wolaa nyingi yee nsi nsa mumuli dɔ mɔ n kpe mi-i nyiile feye ɔkpa dense mɔ genye de gepe. Nke nko mɔ n kya ka feye ɔkamaase yege n kya su.

32 Ide kon bere, n de feye n kya wɔra Wurubuaare abaa dɔ yee ɔ' kere feye so. Ne n de Wurubuaare agyebi mɔ mi-i wɔra feye-abaa dɔ. Genen agyebi mɔ a kya nyiile aye genɔobono Wurubuaare kya naa de Yesu so mɔlege anyamese mɔ. A laa taale lɔrɔ feye de a' yege feye-re abono pewu ɔ lɔrɔ yela sa mɔ-nyoro mɔ fe' nye ilaa dense ibono Wurubuaare gi ka yela sa feye mɔ.

33 “Men yege oko aterɛnbi abee oko atɔ a' wɔra me onsipara.

34 Feye gbaa-gbaa fe nyi yee me ne n wɔra gesun kyu laare me-ilaa tirise me-atɔ, ne ne kii kere abono me bo me ase mɔ so kee.

35 Ne kyu ɔkpa kamaase so nyiile feye yee i kaabore a' nyanga ansi wɔra gesun de a' kpaɔ abono me men bo alanfiya mɔ. A' nyingi ilaa ibono Wura Yesu gi tɔge mɔ. Ɔ tɔge yee, ‘Fo kya kyee ilaa mɔ, fo gye omudensebo don isa obono me kya kyee mɔ ilaa mɔ.’ ”

Efiso Awura Me Kale Pɔɔlo

36 Pɔɔlo gi tonge ta mɔ, mɔ-re asa abono me bo nfono pewu me sii ɛmii, ne ɔ dalaa.

37 Nfono mɔ, osulon gi tɔrɔ mɔmɔ pewu so. Me san too mili Pɔɔlo, me kale mɔ fee me gye daa anyibi asebi.

³⁸ Ibono Pɔɔlo gi tɔge sa mɔmɔ yee me man baa wu mɔ gɛkaako mɔ ne n yege mɔmɔ-ansi a nyan mɔmɔ gikyɔ mɔ. Me sun mɔ kpe apoo genɔ gikolii mɔ ase.

21

Pɔɔlo Gi Kyon Gyerusalem

¹ A fo gikolii mɔ ase mɔ, a kale asa mɔ ne a dii loo gimɔ dɔ ne a yii ntintin kpelege kyon kpaa fo Kɔse gesinkpan so. Gede kese mɔ, a loo Rodise gikyaafiya so. A lii nno mɔ, a kyon kpe Patara osowole so.

² A loo Patara mɔ, a wu gikolii giko. Gi kya fara gi kya kpe Fonisiya gesinkpan so. Imoso a dii loo gimɔ dɔ ne a kyon.

³ A kya kyon mɔ, a wu Saapurose gikyaafiya aye-bene so, ne a kpelege kyon kpaa loo Siiriyi gesinkpan so, ne a kpaa yefe Taya osowole so. I kya nyiile yee nno ne gikolii mɔ gi kya kpe de gi' kpaa lee nsola nbono gi so mɔ.

⁴ A loo nno mɔ, a laare Yesu akasebo abono me bo nfono mɔ geten. A wu omɔ mɔ, a kyena mɔmɔ ase nke sono. Wurubuaare Oduduu mɔ gi lee nyiile genen Yesu akasebo abono ne me wu tɔge sa Pɔɔlo yee o' men sa o' kpe Gyerusalem.

⁵ Imo-re imo genen gbaa mɔ, aye-nke gi fo mɔ, a koso ne a yii okpa kyon. Yesu akasebo mɔ mɔmɔ-re mɔmɔ-kaana de mɔmɔ-biana pewu me sun aye lii osowole mɔ so. A fo apoo genɔ mɔ, aye pewu a nmii gigengen ne a dalaa.

⁶ A kale abara ta mɔ ne a dii loo gikolii dɔ, ne mɔmɔ, mɔ, me kii kpe mɔmɔ-nwi.

⁷ A kyu gikolii lii Taya osowole so mɔ, Petolimase osowole so ne a kpaa kpelege. A fo nno mɔ, a kpaa faala aye-nanboana Yesu onon mɔ dɔ ako, ne a sii kyena mɔmɔ ase geke kolon.

⁸ Imo gede kese mɔ a koso ne a kpaa loo Sesariya osowole so, ne a kpaa sogɛ Filipino gewi. Genen Filipino baare ne n kya kyena tɔge Yesu okalan konkonse mɔ sa asa. O gye asa sono abono me lee mɔmɔ yee me' wɔra Yesu asonbo mɔ akpaabo mɔ dɔ oko.

⁹ O bo nbii kyiise nnan nbono me men nyi anyen. Me kya lee ilaa ibono Wurubuaare Oduduu mɔ kya nyiile omɔ mɔ me kya tɔge sa asa.

¹⁰ A bo Sesariya nke kalese mɔ, Wurubuaare ikalan otɔgebo oko gi lii Gyudiya ba aye ase. Me kya tere mɔ-ginyen yee Agabuse.

¹¹ O ba aye ase mɔ, o puru Pɔɔlo liide kyu nminde mɔ gbaa-gbaa ayaa de mɔ-abaa ne o tɔge yee, "Wurubuaare Oduduu mɔ kya tɔge yee, 'Ee genɔobono ne nminde me-ayaa de me-abaa faa, genen kee ne Gyuda awura mɔ me bo Gyerusalem mɔ me laa kyu wɔra liide baare wura ne, de me' kyu mɔ wɔra abono me men kya son Wurubuaare mɔ abaa dɔ.' "

¹² A nu genen ilaa ide mɔ, aye-re asa abono me bo nfono mɔ a kole Pɔɔlo yee o' baa kpe Gyerusalem mɔ.

¹³ A kole mɔ genen mɔ, o kisee taase aye yee, "Mene n wɔra ne fe kya su de i' yoo me-nyoro genen? Ne kpe Gyerusalem ne me nminde me tii de obu Wura Yesu so mɔ, ne kyule. Ba-a me laa mɔ me mɔ, nan so abaa anyo."

¹⁴ Ibono a wu yee a buɛle mɔ kpon mɔ, a taa mɔ yege, ne a tɔge yee, "Wurubuaare gelaare ne ge' wɔra."

Pɔɔloana Me Kpe Gyerusalem

¹⁵ Imo ide gemara mɔ, a kyena nno nke kalese mɔ, a baala ne a kyon kpe Gyerusalem.

16 Yesu akasebo abono me te Sesariya nno mo do ako me sun aye lii nno kpe Gyerasalem osowole mo so. Me kyu aye kpe Menason obono o lii Saapurose mo gewi. Menason obono gi wɔra Yesu okasebo mo in gye nde.

17 A loo Gyuda awura osowole bele Gyerasalem mo, aye-nanboana Yesu onon mo do abono me te nno mo me da aye gya-gya ne me keda aye gisafɔ.

18 Gede kese mo, aye-re Pɔɔlo a kpaɔ laa ɔbelense Gyeemesi mo-re Yesu onon mo do abelense sense mo pewu me bo nno mo.

19 Pɔɔlo gi faala momo, ne o buu mo-gesun gebono o kya wɔra sa Wurubuaare mo so ilaa sa omo. O toge genobono Wurubuaare gi naa de genen gesun mo so wɔra ilaa kpei-kpei sa asa abono me men gye Gyuda awura mo. O buu imo sa omo gigan so gigan so.

20 Abelense mo me nu ilaa ibono Pɔɔlo gi buu sa momo mo, me kyu nyisigyi kyu sa Wurubuaare. Nfono mo me toge sa Pɔɔlo yee, "Aye-nanbo Yesu sonbo, aye Gyerasalem gere bere fo ti wolaa fo nyi genobono i de mo. Aye Gyuda awura abono me soɔ Yesu gyi fee aye kee mo me tansi me nyaakyo faa birim, ne momo pewu ansi a peere nbara mo so gigy gesintin so.

21 Ako me ten fo-geno sa momo yee fo kya nyiile Gyuda awura abono pewu me te saare asa sense do mo yee me' kyeege lii aye-naana Mosisi nbara mo gigy do de me men' baa ten momo-biana awore abee me men' baa wɔra aye Gyuda awura itiihilaa imo-okpa so.

22 Nne ne a laa wɔra ne? I wɔra nne mo, me laa nu fo so yee fo ba.

23 Imoso wɔra daa ilaa ibono a laa toge fo mo. Anyen anan ako me bo aye do gere. Genen anyen ade me ka ntan nko sa Wurubuaare.

24 Me laa gyere de i' lee ilaa kyolesese lii momo-nyoro so sa momo de me' ka momo-amu so ako de me' nye see momo-amu itiihilaa okpa so. Fo-re omo fe' buu abara kpaɔ wɔra itiihilaa ide de fo' ka momo-amu so ako mo sa momo. Fo wɔra genen mo, okamaase laa lee fo-geno yee ilaa ibono ako me de me kya gyan fo so mo i gye daa genoten gigan. Fo gbaa-gbaa fo-gekyena do mo me laa wu yee fo kya gyi aye-naana Mosisi nbara mo so.

25 Abono me men gye Gyuda awura ne me soɔ Yesu gyi mo bere, a wolaa nmarase ibono a toge yela mo wɔra owole do kyu kpaɔ sa momo yee i kaabore me' kine akwoletɔ gigy, me men sa me' gyi nkalan de nbue nbono me moɔ nno ne me men lee nmo-nkalan fue mo, de me men sa me' laare agyibara."

26 Gesintin mo gede kese mo, Pɔɔlo mo-re anyen anan mo me kyon de me' kpaɔ gyere de i' lee ilaa kyolesese lii momo-nyoro so sa momo. Me kpaɔ gyere ta mo, Pɔɔlo gi kpaɔ loo Wurubuaare onon obu mo do o' kpaɔ toge nke nbono okara itiihilaa mo i laa loge mo de Wurubuaare asunbi aleebo mo me' kyu Pɔɔloana ato kyu lee asunbi sa momo okamaase.

Me Keda Pɔɔlo Wurubuaare Onon Obu Mo Do

27 Itiihilaa mo geke sonose mo ge kya laare ge baa gyan' mo, Pɔɔlo bo Wurubuaare onon obu mo do ne Gyuda awura abono me lii Esiya gesinkpan so mo ako me baa tu mo nno. Me baa tu mo mo, me keda mo, ne i yogesi asa abono me bo nno mo pewu.

28 Me kpen toge yee, "Aye-nanboana Isirale awura, fe' kpaɔ aye! Onyen baare ne n kpe o naa o naa geten kamaase o kya nyiile asa ilaa nyenyen kyu lii aye Isirale awura so de aye-naana Mosisi nbara mo so de Wurubuaare onon obu baare so mo. Imo ide gemara mo, o lii kpaɔ kyu asa abono me men gye aye Gyuda awura mo ako kyu kpaɔ loo aye Wurubuaare onon obu mo do, ne i kyolese obu obono Wurubuaare gi lɔro yela sa mo-onon mo."

²⁹ Ibono me kya tɔge yee Pɔɔlo gi kyu asa abono me men gye Gyuda awura ako kyu loo Wurubuaare ɔson obu mɔ dɔ mɔ ne n gye yee owi ɔko dɔ mɔ, me wu mɔ-re Efisonyen ɔko ɔsowole mɔ so. Me kya tere ɔnyen mɔ yee Tirofimuse. Me wu mɔ-re Pɔɔlo me naa mɔ, me sa gewɔnsa yee ɔfaanan Pɔɔlo gi kyu mɔ kpaa loo Wurubuaare ɔson obu mɔ dɔ ne.

³⁰ Ibono Gyuda awura abono me lii Esiya mɔ me tɔge genen mɔ i yegɛ ɔsowole mɔ pɛwu gi singi, ne asa me sele kpaa da gikilen mɔmɔ ase nno. Me too keda Pɔɔlo kpɛii mɔ lii Wurubuaare ɔson obu mɔ dɔ, ne ayaa abono so mɔ, me tii nɛunono mɔ.

³¹ Sakpii mɔ me kya laare me' mɔɔ Pɔɔlo. Nfono mɔ, ɔko gi kpaa sa asogya gikpen bele ɔbelense genɔ yee Gyerusalem gi singi.

³² Ayaa abono so mɔ, o kyu asogya ako mɔmɔ-re mɔmɔ-abelense, ne me sele kpelege kpe nfono sakpii mɔ gi koola gyan' mɔ. Ibono me wu ɔbelense mɔ mɔ-re asogya mɔ genen mɔ, abono me kya daare Pɔɔlo mɔ me taa mɔ-gidaare yegɛ.

³³ Nfono mɔ, asogya ɔbelense mɔ gi naa kpe Pɔɔlo ase kpaa keda mɔ, ne ɔ tɔge sa mɔ-ade mɔ yee me' kyu agbangbaran anyɔ kyu nɛminde mɔ.

Nfono mɔ, asogya ɔbelense mɔ gi taase sakpii mɔ yee, "Ane ne n gye genen ɔnyen baare, ne mene ne ɔ wɔra?"

³⁴ Sakpii mɔ dɔ ako me kya kpen me kya lee genɔ ma-a sa asogya ɔbelense mɔ, mɔ, ade genɔ kpɛi, abanban genɔ kpɛi. Genɔɔbono sakpii mɔ kpe ɔ kya wɔra giyan-giyan so mɔ, asogya ɔbelense mɔ men kya nye de ɔ' bii ilaa kolon ibono Pɔɔlo gi wɔra so ne me kya daare mɔ me laa mɔɔ genen mɔ. Genen so mɔ ɔ tɔge sa mɔ-ade mɔ yee, "Belen, fe' kyu Pɔɔlo kyu kpe aye-gesun ɔwɔraten."

³⁵ Asogya mɔ me keda Pɔɔlo genen-n kyu baa fo nfono me wɔra ayaa ikyiseten atanbuwaa me kya kyu dii loo mɔmɔ-gesun ɔwɔraten mɔ, me wu genɔɔbono sakpii mɔ kya nyise ɔlon so ma-a gbebi Pɔɔlo mɔ, asogya mɔ me san puru mɔ sola daa.

³⁶ Nfono mɔ, sakpii mɔ gi san ɔ kya kpen o buu mɔmɔ yee, "Fe' mɔɔ mɔ!"

Pɔɔlo Gi Kole Tɔnge Sa Sakpii Mɔ

³⁷ Asogya mɔ me kpe me kya laare de me' kyu Pɔɔlo kyu loo mɔmɔ-gesun ɔwɔraten gekpen mɔ dɔ mɔ, Pɔɔlo gi taase mɔmɔ-ɔbelense mɔ yee, "Nan nye ɔkpa tɔge ilaa iko sa fo ne?" Pɔɔlo gi kole ɔbelense mɔ genen mɔ, ɔbelense mɔ gi taase mɔ yee, "Nkyee fo kya nu Geriiki gedɛ?"

³⁸ Genen bere mɔ ɔfaa fo ne n gye Igyipitinyen ɔbono ɔ naa kyena kyu iko ba too abeyin so mɔ. Fo ne n kyu asa nwe ikue-inyɔ abono me kya ko iko ɔmɔ-gibaa so mɔ kyu lii kpe gipen dɔ mɔ."

³⁹ Pɔɔlo gi lee genɔ yee, "Kuaa, me bere, n gye daa Gyudanyen. Ne lii Taasu ɔsowole ɔbono ɔ bo Silisiya mɔ. Me-ɔsowole mɔ men gye gesowolebi. N kya kole fo, wɔra aniya de fo' yegɛ me n' tɔnge sa sakpii mɔ."

⁴⁰ Asogya ɔbelense mɔ gi sa Pɔɔlo ɔkpa. Nfono mɔ Pɔɔlo gi dii yele ayaa atanbuwaa mɔ so, ne ɔ diire gibaa nyiile mɔmɔ yee me' nu mɔ ase. Sakpii mɔ gi wɔra kurun mɔ, Pɔɔlo gi tɔnge mɔmɔ Gyuda awura gedɛ dɔ sa ɔmɔ. Gemɔ ne n gye Hiiburu.

1 Ɔ tɔgɛ yɛɛ, “Me-seana de me-subuana, ide kon fe' yɛgɛ n' lɛɛ me-geɛno de fe' nu.”

2 Gyuda awura sakkpii mɔ me nu ibono Pɔɔlo gi tɔngɛ sa mɔmɔ de mɔmɔ Hiiburu gɛde dɔ genen mɔ me kii lɔrɔ kii sii kurun too. Nfono mɔ, Pɔɔlo gi kperɛ mɔ-geɛno yɛɛ,

3 “N gye daa Gyudanyen. Mɛ korogɛ me Taasu ɔsowole ɔbono ɔ bo Silisiya gesinkpan so mɔ. Gyerusalem gerɛ ne mɛ bela me. Onyilebo Gameeliya ne n nyiile me Wurubuaare ɔson ilaa fɛɛ geɛnoɔbono aye-naanaana mɛ tɔgɛ yɛɛ a' gyi imɔ so mɔ. Genen owi ɔbono mɔ me-ansi a pɛɛɛ genen Wurubuaare ɔson mɔ so fɛɛ geɛnoɔbono fɛye pɛwu kee ansi a pɛɛɛ imɔ so nde faa.

4 Lii genen so mɔ, nkana asa abono mɛ kya son Wurubuaare kyu naa de Yesu-lɛɛ ɔkpa mɔ so mɔ ne ka mɔmɔ-ansi kaabore mɔmɔ ako mɛ nye lɛwu. Nɛ nminde mɔmɔ ako, anyen de akyii, kyu tii de ibu.

5 Aye Gyuda awura asunbi alɛɛbo gemu mɔ de aye-nbele agyibo gikpen mɔ pɛwu mɛ laa taale lɛɛ me-geɛno yɛɛ ilaa ibono n kya tɔgɛ faa i gye gesintin. Owi ɔko dɔ mɔ me nmarase mɔmɔ-gibaa dɔ ɔwole sa me yɛɛ n' kyu kperɛ aye-nanboana Gyuda awura abono mɛ bo Damasikose ɔsowole so mɔ de mɛ' sa me ɔkpa de n' keda Yesu asonbo abono mɛ bo nno mɔ kyu ba Gyerusalem. Nengyene nɛ nye kyu mɔmɔ ba mɔ, abelense mɔ me laa ka ɔmɔ-ansi. Nɛ kpe ne nan kii mɔ, n' nminde abono nan nye mɔ kyu ba Gyerusalem.

6 “Gesintin mɔ, me-rɛ me-nanboana ako a yii ɔkpa a kya kpe Damasikose. A kya fuude nno mɔ, i laa wɔra fɛɛ owi kenken gerɛ-gerɛ mɔ, fatela bele ɔko gi lii Wurubuaare dɔ baa kyaabɔɔ me gikolon fɛɛ nyangbon ne n wiiseɛ.

7 Nfono mɔ ne lii tɔrɔ gesinkpan, ne ne nu gigyebi giko gi taase me yɛɛ, ‘Sɔlo, Sɔlo, mɛnɛ n wɔra ne fo kya ka me-ansi genen?’

8 “Nɛ nu gigyebi mɔ mɔ, nɛ taase yɛɛ, ‘Me-wura ɔmɔ ne?’ I lɛɛ geɛno sa me yɛɛ, ‘Me ne n gye Yesu Nasaretinyen ɔbono fo kya ka me-ansi mɔ.’

9 Asa abono mɛ bo me ase nno genen owi ɔbono mɔ mɛ wu fatela mɔ. Gigyebi' gibono gi tɔngɛ de me mɔ bere, mɛ mɛn nu.

10 Nɛ taase yɛɛ, ‘Me-wura, nne ne nan wɔra?’ Nfono mɔ, me-wura mɔ gi tɔgɛ sa me yɛɛ, ‘Koso de fo' naa loo Damasikose ɔsowole mɔ so. Fo loo nno mɔ, ɔko laa baa nyiile fo ilaa ibono Wurubuaare gi tɔgɛ yela yɛɛ fo' wɔra mɔ.’

11 Fatela bele mɔ gi wu gikyo so mɔ, me-ansi a nyida. Me-nanboana abono me-rɛ ɔmɔ a naa mɔ ne n san keda me de gibaa kyu loo Damasikose ɔsowole mɔ so.

12 “Ɔnyen ɔko bo ɔsowole mɔ so nno, mɛ kya tere mɔ yɛɛ Ananiyase. Ɔ kya son Wurubuaare mɔ-gekyena dɔ, ne ɔ kya gyi aye Gyuda awura nbara mɔ so. Gyuda awura abono pɛwu mɛ tɛ nno mɔ mɔmɔ ɔkamaase kya tere mɔ ginyen dense.

13 Genen ɔnyen baare gi naa ba me ase. Ɔ baa yeɛ sindi me. Ɔ tere me-ginyen, ne ɔ tɔgɛ sa me yɛɛ, ‘Me-nanbo Sɔlo, fo-ansi mɔ a' bugi de fo' kii nye wu ilaa.’ Ayaa abono so mɔ, me-ansi mɔ a bugi sa me, ne ne wu mɔ de me-ansi.

14 “O buu sa me yɛɛ, ‘Wura Wurubuaare ɔbono aye-naanaana mɛ son mɔ gi lɛɛ yii fo yɛɛ fo' bii mɔ-gelaare ilaa de fo' baa bii Yesu, Gesintin Wura mɔ, de ɔ' tɔngɛ, de fo' nu de fo-aso.

15 I kya nyiile yɛɛ fo laa lɛɛ mɔ-ilaa ibono fo wu de ansi ne fo nu de fo-aso faa tɔgɛ sa anyamese pewu.

16 Ide kon mɔ menɛ ne fo baa fo gyoo? Koso, de fo' dalaa sa Wura Yesu de fo' nyɛ Wurubuaarɛ sagyere de Wurubuaarɛ o' kyu fo-ilaa nyenyɛn kyɛɛ fo.' Gɛsintin mɔ, nɛ wɔra genen.

Yesu Gi Tɔgɛ Pɔɔlo Yɛɛ O' Kpe Abono Mɛn Gye Gyuda Awura Mɔ Ase

17 "Imɔ ide gemara mɔ, nɛ lii Damasikose kpe Gyɛrusalem. N bo nno mɔ, owi ɔko dɔ mɔ, nɛ kpaɔ dalaa Wurubuaarɛ ɔson obu mɔ dɔ. N kya dalaa genen mɔ, i wɔra mɛ fɛɛ oderɪ.

18 Nɛ wu Wura Yesu ne ɔ tɔgɛ sa mɛ yɛɛ, 'Kpaala de fo' lii Gyɛrusalem gɛɛ. Mɛ-ilaa ibono fo kya tɔgɛ fo kya sa asa mɔ, gɛɛnaa awura mɛ man nu gɛsɛ sa fo.'

19 Nɛ mi-i mɛ mɔ, nɛ tɔgɛ sa mɔ yɛɛ, 'Nkana mɔmɔ gbaa-gbaa mɛ nyi yɛɛ nɛ naa kyena kpe-kpe aye Gyuda awura akyangbon dɔ kpaɔ daarɛ abono mɛ sɔɔ fo gyi mɔ, nɛ nɛ keda ako kyu tii de ibu.

20 I ba yɛɛ ako mɛ mɔɔ Sitiifɛn ɔbono ɔ naa kyena lɛɛ fo-ilaa nyiile asa mɔ. Mɛ kya mɔɔ mɔ mɔ, mɛ kee, n yɛɛ n kɛɛ. Genen owi ɔbono mɔ, i gye mɛ kee gelaarɛ. Mɛ gbaa nɛ n kɛɛ abono mɛ mɔɔ Sitiifɛn mɔ ngbɛ so sa ɔmɔ.'

21 Nɛ tɔgɛ Wura Yesu genen mɔ, ɔ tɔgɛ mɛ yɛɛ, 'Fo bɛɛ, naa daa. Nan sun fo koo-koo asa abono mɛ mɛn gye Gyuda awura mɔ ase.' "

Mɛ Nminde Pɔɔlo Mɛ Laa Taa

22 Sakpii mɔ gi nu Pɔɔlo ase genen-n kaaborɛ ɔ tɔgɛ yɛɛ Yesu yɛɛ ɔ laa sun mɔ kpe asa abono mɛ mɛn gye Gyuda awura mɔ ase. Nfono mɔ, mɛ yii gɛsɛ mɛ kya kpen yɛɛ, "Fɛ' mɔɔ mɔ! In baa kaaborɛ ɔ' kyena gesinkpan so."

23 Asa mɔ mɛ san mɛ kya kpen giyan-giyan mɛ kya nmalan akuru nɛ mɛ kya kuu supuu ma-a too ma-a wɔra afuu so.

24 Genen so mɔ asogya akpen ɔbelɛnsɛ mɔ gi tɔgɛ sa mɔ-adɛ mɔ yɛɛ mɛ' kyu Pɔɔlo kyu naa loo mɔmɔ-gesun ɔwɔrɛten gɛkpen mɔ dɔ belɛnten de mɛ' taa mɔ de mɛ' taasɛ mɔ-gɛnɔ dɔ ilaa de mɛ' nyɛ bii ilaa ibono so Gyuda awura mɛ kya kpen giyan-giyan genen mɔ.

25 Ibono mɛ nminde Pɔɔlo mɛ laa taa awulibi mɔ, Rom asogya gikpen giko ɔbelɛnsɛ yɛɛ sindi nno. Pɔɔlo gi taasɛ mɔ yɛɛ, "Imɔso i de ɔkpa fɛɛ mɛ' nminde Rom obi taa owi ɔbono mɛ mɛn ti gyi mɔ-nbɛɛ de mɛ' bii yɛɛ ɔ wɔra ilaa nyenyɛn mɔ?"

26 Asogya gikpen ɔbelɛnsɛ mɔ gi nu genen mɔ, ɔ naa kpe asogya akpen ɔbelɛnsɛ mɔ ase nɛ ɔ kpaɔ taasɛ mɔ yɛɛ, "Mɛnɛ ne fo kya laarɛ mɛ' wɔra ɔnyɛn baarɛ? Kɛɛ imɔ dɔɔdan-o, ɔ gye daa Romanyɛn."

27 Nfono mɔ asogya akpen ɔbelɛnsɛ mɔ gi kpaɔ taasɛ Pɔɔlo yɛɛ, "Fo gye Romanyɛn daa?" Pɔɔlo gi lɛɛ gɛnɔ yɛɛ, "ɛn."

28 Asogya ɔbelɛnsɛ mɔ gi buu sa Pɔɔlo yɛɛ, "Mɛ, nɛ ka giko bɛɛ pei nɛ nɛ nyɛ bingiri Rom isa." Pɔɔlo mɔ gi tɔgɛ sa asogya ɔbelɛnsɛ mɔ yɛɛ, "Mɛ bɛɛ, mɛn lɛɛ atɛrenbi sɔɔ. I korogɛ mɛ daa Rom awura gesinkpan so, imɔso n wolaa n gye nno isa."

29 Pɔɔlo gi tɔgɛ genen mɔ, ayaa abono so mɔ, asa abono nkana mɛ kya laarɛ mɛ' taasɛ taasɛ mɔ ilaa mɔ mɛ naa taa mɔ yɛgɛ mɛ mɛn baa taalɛ taasɛ mɔ sɛi. Nfono mɔ asogya ɔbelɛnsɛ mɔ kee gi loo gifuu fɛɛ ɔ yɛgɛ mɛ nminde Pɔɔlo ɔbono ɔ gye Rom obi mɔ genen.

Mɛ Kyu Pɔɔlo Kpe Abono Mɛ Kya Gyi Asa Nbɛɛ Mɔ Ase

³⁰ Asogya ɔbelense mɔ kya laare de ɔ' bii ilaa nyenyen kolon ibono Gyuda awura mɔ yɛɛ Pɔɔlo gi wɔra mɔ. Genen so mɔ, gɛdɛ kɛsɛ mɔ ɔ yɛgɛ Gyuda awura asunbi alɛɛbo abelense mɔ de mɔmɔ-nbɛlɛ agyibo abelense mɔ mɛ gyan'. Mɛ gyan' genen mɔ, ɔbelense mɔ gi sange Pɔɔlo kyu kpe mɔmɔ-ansi dɔ.

23

Pɔɔlo Gi Tɔngɛ Sa Nbɛlɛ Agyibo Mɔ

¹ Pɔɔlo gi kɛrɛ nbɛlɛ agyibo mɔ faa yiridididi ne ɔ tɔgɛ sa mɔmɔ yɛɛ, "Me-nanboana, lii me-nbii dɔ baa lii de ndɛ faa, n kya wɔra ilaa ibono n nyi me-gisen dɔ yɛɛ i boran sa Wurubuaare mɔ."

² ɔ tɔgɛ genen mɔ, ɔbono ɔ gye Gyuda awura asunbi alɛɛbo gemu mɔ gi tɔgɛ sa abono mɛ yelɛ sindi mɔ mɔ yɛɛ, "Fɛ' nɛ mɔ-gɛnɔ so!"

³ Nfono mɔ, Pɔɔlo gi tɔgɛ sa asunbi alɛɛbo gemu mɔ yɛɛ, "Fo bɛrɛ, i wɔra nne mɔ, Wurubuaare laa nɛ fo kee. Fo kya gyaabii asa daa. Fo dɛ fɛɛ obu ɔpɔɔrɛ ɔbono mɛ kyu ilaa fufuli kokuaa mɔ mɔ. Fo ba fo tɛ gɛrɛ yɛɛ fo dɛ Wurubuaare nbara fo laa gyi me-nbɛlɛ, yɛgɛ gɛnɔɔbono fo nyiile asa yɛɛ mɛ' nɛ me-gɛnɔ so faa, in kya kyena de nbara mɔ."

⁴ Abono mɛ yelɛ sindi Pɔɔlo mɔ mɛ taase mɔ yɛɛ, "I wonɛ ne fo kya saalɛ Wurubuaare asunbi alɛɛbo gemu mɔ genen?"

⁵ Pɔɔlo gi lɛɛ gɛnɔ yɛɛ, "Me-nanboana, mɛn bii yɛɛ mɔ ne n gye asunbi alɛɛbo gemu mɔ. Nkana n nyi ibono mɛ nmarasɛ yela Wurubuaare agyebi dɔ yɛɛ, 'Fɛye-ɔbelense ɔbono ɔ kya kɛrɛ fɛye-asa so mɔ, fɛn sa fɛ' tɔgɛ ilaa nyenyen kyu lii mɔ so.' "

⁶ Pɔɔlo gi wu yɛɛ nbɛlɛ agyibo mɔ mɛ bo gikpen ginyɔ. Gikpen giko gi kya son Wurubuaare Farasii ɔkpa so, ne gikpen nyɔsɛ mɔ, mɔ, gi kya son Wurubuaare Saadusii ɔkpa so. Imɔso Pɔɔlo gi kpen tɔgɛ sa mɔmɔ yɛɛ, "Me-nanboana, fɛ' nu. N bo daa Farasii gikpen mɔ dɔ. Mɛ-sɛ de mɛ-nyi kee, genen. Aye Farasii awura gikpen mɔ ansi a gyan' yɛɛ gekaako Wurubuaare laa kyingi anyamesɛ pɛwu. Genen ilaa idɛ ne nɛ tɔgɛ so ne nɛ loo fɛye-nbɛlɛ faa."

⁷ Pɔɔlo gi kpe tɔgɛ genen ilaa idɛ mɔ, akycɔlɛ a tɔrɔ Farasii awura mɔ de Saadusii awura mɔ so. Mɔmɔ-nbɛlɛ agyibo mɔ mɛn baa wɔra gɛnɔ kolon Pɔɔlo so.

⁸ I kya nyiile yɛɛ Saadusii gikpen mɔ dɔ awura mɛ kpe mɛ dɛ yɛɛ Wurubuaare mɛn kyingi anyamesɛ lii ibuni dɔ, ne in bo Wurubuaare dɔ isɔɔ kee, abɛɛ ibuni. Farasii gikpen mɔ awura bɛrɛ, mɛ kya sɔɔ gyi yɛɛ genen ilaa idɛ pɛwu i bo no.

⁹ Nbɛlɛ agyibo mɔ mɛ san mɛ kya faa abara so mɛ kya wɔra ɔlanba bɛlɛ. Nfono mɔ, Farasii awura abono mɛ kya nyiile Wurubuaare ɔson mɔ nbara mɔ ako mɛ koso yelɛ tɔgɛ ken-ken yɛɛ, "A mɛn wu ilaa nyenyen iko lii genen ɔnyen baare so. ɔfaanan Wurubuaare dɔ ɔsɔɔ abɛɛ obuni ne n tɔngɛ sa mɔ faa."

¹⁰ Nbɛlɛ agyibo mɔ akycɔlɛ mɔ a wɔra ɔlon gikycɔ so mɔ, asogya ɔbelense mɔ gi sɛlɛ gifuu yɛɛ mɛ laa biidɛ Pɔɔlo kyadɛ. Genen so mɔ, ɔ tɔgɛ sa mɔ-asogya mɔ yɛɛ mɛ' kpelegɛ loo nbɛlɛ agyibo mɔ dɔ de mɛ' kpaɛ gbɛbi Pɔɔlo lii de mɛ' kyu mɔ kyu loo mɔmɔ asogya mɔ gesun ɔwɔratɛn gekpen mɔ dɔ.

¹¹ Gɛdɛ kɛsɛ genyɛ mɔ, Wura Yesu gi baa yelɛ Pɔɔlo asɛ ne ɔ tɔgɛ sa mɔ yɛɛ, "Pɔɔlo, kɛda fo-gisen. Fɛɛ gɛnɔɔbono fo taalɛ tɔgɛ mɛ-ilaa sa asa Gyerusalem ɔsowolɛ so faa fo laa wɔra genen kee sa Rom awura."

Gyuda Awura Mɔ Me Da Gede Me Laa Mɔɔ Pɔɔlo

12 Imɔ gede ge ke mɔ, Gyuda awura ako me kpaa ɲara gyan' geteeko kyu lii Pɔɔlo so. Me da gede ne me ka ntan sa abara yee nengyene me meɲ ti nyɛ Pɔɔlo mɔɔ mɔ, me maɲ gyi, me maɲ nun.

13 Gyuda awura abono me kpaa gyan genen mɔ, me laa don asa ikue-inyɔ.

14 Me kpe mɔmɔ-asunbi aleɛbo abelense mɔ de abelense sense mɔ ase ne me kpaa toge sa mɔmɔ yee, "A wɔra genɔ ne a ka ntan sa abara yee nengyene aɲ ti nyɛ mɔɔ Pɔɔlo mɔ aye-genɔ ge maɲ daa sei sei.

15 Imɔso feye-re nbele agyibo mɔ fe' sa Rom awura asogya obelense mɔ genɔ de fe' penɛ mɔ yee fe kya laare fe' kii nu Pɔɔlo ilaa mɔ doɔdan. Imɔso ɔ' yegɛ me' kyu mɔ bara feye. Aye mɔ a baala ta ibono a laa mɔɔ mɔ okpa dɔ."

16 Me kya ɲminde genen ilaa ide pɛwu mɔ, Pɔɔlo mɔ-pikyii mɔ-bi nyense oko gi nu. Imɔso ɔ naa kpaa loo asogya mɔ gesun ɔwɔraten gekpen mɔ do ne ɔ kpaa kyu imɔ pɛwu kyu buu sa Pɔɔlo.

17 Nfono mɔ Pɔɔlo gi tere asogya akpen abelense mɔ dɔ oko ne ɔ toge sa mɔ yee, "Kyu dega baare kyu kpe feye-obelense obono ɔ kya kere feye pɛwu so mɔ ase. ɔ bo ilaa iko ɔ laa toge mɔ."

18 Gesintin mɔ o kyu dega mɔ kpe, ne ɔ kpaa buu sa mɔmɔ-obelense mɔ yee, "ɔnyen obono o tii de obu me kya tere mɔ yee Pɔɔlo mɔ, ne n toge sa me yee n' kyu dega baare kyu ba fo ase. Yee ɔ bo ilaa iko ɔ laa toge fo."

19 Obelense mɔ gi keda dega mɔ gibaa dɔ kyu lii nkan ne ɔ taase mɔ yee, "Mene ilaa ne fo bo fo laa toge me mɔ?"

20 Dega mɔ gi toge mɔ yee, "Gyuda awura mɔ me toge kyule abara yee me laa kole fo de ɔke mɔ fo' kii kyu Pɔɔlo kpe nbele agyibo mɔ ansi dɔ. Me laa wɔra fee me kya laare de me' taase mɔ-genɔ dɔ ilaa doɔdan too.

21 Obelense, geɲ sa fo' kyule sa ɔmɔ. I kya nyiile yee mɔmɔ dɔ asa me laa bun gyoo mɔ de me' mɔɔ mɔ. Me laa don asa ikue-inyɔ. Me ka ntan yela sa mɔmɔ-nyoro yee nengyene me meɲ mɔɔ mɔ, me maɲ gyi, ne me maɲ nun. Me ti wolaa baala ta. Me san me te me gyoo genɔobono fo laa toge mɔ daa."

22 Obelense mɔ gi nu genen ilaa ide mɔ, ɔ da dega mɔ tii gisu yee, "Geɲ sa fo' toge oko yee fo buu ilaa ide sa me." ɔ toge genen mɔ, ɔ lee dega mɔ okpa.

Me Kyu Pɔɔlo Kpe Wura Felise Ase

23 Nfono mɔ, obelense mɔ gi tere mɔ-asogya akpen anyɔ abelense, ne ɔ toge sa mɔmɔ yee, "Belen, fe' kpaa baala asogya akpen asa'. Nwe nnyɔ me laa naa de ayaa, ikue-isa de saalaa me laa gyan abee so, ne nwe nnyɔ mɔ me laa keda akpe. Fe laa kpe Sesariya nde genye gede, asa adebere.

24 Fe' laare abee ako sa Pɔɔlo kee de fe' kyu mɔ kpe Wura Felise ase gimu nkpa de alanfiya."

25 Nfono mɔ, asogya obelense mɔ gi ɲmarase ɔwole kyu sa mɔ-isɔɔ mɔ de me' kyu kpere wura mɔ. ɔwole mɔ agyebi mɔ ne n gye yee,

26 "Wura Felise, me, Kelɔɔdiyuse Lisiyase ne n kya ɲmarase genen ɔwole baare mi-i sa fo faa. Buubuu bele gye fo-lee. N kya faala fo.

27 Gyuda awura me keda genen ɔnyen baare me kya laare me' mɔɔ. Genen owi obono dɔ mɔ, ne baa bii yee Rom isa ne ɔ gye. Genen so mɔ, me-re me-asogya mɔ a loo nno, ne a kpaa soge mɔ lii mɔmɔ-abaa dɔ.

²⁸ N kya laare de n' nye bii ilaa ibono me dare yee o wɔra mo, imoso ne kyu mo kpe momo Gyuda awura nbele agyibo mo ase.

²⁹ Ne kyu mo kpe genen mo, ne wu yee oɲ wɔra ilaa nyenyen ibono i kaabore me' moɔ mo abee me' tii mo de obu.

³⁰ Ne baa bii yee me da gede ibono me kya laare me' moɔ mo. Ayaa abono so mo, ne toge yee me-ade' ade me' kyu mo bara fo. Ne buu sa Gyuda awura mo yee abono me nyi yee momo-re mo me bo nbele mo, me' kpaa buu ilaa ibono o wɔra omo mo sa fo. Ne sin gere, n kya faala fo."

³¹ Asogya mo me nu momo-obelense mo ase. Imoso genen genye gebono mo, me kyu Pɔlo kyu kpaa loo Antipatirise osowole so.

³² Gede kese mo, asogya abono me naa de ayaa mo me taa Pɔlo yeye nno, ne me kii kpe momo-gesun oworaten gekpen mo do. I san abono me gyan abee so mo ne nan sun Pɔlo kpaa loo Sesariya.

³³ Me kpaa loo nno mo, me kyu owole mo de Pɔlo kyu wɔra Wura Felise abaa do.

³⁴ Wura Felise gi kale owole mo ta mo, o taase Pɔlo nfono o lii mo. Ne Pɔlo gi lee geno yee Silisiya.

³⁵ Wura mo gi nu genen mo, o toge sa mo yee, "Abono fo-re omo fe bo nbele mo me ti ba mo, nan nu fo-geno do ilaa." Nfono mo, wura mo yee me' kyu Pɔlo kpaa tii de obu Wura Herode gewi de asogya me' dii mo.

24

Gyuda Awura Me Toge Pɔlo Ilaa Sa Wura Felise

¹ Nke nnun gemara mo, Gyuda awura asunbi alebo gemu obono me kya tere mo yee Ananayase mo, mo-re momo-abelense ako de momo-geno olebo obono me kya tere yee Tetuluse mo me kpe Sesariya de me' kpaa toge ilaa ibono Pɔlo gi wɔra mo sa Wura Felise.

² Me bo Wura Felise ase mo, o tere momo-geno olebo, Tetuluse ba ansi do, ne Tetuluse gi koso yele ne o yii gese o kya toge ilaa ibono me toge yee Pɔlo gi wɔra mo. O toge yee,

"Wura bele, ne bugi fo gɛpe, fo so mo, aye Gyuda awura a kpe a kya nye gisen yuuli aye-gekyena do. A wu yee fo kya sa aye so gewonsa dense. Imoso ilaa dense ibono i kya lɔɔ aye-isowole ne fo kya bara.

³ Wura dense, geten kamaase de ilaa kamaase do mo, a kya yen fo ne a kya faala fo kyu lii ilaa ide so.

⁴ "Genoobono i laa wɔra ne man waala fo-ila a so mo, nan buu kpenkpesen. Imoso n kya kole fo, nye gisen de fo' nu aye ase nmaraa.

⁵ A wu yee genen onyen baare man boran daa ne oɲ boran. Gyan' de gesinkpan geten kamaase mo, o kya yogesi Gyuda awura mo gikyɔ-gikyɔ, ne o gye ogyangbarabo oko sa gikpen gibono me fue onon okpa, ne me san me kya son daa Yesu Nasaretinyen mo.

⁶ Nkana o laare fee o' kpaa kyɔlese aye Gyuda awura Wurubuaare onon obu mo, ne a keda mo [kyu kpe a' kpaa gyi mo-nbele kyu naa de aye Gyuda awura nbara okpa so.

⁷ Nfono mo, Rom awura asogya obelense obono me kya tere yee Lisiyase mo gi kpaa soge mo olon so lii aye-abaa do ne me kyu mo ba fo ase gere faa.

⁸ Asogya obelense mo gi toge yee aye abono a kyu onyen baare wɔra nbele do mo a' ba fo ase]. Fo gbaa-gbaa fo taase mo mo, fo laa wu yee ilaa kamaase ibono a kya toge yee o wɔra mo i gye gesintin."

⁹ Gyuda awura abono me bo nno mo pewu kee me koole kyule yee ibono Tetuluse gi buu mo, i gye gesintin.

Pɔɔlo Gi Buu Mɔ-Genɔ Wura Felise Ansi Do

¹⁰ Tetuluse gi buu momo Gyuda awura mo genɔ ta mo, Wura Felise gi lee gibaa nyiile Pɔɔlo yee mo, mo, o' buu mo-lee. Pɔɔlo, mo, gi lee mo-genɔ yee,

"I bo me okon yee fo-ansi do ne nan lee me-genɔ. I kya nyiile yee fo kya gyi aye Gyuda awura nbele mo, i men gye nde.

¹¹ Ne kpe Gyerusalem n' kpaason Wurubuaare mo, nde i laa wɔra daa fee nke gudu nnyo. Fo laa taale taase ako de fo' nu imo do gesintin.

¹² Genen nke nbono n dare pewu faa do mo, geakaako oko men nu me so yee me-re oko a kya so akwole abee n kya yogesi sakkii Wurubuaare onon obu mo do abee momo-akyangbon do abee osowole so gyan.

¹³ Genen ilaa ibono me de ma-a gyan' me so faa, me nyi yee i gye gesintin mo, me' nyiile. Me man taale toge de i' lee nyiile yee i gye gesintin.

¹⁴ Ibono ne wu ne nan kyule sa fo yee i gye gesintin mo ne n gye yee n kya son Wurubuaare onono aye-naanaana me son mo kyu naa daa de okpa onono genen asa ade me dare yee me ne fue onon okpa mo. Ilaa kamaase ibono i bo aye-naana Mosisi nbara iwole do de ibono i bo Wurubuaare ikalan atogebon iwole do mo, me kee ne so imo gyi.

¹⁵ Genonono aye Gyuda awura ansi a gyan' mo, me kee me-ansi a gyan' genen yee Wurubuaare laa kyingi anyamese pewu, abono momo-asen do i boran sa mo mo de abono me kya wɔra ilaa nyenyen mo pewu, de o' gyi momo-nbele.

¹⁶ Lii genen so mo, me bere, ne kyu too me-nyoro so yee nan wɔra daa ilaa ibono n nyi me-gisen do yee i boran mo wole. Man wɔra Wurubuaare abee nyamese ilaa nyenyen.

¹⁷ "Ne kpe Gyerusalem mo, i keela. I gyi nsi pei ne ne kii kpe nno nperɛ do faa. Ne kpe n' kpaason Wurubuaare mo, ne kyu aterebi kperɛ menanboana Gyuda awura de me' kyu ye sa ayenbo ne ne lee asunbi sa Wurubuaare.

¹⁸ Asunbi ne n' yele n kya lee ne aye Gyuda awura ako me baa tu me Wurubuaare onon obu mo do. Pei ne nan loo obu mo do mo, ne wolaa lee me-nyoro lii ilaa kyose do itibilaa okpa so. Genen owi onono mo sakkii oko men taa bo me ase nno, ne men kii wɔra olanba tii asa so.

¹⁹ Genen abere abono mo, Gyuda awura ako me baa tu me nno. Me lii Esiya gesinkpan so. Nkana nengyene fee ne taa wɔra ilaa iko nno mo genen Gyuda awura abono ne i kaabore fee me' baa yele fo-ansi do gere de me' toge ilaa ibono me wu me ne wɔra mo.

²⁰ Asa abono me yele gere faa, me' toge ilaa nyenyen ibono me wu lii me so owi onono me kperɛ me aye Gyuda awura nbele agyibo mo ase mo.

²¹ Ilaa kolon ibono n kya nyingi ne me laa taale toge yee ne wu mo ne n gye yee n yele nbele ogyiten mo, ne kpen ken-ken toge sa momo yee, 'Ilaa ibono ne toge ne ne loo feye-nbele mo ne n gye yee geakaako Wurubuaare laa kyingi anyamese pewu.' "

²² Wura Felise ti wolaa o nyi Yesu onon okpa mo so ilaa dandan. Imoso do toge sa momo yee, "Asogya obelense Lisiyase mo gi ba mo, nan kere feye-ilaa ide do." O toge sa omɔ genen mo ne o kosore nbele mo yela.

²³ Nfono mo, o toge sa asogya obelense onono o kya kere Pɔɔlo so mo yee o laa san dii mo mo, o' yege mo o' nye mo-nyoro nmaraa. Yee nengyene

fɛɛ ilaa iko i tiri mɔ ne mɔ-nanboana mɛ laa sa mɔ mɔ, ɔ' sa mɔmɔ ɔkpa de mɛ' kyu bara mɔ.

Wura Felise Gi Sun Mɛ' Kpaa Kyu Mɔ Ba Mɔ-rɛ Mɔ-Ka Aɛ

²⁴ Nkɛ kalɛsɛ gɛmara mɔ, Felise gi lii gɛtɛɛko ba, mɔ-rɛ mɔ-ka Dirusila. Mɔ-ka mɔ gye daa Gyudakyii. Mɛ ba genen mɔ, wura mɔ gi sun kpaa tɛɛ Pɔɔlo, ne ɔ nu ilaa ibono Pɔɔlo gi tɔgɛ kyu lii Kirisito Yesu ɔson mɔ so mɔ.

²⁵ Pɔɔlo kya tɔngɛ ɔ kya kpe mɔ, ɔ baa tɔgɛ kyu lii gɛsintin gigyi, nyamɛsɛ nyoro gikedabi, de gekaabono Wurubuaare laa baa gyi anyamɛsɛ nbelɛ mɔ so. Nfono mɔ, i wɔra Wura Felise gifuu gikyɔ ne ɔ tɔgɛ sa Pɔɔlo yɛɛ, “Koso naa genen. Owi ɔbono nɛ kii nyɛ me-nyoro mɔ, nan yɛgɛ de mɛ' tɛɛ fo de a' kii kyena.”

²⁶ Genen owi ɔbono kee mɔ, Wura Felise kya laare fɛɛ Pɔɔlo ɔ' sa mɔ ilaa iko de ɔ' taa mɔ yɛgɛ. Lii genen so mɔ, ɔ san ɔ kya sun kpaa tɛɛ Pɔɔlo belɛn-belɛn ne mɔ-rɛ mɔ mɛ kya kyena gyi nsingyi.

Fesituse Gi Baa Yii Wura Felise Giyaa Dɔ, ɔ Laa Gyi Pɔɔlo Nbelɛ

²⁷ Nsi nnyɔ gɛmara mɔ, Pɔsiisɛ Fesituse ne mɛ san kyu baa yii Wura Felise giyaa dɔ. Wura Felise kya laare ɔ' wɔra ilaa iko de i' wɔra Gyuda awura ɔkon so mɔ, ɔ yɛgɛ Pɔɔlo gi sii obu mɔ dɔ nfono mɛ tii mɔ mɔ.

25

¹ Wura Fesituse gi kpe Sesariya ɔ' kpaa gyi gɛwura mɔ, imɔ nkɛ nsa mɔ, ɔ lii nno kyon kpe Gyɛrusalem.

² Nno ne Gyuda awura asunbi alɛɛbo abelɛnsɛ mɔ de mɔmɔ-abelɛnsɛ gbaa'gbaa mɔ mɛ buu mɔmɔ-rɛ Pɔɔlo nbelɛ mɔ sa mɔ ne mɛ kolɛ mɔ yɛɛ

³ ɔ' wɔra anyia de ɔ' wɔra ilaa iko sa mɔmɔ. ɔ' tɛɛ Pɔɔlo ba Gyɛrusalem nno. Mɛ nminde yela yɛɛ mɛ laa bun ɔkpa dɔ gyoo mɔ de mɛ' mɔɔ mɔ ɔkpa mɔ dɔ nno.

⁴ Mɛ kolɛ Fesituse genen mɔ, ɔ tɔgɛ sa mɔmɔ yɛɛ, “Pɔɔlo tii de obu Sesariya ɔsowolɛ so. I man kɛɛla ne mɛ gbaa-gbaa nan kpe nno.

⁵ Imɔso i fo mɔ, fɛ' yɛgɛ mɛ-rɛ abelɛnsɛ abono fɛ nyi mɔmɔ so mɔ a' kpe. Nengyɛnɛ ɔ wɔra ilaa iko mɔ, fɛ' kpaa buu imɔ nno.”

⁶⁻⁷ Fesituse gi kyena Gyuda awura abelɛnsɛ mɔ asɛ Gyɛrusalem nno fɛɛ nkɛ gukue abɛɛ nkɛ gudu pɛi ne ɔ loɔ kii kyon Sesariya. Gyuda awura ako kee mɛ lii Gyɛrusalem kpe Sesariya. Wura Fesituse gi loo nno mɔ, gɛdɛ kɛsɛ mɔ, ɔ kpaa kyena wura gɛgyapaa gɛbono so mɛ kya kyena gyi asa nbelɛ mɔ, ne ɔ sun yɛɛ mɛ' kpaa kyu Pɔɔlo ba mɔ-ansi dɔ.

Mɛ kpaa bara Pɔɔlo mɔ, Gyuda awura abono mɛ lii Gyɛrusalem ba mɔ, mɛ yelɛ sindi Pɔɔlo ne mɛ kɛɛ abon belɛ-belɛ gikyɔ gyan' mɔ so, yɛgɛ mɛn nyɛ ilaa ibono mɛ laa taalɛ tɔgɛ de i' lɛɛ nyiilɛ yɛɛ ibono mɛ tɔgɛ mɔ i gye gɛsintin.

Pɔɔlo Gi Buu Mɔ-gɛnɔ Fesituse Ansi Dɔ

⁸ Pɔɔlo gi lɛɛ mɔ-gɛnɔ yɛɛ, “Mɛn tɔrɔ Gyuda awura abɛɛ Wurubuaare ɔson obu mɔ nbara, ne mɛn kii tɔrɔ Rom awura wura belɛ mɔ lɛɛ nbara.”

⁹ Fesituse kya laare ɔ' wɔra ilaa iko de i' wɔra Gyuda awura mɔ ɔkon so mɔ, ɔ taasɛ Pɔɔlo yɛɛ, “Fo laa kyule de a' kii kpe Gyɛrusalem, de fo' kpaa lɛɛ fo-gɛnɔ mɛ-ansi dɔ kyu lii ilaa ibono Gyuda awura adɛ mɛ de ma-a gyan fo so faa?”

¹⁰ Pɔɔlo gi lɛɛ gɛnɔ yɛɛ, “Rom awura wura belɛ mɔ ne n kaabore ɔ' gyi mɛ-nbelɛ. Mɔ-giyaa dɔ mɔ ne fo tɛ fo kya gyi mɛ-nbelɛ faa. Mɛn wɔra Gyuda awura mɔ ilaa nyenyɛn iko. Fo gbaa-gbaa kee fo nyi genen.

11 Nengyene fɛɛ nɛ taa wɔra ilaa nyenyɛn iko ne i kaabore n' wu imɔ so lewu mɔ, man kine. Ne kuaa, men wɔra ilaa ibono mɛ dɛ ma-a gyan me so faa dɔ iko mɔ, ɔko men bo ɔkpa de o' kyu me kyu wɔra aye Gyuda awura mɔ abaa dɔ. Kiiri me-nbele kpe daa Rom wura bele mɔ ase."

12 Pɔlo gi tɔge genen mɔ, Fesituse gi wu mɔ-abelense abono mɛ sin mɛ sin mɔ mɔ, ne mɛ kyu amu sindi abara. Nfono mɔ, ɔ san taase Pɔlo yɛɛ, "Fo yɛɛ Rom wura bele mɔ ne fo kya laare o' gyi fo-nbele? To. Fo laa kpe mɔ ase."

Wura Agiripa Mɔ-rɛ Mɔ-Pikyii Benisi Mɛ Baa Faala Fesituse

13 Imɔ idɛ gemara mɔ, Wura Agiripa mɔ-rɛ mɔ-pikyii Benisi mɛ kpe Sesariya de mɛ' kpa faala Fesituse.

14 Mɛ kyena nno nke nko mɔ, Fesituse gi kyu Pɔlo ilaa mɔ kyu too mɔmɔ-ansi dɔ yɛɛ, "ɔnyen ɔko bo gere. Felise gekyena dɔ ne mɛ keda mɔ tii de obu.

15 Nɛ kpe Gyusalem mɔ, Gyuda awura abelense de mɔmɔ-asunbi alɛbo abelense mɔ mɛ buu ilaa ibono i ba mɔ sa me, ne mɛ kole me yɛɛ n' bun mɔ gipueɛ sa mɔmɔ.

16 Mɛ kole me genen mɔ, nɛ tɔge sa mɔmɔ yɛɛ, 'Aye Rom awura bere pei de a' lɛɛ isa ɔbono a tii mɔ de obu mɔ sa abono mɔ-rɛ mɔmɔ mɛ bo nbele mɔ, genen mɔ, a' gyi mɔ-nbele.'

17 "Imɔso Gyuda awura abelense mɔ mɛ ba gere mɔ, men taa waala owi baa pii. Gɛdɛ kɛsɛ mɔ, nɛ kpa kyena aye awura gegyapaa gebono a kya kyena gemɔ so gyi nbele mɔ ne nɛ sun kpa tere ɔnyen mɔ.

18 Abono mɛ kya tɔge yɛɛ mɔmɔ-rɛ mɔ mɛ bo nbele mɔ mɛ koso yelɛ de mɛ' tɔge ilaa ibono ɔ wɔra ɔmɔ mɔ, ilaa ibono me-gewɔnsa gɛ gyan' yɛɛ mɛ laa tɔge mɔ, i men gyɛ imɔ ne mɛ tɔge.

19 Ilaa ibono mɛ dɛ lii mɔ so mɔ kpei. Akyɔɔle ilaa ne mɛ dɛ kyu naa de mɔmɔ-ɔson nbara so de ɔnyen ɔko ilaa so mɛ kya tere ɔnyen ɔbono yɛɛ Yesu. ɔ ti wolaa wu', ne ɔbono o tii de obu mɔ dɛ yɛɛ o kyingi lii ibuni dɔ ɔ tɛ de ansi.

20 "Genen ilaa idɛ i wɔra me-nwɔnsa dɔ faa sentan. Men bii ilaa ibono nan wɔra de n' kerɛ imɔ dɔ mɔ. Imɔso nɛ taase mɔ yɛɛ ɔ kya laare de o' kii kpe Gyusalem de ɔ' kpa lɛɛ mɔ-gɛnɔ nno kyu lii ilaa ibono asa mɔ mɛ tɔge mɔ so?

21 Nɛ taase mɔ genen mɔ, ɔ kole me yɛɛ n' yɛgɛ o' tii de obu gere kpa fo owi ɔbono Rom wura bele mɔ laa gyi mɔ-nbele mɔ. Genen so mɔ, mɛ yɛɛ a' keda mɔ yela gere kpa fo owi ɔbono nan yɛgɛ de mɛ' kyu mɔ kperɛ wura bele mɔ mɔ."

22 Fesituse gi tɔge genen ta mɔ, Agiripa gi tɔge sa mɔ yɛɛ, "Mɛ gbaa-gbaa n kya laare de n' nu lii mɔ-gɛnɔ dɔ." Fesituse gi buu sa mɔ yɛɛ, "ɔkɛ fo laa nu lii mɔ ase."

Fesituse Gi Yɛgɛ Mɛ Kyu Pɔlo Ba De Agiripa O' Nu Mɔ-Ilaa

23 Gɛdɛ kɛsɛ mɔ, Agiripa mɔ-rɛ mɔ-pikyii Benisi mɛ gyere lɔrɔ nyoro mɔmɔ-gɛwuragyi ɔkpa so, ne mɔmɔ-rɛ abelense abono mɛ kya kerɛ asogya akpen mɔ so mɔ de ɔsowole mɔ so anyamesɛ gbaa'gbaa mɔ mɛ kyon kpe nfono mɛ kya kpa gyan' gyi nbele mɔ, ne Fesituse gi yɛgɛ mɛ kpa kyu Pɔlo kpe mɔmɔ ase nno.

24 Nfono ne Fesituse gi taase yɛɛ, "Wura Agiripa de fɛyɛ abono pɛwu fɛ bo aye ase gerɛnaa mɔ, fɛ wu genen ɔnyen baare? Gyuda awura abono mɛ bo Gyusalem mɔ de Gyuda awura abono mɛ bo gere kee mɔ mɛ nyida

mɔ sa me. Mɛ kya kpen mɛ kya tɔgɛ mɛ kya sa me yɛɛ n' yɛgɛ ɔ' wɔra ɔmɔɔsɛ.

²⁵ Mi-i me mɔ, mɛɲ wu ilaa ibono ɔ wɔra ne i kaabɔrɛ ɔ' wɔra ɔmɔɔsɛ mɔ. Mɔ gbaa-gbaa gi kolɛ mɛ yɛɛ a' kyu mɔ kpe wura belɛ mɔ ansi dɔ de ɔ' gyi mɔ-nbɛlɛ. Imɔso me yɛɛ nan yɛgɛ de mɛ' kyu mɔ kpe wura belɛ mɔ asɛ.

²⁶ Mɛɲ nyi ilaa kolon kiti-i ibono nan ɲmarasɛ kyu bunge me-wura belɛ mɔ. Genen so ne nɛ yɛgɛ mɛ kyu mɔ kyu ba fɛye-ansi dɔ faa, titirigu mɔ, fo Wura Agiripa. Nengyene a taasɛ nu mɔ-gɛnɔ dɔ ilaa dandan mɔ, nan nyɛ ilaa iko ɲmarasɛ kyu bunge aye-wura belɛ mɔ.

²⁷ Nan kyu isa ɔbono mɛ keda tii de obu mɔ bunge giyan ne mɛɲ ɲmarasɛ ilaa ibono kaasɛ mɔ gi wɔra mɔ, me asɛ mɔ, i gyɛ ilaa ibono in ɓo gɛsɛ."

26

Pɔɔlo Gi Buu Mɔ-Gɛnɔ Sa Agiripa

¹ Fɛsituse gi tɔgɛ genen ta mɔ, Agiripa gi tɔgɛ sa Pɔɔlo yɛɛ, "Fo bo ɔkpa de fo' buu fo-gɛnɔ."

Nfono ne Pɔɔlo gi diirɛ mɔ-gibaa ne ɔ lɛɛ mɔ-gɛnɔ yɛɛ,

² "Wura Agiripa, nɛ wɔra gimu densɛ gikyo yɛɛ nan nyɛ gɛnɔ lɛɛ ilaa ibono Gyuda awura mɔ mɛ dɛ ma-a gyan me so mɔ pɛwu fo-ansi dɔ ndɛ.

³ I kya nyiile yɛɛ aye Gyuda awura itiibilaa mɔ de aye-ɔson ilaa ibono so a kya kyena sɔɔ akyɔɔlɛ mɔ, fo bɛrɛ fo nyi imɔ pɛwu kpaa lii. Imɔso n de fo gisɛrɛ, nyɛ gisen de fo' nu me asɛ.

⁴ "Kpɛ kyu lii me-gidɛga dɔ, aye Gyuda awura mɔ ɔkamaasɛ nyi me-gidebi. Mɛ nyi lii ko-o gyiiigɛsɛ gɛnɔɔbono nɛ kyu kyena saarɛ mɛ gbaa-gbaa me-gɛwi awura mɔ.

⁵ Mɛ nyi me mɔ, in gyɛ ndɛ. Nengyene mɛ laa kyule tɔgɛ gesintin mɔ, nkana mɛ laa lɛɛ me-gɛnɔ yɛɛ n de aye-ɔson mɔ dɔ imɔ-ɔkpa so ibono n kya gyi aye Farasii gikpen mɔ nbara ilaa so gesintin.

⁶ Me-ansi a gyan' ilaa densɛ ibono Wurubuaarɛ gi ka yela sa aye-naanaana mɔ so. Imɔso ne nɛ loo nbɛlɛ ndɛ' faa.

⁷ Aye asa akpen gudu anyɔ mɔ pɛwu ansi a gyan' daa genen ilaa ibono Wurubuaarɛ gi ka yela sa aye mɔ so. Imɔso ne a kya son Wurubuaarɛ genyɛ de gɛpɛ mɔ. O, me-wura, kyu lii genen ilaa ibono so ne aye Gyuda awura mɔ yɛɛ mɛ-rɛ ɔmɔ a bo nbɛlɛ faa.

⁸ I wonɛ ne aye Gyuda awura an kya laarɛ a' sɔɔ imɔ gyi yɛɛ Wurubuaarɛ laa taalɛ kyingi anyamɛsɛ daa?

⁹ "Mɛ gbaa-gbaa ɔbono n yelɛ faa, nkana nɛ sa gɛwɔnsa yɛɛ i kaabɔrɛ n' nyida Yesu Nasarɛtenyen mɔ-lɛɛ ɔson mɔ gɛnɔɔbono ɔkara nan taalɛ mɔ.

¹⁰ Genen ne nɛ naa kyena wɔra Gyɛrusalɛm ɔsowolɛ so ne. Genen owi ɔbono mɔ aye Gyuda awura asunbi alɛɛbo abelɛnsɛ mɔ mɛ kya sa me ɔkpa de n' kpaa keda asa abono mɛ kya naa de Yesu so son Wurubuaarɛ mɔ kyu tii de obu. In gyɛ ɔmɔ-gikɛda tii mɔ wolɛ gbaa. Nengyene nbɛlɛ agyibo mɛ tɔgɛ yɛɛ genen asa abono mɛ' wɔra amɔɔsɛ mɔ, mɛ kee n kya kyule yɛɛ mɛ' mɔɔ mɔmɔ.

¹¹ Nɛ ti naa kyena biidɛ mɔmɔ-giso aye-akyangbon dɔ, ne nɛ nyisɛ mɔmɔ de mɛ' kine Yesu-lɛɛ ɔkpa mɔ. Nɛ tansi wɔra mɔmɔ gɛnɔ kaabɔrɛ nɛ dabɔlɛ buu mɔmɔ-ayaa kpaa ka mɔmɔ-ansi koo-koo asafo isowolɛ so.

12 “Nkana genen ilaa ide kee ne ne koso n kya kpe Damasikose n' kpaawɔra. Pɛi ne nan koso mɔ, aye Gyuda awura asunbi alɛɛbo abelense mɔ me sa me mɔmɔ-gibaa dɔ ɔwɔle.

13 Me-wura, n kya kpe mɔ, ne kpaawɔra fo getɛeko mɔ, i laa wɔra fɛɛ owi kenken gere-gere mɔ, n baa kerɛ mɔ, fatela bele ɔko ne n lii Wurubuaare dɔ baa kyaabɔɔ me-rɛ abono a naa mɔ. Fatela mɔ kya wu don owi gbaa.

14 Aye pɛwu a lii tɔrɔ, ne ne nu gigyɛbi' giko gi terɛ me ne gi taase me de aye Hiiburu gɛdɛ dɔ yɛɛ, ‘Sɔɔlo, Sɔɔlo, mɛnɛ n wɔra ne fo kya ka me-ansi genen? Fo kine yɛɛ fo man nu fo-wura gɛdɛ mɔ, fo kya mɔɔ fo-nyoro daa.’

15 “Ɔ tɔgɛ me genen mɔ, ne taase yɛɛ, ‘Me-wura ɔmɔ ne?’ Ne ɔ lɛɛ genɔ yɛɛ, ‘Me Yesu ɔbono fo kya ka ansi mɔ ne.

16 Koso yelɛ fo-ayaa so. Ne lɛɛ me-nyoro nyiile fo de n' lɛɛ fo yela de fo' wɔra me-gesun ɔwɔrabo. Fo laa tɔgɛ me-ilaa ibono fo wu ndɛ faa de ibonoana nan baa lɛɛ nyiile fo mɔ sa asa.

17 Nan mɔlɛgɛ fo lii fo gbaa-gbaa fo-adɛ Gyuda awura abaa dɔ de asa sense kee abaa dɔ. Nan keda fo sun

18 abono mɛ mɛn gye Gyuda awura mɔ ase de fo' kpaawɔra bugi mɔmɔ-ansi de mɛ' lii gibiri dɔ ba fatela mɔ ase de mɛ' nye lii ilaa nyenyɛn pɛwu gemu mɔ abaa dɔ kii ba Wurubuaare ase de Wurubuaare o' kyu mɔmɔ-ilaa nyenyɛn kyɛ mɔmɔ de mɛ' nye ilaa ibono Wurubuaare laa sa abono pɛwu ɔ lɔrɔ yela sa mɔ-nyoro kyu naa de mɔmɔ-gikagyan gibono mɛ ka gyan me so mɔ.’

Wurubuaare Gi Nyiile Pɔɔlo Ilaa Mɔ, Ɔ Mɛn Wɔra Gisomaanu

19 “O Wura Agiripa, Yesu gi lii Wurubuaare dɔ baa tɔgɛ sa me genen mɔ, mɛn wɔra gisomaanu.

20 Imɔso n naa mi-i tɔgɛ mi-i sa asa yɛɛ mɛ' nu mɔmɔ-nyoro gɛsɛ de mɛ' lii ilaa nyenyɛn giwɔra dɔ kii ba Wurubuaare ase. Ne tɔgɛ ɔmɔ yɛɛ mɛ' wɔra ilaa ibono i laa nyiile yɛɛ mɛ nu ɔmɔ-nyoro gɛsɛ gesintin. Ne yii gesun gɛdɛ gɛsɛ lii daa Damasikose ɔsowɔle so, ne ne kpe kpaawɔra loo Gyerusalem kyon kpaawɔra naa gyan' de Gyudiya gesinkpan so. N' kya kpe asa abono mɛn gye Gyuda awura mɔ ase kee.

21 Imɔ ide so ne owi ɔbono n bo Wurubuaare ɔson obu mɔ dɔ mɔ Gyuda awura ako mɛ kpaawɔra keda me ne mɛ laare mɛ' mɔɔ me mɔ.

22 “Wurubuaare, mɔ, gi kpaawɔra me genen-n baa fo ndɛ gɛkɛ gɛdɛ. Imɔ ne n yɛgɛ ne n' san n yelɛ me-ayaa so n kya lɛɛ Yesu ilaa mɔ mi-i nyiile ɔkamaase, abelense de nbii pɛwu faa. Ilaa ibono n kya tɔgɛ mɔ i gye daa ibono Wurubuaare ikalan atɔgɛbo mɔ de aye-naana Mosisi mɛ wolaa tɔgɛ yela yɛɛ i laa baa ba mɔ. Mɛn kya tɔgɛ ilaa iko kpei.

23 Imɔ ne n gye yɛɛ ɔbono Wurubuaare laa sun de ɔ' baa mɔlɛgɛ asa mɔ laa wu ɔlaawuse, ne mɔ ne nan wɔra nyamesɛ gyangbarase ɔbono ɔ laa daa gikyingi lii ibuni dɔ. Ɔ laa lɛɛ Wurubuaare ilaa nyiile Gyuda awura de asa abono mɛ mɛn gye Gyuda awura mɔ pɛwu de i' wɔra fɛɛ fatela sa mɔmɔ.”

Pɔɔlo Ilaa I Mɛn Gye Agiripa Ilaa Pobɔrɔ

24 Pɔɔlo kya lɛɛ ilaa gɛsɛ genen mɔ, Fɛsituse gi ten mɔ ne ɔ faa mɔ so yɛɛ, “Pɔɔlo, fo kya budi daa do-o? Fo-ilaa gikase gikyɔ ne n yɛgɛ ne fo kya lo giyee faa.”

25 Pɔɔlo gi lɛɛ genɔ yɛɛ, “Me-wura, mɛn kya lo giyee. Gesintin de ɔlaako ginyi ilaa ne n' kya tɔgɛ faa.

²⁶ Wura Agiripa bere, genen ilaa ide i men̄ gye mɔ ilaa pobɔrɔ. Genen so ne nɛ taale bugi me-gisen n kya tonge de mɔ faa. Ilaa ibono i ba ne n' kya tɔge imɔ so ilaa faa, i men̄ gye n̄ara dɔ.

²⁷ Wura Agiripa, fo kya sɔɔ ilaa ibonoana Wurubuaare ikalan atogɛbo mɔ me tɔge mɔ gyi? N nyi fo so yɛɛ fo sɔɔ imɔ gyi."

²⁸ Nfono mɔ Wura Agiripa gi taase Pɔɔlo yɛɛ, "Fo nyi yɛɛ fo laa taale kyɛɛge me de n' wɔra Kirisito ɔsonbo kusaa genen?"

²⁹ Pɔɔlo gi lɛɛ genɔ yɛɛ, "Kusaa daa-o, i laa keɛla daa-o, me bere, n kya dalaa n kya kole Wurubuaare mi-i sa fo-rɛ abono me kya nu me ase gere nde faa pɛwu yɛɛ Wurubuaare ɔ' yɛge fe' wɔra fɛɛ me. Genen mɔ me-abaa dɔ lɛɛ agbangbaran ade wole ne Wurubuaare ɔ' man̄ sa ɔ' yɛge de a' loo feye ɔko-rɛ ɔko abaa dɔ."

Rom Awura Abelense Mɛ Kere Mɔ, Pɔɔlo Gi Gyi Aso

³⁰ Pɔɔlo gi tonge ta mɔ, Wura Fɛsituse, Wura Agiripa, mɔ-ka Benisi, de asense abono pɛwu mɔmɔ-rɛ mɔ me tɛ me kya nu mɔ ase mɔ me koso lii ɔkyii belense.

³¹ Mɛ lii genen mɔ, me tɔge kyule abara yɛɛ, "Genen ɔnyen baare men̄ taa wɔra ilaa ibono i kaabore fɛɛ ɔ' wɔra ɔmɔɔse abɛɛ me' keda mɔ tii de obu."

³² Nfono mɔ, Agiripa gi tɔge sa Fɛsituse yɛɛ, "Nengyene fɛɛ genen ɔnyen baare ɔ men̄ kole yɛɛ wura bele mɔ ne o' gyi mɔ-nbele mɔ, nkana a laa taa mɔ yɛge de ɔ' naa ɔ kya kpe."

27

Pɔɔlo Gi Kyu Gikolii De O' Kpe Rom

¹ Imɔ gemara mɔ, Wura Fɛsituse mɔ-rɛ mɔ-abelense mɔ me tɔge kyule abara yɛɛ Pɔɔlo mɔ-rɛ mɔ-nanboana me' loo gikolii kyu kpe Itali gesinkpan so. Mɛ kyu Pɔɔlo de asa abono me keda ɔmɔ kyu tii de ibu mɔ dɔ ako kyu wɔra ɔbelense ɔko abaa dɔ. Mɛ kya tere mɔ yɛɛ Gyuliyuse. Mɔ ne n kya kere Rom awura asogya gikpen gibono me kya tere yɛɛ ɔgusitan gikpen mɔ so.

² Me-rɛ Pɔɔloana a nye gikolii giko gibono gi lii Adiramatiyum ɔsowole so. Gikolii mɔ gi laa naa-naa de Esiya isowole so nfono akolii bele-bele a kya kpaa yeɛ mɔ. Imɔso a dii loo gikolii mɔ dɔ, ne a kyon. ɔnyen ɔko bo aye dɔ, me kya tere mɔ yɛɛ Arisetaakuse. ɔ lii Tesalonika ɔsowole ɔbono ɔ bo Masadoniya gesinkpan so mɔ.

³ Gede kese mɔ, a kpaa loo Sidon ɔsowole so. ɔbelense Gyuliyuse gi kere Pɔɔlo so dɔɔdan. I lii fɛɛ ɔ sa mɔ ɔkpa yɛɛ ɔ laa taale kpaa faala mɔ-kyemeneana de me' nye sa mɔ ilaa tirise de o' kyu kpe ɔkpa mɔ.

⁴ A lii Sidon kyon a kya kpe mɔ, afuu a kya da lii de aye-ansi dɔ. Imɔso a naa de gikyaafiya gibono me kya tere gimɔ yɛɛ Saapurose mɔ gikun dɔ kyon

⁵ kpaa naa de nkyu mɔ nsansana. Ne a kpaa sindi Silisiya de Panfiliya nsinkpan so, ne a kyon kpaa loo Mira ɔsowole ɔbono ɔ bo Lisiya gesinkpan so mɔ.

⁶ A fo nno mɔ, a lii gikolii gibono dɔ. ɔbelense Gyuliyuse gi kpaa wu gikolii giko. Gikolii mɔ gi lii Alesandiriya gi kya kpe Itali gesinkpan so. Imɔso o kyu aye kyu wɔra genen gikolii gebono dɔ.

⁷ Gikolii mɔ gi naa faa dɛɛ-dɛɛ genen-n nke kalɛɛ nko. Afuu a yɛge i wɔra ɔlon sa aye pei ne a kpaa loo Kiniduse ɔsowole so. Afuu mɔ an̄ kya sa

aye ɔkpa de a' nye kpe ansi ntintin. A san kpasa daa de Keriiti gikyaafiya gikun dɔ, ne a kpaa kyon sindi Salimoni nfono apoo mɔ gi bɔɔ mɔ.

⁸ A naa de nfono nkyu gi bɔɔ mɔ, i kii wɔra ɔlon sa aye pɛi ne a kpaa fo getɛɛko mɛ kya tere nno yɛɛ Okunten Dɛnsɛ. Nno i sindi Lasiya ɔsowolɛ.

⁹ Pɛi de a' loo Okunten Dɛnsɛ genen mɔ, a wu yɛɛ a kɛɛla ɔkpa dɔ. Genen abɛrɛ abono mɔ, Gyuda awura genɔ nminde gɛkɛ gɛ ti baa kyon. Lii genen gɛkɛ gɛbono kyu kyon mɔ, afuu abɛrɛ ne. Imɔso fo kyu gikolii naa ɔbon so mɔ, in boran. Nfono mɔ, Pɔɔlo gi ka abono mɛ bo gikolii mɔ dɔ mɔ yɛɛ,

¹⁰ "Abelɛnsɛ, fɛɛ genɔɔbono n kya wu aye-ɔkpa ɔbono a kya kpe faa, a tɔgɛ yɛɛ a' kpe ansi dɔ mɔ, a laa gyi gyɛrɛbi belɛ. In gyɛ gikolii mɔ de ato mɔ wole. Fonbii aye gbaa-gbaa kee a laa sii."

¹¹ Gikolii wura mɔ de ɔbono ɔ kya kerɛ gikolii mɔ so mɔ mɛ mɛn kyule ibono Pɔɔlo gi tɔgɛ mɔ, ne ɔbelɛnsɛ Gyuliyusɛ gi nu mɔmɔ-lɛɛ ilaa tɔgɛsɛ mɔ taa Pɔɔlo-lɛɛ genɔ mɔ yɛɛ.

¹² Abono mɛ tɔgɛ yɛɛ a' kpe mɔ mɛ nyaakyɔ don aye abono nkana a laarɛ fɛɛ a' sii kyena pɛi mɔ. I kya nyiile yɛɛ nfono a laa sii kyena pɛi mɔ in bo gikyena awo abɛrɛ. Mɔmɔ-nwɔnsa ne yɛɛ fonbii mɔ, a laa taalɛ loo Fiinisi ɔsowolɛ so de a' sii kyena nno awo abɛrɛ mɔ pɛi de a' kii yii ɔkpa. Fiinisi bo Keriiti gɛsinkpan so. Keriiti nno mɔ afuu a kya da lii daa gibaafon kolon wole so. Imɔ ne n gyɛ owi ɔtɔrɔten so. Imɔso a koso Okunten Dɛnsɛ mɔ, ne a yii aye-ɔkpa.

Afuu Belɛ A Tigi Wɔra Aye

¹³ A kya tɔgɛ yɛɛ a laa nyisɛ ɔkpa mɔ, nfono mɔ, afuu abono a laa nen gikolii mɔ kanpɛ mɔ a kya da kyu kpe de nfono so a kya laarɛ de a' kpe mɔ. Abono mɛ bo gikolii mɔ dɔ mɔ, mɛ wu genen mɔ, mɛ mara akɔlɛ yɛɛ genen afuu abono so mɔ, aye-gikpɛ mɔ gi laa wɔra ɔdan. Genen so mɔ a loo gikolii mɔ dɔ, ne mɛ sange gikolii mɔ ɔfɛ, ne a yii ɔkpa. A kpe san a naa sindi Keriiti gigengen.

¹⁴ In taa kɛɛla mɔ, afuu belɛ ako ne n kpe kpaa da ginyadon so lii gigengen so. Mɛ kya tere genen afuu abono ginyen yɛɛ Owi ɔbaliiten Soso Afuu.

¹⁵ Nfono mɔ afuu mɔ a da gikolii mɔ mɔ, in bo awɔrabi de gikolii mɔ gi' nye kpe de nfono so a kya laarɛ mɔ. I yɛgɛ afuu mɔ a sola aye-rɛ gikolii mɔ kpe nfono so afuu mɔ a kya kpe de mɔ.

¹⁶ Afuu mɔ a sola aye kyu kpaa loo gikyaafiya pii giko gikun dɔ. Mɛ kya tere genen gikyaafiya mɔ yɛɛ Kawuda. Nno ne a san kyu gɛnsipɛrɛ kyu lɛɛ gikolii pii gibono gi kyaa de gikolii belɛ mɔ lii nkyu mɔ dɔ ne a bɔɔ bɔɔ ifɛ mɔ, ne a kyu gimɔ kyu taga gikolii belɛ mɔ dɔ.

¹⁷ A lɛɛ gikolii pii mɔ lii nkyu mɔ dɔ genen mɔ, gikolii mɔ apalɛbo mɛ kyu ɔkpa ɔko so ne mɛ kyu ifɛ kyu nminde gikolii belɛ mɔ geten kamaasɛ pɛwu kyaabɔɔ faa girin de afuu mɔ a mɛn sa a' nye kyadɛ gimɔ. I bo gikolii apalɛbo mɔ gifuu yɛɛ afuu mɔ a laa naa sola gikolii mɔ kyu kpe Sɛɛtise nfono ginɛsii gi da agyɛsi nkyu mɔ dɔ mɔ de gikolii mɔ gi' sii. Imɔso mɛ lɛɛ gikuru gibono afuu a kya da gimɔ kyu nen gikolii mɔ mɔ, ne nkyu mɔ gi san gi so gikolii mɔ gi naa gi naa.

¹⁸ Imɔ genen gbaa mɔ, afuu mɔ a kya da ken-ken, ne i yɛgɛ gikolii mɔ gi kya kyengben. Imɔso gɛdɛ kɛsɛ mɔ mɛ yii gɛsɛ mɛ kya lɛɛ ilaa ibono gikolii mɔ gi so mɔ mɛ kya too nkyu dɔ de gikolii mɔ gi' nye koso oduduu.

¹⁹ Gɛkɛ sase mɔ, mɛ lɛɛ gikolii mɔ nyoro so ilaa tirise iko kyu too nkyu dɔ.

20 Owi ɔbono mɔ, soso i wɔra faa tum-m, ne anj baa a kya wu yee owi ne, abee gigyekpebi ne, nke gikyɔ. Afuu bele mɔ a kpe san a kya da de ginyadon, anj kya tɔrɔ. Imoso aye-nwonsa bere ginj taa baa gi gyan' yee a laa baa nye nkpa.

Wurubuaare Gi Nyiile Pɔɔlo Yee

Gikolii Mɔ Dɔ Awura Me Laa Nye Nkpa

21 Genen nke nbono mɔ abono pewu me bo gikolii mɔ dɔ mɔ me menj baa me kya gyi sei. Nfono mɔ Pɔɔlo gi lii yelee mɔmɔ-ansi dɔ ne ɔ tɔge sa mɔmɔ yee, "Me-nanboana, femen nu me ase de a menj sa a' koso lii Keriiti mɔ, nkana genen gensipere de gyerebi baare onan manj tu aye.

22 Imɔ-re imɔ genen gbaa faa, ide kon bere, n de feye gisere. Fe' keda feye-nyoro. I kya nyiile yee feye ɔko-re ɔko manj sii nkyu nde dɔ, genen mɔ, gikolii bele mɔ wole ne nan wɔra gisiise.

23 I menj gye giyan ɔ ne ne taale n kya tɔge feye genen. Deeri genye mɔ, me-Wurubuaare ɔbono n' bo mɔ-gibaa dɔ ne mɔ ne n' kya son mɔ, gi yege mɔ-ɔsɔɔ ɔko gi lii Wurubuaare dɔ ba me ase.

24 Ɔsɔɔ mɔ gi buu sa me yee, 'Pɔɔlo! Genj sa fo' sele gifuu. I gye ibono fo laa yelee Rom wura bele mɔ ansi dɔ. Nu kee yee Wurubuaare gi kyule sa fo yee fo-nanboana abono me bo gikolii gide dɔ pewu faa kee me laa nye nkpa.'

25 "Imoso me-nanboana, fe' keda feye-nyoro. Me bere, ne sɔɔ Wurubuaare gyi yee genɔɔbono ɔ yege mɔ-ɔsɔɔ mɔ gi baa tɔge sa me faa, genen ne i laa wɔra kee ne.

26 Afuu mɔ a laa da gikolii mɔ de aye kyu kpa a fo gikyaafiya giko gigengen."

Gensipere Ge Tu Gikolii Awura Mɔ

27 A koso lii "Okunten Dense" mɔ, imɔ nke gudu nnan mɔ, genen geke gebono genye mɔ, afuu mɔ a sola aye-re gikolii mɔ a de aye a naa a naa Adiriya ɔbon bele mɔ so. I baa fo genye de nsana mɔ, abono me kya pale gikolii mɔ me dese yee nno a fo mɔ, a kya fuude gigengen.

28 Genen so mɔ me kaala nkyu mɔ okin kere. Me kaala kere genen mɔ, me wu yee nfono a naa mɔ, imɔ-okin gye fee nyamese abaa gisoro gikpado oko. A kpe ansi dɔ nmaraa mɔ me kii kaala nkyu mɔ okin kere. Me kaala ginyose gibono mɔ, me wu yee nno-lee okin mɔ i gye abaa gisoro gikpado gudu ginun.

29 Me wu genen mɔ, me sele gifuu yee fonjii mɔ, i laa naa sola aye kpa da de afole abono a bo gigengen mɔ fee. Imoso me lee lee ilaa boduduuse inan iko kyu kyɔlɔga de gikolii mɔ gemara-gemara, ne me san ma-a dalaa yee, "Gede ge' ke daa de-e."

30 Gikolii mɔ apalebo mɔ ako me laare fee me' sele lii gikolii mɔ dɔ. Imoso me pene yee me kya laare de me' kii kyu ilaa boduduuse iko kyu kyɔlɔga de gikolii mɔ ansi-ansi bola de gemara-lee mɔ. Me kya pene genen daa de me' nye njara lee gikolii pii gibono gi bo gikolii bele mɔ dɔ mɔ gyan' nkyu mɔ so.

31 Me kya wɔra genen pewu mɔ, Pɔɔlo gi bii mɔmɔ-nwonsa dɔ. Imoso ɔ tɔge sa Ɔbelense Gyuliyuse mɔ-re asogya abono aye-re ɔmɔ a bo gikolii mɔ dɔ mɔ yee, "Anyen ade me nyi ne me menj sii kyena gikolii gide dɔ mɔ, feye ɔko-re ɔko manj lii. Fe laa sii nkyu nde dɔ."

32 Pɔɔlo gi tɔge sa ɔmɔ genen mɔ, asogya mɔ me ne ife ibono i de gikolii pii mɔ kyaga de gibelee mɔ kebi, ne gikolii pii mɔ gi kyon de nkyu.

³³ Gede ge kya ba ge' baa ke mo, Pɔɔlo gi kole abono pewu me bo gikolii mo do mo yee me' gyi agyudo. Pɔɔlo gi toge sa momo yee, "Ibono feyenwansa gi men te feye geten kolon ne fe men kya gyi faa, nde imo nke gudu nnan ne.

³⁴ Imoso n kya kole feye, fe' gyi agyudo de fe' nye nye olon. Sei man wɔra feye do oko-re oko. Fe laa lii gimu nkpa de alanfiya."

³⁵ Pɔɔlo gi toge sa omo genen ta mo, o puru bodobodo ne o dalaa faala Wurubuaare, asa mo pewu ansi do. O dalaa ta mo, o gbaa bodobodo mo ne o yii gese o kya gyi.

³⁶ Nfono mo, i keda momo pewu kee nyoro, ne me san laare ilaa ikoana, ne me gyi.

³⁷ Aye abono pewu a bo gikolii mo do genen mo gegyɔno ge gye asa nwe nnyo ikue-isa de saalaa anyamese asee.

³⁸ Me gyi kaabo mo, me lee ilaa ibono i bo gikolii mo do mo too nkyu do de gikolii mo gi' nye koso oduduu.

Gikolii Mo Gi Kyade

³⁹ Gede ge ke ne gikolii mo apalebo mo me wu yee me kya fuude gesinkpan so mo, me men bii yee gesinkpan kolon gede ne. Me wu apoo mo gigengen geteeko, mo, me sa gewansa yee i laa sa gikolii bele giyele. Imoso me toge kyule abara yee me laa pale gikolii mo kpa yela nno.

⁴⁰ Nfono mo me kebi ilaa boduduuse mo me kyu kyolɔga de gikolii mo mo too nkyu do. Me wɔra genen mo, me sange ife ibono nkana me kyu nminde iyii ibono i kya pale gikolii mo mo. Ne me diire gikolii mo ansi do-lee gikuru bele gibono gi kya keda afuu ne i kya nen gikolii mo mo. Nfono mo gikolii mo gi yii ansi gi kya kpe de gigengen mo so.

⁴¹ Nno mo ginɛsii gi da agyesi bele-bele, ne gikolii mo gi kpa nɛɛ de amo, ne gi sii. Afuu bolonse ako a san a kya da gikolii mo gemara-gemara, gi kya kyade.

⁴² Asogya mo me wu genen mo, me toge kyule abara yee me laa mo abono pewu me keda tii de ibu ne me kyu omo kyu wɔra momo-abaa do mo. I men gye genen mo, fonbii momo ako me laa naa tole lii gigengen so de me' sele.

⁴³ Obelense Gyuliyuse obono o kya kere asogya gikpen mo so mo bere kya laare de o' molege Pɔɔlo de o' nye nkpa. Imoso o gya asogya mo yee me men sa me' wɔra genen. O toge abono me bo gikolii mo do mo yee, "Feye abono fe nyi nkyu mo, fe' daa gitin loo nkyu mo do de fe' tole lii gigengen.

⁴⁴ Feye asense mo, mo, fe' keda iyii ibono i kyade kyade i gyan' nkyu mo so mo kyu lii gigengen." Genen ne a san wɔra ne aye pewu a nye lii gimu nkpa de alanfiya.

28

A Loo Malita Osowole So

¹ A dii gyan' gigengen so gimu nkpa de alanfiya pei ne a nye bii yee me kya tere gesinkpan gebono ginyen yee Malita.

² Nono asa me kyu gesalaare kere aye so dandan. Me so aye pewu abaa anyo. Nyangbon kya da, ne i bo awo. Imoso me wɔra ogya sa aye yee a' wole.

³ Pɔɔlo gi kpa koola ngya, o de o kya wɔra ogya mo do mo, nkyee giwo gi bo gegya geko do. Ogya mo awulewule so mo giwo mo gi da lii gegya mo do, ne gi kyaga Pɔɔlo gi san gi kyole de mo-gibaa.

⁴ Nno asa me wu gimɔ gi kyule de mɔ-gibaa genen mɔ, me tɔge sa abara yee, "Imɔ ide bere, in bo sei, genen onyen baare gye daa asa omɔɔbo. Obono ɔ kya ka ilaa nyenyen gikɔ mɔ man kyule yee ɔ' nye nkpa. I men gye genen mɔ, genɔɔbono ɔ ti nye lii obon bele mɔ dɔ gimu nkpa de alanfiya faa, nkana in ti ta ne?"

⁵ Pɔɔlo gi nmanyan mɔ-gibaa mɔ, ne i lee giwɔɔ mɔ too ɔgya mɔ dɔ. In wɔra mɔ sei.

⁶ Asa mɔ me san me te mɔ, mɔmɔ-nwɔnsa gi gyan daa yee Pɔɔlo laa kpe punge ne, abee i laa kpe nmaa mɔ nmeɛ de ɔ' wu' ayaa abono so ne. Me gyoo genen-n keela kpon, men taa wu yee ilaa iko i wɔra mɔ. Nfono mɔ, me kyeege mɔmɔ-nwɔnsa ne me san tɔge yee, "Genen onyen baare te faa, ɔ gye daa ɔkperɛ ɔko!"

⁷ ɔsowole obono so wura mɔ bo nsinkpan sindi nfono aye-re Pɔɔlo a te a kya wole ɔgya mɔ. Me kya tere wura mɔ-ginyen yee Pubilase. ɔ yege a' loo mɔ ase ne ɔ keda aye gisafo nke nsa.

⁸ Pubilase baare mɔ-se kya lo ɔkyagyii, ne ɔ kya kyale. Pɔɔlo gi naa loo mɔ ase obu dɔ. O kyu mɔ-abaa gyan mɔ so ne ɔ dalaa sa mɔ ne mɔ-aloto mɔ a ta.

⁹ I ba genen mɔ, alɔbo sense abono me bo genen gikyaafiya gibono so mɔ me ba Pɔɔlo ase ne ɔ kye mɔmɔ.

¹⁰ Me kyee aye ilaa gikyo. Ne a tɔge yee a laa kyu gikolii giko de a' kyon mɔ, me sa aye ilaa ibono i laa tiri aye apoo mɔ so mɔ pewu.

A Lii Malita Ne A Keda Rom ɔkpa

¹¹ A kyena omɔ ase nno ibose isa'. A laa koso nno mɔ, a nye gikolii gibono gi lii Alesandiriya ne gimɔ-wuraana me sii kyena Malita gikyaafiya so nno awo abere dɔ mɔ. Me kya tere gikolii mɔ ginyen yee Ikperɛ Ataana.

¹² A loo Sirakuse ɔsowole so, ne a kyena nno nke nsa.

¹³ A koso nno, ne a pale gikolii mɔ kpa a loo Regiyo ɔsowole so. Gede kese mɔ, afuu a yii gese a kya da lii de gese so. Imɔ geke nyɔse mɔ, a kpa a loo Putili ɔsowole so.

¹⁴ A fo nno mɔ, a wu aye-nanboana Yesu ɔson mɔ dɔ ako. Me kyu aye kpe mɔmɔ ase ne me kole aye yee a' kyena mɔmɔ ase nke sono. A lii mɔmɔ ase nno mɔ, a kyon a kya kpe Rom.

¹⁵ A fuude Rom mɔ, aye-nanboana Yesu ɔson mɔ dɔ abono me bo nno mɔ me nu aye so yee a kya ba. Imɔso me baa gyangara aye ɔkpa dɔ nten nnyɔ, Apiyase Foram de nfono me kya tere yee Ikyoolaten Isa' mɔ. Pɔɔlo gi kpe wu mɔmɔ genen mɔ, ɔ faala Wurubuaare ne i keda mɔ-nyoro.

Pɔɔloana Gi Tɔge Yesu ɔkalan Mɔ Rom ɔsowole So

¹⁶ A loo Rom mɔ, asogya ɔbelense mɔ gi sa Pɔɔlo ɔkpa de ɔ' taale kyena mɔ-gibaa so, ne me yege sogya kolon kya dii mɔ de ɔn sa ɔ' nye sele.

¹⁷ Imɔ nke nsa gemara mɔ, Pɔɔlo gi tere Gyuda awura abelense abono me te Rom nno mɔ yee me' baa gyan' mɔ ase. Me gyan' mɔ, ɔ tɔge sa mɔmɔ yee, "Me-nanboana Gyuda awura, men wɔra aye-ade ilaa nyenyen iko, ne i men gye yee men gyi aye-naanaana itiibilaa so. Imɔ genen gbaa mɔ, me keda me Gyerusalem kyu me kpa a wɔra Rom awura abaa dɔ.

¹⁸ Rom awura mɔ me taase taase me ilaa mɔ, me men wu ilaa nyenyen ibono ne wɔra ne i kaabore n' wɔra omɔɔse.

¹⁹ Gyuda awura mɔ, mɔ, me men kyule. I ba genen mɔ, i yege ne kole yee me' tese kyu me kyu ba wura bele ansi dɔ gere de mɔ ne ɔ' kere ilaa mɔ dɔ sa me. In gye yee ne ba n' baa nyida me-ade Gyuda awura mɔ daa.

²⁰ Aye Isirale awura ansi a gyan' yee Wurubuaare laa sun oko de o' baa mɔleɛ aye. Genen kaase obono so ne me da me ilaran faa. Imoso ne ne koola feye baa gyan faa."

²¹ O tɔge genen mo, me buu sa mo yee, "Oko men baa buu ilaa nyenyen iko kyu lii fo so sa aye. A men nye iwole lii Gyudiya kyu lii fo so gbaa, ne aye-ade do oko-re oko men kii kyu okalan oko lii nno bara aye.

²² I tiri sa aye yee a' nu ilaa ibono fo de mo. I kya nyiile yee a nyi ibono geten kamaase mo asa me kya tɔge ilaa nyenyen kyu lii onon okpa obono feye-gikpen mo fe de mo so."

²³ Me tɔge genen mo, me kyu geke kyu yela ibono momo-re mo me laa kii nye gekyena.

Geke mo ge fo mo, asa sakyɔ me ba mo ase geten gebono do o te mo. Me don asa abono me daa giba gigyangbarase mo. O lee ilaa gese sa omo toloowi. O lee Wurubuaare gewuragyi do akyenabi mo so ilaa nyiile omo. Ne o kale Gyuda awura momo-naana Mosisi nbara mo iwole de Wurubuaare ikalan atogebo iwole mo do o kya nyiile asa o kya tɔge wora omo de me' nu gese yee Yesu ilaa ne iwole mo i wolaa tɔge yela mo.

²⁴ Momo ako me soo ibono o tɔge mo gyi, ne momo ako mo me kine men soo imo gyi.

²⁵ Momo wole-wole me san me kya soo abara akyɔɔle, ne me kyon taa mo yege.

Pei ne me laa kyon genen mo, Pɔɔlo gi tɔge ilaa kolon sa momo yee, "Gesintin ne Wurubuaare Oduduu mo gi tɔge kyu naa de mo-ikalan otogebo Isaya so sa aye-naanaana mo.

²⁶ O tɔge yee,

'Naa kpe asa ade ase de fo' kpa tɔge momo yee,

"Fe laa kpe fe kya nu ilaa; fe man kii nu imo gese.

Fe laa kpe fe kya kere ilaa; fe man kii wu sei."

²⁷ I lii fee asa ade asen do in baa bugi de ilaa gese ginu.

Momo-aso a tii daa, ne me bun momo-ansi.

Ne fee i men gye genen mo,

ofaanan me kya wu ilaa ibono i bo no mo,

me kya nu ilaa de momo-aso,

ne me kya nu ilaa gese momo-asen do.

Ne fee me nye me kya nu ilaa gese mo,

me laa kii ba me Wurubuaare ase

de n' kye momo-giloto gibono me kya lo faa. "

²⁸ Pɔɔlo gi tɔge Isaya agyebi mo ta mo, o kii tɔge sa Gyuda awura mo yee, "Fe' nu yee Wurubuaare laa sun asa de me' tɔge mo-amolege mo so ilaa ibono n dare mo sa asa abono me men gye Gyuda awura mo. Momo bere me laa nu mo-isoo mo ase." [

²⁹ Pɔɔlo gi tɔge genen ilaa ide sa omo genen mo, Gyuda awura mo me yaase. Momo wole-wole me kya soo abara akyɔɔle.]

³⁰ Rom nno mo, Pɔɔlo gi kyena obu oko do ibono o kya ka giko. O kyena genen obu obono do nsi nnyo mumuli. Okamaase obono o kya kpe mo ase mo o kya soo mo abaa anyo,

³¹ ne o kya tɔge Wurubuaare gewuragyi do akyenabi mo so ilaa sa mo. O kya nyiile okamaase Wura Yesu Kirisito ilaa mo-gelaare okara. Oko men kya tii mo-okpa.

Ɔwole Ɔbono Pɔlo Gi Nmarase Bunge Rom Awura Mɔ

Wurubuaare Gi Tɔge Pɔlo Yee Ɔ' Tɔge Mɔ-Ɔkalan Mɔ Sa Asa

¹ Me Pɔlo, Ɔbono n te sa Kirisito Yesu mɔ, ne n kya nmarase feye genen Ɔwole baare. Wurubuaare ne n tɔge me yee n' wɔra Yesu ɔsɔɔ, ne ɔ loro me yela de n' wɔra mɔ-ɔkalan konkonse mɔ gesun.

² Wurubuaare gi wolaa ka yela yee ɔ laa sa anyamese genen ɔkalan konkonse baare. Lii ko-o dedaa mɔ ɔ yege mɔ-ikalan atɔgebo me wolaa nmarase ɔkalan baare ilaa mɔ gbaa-gbaa agyeɓi dɔ yela sa anyamese.

³ Genen ɔkalan baare gye daa mɔ-bi Yesu ilaa. Anyamese gesu dɔ mɔ, Yesu gye Oloobu Wura Deefidi ɔpaɔ dɔ.

⁴ Mɔ-re Wurubuaare-lee gesu dɔ mɔ, Wurubuaare gi lee aye-Wura Yesu Kirisito baare gewi nyiile yee mɔ ne n gye mɔ-bi. I kya nyiile yee Yesu gi wu' mɔ, Wurubuaare gi kyu ɔlon bele kyingi mɔ lii ibuni dɔ kyu naa de mɔ-Oduduu mɔ so.

⁵ Kyu naa de Yesu so ne Wurubuaare gi wɔra gidense sa aye ako ne a nye wɔra mɔ-isɔɔ sa gesinkpan so asa kpei-kpei pewu faa. Ɔ kya laare me' ka gyan Yesu so de me' nu mɔ-gede de mɔ-ginyen gi' nye dii.

⁶ Asa abono Wurubuaare gi tɔge mɔmɔ yee me' wɔra Yesu Kirisito ade mɔ, feye kee fe too genen asa abono so.

⁷ N kya nmarase genen Ɔwole baare n kya sa feye abono pewu fe bo Rom ɔsowole so ne Wurubuaare kya laare feye-ilaa, ne ɔ tɔge feye yee fe' loro feye-nyoro yela sa mɔ mɔ. Aye-se Wurubuaare de aye-Wura Yesu Kirisito me' sa feye gisen yuuli de me' sa feye so gewɔnsa dense.

⁸ Ibono i gyangbara mɔ, n kya faala me-Wurubuaare n kya sa feye pewu kyu naa de Yesu Kirisito so. I lii fee asa me kya tɔge genɔɔbono fe kya ka gyan Yesu so mɔ gesinkpan geten kamaase.

⁹ Ne kyu me-gisen pewu n kya son Wurubuaare n kya tɔge mɔ-bi mɔ ɔkalan konkonse mɔ mi-i sa asa. Genɔɔbono n kya dalaa mi-i sa feye owi kamaase dɔ mɔ, Wurubuaare ne n nyi me-gisen dɔ.

¹⁰ N kya kole mɔ yee nengyene i laa wɔra mɔ-gelaare mɔ, nkana ide bere, ɔ' yege de n' nye nyoro de n' baa laa feye.

¹¹ Ne tansi n kya laare yee me-re feye a' wu abara de n' yege fe' nye ilaa iko lii Wurubuaare Oduduu mɔ ase de i' nye kpaɔ feye feye-gisɔɔgyi dɔ.

¹² Ibono n kya tɔge mɔ ne n gye yee nengyene a nye wu abara mɔ, me-lee gisɔɔgyi gi laa kpaɔ feye de feye-lee mɔ kee gi' kpaɔ me.

¹³ Me-nanboana Yesu asonbo, n kya laare fe' bii yee n kya sa nwɔnsa gifonɛ-gifonɛ yee nan baa laa feye mɔ, baa lii de nde mɔ, ilaa iko i kya tii me-ɔkpa. Rom ɔsowole Ɔbono so fe te faa, asa sakyo me men gye Gyuda awura. N kya laare n' nye asa lii mɔmɔ dɔ sa Yesu ɔson mɔ, fee genɔɔbono ne ti nye asa abono me men gye Gyuda awura mɔ lii nten kpei-kpei kee mɔ.

¹⁴⁻¹⁵ I de me so yee n' tɔge Wurubuaare ɔkalan konkonse mɔ sa asa abono mɔmɔ-ansi a bugi mɔ de asa abono me san me te gibiri dɔ mɔ, abono me nyi ɔwole de abono men nyi ɔwole mɔ pewu. Genen so mɔ, i kya da me ɔbole yee n' nye ba feye ase Rom ɔsowole so kee de n' baa lee genen ɔkalan konkonse mɔ tɔge sa feye.

Ɔkalan Mɔ Kya Mɔlege Asa De Mɔmɔ-re Wurubuaare Nsana I' Lɔɔ

16 Wurubuaare ɔkalan konkonse ɔbono n kya tɔge mi-i sa asa kyu lii Yesu so mɔ men bo me ipeeli. I lii fɛɛ ɔkalan mɔ kya sa asa abono pɛwu mɛ kya ka gyan' Yesu so mɔ Wurubuaare ɔlon de mɛ' nye ɔ' mɔlege ɔmɔ de mɔmɔ-re mɔ nsana i' nye lɔɔ. Gyuda awura ne n daa ginu genen ɔkalan mɔ pɛi ne asa sɛnse kee mɛ nye nu.

17 Kyu naa de Wurubuaare ɔkalan konkonse baare so ne Wurubuaare gi lɛɛ nyiile anyamese genɔɔbono mɛ laa nye de o' kyu ɔmɔ yɛɛ mɔmɔ-asen dɔ i boran sa mɔ mɔ. Anyamese gikagyan gibono mɛ laa ka gyan Wurubuaare so mɔ ne nan yege o' kyu ɔmɔ yɛɛ mɔmɔ-asen dɔ i boran sa mɔ. Wurubuaare so gikagyan ne n kpɛ gi gye ilaa ibono i tiri. Imɔso ne mɛ nmarase Wurubuaare agyebi dɔ yɛɛ,

“Ɔbono ɔ kya ka gyan Wurubuaare so mɔ
ne Wurubuaare kya kyu yɛɛ mɔ-gisen dɔ i boran.
Genen kaase ɔbono ne nan nye Wurubuaare ase gekyena.”

Wurubuaare Kya Kyu Ginyadon Wɔra Ilaa Nyenyɛn Awɔrabo

18 Wurubuaare kya lɛɛ nyiile asa yɛɛ ɔ kya kyu ginyadon lii Wurubuaare dɔ wɔra mɔmɔ abono pɛwu men seɛ mɔ ne mɛ kya wɔra ilaa nyenyɛn mɔ. Mɔmɔ-asen dɔ in boran sa Wurubuaare so mɔ, i kya tii Wurubuaare gesintin ilaa ɔkpa, ne gesintin mɔ gen kya nye lii gewi mɔmɔ-gekyena dɔ.

19 Nkana ilaa ibono nyamese laa taale bii kyu lii Wurubuaare so mɔ in bo nara dɔ. Wurubuaare gi wolaa lɛɛ imɔ-gewi nyiile.

20 Kpɛ kyu lii owi ɔbono Wurubuaare gi lɛɛ soso de gese mɔ, ɔ lɛɛ mɔ-gidebi nyiile anyamese. Nkana men kya wu mɔ de ansi. Kyu naa de mɔ-ila lɛɛɛ so ne ɔ yege mɛ kya bii mɔ-ɔlon ɔbono ɔn bo ɔkara mɔ ne mɛ kya bii yɛɛ mɔ ne n gye Wurubuaare. Imɔso men bo ɔkyɛɛregyantɛn mɔ ase.

21 Anyamese mɛ nyi Wurubuaare, men kii ma-a kyu buubuu sa mɔ yɛɛ mɔ ne n gye Wurubuaare abɛɛ mɛ' taa kyu afaala sa mɔ. I yege mɔmɔ-nwɔnsa nbono mɛ de mɔ gin baa gi kya kpaa mɔmɔ, ne men baa mɛ nyi ilaa dense de inenyɛn.

22 Mɛ kya kyu mɔmɔ-nyoro yɛɛ mɛ gye ɔlaako anyibo; Wurubuaare ase mɔ, mɛ kya bingiri asa abono men nyi sei.

23 Men kya kyu Wurubuaare ɔbono ɔ bo no gekpaa-gekpa mɔ nyisigyi mɔ tere sei. Mɛ san mɛ kya son daa ikpere ibono mɛ sale abɛɛ mɛ pɔɔ mɔ. Mɛ wɔra imɔ fɛɛ nbuii abɛɛ nbue abɛɛ ilaa ibono i kya kpai imɔ-itɔ so mɔ. Mɛ kya wɔra imɔ iko fɛɛ nyamese ɔbono nde ɔ bo nkpa, ɔke, fo baa kere mɔ, o wu' mɔ.

Wurubuaare Gi Lɛɛ Ansi Taa Mɔmɔ Yege

24 Genen so mɔ, Wurubuaare gi lɛɛ ansi taa mɔmɔ yege yɛɛ mɛ' tɛɛ wɔra ilaa kankaran ibono i gye mɔmɔ-ɔbole gelaare ilaa mɔ. Mɛ san mɛ kya wɔra ilaayan ibono i gye gemumɔɔ mɔ de abara.

25 I lii fɛɛ mɛ sɔɔ abon gyi taa gesintin gebono ge de kyu lii Wurubuaare so mɔ yege. Mɛ san mɛ kya kyu soso de gese Ɔlɛɛbo mɔ ayenbi abono a gye mɔ-lɛɛ mɔ ma-a sa daa mɔ-ila lɛɛɛ. Ne mɛ kya son imɔ taa mɔ Wurubuaare gbaa-gbaa yege. Ayenbi a gye daa Wurubuaare-lɛɛ gekpaa-gekpa. I' ba genen.

26 Asa mɔ mɛ kya son daa Wurubuaare ilaa lɛɛɛ taa mɔ gbaa-gbaa yege so mɔ, Wurubuaare gi lɛɛ ansi taa mɔmɔ yege, mɛ san mɛ kya wɔra ipeeli ilaa ne i kya gyi mɔmɔ-amu. Mɔmɔ akyii men baa ma-a laare mɛ' de de anyen fɛɛ genɔɔbono Wurubuaare gi lɛɛ mɔ. Mɛ san ma-a de de abara

daa taa okpa obono Wurubuaare gi lee sa anyamese yee me' de de abara mo yeege.

²⁷ Genen kee ne anyen men baa ma-a laare me' de de akyii fee genoo bono Wurubuaare gi lee mo. Ibono i san i de omoo-bole mo ne n gye yee me' de de moomo-nanboana anyen taa akyii gidede yeege. Anyen wole-wole me kya san laare daa abara gidede taa akyii yeege, ne i kya kyu ipeeli bun moomo. Moomo-ilaa kankaran ide so mo, me kya nye gisobiide gibono i kaabore moomo moomo-nyoro do.

²⁸ Fee genoo bono in tiri asa ade yee me' bii Wurubuaare moomo-asen do faa mo, Wurubuaare kee gi lee ansi taa moomo yeege yee me' sa nwonsa gyaga de me' wora ilaa ibono in gye iworase mo.

²⁹ Me san me kya wora ilaa nyenyen kamaase fee nwonsa nyenyen gisa, onsipara, gekyo, gelaaloo, asa gimoo, laatonge, npene, ilaa nyenyen gikereansi wora, de gesakuli.

³⁰ Me kya kee abon gyan abara, me kya kyo Wurubuaare, me kya saale asa, me kya nyiile moomo-nyoro, me kya yen moomo-nyoro, me kya laare ikpa poboro ibono so me laa naa de me' wora ilaa nyenyen mo, men kya nu moomo-seana de moomo-nyiana gede.

³¹ Men bo nwonsa, men kya gyi gesintin sa asa, men nyi gesu gbaa, men bo senkyoo.

³² Me nyi ibono Wurubuaare gi wolaa toge yela yee abono me kya wora genen ilaa ibonoana onan mo, lewu ne n kaabore moomo. Me dabole me nyi genen gbaa faa, me kpe san me kya wora imo, ne me kya kii faa' wora abono me kya wora imo mo yee me' peere ansi.

2

Wurubuaare Laa Gyi Nyamese Kamaase Nbele

¹ Imoso fo nyamese kamaase obono fo kya bun fo-nanbo nyamese gipuee yee o gye nyamese nyenyen mo, fo man nye geno lee Wurubuaare ase. Fo kya bun fo-nanbo gipuee genen mo, fo kya bun fo-nyoro kee gipuee ne. I lii fee ilaa nyenyen ibono o kya wora ne fo kya bun mo gipuee yee o gye nyamese nyenyen mo, fo kee fo kya wora imo.

² Wurubuaare ne n bun abono me kya wora ilaa nyenyen ibonoana ne toge kyon faa gipuee mo, a nyi yee imo-okpa so ne.

³ Imoso nengyene fee ako me kya wora genen ilaa nyenyen ibonoana ne fo nyamese fo kya bun moomo gipuee, yeege fo kee fo kya wora imo mo, fo bere fo nyi yee Wurubuaare laa yeege fo?

⁴ Wurubuaare gi tansi o bo gisen sa fo. O kya yeege fo-ilaa kyee fo. O kya wora gidense sa fo faa mo, fo men nyi yee o kya kpa fo de fo' nye nu fo-nyoro gese de fo' kyeege ne? Imoso fo laa kyu mo-gidense gide yee gi men gye ilaa gbaa' iko?

⁵ I bo geakaabono Wurubuaare ginyadon de mo-gesintin gebono o laa kyu gyi anyamese nbele mo i laa lii gewi. Fo obono fo bere, fo laa wora gisoolon ne fo man nu fo-nyoro gese de fo' kyeege mo, fo laa yeege o' baala mo-ginyadon gyoo fo geakaabono ne.

⁶ I lii fee Wurubuaare laa teela nyamese kamaase kyu naa de mo-ilaa worase so.

⁷ Asa abono me kya kyu gisen wora gidense me kya laare nyisigi, buubuu, de gekyena gebono gen bo okara mo, Wurubuaare laa kyu mo ase gekyena gekpaa kyu teela moomo.

⁸ Asa abono, mɔ, mɔmɔ wolɛ-lɛɛ ne mɛ kɛrɛ ne mɛ kya kine yɛɛ mɛ maŋ nu Wurubuaare ɛsintin ilaa ne mɛ kya laare daa ilaa nyenyɛn mɔ, Wurubuaare laa kyu ginyadon beɛ ka mɔmɔ giko.

⁹ Ɔɛyiyɛ de ɔlaawuse ne nan tu nyamese kamaase ɔbono ɔ kya wɔra ilaa nyenyɛn mɔ. I laa yii gese lii Gyuda awura so de i' san tu asa sɛnsɛ.

¹⁰ Nyisigyɪ, buubuu, de gisen yuuli ne nan tu nyamese kamaase ɔbono ɔ kya wɔra gidɛnsɛ mɔ. I laa yii gese lii Gyuda awura so de i' san tu asa sɛnsɛ kee.

¹¹ I lii fɛɛ Wurubuaare mɛŋ bo ɛligi.

¹² Wurubuaare laa gyi asa nbele mɔ, abono mɛ mɛŋ nyɛ nu mɔ-nbara ne mɛ wɔra ilaa nyenyɛn mɔ, i mɛŋ gye nbara mɔ ne ɔ laa kyu bun mɔmɔ-gipueɛ. Mɔmɔ-ilaa nyenyɛn ibono mɛ wɔra mɔ ne nan yɛɛ mɛ maŋ nyɛ kyena Wurubuaare ase. Abono, mɔ, mɛ nyi Wurubuaare nbara ne mɛ mɛŋ gyi nɔmɔ so mɔ, genen nbara nbono ne Wurubuaare laa kyu bun mɔmɔ-gipueɛ.

¹³ I lii fɛɛ i mɛŋ gye asa abono mɛ kpe nyɛ mɛ kya nu Wurubuaare nbara mɔ ne ɔ kya kyu yɛɛ mɔmɔ-asen dɔ i boran sa mɔ. Genen mɔ, asa abono mɛ kya gyi nɔmɔ so mɔ ne ɔ laa kyu yɛɛ mɔmɔ-asen dɔ i boran sa mɔ.

¹⁴ Asa abono mɛ mɛŋ nu Wurubuaare nbara mɔ kɛrɛ, ne mɛ kya wɔra ilaa ibono i kya kyena de nbara mɔ mɔ, mɔmɔ-asen dɔ i kya nyiile mɔmɔ yɛɛ nbara ndɛ ne i kaabore nyamese o' gyi nɔmɔ so.

¹⁵ Mɛ kya wɔra genen mɔ, mɛ kya lɛɛ mɛ kya nyiile yɛɛ mɔmɔ-nwɔnsa dɔ mɔ mɛ ti mɛ nyi Wurubuaare nbara mɔ. Mɛ kya wɔra ilaa iko mɔ, mɔmɔ-nwɔnsa gi kya tɔɛ sa mɔmɔ yɛɛ inyenyɛn ne mɛ kya wɔra faa abɛɛ idɛnsɛ ne i gye. Imɔ ibono kee i kya lɛɛ nyiile yɛɛ mɛ nyi Wurubuaare nbara mɔ ilaa.

¹⁶ Ɔɛkaako Wurubuaare laa naa de Kirisito Yesu so de o' kyu anyamese asiiri ilaa kyu gyi mɔmɔ-nbele, fɛɛ ɛnɔɔbono Wurubuaare ɔkalan konkonse ɔbono n kya tɔɛ mɔ kya nyiile mɔ.

In Kaabore Gyuda Awura Mɛ' Nyiile Mɔmɔ-Nyoro

Wurubuaare Nbara So

¹⁷ Fo ɔko fo gye Gyuda isa so mɔ, i yɛɛ fo kya ka gyan Wurubuaare nbara mɔ so yɛɛ nɔmɔ ne n yɛɛ ne fo-rɛ Wurubuaare fɛ bo kon don mɔ-rɛ asa sɛnsɛ. Lii genen so mɔ, i yɛɛ fo kya nyiile fo-nyoro.

¹⁸ Fo nyi ilaa ibono Wurubuaare kya laare nyamese o' wɔra mɔ. Fo nyɛ mɛ nyiile fo Wurubuaare nbara mɔ so mɔ, i yɛɛ fo kya bii tɔɛ yɛɛ ilaa ide ne n boran sa Wurubuaare.

¹⁹ Fo yɛɛ fo gye isa ɔbono fo kya kpare asa lii gibiri dɔ, ne fo gye fatela sa mɔmɔ.

²⁰ Fo nyi ibono ɔlaako ginyi de ɛsintin pɛwu i bo daa Wurubuaare nbara nbono fo de mɔ dɔ. Fo nyi yɛɛ fo kya bii ka asa abono mɛŋ nyi ɔlaako mɔ, ne abono mɛ kya kase Wurubuaare nbara mɔ nperɛ mɔ, fo kya bii nyiile mɔmɔ ilaa.

²¹ Fo genen isa ɔbono fo kya bii nyiile asa sɛnsɛ ilaa genen faa mɔ, fo maa nyiile fo-nyoro ilaa kee? Ibono fo kya nyiile asa yɛɛ ɛgyu ɛŋ boran mɔ, fo-o fo mɔ, foŋ kya yuuri?

²² Fo ɔbono fo kya tɔɛ yɛɛ ɔko ɔ mɛŋ sa o' lii mɔ-ka abɛɛ mɔ-kuli ɛmara mɔ, fo-o fo mɔ, foŋ kya lii fo-lɛɛ ɛmara? Fo ɔbono fo kya kyo ikperɛ gison mɔ, fo-o fo mɔ, foŋ kya yuuri ikperɛ ɔson atɔ lii ikperɛ ibu dɔ?

²³ Fo obono fo kya yen fo-nyoro yee fo ne n nyi Wurubuaare nbara mo, imoso fonj ti toro genen nbara nbono so de i' sa asa okpa de me' nye toge ilaa nyenyen kyu lii Wurubuaare so?

²⁴ Me nmarase Wurubuaare agyebi mo do yee,
 "Kyu lii feye so mo, gesinkpan so asa kpei-kpei
 abono menj nyi Wurubuaare agyebi mo
 me kya nye nyida mo-ginyen."

Ansi So Giyan Ne Fo Kya Son Wurubuaare Mo,

Fonj Kya Gyi Mo-Ginsi

²⁵ A' kyu yee fo Gyuda isa fo ten fo-giwore fee genobono Wurubuaare nbara mo gi kya nyiile Gyuda awura yee me' wora mo. Nengyene fo kya gyi Wurubuaare nbara sense mo so bola mo, fo-giwore giten gi kya gyi Wurubuaare ginsi. Fonj kya gyi Wurubuaare nbara sense mo so bere mo, fo-giwore giten gibono fo ten mo inj gye giwore giten giko.

²⁶ Asa abono Wurubuaare menj yela awore giten nbara sa mo, nengyene me kya gyi Wurubuaare nbara sense mo pewu so mo, Wurubuaare laa kyu momo yee me ten momo-awore kee ne.

²⁷ Genen asa abono so mo, i laa yee Gyuda awura abono me kya ten momo-awore ne menj kya gyi mo-nbara sense mo so mo gipue. I lii fee momo bere menj dabole ten awore faa mo, me kya gyi mo-nbara sense mo so. Aye Gyuda awura, mo, ne Wurubuaare gi yege me nmarase mo-nbara mo yela sa, ne aye kee ne o yela awore giten nbara mo sa.

²⁸ Ansi so giyan ne fo gye Gyuda isa mo, fonj gye Gyuda isa gesintin ne. Ansi so giyan ne fo kya gyi awore giten nbara mo so ne i kyeege fo-nyoro gibi mo wole daa mo, Wurubuaare ase mo, inj gye gesintin awore giten ne fo ten genen.

²⁹ Obono Wurubuaare ilaa i bo mo-gisen do mo ne n gye Gyuda isa gesintin. Inj gye obono o ten mo-giwore itiibilaa okpa so giyan mo. Obono mo-giwore giten gi laa gyi Wurubuaare ginsi mo ne n gye obono o loro mo-gisen yela sa Wurubuaare kyu naa de Wurubuaare Oduduu mo so mo. Wurubuaare ne nan yen kaase obono. Inj gye anyamese.

3

¹ Genen ne i de bere mo, mene ilaa ne Wurubuaare gi wora sa Gyuda awura don asa sense? Agyan amo ne Gyuda awura me kya nye lii momo-awore giten nbara mo so?

² Gyuda awura me wora gimu dense gikyo okpa kamaase so. Gigyangbarase mo ne n gye yee momo-abaa do ne Wurubuaare gi kyu mo-agyebi mo wora.

³ To! Ne fee momo ako menj gyi gesintin sa Wurubuaare mo, Wurubuaare laa taa mo-lee gesintin gigyi yege?

⁴ I manj ba genen. Nengyene nyamese kamaase gi bingiri obonbo mo, Wurubuaare bere, o kpe san o gye gesintin wura. I de daa fee genobono oko gi naa kyena toge ne me nmarase yela Wurubuaare agyebi do mo. Me nmarase yee,

"Genen ne okamaase laa nye wu yee fo toge mo, fonj fue.
 Me kere imo do mo, me laa wu yee fo wora mo, i kyena."

⁵ Aye anyamese ilaa nyenyen giwora i kya yege Wurubuaare ilaa dense giwora i kya lii gewi. To! Aye so ne Wurubuaare ilaa dense i kya lii gewi

faa mɔ, in bo ɔkpa yee Wurubuaare o' baa' biide aye-giso? Anyamese-lee ilaa taase ne ne taase faa.

⁶ In taa gye genen. Fee in bo ɔkpa yee Wurubuaare o' biide nyamese giso mɔ, nne ne ɔ laa wɔra de o' gyi anyamese pewu nbele?

⁷ Ako kee me kya taale tɔge ilaa nyenyen yee, "A kya kee abon mɔ, asa me laa kyu aye-abon kyu kesere de Wurubuaare gesintin mɔ, de i' yeye me' nye yen Wurubuaare. I ba genen mɔ, i laa yeye o' kii nye nyisigyɛ daa bola. ɔ ti ɔ kya nye nyisigyɛ genen mɔ, meneto so ne ɔ laa baa bun aye gipuee yee a gye ilaa nyenyen awɔrabo?"

⁸ Lii genen ilaa ide so mɔ, ako me laa tɔge yee, "A' wɔra ilaa nyenyen de asa me' tese wu ilaa dense ibono i laa lii aye-ilaa nyenyen giwɔra mɔ do mɔ." Asa abono me kya tɔge genen ilaa ibono mɔ, nengyene Wurubuaare gi bun mɔmɔ gipuee mɔ, imɔ-ɔkpa so ne. Ako me kya ten me-re menboana genɔ yee a de genen ilaa ide a kya nyiile asa.

Aye Pewu A Gye Ilaa Nyenyen Awɔrabo

⁹ To! A tɔɔ fone; a koso fone? Aye Gyuda awura a gye asa dense Wurubuaare ase don asa sense? Kuaa. Ne ti wolaa tɔge baa kyon yee ilaa nyenyen giwɔra i nye ɔlon aye Gyuda awura de asa sense pewu so.

¹⁰ Imɔ ide i kyena de ilaa ibono me nmarase Wurubuaare agyebi mɔ do geteeko mɔ. Me nmarase yee,

"Ba-a nyamese kolon men kya gyi gesintin sa Wurubuaare.

¹¹ ɔko-re ɔko men kya nu Wurubuaare ilaa gese.

I men taa tiri ɔko yee mɔ-re Wurubuaare nsana i' wɔra ɔkon.

¹² Nyamese kamaase gi lee mɔ-ansi lii Wurubuaare so.

Mɔmɔ kpini koro me san me kya wɔra ilaa ibono in boran Wurubuaare ansi so.

Ba-a nyamese kolon men kya taa wɔra ilaa ibono i boran mɔ.

¹³ Mɔmɔ-agyebi tɔge a de fee adonto ne me de ma-a mɔo asa.

Abon ne n kya lii mɔmɔ-nno do.

Mɔmɔ-ilaa tɔge i de fee giwɔo giboro.

¹⁴ Mɔmɔ-nno do agyebi a bo loloo,

ne me kya tɔge nno wɔra asa.

¹⁵ Anyamese gimɔo gin bo mɔmɔ ɔsen.

¹⁶ Mɔmɔ-inaaten kamaase mɔ, me de geiyee me kya too asa so, ne me kya yeye abuaru a kya gyi asa.

¹⁷ Me men kya laare yee gisen yuuli gi' ba asa do.

¹⁸ Men taa sele Wurubuaare ba-a pii faa."

¹⁹ Fee genɔobono a nyi mɔ, Wurubuaare gi kyu mɔ-nbara mɔ sa asa de ɔko-re ɔko ɔn sa o' nye genɔ lee Wurubuaare ase yee mɔ bere ɔn wɔra ilaa nyenyen kere. Nyamese kamaase laa yee Wurubuaare ansi do de o' gyi gipuee.

²⁰ I lii fee nyamese ɔko men bo no ɔ laa taale gyi Wurubuaare nbara mɔ pewu so de Wurubuaare o' wu yee mɔ-gisen do i boran. Wurubuaare nbara mɔ gi bo no sa nyamese daa de o' nye bii yee ɔ wɔra ilaa nyenyen.

Wurubuaare Gi Nyiile Aye

Genɔobono ɔ Laa Lɔɔ Aye-re Mɔ Nsana Mɔ

²¹ Npere bere ɔkpa ɔbono so Wurubuaare laa kyu asa yee mɔmɔ-asen do i boran mɔ i lii gewi yee i men gye nbara gigyi so. I wolaa i bo Wurubuaare nbara do de mɔ-ikalan atogebo iwole do yee

²² I laa naa daa de gikagyan so. Wurubuaare laa kyu asa abono pewu me laa ka gyan Yesu Kirisito so mo yee momo-asen do i boran. In bo yee ade-lee kpei abee ade-lee kpei.

²³ I lii fee anyamese pewu me wora ilaa nyenyen, ne me fue Wurubuaare nyisigy obono nkana me laa nye mo.

²⁴ Wurubuaare mo, kya sa anyamese so gewonsa dense lii mo-gisen do so mo, o yee Kirisito Yesu gi kyu mo-nyoro kyee aye ne o lee aye lii aye-ilaa nyenyen giwora do kiiri sa Wurubuaare. Imo ne n yee ne o kyu aye yee aye-asen do i boran.

²⁵⁻²⁶ Yesu Kirisito ne n gye obono Wurubuaare gi lee yee o' lee ilaa nyenyen gikpaare fue asunbi sa anyamese. Asunbi abono o lee mo ne n gye yee o kyu mo-nyoro kyu sa ne me mo. Mo-nkalan gi kyee fue de asa abono me laa ka gyan mo so mo me' nye de momo-re Wurubuaare nsana i' loro. Yesu gi yee aye-giyaa do ne Wurubuaare gi kyu aye-gisobiide gibono nkana a laa nye mo kyu biide daa mo-giso. Wurubuaare gi wora genen daa de anyamese me' nye bii yee o gye gesintin wura. Nkana anyamese me wolaa me kya wora ilaa nyenyen ne Wurubuaare men biide momo-giso. O nye gisen gyoo Yesu lewu mo ne o san lee nyiile genobono o kya gyi gesintin ne o kya kyu asa abono me kya ka gyan Yesu so mo yee momo-asen do i boran.

Anyamese Me Man Baa Nye Nyiile Momo-Nyoro

²⁷ Meneto so ne aye anyamese a laa baa nyiile aye-nyoro? Nyoro ginyiile gin bo no. I wone so? I kya nyiile yee i men gye aye-Wurubuaare nbara mo gigy so ne aye-re mo nsana i nye loro. I gye daa aye-gikagyan gibono a kya ka gyan Yesu so mo.

²⁸ Aye-ilaa ibono a de mo ne n gye yee fo nyamese fo-gikagyan gibono fo kya ka gyan Yesu so mo ne nan yee Wurubuaare o' kyu fo yee fo-gisen do i boran. Fo gyi mo-nbara nbono o sa aye Gyuda awura mo so-o, fon gyi imo so-o, on kya kyu imo ibono wora ilaa do.

²⁹ Fe nyi yee Wurubuaare gye Gyuda awura wole Wurubuaare daa? On gye Wurubuaare sa asa sense pewu? Wurubuaare gye Wurubuaare sa momo kee.

³⁰ I lii fee Wurubuaare gye daa okolon. Imoso aye Gyuda awura abono a kya ten awore mo, nengyene a nye ka gyan Yesu so mo, aye-gikagyan so ne Wurubuaare laa kyu aye yee aye-asen do i boran. Ne asa sense mo me nye ka gyan Yesu so mo, kyu naa de momo-gikagyan so kee ne o laa kyu momo yee momo-asen do i boran.

³¹ To. In gye yee a kya nyiile feye yee fe nye ka gyan Yesu so faa mo, fen' baa gyi Wurubuaare nbara mo so. Gikagyan gibono fe kya ka gyan Yesu so mo gbaa ne nan yee fe taale gyi Wurubuaare nbara mo so.

4

Aberaham Gi Ka Gyan Wurubuaare So

¹ Nne ne a laa toge kyu lii Aberaham, aye Gyuda awura o'paa gyangbarase mo so? Mene ne o wora ne Wurubuaare gi kyu mo yee mo-gisen do i boran mo daa?

² Fee mo-gidense giwora so ne Wurubuaare gi kyu mo yee mo-gisen do i boran mo, nkana o laa nye yee imo so de o' nyiile mo-nyoro. Ne ide faa mo, in gye genen. Imoso o man nye nyiile mo-nyoro Wurubuaare ase.

³ Fe' nu ilaa ibono me nmarase Wurubuaare agyebi do kyu lii ilaa ide so mo. Me nmarase yee,

“Aberaham gi ka gyan Wurubuaare so.

Ne mɔ-gikagyan gibono so mɔ,

Wurubuaare gi kyu mɔ yɛɛ mɔ-gisen dɔ i boran.”

⁴ Nengyene nkana ilaa iko ne ɔ wɔra sa Wurubuaare mɔ, i laa wɔra fɛɛ genɔɔbono nyamesɛ kya wɔra gesun ne mɛ kya ka mɔ giko mɔ. Mɛn kya kyu genen gikɔka gibono yɛɛ i gye ilaa kyɛɛɛ. Gesun mɔ giko ne mɛ ka mɔ.

⁵ Fo ɔbono fo-gisen dɔ i boran sa Wurubuaare mɔ-lɛɛ bere, in de fɛɛ gesun ɔwɔrabo-lɛɛ mɔ ɔnan. Fo bere fo nyi yɛɛ i mɛn gye ilaa wɔrase ne fo kya wɔra sa Wurubuaare. Fo kya ka gyan Wurubuaare so yɛɛ ɔ kya kyu ilaa nyenyen awɔrabo yɛɛ mɔmɔ-gisen dɔ i boran. Fo nyɛ ka gyan Wurubuaare so genen mɔ, Wurubuaare kya kyu fo yɛɛ fo-gisen dɔ i boran.

Deefidi Kee Gi Tɔnge Kyu Lii Wurubuaare So Gikagyan

⁶ Oloobu Deefidi kee gi tɔge kyu lii isa ɔbono ɔ gye omudensebo Wurubuaare ase mɔ so. I mɛn gye kaase mɔ laawɔra so ne Wurubuaare gi kyu mɔ yɛɛ mɔ-gisen dɔ i boran.

⁷ Ilaa ibono Deefidi gi tɔge mɔ ne n gye yɛɛ,

“Mɔmɔ abono mɛ tɔrɔ Wurubuaare nbara
ne mɛ nyɛ Wurubuaare gi kyu kyɛɛ mɔmɔ mɔ,
amudensebo ne mɛ gye.

Wurubuaare gi kuru mɔmɔ-ilaa nyenyen ibono pule
gekpa-gekpa.

⁸ Mɔmɔ abono Wurubuaare man kyu mɔmɔ-ilaa nyenyen
kyu wɔra ilaa dɔ mɔ,
amudensebo ne mɛ gye.”

⁹ Genen amudensebo abono mɛ gye daa abono mɛ ten awɔre mɔ wole daa? Abɛɛ mɛ gye dabɔle asa abono mɛ mɛn ten awɔre mɔ kee? A ti tɔge Wurubuaare agyɛbi ako yɛɛ,

“Aberaham gi ka gyan Wurubuaare so.

Ne mɔ-gikagyan gibono so mɔ,

Wurubuaare gi kyu mɔ yɛɛ mɔ-gisen dɔ i boran.”

¹⁰ Aberɛ amɔ dɔ ne Wurubuaare gi kyu Aberaham yɛɛ mɔ-gisen dɔ i boran mɔ daa? Owi ɔbono ɔn ti ten mɔ-giwɔre mɔ abɛɛ ibono ɔ ti ten giwɔre mɔ daa? Wurubuaare gi kyu mɔ yɛɛ mɔ-gisen dɔ i boran genen mɔ, Aberaham mɛn ti taa ten mɔ-giwɔre.

¹¹ Mɔ-giwɔre giten mɔ bere, Wurubuaare gi yɛge mɛ taa ten mɔ daa de i' daase mɔ de i' lɛɛ nyiile yɛɛ Wurubuaare gi ti wolaa kyu mɔ yɛɛ mɔ-gisen dɔ i boran kyu naa de mɔ-gikagyan mɔ so. Aberɛ abono Aberaham gi ka gyan Wurubuaare so mɔ, ɔn ti ten mɔ-giwɔre. Imɔso ne ɔ nyɛ wɔra fɛɛ ɔsɛ sa asa abono pɛwu mɛ ka gyan Wurubuaare so ne mɔmɔ kee mɛ mɛn ten mɔmɔ-awɔre mɔ. I lii fɛɛ mɔmɔ kee mɛ nyɛ Wurubuaare gi kyu ɔmɔ yɛɛ mɔmɔ-asen dɔ i boran kyu naa de mɔmɔ-gikagyan so.

¹² Ne aye-naana Aberaham gi wɔra ɔsɛ kee sa asa abono mɛ ten mɔmɔ-awɔre ne i mɛn gye ansi so giyan mɔ. I lii fɛɛ mɛ kase Aberaham gikagyan gibono ɔ ka gyan Wurubuaare so aberɛ abono ɔn ti ten mɔ-giwɔre mɔ.

Wurubuaare Laa Wɔra Ilaa Ibono ɔ Ka Yela Mɔ

¹³ Wurubuaare gi ka sa Aberaham mɔ-rɛ mɔ-biana san sa abi san sa anaana abono mɛ laa ka gyan mɔ so mɔ yɛɛ ɔ laa kyu gesinkpan pɛwu kyu sa ɔmɔ de ge' bingiri mɔmɔ-lɛɛ. Wurubuaare gi ka ilaa ide yela sa mɔmɔ genen mɔ, in gye yɛɛ mɛ gyi mɔ-nbara mɔ so daa. Mɛ ka gyan mɔ so daa so ne ɔ kyu mɔmɔ yɛɛ mɔmɔ-asen dɔ i boran. Imɔso ne ɔ ka yela sa ɔmɔ genen.

14 Wurubuaare gi ka ilaa dense yela sa asa mo, i menj gye yee me' gyi daa mo-nbara so pei ne o' sa momo genen ilaa dense ibono. Fee i gye nbara gigyi so bere mo, a' tese gyi nbara mo so de a' taa gikagyan yee. Oko-re oko, mo, manj kii taale gyi nbara mo so.

15 I kya nyiile yee asa me kya toro Wurubuaare nbara mo, de i' kyu mo ginyadon. Nkana nbara ginj bo no mo, i manj ba yee oko gi toro nmo so.

16 Imoso ne kyu naa de gikagyan so ne asa me laa nye ilaa ibono Wurubuaare gi ka yela sa momo mo. I gye Wurubuaare ilaa kyeeese so mo, asa me laa taale ka gyan mo so yee ilaa ibono o ka yela mo i laa baa gesintin sa Aberaham o'paa do asa pewu. Asa abono pewu me ka gyan Wurubuaare so fee genobono Aberaham gi ka gyan Wurubuaare so mo, me laa nye ilaa ibono Wurubuaare laa sa Aberaham mo kee. I menj gye Gyuda awura abono Wurubuaare nbara mo gi de sa omo mo wole ne nan nye imo. I kya nyiile yee Aberaham gi wora ose sa aye abono pewu a ka gyan Wurubuaare so mo.

17 Me nmarase imo ide yela Wurubuaare agyebi do yee,
 "Nan yee fo laa wora ose sa asa kpei-kpei sakyɔ."

Imoso ilaa ibono Wurubuaare gi ka yela mo, mo gbaa-gbaa laa kere imo so de i' ba gesintin. Wurubuaare obono Aberaham gi ka gyan mo so mo kya kyingi asa abono me ti wu' mo de me' kii nye nkpa. Nengyene Wurubuaare gi kpe nye toge yee ilaa ide i laa ba mo, gesintin i laa ba.

18 Ilaa ibono Wurubuaare gi ka yela sa Aberaham mo, inj gye Wurubuaare ilaa worase so mo, nkana i manj taale ba genen kpa-a. Aberaham bere gi ka gyan Wurubuaare so ne o kyu mo-ansi gyan ilaa ibono Wurubuaare gi ka yela sa mo mo so. Imoso gesintin o nye wora ose sa asa kpei-kpei sakyɔ, fee genobono me nmarase yela Wurubuaare agyebi mo do mo. Me nmarase yee,

"Kere, fafaanan ne fo-opaa do asa me laa nyaakyo ne."

19 Genen abere abono mo, Aberaham gi wu yee o gyi fee nsi ikue-inun, ne mo-nyoro gi tansi po. Mo-ka menj koroge kere, ne mo-ka mo gi bele ibono o'j baa taale koroge. Imo-re imo genen pewu mo, genobono Aberaham gi ka gyan Wurubuaare so so mo, i menj yoo mo-nyoro.

20 O'j soo ilaa ibono Wurubuaare gi ka yela sa mo mo akyoole. Mo-gikagyan mo ginj koso Wurubuaare so. Gi lora kii nyaakyo too daa, ne i yee Wurubuaare gi nye nyisigy.

21 O nyi mo-gisen do ne o ka gyan Wurubuaare so yee Wurubuaare laa taale wora ilaa ibono o ka yela sa mo mo.

22 Mo-gikagyan gide so ne me nmarase Wurubuaare agyebi mo do yee,
 "Wurubuaare gi kyu Aberaham yee mo-gisen do i boran."

23 Ibono me nmarase yee Wurubuaare gi kyu mo yee mo-gisen do i boran mo, inj gye Aberaham mo-nkon so ne Wurubuaare gi toge imo genen.

24 Dabole aye pewu so ne o toge imo. Nengyene a ka gyan Wurubuaare obono o kyingi aye-Wura Yesu lii ibuni do mo so mo, o laa kyu aye kee yee aye-gisen do i boran sa mo.

25 Aye-ilaa nyenyen so mo, Wurubuaare gi yee me mo aye-Wura Yesu, ne o kii kyingi mo lii ibuni do de o' nye kyu aye yee aye-asen do i boran.

5

Abono Me Ka Gyan Wurubuaare So Mo, Momo-re Mo Nsana I Loro

1 Imoso Wurubuaare gi nye kyu aye yee aye-gisen do i boran sa mo kyu naa de aye-gikagyan so faa, ide kon kyu naa de aye-Wura Yesu Kirisito so mo, aye-re Wurubuaare nsana i lora.

² Mò ne n bugi òkpa sa aye kyu naa de aye-gikagyan so ne Wurubuaare gi san ò yele aye-gemara faa. I bo aye-asen dò òkon. A nyi ibono Wurubuaare laa yege aye kee a' nye m̀-nyisigyì òbono ò bo m̀.

³ In̄ gye genen wole gbaa. Ba-a a kya wu òlaawuse m̀, i bo daa aye òkon. I lii f̀e a nyi ỳe òlaawuse òbono a kya wu m̀ laa yege a laa baa ẁra asa abono me laa nye gisen kpa a lii.

⁴ Òbono ò kya nye gisen kpa a lii m̀ laa baa ẁra isa òbono ò bo oduduu d̀ òlon ò kya kyu ẁra Wurubuaare gelaare. Ò bo oduduu d̀ òlon ò kya kyu ẁra Wurubuaare gelaare m̀, ò kya taale kyu m̀-geẁnsa gyan' Wurubuaare so ilaa kamaase d̀.

⁵ Òbono m̀-geẁnsa ge gyan' Wurubuaare so genen m̀, Wurubuaare mañ l̀e m̀ tanga. I lii f̀e Wurubuaare Oduduu òbono ò sa aye m̀ kya yege a kya nye bii aye-asen d̀ ỳe Wurubuaare kya laare aye-ilaa.

⁶ Owi òbono aye anyamese añ kya taale de a' ẁra ilaa dense aye-gibaa so ne añ kya kyu Wurubuaare tere sei m̀, genen owi òbono ne Kirisito gi baa wu' sa aye.

⁷ I bo lon sa nyamese de o' kyule wu' sa m̀-*nanbo* nyamese, ba-a m̀-*nanbo* m̀ dabòle ò gye gesintin wura. Nengyene o wu ỳe m̀-*nanbo* òbono tansi ò gye isa dense m̀, foñbii ò laa taale da gikan wu' sa m̀.

⁸ Wurubuaare bere, gi l̀e m̀-gelaare bele gebono ò bo sa aye anyamese m̀ gwi nyiile. I lii f̀e owi òbono a san a gye ilaa nyenyen aworabo m̀, genen owi òbono ne ò yege Kirisito gi wu' sa aye.

⁹ Kirisito gi wu' kyeege m̀-*nkalan* fue sa aye ne i yege Wurubuaare gi kyu aye ỳe aye-asen d̀ i boran. Im̀so Kirisito gi ti nye kpa a aye genen faa m̀, i baa i bo òlon sa m̀ de o' m̀lege aye lii Wurubuaare gisobiide m̀ d̀?

¹⁰ Aye abono nkana a gye Wurubuaare akyobo m̀, m̀-*bi* Kirisito lewu m̀ ne n taale l̀r̀ aye-r̀e m̀ nsana. Im̀so nper̀e Kirisito kii ò te ò bo Wurubuaare ase faa m̀, geǹòbono ò laa m̀lege aye lii Wurubuaare gisobiide m̀ d̀ m̀ ne nan baa ẁra m̀ òlon?

¹¹ I meñ gye genen wole gbaa. Nper̀e kee òkon bele òko bo aye-r̀e Wurubuaare nsana. Aye-Wura Yesu Kirisito ne n yege ne aye-r̀e Wurubuaare nsana i nye l̀r̀ ne a nye genen òkon òbono faa.

Adam Gi Nyida Aye-r̀e Wurubuaare Nsana Ne Kirisito Gi L̀r̀ Aye

¹² Kyu naa de nyamese kolon so ne ilaa nyenyen giwora i ba gesinkpan so. Genen nyamese òbono gi nye im̀ so lewu. M̀-*ilaa* nyenyen m̀ ne n yege ne lewu gi san ò de sa aye anyamese pewu faa. I lii f̀e nyamese kamaase san ò kya ẁra ilaa nyenyen.

¹³ I gye gesintin ỳe anyamese me ẁra ilaa nyenyen pei ne Wurubuaare gi l̀r̀ yela nbara sa m̀m̀. Owi òbono oñ ti taa yela nbara sa m̀m̀ m̀, ò meñ kale ilaa nyenyen ibono me ẁra abere abono d̀ m̀ ẁra ilaa d̀.

¹⁴ Im̀-*r̀e* im̀ genen gbaa m̀, kpe kyu lii nyamese gyangbarase òbono me kya tere m̀ ỳe Adam m̀ baa fo abere abono Mosisi gi ñmarase nbara m̀ yela m̀, lewu gi nye òlon anyamese pewu so. Abono me meñ ẁra Adam-l̀e ilaa nyenyen ibono onan ò ẁra Wurubuaare m̀, m̀m̀ kee, lewu gi dabòle nye òlon m̀m̀ so. A' kyu Adam m̀-*r̀e* Kirisito òbono ò ba Adam gemara m̀ ilaa worase kesere de abara de a' kere.

¹⁵ Ilaa ibono Yesu Kirisito gi ẁra sa asa lii m̀-*gisen* d̀ m̀ de ilaa nyenyen ibono Adam gi ẁra m̀ i k̀r̀ de abara. Kirisito gi tansi ẁra ilaa don Adam. I lii f̀e kyu naa de Adam ilaa nyenyen m̀ so m̀, asa sakyò me nye lewu. Kyu naa de Yesu Kirisito-l̀e gitolon gebono ò bo ne o kyu

mɔ-nyoro kyɛɛ asa so mɔ, asa sakyɔ mɛ nyɛ Wurubuaarɛ kya sa ɔmɔ so gewɔnsa dense.

¹⁶ Adam ilaa nyenyɛn mɔ i mɛɲ de fɛɛ Yesu ilaa dense ibono ɔ wɔra mɔ. Ilaa nyenyɛn kolon ibono Adam gi wɔra mɔ i yɛgɛ Wurubuaarɛ gi gyi mɔ-nbɛlɛ bun anyamesɛ gipuuɛ. Yesu gidɛnsɛ gibono ɔ wɔra mɔ bɛrɛ, i yɛgɛ Wurubuaarɛ gi kyu anyamesɛ ilaa nyenyɛn gikyɔ kyɛɛ mɔmɔ ne o kyu mɔmɔ yɛɛ mɔmɔ-asɛn dɔ i boran sa mɔ.

¹⁷ Nyamesɛ kolon ilaa nyenyɛn so ne lɛwu gi nyɛ nyɛ ɔlon anyamesɛ so faa. Ne Yesu Kirisito, nyamesɛ kolon kee so ne anyamesɛ mɛ nyɛ Wurubuaarɛ gi kyu mɔmɔ yɛɛ mɔmɔ-asɛn dɔ i boran ne mɛ nyɛ mɔ ase gɛkyɛna ɔnan. Imɔso Wurubuaarɛ aɛ gɛkyɛna gɛbono a nyɛ lii Yesu so mɔ gi tansi don lɛwu ɔlon ɔbono nkana ɔ bo aye so mɔ.

¹⁸ Imɔso fɛɛ gɛnɔɔbono nyamesɛ kolon gi wɔra ilaa nyenyɛn gikolon ne i bun anyamesɛ pɛwu gipuuɛ faa, gɛnɛn kee ne nyamesɛ kolon gi gyi gɛsintin sa Wurubuaarɛ gikolon ne i bugi ɔkpa sa anyamesɛ pɛwu de mɛ' nyɛ Wurubuaarɛ o' kyu mɔmɔ yɛɛ mɔmɔ-asɛn dɔ i boran de mɛ' nyɛ kyɛna mɔ ase.

¹⁹ Fɛɛ gɛnɔɔbono nyamesɛ kolon mɛɲ nu Wurubuaarɛ gɛdɛ ne i yɛgɛ anyamesɛ sakyɔ mɛ bingiri ilaa nyenyɛn awɔrabo mɔ, gɛnɛn kee ne nyamesɛ kolon gi nu Wurubuaarɛ gɛdɛ ne i yɛgɛ Wurubuaarɛ gi kyu anyamesɛ sakyɔ yɛɛ mɔmɔ-asɛn dɔ i boran sa mɔ ne.

²⁰ Wurubuaarɛ gi yɛla nbara sa anyamesɛ de mɛ' nyɛ wu yɛɛ mɔmɔ-ilaa nyenyɛn giwɔra i tansi i kyɔ. To! Owi ɔbono anyamesɛ ilaa nyenyɛn giwɔra i kya nyaakyɔ mɔ, Wurubuaarɛ gitolon gibono ɔ kya kyu lɔɔ mɔ-rɛ asa nsana mɔ kee gi tansi gi kya nyaakyɔ gi kya don mɔmɔ-ilaa nyenyɛn mɔ.

²¹ Fɛɛ gɛnɔɔbono ilaa nyenyɛn giwɔra i kya nyɛ ɔlon anyamesɛ gɛkyɛna dɔ kaabore mɛ' nyɛ lɛwu mɔ, gɛnɛn kee ne Wurubuaarɛ laa yɛgɛ mɔ-gitolon gibono ɔ kya kyu lɔɔ mɔ-rɛ asa nsana mɔ gi laa nyɛ ɔlon anyamesɛ gɛkyɛna dɔ kaabore mɛ' nyɛ Wurubuaarɛ aɛ gɛkyɛna. I lii fɛɛ Wurubuaarɛ gi kyu aye yɛɛ aye-asɛn dɔ i boran kyu naa de aye-Wura Yesu Kirisito so.

6

Kirisito Gi Sa Aye Gɛkyɛna Pobɔɔ

¹ Ide faa mɔ, a' tɔgɛ yɛɛ mɛnɛ ne? A' tɔgɛ yɛɛ a laa kpɛ a kya wɔra ilaa nyenyɛn de Wurubuaarɛ gitolon gibono ɔ bo sa aye mɔ gi' nyɛ gi kya nyaakyɔ gi kya bola abɛɛ?

² Kuaa! Aye-gidebi dedaa gibono gi kya yɛgɛ a kya wɔra ilaa nyenyɛn mɔ gi ti wu'. Imɔso nɛɛ so ne a laa baa kii kyɛna sa ilaa nyenyɛn giwɔra?

³ Mɛ gyɛrɛ aye Wurubuaarɛ sagyɛrɛ mɔ, aye-rɛ Kirisito Yesu a wɔra nyamesɛ kolon. Imɔso fɛ mɛɲ nyi yɛɛ aye abono pɛwu mɛ gyɛrɛ aye gɛnɛn mɔ, i wɔra fɛɛ aye-rɛ Kirisito Yesu kee ne n wu' mɔ-lɛwu mɔ?

⁴ Kyu lii aye-gɛnɛn Wurubuaarɛ sagyɛrɛ ɔbono so mɔ, i wɔra fɛɛ aye-rɛ Kirisito a wu' ne mɛ pule aye-rɛ mɔ dabɔlɛ. Imɔso gɛnɔɔbono aye-sɛ Wurubuaarɛ gi kyu mɔ-ɔlon kyingi Kirisito lii ibuni dɔ de nyisigyɔ mɔ, i wɔra fɛɛ aye-rɛ mɔ ne o kyingi gɛnɛn de a' nyɛ kyɛna gɛkyɛna pobɔɔ.

⁵ Gɛnɔɔbono aye-rɛ Kirisito a ti nyɛ wu' dabɔlɛ faa mɔ, gɛnɛn kee ne a laa nyɛ de aye-rɛ mɔ a' kyingi kyɛna gɛkyɛna pobɔɔ dabɔlɛ ne.

⁶ A nyi yɛɛ ibono mɛ da Kirisito aɲanbi mada de oyii mɔɔ mɔ, i wɔra fɛɛ aye-gidebi dedaa mɔ kee ne mɛ da aɲanbi gɛnɛn, ne gɛnɛn gidebi dedaa

mɔ ɔlon ɔbono nkana ɔ kya yege a kya wɔra ilaa nyenyen mɔ kee i ta. I ba genen mɔ, aɲ baa wɔra nbide sa ilaa nyenyen giwɔra.

⁷ I lii fɛɛ isa ɔbono o wu' mɔ, ɔ nye mɔ-nyoro lii ilaa nyenyen giwɔra dɔ.

⁸ Aye-rɛ Kirisito a wu' dabɔlɛ faa mɔ, a sɔɔ gyi yeɛ aye-rɛ mɔ kee a laa kyena dabɔlɛ.

⁹ A nyi yeɛ gɛnɔɔbono Wurubuaarɛ gi kyingi Kirisito lii ibuni dɔ faa mɔ, Kirisito maɲ baa kii wu'. Lewu mɛɲ baa ɔ bo ɔlon ɔko mɔ so.

¹⁰ Lewu ɔbono o wu' mɔ, o wu' daa gikolon de ɔ' nye gyi ilaa nyenyen giwɔra so gekpaa. Gekyena pobɔrɔ gebono ɔ nye ɔ tɛ faa mɔ, ɔ tɛ sa daa Wurubuaarɛ.

¹¹ Imɔso fɛye kee fɛ' kyu fɛye-nyoro yeɛ fɛye-gidebi dedaa gibono gi kya yege fɛ kya wɔra ilaa nyenyen mɔ gi wu' kee, ne fɛ san fɛ tɛ sa daa Wurubuaarɛ kyu naa de fɛye-rɛ Kirisito Yesu ginyamesɛ kolon mɔ so.

¹² Fɛɲ' baa yege ilaa nyenyen giwɔra i' nye ɔlon fɛye-nyoro dɔ. Fɛye-nyoro gi laa baa wu' gekaako daa. Fɛɲ sa fɛ' kyule yeɛ nmo-gelaarɛ ilaa ne i' gyi fɛye-amu.

¹³ Fɛɲ baa kyu fɛye-nyoro getɛɛko kyu sa ilaa nyenyen giwɔra de fɛ' wɔra ilaa nyenyen. Fɛ' kyu fɛye-nyoro fue sa Wurubuaarɛ fɛɛ asa abono fɛ kyingi lii ibuni dɔ baa nye gekyena pobɔrɔ mɔ. Fɛ' kyu fɛye-nyoro geten kamaase kyu sa Wurubuaarɛ de i' yege fɛ' gyi gesintin sa mɔ.

¹⁴ Fɛ kya wɔra genen mɔ, ilaa nyenyen giwɔra i maɲ baa nye ɔlon fɛye so. I lii fɛɛ iɲ baa i gye Wurubuaarɛ nbara mɔ ne n baa gi dɛ fɛye. I gye daa Wurubuaarɛ gitolon gibono ɔ kya kyu lɔrɔ mɔ-rɛ asa nsana mɔ ne n san gi dɛ fɛye.

Fɛ' Wɔra Fɛye-Nyoro Fɛɛ Nbide Sa Ilaa Dɛnsɛ Giwɔra

¹⁵ Ibono iɲ baa i gye Wurubuaarɛ nbara so ne a nye aye-rɛ mɔ nsana i lɔrɔ, ne i gye mɔ-gitolon so faa mɔ, a' tɔge yeɛ a laa san wɔra ilaa nyenyen a kya kpe a kya ba? Wurubuaarɛ ɔ' kpare fue!

¹⁶ Nengyene fɛ kyu fɛye-nyoro sa ɔko fɛ kya nu mɔ-gɛdɛ mɔ, fɛ mɛɲ nyi yeɛ fɛ gye nbide sa kaase mɔ ne? Nengyene fɛɛ fɛ kyu fɛye-nyoro kyu sa ilaa nyenyen giwɔra mɔ, i laa yege fɛ laa fue fɛye-lewu gemara. Ne fɛ kyu fɛye-nyoro sa Wurubuaarɛ fɛ kya nu mɔ ase mɔ, i laa yege fɛ laa nye gyi gesintin.

¹⁷ Afaala a gye Wurubuaarɛ-lɛɛ. I kya nyiile yeɛ nkana fɛ gye daa nbide sa ilaa nyenyen giwɔra. Idɛ kon bɛrɛ, ɔ yege asa mɛ baa nyiile fɛye Yesu ilaa ne fɛ san fɛ kya gyi imɔ so lii fɛye-asen dɔ.

¹⁸ Fɛ nye fɛye-nyoro lii ilaa nyenyen giwɔra dɔ ne. Fɛ san fɛ gye nbide sa daa gesintin gigyɪ.

¹⁹ Nɛ wu yeɛ i bo lon sa aye anyamesɛ de a' nu Wurubuaarɛ ilaa gesɛ. Imɔso ne nɛ kyu kɛsɛrɛ de anyamesɛ gekyena dɔ ilaa mɔ. Owi ɔko dɔ mɔ, nkana fɛ dɛ fɛye-nyoro nten kpei-kpei fɛ kya wɔra ilaayan de ilaa nyenyen-ana ibono i kpe i kya nyaakyɔ i kya too mɔ. Idɛ kon bɛrɛ, fɛ' kyu fɛye-nyoro nten kpei-kpei sa gesintin gigyɪ de fɛye-asen dɔ a' nye lɔrɔ fuuli too.

²⁰ Owi ɔbono fɛ gye nbide sa ilaa nyenyen giwɔra mɔ, gesintin gigyɪ iɲ fɛ fɛye-giso.

²¹ Ilaa nyenyen ibono fɛ wɔra genen owi ɔbono dɔ mɔ, mɛnɛ agyan ne fɛ nye lii imɔ dɔ? Iɲ gye idɛ kon fɛ kya nyingi imɔ mɔ, i kya wɔra fɛye ipeeli? Nkana imɔ-laalaalogɛ mɔ, i laa yege fɛ laa fue fɛye-lewu gemara.

²² Nperε bere, Wurubuaare gi mɔlεge fεye lii ilaa nyenyen giwɔra dɔ, ne fe bingiri mɔ-lεε nbide. Ide kon ne fe kya nye agyan. Agyan mɔ ne n gye yεε Wurubuaare kya lɔrɔ fεye de fεye-asen dɔ a' lɔrɔ fuuli too. Ne laalaaloge mɔ, fe laa nye kyena mɔ ase gεkpa-a-gεkpa-a.

²³ I lii fεε agyan abono nyamεse laa nye lii mɔ-ilaa nyenyen giwɔra dɔ mɔ ne n gye ɔ laa fue mɔ-lεwu gεmara. Ilaa kyεεε ibono Wurubuaare kya kyεε nyamεse kyu naa de aye-Wura Kirisito Yesu so mɔ bere, ne n gye ɔ laa nye Wurubuaare ase gεkyena gεkpa-a.

7

A' Kyu Nbara Ilaa Kyu Kesere De Gedena Ilaa

¹ Me-nanboana Yesu asonbo, fεye abono fe nyi Wurubuaare nbara mɔ ne n kya tɔge ilaa ide mi-i sa. Ilaa ibono n kya laare n' tɔge mɔ ne n gye yεε owi obono nyamεse san ɔ te de ansi mɔ ne i kaabore o' gyi Wurubuaare nbara mɔ so.

² I de daa fεε gedena. Nengyene okyii gi dena mɔ, nbara gi kya ηminde mɔ ibono mɔ-kuli ne ɔ laa sii de kaabore mɔ-kuli mɔ o' wu' pei de o' lɔɔ nye okpa kii dena onyen banban.

³ Owi obono mɔ-kuli mɔ san ɔ te de ansi ne ɔ kpa-a dena onyen banban getεsko mɔ, ɔ lii mɔ-kuli gεmara ne. Nengyene mɔ-kuli mɔ gi wu' bere mɔ, san kyu lii genen owi obono kyu kyon mɔ, ɔ nye mɔ-nyoro lii genen gedena nbara nbono dɔ. Nfono mɔ, nengyene ɔ kya laare mɔ, ɔ laa taale kii dena onyen banban kon. In gye yεε ɔ lii mɔ-kuli gεmara ne.

⁴ Me-nanboana Yesu asonbo, genen kee ne fe nye fεye-nyoro lii Wurubuaare nbara mɔ dɔ ne. I lii fεε kyu naa de Kirisito lεwu mɔ so mɔ, fεye kee fe wu' lii Wurubuaare nbara mɔ-lεε gεkyena mɔ dɔ. Nperε mɔ, i wɔra fεε fe nye okuli pobɔrɔ fe dena ne. Mɔ ne n gye Kirisito. Wurubuaare gi kyingi mɔ lii ibuni dɔ sa aye de aye-re mɔ ginyamεse kolon mɔ so mɔ, a' nye wɔra ilaa ibono i laa gyi Wurubuaare ginsi fεε genɔobono oyii kya sɔrɔ abi mɔ.

⁵ Owi obono a san a naa de anyamεse-lεε olon mɔ, nbara mɔ gi kya yege aye-obole kya kyɔle ilaa nyenyen giwɔra so. Genen ne nkana ilaa nyenyen giwɔra i kya nye okpa wɔra gesun aye-nyoro dɔ ne i kya yege a' wɔra ilaa ibono i laa yege a laa fue aye-lεwu gεmara.

⁶ Ide kon bere, i wɔra fεε a wu' lii nbara mɔ gεkyena dɔ. Imoso a nye aye-nyoro lii nmo dɔ, ne a san nye okpa pobɔrɔ a kya son Wurubuaare. In baa i gye dedaa nbara nbono me ηmarase yela mɔ so ne a laa gyi. Wurubuaare Odudu mɔ ne n san ɔ kya nyiile aye genɔobono a laa son Wurubuaare mɔ.

Nbara Mɔ Gi Nyiile Anyamεse Ilaa Ibono I Gye Ilaa Nyenyen Mɔ

⁷ Mene ne a laa san tɔge ne? A' tɔge yεε Wurubuaare nbara mɔ, mɔ, gi gye ilaa nyenyen abεε? Kuaa! Naafɔ i mεη gye Wurubuaare nbara mɔ so mɔ, nkana n te faa, maη bii ilaa ibono i gye ilaa nyenyen mɔ. Fεε nbara mɔ gi mεη tɔge yεε, "Gεη sa fo' yege fo-ansi a pεere oko-ilaa so" mɔ, maη bii yεε onsipara gye ilaa nyenyen.

⁸ Ilaa nyenyen i naa de nbara nde so ne i nye okpa i kya yege me-obole kya kyɔle ilaa nyenyen kpεi-kpεi giwɔra so. Ne fεε nbara gin bo no mɔ, nkana ilaa nyenyen i maη nye genen okpa obono.

⁹ Abere abono mεη nyi Wurubuaare nbara mɔ mɔ, me-gisen gi te me geten kolon Wurubuaare ase. Owi obono ne san baa bii ilaa ibono

Wurubuaare nbara mo gi kya nyiile mo, nfono ne ne wu yee ilaa nyenyen giwora ne n' te n sa,

¹⁰ ne i kya kperɛ me daa lewu nyɔse do. Imoso nbara nbono Wurubuaare gi yela yee nkana gi' kpaɛ me de n' nye mo ase gekyena mo, ne n san yege genen gekyena gebono ge lii me-gibaa.

¹¹ I lii fee ilaa nyenyen i naa de Wurubuaare nbara mo so penɛ me, ne ne wɔra ilaa nyenyen. Ne wɔra ilaa nyenyen mo, i yege Wurubuaare gi naa de mo-nbara mo so bun me gipueɛ, ne ne wɔra fee ne wu' n naa.

¹² Imo-ɛ imo genen gbaa mo, a nyi yee Wurubuaare gbaa-gbaa ne n yela genen nbara nde sa aye. Ilaa kamaase ibono o ka sa aye yee a' wɔra mo, i kyena, ne i boran. Ilaa nyenyen iko in bo imo do.

¹³ Mo, i laa nyiile yee ilaa ibono i boran mo ne n kii yege ne wɔra fee ne wu' n naa faa abee? Kuaa! I gye daa ilaa nyenyen giwora ne n naa de Wurubuaare nbara nbono gi gye ilaa dense mo so ne i yege me-okyenaten Wurubuaare ase mo gi lii me-gibaa genen. Genen ne n kya yege ne asa me kya nye bii genobono ilaa nyenyen i de mo. Wurubuaare nbara mo gi gye ilaa dense so mo, ilaa nyenyen giwora i kya lii gewi ne okamaase kya nye wu yee in tansi i boran baa pii faa.

Ilaa Nyenyen Giwora I Kyu Me Wɔra Imo-Gebide

¹⁴ A nyi yee Wurubuaare nbara mo gi gye Wurubuaare Oduduu mo ilaa. Mi-i me mo, n gye daa nyamese oyuduu, men bo olon oko me-gibaa so. Imoso ne ilaa nyenyen giwora i nye kyu me wɔra imo-gebide faa.

¹⁵ Men kya nu ilaa ibono n kya wɔra mo gese. Fo laa kere mo, ilaa ibono n kya kyo mo, imo ne n' kya wɔra. Men kya wɔra ilaa ibono i gye me-gelaare mo.

¹⁶ Fee ne bii ye ilaa ibono ne wɔra faa in boran mo, i kya nyiile yee ne kyule yee Wurubuaare nbara mo gi boran ne.

¹⁷ Genobono i de faa, i men gye me gbaa-gbaa ne n kya wɔra imo. I tansi i gye daa ilaa nyenyen gewonsa gebono ge bo me do mo ne n kya yege me n kya wɔra imo genen.

¹⁸ N nyi yee me-gibaa so mo, men bo lon de n' taale wɔra ilaa dense iko. I lii fee nkana i gye me-gelaare yee n' wɔra ilaa ibono i boran mo. Men kii mi-i taale.

¹⁹ Ilaa dense ibono i gye me-gelaare mo, men kya wɔra imo ibono. Ilaa nyenyen ibono nkana i men gye me-gelaare mo, imo ne n' kya wɔra.

²⁰ Ibono n kya wɔra ilaa ibono i men gye me-gelaare mo, in baa i gye me ne n kya wɔra imo. Ilaa nyenyen gewonsa gebono ge bo me do mo ne n kya yege n kya wɔra imo genen.

²¹ Ne wu yee owi kamaase mo genen ne i kya ba ne. N kya laare n' wɔra ilaa dense mo, ilaa nyenyen ne n kya wɔra gesun me do.

²² Nkana me-oduduu de me-gewonsa do mo, Wurubuaare nbara mo gi kya da me obole gikyo.

²³ N kya kere me-nyoro do mo mo, n kya wu yee ilaa iko i kya ko de nbara nbono me-nwonsa gi kya nyiile me yee gi boran mo. I wɔra fee ilaa nyenyen ibono i kya wɔra gesun me-nyoro do mo ne n nminde me ne men kya nye me-nyoro genen.

²⁴ Me-ilaa i bo ayen. Ane ne nan mɔlegɛ me lii me-nyoro gibi gibono gi kya mo me faa do ne?

²⁵ N kya faala Wurubuaare yee kyu naa de aye-Wura Yesu Kirisito so mo, o laa mɔlegɛ me!

Fɛɛ gɛnɔɔbono nɛ tɔgɛ kyon mɔ, mɛ-gɛwɔnsa dɔ mɔ, i kya wɔra mɛ yɛɛ n' wɔra gɛbide sa Wurubuaarɛ nbara mɔ. I san gɛnɔɔbono nan lɛɛ wɔra mɛ-gibaa so mɔ, mɛn kii mi-i taalɛ. I yɛgɛ nɛ san bingiri gɛbide sa daa ilaa nyenyɛn giwɔra.

8

Wurubuaarɛ Oduduu Mɔ ɔlon Gi Yɛgɛ Nɛ Nyɛ Me-Nyoro

¹ Imɔso idɛ kon Wurubuaarɛ maŋ baa bun asa abono mɔmɔ-rɛ Kirisito Yesu mɛ wɔra nyamesɛ kolon mɔ gipueɛ.

² I lii fɛɛ Wurubuaarɛ Oduduu mɔ ɔlon kya yɛgɛ nyamesɛ kya nyɛ Wurubuaarɛ asɛ gɛkyɛna ɔnan kyu naa de mɔ-rɛ Kirisito Yesu ginyamesɛ kolon mɔ so. Genɛn ɔlon ɔbono so nɛ a nyɛ aye-nyoro faa. Imɔso ilaa nyenyɛn ɔlon ɔbono nkana i kya nyɛ aye so mɔ i maŋ baa nyɛ lɛɛ Wurubuaarɛ asɛ gɛkyɛna ɔnan mɔ lii aye-abaa dɔ.

³ Wurubuaarɛ gbɛaa-gbɛaa nɛ n wɔra ilaa ibono nkana mɔ-nbara mɔ gi mɛn taalɛ wɔra sa aye mɔ. I kya nyiile yɛɛ kyu lii aye anyamesɛ-lɛɛ oyuduu mɔ so mɔ, nkana aŋ bo lon de a' gyi mɔ-nbara mɔ so. Imɔso gɛnɔɔbono Wurubuaarɛ gi san wɔra imɔ mɔ nɛ n gyɛ yɛɛ o sun mɔ gbɛaa-gbɛaa mɔ-bi nɛ ɔ ba gɛsinkpan so baa wɔra nyamesɛ fɛɛ aye-oyuduu. Ilaa nyenyɛn giwɔra i kya naa de anyamesɛ-lɛɛ oyuduu so wɔra imɔ-gesun. Imɔso Wurubuaarɛ gi naa de mɔ-bi mɔ ginyamesɛ oyuduu mɔ so kyu bun ilaa nyenyɛn giwɔra gipueɛ.

⁴ Wurubuaarɛ gi wɔra genɛn daa de a' nyɛ taalɛ wɔra ilaa dɛnsɛ kamaasɛ ibono mɔ-nbara gi kya nyiile aye yɛɛ a' wɔra mɔ. Aye abono n darɛ mɔ nɛ n gyɛ abono aŋ baa a naa de anyamesɛ-lɛɛ ɔlon so nɛ a san a naa daa de Wurubuaarɛ Oduduu mɔ ɔlon mɔ dɔ mɔ.

⁵ Abono mɛ naa de anyamesɛ-lɛɛ ɔlon mɔ so mɔ, mɛ kya kyu mɔmɔ-nwɔnsa kyu gyan daa anyamesɛ-lɛɛ ilaa wolɛ so. Abono, mɔ, mɛ naa de Wurubuaarɛ Oduduu mɔ ɔlon mɔ so mɔ, mɔmɔ bɛrɛ, mɛ kya kyu mɔmɔ-nwɔnsa gyan daa Wurubuaarɛ Oduduu mɔ ilaa so.

⁶ Nɛngyɛnɛ fo ɔko fo kyu fo-gɛwɔnsa kyu gyan anyamesɛ-lɛɛ ilaa wolɛ so mɔ, i laa yɛgɛ fo laa fuɛ fo-lɛwu gɛmara. Fo kyu fo-gɛwɔnsa kyu gyan Wurubuaarɛ Oduduu mɔ ilaa so bɛrɛ mɔ, i laa yɛgɛ fo laa nyɛ gisɛn yuuli de Wurubuaarɛ asɛ gɛkyɛna ɔnan.

⁷ I kya nyiile yɛɛ fo ɔbono fo-gɛwɔnsa gɛ gyan anyamesɛ-lɛɛ ilaa wolɛ so mɔ, fo genɛn gɛwɔnsa gɛbono so mɔ, fo-rɛ Wurubuaarɛ fɛ maŋ loo. Fo maŋ gyi mɔ-nbara mɔ so, nɛ gɛsintin mɔ fo maŋ taalɛ kee.

⁸ Genɛn kee nɛ abono mɛ naa de anyamesɛ-lɛɛ ɔlon so mɔ, mɛ maŋ taalɛ gyi Wurubuaarɛ ginsi.

⁹ Fɛyɛ bɛrɛ, nɛngyɛnɛ i gyɛ gɛsintin yɛɛ Wurubuaarɛ Oduduu mɔ tɛ fɛyɛ dɔ mɔ, fɛn baa fɛ naa de anyamesɛ-lɛɛ ɔlon so nɛ. Wurubuaarɛ Oduduu mɔ nɛ n san ɔ dɛ fɛyɛ ɔ naa. Fo ɔbono Kirisito Oduduu mɔ mɛn tɛ fo dɔ mɔ, foŋ gyɛ Kirisito isa nɛ.

¹⁰ Fo ɔbono fo ti nyɛ Kirisito tɛ fo dɔ mɔ, i bo no yɛɛ lɛwu dɛ sa fo-nyoro gibi mɔ fɛɛ gɛnɔɔbono ɔ dɛ sa aye anyamesɛ pɛwu kyu lii ilaa nyenyɛn giwɔra so mɔ. Imɔ genɛn gbɛaa mɔ, bii yɛɛ fo ti fo bo Wurubuaarɛ asɛ gɛkyɛna ɔnan nɛ. I lii fɛɛ Wurubuaarɛ gi kyu fo yɛɛ fo-gisɛn dɔ i boran sa mɔ.

¹¹ Nɛngyɛnɛ i gyɛ gɛsintin yɛɛ Wurubuaarɛ ɔbono o kyingi Kirisito Yesu lii ibuni dɔ mɔ Oduduu mɔ tɛ fo dɔ mɔ, genɛn Wurubuaarɛ kolon ɔbono

o wolaa kyingi Yesu mo laa kyingi fo-nyoro gibi mo kee lii ibuni do. Mo-Oduduu te fo do daa ne o laa naa de mo so kyu kyingi fo.

¹² Me-nanboana Yesu asonbo, ilaa ibono ne toge faa pewu so mo, in kaabore a' baa naa de aye-anyamese lee olon mo so.

¹³ Fo obono bere, fo laa naa de anyamese-lee olon so mo, Wurubuaare ase gekyena mo ge laa lii fo-gibaa. Fo obono, mo, kyu naa de Wurubuaare Oduduu mo so ne fo kya kine ilaa nyenyen ibono fo-nyoro gibi gi kya laare fo' wora mo, fo laa nye Wurubuaare ase gekyena.

¹⁴ I kya nyiile yee asa abono pewu me kya buu Wurubuaare Oduduu mo okpa obono o kya nyiile momo mo, momo ne n gye Wurubuaare mo-biana gesintin.

¹⁵ Feye abono fe kyu feye-nyoro kyu too Yesu so mo, Oduduu obono fe nye lii Wurubuaare ase mo man yeye fe' kii wora afuubo fee nbide nbono gi sele nmo-wuraana mo. Wurubuaare Oduduu obono fe nye mo gi yeye feye-re Wurubuaare fe wora fee ose mo-re mo-biana. Genen Oduduu obono ne n kya yeye ne a kya taale tere Wurubuaare yee, "N-se, n-se!" mo.

¹⁶ Wurubuaare Oduduu mo kya tonge sa aye aye-asen do de a' bii yee gesintin a gye Wurubuaare mo-biana.

¹⁷ Wurubuaare Oduduu mo kya yeye a kya bii kee yee ilaa ibono o laa kyu sa mo-bi Kirisito mo, o laa yeye aye-re mo a' dabole de a' nye genen ilaa ibono. Pei de a' loo nye genen ilaa ibono mo, i gye ibono a laa wu aworofoo fee Kirisito-lee mo onan de gemara mo, a' nye mo-nyisigi mo onan kee.

Wurubuaare Laa Yeye A Laa Baa Nye Nyisigi

¹⁸ Ne kere pewu faa mo, gekyena gede do aworofoo abono a kya wu mo, a man taa fo nyisigi obono Wurubuaare laa baa sa aye geakaako mo ba-a pi-i.

¹⁹ Genen nyisigi baare so mo, i kya da ilaa ibono pewu Wurubuaare gi lee mo kpa-kpa yee Wurubuaare o' lee asa abono me gye mo-biana mo gewi nyiile.

²⁰ Npere bere mo, o yeye mo-ilaa leese kamaase i kya kpon. I men kya lii imo gbaa-gbaa ase yee nkana i' kpon genen. I lii daa mo ase. Mo-ansi a gyan ilaa iko so.

²¹ I lii fee geakaabono o laa yeye mo-biana me' nye momo-nyoro lii aworofoo do de me' nye nyisigi mo, o laa yeye mo-ilaa leese pewu kee i' nye imo-nyoro de in baa wu' gyo de imo kee i' nye nyisigi.

²² A nyi yee ilaa kamaase ibono Wurubuaare gi lee mo, i kya yiyee baa lii de nde, fee genobono gedun ge kya tu okyii ne o kya yiyee mo.

²³ Dabole aye abono Wurubuaare gi kyu mo-Oduduu mo kyu kyee aye mo gbaa a kya yiyee. Wurubuaare Oduduu mo ne o daa gikyu sa aye de i' lee nyiile aye yee a laa nye geakaako-lee nyisigi kee. A san a te a gyoo daa geakaabono Wurubuaare laa yeye i' lii gewi yee aye ne o kyu yee a' wora mo-biana gesintin mo. I lii fee o laa yeye aye-nyoro gibi mo gi' kyingi de gi' nye nyisigi.

²⁴ Genobono Wurubuaare gi molege aye ne o kyu aye yee a gye mo-biana mo, i yeye aye-ansi a gyan ilaa ibono o laa kii wora sa aye geakaako mo so. Naafa a ti nye ibono aye-ansi a gyan imo so mo, nkana in baa tiri yee a' baa kii kere imo-okpa. Ane ne nan kii kyena kere ilaa ibono o ti o kya wu mo okpa?

²⁵ Genobono i de faa, aye-ansi a gyan ilaa dense ibono a men ti wu kere mo so, ne a nye gisen a te a gyoo imo kaabore i' baa yii aye-gibaa.

²⁶ Wurubuaare Oduduu mo kee kya kpaa aye ibono an bo lon mo so. A men nyi gedalaa fee genobono i kaabore a' dalaa mo. Imoso Wurubuaare Oduduu mo gbaa-gbaa ne n kya dalaa o kya kole Wurubuaare o kya kpaa aye. O kya dalaa mo, o kya songa foo-foo, ibono nyamese man bii imootgebi.

²⁷ Wurubuaare obono o nyi nyamese gisen do ilaa mo bere kya bii ilaa ibono Wurubuaare Oduduu mo dare mo. I kya nyiile yee Wurubuaare Oduduu mo kya dalaa kole ilaa sa aye abono Wurubuaare gi loro aye yela sa mo-nyoro mo, o kya dalaa daa naa de Wurubuaare gelaare so.

²⁸ Fee genobono a nyi mo, ilaa kamaase ibono i kya ba mo, Wurubuaare kya kyu imo pewu wora gesun de i' bara ilaa dense sa abono me kya laare mo-ilaa mo. Momo ne n gye abono o toge omo yee me' kyu momo-nyoro sa mo genobono i laa nye kyena de mo-gewonsa gebono o wolaa sa yela mo.

²⁹ I kya nyiile yee pei de o' lee ilaa kamaase mo, o wolaa bii asa ako, ne genen asa abono ne o toge yela yee me laa baa wora fee mo-bi mo onan de mo-bi mo, mo, o' wora odaa sa asa saky.

³⁰ Imoso momo abono Wurubuaare gi wolaa toge yela yee me laa wora fee mo-bi mo mo, momo kee ne o toge yee me' kyu momo-nyoro sa mo. Abono o toge omo genen mo, momo kee ne o kyu yee momo-gisen do i boran sa mo. Abono o kyu omo genen mo, momo kee ne o laa kyu mo-nyisigy mo sa.

Wurubuaare Gi Tansi Laare Aye-Ilaa Kyu Naa De Yesu So

³¹ To! A toge genen ilaa ide faa mo, mene ne n baa san? Nengyene Wurubuaare yele aye-gemara mo, ane ne nan taale ko de aye?

³² Wurubuaare men kine yee o man kyu mo-bi gbaa-gbaa kyu sa de o' wu' sa aye pewu faa mo, fe men nyi yee o laa bugi mo-gisen kyu ilaa dense kamaase kee kyu bola aye?

³³ Aye abono Wurubuaare gi lee gibaa yii yee o laa loro aye yela sa mo-nyoro mo, ane ne nan taale toge yee a bo ilaa nyenyen? Wurubuaare gbaa-gbaa ne n ti nye kyu aye yee aye-asen do i boran faa mo,

³⁴ ane ne nan baa bun aye gipuee? Kirisito Yesu abee? Mo ne n wu' sa aye, ne o kyingi lii ibuni do sa aye. O te Wurubuaare gibaa gyise so o kya gyi gewura, ne mo kee ne n gye obono o kya de Wurubuaare gisere o kya sa aye.

³⁵ Mene ne nan tu aye ne Yesu Kirisito man baa laare aye-ilaa? Geiyee abee aworofoo abee me laa ka aye-ansi, abee akon, abee ayen, abee gensipeere, abee asa me laa mo aye daa, fe nyi yee imo ide do iko i laa taale yee Yesu on baa laare aye-ilaa?

³⁶ Me nmarase ilaa ide onan yela Wurubuaare agyebi mo do yee, "Wurubuaare, fo so mo, owi kamaase do mo asa me kpe ma-a laare aye-imooten daa.

Imoso a de daa fee isande ibono me toge yela yee me laa mo mo mo."

³⁷ Imo ide pewu do mo, a nyi yee Kirisito kya laare aye-ilaa. Kyu naa de mo so ne a kya ko lii imo ikamaase do.

³⁸ N tansi n nyi me-gisen do yee sei-sei man taale yee Yesu on baa laare aye-ilaa. Lewu-o, nkpa-o, Wurubuaare do isoo-o, ilaa ibonoana pewu i kya nye olon anyamese so mo-o, ilaa ibono i laa ba nde-nde daa-o, oke abee okaamara ilaa daa-o,

³⁹ i bo daa gesinkpan gese-o, i bo soso daa-o, abee Wurubuaare ilaa leese sense ibono i san mo pewu mo daa-o, imo iko-re iko i man taale yee

Wurubuaare ɔŋ baa laare aye-ilaa. Ɔ laa kpe ɔ kya laare aye-ilaa kyu naa de aye-Wura Kirisito Yesu so.

9

Wurubuaare Gi Lee Yii Mo-Ade Isirale Awura Mo

¹ Kyu lii me-re Kirisito ginyamese kolon mo so mo, n nyi yee ilaa ibono nan baa toge faa i gye gesintin. Men kya kee abon. Wurubuaare Oduduu mo kee kya yege n' bii me-gisen do yee i gye gesintin.

²⁻³ Ibono me-ade Isirale awura men kyule ka gyan Kirisito so de me' nye Wurubuaare amolege so mo, momo-ilaa i tansi i bo me ayen, ne me-gisen gi kya dee me owi kamaase do momo so. Naafu i laa sa de i' kyu me kyu kyare momo de me' nye Wurubuaare amolege mo mo, nkana nan kyule yee Wurubuaare ɔ' toge nno wora me de ɔ' kyade me-lee owole fue lii Kirisito ade do de i' kyu momo kyu yii me-giyaa. I kya nyiile yee me-re momo a gye daa nkalan kolon.

⁴ Isirale awura ne Wurubuaare gi lee yii yee me' wora mo-asonbo. Momo kee ne ɔ lee mo-nyisigyii mo gewi nyiile. Ɔ yege mo-re momo me wora geno gikpado gifonee, ne momo-abaa do ne o kyu mo-nbara mo kyu wora. O nyiile momo genocobono me' kyu son mo mo. Ɔ ka ilaa dense yela sa momo.

⁵ Momo-adedaabo gyangbarase me wora asa gbaa'gbaa Wurubuaare ase. Momo-opaa do ne me koroge obono ɔ kya yege asa me' nye Wurubuaare ase gekyena mo. Ɔ gye Wurubuaare obono ɔ kya gyi gewura ilaa kamaase so. Ayenbi a' wora mo-lee gekpaa-gekpaa. I' ba genen.

In Gye Aberaham Opa Dɔ Awura Pewu Ne N Gye

Mo-Anaanabi Gesintin

⁶ To! Imoso Wurubuaare man baa wora ilaa ibono ɔ ka yela sa Isirale awura mo? Ɔ laa wora! In gye momo pewu bere ne ɔ laa wora imo sa. I lii fee i men gye Isirale anaanabi mo pewu ne n gye Isirale awura gesintin.

⁷ I men gye Aberaham opa do pewu kee ne n gye mo-anaanabi gesintin. I lii fee Wurubuaare gi toge sa Aberaham yee,
"Kyu naa de fo-bi Ayisiki so ne fo laa nye anaana de anaana-anaana-ana abono ne ka yela sa fo mo."

⁸ Agyebi ade gese ne n gye yee Wurubuaare men kale nbii nbono Aberaham gi koroge mo pewu yee me gye mo Wurubuaare mo-biana gesintin. Nbii nbono Wurubuaare gi wolaa ka yela sa Aberaham mo wole ne Wurubuaare gi kyu yee me gye Aberaham mo-biana gesintin.

⁹ Wurubuaare geno do agyebi abono o ka yela sa Aberaham mo ne n gye yee,
"Gesi geko fafaanan abere n' baa kii ba mo,
fo-ka Sara de gebii nyensee."

¹⁰ In gye imo ide wole. Genen gebii nyensee mo ne n gye aye-naana Ayisiki. Aye-naana Ayisiki baare gi kyu okyii, me kya tere mo yee Rebeka. Rebeka gi koroge ataana sa mo. Me gye anyen. Yege nbii mo gi dabole gi gye onyi kolon ose kolon faa mo,

¹¹⁻¹² owi obono gi san gi bo momo-nyi ɔto do mo, Wurubuaare gi toge sa momo-nyi yee,
"Fo-nbii mo do mo, obelense mo laa kisee son opii mo."

Genen abere abono pewu mo, nbii nde gin ti lii gifulu de gi' wora ilaa dense abee ilaa nyenyen. Wurubuaare gi toge genen ilaa ide sa onyi mo de i' lee nyiile yee ɔ kya lee yii asa genocobono i laa kyena de mo-gewonsa gebono

o wolaa sa yela mɔ. In gye asa ilaa wɔrase so; Wurubuaare ne n kya toge yee o lee yii isa daa ne i kya ba genen.

¹³ Me nmarase Wurubuaare agyebi ako kyu lii nbii nde so yela yee, "Ne laare Gyeekɔpo ilaa. Isawu bere ne kyo mɔ."

Wurubuaare Kya Wɔra Ilaa Imɔ-ɔkpa So

¹⁴ Imɔ ide faa mɔ, nne ne a laa toge ne? A' toge yee Wurubuaare men kya wɔra mɔ-ila ilaa imɔ-ɔkpa so abee? I men gye genen.

¹⁵ I de daa fee genɔɔbono Wurubuaare gi toge sa Mosisi mɔ. Wurubuaare gi toge sa mɔ yee,

"ɔbono n kya laare n' su mɔ gitolon mɔ, mɔ ne nan su gitolon, ne isa ɔbono mɔ-ila i bo me ayen ne i gye me-gelaare yee n' kpa mɔ mɔ, mɔ ne nan kpa."

¹⁶ Imɔso i men gye nyamese gelaare ilaa abee mɔ-ila wɔrase so ne Wurubuaare kya kere de o' kpa mɔ. I kya lii daa Wurubuaare ɔbono o kya su asa gitolon mɔ ase.

¹⁷ Wurubuaare agyebi do mɔ me nmarase ilaa ibono Wurubuaare gi toge sa Igyipiti wura oko yee,

"Me ne n yege fo' gyi gewura.

Nan yege ilaa ibono i laa tu fo mɔ

i' lee me-olon gewi nyiile asa

de me' lee me-ginyen gesinkpan so geten kamaase."

¹⁸ Imɔso asa abono Wurubuaare gi toge yee o laa su mɔmɔ gitolon mɔ, mɔmɔ ne o kya su gitolon, ne abono o toge yee me' wɔra gisolon mɔ, mɔmɔ ne nan wɔra gisolon.

Fo Laa Soɔ Akyɔɔle De Wurubuaare?

¹⁹ Feye do oko laa taase me yee, "Ne genen ne i de bere mɔ, nne so ne Wurubuaare laa baa toge yee a bo ilaa nyenyen? I lii fee ane ne n bo no o laa taale kine Wurubuaare gelaare?"

²⁰ N' kisee taase kaase mɔ kee yee, "Fo nyamese fo ne n gye ane, fo laa soɔ akyɔɔle de Wurubuaare?" Gelɔbi ge man taale taase gemɔ-ɔpɔɔbo yee, "Mene n wɔra ne fo pɔɔ me genen?"

²¹ ɔpɔɔbo mɔ bo ɔkpa gebɔle mɔ so de o' taale ye gemɔ-gisodoo kolon do de o' kyu gibaafon kyu pɔɔ ilaa ibono me kya kyu gyi nke bele mɔ de o' kyu gibaafon nyɔse mɔ kyu pɔɔ ilaa ibono me kya keda nke yanyanse mɔ.

²² Genen kee ne Wurubuaare ilaa wɔrase i de ne. O bo ɔkpa de o' lee mɔ-ginyadon de mɔ-olon nyiile asa. Imɔ genen gbaa mɔ, o nye gisen bele sa asa abono o de mɔ ginyadon ne nkana me kaabore o' biide mɔmɔ-giso gekpaa-gekpa mɔ.

²³ O nye gisen genen daa de o' nye lee mɔ-nyisigyi bele nyiile asa abono o laa su mɔmɔ gitolon mɔ. O wolaa lɔɔ genen asa abono yela yee o laa sa mɔmɔ mɔ-nyisigyi bele.

²⁴ Aye ne n gye genen asa abono o toge yee a' kyu aye-nyoro sa mɔ. I men gye yee aye genen asa abono pewu a gye Gyuda awura. Aye do ako me gye asa kpei-kpei kee.

²⁵ Wurubuaare gi toge genen ilaa ide onan sa mɔ-ikalan otogebo Hoseeya, ne o nmarase imɔ yela mɔ-ɔwɔle do yee,

"Asa abono nkana me men gye me-ade mɔ,

ide kon bere nan tere mɔmɔ yee 'me-ade'.

Abono nkana men laare mɔmɔ-ila mɔ, nan toge sa mɔmɔ yee,

'Ide kon bere n kya laare feye-ila.' "

- 26 Hoseeya gi kii nmarase m-owole m do kee yee,
 "Nfono Wurubuaare gi toge sa momo yee, 'Fen gye me-ade' mo,
 nono kee ne Wurubuaare obono o bo no adaa-adaa m
 laa kisee toge sa momo yee, 'Fe gye me-biana'."
- 27 Isaya gi wu Isirale awura ilaa toge yela yee,
 "Isirale awura ne n kine me nyaakyo
 fee apoo gigengen so ginesii m,
 momo do asa kalese ne Wurubuaare laa mlege
 de me' nye okyenaten m ase."
- 28 Wura Wurubuaare laa gyi anyamese pewu nbele m,
 ilaa ibono o laa toge nbele m do m, imo ne o laa wora.
 O man yeye i' keela."
- 29 I de daa fee ilaa ibono Isaya gi wolaa wu toge kee m. O toge yee,
 "Nengyene Wura Wurubuaare Ololonbo m
 o menan taa anaanabi kalese ako yeye sa aye m,
 nafo ofaan an aye-oyuduu gi sii
 fee Sodom de Gomora isowole-lee m onan."

Gyuda Awura Me Men Soo Wurubuaare Okalan Konkonse Mo Gyi

30 Imoso a' baa' toge yee mene? Nkana asa abono me men gye Gyuda awura m men kya laare okpa obono so Wurubuaare laa kyu momo yee momo-asen do i boran. Ide kon m, kyu naa de momo-gikagyan gibono me ka gyan Kirisito so m, me nye Wurubuaare gi kyu momo yee momo-asen do i boran.

31 Gyuda awura m bere, owi kamaase do m, me kpe me kya peere ansi daa nbara gigyi so de Wurubuaare o' kere de o' kyu momo yee momo-asen do i boran. Me men kii nye genen.

32 I wone so? I kya nyiile yee me nyi yee momo-nbara gigyi so ne Wurubuaare laa kyu momo yee momo-asen do i boran. Me men naa de gikagyan gibono me laa ka gyan Kirisito so m. Mo ne n gye gibui gibono Wurubuaare gi toge akpale do yee gi laa yeye de asa me' sidi m. Gesintin m, i wora fee Gyuda awura m me sidi de genen gibui m ne.

33 Wurubuaare gi toge m-agyebi m do yee,
 "Fe' kere! Nan kyu gibui yela Sayon osowole so.
 Genen gibui m gi laa yeye asa me' sidi de me' lii toro.
 Asa abono me ka gyan genen gibui gibono so m bere,
 ipeeli i man gyi momo."

10

I Tansi I Tiri Me Yee Isirale Awura

Momo-re Wurubuaare Nsana I Nye Loro

1 Me-nanboana Yesu asonbo, i tansi i tiri me yee Isirale awura me' nye Wurubuaare amlege de me' nye m ase gekyena. Lii genen so m, n kya kole Wurubuaare ni-sa momo.

2 N nyi momo so yee nkana me tansi kyu momo-nyoro kyu sa Wurubuaare onon m. Me men kii bii okpa obono so i kaabore me' kyu de Wurubuaare o' nye kyu om yee momo-asen do i boran m.

3 Me men nyi yee pei ne Wurubuaare laa kyu nyamese yee m-gisen do i boran m, i kya lii daa m Wurubuaare gbaa-gbaa ase. Isirale awura m bere, me kya laare me' toge momo-gibaa so daa yee, "A gyi Wurubuaare nbara nde abee nde so m, Wurubuaare laa wu yee aye-asen do i boran."

Imo so me men kya bara momo-nyoro gese sa Wurubuaare de mo ne o' kyu momo-asen do yee i boran.

4 I kya nyiile yee Kirisito gi loge genobono asa me laa gyi Wurubuaare nbara mo so de Wurubuaare o' kyu momo yee momo-asen do i boran mo. Wurubuaare gi san o kya laare daa yee o' kyu okamaase obono o laa ka gyan Kirisito so mo yee mo-gisen do i boran.

5 Abono me laa toge yee me laa gyi Wurubuaare nbara mo so daa pei de Wurubuaare o' loo kyu omo yee momo-asen do i boran mo, Mosisi gi nmarase momo so ilaa yela yee,
"Obono o gyi nbara mo so mo ne nan nye kyena Wurubuaare ase kyu naa de nmo so."

6 Abono, mo, me laa ka gyan Wurubuaare so de o' mologe momo de o' kyu omo yee momo-asen do i boran mo, me nmarase momo so ilaa yela Wurubuaare agyebi do kee yee,

"Gen sa fo' taase fo-nyoro yee,

'Ane ne nan kpe Wurubuaare do sa me ne?' "

(Imo ne n gye yee o' kpa kpelegere Kirisito lii Wurubuaare do ba de o' baa mologe fo.)

7 "Abae 'Ane ne nan kpelegere kpe ibuni do sa me ne?' "

(Imo ne n gye yee o' kpa kpelegere Kirisito ba de o' baa mologe fo.)

8 Mo, mene ne a laa wora de a' nye Wurubuaare amologe mo? Genen okalan mo ne a kpe a kya toge a sa asa yee, "Fe' ka gyan Kirisito so, fe' ka gyan Kirisito so" mo. Wurubuaare agyebi mo a kya toge yee,

"Wurubuaare okalan mo men bo geta de feye;

o bo feye-nno do ne o bo feye-asen do."

9 Imo ne n gye yee nengyene fo nyamese fo bugi fo-geno toge yee

"Yesu Kirisito ne n gye Wura,"

ne fo soo gyi fo-gisen do

yee Wurubuaare gi kyingi mo lii ibuni do mo,

Wurubuaare laa mologe fo de fo' nye mo ase gekyena.

10 I lii fee nyamese kya soo gyi mo-gisen do daa ne

Wurubuaare kya kyu mo yee mo-gisen do i boran.

Ne o kya kii bugi geno toge imo sa asa ne

o kya nye Wurubuaare kya mologe mo de o' nye kyena mo ase.

11 Me nmarase yela Wurubuaare agyebi owole mo do yee,

"Obono o ka gyan mo so mo, kaase man gyi ipeeli."

12 Gisogyi ilaa ide i gye gesintin sa Gyuda awura de asa sense pewu. I lii fee anyamese pewu me bo daa Wura kolon. Okamaase obono o saawo tere mo mo, o laa tansi wora ilaa sa mo.

13 I de daa fee genobono Wurubuaare gi toge mo-agyebi do mo. O toge yee,

"Okamaase obono o saawo tere Wura Wurubuaare mo,

o laa mologe mo."

14 Nne so ne anyamese me laa saawo tere isa obono me men ka gyan mo so mo? Ne nne so ne me laa ka gyan isa obono me men ti nu mo so kere mo? Nengyene asa me man nye oko de o' toge mo-ilaa sa momo mo, nne ne me laa wora de me' nu mo so?

15 Nengyene Wurubuaare men lee asa sun de me' toge mo-ilaa sa asa mo, i man nye atogebon. I de daa fee genobono me nmarase yela Wurubuaare agyebi do mo. Me nmarase yee,

"Asa abono me naa me kya toge

Wurubuaare okalan konkonse mo

mε kya sa asa mɔ,
mɔmɔ-ginaa gibono gi tansi gi kya gyi ginsi!”

¹⁶ Imɔ-rε imɔ genen gbaa faa, inj taa gye asa abono pɛwu mε nu ɔkalan konkonse baare mɔ ne n laare mε' nu ɔkalan mɔ gεsε. Genen so mɔ, Wurubuaare ikalan atɔgebo ɔbono mε kya tere mɔ yεε Isaya mɔ gi taase Wurubuaare yεε,

“O Wurubuaare, fo-ɔkalan ɔbono a tɔge faa,
ane ne n sɔɔ mɔ gyi ne?”

¹⁷ Imɔso pei ne nyamesε laa sɔɔ ɔkalan mɔ gyi mɔ, genen mɔ, o nu mɔ. Ne nyamesε, mɔ, laa nye nu ɔkalan mɔ mɔ, genen mɔ, ɔ nye ɔko gi tɔge Kirisito ilaa sa mɔ.

¹⁸ N kya taase yεε imɔso Isirale awura mɔ mε mεnj ti nu genen Wurubuaare ɔkalan baare? Mε ti nu! I lii fεε Wurubuaare agyebi mɔ dɔ mɔ i tɔge kyu lii ɔkalan mɔ atɔgebo mɔ so yεε,
“Mɔmɔ-ilaa tɔgesε i nu gyan gesinkpan geten kamaase.

Gesinkpan so getεεko inj san

yεε asa mε mεnj nu mɔmɔ-agyebi tɔgesε.”

¹⁹ N' kii taase kee yεε, “Imɔso Isirale awura mɔ mε mεnj nu Wurubuaare ɔkalan mɔ gεsε?” Mε nu mɔ gεsε. Gigyangbarase mɔ, Mosisi gi ηmarase Wurubuaare agyebi ako yela yεε,

Wurubuaare gi tɔge sa Isirale awura mɔ yεε,

“Asa abono fεye yεε mε mεnj bo gikɔ dɔ mɔ,
nan mɔleγε ɔmɔ de i' nye loo fεye!

Asa abono fεye yεε mε mεnj nyi ɔlaako mɔ,

nan mɔleγε genen asa mɔ de fε' nye kyu ginyadon.”

²⁰ Isaya kee gi taale da gikan tɔge Wurubuaare agyebi ako yεε,

“Mɔmɔ abono nkana mεnj kya pεere ansi de mε' bii me mɔ,
mɔmɔ ne nan nye bii me.

Nan lεε me-nyoro nyiile

asa abono mε mεnj kya taa taase me so mɔ.”

²¹ Isirale awura mɔ bere Wurubuaare gi tɔge kyu lii mɔmɔ so yεε,

“Geke kamaase n kpε mi-i buεεε

gisomaanu de ansiolon awura ade

yεε mε' ba de n' kun ɔmɔ.”

11

Wurubuaare Gi Su Isirale Awura Gitolon

¹ N' taa taase ilaa ide. “Wurubuaare gi kine mɔ-ade Isirale awura mɔ?” Kuaa! Ɔη kine mɔmɔ. Me, Pɔɔlo, gbaa-gbaa n gye daa Isiralenyen. Abraham ɔnaanabi ne n' gye. Ne lii daa Bengyamin geten dɔ.

² Wurubuaare mεnj kine mɔ gbaa-gbaa ade abono ɔ wolaa ɔ nyi ɔmɔ pei ne ɔ lεε ilaa kamaase mɔ. Fε mεnj nyi Ilaagya agyebi abono mε ηmarase yela Wurubuaare agyebi dɔ mɔ? Ilaagya gi logede kyu lii Isirale awura ilaa wɔrase so sa Wurubuaare, ne mε ηmarase imɔ yela yεε,

³ “Wurubuaare, mε boori fo-asunbi ileɛten,
ne mε mɔɔ fo-ikalan atɔgebo.

I san daa me-wolε. Ne mε kya laare me kee imɔɔten.”

⁴ Ilaagya gi tɔge genen mɔ, nne ne Wurubuaare gi lεε genɔ sa mɔ? Wurubuaare yεε,

“I san me anyen nwe ikue-isa de saalaa
abono ne kɔrɔsε yela sa me-nyoro.

Mɔmɔ genen asa abono bere, mε mεnj ηmii ɔkperε

obono me kya tere mo yee Baale mo kere.”

5 Aye-lee abere ade do kee mo, i bo Isirale awura akalese abono Wurubuaare gi korose yela sa mo-nyoro. Mo-gitolon mo so ne o lee gibaa yii omo genen.

6 Ne i gye daa Wurubuaare gitolon mo so bere mo, in baa i gye momo-ilaa dense ibono me taale wora sa mo mo so. Nkana fee momo-ilaa dense mo so ne o lee gibaa yii omo mo, nkana an baa nye toge yee gitolon ne o bo ne o wora genen.

7 N' baa toge yee mene? Isirale awura mo me laare yee Wurubuaare o' kyu momo yee momo-asen do i boran. Men kii nye genen. Momo do abono Wurubuaare gi wolaa lee gibaa yii mo bere ne n nye Wurubuaare gi kyu momo yee momo-asen do i boran. Isirale awura sense mo, mo, Wurubuaare gi yeye momo-aso do i korofuu.

8 I de daa fee genobono me nmarase Wurubuaare agyebi do mo. Me nmarase yee,

“Wurubuaare gi yeye me wora fee asa abono me de ginsi gide. Men kya wu mo-ilaa bii, ne men kya nu mo ase.

Imo ne n kpe san i de sa momo kyu baa lii de nde faa.”

9 Deefidi gi toge kyu lii momo so yee,

“Yeye momo-okon obono me kya gyi mo o' wora fee odoo de i' da momo.

Yeye okon mo me kya gyi mo o' wora fee agyondiworo de me' toro mo do de me' nye fo-gisobiide.

10 Yeye i' baala momo-ansi bun de me' men baa nye wu sei-sei.

Yeye momo-olaawuse o' wora fee gesola bele sa momo de men sa me' nye kyoola gekaako.”

Wurubuaare Gi Molege Asa Banban De I' Nye Loo Isirale Awura

11 N' kii taase: “Imoso Isirale awura ade mo, me sidi kpa a toro ibono me man baa taale nye Wurubuaare amolege gekaako ne?” In gye genen. Ilaa mo ne n gye yee me wora Wurubuaare ilaa nyenyen. Imo ne n yeye Wurubuaare gi molege asa abono me men gye Isirale awura mo de momo abono ne me' nye de momo-re mo Wurubuaare nsana i' nye lora. Wurubuaare gi molege genen asa banban abono daa de i' loo Isirale awura mo de momo kee me' nu mogede.

12 Isirale awura mo ilaa nyenyen so mo, Wurubuaare gi molege gesinkpan so asa sense. Nengyene Isirale awura mo pewu momo-re Wurubuaare nsana i' kii lora mo, i laa yeye asa sense abono me men gye Isirale awura mo me' lora nye Wurubuaare ayuule don owi obono nkana Isirale awura mo momo-re Wurubuaare nsana i nyida mo.

13 Nan baa tonge sa feye abono fe men gye Isirale awura mo kon. Wurubuaare gi lee me yee n' wora Yesu osoo de i' nye kpa feye abono fen gye Isirale awura mo. Imoso nan kyu genen gesun mo yee ge gye ilaa tirise. Nan wora gemo lii me-gisen do

14 genobono i laa nye loo me-ade Isirale awura yee fe kya nye Wurubuaare amolege taa omo yeye mo de i' yeye momo ako kee me' nye genen Wurubuaare amolege abono.

15 Owi obono Wurubuaare gi kine Isirale awura mo mo, i yeye o san bugi mo-ansi de feye asa sense, ne feye-re mo nsana i nye lora kon. Imoso owi obono Wurubuaare laa kii bugi ansi de Isirale awura mo, i laa tansi wora okon fee anyamese ne n kyingi lii ibuni do daa.

16 Wurubuaare gi lɔrɔ Isirale awura mɔmɔ-naana-ana agyangbarase mɔ yela sa mɔ-nyoro. Mɛ wɔra fɛɛ gidoo gyangbarase gibono mɛ kya daa gikpɛɛ too Wurubuaare mɔ. Mɛ kpɛɛ genen mɔ, mɛ nyi yɛɛ agyudɔ abono a san mɔ kee a gye daa Wurubuaare-lɛɛ pɛi ne mɛ nyɛ amɔ mɛ kya gyi genen. Abɛɛ nengyene oyii ilin i gye Wurubuaare-lɛɛ mɔ, mɔ-nygalenbi kee gi man wɔra Wurubuaare-lɛɛ?

17 Isirale awura mɛ dɛ fɛɛ nfo oyii obono mɛ duu mɔ mɔ, ne fɛye asa sɛnsɛ mɔ fɛ dɛ fɛɛ nfo oyii obono ɔ kɔrɔ ifɛ dɔ mɔ. Wurubuaare gi wɔra ilaa iko sa fɛye asa sɛnsɛ mɔ. I wɔra fɛɛ genɔɔbono mɛ kya nɛ oyii duuse ngyalenbi nko fue, de mɛ' kyu ifɛ dɔ-lɛɛ oyii ngyalenbi nko kyu nminde kyaga oyii duuse mɔ nfono mɛ nɛ nmo fue mɔ. I ba genen mɔ, ngyalenbi nbono mɛ nminde kyaga mɔ gi kya nyɛ ilaa dense ibono i kya lii oyii duuse mɔ ilin dɔ mɔ. Genen kee ne Wurubuaare kya yɛɛ fɛye asa abono fɛ mɛn gye Isirale awura mɔ fɛ kya nyɛ mɔ-ayuule kyu naa de Isirale awura mɔ so ne.

18 In kaabore ngyalenbi nbono mɛ kyu nminde kyaga de oyii duuse mɔ gi' nyiile nmo-nyoro sa ngyalenbi nbono mɛ nɛ fue mɔ. Imɔso fɛye kee fɛn sa fɛ' nyiile fɛye-nyoro sa Isirale awura abono Wurubuaare gi kine mɔmɔ ne ɔ san sɔɔ daa fɛye baa yii mɔmɔ-giyaa mɔ. Fɛ' nyingi yɛɛ oyii ilin ne n dɛ mɔ; in gye oyii ngyalenbi ne n dɛ oyii mɔ ne ɔ bo nkpa.

19 Fɛye dɔ ɔko laa tɔɛ yɛɛ, "Mɛ obono nkana n gye fɛɛ ifɛ dɔ oyii gɛgyalenbi mɔ so ne Wurubuaare gi nɛ fɛye fue de n' baa nyɛ ɔkyenaten."

20 Ɛɛn! I bo no genen bere. Imɔ-rɛ imɔ genen gbaa mɔ, fɛ' bii yɛɛ Isirale awura mɛ mɛn ka gyan' Wurubuaare so daa ne n yɛɛ ne ɔ nɛ mɔmɔ fue genen. Fɛye bere, fɛ ka gyan Wurubuaare so ne fɛ nyɛ ɔkyenaten mɔ ase faa mɔ, fɛ mɛn sa fɛ' nyiile fɛye-nyoro. Fɛ' yɛɛ de i' wɔra fɛye gifuu daa.

21 I lii fɛɛ Wurubuaare mɛn yɛɛ oyii duuse mɔ-lɛɛ ngyalenbi. Fɛye abono fɛ gye apɔɔkyaga mɔ ne ɔ laa baa yɛɛ?

22 Imɔso a' laa ansi kere Wurubuaare gidɛnsɛ gibono ɔ kya wɔra ɔ kya sa ako mɔ de genɔɔbono ɔ kya yɛɛ i kya wɔra ɔlon sa abono mɛ tɔrɔ mɔ so mɔ. Wurubuaare gidɛnsɛ mɔ gi laa kpɛ gi de gi sa fo obono fo-ansi a gyan mɔ so mɔ. In gye genen mɔ, Wurubuaare laa nɛ fo kee fue, fɛɛ genɔɔbono mɛ nɛ oyii duuse mɔ ngyalenbi nko fue mɔ.

23 Isirale awura mɔ, mɔ, nengyene mɛ nu mɔmɔ-nyoro gɛsɛ ne mɛ ka gyan Wurubuaare so mɔ, Wurubuaare laa kiiri mɔmɔ ba mɔ ase. In bo sen sa Wurubuaare de o' kii kyu oyii mɔ gbaa-gbaa ngyalenbi baa kyaga de oyii mɔ.

24 Fɛye abono nkana fɛ wɔra fɛɛ ifɛ dɔ oyii mɔ ngyalenbi mɔ gbaa, ɔ kyu fɛye mada de mɔ-nyoro fɛɛ oyii duuse mɔ-lɛɛ mɔ. Nkana in gye genen ne Wurubuaare gi lɛɛ imɔ ne. Imɔso ibono ɔ wɔra genen sa fɛye faa mɔ, genɔɔbono ɔ laa kyu oyii duuse mɔ gbaa-gbaa lɛɛ ngyalenbi mɔ ɔ nɛ fue mɔ kii baa kyaga de genen oyii mɔ mɔ, i laa wɔra mɔ ɔsen?

Wurubuaare Bo Gitolon Sa Anyamese Pɛwu

25 Mɛ-nanboana Yesu asonbo, Wurubuaare ilaa boduduuse iko i bo no. Mɛn kya laare fɛ' kyena yɛɛ fɛ man bii imɔ. Fɛ nyɛ bii imɔ mɔ, i laa yɛɛ fɛ man baa nyiile fɛye-nyoro yɛɛ fɛ nyi ɔlaako. Imɔ ne n gye yɛɛ Isirale awura mɔ gisoɔlon gibono mɛ bo sa Wurubuaare mɔ gi man de genen kpɛ gɛkpa-gɛkpa. Wurubuaare kya laare asa sɛnsɛ mɛ' nyɛ mɔ-amɔlɛɛ. Mɔmɔ-gɛgyɔnɔ gebono ɔkara ɔ kya laare mɔ mɛ nyɛ baa loo mɔ-ɔson mɔ dɔ mɔ, Isirale awura gisoɔlon mɔ gi laa yela ɔkara.

26 Genen owi mo gi fo mo, Isirale awura pewu me laa nye Wurubuaare amolege de momo-re mo nsana i' kii nye loro, fee genobono me nmarase Wurubuaare agyebi do mo. Me nmarase yee, "Omolegebo mo laa lii Sayon osowole so.

o laa lee ilaa nyenyen giwora pewu lii Gyeekoro mo-naanaana do.

27 Wurubuaare gi toge yee,

'Geno gebono nan yee me-re omo a' wora mo ne n gye yee nan kpaare momo-ilaa nyenyen fue.' "

28 Ibono Isirale awura mo me kine me men soo Wurubuaare okalan konkone mo gyi mo, i yee me wora Wurubuaare akyobo. Feye abono fe men gye Isirale awura mo so ne Wurubuaare gi yee i' ba genen de feye-re mo nsana i' nye loro. Imo-re imo genen gbaa faa, Wurubuaare gi wolaa lee yii Isirale awura yee me' wora mo-kyemeneana. Momo-naanaana agyangbarase mo so ne o lee momo gekyemene genen. Wurubuaare men kine genen gekyemene mo.

29 I lii fee nengyene o kyu mo-ilaa gbaa' kyee ako ne o toge momo yee me' kyu momo-nyoro sa mo mo, on kya kii kyeege mo-gewonsa.

30 Abero abono fen kya nu Wurubuaare gede mo, Isirale awura abono nkana me gye Wurubuaare ade mo kee me kine me men nu mo-gede. Imoso i yee o kisee su feye gitolon ne o molege feye lii feye-gisomaanu mo do taa Isirale awura mo yee.

31 Genobono Wurubuaare gi su feye so mo i laa yee i' bugi okpa sa Isirale awura abono nperere me kya wora gisomaanu de Wurubuaare faa de o' su momo kee gitolon.

32 Wurubuaare gi yee gisomaanu gi nye olon anyamese pewu so, genobono me man taale nye momo-nyoro momo-gibaa so mo, de o' nye su momo pewu gitolon.

Ayenbi A Gye Wurubuaare-Lee

33 Wurubuaare gidense gin bo okara! o tansi o nyi olaako, ne o nyi ilaa kamaase do son lii. Wurubuaare nwonsa nbono o kya kyu wora mo-ilaa mo, oko man taale bii nmo. Oko man taale bii Wurubuaare ikpa ibono so o kya kyu wora mo-ilaa mo kpa-a.

34 "Ane ne n ti taale bii Wura Wurubuaare nwonsa nbono o de mo? Wurubuaare gi ti kpe ane ase yee kaase o' kpa mo-nwonsa?"

35 Abee ane ne n ti sa Wurubuaare ilaa iko de gemara mo Wurubuaare o' baa ka mo imo giko?"

36 Wurubuaare ne n lee ilaa kamaase. Kyu naa de mo so ne ilaa kamaase i bo no faa, ne mo kee ne i bo no sa. Nysisigi o' wora mo-lee gekpaa-gekpa. I' ba genen.

12

Fe' Kyu Feye-Nyoro Kyu Sa Wurubuaare

1 Imoso me-nanboana Yesu asonbo, Wurubuaare gitolon bele gibono o bo sa aye so mo, n kya kole feye: fe' kyu feye-nyoro wora Wurubuaare abaa do de owi kamaase obono fe naa mo, i' wora fee fe gye daa mo-asunbi ato. Genen ne fe laa loro feye-nyoro yela sa Wurubuaare de fe' gyi mo-ginsi. Imo ne n gye odudu do-lee onon obono o kaabore nyamese o' kyu son Wurubuaare mo.

2 Fe men sa fe' kase asa abono gesinkpan so ilaa wole ne n bo momo-nwonsa do mo. Fe' yee Wurubuaare ne o' sa feye-nwonsa poboro de

i' kyεεge feye-akyenabi. Ɔ kya kyεεge feye genen mɔ, fe laa nye bii yeε Wurubuaare gelaare ilaa ne n gye ilaa dense giwɔra, ilaa ibono i kya gyi ginsi, de ilaa ibono i kya wɔra ɔdan kpaa loge mɔ.

³ Wurubuaare gi wɔra ilaa sa me ne ne baa bingiri mɔ-ɔsɔɔ. Imɔso n kya tɔge mi-i sa feye ɔkamaase yeε ɔ men sa o' kyu mɔ-nyoro yeε ɔ gye nyamese dense abεε isa tirise don genɔɔbono ɔ de mɔ. Feye ɔkamaase ɔ' dese mɔ-nyoro so de ɔ' kere daa gisɔɔgyi gibono ɔkara Wurubuaare gi sa mɔ mɔ de ɔ' bii nyamese ɔbono ɔnan ɔ gye mɔ.

⁴ Kirisito mɔ-rε mɔ-ade me de feε nyamese nyoro. Nyamese nyoro gi gye daa ilaa kolon, yege n mɔ dɔ mɔ i bo nten kpei-kpei nbono gi bo ilaa wɔrase kpei-kpei. Genen ne

⁵ aye Kirisito asonbo mɔ kee a nyaakyɔ, yege aye-rε Kirisito ginyamese kolon gibono a wɔra mɔ so mɔ, i yege aye pewu a dabɔle wɔra nyamese kolon, ne aye dɔ ɔkamaase bo no sa asa sense pewu.

⁶ Genɔɔbono nyamese nyoro nten kpei-kpei gi kya kpaa abara mɔ, genen kee ne Wurubuaare gi kyεε aye ɔkamaase adawo kpei-kpei de a' kyu kpaa abara. Imɔso a' kyu amɔ kpaa abara genen. Nengyene Wurubuaare gi sa fo ɔko yeε fo' nu mɔ-ikalan de fo' leε tɔge sa asa mɔ, genɔɔbono ɔkara fo sɔɔ imɔ gyi mɔ ne i kaabore fo' leε tɔge.

⁷ Nengyene Wurubuaare gi sa fo ɔko yeε fo' kpaa fo-nanboana Yesu asonbo mɔ mɔ, kpaa mɔmɔ genen. I kii i gye daa Wurubuaare ilaa ginyiile ne o kyu sa fo mɔ, kyu imɔ nyiile asa.

⁸ Nengyene i gye gitɔge keda asa nyoro ne o kyu sa fo ɔko mɔ, tɔge keda mɔmɔ-nyoro. I kii i gye daa asa aye giwɔra ne Wurubuaare gi kyu sa fo mɔ, wɔra aye lii fo-gisen dɔ. Nengyene Wurubuaare yeε fo' wɔra ɔgyangbarabo sa asa mɔ, wɔra gesun mɔ feε ɔgyangbarabo ne fo gye gesintin. Nengyene i kii i gye daa gitolon ne Wurubuaare gi kyu kyεε fo ɔko mɔ, bugi fo-gisen su asa so.

⁹ Fe' laare abara ilaa lii feye-asen dɔ. Fe' kyo ilaa nyenyen giwɔra de fe' wɔra ilaa dense.

¹⁰ Fe' laare feye-nanboana abono feye-rε mɔmɔ fe bo Yesu ɔson mɔ dɔ ilaa feε anyibi ne fe gye. Fe' buu feye-nanboana don genɔɔbono fe kya buu feye-nyoro mɔ.

¹¹ Fe' nyanga ansi wɔra Wurubuaare gesun mɔ. Feη sa fe' yege feye-nyoro gi yɔɔ feye. Fe' bugi feye-gisen pewu daa de fe' son aye-Wura Yesu.

¹² Fe' kyu feye-ansi gyan ilaa ibono Wurubuaare gi ka yela sa feye mɔ so de ɔkon. Nengyene fe bo ɔlaawuse dɔ mɔ, fe' nye gisen. Fe' dalaa owi kamaase dɔ.

¹³ Ilaa i tiri feye-nanboana abono mɔmɔ kee me kya son Yesu mɔ, fe' kpaa mɔmɔ de fe' bugi ansi keda asafo.

¹⁴ Nengyene asa me kya ka feye-ansi mɔ, fe' kole Wurubuaare ayuule sa ɔmɔ. Feη sa fe' tɔge nno wɔra mɔmɔ.

¹⁵ Fe' gyi ɔkon kpaa abono me kya gyi ɔkon mɔ de fe' kpaare ansikyu kpaa abono me kya su mɔ.

¹⁶ Fe' wɔra genɔ kolon. Feη sa fe' nyiile feye-nyoro. Feη sa fe' leε ansi yege abono asa menj kya buu yeε me gye asa gbaa' ako mɔ. Feη sa fe' kyu feye-nyoro yeε feye ne n nyi ɔlaako.

¹⁷ Nengyene ɔko gi wɔra fo ɔko ilaa nyenyen mɔ, genj sa fo' kyu ilaa nyenyen ka mɔ giko. Fe' kere de fe' wɔra ilaa ibono ɔkamaase laa wu yeε i boran mɔ.

¹⁸ Fe' wɔra feye-lee abaa okara de fe' kyu gisen yuuli kyena de nyamese kamaase.

¹⁹ Me-kyemenɛana adense, ngyene oko gi wɔra feye oko ilaa nyenyen iko mɔ, kaase ɔŋ sa ɔ' ka mɔ imɔ giko. Ɔ' yegɛ Wurubuaare ne ɔ' biide mɔ-giso. I lii fɛɛ i bo Wurubuaare agyebi dɔ yɛɛ,

“Me ne n kya biide ilaa nyenyen awɔrabo giso.

Me ne nan ka ilaa nyenyen giwɔra giko.

Me Wurubuaare ne n tɔgɛ genen.”

²⁰ I kii i bo Wurubuaare agyebi dɔ getɛeko kee yɛɛ,

“Ngyene akon a dɛ fo-ɔkyobo mɔ, sa mɔ agyudɔ de o' gyi.

Ngyene bolefɔ dɛ mɔ mɔ, sa mɔ nkyu de o' nun.

Fo kya wɔra genen ilaa idɛ pɛwu fo kya sa fo-ɔkyobo mɔ,

i kya wɔra fɛɛ ɔgya de agyangbalii ne fo kya kuu

fo kya bun mɔ-gimu so genen.”

²¹ Fɛ mɛŋ sa fe' yegɛ ilaa nyenyen i' gyi feye so. Fe' wɔra ilaa dense de i' yegɛ fe' nye ɔlon ilaa nyenyen giwɔra so.

13

Fe' Bara Feye-Nyoro Gɛsɛ Sa Abeyin Abelɛnsɛ

¹ Feye ɔkamaase ɔ' bara mɔ nyoro gɛsɛ sa mɔ-abeyin abelɛnsɛ. I kya nyiile yɛɛ iŋ gye Wurubuaare so mɔ, mɔmɔ ɔko-rɛ oko maŋ nye genen gebelɛnsɛ gebono. Wurubuaare ne n yela mɔmɔ.

² Imɔso fo ɔbono fo kine yɛɛ fo maŋ nu feye-abeyin abelɛnsɛ gɛdɛ mɔ, ilaa ibono Wurubuaare gbaa-gbaa gi yela mɔ ne fo kine genen. Imɔso fo laa nye imɔ so gisobiide.

³ Ilaa dense awɔrabo mɛŋ kya sele abelɛnsɛ abono mɛ kya kɛrɛ nbara gigyi so mɔ. Ilaa nyenyen awɔrabo ne n kya sele genen abelɛnsɛ abono. Fɛŋ kya laare fe' wu mɔmɔ de i' ŋmaa feye-asen mɔ, fe' wɔra ilaa dense. Fɛ wɔra ilaa dense mɔ, fɛ laa nye de abelɛnsɛ mɔ mɛ' yen feye.

⁴ Ɔbelɛnsɛ ɔbono ɔ kya kɛrɛ nbara gigyi so mɔ gye Wurubuaare osunbo ɔbono Wurubuaare ne n lɛɛ mɔ yɛɛ ɔ' kpaɛ feye. Ngyene ilaa nyenyen ne fe wɔra mɔ, fe wu mɔ mɔ, i kaabɔrɛ i' ŋmaa feye-asen. I kya nyiile yɛɛ iŋ gye giyan so ne ɔ bo ɔlon feye so. Ɔ gye Wurubuaare osunbo ɔbono ɔ yelɛ Wurubuaare giyaa dɔ de ɔ' biide ilaa nyenyen awɔrabo giso ka giko.

⁵ Imɔso i kaabɔrɛ ɔkamaase ɔ' bara mɔ-nyoro gɛsɛ sa abeyin abelɛnsɛ. I mɛŋ gye gisobiide gibono fe laa nye mɔ wole so. Genɔɔbono fe laa bii feyegisen dɔ yɛɛ fe wɔra ilaa ibono i boran mɔ kee so mɔ, fe' bara feye-nyoro gɛsɛ sa abeyin abelɛnsɛ.

⁶ Genen ilaa ibono kee so mɔ, too-too ɔbono abeyin laa yela yɛɛ fe' too mɔ, fe' too. I kya nyiile yɛɛ i tiri yɛɛ abeyin abelɛnsɛ mɛ' kpe mɛ kya wɔra gɛsun gebono Wurubuaare gi kyu wɔra mɔmɔ-abaa dɔ mɔ.

⁷ Ilaa ibono i kaabɔrɛ fe' wɔra sa ɔkamaase mɔ, fe' wɔra imɔ sa mɔ. I gye too-too ne fe laa too daa-o, lɛnpoo ne i gye daa-o, fɛŋ sa fe' gbighili gimu. Ne i gye buubuu ne i kaabɔrɛ fe' kyu sa ɔko mɔ, fe' kyu buubuu sa kaase. I gye nyisigyi ne i kaabɔrɛ oko ɔ' nye lii feye ase mɔ, fe' kyu nyisigyi sa mɔ.

Fe' Laare Abara

⁸ Fɛŋ sa fe' keda ɔko giko. Fe' kyu too feye-nyoro so daa yɛɛ fe laa laare abara ilaa fɛɛ genɔɔbono nyamesɛ dɛ giko ne ɔ kya laare ɔ' ka gimɔ mɔ.

I lii fɛɛ ɔbono ɔ kya laare mɔ-nanbo nyamesɛ ilaa mɔ, genen kaase ɔbono kya gyi Wurubuaare nbara mɔ pɛwu so ne.

⁹ Nbara mɔ nko ne n gye yɛɛ, “Gɛɛ sa fo' lii fo-ka abɛɛ fo-kuli gemara laare ɔko; gɛɛ sa fo' mɔɔ isa; gɛɛ sa fo' yuuri; gɛɛ sa fo' yɛɛ fo-ansi a' pɛɛɛ ɔko ilaa so.” Genen nbara ndɛ de nsɛnsɛ mɔ pɛwu gi kya yii daa de nbara kolon so yɛɛ, “Laare fo-nanbo fɛɛ fo-nyoro.”

¹⁰ Fo nyamesɛ fo kya laare fo-nanbo mɔ, fo man wɔra mɔ ilaa nyenyɛn. Imɔso fo ɔbono fo kya laare fo-nanbo nyamesɛ ilaa mɔ, fo kya gyi Wurubuaare nbara mɔ pɛwu so ne.

¹¹ Fɛ' wɔra genen ilaa ibono nɛ tɔɛ faa. I lii fɛɛ fɛ nyi abɛɛ abono dɔ a bo faa. Fɛɛ fɛ dɛ mɔ, fɛ' kyingi. Lii gɛkaabono a daa gikagyan Yesu so mɔ, gɛkɛ kamaasɛ gɛ kya kɔɔgɛ nke nbono gi san de Wurubuaare ɔ' mɔɛgɛ aye de a' nyɛ mɔ asɛ gɛkyɛna mɔ.

¹² Gɛdɛ gɛ kya laare gɛ' kɛ kon. Imɔso a' taa ilaa nyenyɛn ibono gibiri dɔ awura mɔ mɛ kya wɔra mɔ yɛɛ. A' wɔra ilaa dɛnsɛ fɛɛ asa abono gɛdɛ gɛ kɛ ɔmɔ mɔ. Aye-idɛnsɛ giwɔra i' wɔra fɛɛ adontɔ ne a dɛ a kya kyu kun aye-nyoro lii ilaa nyenyɛn giwɔra dɔ.

¹³ Aye-akyeɛnabi a' wɔra ɔdan fɛɛ asa abono gɛdɛ gɛ kɛ mɔmɔ, ne mɛ taa gibiri dɔ ilaa wɔrasɛ yɛɛ mɔ. A mɛɛ sa a' wɔra asa abono mɛ kya gyan' wɔra ilaayan, abɛɛ a' wɔra nta aboobo, abɛɛ a' laare agyibara, abɛɛ a' wɔra ilaa ibono in gye iwɔrasɛ mɔ. A mɛɛ sa a' laare gɛluu abɛɛ a' yɛɛ aye-nanboana ilaa i' wɔra aye gɛlaaloo.

¹⁴ Fɛ' yɛɛ Wura Yesu Kirisito ɔ' wɔra fɛɛ fɛye-ngbɛ suusɛ de fɛɛ sa fɛ' sa fɛye-ɔbole gɛlaare ilaa ɔkpa de i yɛɛ fɛ' wɔra ilaa nyenyɛn.

14

Fɛɛ Sa Fɛ' Bun Abara Gɛpɛɛ Wurubuaare ɔson Mɔ Dɔ

¹ Asa ako mɛ bo no faa mɔ, gisɔɔgyi gibono mɛ bo sa Yesu mɔ gin kyɔ. Fɛ' dabole sɔɔ genen asa abono abaa anyɔ de fɛ mɛɛ sa fɛ' sɔɔ abara akɔɔɔle abono an bo agyan mɔ.

² Nan sa fɛye sinkaala ɔko. Imɔ ne n gye yɛɛ fɛye abono fɛ sɔɔ Yesu gyi mɔ dɔ ako mɛ kya gyi ilaa kamaasɛ. Ne ako, mɔ, ibono mɔmɔ-lɛɛ gisɔɔgyi mɔ gin kyɔ so mɔ, mɛɛ kya gyi ginun abɛɛ ɔken. Afɛdaa ipɔ wolɛ ne mɛ kya gyi.

³ ɔbono ɔ kya gyi ilaa kamaasɛ mɔ, ɔ mɛɛ sa ɔ' tɛɛ mɔ-nanbo ɔbono ɔɛ kya gyi ilaa ikoana mɔ giyan yɛɛ mɔ-lɛɛ Wurubuaare asonbi mɔ an boran. Ne ɔbono, mɔ, ɔɛ kya gyi ilaa ikoana mɔ, ɔ mɛɛ sa ɔ' bun mɔ-nanbo ɔbono ɔ kya gyi ilaa kamaasɛ mɔ gɛpɛɛ yɛɛ ɔɛ gye Wurubuaare sonbo dɛnsɛ. I lii fɛɛ Wurubuaare gi sɔɔ aye ɔkamaasɛ abaa anyɔ.

⁴ Wurubuaare ne n gye aye pɛwu wura ɔbono a kya son mɔ. Imɔso fo ne n gye anɛ de fo' bun fo-nanbo ɔbono in gye fo ne ɔ kya son mɔ gɛpɛɛ yɛɛ ɔɛ gye sonbo dɛnsɛ? Mɔ-wura mɔ gbaa-gbaa ne nan tɔɛ yɛɛ ɔ gye sonbo dɛnsɛ abɛɛ sonbo nyenyɛn. Gɛsintin, Wurubuaare laa yɛɛ de ɔ' son mɔ dandan. I kya nyiile yɛɛ Wura Wurubuaare bo lon de ɔ' kpaɛ mɔ de ɔ' taalɛ yɛɛ mɔ-ayaa so mɔ-ɔson mɔ dɔ.

ɔkamaasɛ ɔ' Bii Sa Mɔ-Nyoro Yɛɛ “Ilaa Idɛ Ne N Boran Sa Mɛ”

⁵ ɔko laa sa gɛwɔnsa yɛɛ nke nko gi bo no mɔ, gi gye nke gbaa'gbaa don nko. ɔko, mɔ, laa tɔɛ yɛɛ nke mɔ pɛwu gi gye kyɛɛ-kyɛɛ. Fɛye ɔkamaasɛ ɔ' bii sa mɔ-nyoro yɛɛ ilaa ibono ɔ sa gɛwɔnsa yɛɛ i boran mɔ imɔ ibono ne n boran sa mɔ.

⁶ Abono me kya sa nwonso yee nke nko gi gye nke gbaa'gbaa sa momo mo, me kya kyu nmo genen daa de me' nye kyu nyisigi bara Wura Yesu. Abono, mo, me kya gyi ilaa kamaase kee mo, me kya gyi imo daa de i' kyu nyisigi bara Wura Yesu. I kya nyiile yee me kya gyi imo mo, me kya faala Wurubuaare kyu lii imo so. Abono, mo, menj kya gyi ilaa ikoana mo, me kya laare daa de i' nye kyu nyisigi bara Wura Yesu, ne me kya faala Wurubuaare kyu lii momo-lee ilaa gyise so kee.

⁷ Aye do oko-re oko menj te mo-gibaa so, ne fee o wu' daa kee mo, in gye mo-gibaa so ne o wu'.

⁸ A te nkpa mo, a te a sa daa Wura Yesu, ne a kii baa wu' daa mo, a wu' sa daa Wura Yesu. Imoso aye abono a ka gyan Yesu so mo, a te nkpa daa-o, a wu' daa-o, a gye daa Wura Yesu-lee.

⁹ I kya nyiile yee Yesu Kirisito gi wu' ne o kyingi lii ibuni do de o' nye wra Wura sa asa abono me te de ansi mo de abono me wu' mo pewu.

¹⁰ Fo Yesu sonbo, mene n wra ne fo kya bun fo-nanbo Yesu sonbo gipuee yee mo bere menj gye Yesu sonbo dense? In kaabore fo' kere fo-nanbo Yesu sonbo ta genen. I lii fee gekaako mo aye pewu a laa yele Wurubuaare ansi do nfono o laa gyi anyamese pewu nbele mo.

¹¹ I de daa fee genobono i bo Wurubuaare agyebi do mo. Wurubuaare gi toge yee,

“Me Wurubuaare n bo no faa,
nyamese kamaase laa nmii daa me.
Nyamese kamaase laa bugi geno lee me-ginyen
yee me ne n gye Wurubuaare.”

¹² Aye okamaase laa buu ilaa ibono o wra mo-gekyena do mo sa Wurubuaare.

¹³ Imoso fe menj sa fe' yege de a' baa bun abara gipuee yee ode bere ilaa nyenyen oworabo ne o gye. A' kyu too aye-nyoro so yee a manj wra ilaa ibono i laa yege aye-nanbo oko o' loo ilaa nyenyen giwra do abee i' yege mo-gisogyi gibono o bo sa Yesu mo gi' kooe.

A' Kyu Gesintin Gigy, Gisen Yuuli, De Okon Kyu Kyena

¹⁴ Wura Yesu gi lee nyiile me ne ne tansi soo gyi yee sei menj bo no ibono Wurubuaare gi lee yee i gye ilaa kyose. Ilaa ibono fo oko fo laa kyu yee i gye ilaa kyose mo, gesintin mo, i laa wra ilaa kyose sa fo.

¹⁵ Nengyene fo oko fo kya gyi ilaa gyise iko ne i kya yege fo-nanbo Yesu sonbo kya soo mo-nyoro akyoole mo, in gye gesalaare gekyena ne fo de fo te de mo genen. Genj sa fo' yege ilaa ibono fo kya gyi mo i' nyida fo-nanbo gisogyi gibono o soo Kirisito gyi mo. I lii fee mo kee so ne Kirisito gi wu'.

¹⁶ Genj sa fo' nyida fo-nanbo gisogyi genen de asa menj sa me' nye toge ilaa nyenyen kyu lii ilaa ibono fo kya kyu yee i gye ilaa dense mo so.

¹⁷ I lii fee Wurubuaare gewuragyi do akyenabi abono a laa kyu kyena mo i menj gye ilaa gyise abee ilaa nunse ne n tiri. Ilaa ibono i tiri mo ne n gye genobono a laa kyu gesintin gigy, gisen yuuli de okon kyu kyena de abara, fee genobono Wurubuaare Oduduu mo kya sa aye mo.

¹⁸ Fo obono fo kya son Kirisito okpa baare so mo, fo laa gyi Wurubuaare ginsi, ne anyamese kee me laa wu yee i boran.

¹⁹ Imoso a' wra aniya de a' wra ilaa ibono i laa yege gisen yuuli gi' ba aye do mo de a' kpaabara de a' see Yesu onon mo do.

²⁰ Ilaa ibono Wurubuaare gi wra sa feye-nanbo Yesu sonbo mo, fe menj sa fe' yege feye-ilaal gyise iko gigy i' nyida imo. Agyudo kamaase a boran,

a man kyolese feye-Wurubuaare onon. Ilaa ibono fo oko fo laa gyi ne i laa yege fo-nanbo o' loo ilaa nyenyen giwora do mo bere ne men boran.

²¹ Nengyene fo oko fo kya wora ilaa ibono i kya yege fo-nanbo Yesu sonbo kya loo ilaa nyenyen giwora do mo, taa imo yege. I gye daa ginun gigyi, abee nta ginun, abee mene ne i gye mo, fo-nanbo mo so mo, taa imo yege.

²² Ilaa ibono fo oko fo nyi kyu lii genen akyole ade onan so mo, yege i' sii de fo-re fo-Wurubuaare wole. Omudensebo ne n gye nyamese obono o wora ilaa ibono o nyi yee i boran ne mo-gisen do in kya bun mo gipuee yee o wora ilaa nyenyen mo.

²³ Obono, mo, o kya soo akyole mo-gisen do yee, "Agyudo abono nan gyi faa, Wurubuaare onon do mo, i boran abee in boran?" ne o dabole gyi mo, Wurubuaare laa bun mo gipuee. I kya nyiile yee o men soo mo-nyoro gyi yee o wora ilaa dense. Ilaa kamaase ibono fo nyamese fo laa wora ne foj kya soo fo-nyoro gyi yee i gye ilaa dense Wurubuaare ase mo, bii yee i gye ilaa nyenyen sa fo.

15

Fe' Wora Ilaa Ibono I Laa Kpa'a Feye-Nanboana Yesu Onon Mo Do

¹ Aye abono a ka gyan Kirisito so dandan mo, i kaabore a' kpa'a aye-nanboana abono men ti ka gyan mo so dandan mo. Genobono me kya kyo ilaa kpei-kpei mo, a' nye gisen sa momo. Aye do oko on sa o' wora ilaa ibono i bo mo gbaa-gbaa obole mo wole.

² Aye-nanboana odan giwora so mo, okamaase o' wora ilaa ibono i laa gyi ginsi de i' nye kpa'a omo de me' see Kirisito onon mo do.

³ I kya nyiile yee Kirisito gi ba gesinkpan so mo, mo kee men wora ilaa ibono i gye mo wole-lee obole gelaare mo. I bo Wurubuaare agyebi owole mo do yee Kirisito gi toge sa Wurubuaare yee,

"Asebi abono asa me kyu saale fo mo, a baa bingiri me-lee."

⁴ Ilaa kamaase ibono me wolaa nmarase yela Wurubuaare agyebi do dedaa mo, me nmarase imo yela daa sa aye de i' nyiile aye ilaa. Ilaa ibono i kya nyiile aye mo i kya yege a kya nye gisen ilaa kamaase do kpa'a lii. Wurubuaare agyebi mo a kya toge wora aye de a' nye kyu aye-ansi gyan ilaa ibono Wurubuaare gi ka yela sa aye mo so.

⁵ Wurubuaare ne n gye obono o kya yege a kya nye gisen ilaa kamaase do, ne mo kee ne n kya toge wora aye. O' yege feye pewu fe' toge kyule abara de fe' kyena fee genobono Kirisito Yesu gi kyena mo.

⁶ Wurubuaare o' wora genen sa feye de fe' nye gen o kolon de feye pewu fe' dabole yen mo obono o gye aye-Wura Yesu Kirisito mo-se mo.

Asa Kpei-Kpei Me Nu Yesu Okalan Konkonse

⁷ Fee genobono Kirisito gi soo feye abaa anyo mo, feye kee fe' soo abara abaa anyo genen de i' nye kyu nyisigyi kyu sa Wurubuaare.

⁸ N kya toge mi-i sa feye yee Kirisito gi ba gesinkpan so mo, o wora Gyuda awura okpaabo de o' lee nyiile asa yee Wurubuaare gye gesintin wura. I lii fee Kirisito ne n yege ilaa ibono Wurubuaare gi ka yela sa aye Gyuda awura anaana agyangbarase mo i ba gesintin.

⁹ Kirisito gi wora genen daa de gesinkpan so asa sense me' nye yen Wurubuaare kyu lii mo-gitolon gibono o bo mo so. I bo Wurubuaare agyebi do yee,

"Genen ilaa ide so mo, nan tere fo-ginyen dense
sa abono me men gye Gyuda awura mo.

Nan bii ilon yen fo.”

¹⁰ Wurubuaare agyebi do kee i toge yee,

“Feye asa kpei-kpei pewu abono fe men gye Gyuda awura mo,
fe' bola Wurubuaare ade, Gyuda awura, mo so
de feye-re omo fe' gyi okon dabole.”

¹¹ Wurubuaare agyebi mo ako kee a kii toge yee,

“Feye abono fen gye Gyuda awura mo pewu, fe' yen Wurubuaare.
Asa kpei-kpei pewu, fe' yen mo.”

¹² Isaya gi toge kyu lili ilaa ide so yee,

“Gyesi anaanabi oko laa ba.

Mo ne n gye obono o laa baa gyi gewura asa kpei-kpei pewu so.

Mo so ne asa kpei-kpei pewu me laa kyu momo-ansi gyan.”

¹³ Wurubuaare ne n kya kpaa nyamese ne o kya kyu mo-ansi gyan mo so.
Imoso fe ka gyan Yesu so faa mo, genen Wurubuaare kolon obono o' tansi
sa feye okon de gisen yuuli de feye-ansi a' kpe a gyan Yesu so genen kyu
naa de mo Wurubuaare Oduduu mo olon do.

Ilaa Ibono So Ne Nmarase Owole Baare Mo

¹⁴ Me-nanboana Yesu asonbo, me gbaa-gbaa n nyi yee gidense giwora i
nyaakyoo feye do. Fe nyi Wurubuaare ilaa dandan, ne feye gbaa-gbaa fe
laa taale ka abara.

¹⁵ Owole baare do mo, mo, ne yele me-gebelense so toge ilaa bolonse
ikoana nyingi feye kyu lili imo so. Wurubuaare gi wora ilaa sa me

¹⁶ ne o yee ne taale wora Kirisito Yesu gesun oworabo. Mo ne n nyiile
me yee n' toge Wurubuaare okalan konkonse kyu lili Yesu so sa asa abono
me men gye Gyuda awura mo. Ne wora fee asunbi olebo ne momo, mo,
me wora fee asunbi ato. N de omo mi-i kperere Wurubuaare de mo-Oduduu
mo o' loro momo yela sa Wurubuaare de o' nye so omo abaa anyo.

¹⁷ Imoso ibono n kya wora gesun mi-i sa Wurubuaare faa, ne wu yee
Kirisito Yesu gi kpaa me, ne ne taale wora ilaa gikyo. Kirisito so mo, nan
taale gyiide.

¹⁸ Ilaa ibono Kirisito gi kpaa me ne ne wora mo wole ne nan lee toge.
Man taale toge yee ne wora ilaa iko me-gibaa so. Mo ne n yee ne taale
kpaa asa abono me men gye Gyuda awura mo ne me nye nu Wurubuaare
gede. Me-ilaa toge de me-ilaa worase ne n kpaa momo.

¹⁹ Ne wora ilaa leenyiilese kpei-kpei de ilaa degenose kyu naa de
Wurubuaare Oduduu mo olon do. Mo-olon mo do ne ne taale naa lili
Gyerusalem kpaa lili ko-o Ilirikum gesinkpan so n kpe mi-i lee Kirisito
okalan konkonse mo pewu gese mi-i sa asa.

²⁰ Ilaa ibono ne kyu too me-nyoro so mo ne n gye yee n' lee Kirisito
okalan konkonse mo toge sa asa nten nbonoana me men ti nu okalan mo
kere mo. Men kya laare i' ba yee oko-lee owore so ne n' kya poro mi-i
gyan.

²¹ I wora daa fee genobono me nmarase Kirisito ilaa yela Wurubuaare
agyebi do mo. Me nmarase nno yee,

“Asa abono men ti nye de asa me' toge mo-ilaa sa momo mo,
me laa nye wu mo de momo-ansi.

Ne asa abono me men ti nu sei kyu lili mo so mo,
me laa nu mo-ilaa gese.”

N Kya Laare N' Baa Laa Feye Yesu Asonbo Abono Fe Bo Rom Mo

²² Owi kamaase n kya laare n' baa laa feye mo, gesun gedε ne n kya keda me yela, ne men kya nye ba feye ase mo.

²³ Npere bere men baa n bo gesun gesinkpan gibaafon gide so gere. Ibono n kya laare n' baa laa feye faa, i ti wora nsi.

²⁴ Imoso ide kon bere ne sa gewonsa yee nan baa kpe Sipeen faa mo, nan naa de feye ase de a' tala abara ansi nmaraa. I fo me-gikyon mo, de fe' kpa'a me de n' taale kpa'a loo nfono n kya kpe mo.

²⁵ Owi baare do mo, me-ayaa a ti lii ibono n kya kpe Gyerusalem n' kpa'a kpa'a' aye-nanboana abono me kya son Yesu nno mo.

²⁶ I kya nyiile yee Yesu asonbo akpen abono a bo Masadoniya de Akaya nsinkpan so mo me toge kyule abara ne me too-too aterenbi lii momo-asen do de me' kyu kpa'a kpa'a' ayenbo abono me saare Yesu asonbo abono me bo Gyerusalem mo. Me kyu genen aterenbi abono kyu wora me-abaa do.

²⁷ Momo gbaa-gbaa ne n kyu too momo-nyoro so yee me laa wora gidense gide sa Gyuda awura ayenbo abono me kya son Yesu ne me bo Gyerusalem mo, yee in gye yee momo gbaa-gbaa me gye Gyuda awura. Me kpa'a momo genen mo, imo-okpa so ne. I kya nyiile yee Gyuda awura mo kee me kpa'a momo ne me nye oduduu do ilaa tirise. Imoso i kaabore abono men gye Gyuda awura mo me' kpa'a Gyuda awura mo de me' nye anyamese gekyena do ilaa tirise kee.

²⁸ Imoso nengyene ne nye kyu aterenbi mo kpa'a sa Yesu asonbo abono me bo Gyerusalem mo, ne loge gidense gibono asa abono me men gye Gyuda awura mo me wora mo ne. Nfono kon mo nan kyu de feye ase kpe Sipeen.

²⁹ N nyi me-gisen do yee nengyene ne ba feye ase mo, Kirisito laa yee me-giba mo gi' tansi kpa'a feye.

³⁰ Me-nanboana Yesu asonbo, Wurubuaare Oduduu mo gesalaare gebono o kya kyu sa aye mo so mo, n kya kole feye aye-Wura Yesu Kirisito ginyen do yee fe' dalaa kole Wurubuaare sa me, fee genobono me kee n de aniya n kya kole Wurubuaare n kya sa me-nyoro mo.

³¹ Fe' dalaa kpa'a me yee Gyudiya gesinkpan so nfono n kya kpe mo, Wurubuaare o' molege me lii asa abono men kya soo Yesu gyi mo abaa do. A' dalaa kee yee Yesu asonbo abono me bo Gyerusalem mo me' soo ilaa ibono nan kyu kperε momo mo abaa anyo.

³² I ba genen mo, Wurubuaare gelaare do mo, nan nye ba feye ase de okon de me-re feye a' kyena de i' keda aye-nyoro.

³³ Wurubuaare obono o gye gisen yuuli gemu mo o' kyena feye do. I' ba genen.

16

Afaala

¹ N kya buu mi-i sa feye yee aye-pikiyi Fiibi obono o kya kpa'a Yesu asonbo gikpen Senkiriya osowole so mo tansi o gye isa.

² Imoso fe' kerε mo so Wura Yesu ginyen do fee genobono i kaabore aye abono Wurubuaare gi lora aye yela sa mo-nyoro mo a' keda abara mo. Ilaa kamaase ibono i tiri mo mo, fe' kpa'a mo de o' nye imo. I lii fee o tansi kpa'a asa gikyo, dabole de me gbaa-gbaa kee.

³ Fe' faala Pirisila mo-re Akuila. Me gye me-nanboana abono me-re momo a wora Kirisito Yesu gesun mo dabole.

4 Mɛ mɔlɛgɛ mɛ kaaborɛ mɛ so mɔ mɔmɔ-nkpa gi laarɛ gi' lii mɔmɔ-gibaa. In gye mɛ-wolɛ nɛ n kya lɛɛ mɔmɔ-ginyɛn; Yesu asonbo akpɛn pɛwɛ abono amɔ dɔ asa mɛn gye Gyuda awura mɔ kee mɛ kya yɛn mɔmɔ.

5 Fɛ' faala Yesu asonbo gikpɛn gibono mɛ kya gyan' mɔmɔ asa anyɔ ade gɛtɛn dɔ son Wurubuaarɛ mɔ sa mɛ.

Fɛ' faala mɛ-nanbo laarɛsɛ Epanitɛsɛ. Mɔ nɛ n gye ɔbono ɔ daa gika gyan Kirisito so Esiya gɛsinkpɛn pɛwɛ so.

6 Fɛ' faala Mariya sa mɛ. ɔ nyanga ansi wɔra gɛsun kɛn-kɛn sa fɛyɛ.

7 Fɛ' faala mɛ-subuana Andironikɛsɛ mɔ-rɛ Gyuniya sa mɛ. Asa ako mɛ naa kyɛna kɛda mɛ-rɛ mɔmɔ kpaa tii dɛ obu Wura Yesu ɔson mɔ so, nɛ asa sakyɔ mɛ nyi mɔmɔ so yɛɛ mɛ tansi mɛ gye Yesu Kirisito isɔɔ. Mɛ daa mɛ ka gyan Kirisito so.

8 Fɛ' faala Anpɛlitɛsɛ. ɔ gye mɛ-kyɛmɛnɛ laarɛsɛ Wura Yesu ɔson mɔ dɔ.

9 Fɛ' faala ɔbanɛsɛ. ɔ gye mɛ-rɛ fɛyɛ pɛwɛ aye-nanbo ɔbono aye-rɛ mɔ a kya wɔra gɛsun a kya sa Kirisito.

Fɛ' faala mɛ-nanbo laarɛsɛ Setakɛsɛ kee.

10 Fɛ' faala Apelesɛ. ɔ lɛɛ nyiilɛ yɛɛ ɔ gye Kirisito sonbo densɛ.

Fɛ' faala Arisitobulɛsɛ gɛtɛn dɔ asa.

11 Fɛ' faala mɛ-subu Herodiyon.

Fɛ' faala Narisisu gɛtɛn dɔ awura abono mɛ bo Wura Yesu ɔson mɔ dɔ mɔ.

12 Fɛ' faala Tirifana mɔ-rɛ Tirifosa. Mɛ kya wɔra gɛsun mɛ kya sa Wura Yesu.

Fɛ' faala mɛ-kyɛmɛnɛ Pesisu. ɔ tansi wɔra gɛsun gikyɔ sa Wura Yesu.

13 Fɛ' faala Rufusɛ. ɔ gye isa ɔbono Wura Yesu gi tansi lɛɛ mɔ yɛɛ ɔ' wɔra mɔ-sonbo.

Fɛ' faala mɔ-nyi kee sa mɛ. O kyu mɛ fɛɛ mɔ-bi korogɛsɛ.

14 Fɛ' faala Asinkiritɛsɛ, Filigon, Herɛmɛsɛ, Patirobaasɛ, Herɛmasɛ, dɛ aye-nanboana Yesu asonbo abono mɛ bo mɔmɔ asɛ mɔ.

15 Fɛ' faala Filologusɛ, Gyuliya, Nerɛyusɛ mɔ-rɛ mɔ-pikyii dɛ Olinpasɛ dɛ Yesu asonbo abono mɛ bo mɔmɔ asɛ mɔ pɛwɛ.

16 Fɛ' kyu ginyi abi afaala faala abara fɛɛ gɛnɔɔbono i kaaborɛ Yesu asonbo mɛ' faala abara mɔ.

Yesu asonbo akpɛn abono nɛ naa mɔmɔ so mɔ pɛwɛ mɛ kya faala fɛyɛ.

Pɔɔlo Gi Ka Mɔmɔ Gika Laalaalɔgɛ

17 Mɛ-nanboana Yesu asonbo, n kya kolɛ fɛyɛ, fɛ' kɛrɛ fɛyɛ-nyoro so dɛ asa abono mɛ ti taa kyu gɛsabaragɛ ba Yesu ɔson dɔ mɔ. Mɛ kya kpadɛɛ asa gikagyan gibono mɛ ka gyan Yesu so mɔ. Mɔmɔ nɛ n gye abono mɛ kya kyɔɔlɛ ilaa nyiilɛsɛ ibono fɛ sɔɔ abaa anyɔ mɔ. Fɛn sa fɛ' saarɛ mɔmɔ dɔ.

18 I kya nyiilɛ yɛɛ mɔmɔ abono mɛ kya wɔra gɛnɛn ilaa ibono mɔ, in gye aye-Wura Yesu Kirisito nɛ mɛ kya son. Mɛ kya son daa ilaa ibono i bo mɔmɔ gbaa-gbaa ɔbolɛ mɔ. Gɛnɛn asa abono ɔnan mɛ kya kyu atɔngɛbi densɛ dɛ gɛnɔ ɔkon kyu pɛnɛ Wurubuaarɛ asonbo abono mɛ mɛn bo ɔpɛnɛsɛn mɔ.

19 Fɛyɛ bɛrɛ, ɔkamaasɛ nyi fɛyɛ so yɛɛ fɛ kya nu aye-Wura Yesu gɛdɛ. Lii fɛyɛ gɛnɛn ilaa ibono so mɔ, fɛyɛ-ilaa i tansi i bo mɛ ɔkon gikyɔ. N kya laarɛ fɛɛ fɛ' tɛn ansi ilaa densɛ giwɔra dɔ. Dɛ fɛn sa fɛ' bii ilaa nyɛnyɛn giwɔra baa pii faa.

20 I maɛn kɛɛla nɛ Wurubuaarɛ ɔbono ɔ kya sa gɛsɛn yuuli mɔ laa yɛgɛ fɛ' gyi ilaa nyɛnyɛn pɛwɛ gɛmu mɔ so. Aye-Wura Yesu ɔ' sa fɛyɛ so gɛwɔnsa densɛ. I' ba gɛnɛn.

²¹ Timoti kya faala fɛye. Ɔ gye me-nanbo Yesu gesun mɔ ɔwɔrabo. Me-subuana, Lusiuyuse, Gyeeson, de Sosipaterɛ kee mɛ kya faala fɛye.

²² Me, Tetiyuse ne Pɔɔlo gi yɛgɛ nɛ nmarasɛ ɔwolɛ baarɛ sa mɔ. N kya faala fɛye Wura Yesu ginyen dɔ.

²³ Me Pɔɔlo me-geɛten wura, Gayuse, kya faala fɛye. Mɔ-geɛten dɔ ne Yesu asonbo gikpen gibono gi bo gere mɔ mɛ kya gyan son Yesu. Irasituse kya faala fɛye. Mɔ ne n kya yela ɔsowolɛ baarɛ gegyapaa ateesi aterenbi. Aye-nanbo Kuatuse kee kya faala fɛye. [

²⁴ Aye-Wura Yesu Kirisito ɔ' sa fɛye pɛwu so gɛwɔnsa dɛnsɛ. I' ba genen.]

²⁵ A' kyu ayenbi sa Wurubuaarɛ! Mɔ ne n yɛgɛ n kya tɔgɛ Yesu Kirisito ɔkalan konkonsɛ mi-i sa asa de mɛ' nyɛ ka gyan Yesu so. Mɔ ne n bo lon de ɔ' yɛgɛ fɛ' taalɛ yelɛ fɛye-ayaa so genen gikagyan gibono so. Yesu Kirisito ɔkalan baarɛ gyɛ daa ilaa boduduuse ibono nkana Wurubuaarɛ gi kyu imɔ nara lɛi ko-o dedaa.

²⁶ Ilaa boduduuse ibono ilaa ne Wurubuaarɛ ikalan atɔgɛbo mɔ mɛ wolaa nmarasɛ yela mɔ. Idɛ kon mɔ, Wurubuaarɛ ɔbono ɔn bo geyiigɛsɛ ne ɔn bo ɔkara mɔ gi tɔgɛ yɛɛ Kirisito ilaa boduduuse ibono i' lɛi gɛwi tentegelen de asa kpɛi-kpɛi pɛwu mɛ' nyɛ sɔɔ mɔ gyi de mɛ' nu mɔ-gɛdɛ.

²⁷ Wurubuaarɛ mɔ-nkon guan ne n nyi ɔlaako. Nyisigyɛ ɔ' wɔra mɔ-lɛɛ gɛkpaa-gɛkpaa kyu naa de Yesu Kirisito so. I' ba genen.

Pɔɔlo Ɔwɔlɛ Gyangbarasɛ Ɔbono Ɔ Nmarasɛ Bunge Korinti Awura Mɔ

¹ Me Pɔɔlo Ɔbono Kirisito Yesu gi tɔgɛ me yɛɛ n' baa wɔra mɔ-ɔsɔɔ kyu lii Wurubuaarɛ gelaarɛ so mɔ ne n nmarasɛ genen ɔwɔlɛ baarɛ. Me-rɛ Sositeni, aye-nanbo Yesu ɔson mɔ dɔ, ne n kyu ɔwɔlɛ baarɛ bunge

² fɛye abono fɛ kya son Wurubuaarɛ kyu naa de Yesu so Korinti ɔsowɔlɛ so mɔ. Kyu lii fɛye-rɛ Kirisito Yesu ginyamesɛ kolon mɔ so mɔ, Wurubuaarɛ gi lɔrɔ fɛye yela sa mɔ-nyoro, ne ɔ tɔgɛ fɛye yɛɛ fɛ' lɔrɔ fɛye-nwɔnsa dɔ yela sa mɔ, ne i mɛn gye fɛye-wɔlɛ. Fɛye-rɛ abono pɛwu me kya saawo tere aye-Wura Yesu Kirisito geten kamaasɛ mɔ ne Wurubuaarɛ darɛ yɛɛ fɛ' lɔrɔ fɛye-nwɔnsa dɔ yela sa mɔ genen. Yesu Kirisito ne n gye aye-rɛ genen asa abono pɛwu Wura.

³ Aye-sɛ Wurubuaarɛ de aye-Wura Yesu Kirisito mɛ' sa fɛye so gɛwɔnsa densɛ de mɛ' sa fɛye gisen yuuli.

Wurubuaarɛ Gi Sa Fɛye Getɔngɛ Densɛ De Ɔlaako Ginyi

⁴ N kya faala Wurubuaarɛ fɛye so owi kamaasɛ. I lii fɛɛ fɛye-rɛ Kirisito Yesu ginyamesɛ kolon mɔ so mɔ, Wurubuaarɛ kya sa fɛye so gɛwɔnsa densɛ.

⁵ Fɛye-rɛ Yesu ginyamesɛ kolon so mɔ, Wurubuaarɛ gi tansi sa fɛye getɔngɛ densɛ de ɔlaako ginyi ɔkpa kamaasɛ so.

⁶ I lii fɛɛ fɛ bii fɛye-asen dɔ yɛɛ Kirisito ilaa ibono a tɔgɛ sa fɛye mɔ, i gye gesintin.

⁷ Imɔso fɛn kya kponderɛ ilaa densɛ ibono Wurubuaarɛ kya wɔra sa mɔ-asonbo mɔ iko-rɛ iko. Aberɛ abono pɛwu fɛ tɛ fɛ gyoo gekaabono Wurubuaarɛ laa lɛɛ aye-Wura Yesu Kirisito gewi nyiile gesinkpan so asa faa mɔ, ɔ kya sa fɛye ilaa kamaasɛ ibono i laa yege fɛ nyɛ yelɛ fɛye-ayaa so son mɔ dandan mɔ.

⁸ Aye-Wura Yesu Kirisito laa yege fɛ' nyɛ wɔra ɔlon de fɛ' wɔra Wurubuaarɛ gelaarɛ genen kpaa lii. Imɔ ne nan yege ne i man nyɛ ilaa nyenyɛn iko fɛye-nyoro so gekaabono ɔ laa lii Wurubuaarɛ dɔ ba baa gyi anyamesɛ nbele mɔ.

⁹ Wurubuaarɛ gye ɔpaawɔrabo. Ɔ tɔgɛ fɛye yɛɛ fɛ' kyu fɛye-nyoro mada de mɔ-bi aye-Wura Yesu Kirisito.

Fɛn Sa Fɛ' Yege Gesa-Barage Gɛ' Ba Fɛye Dɔ

¹⁰ Me-nanboana Yesu asonbo, n dɛ aye-Wura Yesu Kirisito ginyen n kya kole fɛye yɛɛ fɛ' tɔgɛ kyule abara. Fɛn sa fɛ' yege gesa-barage gɛ' ba fɛye dɔ. Nengyene fɛ laa sa gɛwɔnsa ilaa iko so abɛɛ fɛ laa lɛɛ ilaa ibono i boran dabɔle mɔ, fɛ' kerɛ de fɛ' wɔra genɔ kolon kpaa logɛ.

¹¹ Me-nanboana, in gye giyan so ne n' kya tɔgɛ fɛye ilaa idɛ. Kulowe geten dɔ asa ako mɛ buu sa me yɛɛ ibiide i bo fɛye dɔ.

¹² Ilaa ibono ne nu mɔ ne n gye yɛɛ fɛye dɔ ɔkamaasɛ kya tɔgɛ mɔ-lɛɛ kpɛi. Ɔdɛ yɛɛ, "Me berɛ, Pɔɔlo ne n' buu." Ɔdɛ mɔ yɛɛ, "Apolosɛ ne n' buu," Ɔbanban mɔ yɛɛ "Sefasɛ" abɛɛ "Kirisito ne n' buu."

¹³ Ibono fɛ barage faa, n' taasɛ fɛye yɛɛ, imɔso fɛ barage Kirisito dɔ genen kee? Ibono fɛye ako yɛɛ me Pɔɔlo ne fɛ buu faa, me ne n wu' lewu

oyii mɔ so sa feye? Inj gye Kirisito ne n wu' sa aye? Abɛɛ fe nyi yɛɛ me, Pɔɔlo, ginyen dɔ ne me gyere feye Wurubuaare sagyere mɔ? Inj gye Kirisito ginyen dɔ? Feɲ sa fe' barage kpaɔ buu asa kpei-kpei.

14 I bo me ɔkon yɛɛ inj gye me ne n gyere feye Wurubuaare sagyere, genen mɔ, Kirisipuse mɔ-re Gayuse wole ne ne gyere Wurubuaare sagyere.

15 Menan gyere feye Wurubuaare sagyere mɔ, nkana ɔfaa feye dɔ ɔko laa toge yɛɛ me, Pɔɔlo, ginyen dɔ ne me gyere mɔ Wurubuaare sagyere.

16 (N kya nyingi yɛɛ ne gyere Sitefanase mɔ-re mɔ-getsen dɔ asa kee Wurubuaare sagyere. Kyu lii genen asa aɛ gemara mɔ, menj baa mi-nying yɛɛ ne gyere ɔko Wurubuaare sagyere.)

17 I kya nyiile yɛɛ Kirisito menj sun me yɛɛ n' baa gyere asa Wurubuaare sagyere. O sun me daa yɛɛ n' baa toge mɔ-ɔkalan konkonse mɔ sa asa. N naa mi-i toge ɔkalan mɔ mɔ, menj kya kyu ɔlaako onyibo adawo atongebi kyu tonge sa mɔmɔ. Menj kya laare i' ba yɛɛ me-atongebi a kya denge asa nwɔnsa lii Yesu lewu oyii mɔ so de i' ba yɛɛ menj nye amolege lii mɔ-lewu mɔ so.

Wurubuaare-Lɛɛ ɔlaako Ginyi

18 I lii fɛɛ abono me kya fue mɔmɔ-lewu gemara mɔ, Wurubuaare ɔkalan kyu lii Yesu lewu mɔ so mɔ gye daa ilaa gyaga sa ɔmɔ. Aye abono Wurubuaare ti ɔ kya mɔlege aye mɔ bere, Wurubuaare ɔkalan kyu lii Yesu lewu mɔ so mɔ kya sa aye Wurubuaare Oduduu dɔ ɔlon.

19 Wurubuaare gi yege me nmarase imɔ ide so ilaa yela mɔ-agyebi mɔ dɔ yɛɛ,

“Nan nyida anyamese-lɛɛ ɔlaako ginyi.

Nan yege asebo nwɔnsa gi' lɛɛ mɔmɔ tanga.”

20 Nyamese ɔlaako ginyi gi gye ilaa iko sa Wurubuaare? Wurubuaare agyebi onyiilebo gebelense ge laa kpaɔ mɔ Wurubuaare ase? Ne ɔbono o nyi getonge mɔ, fe nyi yɛɛ mɔ-getonge ge laa mɔlege mɔ Wurubuaare ase? Kuaa! Gekyena gede dɔ wole ne i laa kpaɔ mɔmɔ. Wurubuaare gi yege anyamese-lɛɛ ɔlaako ginyi gi kya lɛɛ ɔmɔ tanga fɛɛ ilaa gyaga ne i gye mɔ ase.

21 Wurubuaare ɔlaako ginyi so mɔ, ɔ menj yege anyamese me' kyu mɔmɔ-lɛɛ ɔlaako ginyi bii mɔ. I bo Wurubuaare ɔbole daa yɛɛ ɔ' mɔlege asa abono me kya ka gyan Yesu so mɔ. ɔ kya mɔlege mɔmɔ kyu naa de Yesu ilaa ibono a naa a kya toge faa so, yege ilaa ibono a kya toge faa, asa abono gesinkpan so ilaa wole ne n bo mɔmɔ-ansi so mɔ menj kya kyu imɔ yɛɛ i gye ɔlaako ginyi.

22 I lii fɛɛ Gyuda awura mɔ me kya toge aye yɛɛ a' wɔra ilaa ibono i laa lɛɛ Wurubuaare ɔlon nyiile mɔmɔ pei de me' kyule sɔɔ Yesu gyi. Ne Geriiki awura mɔ, mɔ, me kya laare a' toge ɔmɔ ɔlaako ginyi agyebi pei de me' kyule sɔɔ Yesu gyi.

23 Aye bere, ilaa ibono a naa a kya toge mɔ ne n gye yɛɛ me da Yesu Kirisito ananbi lewu oyii so mɔ. Genen so, Gyuda awura menj kya laare me' sɔɔ aye-ilaa toge mɔ gyi. I kya biiri asa sɛnsɛ kee ansi fɛɛ ilaa gyaga ne i gye.

24 Aye abono pewu Wurubuaare gi toge aye yɛɛ a' kyu aye-nyoro sa mɔ mɔ bere, a gye Gyuda awura-o, anj gye Gyuda awura daa-o, Kirisito lewu kya yege a kya nyɛ Wurubuaare ɔlon de Wurubuaare ɔlaako ginyi.

25 I kya nyiile yɛɛ Wurubuaare kya wɔra ilaa ibono fo nyamese ase mɔ inj gye ɔlaako ginyi mɔ, fo baa kere mɔ, i ti wɔra ɔlaako ginyi don anyamese-lɛɛ ɔlaako ginyi gbaa bun, ne Wurubuaare kya wɔra ilaa ibono fo nyamese

ase mɔ, in̄ kya nyiile yee ɔ bo lon, fo baa kere mɔ, i ti wɔra ɔlon ilaa don anyamese-lee ɔlon gbaa bun.

²⁶ Me-nanboana Yesu asonbo, ibono anyamese-lee ɔlaako ginyi gin̄ gye sei Wurubuaare ase faa mɔ, a' kyu feye gbaa-gbaa gidebi taa kere. Owi ɔbono Wurubuaare gi tɔge feye yee fe' kyu feye-nyoro sa mɔ mɔ, abono mɔmɔ-anyen a dii yee me nyi ɔlaako mɔ, me men̄ kyɔ feye dɔ. Genen kee abono me bo nsun bele-bele dɔ mɔ, me men̄ kyɔ feye dɔ. Genen kee abono me lii gesu gbaa' dɔ mɔ, me men̄ kyɔ feye dɔ.

²⁷ Wurubuaare nyi daa ne ɔ lee gibaa yii abono me men̄ nyi ɔlaako mɔ yee ɔ laa wɔra ilaa gbaa' naa de mɔmɔ so. ɔ lee yii abono me men̄ nyi ɔlaako mɔ genen daa de abono me kya ka gyan mɔmɔ-ɔlaako ginyi so mɔ me' nye gyi ipeeli. Genen kee ne Wurubuaare gi lee gibaa yii afɔlebo yee ɔ laa wɔra ilaa gbaa' kyu naa de mɔmɔ so. ɔ lee yii afɔlebo mɔ genen daa de alolonbo mɔ, mɔ, me' nye gyi ipeeli.

²⁸ Imɔso Wurubuaare gi lee gibaa yii abono asa men̄ kya kyu tere sei, abono me kere ɔmɔ ta, de abono ba-a me men̄ bo agyan mɔ, yee ɔ laa wɔra ilaa gbaa' kyu naa de mɔmɔ so. ɔ lee yii ɔmɔ genen daa de o' nyiile abono me bo agyan mɔ yee mɔmɔ anyamese-lee i men̄ gye sei mɔ ase.

²⁹ Wurubuaare kpe ɔ kya kyeege anyamese ilaa genen daa de i' ba yee nyamese ne n gye nyamese ɔ men̄ sa ɔ' nye nyiile mɔ-nyoro mɔ Wurubuaare ase.

³⁰ Wurubuaare ne n yeege ne aye-re Kirisito Yesu a nye wɔra nyamese kolon faa. Ne kyu naa de Yesu so ne a kya nye ɔlaako ginyi ne Wurubuaare kya kyu yee aye-asen dɔ i boran sa mɔ. Kyu naa de Yesu so ne aye-asen a kya kii lorɔ fuuli too, ne a nye aye-nyoro lii ilaa nyenyen pewu gemu mɔ abaa dɔ a san a te sa Wurubuaare faa.

³¹ Imɔso i kaabore a' nu ilaa ibono me wolaa nmarase Wurubuaare agyebi dɔ mɔ. Me nmarase yee, “ɔbono ɔ laa nyiile mɔ-nyoro mɔ, ɔ' nyiile mɔ-nyoro kyu naa de aye-Wura bele mɔ so.”

2

Yesu Kirisito Mɔ-re Mɔ-Lewu Ilaa Wole Ne Nan Tɔge Sa Asa

¹ Me-nanboana Yesu asonbo, ne ba feye ase mɔ, men̄ kyu ɔlaako anyibo atongebi baa tonge sa feye. Ne lee daa Wurubuaare gesintin tɔge.

² I lii fee ne wolaa tɔge sa me-nyoro yee abere abono nan nyiile feye ilaa mɔ, nan kyu me-nyoro fee men̄ nyi ɔlaako. Yesu Kirisito mɔ-re mɔ-lewu ɔbono o wu' sɔɔ aye-nkpa mɔ wole ilaa ne nan tɔge.

³ N bo feye ase n kya nyiile feye ilaa mɔ, me-nyoro gi kya da. Men̄ kyu feye de ɔlon, ne sele me-nyoro.

⁴ Yesu lewu ilaa ibono ne tɔge mɔ de me-atongebi mɔ dɔ mɔ, men̄ kyu adawo agyebi de ɔlaako anyibo agyebi buesele feye. Wurubuaare Oduduu mɔ ne n kyu mɔ-ɔlon kyu lee Wurubuaare ilaa nyiile feye.

⁵ Ibono so men̄ kyu adawo agyebi tonge mɔ ne n gye yee men̄ laare fee fe' sɔɔ Yesu gyi kyu lii anyamese-lee ɔlaako ginyi so. Ne laare daa yee fe' sɔɔ mɔ gyi kyu lii Wurubuaare ɔlon mɔ so.

Wurubuaare ɔlaako Ginyi Gi Gye Gesintin

⁶ Imɔ-re imɔ genen gbaa mɔ, nengyene me-re me-nanboana a te saare abono me ti ten ansi Wurubuaare ilaa dɔ mɔ, a kya kyu ɔlaako anyibo

agyebi tonge sa mɔmɔ. Gesinkpan so gekyena gede dɔ asa de mɔmɔ-abelense men kya kyu yee aye-ɔlaako ginyi gide gi taa gye ɔlaako ginyi. Yee gye mɔmɔ-ɔlon de mɔmɔ-ɔlaako ginyi kya baa yela ɔkara.

⁷ ɔlaako ginyi ilaa ibono a kya lee tɔge mɔ i gye daa Wurubuaare-lee ɔlaako ginyi. Genen ɔlaako ginyi mɔ gi gye ilaa boduduuse ibono Wurubuaare gi wolaa kyu imɔ nara. Pei de soso de gese i loɔ wɔra ileese mɔ, Wurubuaare gi wolaa tɔge mɔ-ilaa boduduuse ide so ilaa yela yee a laa nye mɔ-nyisigyɪ kyu naa de imɔ so.

⁸ Abelense abono me kere asa so Yesu gekyena abere dɔ mɔ, mɔmɔ dɔ ɔko-re ɔko men nu Wurubuaare ɔlaako ginyi ilaa ibono n dare faa gese. Nengyene menan nu imɔ gese mɔ, nkana me man da Wura Yesu, Nyisigyɪ Wura mɔ ananbi mada de oyii.

⁹ Genɔɔbono me men nu gese mɔ, i gye daa ilaa ibono me wolaa nmarase Wurubuaare agyebi dɔ yee,

“Ilaa ibono ɔko ansi an ti wu kere,

ɔko aso an ti nu kere,

ne ɔko men ti taa sa imɔ so gewɔnsa kere mɔ,

genen ilaa ibono ne Wurubuaare gi baala yela

sa asa abono me kya laare mɔ Wurubuaare ilaa mɔ.”

¹⁰ Aye abono a kya ka gyan Yesu so mɔ, genen ilaa ide ne Wurubuaare gi lee nyiile aye. ɔ lee imɔ nyiile aye naa daa de mɔ-Oduduu mɔ so. I lii fee mɔ-Oduduu mɔ ne n kya kere ilaa kamaase dɔ dabɔle Wurubuaare gisen dɔ ilaa wu sɔnlii.

¹¹ ɔko-re ɔko men nyi mɔ-nanbo nyamese nwɔnsa dɔ, genen mɔ, kaase gbaa-gbaa oduduu ɔbono ɔ bo mɔ dɔ mɔ wole ne n nyi mɔ-nwɔnsa dɔ. Genen kee ne Wurubuaare Oduduu mɔ wole ne n nyi Wurubuaare nwɔnsa dɔ.

¹² I men gye gesinkpan so-lee oduduu ɔnan ne Wurubuaare gi kyu sa aye abono a kya ka gyan Yesu so mɔ. Wurubuaare gbaa-gbaa lee Oduduu ne o kyu sa aye de a' nye nu ilaa dense ibono ɔ wɔra sa aye mɔ gese.

¹³ Imɔso a kya lee Wurubuaare ilaa ide gese a kya sa asa faa mɔ, oduduu dɔ ilaa ne a kya lee gese a kya sa mɔmɔ abono kee Wurubuaare Oduduu mɔ bo mɔmɔ dɔ mɔ. Ne i men gye anyamese-lee ɔlaako ginyi ne a kya kere de a' nye agyebi abono a laa kyu tonge mɔ. Wurubuaare Oduduu mɔ ne n kya nyiile aye agyebi tɔgese.

¹⁴ Nyamese ɔbono Wurubuaare Oduduu mɔ men bo mɔ dɔ mɔ men kya kyule gesintin gɔbono Wurubuaare Oduduu mɔ kya nyiile anyamese mɔ. Wurubuaare Oduduu mɔ ilaa nyiilese mɔ i kya biiri mɔ ansi daa, in bo gese sa mɔ, yee Wurubuaare Oduduu mɔ, mɔ, ne n kya kpa nyamese de ɔ' sa imɔ so gewɔnsa barage imɔ dɔ de o' nu gese.

¹⁵ Nyamese ɔbono Wurubuaare Oduduu bo mɔ dɔ mɔ bere kya bii barage ilaa kamaase dɔ nu gese. Mɔ gbaa-gbaa lee gisen dɔ ilaa mɔ, ɔko man taale barage imɔ dɔ nu gese.

¹⁶ I de daa fee agyebi abono me wolaa nmarase yela Wurubuaare dɔ mɔ. Me nmarase yee,

“Fo ane ne n ti taale bii Wura Wurubuaare nwɔnsa dɔ?

Fo ane ne n ti taale nyiile mɔ ilaa iko?”

Aye abono a bo Wurubuaare Oduduu aye dɔ mɔ bere, a nye Kirisito gewɔnsa ɔnan.

3

¹ Me-nanboana, ne wu yee me-re feye a bo Yesu onon mo do bere. Men kii taale tonge de feye fee genonono n kya tonge de abono Wurubuaare Oduduu bo momo do mo. Fe tiri daa yee n' tonge de feye fee anyamese giyan abee fee asa abono men ti taa see Yesu Kirisito onon mo do mo.

² Genen so ne men kyu agyudo boduduuse gyiile feye mo. I wora fee ginyabo ne ne sa feye. I lii fee genen owi onono mo, fen ti see Wurubuaare onon mo do de fe' taale nu Wurubuaare ilaa boduduuse. Baa lii de nde' faa, fen ti see fo genen.

³ Imo gese ne n gye yee feye-gekyena do mo, fe kya kere daa feye anyamese-lee gidebi taa Wurubuaare Oduduu mo yee. Imo iko ne n gye yee fe te daa gikoso gegyanbue gekyena ne ibiide ne n kpe i bo feye do. Mo, i men kyu anyamese gidebi ne fe de fe te faa? Fen de fee abono men nyi Wurubuaare mo ne?

⁴ Owi onono feye do ako me kya toge yee Poo lo abee Apolose ne me buu faa mo, fen de fee abono men nyi Wurubuaare mo ne?

⁵ Apolose ne n gye ane, ne me, Poo lo ne n gye ane? Aye pewu a gye daa Wurubuaare asonbo abono o sun aye feye ase de fe' nye kyu feye-nyoro too Yesu so. Wura Wurubuaare ne n kyu okamaase gesun worase kyu sa mo.

⁶ I de daa fee me ne duu oyii gibi ne Apolose mo gi woroge gim o nkyu. Wurubuaare, mo, ne n gye onono o yee ne oyii mo gibi mo gi kor o wora oyii feye do faa.

⁷ Nyamese onono o duu ilaa ne onono o baa woroge imo nkyu mo, momo anyo men fo Wurubuaare onono o yee i kor o mo. Mo ne n gye.

⁸ Nyamese onono o kya duu de onono, mo, o kya woroge nkyu mo, momo oko men don mo-nanbo. Momo okamaase laa nye mo-ntee laa fee genonono okara o wora mo-gesun mo.

A' Por o Dandan Gyan Wurubuaare Gese Opore Mo So

⁹ Me-re Apolose a gye daa nyamese mo-re mo-nanbo Wurubuaare agyebi mo gesun giwora do. Feye, mo, ne n gye fee Wurubuaare ndoo, abee a' kyu yee Wurubuaare obu onono o yee a kya yii mo.

¹⁰ Wurubuaare gi kpa me, ne o yee ne too gese opore. Mo ne n yee ne wora fee oporo dense. I lii fee me ne n daa gitoge Yesu ilaa sa feye. Obanban gi ba o kya toge Yesu ilaa o kya sa feye mo, i wora fee o kya por o o kya gyan me-lee mo so ne. Oporo kamaase onono o laa baa por o gyan mo, o' kere daa de o' por o dandan.

¹¹ Imo gese ne n gye yee Yesu Kirisito ilaa i de fee gese opore onono Wurubuaare gi yee a' too mo. Men kya too obu gese opore ginyo.

¹² Ilaa kamaase ibono fo oko fo laa san wora sa Wurubuaare mo, i de fee fo kya por o fo kya gyan gese opore mo so ne. Sika koko ne fo laa kyu por o daa-o, abelet o fufuli-o, abui nelegise-o, iyii abee ife abee afedaa daa-o, aho-o!

¹³ Fo nyamese kamaase fo-gesun worase gebono fo wora sa Wurubuaare mo ge laa lii gewi. I lii fee Wurubuaare laa lee gemo-gewi nyiile geke gebono o laa koola anyamese de o' gyi momo-nbele mo. Genen geke gebono mo, gemo-re ogya ne nan naa. Ogya mo laa daase okamaase gesun gebono o baa wora sa Wurubuaare mo kere yee gesun gemomo onan ne o wora?

¹⁴ Fo onono fo ka gyan Yesu so mo, nengyene ilaa ibono fo kyu por o gyan gese-lee opore mo so mo i nye loo ogya mo do lii mo, fo-re fo-ila wase pewu fo laa loo Wurubuaare ase de fo' nye ntee laa bele Wurubuaare do.

¹⁵ Ne fo obono ogya mo gi dæe fo-gesun worase mo, fo wora aworafue ne. Fo gbaa-gbaa bere, fo laa loo ogya mo do lii de Wurubuaare o' mølge fo de fo' nye loo mo ase.

¹⁶ Fe menj nyi yee Wurubuaare Oduduu mo te feye do? Ibono o te feye do so mo, fe de fee Wurubuaare onon obu mo ne. Imoso

¹⁷ fe' kere dandan. A' kyu yee fo oko fo boori Wurubuaare onon obu mo. Fo nyi yee Wurubuaare laa yegge fo? Genen kee ne o manj yegge fo obono fo laa barage mo-asonbo gikpen mo. I kya nyiile yee o loro feye yela sa mo-nyoro de o' kyena feye do fee mo-onon obu.

¹⁸ Feye oko-re oko on sa o' nyiile mo-nyoro yee o nyi olaako. Fo kya peno fo-nyoro ne. Nengyene fo oko fo nyi yee fo gye olaako onyibo anyamese ase mo, i kaabore fo wora fee obono o menj nyi olaako de fo' nye nye olaako ginyi lii Wurubuaare ase.

¹⁹ I kya nyiile yee ilaa ibono anyamese me laa kyu yee i gye olaako ginyi mo, Wurubuaare ase mo, i menj gye olaako ginyi ba-a pii faa. Me nmarase yela Wurubuaare agyebi do yee,

“Olaako anyibo yee me nyi olaako mo,
Wurubuaare kya keda daa momo-oduu do.”

²⁰ Ne me nmarase yela kee yee,
“Wurubuaare nyi yee olaako anyibo akyoolo
a gye daa ilaa yanyanse.”

²¹ Imoso oko-re oko o menj sa o' nyiile mo-nyoro kyu naa de nyamese so yee, “Ode abee ode ne n' buu.” Gesintin gebono ge bo no mo ne n gye yee inj gye nyamese ne fe bo no sa. Feye abono fe kyu feye-nyoro too Yesu so mo, nyamese kamaase de ilaa kamaase i bo no sa feye daa.

²² I gye me Poo-lo-o, Apolose-o abee Sefase-o, i gye daa gesinkpan so ilaa-o, nkpa ilaa-o abee lewu ilaa daa-o, nde geke gede ilaa-o abee geakaako lee-o, nyamese kamaase de ilaa kamaase i bo no daa sa feye.

²³ Feye mo, fe bo no sa Kirisito, ne Kirisito, mo, bo no sa Wurubuaare.

4

Yesu Laa Baa Lee Nyamese Kamaase Gewonsa Do Ilaa Nyiile

¹ Imoso i kaabore fe' kyu aye Kirisito isoo mo yee a gye daa mo-adega ne o kyu Wurubuaare ilaa boduduuse wora aye-abaa do a kya kere imo so a-a sa mo.

² Nengyene a kya kere mo-ilaa so a kya sa mo mo, ilaa ibono i tiri mo ne n gye yee o' wu yee a kya gyi gesintin sa mo.

³ Ibono Kirisito ne n' kya gyi gesintin n kya sa faa mo, nengyene fee feye abee nbele ogyibo kamaase gi kere me-ilaa worase de o' bun me gipuee mo, inj tiri me. Me gbaa-gbaa menj kya kere me-ilaa worase de n' bun me-nyoro gipuee abee n' sa me-nyoro aso.

⁴ Menj kya nyingi yee ilaa ibono ne wora ne i laa bun me gipuee mo bere. Imo ibono i menj kya nyiile yee nan gyi aso. Wura Yesu Kirisito ne n gye obono o laa gyi me-nbele de o' bun me gipuee abee o' sa me aso.

⁵ Imoso fe menj sa fe' bun oko-re oko gipuee abee fo' sa aso pei de i' loo fo owi obono aye-Wura Yesu laa baa gyi anyamese pewu nbele mo. Ilaa ibono i bo gibiri do nperere mo, mo Yesu ne nan baa lee imo-gewi de o' lee nyamese kamaase gewonsa do ilaa nyiile. Genen owi obono ne Wurubuaare laa yen nyamese kamaase genobono okara i kaabore mo mo.

⁶ Me-nanboana Yesu asonbo, ne kyu me-re Apolose ilaa kyu wora sinkaala sa feye de fe' nye kase bii genobono fe laa sii de Wurubuaare

ilaa tɔgese mɔ wole. Fe yeƼ nyamese gemara taa mɔ-ilaa tɔgese yege mɔ, in boran. Feŋ sa fe' yeƼ ɔko gemara nyiile feye-nyoro taa ɔko yege.

7 Fo ɔko fo nyi yeƼ fo ne n don asa sense? Menɛ ne fo bo ne i men gye Wurubuaare ne n sa fo imɔ? Imɔ pɛwu i gye Wurubuaare ilaa kyɛɛɛ daa mɔ, nne so ne fo laa nyiile fo-nyoro?

8 Feye Korinti awura fe nyi yeƼ feye-gibaa gi ti yii ilaa kamaase ibono fe kya laare mɔ ne? Fe ti nye Wurubuaare Oduduu ilaa kyɛɛɛ kamaase ne? Fe nyi yeƼ fe ti wɔra awuragyibo taa aye yege ne? Ne feƼ fe gye awuragyibo gesintin mɔ, nkana i laa wɔra me ɔkon. I ba genen mɔ, a laa nye de aye-re feye a' gyi gewura daboƼ.

9 Genɔɔbono i de faa mɔ, i kya wɔra me feƼ aye Yesu isɔɔ, abono a gyangbara sa mɔ-gesun mɔ, Wurubuaare gi yege a wɔra gemara awura asa ase. I wɔra feƼ Wurubuaare dɔ isɔɔ de anyamese me kpe san me kya lii ma-a kere aye. I de feƼ a gye daa asa abono me keda tii de ibu, ne me san ma-a lee ma-a mɔɔ sansana, asa me yeƼ ma-a kere.

10 I kya nyiile yeƼ aye bere a kya pɛere ansi Yesu gesun mɔ so gikyɔ so mɔ, a wɔra feƼ abono me men nyi ɔlaako asa ase. Feye Korinti awura bere, feye yeƼ fe gye ɔlaako anyibo kyu lii Yesu Kirisito so. Aye Yesu isɔɔ mɔ, asa ase mɔ a gye afolebo. Feye bere, asa me kya kyu feye yeƼ alolonbo ne fe gye. Asa me kya kyu buubuu sa feye. Aye bere asa men kya kyu aye tere sei.

11 Kpe kyu lii owi ɔbono a yii Yesu gesun gedɛ gesɛ baa lii de nde mɔ, akon de bolefo ne n kya mɔɔ aye. Apanan ne a kye. Asa me kya taa aye gbaa. Anaa-naa ne n gye aye-lee.

12 Yege a kya daboƼ nyanga ansi wɔra gesun de a' kere aye-nyoro so. Nengyene feƼ ako me kya saale aye mɔ, aye bere, a kya kole daa Wurubuaare ayuule sa ɔmɔ. Nengyene me kya ka aye-ansi mɔ, a kya kyu imo genen.

13 Nengyene me kya ten aye-genɔ mɔ, aye bere, a kya buɛle ɔmɔ daa. Asa ase mɔ, a bingiri feƼ gibiinaa abee mɔmɔ-ayaa ise baa lii de nde'.

N Kya Ka Feye FeƼ Me-Gisen Dɔ Nbi

14 Men kya nmarase genen ilaa ide mi-i sa feye de i' wɔra feye ipeeli. N kya laare daa de n' ka feye feƼ me-gisen dɔ nbii.

15 Nengyene feye anyiilebo Yesu ɔson mɔ dɔ me taa nyaakyo nne mɔ, ɔse kolon ne fe bo. Mɔ ne n gye me. I lii feƼ me ne n daa gitɔge Yesu ɔkalan konkone mɔ sa feye ne fe nye kyu feye-nyoro too mɔ so faa.

16 Imɔso n kya kole feye. Genɔɔbono n de mɔ, fe' kase me-gidebi.

17 Genen so ne ne keda Timoti n kya sun feye ase faa. Wura Yesu ɔson mɔ dɔ mɔ, Timoti gi baa wɔra feƼ me-gisen dɔ obi ɔbono n kya ka gyan mɔ so. Mɔ ne nan nyingi feye me-akyanabi abono n de n te de Kirisito mɔ. Geten kamaase nfono n kya kpe mɔ, genen akyanabi ade ne n' kya kyu nyiile Yesu asonbo gikpen kamaase.

18 Feye ako me nyi yeƼ man baa ba laa feye. Imɔso me kya gyiide.

19 Wura Wurubuaare gi kyule mɔ, i man keela ne fe laa wu me nno. Ne ba mɔ, nan wu oduduu ɔbono me nye so ne me kya gyiide mɔ. In gye mɔmɔ-getonge mɔ ne n tiri me.

20 I lii feƼ i men gye nyamese getonge giyan ne n kya nyiile yeƼ ɔ ti nye ɔ ti Wurubuaare gewuragi dɔ akyanabi mɔ. Wurubuaare Oduduu ilaa wɔrase ibono kaase kya taale wɔra mɔ ne n kya nyiile yeƼ me te Wurubuaare gewuragi dɔ akyanabi mɔ.

²¹ Nan ba feye ase mo, mene ne fe kya laare yee n' kyu ba daa? N' kyu geyabii ba abee n' kyu gesalaare de gitolon-lee getonge kyu ba feye ase kanpe?

5

Fe' Gya Ilaa Nyenyen Wura Lii Feye-Gikpen Mo Do

¹ N kya nu yee oko bo feye Yesu asonbo gikpen mo do o kya wora ilaayan ibono onan okamaase nyi yee i gye ilaa kpan mo. Ba-a asa abono me men kya son Wurubuaare mo gbaa me kya kyo imo. Imo ne n gye yee onyen oko mo-re mo-se mo-ka me naa gigyibara.

² Onyen baare onan bo feye do mo, feye, mo, ne n kya nyiile feye-nyoro yee fe gye Wurubuaare asonbo dense? In kaabore i' wora feye ayen daa? Fe' gya isa obono o kya wora genen ilaa ibono mo lii feye-gikpen mo do.

³ Me-re feye a bo geta de abara bere. Wurubuaare Oduduu so mo, n bo feye ase me-nwonsa do. Imoso ne ti wolaa kyu aye-Wura Yesu ginyen mo bun onyen obono o wora genen ilaa kpan ibono mo gipuee fee genobono nkana n bo feye ase ne nan wora mo.

⁴ Owi obono fe laa kii gyan dabole de fe' son Wurubuaare ne me kee n bo feye ase me-nwonsa do mo, aye-Wura Yesu olon do mo,

⁵ Fe' gya genen onyen baare lii feye-gikpen mo do wora ilaa nyenyen pewu gemu mo abaa do. I kaabore fe' wora genen de o' nye kyeege de i' nyida mo anyamese-lee nwonsa nyenyen mo. O kyeege genen mo, de o' nye okyenaten Wurubuaare ase geke gebono Wura Yesu laa kii baa gyi anyamese pewu nbele mo.

⁶ Fe kya nyiile feye-nyoro mo, in boran. Fe men nyi yee nyamese kolon ilaa nyenyen i laa taale nyida feye-gikpen mo pewu? I de daa fee genobono bodobodo gelin pi-i ne n kya yee bodobodo kya nan dii mo.

⁷ Fe' lee ilaa nyenyen kamaase lii feye-ayaa do fee genobono Gyuda Awura me kya lee bodobodo gelin lii momo-ayaa do itiibilaa okpa so de me' nye gyi momo-Lewu Gi Serege Aye So Gesi mo. Fe' wora fee bodobodo maadiise obono Gyuda awura me kya kyu yee ilaa nyenyen iko in bo mo do mo. Gesintin mo, aye abono a kya son Yesu mo a de fee genen bodobodo obono. I lii fee Wurubuaare gi ti kyu Yesu Kirisito lee asunbi sa aye fee genobono Gyuda Awura me kya kyu sande lee asunbi momo-Lewu Gi Serege Aye So Gesi do mo.

⁸ Imoso a' kpe keda ilaa dense giwora do de i' wora fee a kya gyi Wurubuaare-lee gesi geke kamaase. An sa a' sa nwonsa nyenyen aye-nanboana so. An sa a' wora ilaa nyenyen. Ilaa nyenyen i gye daa Wurubuaare ilaa kyose fee genobono bodobodo diise gye agyudo kyose sa Gyuda awura gesi gigy do mo. A' gyi gesintin lii aye-asen do de i' wora fee Gyuda awura bodobodo maadiise obono me kya kyu gyi omo-gesi itiibilaa okpa so mo.

⁹ Ne nmarase toge feye Yesu asonbo mo me-owole oko mo do yee fe men sa fe' kyu feye-nyoro mada de asa abono me kya laare agyibara mo.

¹⁰ Ne toge genen mo, in gye abono me men kya son Yesu mo ne n' dare. Men kya gya feye yee fen' baa kyu feye-nyoro mada de abono me men gye Yesu asonbo ne me kya kudi asa gyi, abee me kya yuuri abee me kya son ikpere mo daa. Naafu genen asa onan ne n' dare mo, nkana fe laa lii gesinkpan so daa kprem!

11 Ne ηmarase tōge feye daa yee fεη' baa kyu feye-nyoro mada de nyamese obono o kya tōge yee o gye aye-nanbo Yesu sonbo yee o kya laare agyibara mo, abee o kya wōra onsipara, abee o kya son okpere, abee o kya nyida asa anyen, abee nta ginun gi kya gyi mō-gimu, abee o kya yuuri mo. Feye-re genen asa abono onan fεη sa fe' wōra abaa gyi gbaa.

12 Me ne n gye ane de n' gyi abono men bo aye Yesu onon mo do mo nbele? Aye Yesu asonbo mo nbele ne i kaabore a' gyi.

13 Wurubuaare ne nan gyi asa abono men bo aye Yesu onon mo do mo-lee nbele. Wurubuaare agyebi a kya nyiile yee, "Fe' gya ilaa nyenyen aworabo mo lii feye do."

6

Fe' Tere Abara Yesu Asonbo Wole Wole Ase

1 I wone so ne i kya ba feye Yesu asonbo mo do yee oko gi toro mo-nanbo so de obono, mo, o' da otu kpa a tere mo nbele asa abono me men kya son Yesu mo ase? Fe maa tere abara feye Yesu asonbo wole-wole ase?

2 Fe men nyi yee geakaako mo aye abono a kya son Yesu mo ne nan gyi gesinkpan so asa nbele? To! Nengyene fe laa gyi gesinkpan pewu so-lee nbele genen mo, fe maa taale kere de fe' lora feye-nsinbi nbono gi bo feye do mo?

3 Fe men nyi yee Wurubuaare laa yee de a' gyi Wurubuaare do isoo gbaa nbele geakaako do-o? Mo, gesinkpan so-lee ilaa ne fe maa taale lora?

4 Nengyene fe ilaa ide onan i taa ba feye do mo, i wone ne fe laa kyu imo kpere daa asa abono me men gye asa ako sa Yesu asonbo mo?

5 Fe ηabaa ne. Imoso fεη bo ba-a olaako onyibo feye do obono o laa bii lora feye wole-wole nbele sa feye?

6 Feye mo ne, fεη kii fa-a wōra genen. Fe kya liire daa abara kpe asa abono me men kya son Yesu mo ase.

7 Feye Yesu asonbo mo fe kpe nye tere abara nbele mo i kya nyiile yee ilaa nyenyen pewu gemu mo ge ti nye feye ne. Fe liire abara mo, i laa bara ipeeli sa Yesu onon mo. Nengyene i' ba feye oko so genen mo, i' kaabore o' tere tōge yee, "Ij gye sei. I' naa-naa. Kaase mo o' dabole kudi me gyi."

8 Feye, mo, fεη kya wōra genen. Feye Yesu asonbo mo kee fe kya wōra asa ilaa nyenyen ne fe kya kudi asa gyi. Feye-re feye-nanboana Yesu asonbo mo gbaa ne fe de fa-a wōra genen faa.

9 Fe men nyi yee ilaa nyenyen aworabo me man nye kyena Wurubuaare ase mo-gewuragyi mo do? Fe men sa fe' yee de oko o' nye feye penε. Asa abono me kya laare agyibara, abee me kya son ikpere, abee me kya lii mōmō-kaana abee mōmō-kuliana gemara, abee me kya de de mōmō-nanboana anyen,

10 abee me kya yuuri, abee me kya wōra onsipara, abee me kya kyena nun nta geele nyoro, abee me kya nyida asa, abee me kya yuuri geyu pinini mo, genen asa abono oko-re oko man nye kyena Wurubuaare ase mo-gewuragyi mo do.

11 Nkana feye do ako me wōra genen asa ade onan yee. Ibono fe nye ka gyan Yesu so mo, Wurubuaare gi kpaare feye-ilaa nyenyen fue sa feye, o lora feye yela sa mo-nyoro, ne o kyu feye yee feye-asen do i boran sa mo. Wurubuaare obono a kya son mo mo Oduduu mo gi wōra ilaa ide pewu sa feye kyu lii aye-Wura Yesu Kirisito so.

Fe' Wōra Ilaa Ibono I Laa Sa Wurubuaare Nyisigyi

¹² Genɔɔbono Wurubuaare gi yege a nye aye-nyoro so mo, fonɔbii feye do ako me laa toge sa momo-nyoro yee, "In baa i bo ilaa kyose. A laa taale wɔra ilaa kamaase." I bo genen bere. Mo, i men gye ilaa kamaase mo ne n kya kpaɔ nyamese. "I de okpa yee n' wɔra ilaa kamaase" bere. Mi-i me mo maɲ kii wɔra me-nyoro fee gebide sa laawɔra oko de o' gyi me-gimu.

¹³ Abono me kya wɔra ilaayan mo me kya toge yee, "Wurubuaare gi lee agyudo sa daa oto ne o lee oto mo sa agyudo." I gye gesintin bere. Imo mo, mo, Wurubuaare laa baa yela oto de agyudo pewu okara. O men lee nyamese nyoro sa ilaayan giwɔra. O lee nmo sa Wura Yesu, ne Wura Yesu mo kee kya wɔra ilaa dense sa anyamese nyoro.

¹⁴ I lii fee Wurubuaare gi kyingi Wura Yesu nyoro lii ibuni do. Genen kee ne o laa kyingi aye abono pewu a kya ka gyan Yesu so mo lii ibuni do naa de mo-olon mo so.

¹⁵ Imoso i kaabore feye Yesu asonbo mo fe' bii yee Wurubuaare kya kyu imo yee feye-nyoro gi de fee Yesu Kirisito nyoro nten kpei-kpei. Ibono me-re Kirisito a wɔra gikolon genen faa, mi-i me mo n' kii kpaɔ de de tutukyii de i' wɔra fee ne kyu Kirisito nyoro mo kpaɔ mada de tutukyii nyoro? Kaasaa!

¹⁶ I kaabore fe' bii yee Wurubuaare kya kyu imo yee fo onyen obono fo de de tutukyii mo, fo-re genen okyii obono fe bingiri nyamese kolon ne. I kya nyiile yee Wurubuaare gi wolaa yege me nmarase yela mo-agyebi owole mo do yee, "...onyen kya kyu mo-nyoro da mada de mo-ka ne me kya bingiri nyamese kolon."

¹⁷ Fo obono mo fo-re Wura Yesu fe wɔra nyamese kolon mo, fe wɔra Oduduu kolon ne.

¹⁸ Feɲ sa fe' laare agyibara abee fe' wɔra ilaayan. Fe' sele imo giwɔra. Ilaa nyenyen kamaase ibono fo nyamese fo laa wɔra mo i men kya yege fo toɔ fo-nyoro gibi so. Ilaayan de ogyibara gilaare mo bere ne fo nyamese fo wɔra mo, fo toɔ fo-nyoro gibi so.

¹⁹ Feye abono fe ka gyan Yesu so mo, fe' bii yee feye-nyoro gi bingiri obu sa Wurubuaare Oduduu obono o bo feye do mo. Wurubuaare ne n kyu genen Oduduu obono sa feye. Feye-nyoro gin baa gi gye feye-gibaa so lee.

²⁰ Wurubuaare mo-bi gi wu' soɔ feye ka giko. Imoso fe' kyu feye-nyoro kyu wɔra ilaa ibono i laa kyu nyisigyɔ bara Wurubuaare mo.

7

Gedena Ilaa

¹ Nan tonge owole obono fe nmarase me mo so ilaa kon. Fee onyen laa taale kyena yee o maɲ yii' okyii gekaako mo, i boran.

² Fonɔbii mo mo, o maɲ taale kyena. I laa naa pene mo de o' kpaɔ laare ogyibara so mo, i kaabore onyen o' nye mo-lee mo-ka de okyii mo o' nye mo-lee mo-kuli.

³ Onyen obono o dena mo, o' kyule yii' mo-ka odeten, de okyii mo kee o' kyule de mo-kuli o' yii' mo.

⁴ I lii fee okyii gi dena mo, in baa i gye mo ne n bo mo-nyoro gibi. Mo-kuli ne n san o bo gimɔ. Genen kee ne onyen gi dena mo in baa i gye mo ne n bo mo-nyoro gibi. Mo-ka ne n san o bo gimɔ.

⁵ Onyen mo-re mo-ka me men sa me' wɔra abara gedon odeten. Pɛi ne i laa ba yee fe laa kine yee fe maɲ yii' abara odeten mo, i kaabore feye anyo fe' wolaa toge kyule abara yee genen abere ade do mo, fe maɲ yii' abara de fe' nye lɔɔ feye-nyoro yela sa gedalaa. Gedalaa owi mo gi kyon mo, de fe'

kii dabole ginyen de gikyii. In gye genen mo, nengyene fe man taale keda feye-nyoro mo, ilaa nyenyen pewu gemu mo laa soo feye idoo de fe' wora ilaa nyenyen.

⁶ Ne toge yee i kaabore feye okamaase o' nye mo-lee mo-ka abee mo-lee mo-kuli faa mo, n kya nyiile yee i de okpa daa. Nkana in gye yee i gye nbara sa Kirisito sonbo kamaase yee o' dena.

⁷ Me-lee gelaare do mo, nkana onyen kamaase de fee me de o' taale kyena on kya yii' okyii mo, nkana n kya laare. Wurubuaare mo, gi sa mo-sonbo kamaase mo-re mo-lee. Ode-lee kpei. Obanban-lee kee kpei.

Obono On Bo Okyii Abee Onyen

⁸ Asa abono me men ti taa dena mo, de momo abono me gye akulaabo kyiiise mo bere, ilaa ibono nan toge momo mo ne n gye yee, i boran fee me' sii kyena momo-wole genen fee genoo bono me men dena faa.

⁹ To. Nengyene me man taale keda momo-nyoro bere mo, me' tese dena. I boran don ibono ilaayan nwonasa gi laa gyi momo-amu mo.

Obono O Dena Mo-Nanbo Yesu Sonbo

¹⁰ Feye abono fe dena ne feye anyo fe gye Yesu asonbo mo, n bo nbara nan sa feye. Genen nbara mo gin lii me ase. Gi lii daa Wura Yesu ase. Imo ne n gye yee okyii on sa o' koso mo-kuli ase.

¹¹ Nengyene i taa ba genen mo, o' tese kyena, on baa dena obanban. Ne i men gye genen mo, mo-re mo-kuli mo me' kii loro de me' kyena. Onyen, mo, on sa o' kine mo-ka.

Obono Mo-Ka Abee Mo-Kuli Men Kya Son Yesu

¹² I san mo (me gbaa-gbaa ne n' kya ka feye kon faa, i men gye Wura Yesu), nengyene fee fo Yesu sonbo fo bo okyii obono o men kya son Yesu ne o kyule o te fo ase mo, gin sa fo' kine mo.

¹³ Genen kee, fo okyii obono fo kya son Yesu mo, nengyene fo-kuli men kya son Yesu ne o kyule fo te mo ase mo, gen sa fo' kine mo.

¹⁴ I kya nyiile yee kyu naa de ibono fo okyii mo fo kya son Yesu so mo, Wurubuaare gi loro fo-kuli obono on kya son Yesu mo yela sa mo-nyoro. Genen kee ne kyu naa de ibono fo onyen mo fo kya son Yesu so mo, Wurubuaare gi loro fo-ka obono on kya son Yesu mo yela sa mo-nyoro. In gye genen mo, nkana Wurubuaare ase mo, feye-biana me laa wora asa abono me bo ineesi. Ide mo faa mo, Wurubuaare gi loro omo yela sa mo-nyoro.

¹⁵ Nengyene fo kya son Yesu ne fo-ka abee fo-kuli obono on kya son Yesu mo kya laare o' kine fo mo, kyule mo. I ba genen mo, gedena nbara gin baa nminde fo. I kya nyiile yee gisen yuuli so ne Wurubuaare gi toge fo yee fo' son Yesu.

¹⁶ Fo okyii fo man taale bii yee fonbii mo lii fo so mo, i laa yege fo-kuli o' kyu mo-nyoro too Yesu so de o' nye Wurubuaare ase gekyena. Ne fo onyen mo kee, fo man taale bii yee fonbii mo lii fo so mo, i laa yege fo-ka o' kyu mo-nyoro too Yesu so de o' nye Wurubuaare ase gekyena.

Wurubuaare Onon Ne N Tiri

¹⁷ Kyu lii ilaa ide so mo, n bo ilaa nyiilese ibono n kya nyiile Yesu asonbo akpen mo pewu. Imo ne n gye yee: Wurubuaare gi toge fo yee fo' loo mo-onon mo do mo, fo loo mo, kpe sii de ibono Wurubuaare gi wolaa kyu sa

fo mɔ. Geɲ tɔge yeɛ fo laa kine ilaa ibono ɔ wolaa sa fo pei ne fo baa loo mɔ-ɔson mɔ dɔ mɔ.

¹⁸ A' kyu yeɛ me ti wolaa ten fo-giwɔre pei ne Wurubuaare gi tɔge sa fo yeɛ fo' loo mɔ-ɔson mɔ dɔ. Fo loo mɔ, geɲ sa fo' kine fo-giwɔre giten. Ne fɛe me meɲ ten fo-giwɔre mɔ, fo loo Wurubuaare ɔson mɔ dɔ mɔ, geɲ tɔge yeɛ fo laa ten.

¹⁹ Fe ten awɔre daa-o, fe meɲ ten-o, imɔ iko i meɲ taa tiri. Ilaa ibono i kpe i tiri mɔ ne n gye yeɛ fe' gyi daa Wurubuaare nbara mɔ so.

²⁰ Fo nyamese kamaase, Wurubuaare gi tɔge fo yeɛ fo' loo mɔ-ɔson mɔ dɔ mɔ, fo loo mɔ, kpe sii de genɔɔbono fo wolaa fo de pei ne fo loo loo mɔ.

²¹ A' kyu yeɛ fo te owura ase pei ne Wurubuaare gi tɔge sa fo yeɛ fo' baa wɔra mɔ-leɛ sonbo. In kya nyida sei. Fɛe fo bo ɔkpa ɔbono fo laa kyu ɔge fo-nyoro lii fo-wura mɔ ase bere mɔ, i boran.

²² Imɔ iko-re iko in tiri. I lii fɛe fo loo Wurubuaare ɔson mɔ dɔ mɔ, ba-a ne fo te owura ase mɔ, Wura Yesu ase mɔ, fo nye fo-nyoro. Genen kee fo loo Wurubuaare ɔson mɔ dɔ mɔ ba-a ne fo te fo-gibaa so mɔ, Yesu Kirisito ne n san ɔ gye fo-wura.

²³ O wu' sa feye. ɔ sɔɔ feye ka giko. Feɲ baa wɔra fɛe nbide sa anyamese.

²⁴ Me-nanboana Yesu asonbo, genɔɔbono fe de pei ne Wurubuaare gi tɔge sa feye yeɛ fe' loo mɔ-ɔson mɔ dɔ mɔ, fe nye loo mɔ, fe' kpe kyena de imɔ genen sa Wurubuaare.

Abono Meɲ Dena Mɔ Ilaa

²⁵ Nan tɔnge sa abono me meɲ ti dena mɔ kon. Me, Pɔlo nan kyu me gbaa-gbaa leɛ ilaa ibono n nyi mɔ nyiile feye. In gye yeɛ aye-Wura Yesu ne n sa me imɔ so nbara bere. Imɔ-re imɔ genen mɔ, Wurubuaare gi su me gitolon ne ɔ kpa me. Imɔso fe laa taale ka gyan me so yeɛ ilaa ibono nan tɔge mɔ i laa kpa feye.

²⁶ Me ase mɔ, i boran fɛe feye abono feɲ ti dena mɔ fe' tɛse kyena fɛe genɔɔbono fe te faa. I lii fɛe nperɛ gekyena ge wɔra ɔlon.

²⁷ In kaabore ɔbono ɔ bo ɔkyii mɔ o' kine mɔ. Ne fo ɔbono fon bo ɔkyii mɔ, geɲ sa fo' kere yeɛ fo laa laare ɔkyii dena.

²⁸ Fo nye ɔkyii fo laa dena bere mɔ, fon wɔra ilaa nyenyɛn. Ne ɔkyii mɔ gi nye ɔnyɛn ɔ laa dena mɔ, ɔɲ wɔra ilaa nyenyɛn. Fe dena mɔ, fe laa wu gesinkpan so awɔrɔfɔ too. Mi-i me mɔ, n kya laare n' leɛ feye lii amɔ dɔ daa.

²⁹ Me-nanboana Yesu asonbo, n' tɔge feye yeɛ geke gebono Wurubuaare gi yela de o' kyu gyi anyamese pewu nbele mɔ geɲ baa ge bo geta. Imɔso nke ibono gi san mɔ, i kaabore abono me bo akyii mɔ gbaa, me' san peere ansi de Wurubuaare ɔson mɔ fɛe meɲ bo akyii.

³⁰ Genen kee, i kaabore abono ɔgya gi tɔ mɔmɔ mɔ, me' san peere ansi de Wurubuaare ɔson mɔ fɛe ɔgya meɲ taa tɔ mɔmɔ. Abono, mɔ, me kya gyi gesinkpan so ɔkon mɔ me' san peere ansi de Wurubuaare ɔson mɔ fɛe meɲ kya taa gyi ɔkon ɔko. Abono me kya buɛɛde mɔ kee, i' wɔra ɔmɔ fɛe meɲ bo sei de me' nye peere ansi de Wurubuaare ɔson mɔ.

³¹ Asa abono pewu me de gesinkpan so laawɔra dɔ mɔ, meɲ sa me' yege i' gyi ɔmɔ-amu. I kya nyiile yeɛ gesinkpan mɔ gidebi de gemɔ-akyeɲabi a kya laare a' baa ta ɔkara.

³² Meɲ kya laare fɛe fe' kyena de nwɔnsa feye-gekyena dɔ. Imɔso ne i kaabore fe' kere dandan yeɛ fe laa dena abɛe fe maɲ dena mɔ. ɔnyɛn

obono on bo okyii mo kya nye nyoro sa Wura Yesu gesun de o' laare okpa obono so o laa kyu gyi Wura Yesu ginsi mo-gekyaena do.

³³ Onyen obono o bo okyii mo bere, mo-nwonsa gi gyan gesinkpan so gekyaena do ilaa so, i kya nyiile yee o kya laare ikpa ibono so o laa wora de i' gyi mo-ka ginsi mo daa.

³⁴ Imoso mo-nwonsa gin kya nye gyan Wurubuaare gesun wole so. Genen kee ne gebolonbubii abee okyii obono on dena mo kya nye nyoro sa Wura Yesu gesun mo. Mo-nyoro de mo-ginyamese oduduu obono o bo mo do mo, o kya laare o' lora imo yela sa daa Wura Yesu. Okyii denabo bere, mo-nwonsa gi kya gyan daa gesinkpan so gekyaena ilaa so, o kya laare ilaa ibono o laa wora de i' gyi mo-kuli ginsi mo.

³⁵ Feye-odan giwora so ne n' kya toge feye yee fe men dena mo, i gye ilaa dense mo. In gye yee ne tii feye-gedena daa. N kya laare fe' wora daa ilaa ibono i bo kanpe mo de fe' nye lora feye-nyoro yela sa Wura Yesu kpaaloge. Feye-nwonsa gin sa gi' ye ginyo.

³⁶ Nengyene fee fo onyen fo-re okyii ansi a den, ne fo nyi yee fo man taale keda fo-nyoro mo, fee o fo gedena ne i tiri yee fe' dena mo, wora ibono i bo fo-gisen do mo. Tese kpil mo de fe' dena abara. I men gye ilaa nyenyen.

³⁷ Nengyene fee fo onyen fo toge fo-gisen do yela yee fo man dena, ne fo yele imo so, ne sei men nyise fo, ne fo laa taale keda fo-nyoro mo, i boran.

³⁸ Imoso fo obono fo dena okyii mo, i boran. Ne fo obono fo men kii dena mo, imo ibono i boran don.

³⁹ Okyii obono o nye dena mo, o dena daa. Mo-re mo-kuli ne kpee'e. Nengyene mo-kuli mo gi wu' mo pei ne o laa nye okpa de o' kii dena. I ba genen mo, o bo okpa de o' dena onyen banban obono o bo mo obole mo. I kaabore kaase o' wora daa Wura Yesu sonbo.

⁴⁰ Me ase mo, okyii mo gi' tese kyena mo-nkon mo, i laa wora odan sa mo don ibono o laa kii dena mo. Ne soa gyi yee Wurubuaare Oduduu mo ne n bo me do so ne ne taale toge genen ilaa ide.

8

Akyooleto Gigyi

¹ Kon faa ne nan lee geno sa feye kyu lii nbue nbono me kyu akyooleto gigyi so. Feye yee, "Aye pewu a nyi ilaa ide so." I gye gesintin bere. Ilaa ibono i bo imo do mo ne n gye yee nyamese nyi ilaa iko mo, o ti taa nyiile mo-nyoro. Nyamese bo gelaare' bere mo, o kya lora daa asa.

² Obono o kya wu mo-nyoro yee o nyi ilaa iko mo, kaase mo men ti taa nye bii ilaa mo do fee genoo bono i kaabore o' bii mo.

³ Mo obono, mo, o kya laare Wurubuaare ilaa mo, mo ne Wurubuaare nyi.

⁴ Imoso kyu lii nbue nbono me kyoolo sa ikpere mo gigyi mo, fee genoo bono fe nmarase me mo, a nyi yee "Okpere oko men bo no obono i kaabore anyamese me' son mo." A nyi kee yee, "Wurubuaare kolon ne n bo no obono o kaabore anyamese me' son."

⁵ Ba-a ne i taa bo ilaa ibono me kya tere yee ikpere soso abee gese mo, fee genoo bono a kya wu asa me kya son ikpere de awura kpei-kpei gbaa faa,

⁶ aye bere, a bo daa Wurubuaare kolon a kya son. Mo ne n gye ose obono o lee ilaa kamaase, ne a bo no sa daa mo. Genen kee ne a bo daa Wura kolon. Mo ne n gye Wura Yesu Kirisito. Mo-re Wurubuaare ne n lee ilaa

kamaase ne kyu naa de mo Yesu so ne aye mo-asonbo mo a nye a bo no faa.

⁷ Fe kya tɔge yee ikpere itiibilaa in bo ilaa do mo, i men gye okamaase ne n nyi genen. Ikpere ilaa i wolaa den ako. Imoso baa lii de nde faa, nengyene me gyi akyoletɔ mo, momo-nwɔnsa do i kya wɔra omo yee okpere so me kya son genen. Men ti ka gyan Wurubuaare agyebi mo so kpaaloge. Imoso me kya gyi mo, i kya nmaa momo-asen yee Wurubuaare kya so ginyadon de omo agyudo abonoana gigyi mo so.

⁸ Gesintin mo ne n gye yee aye-agyudo gigyi i man taale yege a' gyi Wurubuaare ginsi. A gyi akyoletɔ mo, i man kpaalaye iko, ne a men kii gyi mo, sei man kyon aye so Wurubuaare ase.

⁹ Fe' kere doadan daa. Ibono fe bo okpa fee fe' gyi agyudo kamaase faa, fonbii mo, i laa yege fe' biide feye-nanboana ako kpaaloo ilaa nyenyen giwɔra do. I lii fee men ti ka gyan Wurubuaare agyebi so kpaaloge.

¹⁰ A' kyu yee fo obono fo nyi Wurubuaare agyebi dandan mo fo loo okpere obu do kpe fo kya gyi akyoletɔ. Obono on ti ka gyan Wurubuaare agyebi so kpaaloge mo gi baa wu fo genen mo, fo men nyi yee i laa keda mo-nyoro de o' gyi akyoletɔ kee? I laa yege mo o' loo okpere gison do nfono.

¹¹ I ba genen mo, ilaa ibono fo yee fo nyi mo so mo, fo-nanbo obono o men ti ka gyan Wurubuaare agyebi so kpaaloge mo laa fue Wurubuaare okpa mo. Yege mo so ne Kirisito gi baa wu'.

¹² Fo obono fo kya wɔra genen mo, fo kya tɔro fo-nanbo mo so ne. On ti nye nu Wurubuaare agyebi gege kpaaloge ne fo kya nyida mo-nwɔnsa. Imoso fo kya tɔro Kirisito kee so ne.

¹³ Imoso me bere, nengyene ne wu yee me-akyoletɔ gigyi ne nan yege me-nanbo obono o bo Yesu onon do mo o' loo ilaa nyenyen giwɔra do mo, man gyi amo kpa-a. In gye genen mo, i laa naa ba yee me ne n yege me-nanbo oko gi fue Wurubuaare okpa mo.

9

Pɔɔlo Gi Tɔge Yesu Okalan Sa Asa Mo, On Kyu Mo-Nyoro Too Oko So

¹ Ne tɔge genen faa mo, men bo okpa de n' gyi abee n' wɔra ilaa ibono n kya laare mo daa? Men gye Yesu onon daa? Men wu aye-Wura Yesu de me-ansi? In gye me n wɔra gesun Wura Yesu onon do ne i yege fe nye bingiri Yesu asonbo faa?

² Imoso nengyene fee asa ako me man so me gyi yee n gye Wura Yesu onon mo, feye bere, fe laa so me gyi. I lii fee feye gbaa-gbaa ne n kya lee nyiile yee Wurubuaare ne n sa me onon de n' tɔge mo-agyebi sa asa.

³ Asa abono me kya taase me-gikoodo barage mo, ilaa ibono n kya buu sa momo mo ne nan nyiile feye gere faa.

⁴ Okamaase nyi yee i de okpa fee aye Yesu isoo mo a' nye gyi de a' nun lii aye-gesun mo giwɔra do.

⁵ Okamaase nyi yee i de okpa fee a' dena akyii abono me kya son Yesu mo. I de okpa yee aye-re omo a' naa a kya wɔra Yesu gesun fee genobono Piita, de Yesu isoo sense, de Wura Yesu mo-tedeana mo me kya wɔra mo.

⁶ Yege fe wu yee me-re Banabase bere a kya laare aye-gekyena do ilaa tirise aye-gibaa so bola de aye Yesu isoo gesun mo. Mo, fe nyi yee aye anyo wole ne n kaabore a' nyaade gisisiri wɔra nsun nnyo genen?

⁷ Sogya ɔmɔ ne n kya wɔra mɔ-gesun giyan yee me men kya ka mɔ giko? Dɔɔbo ɔmɔ ne nan kyule dɔɔ giyan yee ɔ man nye imɔ-agyudɔ gyi? Inaade ɔkerɛbo ɔmɔ ne nan kyule kere inaade so giyan yee ɔ man nun naade ginyabo nkyu?

⁸ I men gye anyamese ilaa wole ne n' kya kere de n' toge ilaa ide. I bo Wurubuaare agyebi ɔwole mɔ dɔ genen kee.

⁹ Wurubuaare gi yee Oloobu Mosisi gi nmarase nbara yela yee, "Fo-naade kya daare fo-ayu mɔ, gen sa fo' nminde mɔ-genɔ de ɔn sa ɔ' we."

Ilaa ibono Wurubuaare gi toge faa mɔ, imɔso fe nyi yee inaade ne ɔ dare?

¹⁰ I men gye aye anyamese? Me bere n nyi yee aye anyamese so ne Wurubuaare gi yee me nmarase imɔ yela genen. I lii fee i kaabore nyamese ɔbono ɔ kya baale baale mɔ de ɔbono ɔ kya daare ayu mɔ pewu mɔmɔ-nwɔnsa gi' gyan yee me laa nye mɔmɔ-lee ogyiten.

¹¹ Aye ne n duu Wurubuaare agyebi mɔ feye dɔ, ne fe nye oduduu dɔ ilaa tirise faa. Imɔso a nye gekyena gedɛ dɔ ilaa tirise lii feye ase mɔ, i kya kyo?

¹² Nengyene fee ako kpei me bo ɔkpa de me' kere feye-ansi dɔ yee fe' sa ɔmɔ mɔmɔ-ilaa tirise mɔ, nkana aye ne n gye abono a kaabore a' kere feye-ansi dɔ gikyo.

Dabole ibono a bo ɔkpa genen gbaa faa, an ti taa wɔra genen kere. A wɔra genen mɔ, fonbii i laa taale yee asa man baa nu Kirisito ɔkalan konkonse mɔ lii aye ase de me' sɔɔ mɔ gyi. Imɔso ne a kya kyule sɔɔ ilaa kamaase abaa anyɔ.

¹³ Fe men nyi yee asa abono me kya wɔra gesun Wurubuaare ɔson obu mɔ dɔ mɔ me kya nye mɔmɔ-ilaa gyise lii Wurubuaare ɔson obu mɔ dɔ daa? Abono me kya wɔra gesun Wurubuaare asunbi ɔlɛten mɔ, fe men nyi yee me bo mɔmɔ-lee ogyiten genen akycɔletɔ mɔ dɔ?

¹⁴ Imɔso genen kee ne Wura Wurubuaare gi toge yee abono me kya toge Yesu ɔkalan konkonse mɔ ma-a sa asa mɔ, me' nye mɔmɔ-gekyena dɔ ilaa tirise lii genen gesun gebono giwɔra dɔ.

¹⁵ Wurubuaare gi dabole sa aye ɔkpa genen gbaa faa, me Pɔolo, mɔ, men kya taa ka imɔ-genɔ. Ne i men kii i gye yee n kya nmarase ɔwole baare mi-i sa feye de fe' kere me-ilaa tirise so sa me daa. Nengyene ne yee fe' kere me so genen mɔ, men baa wu nyisigyɔ ilaa ibono n kya wɔra mɔ.

¹⁶ Genɔɔbono n naa mi-i toge Yesu ɔkalan konkonse mi-i sa asa mɔ, in kaabore me ne n' nye nyisigyɔ kyu lii imɔ so. Wurubuaare ne yee n' wɔra genen gesun mɔ. Imɔso fee ne kine yee man toge Yesu ɔkalan mɔ mɔ, me laako.

¹⁷ Ne fee me ne n kyu gesun gedɛ too me-nyoro so mɔ, naafo me-afaala a laa nyaakyo don ide Wurubuaare ase. Ibono Wurubuaare ne yee n' wɔra gemɔ faa mɔ, gesun mɔ ge gye daa gesola gebono Wurubuaare gi kyu sola me. Imɔso i tiri yee n' kere gemɔ so.

¹⁸ Mɔ, mene ne nan wɔra de n' nye nye me-afaala a' nyaakyo Wurubuaare ase ne? Ibono nan wɔra mɔ ne n gye yee nan toge Kirisito ɔkalan mɔ sa asa mɔ, man sɔɔ sei. Nkana i de ɔkpa yee n' nye me-ilaa tirise lii Kirisito ɔkalan mɔ gesun mɔ dɔ.

¹⁹ I bo no yee men gye ɔko dega bere. N kii mi-i wɔra me-nyoro fee gebide sa ɔkamaase de n' kpaasa sakyɔ de me' nye nye Wurubuaare ase gekyena.

²⁰ N bo Gyuda awura ase mo, n kya wɔra me-nyoro fɛɛ Gyudanyen de n' kpaɛ Gyuda awura de me' nye Wurubuaare ase gekyena. Menɛ te sa Mosisi nbara mo, yege owi obono n bo mɔmɔ ase mo n kya wɔra me-nyoro fɛɛ obono n te sa Mosisi nbara mo de n' kpaɛ omɔ de me' nye nye Wurubuaare ase gekyena.

²¹ N kya kpe abono menɛ nyi nbara mo ase mo, n kya wɔra me-nyoro fɛɛ me kee menɛ nyi nbara, yege n te sa Wurubuaare nbara nko. Genen nbara mo gi gye daa Kirisito nbara.

²² N bo asa abono menɛ ti sɛɛ mɔmɔ-Wurubuaare gisɔɔgyi do mo, n kya wɔra me-nyoro fɛɛ mɔmɔ kee de n' kpaɛ mɔmɔ de me' nye nye Wurubuaare ase gekyena. Me bere, ne wɔra me-nyoro fɛɛ anyamese kpei-kpei kamaase oyuduu de okpa kamaase so mo n' nye mɔlɛge ako de me' nye Wurubuaare ase gekyena.

²³ Kirisito okalan konkonse mo so ne n' kya wɔra me-nyoro fɛɛ nyamese kamaase oyuduu genen de me kee n' nye ayuule abono Wurubuaare kya sa asa kyu naa de genen okalan mo so mo.

Fɛ' Pɛɛɛ Ansi Wurubuaare Ilaa So Fɛɛ Abono Mɛ Sele Onangya

²⁴ Nengyene asa me laa sele onangya de me' wu obono o laa kyon mɔnanbo so mo, mɔmɔ pewu do mo, fe menɛ nyi ye nyamese kolon ne nan nye gegyangbara afaala? Imɔso fe' pɛɛɛ ansi Wurubuaare ilaa so fɛɛ onangya ne fe sele de fe' nye genen afaala abono onan.

²⁵ Nyamese kamaase obono o kyu mɔ-nyoro ye gisele gesun ne o laa wɔra mo o kya taa ilaa sɛnsɛ yege de o' keda mɔ-nyoro de o' nu de gisele ilaa wole. Mɔmɔ bere, me kya pɛɛɛ ansi genen de me' nye afaala. Genen afaala abono, mo, aɲ kya de kpe. Aye a kya pɛɛɛ ansi Wurubuaare ilaa so faa mo, aye-lɛɛ afaala a de sa aye gekpaɛ-gekpaɛ.

²⁶ Imɔso me bere, n kya wɔra Wurubuaare gesun mo, n kya tansi pɛɛɛ ansi fɛɛ onangya ne n' sele. N kya too me-lɛɛ akɔn mo, menɛ kya too amo fue.

²⁷ N kya ken me-nyoro. I kya nu me daa mo, n kya nyise me-nyoro de gi' wɔra nɔmɔ-okara de inɛ sa i' ba yege me obono ne toge Wurubuaare agyebi sa asa sɛnsɛ mo, me gbaa-gbaa menɛ nye Wurubuaare afaala.

10

Ilaa Nyenyɛn Inɛ Sa I' Gyi Aye-Gimu Fɛɛ Adedaabo Mɔ-Lɛɛ Mɔ

¹ Me-nanboana Yesu asonbo, n kya laare fe' bii ilaa iko kyu lii aye-adedabo so. Owi obono me koso lii Igyipiti me buu Obelense Mosisi me kya kpe mo, Wurubuaare giwole gi bun omɔ pewu so ne gi gyangbara sa omɔ. Genen kee ne owi obono Wurubuaare gi yege apoo mo gi ye ginyo sa omɔ mo, mɔmɔ pewu me naa loo lii kyon.

² Kyu naa de genen Wurubuaare giwole mo de apoo mo so mo, i wɔra fɛɛ Wurubuaare gi gyere mɔmɔ pewu mɔ-sagyere, ne me wɔra Mosisi adɛ.

³ Mɔmɔ pewu me gyi agyudo abono Wurubuaare gi yege a lii Wurubuaare do sa omɔ gipen do mo.

⁴ Mɔmɔ pewu me nun nkyu nbono Wurubuaare gi yege gi lii gifole do sa omɔ mo. Genen gifole gibono gi yele sa Kirisito.

⁵ Wurubuaare gi wɔra ilaa ideana sa omɔ pewu faa, imɔ-rɛ imɔ-laalaalɔge mo mɔmɔ do sakyɔ me menɛ gyi Wurubuaare ginsi. Ne Wurubuaare gi yege me wu'wu nɛmade gipen mo do.

⁶ Me-nanboana, aye-adedaaɓo ilaa ide i kya ka aye yee a men sa a' yee ilaa nyenyen i' gyi aye-gimu fee genobono momo me wɔra mɔ.

⁷ Fe men sa fe' wɔra ikpere asonbo fee genobono momo ako me wɔra mɔ. Genobono ikpere gison gi nyida momo-nwɔnsa mɔ i bo Wurubuaare agyebi do yee, "Mosisi ade mɔ me kpe san kyena ne me gyi ne me nun ne me koso ma-a seeli."

⁸ A men sa a' laare agyibara fee genobono momo do ako me wɔra ne geke kolon do Wurubuaare gi mɔo momo do asa nwe gudu-gudu genen gikpadɔ oko gisa' mɔ.

⁹ Fe men sa fe' yee de a' soo Wurubuaare idoo kere fee genobono momo do ako me wɔra ne Wurubuaare gi yee awɔɔ a dun-dun momo mɔo mɔ.

¹⁰ Fe men sa fe' logede de Wurubuaare fee genobono momo ako me wɔra ne Wurubuaare gi yee Wurubuaare do ɔsoɔ obono o kya mɔo asa ka giko mɔ gi baa mɔo momo mɔ.

¹¹ Wurubuaare gi yee ilaa ibonoana pewu i tu aye-adedaaɓo mɔ genen daa de i' nye ka momo. Aye so mɔ, Wurubuaare gi yee me nmarase imo yela. O laare yee aye abono gesinkpan so gekyena nke laalaaloge mɔ gi baa tu aye faa mɔ a' nye kase ilaa lii imo do.

¹² Imoso fo obono fo nyi yee fo yele fo-ayaa so girin-n Wurubuaare ɔson mɔ do mɔ, wolaa kere dandan de fo men sa fo' lii toɔ.

¹³ Ilaa ibono i kya soo anyamese idoo de me' wɔra ilaa nyenyen mɔ, imo iko in bo no yee imo onan in kya ba feye-nanboana anyamese so kee. Wurubuaare mɔ gye ɔpaawɔrabo. O man kyule de ilaa iko i' soo feye idoo de i' don feye-abaa. O laa yee fe' nye ɔkpa lii ɔdoo kamaase do de fe' taale yele feye-ayaa so kpa lii.

Fe' Kine Ikerɛ Gison

¹⁴ Imoso, me-nanboana laarese, fe' kine ikpere gison.

¹⁵ N nyi yee fe gye olaako anyibo, imoso n kya toge mi-i sa feye yee feye gbaa-gbaa fe' kere imo do de fe' bii yee in kaabore a' gyi akyɔɔleto.

¹⁶ A' kyu aye Kirisito asonbo amenbere mɔ kyu kaala kere. Konkon de nta nbono a kya dalaa kole Wurubuaare ayuule bun nmɔ so mɔ, a nun nmɔ mɔ, aye-re Kirisito a kya wɔra nyamese kolon kyu naa de mɔ-nkalan mɔ so. Genen kee ne a kya gbaa-gbaa bodobodo de a' ye mɔ sa abara. A gyi genen bodobodo obono mɔ, aye-re Kirisito a kya wɔra nyamese kolon kyu naa de mɔ-nyoro mɔ so.

¹⁷ Bodobodo kolon ne a kya kyu wɔra aye-amenbere abono. Imoso dabɔle ibono a nyaakyo faa, a gye daa nyamese kolon. I lii fee aye pewu a kya gyi daa bodobodo kolon.

¹⁸ A' kyu aye Isirale awura ilaa kee kaala kere. Dedaa nbara gi kya nyiile yee abono me gye Wurubuaare asunbi aleɔbo mɔ wole ne n kya nye gyi ilaa ibono me kyu kyɔɔle sa Wurubuaare mɔ.

¹⁹ To. In gye yee n kya toge yee ɔkperɛ gye ilaa iko daa abee akyɔɔleto a gye ilaa iko daa.

²⁰ N kya laare fe' bii yee asa abono me men nyi Wurubuaare agyebi mɔ me kya kyɔɔle ikpere mɔ, me kya kyɔɔle sa daa ilaa nyenyen gemu mɔ isoɔ. Wurubuaare ilaa kyose ne me kya wɔra. Imoso men kya laare fee feye-re ilaa nyenyen pewu gemu mɔ fe' wɔra nyamese kolon.

²¹ Fe man taale nun lii Wura Yesu-lee konkon do de fe' kii kpa naun lii ilaa nyenyen gemu isoɔ-lee konkon do. Fe man taale gyi Wura Yesu agyudo de fe' kii kpa naun gyi ilaa nyenyen gemu isoɔ agyudo.

22 Inj kaabore a' kere Wurubuaare ta. Anj bo lon don mo.

Fɛ' Wɔra Ilaa Ibono I Laa Kyu Nyisigyɛ Bara Wurubuaare Mo

23 Yesu so mo, Wurubuaare bo gisen sa aye. Imɔso ako me kya toge yee, "Ilaa kyose inj baa i bo no. Imɔso a laa taale wɔra ilaa kamaase ibono a kya laare mo." I bo genen bere. I menj gye ikamaase, mo, ne n kya kpa nyamese. "I de okpa yee a' wɔra ilaa kamaase" bere. I menj kii i gye ilaa kamaase ne n kya kpa aye de a' see Wurubuaare ɔson do.

24 Imɔso oko onj sa o' kere mo gbaa-gbaa-lee ɔdan giwɔra so. O' kere daa genɔɔbono mo-nanbo ilaa i laa wɔra ɔdan Wurubuaare ansi so.

25 Fɛ' gyi ginun kamaase gibono me kya fe gigya do mo. Fe menj sa fe' sa gɛwɔnsa yee fonbii i laa kyɔlese feye-Wurubuaare ɔson so mo, fe laa taase barage pei de fe' soɔ gimɔ.

26 I lii feɛ Wurubuaare agyebi do i toge yee, "Gesinkpan de ilaa kamaase ibono i bo gɛmɔ so mo, i gye daa Wurubuaare-lee."

27 Nengyene feɛ ɔbono onj kya son Yesu mo gi da gibaa tere feye ne fe kya laare fe' kpe mo, inj gye ilaa nyenyen. Fe kpe mo, fe' gyi ilaa kamaase ibono o kyu yii feye-ansi do mo. Fe menj sa fe' toge yee fonbii i laa kyɔlese feye-Wurubuaare ɔson so mo, fe laa taase barage pei de fe' gyi.

28 Nengyene feɛ oko gi buu sa feye yee, "Akyɔleto ne i gye" bere mo, feɛ sa fe' gyi. I kya nyiile yee fe gyi mo, i laa taale kpadee kaase ɔbono o buu sa feye mo nwɔnsa kyu lii Wurubuaare ɔson so. Imɔso kaase mo-lee nwɔnsa so mo,

29 feɛ sa fe' gyi. Nkana i menj gye yee feye-lee nwɔnsa so. Ne feɛ i menj gye genen kaase mo-lee ɔdan giwɔra so mo, nkana fo oko fo laa toge yee, "N bo okpa de n' gyi ilaa ide. Imɔso i wone so ne oko-lee nwɔnsa so mo, menj bo okpa de n' gyi?"

30 Ne nye agyudo nan gyi ne ne kyu afaala sa Wurubuaare lii amo so mo, i menj ta ne? I wone ne oko laa baa toge sa me yee ne gyi amo mo, menj kya son Wurubuaare dandan?"

31 Imɔso fe laa gyi daa-o, fe laa nun daa-o, ilaa sense iko ne fe laa wɔra daa-o, fe' wɔra imo pewu genɔɔbono i laa kyu nyisigyɛ bara daa Wurubuaare mo.

32 Feye-nanboana me gye Gyuda awura daa-o, me menj gye Gyuda awura daa-o, me gye Yesu asonbo daa-o, fe' kere de fe menj' wɔra ilaa ibono i laa yeye momo oko o' fue Wurubuaare okpa mo.

33 Imo ne n' kya wɔra faa. N kya wɔra aniya ilaa kamaase do de n' wɔra ibono i laa gyi nyamese kamaase ginsi mo. Inj gye me-lee ɔdan giwɔra ne n' kya laare. N kya laare daa asa sakyɔ-lee ɔdan giwɔra genɔɔbono i laa nye mɔleɛge ɔmo de me' nye Wurubuaare ase gekyena mo.

11

1 Imɔso fe' kase me, Pɔɔlo, gikyenabi feɛ genɔɔbono mi-i me mo n kya kase Kirisito gikyenabi mo.

Ɔson Mo Nbara: Akyii Me' Sin Ataa

2 N kya yen feye Korinti awura. I kya nyiile yee ne wu yee fe kya nyingi me so ilaa kamaase do, ne anyiilebi abono ne kyu wɔra feye-abaa do mo fe de amo do.

3 N kya laare fe' bii yee onyen kamaase te sa daa Kirisito. Okyii mo te sa daa mo-kuli, ne Kirisito mo te sa Wurubuaare.

⁴ A' kyu yee fe gyan' Wurubuaare osonten ne onyen oko kya laare o' dalaa abee o' lee Wurubuaare okalan oko nyiile mo-nanboana yee o bun gepere mo. On de ipeeli o bun mo-nyoro ne?

⁵ Ne okyii obono o laa dalaa abee o laa lee Wurubuaare okalan oko nyiile mo-nanboana yee o men sin gitaa mo de-e? On de ipeeli o bun mo-nyoro kee ne? I kaabore i' wora mo ipeeli asa ansi do fee okyii obono me koosi mo-gimu mo.

⁶ Nengyene okyii man sin gitaa Wurubuaare asonbo ansi do mo, o tsee see mo-iman mo, i bo. Ibono in bo obole yee o' koosi mo-gimu abee o see mo-iman pewu faa mo, o' bii yee i kaabore o' sin gitaa.

⁷ Onyen bere, in bo kanpe fee o' bun gepere Wurubuaare osonten. I kya nyiile yee Wurubuaare gi lee mo mo, o de fee mo Wurubuaare oyuduu. Onyen kya lee Wurubuaare nyisigyi nyiile. Okyii, mo, Wurubuaare gi lee mo mo, o kya lee daa onyen nyisigyi nyiile.

⁸ Imo gese ne n gye yee Wurubuaare men lee onyen lii okyii do. Okyii ne o lee lii onyen do.

⁹ Ne Wurubuaare men lee onyen sa okyii. O lee okyii sa daa onyen.

¹⁰ Genen ilaa ide so de Wurubuaare do isoo so mo, i kaabore fee okyii o' sin gitaa Wurubuaare osonten de i' lee nyiile yee o te sa oko.

¹¹ Imo genen gbaa mo, Wura Yesu so mo, akyii men te momo-gibaa so, ne anyen kee men te momo-gibaa so. Me te sa daa abara.

¹² I kya nyiile yee genobono Wurubuaare gi lee okyii lii daa onyen do mo, genen kee ne Wurubuaare kya yee okyii, mo, kya koroge onyen. Okamaase de ilaa kamaase i lii daa Wurubuaare ase.

¹³ Feye gbaa-gbaa fe' kere, okyii laa dalaa sa Wurubuaare sansana ne o men sin gitaa mo, i boran genen?

¹⁴ Fo kere mo, Wurubuaare gi wolaa lee imo yee onyen iman i wora gisoro i kyole mo i gye ipeeli ilaa sa mo.

¹⁵ Okyii bere, nengyene o nye iman i wora gisoro i kyole de mo mo, i gye nyisigyi sa mo. I kya nyiile yee Wurubuaare gi sa okyii iman de i' wora fee o sin gitaa ne.

¹⁶ Nengyene fee feye do oko kya laare o' soo me akyole ilaa ide so mo, ibono nan toge sa kaase mo ne n gye yee an bo ilaa worase iko baa too de ide. Ne Yesu asonbo akpen mo pewu do mo, genen ne i de ne.

Aye-re Wura Yesu Ginyamese Kolon Agyudo Agyibi

¹⁷ Feye-ilaa ibono nan baa toge faa bere, man taale yen feye. I kya nyiile yee fe kya gyan' feye-osonten mo, in kya loro feye, i kya nyida feye daa.

¹⁸ Ibono i gyangbara mo ne n gye yee ne nu yee feye Yesu asonbo mo fe kya gyan' mo, gesabarage ge bo feye do, ne ne soo gyi yee i laa wora gesintin. Gesabarage ge laa nye feye do bere.

¹⁹ Imo ne nan yee okamaase o' nye bii asa abono me kya son Wurubuaare gesintin mo.

²⁰ Genobono fe kya gyan' feye-osonten ne fe kya gyi mo, in baa i gye aye-re Wura Yesu ginyamese kolon agyudo mo ne fe kya gyi.

²¹ I kya nyiile yee fe kya gyi mo, okamaase kya gyi daa mo-lee agyudo. Fo laa kere mo, ako me gyi kaabo, yee akon a kya moo ako. Ako me kya boo nta yee ako men nye nun.

²² I wone so? Fen bo nwi fe laa kpe de fe' kpa gyi de fe' nun do-o? Abee fe kya laare fe' kere Wurubuaare asonbo gikpen mo ta daa? I bo feye okon

yee fe' wɔra ayenbo abono me bo faye do mo ipeeli genen? Faye yee nne ne n' toge sa faye? N' yen faye? Man bii yen faye.

²³ Ilaa ibono Wura Yesu gi nyiile me mo, imo ne me kee ne nyiile faye. Ima ne n gye yee: genye gebono me kyu Wura Yesu wɔra mo-akyobo abaa do mo, mo-re ma-akasebo mo me te me kya gi. O puru bodobodo keda,

²⁴ ne o kyu afaala sa Wurubuaare. O gbaa-gbaa bodobodo mo do, ne o kyu sa mo-akasebo mo, ne o toge yee, "Me-nyoro ne. N de mi-i sa faye. Fe' wɔra imo ide kyu nyingi me."

²⁵ Genen kee me gi ta mo, o puru konkon de nta, ne o toge yee, "Nta nde gi gye me-nkalan nbono gi laa yee faye-re Wurubuaare fe' nye wɔra geno poboro. Owi kamaase obono fe laa nun nmo mo, fe' wɔra imo ide kyu nyingi me."

²⁶ Yesu gi toge genen faa mo, i kya nyiile yee owi kamaase obono faye Yesu asonbo mo fe laa gi bodobodo ne fe laa nun nta fafaanan kaabore Wura Yesu laa kii ba mo, mo-lewu mo ilaa ne fe kya lee fa-a nyiile genen.

²⁷ Imoso obono o laa gi genen bodobodo mo, abee o' nun lii genen konkon mo do okpa obono so i men kaabore mo, kaase gi bun mo-nyoro gipuee. I kya nyiile yee o tere aye-Wura nyoro mo de mo-nkalan mo gyan.

²⁸ Imoso nyamese o' kere mo-gisen do dandan pei de o' gi bodobodo mo de o' nun lii konkon mo do.

²⁹ I kya nyiile yee i tiri yee o' nyingi aye-Wura Yesu nyoro nbono o kya gi mo de o' nu nmo gese pei de o' gi bodobodo mo de o' nun lii konkon mo do. Obono o men kya nyingi genen mo kya wɔra ilaa ibono i laa yee Wurubuaare o' bun mo gipuee mo ne.

³⁰ Imoso ne fe kya wu yee faye sakyɔ men bo lon ne me kya lo, ne ako, mo, me kya wu' mo.

³¹ Nengyena a kya wolaa kere aye-asen do doodan mo, Wurubuaare man baa biide aye-giso genen.

³² Wurubuaare gi biide aye-giso genen mo, o kya loro aye daa de on' baa bun aye gipuee kyu dabole de asa abono men kya so mo gi mo.

³³ Imoso me-nanboana Yesu asonbo, nengyene fo laa gyan' de fe' gi aye-re Wura Yesu ginyamese kolon agyudo mo mo, fe' kyena gyoo abara.

³⁴ Nengyene akon a laa mo o'ko ne o man taale kyena gyoo mo-nanboana mo, o' gi lii mo-geten do pei de o' lo kpe faye-ogyanten mo. In gye genen mo, fonbii mo, fe gyan' genen mo, fe laa kyu daa Wurubuaare gisobiide bun faye-nyoro. I san ilaa sense ibono fe taase mo, owi obono nan ba faye ase nno mo, nan nyiile faye imo so ilaa.

12

Wurubuaare Oduduu Ilaa Kyese

¹ Me-nanboana Yesu asonbo, n kya laare fe' bii Wurubuaare Oduduu mo ilaa kyese adebi.

² Fe wu yee owi obono fen ti loo Wurubuaare onson do mo, ilaa kpei-kpei i ba faye-nwansa do, ne i yee fe son ikpere ibono in kya tonge mo.

³ Imoso n kya laare fe' bii yee nengyene oko gi toge nno wɔra Yesu mo, i men gye Wurubuaare Oduduu mo ne n tonge naa de kaase mo so. Nengyene oko, mo, gi toge yee, "Yesu gye Wura" mo, Wurubuaare Oduduu mo ne n kpa mo pei ne o taale toge genen.

⁴ Wurubuaare Oduduu mo ilaa kyese i bo kpei-kpei, yee Wurubuaare Oduduu kolon mo ne n kya kyee imo.

⁵ I bo nsun kpei-kpei nbono Wura Yesu kya kyu wɔra aye-abaa dɔ, yegɛ mɔ Wura kolon ɔbono ne.

⁶ I bo ilaa wɔrase kpei-kpei ibono Wurubuaare kya yegɛ mɔ-asonbo mɛ' wɔra, yegɛ Wurubuaare kolon ɔbono ne n kya wɔra mɔ-ilaa mɔmɔ ɔkamaase dɔ de mɛ' wɔra imɔ pɛwu.

⁷ Wurubuaare kya laare i' wɔra ɔdan sa Yesu asonbo akpen pɛwu. Imɔso ne Yesu sonbo kamaase dɔ mɔ Wurubuaare kya yegɛ mɔ-Oduduu mɔ ɔ' lii gewi ɔkpa ɔko so.

⁸ Ɔko bo no mɔ, Wurubuaare kya sa mɔ ɔlaako ginyi getonge kyu naa de mɔ-Oduduu mɔ so. Ɔko mɔ mɔ, Wurubuaare kya yegɛ ɔ kya bii ilaa de ɔ' lɛɛ tɔgɛ sa asa.

⁹ Wurubuaare Oduduu kolon baare kya kyɛɛ ɔko gisɔɔgyi boduduuse, ne ɔko mɔ, Wurubuaare Oduduu kolon mɔ kee kya yegɛ mɔ ɔ' taale kye alɔɔ.

¹⁰ Ɔko mɔ, kya taale wɔra ilaa ibono i kya lɛɛ Wurubuaare ɔlon nyiile mɔ. Ɔko mɔ, kya nu ikalan lii Wurubuaare ase de ɔ' lɛɛ tɔgɛ. Ɔko mɔ, kya bii barage yɛɛ Wurubuaare Oduduu mɔ ilaa wɔrase ne imɔ idɛ, abɛɛ ilaa nyenyɛn oduduu-lɛɛ ne imɔ idɛ. Ɔko mɔ mɔ, Wurubuaare Oduduu mɔ laa yegɛ ɔ laa tɔngɛ de ndɛ nbono ɔɲ wolaa ɔ kya nu mɔ dɔ. Ɔko mɔ bo no mɔ, nengyene fɛɛ fo ɔko fo kya tɔngɛ de gedɛ gɛko kpei mɔ, ɔ kya bii lɛɛ gɛɛ.

¹¹ Imɔ idɛana pɛwu mɔ, Wurubuaare Oduduu kolon mɔ ne n kya wɔra ilaa Yesu asonbo mɔ dɔ de mɛ' wɔra imɔ genen. Mɔ ne n kya ye imɔ sa mɔmɔ ɔkamaase genɔɔbono ɔ kya laare mɔ. Ɔkamaase mɔ-rɛ mɔ-lɛɛ kpei-kpei.

Yesu Asonbo Mɛ Gye Gikolon Fɛɛ Nyamese Nyoro Nten Kpei-Kpei

¹² Nyamese nyoro gi gye daa ilaa kolon, yegɛ fo kerɛ mɔ, gi bo nten kpei-kpei sakyɔ nmɔ dɔ. Abɛɛ fo kerɛ nyoro mɔ nten kpei-kpei pɛwu mɔ, gi nyaakyo gikyɔ gbaa faa, gi kya taale dabɔle wɔra nyoro kolon. Genen ne Yesu Kirisito asonbo mɛ gye gikolon kee.

¹³ I kya nyiile yɛɛ Wurubuaare gi kyu mɔ-Oduduu mɔ kyu gyere aye Wurubuaare sagyere, ne aye pɛwu a bingiri nyamese kolon. A gye Gyuda awura daa-o, a mɛɲ gye Gyuda awura-o, a tɛ awura ase daa-o, abɛɛ a tɛ aye-gibaa so-o, aye pɛwu a bingiri nyamese kolon ne. Aye pɛwu a nye Wurubuaare Oduduu kolon baare gi suu de aye.

¹⁴ I nyiile fɛɛ aye Yesu asonbo mɔ a mɛɲ gye oyuduu kolon. A gye daa asa kpei-kpei fɛɛ genɔɔbono nyamese nyoro gi bo giyaa, de giso de ginsi nmɔ dɔ mɔ.

¹⁵ A' kyu yɛɛ nyamese giyaa gi tɔgɛ yɛɛ, "Mɛ berɛ, mɛɲ gye gibaa faa mɔ, mɛɲ too nyamese nyoro mɔ dɔ." Giyaa gi taa tɔgɛ genen gbaa mɔ, i maɲ lɛɛ gimɔ lii nyoro mɔ so kpa-a.

¹⁶ Abɛɛ a' kyu yɛɛ nyamese giso gi tɔgɛ yɛɛ, "Mɛɲ gye ginsi faa mɔ, mɛɲ too nyamese nyoro mɔ so." Giso gi taa tɔgɛ genen gbaa mɔ, i maɲ lɛɛ gimɔ lii nyoro mɔ so kpa-a.

¹⁷ Naafɔ nyamese nyoro mɔ pɛwu gi gye daa ginsi mɔ, nne ne ɔ laa wɔra de ɔ' nu ilaa? Mɔ-nyoro mɔ pɛwu gi gye daa giso mɔ, mɔ, nne ne ɔ laa wɔra de ɔ' songa?

¹⁸ Genɔɔbono i de faa, Wurubuaare ne n lɛɛ nyamese nyoro so ilaa kpei-kpei, ne ɔ kyu imɔ ikamaase kyu wɔra nyoro dɔ genɔɔbono ɔ kya laare mɔ.

¹⁹ Nkana nyamese nyoro mɔ gi gye daa ilaa kolon guan lii soso kpelege baa yii gɛɛ mɔ, nne so ne i laa kyena?

²⁰ Genɔɔbono i de faa, nyamese nyoro so ilaa i kyɔ, yege i dabole ne i gye nyoro kolon.

²¹ Ginsi gi man taale toge sa gibaa yee, "Lii me so! Fon tiri me." Ne gimu kee gi man taale toge sa giyaa yee, "Lii me so! Fon tiri me."

²² Fe kya kere mo, nyamese nyoro nfono i men bo lon mo, nfono mo ne n tiri mo gikyo.

²³ Ne nyamese nyoro nfono in gye ilaa gbaa' mo, nfono so ne o kya kere dandan. Aye-nyoro nfono in bo gikere mo, a kya wolaa kere nfono so dandan.

²⁴ Imoso genɔɔbono Wurubuaare gi lee nyamese nyoro mo, o kyu nyisigi kyu sa nyoro mo nten nbonoana an kya kyu tere sei mo.

²⁵ Wurubuaare gi wɔra genen de i' nye ba yee nyamese nyoro geten kamaase i kya nu abara gese ne i kya kere abara so.

²⁶ Nengyene nyoro mo geteeko i kya yiyee mo, nmo-geten kamaase kee i kya yiyee. Nyisigi ne n kii tu nyoro mo geteeko mo, nmo-geten kamaase kee i kya gyi okon.

²⁷ To. Ide pewu i gye daa gikpale. Feye Kirisito asonbo mo fe de fee Kirisito nyoro. Feye do okamaase de fee Kirisito nyoro mo geteeko.

²⁸ I kya nyiile yee Wurubuaare gi lee yii mo-asonbo kpei-kpei yee me' wɔra nsun kpei-kpei sa mo-asonbo gikpen mo. O lee yii Yesu isoo mo de me' wɔra agyangbarabo. O lee yii mo-ikalan atogbo de me' buu omo ginyose. Abono o lee de me' buu gisase mo ne n gye mo-agyebi mo anyiilebo. Momo-gemara mo, abono me buu me buu mo ne n gye abono me kya wɔra ilaa ibono i kya lee Wurubuaare olon nyiile mo, de abono Wurubuaare kya yege me' taale kye aloto, de asa akpaabo, de akpen mo ilaa worase mo so akerebo, de abono me kya tonge de nde kpei-kpei nbono men wolaa me kya nu mo.

²⁹ Genɔɔbono Wurubuaare gi wɔra imo faa, aye pewu ne n gye Yesu isoo mo daa? Aye pewu a gye Wurubuaare ikalan atogbo abee mo-agyebi mo anyiilebo daa? Aye pewu a kya wɔra ilaa ibono i kya lee Wurubuaare olon nyiile mo daa?

³⁰ O kyu alobi gikye sa aye okamaase? Okamaase kya tonge de nde nbono on wolaa o kya nu nmo mo? Abee okamaase kya lee genen ilaa toge mo gese sa asa?

³¹ Wurubuaare Oduduu mo ilaa kyese mo i bo duduu don abara. Imoso fe' peere ansi kyu feye-nwansa gyan ibono i bo duduu gikyo mo so. Imo-re imo genen gbaa mo, nan nyiile feye akyenabi abono a laa wɔra odan nye ibono ne toge faa.

13

Gelaare' Ne N Tiri

¹ Akyenabi abono a boran mo ne n gye ibono fe laa laare Wurubuaare de anyamese ilaa. Me ne n kine n' tonge de Wurubuaare do isoo nde do abee anyamese-lee nde nbono men wolaa mi-i nu mo, ne men bo gelaare' mo, men wɔra sei. I laa wɔra daa fee agongon abee gekpenyengelenbi bele ne n' kya nme n kya tii asa aso gyan.

² Genen kee ne nengyene men bo gelaare' mo, ba-a ne taale nu ikalan lii Wurubuaare ase toge sa asa mo, men wɔra sei. Ba-a Wurubuaare gi kpa me ne ne taale nu mo-ilaa boduduuse pewu gese abee ne taale bii Wurubuaare olaako ginyi pewu mo, ne men bo gelaare' mo, men wɔra sei. Ba-a Wurubuaare gi kpa me ne ne so mo gyi ibono nan taale kosore abii gbaa, ne men bo gelaare' mo, men wɔra sei.

³ Ba-a ne kyu me-ilaa ibono n bo mo pewu kyu kyee asa, abee ne kyu me gbaa-gbaa nyoro kyu kyee de me' dee me Wurubuaare onon mo so, ne men bo gelaare' mo, i man kpaa me de sei Wurubuaare ase.

Nyamese Obono O Bo Gelaare' Mo

⁴ Nyamese obono o bo gelaare' mo kya nye gisen, ne o bo gidense sa asa. On bo gelaaloo. On bo amelimeli. On kya nyiile mo-nyoro abee

⁵ o' wora ilaa ibono in bo kanpe mo. Isa bo gelaare' mo, on kya kere mo-lee gelaare wole so. On kya nu ginyadon gisoo abee o' keda mo-nanbo ginyadon.

⁶ Ilaa nyenyen in kya wora mo okon. Gesintin ilaa ne n kya wora mo okon.

⁷ Isa bo gelaare' mo, o laa nye gisen ilaa kamaase do, o laa soo ilaa dense kamaase gyi. Mo-gewonsa ge laa gyan ilaa dense kamaase so, ne o laa soo ilaa kamaase da gikan.

⁸ Gelaare' bere gen bo okara. Wurubuaare gi yeege fo oko fo kya toge mo-ikalan sa asa mo, imo ibono i laa baa yela okara. Wurubuaare gi yeege fo oko fo kya tonge de nde nbono fon wolaa fo kya nu mo, imo ibono kee, i laa baa kyon. Wurubuaare gi yeege fo oko fo kya bii ilaa mo, imo ibono kee, i laa baa yela okara.

⁹ I kya nyiile yee aye anyamese an kya bii ilaa ta, ne an kya toge Wurubuaare ikalan ta.

¹⁰ Owi oko laa baa ba yee Wurubuaare ilaa ibono i boran gekpaa mo i laa ba aye Yesu asonbo mo do. I ba genen mo, aye-ilaa worase ibono a kya wora imo adin-adin mo, i laa yela okara.

¹¹ I de daa fee genobono nyamese kya see baa wora obelense mo. Owi obono n gye gebii mo, ne tonge daa fee gebii, ne sa nbii nwonsa ne ne soo akycole me-gisen do fee gebii. Owi obono ne baa wora obelense mo, ne lii ibiilaa do.

¹² Genen kee ne gekyena gede do mo, a de daa fee nbii. Genobono a nyi Wurubuaare mo, i kere aye-ansi so daa faa futa-a fee diiwu ne n wora ineesi. Abere ako a laa baa ba ibono a laa san wu Wurubuaare faa tentegelen. Fee me faa, n nyi Wurubuaare ilaa daa adin-adin. Gekaako mo, nan bii Wurubuaare kpaa loge fee genobono Wurubuaare nyi me mo.

¹³ Aye-gekyena gede do mo, ilaa isa' wole ne nan de kpe gekpaa-gekpaa. Imo ne n gye gisoo gyi gibono a bo sa Wurubuaare mo, genobono aye-ansi a kya gyan Wurubuaare so mo, de gelaare' gebono a bo sa Wurubuaare de anyamese mo. Genen ilaa isa' ide do mo, gelaare' mo ne n don.

14

Ilaa Ibono I Laa Loro Yesu Asonbo Gikpen Mo

¹ Imoso ilaa ibono i kaabore fe' kyu too feye-nyoro so don ilaa kamaase mo ne n gye yee fe' laare Wurubuaare de anyamese ilaa. Imo gemara mo, fe' peere ansi yee Wurubuaare o' kyee feye oduduu do ilaa kyeeese. Ilaa kyeeese kolon ibono i kaabore fo nyamese fo' laare don isense mo ne n gye yee Wurubuaare o' toge ikalan sa fo de fo' lee toge sa asa. Imo ne n kya kpaa Wurubuaare asonbo don ibono fe laa nye tonge de nde nbono fen ti nu kere mo.

² I kya nyiile yee nengyene fee Wurubuaare Oduduu mo gi yeege fo kya tonge de gede gebono fon ti nu kere mo, fon kya tonge de anyamese. Fo

kya tɔngɛ daa de Wurubuaare, ne ɔko mɛn kya nu fo gɛsɛ. Ilaa ibono fo kya tɔngɛ Wurubuaare Oduduu mɔ ɔlon dɔ mɔ i ɲara.

³ Isa ɔbono Wurubuaare kya tɔgɛ ikalan sa mɔ de ɔ' lɛɛ tɔgɛ sa asa mɔ mɔ, kya tɔngɛ daa de anyamese, ne i kya nye lɔrɔ ɔmɔ Wurubuaare gison dɔ. I kya ka ɔmɔ ne i kya yuule mɔmɔ-asen.

⁴ Ɔbono ɔ nye tɔngɛ de ndɛ nbono ɔn kya nu mɔ kya lɔrɔ daa mɔ-lɛɛ Wurubuaare gison. Ɔbono mɔ Wurubuaare kya tɔgɛ ɔkalan ne ɔ kya nu lɛɛ tɔgɛ sa asa mɔ, Wurubuaare asonbo gikpen mɔ pɛwu ne ɔ kya lɔrɔ.

⁵ Nkana i laa wɔra me ɔkon yɛɛ fɛye pɛwu fɛ' tɔngɛ de ndɛ nbono fɛn kya nu mɔ. Ibono mɔ i laa wɔra me ɔkon gikyɔ mɔ ne n gye yɛɛ fɛye pɛwu fɛ' nye nu Wurubuaare ikalan lɛɛ tɔgɛ sa asa. Ɔbono ɔ nu Wurubuaare ɔkalan ne ɔ kya lɛɛ mɔ tɔgɛ sa asa mɔ gi don ɔbono ɔ kya tɔngɛ de gedɛ gɛbono ɔn kya nu mɔ. To. Nengyene ɔ tɔngɛ ne ɔ laa taalɛ lɛɛ imɔ gɛsɛ kee berɛ mɔ, mɔmɔ asa anyɔ mɔ mɛ gye kyɛɛ-kyɛɛ ne. I kya nyiile yɛɛ genen ne i laa nye lɔrɔ Wurubuaare asonbo pɛwu gikpen mɔ.

⁶ Me-nanboana Yesu asonbo, nengyene nɛ ba fɛye asɛ ne nɛ kyu Wurubuaare Oduduu n kya tɔngɛ de gedɛ gɛbono fɛ mɛn kya nu ne mɛn kii lɛɛ gɛsɛ sa fɛye mɔ, nne ne me-ilaa tɔgɛsɛ i laa nye kpaa fɛye? Mɛn kii lɛɛ Wurubuaare ilaa iko gɛwi sa fɛye abɛɛ n' kyu Wurubuaare ɔlaako ginyi abɛɛ mɔ-ɔkalan ɔko abɛɛ mɔ-ilaa nyiilese iko kyu nyiile fɛye.

⁷ Ilaa ibono i mɛn kya songa gbaa fɛɛ ngandan de aduuleana, nengyene fɛɛ ɔko gi folɛ abɛɛ ɔ lan ne in kya lii mɔ, nne ne fɛ laa wɔra de fɛ' bii ɔlon mɔ kyule?

⁸ Fɛɛ ɔbono ɔ kya da iko gɛgandan so mɔ mɛn kya bii folɛ gɛmɔ mɔ, nne ne mɔ-ade mɛ laa wɔra de mɛ' bii yɛɛ iko i tu mɔmɔ?

⁹ Genen kee ne i dɛ sa fɛye ne. Nengyene fɛ laa tɔngɛ ne fɛ maɲ tɔngɛ de asa mɛ' nu gɛsɛ mɔ, fɛ laa tɔngɛ sa daa afuu. Ɔko maɲ bii ilaa ibono fɛ dare mɔ.

¹⁰ I bo ndɛ kpɛi-kpɛi gikyɔ gɛsinkpan so. Ne a nyi yɛɛ nmɔ pɛwu gi bo gɛsɛ.

¹¹ Nengyene me-rɛ ɔko aɲ kya nu abara ndɛ mɔ, a wɔra fɛɛ asafo sa abara ne.

¹² Imɔso ibono fɛye-ansi a pɛɛrɛ yɛɛ Wurubuaare Oduduu mɔ ɔ' wɔra ilaa fɛye dɔ faa mɔ, fɛ' tɛsɛ kolɛ mɔ yɛɛ ilaa ibono i laa lɔrɔ Wurubuaare asonbo pɛwu mɔ ne i' nyaakyɔ fɛye dɔ.

¹³ Imɔso fo ɔbono Wurubuaare Oduduu mɔ gi yɛgɛ fo taalɛ tɔngɛ de gedɛ gɛbono fɛn kya nu mɔ, dalaa kolɛ Wurubuaare kee yɛɛ ɔ' kpaa fo de fo' taalɛ lɛɛ imɔ gɛsɛ.

¹⁴ I lii fɛɛ nengyene nan taalɛ tɔngɛ de gedɛ gɛbono mɛn ti nu kerɛ mɔ, i laa lii daa oduduu ɔbono ɔ bo me dɔ mɔ asɛ. Me-nwɔnsa dɔ mɔ mɛn nyi ilaa ibono i gye mɔ.

¹⁵ To. Mɔ, nne ne i kaabore n' wɔra? Ibono nɛ wu mɔ ne n gye yɛɛ i kaabore n' dalaa daa lii me-oduduu mɔ dɔ, de n' kii dalaa kee lii me-nwɔnsa dɔ. I kaabore n' bii ilon sa Wurubuaare lii me-oduduu mɔ dɔ, de n' kii bii ilon kee lii me-nwɔnsa dɔ.

¹⁶ In gye genen mɔ, ne fɛɛ fo ɔko fo kya faala Wurubuaare gedɛ pobɔrɔ dɔ lii fo-oduduu mɔ dɔ mɔ, abono mɛ tɛ mɛ kya nu mɔ mɛ maɲ nu gɛsɛ de mɛ' faala mɔ kpaa fo. Mɛn nyi ilaa ibono fo kya tɔgɛ mɔ.

¹⁷ Fo-afaala abono ne n kine a boran nne mɔ, a maɲ kpaa fo-nanbo mɔ de sɛi.

18 N kya faala Wurubuaare fɛɛ mɔ-Oduduu mɔ gi yege me n kya taale tɔnge de nde nbono men ti nu kere mɔ don feye ɔkamaase.

19 Imɔ mɔ mɔ, owi ɔbono n tɛ Yesu asonbo mɔ nsana mɔ, i boran sa me yeɛ n' tɔge daa lii me-gewɔnsa dɔ gikyɔ de n' nye nyiile asa ilaa. Fɛɛ agyebi anun ɔkara ne nan kyu nyiile asa ilaa mɔ, i boran sa me don ibono nan dalaa agyebi nwe nfonɛɛ nfonɛɛ ne mɛ man nu gese mɔ.

20 Me-nanboana Yesu asonbo, fɛ laa sa nwɔnsa kyu lii Wurubuaare ilaa so mɔ, fɛn sa fe' sa nwɔnsa fɛɛ nbii. Fɛn sa fe' sɛɛ ilaa nyenyen giwɔra dɔ. Nwɔnsa gisa dɔ bere, fe' wɔra fɛɛ abelense.

21 Wurubuaare gi tɔge mɔ-nbara ɔwole mɔ dɔ genɔɔbono ɔ laa kyu ɔkpa pobɔrɔ so tɔge wɔra mɔ-ade de me' nu mɔ ase mɔ. ɔ tɔge yeɛ,

“Nan tɔnge de feye kyu naa de
abono fɛ men kya nu ɔmɔ-nde mɔ so.

Nan kyu asafo nno kyu tɔnge sa feye.

Imɔ-re imɔ genen gbaa mɔ, fɛ man taa nu me ase.”

Wurubuaare ne n tɔge genen.

22 ɔ tɔge genen mɔ, i kya nyiile yeɛ Wurubuaare gi kyu nde nbono men kya nu gese mɔ kyu tɔnge de abono mɛ men kya nu mɔ ase mɔ daa. ɔ kya laare i' lɛɛ mɔmɔ-gisomaanu nyiile ɔmɔ. Wurubuaare ikalan ginu tɔge mɔ bere i gye sa daa asa abono mɛ kya son mɔ Wurubuaare mɔ.

23 Imɔso ngyene fɛɛ feye Wurubuaare asonbo mɔ pewu fɛ gyan' ne feye pewu fɛ kya kyu Wurubuaare Oduduu mɔ ɔlon fɛ kya tɔnge de nde nbono fɛn kya nu mɔ, fɛ kya wɔra genen ne asa giyan abɛɛ abono mɛ men kya son Wurubuaare mɔ mɛ baa tu feye mɔ, fɛ men nyi yeɛ mɛ laa tɔge daa yeɛ fɛ kya lɔ ne?

24 Ngyene fɛɛ Wurubuaare Oduduu mɔ kya yege feye pewu fɛ kya nu ikalan lii Wurubuaare ase ne fɛ kya lɛɛ imɔ tɔge sa asa bere daa, ne isa giyan abɛɛ ɔbono ɔn kya son Wurubuaare mɔ gi baa tu feye genen mɔ, Wurubuaare laa kyu de feye so nyiile kaase ilaa nyenyen ibono dɔ ɔ bo mɔ. Feye pewu ilaa tɔgesɛ mɔ ne nan bun mɔ gipueɛ mɔ-gisen dɔ.

25 Wurubuaare laa lɛɛ mɔ-gisen dɔ asiiri ilaa nyenyen nyiile mɔ. Nfono mɔ, ɔ laa wolaa kyu mɔ-ansi kyu too gesɛ de ɔ' dalaa kyu nyisigyɔ sa Wurubuaare. ɔ laa tɔge yeɛ Wurubuaare bo feye dɔ gesintin.

Fe' Wɔra Ilaa Kamaase ɔkpa So Feye-Gegyan Dɔ

26 Imɔso me-nanboana Yesu asonbo, nne ne i kaabore fe' wɔra imɔ? Ngyene fɛ koola gyan' fɛ laa son Wurubuaare mɔ, Wurubuaare Oduduu mɔ laa sa feye dɔ ɔko fɛɛ ɔlon biise de fe' bii. Abɛɛ ɔ laa sa ɔko fɛɛ ilaa nyiile de fe' kase. Wurubuaare Oduduu mɔ laa lɛɛ Wurubuaare ɔkalan ɔko nyiile ɔko de fe' nu, abɛɛ ɔ laa kpaa ɔko mɔ de ɔ' tɔnge de gedɛ gebono ɔn ti nu kere. Abɛɛ ɔ laa yege ɔko ɔ' taale lɛɛ genen ilaa tɔgesɛ ibono gese sa feye. Imɔso fe' kere imɔ ikamaase so de i' nye lɔrɔ daa feye-gikpen mɔ.

27 Ngyene fɛɛ ako mɛ laa tɔnge de gedɛ gebono men ti nu kere mɔ, fɛ men' yege de me' don asa anyɔ abɛɛ asa'. Mɛ laa tɔnge mɔ, me' tɔnge ɔko-ɔko. ɔko kee ɔ' lɛɛ ibono mɛ kya tɔge mɔ gese.

28 Ne fɛɛ fɛ men nye ɔko de ɔ' lɛɛ imɔ gese mɔ, fe' yege de me' sii kurun de me' tɔge daa mɔmɔ-asen dɔ sa mɔmɔ-nyoro de Wurubuaare.

29 Fe' yege Wurubuaare ikalan atɔgebo anyɔ abɛɛ asa' ne me' tɔnge, yege asense mɔ mɔ, mɛ kya nu ilaa ibono mɛ kya tɔge mɔ dɔ dandan.

³⁰ Nengyene mómó dó óko kya tóge Wurubuaare ókalan óko ne Wurubuaare gi kii léé mó-ókalan óko nyiile óbanban mó, óbono ó ti daa ó kya tóngé mó ó' sii kurun, de ónyóse mó ó' nye tóngé.

³¹ Fé laa taale tóge Wurubuaare ikalan óko-óko de feye péwu fé' nye tóge; feye péwu fé' nye kase ilaa de i' nye keda feye péwu nyoro.

³² I kya nyiile yéé nengyene Wurubuaare Oduduu mó té óko so ó kya yége mó ó kya tóngé Wurubuaare ókalan óko mó, in gye yéé kaase mó menj dese. Ó kya tóngé genen péwu mó, mó-gewonsa gé de. Ó bo ólon Wurubuaare ókalan mó gitóge mó so.

³³ Wurubuaare menj gye Wurubuaare yere-yere. Ó gye daa gisen yuuli Wurubuaare.

Féé genóobono i de Yesu asonbo akpen mó dó péwu mó:

³⁴ Inj kaabore akyii mé' tóngé Wurubuaare ósonten. Inj de ókpa. Mé' bara mómó-nyoro gese sa mómó-kuliana féé genóobono Mosisi nbara mó gi kya nyiile mó.

³⁵ Nengyene mé kya laare mé' bii ilaa iko lii óson mó dó mó, mé' kpe mómó-nwi de mé' kpa taase mómó-kuliana nno. I bo ipeeli féé ókyii ó' tóngé Wurubuaare asonbo ósonten.

³⁶ Fé kya wóra feye-gibaa so nbara faa, imóso fé nyi yéé Wurubuaare agyebi mó a lii daa feye ase abée feye-wolé so ne a ba daa?

³⁷ Nengyene fo óko fo nyi yéé fo gye Wurubuaare ikalan ótógebo abée Wurubuaare Oduduu mó kya wóra ilaa fo dó mó, i kaabore fo' wu yéé ilaa ibono ne nmarase sa feye faa Wurubuaare ne n ka imó sa me.

³⁸ Nengyene óko gi kine ó manj gyi ibono n dare faa so mó, feye bere fé menj sa fé' nu mó ase.

³⁹ Me-nanboana Yesu asonbo, fé' péere ansi de fé' kole Wurubuaare yéé fé' nye nu mó-ikalan de fé' kyu tóge sa asa. Inj kaabore fé' tii asa yéé mé menj baa kyu Wurubuaare Oduduu kyu tóngé de nde nbono mé menj ti nu kere mó.

⁴⁰ Fé' kere ilaa kamaase so dandan de fé' wóra imó péwu ókpa so kanpe.

15

Yesu Gi Kyingi Lii Ibuni Dó

¹ Me-nanboana Yesu asonbo, nan nyingi feye ókalan konkonse óbono ne wolaa tóge feye kyu lii Yesu so mó. Ne léé ókalan mó tóge sa feye mó, fé sóo kyule ne fé kpe san fé de mó dó.

² Nengyene fé keda ókalan baare dó ken-ken mó, i laa mólege feye de fé' nye Wurubuaare ase gekyena. Ne fé menj keda genen bere mó, gisóogyi gibono fé bo sa Yesu mó gi gye daa giyan.

³ Ókalan mó agyebi abono a tansi a tiri mó, me kee ne kase amó daa pei ne ne lóo kyu kpere feye. imó ne n gye yéé:

Yesu Kirisito gi wu' sa aye de ó' so aye ilaa nyenyen.

Mé wolaa nmarase Wurubuaare agyebi mó dó yéé i laa ba genen.

⁴ Mé pule mó.

Imó geké sase mó, o kii kyingi lii ibuni dó.

Mé wolaa nmarase imó ide kee Wurubuaare agyebi dó.

⁵ O kyingi genen mó, ó léé mó-nyoro géwi nyiile Piita, ne o kii léé mó-nyoro nyiile mó-akasebo gudu anyo mó.

⁶ imó gemara mó, aye-nanboana Yesu óson mó dó mé gyan geten kolon, mé laa don asa nwe nnun, ne Yesu gi léé mó-nyoro nyiile mómó kee. Owi

ɔbono n kya nmarase ɔwole baare mɔ, mɔmɔ dɔ sakyɔ me san me te de ansi. Mɔmɔ ako bere ne n ti wu'.

⁷ Imɔ gemara mɔ, ɔ lee mɔ-nyoro nyiile mɔ-tede Gyeemesi pei ne o kii lee mɔ-nyoro nyiile mɔ-isɔɔ mɔ pewu.

⁸ Ibono i tiikara mɔ, ɔ lee mɔ-nyoro gewi nyiile me kee. ɔ lee mɔ-nyoro nyiile me mɔ, in wɔra fee asa sence lee mɔ. I wɔra daa fee gebii gebono gemo-gekoroge gan ti fo ne me koroge gemo mɔ.

⁹ Imɔ gese ne n gye yee Yesu isɔɔ mɔ dɔ mɔ, me ne men fo ɔmɔ. Men kaabore me' tere me yee Yesu ɔsɔɔ gbaa. I kya nyiile yee ne ka Wurubuaare asonbo gikpen mɔ ansi yega.

¹⁰ Wurubuaare gitolon so ne ne nye baa bingiri mɔ-osunbo faa. O su me gitolon gide genen mɔ, i men wɔra giyan. Ne baa wɔra mɔ Wurubuaare gesun mɔ ken-ken kii baa don mɔmɔ asense mɔ pewu. Nkana man taale wɔra genen me-gibaa so. Wurubuaare ne n kpa me so ne ne taale wɔra gesun genen.

¹¹ Imɔ-re imɔ genen gbaa faa, me ne n lee Yesu ɔkalan mɔ tɔge daa-o, asense mɔ ne n lee mɔ tɔge daa-o, aye pewu, ɔkalan kolon ne a kya tɔge ne mɔ kee ne feye mɔ fe sɔɔ gyi.

Wurubuaare Laa Kyingi Yesu Asonbo Lii Ibuni Dɔ

¹² To, aye pewu a ti lee Yesu Kirisito ilaa tɔge sa feye yee o wu' ne Wurubuaare gi kyingi mɔ lii ibuni dɔ, ne feye kee fe sɔɔ imɔ gyi. Ne ide kon, i wone ne feye dɔ ako me kii me kya sɔɔ akycɔde yee abono me wu' mɔ me man kyingi lii ibuni dɔ?

¹³ Naafɔ Wurubuaare man kyingi abono me wu' ne me ti pule ɔmɔ mɔ lii ibuni dɔ fee genɔɔbono feye dɔ ako me kya tɔge faa mɔ, genen bere mɔ, Wurubuaare men taale kyingi Yesu Kirisito lii ibuni dɔ kee ne.

¹⁴ To. Naafɔ Wurubuaare men kyingi Kirisito mɔ, nkana ɔfaanan ilaa ibono a naa a kya tɔge kyu lii mɔ so faa, i gye daa giyan. Nkana ibono fe ka gyan mɔ so mɔ kee i gye daa giyan.

¹⁵ Nkana i laa ba yee a kee abon gyan' Wurubuaare so ne. I lii fee aye ne n naa buu sa asa yee Wurubuaare gi kyingi Yesu lii ibuni dɔ. Ne feye mɔ yee ide kon in gye genen faa.

¹⁶ Genen ne fe kya nyiile ne. Feye yee Wurubuaare men kya kyingi asa lii ibuni dɔ. Imɔso feye ase mɔ, Wurubuaare men kyingi Yesu Kirisito lii ibuni dɔ kee ne. Abee in kya nyiile genen?

¹⁷ Ne fee Wurubuaare men kyingi Kirisito lii ibuni dɔ gesintin mɔ, nkana ibono fo kya sɔɔ mɔ gyi yee ɔ kpaare feye-ilaa nyenyen pewu fue sa feye mɔ, giyan ne. I laa nyiile yee fe te faa, nkana fe san fe te de feye-ilaa nyenyen ne.

¹⁸ Genen kee mɔ i laa nyiile yee aye-nanboana Kirisito ade abono me bingiri Wurubuaare-lee mɔ pewu me wu' sii gekpa ne.

¹⁹ Nengyena gekyena gedɛ dɔ aye-gewɔnsa ge gyan' yee Kirisito laa kyingi aye lii ibuni dɔ, ne aye-lewu gemara bere, in ba genen mɔ, asa pewu dɔ mɔ nkana aye-ilaa ne nan tansi wɔra ayen.

²⁰ Ne taa tɔge ide pewu mɔ, gesintin mɔ ne n gye yee Wurubuaare gi kyingi Kirisito lii ibuni dɔ. Mɔmɔ abono pewu Wurubuaare gi da gibaa tere mɔ dɔ mɔ Kirisito ne n gyangbara kii nye mɔ-lee nyoro pobɔɔ. ɔ de daa fee gigyɔ pobɔɔ gibono me daa ggyangbara kyu too Wurubuaare pei de i' loɔ gbigi mɔ.

²¹ Imo gese ne n gye yee nyamese kolon ne n yege lewu gi ba anyamese do. Genen kee ne nyamese kolon ne n yege ne ibuni me laa kii nye nyoro poboro.

²² I kya nyiile yee aye-anyamese pewu aye-re aye-naana gyangbarase, Adam, a gye nyamese kolon. A kya nye lewu fee Adam-lee mo onan. Genen kee, aye abono pewu aye-re Kirisito a gye nyamese kolon mo, a wu' mo, a laa nye kii kyingi de a' nye aye-nyoro poboro fee Kirisito-lee mo onan.

²³ I bo abere abono Kirisito ade pewu me laa nye momo-nyoro poboro mo. Kirisito ne n wolaa gyangbara kyingi wora fee gigo poboro gibono me kyu too Wurubuaare. I san asa abono me gye mo Kirisito-lee mo bere, owi obono o laa kii ba mo ne me laa kyingi de me' nye momo-nyoro poboro.

²⁴ Me nye momo-nyoro poboro genen mo, gesinkpan so gekyena nke laalaaloge mo gi fo ne. Kirisito laa kyu gesinkpan so gewuragyi pewu kyu kpaa wora mo-se Wurubuaare abaa do. Pei de o' wora genen mo, o ti wolaa nyida gewuragyi de onon de gebelense, ibono a kya wu de ansi de ibono anj kya wu de ansi mo pewu.

²⁵ Inj gye giyan so ne Kirisito laa nyida imo ideana. I wolaa i gye daa ilaa ibono Wurubuaare gi toge kyu lii mo so yee o laa gyi gewura kaabore mo-akyobo pewu me' baa nmii mo-ayaa do de me' bara momo-nyoro gese sa mo.

²⁶ Okyobo laalaaloge obono o laa gyi mo so mo ne n gye lewu.

²⁷ I kya nyiile yee Kirisito ilaa i wolaa i bo Wurubuaare agyebi do yee, "Wurubuaare laa yege ilaa kamaase i' bara imo-nyoro gese sa mo." Wurubuaare agyebi mo a toge genen mo, a nyi ibono Wurubuaare bere men bo ilaa ibono i laa bara imo-nyoro gese sa Kirisito mo do. Mo ne n gye obono o laa yege ilaa kamaase i' bara imo-nyoro gese sa Kirisito mo.

²⁸ Owi obono ilaa kamaase i laa bara imo-nyoro gese sa Kirisito, Wurubuaare mo-bi mo genen mo, Kirisito gbaa-gbaa kee laa bara mo-nyoro gese sa Wurubuaare. Wurubuaare, mo, ne n gye obono o yege ilaa kamaase i' bara imo-nyoro gese sa mo-bi Kirisito. Imoso Wurubuaare mo-bi mo laa baa bara mo-nyoro gese sa mo-se de i' wora yee ilaa kamaase do mo, Wurubuaare ne n gye obono okamaase de ilaa kamaase i bo no sa mo.

²⁹ Ako me kya gyere asa Wurubuaare sagyere yii abono me ti wu' mo giyaa. Nengyene Wurubuaare manj kyingi ibuni mo, i wone ne me kya gyere asa Wurubuaare sagyere yii abono me ti wu' mo giyaa genen?

³⁰ Ne Wurubuaare manj kyingi ibuni mo, i wone so ne me-re menanboana a kya kyule wora Yesu gesun ne i kya yege asa me ka aye-ansi owi kamaase do daa? N nyi yee Yesu menj kyingi lii ibuni do mo, manj kyule wora genen.

³¹ Me-nanboana Yesu asonbo, n' toge feye yee geke kamaase mo asa me kpe me de me ma-a wora daa lewu abaa do. Feye-re aye-Wura Yesu Kirisito ginyamese kolon so mo, n kya gyiide feye so. Imoso ne n kya toge feye genen ilaa ide faa.

³² Owi oko do mo, ne ko de ndonbue Efiso osowole so. Nengyene fee anyamese-lee ilaa wole ne n tiri me mo, mene ne nan nye lii imo do? Nengyene a nyi yee a manj kyingi lii ibuni do de a' nye nteela mo, nkana ofaanan a kya nu de gede gebono me kya toge yee:

"A' tese gyi de a' nun.

Oke ofaanan a wu'" mo.

³³ Fe menj sa fe' yege de oko o' nye feye pene.

"Anyamese nyenyen do gisaare

i kya nyida nyamese dense gikyenabi.”

³⁴ Imoso fe' dese feye-nyoro so de fe' kyu Yesu asonbo akyenabi kyu kyena kanpe. Feye do ako me men nyi Wurubuaare momo-asen do. N' buu sa feye yee genen ilaa ide i gye ipeeli ilaa sa feye.

Wurubuaare Do Lee Nyoro Onan

³⁵ Fonbii mo, fo oko fo laa toge yee, “Nne so nne so ne Wurubuaare laa kyingi asa lii ibuni do daa? Momo-nyoro gi laa wora nne?”

³⁶ Fo obono fo toge genen mo, fo men nyi olaako. Imoso fo men nyi yee abi abono fo kya duu mo a kya daa gigyɔ pei de a' loo koro de a' nye nkpa poboro?

³⁷ Ibono fo kya kyu duu mo kpei, ne ibono i laa koro de i' soro mo kee kpei. Ilaa ibono fo duu mo, i gye gibi giyan fee giyu abee giwayu gibi.

³⁸ Wurubuaare ne n kya sa gimɔ nyoro poboro genobono o kya laare mo. Gibi kamaase gimɔ-oyuduu gimɔ-re gimɔ-nyoro poboro onan obono o kya kaabore gimɔ mo.

³⁹ Ilaa ibono pewu i kya songa mo nyoro i koro i koro. Anyamese nyoro kpei. Nbu-e-lee kpei. Nbu-i-lee kpei, ne iken kee lee kpei.

⁴⁰ I bo Wurubuaare do lee nyoro onan, ne i bo gesinkpan so lee nyoro onan. Wurubuaare do lee nyoro mo nyisigyɔ kpei, ne gesinkpan so lee nyisigyɔ kee kpei.

⁴¹ Owi bo mo-lee nyisigyɔ kpei. Bose bo mo-lee kpei, ne agyekpebi kee a bo amɔ-lee kpei-kpei. I kya nyiile yee agyekpebi gbaa nyisigyɔ a don abara.

⁴² Genen kee ne i de ne. Anyamese me laa kyingi lii ibuni do de me' nye nyoro poboro mo, momo-nyoro nbono a kya pule mo gi kya gyɔ. Nyoro nbono Wurubuaare laa sa abono me laa kyingi lii ibuni do mo bere gi man gyɔ kpa-a.

⁴³ Nyoro nbono a kya pule mo, nmɔ-re ipeeli ne. Nyoro nbono gi laa kyingi mo bere ne nan nye nyisigyɔ. Me pule aye mo, a gye daa afolebo. Wurubuaare laa kosore aye mo, a laa wora alolonbo.

⁴⁴ Gekyena gede do-lee nyoro onan ne me kya kyu pule. Oduduu do-lee nyoro onan ne Wurubuaare laa kyu kosore aye. I kya nyiile yee i bo gekyena gede do-lee nyoro onan, genen kee ne i bo oduduu do-lee nyoro onan.

⁴⁵ Wurubuaare agyebi do i kya toge yee, “Wurubuaare gi poro nyamese gyangbarase, Adam, ne o nye onje, o te nkpa.” Adam tiikarase, Kirisito mo bere, Wurubuaare gi yege o nye Oduduu o kya yege asa me kya nye Wurubuaare ase gekyena.

⁴⁶ I men gye oduduu do ilaa ne Wurubuaare gi daa gisa anyamese. Nkpa ne Wurubuaare gi daa gisa anyamese pei ne o loo kyu mo-Oduduu mo ilaa kyu sa omɔ.

⁴⁷ Nyamese gyangbarase, Adam mo gi lii daa gesinkpan do. O gye daa ise. Adam nyose, aye-Wura Kirisito mo bere, gi lii daa Wurubuaare do.

⁴⁸ Gesinkpan so gekyena ilaa do mo, anyamese me de daa fee nyamese gyangbarase mo. Me gye daa ise. Ne Wurubuaare do lee gekyena ilaa do mo, anyamese abono me kya ka gyan Kirisito so mo me laa wora daa fee mo. Me laa wora Wurubuaare do asa.

⁴⁹ Genobono a daa giwora fee obono o gye ise mo oyuduu mo, genen ne a laa baa wora fee obono o gye Wurubuaare do isa mo oyuduu kee ne.

⁵⁰ Me-nanboana Yesu asonbo, n kya buu mi-i sa faye yee aye anyamese gesinkpan so-lee nyoro de nkalan oyuduu mo i man taale kyena Wurubuaare ase mo-gewuragi mo do. Ilaa ibono i kya gyro mo, i man taale sooo ilaa ibono i man gyro mo ilaa keda.

⁵¹ Fe' yela giso de fe' nu ilaa boduduuse iko. I men gye aye pewu ne nan wu' lewu. I laa baa fo owi oko mo, Wurubuaare laa keda aye pewu kyeege

⁵² gikolon. I fo genen mo, Wurubuaare do gegandan laalaaloge mo ge laa su. Ge su mo, fo baa kere mo, Wurubuaare gi ti wolaa keda aye kyeege. I lii fee gegandan mo ge laa su mo, asa abono me ka gyan Yesu so pei ne me wu' mo, Wurubuaare laa kyu nyoro nbono gi man gyro mo kyu sa omo de o' kyingi omo. Aye abono a san a te de ansi genen owi abono mo kee, Wurubuaare laa keda aye kyeege.

⁵³ I lii fee aye-nyoro nbono gi kya gyro mo gi tiri yee gi' nye nbono gi men kya gyro mo onan kyu suu de nmo-nyoro. I tiri kee yee aye-nyoro nbono gi kya wu' mo gi' nye nbono gi men kya wu' mo onan kee kyu suu de nmo-nyoro.

⁵⁴ Gekaako mo Wurubuaare laa yeege genen ilaa ibono i' ba. Aye abono a kya ka gyan Yesu so mo nyoro nbono gi kya gyro mo gi laa nye kyu oyuduu abono o men kya gyro mo kyu suu de nmo-nyoro. Aye-nyoro nbono gi kya wu' mo gi laa nye kyu oyuduu abono o men kya wu' mo kyu suu de nmo-nyoro. I ba genen mo, nfono ne Wurubuaare agyebi ako a laa nye ba gesintin. Amo ne n gye yee,

"Lewu men baa o bo no. A ko lii gekpaa.

⁵⁵ O Lewu, n' kere fo-olon abono nkana fo bo fo kya gyi aye so mo?

O Lewu, n' kere fo-ogyoo abono nkana fo bo fo kya da aye mo?"

⁵⁶ Lewu ogyoo ne n gye anyamese ilaa nyenyen giwora. Ne ilaa nyenyen giwora mo i kya nye lewu olon lii daa Wurubuaare nbara mo do.

⁵⁷ A kya faala Wurubuaare. Mo ne nan lee aye lii lewu olon do kyu naa de aye-Wura Yesu Kirisito so.

⁵⁸ Imoso me-nanboana laarese Yesu onon mo do, fe' yele faye-ayaa so ken-ken faye-gisogyi gibono fe bo sa Yesu mo do de ilaa iko in sa o' yo faye-nyoro baa pii. Fe' kpe fa-a wora Wura Yesu gesun owi kamaase do. I kya nyiile yee fe nyi yee ilaa kamaase ibono fe kya wora fe kya sa Wura Yesu mo, i menan wora gyan.

16

Genoobono Fe Laa Too Aterenbi Sa Yesu Asonbo Abono I Tiri Omo Mo

¹ Nan baa toge aterenbi ilaa sa faye kon. Fe laa too too-too kyu kpaa kpaa' Yesu asonbo abono i tiri omo mo, faye kee fe' wora fee genoobono ne nyiile Yesu asonbo abono me bo Galati osowole so mo.

² Kosida-Kosida mo faye okamaase o' lee aterenbi ako lii abono o nye mo do de fe' loro amo yela. Ne san ba faye ase mo, in baa wora faye poroko.

³ Fe ti too yela ne ne ba mo, nan yeege fe' lee asa abono faye gbaa-gbaa fe soo momo gyi mo de me' kyu aterenbi mo kpe Gyerusalem. Nan nmarase iwole ibono i laa lee momo nyiile nno awura mo de me' kyu keda de aterenbi mo kpe.

⁴ Nengyene i gye ibono me kee n' kpe daa mo, me-re omo a laa kpe.

Ikpa Ibono Pooolo Yee O Laa Kpe Mo

⁵ Nan naa de Masadoniya gesinkpan so de n' baa faala faye, i kya nyiile yee Masadoniya ne nan naa de.

⁶ Nε ba mɔ, fɔŋbii mɔ nan gyi nke feye ase. I laa taale ba yεε nan kyena feye ase awo aberε mɔ dɔ pɛwu gbaa. Nan kyon mɔ, de fε' lεε me-ɔkpa de n' taale kpe nfono so nan kpe de mɔ.

⁷ Mεŋ kya laare fεε n' baa loo lii. Wurubuaare gi kyule mɔ, n kya laare n' gyi nke feye ase.

⁸ Nan sii kyena Efiso gere kaabore a' gyi aye Gyuda awura Agyudo Akebibere Gesi mɔ.

⁹ I lii fεε nε wu yεε Wurubuaare gi bugi ɔkpa sa me gesintin so de n' nye wɔra mɔ-gesun mɔ gere. Abono mɔ mε kya laare de mε' tii me-gesun mɔ ɔkpa mɔ kee mε kyɔ.

¹⁰ Timoti gi ba feye ase mɔ, fε' yεge i' wɔra mɔ fεε ɔ loo daa mɔ-gewi. Ɔ kya wɔra Wura Yesu gesun mɔ fεε genɔɔbono me kee n kya wɔra faa.

¹¹ Imɔso fε mεŋ sa fε' ŋmanyɔn mɔ. Ɔ laa kii mɔ, fε' lεε mɔ-ɔkpa de gisen yuuli de ɔ' baa tu me de alanfiya. N kya kere mɔ-rε aye-nanboana Yesu asonbo mɔ ako ɔkpa.

¹² Aye-nanbo Apolose bere, nε buεεle mɔ yεε ɔ' buu aye-nanboana abono de mε' kpa laa feye mɔ, nε kpon. N kya tɔge mɔ mɔ, ɔ kpe ɔ de daa yεε ɔ laa kpe bere, mɔ, i mεŋ gye nperε. Imɔso aberε mɔ a fo mɔ, ɔ laa ba feye ase.

Agyebi Laalaalɔge

¹³ Fε' bii feye-nyoro akedabi. Fε' yele feye-gikagyan gibono fε ka gyan Yesu so mɔ dɔ ken-ken. Fε' da otu wɔra mɔ-gesun mɔ. Fε' keda nyoro.

¹⁴ Ilaa kamaase ibono fε laa wɔra genen mɔ, fε' kyu gelaare' wɔra imɔ pɛwu.

¹⁵ Me-nanboana Yesu asonbo, feye gbaa-gbaa fε nyi yεε Akaya gesinkpan pɛwu so mɔ, Sitefanase geten dɔ asa ne n daa gikyu mɔmɔ-nyoro too Yesu so, nε mε kyu ɔmɔ-nyoro kyεε mε kya kere Yesu asonbo so.

¹⁶ N kya kole feye yεε fε' bara feye-nyoro gese sa genen asa abono ɔnan. Fε' bara feye-nyoro gese kee sa isa kamaase ɔbono ɔ kya wɔra gesun de i' kpa feye mɔ abεε ɔ kya yiyε feye so mɔ.

¹⁷ Feye-nanboana, Sitefanase de Fɔtunatusε de Akayakuse mε ba me ase mɔ, i wɔra me ɔkon gikyo. Fεŋ bo me ase faa mɔ, mɔmɔ ne n san baa yii feye-giyaa sa me.

¹⁸ Mε yεge me-gisen gi tɔrɔ me. N nyi ibono mε yεge feye-asen a tɔrɔ feye kee genen. Fε' lεε genen asa abono ɔnan ginyen.

¹⁹ Wurubuaare asonbo akpen abono a bo Esiya gesinkpan so mɔ pɛwu mε kya faala feye. Akuila de Pirisika de Wurubuaare asonbo gikpen gibono mε kya kyena gyan' mɔmɔ-geten dɔ mɔ pɛwu mε kya faala feye gikyo Yesu ginyen dɔ.

²⁰ Aye-nanboana Yesu asonbo mɔ pɛwu mε kya faala feye. Fε' kyu genyi-abi afaala faala abara fεε genɔɔbono i kaabore Yesu asonbo mε' faala abara mɔ.

²¹ Nε sin gere. Me, Pɔɔlo gbaa-gbaa ne n dε me-gibaa n kya ŋmarase ilaa tiikarase ide n kya sa feye.

²² Ɔbono ɔ mεŋ kya laare aye-Wura Yesu ilaa mɔ, kaase mɔ-rε Wurubuaare abaa anyɔ. Aye-Wura Yesu, a kya kole fo, kii ba gesinkpan so!

²³ Wura Yesu ɔ' sa feye so gεwɔnsa dεnsε.

²⁴ Kirisito Yesu ginyen dɔ mɔ, n dε gelaare' n kya kalε feye pɛwu.

Pɔɔlo Ɔwɔlɛ Nyɔsɛ Ɔbono Ɔ Nɔmarasɛ Bunge Korinti Awura Mɔ

¹ Me Pɔɔlo Ɔbono n gye Kirisito Yesu ɔsɔɔ kyu naa de Wurubuaare gelaare so mɔ de Timoti, aye-nanbo Yesu ɔson mɔ dɔ ne n kya bunge fɛye ɔwɔlɛ baare. Fɛye abono fɛ kya son Wurubuaare kyu naa de Yesu so Korinti mɔ de asa abono Wurubuaare gi lɔrɔ yela sa mɔ-nyoro Akaya gesinkpan pɛwu so mɔ, fɛye-ɔwɔlɛ ne.

² Aye-sɛ Wurubuaare de aye-Wura Yesu Kirisito mɛ' sa fɛye so gɛwɔnsa dɛnsɛ de mɛ' sa fɛye gisen yuuli.

Wurubuaare Kya Tɔgɛ Wɔra Aye Aye-Ɔlaawusɛ Dɔ

³ Ayenbi a gye Wurubuaare-lɛɛ! Mɔ ne n gye aye-Wura Yesu Kirisito mɔ-sɛ, ne mɔ kee ne n gye mɔ Yesu Wurubuaare. Wurubuaare ne n gye aye-sɛ Ɔbono Ɔ gye Gitolon Gɛmu de aye pɛwu Ɔtɔgɛwɔrabo.

⁴ Nengyene aye abono a kya ka gyan Yesu so mɔ, a kya wu ɔlaawusɛ mɔ, Wurubuaare ne n kya tɔgɛ wɔra aye imɔ pɛwu dɔ ne aye-gisen gi kya tɔrɔ aye. Ɔ kya tɔgɛ wɔra aye genen de aye kee a' taale nye mɔ Wurubuaare-lɛɛ atɔngɛbi kyu tɔgɛ wɔra asa. Nengyene ako mɛ bo ɔlaa wusɛ dɔ mɔ, a laa bii tɔgɛ wɔra mɔmɔ de mɔmɔ-asen a' tɔrɔ mɔmɔ kee fɛɛ genɔɔbono Wurubuaare gi wɔra sa aye mɔ.

⁵ I kya nyiile yɛɛ nengyene a kya kyule buu Kirisito ayaa de a' wu mɔ-lɛɛ ɔlaawusɛ mɔ ɔnan gikyɔ mɔ, genen kee ne a laa nye i' tɔrɔ aye-asen gikyɔ kyu naa de mɔ Kirisito so ne.

⁶ Nengyene me Pɔɔlo me-rɛ me-nanboana a wu ɔlaawusɛ Yesu ɔson mɔ so mɔ, i kya kpaɔ daa fɛye Korinti awura. I laa yɛgɛ i' tɔrɔ fɛye-asen ne i laa yɛgɛ fɛ' nye Wurubuaare amɔlɛgɛ. Ne fɛɛ Yesu gi kii tɔgɛ wɔra aye ne i tɔrɔ aye-asen mɔ, genen kee ne i laa kpaɔ fɛye. Owi Ɔbono fɛ kya wu awɔrɔfɔɔ mɔ, fɛ laa nyingi yɛɛ aye kee a wu genen awɔrɔfɔɔ abono ɔnan ne Wurubuaare gi tɔgɛ wɔra aye. Imɔso i laa keda fɛye-nyoro de fɛ' nye gisen.

⁷ A nyi aye-asen dɔ yɛɛ fɛ laa keda Yesu ɔson mɔ dɔ kpaɔ lii. A nyi yɛɛ genɔɔbono aye-rɛ fɛye a kya wu ɔlaawusɛ kolon faa mɔ, genen kee ne Wurubuaare laa tɔgɛ wɔra aye-rɛ fɛye pɛwu gikolon de i' tɔrɔ aye pɛwu asen.

⁸ Aye-nanboana, i kaaborɛ a' buu sa fɛye genɔɔbono a wu ɔlaawusɛ Esiya gesinkpan so kyu lii aye Yesu gesun mɔ so mɔ. Nsola belɛ nbono asa mɛ sola aye nno mɔ gi tansi don aye ibono aɲ baa gyan' gɛwɔnsa yɛɛ a laa nye nkpa.

⁹ A nyi yɛɛ a laa wu' daa. Wurubuaare ne n yɛgɛ i ba aye-nwɔnsa dɔ genen de aɲ sa a' ka gyan aye-nyoro so de a' nye ka gyan mɔ Wurubuaare so. Mɔ ne n gye Ɔbono Ɔ kya kyingi ibuni.

¹⁰ Wurubuaare mɔ gi mɔlɛgɛ aye lii genen lɛwu idoo ibono dɔ. Ne Ɔ laa kii mɔlɛgɛ aye kee. Mɔ so ne aye-ansi a gyan yɛɛ Ɔ laa kpɛ Ɔ kya mɔlɛgɛ aye.

¹¹ I tiri berɛ yɛɛ fɛye Korinti awura kee fɛ' kpaɔ aye fɛye-ndalaa dɔ. Fɛ wɔra genen mɔ, Wurubuaare laa wu yɛɛ asa gikpen belɛ mɛ kya dalaa mɛ

kya sa mɔ, ne ɔ laa wɔra ilaa sa aye. I ba genen mɔ, asa abono mɛ laa faala mɔ Wurubuaare aye so mɔ kee mɛ laa nyaakyɔ.

Man Baa Ba Laa Feye Belen

12 A kya yen aye-nyoro yɛɛ a nyi aye-asen dɔ yɛɛ a sele Wurubuaare ne a kyu gesintin de gisen fufuli kyu kyena de anyamesɛ pɛwu kanpɛ, titirigu mɔ, de feye Korinti awura. Wurubuaare ne n kyu genen akyenabi dense abono kyu kyɛɛ aye. I mɛn gye anyamesɛ-lɛɛ ɔlaako ginyi so ne a nye genen akyenabi abono.

13 Owi kamaase nan sa feye ɔwole mɔ, ilaa ibono fɛ laa kale de fɛ' nu gɛsɛ mɔ wole ne n' kya nmarase. Me-ansi a gyan feye so yɛɛ fɛ laa baa nu ilaa ibono n kya tɔgɛ mi-i sa feye mɔ gɛsɛ sa me kpaa logɛ,

14 fɛɛ gɛnɔɔbono fɛ ti yii gɛsɛ fɛ kya nu gɛsɛ faa. Fɛ nu gɛsɛ kpaa logɛ mɔ, fɛ laa nyiile feye-nyoro kyu naa de aye so gekaabono aye-Wura Yesu laa kii ba gesinkpan so mɔ. Aye kee a laa nyiile aye-nyoro kyu naa de feye so genen gekaabono.

15 Me, Pɔɔlo, nɛ bii genen me-gisen dɔ mɔ, nɛ tɔgɛ sa me-nyoro yɛɛ nan kii naa tɔgɛ Wurubuaare agyɛbi mɔ sa asa mɔ, gikpe de gikii pɛwu mɔ, nan naa de feye ase de fɛ' nye Wurubuaare agyan lii me ase gikpadɔ ginyɔ.

16 Nɛ tɔgɛ yɛɛ nan kyu de feye ase kyu kpe Masadoniya gesinkpan so. Nɛ lii Masadoniya mɔ, nan kii ba feye ase de fɛ' lɛɛ me-ɔkpa owi ɔbono nan kpe de Gyudiya gesinkpan so mɔ.

17 Ibono nɛ tɔgɛ imɔ ide ne mɛn baa wɔra genen mɔ, fɛ nyi yɛɛ mɛn sa gɛwɔnsa dandan abɛɛ? Abɛɛ n kya wɔra golon-golon fɛɛ abono mɛ kere mɔmɔ-lɛɛ wole mɔ daa? N kya tɔgɛ “ɛɛn”, yɛgɛ i gye daa “Kuaa”?

18 Fɛ nyi yɛɛ Wurubuaare gye ɔpaawɔrabo mɔ, fɛ' bii yɛɛ aye kee a tɔgɛ “ɛɛn” sa feye mɔ, i gye daa “ɛɛn”. Ne a tɔgɛ yɛɛ, “Kuaa” mɔ, i gye daa “Kuaa”.

19 Wurubuaare mɔ-bi, Yesu Kirisito ilaa ne me-rɛ Siilase de Timoti a kpaa tɔgɛ sa feye. Ne fɛ nyi yɛɛ Yesu Kirisito, mɔ, mɛn gye golon-golon isa. Owi kamaase dɔ mɔ, ɔ gye daa ɔpaawɔrabo.

20 Ilaa dense ibono pɛwu Wurubuaare gi ka yela sa anyamesɛ mɔ, i kya wɔra gesintin sa aye kyu naa daa de Yesu Kirisito so. Imɔso a kya dalaa a kya sa Wurubuaare mɔ, Yesu ginyen ne a kya kyu tɔgɛ yɛɛ, “I' ba genen”. Imɔ ne n kya kyu nyisigyɛ bara Wurubuaare.

21 Wurubuaare ne n gye ɔbono ɔ kya yɛgɛ aye-rɛ feye pɛwu a kya nye ayaa yelɛsɛ aye-rɛ Kirisito ginyamesɛ kolon mɔ so. Mɔ Wurubuaare ne n sun aye yɛɛ a' wɔra Kirisito gesun mɔ.

22 I lii fɛɛ ɔ kyu mɔ-daase kyu gyan' aye so. Daase mɔ ne n gye mɔ-Oduduu ɔbono ɔ kyu wɔra aye-asen dɔ mɔ. Mɔ-Oduduu mɔ so ne a kya nye bii yɛɛ ilaa dense i de sa aye Wurubuaare dɔ.

23 Wurubuaare ne n nyi me-gisen dɔ yɛɛ ibono n kya tɔgɛ mɔ i gye gesintin. Nɛ tɔgɛ yɛɛ nan baa laa feye Korinti awura mɔ, n kya su feye so daa ne mɛn baa ba. Mɛn laare yɛɛ me-giba mɔ gi' wɔra gisobiide sa feye.

24 In gye yɛɛ a kya kyu aye-nyoro yɛɛ a gye feye-wuraana Yesu ɔson mɔ dɔ daa. Aye-rɛ feye a kya wɔra gesun dable de i' nye wɔra feye ɔkon feye-gekyaena dɔ. Giyele bere, fɛ ti fɛ yelɛ feye-ayaa so gisɔɔgyi gibono fɛ sɔɔ Yesu gyi mɔ dɔ.

2

¹ Imo so ne sa gɛwɔnsa yɛɛ maɲ baa kii ba fɛye aɛɛ de n' yɛgɛ fɛye-nwɔnsa gi' kii nyida fɛye.

² Nɛ yɛgɛ fɛye-nwɔnsa gi nyida fɛye mɔ, anɛana ne nan yɛgɛ de i' wɔra me ɔkon? Genen mɔ, fɛye abono nɛ yɛgɛ fɛye-nwɔnsa gi nyida fɛye mɔ wole.

³ Genen so ne nɛ nɛmarasɛ fɛye ɔwɔlɛ bolonɛ mɔ. Mɛɲ laarɛ fɛɛ n' ba de me-gisen gi' nyida me fɛye so. Fɛye ne n kaaborɛ fɛ' yɛgɛ i' wɔra me ɔkon. Ne nɛ sɔɔ fɛye gyi me-gisen dɔ kee yɛɛ ilaa ibono i laa wɔra me ɔkon mɔ, i laa wɔra fɛye ɔkon kee.

⁴ Nɛ nɛmarasɛ fɛye genen ɔwɔlɛ bolonɛ mɔ, nɛ tansi yiyɛɛ me-gisen dɔ. Ne nɛ su ginsikyu. Mɛɲ laarɛ yɛɛ ɔwɔlɛ mɔ agyɛbi a' loo fɛye. Nɛ laarɛ daa yɛɛ fɛ' nyɛ bii me-gɛlaarɛ' belɛ gɛbono n bo sa fɛye mɔ.

Fɛ' Kyu Kyɛɛ Ilaa Nyenyɛn Ɔwɔrabo Mɔ Kon

⁵ Ɔnyɛn ɔbono ilaa nɛ daa ginɛmarasɛ sa fɛye yɛɛ fɛ' biidɛ mɔ-giso mɔ, nɛ kiiri mɔ-ilaa ba. Ilaa nyenyɛn ibono ɔ wɔra mɔ, in gye me Pɔɔlo wole so ne ɔ tɔrɔ. Ɔkpa ɔko so mɔ, fɛye pɛwu so ne ɔ tɔrɔ. In gye yɛɛ n kya laarɛ n' nɛn ilaa mɔ gikyɔ-gikyɔ berɛ daa.

⁶ Asa sakyo mɛ ti biidɛ mɔ-giso faa mɔ, i kaabo.

⁷ Fɛ' yɛgɛ kyɛɛ mɔ kon de fɛ' tɔgɛ wɔra mɔ. In gye genen mɔ, mɔ-gisen gi laa nyida mɔ seregɛ.

⁸ N kya kole fɛye, fɛ' yɛgɛ de o' nyɛ bii yɛɛ fɛ san fɛ kya laarɛ mɔ-ilaa.

⁹ Owi ɔbono nɛ nɛmarasɛ tɔgɛ fɛye yɛɛ fɛ' biidɛ mɔ-giso mɔ, n kya laarɛ n' bii fɛye-gidebi yɛɛ fɛ laa nu me-gɛdɛ ilaa kamaasɛ dɔ?

¹⁰ Fɛ kyu kyɛɛ mɔ mɔ, me kee nɛ kyu kyɛɛ mɔ. I bo ilaa nyenyɛn ibono nan kyu kyɛɛ mɔ mɔ, fɛye so ne nan kyu kyɛɛ mɔ, yɛgɛ Yesu Kirisito kya wu me.

¹¹ N kya laarɛ n' tii ilaa nyenyɛn pɛwu gɛmu mɔ ɔkpa ɔbono ɔ laa kyu nyɛ aye abono a kya ka gyan Yesu so mɔ. Aye berɛ, a nyi mɔ-ikpa golon-golon ibono ɔ dɛ ɔ naa mɔ.

A Kya Tɔgɛ Daa Ilaa Ibono I Kya Lii Aye-Asen Dɔ Mɔ

¹² Owi ɔbono nɛ loo Tirowasɛ ɔsowole so mɔ, nɛ wu yɛɛ Wura Yesu Kirisito gi bugi ɔkpa sa me de n' tɔgɛ mɔ-ɔkalan konkɔnsɛ mɔ sa asa nno.

¹³ Imɔ-rɛ imɔ genen mɔ, me-gisen dɔ i mɛɲ kyena me. I lii fɛɛ mɛɲ wu me-nanbo, Taatusi nno. Genen so mɔ, nɛ kalɛ ɔmɔ, nɛ nɛ kyon kpe Masadoniya gɛsinkpan so.

¹⁴ Afaala a gye Wurubuaarɛ-lɛɛ. Mɔ ne n kya gyi ilaa nyenyɛn pɛwu gɛmu mɔ so owi kamaasɛ. Ɔ kya gyangbara sa aye kyu lii aye-rɛ Yesu Kirisito ginyamɛsɛ kolon mɔ so, nɛ ɔ kya kyu aye-gɛkyena dɔ ilaa kyu nyiile asa genɔɔbono ɔ kya gyi ilaa nyenyɛn pɛwu gɛmu mɔ so mɔ. Kyu naa de aye so mɔ, mɔ Wurubuaarɛ kya yɛgɛ asa mɛ kya bii Yesu gɛten kamaasɛ. I kya wɔra fɛɛ ilaa bofɛnsɛ ne n gyi gɛsinkpan pɛwu.

¹⁵ Imɔ gɛsɛ ne n gye yɛɛ asa mɛ kya wu aye ne mɛ kya nu aye aɛɛ mɔ, Wurubuaarɛ aɛɛ mɔ, i wɔra fɛɛ mɛ kya nu Yesu Kirisito ofɛn ne. Mɔmɔ abono mɛ laa nyɛ Wurubuaarɛ aɛɛ gɛkyena mɔ de mɔmɔ abono mɛ maɲ nyɛ Wurubuaarɛ aɛɛ gɛkyena mɔ pɛwu mɛ kya nu Yesu ofɛn mɔ lii aye aɛɛ.

¹⁶ Mɔmɔ abono mɛ maɲ nyɛ Wurubuaarɛ aɛɛ gɛkyena mɔ berɛ, Yesu ofɛn mɔ bo mɔmɔ ɔɲalɛ. Ne abono mɔ mɛ laa nyɛ Wurubuaarɛ aɛɛ

gekyena mɔ, Yesu bo fen sa ɔmɔ. Imɔso me laa nye Wurubuaare ase gekyena mɔ.

Nyamese ɔmɔ ne n bo no ɔ laa taale wɔra Wurubuaare agyebi gesun gedɛ mɔ-gibaa so?

¹⁷ Asa sakyɔ ako, mɔ, me naa ma-a tɔgɛ Wurubuaare agyebi mɔ mɔmɔ-gibaa so. Me san kyu bingiri geɓueɛɛɛ. Aye bere, aɲ kya wɔra genen. Wurubuaare ne n sun aye. A nyi ibono ɔ kya wu aye. Imɔso kyu naa de aye-rɛ Yesu Kirisito ginyamese kolon mɔ so mɔ, ilaa ibono i lii aye-asen dɔ mɔ ne a kya tɔgɛ a kya sa asa.

3

Feye-Gidebi Ne N Kya Lɛɛ Me-Gesun Wɔrase Nyiile Asa

¹ Ibono ne tɔgɛ faa iɲ gye yɛɛ a kya yen aye-gesun mɔ a kya sa feye daa de fe' nye sɔɔ aye gyi. Aɲ tiri genen. Asa ako bere me tiri yɛɛ fe' nye ɔwɔle ɔbono ɔ kya lɛɛ ɔmɔ-ilaa nyiile feye pɛi de fe' sɔɔ ɔmɔ gyi. Mɔmɔ kee ne n kya laare yɛɛ fe' nmarase iwɔle lii mɔmɔ so de i' lɛɛ ɔmɔ-ilaa nyiile abanban.

² Me bere, feye Korinti awura gbaa-gbaa ne n gye me-lɛɛ ɔwɔle ɔbono ɔ kya lɛɛ me-gidebi nyiile asa. I wɔra fɛɛ Kirisito gi yege a nmarase Wurubuaare ilaa wɔra feye-asen dɔ ne. ɔkamaase kya san wu feye mɔ, me kya bii yɛɛ fe kyɛɛɛ lii feye-ilaa nyenyen giwɔra dɔ naa de aye so.

³ Feye-gidebi ne n kya lɛɛ nyiile yɛɛ fe de fɛɛ Kirisito ɔwɔle genen. O sun aye ne ɔ nmarase genen ɔwɔle baare naa de aye so. I meɲ gye geyabii nmarase ne o kyu nmarase mɔ. Wurubuaare Oduduu mɔ ne o kyu nmarase mɔ. Wurubuaare ɔbono ɔ bo no adaa-adaa mɔ Oduduu gi wɔra gesun feye-asen dɔ. Iɲ baa i de fɛɛ genɔɔbono dedaa Wurubuaare gi nmarase mɔ-nbara gudu gyan daa abui papatela anyɔ so sa anyamese mɔ. Kon faa bere, aye anyamese asen dɔ gbaa-gbaa ne Yesu gi nmarase Wurubuaare ilaa wɔra sa aye.

⁴ Iɲ bo aye gifuu de a' tɔgɛ yɛɛ aye so ne fe nye Wurubuaare agyebi feye-asen dɔ. A nyi ibono Wurubuaare kee nyi yɛɛ i gye gesintin. I lii fɛɛ kyu naa de Yesu Kirisito so ne a taale tɔgɛ imɔ.

⁵ Nkana iɲ gye yɛɛ aye ne n de ilaa iko aye-gibaa so ne a kya taale wɔra Wurubuaare gesun. Wurubuaare so ne a kya taale wɔra mɔ-gesun.

⁶ Mɔ Wurubuaare ne n yege ne bii wɔra mɔ-geno pobɔrɔ mɔ so gesun sa mɔ. Genen genɔ pobɔrɔ gebono Wurubuaare gi yege mɔ-rɛ anyamese me' san wɔra mɔ, idɛ kon iɲ baa i gye mɔ-nbara gigyɔ so ne a laa kyu genɔ pobɔrɔ mɔ kyu kyena de mɔ. I san i gye daa mɔ-Oduduu mɔ so. I lii fɛɛ Wurubuaare nbara gimaagyɔ mɔ gi kya kyu lewu nyɔse bara anyamese. Wurubuaare Oduduu mɔ bere, kya sa daa Wurubuaare ase gekyena ɔnan.

Ilaa Ibono Wurubuaare Oduduu Mɔ Kya Bara Mɔ

I Bo Nyisigyɔ Gekpaa-Gekpaa

⁷ Genen nbara gudu nbono Wurubuaare gi nmarase gyan abui patelapatela anyɔ so mɔ, nmɔ so gimaagyɔ so ne Wurubuaare gi yege lewu nyɔse gi ba. Ibono nbara mɔ gi kya yege asa me nye lewu genen gbaa mɔ, nbara mɔ gi gye Wurubuaare ilaa so mɔ, ɔ dabɔle sa nmɔ nyisigyɔ bele. I lii fɛɛ Mosisi gi kpaa kyu nbara mɔ lii Wurubuaare ase ɔ kya ba mɔ, mɔ-ansi dɔ i kya njelegi de nyisigyɔ. Isirale awura mɔ meɲ baa ma-a taale me' kere mɔ-ansi dɔ, ne genen nyisigyɔ mɔ kya kɔɔge ɔ kya ta.

Nengyene Wurubuaare gi bara lewu gbaa ne i wɔra nyisigyɔ ilaa mɔ,

⁸ bii yee nengyene o bara mo-Oduduu mo i laa tansi wora nyisigyi don genen gbaa.

⁹ Nbara nbono Wurubuaare gi kyu bun anyamese gipuee mo gi gyi ginsi. Imoso okpa obono so Wurubuaare laa kyu asa yee momo-asen do i boran mo bere, i laa kii gyi ginsi don nbara nbono gi kya bun asa gipuee mo gbaa bun.

¹⁰ Nengyene a kyu Wurubuaare nbara nbono nkana gi naa kyena nye nyisigyi mo kyu kesere de Wurubuaare Oduduu-lee mo, fe laa wu yee nbara mo lee mo gin baa gi bo nyisigyi oko. I lii fee Wurubuaare Oduduu mo-lee nyisigyi gi tansi don nbara mo-lee nyisigyi gbaa bun.

¹¹ Nengyene Wurubuaare nbara nbono nmo-nyisigyi kya kooqe o kya ta mo gi nye nyisigyi mo, genen bere mo, Wurubuaare Oduduu ilaa ibono o laa yee i' de kpe gekpaa-gekpaa mo-lee nyisigyi laa tansi nyaakyo gikyo.

¹² Aye bere, a kyu aye-ansi gyan Wurubuaare Oduduu ilaa ide so, ne a nyi yee nyisigyi ilaa ibono i laa de kpe gekpaa-gekpaa mo ne a kya toge a kya sa asa. Imoso an kya nara aye-ilaa iko.

¹³ An de fee Oloobu Mosisi. I lii fee owi obono Mosisi ansi do i kya nelegi mo, o kyu ilaa iko kyu bun mo-ansi. O nyi yee Wurubuaare nyisigyi kya kooqe o kya ta mo-ansi so, imoso o kya laare Isirale awura me' wu.

¹⁴ In gye yee Mosisi gi wora omo ilaa nyenyen bere. Naafo o menan kyu ilaa iko bun mo-ansi genen owi obono gbaa mo, Isirale awura mo nwonso do i man dabole bugi. Wurubuaare nbara nbono o toge yela de i' yee mo-re asa me' wora geno dedaa mo, fen kya wu yee Isirale awura mo me kya kale nmo mo, men kya nu gese baa lii de nde? Me man wolaa nu gese daa. I wora fee ilaa ibono Mosisi gi kyu bun mo-ansi mo onan i bun omo-ansi. I kya nyiile yee kyu naa de Yesu Kirisito wole so ne genen ilaa ibono i kya bugi lii asa ansi so de me' nye wu de me' nu Wurubuaare gese.

¹⁵ Gesintin, kyu baa lii de nde faa mo, nengyene Isirale awura me kya kale Wurubuaare nbara owole mo mo, men kya nu Wurubuaare gese dandan.

¹⁶ Nengyene fo nyamese fo kpe nye kyeege ne fo nu Wurubuaare ase mo, Wurubuaare ilaa in baa i kya nara fo.

¹⁷ I lii fee Wurubuaare ne n gye Wurubuaare Oduduu mo. Nfono Wurubuaare Oduduu mo bo mo, nno ne asa me kya nye omo-nyoro.

¹⁸ Genen so ne aye Yesu asonbo mo a kya kyu aye-nwonso gyan daa Wurubuaare nyisigyi so, ne Wurubuaare ilaa iko in kya nara aye mo. Wurubuaare kpe o kya kyeege aye, ne a kya wora fee mo-gidebi a kya too. Owi kamaase a kpe a kya nye mo-nyisigyi mo a kya too. Imo pewu mo, i lii daa Wurubuaare ase. Mo ne n gye Wurubuaare Oduduu mo.

4

Yesu Kya Sa Aye Gekyena Poboro

¹ Wurubuaare gi su aye gitolon ne o kyu gesun gede sa aye. Imoso aye-nyoro gi man yoo aye.

² A ti kine ipeeli ilaa ibono asa me kya wora nara-do mo. An kya peno asa adawo so de me' soo Yesu gyi. An kya keda Wurubuaare agyebi kyeege. Aye bere, a kya toge gesintin ilaa tigi asa de okamaase o' nye bii mo-gisen do yee a kya wora ilaa ibono i boran sa Wurubuaare.

³ Nengyene fee Yesu okalan konkone obono a kya nyiile asa faa gi taa wora nara-do mo, genen mo, asa abono me kya fue Wurubuaare ase gekyena mo wole ne i nara.

⁴ Momo bere, ilaa nyenyen pewu gemu mo ne n lee momo-nwonsa genen. Gekyena gede do mo, o wora fee gesinkpan pewu so wura, ne o kya wora asa genen. O yeye abono men kya soo Yesu gyi mo me bingiri fee agyaatanbo. O denge omo-ansi de me men' wu Yesu okalan konkonse mo fatela mo. Oh kya laare me' nye wu Kirisito obono o gye Wurubuaare oyuduu gbaa-gbaa mo nyisigi mo.

⁵ Okalan obono a kya toge a sa asa mo, in gye aye-ilaa ne a kya laare me' nu. Yesu Kirisito ilaa ne a kya toge yee mo ne n gye Wura. Aye mo, kyu lii mo Yesu so mo, a te daa sa feye.

⁶ Dedaa mo, Wurubuaare gi toge yee, "I nmange de i' wu gibiri do" ne i ba genen. Genen Wurubuaare kolon obono kee ne n yeye i nmange ne i kya wu aye-asen do. Imoso ne a kya nye laa ansi kerε Yesu Kirisito de a' bii Wurubuaare nyisigi kyu naa de mo so mo.

⁷ Ilaa dense-dense ibono Wurubuaare gi wora aye-asen do genen faa, aye ade onan ne o wora imo sa. I de fee o kyu awurato gbaa' wora gekeebii nyenyen do. Wurubuaare gi wora imo ide de i' lee nyiile yee olon kamaase gi lii daa mo Wurubuaare ase. Aye an bo olon oko aye-gibaa so.

⁸ Imoso ilaa i ti taa nyise aye ikpa kpei-kpei so, in kii i kya yeye a' paade. I kya nminde aye-amu, in kii i kya yoo aye-nyoro.

⁹ Asa me ti taa ka aye-ansi ibono a kya son Yesu mo so. Wurubuaare, mo, men kya lee ansi yeye aye. Asa me kya kpare aye too fee asonsoo, an kii a kya wu'.

¹⁰ Owi kamaase a naa mo, Yesu lewu mo onan kya pεede aye. Genen ne Yesu gekyena gebono o kyingi ne o kii nye mo kee ge laa nye lii gewi aye-gekyena do ne.

¹¹ I kya nyiile yee ibono a kya son Yesu mo so mo, a te de ansi faa, owi kamaase asa me de aye ma-a wora lewu abaa do. Genen ne Yesu gekyena poboro gebono onan o kyingi ne o kii nye mo kee ge laa nye lii gewi aye anyamese nyoro gibi gibono gi kya wu' mo do ne.

¹² Imoso aye abono a kya toge Yesu okalan mo, Yesu lewu mo kya wora mo-gesun aye-gekyena do, ne i kya yeye feye, mo, fe kya nye mo-gekyena poboro mo onan.

¹³ Wurubuaare agyebi do mo, oko gi nmarase yee, "Ne soo gyi. Imoso ne n' kya lee toge." Aye kee a nye genen gisoo gyi gibono onan. Imoso ne a kya lee mo-ilaa a kya toge a sa asa.

¹⁴ A nyi yee Wurubuaare obono o kyingi Wura Yesu lii ibuni do mo laa kyingi aye kee lii ibuni do fee Yesu-lee mo onan de o' kyu aye-re feye pewu kyu kpe mo ase Wurubuaare do.

¹⁵ Feye so ne Wurubuaare kya wora imo ide pewu faa. Fe' bii yee asa abono me kya nye Yesu amolege kyu naa de mo-gitolon so mo me kpe me kya nyaakyo me kya bola. I kya ba genen daa de afaala abono me kya kyu sa Wurubuaare mo a' nye a kya nyaakyo genen kee de i' kyu nyisigi bara mo Wurubuaare.

Ilaa Ibono Fey Kya Wu De Ansi Mo I Laa De Kpe Gekpa-Gekpa

¹⁶ Genen ilaa ide so mo, sei men kya yoo aye-nyoro. I bo no yee aye-nyoro gi kpe gi kya poo bere. Geke kamaase mo, mo, Wurubuaare kpe o kya laro aye-asen do de aye-oduduu do de a' kii wora apoboro too.

¹⁷ Aye-gesinkpan so olaawuse pi-i baare man keela. Ne o kya baala nyisigi obono o tansi o bo duduu mo o kya yela o kya sa aye Wurubuaare do. Genen nyisigi obono bere men bo okara ne o don aye olaawuse baare gbaa bun.

18 A bii genen ilaa ide mo, i lii fee ilaa ibono i tiri aye ne n gye ilaa ibono a menj kya wu de ansi mo. Ilaa ibono a kya wu de ansi faa bere, inj gye aye-ilaa tirise. I lii fee ilaa ibono fo kya wu de ansi mo inj kya de kpe. Ilaa ibono fo menj kya wu de ansi mo bere i laa de kpe gekpaa-gekpa.

5

1 Aye-nyoro gibi gide gi de fee gibuu gibono Wurubuaare gi kyu sa aye yee a' kyena gimɔ do gesinkpan so. Nengyene gibuu gide gi boori bun mo, a nyi yee a laa kii nye obu Wurubuaare do. A laa nye nyoro poboro de a' kyena nmo do gekpaa-gekpa. Wurubuaare gbaa-gbaa ne nan lee nmo sa aye.

2 Gesinkpan gede so bere, a kya muusi. I kya nyiile yee a kya laare fee a' nye loo Wurubuaare do lee obu mo do kusaa.

3 A kya laare a' kyu nyoro poboro mo bun aye-nyoro so fee gikuru de inj' baa wora fee a naa daa gibolonbukpan.

4 A san a bo gesinkpan so lee gibuu mo do faa mo, ilaa i kya nyise aye, ne a kya muusi. Inj gye yee a kya laare a' wu' de a' lee aye-gesinkpan so lee nyoro mo fue bere daa. A kya laare daa yee a' nye Wurubuaare do lee nyoro mo kyu bun aye-gesinkpan so lee nyoro mo so. I ba genen mo, gekyena gekpaa ilaa i laa gyi lewu ilaa ibono i bo aye do mo so.

5 Wurubuaare ne n baala aye abono a kya ka gyan Yesu so mo yela de gekaako o' nye kyeege aye-nyoro genen. Ne o kyu mo-Oduduu mo sa aye de a' nye bii yee o laa kyeege aye gesintin.

6 Imoso owi kamaase i kya keda aye-nyoro.

A nyi yee nke nbono okara a laa kyena aye-nyoro gibi mo do gere mo, a manj nye wu Wura Yesu.

7 I lii fee gisoo gyi gibono a bo sa Yesu mo ne a de a naa faa. I menj gye ilaa ibono a kya wu de ansi.

8 I kpe i kya keda aye-nyoro daa. A nye mo, a kya laare yee a' koso aye-nyoro gibi mo do gere de a' nye wu Wura Yesu de a' kyena mo ase.

9 To. A ti nye koso kpe Wurubuaare do daa-o, a san a bo gesinkpan so gere daa-o, ilaa kolon ne n tiri aye. Imo ne n gye yee a' wora ilaa ibono i laa gyi Wura Yesu ginsi mo daa.

10 I kya nyiile yee Wurubuaare laa tere aye pewu Wura Yesu Kirisito ase de o' gyi aye-gekyena gede do pewu nbele. Nyamese kamaase laa nye ibono i kaabore mo mo. Idense ne fo wora mo, Wurubuaare laa kyu idense ka fo giko, ne inyenyen ne fo kii baa wora mo, inyenyen ne o laa kyu ka fo giko.

A' Kpaa Asa De Momo-re Wurubuaare Nsana I' Nye Loro

11 A sele Wura Yesu. Genen so ne a kya toge wora asa de momo kee me' nye nu mo ase mo. Wurubuaare nyi aye-asen do sonlii. Ne n nyi yee fe nyi ilaa ibono i bo me-gisen do mo kee.

12 N kya toge genen ilaa ide faa mo, inj gye yee n kya laare de n' yen me-nyoro sa feye daa. N kya laare daa de fe' nye ilaa ibono fe laa taale ye le imo so de fe' nye nyiile feye-nyoro kyu lii aye so mo. Asa ako me bo no mo, me kya nyiile momo-nyoro kyu lii ilaa ibono me kya wora ansi so giyan mo so. Menj kya kere gisen do ilaa. N kya laare fee fe' nye lee geno dandan sa omo.

13 Nengyene i kya wora feye fee a kya peere ansi Wurubuaare onon so mo, a kya lo giyee daa mo, Wurubuaare so ne a kya wora genen. Ne fee feye ase mo, a kya sa nwansa kanpe mo, feye so ne a kya wora genen.

14 I kya nyiile yee gelaare' gebono Yesu Kirisito bo sa anyamese mo ne n san i kya gyi aye-amu. A tansi a nyi aye-asen do yee isa kolon ne n yii asa pewu giyaa ne o wu'. Imoso i wora fee asa pewu ne n wu'.

15 O wu lewu sa asa pewu genen de asa abono me te de ansi mo ne manj baa kyena momo-gibaa so. Me' san kyena sa daa Yesu obono o yii momo-giyaa ne o wu' ne o kii kyingi lii ibuni do sa omo mo.

16 Imoso aye abono a kya ka gyan Yesu Kirisito so mo a te sa mo faa mo, anj baa kere ansi so-lee ilaa de a' bii oko gidebi. Nkana owi oko do mo, a kere ansi so-lee ilaa daa de a' bii Kirisito gidebi. Ide kon bere anj baa wora genen.

17 I kya nyiile yee nengyene nyamese mo-re Yesu Kirisito me wora nyamese kolon mo, kaase gi bingiri nyamese poboro ne. Mo-dedaa-lee gidebi mo gi kyon. Nyamese poboro ne o san o gye.

18 Wurubuaare ne n kya wora imo ide pewu. Mo ne n naa de Kirisito so ne o loro aye-re mo nsana. Ne o kii kyu imo-gesun kyu wora aye-abaa do yee a' kpaasa sense de momo-re mo nsana kee i' nye loro.

19 Nan toge daa yee Wurubuaare gi yee mo-re anyamese nsana i loro kyu naa de Kirisito so. Onj baa kere momo-ilaa nyenyen de o' tere omo nbele. Ne o kyu okalan baare kyu wora aye-abaa do de a' toge asa genobono momo-re Wurubuaare nsana i laa loro mo.

20 Imoso a yele Kirisito giyaa do gesinkpan so ne. I gye Wurubuaare gbaa-gbaa ne n kya kole feye kyu naa de aye so. A kya kole feye a kya sa Kirisito daa, fe' wora aniya de fe' yee feye-re Wurubuaare nsana i' loro.

21 Aye anyamese so mo, Wurubuaare gi kyu Kirisito fee nyamese kamaase ilaa nyenyen pewu mo, mo ne n wora imo, yee onj wora ilaa nyenyen kere. Wurubuaare gi kyu Kirisito wora genen daa de o' nye kyu aye kee fee ilaa dense so-o ne a kya wora. Aye-re Kirisito ginyamese kolon mo so ne i ba genen.

6

1 Imoso genobono Wurubuaare gi yee me-re mo a kya wora mo-gesun mo faa, n kya kole feye yee a toge Wurubuaare amolege okalan kyu lii Yesu so mo sa feye faa, fe menj sa fe' yee i' wora giyan.

2 I lii fee Wurubuaare gi wolaa toge yee,

“Owi mo gi fo mo, nan nu feye ase.

Nan molege feye me-amolege geke mo.”

Imoso fe' nu yee kon ne Wurubuaare owi mo gi fo ne. Nde ne n gye Wurubuaare amolege geke mo.

A Kya Tansi Da Otu Keda Aye-Nyoro

3 A menj kya laare de oko o' wu ilaa nyenyen iko aye-gesun mo do, ne anj kya laare a' wora ilaa ibono i laa tii oko okpa de onj' sa o' keda Wurubuaare on mo do.

4 Okpa kamaase so mo, a kya kyena daa genobono i kaabore on aye abono a gye Wurubuaare gesun aworabo a' kyena mo. Ogenda do-o, geiyee do-o, ansi gika do-o, a kya tansi da otu keda aye-nyoro.

5 Lii Wurubuaare gesun mo so mo, asa me kya daare aye, me kya tii aye de ibu, ne genobono sakpii me kya wora aye mo i bo gifuu. A kya wora gesun kyolon, a menj kya nye ginsi gide, a kya kyena akon. Imo ide pewu do mo, a kya da otu keda nyoro de asa me' nye wu yee Wurubuaare gesun aworabo ne n gye aye gesintin so.

⁶ Lii aye-gisen fufuli so, aye-olaako ginyi so, lii aye-gidense giwora so, lii Wurubuaare Oduduu obono o bo aye do mo so, lii gelaare' gebono a kya laare abara lii aye-asen do mo so,

⁷ lii gesintin agyebi abono a kya toge mo so, lii Wurubuaare olon obono o bo aye do mo so, imo ide pewu so mo, me kya nye wu yee Wurubuaare gesun aworabo ne n gye aye.

Gesintin gigy do ne a de a te. Gesintin gigy mo gi de fe adonto ne a de gyise de bene.

⁸ Asa me kya kyu buubuu sa aye-o, men kya kyu aye tere sei-o, me kya saale aye-o, me kya yen aye daa-o, imo pewu do mo, a kya lee nyiile yee a gye Wurubuaare gesun aworabo. Me ti taa nyida aye yee a gye daa abonbo; yee gesintin awura ne a gye.

⁹ Me kya kyu imo yee men ti nu aye so kere, yee me wolaa me nyi aye dandan. Me kya kyu aye fee a bo lewu do, yee a san a bo nkpa. Me kya biide aye-giso, yee me men kii me kya mo aye.

¹⁰ A naa fee aye-ilaa i bo ayen yee owi kamaase a kya gyi okon Wurubuaare so. Me kya wu aye fee ayenbo yee aye mo ne n kya yee asa saky me kya bingiri awuragyibo Wurubuaare ase. Me kya wu aye fee an bo sei, yee aye mo ne n bo ilaa kamaase ibono i man lii aye-gibaa mo.

¹¹ Ne toge me-ilaa tigi fye Korinti awura. Ne bugi me-gisen pewu sa fye.

¹² N kya bugi ansi de fye. Fye ne men kya bugi ansi de me.

¹³ Me, Pɔlo n kya tonge de fye fee me-biana daa. Fe' yaale fye-nyoro de me kee.

Aye Ne N Gye Wurubuaare Oson Obu Mo. Wurubuaare Te Aye Do

¹⁴ Fye-re asa abono men kya soo Yesu gyi mo fen sa fe' dabole wora geno kolon ilaa. Gesintin gigy de ilaa nyenyen giwora i men bo gesu. Nne so ne gibiri de fatela i laa taale wora geno kolon?

¹⁵ Ilaa nyenyen pewu gemu mo, Obonsan, obono me kya tere mo-ginyen giko kee yee Beeliyele mo, mo-re Kirisito me laa toge kyule abara nne so? Obono o kya soo Yesu gyi mo, de obono on kya soo Yesu gyi mo momo-re mo mene ase?

¹⁶ Nne so ne ikpere i laa gyi Wurubuaare oson obu mo nbara? Genen kee ne aye-re ikpere a man taale kyena dabole. I lii fee aye ne n gye Wurubuaare oson obu mo. Wurubuaare te aye do. Wurubuaare obono o bo no adaa-adaa mo, mo-son obu ne n gye aye. I lii fee Wurubuaare gi toge yee,

“Nan kyena momo do de n' naa saare momo do.

Nan wora momo-Wurubuaare

de momo mo, me' wora me-ade.”

¹⁷ Imoso Wurubuaare yee,

“Fe' tee fye-nyoro lii abono men kya son me mo do.

Fe' lii momo do.

Fe men sa fe' wora ilaa ibono

i laa kyolese fye-son mo.

Mo, mi-i me mo, nan soo fye.”

¹⁸ “Nan wora fye-se,

Ne fye mo fe laa wora me-biana

anyense de akyiise.”

Wurubuaare Ololonbo mo ne n toge genen.

7

¹ Wurubuaare gi ka genen ilaa ide yela sa aye Yesu asonbo. Imoso me-nanboana alaaarese, a' kpaare ilaa kamaase ibono i kya kyu ilaa nyenyen bun aye-nyoro gibi abee aye-oduduu mo. A' sele Wurubuaare de a' loro aye-nyoro yela sa mo-nkon kpaaloge.

Ne Nu Feye So Ne I Keda Me-Nyoro

² Fe' bugi feye-gisen sa me. Men wora feye oko ilaa nyenyen. Men biide oko loo ilaa nyenyen okpa do, ne men kudi oko gyi.

³ Men kya toge yee fe bo ilaa nyenyen daa. Ne ti toge kyon yee fe bo me-gisen do, in gye abiila. I gye lewu-o, nkpa-o, me-re feye ne.

⁴ Ne tansi soo feye gyi, ne n' kya nyiile me-nyoro kyu lii feye so. Me-re me-nanboana a kya wu olaawuse gikyo gbaa mo, kyu lii feye so mo, i kya kii keda me-nyoro. I kpe i bo me okon daa.

⁵ Me-re me-nanboana a baa loo Masadoniya gesinkpan so mo, nno kee a men taa nye kyoola. Okpa kamaase so mo, ilaa i tu-tu aye. Asa me kyu nlogede de nluu tu aye, ne gifuu gi keda aye.

⁶ To! Nengyene nyamese gisen gi kya nyida mo mo, Wurubuaare ne n gye obono o kya wora ibono i kya kii keda mo-nyoro. Imoso mo Wurubuaare ne n kyu aye-nanbo Taatusi lii feye ase baa tu aye Masadoniya, ne i nye keda aye-nyoro.

⁷ I men gye Taatusi giba mo wole. Feye-ilaa ibono fe toge keda mo-nyoro mo, imo kee ne n keda aye-nyoro. O buu sa aye yee fe kya laare me fee gibe nkyu; yee ilaa ibono i ba me-re feye nsana mo i wora feye ayen. Ne yee fe peere ansi me-ilaa mo so. Imo ide pewu i loro wora me okon bola.

Ne Wu Yee Me-Owole Mo Gi Kpaal Feye

⁸ Owole mo ne nmarase feye ne i loo feye mo, men soo gyi yee ne wora ilaa nyenyen. Ne wu yee i loo feye nmaraa. Imoso nkana ne soo me-nyoro akwole yee in kaabor n' nmarase feye genen.

⁹ Kon faa, i bo me okon. In gye ibono i loo feye mo so bere. I loo feye mo, i yee fe nu feye-nyoro gese. Imoso ne i bo me okon mo. Ilaa mo i loo feye Wurubuaare okpa so daa. Imoso in gye yee ilaa nyenyen iko i tu feye naa de me so.

¹⁰ Nyamese gi wora ilaa nyenyen, ne kyu lii Wurubuaare so ne o nu mo-nyoro gese ne i loo mo mo, i laa yee o' taa imo yee de o' nye Wurubuaare ase gekyena onan. Imo gemara mo, o san nyingi imo mo, i man baa loo mo. Nengyene gesinkpan so ilaa ne o kya kere ne i kya loo mo bere mo, imo ibono i laa yee o' laa fue mo-lewu gemara.

¹¹ Feye gbaa-gbaa fe' nyingi genobono i wora feye mo. Fe sele Wurubuaare daa ne n yee owole mo ilaa i loo feye. I yee fe peere ansi de fe' nye gyi aso ilaa nyenyen so. I loo feye, ne i nmaa feye-asen. Fe peere ansi biide ilaa nyenyen oworabo giso, ne fe san fe kya laare fe' wu me. Okpa kamaase so mo, fe lee nyiile yee ilaa mo i men lii feye ase ne fen kyule imo.

¹² Ilaa ibono i tiri me gikyo so ne ne nmarase genen owole mo mo, in gye yee kaase obono o wora ilaa nyenyen mo, ne in kii i gye obono kaase mo gi toro mo so mo kee. Ne nmarase owole mo mo, n kya laare daa Wurubuaare o' kpaal feye de fe' wu bii okara obono fe kyu feye-nyoro fue sa aye mo.

¹³ Imoso feye-ilaa i keda aye-nyoro.

Ilaa ibono i wɔra aye ɔkon gikyo mo ne n gye genɔɔbono i wɔra Taatusi ɔkon fɛye ase mo. Fɛ yege mo-gewɔnsa ge kyena mo geten kolon.

¹⁴ N wolaa mi-i yen fɛye Korinti awura sa Taatusi. Gesintin mo, fɛ men lɛɛ me tanga. Fɛ nyi yeɛ ne toge gesintin so-o sa fɛye. Genen kee ilaa ibono ne toge kyu lii fɛye so sa Taatusi mo, i wɔra gesintin.

¹⁵ Taatusi kya nyingi genɔɔbono fɛ kyu buubuu keda mo ne fɛ nu mo-gede mo, i kya yege ɔ kya lɔɔ nyɛ gelaare' geko mo-gisen do sa fɛye.

¹⁶ Imɔso i kya wɔra me ɔkon ibono ne wu yeɛ nan taale ka gyan fɛye Korinti awura so ilaa kamaase do.

8

Masadoniya Awura Mɛ Wɔra Bɛrɛɛ Ilaa

¹ Aye-nanboana Yesu ɔson mo do, a kya laare de fe' bii Yesu asonbo abono me bo Masadoniya gesinkpan so mo ilaa. Wurubuaare gi tansi wɔra ilaa momo do.

² Ilaa kpei-kpei ibono i tu ɔmo mo i yege i daase momo-gikagyan gibono me ka gyan Yesu so mo kere. Imo-re imo genen gbaa mo, momo-ɔkon bele ɔbono ɔ bo momo do so mo, momo-re momo-ayen mo me kya dabole kyɛɛ ayenbo ilaa gikyo.

³ Ne wu yeɛ me wɔra asa bɛrɛɛ lii momo-asen do genɔɔbono ɔkara me laa taale mo kii don ibono me laa taale mo gbaa.

⁴ Momo gbaa-gbaa ne n kole yeɛ a' wɔra aniya de a' yege ɔmo kee me' too aterenbi sa ayenbo. Me laare yeɛ momo kee me' kpaa ayenbo abono me bo Yesu asonbo mo do mo.

⁵ A men taa gyan momo-gewɔnsa. Genen so, momo-ilaa mo i de aye-genɔ. Me daa gikyu momo-nyoro kyu sa Wura Yesu, ne Wurubuaare gelaare do mo, me kii kyu momo-nyoro fue sa aye kee.

⁶ Masadoniya awura mo bɛrɛɛ ilaa ide so mo, a toge sa Taatusi yeɛ genɔɔbono o yii genen gesun mo gese fɛye Korinti awura do mo, ɔ' tese keda genen de fɛye kee fe' nyɛ wɔra bɛrɛɛ ilaa ide kpaa loge.

⁷ Men wu ilaa ibono do yeɛ fe men gyangbara, fɛɛ gikagyan gibono fe kya ka gyan Yesu so mo, getonge, ɔlaako ginyi, gensipɛɛɛɛ ilaa kamaase do, de gelaare' gebono fe bo sa aye mo. Imɔso fe' kere de fe' gyangbara genen bɛrɛɛ ilaa ide do kee.

⁸ N kya toge fɛye genen faa, in gye yeɛ n kya nyise fɛye bɛɛ. N kya laare daa yeɛ a' nyɛ kyu fɛye-gelaare' gebono fe bo mo kyu kesere de genɔɔbono asa ako me kya keda nyoro wɔra gidense mo. Genen ne a laa nyɛ wu yeɛ fe bo gelaare' sa Wurubuaare gesintin so.

⁹ I kya nyiile yeɛ fe nyi Wura Yesu Kirisito gesalaare gebono ɔ bo ne o kyu mo-nyoro fue sa aye mo. Owi ɔbono ɔ gye daa owuragyibo mo, fɛye so mo, o bingiri fɛɛ yenbo. Kyu naa de ibono o bingiri mo-nyoro fɛɛ yenbo so mo, ɔ kya laare yeɛ fɛye kee fe' nyɛ mo-lɛɛ gewuragyibo mo onan.

¹⁰ N kya buu yeɛ sinde mo, fɛye Korinti awura ne n gye asa gyangbarase abono fe kpaa ayenbo. Fɛye kee ne n daa gikyu genen gewɔnsa gebono ba.

¹¹ Imɔso ilaa ibono n bo nan toge mo ne n gye yeɛ fe' tese loge gesun gebono fe yii gese genen mo. Genɔɔbono i wɔra fɛye ɔkon ne fe kyu gensipɛɛɛɛ yii gese mo, fe' tese keda nyoro de fe' wɔra kpaa loge. Fe' wɔra daa fɛye-abaa ɔkara.

¹² Nengyene i bo fo oko okon yee fo' kpa'a ayenbo mo, okara obono fo laa lee kyee mo, Wurubuaare laa kere daa ilaa ibono fo bo mo de i' gyi mo-ginsi. Nkana in gyi ibono fon bo mo ne Wurubuaare laa kere.

¹³ Men kya laare de n' kyu ako gesola kyu bola feye.

¹⁴ N kya laare feye okamaase ilaa i' wora odan sa mo daa. Genobono ilaa i' gbigi feye ase abere ade do faa, fe' kyu kpa'a mo mo abono i tiri omo mo. Owi obono i tiri feye ne i' gbigi mo mo ase mo, de me' kpa'a feye kee. Imo ne nan yee okamaase ilaa i' wora odan ne.

¹⁵ I de daa fee genobono i bo Wurubuaare agyebi do geteeko mo. I bo nno yee,

“Nyamese obono o koola gikyɔ mo, i man don mo-abaa.
Ne obono mo, o koola daa pii mo, i man pan mo.”

Taatusi Mo-re Abono Me Sun Omo Korinti Mo

¹⁶ A kya faala Wurubuaare yee o yee Taatusi kya sa feye so gewonsa yee o laa kpa'a feye fee genobono aye kee a kya sa feye so nwonsa mo.

¹⁷ I kya nyiile fee o kyule yee o laa kpe feye ase kpa'a soo too-too aterenbi sa ayenbo fee genobono a kole mo mo. Mo-gelaare' gebono o kya laare feye gikyɔ so mo, o wolaa toge yee o kya laare o' kpe kpa'a kpa'a feye, yee in gyi oko ne n nyiile mo.

¹⁸ A keda oko kee sun yee o' buu Taatusi kpe feye ase. O gyi nyamese obono Yesu asonbo akpen pewu me de mo-ginyen dense yee o kya bii toge Yesu okalan konkonse mo sa asa.

¹⁹ Yesu asonbo akpen mo ne n lee mo de o' buu aye abono a de aterenbi gesun mo do mo. Gesun gede ge laa kyu nyisigyi bara Wura Yesu de i' lee aye-gesalaare nyiile.

²⁰ Me laa kyu aterenbi bele kyu wora aye-abaa do genen mo, a kya laare a' kere amo so genobono oko man nye toge yee a gyi amo mo.

²¹ In gyi Wurubuaare wole ne a kya laare o' wu yee a gyi gesintin. A kya laare anyamese kee me' wu genen.

²² Imoso a kya sun asa anyo ade feye Korinti awura ase. Ne a kyu onyen oko bola de mo mo kee. A wolaa daase mo kere ilaa kpei-kpei do ne a wu yee o bo ginsi peere imo pewu do. O tansi soo feye gyi. Imoso feye ase gilke ne n tiri mo don ilaa sense.

²³ Asa asa' ade do mo, Taatusi ne n gyi me, Pɔolo, me-nanbo. Me-re mo ne n toge Wurubuaare agyebi mo sa feye mo. Asense anyo mo ne n gyi abono Kirisito asonbo akpen mo me sun mo. Me kya kyu nyisigyi bara Kirisito.

²⁴ Imoso fe' kere omo so de me' wu yee fe kya laare mo mo-ilaa. Fe' yee me' wu yee ilaa ibono a kya toge ne a kya yen feye mo i gyi gesintin. Fe wora genen mo, Yesu asonbo akpen sense me laa nu.

9

Aterenbi Abono Fe Laa Too Sa Aye-Gyuda Awura Mo

¹ Ne kere faa, in taa baa i tiri yee n' nmarase feye Korinti awura owole yee fe' too aterenbi sa Yesu asonbo abono me bo Gyudiyi gesinkpan so mo.

² N ti wolaa n nyi ibono i kya we feye-nyoro do ibono fe kya laare de fe' kpa'a omo. N wolaa n de feye-ginyen kyu lii genen ilaa ide so n kya toge mi-i sa Masadoniya awura gere. N kya toge omo yee feye Yesu asonbo abono fe bo Akaya gesinkpan so mo bere, kpe kyu lii ko-o sinde ne fe wolaa

togɛ yɛɛ fɛ kya laare de fɛ' kpaa Gyudiya awura mɔ. Feye-bɛrɛɛ mɔ gi kyigi Masadoniya awura sakɔ ayaa.

³ N kya sun aye-nanboana asa' adɛ feye asɛ de fɛ' wolaa nyɛ baala fɛye-nyoro yela fɛɛ genɔɔbono nɛ togɛ ɔmɔ yɛɛ fɛ laa wɔra mɔ. Mɛn kya laare n' laa bingiri ɔbono mɔmɔ asɛ.

⁴ Genɔɔbono nɛ yen fɛye sa Masadoniya awura mɔ, nengyene fɛɛ mɔmɔ ako mɛ buu mɛ ba fɛye asɛ ne mɛ baa wu yɛɛ fɛn baala mɔ, mɛ-rɛ feye kpini a laa gyi ipeeli.

⁵ Imɔso nɛ wu yɛɛ i tiri fɛɛ n' togɛ aye-nanboana adɛ yɛɛ mɛ' gyangbara mɛ kpaa gyɔ fɛye ɔwɔlii yɛɛ a laa ba. Imɔso fɛ' wolaa baala ilaa ibono fɛ ka yela yɛɛ fɛ laa sa ayenbo mɔ yela. In sa i' wɔra fɛɛ ɔko ne n nyise fɛye bun abɔli so. I' wɔra daa yɛɛ fɛye ne n kyu imɔ kyɛɛ lii fɛye-asɛn dɔ.

⁶ Fɛ kya laare fɛ' kpaa ayenbo mɔ, fɛ' nyingi yɛɛ i de daa fɛɛ genɔɔbono mɛ kya duu ilaa mɔ. Fo ɔbono fo duu pii mɔ, fo laa tɛɛ pii. Ne fo ɔbono mɔ, fo duu gikyɔ mɔ, fo laa tɛɛ gikyɔ kee.

⁷ Fɛye ɔkamaasɛ ɔbono ɔ laa kyɛɛ ilaa mɔ, ɔ' kyɛɛ imɔ daa genɔɔbono ɔkara ɔ wolaa togɛ mɔ-gisɛn dɔ mɔ. Ɔn sa ɔ' yɛɛ i' wɔra fɛɛ ɔko ne n kya nyise mɔ. Wurubuaarɛ kya laarɛ nyamɛsɛ ɔbono ɔ kya kyɛɛ ilaa de ɔkon mɔ daa.

⁸ Wurubuaarɛ laa taalɛ yɛɛ mɔ-gɛsa gɛ' tu fɛye gikyɔ. Ɔ laa taa yɛɛ fɛ' nyɛ ilaa ibono i tiri fɛye pɛwu owi kamaasɛ, de fɛ' kii nyɛ kpaa abono mɛ tiri gikpaa mɛ kee bɔla.

⁹ I de daa fɛɛ genɔɔbono mɛ nmarasɛ yela Wurubuaarɛ agyɛbi dɔ kyu lii nyamɛsɛ dɛnsɛ so mɔ. Mɛ nmarasɛ yɛɛ, "Ɔ kya kyu ilaa dɛnsɛ yɛ sa asa.

Ɔ kya kyɛɛ ayenbo ilaa.
Mɔ-gidɛnsɛ gin kya ta ɔkara."

¹⁰ Wurubuaarɛ ɔbono ɔ kya sa dɔɔbo ilaa duusɛ ne ɔ kya sa nyamɛsɛ ilaa gyisɛ mɔ, mɔ kee ne nan yɛɛ fɛye-ilaa tirisɛ i' yii fɛye-gibaa. Ɔ laa yɛɛ i' yɛlɛɛ de fɛye-agan de fɛye-bɛrɛɛ a' njan fɛɛ dɔɔbo-lɛɛ ɔnan. I laa wɔra fɛɛ ilaa gyisɛ ibono i kya yɛlɛɛ nyaakyɔ don ilaa duusɛ ibono dɔɔbo gi kyu duu mɔ.

¹¹ Ɔ laa yɛɛ fɛ' nyɛ ilaa gikyɔ-gikyɔ ɔkpa kamaasɛ so de fɛ' kii nyɛ wɔra bɛrɛɛ gikyɔ too. Ne owi ɔbono a laa kyu fɛye-aterɛnbi abono fɛ dɛ fɛ kya kpaa ayenbo kperɛ mɔmɔ mɔ, i laa yɛɛ mɛ' kyu afaala bɛlɛ kyu sa Wurubuaarɛ.

¹² I lii fɛɛ genɔɔbono fɛ laa kpaa ɔmɔ faa, i laa yɛɛ Wurubuaarɛ asonbo mɔ mɛ laa nyɛ ilaa ibono i tiri mɔmɔ mɔ. Ne i laa kii yɛɛ asa mɛ laa tansi faala Wurubuaarɛ mɛ kya kpe mɛ kya ba.

¹³ Fɛ wɔra bɛrɛɛ baarɛ ɔnan mɔ, i laa lɛɛ nyiile asa yɛɛ fɛ sɔɔ Kirisito ɔkalan konkɔnsɛ mɔ gyi gɛsintin. Mɛ laa wu genɔɔbono fɛ kya wɔra fɛye-gisɔɔgyi mɔ so gɛsun mɔ de genɔɔbono fɛ kya kpaa Gyudiya awura de asa pɛwu mɔ. Mɛ wu genɛn mɔ, mɛ laa lɛɛ Wurubuaarɛ ginyɛn.

¹⁴ Mɛ laa laarɛ fɛye-ilaa ne mɛ laa dalaa sa fɛye. I lii fɛɛ Wurubuaarɛ gi tansi sa fɛye ɔsakon kyɔdɛ.

¹⁵ Afaala a gye Wurubuaarɛ-lɛɛ. Ɔ wɔra bɛrɛɛ sa aye ibono a man taalɛ bii imɔ-ɔkara togɛ mɔ.

10

1 Ne nu ako me kya tɔge yee nengyene fee menj bo feye ase mo, n kya yele me-gebelense so nmarase feye iwole bolonse. Ne fee n bo feye ase mo, n kya bara me-nyoro gesɛ kyu genɔ konkonse tɔnge de feye. Kirisito obono ɔ bo gisen de buubuu mo ginyen do mo, me Pɔɔlo, n de feye-gisere.

2 N kya kole feye daa, fen' baa wɔra ilaa nyenyen ibono i laa yee n' baa yele me-gebelense so feye-ansi do. In bo me obole yee n' tɔnge agyebi bolonse sa feye. Asa abono me kya nyida aye mo bere ne nan baa tɔge agyebi bolonse sa. Me kpe me de yee gesinkpan so gekyena dense ne n tiri aye ne a kya wɔra Wurubuaare gesun, yee in taa gye genen.

3 I bo no yee a te gesinkpan so bere. In kii i gye gesinkpan so gekyena iko onan ne a kya ko faa. Wurubuaare iko onan ne a kya ko.

4 Ne adonto abono a de a kya ko Wurubuaare iko ide mo an gye gesinkpan so lee adonto onan. A gye daa adonto abono Wurubuaare olon bo amo do. A laa taale nyida ilaa nyenyen pewu gemu mo ikyenaten ibono ɔ kya ka gyan imo so mo.

5 Aye-adonto mo a kya nyida akyɔɔle. A kya nyida daa ilaa kamaase ibono i kya nyiile imo-nyoro ne i kya tii asa ikpa de menj baa nye bii Wurubuaare mo. Adonto mo a kya gyi gewɔnsa kamaase so de ge' baa wɔra Kirisito gelaare.

6 Nengyene fe nye nu aye-gede kpaa loge mo, a baala ta de a' biide gisomaanu awura mo pewu giso.

Wurubuaare Gi Sa Me Olon De N' Kyu Lɔɔ Feye

7 Fe kya kere ilaa daa soso-soso wole. Nengyene feye do oko nyi yee o bingiri Kirisito sonbo gesintin mo, o' nyingi yee me kee n gye Kirisito sonbo fee mo.

8 Wurubuaare gi sa me olon feye so de n' kpaa feye de fe' see Yesu onon mo do. In gye yee n' kyu nyida feye daa. Imoso ba-a ne fee ne taa nyiile me-nyoro nmaraa kyu lii me-olon obono n bo feye so mo, ipeeli i manj gyi me.

9 Menj kya laare i' wɔra fee iwole ne nan nmarase kyu njaala feye.

10 Ne nu yee feye do ako me kya tɔge yee me-iwole nmarasɛɛ i kya gyi ginsi. I bo duduu ne i bo olon. Me kii wu me gbaa-gbaa mo, me kya kere me fee menj gye nyamese gbaa' oko. Ne me kya kyu me-ilaa tɔgesɛ kee fee in taa gye ilaa iko.

11 I kaabore asa abono me kya tɔge genen mo me' bii yee ilaa ibono menj bo feye ase ne n' kya nmarase feye mo, ne ba feye ase mo, imo kee ne nan wɔra.

12 Asa ako me kya yen momo-nyoro yee momo ne n gye abelense Wurubuaare gesun mo do. Aye bere a manj bii wɔra genen. A manj kyu aye-nyoro kesere de omo. Momo bere, me de nyoro ma-a kesere de abara, ne me kya kere abara so de me' nyiile momo-nyoro. Imo ibono in gye olaako ginyi.

13 Aye bere, a manj nyiile aye-nyoro de i' don gesun gebono okara Wurubuaare gi kyu wɔra aye-abaa do mo. Wurubuaare ne n sa aye okpa ne a wɔra mo-gesun mo kpaa lii feye Korinti awura osowole so.

14 Nkana menjan fo feye nno mo, imo ne oko laa nye okpa tɔge yee n kya yen me-nyoro gyan. Gesintin mo mo, aye ne n daa gikpe feye gesinkpan so kpaa tɔge Kirisito okalan konkonse mo sa feye.

15 Imoso in gye yee a kya nyiile aye-nyoro kyu naa de ako-lee gesun so. A manj taa wɔra genen. Aye-ansi a gyan yee feye-gikagyan gibono fe kya

ka gyan Yesu so mo gi laa kpe gi kya nyaakyɔ gi kya too. Imo ne nan yege aye-gesun gebono a wɔra feye ase mo ge laa nye yelege gikyɔ.

¹⁶ Genen ne a laa nye tɔge Yesu ɔkalan konkonse mo sa isowole ibono i bo feye-gemara mo. A wɔra gesun nfono mo, i man wɔra ɔko yee a kya nyiile aye-nyoro kyu naa de ako-lee gesun gebono me wɔra mo so.

¹⁷ Wurubuaare agyebi mo a kya nyiile aye yee, “ɔbono ɔ laa nyiile mo-nyoro mo, ɔ' nyiile mo-nyoro daa kyu lii Wurubuaare so.”

¹⁸ I lii fee in gye fo ɔbono fo kya yen fo-nyoro mo ne Wurubuaare laa soɔ fo yee fo gye nyamese dense. Nyamese ɔbono Wurubuaare kya yen mo mo, genen kaase ne ɔ kya soɔ mo yee ɔ gye nyamese dense.

11

Pɔlo De Asa Abono Me Kya Pene Yee Me Gye Yesu Isɔɔ Mo

¹ Ilaa ibono n kya tɔge faa, nba-a in gye ɔlaako ginyi ilaa mo, fe' wɔra anya de fe' nye gisen nmaraa sa me.

² I wɔra fee n kya kɔ feye so gikengbeli mi-i sa Wurubuaare ne. Fe de fee okyiifo ɔbono me ne n ye mo sa ɔnyen. ɔnyen kolon ɔbono n dare mo ne n gye Kirisito.

³ Imoso ide kon i bo me gifuu yee fee genɔɔbono giwɔɔ gi kyu adawo pene Efa mo, forɔbii ilaa iko i laa lee feye-nwɔnsa lii Kirisito so de i' ba yee feɔ baa kyu gisen dense son Kirisito lii feye-asen ɔɔ.

⁴ Asa ako me kya baa tɔge Yesu ilaa sa feye mo, fe kya bii yee Yesu banban ɔko ilaa ne me kya tɔge, abee me kyu oduduu ɔko abee ɔkalan ɔko kpei bara feye. Fe wu yee i men gye ilaa ibono a wolaa kyu bara feye mo ne. Mo, fe kya nu mɔmɔ ase yee mene?

⁵ Genen asa abono me kya wɔra ɔmɔ-nyoro fee mɔmɔ ne n gye Yesu isɔɔ gbaa-gbaa. Men kii wu yee me don me iko ɔɔ.

⁶ Ba-a ne fee men taa nyi getɔnge gbaa mo, ɔlaako ginyi bere, n bo. A ti wolaa lee imo ibono nyiile feye dandan ilaa kamaase ɔɔ.

Ne Nyiile Feye Yesu Ilaa Mo, Men So Feye Sei

⁷ Genɔɔbono ne tɔge Wurubuaare ɔkalan konkonse mo sa feye ne men soɔ feye sei mo, i wɔra fee ne bara me-nyoro gese daa de i' nye diire feye. Ne wɔra genen mo, ne wɔra ilaa nyenyen ne?

⁸ Wurubuaare asonbo akpen ako kpei ne n kerɛ me so genen owi ɔbono ɔɔ. Fo kerɛ mo, i wɔra fee ne yuuri mɔmɔ kyu kpaa sa feye ne.

⁹ N bo feye ase ne ilaa i tiri me mo, men nyala feye ɔɔ ɔko. Aye-nanboana abono me lii Masadoniya ba mo ne n kyu me-ilaa tirise bara me. Imoso men ti wɔra gesola sa feye. Ne nan kpe keda genen kyu i kya kpe.

¹⁰ Kirisito gesintin ne n' de n kya tɔge feye; man yege asa me' kerɛ me so aberɛ abono n naa n kya tɔge Wurubuaare agyebi feye Akaya nsinkpan so mo. Men kya laare i' ba yee man nye ginyen kyu naa de imo so.

¹¹ Fe nyi yee mene so ne men kyule yee fe' kerɛ me so mo? Fe nyi yee men kya laare feye ilaa daa? In gye genen. Wurubuaare nyi me-gisen ɔɔ yee n kya laare feye-ilaa.

¹² Asa abono me kya nyiile ɔmɔ-nyoro yee aye-re ɔmɔ a kya wɔra gesun ɔkpa kolon so mo, mɔmɔ so ne men kya laare fe' kerɛ me so mo. Genen asa abono me kpe me kya laare ɔkpa de me' nye pene asa bɔla. Mɔmɔ so mo, nan kpe keda fee genɔɔbono n wolaa n de mo.

13 Genen asa abono me kya pene asa yee me gye Kirisito isoo. Me kya wɔra gesun mo, me kya soo asa idoo daa, ne me kya wɔra omɔ-nyoro fee Kirisito isoo.

14 Ne in kaabore i' de aye-geno. I lii fee ilaa nyenyen pewu gemu mo gbaa kya kyena keda mɔ-nyoro kyeege, o kya pene asa yee o gye Wurubuaare do osoo oko. O kya pene yee o bo Wurubuaare fatela mo do.

15 Imoso in kaabore i' wɔra aye ilaa poboro yee mɔ-asonbo kee me laa taale keda mɔmɔ-nyoro kyeege pene asa yee me kya wɔra Wurubuaare gesintin-lee gesun mo. Imo-re imo-laalaaloge mo, gikoka gi de sa omɔ.

Pɔolo Kya Wu Awɔrɔfɔo Yeye I Dabole I Bo Mo Okon

16 N kii mi-i toge feye ginyose yee in kaabore oko o' toge yee men nyi olaako so ne n' kya yen me-nyoro. Ba-a ne oko laa taa toge yee men nyi olaako mo, kaase mo o' nye gisen pii sa me de o' nu ilaa ibono nan toge yen me-nyoro mo.

17 In gye Wura Yesu ne n kya yeye n' da otu yen me-nyoro. Obono on nyi olaako mo ilaa worase ne i gye.

18 Imo genen mo, abono me kya yen mɔmɔ-nyoro ansi so ilaa so fafaanan mo me nyaakyɔ. Imoso me kee nan yen me-nyoro sa feye nmaraa.

19 Fe nyi yee fe nyi olaako mo, i wone ne fe kya nu asa abono me men nyi olaako mo ase?

20 Ne wu yee asa abono me kya kyu feye wɔra fee nbide, abee kyu lii feye so ne me kya gyi, abee me kya kudi feye gyi, abee me kya wɔra fee mɔmɔ ne n bo feye, abee me kya da feye itan mo, fe kya nu mɔmɔ ase.

21 Aye bere, a sele, an taale wɔra feye genen. Abee i kaabore i' wɔra me ipeeli yee men wɔra feye genen fee?

Nengyene ako me kya kere ansi nyiile mɔmɔ-nyoro kyu lii ilaa iko so mo, me Pɔolo nan kere ansi nyiile me-nyoro genen kee. Obono on nyi olaako mo ilaa toge ne. I kii i tiri yee n' toge imo.

22 Nengyene me kya nyiile mɔmɔ-nyoro yee me gye Isirale awura mo, me kee Isirale isa ne n' gye. Me gye Hiiburu awura mo, Hiiburu isa ne n' gye kee. Me gye Aberaham gesu do mo, me kee, genen ne.

23 Me gye Kirisito asonbo mo, mi-i me mo, n kya son Kirisito don mɔmɔ gbaa. (Me yeye n kya tonge fee obono on bo gimu mo, yeye in gye genen.) Ne wɔra Kirisito gesun don omɔ. N naa n kya toge Wurubuaare agyebi isowole kpei-kpei so. Genen so mo, asa abono me kya kyo Kirisito onon mo me ti me de obu, i men gye gikolon. Ne wu olaawuse don asa sense. Me taa me gikpado gifonee gifonee. Lewu ti taale peede me belen-belen.

24 Ne soo Gyuda awura giwulibi gibono me kya taa asa oko de saalaa sango mo gikpado ginun kere.

25 Me koree me gikpado gisa, ne asa me ti da me abui kee kere. Apoo so akolii bele-bele a da bun wɔra me gikpado gisa. Imo iko do mo ne sii apoo do toloowi kalaade.

26 Anaa-naa ne n san wɔra me-lee. Ne ti loo ibon bolase do lii. Ne loo iyu abaa do lii. Me-subuana Gyuda awura de asa abono men gye Gyuda awura mo pewu me yeye ne wu gensipeere. Ne wu gensipeere isowole bele-bele do de apen do de apoo do pewu. Abono me kya pene yee me gye aye-nanboana Yesu onon mo do mo me yeye ne wu gensipeere kee.

27 Ne nyaade gisisiri wɔra nsun bolonse sa Wurubuaare. Nke nbono men kya nye de genye mo ne n kyo. Ne naa akon de bolefo de awo. Men nye agyudo gyise abee gikuru bunse.

²⁸ Ba-a ne a kyu ilaa ide pɛwu yela nkan mɔ, i san genɔɔbono n kya kyena de nwɔnsa gɛkɛ kamaasɛ sa Yesu asonbo akpen pɛwu mɔ. Imɔ ibono ne n nyii me fɛɛ gɛsola.

²⁹ Nengyene nɛ nu yɛɛ ɔko gisɔɔgyi gi kya yɔɔ Yesu ɔson mɔ dɔ mɔ, i kya loo me fɛɛ me ne i gye. Nengyene ɔko gi tɔrɔ Yesu ɔson mɔ dɔ mɔ, me-gisen dɔ i kya dɛɛ me.

³⁰ I kaabore n' yen me-nyoro faa mɔ, nan kyu ilaa ibono i kya lɛɛ nyiile yɛɛ mɛn bo lon mɔ daa kyu yen me-nyoro.

³¹ Wurubuaarɛ ne ayenbi a gye mɔ-lɛɛ gɛkpa-a-gɛkpa-a. Mɔ ne n gye Wura Yesu mɔ-sɛ de mɔ-Wurubuaarɛ. Mɔ ne n nyi yɛɛ in gye abon ne n kya kɛɛ.

³² N bo Damasikose ɔsowole so mɔ, abeyin obelensɛ ɔbono ɔ kya kerɛ ɔsowole mɔ so sa Wura Aretesɛ mɔ gi yɛgɛ mɛ dii ikpa ibono i de loo ɔsowole mɔ so mɔ mɛ kya laarɛ me de mɛ' keda.

³³ Ako mɔ mɛ kyu me wɔra gɛkeebii dɔ ne mɛ liirɛ me de ɔfɛ de gɛkpen gɛbono mɛ yii kyaabɔɔ ɔsowole mɔ gefanserɛ dɔ ne nɛ nyɛ lii obelensɛ mɔ abaa dɔ.

12

Ilaa Ibono Yesu Gi Lɛɛ Nyiile Pɔɔlo Mɔ

¹ Nyamesɛ laa yen mɔ-nyoro mɔ in kya kpa-a mɔ de sɛi; i kii i tiri yɛɛ n' yen me-nyoro de apenɛbo mɔ mɛn baa nyɛ penɛ fɛye. Imɔso nan san tɔgɛ daa ilaa ibono Wura Yesu gi lɛɛ nyiile me baa kyon mɔ. O nyiile me ilaa fɛɛ ideri yɛgɛ n kerɛ.

² Nsi gudu nnan gemara mɔ, ilaa iko i wɔra me. Nperɛ faa i kya wɔra me fɛɛ i mɛn gye me ne i wɔra genen abɛɛ? I kya nyiile yɛɛ me-rɛ Kirisito ginyamesɛ kolon so mɔ, i puru me gikolon faa fiiyu kyu kpe ko-o Wurubuaarɛ dɔ. I puru me-rɛ me-nyoro gibi mɔ pɛwu daa fɛɛ, me-oduduu mɔ wole daa fɛɛ, mɛn taalɛ bii berɛ. Wurubuaarɛ wole ne n nyi.

³ Ilaa ibono n kpe n nyi mɔ ne n gye yɛɛ i kpe puru me fiiyu kyu kyon kpe Wurubuaarɛ adɛ ɔkyoolaten. I puru me-rɛ me-nyoro gibi mɔ pɛwu daa fɛɛ, me-oduduu mɔ wole ne n kpe fɛɛ, man taalɛ bii. Wurubuaarɛ wole ne n nyi.

⁴ I puru me kpe nno genen mɔ, nɛ nu ilaa ibono in bo ginu ne in bo gitɔgɛ mɔ pɛi ne nɛ kii ba.

⁵ Me, Pɔɔlo, ne n wu genen ilaa ide. In kya sa me ɔkpa yɛɛ n' yen me-nyoro daa. Yɛgɛ ayenbi a kii kaabore nyamesɛ ɔbono ɔ wu ilaa ide ɔnan mɔ. Mi-i me mɔ ilaa ibono i kya nyiile yɛɛ mɛn bo lon me-gibaa so mɔ wole ne nan kyu yen me-nyoro.

⁶ Nkana fɛɛ n kya laarɛ n' yen me-nyoro gbaa mɔ, i man nyiile yɛɛ mɛn nyi ɔlaako. I laa wɔra gɛsintin daa. Mi-i me mɔ, nɛ kine imɔ. I lii fɛɛ mɛn kya laarɛ ɔko o' buu me yɛɛ n gye Wurubuaarɛ isa don ɔkara ɔbono ɔ kya wu de ansi abɛɛ ɔ kya nu de aso mɔ.

⁷ Ilaa gbaa'gbaa ibono Wurubuaarɛ gi lɛɛ nyiile me mɔ i tansi i nyaakyɔ. Wurubuaarɛ mɛn kii ɔ kya laarɛ de n' yii gɛsɛ n kya nyiile me-nyoro. Imɔso ɔ kyule sa ilaa nyenyɛn pɛwu gemu mɔ yɛɛ o' kyu gilɔ gibono gi de fɛɛ owe ne n bo nyoro dɔ mɔ too me so. Imɔso gilɔ mɔ gi san gi kya nyala me gin kya sa me ɔkpa de n' nyiile me-nyoro.

⁸ Nɛ dalaa kole Wura Yesu gikpadɔ gisa' yɛɛ i' ta me yɛgɛ.

9 O kisee tɔge sa me daa yee, “Genɔɔbono nan kpe mi-i kpaɔ fo mɔ, i laa wɔra ɔdan sa fo. I lii fɛɛ isa ɔbono ɔɲ bo lon mɔ dɔ ne me Wurubuaare ɔlon mɔ kya nye lii gɛwi kpaɔ loge.”

ɔ tɔge genen faa, i kya wɔra me ɔkon bɔla yee n' kyu daa ilaa ibono i kya nyiile yee menj bo lon me-gibaa so mɔ de n' kyu yen me-nyoro. Imɔ ne nan yege Kirisito-lee ɔlon ɔbono ɔ bo mɔ ɔ' nye baa kyena me dɔ.

10 Imɔso nengyene i gye daa Kirisito so mɔ, i boran sa me yee n' wɔra isa ɔbono ɔɲ bo lon, n' nye asebi, me-nyoro gi' keda me, asa me' ka me-ansi, de n' wu gensipeere. I kya nyiile yee owi ɔbono menj bo lon me-gibaa so mɔ, mɔ-ɔlon dɔ mɔ, n kya wɔra ɔlon.

Gelaare' Gebono N Bo Sa Feye Mɔ Gɛ Nyaa kyɔ

11 Ibono ne yen me-nyoro faa, ɔbono ɔɲ nyi ɔlaako mɔ ilaa wɔrase ne i gye. Mɔ, feye-oyuli dɔ ne i ba genen. Nkana feye ne n kaabore fe' yen me. Menj taa gye isa ɔko me-gibaa so bere. Yege genen asa abono me kya penɛ yee mɔmɔ ne n gye Yesu isɔɔ gbaa-gbaa mɔ menj taa don me iko dɔ.

12 Wurubuaare ilaa wɔrase ibono i kya lee nyiile yee ɔko gye Yesu ɔsɔɔ gesintin mɔ, me Pɔɔlo ne kyu gisen kyu wɔra imɔ feye-ansi dɔ. Ilaa ibono nyamese manj taale wɔra mɔ-gibaa so mɔ, ilaa ibono i kya de genɔ mɔ, de ilaa ibono i kya lee nyiile yee Wurubuaare ɔlon bo me dɔ mɔ pɛwu, ne wɔra imɔ.

13 Menj wu ilaa ibono ne wɔra sa Yesu asonbo akpen sense mɔ ne i don ilaa ibono ne wɔra ne fe wu mɔ. Abɛɛ ibono ne ba feye ase ne menj kyule wɔra gesola sa feye mɔ, ne wɔra feye ilaa nyenyen? To! Ne i gye ilaa nyenyen bere mɔ, n de feye gisere, fe' kyu kyee me.

14 Idɛ kon nan baa laa feye gisase. Ne baala ta. Ne idɛ kee manj wɔra gesola sa feye. Inj gye feye-ato abɛɛ agyudɔ ne n tiri me. Feye gbaa-gbaa ne n tiri me. Inj gye nbii ne n kya sa mɔmɔ-akorogɛbo ilaa tirise. Akorogɛbo ne n kya sa mɔmɔ-biana ilaa tirise.

15 Genen kee ne i bo me ɔkon yee n' lee ilaa ibono n bo mɔ kyu sa feye de n' kyu me-nyoro kee kyu sa feye. Imɔso gelaare' gebono n bo sa feye mɔ gɛ kya nyaakyɔ gɛ kya too ɔfaanan mɔ, feye-lee gelaare' gebono fe bo sa me mɔ gɛ laa kii kɔɔge daa?

16 Fe laa kyule tɔge gesintin yee menj wɔra gesola sa feye abɛɛ fe laa tɔge yee n' nyi gisɛɛ ne ne kyu npene kyu kudi feye gyi daa fɛɛ? To.

17 Abɛɛ fe wu yee asa abono ne sun feye ase mɔ dɔ ɔko gi kudi feye kyu bara me ne gyi daa?

18 Me ne n kole Taatusi yee o' kpe feye ase, ne ne sun aye-nanbo ɔko yee o' buu mɔ kpe. Abɛɛ fe nyi yee Taatusi gi kudi feye gyi? Me n nyi ibono me-re mɔ-nwɔnsa de aye-anaabi a gye gikolon.

19 Imɔso baa lii de nde' fe kya nu aye-ilaa tɔgesɛ mɔ, fe nyi yee a kya tɔge a kya yele aye-nyoro gemara daa? Aye-nanboana laareɛɛ, inj gye genen. A nyi ibono Wurubuaare kya wu aye. Kyu naa de aye-re Kirisito ginyamese kolon mɔ so ne a kya tɔnge. Ilaa kamaase ibono a tɔge mɔ, a kya tɔge daa de fe' nye sɛɛ Yesu ɔson mɔ dɔ too.

20 I bo me gifuu yee n' baa kii ba feye ase mɔ, fe laa wɔra fɛɛ asa abono ɔnan menj kya laare mɔ, ne fonjbii feye mɔ, fe laa wu me mɔ, nan wɔra isa ɔbono ɔnan fɛɲ kya laare mɔ. Fonjbii n' baa kii ba mɔ, ibiide i bo feye dɔ, fe bo gelaaloo, fe bo ginyadon foro-foro, fe kya laare me-nkon me n' nye, fe kya saale asa, fe kya nyida abara, fe kya nyiile feye-nyoro, ne feye-gekyena dɔ ilaa i kpe i de giyan-giyan.

²¹ I bo me gifuu yee fonbii, nan kii baa mo, me-Wura Wurubuaare laa bara me gese feye-ansi do de osulon. Fonbii asa abono me wora ilaa nyenyen ne men ti nu momo-nyoro gese mo me laa yee me n' su. Iko mo, me wora ilaayan, abee me laare agyibara, me wora ilaa kankaran, ne men ti kyeege momo-nwonsa.

13

Meη Taa Yee Mo, Nan Biide Omoo-Giso Kon

¹ Me-gisase ne nan kii ba feye ase faa. Wurubuaare agyebi mo ako a kya nyiile yee i tiri yee asa anyo abee asa' nno gi' wora gikolon nbele do pei de a' loo bun oko gipuee.

² Owi obono ne kpaa laa feye ginyose mo ne wolaa ka sa asa abono me wora ilaa nyenyen de asense mo pewu. Ibono men bo feye ase faa mo, fe' yee momo-aso a' nu yee nengyene ne kii ba ne men ti yee mo, nan biide omo-giso kon.

³ In gye genen ne fe kya laare mo? In gye fe kya laare fe' wu bii yee Kirisito ne n kya tonge naa de me so? Fe nyi yee Kirisito men bo olon de o' taale wora feye ilaa kamaase ibono o kya laare mo? O tansi o bo lon feye so.

⁴ I bo no yee kyu naa de Kirisito anyamase gidebi gibono gin bo lon mo so ne o wu' lewu oyii mo so. Wurubuaare olon do mo, o kii o te de ansi. Genen ne n gye aye kee faa. An bo lon fee Kirisito-lee mo. Yee a kii a bo olon de a' taale feye. I lii fee Wurubuaare olon do mo aye-re Kirisito a te dable.

⁵ Fe' kerere feye-asen do yee fe san fe de gisogyi gibono fe bo sa Yesu mo? Fe men nyi yee Yesu Kirisito te feye do? Abee feye bere fe wora aworafue daa fee?

⁶ Ne soo gyi yee fe laa wu me bii yee me bere, men wora aworafue.

⁷ N kya dalaa n kya kole Wurubuaare yee on sa o' yee fe' wora ilaa nyenyen. In gye me-lee ayenbi so ne n' kya toge genen. N kya laare daa yee fe' wora ilaa ibono i boran sa Wurubuaare mo. Ba-a ne asa me' taa nyida me yee n kya son Wurubuaare giyan mo, i boran sa me.

⁸ Me bere, man taale wora sei de i' tii Wurubuaare gesintin mo okpa. N kya wora daa ilaa ibono i laa bugi okpa sa Wurubuaare gesintin ilaa mo.

⁹ Nengyene fee fe bo lon fe yee feye-ayaa so Yesu onson mo do, ne ne wora fee men baa n bo olon feye so mo, i laa wora me okon daa. Ilaa ibono n kya dalaa mo ne n gye yee fe' see Yesu onson mo do kpaa loge.

¹⁰ Imoso ne fe wu yee owi obono men bo feye ase mo, ne nmarase feye owole baare onan mo. Men kya laare n' baa tu feye de n' kyu olon obono Wura Yesu gi sa me feye so mo kyu wora feye ipeeli. O sa me olon feye so daa de n' kpaa feye de fe' see mo-onson mo do. In gye yee n' yee i' yoo feye-nyoro daa.

Agyebi Laalaaloge

¹¹ Aye-nanboana Yesu onson mo do, a laa sin gere, a kya faala feye. Fe' yee Wurubuaare o' lora feye-gikyenabi kpaa loge. Fe' nu me-owole baare ilaa gese sa me. Fe' toge kyule abara, de fe' kyu gisen yuuli kyu kyena de abara. Fe wora genen mo, feye-re Wurubuaare obono o bo gesalaare ne o gye gisen yuuli gemu mo fe laa kyena.

¹² Fe' kyu genyi-abi afaala faala abara fee genobono i kaabore Yesu asonbo me' faala abara mo.

¹³ Yesu asonbo abono me bo aye ase mo pewu me kya faala feye.

¹⁴ Aye-Wura Yesu Kirisito gitolon, Wurubuaare gesalaare, de geno kolon gebono Wurubuaare Oduduu mo kya sa asa mo i' kyena feye pewu do.

Pɔɔlo ɔwɔlɛ ɔbono ɔ Nɔmarasɛ Bunge Galati Awura Mɔ

Yesu ɔsɔɔ

¹ Me Pɔɔlo ɔbono n gye Yesu ɔsɔɔ mɔ ne n kya nɔmarasɛ feye genen ɔwɔlɛ baarɛ faa. In gye anyamesɛ ne n lɛɛ me abɛɛ anyamesɛ ne n sun me yɛɛ n' wɔra Yesu ɔsɔɔ. I gye daa Yesu Kirisito de mɔ-sɛ Wurubuaarɛ ɔbono o kyingi mɔ lii ibuni dɔ mɔ ne n sun me.

² Me-rɛ me-nanboana abono a kya son Yesu gɛrɛ mɔ pɛwu ne n de ɔwɔlɛ baarɛ a kya bunge feye Yesu asonbo akpen abono fɛ bo Galati gɛsinkpan so mɔ.

³ Aye-sɛ Wurubuaarɛ de aye-Wura Yesu Kirisito mɛ' sa fɛye so gɛwɔnsa dɛnsɛ de mɛ' sa fɛye gisen yuuli.

⁴ Yesu ne n kyu mɔ-nyoro kyɛɛ ne o wu' sa aye de a' nye aye-nyoro lii ndɛ' asa adɛ ilaa nyɛnyɛn giwɔra dɔ. Aye-sɛ Wurubuaarɛ gɛlaarɛ dɔ ne Yesu gi wɔra genen ilaa idɛ.

⁵ Nyisigyi ɔ' wɔra Wurubuaarɛ-lɛɛ gɛkpaa-gɛkpaa! I' ba genen.

Kirisito ɔkalan

⁶ I kya de me-gɛnɔ yɛɛ fɛ ti kpɛ fa-a taa Wurubuaarɛ fa-a yɛɛ kusaa genen. Mɔ ne n tɔɛ feye yɛɛ fɛ' baa nye mɔ-amɔlɛɛ abono ɔ kyɛɛ feye kyu naa de Kirisito so mɔ. Feye mɔ fɛ kii fɛ kya nu daa de ɔkalan ɔko kpɛi.

⁷ Nɛ tɔɛ genen faa, gɛsintin ne n gye yɛɛ in bo ɔkalan konkonsɛ banban ɔko. Asa ako mɔ mɛ kya kpadɛ feye-nwɔnsa dɔ mɛ kya laarɛ de mɛ' kyɛɛɛ Kirisito ɔkalan konkonsɛ mɔ.

⁸ Imɔso ba-a nɛngyene aye abɛɛ Wurubuaarɛ dɔ ɔsɔɔ ne n kpeleɛ lii Wurubuaarɛ dɔ ba baa tɔɛ feye ɔkalan ɔbono ɔn kyena de ɔbono a wolaa buu sa feye mɔ, kaasɛ mɔ mɔ-rɛ Wurubuaarɛ abaa anyɔ.

⁹ Fɛɛ gɛnɔɔbono a wolaa tɔɛ feye mɔ, idɛ kon n kii mi-i tɔɛ mi-i sa feye yɛɛ ɔkamaasɛ ɔbono ɔ kya tɔɛ feye ɔkalan kyu lii Yesu so ne ɔn kyena de ɔkalan ɔbono fɛ wolaa nu lii aye asɛ mɔ, kaasɛ mɔ mɔ-rɛ Wurubuaarɛ abaa anyɔ.

¹⁰ Nɛ tɔɛ imɔ idɛ genen faa, anyamesɛ ginsi ne n' kya laarɛ n' gyi abɛɛ Wurubuaarɛ ginsi ne n' kya laarɛ n' gyi daa? Fɛ kya kerɛ faa, n kya tɔɛ daa ilaa ibono i laa wɔra anyamesɛ ɔbolɛ mɔ abɛɛ? Naafɔ n kya kerɛ daa ilaa ibono i laa wɔra anyamesɛ ɔbolɛ pɛi de n' lɔɔ wɔra me-ilaa mɔ, nkana Yesu Kirisito mɛn gye me-wura ne.

Gɛnɔɔbono Pɔɔlo Gi Baa Wɔra Yesu ɔsɔɔ Mɔ

¹¹ Me-nanboana Yesu asonbo, n kya laarɛ de fɛ' bii yɛɛ Yesu ɔkalan konkonsɛ ɔbono nɛ lɛɛ tɔɛ sa fɛye mɔ mɛn gye nyamesɛ-lɛɛ ɔkalan.

¹² I mɛn gye nyamesɛ asɛ ne nɛ nu ɔkalan mɔ lii. In gye nyamesɛ ne n nyiile me. Yesu Kirisito ne n lɛɛ ɔkalan baarɛ gɛwi nyiile me.

¹³ Fɛ nu ilaa ibono nkana n kya wɔra owi ɔbono n kya son Wurubuaarɛ kyu naa de me-naanaana Gyuda awura itiibilaa so mɔ. N' buu sa feye yɛɛ nɛ ka asa abono mɛ kya son Wurubuaarɛ kyu naa de mɔ-bi Yesu so mɔ ansi gikyɔ. Nɛ laarɛ fɛɛ nkana n' nyida genen asa mɔ mɔmɔ-rɛ mɔmɔ-ɔson mɔ.

¹⁴ Nkana n kya wɔra aye Gyuda awura ilaa wɔrase imɔ-ɔkpa so don me-gikoso dɔ Gyuda awura sakyɔ. Aye-naanaana itiiɓi ilaa mɔ i gyi me-gimu genen owi ɔbono dɔ.

¹⁵ Dabɔle ibono ne ka Wurubuaare mɔ-re mɔ-bi mɔ asonbo ade ansi faa, pɛi de i' loɔ koroge me mɔ, Wurubuaare gi wolaa lɛɛ me yela. ɔ sa me so gewɔnsa dense ne ɔ tɔge me yɛɛ n' son mɔ-re mɔ-bi mɔ.

¹⁶ I wɔra Wurubuaare ɔbole yɛɛ ɔ' lɛɛ mɔ-bi Yesu nyiile me de n' naa n kya tɔge ɔkalan konkonse kyu lii mɔ-bi mɔ so sa abono me men gye Gyuda awura mɔ. Wurubuaare gi kpe lɛɛ mɔ-bi mɔ nyiile me mɔ, men kpe isa ase yɛɛ ɔ' nyiile me Yesu ilaa.

¹⁷ Men kpe Gyerusalem kpaa wu abono me gyangbara me wɔra Yesu isɔɔ mɔ. Ne kpe koso naa daa kyon kpe Arabiya gesinkpan so, ne ne kii baa kyon kpe Damasikose ɔsowole so.

¹⁸ Ba nsa gemara pɛi ne ne baa kpe Gyerusalem kpaa faala Piita ne a nye bii abara. Ne kpe genen mɔ, nke gudu nnun ne ne kyena mɔ ase nno.

¹⁹ Men wu Yesu isɔɔ asense mɔ baa bola, genen mɔ, Gyeemesi aye-Wura Yesu mɔ-tede mɔ wole.

²⁰ Ilaa ibono n kya nmarase mi-i sa feye faa, Wurubuaare nyi yɛɛ men kya kɛɛ abon. I gye daa gesintin.

²¹ Imɔ gemara mɔ, ne kyon kpe Siiriya de Silisiya nsinkpan so.

²² Genen owi ɔbono pɛwu mɔ, Yesu asonbo akpen abono a bo Gyudiyi gesinkpan so mɔ me men nyi me de ansi.

²³ Me kya nu me-ilaa de aso daa yɛɛ, “ɔnyen ɔbono nkana ɔ kya ka aye Yesu asonbo mɔ ansi mɔ, ide kon kere, mɔ mɔ ne n kii ɔ kya tɔge Yesu ɔkalan konkonse ɔbono ɔ laare mɔ-nyidaten mɔ ɔ sa asa mɔ.”

²⁴ Me-ilaa ide i yɛge me yen Wurubuaare.

2

Pɔɔlo Gi Kpe Yesu Asonbo Abelense Ase Gyerusalem

¹ Nsi gudu nnan gemara mɔ, ne kii kpe Yesu asonbo mɔ ase Gyerusalem. Me-re Banabase ne n kpe. A kya kpe mɔ, ne kyu Taatusi buu me-nyoro.

² Wurubuaare ne n lɛɛ nyiile me yɛɛ n' kii kpe nno. Ne kpe mɔ, ne kpaa nyiile mɔmɔ Yesu ɔkalan konkonse ɔbono n de mi-i tɔge mi-i sa asa abono me men gye Gyuda awura mɔ. Abono yɛɛ mɔmɔ ne n gye abelense mɔ, ne yɛge me-re ɔmɔ a gyan aye-wole. Ne laare yɛɛ genen abelense mɔ me' nu me-gesun mɔ gesɛ de in sa i' ba yɛɛ Yesu ɔkalan mɔ gesun gebono n kya wɔra faa de mɔ-gesun gebono nan kii wɔra mɔ ge' wɔra giyan.

³ Ne kpe abelense ade ase genen mɔ, ba-a me-nanbo Taatusi ɔbono me-re mɔ a naa ne ɔ men gye Gyuda isa mɔ, abelense mɔ ɔko-re ɔko men nyise mɔ yɛɛ ɔ' ten mɔ-giwɔre aye Gyuda awura itiiɓilaa ɔkpa so.

⁴ Pɛi de n' kpe Gyerusalem mɔ, asa abono me kya penɛ yɛɛ me kya son Yesu mɔ ako me baa loo aye Yesu asonbo mɔ dɔ de me' nye baa kere aye-akyanabi de genɔbono a nye aye-nyoro kyu lii Kirisiti Yesu so mɔ. Me baa loo aye dɔ genen mɔ, me kya laare daa fee a' gyi aye Gyuda awura itiiɓilaa de nbara mɔ pɛwu ɔkpa so kee aye Yesu ɔson mɔ dɔ de a' kii wɔra fee nbide sa nbara mɔ.

⁵ Kyu lii feye so mɔ, a men kyule genen asa abono. A kine mɔmɔ-lɛɛ de fe' nye nu gesintin-lɛɛ ɔkalan konkonse kyu lii Yesu so.

⁶ Ne kpe abono yɛɛ mɔmɔ ne n gye abelense Yesu asonbo mɔ dɔ mɔ ase mɔ, men nye ilaa nyiilese pobɔɔ iko lii ɔmɔ ase. (Ne taa tere mɔmɔ yɛɛ abelense faa, asa abono ɔnan me gye mɔ lɛɛ in tiri me. I lii fee Wurubuaare

men̄ kya kerē asa ansi so.) To. Fēē gen̄obono ne tōge faa, genen abelense mō mē men̄ kyu sēi kyu bola me-lēē anyiilebi mō so.

7 Mē wu me bii yēē Wurubuaarē ne n kyu Yesu okalan konkonse mō kyu wōra me-abaa dō de n' lēē mō nyiile asa abono mē men̄ gye Gyuda awura mō fēē gen̄obono o kyu genen okalan baare kee wōra Piita abaa dō de o' lēē mō nyiile Gyuda awura mō.

8 (I kya nyiile yēē Wurubuaarē obono o wōra gesun kyu naa de Piita so ne o nye wōra Yesu osōo sa Gyuda awura mō, genen Wurubuaarē kolon obono kee ne n wōra gesun kyu naa de me so ne nē wōra Yesu osōo sa asa abono mē men̄ gye Gyuda awura mō.)

9 Abelense mō mē nye wu bii yēē Wurubuaarē ne n kpaā me ne nē wōra Yesu osōo sa asa abono mē men̄ gye Gyuda awura mō genen. Imoso Gyeemesi, Piita, de Gyōn, abono yēē mōmō ne n gye nkpara sa Yesu osōn mō, mē kōōle kyule yēē me-rē Banabase de mōmō pewu a gye daa nyamese kolon gesun mō dō. Imoso aye mō, a' kpe abono mē men̄ gye Gyuda awura mō ase de mōmō mō mē' kpe Gyuda awura mō ase.

10 Mē tōge aye yēē a' wolaa nyingi de a' kpaā ayenbo. Genen ilaa ibono kee ne nē wolaa kyu too me-nyoro so n kya wōra.

Pōolo Gi Tōge Piita Yēē Ilaa Ibono O Wōra Mō In̄ Kyena

11 Owi obono Piita gi ba Antiyoki mō, ilaa ibono o wōra nno mō berē, in̄ kyena. Imoso ne tōge tigi mō.

12 I kya nyiile yēē nkana mō-rē Yesu asonbo abono mē men̄ gye Gyuda awura mō mē kya kyena wōra abaa gyi dabōle kanpē. O bo nno mō, mō-nanboana Gyuda awura abono mē gye Gyeemesi ade mō ako mē kpe mō ase. Mē kpe mō ase genen mō, o tēē mō-nyoro lii abono mē men̄ gye Gyuda awura mō dō. Oj̄ baa o kyule mada de omō. I kya nyiile yēē abono mē kpe mō ase mō mē kpe mē de daa yēē obono o men̄ gye aye Gyuda isa mō laa ten giwōrē de o' gyi Gyuda awura nbara so pēi de o' taale son Yesu okpa so. Piita sele asa ade gifuu so ne o tēē mō-nyoro genen.

13 Gyuda awura sēnsē abono mē kya son Yesu mō mē wu genen mō, mōmō kee mē yii gēsē mē kya taa gēsintin okpa mō ma-a yēge, kaabore i yēge Banabase gbaa gi buu mōmō-lēē okpa mō.

14 Mi-i me mō, nē wu ibono men̄ kya naa ntintin gen̄obono i kya kyena de Yesu gēsintin okalan konkonse mō. Imoso ne taase Piita Yesu asonbo mō pewu ansi dō yēē, “Fo-o fo mō, fo gye daa Gyudanyen ne fo taa Gyuda awura akyenabi mō yēge ne fo san fo tē daa fēē asa abono mē men̄ gye Gyuda awura mō. Mō, nne so ne fo laa taale nyise abono mē men̄ gye Gyuda awura mō de mē' kyena Gyuda awura akyenabi?”

15 Gekoroge dō mō, me-rē fo Piita a gye daa Gyuda awura. A men̄ gye asa sēnsē abono mē men̄ wolaa mē nyi Wurubuaarē agyebi ne mē kya fue Wurubuaarē okpa mō.

16 Aye gbaa-gbaa a nye bii yēē i men̄ gye aye Gyuda awura itiihilaa mō abēē nbara mō so gigyī ne nan yēge Wurubuaarē o' kyu nyamese yēē mō-gisen dō i boran. I gye daa gikagyan gibono nyamese laa ka gyan Yesu Kirisito so mō. Imoso ne aye gbaa-gbaa kee a ka gyan Yesu Kirisito so de Wurubuaarē o' kyu aye yēē aye-asen dō i boran kyu naa de aye genen gikagyan gibono so. I men̄ gye aye Gyuda awura itiihilaa mō gigyī so. I lii fēē Wurubuaarē gi tōge yēē o man̄ kyu nyamese yēē mō-gisen dō i boran kyu lii itiihilaa abēē nbara so gigyī.”

Okalan Konkonse Obono Pōolo Kya Nyiile Asa Mō

¹⁷ Genɔɔbono aye-ansi a gyan yɛɛ Wurubuaare laa kyu aye yɛɛ aye-asen dɔ i boran kyu naa de aye-rɛ Kirisito ginyamesɛ kolon mɔ so mɔ, i yɛɛ aye gbaa-gbaa a bingiri abono mɛn̄ kya gyi Gyuda awura itiibilaa mɔ so. Imɔso a taa itiibilaa yɛɛ de Wurubuaare o' kyu aye yɛɛ aye-asen dɔ i boran faa mɔ, a wɔra ilaa nyenyɛn ne? Kirisito kya yɛɛ asa mɛ' wɔra ilaa nyenyɛn? Kuaa, in̄ gye genen!

¹⁸ Nengyene n nyi yɛɛ ilaa ide in̄ boran sa me ne nɛ kine imɔ, ne nɛ kii kpaɔ kyu imɔ mɔ, nɛ lɛɛ me-nyoro nyiile yɛɛ n gye ilaa nyenyɛn ɔwɔrabo ne.

¹⁹ Imɔ gɛsɛ ne n gye yɛɛ nkana n kya gyi Gyuda awura itiibilaa so, ne Wurubuaare mɛn̄ kyu me yɛɛ me-gisen dɔ i boran. Imɔso i wɔra fɛɛ ne wu' lɛɛ itiibilaa mɔ dɔ. Mɛn̄ baa n tɛ sa itiibilaa mɔ de n' san nyɛ kyena sa daa Wurubuaare.

²⁰ Ne taa tɔɛ yɛɛ nɛ wɔra fɛɛ nɛ wu' faa mɔ, i wɔra daa fɛɛ me-rɛ Kirisito pɛwu ne mɛ da anjanbi oyii so mɔɔ gikolon. In̄ baa i gye me ne n' tɛ. Yesu Kirisito ne n san ɔ tɛ me dɔ. Wurubuaare mɔ-bi Yesu ɔbono ɔ laare me-ilaa ne o wu' sa me mɔ so ne n' kya ka gyan de n' nyɛ n tɛ gɛkyena gɛbono n tɛ faa.

²¹ Gidense gibono Wurubuaare gi wɔra sa anyamesɛ mɔ, mɛn̄ kyu gimɔ yɛɛ gin̄ gye sɛi. Ne fɛɛ i gye gesintin yɛɛ Wurubuaare kya kyu nyamesɛ yɛɛ mɔ-gisen dɔ i boran kyu naa daa de itiibilaa gigyi so mɔ, nkana lɛwu ɔbono Yesu Kirisito gi baa wu' sa anyamesɛ faa, nkana giyan ne.

3

Anɛ Ne N Pɛnɛ Fɛyɛ?

¹ Fɛyɛ Galati awura, anɛ ne n pɛnɛ fɛyɛ daa? Fɛ mɛn̄ nyi ɔlaako. Ne wolaa kaala nyiile fɛyɛ genɔɔbono Yesu Kirisito gi wu' lɛwu oyii so sa fɛyɛ mɔ. Sɛi mɛn̄ n̄ara fɛyɛ.

² Imɔso n' taase fɛyɛ ilaa kolon ide: Wurubuaare Oduduu mɔ gi daa giba fɛyɛ so mɔ, fɛ nyi yɛɛ ibono fɛ kya gyi nbara mɔ so mɔ daa? In̄ gye ibono fɛ nu Yesu ɔkalan konkɔnsɛ mɔ ne fɛ ka gyan mɔ so mɔ daa?

³ Fɛ mɛn̄ nyi ɔlaako daa dɔ-o? Ibono fɛ yii gɛsɛ kanpɛ de Wurubuaare Oduduu mɔ, fɛ laa san kyu fɛyɛ anyamesɛ-lɛɛ ɔlon daa kyu logɛ?

⁴ Ibono pɛwu fɛ wu ɔlaa sa Yesu ɔson mɔ faa mɔ, fɛ kya laare fɛ' wɔra awɔrafue? Imɔso i gye gesintin yɛɛ fɛ laa wɔra awɔrafue?

⁵ Genɔɔbono Wurubuaare kpɛ ɔ dɛ mɔ-Oduduu mɔ ɔ kya sa fɛyɛ ne ɔ kya wɔra ilaa ibono i kya lɛɛ mɔ-ɔlon nyiile fɛyɛ mɔ, fɛ nyi yɛɛ fɛyɛ-nbara gigyi so ne ɔ kya wɔra imɔ genen? In̄ gye Yesu ilaa ibono fɛ nu ne fɛ ka gyan mɔ so?

⁶ Fɛ' taa kɛrɛ aye Gyuda awura ɔnaana gyangbarasɛ ɔbono mɛ kya tɛrɛ mɔ yɛɛ Aberaham mɔ ilaa. Wurubuaare agyɛbi ako a tɔɛ yɛɛ, "Aberaham gi ka gyan Wurubuaare so.

Ne mɔ-gikagyan gibono so mɔ,

Wurubuaare gi kyu mɔ yɛɛ mɔ-gisen dɔ i boran."

⁷ Imɔso i kaabore fɛ' bii yɛɛ asa abono mɛ kya ka gyan Wurubuaare so mɔ, mɔmɔ ne n gye Aberaham mɔ-naanaana gesintin.

⁸ Wurubuaare agyɛbi mɔ kee a kya tɔɛ gikagyan gidɛ so ilaa. Wurubuaare wolaa o nyi yɛɛ ɔ laa kyu abono mɛ mɛn̄ gye Gyuda awura mɔ kee yɛɛ mɔmɔ-asen dɔ i boran kyu naa de mɔmɔ-gikagyan gibono mɛ laa ka gyan mɔ Wurubuaare so mɔ. I bo Wurubuaare agyɛbi mɔ dɔ yɛɛ Wurubuaare gi wolaa tɔɛ mɔ-ɔkalan konkɔnsɛ mɔ yɛla sa Aberaham yɛɛ,

“Kyu naa de fo so mɔ, nan yuule nsinkpan kpei-kpei pɛwu so asa.”

⁹ Imɔso lii nfono mɔ a laa bii yɛɛ Wurubuaare kya yuule nyamese kamaase obono ɔ kya ka gyan Wurubuaare so mɔ kyu dabɔle de Aberaham obono ɔ wolaa ka gyan Wurubuaare so mɔ.

Ɔko-re Ɔko Man Taale Gyi Nbara Mɔ Pɛwu So

¹⁰ I bo Wurubuaare agyebi dɔ yɛɛ,

“Obono ɔŋ kya wɔra ilaa kamaase

ibono Wurubuaare nbara mɔ gi kya nyiile

fɛɛ genɔobono mɛ nmarase Wurubuaare nbara ɔwole dɔ mɔ,

genen kaase mɔ mɔ-re Wurubuaare abaa anyɔ.”

Ɔko-re ɔko mɔ, man taale gyi nbara mɔ pɛwu so. Imɔso nyamese kamaase obono ɔ kya ka gyan nbara gigyi so mɔ, mɔ-re Wurubuaare abaa anyɔ.

¹¹ I gye gesintin yɛɛ nyamese fo gyi nbara so pɛwu gbaa mɔ, in gye imɔ ne nan yɛɛ Wurubuaare o' kyu fo yɛɛ fo-gisen dɔ i boran. I lii fɛɛ Wurubuaare gi wolaa tɔge yɛɛ,

“Obono ɔ kya ka gyan Wurubuaare so mɔ ne

Wurubuaare kya kyu yɛɛ mɔ-gisen dɔ i boran.

Genen kaase obono ne nan nye Wurubuaare ase gkyena.”

¹² Nbara bere, mɛŋ kya ka gyan nmɔ so. Mɛ kya gyi nmɔ so daa. Wurubuaare gi wolaa tɔge yela yɛɛ,

“Obono o gyi nbara mɔ so mɔ

ne nan nye kyena Wurubuaare ase kyu naa de nbara mɔ so.”

¹³ Nmɔ nbono Wurubuaare gi tɔge wɔra aye abono aŋ kya gyi mɔ-nbara mɔ so mɔ ɔ yege Yesu gi fiyɛɛ nmɔ sa aye. Kyu lii aye-ilaa nyenyɛn so mɔ, Yesu ne Wurubuaare gi san tɔge nmɔ wɔra. I lii fɛɛ Wurubuaare agyebi dɔ i kya tɔge yɛɛ,

“Nyamese kamaase obono mɛ kyɔloga mɔ oyii so mɔɔ

kyu biide mɔ-giso mɔ,

Wurubuaare gi tɔge nmɔ wɔra kaase mɔ ne.”

¹⁴ Wurubuaare kya laare o' yuule gesinkpan so asa kpei-kpei fɛɛ genɔobono ɔ wolaa yuule Aberaham mɔ. Imɔso ne Yesu gi yeɛ aye anyamese giyaa dɔ ka aye-ilaa nyenyɛn giko de Wurubuaare ɔ' nye yuule aye kii kyu naa de aye-re Kirisito Yesu ginyamese kolon mɔ so. Imɔ ne n gye yɛɛ aye abono a kya ka gyan Yesu so mɔ, a kya nye Wurubuaare Oduduu obono ɔ wolaa ka yela yɛɛ ɔ laa sa anyamese mɔ.

Ilaa Ibono Wurubuaare Gi Ka Yela Sa Anyamese Mɔ

¹⁵ Me-nanboana Yesu asonbo, n' taa kyu anyamese gkyena dɔ ilaa kyu wɔra sinkaala sa fɛye. Nengyene nyamese gi nye ka ntan mɔ, mɛ mɛŋ lɛɛ nmɔ mɔ, nyamese man taale kine nmɔ abɛɛ ɔ' kyɛɛge nmɔ.

¹⁶ Wurubuaare gi wolaa ka ilaa dense yela sa anyamese pɛwu. Ɔ ka imɔ yela sa ɔmɔ kyu naa de Aberaham de mɔ-ɔnaanabi mɔ so. Wurubuaare agyebi mɔ dɔ nfono n dare faa mɔ, i mɛŋ tɔge yɛɛ, “de Aberaham anaanabi.” I nen tɔge yɛɛ “anaanabi” mɔ, mɛ kyɔ ne. I tɔge daa yɛɛ, “de Aberaham ɔnaanabi.” Nyamese kolon ne ɔ gye ne. Genen ɔnaanabi obono ne n gye Kirisito.

¹⁷ To! Ibono n dare mɔ ne n gye yɛɛ fɛɛ genɔobono asa mɛ man taale kine abɛɛ mɛ' kyɛɛge nyamese-lɛɛ ntan mɔ, genen kee ne Wurubuaare agyebi a de ne. Wurubuaare gi wolaa ka yela yɛɛ kyu naa de Aberaham so ne ɔ laa kyule de o' yuule anyamese de mɛ' nye wɔra mɔ-asonbo gesintin. I wɔra nsi nwe nnan de nsi oko de saalaa gemara mɔ, pɛi ne Wurubuaare gi lɔ lɛɛ mɔ-nbara nyiile Aberaham mɔ-naanaana Gyuda awura mɔ. Genen

Wurubuaare nbara mo gi men taale kyade ilaa ibono Wurubuaare gi wolaa ka yela mo owole fue.

¹⁸ Nengyene fee i tiri yee anyamese me' gyi Wurubuaare nbara so pei de me' loo nye Wurubuaare ayuule de me' wora mo-asonbo gesintin mo, genen bere mo in baa i gye ibono Wurubuaare gi wolaa ka yela mo so ne. Gesintin gebono a nyi mo ne n gye yee Wurubuaare gi kpe ka daa yela sa Aberaham yee o laa yegge asa me' nye wora Wurubuaare asonbo gesintin kyu naa daa de mo Aberaham so. In gye kyu naa de nbara gigy mo so.

Ilaa Ibono Nbara Mo Gi Manj Taale Wora Mo

¹⁹ Ne nbara mo gi manj yegge asa me' nye wora Wurubuaare asonbo gesintin mo, meneto so kiti-i ne o baa yela nmo daa? Asa ilaa nyenyen so ne Wurubuaare gi kyu nbara mo kyu bola ilaa ibono o ka yela sa omo mo so. O kya laare nbara mo gi' kpa a omo kpa a fo abere abono Aberaham onaanabi mo laa ba mo. Mo-onaanabi obono ilaa ne Wurubuaare gi wolaa ka yela mo. Owi obono Wurubuaare gi yela mo-nbara mo, o sun mo-isoo iko ne me kpa a toge nmo sa Mosisi. Imoso Mosisi gi san wora fee okpowura Wurubuaare de anyamese nsana.

²⁰ Genen ilaa ibono i manj taale wora odan kpa a lii bere. I lii fee okpowura yele abafon anyo nsana. Wurubuaare bere gye daa okolon.

²¹ Abee oko laa toge yee ilaa ibono Wurubuaare gi ka yela mo de nbara nbono o yela mo, in kya kyena de abara? Kuaa, in gye genen. Nbara nbono onan gi laa taale sa nyamese Wurubuaare ase gekyena onan mo gin bo no. Naafon nkana i bo genen nbara nbono onan mo, ofaanan Wurubuaare kya kere asa ilaa worase so de o' wu yee momo-asen do i boran kyu naa de genen nbara nbono so.

²² Ide faa mo, in gye genen. Wurubuaare agyebi mo a kya nyiile yee ilaa nyenyen giwora i kya nye olon anyamese pewu so. I ba genen de Wurubuaare o' kyu daa asa abono me kya ka gyan Yesu Kirisito so mo yee momo-asen do ne n boran. Genen ne Wurubuaare gi wolaa ka yela ne. Nyamese gikagyan so ne Wurubuaare laa kyu mo yee mo-gisen do i boran.

Nbara Mo Gi Kere Aye So Kaabore Kirisito Gi Ba

²³ Pei de anyamese me' loo ka gyan Yesu so mo, Wurubuaare nbara mo gi nmunde aye ne gi tii aye wora genen kaabore Yesu gi ba ne gikagyan gibono a laa ka gyan mo so mo gi' lii gewi.

²⁴ Imoso nbara mo gi wora fee nbii so okerebo, ne gi kere aye so kaabore Kirisito gi ba. Ne a san a kya ka gyan mo so de Wurubuaare o' kyu aye yee aye-asen do i boran.

²⁵ Ide kon ibono a nye ka gyan Yesu so faa, an baa a tiri obono o laa kere aye so mo.

Kirisito Gi Ba Faa, Fe Laa Nye Ilaa Ibono Wurubuaare Gi Ka Yela Mo

²⁶ Imoso feye-re Kirisito Yesu ginyamese kolon mo so mo, feye pewu fe san wora Wurubuaare mo-biana gesintin kyu naa de feye-gikagyan gibono fe ka gyan Yesu so mo.

²⁷ Ibono me gyere feye Wurubuaare sagyere ne feye-re Kirisito fe wora nyamese kolon mo, i yegge fe nye kyegge baa nye Kirisito gidebi feye-asen do.

²⁸ Wurubuaare menj kya kere yee Gyuda awura ne, Geriiki awura ne, abono me te awura ase mo de abono me te momo-gibaa so mo ne, abee

anyen ne, abɛɛ akyii ne. Mɔ ase mɔ, fɛye pɛwu fɛ gye nyamese kolon kyu lii fɛye-rɛ Kirisito Yesu ginyamese kolon mɔ so.

²⁹ Fɛye-rɛ Kirisito fɛ wɔra nyamese kolon faa, fɛye kee fɛ gye Aberaham mɔ-naanaana ne. Fɛ laa nye ilaa ibono Wurubuaare gi ka yela sa Aberaham mɔ-rɛ Kirisito ɔbono ɔ gye mɔ-ɔnaanabi mɔ.

4

Pei Ne Kirisito Gi Ba Mɔ, A Kyena Sa Gese Gere Itiibilaa Mɔ Fɛɛ Nbide

¹ Fɛɛ ɔko laa baa yii mɔ-se giyaa mɔ, owi ɔbono ɔ san ɔ gye gebii mɔ, mɔ-rɛ gebide mɔ, ɔko mɛɲ don mɔ-nanbo. Yege ɔ sɛɛ mɔ, mɔ ne nan gyi mɔ-se ato pɛwu.

² ɔɲ ti sɛɛ mɔ, ɔ bo asa abono me kya kere mɔ-rɛ mɔ-ato mɔ so sa mɔ kaabore ɔ' sɛɛ kpaɔ fo owi ɔbono mɔ-se gi yela sa mɔ mɔ.

³ Genen kee ne nkana aye a wɔra daa fɛɛ nbii Wurubuaare ɔson dɔ, ne a kyena sa gesinkpan so nbara de itiibilaa fɛɛ nbide.

⁴ Wurubuaare gelaare dɔ owi mɔ gi san baa fo mɔ, ɔ keda mɔ-bi sun gesinkpan so. Gesinkpan gedɛ so ɔkyii ne n koroge mɔ. Me koroge mɔ wɔra Gyuda awura nbara dɔ.

⁵ Wurubuaare gi sun mɔ-bi mɔ genen de aye abono nkana a kyena sa nbara mɔ, a' nye aye-nyoro lii nbara gekyena mɔ dɔ de a' kyena sa Wurubuaare de ɔ' san kyu aye yeɛ a gye mɔ-biana gesintin.

⁶ Ibono i kya lɛɛ nyiile aye yeɛ a ti bingiri mɔ-biana gesintin mɔ ne n gye yeɛ Wurubuaare gi kyu mɔ-bi mɔ-Oduduu mɔ wɔra aye-asen dɔ ne ɔ kya yege a kya taale tere Wurubuaare yeɛ, "N-se, n-se!" mɔ.

⁷ Imɔso i nye ba fo ɔko gisen dɔ genen mɔ, foɲ baa fo gye gebide sa Wurubuaare. Fo bingiri Wurubuaare mɔ-bi gesintin. Ne fo ti nye fo gye Wurubuaare mɔ-bi genen mɔ, ɔ laa yege fo' nye ilaa ibono ɔ ka yela sa mɔ-biana mɔ.

Pɔɔlo Kya Nyiile Galati Awura Nfono Me Fue Mɔ

⁸ Owi ɔbono feɲ ti nye bii fɛye-rɛ Wurubuaare gese de gibi mɔ, fe son ikpere, yege iɲ kaabore fe' son imɔ, ne fe wɔra nbide sa imɔ.

⁹ Ide kon fe nye bii fɛye-rɛ Wurubuaare gese de gibi faa (abɛɛ n' lɔrɔ tɔge yeɛ Wurubuaare ne n bii fɛye-rɛ mɔ gese de gibi faa mɔ), nbara de itiibilaa ibono iɲ bo ilaa dɔ ne i maɲ taale wɔra sei sa fɛye mɔ, fe laa kii kyu fɛye-nyoro too imɔ so? Imɔso fe kya laare de fe' kii wɔra nbide sa genen ilaa ibonoana?

¹⁰ Fe kyu too fɛye-nyoro so yeɛ fe laa wɔra geke kyoolase itiibilaa, ibose itiibilaa de gesi pobɔrɔ de agyudɔ pobɔrɔ de nke bele-bele mɔ itiibilaa.

¹¹ N kya nu fɛye so yeɛ fo kya wɔra itiibilaa kpei-kpei genen mɔ, i kya wɔra me gifuu yeɛ foɲbii mɔ, genɔɔbono ne keda me-nyoro tɔge Wurubuaare agyebi mɔ sa fɛye mɔ, ne wɔra imɔ too nkyu dɔ giyan ne.

¹² Imɔso me-nanboana Yesu asonbo, n de fɛye gisere, fe' wɔra aniya de fe' wɔra fɛɛ me. Feɲ sa fe' ka gyan itiibilaa so. I lii fɛɛ owi ɔbono n bo fɛye ase nno mɔ, me kee ne wɔra fɛɛ fɛye. Ne fe mɛɲ wɔra me ilaa nyenyɛn iko.

¹³ Fɛɛ genɔɔbono fe nyi mɔ, me-gilɔ so ne ne kpe fɛye ase gigyangbarase mɔ, ne ne nye lɛɛ Yesu ɔkalan konkonse mɔ tɔge sa fɛye.

¹⁴ Ne kpe genen mɔ, fe mɛɲ da me ikyɔɔ, ne fe mɛɲ lɛɛ ansi taa me yege. Fe yiyeɛ me so owi ɔbono n kya lɔ mɔ. Fe kere me so de ɔkon fɛɛ n gye daa Wurubuaare dɔ ɔsɔɔ abɛɛ n gye daa Kirisito Yesu gbaa.

15 Iɗe kon feye-ɔsakon ɔbono gi kyon fone daa? Me gbaa-gbaa n nyi feye so yee genen owi ɔbono do mo nkana fe laa taale lee feye-ilaa kamaase sa me, ba-a feye-ansibi gbaa.

16 Imoso gesintin gebono n kpe mi-i toge mi-i sa feye so mo, ne san bingiri feye-ɔkyobo?

17 Genen asa abono me kya toge feye ɔkalan banban mo bere, me kya laare feye-ilaa faa mo, in taa gye ilaa dense iko so. Me kya laare daa de me' nye tee feye lii me ase de me' nye de fe' laare momo-ilaa.

18 Fee ilaa dense so ne oko kya laare feye-ilaa mo, imo ibono i laa kpaafeye owi kamaase. Me kee n kya laare feye-ilaa. In gye owi ɔbono n bo feye ase mo wole.

19 Me-biana, ne wolaa wu olaa feye so, ne n' kii n kya wu olaa feye so fee genɔbono gedun ge kya tu ɔkyii mo. Nan wu olaa feye so genen kaabore Yesu Kirisito gidebi gi' lii gewi feye do.

20 I bo me ɔbole fee nkana n' nye n bo feye ase de n' nye bii getonge gebono nan tonge sa feye mo. Feye-ilaa i bo me-gisen do genonko genonko daa.

Haga De Sara Ilaa

21 Feye abono fe kya laare de fe' kyena sa Gyuda awura nbara mo, fe nyi yee fe kya gyi nbara mo so ne? Fe' nu genɔbono nan baa lee nmo gese sa feye mo.

22 Me nmarase Gyuda awura nbara mo do yee Gyuda awura momo-naana gyangbarase Abraham gi koroge anyen anyo. Oko mo-nyi gye Abraham mo-ka obolonbu. Oko mo mo-nyi gye Abraham mo-ka yese.

23 I kii koso mo, mo-ka mo obolonbu mo gi nye oto koroge sa mo fee genɔbono anyamese me kya nye ito koroge mo. Mo-ka yese mo bere gi nye oto koroge sa mo mo, i gye daa Wurubuaare ilaa worase. Wurubuaare gi ka yela sa mo yee o laa nye gebii, yee o gye olabanbo.

24 Genen akyii anyo ade ilaa i gye daa fee gikpale sa aye anyamese. Akyii mo me yele me sa genɔ dedaa de genɔ poboro gebono Wurubuaare gi yee mo-re anyamese me wora de me' kyu kyena de abara mo. Genɔ dedaa ne n gye Wurubuaare nbara nbono o kyu sa anyamese Saanayi gibii mo so mo. Genen genɔ gebono ge de fee Abraham mo-ka obolonbu mo. O kya koroge nbii nbono me te sa ako mo. Me kya tere mo yee Haga.

25 Saanayi gibii mo gi bo daa Arabiya gesinkpan so. A kya nu yee Haga ginyen gi gyan genen gesinkpan gebono so. Haga kee yele o sa Gyerusalem, Gyuda awura ɔsowole gemu ɔbono o bo no nde faa. I kya nyiile yee Gyerusalem ɔbono mo-re mo-asa pewu me te sa daa ako.

26 Wurubuaare do lee Gyerusalem ɔsowole mo bere men te o sa ako. O de daa fee Abraham mo-ka yese Sara. Aye abono a kya ka gyan Yesu so mo, Wurubuaare do lee ɔsowole baare de fee aye-nyi.

27 Fe' nyingi yee Sara ilaa onan i bo Wurubuaare agyebi do yee, "Fo ɔbono fon ti koroge mo, yee i' wora fo okon.

Fo ɔbono fon ti da oto mo, kpen de fo' wora olanba de okon.

I kya nyiile yee fo ɔbono fo-kuli gi koso taa fo yee mo,

fo laa kii baa nye nbii don ɔkyii ɔbono o bo onyen mo."

28 Imoso, me-nanboana Yesu asonbo, fe' bii yee aye abono a kya ka gyan Yesu so mo a de fee Sara mo-bi, Ayisiki, ɔbono Wurubuaare gi wolaa ka yela sa mo yee o laa nye mo.

²⁹ Aberaham mɔ-biana anyɔ mɔ dɔ mɔ, mɛ korogɛ ɔko genɔɔbono anyamese mɛ kya nye itɔ korogɛ mɔ. Ɔnyɔsɛ mɔ berɛ kyu lii Wurubuaare Oduduu mɔ so ne mɛ korogɛ mɔ. Nɔbii nnyɔ ndɛ aberɛ dɔ mɔ, anyamese ɔdun dɔ lɛɛ gebii mɔ gɛ kyo Wurubuaare Oduduu dɔ lɛɛ gebii mɔ. Genen gekyo gebono ɔnan ne n dɛ baa lii de ndɛ' kee faa. Abono mɛ kya ka gyan nbara gigyɔ so mɔ mɛ kya kyo aye abono a kya ka gyan Yesu Kirisito so mɔ.

³⁰ Mene ne Wurubuaare agyɛbi mɔ a kya nyiile aye kyu lii nɔbii nnyɔ ndɛ so? A kya nyiile aye yɛɛ Wurubuaare gi tɔgɛ Aberaham yɛɛ,

“Gya fo-ka obolonbu mɔ mɔ-rɛ mɔ-bi mɔ lii fo-gɛten dɔ.

Genen fo-bi ɔbono maŋ nye gyi fo-atɔ.

Fo-ka yɛsɛ mɔ mɔ-bi mɔ ne nan gyi fo-atɔ.”

Imɔso lii agyɛbi adɛ dɔ mɔ, a bii yɛɛ fɛɛ genɔɔbono Haga mɔ-bi mɛŋ nye gyi Aberaham atɔ mɔ, genen kee ne abono mɛ kya ka gyan nbara mɔ so mɔ mɛ maŋ nye kyena Wurubuaare ase ne.

³¹ Aye abono a kya ka gyan Yesu so mɔ berɛ, a kya nye Wurubuaare ase gekyena. Imɔso me-nanboana Yesu asonbo, a mɛŋ dɛ fɛɛ Aberaham mɔ-ka obolonbu mɔ mɔ-biana. A dɛ daa fɛɛ Aberaham mɔ-ka yɛsɛ mɔ mɔ-biana.

5

Yesu Gi Yɛgɛ A Nye Aye-Nyoro

¹ Kirisito gi laare yɛɛ aye abono a kya ka gyan mɔ so mɔ a' nye aye-nyoro lii ɔfɛ dɔ. I kya nyiile yɛɛ mɔ so ne Wurubuaare gi kyu aye yɛɛ aye-asen dɔ i boran. Imɔso fe' yelɛ fɛyɛ-ayaa so girin. Fɛŋ sa fe' yɛgɛ itiibilaa de nbara mɔ i' kii ŋminde fɛyɛ.

² Fe' nu dandan. Me, Pɔɔlo n kya buu mi-i sa fɛyɛ yɛɛ fe yɛgɛ mɛ' ten fɛyɛ-awɔrɛ Gyuda awura itiibilaa ɔkpa so yɛɛ imɔ ne nan mɔlɛgɛ fɛyɛ mɔ, Kirisito maŋ baa mɔlɛgɛ fɛyɛ.

³ N kii mi-i tɔgɛ fɛyɛ ɔkamaase yɛɛ fo ɔbono fo yɛgɛ mɛ' ten fo-giwɔrɛ Gyuda awura itiibilaa ɔkpa so mɔ, fo-rɛ Gyuda awura nbara de itiibilaa mɔ pɛwu ne kpɛɛ'ɛ.

⁴ Fo ɔbono fo kya laare fɛɛ Wurubuaare o' kyu fo yɛɛ fo-gisen dɔ i boran kyu naa de fɛyɛ-nbara gigyɔ so mɔ, fo-rɛ Kirisito nsana i tɛɛ ne. Fo lɛɛ fo-nyoro lii Wurubuaare gitolon gibono ɔ kya kyu mɔlɛgɛ asa mɔ dɔ ne.

⁵ Aye berɛ, Wurubuaare Oduduu kya kpaa aye ne aye-ansi a kpɛ a gyan yɛɛ aye-asen dɔ i laa wɔra ɔdan sa Wurubuaare kpaa logɛ. A nyi ibono i laa ba genen sa aye kyu naa de gikagyan gibono a kya ka gyan Kirisito so mɔ.

⁶ I lii fɛɛ aye abono aye-rɛ Kirisito Yesu a gye nyamese kolon mɔ, a nyi yɛɛ giwɔrɛ giten de gimaaten mɔ, imɔ iko-rɛ iko i mɛŋ taa tiri. Ilaa kolon ibono i kpɛ i tiri mɔ ne n gye yɛɛ fo nyamese fo' ka gyan Yesu so de fo-gikagyan gibono gi' lii gɛwi naa de fo-gelaare' gebono fo bo sa Wurubuaare de fo-nanbo nyamese mɔ so.

⁷ Nkana fɛ ti fɛ dɛ fɛyɛ-gikagyan dɔ kanpɛ. Anɛana ne n baa kpadeɛ fɛyɛ ne fɛŋ baa fɛ kya buu gesintin mɔ ɔkpa mɔ daa?

⁸ Genen gɛwɔnsa gedɛ gɛŋ kya lii Wurubuaare ase. Wurubuaare berɛ kya tɔgɛ fɛyɛ yɛɛ fe' kɛda gesintin ɔkpa mɔ dɔ.

⁹ Fe' kere dandan. Ilaa nyenyɛn pi-i i kya nyida ilaa gikyɔ. I dɛ daa fɛɛ genɔɔbono bodobodo gɛlin pi-i gi kya yɛgɛ bodobodo kya ŋan dii mɔ.

10 Ne taa tɔgɛ genen faa mɔ, Wura Yesu so mɔ, n nyi me-gisen dɔ yɛɛ fɛ maɲ taa sɔɔ ilaa banban iko gyi. Abono mɛ kya kpadɛɛ fɛye-nwɔnsa mɔ, ba-a anyamesɛ gbaa'gbaa ne mɛ gye mɔ, Wurubuaarɛ laa biidɛ mɔmɔ-giso.

11 Me-nanboana Yesu asonbo, me berɛ, meɲ kya nyiile asa yɛɛ awɔrɛ giten nbara i tiri sa Wurubuaarɛ. Nkana genen ne n' dɛ mɔ, naafo Gyuda awura mɛ maɲ ka me-ansi. Naafo n san n dɛ awɔrɛ giten nbara mɔ, nkana genɔɔbono n kpɛ n dɛ yɛɛ Yesu oyii so lɛwu mɔ wole ne n kpɛ i tiri mɔ, nkana i maɲ baa loo asa.

12 Asa abono mɛ kya kpadɛɛ fɛye-nwɔnsa mɔ genen mɔ, mɛ nyi yɛɛ awɔrɛ giten i gye ilaa dense sa ɔmɔ mɔ, mɛ maa tɛsɛ lɛɛ mɔmɔ-awɔrɛbi kee?

13 Me-nanboana Yesu asonbo, fɛye berɛ, Wurubuaarɛ gi tɔgɛ fɛye yɛɛ fɛ' kyu fɛye-nyoro too Yesu so de fɛ' nyɛ fɛye-nyoro lii nbara de itiibilaa gigyi so. Ibono fɛ nyɛ fɛye-nyoro genen faa mɔ, fɛ maɲ sa fɛ' kyu imɔ yɛɛ ɔkpa gi bugi sa fɛye de fɛ' wɔra ilaa ibono fɛye anyamesɛ-lɛɛ gidebi mɔ i kya laarɛ mɔ. Fɛ' kyu gɛsalaarɛ kyu son abara.

14 I lii fɛɛ Wurubuaarɛ nbara nbono ɔ yela pɛwu mɔ gi kya baa yii daa de nbara kolon yɛɛ, "Laarɛ fo-nanbo fɛɛ fo-nyoro mɔ."

15 Ne fɛye mɔ, fɛye yɛɛ fɛ laa dun daa abara de fɛ' kyadɛ abara fɛɛ ndonbue berɛ mɔ, fɛɲ kerɛ dandan mɔ, fɛ laa nyida daa abara de fɛye-ikyenaten Wurubuaarɛ asɛ i' lii fɛye-abaa.

Anyamesɛ Gidebi Mɔ Ilaa Wɔrase

16 Imɔso ilaa ibono n kpɛ n dɛ mɔ ne n gye yɛɛ fɛ' kyena fɛɛ genɔɔbono Wurubuaarɛ Oduduu mɔ kya nyiile fɛye mɔ. Fɛ wɔra genen mɔ, fɛ maɲ wɔra ilaa ibono fɛye-anyamesɛ-lɛɛ gidebi mɔ i kya laarɛ mɔ.

17 I lii fɛɛ anyamesɛ-lɛɛ gidebi mɔ i kya laarɛ yɛɛ i' tii Wurubuaarɛ Oduduu mɔ ɔkpa. Wurubuaarɛ Oduduu mɔ mɔ kya laarɛ yɛɛ o' tii aye-anyamesɛ-lɛɛ gidebi mɔ ɔkpa. Genen ilaa inyɔ idɛ in kya dabɔle abara dɔ de i' kyena. Genen so mɔ, a maɲ kya nyɛ wɔra ilaa ibono a kya laarɛ mɔ.

18 Fɛɛ Wurubuaarɛ Oduduu mɔ ne n gyangbara sa fɛye mɔ, in baa i gye Wurubuaarɛ nbara mɔ ne fɛ tɛ sa.

19 Ilaa nyenyɛn ibono ɔnan aye-anyamesɛ-lɛɛ gidebi i kya yɛgɛ a kya wɔra mɔ in bo sen de nyamesɛ o' wu imɔ bii. Imɔ iko ne n gye yɛɛ nyamesɛ kya laarɛ agyibara. ɔ kya wɔra ilaayan. ɔ kya wɔra ilaa kankaran.

20 ɔ kya son ikperɛ. ɔ kya sɔɔ afɛ. ɔ kya kyo asa. ɔ kya laarɛ laatɔngɛ. ɔ kya wɔra onsipara. ɔ bo ginyadon foro-foro. Mɔ-rɛ asa mɛ kya kyena gikoso gegyanbue gekyena. Mɔ-rɛ ako mɛ kya wɔra genɔ ako so. ɔ kya lɛɛ ako laarɛ taa ako yɛgɛ.

21 Asa ilaa i bo mɔ gelaaloo. ɔ kya nun nta gɛɛle nyoro. Ne ɔ kya wɔra ibon. Anyamesɛ-lɛɛ gidebi i kya yɛgɛ asa mɛ' wɔra ilaa nyenyɛn banban kee. Fɛɛ genɔɔbono nɛ tɔgɛ fɛye baa kyon mɔ, n kya kii mi-i tɔgɛ mi-i sa fɛye ne-o: fo ɔbono fo yɛɛ imɔ idɛana ne fo laa wɔra mɔ, fo maɲ nyɛ kyena Wurubuaarɛ asɛ mɔ-gɛwuragyi mɔ dɔ.

Wurubuaarɛ Oduduu Mɔ Ilaa Wɔrase

22 Ilaa ibono Wurubuaarɛ Oduduu mɔ kya yɛgɛ asa mɛ' wɔra mɔ in de fɛɛ ilaa nyenyɛn idɛana. Wurubuaarɛ Oduduu mɔ kya yɛgɛ daa asa mɛ' nyɛ gelaarɛ' mɔmɔ-asen dɔ. ɔ kya sa ɔkon de gisen yuuli. ɔ kya yɛgɛ asa mɛ' nyɛ gisen, ɔ kya yɛgɛ mɛ' wɔra ilaa ibono i kya yuuli asa asen mɔ, mɛ' wɔra gidense, mɛ' gyi gɛsintin sa asa,

²³ me' buu asa, de me' taale mamo-nyoro. Nengyene asa me kya wora genen ilaa ideana mo, in bo nbara nko gi laa bun mamo gipuee.

²⁴ Abono me gye Kirisito Yesu-lee asa gesintin mo, me kine mamo-anyamese-lee gidebi mo imo-re imo-ilaa laarese de imo-ilaa diilese pewu. I wora fee me kyu mamo-gidebi gibono kyu da ananbi mada de oyii mo ne.

²⁵ Aye abono a kya ka gyan Yesu so mo, a ti nye Wurubuaare Oduduu mo ti o te aye-asen do faa mo, a' tesse naa fee genobono Wurubuaare Oduduu mo kya nyiile aye mo.

²⁶ A men sa a' nyiile aye-nyoro abee a' kyena gikoso gegyanbue gekyena abee a' yegge oko ilaa i' wora aye gelaaloo.

6

Fe' Soa Abara Nsola Sola

¹ Me-nanboana Yesu asonbo, nengyene fe wu yee feye do oko kya wora ilaa nyenyen iko mo, feye abono fe kya nu Wurubuaare Oduduu mo ase feye-gekyena do mo, fe' kyu buubuu kyu buuele genen kaase mo de o' lii imo do. Fe' kere feye-nyoro so de i men sa i' penefeye kee kpaaloo ilaa nyenyen do.

² Fe' soa abara nsola sola. Fe wora genen mo, fe laa nye gyi Kirisito-lee nbara so.

³ Nengyene oko kya buu mo-nyoro yee o don asa sense yegge on kii don omo mo, o kya ten mo-nyoro geno daa.

⁴ Feye bere feye okamaase o' kpe nu daa de mo gbaa-gbaa lee ilaa worase de o' kere yee i boran abee in boran. Fe kya wora genen mo, feye gbaa-gbaa ilaa worase so ne fe laa nye nyiile feye-nyoro. In gye oko-lee ilaa worase so.

⁵ Okamaase o' nu de mo-lee gidebi. I lii fee okamaase mo-re mo-lee gesola.

⁶ Nengyene oko kya nyiile fo oko Wurubuaare agyebi mo, fo kee kyu ilaa dense ibono fo bo mo kyu kpaaloo mo.

⁷ Fen sa fe' penefeye-nyoro. Fo oko fo man taale penefeye Wurubuaare. Ilaa ibono fo duu mo, imo kee ne nan koroo.

⁸ Fee fo anyamese-lee obole gelaare ne fo yee fo laa wora mo, kyu lii fo anyamese gidebi mo so ne fo-ilaa i laa nyida wora fo. Ne fo obono mo fo kya wora daa Wurubuaare Oduduu mo gelaare mo, kyu lii Wurubuaare Oduduu mo kee so ne fo laa nye okyenaten Wurubuaare ase gekpaaloo.

⁹ Idense giwora i men sa i' fii aye. Nengyene idense giwora in yoo aye-nyoro mo, owi oko laa baa ba ibono Wurubuaare laa yegge a' nye imo so nteela.

¹⁰ Imoso a nye okpa mo, a' wora gidense sa nyamese kamaase, titirigu mo, abono aye-re omo a gye Yesu Kirisito onon gikpen mo do asa mo.

Poolo Agyebi Laalaaloo

¹¹ Fe' kere agyebi kiirese abono me gbaa-gbaa n de me-gibaa n kya nmarase feye-owole mo laalaaloo mo.

¹² Asa abono me kya laare yee mamo-ilaa i' wora anyamese obole ansi so wole mo ne nan nyise feye yee fe' ten awore Gyuda awura itiibilaa okpa so pei de fe' nye loo Yesu onon mo do. Genen asa abono me sele Gyuda awura gifuu daa. Me nyi yee nengyene me ka gyan Yesu Kirisito lewu obono o

wu' sa aye oyii mɔ so taa mɔmɔ Gyuda awura itiibilaa mɔ yɛgɛ mɔ, Gyuda awura mɛ laa naa ka mɔmɔ-ansi.

¹³ Mɔmɔ abono yɛɛ fɛ' ten awɔrɛ de fɛ' wɔra Gyuda awura itiibilaa pɛwu mɔ gbaa mɛ mɛŋ kya taa wɔra imɔ kpaa logɛ. Yɛgɛ mɛ kya laarɛ fɛ' ten awɔrɛ ansi so de mɛ' nyɛ diirɛ mɔmɔ-nyoro yɛɛ fɛ kyule wɔra mɔmɔ-itiibilaa daa.

¹⁴ Me berɛ, Wurubuaarɛ ɔ' kpare fuɛ! Nan taa diirɛ me-nyoro gbaa mɔ, i' wɔra daa aye-Wura Yesu Kirisito lɛwu ɔbono o wu' sa aye oyii so mɔ wole so ne n' diirɛ me-nyoro. Wura Yesu Kirisito lɛwu baarɛ so mɔ, gɛsinkpan so ilaa ibono i tiri sa mɔmɔ abono mɛŋ kya sɔɔ Wurubuaarɛ gyi mɔ, i mɛŋ baa i tiri me. Ne ilaa ibono i tiri me nperɛ faa kee, i mɛŋ tiri ɔmɔ.

¹⁵ I lii fɛɛ awɔrɛ giten de gimaaten itiibilaa mɔ, imɔ iko-rɛ iko i mɛŋ taa tiri. Ilaa kolon ibono i kpɛ i tiri mɔ ne n gye ibono fo nyamesɛ fo laa kyɛɛgɛ lii ilaa nyenyɛn giwɔra dɔ de fo' wɔra nyamesɛ pobɔrɔ fo-gekyena dɔ mɔ.

¹⁶ Asa abono mɛ kya kyule yɛɛ gɛnen ilaa kolon idɛ ne n tiri mɔ, Wurubuaarɛ gisen yuuli de mɔ-gitolon gi gye mɔmɔ pɛwu-lɛɛ. Mɔmɔ ne n gye Isirale awura abɛɛ Wurubuaarɛ asonbo gɛsintin.

¹⁷ Kyu lii ndɛ' kyu i kya kpe mɔ, ɔko-rɛ ɔko ɔŋ' baa nyida me-ginyɛn. N kya wɔra Yesu gɛsun mɔ so mɔ, nɛ wu ɔlaawusɛ. Apan abono a tɛ me-nyoro so faa ne n kya lɛɛ nyiile yɛɛ n gye Yesu ɔsɔɔ gɛsintin.

¹⁸ Me-nanboana Yesu asonbo, aye-Wura Yesu Kirisito ɔ' sa fɛye so gɛwɔnsa dɛnsɛ de fɛye-oduduu dɔ ilaa i' wɔra ɔdan sa fɛye. I' ba gɛnen.

Pɔɔlo ɔwole ɔbono ɔ Nɔmarase Bunge Efiso Awura Mɔ

1 Me Pɔɔlo ɔbono n gye Kirisito Yesu ɔsɔɔ kyu naa de Wurubuaare gelaare so mɔ ne n kya nɔmarase ɔwole baare. N kya nɔmarase mi-i sa fɛye abono Wurubuaare gi lɔrɔ fɛye yela sa mɔ-nyoro ne fɛ de Kirisito Yesu gesara dɔ Efiso ɔsowole so mɔ.

2 Aye-se Wurubuaare de aye-Wura Yesu Kirisito me' sa fɛye so gɛwɔnsa dense de me' sa fɛye gisen yuuli.

Wurubuaare Gi Kyu Oduduu Dɔ Ayuule Kamaase Kyu Sa Aye

3 Ayenbi a gye Wurubuaare-leɛ. Mɔ ne n gye aye-Wura Yesu Kirisito mɔ-se! Aye-re Kirisito ginyamase kolon so mɔ, Wurubuaare gi yuule aye. O kyu oduduu dɔ ayuule kamaase abono a bo Wurubuaare dɔ mɔ kyu yuule aye Kirisito asonbo mɔ.

4 I kya nyiile yɛɛ pei de Wurubuaare ɔ' leɛ soso de gɛse mɔ, kyu naa de aye-re Kirisito ginyamase kolon so mɔ, ɔ leɛ gibaa yii aye yɛɛ a' wɔra gisen fufuli awura abono ɔ lɔrɔ aye yela sa mɔ-nyoro. Gelaare' gebono Wurubuaare bo sa aye so mɔ,

5 ɔ wolaa tɔge yela yɛɛ kyu naa de Yesu Kirisito so ne ɔ laa yɛge a' wɔra mɔ-biana gesintin. I bo Wurubuaare ɔbole ne i wolaa i bo mɔ-gɛwɔnsa dɔ yɛɛ a' wɔra mɔ-biana.

6 Wurubuaare gɛwɔnsa dense gebono ɔ kya sa aye so genen mɔ ge kya kyu nyisigyi bele bara mɔ. I kya yɛge asa me' yen mɔ. Aye-re Yesu, Wurubuaare mɔ-bi laarese mɔ, a wɔra nyamase kolon so ne i yɛge Wurubuaare gi bugi mɔ-gisen wɔra ilaa ide pɛwu sa aye genen.

7 Aye-re Yesu ginyamase kolon mɔ so mɔ, a nye aye-nyoro lii ilaa nyenyɛn giwɔra dɔ ne a san a tɛ sa Wurubuaare. Kyu lii Yesu asunbi lewu ɔbono o wu' kyɛge mɔ-nkalan fɛɛ sa aye mɔ so ne Wurubuaare gi mɔleɛge aye genen. Mɔ-gɛwɔnsa dense gebono ɔ sa aye so mɔ, o kyu aye-ilaa nyenyɛn ibono a wɔra mɔ kyu kyɛɛ aye, yɛge nkana aɲ kaabore ɔ' wɔra genen sa aye ba-a pi-i.

8 Wurubuaare gi tansi bugi mɔ-gisen sa aye. ɔ tansi o nyi olaako ne ɔ kya bii wɔra ilaa ɔkpa kamaase so.

9 ɔ wolaa o nyi yɛɛ ɔ laa wɔra ilaa bele naa de Kirisito so. I wolaa i bo mɔ-gɛwɔnsa dɔ genen, ne o kyu imɔ nɔra. Ide kon ɔ san leɛ imɔ-gewi nyiile aye.

10 Owi mɔ gi fo mɔ, ɔ laa yɛge mɔ-gɛwɔnsa gebono ge' ba gesintin. ɔ laa yɛge ilaa ibono ɔ leɛ soso de gɛse mɔ pɛwu i laa kyena genɔ kolon de i' bara imɔ-nyoro gɛse sa Kirisito.

11 Kyu lii aye-re Kirisito ginyamase kolon so mɔ, Wurubuaare gi tɔɔse aye leɛ yɛɛ a' son mɔ. ɔ wolaa tɔge yela yɛɛ i laa ba genen. In gye imɔ wole ne Wurubuaare gi tɔge yela. Ilaa kamaase ibono i kya ba mɔ, ɔ kya yɛge i' ba daa genɔɔbono i laa nye kyena de mɔ-gɛwɔnsa gebono ɔ wolaa ɔ de mɔ.

12 Aye Gyuda awura ne n gye asa abono a daa gikyu aye-ansi gyan Kirisito so yɛɛ mɔ ne nan mɔleɛge aye. ɔ wolaa leɛ gibaa yii aye yɛɛ naa de aye so mɔ, asa me laa wu mɔ-nyisigyi de me' yen mɔ.

13 Fɛye abono fɛ mɛn gye Gyuda awura ne fɛ mɛn wolaa bii Wurubuaare ɔson mɔ, fɛye kee fɛ nye nu gesintin agyɛbi mɔ. Genen gesintin agyɛbi mɔ

ne n gye okalan konkonse obono fe nu ne fe nye Wurubuaare ase gekyena onan faa. Feye-re Kirisito ginyamese kolon mo so mo, owi obono fe so okalan mo gyi mo, Wurubuaare gi kyu mo-Oduduu mo wora feye do fee gencobono o wolaa ka yela mo ne i wora fee o daase feye.

¹⁴ Ibono o kyu mo-Oduduu mo sa aye mo, i kya nyiile aye yee o laa sa aye ilaa dense ibono pewu o toge yela yee o laa sa mo-biana gbaa-gbaa mo. Aye-re Wurubuaare Oduduu mo a laa kyena kaabore Wurubuaare o' baa lee aye lii ilaa nyenyen kamaase do de a' san kyena sa mo Wurubuaare wole. Imo ide pewu i laa yege asa me' wu Wurubuaare nyisigy de me' yen mo.

Pɔɔlo Gi Dalaa Sa Yesu Asonbo Abono Me Bo Efiso Mo

¹⁵ Ne nu feye Efiso awura so yee fe kya ka gyan aye-Wura Yesu so. Ne ne nu kee yee fe kya laare asa abono pewu Wurubuaare gi loro omo yela sa mo-nyoro mo ilaa. Imoso

¹⁶ men kya taa Wurubuaare afaala yege. N kpe n kya nyingi feye so me-ndalaa do.

¹⁷ Aye-Wura Yesu Kirisito mo-se Wurubuaare gye Nyisigy Gemu. N kya dalaa yee o' sa feye olaako ginyi de o' lee mo-ilaa gewi nyiile feye de fe' bii mo-gidebi.

¹⁸ Wurubuaare o' bugi feye-ansi de o' yege fe' bii ilaa ibono so o toge feye yee fe' kyu feye-nyoro sa mo mo de fe' kyu feye-ansi gyan imo so. Imo ne n gye mo-nyisigy ilaa gbaa'gbaa ibono o kya kyu sa abono o loro yela sa mo-nyoro mo.

¹⁹ Aye pewu abono a kya ka gyan Yesu so mo, Wurubuaare kya kyu mo-olon bele obono on bo okara mo wora gesun aye-asen do. N kya dalaa yee Wurubuaare o' yege fe' bii genen olon obono. Olon obono kee ne

²⁰ o kyu kyingi Kirisito lii ibuni do mo. Genen olon mo kee gi puru Kirisito kpe soso kpa a sa mo okyenaten Wurubuaare gibaa gyise so, mo-re mo me san me kya gyi gewura.

²¹ Kirisito gi don ilaa sense pewu gbaa bun, fee awura, abelense, olon kamaase, de ilaa ibonoana pewu i kya nye olon anyamese so mo. Ilaa kamaase ibono asa me kya saawo tere yee i' kpa a omo mo, Kirisito ne n don imo pewu. In gye aye-gesinkpan so gekyena gede do wole; gekyena gebono ge laa baa ba geakaako mo do kee.

²² Wurubuaare gi yege ilaa kamaase i kya nmii daa Kirisito. Ne o yege Kirisito gi gyangbara ilaa kamaase do sa mo-asonbo gikpen mo.

²³ Kirisito asonbo gikpen mo gi de fee mo-nyoro. Mo Kirisito obono o bo ilaa kamaase do mo, o bo mo-asonbo gikpen mo do okpa kamaase so.

2

A Wora Fee Abono Me Kyingi Lii Ibuni Do Mo

¹ Pei de fe baa buu Kirisito mo, fe wora fee asa abono me wu' me naa mo. I lii fee genen owi obono mo, ilaa nyenyen de gisomaanu

² okpa ne fe buu. Fe nu daa de gesinkpan so gekyena do ilaa. Ilaa nyenyen pewu gemu mo okpa ne fe buu. Mo ne n gyangbara o sa ilaa nyenyen oduduu kpei-kpei ibono i bo afuu so mo. Mo-oduduu ne n kya wora gesun gisomaanu awura do.

³ Nkana aye pewu a bo genen gisomaanu asa abono do. Anyamese obole gelaare ilaa i gyi aye-amu. Ilaa ibono i bo aye okon aye-nyoro do de aye-nwonsa do mo wole ne a kpe a kya wora abere abono do. Imoso

Wurubuaare gi kyu ginyadon de aye. Genen kee ne nkana Wurubuaare de anyamese pewu ginyadon.

⁴ Wurubuaare bere, o tansi o gye otolonbo. Lii gelaare' bele gebono o bo sa anyamese so mo,

⁵ o sa aye mo ase gekyena onan. Aye-ilaa nyenyen i dabole nyida aye ne a wora fee asa abono me wu' mo, o lora aye, ne a san wora fee abono me kyingi lii ibuni do mo. I de daa fee aye-re Kirisito ne n wu' kyingi dabole. Fe nye Wurubuaare amolege faa mo, mo-gitolon de mo-gidense so ne fe nye amo genen.

⁶ Genobono i wora fee a wu' kyingi mo, genen kee ne aye-re Kirisito Yesu ginyamese kolon mo so mo, i wora fee Wurubuaare gi diire aye kpe soso dabole de Kirisito ne o sa aye okyenaten mo ase, ne i san wora fee a bo daa Wurubuaare do.

⁷ Wurubuaare gitolon bele gin bo okara. O kya laare o' lee mo-gitolon gide nyiile asa lii nperere kyu i kya kpe. Imoso ne o yege i wora fee o kosore aye dabole de Kirisito mo. O kya laare asa me' wu gelaare' gebono o kya laare aye-ilaa kyu lii aye-re Kirisito Yesu ginyamese kolon mo so mo.

⁸ Wurubuaare gitolon so ne o molege feye de fe' nye mo ase gekyena kyu naa de feye-gikagyan gibono fe kya ka gyan Kirisito so mo. I men lii feye-laawora so. I gye daa ilaa kyese ibono Wurubuaare gi kyu kyee feye,

⁹ de i men sa i' ba yee oko o' nyiile mo-nyoro yee mo-ilaa dense giwora so ne o nye okyenaten Wurubuaare ase.

¹⁰ I lii fee aye Kirisito asonbo mo, a gye daa Wurubuaare ilaa worase poboro. O kyu adawo kii lora poro aye kyu naa de aye-re Kirisito Yesu ginyamese kolon mo so. Wurubuaare gi lora poro aye de a' nye wora ilaa dense ibono i wolaa i bo mo-gewansa do ne o baala yela sa aye de a' nye wora imo mo.

A Bingiri Nyamese Kolon Kyu Naa De Kirisito Lewu So

¹¹ Fe' nyingi yee feye abono me koroge feye ne fen gye Gyuda awura mo, fen wolaa bii Wurubuaare onon. Imoso Gyuda awura mo me yela feye ginyen yee awore amaatenbo. Ne me kya toge yee momo bere, me gye daa awore atenbo abono me kya gyi Wurubuaare nbara so. Yege momo-awore giten mo gi gye daa ansi so ilaa ibono anyamese me kya kyu wora momo-geyuwole so mo giyan. Aye-re feye abono a kya son Yesu mo bere, gisen do ilaa ne n tiri aye.

¹² Fe' laa ansi kere gikyenabi gibono fe kyena baa kyon mo. Genen abere abono mo, fen ti bii Kirisito, ne feye-re Isirale awura abono me kya son Wurubuaare mo fen bo sei giwora. Geno gebono nkana Wurubuaare ge yege mo-re Isirale awura me wora de momo-re mo me' kyu kyena de abara mo, nkana ge gye feye gisafu. Abere abono mo, fe naa gesinkpan so mo, feye-ansi a men gyan Wurubuaare so yee mo ne n de feye o naa.

¹³ Nkana feye-re Wurubuaare nsana i wora geta. Ide kon bere, feye-re Kirisito Yesu ginyamese kolon so mo, Wurubuaare gi bugi ansi de feye kyu naa de Kirisito nkalan nbono o kyeege fue sa aye mo so.

¹⁴ Kirisito ne n bara aye gisen yuuli. Aye Gyuda awura de feye asense abono fen wolaa bii Wurubuaare onon mo, Kirisito ne n yege ne aye-re feye a baa wora nyamese kolon. O boori gekyo opore obono nkana o bo aye-re feye nsana mo bun.

¹⁵ Nkana aye Gyuda awura nbara bolonse de aye-ilaa kyose mo i barage aye-re feye nsana. Genen nbara de ilaa kyose ibono so ne Kirisito gi kyu

mɔ-nkpa fue de ɔ' nye lee giyaa kyise imɔ. Ɔ lee giyaa kyise imɔ de ɔ' kyu aye anyamese gikpen ginyɔ mɔ kyu dabole wɔra nyamese kolon. Ɔ kyu aye dabole genen daa kyu naa de aye-rɛ mɔ-ginyamese kolon mɔ so. Imɔso lii Kirisito so mɔ aye pewu a nye gisen yuuli.

¹⁶ Kirisito kya laare ɔ' lɔrɔ aye-anyamese gikpen ginyɔ pewu aye-rɛ Wurubuaare nsana. Ɔ lɔrɔ aye gikpen ginyɔ ne a wɔra nyamese kolon kyu naa de mɔ-lewu ɔbono ɔ wu' lewu oyii mɔ so mɔ. Nfono ne Kirisito gi yela aye-rɛ fɛye gɛkyo mɔ ɔkara.

¹⁷ Kirisito gi baa tɔge Wurubuaare gisen yuuli ilaa sa aye Gyuda awura abono a de Wurubuaare ɔson mɔ dɔ mɔ. Ne ɔ yege fɛye abono nkana Wurubuaare ɔson mɔ gye fɛye gisafo mɔ kee fe nu genen gisen yuuli gibono ilaa.

¹⁸ I lii fɛe Kirisito so mɔ, aye anyamese gikpen ginyɔ gide a kya nye ɔkpa bugi aye-gisen sa aye-se Wurubuaare kyu naa de mɔ-Oduduu kolon mɔ so.

Wurubuaare Ade Me De Fɛe Obu. Kirisito Ne N Gye Gese Ɔpɔre

¹⁹ Imɔso fɛye abono fe mɛn gye Gyuda awura mɔ, feɲ baa fe gye asafo Wurubuaare ɔson dɔ. Feɲ baa wɔra fɛe abono mɛ te ako gesinkpan so. Fe bingiri nten abi. Fe bo asa abono Wurubuaare gi lɔrɔ ɔmɔ yela sa mɔ-nyoro mɔ dɔ. Wurubuaare geten dɔ ade ne fe gye.

²⁰ Fɛye-rɛ Wurubuaare geten dɔ ade mɔ pewu fe de fɛe obu. Yesu isɔɔ mɔ de Wurubuaare ikalan atɔgebo mɔ, mɔ, mɛ de fɛe abui abono a gyan genen obu mɔ gese ɔpɔre mɔ so. Ne Kirisito Yesu gbaa-gbaa ne n gye obu mɔ gese ɔpɔre.

²¹ Yesu ne n de obu mɔ pewu ne obu mɔ gi kyaga gikolon ɔ yele ɔ kpe ɔ kya longɔ ɔ kya too. Genen obu baare laa baa wɔra Wurubuaare gbaa-gbaa lee ɔson obu kyu naa de Wura Yesu so.

²² Lii fɛye-rɛ Yesu ginyamese kolon mɔ so mɔ fɛye kee fe de fɛe Wurubuaare obu baare asodoo mɔ ako. Ɔ de fɛye ɔ kya pɔrɔ obu ɔbono de ɔ' kyena mɔ dɔ kyu naa de mɔ-Oduduu mɔ so.

3

Wurubuaare Gi Sun Me Fɛye Abono Feɲ Wolaa Bii Mɔ Mɔ Ase

¹ Imɔ ide so mɔ, fɛye abono feɲ wolaa bii Wurubuaare agyeɓi mɔ, fɛye-ɔdan giwɔra so ne me, Pɔɔlo n de Kirisito Yesu ɔkalan mɔ n naa. Genen so ne Yesu akɔyobo mɛ keda me tii de obu faa.

² Ne sɔɔ gyi yeɛ fe ti nu yeɛ Wurubuaare gi kyu mɔ-gesun gɛde wɔra me-abaa dɔ de fe' nye mɔ-amɔleɛ naa de me so.

³ Wurubuaare gi lee mɔ-ilaa boduduuse kyu lii Kirisito so nyiile me, fɛe mɔ gbaa-gbaa ne n tɔnge de me. (Ne ti tɔge imɔ so ilaa ɲmaraa me-ɔwole baare dɔ.)

⁴ Imɔso fe kale ɔwole mɔ mɔ, fe laa wu yeɛ ne nu Kirisito ilaa boduduuse mɔ gese.

⁵ Anyamese abono mɛ daa gikyena gesinkpan so yege mɔ, mɛ mɛn nye de Wurubuaare ɔ' lee Kirisito ilaa boduduuse ide nyiile ɔmɔ. Ide kon ne Wurubuaare Oduduu mɔ gi lee imɔ-gewi nyiile mɔ-ikalan atɔgebo de aye Yesu isɔɔ mɔ. Aye ne ɔ lɔrɔ yela sa mɔ-gesun mɔ.

⁶ Genen Kirisito ilaa boduduuse ibono ɔ nyiile aye mɔ ne n gye yeɛ: kyu naa de Kirisito Yesu ɔkalan konkonse mɔ so mɔ, fɛye abono feɲ wolaa bii Wurubuaare ɔson mɔ de aye Gyuda awura mɔ pewu a wɔra nyamese kolon. Imɔso aye-rɛ fɛye pewu a laa nye ilaa ibono Wurubuaare gi ka yela

yee ɔ laa sa abono me gye mo-biana mo. Aye pewu a kya nye ilaa ibono Wurubuaare gi wolaa ka yela kyu naa de Kirisito Yesu so mo.

⁷ Genen okalan konkonse baare gesun ne n baa wɔra me-gesun wɔrase. Wurubuaare gidense de mo-gelaare' so ne ɔ sa me ɔlon yee n' nye wɔra mo-gesun ɔwɔraho.

⁸ Aye abono pewu Wurubuaare gi lɔɔ yela sa mo-nyoro mo, nkana me ne meɲ fo sei. Me ɔde mo ne Wurubuaare gi wu yee ɔ laa kpaa de n' wɔra gesun bele gede. Gesun mo ilaa i gye daa Kirisito Oduduu do lee awurato ilaa ibono nyamese man taale bii kpaa loge. Ilaa gbaa' ide ne Wurubuaare gi yee n naa mi-i toge mi-i sa asa abono me meɲ wolaa bii mo-ɔson mo.

⁹ Wurubuaare yee n' yege de anyamese pewu me' bii ɔkpa ɔbono so me laa nye genen ilaa gbaa' ibono mo. Wurubuaare gewɔnsa gede ge gye ilaa boduduuse. Nkana lii ko-o gese de gese mo, soso de gese ɔleebo mo gi kyu mo-gewɔnsa gede kyu sii de mo-nyoro.

¹⁰ Ide kon bere, ɔ kya laare mo-ɔlaako ginyi bele gi' lii gewi. Kyu naa de aye Yesu asonbo gikpen mo so ne ɔ kya yege Wurubuaare do isoo de ilaa kamaase ibono i kya nye ɔlon anyamese so mo me' bii genen ɔlaako ginyi mo.

¹¹ Wurubuaare gi san lee mo-ɔlaako ginyi gewi genen mo, i kyena de mo-gewɔnsa gebono ɔ wolaa sa yela lii ko-o gese de gese mo. Ide kon ne ɔ yege ne i ba gesintin kyu naa de aye-Wura Kirisito Yesu so.

¹² Lii aye-re Yesu ginyamese kolon mo so mo, a nye ɔkpa de a' bugi aye-asen pewu sa Wurubuaare de a' ka gyan mo so. A nyi yee a bo ɔkpa genen kyu naa de gisoo gyi gibono a bo sa Yesu mo so.

¹³ Imoso n kya kole feye, fe meɲ sa fe' yege i' yoo feye-nyoro yee n tii de obu n kya wu ɔlaawuse feye so. Me-ɔlaawuse baare gye daa nyisigy sa feye.

Pɔɔlo Kya Dalaa ɔ Sa Abono Me Kya Kale ɔwole Baare Mo

¹⁴ N kya nyingi ilaa ibono aye-se Wurubuaare gi wɔra sa aye anyamese mo, n kya nmii yen mo.

¹⁵ Mo so ne a kya nye tere Wurubuaare do asa de gesinkpan so-lee asa pewu yee gesu kolon do asa faa.

¹⁶ N kya kole Wurubuaare yee genoo bono mo-nyisigy mo tansi ɔ kyo mo, ɔ' yege fe' nye ɔlon bele feye-asen do genen kee. ɔ' yege mo-Oduduu mo ɔ' kyena feye-asen do, fe kpe fe kya nye ɔlon kyu naa de mo so.

¹⁷ De feye-gikagyan gibono fe ka gyan Kirisito so mo gi' yege ɔ' kyena feye-asen do. N kya dalaa yee fe' kyu gelaare' kyu wɔra ilaa kamaase, de fe' wɔra fee oyii ɔbono mo-ilin i loo gese-gese ne ɔ yele girin mo.

¹⁸⁻¹⁹ N kya dalaa yee fe' keda feye-gelaare' do genen de fe' nye bii genoo bono Kirisito tansi ɔ kya laare feye-ilaa mo. N kya dalaa kee yee feye-re abono pewu Wurubuaare gi lɔɔ yela sa mo-nyoro mo fe' bii genoo bono Kirisito gesalaare ge nmange, ge longa, ge bo gisoro, ge bo kin, ne nyamese man taale bii gemo-ɔkara mo. Wurubuaare ɔ' yege mo-gidebi pewu gi' baa wɔra feye-lee.

²⁰ Aye-Wurubuaare baare kya kyu mo-ɔlon bele kyu wɔra gesun aye Yesu asonbo mo do. Genen ɔlon ɔbono ɔ bo mo so mo, in bo sen sa mo yee ɔ' wɔra ilaa sa aye de i' tansi don ibono a kya kole mo abee a kya sa imo gewɔnsa mo gbaa.

²¹ Kirisito Yesu mo-re mo-asonbo gikpen mo me' kpe me kya kyu nyisigy me kya sa Wurubuaare aye-abere abono a te faa de abere abono a laa baa ba mo kyu i kya kpe gekpaa-gekpa. I' ba genen.

4

Aye Yesu Asonbo A Gye Nyamese Kolon

¹ Imɔso me Pɔɔlo obono n kya son Wura Yesu ne mɔ-akyobo me keda me tii de obu faa, n kya kole fɛye: Wurubuaare gbaa-gbaa ne n tɔge fɛye yɛɛ fɛ' kyu fɛye-nyoro kyu sa mɔ. Imɔso fɛ' kyena akyenabi abono a kaabore genen mɔ.

² Fɛ' bara fɛye-nyoro gese kyu buubuu sa abara ɔkpa kamaase so. Fɛ' nye gisen de fɛ' kyu gesalaare tɔge kyule abara.

³ Fɛ kya ka gyan Yesu so faa mɔ, fɛ bo genɔ kolon kyu naa de Wurubuaare Oduduu mɔ so ne. Fɛ' pɛɛɛ ansi keda gemɔ dɔ. Gisen yuuli ne nan yɛge ne fɛ laa taale keda fɛye-genɔ kolon gebono dɔ.

⁴ Aye abono pɛwu a kya ka gyan Yesu so mɔ a gye gikolon fɛɛ nyamese nyoro gibi. Wurubuaare Oduduu kolon ne n bo no sa aye. Ne Wurubuaare gi tɔge aye pɛwu yɛɛ a' kyu aye-ansi gyan daa ilaa kolon so. Genen ilaa kolon ibono so ne Wurubuaare gi tɔge nyamese yɛɛ ɔ' kyena sa mɔ.

⁵ A bo wura kolon. Mɔ ne n gye Yesu. ɔkalan kolon ne a sɔɔ gyi, ne Wurubuaare sagyere kolon ne mɛ gyere aye.

⁶ Wurubuaare kolon ne a bo. Aye pɛwu aye-sɛ ne. Mɔ ne n bo aye pɛwu. ɔ kya wɔra ilaa kyu naa de aye abono a gye mɔ-asonbo mɔ pɛwu so, ne ɔ tɛ aye pɛwu asen dɔ.

Wurubuaare Gi Sa Aye Nsun Kpei-Kpei De A' Nye Lɔɔ Abara

⁷ Aye abono a kya son Kirisito mɔ a dabɔle a gye gikolon genen gbaa faa mɔ, Wurubuaare gi kyɛɛ aye ɔkamaase mɔ-rɛ mɔ-lɛɛ genɔobono ɔkara Kirisito gi kaala sa aye mɔ.

⁸ Ilaa kyɛɛɛ ide ilaa i wolaa i bo Wurubuaare agyebi dɔ yɛɛ,
 “Owi obono ɔ dii kpe soso mɔ,
 ɔ keda Wurubuaare akyobo gikpen bele tii,
 ne ɔ kyɛɛ mɔ-ade ilaa.”

⁹ Mɛ tɔge yɛɛ ɔko gi dii kpe soso genen mɔ, i kya nyiile yɛɛ genen kaase obono gi wolaa kpeleɛ ba gesinkpan gese gere kee ne.

¹⁰ Kirisito obono ɔ kpeleɛ lii Wurubuaare dɔ ba mɔ kee ne n kii dii kpe ko-o Wurubuaare dɔ genen. ɔ wɔra genen daa de ɔ' nye loo ilaa kamaase dɔ geten kamaase.

¹¹ Mɔ-ilaa kyɛɛɛ ibono ɔ sa mɔ-asonbo mɔ ne n gye nsun kpei-kpei. ɔ sa ako yɛɛ mɛ' wɔra mɔ-isɔɔ. Ako mɔ mɛ' wɔra mɔ-ikalan atogebo. Ako mɛ kya tɔge Kirisito ɔkalan konkonse mɔ sa asa. De ako, mɔ, mɛ' kere mɔ-asonbo mɔ so de ako, mɔ, mɛ' wɔra mɔ-agyebi mɔ anyiilebo.

¹² Genen nsun ndɛ ne Kirisito gi kyu sa aye abono ɔ lɔɔ aye yela sa mɔ-nyoro mɔ. ɔ sa aye ilaa kpei-kpei ide genen daa de ɔ' baala aye sa mɔ-gesun mɔ giwɔra de a' nye a kya kpaa mɔ-asonbo mɔ pɛwu de mɛ' sɛɛ mɔ-ɔson mɔ dɔ. Kirisito asonbo ade mɛ de fɛɛ mɔ gbaa-gbaa mɔ-nyoro. ɔ kya laare a' kyu aye-nsun wɔrase ndɛ kpaa abara

¹³ kaabore aye pɛwu a' nye genɔ kolon. Genen genɔ kolon gebono ge laa lii daa aye-gisɔgyi kolon mɔ dɔ, ne Kirisito, Wurubuaare mɔ-bi mɔ, kya kyu genɔ kolon mɔ sa aye abono a nyi mɔ mɔ. Kirisito kya laare a' kpaa abara kaabore a' ten ansi wɔra fɛɛ mɔ Kirisito-lɛɛ mɔ ɔnan kpaa logɛ.

¹⁴ I ba genen mɔ, a man baa wɔra fɛɛ nbii Wurubuaare ɔson mɔ dɔ. Abonon mɛ man baa nye kyu ikpa kpei-kpei de adawo kpei-kpei pene aye de a' sɔɔ mɔmɔ gyi. Mɛ man baa nye pene aye fɛɛ genɔobono afuu a kya da nkyu obon so gi kya kpe gi kya ba geten kamaase nfonon afuu mɔ a kya laare mɔ.

15 A' kyu daa gelaare' kyu tɔge Wurubuaare gesintin ilaa sa abara. A wɔra genen mɔ, a laa nye sɛɛ wɔra fɛɛ Kirisito-lɛɛ gidebi mɔ ɔkpa kamaase so. Mɔ ne n gye aye-gimu.

16 Imɔ gese ne n gye yɛɛ nyamese nyoro pɛwu gi bo daa gimu mɔ gese ne mɔ nkyaga-nkyaga pɛwu gi kya yɛge nyoro mɔ pɛwu gi' kyaga abara dɔ. Nengyene nyoro mɔ geten kamaase i bo alanfiya i kya wɔra gesun genen mɔ, nyoro mɔ gi laa sen genɔɔbono i kaabore mɔ. Genen kee ne i de ne. Kirisito ne n gye aye-gimu mɔ, i kya nyiile yɛɛ aye abono a gye mɔ-asonbo mɔ pɛwu a kya nu daa mɔ ase ne a bo abara dɔ. I ba genen mɔ, a laa kyu gelaare' a kpe a kya kpaabara de a' sɛɛ mɔ-ɔson mɔ dɔ.

Gekyena Dedaa De Gekyena Pobɔɔ

17 Imɔso n yele me-ayaa so n de Wura Yesu ginyen n kya ka mi-i sa feye yɛɛ fɛŋ' baa kii kyena fɛɛ asa abono me mɛŋ kya son Wurubuaare mɔ. Mɔmɔ abono bere, mɔmɔ-nwɔnsa giŋ kya kpaabara mɔmɔ de me' nu ilaa gese.

18 Wurubuaare ilaa i gye mɔmɔ-gibiri dɔ ilaa. Mɛŋ kya nye Wurubuaare ase gekyena ɔnan. I lii fɛɛ me bo gisoɔlon ne i yɛge me mɛŋ nyi sei kyu lii Wurubuaare ilaa so.

19 Mɛ mɛŋ baa me bo ipeeli. Mɛ wɔra mɔmɔ-nyoro fɛɛ idense de inyenyen iŋ tiri ɔmɔ, me san me kya wɔra ibono iŋ gye iwɔrase mɔ. Ilaa ibono i kya kyu ineesi bun nyamese mɔ ne n san gyi mɔmɔ-amu.

20 Feye bere, i mɛŋ gye mɔmɔ-lɛɛ mɔ ɔnan ne fe kase lii Kirisito ase.

21 N nyi yɛɛ fe nu Yesu Kirisito so, ne feye-rɛ mɔ fe wɔra nyamese kolon. N nyi yɛɛ me nyiile feye gesintin ilaa ibono i lii Yesu ase mɔ.

22 Imɔso fe' too feye-gidebi dedaa mɔ fɛɛ. Genen gidebi dedaa gibono ne n yɛge fe kyena akyenabi nyenyɛn. Ilaa ibono nkana i kya penɛ feye ne i kya gyi feye-amu mɔ i nyida feye genen abere abono dɔ mɔ ne fɛŋ taale wɔra idense.

23 Fɛ' yɛge Wurubuaare ɔ' lɔɔ feye-nwɔnsa.

24 Fɛ' kyu gidebi pobɔɔ gibono Wurubuaare gi sa feye mɔ kyu kyena. I lii fɛɛ Wurubuaare gi kii lɛɛ gidebi pobɔɔ sa feye fɛɛ mɔ gbaa-gbaa lɛɛ oyuduu. Gesintin gigyi, ilaa dense giwɔra, de gisen fufuli ilaa wole ne n bo gimɔ gibono dɔ.

Gekyena Pobɔɔ Nbara

25 Imɔso fɛŋ' baa penɛ abara. Fɛ' gyi gesintin sa abara. I lii fɛɛ aye Yesu asonbo pɛwu a gye daa nyamese kolon fɛɛ genɔɔbono nyamese nyoro nten kpeɪ-kpeɪ gi dabɔle wɔra nyoro kolon mɔ.

26 Nengyene fe sɔɔ ginyadon mɔ, fe mɛŋ sa fe' wɔra ilaa nyenyɛn. Fɛŋ sa fe' yɛge owi ɔ' tɔɔ yɛɛ fɛŋ ti lɛɛ ginyadon gibono lii feye-asen dɔ.

27 Fɛ mɛŋ sa fe' bugi ɔkpa feye-gekyena dɔ sa ilaa nyenyɛn pɛwu gemu mɔ de ɔ' nye feye.

28 ɔbono nkana ɔ gye oyu mɔ, ɔ' taa gɛyu yɛge. ɔ' wɔra gesun kyu nye mɔ-ilaa tirise gesintin ɔkpa so, de ɔ' nye kpaabara ayenbo kee.

29 Fɛŋ sa fe' yɛge agyebi nyenyɛn a' lii feye nno dɔ. Fɛ' tɔge daa agyebi abono a laa lɔɔ asa ne i tiri amɔ abere tɔgesɛ dɔ mɔ wole de i' nye kpaabara asa abono me kya nu feye ase mɔ.

30 Wurubuaare Oduduu mɔ gye gisen fufuli wura. Fɛ mɛŋ sa fe' wɔra ilaa ibono i laa loo mɔ mɔ. Mɔ-Oduduu baare ne o kyu wɔra feye-asen dɔ de i' daase feye yɛɛ Wurubuaare amɔleɛ geke mɔ ge fo mɔ, fe laa nye Wurubuaare ase gekyena.

³¹ Fɛɲ sa fɛ' keda abara ginyadon fɛye-asen dɔ. Fɛɲ sa fɛ' sɔɔ ginyadon foro-foro abɛɛ fɛ' faa abara so abɛɛ fɛ' saale abara. Gɛwɔnsa nyenyɛn kamaasɛ gɛbono fɛ sa kyu lii fɛye-nanboana so mɔ fɛ' lɛɛ gɛmɔ lii fɛye-asen dɔ.

³² Fɛ' buɛɛɛ abara de fɛ' su abara so. Nengyene fɛ wɔra abara ilaa nyenyɛn mɔ, fɛ' kyu kyɛɛ abara fɛɛ gɛnɔɔbono Wurubuaare kee gi kyu fɛye-ilaa nyenyɛn kyu kyɛɛ fɛye kyu naa de fɛye-rɛ Kirisito ginyamɛsɛ kolon so mɔ.

5

¹ Fɛ gye Wurubuaare nbii laarɛsɛ faa mɔ, fɛ' kase Wurubuaare ilaa wɔrasɛ.

² Fɛ' kyu gɛlaarɛ' kyu kyena de abara fɛɛ gɛnɔɔbono Kirisito gi laarɛ aye-ilaa nɛ o kyu mɔ-nkpa fue sa aye mɔ. O kyu mɔ-nkpa fue sa aye genen mɔ, i wɔra daa fɛɛ o kyu mɔ-nyoro kyu lɛɛ asunbi sa Wurubuaare nɛ i gyi Wurubuaare ginsi.

Fɛ' Kine Gisomaanu Awura Akyenabi

³ Agyibara ilaa abɛɛ ilaa kankaran kpɛi-kpɛi abɛɛ onsipara ilaa inɲ sa i' ba fɛye dɔ. Ilaa idɛ ɔnan inɲ kaaborɛ fɛye abono Wurubuaare gi lɔrɔ yela sa mɔ-nyoro mɔ ba-a pi-i.

⁴ Inɲ kaaborɛ i' ba fɛye dɔ yɛɛ fɛ kya gyi ilaayan nsingyi abɛɛ fɛ kya tɔgɛ gigyagaa tɔgɛ abɛɛ fɛ kya gyi abiila kankaran. Fɛ' taa imɔ ibono ɔnan giwɔra yɛgɛ de fɛ' kpɛ fɛ dɛ daa afaala fɛ kya sa Wurubuaare.

⁵ Fɛ' bii yɛɛ nyamɛsɛ ɔbono ɔ kya laarɛ agyibara, abɛɛ ɔ kya wɔra ilaa kankaran, abɛɛ ɔ kya wɔra onsipara ɔko ilaa so mɔ, genen asa abono mɛ maɲ nyɛ kyena Kirisito mɔ-rɛ Wurubuaare asɛ mɔmɔ-gɛwuragyi mɔ dɔ kpa-a. (Onsipara wura bɛrɛ i wɔra fɛɛ ɔ kya lii Wurubuaare gɛmara son gɛsinkpan so ilaa dɛnsɛ).

⁶ Fɛɲ sa fɛ' yɛgɛ ɔko o' kyu gɛtɔngɛ giyan pɛnɛ fɛye. Genen akyenabi adɛ nɛ nan yɛgɛ Wurubuaare o' kyu ginyadon biidɛ gisomaanu awura giso.

⁷ Imɔso fɛ mɛɲ sa fɛ' kyu fɛye-nyoro mada de genen gisomaanu awura abono.

⁸ I lii fɛɛ nkana owi ɔko dɔ mɔ, fɛye-asen dɔ i bo gibiri. Idɛ kon bɛrɛ, fɛye-rɛ Wura Yesu ginyamɛsɛ kolon mɔ so mɔ, fatela kya wu fɛye-asen dɔ. Imɔso fɛ' naa fɛɛ fatela mɔ dɔ asa.

⁹ (I lii fɛɛ nfonoana fɛ wu ɔko gi wɔra gidɛnsɛ, abɛɛ ɔ wɔra gisen fufuli ilaa, abɛɛ o gyi gɛsintin mɔ, nno nɛ fatela mɔ kya wɔra mɔ-gɛsun.)

¹⁰ Fɛ' kɛrɛ ilaa dɔ de fɛ' lɛɛ daa ilaa ibono i kya gyi Wura Yesu ginsi mɔ wɔra.

¹¹ Fɛɲ sa fɛ' kyu fɛye-nyoro mada de asa abono mɛ kya wɔra gibiri dɔ ilaa mɔ. Ilaa ibono mɛ kya wɔra mɔ i maɲ wɔra agyan sa mɔmɔ Wurubuaare asɛ. Fɛ' lɛɛ imɔ-gɛwi sa asa.

¹² I lii fɛɛ ilaa ibono mɛ kya wɔra ɲara-dɔ mɔ, ba-a fo ɔko fo kya tɔgɛ imɔ giyan gbaa mɔ, i ti i gyɛ ipeeli ilaa.

¹³ Nengyene ilaa nyenyɛn iko i lii gibiri dɔ ba fatela mɔ dɔ mɔ, i kya lii gɛwi.

¹⁴ Fatela nɛ n kya yɛgɛ asa mɛ' wu ilaa kamaasɛ de ansi. Imɔso nɛ mɛ da gikpalɛ yɛɛ,

“Fo ɔbono fo dɛ ginsi gide gibiri dɔ mɔ,

kyingi lii fo-lɛwu ɔbono dɔ.

Kirisito laa sa fo fatela.”

¹⁵ Imoso fe' kere feye-anaabi do dandan. Feŋ sa fe' naa fee asa abono me meŋ nyi olaako mo. Fe' wora feye-ilaa fee asebo.

¹⁶ Gesun kamaase gebono fe wu yee fe laa taale wora sa Wurubuaare mo, fe' peere ansi wora gemo. Nke nbono do a bo faa mo giŋ boran.

¹⁷ Imoso feŋ sa fe' naa giyan fee fe meŋ nyi ilaa ibono fe kya wora mo. Fe' kase de fe' bii ilaa ibono Wura Yesu kya laare fe' wora mo.

¹⁸ Fe meŋ sa fe' nun nta boo. Fe wora genen mo, feŋ baa nye gewonsa. Ilaa nyenyen gekyena ne. Fe taa imo ibono yege de fe' yege Wurubuaare Oduduu mo ne o' kyena feye do.

¹⁹ Fe' bii Wurubuaare agyebi do ilon, Wurubuaare asonbo ilon, de Wurubuaare Oduduu mo ilon sa abara. Fe' bii ilon sa Wura Yesu de i' wora feye okon lii feye-asen do.

²⁰ Owi kamaase de ilaa kamaase do mo, fe' faala aye-se Wurubuaare kyu naa de aye-Wura Yesu Kirisito so.

Gedena Ilaa

²¹ Nengyene fe kya buu Kirisito mo, fe' bara feye-nyoro gese sa abara.

²² Akyii, fe' bara feye-nyoro gese sa feye-kuliana fee genobono fe kya bara feye-nyoro gese sa Wura Yesu mo.

²³ I lii fee onyen ne n gye gimu sa mo-ka fee genobono Kirisito ne n gye gimu sa mo-asonbo gikpen mo, ne mo-asonbo gikpen kee me de fee mo-nyoro. O gye momo-gimu ne mo kee ne n gye momo-omolegebo obono o kya sa momo Wurubuaare ase gekyena.

²⁴ Imoso fee genobono Kirisito asonbo mo me kya bara momo-nyoro gese sa Kirisito mo, genen kee ne i kaabore akyii me' bara momo-nyoro gese sa momo-kuliana ilaa kamaase do.

²⁵ Anyen, fe' laare feye-kaana ilaa fee genobono Kirisito gi laare mo-asonbo ilaa mo ne o kyu mo-nkpa fue sa momo mo.

²⁶ Kirisito gi wu' sa omo genen daa de o' nye loro omo yela sa Wurubuaare. Wurubuaare agyebi mo ne o kyu gyere momo Wurubuaare sagyere ne o foro momo-ilaa nyenyen fue sa momo.

²⁷ Kirisito gi wora ilaa ide genen daa de o' nye kyu mo-asonbo ba mo ase de nyisigyi. O kya laare me' wora gisen fufuli awura abono o loro yela sa mo-nyoro. Ineesi de ilaa nyenyen de genen ilaa ibonoana onan pewu i maŋ baa nye momo do ba-a pi-i faa.

²⁸ Genen kee ne i kaabore anyen me' laare momo-kaana ilaa fee momo gbaa-gbaa nyoro. Fo obono fo kya laare fo-ka mo, fo gbaa-gbaa fo-nyoro ne fo kya laare genen.

²⁹ Nyamese oko bo no o kya kyo mo-nyoro gibi? Kuaa. O kya laare agyudo sa nmo, ne o kya kere nmo so dandan. Genen ne Kirisito kya kere mo-asonbo gikpen mo ne.

³⁰ I kya nyiile yee a de fee mo-nyoro nten kpei-kpei fee giyaa, gibaa, de ginsi. Genen ne aye-re mo a gye nyamese kolon ne.

³¹ Anyen de akyii ginyamese kolon so ne Wurubuaare gi toge yee, "Onyen kya taa mo-se de mo-nyi yege de o' kyu mo-nyoro mada de mo-ka de me' san bingiri nyamese kolon" mo.

³² Genen gedena gigyebi gide gi tansi gi gye ilaa boduduuse. Ne kyu gimu wora sinkaala de i' nyiile aye ginyamese kolon gibono Kirisito mo-re mo-asonbo me bo mo.

³³ To. Fe wolaa fe nyi yee i kya nyiile aye yee aye okamaase o' laare mo-ka ilaa fee mo gbaa-gbaa mo-nyoro. Ne okyii mo kee o' kere dandan de o' kyu buubuu sa mo-kuli.

6

Nbii De Momo-Seana

¹ Feye nbii mo mo, Wura Yesu so mo, fe' nu feye-seana de feye-nyiana ase. Imo ne n boran sa Wura Yesu.

² Wurubuaare gi wolaa yela nbara mo-agyebi mo do yee, "Buu fo-se de fo-nyi." Nbara nde ne n gye ngyangbarase nbono Wurubuaare gi yela, ne o ka ilaa yela bola de nmo.

³ O ka yela yee fo obono fo gyi nmo so mo, fo-ilaa i laa wora odan sa fo, ne fo laa keela gesinkpan so.

⁴ Feye akorogbo mo mo, fe' sa fe' nmanyan feye-biana. Fe' bela momo de fe' nyiile momo ilaa genobono Wura Yesu kya laare mo.

Abono Me Kya Son Awura Momo-re Momo-Wuraana

⁵ Feye abono fe te awura ase mo, fe' sele omo de fe' nu momo-gede. Fe' kyu gesintin wora momo-ilaa sa omo lii feye-asen do fitofee Kirisito ne fe kya wora fe kya sa.

⁶ Fe' sa fe' wora asa abono me kya laare ayenbi lii asa ase mo. Feye-wuraana mo me yele me kere feye-o, me men yele me kere feye-o, fe' wora momo-gelaare sa omo kanpe. Genen ne Kirisito asonbo me kya wora Wurubuaare gelaare lii momo-asen do kee ne.

⁷ Fe' son feye-awuraana mo de okon fee Wura Yesu ne fe kya son, i men gye nyamese.

⁸ Fe' bii yee fo nyamese fo te owura ase daa-o, fo te fo-gibaa so daa-o, ilaa dense kamaase ibono fo wora mo, Wura Yesu laa sa fo imo so nteela.

⁹ Feye abono mo, asa me te feye ase me kya son feye mo, feye kee fe' nyingi yee Wura Yesu ne fe kya son. Fe' taa momo gikiide yee. Fe' bii yee obono o gye feye-re omo pewu wura mo bo Wurubuaare do, ne mo bere, o men bo geligi.

Kyu Wurubuaare Adonto Ko De Obonsan

¹⁰ Me-nanboana Yesu asonbo, pei de me-geno ge' yii mo, n kya toge feye yee fe' yele feye-ayaa so feye-gisogyi do. Fe' yee Wura Yesu o' kyu mo-olon bele mo kpaa feye kyu naa de feye-re mo ginyamese kolon mo so.

¹¹ Fe' kyu Wurubuaare adonto de mo-ilaa kune mo pewu kyu baala feye-nyoro yela de fe' nye yele feye-ayaa so owi obono ilaa nyenyen pewu gemu mo laa ko de feye mo. Fe' baala yela genen de on sa o' nye kyu mo golon-golon nwansa kyu gyi feye so.

¹² Genen Wurubuaare adonto abono a tiri feye. I kya nyiile yee iko ibono aye Yesu asonbo mo a kya ko mo, i men gye anyamese ne a kya ko de. A kya ko daa de ilaa nyenyen odudu ibono i kya nye olon anyamese so mo, imo-re imo-abelense de imo-nbii. A kya ko de ilaa ibono i kya nye olon gesinkpan so ne i kya bara ilaa nyenyen mo. A kya ko de akyobo akpen abono a bo afuu so mo.

¹³ Imoso fe' kyu Wurubuaare adonto de mo-ilaa kune mo pewu kyu baala feye-nyoro yela de geakaabono geke nyenyen mo ge laa ba mo, fe' taale yele feye-ayaa so de fe' wora ilaa kamaase ibono i tiri mo, de fe' ko lii.

14 Imoso fe' yele feye-ayaa so girin. Fe' kyu gesintin wɔra fɛe feye-igbagya, de fe' kyu gisen dense fe' kya gyi gesintin fa-a sa Wurubuaare de i' wɔra fɛe feye-nben kunto.

15 Fɛe genɔɔbono sogya kya wɔra iko ayaawole mo, feye kee fe' wolaa baala feye-nyoro de fe' nye lee Yesu gisen yuuli okalan konkonse mo tɔge sa asa geten kamaase.

16 Imo ide pewu gemara mo, fe' keda feye-gikagyan gibono fe' kya ka gyan Yesu so mo do. Feye-gikagyan gide gi laa taale duule Obonsan, nyamese nyenyen mo akpe kamaase abono o kya too feye ne a kya dee fɛe ogya mo. Yesu so gikagyan mo gi de fɛe ilaa kunse ibono sogya de de gibaa ne o kya kyu kun mo-nyoro geten kamaase mo.

17 Fe' nyingi genɔɔbono Wurubuaare gi molege feye lii feye-ilaa nyenyen giwɔra do mo. Genen amolege mo a de fɛe abeleto gepe gebono sogyaana me kya kyu kun momo-amu mo. Fe' puru Wurubuaare Oduduu geki mo keda. Genen geki mo ne n gye Wurubuaare agyebi mo fe' laa kyu ko iko mo.

18 Owi kamaase do mo, fe' yege Wurubuaare Oduduu mo ne o' kpaa feye de fe' nye dalaa de fe' kole Wurubuaare ilaa kamaase. Fe' kya laare fe' wɔra genen mo, fe' yege feye-nwɔnsa gi' gyan Wurubuaare ndalaa so daa so-o. Fe' kpe keda ndalaa do fe' kya kole Wurubuaare fe' kya sa feye-nanboana abono Wurubuaare gi lɔro yela sa mo-nyoro mo pewu.

19 Fe' dalaa sa me, Pɔɔlo, kee yege owi kamaase obono nan bugi megenɔ tɔge Wurubuaare agyebi mo sa asa mo, Wurubuaare ne o' sa me mo gbaa-gbaa agyebi mo. Yesu okalan konkonse mo gye ilaa boduduuse. Wurubuaare o' kpaa me de n' taale da otu lee mo gese sa asa.

20 Wurubuaare gi lee me sun de n' tɔge Yesu okalan konkonse baare sa asa. Imo ne n yege Yesu akyobo me keda me tii de obu faa. Imoso fe' dalaa kole Wurubuaare sa me yege n' taale da otu tɔge Wurubuaare agyebi fɛe genɔɔbono i kaabore n' tɔge mo. Meɲ sa n' sele sei.

Agyebi Laalaaloge

21 Ne keda aye-nanbo laarese, Tikakuse sun feye ase. Genɔɔbono o kya wɔra Wura Yesu gesun mo mo, n kya ka gyan mo so. N kya laare fe' nu me so de fe' bii genɔɔbono so n de n te de mo. Imoso Tikakuse laa tɔge me-ilaa pewu sa feye.

22 Genen so ne ne sun mo faa. I lii fɛe fe' nu me-re me-nanboana so mo, i laa keda feye-nyoro.

23 Aye-se Wurubuaare de Wura Yesu Kirisito me' sa asa abono me kya son Yesu mo gisen yuuli, gelaare', dabole de gikagyan gibono me laa ka gyan Wurubuaare so mo.

24 Asa abono me kya laare me ilaa yege gekaako mo, Wurubuaare o' sa momo pewu so gewonsa dense.

Ɖoolo Ɖwole Ɖbono Ɖ Nmarase Bunge Filipayi Awura Mɔ

¹ Me Ɖoolo de Timoti, aye abono a gye Kirisito Yesu gesun aworabo mɔ, ne n kya nmarase ɔwole baare. A kya nmarase a kya sa feye abono pewu fe bo Filipayi ɔsowole so ne feye-re Kirisito Yesu ginyamese kolon mɔ so mɔ, Wurubuaare gi loro feye yela sa mɔ-nyoro mɔ. Feye-re feye-abelense abono me kya kere feye so mɔ de abelense mɔ akpaabo pewu ne a kya sa ɔwole baare.

² Aye-se Wurubuaare de Wura Yesu Kirisito me' sa feye so gewonsa dense de me' sa feye gisen yuuli.

Ɖoolo Kya Dalaa Ne Ɖ Kya Faala Wurubuaare Inj Kya Ta

³ Owi kamaase n kya nyingi feye Filipayi awura abono fe kya son me-Wura Wurubuaare mɔ, n kya faala mɔ inj kya ta.

⁴ Me-ndalaa nbono n kya dalaa sa feye pewu mɔ, i kya wɔra me-gisen do ɔkon.

⁵ I kya nyiile yee n kya nyingi genɔɔbono aye-re feye a san a kya wɔra Yesu ɔkalan konkonse mɔ gesun kpe kyu lii gɛkaabono fe daa ginu ɔkalan mɔ kyu baa lii de nde.

⁶ Genɔɔbono Wurubuaare gi yii gese ɔ kya wɔra ilaa dense feye-asen do mɔ, n nyi me-gisen do yee genen Wurubuaare kolon baare kee laa wɔra imo kpaaloge gɛkaabono Yesu Kirisito laa kii ba mɔ.

⁷ I kaabore n' sa gewonsa kyu lii feye Filipayi awura abono fe kya son Kirisito mɔ pewu so. I lii fee feye-ilaa i bo me-gisen do. Wurubuaare wolaa ɔ kya kpaaloge aye ne ɔ kya wɔra ilaa sa me-re feye pewu dabole. Owi ɔbono me keda me tii de obu faa de owi ɔbono n kya lee genɔ kyu lii Yesu ɔkalan mɔ so abee n naa n kya lee mɔ-ɔkalan mɔ mi-i nyiile asa mɔ, imo do pewu mɔ, Wurubuaare kya wɔra ilaa ɔ kya sa me-re feye.

⁸ Wurubuaare mɔ-nkon ne n nyi genɔɔbono n de Kirisito Yesu gesalaare me-gisen do n kpe mi-i nyingi feye pewu so mɔ.

⁹ Me-gedalaa ne n gye yee feye-gesalaare gebono fe bo mɔ ge' kpe ge kya nyaakyɔ ge kya too feye-asen do, de fe' kpe fa-a nye Wurubuaare ɔlaako ginyi kee de fe' nye bii barage yee imo ide abee ide ne n boran.

¹⁰ Imo ne nan yege fe laa nye soɔ ilaa ibono i boran gekpaa mɔ kyule. Genen kee ne gɛkaabono Kirisito laa kii ba mɔ, feye-asen do i laa fuuli ne ɔ manj wu ilaa nyenyen iko feye-nyoro so toge.

¹¹ Fe laa san fa-a wɔra ilaa kpei-kpei ibono i kya lii gisen dense do kyu naa de Yesu Kirisito so de i' kyu nyisigy de ayenbi kyu bara Wurubuaare.

N Tii De Obu Mɔ, I Kya Wɔra Ɖdan Daa Too

¹² Me-nanboana Yesu asonbo, n kya laare fe' bii yee ibono n tii de obu faa, Yesu ɔkalan konkonse mɔ gi kii nye yelege daa too.

¹³ Kyu lii imo so mɔ Rom awura asogya de asa sense pewu abono me bo gere mɔ me nye bii yee Yesu Kirisito gesun ne n' kya wɔra so ne me keda me tii de obu genen.

¹⁴ Genɔɔbono n tii de obu mɔ, i yege aye-nanboana sakyɔ me nye ka gyan aye-Wura Yesu so bɔla. I kya san keda ɔmɔ-nyoro de me' toge Wurubuaare agyebi ibono menj kya sele nyamese gifuu.

15 I bo no yee ako me men de gewonsa dense kyu lii me so ne me naa ma-a toge Kirisito ilaa. Me-ilaa i bo momo gelaaloo. Ako, mo, me de me so gewonsa dense so ne me naa ma-a toge Kirisito ilaa.

16 Momo abono bere, gesalaare gebono me bo sa me mo so ne me kya toge Kirisito ilaa. Me nyi yee Wurubuaare gi kyu gesun gede wora me-abaa do, ne o kyule yee mo-akyobo me' keda me tii de obu de n' nye lee toge sa asa yee Kirisito okalan mo gye gesintin.

17 Ako mo bere, me kya toge Kirisito okalan mo mo, me men de gewonsa kolon. Me kya laare asa me' buu omo taa me yeye. Me nyi yee ibono n tii de obu faa, momo-ilaa toge me mo i laa yeye i' siile me-olo daa.

18 Imo ibono in tiri me. Me de gisen dense-o, men de gisen dense-o, okpa kamaase so mo, me ti taa nye lee Kirisito okalan mo toge. Imoso i bo me okon gbaa daa.

19 I lii fee fe kya dalaa sa me, ne Yesu Kirisito Oduduu mo kya kpa me. Imoso n nyi yee imo ide pewu i laa yeye n' nye Wurubuaare amolege.

20 I kya nyiile yee ibono me keda me tii de obu faa, ilaa ibono me-ansi a tansi a gyan ne n' kere imo-okpa mo ne n gye yee men sa n' gyi ipeeli ilaa iko-re iko do de n' taale da otu gekpaa, i gye daa lewu mo, lewu, nkpa mo, nkpa. I ba genen mo de Yesu Kirisito ne o' nye nyisigy kyu naa de me so abere ade do de owi kamaase do kee.

21 I kya nyiile yee me ase mo, n te nkpa mo, Yesu wole ne n tiri me. Lewu ne ne kii baa wu' mo, i laa loto wora odan sa me daa.

22 Nengyene fee ne kyena nkpa tu kpe mo, nan wora gesun gebono ge laa kpa Yesu ilaa de i' kpe ansi do. Men nyi ibono n' lee, nkpa abee lewu fee.

23 N kyole imo inyo nsana ne. Me-lee gelaare do mo, nkana n' tese taa gere-lee gekyena gede yeye de n' kpa kyena Yesu ase Wurubuaare do. Ibono ne n boran gikyo don.

24 Feye so mo mo, i kii i tiri yee n' kyena nkpa tu kpe.

25 N tansi n nyi yee n tiri sa feye pewu. Genen so mo, n nyi kee yee nan nye nkpa lii obu mo do baa tu feye de n' nye kpa feye. Imo ne nan yeye fe' nye kpe ansi do de i' wora feye okon feye-gisoo gyi gibono fe bo sa Yesu mo do.

26 Ne kii baa tu feye de alanfiya mo, i laa yeye i' tansi wora feye okon de fe' yen Kirisito Yesu kyu naa de ilaa ibono o wora sa me mo so.

Fe' Pɛɛɛ Ansi Yesu Gesun Mo Do

27 Ilaa ibono i tansi i tiri mo ne n gye yee fe' kyena akyenabi abono a kya kaabore okalan konkonse obono fe nu kyu lii Yesu Kirisito so mo. Nengyene ne baa laa feye-o, men baa laa feye-o, n kya laare n' nu daa yee fe ye fe feye-ayaa so girin fee nyamese kolon feye-gisoo gyi gibono fe bo sa Yesu mo do, fe kya sa gewonsa kolon, fe kya pɛɛɛ ansi dabole, de asa me' nye soo Yesu okalan konkonse mo gyi.

28 N kya laare n' nu kee yee feye abono fe kya ka gyan Yesu so mo fen kya sele feye-akyobo baa pii. Fen sele omo mo, i laa lee ilaa ibono Wurubuaare de mo nyiile yee me laa fue momo-lewu gemara, ne i laa lee nyiile kee yee feye, mo, fe laa nye okyenaten Wurubuaare ase. Wurubuaare ne n kya sa genen okyenaten obono.

29 I kya nyiile yee Wurubuaare gi wora ilaa sa feye ne fe nye kyu feye-nyoro too Yesu Kirisito so. Ne in gye imo ibono wole. O wora ilaa sa feye kee ne fe nye fe kya wu olaawuse fe kya sa Yesu.

³⁰ Feye-olaawuse obono fe kya wu mo, i gye daa olaawuse obono onan fe wolaa wu me ne naa kyena wu ne fe kya nu yee n san mi-i wu mo mo.

2

Fe' Bara Feye-Nyoro Gese Wora FEE Yesu

¹ Feye-re Yesu Kirisito ginyamese kolon so mo, i kya keda feye-nyoro. Genobono Kirisito kya laare feye-ilaa mo, i kya yee i kya toro feye-asen. Wurubuaare Oduduu mo kya sa feye geno kolon. Fe kya su abara so lii feye-asen do.

² Imo ide pewu i bo feye do faa, fe' yee i' tese wora me okon kpaa loge. Fe' nye geno kolon de gelaare' feye-gekyena do kpaa loge. Feye-asen do de feye-nwonsa do i' wora fee nyamese kolon ne fe gye.

³ Fei sa fe' wora sei de i' wora gikoso gegyanbue gekyena abee fe' nyiile feye-nyoro. Fe' bara feye-nyoro gese de fe' kale feye-nanboana wora asa do don feye-nyoro.

⁴ Fe men sa fe' kere feye-lee wole so. Fe' kere feye nanboana-lee kee so.

⁵ Feye-nwonsa gi' wora fee genobono Kirisito Yesu-lee gewonsa ge de mo.

⁶ Yesu dabole o gye Wurubuaare oyuduu faa mo,
o men kere yee mo-re Wurubuaare me gye kyee-kyee so mo,
o' yele imo so gyi gewura buu de Wurubuaare.

⁷ O too imo ibono pewu fue.

Ne o baa kyu daa isa obono onan o te owura ase mo oyuduu.
Nyamese oyuduu ne i kyu koroge mo.

⁸ O wu yee o gye nyamese oyuduu genen mo,
o bara mo-nyoro gese
ne o nu Wurubuaare gede kaabore o' nye lewu gbaa.

Lewu obono onan o kyule ne o wu' mo gye daa ipeeli lewu.
Me da mo ananbi oyii so mo.

⁹ Imo ide so mo, Wurubuaare gi kosore mo-gimu gikyo kyode,
ne o yela mo ginyen gibono gi don ginyen kamaase mo.

¹⁰ Wurubuaare gi kosore mo-gimu genen
de i' ba yee okamaase obono o nu mo Yesu ginyen mo,
o' nmii daa mo.

Nyamese kamaase, o bo Wurubuaare do-o,
o bo gesinkpan so-o,
o loo gesinkpan do-o,
o' nmii daa Yesu.

¹¹ De okamaase o' bugi geno toge yee,
"Yesu gye Wura."

De i' kyu nyisigy kyu bara mo-se Wurubuaare.

Fe' Wora FEE Agyekpebi Abono A Kya Njelegi Gibiri Do Mo

¹² Imoso me-nanboana laarese, fee genobono fe kya nu me-gede owi kamaase do mo, ide kon ibono men bo feye ase faa, fe' peere ansi nu me ase don owi obono n bo feye ase nno mo. Fe' tansi sele Wurubuaare de fe' peere ansi wora ilaa ibono i laa laro feye-okyenaten yela Wurubuaare ase mo.

¹³ I lii fee Wurubuaare kee kya wora mo-lee gesun feye-asen do. O yee fe nye kyu mo-ilaa too feye-nyoro so ne o kya yee fe' nye wora imo kee de i' kyena de mo-bole gelaare.

14 Ilaa kamaase ibono fe laa wɔra mɔ, fe men sa fe' logede abee fe' soo akyoolɛ de Wurubuaare.

15 Imɔ ne nan yege feye-asen dɔ i laa nye fuuli ne i man nye ilaa nyenyen iko feye-nyoro so. Fe laa wɔra Wurubuaare mɔ-biana gesintin. I man nye ineesi iko feye-nyoro so, yege fe te saare nde asa abono me kya wɔra ibono in gye iwɔrase mɔ. I keda omɔ da kyee fe gikotoo. Genen asa ade nsana mɔ, fe laa nelegi fee agyekpebi.

16 Fe de agyebi abono a kya sa anyamese Wurubuaare ase gekyena onan mɔ fa-a nyiile asa. Imɔ ide pewu ne nan yege n' yen feye me-gisen dɔ gekaabono Yesu Kirisito laa kii ba mɔ. I laa wɔra me okon yee men nyanga ansi wɔra gesun gede too nkyu dɔ giyan.

17 Feye-gikagyan gibono fe kya ka gyan Yesu so mɔ gi de fee asunbi ne fe kya lee fa-a sa Wurubuaare. Ne fee me-nkalan ne nan wɔra fee nta nbono me lee asunbi ne me kya woroge mɔ, nkana i laa wɔra me okon. I nye ba genen mɔ, nan gyi okon de i' yege feye kee fe' gyi okon.

18 Genen kee ne fee i ba genen mɔ, i kaabore fe' yege i' wɔra feye okon de i' nye wɔra me kee okon.

Timoti De Epaforodituse Ilaa

19 Kyu lii Wura Yesu so mɔ, n kya sa gewonsa yee i man keela ne nan sun Timoti feye ase. Ne nye nu feye so mɔ de me-gisen gi' tɔrɔ me.

20 Men baa n bo oko fee mɔ. Feye-ilaa i tiri mɔ lii mɔ-gisen dɔ.

21 Asa sɛnse bere me kya kere mɔmɔ-lee daa pei. In gye Yesu Kirisito-lee.

22 Feye gbaa-gbaa fe nyi genobono Timoti baare gi lee mɔ-gidebi wola nyiile mɔ. Me-re mɔ a kya wɔra Wurubuaare okalan konkɔnse mɔ so gesun dabole mɔ, a wɔra fee ose de obi.

23 Imɔso ne kpe wu genobono me-ilaa i kya kpe de mɔ, nan keda mɔ sun feye ase.

24 Wura Yesu onon dɔ mɔ, ne soo gyi yee i man keela ne me gbaa-gbaa kee nan ba feye ase nno.

25 Ne kere faa, Epaforodituse, aye-nanbo Yesu onon mɔ dɔ obono fe lee sun yee d' baa kye me-takpo mɔ, i tiri yee n' lee mɔ-okpa de o' kii ba feye ase. Me-re mɔ a wɔra gesun ne a kɔ sa Wurubuaare onon mɔ dabole.

26 O kya nyingi feye pewu so. O nyi ibono fe nu mɔ-gilo mɔ so, ne i bo mɔ gewonsa yee ofaa fe te de nwonsa.

27 Gesintin so mɔ, o lo. O laare o' wu gbaa. Wurubuaare ne n su mɔ so. I men gye mɔ wole. O su me kee so de men baa kii wu gensinyan baa bola de ibono n kya wu faa.

28 Genen so mɔ, i kpe i kya da me kpa-kpa yee n' yege mɔ de o' kii ba feye ase kusaa. Fe kii wu mɔ mɔ, i laa wɔra feye okon, de me kee me-gisen gi' tɔrɔ me.

29 Imɔso fe wu mɔ mɔ, fe' kyu okon bele soo mɔ abaa anyɔ Wura Yesu ginyen dɔ de fe' kyu buubuu kyu sa genen asa abono onan.

30 I san pii ofaanan o wu' Kirisito gesun mɔ so. Ilaa ibono fe laa wɔra sa me mɔ, o yele feye-giyaa dɔ wɔra imɔ kaabore mɔ-nkpa gi laare gi' lii mɔ-gibaa.

3

¹ Me-nanboana Wura Yesu ɔson mɔ dɔ, ibono i san mɔ ne n gye yɛɛ fe' yɛɛ i' wɔra fɛye ɔkon fɛye-rɛ Wura Yesu ginyamɛɛ kolon mɔ so. Ilaa ibono nɛ wolaa n̄marasɛ bunge fɛye mɔ, nɛ kii n̄marasɛ imɔ kii bunge fɛye mɔ, i man loo me. I laa kpaa fɛye daa.

² Fe' kerɛ fɛye-nyoro so dandan. Ako mɛ dɛ n̄wɔnsa nyenyɛn ma-a wɔra aye-gɛsun mɔ ɔnan. Mɛ kya laarɛ mɛ' nyɛ fɛye penɛ daa. Awɔrɛ giten ilaa nɛ n kpɛ i tiri ɔmɔ.

³ In gye awɔrɛ giten nɛ n kya nyiile yɛɛ nyamɛɛ gye Wurubuaarɛ sonbo. Ilaa ibono i kya nyiile yɛɛ a gye Wurubuaarɛ asonbo gesintin mɔ nɛ n gye yɛɛ a kya kyu Wurubuaarɛ Oduduu mɔ kyu son mɔ. A kya diirɛ aye-nyoro kyu naa daa dɛ Kirisito Yesu ilaa wɔrasɛ wole so. A kya kine yɛɛ a man ka gyan aye anyamɛɛ-lɛɛ gidebi so.

⁴ I bo no yɛɛ nan taalɛ ka gyan me-itiibilaa dɛ me-nbara gigyi so. Fɛɛ ɔko laa taalɛ ka gyan mɔ-itiibilaa dɛ mɔ-nbara gigyi so dɛ i' mɔlɛgɛ mɔ mɔ, nkana me nɛ nan wɔra ɔgyangbarabo.

⁵ Imɔ gɛsɛ nɛ n gye yɛɛ mɛ korogɛ mɛ mɔ, imɔ gɛkɛ kuɛsɛ mɔ, mɛ ten me-giwɔrɛ Wurubuaarɛ nbara mɔ ɔkpa so. N gye daa Isirale awura abono Wurubuaarɛ gi yela mɔ-nbara sa mɔ obi. Nɛ lii daa Bengyamin gɛten dɔ. Me-rɛ me-sɛ dɛ me-nyi pɛwu aye-gɛdɛ nɛ n gye Hiiburu, aye Gyuda awura gɛdɛ mɔ. Wurubuaarɛ nbara mɔ nɛ n tiri me so mɔ, nɛ baa wɔra Farasi awura gikpen mɔ dɔ isa.

⁶ Nɛ pɛrɛ ginsi sa Wurubuaarɛ nbara mɔ gikyɔ. Gɛnɛn so gbaa mɔ, nɛ wu yɛɛ Yesu asonbo mɔ mɛ kya son Wurubuaarɛ ɔkpa banban ɔko so mɔ, nɛ biidɛ ɔmɔ-giso. N kya gyi Wurubuaarɛ nbara mɔ so ibono ɔko mɛn wu ilaa nyenyɛn iko me-nyoro so tɔgɛ.

⁷ Imɔ-rɛ imɔ gɛnɛn gbaa mɔ, ilaa ibono nkana n nyi yɛɛ imɔ nɛ nan mɔlɛgɛ mɛ Wurubuaarɛ asɛ mɔ, mɛn baa mi-i ka gyan imɔ so. Gɛnɔɔbono nɛ nyɛ bii Yesu Kirisito so mɔ, nɛ kyu me-nbara so gigyi mɔ pɛwu yɛɛ in baa i gye ilaa gbaa' iko sa me.

⁸ Gɛsintin mɔ, n kya kyu ilaa kamaasɛ yɛɛ in baa i bo ilaa dɔ. Ibono i don ilaa kamaasɛ gbaa bun sa me mɔ nɛ n gye ibono nɛ nyɛ bii me-Wura Kirisito Yesu. Kyu lii Kirisito so mɔ, nɛ taa ilaa kamaasɛ ibono nkana n kya wɔra mɔ yɛɛ. Nɛ san kyu imɔ yɛɛ imɔ pɛwu i gye daa gibaana so ilaa. Imɔ nɛ nan yɛɛ nɛ Yesu Kirisito laa nyɛ wɔra me-lɛɛ

⁹ dɛ me-rɛ mɔ a san wɔra nyamɛɛ kolon. Man baa tɔgɛ yɛɛ nan gyi Wurubuaarɛ nbara mɔ so me-gibaa so dɛ o' kyu me yɛɛ me-gisen dɔ i boran. ɔ kya kyu me-gisen dɔ yɛɛ i boran kyu naa daa dɛ gikagyan gibono nɛ ka gyan Kirisito so mɔ.

¹⁰ Nɛ too ilaa kamaasɛ fuɛ daa dɛ n' nyɛ bii Kirisito dɔɔdan. N kya laarɛ n' wu mɔ-ɔlon ɔbono ɔ bo nɛ ɔ taalɛ kyingi lii ibuni dɔ mɔ, dɛ n' wu mɔ-awɔrɔfɔɔ mɔ ɔnan kee, dɛ n' baa wɔra fɛɛ mɔ, gɛnɔɔbono ɔ taalɛ wu' sa asa mɔ

¹¹ dɛ, Wurubuaarɛ gi kyule mɔ, mɛ kee n' nyɛ kyingi lii ibuni dɔ gɛnɛn.

Abono Mɛ Ti Sɛɛ Wurubuaarɛ ɔson Dɔ Mɔ N̄wɔnsa ɔnan

¹² I mɛn gye yɛɛ me-gibaa gi ti yii ilaa ibonoana n darɛ faa abɛɛ nɛ ti wɔra imɔ kpaa logɛ bɛrɛ. N san n dɛ imɔ dɔ n kya pɛrɛɛ ansi dɛ n' laa gibaa keda ilaa dɛnsɛ ibono so Kirisito Yesu gi laa gibaa keda mɛ kyu mɛ wɔra mɔ-lɛɛ mɔ.

¹³ Me-nanboana Yesu asonbo, ilaa ibono n kya laarɛ mɔ, mɛn kya kyu imɔ yɛɛ me-gibaa gi ti yii imɔ. Ilaa kolon ibono n kya wɔra mɔ nɛ n gye yɛɛ n kya lɛɛ ansi taa ibono i bo me-gemara mɔ pɛwu yɛɛ dɛ n' san nyanga ansi selɛ n gya ibono i bo me-ansi dɔ mɔ.

¹⁴ Wurubuaare dɔ ilaa ne ne nyanga ansi n sele n gya genen. Imɔso ne Wurubuaare gi tɔge me yee n' kyu me-nyoro sa mɔ de o' kyu genen ilaa ibono sa me kyu naa de me-re Kirisito Yesu ginyamese kolon mɔ so.

¹⁵ Fe' yee aye abono a ti see Wurubuaare ɔson mɔ dɔ mɔ a' sa daa me-gewɔnsa gede ɔnan. Nengyene fe kya sa nwɔnsa nko kpei bere mɔ, Wurubuaare ne nan lee gese nyiile feye.

¹⁶ Imɔ-re imɔ genen mɔ, fe' yee de a' puge ibono ɔkara a ti a de a te faa dɔ.

Gekyena Gebono Ge Kya Bara Ansikyu Mɔ

¹⁷ Me-nanboana Yesu asonbo, fe' kase genɔɔbono n de mɔ de fe' kere asense abono a nyiile mɔmɔ ne me te genen gikyenabi mɔ de fe' kase mɔmɔ kee.

¹⁸ I kya nyiile yee asa abono me men de akyenabi abono ɔnan mɔ me nyaakyo. Ne wolaa tɔge mɔmɔ-ilaa sa feye. Ide kon n kii mi-i tɔge ɔmɔ so ilaa mi-i sa feye faa, me-ansi a kya kpelege nkyu gbaa. Mɔmɔ-gekyena ge de daa fee asa abono me kya kyo amolege lewu ɔbono Yesu gi wu' lewu oyii so mɔ.

¹⁹ Genen asa abono me laa wu ilaa ibono me laa naa de mɔ. Me laa fue mɔmɔ-lewu gemara. Mɔmɔ-ito ne me kya son. Ilaa ibono i gye ipeeli ilaa mɔ, imɔ, mɔ, ne me kya kyu gyiide. Mɔmɔ-nwɔnsa gi gyan daa gesinkpan ilaa wole so.

²⁰ Aye abono a kya son Yesu mɔ bere, aye-gewi ne n gye Wurubuaare dɔ. Wurubuaare dɔ ne aye-ansi a gyan yee ɔko laa lii de o' baa molege aye. Mɔ ne n gye Wura Yesu Kirisito.

²¹ ɔ laa baa kyeege aye-anyamese nyoro gibi gibono gin bo giko dɔ mɔ wɔra fee mɔ-lee nyoro nbono gi bo nyisigy mɔ. ɔlon ɔbono ɔ bo ne ɔ kya taale yee ilaa kamaase i kya bara imɔ-nyoro gese sa mɔ mɔ ne ɔ laa kyu kyeege aye-nyoro mɔ genen.

4

¹ Imɔso me-nanboana Yesu asonbo, feye abono n kya laare feye-ilaa mɔ, n kya nyingi feye so. Fe kya yee i kya wɔra me ɔkon ne fe kya kosore me-gimu. Me-kyemeneana laarese, fe' yele feye-ayaa so girin Wura Yesu ɔson mɔ dɔ fee genɔɔbono ne nyiile feye mɔ.

Genɔɔbono Fe Laa Nye Gisen Yuuli Mɔ

² N kya kole Yuwodiya ne n' kya kole Sintikii yee me' tɔge kyule abara Wura Yesu ginyen dɔ.

³ Fo ɔbono mɔ fo gye me-nanbo gesun mɔ dɔ gesintin so mɔ, fo-o fo mɔ kee, n kya kole fo yee fo' kpa a genen akyii anyɔ ade de me' tɔge kyule abara. Me-re ɔmɔ ne n kpon Yesu ɔkalan mɔ so gesun mɔ giwɔra dɔ. Me-re ɔmɔ ne n wɔra gesun, dabole de Kelemente mɔ-re me-nanboana asense abono Wurubuaare gi nmarase mɔmɔ-anyen wɔra mɔ-ɔwole dɔ yee me laa nye ɔkyenaten mɔ ase mɔ.

⁴ Owi kamaase dɔ mɔ fe' yee i' wɔra feye ɔkon kyu naa de feye-re Wura Yesu ginyamese kolon mɔ so. N' kii mi-i tɔge imɔ ginyɔse yee fe' yee i' wɔra feye ɔkon.

⁵ Fe' kyu gisen kyena de asa kanpe de ɔkamaase o' wu. I kya nyiile yee owi ɔbono Wura Yesu laa kii ba mɔ gi fuude.

⁶ Fε mεη sa fε' kyena de nwɔnsa iko-rε iko dɔ. Ilaa kamaasε ibono i laa ba mɔ, fε' kyu too Wurubuaarε ansi dɔ. Fε' dalaa kolε mɔ, de fε' kyu afaala sa mɔ kee fεye-ndalaa dɔ.

⁷ Fε kya dalaa genen mɔ, fε laa nye Wurubuaarε gisen yuuli gibono ɔ kya sa anyamesε ne mεη kya taalε bii imɔ-ɔkara mɔ. Fεye-asen de fεye-nwɔnsa gi laa kyena fεye gεten kolon kyu naa de fεye-rε Kirisito Yesu ginyamesε kolon mɔ so.

⁸ Me-nanboana Yesu asonbo, pεi de me-gεno gε' yii mɔ, n' tɔgε fεye yεε fε' kpe fa-a sa gεwɔnsa kyu lii daa gεsintin ilaa so, nyisigyι ilaa so, gisen densε ilaa so, ilaa ibono i dε ɔkpa mɔ so, ilaa ibono i bo kanpe mɔ so, de ilaa ibono i bo ɔbolε mɔ so. Ilaa kamaasε ibono i boran ne ayenbi a kya kaabore imɔ mɔ, imɔ ibonoana so ne fε' kyu fεye-nwɔnsa gyan.

⁹ Ilaa ibono fε kase, ne fε sɔɔ kyule, ne fε nu, ne fε wu lii me ase mɔ, imɔ ne fε' wɔra. Fε wɔra genen mɔ, fεye-rε aye-gisen yuuli gεmu Wurubuaarε fε laa kyena.

N Kya Faala Fεye Ibono Fε Bunge Me Ilaa Mɔ

¹⁰ Kyu lii aye-Wura Yesu so mɔ i bo me ɔkon gεsintin so yεε idε kon ibono fε bunge me ilaa faa mɔ, fε kii lεε nyiile me yεε fε kya nyingi me so. Nkana fε kya nyingi me so berε. Fε mεη nye ɔkpa daa de fε' lεε imɔ nyiile me.

¹¹ In gye yεε n kya tɔgε yεε ilaa iko i tiri me berε daa. Me berε, ne kase bii yεε ilaa kamaasε ibono i tu me mɔ, i kaabo sa me.

¹² Ayen a dε me mɔ, n nyi me-nyoro akedabi. Ne ilaa i kii gbigi de me mɔ, n nyi me-nyoro akedabi. Ne kase ne ne bii genen akyenabi adε. Ilaa kamaasε ibono i laa tu me mɔ, n kya sɔɔ abaa anyɔ. Agyudɔ a gbigi me ase, abεε akon a tɔrɔ me so, atɔ a bo me ase gikyɔ abεε ayen ne n dε me mɔ, imɔ pεwu dɔ mɔ, n kya bii me-nyoro akedabi.

¹³ Me-rε Yesu Kirisito ginyamesε kolon dɔ so mɔ, nan taalε wɔra ilaa kamaasε. Mɔ ne n kya sa me ɔlon.

¹⁴ Imɔ-rε imɔ genen mɔ, fε kpa me me-ɔlaawusε dɔ faa mɔ, fε gye asa.

¹⁵ Fεε genɔɔbono fεye Filipayi awura fε nyi mɔ, lii owi ɔbono fε daa ginu Yesu ɔkalan konkonse mɔ ne ne koso lii fεye ase Masadoniya gεsinkpan so mɔ, fεye-wolε ne n gye Yesu asonbo gikpen gibono fε kyu too fεye-nyoro so yεε fε laa kerε me so de n' naa mi-i wɔra Yesu gεsun mɔ. Fεye-gibaa gi kya tu me ne me-gεno mɔ gε kya kpe fεye ase.

¹⁶ N san n bo fεye-gεsinkpan so Tesalonika ɔsowolε so gbaa mɔ, fεye-gibaa mɔ gi tu me nno mɔ, in gye gikolon.

¹⁷ I mεη gye yεε ilaa ibono fε kpe fa-a sa me mɔ ne n tiri me. Ntεela nbono fε laa nye Wurubuaare dɔ ne i laa kpe i kya nyaakyɔ i kya too mɔ ne n tiri me.

¹⁸ Ilaa ibonoana pεwu fε kyu sun Epaforodituse yεε o' kyu bara me mɔ, i yii me-gibaa. Fε yεgε ne nye ilaa kamaasε ibono i tiri me mɔ kii san. Ilaa ibonoana fε bunge me mɔ, i dε fεε asunbi bofensε ne fε lεε sa Wurubuaare. Wurubuaare gi sɔɔ amɔ, ne a gyi mɔ-ginsi.

¹⁹ Me-Wura Wurubuaare mɔ ne nan sa fεye fεye-ila kamaasε ibono i tiri fεye mɔ kyu naa de fεye-rε Kirisito Yesu ginyamesε kolon mɔ so. Wurubuaare ne n gye ɔbono ɔ tansi ɔ bo ilaa densε kamaasε.

²⁰ Nyisigyι ɔ' wɔra aye-sε Wurubuaare-lεε gεkpa-gεkpa. I' ba genen.

²¹ Fɛ' faala ɔkamaase ɔbono Wurubuaare gi lɔɔ yela sa mɔ-nyoro kyu lii mɔ-re Kirisito Yesu ginyamese kolon so mɔ sa me. Aye-nanboana abono me kya son Yesu ne me bo me ase gɛrenaa mɔ pɛwu me kya faala fɛye.

²² Mɔmɔ abono pɛwu Wurubuaare gi lɔɔ yela sa mɔ-nyoro mɔ me kya faala fɛye. Abono me kya faala fɛye gikyɔ-gikyɔ mɔ ne n gye abono me bo Rom wura bele mɔ gɛten dɔ mɔ.

²³ Aye-Wura Yesu Kirisito ɔ' sa fɛye ɔkamaase so gewɔnsa dense de fɛye-oduduu dɔ ilaa i' wɔra ɔdan sa fɛye.

Ɖoolo Ɖwole Ɖbono Ɖ Nmarase Bunge Kolosiya Awura Mo

¹ Me Ɖoolo Ɖbono n gye Kirisito Yesu ɔsoo kyu naa de Wurubuaare gelaare so de Timoti, aye-nanbo Yesu ɔson mo do

² ne n de genen ɔwole baare a kya bunge feye abono Wurubuaare gi loro feye yela sa mo-nyoro ne fe de Kirisito gesara do Kolosiya ɔsowole so mo. Aye-se Wurubuaare o' sa feye so gewonsa dense de o' sa feye gisen yuuli.

Afaala de Gedalaa

³ Owi kamaase a kya dalaa a kya sa feye mo, a kya faala Wurubuaare, aye-Wura Yesu Kirisito mo-se.

⁴ Ibono so a kya faala mo genen mo ne n gye yee a nu feye-gikagyan gibono fe ka gyan Kirisito Yesu so mo. Ne a nu feye-gesalaare gebono fe bo sa asa abono pewu Wurubuaare gi loro momo yela sa mo-nyoro mo.

⁵ A kya faala Wurubuaare feye so kee yee feye-nwonsa gi gyan ilaa dense ibono Wurubuaare gi baala yela sa feye Wurubuaare do mo so. Fe nu genen ilaa dense ibono so kyu lii Wurubuaare gesintin okalan mo do daa. Genen okalan Ɖbono ne n gye Yesu okalan konkonse mo.

⁶ Mo-okalan konkonse baare kya yelege nu gyan gesinkpan geten kamaase so o kya wora ilaa dense asa gekyena do. I wora fee genoo bono fe nu okalan mo kee mo. O yelege wora ilaa dense feye-gekyena do kpe kyu lii geaka bono fe nu Wurubuaare gitolon mo so ne fe nu gimoo-ila gese yee i gye gesintin mo.

⁷ Fe kase Yesu okalan mo ilaa lii daa Epafirase ase. Epafirase gye aye-nanbo laarese Yesu ɔson mo do. O yelee aye-giyaa do o kya wora Kirisito gesun o kya sa mo genoo bono a laa taale ka gyan mo so mo.

⁸ O baa lee feye-gesalaare gebono Wurubuaare Oduduu mo gi sa feye mo nyiile aye.

⁹ Imoso kyu lii geaka bono a nu feye so genen mo, owi kamaase a kpe san a kya dalaa a kya kole Wurubuaare a kya sa feye. A kya kole mo yee o' yege mo-Oduduu o' kpe o kya sa feye olaako ginyi, o' yege fe' bii gesintin ilaa de fe' bii mo-gelaare kpa loge.

¹⁰ I ba genen mo, de fe' nye akyenabi abono a kaabore Wura Yesu asonbo mo de fe' gyi Wura Yesu ginsi okpa kamaase so. Fe' kpe fe kya wora ilaa dense kpei-kpei kamaase de fe' see fe kya bii Wurubuaare fe kya bola.

¹¹ Wurubuaare o' yege fe' nye olon kamaase kyu naa de mo-nyisigyil on mo so, de i' yege fe' nye taale kyu gisen keda ilaa kamaase do de okon.

¹² Fe' kpe fe de afaala fe kya sa Wurubuaare Ɖbono o gye aye-se ne o kale feye wora mo-asonbo do mo. Fe bo momo do genen mo, feye kee fe laa nye ilaa dense ibono o baala yela sa omo Wurubuaare Ɖbono o gye fatela mo ase mo.

¹³ Aye abono a kya ka gyan Yesu so mo, Wurubuaare gi mologe aye lii gibiri olon do ne o yege a san a te daa mo-gisen do obi Yesu owuragyibo mo akyenabi.

¹⁴ Mo Yesu ne n kyu mo-nkpa kyee ne a nye aye-nyoro genen faa. Molewu so ne Wurubuaare gi kyu aye-ila nyenyen kyee aye.

Kirisito Ne N Gye Ɖgyangbarabo

¹⁵ Kirisito obono asa me wu mo de ansi mo gye Wurubuaare oyuduu gbaa-gbaa. Imoso Wurubuaare obono a men kya wu de ansi mo oyuduu ne Kirisito gi lee nyiile asa. Ilaa kamaase ibono Wurubuaare gi lee pewu do mo, Kirisito ne n gye ogyangbarabo.

¹⁶ I kya nyiile yee Wurubuaare gi lee ikamaase ibono i bo soso de gese gere mo, mo-re Kirisito ne n lee imo. In gye ibono a kya wu de ansi mo wole. Dabole de ibono an kya wu de ansi mo kee fee ilaa ibonoana pewu i kya nye on anyamese so mo. Imo-re imo-abelense de imo-nbii, de imo-ibelebele de imo-iburuburu pewu, Wurubuaare mo-re Kirisito ne n lee imo. Kirisito kee ne o lee imo sa.

¹⁷ Kirisito wolaa o bo no pei ne ilaa kamaase i bo no. Ne kyu lii mo so ne ilaa kamaase i bo no faa.

¹⁸ Kirisito ne n gyangbara o sa Wurubuaare asonbo fee genobono nyamese gimu gi gyangbara sa nyamese nyoro mo. Lii mo so ne mo-asonbo me bo no. Mo kee ne n gye ogyangbarabo sa asa abono me laa wu' de me' kii kyingi lii ibuni do fee genobono o wora mo. I ba genen mo, de mo ne o' nye wora ogyangbarabo ilaa kamaase do.

¹⁹ I lii fee i wora Wurubuaare obole yee mo-oyuduu mo pewu gi' kyena Kirisito do kpaaloge.

²⁰ Kyu naa de mo Kirisito kee so ne i wora Wurubuaare obole yee o' loro mo-re ilaa kamaase nsana, ilaa ibono i bo soso de ibono i bo gese mo pewu. Imoso ne me da Kirisito anjanbi oyii so mo ne mo-nkalan gi kyeege fue. Nmo ne Wurubuaare gi kyu loro ilaa kamaase ne gisen yuuli gi nye ba.

Genobono Wurubuaare Gi Molege Kolosiya Awura Mo

²¹ Owi oko do mo, feye kee feye-re Wurubuaare nsana in bo kon. Fe wora daa mo-akyobo kyu lii feye-nwansa nyenyen de feye-ilaa nyenyen giwora so.

²² Npere faa ibono Kirisito gi kyu mo-nyoro gibi kyu sa ne me mo mo mo, i yee Wurubuaare gi loro feye-re mo nsana. O wu' genen daa de a' nye wora gisen fufuli awura abono o loro yela sa mo-nyoro mo de o' nye kyu aye kperere mo-se. Oko man wu aye-nyoro so ilaa nyenyen iko toge baa pii.

²³ Pei ne o laa nye wora genen sa feye mo, i gye ibono fe laa yele feye-ayaa so de fe' keda feye-gisogyi gibono fe bo sa Kirisito mo do ken-ken. Genobono fe nu okalan konkonse kyu lii Kirisito so ne fe kyu feye-ansi gyan mo so mo, sei-sei men sa i' biide feye lii nkan. Genen okalan konkonse obono fe nu faa, me naa gyan de gesinkpan pewu me kya toge mo ma-a sa okamaase. Ne okalan baare kee ne n baa wora me, Pooalo gesun worase.

Gesun Gebono Wurubuaare Gi Kyu Wora Pooalo Abaa Do Mo

²⁴ N kya yiye mo, i kya wora me okon daa kyu lii feye so. I kya nyiile yee kyu lii geiyee gebono me-nyoro gi kya yiye mo so mo, i kya kpaal de Kirisito-lee geiyee gebono o yiye sa mo-asonbo mo ge' yela okara. Kirisito asonbo ade me de fee Kirisito nyoro gbaa-gbaa.

²⁵ Kirisito asonbo kee ne ne ba n kya son. Genen gesun gede ne Wurubuaare gi kyu wora me-abaa do yee n' lee mo-agyebi mo gese sa feye kpaaloge.

²⁶ Nkana lii ko-o adedaabo abere mo, Wurubuaare gi kyu mo-ilaa boduduuse iko kyu nara. Nde nke nde do mo, Wurubuaare gi lee imogewi sa asa abono o loro momo yela sa mo-nyoro mo.

²⁷ Ɔ kya laare fɛɛ ɔ' yɛgɛ asa abono ɔ lɔrɔ mɔmɔ yela sa mɔ-nyoro mɔ me' bii yɛɛ mɔ-ilaa boduduuse idɛ i gye sa gɛsinkpan so asa kpɛi-kpɛi pɛwu. Ɔ kya laare me' bii nyisigyɛ beɛ ɔbono ɔnan ɔ bo genen ilaa boduduuse ibono dɔ mɔ. Ilaa boduduuse ibono n dare faa ne n gye yɛɛ Kirisito kya kyena fɛye-asen dɔ. Imɔ ne nan yɛgɛ fe' bii yɛɛ fɛ laa nyɛ Wurubuaare nyisigyɛ mɔ.

²⁸ Genen Kirisito ɔbono ɔ tɛ fɛye dɔ mɔ nyoro so ilaa ne a kya yele sansana tɔgɛ mɔ. A kya kyu ɔlaako ginyi kamaase ka nyamesɛ kamaase de a' nyiile nyamesɛ kamaase ilaa. A kya wɔra aniya nyiile ɔmɔ genen de owi ɔbono a laa kyu mɔmɔ ɔkamaase kpe Kirisito ase mɔ me ti sɛɛ Kirisito ilaa dɔ.

²⁹ Ilaa idɛ so ne me, Pɔɔlo, n kya kyu ɔlon ɔbono Wurubuaare gi kpɛ tansi ɔ kya sa me mɔ pɛwu, n kya wɔra mɔ-gesun nyaade gisisiri n kya wu awɔrɔfɔɔ faa.

2

¹ N kya laare fe' bii genɔɔbono n kya nyanga ansi n kya wɔra gesun n kya sa fɛye-rɛ Lawodisiya awura de asa abono pɛwu mɛ mɛɲ ti wu me de ansi kerɛ mɔ.

² N kya wɔra gesun genen daa de i' nyɛ keda fɛye-nyoro de fe' nyɛ gesalaare. Fe nyɛ gesalaare mɔ, i laa koola fɛye dabɔle wɔra nyamesɛ kolon. N kya nyanga ansi de Wurubuaare gesintin ilaa i' loo fɛye asen dɔ de fe' nu Wurubuaare ilaa boduduuse mɔ gɛsɛ. Wurubuaare ilaa ibono i bo dudu mɔ ne n gye Kirisito.

³ Mɔ-nkon ase ne anyamesɛ mɛ laa kpe de me' nyɛ Wurubuaare ɔlaako ginyi de genɔɔbono mɛ laa bii Wurubuaare mɔ.

Fe' Kpe Keda Fɛye-Gisɔɔgyi Mɔ Dɔ

⁴ N kya buu ilaa idɛ mi-i sa fɛye de fe' mɛɲ sa fe' yɛgɛ de ɔko-rɛ ɔko o' kyu genɔ ɔkon penɛ fɛye kyu lii fɛye-gisɔɔgyi mɔ so.

⁵ Me-rɛ fɛye aɲ kya nyɛ wu abara de ansi. Oduduu dɔ mɔ mɔ, me-gewɔnsa gɛ gyan fɛye so. I kya wɔra me ɔkon genɔɔbono fe kya wɔra ilaa imɔ-ɔkpa so ne fe yele fɛye-ayaa so girin gisɔɔgyi gibono fe bo sa Kirisito mɔ dɔ.

⁶ Fɛɛ genɔɔbono fe sɔɔ Kirisito Yesu abaa anyɔ yɛɛ mɔ ne n gye fɛye-Wura faa, fɛye-rɛ mɔ fe' kyena de abara genen.

⁷ Fe ti nyɛ kyu fɛye-nyoro kyu mada de mɔ faa mɔ, fe' yɛgɛ mɔ ɔ' lɔrɔ fɛye de fe' kpɛ fa-a wɔra ɔlon fe kya too fɛye-gisɔɔgyi mɔ dɔ. Fe' kpɛ keda genen fɛɛ genɔɔbono mɛ wolaa nyiile fɛye mɔ de fe' kpɛ fe de afaala abono aɲ bo ɔkara mɔ fa-a sa Wurubuaare.

⁸ Fe' kerɛ fɛye-nyoro so dandan de ɔko-rɛ ɔko ɔ mɛɲ sa o' kyu mɔ-lɛɛ nwɔnsa kyu penɛ fɛye gyan de fɛɲ' baa buu Kirisito. Mɔmɔ-nwɔnsa nbono ɔnan i lii anyamesɛ ase, ne i mɛɲ gye genen mɔ, i lii daa ilaa ibono i kya nyɛ ɔlon anyamesɛ so mɔ ase. In gye Kirisito ase ne i lii. Imɔso fɛɲ sa fe' sɔɔ imɔ gyi.

Fɛye-rɛ Kirisito Ginyamesɛ Kolon Mɔ Agyan

⁹ Kirisito berɛ, mɔ-rɛ Wurubuaare mɛ gye ɔkolon, ne o kii ɔ gye nyamesɛ.

¹⁰ Fɛye-rɛ Kirisito fe gye nyamesɛ kolon faa mɔ, Wurubuaare ilaa i bola fɛye dɔ kee. Ilaa ibonoana pɛwu i kya nyɛ ɔlon anyamesɛ so mɔ, genen Kirisito kolon baare ne n kya gyi imɔ so.

¹¹ Lii ibono fɛye-rɛ Kirisito fɛ gye nyamese kolon kee so mɔ, i yɛgɛ ɔ wɔra ilaa iko sa fɛye, i dɛ daa fɛɛ Gyuda awura itiibilaa iko. Gyuda awura mɛ kya ten awɔrɛ de i' lɛɛ nyiile yɛɛ mɛ gye Wurubuaare wɔlɛ asonbo. Ibono Kirisito gi wɔra sa fɛye mɔ berɛ, i mɛɲ gye fɛɛ gɛnɔɔbono nyamese ne n ten awɔrɛ kyu kyɛgɛ nyamese nyoro gibi mɔ. Fɛye-gidebi nyenyɛn gibono fɛ dɛ mɔ ɔwɔlɛ ne Kirisito gi kyadɛ fue genen.

¹² Genen kee ne owi ɔbono mɛ gyere fɛye Wurubuaare sagyere mɔ, i wɔra fɛɛ fɛye-rɛ Kirisito fɛ wu' gikolon ne mɛ pule fɛye-rɛ mɔ dabɔlɛ. Mɛ gyere fɛye genen mɔ, i wɔra fɛɛ fɛye-rɛ Kirisito pɛwu fɛ kyingi lii ibuni dɔ ne. Wurubuaare ne n gye ɔbono o kyingi Kirisito lii ibuni dɔ. Fɛ sɔɔ Wurubuaare ilaa wɔrase idɛ gyi so mɔ, i wɔra fɛɛ fɛye kee fɛ kyingi lii ibuni dɔ.

¹³ Pɛi de fɛye-rɛ Kirisito fɛ lɔɔ wɔra nyamese kolon mɔ, nkana fɛ dɛ fɛɛ asa abono mɛ wu' mɛ naa mɔ. Wurubuaare gi kyingi fɛye lii genen lɛwu ɔbono dɔ dabɔlɛ de Kirisito. Imɔ gɛsɛ ne n gye yɛɛ nkana fɛye-ilaa nyenyɛn giwɔra de ibono fɛɲ kya son Wurubuaare so mɔ, Wurubuaare ase mɔ, fɛ wɔra fɛɛ asa abono fɛ wu' mɔ. Nperɛ berɛ, ɔ yɛgɛ fɛ wɔra fɛɛ fɛ kyingi baa nye Kirisito-lɛɛ gɛkyena ɔnan dabɔlɛ de Kirisito. I kya nyiile yɛɛ o kyu aye-ilaa nyenyɛn pɛwu kyɛɛ aye.

¹⁴ Aye-ilaa nyenyɛn ibono a kya wɔra ne i kya yɛgɛ Wurubuaare nbara gi kya bun aye gipueɛ mɔ, Wurubuaare gi lɛɛ giyaa nyise imɔ pɛwu so. Ne i san wɔra fɛɛ aye-ilaa nyenyɛn de Kirisito ne Wurubuaare gi yɛgɛ mɛ da aɲanbi lɛwu oyii so mɔɔ genen.

¹⁵ Kyu lii Kirisito lɛwu baare so mɔ, ilaa nyenyɛn oduduu kpɛi-kpɛi ibono i kya nyɛ ɔlon anyamese so mɔ, Wurubuaare gi sɔgɛ imɔ-ɔlon pɛwu lii imɔ-abaa dɔ, ne o gyi imɔ so ne ɔ wɔra imɔ ipeeli sansana.

Kirisito So Ne A Kya Nye Sɛɛ Wurubuaare Ilaa Dɔ

¹⁶ Imɔso ibono Wurubuaare gi yɛgɛ fɛ nye fɛye-nyoro genen faa, fɛ mɛɲ sa fe' yɛgɛ ɔko-rɛ ɔko ɔ' baa yela ilaa kyosɛ nbara nko sa fɛye. Ako mɛ kya tɔgɛ yɛɛ fɛye-ilaa gyise iko abɛɛ ilaa nunɛ mɔ iko i kya kyɔ. Ako, mɔ, mɛ kya tɔgɛ yɛɛ i tiri fɛɛ fe' gyi gɛkɛ belɛ, bɔsɛ gikasegyan, abɛɛ gɛkɛ kyoolase mɔ so. Fɛɲ sa fe' nu ɔmɔ asɛ.

¹⁷ Genen ilaa kyosɛ ibono i gye daa fɛɛ ilaa kaalase ibono i kya nyiile ilaa ibono i laa baa ba mɔ. Idɛ kon berɛ, ilaa mɔ gbaa-gbaa i ba. Imɔ ne n gye Kirisito ilaa.

¹⁸ Imɔso ibono fɛ ti nye bii Kirisito gbaa-gbaa ilaa faa, fɛ mɛɲ sa fe' kii sɔɔ ako nbara kpɛi-kpɛi gyi. Ako yɛɛ fɛ mɛɲ sa fe' kyu fɛye-nyoro yɛɛ fɛ gye asa de fe' son Wurubuaare dɔ isɔɔ. Mɛ nyi yɛɛ imɔ idɛ ne nan kpaa fɛye Wurubuaare ase. Genen asa abono ɔnan mɛ kya tɔgɛ yɛɛ Wurubuaare gi lɛɛ ilaa gɛwi nyiile ɔmɔ fɛɛ idɛri. Mɛ kya tɔgɛ genen mɔ, mɛ kya pɛnɛ nyoro daa. Anyamese-lɛɛ nwɔnsa ne n kya yɛgɛ mɛ kya nyiile mɔmɔ-nyoro genen.

¹⁹ Mɛ mɛɲ kya tɛsɛ kyu mɔmɔ-nyoro mada de Kirisito ɔbono ɔ gye ɔgyangbarabo gɛkpaa-gɛkpaa mɔ. Kirisito ase ne mɔ-asonbo mɛ kya nyɛ Wurubuaare ɔlon de gɛnɔ kolon lii, fɛɛ gɛnɔɔbono gimu gi kyaga de nyamese nyoro pɛi ne mɔ-nyoro dɔ ikyin de nkyaga-nkyaga i kya nyɛ wɔra gɛsun imɔ-ɔkpa so mɔ. Genen ne Wurubuaare kya yɛgɛ mɛ kya sɛɛ mɔ-ɔson mɔ dɔ ne.

²⁰ Fɛye abono fɛ kya son Kirisito mɔ, i wɔra fɛɛ fɛye-rɛ Kirisito ne n wu' dabɔlɛ. Ilaa nyenyɛn oduduu kpɛi-kpɛi ibono i kya nyɛ ɔlon anyamese so gɛsinkpan gɛrɛ mɔ in baa nye ɔlon ɔko fɛye so. To! I mɛɲ baa i bo lon

feye so mɔ, i wonɛ so ne fɛ san fɛ tɛ fɛɛ imɔ ne n bo feye genen? Fɛ san fɛ kya kyo imɔ-ilaa kyose, fɛɛ

²¹ “Gɛɲ sa fo' keda idɛ,” “Gɛɲ sa fo' gyi idɛ,” “Gɛɲ sa fo' yii idɛ.”

²² Genen ilaa kyose idɛana mɔ, i gye daa anyamesɛ ne n yela imɔ. (Imo idɛana pɛwu mɔ, fo yii imɔ daa-o, fo keda imɔ daa-o, i laa taa baa nyida.)

²³ Asa abono mɛ kya kyo ilaa idɛana mɔ, i kya wɔra mɔmɔ fɛɛ ɔlaako ginyi ilaa ne mɛ kya wɔra. Mɔmɔ asɛ mɔ, mɛ nyi yɛɛ mɛ dɛ nyoro mɛ kya son Wurubuaarɛ imɔ-ɔkpa so ne, yɛgɛ mɛɲ ti taa wɔra sei. Mɛ kya wɔra mɔmɔ-nyoro fɛɛ mɛɲ gye asa ako, ne mɛ kya ka mɔmɔ-nyoro ansi mɔmɔ-ɔson mɔ so. Gɛsintin mɔ ne n gye yɛɛ mɔmɔ-nbara de mɔmɔ-ilaa kyose mɔ ɲɔ bo agyan. I maɲ taalɛ kpaɛ nyamesɛ de ɔɲ baa wɔra mɔ-lɛɛ ɔbole gelaarɛ.

3

Wurubuaarɛ Ase Gɛkyena ɔnan

¹ Wurubuaarɛ gi sa feye gɛkyena pobɔrɔ ne i wɔra fɛɛ feye-rɛ Kirisito ne n kyingi lii ibuni dɔ dabɔle. Imɔso i kaabore fɛ' laarɛ daa ilaa ibono i bo Wurubuaarɛ dɔ mɔ geten. Nno ne Kirisito tɛ Wurubuaarɛ asɛ, mɔ-rɛ Wurubuaarɛ mɛ kya gyi gewura.

² Fɛ' kyu feye-nwɔnsa gyan Wurubuaarɛ dɔ ilaa so taa gɛsinkpan so ilaa yɛgɛ.

³ I kya nyiile yɛɛ fɛ wɔra fɛɛ asa abono mɛ wu' mɔ. Imɔso feye-gɛkyena gbaa-gbaa gɛɲ baa gɛ bo gɛsɛ gɛrɛ. Gɛ san gɛ ɲara Kirisito asɛ Wurubuaarɛ dɔ.

⁴ Kirisito ne n tɛ aye dɔ so ne a nye gɛkyena gebono genen. Owi ɔbono Wurubuaarɛ laa lɛɛ Kirisito gɛwi nyiile gɛsinkpan so asa de nyisigyɪ mɔ, Wurubuaarɛ laa yɛgɛ aye-gɛkyena gebono gɛ laa lii gɛwi Kirisito asɛ de nyisigyɪ kee.

Gɛkyena Pobɔrɔ De Gɛkyena Dedaa

⁵ Imɔso ibono i wɔra fɛɛ fɛ kpe Wurubuaarɛ dɔ genen so mɔ, fɛ' lɛɛ abaa kee lii gɛsinkpan so ilaa ibono i kya gyi feye-amu mɔ dɔ. Genen ilaa ibonoana ne n gye agyibara gilaarɛ, ilaa kankaran giwɔra, ilaayan nwɔnsa, de ibono fɛ laa laarɛ ilaa ibono ɲɔ gye iwɔrase, abɛɛ fɛ' wɔra onsipara ɔko ilaa so. Onsipara wura kya wɔra fɛɛ ɔ kya lii Wurubuaarɛ gemara son daa gɛsinkpan so ilaa dɛnsɛ.

⁶ Asa abono mɛ kya wɔra gisomaanu sa Wurubuaarɛ mɔ mɔmɔ ne n kya wɔra genen ilaa nyenyɛn idɛana. Imɔso Wurubuaarɛ laa kyu ginyadon de mɔmɔ.

⁷ Nkana abɛrɛ ako dɔ mɔ fɛ tɛ akyenabi abono, ne ilaa idɛana ne feye kee fɛ kya wɔra.

⁸ Idɛ kon ibono fɛ kya ka gyan Kirisito so faa mɔ, fɛ' too ilaa nyenyɛn pɛwu giwɔra fue. Fɛɲ sa fɛ' yɛgɛ ginyadon foro-foro agyɛbi de gɛkyo ilaa de asebi de ibono ɲɔ gye itɔgɛsɛ mɔ i' lii feye-nno dɔ.

⁹ Fɛ' mɛɲ sa fɛ' kɛɛ abon sa abara. I lii fɛɛ feye dedaa-lɛɛ gidebi nyenyɛn mɔ gimɔ-rɛ gimɔ-ilaa wɔrase pɛwu mɔ, fɛ too imɔ fue.

¹⁰ Idɛ kon fɛ kyɛɛgɛ baa nye oyuduu pobɔrɔ dɛnsɛ. Wurubuaarɛ ne n lɔrɔ lɛɛ oyuduu pobɔrɔ ɔbono sa feye. ɔ kpe ɔ kya lɔrɔ feye-oyuduu baarɛ i kya yɛgɛ ɔ kya kii wɔra ɔpobɔrɔ ɔ kya too de fɛ' nye wɔra fɛɛ mɔ Wurubuaarɛ-lɛɛ oyuduu mɔ. Wurubuaarɛ kya wɔra genen de fɛ' nye bii mɔ dandan.

11 Wurubuaare gi lɔrɔ lɛɛ fɛye-oyuduu pobɔrɔ genen mɔ, ilaa ibono nkana i kya barage fɛye nsana mɔ, in̄ baa i bo ilaa dɔ. Fɛ gye Gyuda awura daa-o, fɛ mɛn̄ gye Gyuda awura-o, fɛ ten awɔrɛ daa-o, fɛ mɛn̄ ten daa-o, fɛ gye asafo kpan-n daa-o, fɛ gye abono mɔmɔ-ansi aŋ bugi-o, fɛ tɛ owura ase daa-o, fɛ tɛ sa fɛye-nyoro daa-o, ilaa idɛ pɛwu, in̄ baa i bo ilaa dɔ. Kirisito wole ne n bo ilaa dɔ, ne mɔ ne n bo fɛye ɔkamaase dɔ.

12 Wurubuaare gi lɛɛ gibaa yii fɛye, ne ɔ lɔrɔ fɛye yela sa mɔ-nyoro. ɔ kya laare fɛye-ilaa. Imoso ilaa dense giwɔra ne n kaabore fɛye. Fɛ' kyu imɔ too fɛye-nyoro so, fɛɛ gitolon de ilaa ibono fɛ laa wɔra de i' yuuli asa asen. Fɛ' bara fɛye-nyoro gɛsɛ sa abara de fɛ' nyɛ gisen sa abara.

13 Fɛ' tɔgɛ kyule abara. Nengyene ɔko gi wɔra fɛye ilaa nyenyɛn mɔ, fɛ' kyu kyɛɛ mɔ. Genɔɔbono aye-Wura Yesu gi kyu kyɛɛ fɛye mɔ, genen ne i kaabore fɛɛ fɛye kee fɛ' kyu kyɛɛ abara ne.

14 Fɛye-gidense gidɛ pɛwu gemara mɔ, fɛ' kyu gɛsalaare kyu too fɛye-nyoro so. Gɛsalaare ne n kya yɛgɛ fɛye-ilaa kamaase i laa kyena de abara ɔkpa so kanpɛ.

15 Fɛ' yɛgɛ Kirisito gisen yuuli gibono ɔ kya sa fɛye mɔ gi' kyena fɛye-asen dɔ de gimɔ ne gi' gyangbara sa fɛye. Fɛ gye daa nyamesɛ kolon, ne gisen yuuli so ne Wurubuaare gi tɔgɛ fɛye yɛɛ fɛ' son mɔ. Fɛ' yɛgɛ Wurubuaare ilaa wɔrase i' gyi fɛye-ginsi de fɛ' faala mɔ lii fɛye-asen dɔ.

16 Fɛ' yɛgɛ Kirisito agyebi mɔ a' kyena fɛye-asen dɔ doɔdan de fɛ' kyu Wurubuaare ɔlaako ginyi pɛwu kyu nyiile abara de fɛ' ka abara. Fɛ' kyu Wurubuaare agyebi dɔ ilon, Wurubuaare asonbo ilon, de Wurubuaare Oduduu mɔ ilon pɛwu de fɛ' kyu bii faala Wurubuaare lii fɛye-asen dɔ.

17 Ilaa kamaase ibono fɛ laa tɔgɛ abɛɛ fɛ laa wɔra mɔ, fɛ' kyu daa Wura Yesu ginyɛn kyu wɔra imɔ. Fɛ' kpɛ fɛ dɛ afaala kyu naa de mɔ Wura Yesu so fɛ kya sa Wurubuaare ɔbono ɔ gye aye-sɛ mɔ.

ɔbono ɔ sɔɔ Yesu Gyi Mɔ Gikyenabi

18 Akyii, fɛ' bara fɛye-nyoro gɛsɛ sa fɛye-kuliana fɛɛ genɔɔbono i kaabore abono mɛ sɔɔ Wura Yesu gyi mɔ mɛ' wɔra mɔ.

19 Fɛye anyɛn mɔ, mɔ, fɛ' laare fɛye-kaana ilaa. Fɛ mɛn̄ sa fɛ' wɔra ɔmɔ genɔ.

20 Fɛye nbii mɔ, mɔ, fɛ' nu fɛye-sɛana de fɛye-nyiana ase ilaa kamaase dɔ. Imɔ ne n kya gyi Wura Yesu ginsi.

21 Fɛye abono fɛ gye ase mɔ, fɛ mɛn̄' kyena n̄maayii fɛye-biana de i' yɔɔ mɔmɔ-nyoro.

22 Fɛye abono fɛ tɛ asa ase gesinkpan so mɔ, fɛ' nu fɛye-wuraana ase ilaa kamaase dɔ. Fɛye-wuraana mɔ mɛ yelɛ mɛ kɛrɛ fɛye-o, mɛ mɛn̄ yelɛ mɛ kɛrɛ fɛye-o, fɛ' gyi gɛsintin sa ɔmɔ lii fɛye-asen dɔ fɛɛ asa abono mɛ sɛɛ Wura Yesu mɔ de i' mɛn̄ sa i' wɔra fɛɛ abono mɛ kya laare ayɛnbi mɛ kya lii daa anyamesɛ ase mɔ.

23 Ilaa kamaase ibono fɛ laa wɔra mɔ, fɛ' wɔra imɔ lii fɛye-asen dɔ fɛɛ Wura Yesu ne fɛ kya wɔra fɛ kya sa. In̄ sa i' wɔra fɛɛ nyamesɛ.

24 Fɛ' bii yɛɛ fɛye-ntɛɛla gi laa lii daa mɔ ase. Mɔ ne n kya baala Wurubuaare dɔ ilaa ɔ kya yela ɔ kya sa fɛye. Aye-Wura Yesu Kirisito ne fɛ kya son.

25 Genen kee ne Wurubuaare laa ka nyamesɛ kamaase ilaa nyenyɛn ibono ɔ wɔra mɔ gikɔ. Wurubuaare berɛ, mɛn̄ bo geligi.

4

¹ Feye abono asa me te feye ase mo, fe' kyu gesintin kere momo so fee genobono i kaabore mo. Fe' nyingi yee feye kee fe bo owura oko Wurubuaare do.

Gika Laalaaloge

² Fe' kpe keda gedalaa do ken-ken de feye-ansi a' de. Fe kya dalaa genen mo, fe' kyu afaala sa Wurubuaare.

³ Fe' dalaa kole Wurubuaare sa aye abono a kya toge mo-agyebi mo kee yee o' bugi okpa sa aye de a' nye lee Kirisito ilaa boduduuse mo toge. Kirisito ilaa ide ne n' kya toge ne me keda me tii de obu faa.

⁴ Fe' dalaa yee Wurubuaare o' sa me okpa de n' taale toge Kirisito ilaa genobono okara i kaabore n' toge de i' loo asa aso do mo.

⁵ Feye-re asa abono men bo aye Yesu asonbo mo do mo fe te dabole mo, fe' kere doodan de fe' kyu okpa kamaase obono fe laa nye mo kyu kpa mo de me' bii Wurubuaare.

⁶ Owi kamaase do mo fe' yee feye-getonge ge' gyi ginsi genobono i laa nye kpa Wurubuaare gesun. Oko gi taase feye ilaa iko mo, de fe' bii lee geno kanpe.

Afaala Tiikarase

⁷ Ne keda Tikakuse sun feye ase. O loo mo, o laa toge me-ilaa sa feye. O gye aye-nanbo laarese obono aye-re mo a kya son Wura Yesu dabole. Genobono o kya wora gesun mo, a kya ka gyan mo so.

⁸ Ilaa ibono so ne keda mo n kya sun feye ase mo ne n gye yee n kya laare fe' nye bii genobono so a te de gere mo de i' nye keda feye-nyoro.

⁹ Mo-re Onesimose, aye-nanbo laarese obono a kya ka gyan mo so mo ne n kya ba feye ase genen. Onesimose gye daa feye-nten obi. Momo asa anyo ade me laa toge ilaa kamaase ibono i wora gere mo pewu sa feye.

¹⁰ Arisetaakuse obono me-re mo a tii de obu mo kya faala feye. Maako, Banabase mo-pikiyi mo-bi mo kee kya faala feye. Fe ti wolaa nye okalan kyu lii Maako baare so yee nengyene fee o ba feye ase nno mo, fe' keda mo dandan.

¹¹ Gyiisase obono me kya tere mo yee Gyusetuse mo kee kya faala feye. Me-re asa kpei-kpei a bo gere a kya wora aye-gesun gede de Wurubuaare gewuragyi do akyenabi mo a' nye yelege asa do. Me-re genen asa asa' ade wole ne n gye Gyuda awura abono a saare momo do. Me yege me-gisen gi toro me.

¹² Epafirase obono o gye feye-osowole so isa ne o kya son Kirisito Yesu mo kee kya faala feye. Owi kamaase do mo Epafirase baare tansi o kya dalaa lii mo-gisen do sa feye yee fe' kpe keda genen de fe' wora asa abono me ten ansi Wurubuaare ilaa do. O kya dalaa yee fe' wora asa abono me laa bii Wurubuaare gelaare pewu mo.

¹³ Genobono o kya gyi gesun sa feye-re Lawodisiya de Harapolise awura mo, ne wu imo de me-ansi pei ne n' kya toge feye faa.

¹⁴ Aye-kyemene dense, Luka obono o gye alobo okyeyo mo, de Deemase me kya faala feye.

¹⁵ Fe' faala aye-nanboana abono me kya son Yesu Lawodisiya osowole mo so mo de fe' faala Nenfa mo-re Yesu asonbo abono me kya kyena gyan mo-geten do mo kee sa aye.

¹⁶ Nengyene fe kale owole baare mo, fe' yege Yesu asonbo gikpen gibono gi bo Lawodisiya mo kee me' kale mo, de feye kee fe' kale momo-lee obono me nye mo.

¹⁷ Fe' buu sa Akipuse yee o' kere de o' wora gesun gebono Wura Yesu gi kyu wora mo-abaa do mo kpaaloge.

¹⁸ Ne sin gere. Me, Pɔɔlo gbaa-gbaa ne n de me-gibaa n kya nmarase afaala tiikarase ade n kya sa feye faa. Feɲ sa fe' tan me so yee ne toge Wurubuaare agyebi ne me keda me tii de obu. Wurubuaare o' sa feye so gewansa dense.

Pɔɔlo Ɔwɔlɛ Gyangbarasɛ Ɔbono Ɔ Nmarasɛ Bunge Tesalonika Awura Mɔ

¹ Me Pɔɔlo de Siilase (Silefanusɛ) de Timoti ne n kya nmarasɛ ɔwɔlɛ baare a kya sa fɛye Yesu asonbo abono fɛ bo Tesalonika ɔsowɔlɛ so mɔ. Fɛ gye asa abono fɛye-rɛ aye-sɛ Wurubuaarɛ de aye-Wura Yesu Kirisito fɛ wɔra nyamesɛ kolon. Wurubuaarɛ ɔ' sa fɛye so gɛwɔnsa densɛ de ɔ' sa fɛye gisen yuuli.

Fɛ Sɔɔ Yesu Ɔkalan Mɔ Abaa Anyɔ

² Owi kamaasɛ dɔ mɔ a kya faala Wurubuaarɛ kyu lii fɛye pɛwu so. A kya dalaa a kya nyingi fɛye so.

³ A kya dalaa a kya sa aye-sɛ Wurubuaarɛ genen mɔ, a kya nyingi genɔɔbono fɛ bo gisɔɔgyi sa aye-Wura Yesu Kirisito ne fɛ dɛ gimɔ fɛ kya wɔra ilaa densɛ mɔ. Fɛ bo gelaarɛ' sa Yesu so mɔ, fɛ kya nyanga ansi mɔ-gesun mɔ dɔ. Fɛye-ansi a gyan mɔ so ne i kya yɛgɛ fɛ kya nye gisen fɛye-gɛkyena dɔ.

⁴ Aye-nanboana Yesu ɔson mɔ dɔ, a nyi yɛɛ Wurubuaarɛ gi kyu fɛye-ilaa wɔra mɔ-gisen dɔ ne ɔ tɔɔsɛ fɛye lɛɛ de ɔ' nye lɔrɔ fɛye yela sa mɔ-nyoro.

⁵ I lii fɛɛ owi ɔbono a kpe fɛye asɛ kpaɔ tɔgɛ Yesu ɔkalan konkonsɛ mɔ sa fɛye mɔ, i mɛn gye gɛtɔngɛ giyan. A wu yɛɛ Wurubuaarɛ Oduduu mɔ ne n tɔngɛ naa de aye so sa fɛye ne fɛ bii fɛye-asen dɔ yɛɛ ɔkalan mɔ gye gesintin. Fɛ nyi genɔɔbono a kyu akɛnabi densɛ kyena de fɛye de fɛ' nye wɔra ɔdan Wurubuaarɛ ansi so mɔ.

⁶ Fɛye kee, fɛ kasɛ aye-rɛ aye-Wura Yesu ilaa wɔrasɛ. I lii fɛɛ owi ɔbono fɛ nu Yesu ɔkalan ne i yɛgɛ asa ako mɛ kya ka fɛye-ansi mɔ, fɛ dabɔlɛ yela giso nu ɔkalan mɔ de ɔkon. I lii fɛɛ Wurubuaarɛ Oduduu mɔ ne n sa fɛye ɔkon ɔbono.

⁷ Fɛye-genen ilaa idɛ so mɔ, i yɛgɛ fɛ wɔra sinkaala sa asa abono pɛwu mɛ sɔɔ Yesu gyi Masadoniya de Akaya nsinkpan so mɔ.

⁸ Fɛye so mɔ, nono awura mɛ nye nu Wura Yesu ɔkalan mɔ. I mɛn gye mɔmɔ-wɔlɛ ne n nu fɛye-gisɔɔgyi mɔ ilaa. Genɔɔbono fɛ sɔɔ Wurubuaarɛ gyi kyu naa de Yesu so mɔ, i nu gyan' de nten kpeɪ-kpeɪ kaaborɛ nperɛ in baa i tiri yɛɛ a' baa tɔgɛ fɛye-ilaa sa ɔko-rɛ ɔko.

⁹ Genɔɔbono a kpe fɛye asɛ ne fɛ sɔɔ aye abaa anyɔ mɔ, asa mɛ kya tɔgɛ imɔ so ilaa ma-a sa nten kpeɪ-kpeɪ awura. Mɛ kya tɔgɛ genɔɔbono fɛ taa ikperɛ gison yɛgɛ ne fɛ san fɛ kya son daa Wurubuaarɛ ɔbono ɔ gye gesintin wura ne ɔ dɛ nkpa de mɔ-gibaa mɔ.

¹⁰ Mɛ kya tɔgɛ yɛɛ fɛ san fɛ tɛ fɛ gyoo daa Wurubuaarɛ mɔ-bi Yesu ɔbono ɔ laa lii Wurubuaarɛ dɔ kii ba gesinkpan so mɔ. Wurubuaarɛ gi kyingi mɔ lii ibuni dɔ. Anyamesɛ ilaa nyenyɛn giwɔra so mɔ, gɛkaako Wurubuaarɛ laa baa lɛɛ mɔ-ginyadon gɛwi nyiile mɔmɔ. Yesu ne n gye ɔbono ɔ laa mɔlɛgɛ aye lii Wurubuaarɛ ginyadon gibono dɔ.

2

¹ Aye-nanboana Yesu ɔson mɔ dɔ, fɛye gbaa-gbaa fɛ wu yɛɛ ibono so a kpe fɛye ase mɔ, i mɛn wɔra giyan.

² Pɛi de a' lɔɔ kpe fɛye ase Tesalonika nno mɔ, a kpe Filipayi ɔsowole so. Genɔɔbono asa mɛ wɔra aye awɔrɔfɔɔ ne mɛ saale aye nno mɔ, fɛ nyi imɔ pɛwu. A loo fɛye ase nno kee mɔ, nkana asa mɛ laare mɛ' tii aye-ɔkpa yɛɛ a maɲ nyɛ tɔgɛ Yesu ilaa sa fɛye. Imɔ-rɛ imɔ genen gbaa mɔ, aye-Wurubuaare gi dabole sa aye ɔlon ne a taale da otu tɔgɛ mɔ-ɔkalan konkonse kyu lii Yesu so mɔ sa fɛye.

³ Genɔɔbono a tɔgɛ keda fɛye-nyoro mɔ, i mɛn gye yɛɛ a fue daa. Ne i mɛn gye yɛɛ a kpaa penɛ fɛye. In kii i gye yɛɛ ilaa iko ne n tiri aye lii fɛye ase.

⁴ Wurubuaare gi kerɛ mɔ, o wu yɛɛ a gye asa abono ɔ laa taale kyu mɔ-ɔkalan konkonse kyu lii Yesu so mɔ wɔra aye-abaa dɔ de a' tɔgɛ sa asa. Imɔso aye, mɔ, a kya tɔgɛ ɔkalan mɔ mɔ, i mɛn gye anyamese-lɛɛ ayenbi ne a kya laare. A kya laare genɔɔbono i laa gyi Wurubuaare ginsi mɔ daa. Mɔ ne n nyi aye-asen dɔ.

⁵ Fɛye gbaa-gbaa fɛ nyi yɛɛ owi ɔbono a bo fɛye ase mɔ, aɲ kyu genɔ ɔkon penɛ fɛye. Ne aɲ kyu aye-asen dɔ ilaa iko ɲara fɛye de a' nyɛ ilaa iko lii fɛye ase. Wurubuaare kee nyi yɛɛ ibono a kya tɔgɛ mɔ i gye gesintin.

⁶ I mɛn gye genɔɔbono aye-ginyen gi laa dii fɛye ase abɛɛ asa ako kpɛi ase mɔ ne a laare.

⁷ Genɔɔbono a gye Yesu Kirisito isɔɔ faa, nkana a bo ɔkpa fɛɛ a' nyise fɛye. Aye, mɔ, a su fɛye so, ne a kerɛ fɛye so fɛɛ genɔɔbono talabo kya kerɛ mɔ-biana so mɔ.

⁸ Gelaare' belɛ gebono a bo sa fɛye mɔ so mɔ, i mɛn gye Wurubuaare ɔkalan konkonse kyu lii Yesu so mɔ wole ne a kyu kperɛ fɛye. A kyu aye-asen kee sa fɛye bola Wurubuaare ɔkalan mɔ so. I lii fɛɛ fɛye-ilaa i loo aye-asen dɔ.

⁹ Aye-nanboana, owi ɔbono a bo fɛye ase mɔ fɛɲ kya nyingi genɔɔbono a nyanga ansi wɔra gesun genye de gɛpɛ kyu kerɛ aye-nyoro so mɔ? Aɲ laare yɛɛ Wurubuaare ɔkalan konkonse mɔ gitɔgɛ so mɔ, a' wɔra gesola sa fɛye dɔ ɔko-re ɔko.

¹⁰ Fɛye abono fɛ sɔɔ Yesu gyi mɔ, fɛye-rɛ Wurubuaare fɛ nyi aye so yɛɛ a bo fɛye dɔ mɔ, a lɔrɔ aye-nyoro yela sa Wurubuaare ne a gyi gesintin sa fɛye-rɛ mɔ. ɔko mɛn wu ilaa nyenyɛn iko aye-nyoro so tɔgɛ.

¹¹ Fɛ wu yɛɛ a kerɛ fɛye ɔkamaase so fɛɛ genɔɔbono ɔsɛ dense kya kerɛ mɔ-biana so mɔ.

¹² Aberɛ abono dɔ pɛwu mɔ a kpe a kya buɛɛɛ fɛye, a kya tɔgɛ wɔra fɛye, ne a kya ka fɛye yɛɛ fɛ' kyena akyenabi abono a kaabore Wurubuaare asonbo mɔ. I lii fɛɛ Wura Wurubuaare ne n tɔgɛ fɛye yɛɛ fɛ' baa kyena mɔ ase mɔ-gɛwuragyi mɔ dɔ de fɛye kee fɛ' nyɛ mɔ-lɛɛ nyisigyɛ mɔ ɔnan.

Fɛ Bii Yɛɛ Wurubuaare-Lɛɛ ɔkalan Ne ɔ Gye

¹³ I bo ibono so a kpe a kya faala Wurubuaare in kya ta mɔ. Imɔ ne n gye yɛɛ a wu yɛɛ fɛ nu Wurubuaare ɔkalan mɔ lii aye ase genen mɔ, fɛ mɛn kyu mɔ yɛɛ nyamese-lɛɛ ɔkalan ne ɔ gye. Genen mɔ ne i de ne; ɔkalan mɔ gye daa Wurubuaare-lɛɛ, ne Wurubuaare de mɔ ɔ kya wɔra gesun fɛye abono fɛ sɔɔ mɔ gyi mɔ gɛkyena dɔ.

¹⁴ Aye-nanboana Yesu ɔson mɔ dɔ, fɛye-rɛ Yesu asonbo abono mɛ bo Gyuda awura dɔ mɔ fɛ wɔra gikolon. I lii fɛɛ Wurubuaare ɔkalan baare so mɔ, fɛye-gewi awura mɛ kya ka fɛye-ansi. Genen ne Gyuda awura kee mɛ

wɔra mɔmɔ-gewi awura ne. Me ka mɔmɔ abono me kya son Wurubuaare kyu naa de Kirisito Yesu so mɔ ansi.

¹⁵ Dedaa mɔ, Gyuda awura ade me mɔɔ Wurubuaare ikalan atɔgebo. Mɔmɔ-gemara awura ako mɔ me mɔɔ aye-Wura Yesu, ne mɔmɔ ako kee ne n kya ka aye-ansi faa. Mɔmɔ-ilaa wɔrase in kya wɔra Wurubuaare ɔkon, ne me kya kyo asa sense pewu.

¹⁶ Me gya aye yee a men sa a' nye tɔge Wurubuaare ɔkalan mɔ sa asa abono me men gye Gyuda awura mɔ. Men kya laare genen asa abono me' nye Wurubuaare amɔlege mɔ. Genen ilaa ibono me kya wɔra faa so mɔ, me kya kpane ilaa nyenyen ma-a mili mɔmɔ-nyoro ne. Mɔmɔ-ilaa nyenyen ide i laa yela ɔkara kon. Ide kon Wurubuaare laa lee mɔ-ginyadon gewi nyiile ɔmɔ.

A Laare Fɛe A' Nye Kii Ba Wu Feye Kusaa

¹⁷ Aye-nanboana Yesu asonbo, lii abere abono i ka aye-ansi ne a koso kyon taa feye yee nmaraa faa mɔ, aye-ansi ne men kya wu feye. Aye-nwɔnsa bere gi gyan feye so. A kpe a kya nyingi feye so in kya ta. A de aniya a kya laare ɔkpa ɔbono so a laa nye kii wu feye kusaa mɔ.

¹⁸ Genen so mɔ, a laare fɛe a' nye kii baa laa feye. Me Pɔɔlo bere, n kya tɔge yee nan kii baa laa feye mɔ, i don gikpadɔ gifonee. Imɔ pewu mɔ, ilaa nyenyen pewu gemu mɔ ne n kya tii aye-ɔkpa genen.

¹⁹ Gekaako aye-Wura Yesu laa kii ba gesinkpan so de aye-re feye pewu a' kpe mɔ ase. Gekaabono mɔ, feye so ne aye-ansi a gyan' yee a laa nye afaala lii Yesu ase. Ne in gye feye so mɔ, nkana anɛana? Feye kee so ne a laa gyi ɔkon de a' nye gyiide mɔ Yesu ansi dɔ.

²⁰ Gesintin, feye so ne a laa nye nyisigi ne a laa nye gyi ɔkon.

3

¹ I kii keela ne an ti kii wu feye mɔ, an baa taale kyena genen. Imɔso aye asa asa' a tɔge kyule abara yee me-re Sillase a laa sii kyena Atense ɔsowole so

² de a' sun aye-nanbo Timoti feye ase. Aye-re mɔ ne n naa a kya wɔra Wurubuaare gesun mɔ faa. Gesun mɔ ne n gye Wurubuaare ɔkalan konkonse kyu lii Kirisito so gitɔge sa asa. A sun Timoti feye ase yee ɔ' kpaa kpaa' feye de ibono fe sɔɔ Yesu Kirisito gyi faa mɔ, fe' nye yele feye-ayaa so genen gisɔɔgyi mɔ dɔ. Aye yee ɔ' tɔge keda feye-nyoro yee

³ ibono fe bo ɔlaawuse baare dɔ faa, i men sa i' yee feye ɔko-re ɔko gisen gi' koso Yesu so. Feye gbaa-gbaa fe nyi yee genen ɔlaawuse baare ɔnan ne n gye ɔbono ɔ laa tu aye Yesu asonbo mɔ.

⁴ Owi ɔbono a bo feye ase nno mɔ, a wolaa tɔge feye yela yee aye-re feye a laa wu ɔlaawuse. Gesintin mɔ, fen wu i ba genen mɔ?

⁵ Me Pɔɔlo men kya wu feye mɔ, men kya taale n' kyena. Imɔso ne a sun Timoti feye ase mɔ. A sun mɔ de ɔ' kpaa laa feye kere yee gisɔɔgyi gibono fe bo sa Yesu mɔ gi de nne? N kya taase me-nyoro yee ofaanan ilaa nyenyen pewu gemu mɔ, mɔ ɔbono ɔ kya soo anyamese idoo mɔ, gi nye feye fɛe? Abee aye-gesun gebono a kpaa wɔra feye ase nno mɔ, ge wɔra giyan fɛe?

⁶ Ide kon Timoti gi baa wɔra aye amandɛ dense kyu lii feye-gisɔɔgyi gibono fe bo sa Yesu mɔ de feye-gesalaare mɔ so. O buu sa aye yee aye-ilaa i bo feye-asen dɔ fe kya nyingi aye so. ɔ tɔge yee feye-ansi a gyan' aye

so fe kya laare fe' kii nye aye wu de feye-ansi fee genooono aye kee a kya laare de a' kii nye feye wu mo.

⁷ Aye-nanboana, Timoti gi baa toge aye genen mo, i yege aye-gisen gi toro aye. Dabole ibono a kya wu olaawuse baare ne a kya yiyee pewu faa, genooono fe kpe fe kya soo Yesu fe kya gyi faa mo, i kya keda aye-nyoro.

⁸ Ide kon a nu yee fe yele feye-ayaa so ken-ken gisoo gyi gibono fe bo sa Wura Yesu mo do. Imoso i yege aye-gisen gi toro aye.

Pooolo Ndalaa Nbono O Kya Dalaa Sa Tesalonika Awura Mo

⁹ A men nyi afaala abono a laa kyu faala Wurubuaare kyu lii feye so mo. Okon obono Wurubuaare gi yege a nye feye so mo kyo gikyo.

¹⁰ A kya dalaa genye de gepe a kya kole Wura Wurubuaare lii aye-asen do yee o' yege de a' kii nye wu feye de ansi de ilaa ibono i kya san feye de fe' nye soo Yesu gyi too mo, a' nye nyiile feye imo.

¹¹ Aye-se Wurubuaare gbaa-gbaa de aye-Wura Yesu me' loro aye-okpa kyu kpe de feye ase so de a' nye kii kpa laa feye kusa.

¹² Aye-Wura Yesu o' yege fe' tansi laare abara ilaa de fe' laare nyamese kamaase ilaa kee. O' yege genen gesalaare mo ge kpe ge kya nyaaky feye do ge kya too, fee genooono aye kee a kya laare feye-ilaa mo.

¹³ Genen ne aye-Wura Yesu laa nye sa feye olon de feye-asen a' nye fuuli aye-se Wurubuaare ase. I man nye ilaa nyenyen iko feye-nyoro so owi obono aye-Wura Yesu laa kii ba gesinkpan so, mo-re abono pewu o loro yela sa mo-nyoro mo.

4

Feye-Gekeyena Ge' Gyi Wurubuaare Ginsi

¹⁻² Aye-nanboana Yesu onon mo do, a ti wolaa nyiile feye genooono fe laa kyu kyena ne i laa gyi Wurubuaare ginsi mo. Fe nyi nbara nbono a yela sa feye Wura Yesu ginyen do mo. A kya wu yee fe de nmo do. Ide kon mo a de Wura Yesu ginyen a kya kole feye, ne a kya ka feye yee fe' loro keda genen.

³ Wurubuaare gelaare ne n gye yee fe kpe fe kya loro feye-nyoro fe kya yela fa-a sa mo. Oko on sa o' laare ogyibara.

⁴ Okamaase o' kase de o' bii mo-nyoro gikedabi de o' kyu gisen fufuli de buubuu kyu kyena.

⁵ On sa o' yege ilaayan nwonso i' gyi mo-gimu, fee genooono abono me men nyi Wurubuaare agyebi mo me kya wora mo.

⁶ Oko-re oko on sa o' kyu ilaa ide onan peno mo-nanbo obono mo-re mo me bo Yesu onon do mo. Oko on sa o' kyu ilaayan okpa so kyu nyida mo-nanboana gekeyena. A wolaa toge titii feye yee fe' wora genen. Obono o laa wora genen ilaa nyenyen ideana mo Wurubuaare laa biide mo-giso ka giko.

⁷ Wurubuaare men toge aye yee a' kyena ilaayan gekeyena abee a' laare agyibara. O toge aye daa yee a' loro aye-nyoro yela sa mo.

⁸ Imoso fo obono fo kine yee fo man nu ilaa ide mo, i men gye nyamese gede ne fo kine yee fo man nu. Wurubuaare obono o kyu mo-Oduduu kyu sa fo mo gede ne fo kine genen.

⁹ A wu yee in baa i tiri yee a' baa nmarase feye kyu lii gesalaare ilaa so. Wurubuaare gi ti wolaa nyiile feye genooono fe laa laare feye-nanboana abono feye-re momo fe kya son Yesu mo ilaa.

¹⁰ Gesintin mɔ, fɛ kya laare feye-nanboana abono mɛ bo Masadoniya gesinkpan so mɔ pɛwu ilaa, fɛɛ genɔɔbono Wurubuaare gi nyiile feye mɔ. A kya kole feye yɛɛ fɛ' kɛɛ fɛ kya laare abara ilaa genen fɛ kya too.

¹¹ Fɛ' wɔra aniya de fɛ' kyena feye-nno so. Ɔkamaase o' nu de mɔ-lɛɛ de ɔ' laare gesun wɔra de ɔ' kere mɔ-nyoro so, fɛɛ genɔɔbono a wolaa ka feye mɔ.

¹² Fɛ wɔra genen mɔ, asa abono mɛ mɛɲ bo feye-ɔson dɔ mɔ mɛ laa nye kyu buubuu sa feye. Ne fɛ maɲ kyu feye-nyoro too ɔko so.

Aye-Wura Yesu Laa Kii Ba Gesinkpan So

¹³ Aye-nanboana Yesu asonbo, a mɛɲ kya laare fɛɛ asa abono mɛ ti wu' lii feye dɔ mɔ lewu ɔ kɛɛ ɔ kya loo feye. Genen ne i kya wɔra asa abono mɔmɔ-ansi a mɛɲ gyan' Yesu so mɔ.

¹⁴ Aye abono aye-ansi a gyan' Yesu so mɔ bere, a sɔɔ gyi yɛɛ o wu' ne o kyingi lii ibuni dɔ. Imɔso abono mɔmɔ-ansi a gyan' Yesu so pɛi ne mɛ wu' mɔ, a' buu sa feye yɛɛ kyu naa de Yesu so mɔ owi ɔbono Wurubuaare laa yɛɛ Yesu o' kii ba gesinkpan so mɔ, mɔ-rɛ genen asa abono mɛ laa ba.

¹⁵ I kya nyiile yɛɛ Wura Yesu gbaa-gbaa ne n nyiile aye ilaa idɛ. O nyiile aye yɛɛ gɛkaabono ɔ laa kii ba gesinkpan so mɔ, aye abono a san a tɛ de ansi mɔ a maɲ gyangbara abono mɛ son mɔ ne mɛ ti wu' mɔ de a' kpaa gyangara mɔ.

¹⁶ Ɔ laa ba genen mɔ, asa mɛ laa nu gigyebi giko gi laa kpen gikolon, ne asa mɛ laa nu Wurubuaare dɔ isɔɔ ɔbelense gigyebi', de Wurubuaare gɛgandan gɛ' saawo. Nfono mɔ, Yesu asonbo abono mɛ ti wu' mɔ mɛ laa kyingi,

¹⁷ de Wurubuaare o' puru mɔmɔ de aye Yesu asonbo abono a san a tɛ de ansi mɔ koso. Wurubuaare laa yɛɛ a laa dii kɛɛ Wurubuaare awole dɔ kpaa gyangara Wura Yesu afuu so. Ne Wura Yesu ase ne a laa san kyena gɛkpaa-gɛkpaa.

¹⁸ Imɔso fɛ' kyu genen ilaa idɛ tɔɛɛ keda abara nyoro kyu lii abono mɛ ti wu' lii feye dɔ mɔ so.

5

Fɛ' Baala Feye-Nyoro Gyoo Gekaabono Yesu Laa Kii Ba Mɔ

¹ Aye-nanboana Yesu ɔson mɔ dɔ, genen owi ɔbono abɛɛ gɛkɛ gebono Yesu laa kii ba gesinkpan so mɔ bere, inɲ tiri yɛɛ a' nɲmarase imɔ so ilaa sa feye.

² I kya nyiile yɛɛ feye gbaa-gbaa fɛ ti fɛ nyi serege yɛɛ genen gɛkɛ gebono Wura Yesu laa ba de ɔ' baa gyi asa nbele mɔ gɛ laa fue asa ayaa fɛɛ genɔɔbono oyu kya baa yuuri genye mɔ.

³ Owi ɔbono asa mɛ laa tɔɛɛ yɛɛ, "Aye-nyoro gi tɔɔ aye; sei maɲ baa wɔra aye" mɔ, nfono mɔ, awɔɔfɔɔ a laa tu mɔmɔ faa poroko, fɛɛ genɔɔbono gedun gɛ kya tu ɔto wura mɔ. Genen gɛkaabono mɔ, mɛ maɲ nye ɔkpa sele lii awɔɔfɔɔ abono dɔ.

⁴ Aye-nanboana Yesu ɔson mɔ dɔ, feye bere, fɛɲ tɛ gibiri dɔ kyu lii ilaa idɛ so de genen gɛkɛ mɔ gɛ' fue feye-ayaa fɛɛ oyu.

⁵ Feye pɛwu fɛ gye daa fatela dɔ asa de owi kenken asa. Aye-rɛ feye a mɛɲ gye gibiri dɔ asa abɛɛ genye asa.

⁶ Imɔso a mɛɲ sa a' de tan ilaa idɛ so fɛɛ asa sɛnsɛ-lɛɛ mɔ. Aye-ansi a' de ilaa idɛ so de a' bii aye-nyoro gikedabi.

⁷ I lii fɛɛ asa abono mɛ kya dɛ ginsi gɛdɛ mɔ, genyɛ ne mɛ kya dɛ. Ne abono mɛ kya boo nta mɔ, genyɛ ne mɛ kya boo mɔmɔ-nta.

⁸ Aye berɛ, aŋ sa a' wɔra fɛɛ ginsi gide adebo abɛɛ nta aboobo. Fɛ' yɛgɛ aye-ansi a' dɛ ilaa so. A' wɔra fɛɛ asogya. Asogya mɛ kya kpɛ iko mɔ, mɛ kya kyu ilaa ikoana kyu kun mɔmɔ-amu de mɔmɔ-akan adontɔ so. Ilaa ibono a laa kyu kun aye-lɛɛ akan mɔ ne n gye gisooɣyɛ de gelaarɛ' gɛbono a bo sa Yesu mɔ. Ne ilaa ibono a laa kyu kun aye-amu mɔ ne n gye amolɛgɛ abono aye-ansi a gyan yɛɛ Yesu laa kyu molɛgɛ aye mɔ.

⁹ I kya nyiile yɛɛ Wurubuaarɛ mɛŋ lɛɛ aye de a' loo mɔ-ginyadon dɔ. ɔ lɛɛ aye daa de a' nyɛ mɔ-amolɛgɛ kyu naa de aye-Wura Yesu Kirisito so.

¹⁰ Aye-Wura Yesu Kirisito gi wu' sa aye de owi ɔbono ɔ laa kii ba gɛsinkpan so mɔ, ba-a a wu' daa-o, a san a tɛ de ansi daa-o, aye-rɛ mɔ a' kyɛna dabɔlɛ.

¹¹ Imɔso fɛ' tɔgɛ keda abara nyoro de fɛ' kpaa abara de fɛ' sɛɛ Yesu ɔson mɔ dɔ fɛɛ gɛnɔɔbono fɛ ti wolaa fɛ dɛ faa.

N Kya Ka Fɛyɛ Gika Laalaalogɛsɛ

¹² Aye-nanboana Yesu asonbo, a kya kolɛ fɛyɛ, fɛ' kyu buubuu sa asa abono mɛ gyangbara sa fɛyɛ Wura Yesu ɔson mɔ dɔ mɔ. Mɛ kya nyanga ansi mɛ kya ka fɛyɛ.

¹³ Genen gɛsun mɔ so mɔ, fɛ' tansi kyu buubuu belɛ kyu sa mɔmɔ de fɛ' laarɛ mɔmɔ-ilaa lii fɛyɛ-asen dɔ. Fɛ' kyu gisen yuuli kyu kyɛna de abara.

¹⁴ Aye-nanboana, a kii a kya kolɛ fɛyɛ yɛɛ awolɛgyɔbo abono mɛ bo fɛyɛ dɔ mɔ, fɛ' tɔgɛ sa mɔmɔ yɛɛ wolɛgyɔ mɛŋ boran. Fɛ' tɔgɛ wɔra asa abono mɛŋ bo otu mɔ. Asa abono, mɔ, mɛ tiri gikpaa mɔ, fɛ' kpaa mɔmɔ. Fɛ' nyɛ gisen sa nyamesɛ kamaasɛ.

¹⁵ Fɛ' kɛrɛ dɔɔdan de fɛyɛ dɔ ɔko ɔŋ sa o' kyu ilaa nyenyɛn ka ilaa nyenyɛn gikɔ. Owi kamaasɛ mɔ, fɛ' kpɛ fɛ kya laarɛ fɛyɛ-nanboana Yesu asonbo ɔdan ɔwɔraten de nyamesɛ kamaasɛ kee ɔdan ɔwɔraten.

¹⁶ Fɛ' yɛgɛ fɛyɛ-asen dɔ i' wɔra fɛyɛ ɔkon owi kamaasɛ dɔ.

¹⁷ Fɛ' kpɛ fɛ kya dalaa abɛrɛ kamaasɛ.

¹⁸ Fɛ' kyu afaala kyu sa Wurubuaarɛ ilaa kamaasɛ dɔ. Imɔ idɛana ne Wurubuaarɛ kya laarɛ fɛ' wɔra kyu naa de fɛyɛ-rɛ Kirisito Yesu ginyamesɛ kolon mɔ so.

¹⁹ Fɛŋ sa fɛ' wɔra ilaa ibono i laa yɛgɛ Wurubuaarɛ Oduduu mɔ mɛŋ nyɛ lii gya fɛyɛ dɔ mɔ.

²⁰ Nengyɛn ako yɛɛ Wurubuaarɛ Oduduu mɔ gi lɛɛ ilaa iko nyiile mɔmɔ ne mɛ kya tɔgɛ imɔ mɔ, fɛ mɛŋ sa fɛ' mirigi ɔmɔ-anɛbi.

²¹ Fɛ' kɛrɛ mɔmɔ-ilaa tɔgɛsɛ mɔ pɛwu dɔ dɔɔdan daa. Ibono i boran mɔ ne fɛ' keda.

²² Ilaa nyenyɛn ne n gye ilaa nyenyɛn, fɛŋ sa fɛ' wɔra.

²³ Aye-gisen yuuli gemu Wurubuaarɛ gbaa-gbaa ɔ' lɔrɔ fɛyɛ-gimu de ayaalɛ yɛla sa mɔ-nyoro. ɔ' kɛrɛ fɛyɛ-oduduu dɔ, fɛyɛ-nwɔnsa dɔ, de fɛyɛ-nyoro gibi mɔ ilaa pɛwu so sa fɛyɛ. ɔ' kɛrɛ imɔ pɛwu so de gɛkaabono aye-Wura Yesu Kirisito gi kii ba gɛsinkpan so mɔ, ɔko ɔ mɛŋ sa o' wu ilaa nyenyɛn iko fɛyɛ so tɔgɛ.

²⁴ Wurubuaarɛ ɔbono ɔ tɔgɛ fɛyɛ yɛɛ fɛ' kyu fɛyɛ-nyoro sa mɔ mɔ gye daa ɔpaawɔrabo. ɔ laa kɛrɛ imɔ so.

²⁵ Aye-nanboana Yesu ɔson mɔ dɔ, fɛ' dalaa kolɛ Wurubuaarɛ sa aye.

²⁶ Fɛ' kyu genyi-abi afaala faala fɛyɛ-nanboana Yesu ɔson mɔ dɔ mɔ pɛwu.

²⁷ Me, Paolo, n de Wura Yesu ginyen n kya tɔge mi-i sa feye yeε fe' kale genen ɔwole baare sa feye-nanboana asense abono pewu me bo Yesu ɔson mɔ do mɔ.

²⁸ Aye-Wura Yesu Kirisito ɔ' sa feye so gewonsa dense.

Pɔlo Ɔwole Nyɔse Ɔbono Ɔ Nmarase Bunge Tesalonika Awura Mɔ

¹ Me Pɔlo de Siilase (Silefanuse), de Timoti ne n kya nmarase ɔwole baare a kya sa feye abono fe kya son Yesu Tesalonika ɔsowole so ne feye-re aye-se Wurubuaare de aye-Wura Yesu Kirisito fe wɔra nyamese kolon mɔ.

² Aye-se Wurubuaare de aye-Wura Yesu Kirisito me' sa feye so gewɔnsa dense de me' sa feye gisen yuuli.

I Tiri Yee A' Faala Wurubuaare Feye So

³ Aye-nanboana Yesu ɔson mɔ dɔ, i tiri yee a' faala Wurubuaare owi kamaase dɔ feye so. I kaabore a' faala mɔ. I lii fee owi kamaase fe kya lɔɔ ka gyan Yesu so fe kya too, ne feye pewu fe kpe fe kya laare abara ilaa fe kya too.

⁴ Imɔso aye gbaa-gbaa a kya yen feye a kya sa Yesu asonbo akpen sɛnse mɔ. A wu yee Yesu ɔson mɔ so mɔ, asa me kya kyo feye ne fe kya wu ɔlaa. Ne imɔ pewu dɔ mɔ fe kpe san fe kya nye gisen fe kya ka gyan Yesu so.

Gekaabono Yesu Laa Kii Baa Gyi Anyamese Nbele Mɔ

⁵ Feye-akyenabi ade a laa yege asa me' bii ɔkpa ɔbono so Wurubuaare laa kyu gesintin gyi anyamese nbele mɔ. Ibono fe te Wurubuaare gewuragyi dɔ akyenabi ɔnan ne asa ako me kya yege fe kya wu ɔlaawuse faa, Wurubuaare laa kale feye wɔra asa abono me kaabore me' wɔra mɔ-wuragyibo mɔ dɔ.

⁶ Fe kya yiyee faa, Wurubuaare nyi yee nengyene ɔ laa kyu geyiyee kee kyu ka abono me yege fe kya yiyee mɔ gikɔ mɔ, imɔ-ɔkpa so ne.

⁷ O nyi kee yee i kaabore ɔ' sa aye-re feye abono a kya yiyee sa mɔ pewu mɔ nkyoola. Wurubuaare laa sa aye nkyoola owi ɔbono ɔ laa lee Wura Yesu lii Wurubuaare dɔ baa nyiile gesinkpan so asa mɔ. Yesu mɔ-re mɔ-Wurubuaare dɔ isɔɔ alolonbo mɔ me laa lii Wurubuaare dɔ baa ka asa ako gikɔ yege ɔgya kya deɛ ɔ kya kyaabɔɔ mɔmɔ wule-wule.

⁸ Asa abono ɔ laa ka mɔmɔ gikɔ genen mɔ ne n gyɛ abono me men nyi Wurubuaare ne me men kya gyi Wura Yesu ɔkalan konkonse mɔ so mɔ.

⁹ Ilaa ibono Wura Wurubuaare laa kyu ka genen asa abono gikɔ mɔ ne n gye lewu nyɔse. I laa sii de ɔmɔ gekpaa. Ɔ laa tii ɔmɔ yee me man nye yele mɔ-ansi dɔ gekaako. Me man nye wu Yesu, ɔlolonbo mɔ nyisigyɛ ɔbono ɔ bo mɔ.

¹⁰ Wurubuaare geke bele gede dɔ ne ɔ laa ka anyamese gikɔ genen. Genen geke mɔ ne n gye geke gebono Wura Yesu laa kii ba gesinkpan so de ɔ' baa nye nyisigyɛ kyu naa de mɔ-ade abono ɔ lɔɔ yela sa mɔ-nyoro mɔ so. Asa abono pewu me ka gyan mɔ so mɔ me laa tansi diile mɔ de i' wɔra ɔmɔ giyan. Feye Tesalonika awura kee fe laa bɔla genen asa ade so. I lii fee Yesu gesintin ilaa ibono a lee nyiile feye mɔ, fe sɔɔ imɔ gyi.

A Kya Dalaa A Kya Sa Feye

¹¹ A kya nyingi gekaabono Yesu laa kii ba mɔ, a kya dalaa a kya sa feye Tesalonika awura owi kamaase. Genɔɔbono aye-Wurubuaare gi tɔge feye yee fe' kyu feye-nyoro sa mɔ faa, a kya kole mɔ yee ɔ' kale feye wɔra asa abono mɔ ase gekyena ge kaabore mɔmɔ mɔ dɔ. Kyu lii mɔ-ɔlon so mɔ, ɔ'

yegε ilaa dεnse kamaase ibono fε laa sa imo so gewonsa yεε fε laa wora mo, i' wora odan sa fεye, de gesun kamaase gebono fε ka gyan Yesu so ne fε kya wora mo, fε' taale wora gemo kpaα loge.

¹² A kya dalaa a kya sa fεye genen de aye-Wura Yesu o' nye nyisigy kyu naa de fεye so, de fεye mo, fε' nye nyisigy kyu naa de mo so kee. I' ba genen sa fεye kyu naa de aye-Wurubuaare de aye-Wura Yesu Kirisito gewonsa dεnse gebono mε bo sa fεye mo so.

2

Ilaa Ibono I Laa Ba Pei De Yesu O' Kii Ba Mo

¹ Aye-nanboana Yesu onon mo do, fε ti fε nyi yεε aye-Wura Yesu Kirisito laa kii ba gesinkpan so geakaako ne Wurubuaare laa koola-koola aye kpaα gyan Yesu ase. Imoso n kya kole fεye,

² okamaase obono o laa nyiile fεye yεε genen Wura Yesu geke bele gebono gε ti ba mo, fεη sa fε' nu mo ase. Fεε oko gi pene yεε Wurubuaare-lee Oduduu mo ne n nyiile mo abεε oko gi bara fεye okalan abεε owole yεε o lii aye ase mo, fεη sa fε' yegε fεye-nwonsa ge' nyida fεye abεε i' kpadεε fεye.

³ Fε mεη sa fε' yegε de oko o' pene fεye imo iko-re iko do. I kya nyiile yεε pei de geke mo gbaa-gbaa ge' loo fo mo, anyamesε sakyo mε laa koso yeke kine yεε mε maη son Wurubuaare. Pei de geke mo gε fo mo, isa obono oη kya buu sei ne o laa fue mo-lewu gemara mo laa lee mo-nyoro gewi nyiile.

⁴ Ilaa kamaase ibono anyamesε mε kya kyu yεε i gye okperε de momo-onon ato mo pewu de Wurubuaare gbaa, genen onyen baare laa soo imo pewu akyoolε. O maη kyu imo iko-re iko kyu tere sei. O laa diire mo-nyoro kaabore o laa loo Wurubuaare onon obu do kpaα kyena de o' bugi geno toge yεε mo ne n gye Wurubuaare.

⁵ Fεη kya nyingi yεε owi obono n san n bo fεye ase nno mo, ne toge fεye genen ilaa ide?

⁶ Ne fεη nyi yεε ilaa iko ne n kya tii genen onyen mo okpa nperε de o' nye lii gewi owi obono Wurubuaare gi yela sa mo mo?

⁷ Olon obono o kya yegε asa mεη sa me' buu sei mo ti o kya wora gesun asa do nara-do. Oko ne n kya tii mo-okpa. Nkana ofaanan o kya wora mo-gelaare tentegelen. Kaase obono laa kpe o kya tii mo-okpa genen kpaα fo owi obono Wurubuaare laa lee kaase mo lii olon mo okpa do.

⁸ Nfono mo, obono oη kya buu sei mo laa lii gewi, ne Wura Yesu geno do agyebi a laa mo mo. Yesu nyisigy mo laa yegε obono oη kya buu sei mo olon obono o bo mo o' yela okara.

⁹ Obono oη kya buu sei mo laa ba genen mo, ilaa nyenyen pewu gemu mo ne n gye obono o laa sa mo olon de o' kyu wora ilaa dεgenose de ilaa ibono i laa nye pene asa yεε Wurubuaare olon ne o de mo.

¹⁰ O laa kyu ikpa nyenyen sakyo so pene asa abono mε maη nye Wurubuaare ase gεkyena mo. Mε maη nye Wurubuaare ase gεkyena, i kya nyiile yεε mε kine yεε mεη kya laare Yesu gesintin okalan mo. Nkana ibono, mo, ne nan molege omo de me' nye kyena mo ase.

¹¹ Mε kine Yesu gesintin okalan mo genen mo, Wurubuaare laa tεse kyu olon oko wora momo-nwonsa do de me' san soo daa abon gyi.

¹² Wurubuaare laa yegε i' ba genen daa de momo abono pewu mε mεη soo Yesu gesintin okalan mo gyi ne ilaa nyenyen giwora ne n wora momo obole mo me' gyi gipueε.

Fé' Keda Ɔson Mɔ Dɔ Kenken

¹³ Aye-nanboana abono fé kya son Wura Yesu ne ɔ kya laare feye ilaa mɔ, feye bere, i kaabore a' faala Wurubuaare feye so owi kamaase. I kya nyiile yee lii gese de gese mɔ, Wurubuaare gi lee gibaa yii feye yee ɔ laa mɔlege feye lii feye-ilaa nyenyen giwɔra dɔ. Genɔɔbono ɔ kya mɔlege feye mɔ ne n gye yee mɔ-Oduuu mɔ kya lɔrɔ feye yela sa mɔ, ne feye mɔ fé kya sɔɔ Yesu gesintin ɔkalan mɔ gyi.

¹⁴ Genen ilaa ide so ne Wurubuaare gi tɔge feye yee fé' kyu feye-nyoro sa mɔ. Ɔ kya laare fé' nye aye-Wura Yesu Kirisito nyisigy mɔ ɔnan. Ɔ yee a kyu Yesu ɔkalan konkonse mɔ bara feye, ne naa de genen ɔkalan mɔ so ne ɔ tɔge feye yee fé' kyu feye-nyoro sa mɔ.

¹⁵ Imɔso aye-nanboana Yesu ɔson mɔ dɔ, ilaa ibono a nmarase sa feye abee a nyiile feye lii aye-nno dɔ mɔ, fé' koso yelee imɔ so de fé' keda imɔ dɔ kenken.

¹⁶ Wurubuaare kya laare aye abono a kya son Yesu mɔ ilaa. Ɔ kya tɔge keda aye-nyoro gekpaa. Ɔ kya sa aye so gewɔnsa dense ne ɔ kya yee aye-gewɔnsa ge kya gyan ilaa dense ibono ɔ kya laare ɔ' wɔra sa aye mɔ so. Genen Wurubuaare kolon baare de aye-Wura Yesu Kirisito gbaa-gbaa

¹⁷ mé' tɔnge sa feye feye-asen dɔ de i' keda feye-nyoro. Mé' yee fé' nye ɔlon de fé' kpe fé de daa ilaa dense so-o feye-ilaa wɔrase dɔ de feye-ilaa tɔgese pewu dɔ.

3

Fé' Dalaa Sa Aye

¹ Aye-nanboana Yesu ɔson mɔ dɔ, pei de me-geno ge' yii mɔ: fé' dalaa sa aye yee Wura Yesu ilaa i' yelege de i' nu gyan belen-belen. Asa mé' nu imɔ, mé' sɔɔ imɔ gyi de mé' kyu buubuu sa imɔ féé genɔɔbono feye kee fé wɔra mɔ.

² Fé' dalaa kee yee Wurubuaare ɔ' mɔlege aye lii abono mé gye ilaa nyenyen awɔrabo ne menj bo amu mɔ abaa dɔ. I kya nyiile yee i menj gye nyamese kamaase ne n bo gisɔgyi sa Wura Yesu.

³ Aye-Wura Yesu, mɔ, gye daa ɔpaawɔrabo. Ɔ laa sa feye ɔlon de ɔ' dii feye de Ɔbonsan, nyamese nyenyen mɔ, ɔ menj sa ɔ' nye feye.

⁴ Wura Yesu so mɔ, a sɔɔ feye gyi yee fé kya gyi ilaa ibono a wolaa tɔge feye mɔ so ne fé laa gyi ilaa ibono a kya tɔge feye ɔwole baare dɔ faa kee so.

⁵ Wura Yesu Kirisito ɔ' kpaa feye de owi kamaase fé' nye bii feye-asen dɔ yee Wurubuaare kya laare feye-ilaa. Ɔ' yee fé' kpe fé kya da otu fé kya nye gisen fé kya wɔra Wurubuaare gelaare féé mɔ Kirisito kee-kee lee mɔ ɔnan.

Fɛj Sa Fé' Wɔra Wolɛgyɔ

⁶ Aye-nanboana Yesu ɔson mɔ dɔ, a de aye-Wura Yesu Kirisito ginyen a kya ka feye yee abono mé sii mé te yee mé manj wɔra gesun mɔ, féj sa fé' baa bugi ansi de ɔmɔ. Genen asa abono akyenabi aɲ de féé genɔɔbono a nyiile feye mɔ.

⁷ Feye gbaa-gbaa fé nyi yee i kaabore fé' nyingi ilaa ibono a wɔra mɔ de fé' wɔra genen kee. A bo feye ase nno mɔ, aye bere, a menj kyena giyan.

⁸ A menj gyi ɔko agyudɔ giyan yee a menj ka amɔ gikɔ. A peere ansi wɔra gesun genye de gɛpe. A menj laare yee a' wɔra gesola sa feye dɔ ɔko-rɛ ɔko.

⁹ Nkana i de okpa yee a' kyu aye-nyoro kyu too feye so bere. Aye mo, a laare daa yee aye-gekyena mo ge' wora sinkaala sa feye de fe' nye kase.

¹⁰ Ko-o owi obono a bo feye ase mo, a yela nbara nko sa feye yee, "Nengyene oko yee o man wora gesun mo, feŋ sa fe' yee de o' gyi."

¹¹ Fe' kere genen ilaa ide pewu so dandan. I lii fee a kya nu yee feye do ako me sii me te yee men baa wora gesun. Me kpe ma-a ten ma-a loo asa ilaa do daa.

¹² Aye-Wura Yesu Kirisito so mo, a kya ka genen asa abono ne a kya kole momo yee me' yela momo-nwonsa geten kolon de me' wora gesun kyu laare momo-agyudo gyise.

¹³ Feye abono fe kya son Yesu dandan mo, fe men sa fe' yee idense giwora i' fii feye.

¹⁴ Nengyene feye do oko gi kine yee o man gyi ilaa ibono a nmarase sa feye faa so mo, fe' kere genen isa obono dandan yela de feŋ sa fe' baa bugi ansi de mo de i' nye wora mo-ipeeli.

¹⁵ Fe men sa fe' kyu mo wora fee feye-okyobo bere. Fe' ka mo fee feye-tedana do oko.

Agyebi Laalaaloge

¹⁶ Aye-Wura Yesu gbaa-gbaa, obono o gye gisen yuuli pewu gemu mo, o' sa feye gisen yuuli owi kamaase do, okpa kamaase so. Aye-Wura Yesu o' kyena feye pewu do.

¹⁷ Me, Pɔɔlo, gbaa-gbaa ne n de me-gibaa n kya nmarase n kya kale feye faa. Imo ide ne n gye me-owole kamaase daase. Genen ne n' kya nmarase me-iwole ne.

¹⁸ Aye-Wura Yesu Kirisito o' sa feye okamaase so gewonsa dense.

Pɔɔlo Ɔwɔlɛ Gyangbarasɛ Ɔbono Ɔ Nmarasɛ Bunge Timoti Mɔ

¹ Me Pɔɔlo ne n kya nmarasɛ fo genen ɔwɔlɛ baare. N gye Kirisito Yesu ɔsɔɔ. I lii fɛɛ Wurubuaare aye-ɔmɔlɛgebo mɔ de Kirisito Yesu ɔbono aye-nwɔnsa gi gyan mɔ so mɔ ne n lɛɛ yii me ne ɔ tɔgɛ yɛɛ n' wɔra Yesu ɔsɔɔ.

² N kya nmarasɛ mi-i sa fo Timoti, fo ɔbono fo baa bingiri fɛɛ me-bi gbaa-gbaa mɔ. I lii fɛɛ nɛ nyiile fo Yesu ilaa, ne fo sɔɔ mɔ gyi. Aye-sɛ Wurubuaare de aye-Wura Kirisito Yesu mɛ' sa fo so gɛwɔnsa dɛnsɛ, mɛ' su fo gitolon de mɛ' sa fo gisen yuuli.

Ka Asa Abono Mɛ Dɛ Anyiilebi Ako Kpɛi Mɔ

³ Fɛɛ genɔɔbono nɛ tɔgɛ fo owi ɔbono n kya kpɛ Masadoniya mɔ, fo berɛ, kpɛ sii kyena Efiso nno de fo' ka asa abono mɛ kya nyiile asa anyiilebi ako kpɛi kyu lii aye-Wurubuaare ɔson mɔ so mɔ. Ka ɔmɔ yɛɛ mɛ' yɛgɛ imɔ.

⁴ Tɔgɛ sa ɔmɔ yɛɛ mɛnɛ baa nu de adedaabo gɛkyena gigyan so gigyan so abon nsingyi nbono ginɛ bo ɔkara mɔ. Nengyene asa mɛ kya nu de genen ilaa ibonoana mɔ i kya yɛgɛ mɛ kya taasɛ mɔmɔ-nyoro ilaa ibono inɛ bo agyan mɔ. Inɛ kya kpaa ɔmɔ de mɛ' keda Wurubuaare gesun de mɔ-asonbo mɔ sa mɔ dandan. Ilaa ibono i laa taale kpaa aye genen mɔ ne n gye gikagyan gibono a laa ka gyan Wurubuaare so mɔ.

⁵ Ilaa ibono so a kya yela fɛyɛ genen nbara ndɛ mɔ ne n gye yɛɛ aye Yesu asonbo mɔ a' nye gɛlaare' sa Wurubuaare de anyamesɛ. Ɔbono ɔ laa nye gɛlaare' genen mɔ ne n gye ɔbono ɔ kya sa nwɔnsa dɛnsɛ lii mɔ-gisen dɔ, ɔ kya wɔra daa ilaa ibono ɔ nyi mɔ-gisen dɔ yɛɛ i boran, ne ɔ kya sɔɔ Wurubuaare ilaa nyiilese mɔ gyi lii mɔ-gisen dɔ mɔ.

⁶ Asa abono mɛ dɛ anyiilebi ako kpɛi mɔ berɛ, mɛ fue ilaa dɛnsɛ idɛ, ne mɛ kpaa loo daa nsingyi yanyanse dɔ.

⁷ Mɛ kya laare de mɛ' wɔra Wurubuaare nbara mɔ anyiilebo, yɛgɛ mɛ mɛnɛ kii mɛ kya nu ilaa ibono mɛ kpɛ mɛ dɛ mɔ gɛsɛ, ne mɛnɛ nyi ilaa ibono mɛ kya tɔgɛ mɔ.

Asa Nyenyɛn So Ne Wurubuaare Gi Yela Nbara

⁸ Aye pɛwu a nyi yɛɛ Wurubuaare nbara gi boran. Ibono i tiri mɔ ne n gye yɛɛ a' kyu nno wɔra gesun ɔkpa so.

⁹ Fo laa nyingi yɛɛ i mɛnɛ gye abono mɔmɔ-asen dɔ i boran sa Wurubuaare mɔ so ne Wurubuaare gi yela nbara mɔ. Wurubuaare gi yela nno sa daa abono mɛ mɛnɛ kya ka nbara mɔ genɔ mɔ, de gisomaanu awura, de abono mɛ mɛnɛ sele Wurubuaare mɔ, de ilaa nyenyɛn awura. Wurubuaare gi yela nbara mɔ sa abono mɛ mɛnɛ kya gyi mɔ-ginsi mɔ, de abono mɛnɛ kya son mɔ mɔ, de asa abono mɛ kya mɔɔ mɔmɔ-sɛana abɛɛ mɔmɔ-nyiiana mɔ, de abono mɛ kya mɔɔ asa mɔ,

¹⁰ de abono mɛ kya laare agyibara mɔ, de anyen abono mɛ kya dɛ de mɔmɔ-nanboana anyen mɔ, de abono mɛ kya yuuri anyamesɛ koso selɛ mɔ, de abono, de abono mɛ kya ten asa nno nɛlɛ dɔ mɔ, de abono pɛwu mɛ kya wɔra ilaa ibono i san ne inɛ kya kyena de gesintin ilaa ibono a nyiile fɛyɛ mɔ. Genen asa adɛ ɔnan ne Wurubuaare gi yela mɔ-nbara mɔ sa.

11 Ilaa ibono ne nyiile gerenaa mo, i lii daa Wurubuaare nyisigyi okalan mo do. Okon de ayenbi a gye Wurubuaare-lee. Mo-okalan konkonse baare ne o kyu wora me-abaa do de n' kyu nyiile asa.

Genoobono Okara Wurubuaare Kya Nye Gisen Sa Asa Mo

12 N kya faala aye-Wura Kirisito Yesu obono o sa me olon ne ne nye wora genen gesun gede mo. O buu me yee n gye isa obono o laa taale ka gyan me so ne o kyu gesun gede wora me-abaa do.

13 Nkana owi oko do mo, n kya kyena saale genen Yesu Kirisito kolon baare. N kya ka mo-asonbo mo-ansi, ne n' kya nyida mo-ginyen. Imo-re imo genen gbaa mo, Kirisito gi kere mo, o wu yee menj nyi daa. I kya nyiile yee menj ti soo mo gyi. Imoso o su me gitolon, ne o kyeege me.

14 Nkana menj kaabore o' wora genen sa me ba-a pi-i. Aye-Wura Yesu bo gisen gikyo so mo, o kyeege me lii me-ilaa nyenyen ide do. Kirisito Yesu gi yeege n kya ka gyan mo so ne n' kya laare mo-ilaa gikyo. Gikagyan de gelaare' ge bo daa mo ase.

15 I bo gede geko ge gye gede paaworase ibono i kaabore a' koolo gemo kyule. Gemo ne n gye yee, "Kirisito Yesu gi ba gesinkpan so de o' baa molege ilaa nyenyen aworabo." Mi-i me mo ne n wora ilaa nyenyen aworabo obelense gin.

16 Yesu gi su me gitolon daa de o' nye lee nyiile genoobono okara o kya nye gisen sa asa mo. O kya laare yee o' kyu me obono nkana n gye ilaa nyenyen awura obelense mo, kyu wora sinkaala sa asa abono me laa baa ka gyan mo so de me' nye okyenaten Wurubuaare ase gekpaa-gekpa mo.

17 Buubuu de nyisigyi i' wora Wurubuaare-lee gekpaa-gekpa. O manj wu' gekaako, ne mo-gewura genj bo okara. Oko menj kya wu mo de ansi. Mo-nkon ne n gye Wurubuaare. I gye genen.

Kpe Keda Gesintin Ilaa Nyiilese Mo Do Ken-Ken

18 Me-bi Timoti, gesun gebono n de mi-i sa fo mo ne n gye yee fo' tonge sa genen asa abono ne nyiile fo faa. Genen ilaa ide onan ne Wurubuaare ikalan otogebo oko gi naa kyena toge kyu lii fo so mo. Imoso yeege i' keda fo-nyoro de fo' ko iko dense sa Wurubuaare.

19 Kpe keda fo-gisoo gyi do ken-ken de fo' wora daa ilaa ibono fo nyi fogenen do yee i boran mo. Feye do asa ako bere, me menj baa ma-a nu de ilaa ibono me nyi momo-asen do yee i boran mo. Imoso i nyida momo-Wurubuaare onon mo kere-kere fee genoobono gikolii bele gi gyan nkyu so ne gi kya nmee de afole boori mo. Menj baa soo gesintin ilaa nyiilese mo gyi.

20 Himinayose mo-re Alesanda me bo genen asa abono do. Momo bere, ne kpare omo wora Satan, ilaa nyenyen pewu gemu mo abaa do de o' ka omo-ansi de me' kase genoobono menj baa nyida Wurubuaare ginyen mo.

2

Genoobono I Kaabore Okamaase O' Dalaa Mo

1 Ibono i gyangbara mo, n kya ka mi-i sa fo yee yee feye abono fe kya son Yesu mo fe' dalaa sa anyamese pewu. Fe' kole ilaa tirise lii Wurubuaare ase sa omo. Fe' yeke omo-giyaa do kole Wurubuaare de fe' faala mo.

2 Fe' dalaa sa awura-awura kee de asa sense abono pewu me kya gyi gebelense asa so mo. Fe' dalaa sa omo de okpa kamaase so mo, me' yeege aye abono a kya son Yesu mo a' nye kyena de gisen yauli, de a' kyu buubuu sa Wurubuaare de anyamese.

³ Ɛ kya dalaa Ɛ kya sa ɔmɔ genen mɔ, i boran ne i kya gyi Wurubuaare ginsi. Mɔ ne n gye aye-ɔmɔlegɛbo.

⁴ Wurubuaare gelaare ne n gye yɛɛ anyamese pɛwu mɛ' nye mɔ-amɔlegɛ de mɔ-rɛ ɔmɔ mɛ' kyena de mɛ' bii gesintin kyu lɛi mɔ Wurubuaare ilaa so.

⁵ I kaabore ɔkamaase ɔ' bii ilaa idɛ. I kya nyiile yɛɛ Wurubuaare kolon ne n bo no sa aye anyamese pɛwu ne a bo ɔserebo kolon ɔbono ɔ yele aye-rɛ Wurubuaare nsana mɔ. Mɔ ne n gye Kirisito Yesu. Ɔ baa wɔra nyamese,

⁶ ne o kyu mɔ-nkpa fue de ɔ' sɔɔ anyamese pɛwu lɛi ilaa nyenyɛn pɛwu gɛmu mɔ abaa dɔ de mɛ' nye kyena sa Wurubuaare. Owɛ ɔbono i gye Wurubuaare gelaare mɔ ne ɔ yɛɛ Yesu gi kyu mɔ-nkpa fue sa aye genen, ne i lɛɛ nyiile yɛɛ mɔ Wurubuaare kya laare anyamese mɛ' nye kyena mɔ ase.

⁷ Yesu Kirisito gi kyu mɔ-gesun wɔra me-abaa dɔ yɛɛ n' wɔra mɔ-ɔsɔɔ de n' nye lɛɛ mɔ-ɔkalan mɔ tɔgɛ sa asa. (Gesintin ne n' kya tɔgɛ, mɛn kya kɛɛ abon.) Yesu yɛɛ n' wɔra onyiilebo sa asa kpɛi-kpɛi abonɔ mɛn kya son Wurubuaare mɔ de mɛ' ka gyan mɔ Yesu so de mɛ' bii gesintin kyu lɛi mɔ-ɔkalan mɔ so.

⁸ Imɔso ilaa ibono n kya laare mɔ ne n gye yɛɛ gɛten kamaase mɔ anyɛn abonɔ mɛ laa dalaa mɔ, mɛ' kɛrɛ yɛɛ mɔmɔ-abaa abonɔ mɛ kya diirɛ owi ɔbono mɛ kya dalaa mɔ, mɛn kya kyu amɔ kyu wɔra ilaa nyenyɛn. Mɛn dɛ ɔko ginyadon, ne mɛn kya sɔɔ akycɔlɛ mɔmɔ-asen dɔ yɛɛ Wurubuaare mɛn nu mɔmɔ-gɛdalaa.

Akyii Mɔ Mɛ' Kyu Ilaa Dɛnsɛ Giwɔra Kyu Lɔrɔ Mɔmɔ-Nyoro

⁹ Genen kee akyii abonɔ mɛ bo fɛye dɔ mɔ mɛ' lɔrɔ mɔmɔ-nyoro kanpɛ fɛɛ asa abonɔ mɛ kya buu ɔmɔ-nyoro ne mɛ dɛ ɔmɔ-nyoro mɔ. In kaabore mɛ' laare iman ginminde, sika kɔkɔɔ, ngbɛ dɛ ngyi boogyalonɛ.

¹⁰ Ilaa dɛnsɛ giwɔra ne i kaabore mɛ' kyu lɔrɔ mɔmɔ-nyoro. Genen ne i kaabore akyii abonɔ mɛ kya lɛɛ nyiile yɛɛ mɛ kya son Wurubuaare mɔmɔ-gɛkyena dɔ mɔ mɛ' wɔra ne.

¹¹ Akyii mɔ mɛ' kase ilaa faa kurun de mɛ' bara mɔmɔ-gɛsɛ ɔkpa kamaase so.

¹² Mɛn sa ɔkyii ɔkpa de o' nyiile anyɛn Wurubuaare ilaa abɛɛ o' kyu ɔlon ɔ kya gyi gɛbelɛnsɛ anyɛn so. Akyii mɔ mɛ' sii kurun Wurubuaare ɔson dɔ.

¹³ I lɛi fɛɛ Wurubuaare gi lɛɛ anyamese mɔ, ɔnyɛn, Adam, ne ɔ gyangbara lɛɛ pɛi ne ɔ baa lɛɛ ɔkyii, Efa.

¹⁴ Ne in gye Adam ne ilaa nyenyɛn pɛwu gɛmu mɔ gi nye penɛ. Ɔkyii ne ɔ penɛ ne ɔ tɔrɔ Wurubuaare nbara mɔ.

¹⁵ Imɔ-rɛ imɔ genen gbaa mɔ, Wurubuaare laa mɔlegɛ akyii mɔmɔ-gɛkorogɛ dɔ. Ibono i tiri mɔ ne n gye yɛɛ mɛ' wɔra asa abonɔ mɛ dɛ ɔmɔ-nyoro, mɛ kya ka gyan Yesu so, mɛ kya laare mɔmɔ-nanboana anyamese ilaa, ne mɛ kya lɔrɔ mɔmɔ-nyoro ma-a yela ma-a sa Wurubuaare.

3

Yesu Asonbo Abelɛnsɛ

¹ I bo gɛdɛ gɛko, gɛ gye gɛdɛ paaworase yɛɛ nɛngyɛnɛ ɔko kya laare ɔ' wɔra ɔbelɛnsɛ sa Yesu asonbo mɔ, gesun gbaa' ne ɔ lɛɛ genen.

² Ɔbono ɔ laa wɔra Yesu asonbo ɔbelɛnsɛ mɔ, ɔ kaabore ɔ' wɔra daa nyamese ɔbono ɔko mɛn wu ilaa nyenyɛn iko mɔ-gɛkyena dɔ tɔgɛ. Ɔ' wɔra daa ɔbono o sii dɛ ɔkyii kolon, ɔ bo gisen, ɔ dɛ mɔ-nyoro; asa mɛ

kya wu mɔ-gidebi mɔ, mɛ kya kyu buubuu sa mɔ. Ɔ' wɔra ɔbono ɔ kya sɔɔ asafo, ne ɔ kya bii nyiile asa ilaa.

³Ɔɲ sa ɔ' wɔra ɔbono ɔ kya nun nta gikyo abɛɛ ɔ kya laare geluu. Ɔ' wɔra daa ilaa ibono i laa yuuli asa asen mɔ. Ɔɲ sa ɔ' wɔra laatɔngɛ nyamese abɛɛ ɔbono mɔ-ansi a kya pɛɛɛ aterenbi gikyo mɔ.

⁴Ɔ' wɔra isa ɔbono mɔ-getsen dɔ awura mɛ kya nu mɔ ase. Mɔ-biana mɛ kya bara mɔmɔ-nyoro gɛsɛ ne mɛ kya kyu buubuu sa mɔ ɔkpa kamaase so.

⁵I lii fɛɛ ngyene fo ɔko fo-getsen dɔ awura mɛɲ kya nu fo ase mɔ, nne ne fo laa wɔra de fo' yɛgɛ Wurubuaare asonbo gikpen mɔ mɛ' nu fo ase?

⁶Yesu asonbo ɔbelense mɛɲ kaabore ɔ' wɔra ɔbono ɔ mɛɲ ti taa kɛɛla ɔson mɔ dɔ mɔ. Inj gye genen mɔ, ɔ laa naa diire mɔ-nyoro de i' bun mɔ gipue fɛɛ ilaa nyenyen pɛwu gemu mɔ-lɛɛ mɔ ɔnan.

⁷I kaabore asa abono mɛɲ bo Yesu asonbo mɔ dɔ mɔ kee mɛ' tere genen ɔbelense ɔbono ginyen dɛnsɛ. I ba genen mɔ, ɔko mɛɲ nyɛ tɔgɛ ilaa nyenyen iko lii mɔ so, ne ɔ mɛɲ loo ilaa nyenyen pɛwu gemu mɔ ɔdoo dɔ.

Abono Mɛ Buu De Yesu Asonbo Abelense Mɔ

⁸Asa abono mɛ buu de Yesu asonbo abelense mɔ kee mɛ kaabore mɛ' wɔra abono asa mɛ kya buu mɔmɔ. Mɛɲ bo inandii inyɔ-inyɔ. Mɛɲ sa mɛ' wɔra asa abono mɛ kya don nun nta abɛɛ mɛ kya kyu ɔkpa nyenyen so laare aterenbi.

⁹Mɛ' kyu gisen dɛnsɛ keda Yesu ilaa boduduuse ibono mɛ sɔɔ gyi mɔ dɔ.

¹⁰Fɛ' daase genen asa abono kere yɛɛ mɛ laa taale wɔra gesun mɔ? Ngyene fɛɲ wu ilaa nyenyen iko lii mɔmɔ so mɔ, pɛi de mɛ' loo wɔra abono mɛ buu de Yesu asonbo abelense mɔ.

¹¹Mɔmɔ akyiise mɔ mɛ kaabore mɛ' wɔra abono asa mɛ kya buu ɔmɔ mɔ. Mɛɲ sa mɛ' naa mɛ kya nyida asa anyen. Mɛ' wɔra abono mɛ bo gisen ne mɛ kya gyi gesintin sa asa ilaa kamaase dɔ.

¹²Abono mɛ laa buu de Yesu asonbo abelense mɔ mɛ' wɔra daa abono mɛ sii de ɔkyii kolon-kolon ne mɔmɔ-biana de mɔmɔ-getsen dɔ asa mɛ kya nu mɔmɔ ase mɔ.

¹³Ngyene mɛ kya gyi genen gebelense mɔ dandan mɔ, asa mɛ laa kyu buubuu sa mɔmɔ ne mɛ laa taale da gikan lɛɛ Kirisito Yesu ilaa ibono mɛ kya sɔɔ gyi mɔ tɔgɛ de asa mɛ' nu mɔmɔ ase.

Aye-Ɔson Baare Tansi Ɔ Gye Ilaa Boduduuse

¹⁴Me-gewɔnsa gɛ gyan yɛɛ i mɛɲ kɛɛla ne nan ba fo ase. N kii n kya ŋmarase n kya ka fo pɛi de n' loo ba.

¹⁵Ngyene fɛɛ ilaa iko i keda mɛ yela ne mɛɲ nyɛ ba fo ase belen mɔ, mɛ-ɔwɔle baare laa yɛgɛ fo' nyɛ bii genɔɔbono i kaabore Wurubuaare geten' dɔ asa mɛ' kyena mɔ. Wurubuaare geten' dɔ asa ne n gye aye abono a kya son mɔ ɔbono ɔ bo no adaa-adaa mɔ. Aye Wurubuaare wɔle asonbo pɛwu gikpen a dɛ daa fɛɛ gekpara de gɛsɛ ɔpɔɔɛ sa gesintin gebono Wurubuaare gi lɛɛ nyiile anyamese mɔ.

¹⁶Inj bo akyɔɔle yɛɛ ɔson baare tansi ɔ gye ilaa boduduuse. I lii fɛɛ: Yesu gi ba mɔ, Wurubuaare ne n kisee mɔ-nyoro nyamese oyuduu kyu lɛɛ mɔ-nyoro gɛwi nyiile asa.

Wurubuaare Oduduu mɔ ne n lɛɛ Yesu gidebi nyiile anyamese de mɛ' bii yɛɛ Yesu ilaa i gye gesintin.

Wurubuaare dɔ isɔɔ mɛ wu Yesu de ansi.

Asa mɛ naa gesinkpan so asa kpɛi-kpɛi dɔ tɔgɛ Yesu ilaa.

Gesinkpan so anyamese me ka gyan Yesu so.
Wurubuaare gi puru Yesu dii kpe mo ase mo Wurubuaare nyisigyi do.

4

Abon Anyiilebi

¹ Wurubuaare Oduduu mo kya lee tigi aye yee i laa baa ba owi oko do yee ako me laa taa Yesu onon mo yee. Me laa san nu daa de ilaa ibono i kya kyena asa so ne i kya kyu abon anyiilebi penese asa mo.

² Anyiilebi ade a laa lii daa non nnyo-nnyo awura mo ase. Me laa kere ansi kee abon ne i man nmaa momo-asen.

³ Me laa tii gedena so yee asa men sa me' dena abee men sa me' gyi agyudana ako. Wurubuaare mo gi lee agyudo abono daa yee nyamese o' gyi. O kya laare fee abono me soo Yesu gyi ne me nyi gesintin mo me' soo amo abaa anyo de me' kyu afaala sa mo.

⁴ Ilaa kamaase ibono Wurubuaare gi lee mo i boran. Imoso nengyene fo nye ilaa iko ne fo faala Wurubuaare kyu lii imo so mo, in kaabore oko o' tge yee in boran.

⁵ I lii fee fo kpe nye faala Wurubuaare kyu lii imo so mo, Wurubuaare mo gi yuule imo kyu lii mo-agyebi mo so de fo-gedala so sa fo ne.

Fo Bere, Bela Fo-Nyoro Daa De Fo' Sele Wurubuaare

⁶ Kyu genen ilaa ibono n kya ka fo faa kyu too aye-nanboana Yesu asonbo mo ansi do. Fo kya wora genen mo, i laa wora gesun dense sa Kirisito Yesu. Wurubuaare agyebi abono fo soo amo gyi mo de mo-gesintin anyiilebi abono ayaa fo buu faa ne nan sa fo onon mo-onon mo do.

⁷ Gen sa fo' nu de adedaabo gekyena do abon nsingyi de akyii belense itare. Fo bere, bela fo-nyoro daa de fo' sele Wurubuaare.

⁸ Gesun gebono fo laa kpe fi-i wora geke kamaase de i' kyu den fo mo ge laa kpa fo ikpa iko so. Ilaa ibono, mo, fo laa kpe fi-i wora geke kamaase de i' den fo yee fo sele Wurubuaare mo, imo ibono bere ne nan kpa fo okpa kamaase so. Fo sele Wurubuaare mo, o kya yee fo' bii fo-gisen do yee fo laa nye Wurubuaare ase gekyena onan gekyena gede do de fo-lewu gemara kee.

⁹ Genen agyebi ade a gye agyebi paaworase abono i kaabore a' koolo amo kyule.

¹⁰ Genen so ne aye abono a kya ka gyan Yesu so mo a kya peere ansi wora Wurubuaare onon mo gesun mo. I lii fee a kyu aye-ansi kyu gyan mo obono o bo no adaa-adaa mo so. Mo ne n gye anyamese pewu omolegebo; titirigu mo, aye abono a kya ka gyan Yesu so mo-lee omolegebo ne o gye.

¹¹ Kyu genen ilaa ide ka asa de fo' kyu imo nyiile omo.

¹² Gen sa fo' yee de oko o' kere fo ta yee fo gye dega, fon ti wora obelense. Fo bere, yee fo-atongebi de fo-akyanabi de fo-gisen fufuli de fo-gelaare' gebono fo bo mo de fo-gikagyan gibono fo kya ka gyan Yesu so mo i' wora sinkaala sa abono me kya ka gyan Yesu so mo.

Kere Fo-Nyoro De Fo-Ilaa Nyiilese So Doodan

¹³ Owi obono men ti ba mo, feye Yesu asonbo mo fe laa kyena gyan' mo, kere de fo' kale Wurubuaare agyebi mo sa omo de fo' bueele omo de me' wora amo so ilaa de fo' nyiile omo ilaa.

¹⁴ Fo tan geakaabono Yesu asonbo abelense mo me kyu momo-abaa gyan fo so kole Wurubuaare Oduduu sa fo mo? Genen geakaabono mo

Wurubuaare ikalan otogēbo oko gi wu tōge yee Wurubuaare gi sa fo adawo de fo' kyu wōra gesun sa mō. Keda genen adawo abono. Geη sa fo' lee ansi yege amō.

¹⁵ Kpe keda genen ilaa wōrase ide dō. Kyu fo-nyoro kyee imō de okamaase o' wu yee fo kya kpe ansi dō onon mō dō.

¹⁶ Kere fo-nyoro de fo-ilaa nyiilese mō so dōdan. Kpe keda genen. Fo keda genen mō, i laa kpaā fo-re asa abono me kya nu fo ase mō pēwu de fe' nye Wurubuaare ase gekyena.

5

¹ Fo gyangbara sa Yesu asonbo ne abelense abono me bo feye dō mō oko kya wōra ilaa nyenyen iko mō, geη sa fo' ηmaa yii mō. Buēle mō daa fee o gye daa fo-se genen mō. Tonge sa adega abono me bo feye dō mō fee fo-tedēana

² de akyiinyi mō mō, fee fo-nyiana. Tonge sa abolonbu mō mō fee fopikiyiana. Ginyen de gikyii ilaa i meη sa i' loo nno.

Akulaabo Ilaa

³ Kyu buubuu kyu kere akulaabo abono meη bo akerebo mō so.

⁴ Nengyene okulaabo bo nbii abee anaana bere mō, i kaabore nbii mō me' kase yee Wurubuaare kya tōge mōmō yee me' kere mōmō-subuana so de iη sa i' ba yee me koroge omō kere omō so giyan. Npii mō me kya wōra genen mō, imō ne n kya gyi Wurubuaare ginsi.

⁵ Obono o gye okulaabo ne oη bo okerebo mō kya kyu mō-gewōnsa gyan daa Wurubuaare wole so. O kpe o kya dalaa o kya kole Wurubuaare genye de gepē.

⁶ Okulaabo obono mō bere, o kpe o kya nu daa de okon gigyi wole mō, o wu' ne, yege o te de ansi.

⁷ Ka Yesu asonbo abono fo gyangbara sa omō mō de asa meη sa me' nye ilaa nyenyen tōge kyu lii mōmō so. Okamaase nyi yee i kaabore nyamese o' kere mō-subuana so.

⁸ Imōso ka omō yee fo obono fo kya son Yesu ne foη kya kere fo-subuana so mō, titirigu fo-ka, fo-biana, fo-nyi de fo-se so mō, i wōra fee fo too Yesu onon mō fue ne. Isa obono oη ti soη Yesu gyi mō tēse o bo fo.

⁹ Akulaabo gikpen gibono feye Yesu asonbo mō fe kya kere omō so mō, feη sa fe' kyu obono oη ti gyi nsi ikue-isa mō bōla mōmō so. Okulaabo obono fe laa kere mō so mō, o' wōra okyii obono o sii de onyen kolon daa,

¹⁰ ne okamaase nyi mō so yee o wōra ilaa dense mō-gekyena dō yege mō. O bela mō-biana dandan. O bara mō-nyoro gese; o keda Yesu asonbo gisafo, ne o wōra ilaa ibono i tiri omō mō sa omō. O mōlege asa abono ilaa i tu omō mō, ne o kyu mō-nyoro kyu kyee ilaa dense kamaase giwōra mō.

¹¹ Okulaabo obono oη ti bele mō bere, feη' baa yege mō o' bōla gikpen mō so. Oη ti bele faa mō, i laa taale ba yee mō-bole gelaare ilaa i laa biide mō-nwōnsa koso Yesu Kirisito gesun mō so ne gedena ge laa kii da mō bole.

¹² Nengyene o kii dena mō, o laa gyi gipuee akulaabo gikpen mō ase. I lii fee o ka yela yee oη baa kii dena.

¹³ I meη gye gipuee gide wole. Nengyene obono oη ti bele mō o naa nten-ana dō o kya kere Yesu asonbo mō so mō, anaana-naa a laa den mō. Oη baa wōra sei. I meη gye imō ide wole. O laa kpe o kya nu de asa ilaa gisola kpe sola ba, ne o laa kpe o kya ten o kya loo asa ilaa dō de o' naa o kya tōge ilaa ibono iη kaabore o' tōge mō.

14 Imoso nan laare fɛɛ akulaabo abono mɛ mɛn ti belɛ mɔ mɛ' tɛsɛ dena, mɛ' korogɛ, de mɛ' keda mɔmɔ-adɛ. Genen ne i man nyɛ bugi ɔkpa sa abono mɛ kya kyo Yesu ɔson mɔ yɛɛ mɛ' tɔgɛ ilaa nyenyɛn kyu lii aye abono a kya son Yesu mɔ so.

15 N kya tɔgɛ imɔ idɛ pɛwu mɔ, i lii fɛɛ akulaabo abono mɛ mɛn belɛ ne nkana a kya kerɛ ɔmɔ so mɔ dɔ ako mɛ ti fue Yesu ɔkpa mɔ kpe mɛ buu ilaa nyenyɛn pɛwu gɛmu mɔ-lɛɛ ɔkpa mɔ.

16 Nengyene ɔkyii ɔbono ɔ kya ka gyan Yesu so mɔ bo akulaabo mɔ-gɛsu dɔ mɔ, ɔ' kerɛ mɔmɔ so. Ɔn sa ɔ' kyu genen gikpon mɔ kyu kpaa too Yesu asonbo mɔ so. Imɔ ne nan yɛgɛ Yesu asonbo mɔ mɛ' nyɛ nyoro kerɛ daa akulaabo abono mɛn bo akerebo mɔ so.

Kyu Buubuu Keda Yesu Asonbo Abelɛnsɛ Mɔ

17 Yesu asonbo abelɛnsɛ abono mɛ kya gyangbara sa fɛyɛ dandan mɔ, fɛ' kyu buubuu belɛ kyu keda mɔmɔ. Titirigu mɔ, abono mɛ kya pɛɛrɛ ansi mɛ kya tɔgɛ ne mɛ kya nyiile asa Wurubuaarɛ agyɛbi mɔ.

18 I kya nyiile fɛɛ Wurubuaarɛ agyɛbi mɔ dɔ i kya tɔgɛ yɛɛ, "Owi ɔbono fo yɛgɛ fo-naadɛ kya daare fɛɛ ayu ɔ kya sa fo mɔ, gɛn sa fo' nminde mɔ-gɛnɔ de ɔn sa ɔ' nyɛ wɛ amɔ." Iko kee ne n gyɛ yɛɛ, "Ɔko gi gyi fo paa mɔ, ka mɔ imɔ so giko."

19 Fo nu ɔko gi buu yɛɛ Yesu asonbo ɔbelɛnsɛ ɔko gi wɔra ilaa nyenyɛn iko, ne asa anyɔ abɛɛ asa' man taalɛ tɔgɛ yɛɛ, "Ɛɛn, i gyɛ gesintin" mɔ, gɛn sa fo' kyu imɔ wɔra ilaa dɔ.

20 Nengyene fo wu yɛɛ ɔko kya wɔra ilaa nyenyɛn mɔ, ka mɔ Yesu asonbo mɔ pɛwu ansi dɔ de asɛnsɛ mɔ pɛwu mɛ' nyɛ seɛ ilaa nyenyɛn giwɔra.

21 Wurubuaarɛ de Kirisito Yesu de Wurubuaarɛ dɔ isɔɔ ibono Wurubuaarɛ gi lɛɛ gibaa yii yɛɛ mɛ' wɔra gesun sa mɔ mɔ pɛwu mɛ laa lɛɛ mɛ genɔ yɛɛ n kya ka fo yɛɛ fo' kyu gesintin gyi nbara nbono ne sa fo faa pɛwu so. Gɛn sa fo' wɔra gɛligi ilaa abɛɛ fo' su ako so don ako.

Kerɛ Dandan Pɛi De Fo' Lɛɛ Agyangbarabo

22 Gɛn sa fo' kpaala lɛɛ ɔko yɛɛ fo laa kyu abaa gyan mɔ so kolɛ Wurubuaarɛ Odudu sa mɔ de ɔ' wɔra ɔgyangbarabo sa Yesu asonbo. Gɛn sa fo' tɔgɛ wɔra ɔko de ɔ' keda nyoro wɔra ilaa nyenyɛn. Kerɛ de fo' kyu gisen densɛ wɔra ilaa kamaasɛ.

23 Giko mɔ kee ne. Fo-ɔto mɔ so mɔ, gɛn baa nun nkyu wolɛ. I bo no i bo no mɔ, nun nta nmaraa pi-i. I laa kpaa fo de fon' baa kyena lɔ belɛn-belɛn.

24 Ako mɛ bo no faa mɔ, mɔmɔ-ilaa nyenyɛn in bo nara dɔ. I kya wolaa lɛɛ nyiile yɛɛ mɛ gyi gipueɛ. Ako mɔ, gɛmara-gɛmara ne mɔmɔ-ilaa nyenyɛn i kya lii gɛwi.

25 Genen kee ne gidɛnsɛ giwɔra gin bo nara dɔ. Ba-a ne fɛɛ gidɛnsɛ giwɔra giko gin ti lii gɛwi mɔ, gi man nara gɛkpaa-gɛkpaa.

6

Abono Mɛ Tɛ Sa Awura Mɔ

1 Abono pɛwu mɛ kya son Yesu, ne mɛ tɛ awura abono mɛn kya son Yesu asɛ mɔ, mɛ' kyu buubuu kyu sa mɔmɔ-wuraana ɔkpa kamaasɛ so. Mɛn sa mɛ' sa asa ɔkpa de mɛ' ten aye-Wurubuaarɛ ɔson mɔ genɔ yɛɛ ɔson mɔ kya nyiile ilaa nyenyɛn de in sa i' mɔɔ Wurubuaarɛ gimu.

2 Abono mɛ tɛ awura abono mɔmɔ kee mɛ kya son Yesu asɛ mɔ, mɛn sa mɛ' tɔgɛ yɛɛ mɔmɔ pɛwu mɛ ti mɛ gyɛ Yesu asonbo so mɔ, mɛ man kyu buubuu sa mɔmɔ-awuraana mɔ. I kaabɔrɛ mɛ' pɛɛrɛ ansi son ɔmɔ

doodan too gbaa daa. I lii fɛɛ mɔmɔ-wuraana abono mɛ kya nyɛ agyan lii ɔmɔ aɛɛ genen mɔ, mɛ gye daa Yesu asonbo ne Wurubuaare kya laare mɔmɔ-ilaa.

Abono Mɛ Nyi Yɛɛ Wurubuaare Ɔson Mɔ Gye Aterenbi Gelaare Mɔ

Timoti, kyu ilaa ibonoana nɛ nyiile fo faa nyiile Yesu asonbo mɔ de fo' tɔgɛ wɔra ɔmɔ yɛɛ mɛ' gyi imɔ so.

³ Nengyene ɔko kya nyiile ilaa banban iko kpɛi, nɛ ɔŋ kya kyule aye-Wura Yesu Kirisito-lɛɛ gesintin agyɛbi mɔ, abɛɛ ɔŋ kya kyule ilaa nyiilese ibono i kya kpaa nyamesɛ de ɔ' seɛ Wurubuaare mɔ,

⁴ nyoro ginyiile gi gyi kaase ɔbono gimu nɛ. Ɔ mɛŋ nyi sei nɛ. Ɔ kpɛ ɔ kya sɔɔ akyɔɔlɛ nɛ ɔ kya taragɛ Wurubuaare agyɛbi dɔ mɔ, i kya wɔra mɔ ɔkon. Genen akyɔɔlɛ adɛ a kya bara gɛlaaloo, i kya yɛgɛ asa mɛ' tɔrɔ abara so, mɛ' saale abara, abɛɛ mɛŋ baa bii abara amu dɔ.

⁵ Ibiidɛ iŋ kya ta ɔmɔ dɔ. Mɛŋ bo amu. Wurubuaare gesintin ɔson mɔ gi lii mɔmɔ-gibaa. Mɔmɔ-nwɔnsa nɛ n gye yɛɛ mɛ wɔra Wurubuaare asonbi ilaa mɔ, i laa kpaa ɔmɔ de mɛ' nyɛ aterenbi.

⁶ Fo kya son Wurubuaare mɔ, i bo agyan belɛ. Pɛi nɛ fo laa wu yɛɛ i bo agyan mɔ, genen mɔ, ilaa ibono fo bo mɔ i kya gyi fo-ginsi.

⁷ A mɛŋ kyu sei kyu ba gesinkpan so nɛ a maŋ taalɛ kiiri sei.

⁸ Ibono a kpɛ nyɛ a bo agyudɔ de ilaa ibono a kya kyu kun aye-nyoro faa mɔ, i kyɔ sa aye.

⁹ Abono mɛ kya laare mɛ' wɔra aterenbi awura mɔ, mɛ kya tɔrɔ daa ɔdoo dɔ abɛɛ agyondiwoɔ dɔ. Mɛ mɛŋ nyi ɔlaako Wurubuaare aɛɛ. Mɛ mɛŋ nyi yɛɛ mɔmɔ-ɔbole gelaare ilaa idɛ i kya gooli mɔmɔ nɛ. Mɔmɔ-ilaa laareɛ i kya kpɛrɛ ɔmɔ lii Wurubuaare aɛɛ. I laa yɛgɛ mɛ' gyi gyɛrɛbi de mɛ' fue mɔmɔ-lɛwu gemara.

¹⁰ I lii fɛɛ nengyene aterenbi ilaa nɛ fo nyamesɛ fo kya laare mɔ, i kya yɛgɛ fo' wɔra ilaa nyɛnyɛn kpɛi-kpɛi gikyɔ. Ako mɛ yɛgɛ aterenbi ilaa i gyi mɔmɔ-amu, nɛ i yɛgɛ mɛ taa Yesu ɔson mɔ yɛgɛ san kpɛ mɛ kya dun wa-wa.

Fo berɛ, Wɔra Idɛnsɛ

¹¹ Fo berɛ, Wurubuaare isa nɛ fo gye. Kine imɔ ibono pɛwu giwɔra. Pɛɛrɛ ansi de fo' gyi gesintin sa Wurubuaare. Seɛ mɔ de fo' ka gyan Yesu so. Laare Wurubuaare de nyamesɛ ilaa. Nyɛ gisen ɔlaawusɛ dɔ, de fo' kyu buubuu kyu kyena de asa.

¹² Ka gyan Yesu so de i' wɔra fɛɛ fo kya kɔ iko dɛnsɛ fi-i sa mɔ nɛ. Imɔ nɛ nan yɛgɛ fo' laa abaa kɛda Wurubuaare aɛɛ gɛkyɛna gɛbono gɛŋ bo ɔkara mɔ. Genen gɛkyɛna gɛbono so nɛ Wurubuaare gi tɔgɛ fo yɛɛ fo' son mɔ mɔ, nɛ fo-o fo mɔ, fo yɛlɛ sansana lɛɛ fo-gikagyan gibono fo ka gyan Yesu so mɔ tɔgɛ kanpɛ.

¹³ Kirisito Yesu ɔbono ɔ yɛlɛ Pontiyusɛ Pilato ansi dɔ lɛɛ mɔ-gesintin tɔgɛ kanpɛ mɔ de Wurubuaare ɔbono ɔ kya sa ilaa kamaasɛ nkpa mɔ mɛ yɛlɛ mɛ kɛrɛ mɛ-rɛ fo nɛ n' kya ka fo faa.

¹⁴ Gyi imɔ so kpaa fo owi ɔbono aye-Wura Yesu Kirisito laa kii ba gesinkpan so mɔ. Gɛŋ sa fo' tan imɔ iko-rɛ iko so, de ɔko ɔŋ sa ɔ' nyɛ ilaa nyɛnyɛn iko tɔgɛ kyu lii fo so.

¹⁵ Wurubuaare laa yɛgɛ Yesu o' kii ba owi ɔbono mɔ Wurubuaare kya laare mɔ. Ayenbi a gye Wurubuaare-lɛɛ. Mɔ-nkon nɛ n gye Ɔlolonbo, Awura dɔ Wura. Mɔ nɛ n gye abelɛnsɛ dɔ Ɔbelɛnsɛ.

¹⁶ Mɔ-nkon ne n gye ɔbono ɔ man wu' gɛkaako kpa-a. Nfono ɔ tɛ mɔ i tansi i kya wu ne i kya nɛlegi ibono ɔko man taale tu sindi nno. Ɔko mɛn ti taa taale bugi ansi kerɛ mɔ, ne ɔko man taale kerɛ mɔ gɛkaako kpa-a. Buubuu de gɛwuragyi i' wɔra mɔ-lɛɛ gɛkpa-gɛkpa. I' ba genen.

Aterenbi Awura Ilaa

¹⁷ Timoti, ka asa abono mɛ bo gɛsinkpan so awuratɔ mɔ yɛɛ mɛn sa mɛ' nyiile mɔmɔ-nyoro abɛɛ mɛ' kyu mɔmɔ-ansi gyan aterenbi so. Mɛn kya kyu aterenbi tii gikɔɔɛ. Mɛ' kyu mɔmɔ-ansi gyan daa Wurubuaare so. Mɔ ne n kya bugi mɔ-gibaa dɔ sa aye ilaa kamaase ibono a kya nye faa de i' wɔra aye ɔkon.

¹⁸ Buu sa mɔmɔ yɛɛ mɛ' wɔra gidɛnsɛ. Mɛ wu yɛɛ mɔmɔ-aterenbi a kyɔ mɔ, mɔmɔ-gidɛnsɛ giwɔra gi' nyaakyɔ genen kee. Mɛ' bugi mɔmɔ-abaa sa asa lii mɔmɔ-asen dɔ.

¹⁹ Mɔmɔ-abaa dɔ i kya bugi gɛsinkpan so mɔ, mɛ kya baala awuratɔ mɛ kya yela mɔmɔ-nyoro Wurubuaare dɔ ne. Mɛ kya too gɛsɛ ɔpɔɔɛ Wurubuaare ase. I laa kpa ɔmɔ de mɛ' nye laa abaa keda ilaa ibono i kya sa Wurubuaare ase gɛkyena mɔ. Gɛmɔ ne n gye gɛkyena gbaa-gbaa.

Dii Fo-Gesun Wɔrase

²⁰ Timoti, dii gɛsun gɛbono Wurubuaare gi kyu wɔra fo-abaa dɔ mɔ. I bo asa ako, mɛ kyu mɔmɔ-gɛtɔngɛ de mɔmɔ-akyɔɔlɛ abono mɛ kya sɔɔ kyu lii Wurubuaare agyɛbi so mɔ yɛɛ i gye ɔlaako ginyi. Gɛn sa fo' buu ɔmɔ-gitan.

²¹ Mɛ pɛnɛ ako kaabɔrɛ ndɛ mɛ fuɛ Wurubuaare ɔson mɔ ɔkpa. Wurubuaare ɔ' sa fɛyɛ pɛwu so gɛwɔnsa dɛnsɛ.

Pɔɔlo ɔwɔlɛ Nyɔsɛ ɔbono ɔ Nmarasɛ Bunge Timoti Mɔ

¹ Me Pɔɔlo ne n kya nmarasɛ genen ɔwɔlɛ baare mi-i sa fo. Wurubuaare gi lɛɛ gibaa yii me yɛɛ n' wɔra Kirisito Yesu ɔsɔɔ de n' tɔgɛ asa ilaa ibono ɔ ka yela sa ɔmɔ mɔ. ɔ ka yela yɛɛ asa abono mɔmɔ-rɛ Kirisito Yesu me wɔra nyamesɛ kolon mɔ mɛ laa nyɛ Wurubuaare asɛ gɛkyena.

² N kya wɔra ɔwɔlɛ baare n kya sa fo, Timoti, fo ɔbono fo baa bingiri fɛɛ me-bi korogɛsɛ mɔ. Fo-ilaa i bo me-gisen dɔ. Aye-sɛ Wurubuaare de aye-Wura Kirisito Yesu mɛ' sa fo so gɛwɔnsa dɛnsɛ, mɛ' su fo so, de mɛ' sa fo gisen yuuli.

³ Owi kamaasɛ dɔ mɔ, n kya nyingi fo so gedalaa dɔ. N kya faala Wurubuaare mi-i sa fo genyɛ de gɛpɛ. N kya dalaa genen mɔ, n nyi me-gisen dɔ yɛɛ n dɛ gisen dɛnsɛ mi-i son Wurubuaare, fɛɛ genɔɔbono me-naanaana mɛ son mɔ.

⁴ N kya nyingi owi ɔbono fo naa kyena gbaa ginsikyu mɔ de-e, i kya yɛgɛ n' nyingi fo so. N kya laare de a' kii nyɛ wu abara de i' tansi wɔra me ɔkon.

⁵ Owi kamaasɛ mɔ, n kya nyingi genɔɔbono fo kya ka gyan Yesu so lii fo-gisen dɔ mɔ. Genen kee ne fo-naana kyiiɛ, Loowisi, de fo-nyi, Yunisi, mɛ ka gyan mɔ so ne. N nyi yɛɛ genen gikagyan gibono ɔnan kee ne n bo fo dɔ faa.

Lɛɛ Wura Yesu ɔkalan Mɔ Tɔgɛ Sa Asa De Fof' Sɛlɛ ɔlaawusɛ

⁶ Nɛ naa kyena kyu me-abaa gyan fo so kole Wurubuaare Oduduu sa fo. Gɛsintin mɔ, Wurubuaare gi sa fo adawo ako de fo' kyu wɔra mɔ-gɛsun. Imɔso n kya nyingi fo yɛɛ fo' lɔrɔ ɔgya wɔra genen adawo abono dɔ.

⁷ Oduduu ɔbono Wurubuaare gi kyu sa aye mɔ mɛn kya yɛgɛ a' bingiri afuubo. Mɔ-Oduduu mɔ kya yɛgɛ a' nyɛ daa ɔlon, a' nyɛ gelaare' aye-asen dɔ, de a' nyɛ taalɛ keda aye-nyoro.

⁸ Imɔso gɛn sa fo' yɛgɛ i' wɔra fo ipeeli yɛɛ fo laa lɛɛ aye-Wura Yesu ilaa nyiile asa. Gɛn yɛgɛ me-ilaa i' wɔra fo ipeeli kee yɛɛ mɛ keda me tii de obu lii Yesu gɛsun mɔ so. Nyɛ gisen de fo' sɔɔ fo-lɛɛ ɔlaawusɛ ɔbono ɔ laa tu fo kyu lii Yesu ɔkalan konkonsɛ mɔ so mɔ. Wurubuaare laa sa fo ɔlon.

⁹ Wurubuaare gi mɔlɛgɛ aye lii aye-ilaa nyenyɛn giwɔra dɔ, ne ɔ tɔgɛ aye yɛɛ a' lɔrɔ aye-nyoro yela sa mɔ-nkon. Inj gye aye-ilaa wɔrasɛ so ne Wurubuaare gi mɔlɛgɛ aye genen. I gye daa mɔ gbaa-gbaa gelaare de mɔ-gɛwɔnsa dɛnsɛ gɛbono ɔ bo sa aye mɔ so. Pɛi de ɔ' lɔɔ lɛɛ ilaa kamaasɛ mɔ, ɔ wolaa sa aye so gɛwɔnsa dɛnsɛ gɛdɛ kyu lii aye-rɛ Kirisito Yesu ginyamesɛ kolon mɔ so.

¹⁰ Idɛ kon, ɔ yɛgɛ genen mɔ-gɛwɔnsa gɛbono gɛ lii gɛwi. I lii fɛɛ aye-ɔmɔlɛgɛbo Kirisito Yesu gi ba gɛsinkpan so. Ne ɔ mɔɔ lɛwu gibɔrɔ. ɔ lɛɛ Wurubuaare ase gɛkyena gɛbono gɛn bo ɔkara mɔ gɛwi nyiile asa kyu naa de mɔ-ɔkalan konkonsɛ mɔ so.

¹¹ Yesu Kirisito gi kyu mɔ-gɛsun wɔra me-abaa dɔ yɛɛ me kee n' wɔra genen ɔkalan mɔ ɔtɔgɛbo. ɔkalan mɔ so mɔ, nɛ wɔra Kirisito Yesu ɔsɔɔ, ne n' kya nyiile asa ɔkalan mɔ ilaa.

¹² Genen ɔkalan mɔ so ne n' kya yiyɛɛ faa. Imɔ-rɛ imɔ genen gbaa mɔ, inj bo me ipeeli. I lii fɛɛ n nyi ɔbono nɛ ka gyan mɔ so mɔ, ne n nyi ibono

o bo lon de o' taale kere ilaa ibono o kyu wɔra me-abaa do mo so kpa'a fo geke gebono o laa gyi anyamese pewu nbele mo.

¹³ Ilaa ibono ne nyiile fo kyu lii Yesu okalan mo so mo i gye gesintin. Keda imo do de fo' kyu imo nyiile asa. Kpe fo kya ka gyan Wurubuaare so de fo' laare Wurubuaare de anyamese ilaa kyu naa de fo-re Kirisito Yesu ginyamese kolon mo so.

¹⁴ Yege Wurubuaare Oduduu obono o bo aye-asen do mo o' kpa'a fo de fo' kere agyebi dense abono Wurubuaare gi kyu wɔra fo-abaa do mo so.

¹⁵ Fee genobono fo nyi mo, aye-nanboana abono pewu me lii Esiya gesinkpan so mo me yaase taa me yege. Momo do ako ne n gye Figyilo de Hemogyine.

¹⁶ Onesiforo bere, Wura Yesu o' su mo-re mo-geten do awura so sa me. I lii fee o kya kyena yege me-gisen gi kya toro me. In bo mo ipeeli yee n tii de obu.

¹⁷ Mo bere, o kpe loo Rom gere mo, o peere ansi laare me-geten, ne o baa wu me.

¹⁸ Wurubuaare o' yege aye-Wura Yesu o' su mo so geakaabono Yesu laa gyi anyamese nbele mo. Genobono o kpa'a me Efiso osowole so mo, in gye fo gisafo. Fo nyi imo pewu.

2

Da Gikan Wɔra Yesu Gesun Mo De Fo' Nye Imo-Nteela

¹ Me-bi, Kirisito Yesu kya sa fo so gewonsa dense. Imoso keda fo-nyoro wɔra mo-gesun.

² Ilaa ibono ne nyiile fo ne asa sakyɔ me kya lee me-genɔ yee i gye gesintin mo, fo kee, kyu imo nyiile ako. Kere daa asa abono me kya gyi gesintin ne me laa bii nyiile asa banban mo de fo' kyu genen ilaa nyiilese ibono wɔra momo-abaa do kee.

³ Soɔ fo-lee olaawuse obono o laa tu fo Kirisito Yesu onon mo so mo fee sogya dense.

⁴ Sogya bere men kya yege ilaa ibono i men gye asogyaana ilaa mo i' biide mo lii mo-gesun do. O kya laare daa de o' nye gyi mo-obelense ginsi. Fo kee laare genobono fo laa gyi Kirisito Yesu ginsi mo.

⁵ Fo kya wɔra Yesu gesun mo, wɔra daa fee asa abono me kya sele onangya de me' kere obono o laa daa asense mo. Oselebo kamaase nyi yee ba-a o gyangbara ne o men gyi gisele mo nbara so mo, o man nye gegyangbara afaala.

⁶ Yesu gesun mo do mo, wɔra fee doɔbo obono o kya peere ansi wɔra gesun mo. Mo ne n kya daa gigyi agyudo gyangbarase.

⁷ Sa ilaa ibono n kya toge fo faa so gewonsa. Wura Yesu laa yege fo' nu imo ikamaase gese.

⁸ Kyu fo-gewonsa gyan Yesu Kirisito so. Wurubuaare gi kyingi mo lii ibuni do. O gye Oloobu Deefidi onaanabi fee genobono Yesu okalan konkonse obono n kya toge mi-i sa asa mo kya nyiile mo.

⁹ Genen okalan konkonse baare so ne asa me kya kyo me, me kya wɔra me awɔrɔfɔɔ, ne me wɔra me agbangbaran fee ilaa nyenyen awɔrabo oko faa. Me ne me nye wɔra agbangbaran. Wurubuaare okalan konkonse mo bere, me man nye mo wɔra agbangbaran kpa-a.

¹⁰ N nyi genen so mo, ne soɔ olaawuse kamaase abaa anyo de i' kpa'a asa abono Wurubuaare gi toose lee yee me' son mo mo. N kya laare me' nye Wurubuaare amolege de me' nye mo ase gekyena kyu naa de momo-re

Kirisito Yesu ginyamese kolon mo so. Me nye genen amolage mo, me laa nye nyisigyi obono oṅ bo okara mo.

11 I bo gede geko, ge gye gede paaworase. Gemo ne n gye yee:
 “FEE Yesu so ne a nye lewu mo,
 aye-re mo kee a laa kyena daboḷe.

12 Nengyene a wu olaa Yesu so ne a keda nyoro kpaa lii mo,
 aye-re mo a laa baa gyi gewura daboḷe.

Nengyene a kine yee Yesu men gye aye-Wura bere mo,
 mo kee laa kine yee aṅ gye mo-asonbo.

13 Nengyene a men gyi gesintin sa mo mo,
 mo bere laa kpe o kya gyi gesintin o sa aye.

I lii fee mo bere, genobono o de mo,
 o man kine yee in gye genen ne o de.”

Kyu Gesintin Wora Wurubuaare Gesun

14 Kpe fo kya nyingi Yesu asonbo gikpen mo genen ilaa ibonoana ne toge fo faa. Ka sa momo Wurubuaare ginyen do yee me men sa me' so akwole giyan kyu lii agyebi so. Genen akwole abono aṅ kya kpaa asa gisooḡyi. I laa nyida abono me kya nu momo ase mo gisooḡyi daa giyan.

15 Peere ansi de fo' gyi Wurubuaare ginsi kere mo-gesintin agyebi mo do dandan fo kya lee amo gese imo-okpa so. Fo wora mo-gesun sa mo genen mo, fo man gyi ipeeli mo ase.

16 Nsingyi nbono gin gye Wurubuaare gelaare ne gin kya kpaa asa gisooḡyi mo, gen sa fo' kyu fo-geno wora nmo do. Genen nsingyi nbono gi kya ghere asa loo ilaa ibono Wurubuaare men kya laare asa me' wora mo do daa kii too.

17 Asa abono me kya gyi genen nsingyi mo ilaa nyiilese mo i kya kyange fee giloto nyenyen gibono gi kya kyange mo. Asa abono me kya nyiile genen ilaa nyiilese ibono mo, momo ako ne n gye Himinayose de Filetuse.

18 Me taa Wurubuaare gesintin okalan mo yeye san me de daa yee ibono Wurubuaare dare yee o laa kyingi asa lii ibuni do mo, genen ilaa ibono i ti wolaa ba kyon. Momo genen ilaa ibono i kya nyida Yesu asonbo ako gisooḡyi gibono me so Yesu gyi mo.

19 Imo-re imo genen gbaa mo, Yesu asonbo gikpen mo bere gi san gi yele girin. Gi de fee obu obono Wurubuaare ne n too mo-gese opore, ne o nmarase gyan mo so yee,

“Wurubuaare nyi asa abono me gye mo-ade gesintin mo.”

Ne o kii nmarase yee,

“Isa obono o laa toge yee Wura Yesu ne n gye mo-Wura mo,
 kaase o' taa ilaa nyenyen giwora yeye.”

20 Aye Yesu asonbo gikpen mo do asa me de fee geten' bele do ilaa kedase. Iko i gye sika kokoo, iko i gye isilibaa, iko, mo, i gye iyii ne me kyu sale imo, ne iko, mo, i gye gebole ne me kyu poro imo. Imo do mo, iko i gye sa gesi gigyi, ne iko, mo, i gye sa nke yanyanse gikeda.

21 Nengyene Yesu asonbo gikpen mo do isa gi lee mo-nyoro lii ilaa nyenyen giwora do mo, kaase laa wora fee ilaa kedase ibono me kya keda gesi gigyi do geten' bele do mo. Aye-Wura Wurubuaare laa loro fo genen isa obono yela sa mo-nyoro de fo' wora nyamese tirise sa mo. O laa baala fo yela sa gesun dense kamaase giwora.

22 Imoso gen sa fo' yeye gidega de gibolonbu obole gelaare ilaa i' gyi fogimu. Sele genen gewonsa gebono. Peere ansi de fo-gisen do i' nye wora odan Wurubuaare ansi so. Ka gyan Yesu so lii fo-gisen do. Laare Yesu de

Wurubuaare de anyamese ilaa, de fo' wɔra aniya de fo' bara gisen yuuli asa dɔ. Wɔra fɛɛ asa abono mɔmɔ-asen a fuuli ne mɛ kya saawo tere aye-Wura Yesu mɔ.

²³ Akyɔɔle abono ɔlaako ginyi ginɔ bo amɔ dɔ ne aɲ bo agyan mɔ, geɲ sa fo' ka amɔ genɔ. I lii fɛɛ fo' nyi yɛɛ genen akyɔɔle abono a kya bara daa ibiide.

²⁴ Inj kaabore Wura Yesu gesun ɔwɔrabo ɔ' wɔra isa ɔbono ɔ kya laare ibiide. ɔ' wɔra daa isa ɔbono ɔ kya su ɔkamaase so. ɔ' wɔra onyillebo dense ɔbono ɔ bo gisen mɔ.

²⁵ Asa abono mɛ kya sɔɔ Wurubuaare gesintin ɔkalan mɔ akyɔɔle mɔ, Wura Yesu gesun ɔwɔrabo ɔ' lɛɛ ilaa gese sa mɔmɔ laakaare so. I lii fɛɛ mɔ-gewɔnsa ge gyan yɛɛ fonɓii mɔ, Wurubuaare laa kpaa mɔmɔ de mɛ' nu mɔmɔ-nyoro gese yɛɛ mɛ fue de mɛ' baa bii gesintin ɔkpa mɔ.

²⁶ Mɛ nye nu mɔmɔ-nyoro gese genen mɔ, mɛ laa nye mɔmɔ-nyoro lii ilaa nyenyɛn pewu gemu mɔ ɔdoɔ ɔbono ɔ da mɔmɔ mɔ dɔ. Ilaa nyenyɛn pewu gemu mɔ gi pene mɔmɔ kyu mɔmɔ wɔra mɔ-gyɔɔ dɔ ne mɛ san mɛ kya wɔra daa mɔ-gelaare.

3

Nke Laalaaloge Mɔ Dɔ Mɔ, Wurubuaare Ilaa I Maɲ Fe Ako Giso

¹ Sɔɔ gibui yela yɛɛ gesinkpan so geɲyena nke laalaaloge mɔ dɔ mɔ, i laa wɔra ɔlon gesintin sa anyamese.

² I lii fɛɛ anyamese mɛ laa kere daa mɔmɔ wole-lɛɛ so, ne mɛ laa laare daa aterɛnbi. Mɛ laa nyiile mɔmɔ-nyoro, ne mɛ laa toge yɛɛ mɔmɔ-gemara mɔ ɔko mɛɲ bo no. Mɛ laa saale asa, ne mɛ maɲ nu mɔmɔ-akorogebo gedɛ. Mɛ laa wɔra bundiaye asa, ne Wurubuaare ilaa gbaa i maɲ fe mɔmɔ-giso.

³ Mɛ laa wɔra asa abono mɛ maɲ bii gesu, ne mɛ maɲ su asa so. Mɛ laa nyida asa, ne mɛ laa wɔra nbirisi de geradama asa. Mɛ laa kyo ilaa dense.

⁴ Mɛ laa wɔra abono mɛ kya fe asa. Mɛ maɲ sa gewɔnsa pei de mɛ' loɔ wɔra ilaa. Mɛ laa diire mɔmɔ-nyoro. Mɛ laa laare ɔkon gigyɔ de mɛ' taa Wurubuaare yege.

⁵ Mɛ kya wɔra fɛɛ mɛ kya son Wurubuaare, yege mɛ kine Wurubuaare ɔlon ɔbono ɔ kya yege asa mɛ' taale wɔra mɔ-gelaare mɔ. Fo bere, geɲ sa fo' saare genen asa abono ɔnan dɔ.

⁶ Mɔmɔ ako ne n gye asa abono mɛ kya kyu genɔ ɔkon kpaa loo asa nten dɔ pene akyii abono mɛ mɛɲ kya sa gewɔnsa kpe geta mɔ. Genen akyii abono mɛ kya nye pene genen mɔ ilaa nyenyɛn i de fɛɛ gesola. Anyamese-lɛɛ ɔbole gelaare ilaa kpei-kpei ne n gyi mɔmɔ-amu.

⁷ Owi kamaase dɔ mɔ, genen akyii abono mɛ kpe ma-a kase ilaa kpei-kpei; mɛɲ kii ma-a bii gesintin ɔkpa mɔ kpa-a.

⁸ Genɔ ɔkon awura ade mɛ kya sɔɔ akyɔɔle de abono mɛ kya toge gesintin mɔ, fɛɛ genɔɔbono Gyanese de Gyanberesi mɛ naa kyena sɔɔ akyɔɔle de Mosisi mɔ. Genɔ ɔkon awura ade amu a nyida. Mɛ fue Yesu ɔkpa, mɛɲ kya sɔɔ mɔ gyi gesintin ɔkpa so.

⁹ Mɔmɔ-asa gipene gidɛ gi maɲ kperɛ mɔmɔ getɛsko. I laa lii gewi yɛɛ mɛ mɛɲ nyi ɔlaako, fɛɛ genɔɔbono Gyanese mɔ-re Gyanberesi-lɛɛ mɔ i naa kyena lii gewi mɔ.

Fo Bere, Nyiile Gesintin ɔkpa Mɔ

¹⁰ Fo bere, fo kase me-ilaa wɔrase de me-ilaa nyiilese. Ibono i gyan me-ansi so yɛɛ nan wɔra mɔ, imɔ kee ne n gyan fo-ansi so. Genɔɔbono n kya

ka gyan Wura Yesu so mɔ, de genɔɔbono n kya nye gisen mɔ, de genɔɔbono n kya laare Wura Yesu mɔ-rɛ Wurubuaare de anyamese ilaa mɔ, fo kee fo ti kase imɔ pɛwu. Fo nyi genɔɔbono ilaa i kya tu me ne n' kya nye gisen kpaɗa lii mɔ.

¹¹ Fo nyi genɔɔbono asa me ka me-ansi ne me wɔra me awɔrɔfɔɔ Antiyoki, Ikoniyon, de Lisitera isowole so mɔ. Wura Yesu, mɔ, gi mɔlege me lii imɔ pɛwu dɔ.

¹² Isa kamaase ɔbono ɔ kya laare ɔ' wɔra Wurubuaare gelaare mɔ-gekyena dɔ kyu naa de Kirisito Yesu so mɔ, asa me laa ka mɔ-ansi.

¹³ Ilaa nyenyɛn awura abono me kya kyu mɔmɔ-nyoro kyu wɔra Wurubuaare asonbo gikpen dɔ me kya penɛ asa mɔ berɛ, me laa kpe me kya wɔra ilaa nyenyɛn me kya too daa. Genɔɔbono me kya penɛ asa mɔ, genen ne i kya penɛ mɔmɔ gbaa-gbaa kee ne.

¹⁴ Fo berɛ, kpe keda daa ilaa ibono fo kase ne fo nyi fo-gisen dɔ yɛɛ i gye gesintin mɔ. Fo nyi asa abono me nyiile fo genen ilaa ibono mɔ ɔnan.

¹⁵ Lii ko-o fo-nbii dɔ mɔ, fo ti bii ɔwole ɔbono Wurubuaare gi yɛge me nmarase yela mɔ. ɔwole mɔ agyebi a kya yɛge fo kya bii ɔlaako de fo' nye Wurubuaare amɔlege de fo' nye mɔ ase gekyena. Genen amɔlege mɔ a kya naa daa de aye-gikagyan gibono a kya ka gyan Kirisito Yesu so mɔ.

¹⁶ Ilaa kamaase ibono me nmarase wɔra Wurubuaare agyebi ɔwole dɔ mɔ, Wurubuaare Oduduu mɔ ne n bara imɔ. Genen agyebi mɔ a kya kpaɗa nyamese. A kya nyiile nyamese ilaa. A kya lɛɛ nyamese lii ilaa nyenyɛn giwɔra dɔ. A kya lɔrɔ nyamese ne a kya bela nyamese de ɔ' nye naa Wurubuaare gesintin ɔkpa mɔ so.

¹⁷ Wurubuaare agyebi mɔ a kya lɔrɔ Wurubuaare sonbo ɔkpa kamaase so de ɔ' nye taale wɔra ilaa dense kamaase.

4

Tɔge Wurubuaare Agyebi Mɔ Sa Asa

¹ Kirisito Yesu laa kii ba gesinkpan so, ɔ laa baa gyi gɛwura, ne ɔ laa gyi anyamese nbele, abono me ti wu' de abono me san me tɛ de ansi mɔ pɛwu. Imɔso Wurubuaare mɔ-rɛ Yesu me yele me kere me faa, n kya ka mi-i sa fo yɛɛ:

² Lɛɛ Wurubuaare agyebi mɔ tɔge de asa me' nu. I gye abere dense dɔ daa-o; in gye abere dense daa-o, fo berɛ, pɛɛɛɛ ansi tɔge amɔ sa asa. Gya mɔmɔ lii ilaa nyenyɛn giwɔra dɔ. Ka mɔmɔ de me' wɔra idense de fo' tɔge wɔra mɔmɔ. Fo kya wɔra genen pɛwu mɔ, kpe fi-i nye gisen fo kya nyiile mɔmɔ Wurubuaare agyebi mɔ ilaa dɔɔdan.

³ I lii fɛɛ i laa baa fo owi ɔko mɔ, asa me maɲ kyule nu gesintin ilaa nyiilese mɔ. Me laa kpane anyiilebo sakyɔ baa mili mɔmɔ-nyoro yɛɛ anyiilebo mɔ me' nyiile mɔmɔ ilaa ibono i bo mɔmɔ ɔbole ne imɔ ne me kya laare de me' nu mɔ.

⁴ Me laa kine ilaa ibono i gye gesintin mɔ de me' san sele me gya daa abon itare ginu.

⁵ Fo berɛ, bii fo-nyoro akedabi owi kamaase dɔ. ɔlaawuse gi tu fo Yesu gesun mɔ dɔ mɔ, nye gisen de fo' keda fo-nyoro. Lɛɛ Yesu ɔkalan konkonse mɔ tɔge sa abono maɲ ti sɔɔ mɔ gyi mɔ de fo' wɔra Wurubuaare gesun gebono o kyu wɔra fo-abaa dɔ mɔ pɛwu kpaɗa loge.

⁶ Me berɛ, me-nke nbono gi san de n' lii gesinkpan so mɔ gi loo ta. Me-nkpa gi wɔra fɛɛ nta ne n' de mi-i woroge Wurubuaare.

7 Ne keda Yesu gesun mo do fee iko ne i gye. Ne ko kpaa wu imo-okara. Ne wora gesun mo kpaa loge fee onangya ne ne sele kpaa wu mo-okara. Genobono ne ka gyan Yesu so mo, ne ka gyan mo so genen kpaa loge.

8 I san daa yee n' nye me-nteele nbono o laa kyu teela abono o kyu yee momo-asen do i boran sa mo mo. Genen nteele nbono gi de gi gyoo me Wurubuaare do. Aye-Wura Yesu obono o laa gyi anyamese pewu nbele gesintin okpa so geakaako mo laa kyu genen nteele nbono teela me genen geakaabono. I men gye me-wole ne nan nye nteele nbono. O laa teela asa abono pewu i kya da momo kpa-kpa yee o' kii ba gesinkpan so belen mo.

Gika Laalaalogsese

9 Wora aniya de fo' baa laa me belen.

10 Deemase gi san o kya laare daa gesinkpan gede gekyena do ilaa so mo, o taa me yeye kyon kpe Tesalonika. Kiresene gi kyon Galati, ne Taatusi, mo, gi kyon Damatiya.

11 Luka mo-nkon ne n san me ase gere. Fo laa ba mo, laare Maako geten de fo-re mo fe' ba. O kya taale kpaa me Yesu gesun mo do.

12 Ne sun Tikakuse yee o' kpe Efiso.

13 Fo laa ba mo, kyu me soso-lee gegbe gebono ne taa yeye Tirowase osowole so Kaapuse ase mo bara me. Kyu me-iwole mo kee bara me, titirigu mo, nbue iwole-lee mo.

14 Alesanda obono o gye obelebo mo gi wora me ilaa nyenyen kpei-kpei gikyoo. Wura Yesu laa ka mo ilaa ibono o wora me mo giko.

15 Fo kee, kerere fo-nyoro so doodan de mo. I lii fee o tansi o kya kyo Yesu okalan obono a kya toge a kya sa asa mo.

16 Owi obono asa ako me daa gikpere me abelense ansi do mo, oko-re oko men yele me-gemara. Okamaase gi yaase wor-r taa me yeye. Wurubuaare o' kyu abono me sele yeye me genen mo ilaa nyenyen kyee momo.

17 Owi obono me yaase yeye me mo, Wura Yesu bere men yeye me; o yele me-gemara. O sa me olon ne ne taale lee mo-okalan mo pewu toge sa asa abono me men nyi Wurubuaare agyebi mo, ne momo pewu me nye nu. Genen abere abono do mo, o molege me lii lewu do.

18 Genen kee ne o laa molege me lii ilaa nyenyen kamaase ibono i laa tu me mo do ne. O laa kyu me kpe mo ase Wurubuaare do gimu nkpa de alanfiya de n' kyena mo ase nfono o kya gyi gewura mo. Nyisigy i o' wora mo-lee gekpaa-gekpa! I' ba genen.

19 Faala Pirisila de Akuila de Onesiforo mo-re mo-geten' do awura sa me.

20 Irasituse gi sii kyena Korinti osowole so. Tirofimuse bere, ne koso taa mo yeye Mileto osowole so mo, o kya lo.

21 Wora aniya de fo' ba pei de awo abere a' loo fo. Yubuluse kya faala fo. Genen kee ne Pudensi, Laanuse, Kelodiya, de aye-nanboana abono aye-re momo a bo Yesu asonbo gikpen mo do gere mo pewu me kya faala fo.

22 Fo-re Wura Yesu fe' kyena, de fo-oduu do ilaa i' wora odan sa fo. Wurubuaare o' sa feye so gewonsa dense.

Ɔoolo Ɔwole Ɔbono Ɔ Nmarase Bunge Taatusi Mo

¹ Taatusi dense, me Ɔbono n gye Wurubuaare gesun Ɔwɔrabo de Yesu Kirisito ƆsoƆ mo ne n kya nmarase Ɔwole baare mi-i sa fo faa. Fɛɛ genƆƆbono fo nyi mo, Kirisito gi sun me asa abono Wurubuaare gi tɔse lɛɛ yɛɛ me' son mo ase. O sun me yɛɛ n' kpaɔ mɔmɔ de me' nyɛ soƆ Yesu gyi too de me' nyɛ bii gesintin gebono gɛ kya yɛgɛ nyamese Ɔ' sele Wurubuaare mo.

² Me nyɛ bii gesintin mo mo, mɔmɔ-nwɔnsa gi laa nyɛ gyan yɛɛ me laa nyɛ ɔkyenaten Wurubuaare ase gɛkpaɔ-gɛkpaɔ. Wurubuaare gi wolaa ka yela lii ko-o gese de gese yɛɛ mɔ-asonbo me laa nyɛ ɔkyenaten mo ase gɛkpaɔ ne Wurubuaare mɛn kya kɛɛ abon.

³ Imɔso owi Ɔbono i gye Wurubuaare gelaare mo, Ɔ lɛɛ ibono Ɔ ka yela mo gɛwi tentegelen mɔ-agyɛbi dɔ. O sun mɔ-ade ne me naa me kya tɔgɛ genen agyɛbi abono ilaa ma-a sa asa. Genen gesun mo ne Wurubuaare, aye-ɔmɔlegɛbo mo, gi kyu wɔra me-abaa dɔ faa.

⁴ N kya nmarase Ɔwole baare n kya sa fo, Taatusi. Yesu Ɔkalan Ɔbono aye pɛwu a soƆ gyi mo so mo, fo bingiri fɛɛ me-bi gbaa-gbaa. Aye-sɛ Wurubuaare de aye-ɔmɔlegɛbo Kirisito Yesu me' sa fo so gɛwɔnsa dense de me' sa fo gisen yuuli.

Lɛɛ Yesu Asonbo Abelense Dense

⁵ Nɛ taa fo yɛgɛ yɛɛ fo' sii kyena Keriiti gesinkpan so nno daa de fo' lɔro ilaa ibono a wɔra san mo logɛ de fo' lɛɛ Yesu asonbo abelense sa Ɔsowole kamaase fɛɛ genƆƆbono ne nyiile fo mo.

⁶ Ɔbelense Ɔbono fo laa lɛɛ mo, kere yɛɛ Ɔko mɛn kya wu ilaa nyɛnyɛn iko mɔ-nyoro so tɔgɛ. Imo ne n gye yɛɛ i kaabore Ɔ' wɔra Ɔnyen Ɔbono o sii de Ɔkyii kolon. Mɔ-biana me soƆ Yesu gyi. Asa me mɛn sa me' nu nbii mo so yɛɛ me gye nbii nbono mɛn kya kyena gikpaara so, abɛɛ me gye gisomaanu nbii.

⁷ Ɔbelense Ɔbono fo laa lɛɛ mo ne nan kere Yesu asonbo mo so sa mo. Imɔso i kaabore Ɔ' wɔra isa Ɔbono Ɔko mɛn kya wu ilaa iko mɔ-nyoro so tɔgɛ. Ɔn kya diire mɔ-nyoro. Ɔn gye Ɔbono Ɔ kya kyu ginyadon belen-belen. Ɔn gye nta oboobo. Ɔn kya laare geluu. Ɔn gye onsipara wura.

⁸ Ɔ' wɔra isa Ɔbono Ɔ ti taale keda asafo, Ɔ kya laare idense giwɔra, ne o nyi ɔlaako. Ɔ' wɔra isa Ɔbono mɔ-gisen dɔ i boran, Ɔ sele Wurubuaare, ne Ɔ kya keda mɔ-nyoro de Ɔn sa Ɔ' wɔra ilaa nyɛnyɛn.

⁹ Lɛɛ daa nyamese Ɔbono Ɔ bii Wurubuaare gesintin agyɛbi abono a nyiile asa ne Ɔ de amɔ dɔ ken-ken mo. Ɔ de gesintin mo dɔ genen mo, Ɔ laa bii nyiile Yesu asonbo gesintin Ɔkpa so. Abono me kya soƆ akyɔɔle de aye-anyiilebi mo kee mo, Ɔ laa bii tɔgɛ tigi Ɔmɔ nfonoana me kya fue Ɔkpa mo.

¹⁰ Genen nyamese baare Ɔnan ne fe tiri yɛɛ Ɔ' wɔra fɛye-Ɔbelense. I lii fɛɛ gisomaanu awura me nyaakyo. Getɔnge giyan ne me kya tɔnge ma-a pene asa. Abono me kya wɔra genen gikyo mo ne n gye asa abono me kya ka gyan Gyuda awura nbara so mo.

¹¹ I kaabore me' tii mɔmɔ de me mɛn' baa nyɛ Ɔkpa nyiile asa ilaa. Me ti kyu ibono in gye inyiilese mo nyiile asa ne i biide asa nten-ana dɔ pɛwu

lii okpa dense mo do kyu kpe momo-lee okpa nyenyen mo do. Aterenbi so ne me kya wora genen. I gye ipeeli ilaa sa momo.

¹² Onyen oko, momo Keriiti gbaa-gbaa nten obi, gi naa kyena wu momo-
ilaa toge yee,

“Owi kamaase mo Keriiti awura me gye daa abonbo,
me de daa fee ndonbue

ne me gye awolegyobo de agyibelebo.”

¹³ Ilaa ibono genen onyen baare gi wu toge kyu lii momo so genen mo i
gye gesintin. Imoso peere ansi tonge sa Yesu asonbo abono me bo nno mo
de me' soo gesintin ilaa nyiilese mo gyi.

¹⁴ Gyuda awura adedaabo abon itare mo de anyamese-lee ilaa kyose mo
bere, me men sa me' kyu imo wora ilaa do. Genen ilaa kyose ibonoana i
kya lii daa Gyuda awura abono me kya kine gesintin okpa mo ase.

¹⁵ Fe' nyingi yee asa abono momo-asen do i fuuli mo sei men kya kyolese
momo-Wurubuaare onon. Abono, mo, momo-asen do i bo gibiri ne me men
bo gisoo gyi sa Yesu mo bere, ilaa kamaase i kya kyolese omo. Ilaa nyenyen
i wolaa i bo momo-amu do daa. Me kya wora ilaa nyenyen, ne in bo momo
ipeeli.

¹⁶ Me kya nyiile nyoro yee me nyi Wurubuaare yee momo-ilaa worase
mo i kya lee momo-abon gewi. Wurubuaare kya kyo omo-ilaa worase. Me
bo gisomaanu ne me man taa taale wora ilaa dense iko gesinkpan so.

2

Aye-Gesintin Ilaa Nyiilese

¹ Fo bere, nyiile Yesu asonbo mo de me' wora daa ilaa ibono i laa kyena
de aye-gesintin ilaa nyiilese mo.

² Toge sa anyen abono me ten ansi momo do mo yee me' wora asa abono
momo-nwansa gi de. Me' taale momo-nyoro. Asa me' wu momo-gidebi de
me' kyu buubuu sa omo. Me' ka gyan Yesu so de me' laare asa ilaa de me'
nye gisen ilaa kamaase do, fee genoo bono aye-ilaa nyiilese i kya nyiile mo.

³ Genen kee ne, toge sa akyyinyi abono me bo momo do mo yee me'
kyu gisen dense de buubuu kyu kyena. Me men sa me' naa me kya kuli
asa abee me' wora asa abono nta ginun gi kya gyi omo-amu. Me' nyiile
abolonbu abono me bo omo do mo ilaa dense giwora.

⁴ Me' nyiile omo de me' laare momo-kuliana de momo-biana ilaa.

⁵ Me' nyiile omo de me' taale momo-nyoro, men sa me' wora ilaayan.
Me' wora akyyi denabo dense de me' nu momo-kuliana gede. Me' wora
genen ilaa dense ideana pewu de momo-akyyenabi a men sa a' yee oko o'
nye ilaa nyenyen iko toge kyu lii Wurubuaare okalan mo so.

⁶ Atega mo mo, toge sa omo kee yee me' keda momo-nyoro ilaa kamaase
do.

⁷ Fo gbaa-gbaa mo wora idense de asa me' nye wu kase. Fo laa nyiile asa
ilaa mo, nyiile ilaa kamaase lii fo-gisen do. Gen kyu sei seeli.

⁸ Agyebi abono fo laa toge mo a' wora agyebi abono asa me man soo
amo so akyyole. Wora ilaa ide pewu genen de i' wora aye-akyyobo mo
ipeeli genoo bono me man nye ilaa nyenyen iko toge kyu lii aye so mo.

⁹ Abono me te awura ase mo, nyiile omo yee me' nu momo-wuraana gede
ilaa kamaase do. Me' wora ilaa ibono i laa gyi momo-wuraana ginsi. Men
sa me' tonge de momo-wuraana

¹⁰ abee me' wora gebaawora. Me' gyi gesintin sa momo-wuraana ilaa
kamaase do. Me' kyena de momo-wuraana kanpe de asa me' wu yee
Wurubuaare aye-omolegebo mo ilaa nyiilese mo i boran.

11 I kya nyiile yee Wurubuaare gewonsa dense gebono o kya sa aye so mo ge ti lii gewi. Imo ne n gye yee o sun Kirisito de o' molege aye anyamese pewu lii aye-ilaa nyenyen giwora do.

12 Wurubuaare gewonsa dense gede ne n kya yee ne o kya bela aye. O kya nyiile aye yee a' taa ilaa ibono mo Wurubuaare kya kyo mo giwora yee de an baa yee gesinkpan gede so ilaa i' gyi aye-amu. A' yee aye-ansi a' de, a' gyi gesintin sa Wurubuaare, de a' sele mo owi obono a san a bo gesinkpan so faa.

13 A te genen gekyena mo mo, aye-nwonsa gi gyan gekaabono Yesu Kirisito aye-gitobele de aye-omolegebo mo laa ba gesinkpan so de mo nyisigi o' lii gewi mo.

14 Mo Yesu gbaa-gbaa ne n kyu mo-nkpa fue sa aye ka giko de o' lee aye lii ilaa nyenyen giwora pewu do. O kyu mo-nkpa fue sa aye genen de o' lora aye yela sa mo-nyoro yee a' wora mo-wole asonbo abono momo-asen a fuuli ne ilaa dense giwora wole ne n kpe i gyan momo-ansi so mo.

15 Kyu ilaa ibono ne nyiile fo gere mo pewu nyiile Yesu asonbo mo. Kyu gensipere tonge de momo de fo' gya momo lii momo-ilaa nyenyen giwora do. Yele fo-gebelense gebono fo kya gyi mo so ken-ken. Gej sa fo' yee de oko o' kere fo ta.

3

Ilaa Dense Giwora

1 Nyingi Yesu asonbo mo yee me' bara momo-nyoro gese sa abeyin abelense de abono me kya gyi gebelense omo so mo. Me' nu momo pewu gede. Me' lora momo-nyoro kee sa ilaa dense kamaase giwora.

2 Me men sa me' toge ilaa nyenyen kyu lii oko so. Men sa me' laare laatonge. Me' wora ilaa ibono i laa yuuli asa asen mo. Me' kpe me de buubuu me kya sa nyamese kamaase.

3 Aye abono a kya ka gyan Yesu so mo a' kere de a' wora idense ibonoana ne kaala faa. I kya nyiile yee owi oko do kee mo, pei de a' lora soo Yesu gyi mo, nkana aye kee a men nyi olaako, a wora gisomaanu, ne asa me nye aye pen. Ilaa kpei-kpei i gyi aye-amu, an taale taa imo yee. A naa a kya sa nwonsa nyenyen aye-nanboana so, ne momo-ilaa i kya wora aye gelaalo. A kya yee asa me kya kyo aye, ne aye kee a kya kyo abara.

4 A bo ilaa nyenyen ideana genen gbaa mo, aye-omolegebo Wurubuaare gi dabole lee mo-gidense de mo-gesalaare mo gewi nyiile aye.

5 I men gye aye-ilaa dense giwora so ne Wurubuaare gi molege aye.

Mo-gitolon mo so ne o molege aye Yesu asonbo mo genen.

Genobono Wurubuaare gi molege aye mo ne n gye yee

mo-Oduduu mo gi gyere aye ne aye-asen do i fuuli.

Wurubuaare Oduduu mo gi baa lora koroge aye

ne o yee a nye gekyena poboro fee Wurubuaare ase lee mo onan.

6 Kyu naa de aye-omolegebo Yesu Kirisito so mo,

Wurubuaare gi kyu mo-Oduduu mo kyeege bun aye so.

7 O kya sa aye so gewonsa dense so mo,

o kyu aye yee aye-asen do i boran sa mo.

Imoso aye-ansi a san a gyan yee a laa nye okyenaten Wurubuaare ase gekpaa

fee genobono o wolaa baala yela sa mo-asonbo mo.

⁸ Genen ilaa nyiilese ide i gye ilaa paawɔrase. Imoso n kya laare fɛɛ fo' kyu gensipɛɛre nyiile abono me ka gyan Wurubuaare so mo de idense giwɔra ne me' kyu gyan momo-ansi so. Genen ilaa nyiilese ide i boran ne i kya kpaa nyamese.

⁹ Akyɔɔle gyaga de nsingyi gyaga kyu lii adedaabo ilaa gigyan so gigyan so, de laatonge, de ibiide kyu lii Wurubuaare nbara mo so mo bere, geɛ sa fo' tu sindi imo ibonoana. I meɛ boran ne in kya kpaa nyamese.

¹⁰ Nyamese obono o de anyiilebi kpei ne o kya laare asa me' nu mo ase mo, ka mo yee o' yee imo. Fo ka sa mo genen giko, ginyɔse ne on yee mo, fo-re mo nsana i' tee.

¹¹ Bii yee genen nyamese obono onan meɛ kya kyule toge gesintin. O naa daa okpa nyenyen so yee mo gbaa-gbaa nyi yee in boran.

Agyebi Laalaalogs

¹² Nengyene ne sun Atemase abee Tikakuse fo ase mo, o ba mo, wɔra ilaa kamaase ibono fo laa taale mo de fo' kpaa gyangara me Nikopoli osowole so. Ne sa gewonsa yee nno ne nan kpaa kyena sige awo abere do.

¹³ Wɔra ilaa ibono okara fo laa taale mo kyu kpaa Seenase, obono o gye loya mo, de Apolose de me' nye ilaa kamaase ibono i laa tiri omo okpa obono me laa kpe mo.

¹⁴ I kaabore aye-nanboana Kirisito asonbo mo me' bii genobono me laa keda ilaa dense giwɔra do de i' kpaa asa abono ilaa i tiri omo mo de in sa i' ba yee momo-gekyena geɛ kya kpaa asa.

¹⁵ Ne sin gere. Okamaase obono o bo me ase gere mo yee n' faala fo. Faala abono pewu aye-re omo a bo gisogyi kolon ne me kya laare aye-ilaa mo. Wurubuaare o' sa feye pewu so gewonsa dense.

Pɔlo ɔwole ɔbono ɔ Nɔmarase Bunge Filimon Mɔ

¹ Filimon dense, me Pɔlo ɔbono Kirisito Yesu ɔson mɔ gesun so ne me tii me de obu mɔ ne n kya nɔmarase fo ɔwole baare.

Aye-nanbo laarese, Timoti ɔbono me-re mɔ a bo Yesu ɔson mɔ dɔ mɔ, a kya faala fo ɔbono aye-re fo a kya wɔra Yesu ɔson mɔ gesun mɔ.

² A kya faala Afiya, ɔbono ɔ gye aye-nanbo Yesu ɔson mɔ dɔ mɔ de Akipuse, ɔbono aye-re mɔ a pɛere ansi wɔra Wurubuaare ɔson mɔ gesun dabole mɔ. A kya faala Yesu asonbo gikpen gibono me kya gyan' fo-ɣeten' dɔ mɔ.

³ Aye-se Wurubuaare de aye-Wura Yesu Kirisito me' sa feye so gewɔnsa dense de me' sa feye gisen yuuli.

Fo-Ilaa Dense Giwɔra I Kya Keda Nyoro

⁴ Filimon, n kya nyingi fo me-ndalaa dɔ mɔ, n kya faala me-Wura Wurubuaare owi kamaase.

⁵ I kya nyiile yee n kya nu fo-gesalaare gebono fo bo sa Yesu asonbo mɔ pɛwu de gikagyan gibono fo kya ka gyan Wura Yesu so mɔ.

⁶ Kyu naa de aye-re fo-gikagyan gibono so mɔ, a nye genɔ kolon. N kya dalaa yee genen genɔ kolon mɔ i laa yege a' bii ilaa dense ibono pɛwu a kya nye aye-gekyena dɔ kyu naa de aye-re Yesu Kirisito ginyamese kolon mɔ so mɔ.

⁷ Genɔɔbono fo kya laare Yesu asonbo mɔ ilaa mɔ i kya yege mɔmɔ-asen a kya kyena mɔmɔ geten kolon. Lii genen so mɔ i wɔra me ɔkon ne i keda me-nyoro.

N Kya Kole Fo N Kya Sa Onesimose

⁸ Me-kyemene, n kya laare n' kole fo ilaa iko. I bo no yee kyu naa de Kirisito so mɔ nkana n bo ɔkpa de n' nyise fo yee ilaa ide abee ide ne i kaabore fo' wɔra.

⁹ Gelaare' gebono ge bo me-re fo nsana so mɔ, men kya laare n' wɔra genen. Imɔso n kya laare n' kole fo daa. Me, Pɔlo ɔbono ne bele ne nɛere me keda me tii de obu Kirisito Yesu gesun mɔ so mɔ,

¹⁰ me ne n kya kole fo n kya sa Onesimose, ɔbono ne baa wɔra fee mɔ-se owi ɔbono n tii de obu faa.

¹¹ Ne wu yee nkana ɔn baa wɔra agyan sa fo. Imɔ ide kon bere mɔ, ɔ bo agyan sa me-re fo kpini.

¹² Imɔso n kya kiiri mɔ n kya bara fo. Me-ginsi ne.

¹³ Naafɔ ne nye mɔ, ɔmen sii me ase gere. Yesu ɔkalan konkonse mɔ gitɔge so ne me keda me tii de obu faa mɔ, naafɔ Onesimose bo me ase gekpaa mɔ ɔ laa nye yeke fo-giyaa dɔ ɔ kya son me.

¹⁴ Ne kii kere mɔ, men laare yee n' yege o' sii me ase gere owi ɔbono men ti nu sei lii fo ase mɔ. N kya laare fee fo-gidense gi' lii daa fo gbaa-gbaa gisen dɔ, de in sa i' ba yee me ne n nyise fo bun aboli so.

¹⁵ Fonbii mɔ, ibono Onesimose gi koso fo ase genen mɔ, Wurubuaare ilaa wɔrase ne i gye. Fonbii ɔ koso nɔmaraa daa de ɔ' nye kii baa loo fo-gibaa gekpaa-gekpa.

¹⁶ Ide bere, in baa i gye gebide wole ne ɔ gye sa fo. O bingiri fee fo-tede laarese. Mɔ-ilaa i loo me-gisen dɔ gesintin so, ne n' nyi ibono mɔ-ilaa i laa

loo fo-gisen dɔ don me-lee ide gbaa. I lii fee genɔɔbono nkana ɔ kya son fo anyamese gekyena dɔ mɔ, fo-re mɔ fe laa kii nye dabole Yesu ɔson mɔ dɔ kee.

¹⁷ Imɔso nengyene fo nyi yee n gye fo-nanbo Yesu gesun mɔ dɔ mɔ, kii sɔɔ mɔ kyena fo-geɛten' dɔ de fo' keda mɔ fee me ne fo de genen.

¹⁸ Nengyene fee ɔ wɔra fo ilaa nyenyen iko abee ɔ de fo giko giko mɔ, kyu imɔ yee me ne n de fo giko genen.

¹⁹ Me, Pɔɔlo, n de me gbaa-gbaa me-gibaa n kya nmarase imɔ ide so ɔwole mi-i sa fo yee nan ka genen giko mɔ sa fo. Ne tɔge genen faa, meɲ kya laare de n' tɔge tigi fo yee fo mɔ, fo de me giko ɔkpa ɔko so. Giko mɔ ne n gye ibono ne nyiile fo Yesu ilaa ne fo laa nye ɔkyenaten Wurubuaare ase faa.

²⁰ Me-nanbo, kyu lii aye-Wura Yesu Kirisito so mɔ, fo-o fo mɔ kii sɔɔ Onesimose sa me de i' wɔra fee me kee ne baa nye agyan lii fo ase ne. Kyu lii Kirisito so mɔ, yee me-gisen gi' tɔrɔ me.

²¹ N kya nmarase fo ɔwole baare faa, n nyi me-gisen dɔ yee fo laa wɔra ilaa ibono n kya laare mɔ sa me. N nyi ibono fo laa wɔra imɔ de i' don ibono ne tɔge faa gbaa.

²² Me-gewɔnsa ge gyan yee Wurubuaare laa nu fo-re fo-nanboana ndalaa de me' tigi me lii obu ɔbono n tii faa dɔ. Imɔso lɔrɔ obu yela me.

Afaala Laalaalogs

²³ Ne sin gere. Epafirase ɔbono me-re mɔ a tii de obu Kirisito Yesu gesun mɔ so mɔ kya faala fo.

²⁴ Maako, Arisetaakuse, Deemase, de Luka, me-nanboana abono me-re ɔmɔ a kya wɔra Yesu gesun mɔ kee me kya faala fo.

²⁵ Aye-Wura Yesu Kirisito ɔ' sa fo so gewɔnsa dense de fo-oduduu dɔ ilaa i' wɔra ɔdan sa fo.

I gye me,
Pɔɔlo

Hiiburu Awura Ɔwole

Wurubuaare Mɔ-Bi Mɔ Gi Don Wurubuaare Dɔ Isɔɔ

¹ Dedaa mɔ i bo no i bo no mɔ, Wurubuaare kya baa tɔnge sa aye-naanaana. Ɔ naa de mɔ-ikalan atɔgebo mɔ so, ne ɔ yege me kyu ikpa kpei-kpei so tɔnge sa mɔmɔ.

² Nke laalaaloge nde dɔ bere mɔ, Wurubuaare gi san naa daa de mɔ-bi mɔ so tɔnge sa aye. Kyu naa de mɔ-bi mɔ so ne ɔ lɛɛ soso de gese de ilaa kamaase ibono i bo no mɔ, ne mɔ ne Wurubuaare gi lɛɛ yeɛ ilaa kamaase i' wɔra mɔ-lɛɛ.

³ Mɔ-re Wurubuaare me gye daa gidebi kolon; ne mɔ ne n kya lɛɛ Wurubuaare nyisigyi gewi nyiile. Mɔ-gigyebi ɔlon bele dɔ ne ɔ kpe ɔ de ɔ kya kere ilaa kamaase so. Mɔ ne n kpaare anyamese ilaa nyenyen fue sa mɔmɔ. Ɔ wɔra genen ta mɔ, ɔ kpe ɔ te Wurubuaare ɔbono ɔ gye Gitobele mɔ ase, ɔ kya gyi gewura soso nno.

⁴ Imɔso Wurubuaare mɔ-bi mɔ gi baa don Wurubuaare dɔ isɔɔ gbaa bun. Genen kee ne ginyen gibono Wurubuaare gi sa mɔ mɔ gi don Wurubuaare dɔ isɔɔ mɔ-lɛɛ.

⁵ Ane ne Wurubuaare gi ti tɔge sa yeɛ,
 “Fo ne n gye me-bi. Nde ne wɔra fo-se?”
 Wurubuaare dɔ isɔɔ mɔ dɔ ɔko abee? Kuaa, mɔ-bi mɔ nkon ne ɔ tɔge genen ilaa ide sa. Wurubuaare gi kii tɔge yeɛ,
 “Nan wɔra mɔ-se, ne mɔ, mɔ, laa wɔra me-bi.”

⁶ Genen kee ne owi ɔbono Wurubuaare kya laare de o' sun mɔ-gisen dɔ obi mɔ gesinkpan so mɔ, ɔ tɔge yeɛ,
 “Wurubuaare dɔ isɔɔ mɔ pewu
 me' ŋmii de me' son mɔ.”

⁷ Wurubuaare agyebi dɔ i tɔge kyu lii Wurubuaare dɔ isɔɔ mɔ so yeɛ,
 “Wurubuaare kya yege mɔ-isɔɔ
 abono me kya son mɔ mɔ
 me' wɔra fee afuu de ɔgya awulewule.”

⁸ Wurubuaare gi tɔge sa mɔ-bi mɔ, mɔ, yeɛ,
 “O Wurubuaare,
 fo-gewuragyi ge man ta ɔkara geakaako kpa-a.
 Gesintin ne fo de fi-i kere fo-ade so.

⁹ Fo kya laare daa gesintin gigyi.
 Ilaa nyenyen giwɔra bere i gye fo-ilaa kyose.
 Genen so ne me, fo-Wurubuaare,
 ne yege i wɔra fo-gisen dɔ ɔkon.

Ne yuule fo de fo' gyi gebelense fo-nanboana so.”

¹⁰ Wurubuaare gi kii tɔge sa mɔ yeɛ,
 “Fo gye Wura. Kpe kyu lii gese de gese mɔ,
 fo ne n lɛɛ gesinkpan, ne fo ne n lɛɛ soso
 de ibono i bo imɔ dɔ mɔ pewu.

I gye daa fo-gesun wɔrase.

¹¹ Soso de gese pewu i laa baa wɔra idedaa de i' nyida fee akuru
 de i' ta ɔkara.

Fo bere fo laa kpe fo bo no gekpaa-gekpa.

¹² Fo laa koola soso de gese pewu gyan' de fo' too imɔ fue
 de fo' kyu ipobɔɔ baa yii giyaa

fɛɛ ɛnɔɔɔɔɔɔ akuru a kya wɔra apanan ne mɛ kya too amɔ fɛɛ
de mɛ' kyu apobɔɔɔ yii giyaa mɔ.

Fo bere, fo maɲ kyɛɛɛɛ.

ɛnɔɔɔɔɔɔ fo de mɔ,
genen ne fo laa kpe fo de,
ne fo maɲ wu' gɛkaako kpa-a."

13 Wurubuaare gi tɔɛ sa mɔ-bi mɔ yɛɛ,
"Baa kyena me-gibaa gyise so de me-re fo a' gyi ɛwura
de n' yɛɛ fo' kyise fo-akyobo de fo-ayaa."

Gɛkaako Wurubuaare mɛɲ tɔɛ genen ilaa ide ɔnan sa Wurubuaare do
isɔɔ mɔ ɔko-re ɔko.

14 Mɔmɔ pɛwu bere, mɛ gye daa afuu so asa abono mɛ kya son
Wurubuaare. ɔ kya keda ɔmɔ sun yɛɛ mɛ' baa kpaasa asa abono mɛ laa
nye mɔ Wurubuaare amɔɛɛɛ de mɛ' kyena mɔ ase mɔ.

2

A Lɛɛ Ansi Yɛɛɛ Wurubuaare Amɔɛɛɛ Mɔ, A Maɲ Lii Mɔ-Gisobiide Do

1 Ilaa ide pɛwu so mɔ, i kaabore a' kyu aniya de a' yɛɛɛ ilaa ibono a
nu lii Wurubuaare mɔ-bi mɔ ase mɔ i' loo aye-aso do don Wurubuaare
do isɔɔ-lɛɛ mɔ a nu mɔ. A nu Wurubuaare mɔ-bi mɔ ase mɔ, i maɲ nye
kyɛɛɛɛ aye-nwɔnsa lii mɔ-ɔkalan mɔ so.

2 Wurubuaare do isɔɔ mɔ mɛ nye kyu Wurubuaare ɔkalan kyu sa aye-
naanaana adedaabo mɔ mɔ, i mɛɲ sa de mɛ' lɛɛ ansi yɛɛɛ genen ɔkalan
mɔ. ɔbono ɔ wɔra gisomaanu ne ɔ mɛɲ wɔra ɔkalan mɔ ilaa wɔrase mɔ
kya nye imɔ so gisobiide gibono gi kaabore mɔ mɔ.

3 Ne aye abono mɔ a nye Wurubuaare mɔ-bi mɔ ɔkalan kyu lii mɔ-
amɔɛɛɛ mɔ so faa mɔ de-e? Nengyene a lɛɛ ansi yɛɛɛ genen amɔɛɛɛ
bele abono mɔ, aye ne nan lii Wurubuaare gisobiide mɔ do? Wurubuaare
mɔ-bi, aye-Wura mɔ, ne n daa gitɔɛ genen amɔɛɛɛ ade so ilaa. Ne asa
abono mɛ nu imɔ de mɔmɔ-aso mɔ mɛ buu genen amɔɛɛɛ ɔkalan baare
ilaa sa aye imɔ-ɔkpa so de a' nye bii yɛɛ i gye ɛsintin.

4 Wurubuaare kee gi nyise imɔ so gibaa. I kya nyiile yɛɛ ɔ yɛɛɛ asa abono
mɛ sɔɔ gyi mɔ mɛ wɔra ilaa ibono i lɛɛ mɔ-bi mɔ ɔlon mɔ ɛwi nyiile. Imɔ
ne n gye yɛɛ mɛ wɔra ilaa gbaa'gbaa de amunale ilaa de ilaa kpeɪ-kpeɪ
ibono nkana nyamese maɲ taale wɔra mɔ-gibaa so mɔ. O kii yɛɛɛ mɔ-
Odudu mɔ gi kyu nsun kpeɪ-kpeɪ sa mɔmɔ ɛnɔɔɔɔɔɔ mɔ Wurubuaare
kya laare mɔ.

Yesu Gi Bingiri Nyamese Fɛɛ Aye

5 Fɛɛ ɛnɔɔɔɔɔɔ a tɔɛ kyon mɔ, Wurubuaare mɔ-bi mɔ gi don
Wurubuaare do isɔɔ mɔ. I kya nyiile yɛɛ Wurubuaare mɛɲ lɛɛ mɔ
Wurubuaare do isɔɔ mɔ yɛɛ mɛ' kere ɛkyena pobɔɔɔ ɛɛɛɛɛ a tɔɛ ɛmɔ
ilaa faa so.

6 Wurubuaare agyɛbi do i wolaa lɛɛ nyiile aye genen. I bo nno yɛɛ,
"Wurubuaare, nyamese gye mɛne sa fo ne fo kya kere mɔ so genen?"

7 Fo yɛɛɛ Wurubuaare do isɔɔ mɛ kpeɪ don mɔ daa ɲmaraa pii faa.
Fo yuule mɔ kyu nyisigi de buubu kyu sa mɔ,

ne fo yɛɛɛ ilaa kamaase i' bara imɔ-nyoro ɛɛɛ sa mɔ."

8 Wurubuaare yɛɛ ilaa kamaase i' bara imɔ-nyoro ɛɛɛ sa nyamese. Genen
so mɔ, sei maɲ baa san ibono Wurubuaare mɛɲ tɔɛ yɛɛ i' bara imɔ-nyoro
ɛɛɛ sa mɔ. ɛnɔɔɔɔɔɔ i de faa mɔ, iɲ gye ilaa kamaase ne n ti bara
imɔ-nyoro ɛɛɛ sa nyamese.

⁹ Yesu ilaa ne a kya wu yee i kyena de Wurubuaare ilaa togese ide. I kya nyiile yee owi oko do mo Wurubuaare gi yee mo-iso mo me baa don mo-bi Yesu nmaraa. Wurubuaare gi yee mo-bi mo gi baa wu' aworofoo lewu sa anyamese. Imoso Wurubuaare gi yuule mo-bi mo, ne o kyu mo-nyisigyi de mo-buubuu kiiri sa mo. Wurubuaare kya sa aye anyamese so gewonsa dense. Imoso ne o yee mo-bi mo gi wu' sa nyamese kamaase.

¹⁰ Wurubuaare so ne ilaa kamaase i bo no faa, ne mo kee ne ilaa kamaase i bo no sa. O kya laare yee aye anyamese sakyoo a' wora mo-biana gesintin de a' nye nyisigyi. Imoso o yee Yesu gi gyangbara lora okpa sa aye de a' nye mo-amolege. O yee Yesu gi wu aworofoo de o' nye wora mo Wurubuaare gisen do ilaa ide kpaaloge.

¹¹ Aye abono Yesu kya lora aye o kya yela o kya sa mo-se mo, aye-re mo pewu a gye daa ose kolon. Imoso ne Yesu kya tere aye genen asa abono yee mo-tedana ne in bo mo ipeeli mo.

¹² Yesu gi toge yee,

“O, Wurubuaare, nan toge fo-ilaa sa me-tedana.

Nan lee fo-ginyen de n' bii ilon yen fo sansana.”

¹³ O kii toge yee,

“Nan ka gyan' Wurubuaare so.”

Ne o kii toge kee yee,

“Me-re nbii nbono Wurubuaare gi sa me mo ne.”

¹⁴ Ibono nbii mo me gye daa anyamese so mo, mo Yesu kee gi baa bingiri nyamese de mo-re mamo me' wora oyuduu kolon. O baa bingiri nyamese, ne o' wu' de o' nye mo ilaa nyenyen pewu gemu mo giboro gibono o bo ne o kya yee asa me kya wu' mo.

¹⁵ Imoso abono pewu nkana me sele lewu ne lewu nwansa ne n gyi mamo-amu mamo-gekyena do pewu mo, Yesu gi baa molege mamo lii genen gifuu gibono do.

¹⁶ Okamaase nyi yee i men gye Wurubuaare do iso ne Yesu gi baa kpa. O baa kpa daa Abraham ananabi.

¹⁷ Imoso i tiri yee Yesu o' baa bingiri fee mo-tedana oyuduu okpa kamaase so. Imo ne nan yee ne o laa nye wora Wurubuaare asunbi alebo gemu obono o bo gitolon de gesintin mo. O laa kpaare asa ilaa nyenyen fue de Wurubuaare o' nye kyu kye mamo.

¹⁸ Ilaa nyenyen pewu gemu mo gi soo Yesu idoo, ne o men nye mo. Yesu gi wu aworofoo genen idoo ibono do so mo, o nyi genobono i de sa anyamese. Imoso o bo olon de o' kpa abono ilaa nyenyen pewu gemu mo kya soo mamo idoo mo kee de men sa me' toro idoo mo do.

3

Yesu Nyisigyi Gi Don Mosisi-Lee

¹ Me-nanboana Yesu asonbo, Wurubuaare gi lora aye yela sa mo-nyoro. O toge aye-re feye pewu yee a' kyu aye-nyoro sa mo de a' nye kyena mo ase. Imoso fe' kyu feye-nwansa gyan' Yesu so. Mo ne Wurubuaare gi sun anyamese ase. Mo so ne a ka gyan ne a kya toge yee o gye Wurubuaare asunbi alebo gemu sa aye mo.

² A' kyu Yesu kesere de Mosisi de a' kere. Yesu gi gyi gesintin sa Wurubuaare obono o lee mo sun aye anyamese ase mo. Mosisi kee gi gyi gesintin mo-gekyena do ne o kpa Wurubuaare ade.

³ Buubuu obono i kaabore asa me' kyu sa Yesu mo gi don Mosisi-lee mo gbaa bun. I de daa fee genobono nyamese kya yii geten ne o bo nyisigy don abono me te mo-geten mo do mo.

⁴ Geten' kamaase ge bo no mo, oko ne n yii gemo. Ilaa kamaase oporobo, mo, ne n gye Wurubuaare.

⁵ Mosisi gi wora Wurubuaare gesun oworabo ne o kyu gesintin wora mo-gesun ne i kpa Wurubuaare ade pewu. Mosisi ilaa worase i wora sinkaala sa ilaa ibono Wurubuaare laa baa lee nyiile gekaako Mosisi lewu gemara mo.

⁶ Yesu Kirisito bere gye daa Wurubuaare mo-bi ne o kyu gesintin kyu kere Wurubuaare ade mo so fee genobono obi kya kere mo-se geten so mo.

Oko Oh Sa O' Yege Mo-Nwonsa Gi' Lii Wurubuaare So

Genobono a kya da otu kyu aye-ansi gyan' Yesu Kirisito so de okon kyu i kya kpe faa mo, genen geten' gebono Yesu kya kere gemo so sa Wurubuaare mo, aye ne n gye gemo do asa.

⁷ Imoso fe' nu ilaa ibono Wurubuaare Odudu mo gi toge mo. O toge yee,

"Nde fe nu Wurubuaare gigyebi' mo,

⁸ fe men sa fe' wora gisoolon fee feye-naanaana lee mo.

Abere abono feye-naanaana me bo gipen mo do mo

abere ako do mo me kere me, Wurubuaare, ansi do

ne me soo me idoo kere.

⁹ Nsi ikue-inyo pewu do mo me wu me-gesun bele

gebono ne wora sa momo mo,

yege me kpe san me kya kuu me-geno.

¹⁰ Genen so mo, ne kyu ginyadon wora genen gikpen gibono,

ne ne toge kyu lii momo so yee,

'Owi kamaase do mo, asa ade me kya kere ansi

me kya lee momo-nwonsa ma-a lii me so.

Me kine, me men bii me-lee ikpa mo.'

¹¹ Ne kyu ginyadon de momo, ne ne toge nno wora momo yee

nkyoola nbono me yee nan kyu sa momo mo

man baa kyu sa momo gekaako kpa-a."

¹² Imoso, me-nanboana Yesu asonbo, fe' kere feye-nyoro so doodan. Feye do oko-re oko o men sa o' kyu nwonsa nyenyen abee akwole nwonsa de i' ba yee mo-nwonsa gi lii Wurubuaare so. Mo ne n gye obono o bo no gekpa-gekpa mo.

¹³ Gek kamaase mo, i kpe nye wora yee gek de, fe' kpe fe kya ka abara owi obono fe san fe kya nu Wurubuaare agyebi mo de ilaa iko i men sa i' nye pene feye de fe' wora ansiolon de Wurubuaare.

¹⁴ Nengyene a taale ka gyan Kirisito so kpa lii fee genobono a yii gese faa mo, aye-re mo a laa kyena de mo-ila kamaase ibono o bo mo i' wora aye-lee kee.

¹⁵ Genen so ne i wolaa toge Wurubuaare agyebi mo do yee,

"Nde fe nu Wurubuaare gigyebi' mo,

fe' men sa fe' wora gisoolon

fee genobono feye-nanaana me wora gisomaanu sa Wurubuaare mo."

¹⁶ Anegane ne n nu Wurubuaare agyebi mo ne me wora gisomaanu de mo mo? I men gye momo abono aye-naana Mosisi gi gyangbara sa omo lii Igyipiti mo?

17 Anɛana ne Wurubuaare gi kyu ginyadon wɔra nsi ikue-inyɔ mɔ daa? I men gye asa abono me wɔra ilaa nyenyɛn ne Wurubuaare gi yege me wu' gipen mɔ dɔ mɔ?

18 Wurubuaare gi kyu ginyadon ne ɔ tɔge nno wɔra mɔmɔ yeɛ,
 "Nkyoola nbono me yeɛ nan kyu sa mɔmɔ mɔ
 man baa kyu sa mɔmɔ gekaako kpa-a."

Mɔ, anɛana ne Wurubuaare dare genen? I gye daa asa abono me wɔra gisomaanu de Wurubuaare mɔ ne ɔ dare.

19 Imɔso a wu yeɛ ibono genen asa abono me men sɔɔ Wurubuaare gyi mɔ so ne n yege ne me men nye kpe Wurubuaare ɔkyoolaten mɔ.

4

Aye Ako A Laa Nye Wurubuaare Nkyoola Mɔ ɔnan

1 Wurubuaare gi ka yela sa aye yeɛ ibono a san a te faa ɔ laa yege aye ako a laa nye mɔ-lɛɛ nkyoola mɔ ɔnan gesinkpan so. Imɔso a' kere dɔɔdan de ɔko-rɛ ɔko ɔ' men sa ɔ' fue Wurubuaare ɔkpa de ɔ' men nye genen nkyoola nbono ɔ dare faa.

2 I lii fɛɛ aye kee a nu Wurubuaare ɔkalan konkɔnɛ mɔ fɛɛ genɔɔbono aye-naanaana Isirale awura mɔ me nu mɔ mɔ. Mɔmɔ, mɔ, me nu ɔkalan baare mɔ, i men kpa mɔmɔ de sei. I lii fɛɛ me men sɔɔ ɔkalan mɔ gyi.

3 Aye abono a nu ɔkalan mɔ ne a sɔɔ mɔ gyi mɔ bere, a laa nye genen Wurubuaare nkyoola nbono. A' nyingi ibono Wurubuaare gi tɔge baa kyon mɔ. ɔ tɔge yeɛ,

"Ne kyu ginyadon de mɔmɔ, ne ne tɔge nno wɔra mɔmɔ yeɛ,
 'Nkyoola nbono me yeɛ nan kyu sa mɔmɔ mɔ,
 man baa kyu sa mɔmɔ gekaako kpa-a.' "

Owi ɔbono Wurubuaare gi tɔge genen ilaa ide mɔ, ɔ ti wolaa loge mɔ-gesun gebono ɔ wɔra kyu lɛɛ soso de gɛɛ mɔ.

4 I lii fɛɛ ɔ tɔge geke sonose mɔ ilaa mɔ-agyebi dɔ getɛko yeɛ,
 "Wurubuaare gi loge mɔ-gesun gebono ɔ wɔra pewu mɔ,
 geke sonose mɔ, ɔ kyu kyoola."

5 Imɔ gemara, Wurubuaare gi kii tɔge yeɛ,
 "Nkyoola nbono me yeɛ nan kyu sa mɔmɔ mɔ,
 man baa kyu sa mɔmɔ gekaako kpa-a."

6 Genen asa ade me wolaa nu Wurubuaare ɔkalan konkɔnɛ mɔ. Me wɔra daa gisomaanu. Imɔso ne me men nye Wurubuaare nkyoola nbono ɔnan mɔ.

Wurubuaare Gi Kii Yela Aberɛ Ako

De Asa Mɛ' Nye Mɔ-Nkyoola Mɔ ɔnan

Ide kon mɔ i bo no yeɛ asa ako bere me laa nye genen Wurubuaare nkyoola nbono ɔnan ibono a san a te de ansi faa.

7 I kya nyiile yeɛ Wurubuaare agyebi mɔ dɔ mɔ ɔ yela aberɛ ako sa ako yeɛ me laa nye mɔ-nkyoola mɔ ɔnan. ɔ yela genen aberɛ abono ginyɛn yeɛ "Nɛɛ." Imɔ gemara, i kɛɛla, ne i gyi nsi mɔ, ɔ naa de aye-naana Deefidi so tɔge genen geke gedɛ so ilaa, fɛɛ genɔɔbono ɔ wolaa tɔge baa kyon mɔ. ɔ tɔge yeɛ,

"Nɛɛ fɛ nu Wurubuaare gigyebi mɔ
 fɛn sa fɛ' wɔra gisoɔlon."

8 Ne fɛɛ Wurubuaare menan yege de Gyosuwa ɔ' taale kyu Wurubuaare nkyoola mɔ ɔnan sa Isirale awura adedaabo mɔ mɔ, nkana Wurubuaare man baa kii yela mɔ-nkyoola nbono geke banban geko.

⁹ Imoṣo nde ibono a te faa Wurubuaare nkyoola mo onan gi bo no sa Wurubuaare asonbo.

¹⁰ I kya nyiile yee fo obono fo nye genen Wurubuaare nkyoola nbono onan mo, fo kaase obono bere fo laa kyoola, fon baa wora fo-gibaa so-lee gesun. I laa wora daa fee genobono Wurubuaare kee gi loge mo-gesun ne o kyoola mo.

¹¹ Imoṣo fe' yee de aye bere a' peere ansi de a' nye genen Wurubuaare nkyoola nbono. An sa a' wora gisomaanu fee genobono ako me wora ne me men nye genen Wurubuaare nkyoola nbono mo.

¹² Wurubuaare geno ge bo gya, ne mo-agyebi mo a kya wora ilaa. A bo ye don geki, ansi o ye, gemara o ye. Wurubuaare agyebi a loo nyamese do mo, a kya kpe ko-o tudu kpa tu mo-odudu de mo-gisen do barage ilaa do nyiile mo. I de fee genobono geki ge laa taale barage nkyaga-nkyaga de awuye nro do mo. Wurubuaare agyebi mo a kya yee nyamese gewonsa do de mo-gelaare ilaa i kya lii gewi yee ide i boran, abee ide in boran.

¹³ In bo no yee ilaa ibono Wurubuaare gi lee mo i' nara mo. Imo pewu i ti wolaa lii gewi sa mo, ne i de daa faa tentegelen mo-ansi so. Mo-ansi do kee ne aye pewu a laa yele de okamaase o' lee mo-geno.

Yesu Ne N Te Wurubuaare Gebunono Sa Aye

¹⁴ A bo Wurubuaare gebunono wura gbaa' o kyon kpe o te Wurubuaare ase sa aye. Mo ne n gye Yesu, Wurubuaare mo-bi mo. Imoṣo genobono a kya toge yee a ka gyan' mo so faa, a' yele aye-ayaa so ken-ken genen.

¹⁵ I lii fee mo obono o te gebunono sa aye mo tansi o kya su aye so. O nyi ibono aye anyamese an bo lon aye-gibaa so. I lii fee ilaa nyenyen pewu gemu mo gi soo mo kee idoo okpa kamaase so fee aye. Oj kii nye mo de o' wora ilaa nyenyen.

¹⁶ Aye-gebunono wura baare so mo, fe' yee a' bugi aye-asen sa gitolon gemu, Wurubuaare, de o' su aye gitolon. Ilaa i kya nyise aye mo, a' bugi aye-asen sa mo, de o' tenge mo-gibaa gyan aye so de o' kpa aye.

5

¹ Wurubuaare asunbi alebo gemu kamaase, Wurubuaare ne n kya lee mo lii mo-nanboana anyamese do yee o' yele momo-giyaa do de o' lee asunbi sa Wurubuaare sa om. Mo ne n kya kyu ilaa ibono asa me laa kyu bara Wurubuaare mo de nbue nbono me laa kyu kyoolo sa Wurubuaare mo lee asunbi sa Wurubuaare de Wurubuaare, mo, o' kyu momo-ilaa nyenyen ibono me wora mo kyee momo.

² Genen kaase mo kya taale nye gisen sa abono men nyi ne me kya fue Wurubuaare okpa dense mo. I kya nyiile yee mo kee gye daa nyamese ne on bo onon oko mo-gibaa so.

³ Genen so mo, in gye asa sense ilaa nyenyen wole so ne o kya lee asunbi. I kaabore o' lee asunbi sa mo-nyoro kee de Wurubuaare o' kyu mo-ilaa nyenyen kyee mo.

⁴ Nyamese men kya gyi gebelense gede mo-gibaa so. Wurubuaare ne n kya lee nyamese yee o' wora mo-asunbi alebo gemu mo fee genobono o naa kyena lee Aron mo.

⁵ Genen kee ne Kirisito obono Wurubuaare gi sun yee o' baa molege anyamese mo men gyi genen gebelense gebono mo-gibaa so. Wurubuaare ne n lee mo yee o' kyena gebunono sa mo Wurubuaare asonbo. Wurubuaare gi toge sa mo yee,

“Fo gye me-bi. Nde ne wora fo-se.”

6 Wurubuaare gi kii tɔge sa Kirisito mɔ-agyeɓi dɔ geteeko yee,
 "Fo gye asunbi ɔleebo gekpaa-gekpaa. ɔkpa obono so ne naa kyena yegɛ
 Mekisede gi wɔra asunbi ɔleebo mɔ,
 genen ɔkpa obono so kee ne ne kyu fo wɔra asunbi ɔleebo faa."

7 Owi obono Yesu gi baa bingiri nyamese kyena gesinkpan so mɔ, ɔ dalaa kole Wurubuaare obono mɔ ne nan taale mɔleɛ mɔ lii lewu dɔ mɔ. ɔ kya dalaa genen mɔ, ɔ kya saawo ken-ken ɔ kya tere Wurubuaare, yegɛ ansikyu a kya kyon. Yesu gi kyu mɔ-nyoro fue sa Wurubuaare so mɔ, Wurubuaare gi nu mɔ ase.

8 Dabɔle ibono ɔ gye Wurubuaare mɔ-bi faa, o wu ɔlaawuse. Ne ɔ kase genɔobono ɔ laa nu Wurubuaare geɛde mɔ lii mɔ-ɔlaawuse mɔ so.

9 Yesu gi wɔra Wurubuaare gisen dɔ ilaa loge mɔ, Wurubuaare, mɔ, gi yegɛ ɔ baa wɔra amɔleɛgebo gemu sa asa abono pewu me kya nu mɔ Yesu ase mɔ. Mɔ ne nan yegɛ me' nye kyena Wurubuaare ase gekpaa-gekpaa.

10 I lii fee Wurubuaare gi wolaa lee mɔ yee ɔ' wɔra asunbi alɛɛbo gemu sa anyamese buu de ɔkpa obono so ɔ naa kyena lee Mekisede ne ɔ wɔra mɔ-asunbi ɔleebo mɔ.

Fɛ De Fɛɛ Kyokyoona Abono Me Tiri Daa Ginyabo

11 Nkana ilaa gikyo i san i bo no a laa tɔge kyu lii imɔ so. Feɲ kya laare de fe' kpaa feye-nyoro de fe' nu ilaa gese kusaa so mɔ, i bo sen sa aye de a' lee imɔ gese sa feye.

12 Nkana i kaabore ofaanan fe ti wɔra Wurubuaare agyeɓi mɔ anyiilebo. Feye, mɔ, feɲ ti see amɔ dɔ. Fɛ de fɛɛ kyokyoona abono me tiri daa ginyabo, ne me man bii gyi agyudo boduduuse mɔ. Fɛ tiri yee me' kii nyiile feye Wurubuaare ilaa lii imɔ gese de gese.

13 I kya nyiile yee feɲ ti ten ansi Wurubuaare agyeɓi dɔ de fe' bii genɔobono Wurubuaare laa kyu feye yee feye-asen dɔ i boran mɔ.

14 Abono me ten ansi mɔ ne nan taale kase ilaa boduduuse lii Wurubuaare agyeɓi mɔ dɔ de me' nu gese. Mɔmɔ abono bere, me ti wu ilaa kpei-kpei kere. Imoso me ti kase ne me kya bii yee ilaa dense ne, ilaa nyenyen ne.

6

1 A ti nu ilaa ibono i bo Kirisito ɔson mɔ dɔ gese de gese yee a' nu aye-nyoro gese, a' kyeege de aɲ baa wɔra ilaa ibono iɲ kya kpaa nyamese Wurubuaare ase mɔ, de a' sɔɔ Wurubuaare gyi. Imoso aɲ sa a' sii de imɔ wole. Fe' yegɛ a' kii kase ilaa banban bola de a' ten ansi mɔ-ɔson mɔ dɔ.

2 Wurubuaare sagyere ilaa de genɔobono a laa kyu aye-abaa gyan' asa so de a' dalaa sa mɔmɔ de genɔobono Wurubuaare laa kyingi anyamese pewu geakaako de o' gyi mɔmɔ-nbele de ɔ' sa mɔmɔ nteela nbono gin bo ɔkara mɔ, imɔ pewu i bo aye-ɔson mɔ gese de gese ilaa ibono n dare mɔ dɔ. Fɛ meɲ' yegɛ a' sii de imɔ wole.

3 A' kpe ansi dɔ Yesu ɔson mɔ dɔ. Wurubuaare gi kyule mɔ, genen ne a laa wɔra ne.

4 Nengyene ako me kere ansi kine yee me man baa ka gyan Yesu so mɔ, iɲ baa sa de ɔko ɔ' yegɛ me' kii nu mɔmɔ-nyoro gese kii ka gyan' Yesu so ginyose. I lii fee me ti nye gensibugi kere, ne me ti daa Wurubuaare ilaa kyeeɛe ibono ɔ kyee mɔ-asonbo mɔ kere, ne Wurubuaare Oduduua mɔ gi ti kyena mɔmɔ dɔ kere.

⁵ Mē ti nu Wurubuaare agyebi mō bii amō-ɔkon kere, ne mē ti wu Wurubuaare ɔlon ɔbono ɔ laa lii gēwi gēkyena gebono gē laa baa ba gēkaako mō kee kere.

⁶ Nengyene genen asa ade mē kere ansi kine yēē mē maŋ baa ka gyan' Yesu so mō, i maŋ baa sa de ɔko ɔ' yēge mē' kii nu mōmō-nyoro gese de mē' kii ka gyan' Yesu so. I lii fēē mē kya wōra genen mō, mē kya kere ansi mē kii ma-a da Wurubuaare mō-bi mō aŋanbi ma-a mada de lēwu oyii mō ne. Mē kya wōra genen mō, mē de Yesu ansi mē kya kpiide gese sansana ne.

⁷ Gesinkpan gebono gē kya nye nkyu ne gē kya wōra agyudɔ sa asa abono mē kya dōɔ gēmō mō, gēmō ne n kya nye ayuule lii Wurubuaare ase.

⁸ Gesinkpan gebono, mō, gē kya nye nkyu ne gē kya kōrɔ daa iwe de ife, ne gēŋ kya wōra agyudɔ sa asa abono mē kya dōɔ gēmō mō, gēŋ bo agyan ne. Wurubuaare laa tōge nno wōra gēmō ne laalaaloge mō Wurubuaare laa baa nyoga gēmō ogya.

A Nyi Aye-Asen Dɔ Yēē Feye Bere Fe Nye Wurubuaare Amolege

⁹ Me-nanboana laarese Yesu ɔson mō dɔ, a kya tōnge de feye fafaanan gbaa mō, a nyi aye-asen dɔ yēē feye bere, fēŋ de genen. Feye-ilaa i kya lēē nyiile yēē Wurubuaare gi mōlege feye ne fē nye mō ase gēkyena ɔnan.

¹⁰ Wurubuaare kya kyu daa gesintin gyi asa nbele; ɔŋ kya tan gesun gebono fē wōra sa mō mō. Genɔɔbono fē kpaa feye-nanboana abono mē kya son Yesu mō ne fē san fē kya kpaa mōmō mō, ɔ maŋ tan imō so. Imō ne n kya nyiile yēē fē kya laare mō-ilaa.

¹¹ Ilaa ibono i tansi i tiri aye lii feye ase mō ne n gye yēē feye ɔkamaase o' kyu gensipere keda genen kpaa loge. Fē wōra genen mō, ilaa ibono feye-ansi a gyan' imō so mō i laa nye ba gesintin sa feye.

¹² A meŋ kya laare yēē fē' wōra awolegyobo. A kya laare fēē fē' nye ilaa ibono Wurubuaare gi ka yela mō. Imoso fē' kase asa abono mē kya ka gyan Wurubuaare so ne mē kya nye gisen de mē' nye ilaa ibono Wurubuaare gi ka yela sa mōmō mō.

Wurubuaare Gi Ka Yela Ne ɔ Kere Fēē Mō-Nyoro Mō, Ilaa Mō I Laa Ba

¹³ Owi ɔbono Wurubuaare laa ka ilaa yela sa Aberaham mō, ɔ meŋ nye ɔbono ɔ don mō Wurubuaare mō de ɔ' nye tōge yēē, “Nē kere fēē genen kaase baare.” Imoso ɔ tōge daa yēē ɔ kere fēē mō-nyoro.

¹⁴ Wurubuaare gi ka sa Aberaham yēē, “In bo sei, nan yuule fo de fo-ilin i' tansi yelege.”

¹⁵ Aberaham gi nye gisen gyoo ilaa ibono Wurubuaare gi ka yela sa mō mō, ne gesintin, ɔ baa nye imō.

¹⁶ Nyamese kya ka mō, ɔ kya kere daa ɔbono ɔ don mō mō de ɔ' tōge yēē ɔ kere fēē ɔde. Imō ne n kya keda asa nyoro yēē ibono ɔ tōge mō i gye gesintin, ne i kya mōɔ akyɔɔle abono nkana mē laa sɔɔ mō pewu genɔ.

¹⁷ Genen ne Wurubuaare kya laare yēē mō-ade mē' nye bii mōmō-asen dɔ yēē ɔ maŋ baa kyeege mō-genɔ. Mē laa nye ilaa ibono ɔ ka yela sa mōmō mō. Imoso ne ɔ ka daa yēē ɔ kere fēē mō-nyoro mō.

¹⁸ Wurubuaare gi kpe ka yela mō, ɔ ka daa. Ne ɔ kere fēē mō-nyoro mō, in bo no yēē ɔ laa kyeege imō abee ɔ kee abon. Genen ilaa inyɔ ide so mō, aye abono a sele kpaa bukaa mō mō, i kaabore i' keda aye-nyoro gikyɔ yēē a laa nye ilaa ibono ɔ ka yela sa aye, ne aye-ansi a gyan' imō so mō. Imō ne n gye Yesu amolege mō.

¹⁹ Ibono aye-ansi a gyan' Yesu so faa mo i yege aye-asen a te aye geten kolon aye-gekyena do. Yesu so mo, a nye ayaa yelese, ne sei man taale wora aye. Mo-lewu mo so mo i wora fee o kpaga gikuru gibono gi barage Wurubuaare tudo-tudo lee onon obu mo, ne o loo.

²⁰ Yesu gi loo nno mo, aye-giyaa do ne o loo genen. Mo ne n bugi okpa sa aye de aye-re Wurubuaare kee a' nye saare abara do. Wurubuaare gi yege o te gebunono o sa aye Wurubuaare asonbo mo gekpaa-gekpa. O yege o wora mo-asunbi alebo gemu buu de okpa obono so o naa kyena lee Mekisede ne o wora mo-asunbi olebo mo.

7

Mekisede Gi Tansi Wora Nyamese Gbaa' Gesintin So

¹ Mekisede baare gi gyi gewura Salem osowole so, ne o wora asunbi olebo kee sa Wurubuaare obono o gye Gitobele mo. Owi oko do mo aye Isirale awura aye-naana Aberaham mo-re mo-ade me kpaa ko iko bele de awura ako momo-re momo-ade. Aberaham mo-re mo-ade me ko iko mo lli, ne me kii me kya kpe gewi mo, Mekisede baare gi lli gyangara momo. Mekisede gi sa Aberaham olon Wurubuaare ginyen do.

² Ne Aberaham, mo, gi ye ilaa kamaase ibono o nye lli iko mo do mo gikpado gudu-gudu ne o kyu gikolon-gikolon kyu sa Mekisede ye ibono o gye Wurubuaare asunbi olebo so mo, mo-lee ogyiten ne. (Mekisede ginyen mo gese ne n gye ye "Wura obono mo-gisen do i boran." Ibono o gye wura sa Salem osowole mo, i yege o nye ginyen nyose ye "Wura obono o kya bara gisen yuuli.")

³ Wurubuaare agyebi do mo me men nmarase sei-sei kyu lli genen Mekisede baare mo-se so abee mo-nyi so abee mo-naanaana gigan so gigan so ilaa yela. Me men kii nmarase ye geke gede ne i kyu koroge mo abee geke gede ne o kyu wu'. Ibono a nyi kyu lli mo so mo ne n gye ye o gye Wurubuaare asunbi olebo gekpaa. Genen so ne o de fee Wurubuaare mo-bi mo.

⁴ Genen Mekisede baare gi tansi wora nyamese gbaa' gesintin so. Aberaham obono o gye aye Isirale awura opaa gyangbarase mo gbaa gi ye ilaa ibono o nye lli iko ibono o kpaa ko mo do mo gikpado gudu-gudu ne o kyu gikolon-gikolon kyu sa Mekisede ye ibono o gye asunbi olebo so mo, mo-lee ogyiten ne.

⁵ Imo gemara mo aye Isirale awura a baa nye nbara kyu lli Wurubuaare asunbi alebo ogyiten so. Nbara mo ne n gye ye asa me' kyena me kya ye-ye momo-ilaa ibono me kya nye mo do gikpado gudu-gudu de me' kyu gikolon-gikolon kyu kpere asunbi alebo ye momo-lee ogyiten ne. Genen asunbi alebo abono me kya lli daa Lefi gesu do wole. Me gye daa aye Isirale gesinkpan so asa. Imoso Aberaham opaa do ne me gye, ne me kya nye momo-ilaa gyise lli daa momo-nanboana Isirale awura gbaa-gbaa ase.

⁶ Mekisede bere men gye Lefi gesu do. Imoso on kya lee Isirale awura asunbi sa omo. On gye aye Isirale awura mo do gbaa. Mekisede gye daa Wurubuaare asunbi olebo so ne aye Isirale awura aye-naana Aberaham gi ye ilaa ibono pewu o nye lli iko mo do mo gikpado gudu-gudu ne o kyu gikolon-gikolon sa mo. Ne Mekisede mo gi sa Aberaham olon Wurubuaare ginyen do. Ba-a ibono Wurubuaare gi wolaa ka ilaa dense yela sa Aberaham faa, Mekisede gi dabole don mo.

⁷ In bo akyoole; nyamese obono o laa sa mo-nanbo olon Wurubuaare ginyen do mo gi don obono o kya nye genen olon obono mo.

Mekisede Gebelense Ge Don Gyuda Awura Asunbi Alebo Pewu-Lee

⁸ Məkisede obono o nye mɔ-lɛɛ ogyiten faa, Wurubuaare agyebi mɔ a men̄ taa tɔge yɛɛ o wu' de a' nu. Nkana aye Isirale awura mɔ dɔ mɔ, asa abono mɛ kya nye mɔmɔ-ilaa gyise lii aye asense ase mɔ, a nyi ibono mɔmɔ bere mɛ kya wu'.

⁹⁻¹⁰ Lefi gesu dɔ asa ne n gye genen asa abono. Aberɛ abono Aberaham gi gyangara Məkisede ne o sa mɔ mɔ-lɛɛ ogyiten mɔ, in̄ ti taa koroge Lefi. Imɔ-rɛ imɔ genen gbaa mɔ, a kya kyu imɔ yɛɛ Lefi ne n sa Məkisede genen. I lii fɛɛ kyu naa de Aberaham so ne i kyu koroge Lefi. Imɔso Məkisede gi don Aberaham mɔ-rɛ Lefi.

¹¹ Nkana Mosisi nbara mɔ gi kya nyiile Isirale awura yɛɛ Lefi gesu dɔ ne mɛ' wɔra Wurubuaare asunbi alɛɛbo sa mɔmɔ. Lefi ɔnaanabi Aron gikpen mɔ mɛ kya lɛɛ asunbi imɔ-ɔkpa so mɔ, in̄ dabɔle ta gudu sa Wurubuaare. Imɔso Wurubuaare gi lɛɛ ɔko kpɛi obono ɔn̄ gye Lefi gesu dɔ fɛɛ genɔobono o lɛɛ Məkisede mɔ. ɔn̄ baa lɛɛ mɔ ɔkpa obono so o lɛɛ Aron mɔ-rɛ mɔ-gikpen mɔ. Obono o san lɛɛ mɔ ne n gye Yesu. Nengyene fɛɛ Aron-lɛɛ mɔ anan ta gudu mɔ, nkana in̄ baa tiri yɛɛ ɔko o' baa kii ba.

¹² Wurubuaare laa kyɛɛge genɔobono o kyu lɛɛ mɔ-asunbi alɛɛbo mɔ, i tiri yɛɛ o' kyɛɛge nbara mɔ kee.

¹³⁻¹⁴ Aye-Wura Yesu obono a dare mɔ men̄ gye Lefi geten dɔ isa. O gye Isirale awura geten geko dɔ ibono in̄ bo akyɔɔlɛ. O gye daa Gyuda geten dɔ isa. Nkana Wurubuaare nbara nbono Mosisi gi yela mɔ gin̄ kya sa ɔkpa de Gyuda geten dɔ asa mɛ' wɔra Wurubuaare asunbi alɛɛbo, ne Gyuda geten dɔ isa ɔko-rɛ ɔko men̄ wɔra Wurubuaare asunbi ɔlɛɛbo gekaako kere.

Yesu Gebelɛse De Məkisede-Lɛɛ Ge Lii Abara

¹⁵ Fɛɛ genɔobono a tɔge kyon mɔ, a wu yɛɛ Yesu gye Wurubuaare asunbi ɔlɛɛbo ɔko kpɛi, mɔ-rɛ Məkisede ilaa i laare i' lii abara.

¹⁶ I lii fɛɛ Wurubuaare men̄ lɛɛ mɔ lii Lefi gesu dɔ de o' wɔra mɔ-asunbi ɔlɛɛbo fɛɛ genɔobono Mosisi nbara mɔ gi kya nyiile mɔ. O kere daa Yesu oduduu obono o bo ne o man̄ baa kii wu' gekaako kpa-a mɔ ne o lɛɛ mɔ de o' wɔra mɔ-asunbi ɔlɛɛbo.

¹⁷ Wurubuaare gi lɛɛ nyiile Yesu yɛɛ,
 "Fo gye asunbi ɔlɛɛbo gekpaa-gekpa.
 ɔkpa obono so ne naa kyena yɛge

Məkisede gi wɔra asunbi ɔlɛɛbo mɔ
 genen ɔkpa obono so kee

ne ne kyu fo wɔra asunbi ɔlɛɛbo faa."

¹⁸ Ilaa ide i kya nyiile yɛɛ Wurubuaare gi nyaa dedaa-lɛɛ asunbi alɛɛbi mɔ yela nkan ne. I lii fɛɛ genen asunbi abono ɔnan an̄ kya taale mɔleɛge nyamese de o' nye Wurubuaare ase gekyena.

¹⁹ I kya nyiile yɛɛ genen Mosisi nbara nbono gi men̄ kya yɛge ɔko-rɛ ɔko o' gyi Wurubuaare ginsi. Ide kon bere, Yesu asunbi alɛɛbi abono a boran don Mosisi nbara mɔ a ba. Mɔ-lɛɛ mɔ so ne anyamese mɛ laa taale kyu mɔmɔ-gɛwɔnsa gyan. Amɔ ne nan yɛge de aye-rɛ Wurubuaare nsana i lɔɔ de a' nye tu sindi mɔ.

Yesu Laa Wɔra Asunbi ɔlɛɛbo Gekpaa-Gekpaa

²⁰⁻²¹ I kii i bo ibono so Yesu-lɛɛ Wurubuaare asunbi alɛɛbi mɔ a boran don Wurubuaare asunbi alɛɛbo sense mɔ. Imɔ ne n gye yɛɛ Wurubuaare gbaa-gbaa genɔ dɔ agyebi ne n yɛge ne Yesu gi wɔra Wurubuaare asunbi ɔlɛɛbo. Wurubuaare gi ka yɛɛ,

"Fo gye asunbi ɔlɛɛbo gekpaa-gekpa.

Ne kere fɛɛ me-nyoro,

gekaako man kyeege me-geno togesee gede kpa-a.”
Wurubuaare asunbi alebo sense mo bere, in gye Wurubuaare geno do agyebi so ne me wora Wurubuaare asunbi alebo.

²² Lii Wurubuaare geno do agyebi ade so ne Yesu gi wora obono Wurubuaare gi lee mo yee naa de mo so ne mo Wurubuaare laa yee mo-re anyamese me' wora geno poboro. Genen geno poboro gebono ge boran don gegyangbarase mo nkana o yee mo-re momo me naa kyena wora mo.

²³⁻²⁴ I kii i bo ibanban ibono so Yesu-lee asunbi alebi mo a don asense mo-lee mo. Imo ne n gye yee genen asunbi alebo abono me nyaakyo. Genobono me kya wu' mo so mo, men kya nye kyena gekpaa. Yesu bere te nkpa gekpaa-gekpa. O wora Wurubuaare asunbi alebo faa, oko man baa yii mo-giyaa.

²⁵ Genen so mo, asa abono me kya tu sindi Wurubuaare kyu naa de mo so mo, o bo olon de o' molege omo gekpaa-gekpa. I lii fee owi kamaase do mo, o kpe o bo no o kya kole Wurubuaare o kya sa momo.

²⁶ Genen Wurubuaare asunbi alebo gemu onan ne n boran sa aye anyamese. O kyu mo-nyoro fue sa Wurubuaare. On bo ilaa nyenyen, ne o gye gisen fufuli wura. Wurubuaare gi lee mo lii ilaa nyenyen aworabo do, ne o diire mo kpe mo ase Wurubuaare do.

²⁷ Wurubuaare asunbi alebo gemu sense mo me kya lee asunbi geke kamaase. Pei ne me laa lee asunbi sa asa de i' kpaare momo-ilaa nyenyen fue sa momo mo, me kya daa gilee sa momo-nyoro. Yesu bere on bo ilaa nyenyen so mo, in tiri yee o' lee asunbi sa mo-nyoro de i' kpaare mo-ilaa nyenyen fue sa mo. In tiri kee yee geke kamaase mo o' kpe o kya lee asunbi o kya kpe o kya ba. Gikolon ne o kyu mo gbaa-gbaa nyoro kyu sa ne me mo. Imo ne n gye asunbi abono o lee kyu kpaare asa ilaa nyenyen fue sa momo.

²⁸ Asa abono me wora Wurubuaare asunbi alebo gemu kyu naa de Mosisi nbara mo so mo, me men bo olon momo-gibaa so de me' wora Wurubuaare gelaare. Mosisi nbara mo gemara mo Wurubuaare gbaa-gbaa geno do agyebi ne n san yee ne mo-bi Yesu gi baa wora mo-asunbi alebo gemu. Wurubuaare gi yee Yesu bere gi wora mo Wurubuaare gisen do ilaa pewu sa mo kpa loge.

8

Yesu Gye Wurubuaare Asunbi Alebo Gemu Wurubuaare Do

¹ Ide kon fe' nu ilaa ibono a kya laare a' nyiile mo. A bo genen Wurubuaare asunbi alebo gemu onan obono a dare faa. Mo bere o te Wurubuaare obono o gye Gitobele mo gibaa gyise so o kya gyi gewura.

² O kya wora asunbi alebo gesun Wurubuaare osonten obono o bo Wurubuaare do ne Wura Wurubuaare gbaa-gbaa ne n yii mo mo. In gye Wurubuaare oson panpan obono anyamese me yii gesinkpan so mo.

Gesinkpan So Asunbi A Kya Lee Wurubuaare Do-Lee Mo Onan Nyiile

³ Wurubuaare asunbi alebo gemu kamaase gesun gebono Wurubuaare gi sa mo mo ne n gye yee o' kyu asa ilaa ibono me kya kyu bara Wurubuaare mo de momo-asunbi ato lee asunbi sa Wurubuaare. Imo i kaabore yee Yesu obono o te gebunono sa aye Wurubuaare do mo kee o' nye ilaa ibono o laa kyu lee asunbi sa Wurubuaare sa aye mo.

4 Ne fɛɛ Yesu bo daa gesinkpan so mɔ, nkana ɔ manɔ nyɛ wɔra Wurubuaare asunbi ɔlɛɛbo kpa-a. I lii fɛɛ Mosisi nbara mɔ dɔ mɔ, i bo asa abono i kaabore mɔmɔ-wolɛ ne mɛ' lɛɛ asunbi sa asa.

5 Genen gesinkpan so-lɛɛ asunbi alɛɛbo mɔ gesun gebono mɛ kya wɔra mɔ gɛ kya lɛɛ genɔɔbono Wurubuaare dɔ-lɛɛ i dɛ mɔ onan nyiile aye daa. I mɛnɔ gye imɔ gbaa-gbaa ne i gye. I dɛ daa fɛɛ genɔɔbono Wurubuaare gi tɔgɛ sa Mosisi yɛɛ, “Kerɛ de fo' yii mɛ-ɔson panpan fɛɛ genɔɔbono nɛ kaala nyiile fo gibii mɔ so mɔ.”

6 Gesun gbaa' gebono Wurubuaare gi kyu wɔra Yesu Kirisito abaa dɔ mɔ bere gɛ tansi don gebono Wurubuaare gi kyu sa gesinkpan so asunbi alɛɛbo mɔ. Genen kee ne ɔ yeɛ anyamesɛ mɔ-rɛ Wurubuaare nsana, ne Wurubuaare mɔ-rɛ anyamesɛ mɛ naa de mɔ so wɔra genɔ pobɔrɔ gebono gɛ boran don genɔ gebono Wurubuaare mɔ-rɛ anyamesɛ mɛ naa de Mosisi nbara mɔ so wɔra mɔ. Genɔ pobɔrɔ mɔ dɔ mɔ Wurubuaare gi ka ilaa dense yela sa aye anyamesɛ. Genen ilaa dense ibono kee i boran don genɔ gyangbarase mɔ-lɛɛ mɔ.

Genɔ Dedaa De Gɛpɔrɔ

Gebono Wurubuaare Mɔ-rɛ Anyamesɛ Mɛ Wɔra Mɔ

7 Nengyene fɛɛ genɔ gyangbarase gebono Wurubuaare mɔ-rɛ anyamesɛ mɛ wɔra mɔ gɛ nan ta gudu mɔ, nkana i manɔ baa kii tiri genɔ nyɔsɛ.

8-9 Wurubuaare gi wu yɛɛ genɔ gyangbarase mɔ gɛ mɛnɔ ta gudu so mɔ, ɔ tɔgɛ yɛɛ,

“Owi ɔbono nɛ keda Isirale awura de Gyuda awura de gibaa lii Igyipiti awura gesinkpan so mɔ,
nɛ yeɛgɛ mɛ-rɛ mɔmɔ a wɔra genɔ.

Gɛkaako mɔ i laa ba yeɛ nan yeɛgɛ mɛ-rɛ mɔmɔ-naanaana a laa kii wɔra genɔ pobɔrɔ. Genɔ gebono bere gɛ manɔ wɔra fɛɛ gegyangbarase mɔ.

Mɔmɔ abono mɛ mɛnɔ gyi genɔ gebono so.

I ba genen mɔ, i yeɛgɛ mɛ kee mɛnɔ ka mɔmɔ-genɔ.

10 Nke nbono gi laa ba mɔ dɔ mɔ,
nan yeɛgɛ mɛ-rɛ mɔmɔ-naanaana a' wɔra genɔ pobɔrɔ.

Me Wurubuaare ne n kya tɔgɛ yɛɛ,
genen genɔ pobɔrɔ gebono dɔ mɔ,
mɔmɔ-nwɔnsa dɔ de mɔmɔ-asen dɔ
ne nan kyu mɛ-nbara mɔ wɔra.

Nan wɔra mɔmɔ-Wurubuaare ne mɔmɔ mɔ,
mɛ laa wɔra mɛ-ade.

11 Ɔko-rɛ ɔko manɔ baa tɔgɛ sa mɔ-nanbo abɛɛ mɔ-subu ɔko yɛɛ ɔ' baa bii mɛ Wurubuaare.

I lii fɛɛ mɔmɔ ɔkamaase, nbii de abelense pɛwu,
mɛ laa bii mɛ.

12 Nan kyu mɔmɔ ɔkamaase ilaa nyenyɛn ibono ɔ wɔra mɔ
kyɛɛ mɔ, nɛ manɔ baa nyingi imɔ gɛkaako kpa-a.”

13 Ibono Wurubuaare gi tɔgɛ kyu lii genɔ pobɔrɔ mɔ so mɔ ɔ yeɛgɛ gegyangbarase mɔ gɛ wɔra gɛdedaa. Ilaa ibono, mɔ, imɔ-iwolɛ i wu' abɛɛ i wɔra idedaa mɔ, in kya kɛɛla ne i kya fue sii.

1 Geno gyangbarase gebono Wurubuaare mo-re anyamese me wora mo do mo, i bo imo-lee onson nbara, ne i bo imo-onson ten obono anyamese ne n yii mo gesinkpan so.

2 Genen onson ten mo gye daa panpan. Me ten ibu inyo wora mo do. Ansi do lee obu mo do mo, i bo onson ifatela ogyanten de onson teebulu. Bodobodo obono asa me kya kyu sa Wurubuaare mo kya gyan' teebulu mo so nno. Me kya tere genen obu obono yee Wurubuaare ansi do lee obu,

3 ne me kya tere tudo-tudo lee obu obono me ten wora mo yee Wurubuaare obu bele. Gikuru ne n barage ansi do lee mo de tudo-tudo lee obu mo do.

4 Tudo-tudo lee obu mo do mo, i bo Wurubuaare onson onufuii odæeten obono me kyu sika kokoo nkyu kokuaa mo mo. Onson ato gidekaa kee gi de genen obu obono do. Me kya tere genen gidekaa gibono yee "geno gebono Wurubuaare mo-re anyamese me wora mo gidekaa". Gidekaa mo nyoro so geten kamaase mo, i gye daa sika kokoo nkyu. Gim do mo i bo sika kokoo bonboron, de agyudo abono me kya tere amo yee "mana" mo, de Aron oyii tugese obono o poroge afedaa mo. Abui patela-patela ako a bo gidekaa mo do kee. Abui abono so ne Wurubuaare gi nmarase geno gebono o yeye mo-re anyamese me wora mo gyan.

5 Gidekaa mo obundii so mo, me poro ilaa ikoana gyan' fee Wurubuaare do isoo. Genen isoo mo i kya lee Wurubuaare nyisigyii nyiile owi kamaase. Me kya tere obundii mo yee ilaa nyenyen okpaarefueten. Isoo mo me wonga momo-aban bun genen ilaa nyenyen okpaarefueten mo. A man nyoro abere ade do de a' toge imo so ilaa kamaase loge.

Gesinkpan-Lee Asunbi Aŋ Kya Kpaa

De Ilaa Nyenyen I' Lii Asa Nwonsa Do

6 Me wora imo ide pewu mo, i san mo, Wurubuaare asunbi alebo mo me san me kya loo onson ten mo ansi do-lee obu mo do me kya wora onson mo ilaa worase me kya kpe me kya ba.

7 Tudo-tudo lee obu mo do bere, Wurubuaare asunbi alebo gemu mo wole ne n kya nye loo nno. Gesi do mo gikolon guan ne o kya loo nno. O laa loo nno genen mo, i kaabore o' kyu nbue nkalan loo de o' kyu kpaa lee asunbi abono a laa yeye Wurubuaare o' kyu mo gbaa-gbaa ilaa nyenyen de asa sense-lee ilaa nyenyen ibono me wora ne men nyi mo kyee momo.

8 Kyu naa de onson ilaa worase ideana so mo, Wurubuaare Oduduu mo kya lee nyiile yee owi obono okara genen gesinkpan so-lee Wurubuaare onson baare san o bo no mo, Wurubuaare men ti sa okpa de mo-asonbo me' nye kyon loo Wurubuaare obu bele mo do.

9 Onson ilaa worase ide i gye daa gikpale kyu lii nke nde do-lee Wurubuaare onson mo so. I kya nyiile aye yee nbue nbono asa me kya kyu kyole Wurubuaare de asunbi abono me kya lee kyu naa de Mosisi nbara mo so mo i man taale yeye nyamese gisen gi' kyena mo geten kolon yee ilaa nyenyen ibono o wora mo i man baa nyida mo-re Wurubuaare nsana.

10 I gye daa nbara kyu lii ilaa gyise de ilaa nunse so de asunbi kpei-kpei abono a kya lee ilaa kyolesese lii asa nyoro so sa omo. Genen nbara nbono gi de baa fo owi obono Wurubuaare gi san bara ilaa poboro mo.

Yesu Gi Lee Asunbi Gikolon Kpaare Aye-Ilaa Nyenyen Fue Gekpaa

11 Ide bere Wurubuaare gi sun anyamese omolegebo ne o baa wora Wurubuaare asunbi alebo gemu. Mo ne n bara ilaa dense ibono a kya nye mo. O wora mo-asunbi olebo gesun mo, i men gye gesinkpan so-lee

osonten obono anyamese me yii mo do ne o loo kpaa lee genen asunbi abono. O loo daa osonten obono o don gesinkpan so lee mo do. Genen osonten obono kya gyi Wurubuaare ginsi don gesinkpan so lee mo.

¹² Wurubuaare geten' do ne n gye genen osonten obono. O loo nno gikolon genen mo, i ta. I kya nyiile yee i men gye itiiide de inaadeana nkalan ne o kyu kpaa loo de o' kyu lee asunbi. Mo gbaa-gbaa lee nkalan ne o kyu loo. Genen ne o wora ne o soge aye lii ilaa nyenyen pewu gemu mo abaa do kiiri aye wora Wurubuaare abaa do gekpaa-gekpa.

¹³ Asunbi alaebo mo me kya dee nnaadebi de me' kyu nmo-nsa de itiiide de inaade nkalan kyu lee asunbi sa asa. Genen asunbi abono an gye gisen do ilaa gbaa ne a kya taale lee ilaa kyolesese lii asa nyoro so sa momo faa.

¹⁴ Ne Kirisito-lee nkalan mo de-e? Nmo nbono bere gi laa kpaare ilaa nyenyen ibono i tee aye-re Wurubuaare nsana mo lii aye-asen do. A laa nye de a' kpe a kya son Wurubuaare obono o bo no abere kamaase do mo. I lii fee Kirisito gi kyu mo-nyoro kyee ne o lee asunbi sa Wurubuaare aye so. A nyi ibono Yesu asunbi alaebo mo a gyi Wurubuaare ginsi gekpaa. I lii fee on wora ilaa nyenyen geakaako kere, ne o wu' sa aye kyu naa de Wurubuaare Oduduwa obono o kpe o bo no abere kamaase do mo.

¹⁵ Imoso Kirisito ne n gye obono o yele anyamese mo-re Wurubuaare nsana. Lii mo so ne Wurubuaare gi yeye mo Wurubuaare mo-re anyamese me kii wora geno poboro faa. I kya nyiile yee geno gyangbarase gebono Wurubuaare gi wolaa yeye aye-re mo a wora mo a toro gemo-nbara. Imoso Kirisito gi kyu mo-nkpa kyare ne i ka giko de i' molege aye lii genen ilaa nyenyen ibono do. O wu' sa aye genen mo, aye abono Wurubuaare gi toge aye yee a' son mo mo a laa nye nye ilaa dense ibono o wolaa ka yela sa mo-ade mo. Ne genen ilaa ibono bere i man ta okara.

Nkalan Gi Laa Kyeege Fue

Pei De Wurubuaare O' Kpaare Ilaa Nyenyen Fue

¹⁶ Nengyene nyamese mo-re mo-subuana me wora geno mo-togyi so yela mo, kaase mo laa wu' pei de ilaa ibono i' loo nye wora gesun.

¹⁷ I lii fee lewu ne n kya yeye ne asa me kya gyi oko ato. Owi obono on ti wu' mo, geno gebono ge man taale yeye oko o' nye gyi mo-ato.

¹⁸ Geno gyangbarase gebono Wurubuaare mo-re anyamese me wora mo kee ge tiri yee nkalan gi kyeege fue pei de me' taale gyi genen geno mo so.

¹⁹ Owi obono Wurubuaare mo-re anyamese me laa baa gyi geno gyangbarase mo so mo, Mosisi gi kale nbara nbono me nmarase yela mo nyiile asa mo pewu. Nfono mo o kyu itiiide de inaade nkalan de nkyu saare, ne o kyu giponfe gibono me kya tere yee hisopo mo de sande ifuu pebara kyu nminde dabole, ne o kyu nyoo nkalan de nkyu mo do, ne o kyu nmade-nmade nbara owole mo de asa mo pewu,

²⁰ ne o toge yee, "Nkalan nde ne Wurubuaare gi kyu nyise gibaa yee feye-re mo fe wora geno. Fe' gyi geno mo so."

²¹ Mosisi gi kii kyu nkalan mo kyu nmade-nmade Wurubuaare on panpan mo dabole de on ilaa mo pewu.

²² Mosisi nbara mo do mo, ne fee in gye ilaa kalese iko so mo, nkana nkalan wole ne me kya kyu lee ilaa kyolesese lii ilaa kamaase so. Nyamese man nye Wurubuaare o' kpaare mo-ila nyenyen ibono o wora mo fue sa mo, genen mo, nkalan gi kyeege fue pei.

Kirisito Gi Wu' Sa Aye Gikolon, Ne O Laa Kii Ba Gesinkpan So Ginyose

²³ Gesinkpan gedē so ɔson ilaa i lii Wurubuaare dɔ lɛɛ mɔ daa. Inj gye yɛɛ imɔ gbaa-gbaa bere ne i gye. Imɔso ne i kaabore yɛɛ nbue nkalan ne anyamese me' kyu lɛɛ asunbi de i' lɛɛ ilaa kyolesese sa mɔmɔ mɔ. Wurubuaare dɔ ɔson ilaa bere, i kaabore i' nye asunbi abono a don nbue nkalan-lɛɛ asunbi mɔ. Genen asunbi ne Kirisito gi kyu mɔ gbaa-gbaa lɛɛ nkalan kyu lɛɛ mɔ.

²⁴ ɔ loo Wurubuaare geten' dɔ. Nno ne n gye Wurubuaare dɔ. Inj gye geten' gebono anyamese me kyu mɔmɔ-abaa yii mɔ dɔ ne Kirisito gi loo genen. Gese gere-lɛɛ Wurubuaare ɔsonten mɔ kya lɛɛ Wurubuaare dɔ-lɛɛ mɔ ɔnan nyille daa. I menj gye Wurubuaare dɔ-lɛɛ mɔ gbaa-gbaa. Ide kon mɔ aye abono a ka gyan' Kirisito so mɔ a nye Kirisito bo Wurubuaare ase aye-giyaa dɔ.

²⁵ Kirisito gi loo Wurubuaare dɔ genen mɔ, i menj gye yɛɛ ɔ kpe ɔ de mɔ-nyoro ɔ kya lɛɛ asunbi gesi kamaase fɛɛ genɔɔbono Isirale awura Wurubuaare asunbi alɛɛbo gemu mɔ kya kyu nbue nkalan loo Wurubuaare obu bele mɔ dɔ mɔ lɛɛ asunbi sa Wurubuaare gesi kamaase mɔ.

²⁶ Fɛɛ genen ne i de mɔ, nkana kpe kyu lii owi ɔbono Wurubuaare gi lɛɛ soso de gese baa lii de nde faa, ɔfaanan Kirisito kpe san ɔ kya wu ɔlaawuse ɔ kya kpe ɔ kya ba. Owi ɔbono gesinkpan so gekyena nke mɔ gi kya ba laalaaloge faa, Kirisito gi kpe loo Wurubuaare dɔ daa gikolon. Mɔ-nyoro ne ɔ kyu sa ne me mɔɔ, ne i wɔra asunbi abono ɔ lɛɛ aye anyamese gimu so de i' nye kpaare aye-ilaa nyenyen fue sa aye.

²⁷ I de sa nyamese yɛɛ o' wu' gikolon, de imɔ gemara mɔ, Wurubuaare o' gyi mɔ-nbele.

²⁸ Genen kee ne Kirisito gi wu' gikolon ne ɔ lɛɛ asunbi sa Wurubuaare ne i kpaare asa sakyɔ ilaa nyenyen fue sa mɔmɔ. Imɔso i gye gesintin yɛɛ geakaako ɔ laa kii ba gesinkpan so ginyɔse. Abere abono bere mɔ, i menj baa i gye yɛɛ asa ilaa nyenyen gikpaarefue so ne ɔ naa. Ginyɔse gibono ɔ laa ba mɔ, ɔ laa baa mɔlege asa abono mɔmɔ-ansi a gyan' mɔ so mɔ de me' nye Wurubuaare ase gekyena.

10

Yesu Gi Ba Baa Wɔra Wurubuaare Gelaare

¹ ɔson ilaa ibono Mosisi nbara mɔ gi kyu ba mɔ i dabɔle lii Wurubuaare dɔ lɛɛ mɔ faa mɔ, i menj taale wɔra fɛɛ imɔ gbaa-gbaa. Imɔso ibono asa mɔ me kya lɛɛ asunbi kolon abono sa Wurubuaare gesi kamaase dɔ me kya kpe me kya ba faa mɔ, asunbi mɔ a manj taale kpaare asa abono me kya laare me' tu sindi Wurubuaare mɔ ilaa nyenyen fue de me' gyi Wurubuaare ginsi kpaalɔge.

² Ne fɛɛ asunbi ade a laa taale kpaare Wurubuaare asonbo ilaa nyenyen fue sa mɔmɔ gekpaalɔ mɔ, nkana ɔfaanan me laa bii mɔmɔ-asen dɔ yɛɛ ilaa nyenyen iko inj baa i bo mɔmɔ-re Wurubuaare nsana de me' manj baa lɛɛ genen asunbi abono.

³ Genɔɔbono i de faa mɔ, genen asunbi abono me kya lɛɛ mɔ a kya yege me kya nyingi ilaa nyenyen ibono me wɔra mɔ gesi kamaase.

⁴ I lii fɛɛ inaade de itiide-lɛɛ nkalan gi manj taale kpaare nyamese ilaa nyenyen ibono ɔ wɔra mɔ fue sa mɔ kpa-a.

⁵ Imɔ ideana so ne owi ɔbono Kirisito gi ba gesinkpan so mɔ ɔ tɔge sa Wurubuaare yɛɛ,

“Akyɔɔleto de asunbi ato bere i menj kya da fo ɔbole;

fo yege ne bingiri nyamese. Fo sa me nyamese nyoro.

6 Ibono me kya kyu nbue kyoolo fo abee me kya kyu lee asunbi de i' kpaare momo-ilaa nyenyen fue mo, imo iko i men kya gyi fo-ginsi.

7 Nfono ne ne toge yee, 'O Wurubuaare, me ne.

Ne ba de n' baa wora fo-gelaare

fee genobono me wolaa nmarase

toge me-nyoro so ilaa fo-agyebi owole mo do mo.' "

8 Owi obono Kirisito gi toge genen ilaa ide sa Wurubuaare mo, o daa gitoge yee, "Akyoolo de asunbi ato de nbue nbono me kya kyu kyoolo de asunbi abono me kya lee yee fo' kpaare momo-ilaa nyenyen fue sa omo mo, i men kya da fo obole ne i men kya gyi fo-ginsi." (Yee nkana asunbi abono Mosisi nbara mo gi kya nyiile yee me' lee mo ne.)

9 Imo ide gemara ne Kirisito gi kii toge bola yee,

"O, Wurubuaare! Me ne; ne ba de n' baa wora fo-gelaare."

Ide i kya nyiile aye yee Wurubuaare gi kpaare geno gyangbarase gebono o yege mo-re anyamese me daa giwora mo, ne o san kyu gepoboro yii giyaa.

10 Wurubuaare gelaare gebono Yesu Kirisito gi baa wora mo ne n yege ne Wurubuaare gi kpaare aye-ilaa nyenyen fue sa aye. Imo ne n gye yee Kirisito gi kyu mo gbaa-gbaa mo-nyoro kyu lee asunbi sa Wurubuaare gikolon de i' nye loro aye yela sa Wurubuaare gekpaa-gekpa.

Asunbi Kolon Ne N Yee Ne A Wora Gisen Fufuli Awura Gekpaa

11 Wurubuaare asunbi oleebo kamaase kpe o ye o de asunbi gilee do o kya sa Wurubuaare geke kamaase. O kpe o kya lee genen asunbi kolon abono o kya kpe o kya ba. Genen asunbi abono a men kya taale kpaare anyamese ilaa nyenyen ibono me wora mo fue sa momo kpa-a.

12 Kirisito bere gi wu' sa aye de i' wora ilaa nyenyen gikpaarefue asunbi abono a bo no gekpaa-gekpa. Genen asunbi kolon abono a kya taale kpaare anyamese ilaa nyenyen fue sa momo owi kamaase do. O lee asunbi mo ta genen mo, o kpa kpelege kyena Wurubuaare gibaa gyise so mo-re mo me kya gyi gewura.

13 San kyu lii genen abere abono kyu kyon mo, o te o gyoo owi obono Wurubuaare laa yege o' kyise mo-akyobo de mo-ayaa mo.

14 Asunbi kolon guan ne o kpe lee, ne genen asunbi abono a kya yege aye abono o loro yela sa Wurubuaare mo a kya nye gyi Wurubuaare ginsi kpa loge gekpaa-gekpa.

15 Wurubuaare Oduduu mo kee gi toge imo so ilaa sa aye. O toge yee,

16 "Nke nbono gi laa ba mo do mo, nan yege me-re anyamese a' kii wora geno poboro.

Me Wurubuaare ne n kya toge yee,

'Genen geno poboro gebono do mo,

momom-nwonsa do de momo-asen do ne nan kyu me-nbara mo wora.'

"

17 Ne Wurubuaare gi kii toge yee,

"Man baa nyingi momo-ilaa nyenyen ibono me wora mo

de genobono me toro me-nbara mo

gekaako kpa-a."

18 Imo ibono Wurubuaare gi nye toge yee o kyu asa ilaa nyenyen ibono me wora mo kyee momo faa mo, i men baa i tiri yee me' kii lee asunbi de i' kpaare momo-ilaa nyenyen fue.

A' Kyu Gesintin De Gikagyan Tu Sindi Wurubuaare

19 Imoso me-nanboana, ibono Yesu gi kyeege mo-nkalan fue sa aye so mo, a kya da otu loo Wurubuaare ase mo-obu bele mo do.

20 Yesu ne n bugi genen okpa poboro obono sa aye kyu naa de mo gbaa-gbaa nyoro gibi mo so. O yee gikuru gibono gi barage Wurubuaare ibu inyo mo do mo gi tigi sa aye okpa de a' nye kyon loo Wurubuaare ase. Genen okpa obono kya sa aye gekyena gekpaa.

21 Npere a nye obono o gye Wurubuaare asunbi olebo bele. O kya kere Wurubuaare geten' do asa so.

22 Imoso a' kyu gesintin ka gyan Wurubuaare so de a' tu sindi mo, de a' lee akwole kamaase lii aye-asen do. Wurubuaare gi yee a' bii aye-gisen do yee ilaa nyenyen ibono a wora mo i men baa i kya nyida aye-re mo nsana, ne o yee a nye nkyu dense gyere.

23 A' yele aye-ayaa so girin de aye-ansi a kpe gyan' ilaa dense ibono Wurubuaare gi ka yela sa aye ne a kya lee toge yee a soo imo gyi mo so. I lii fee Wurubuaare obono o ka imo yela sa aye mo gye opaaworabo.

24 A' sa abara so gewonsa de a' toge wora abara de aye pewu a' nye laare abara ilaa de a' wora gidense.

25 I kaabore a' kyena a kya gyan' dabole Wurubuaare onon mo do. An sa a' taa gegyan yee fee genobono ako me kya wora mo. Geke gebono Wurubuaare laa kyu gyi anyamese pewu nbele mo ge kya fuude. Imoso a' loro toge keda abara nyoro too.

I Tansi I Bo Gifuu Yee Wurubuaare Laa Nye Fo Oko Wora Mo-Gibaa Do

26 Ibono a ti nye bii Wurubuaare gesintin faa ne a kii kere ansi a kpe a kya wora ilaa nyenyen mo, i man baa nye asunbi abono a laa baa taale kpaare aye-ilaa nyenyen ibono fue sa aye.

27 A san a te a gyoo daa aye-nbele gegyike gebono ge tansi ge bo gifuu mo. Genen abere abono mo ogya gin-gin ne nan dee asa abono me kya ko de Wurubuaare mo.

28 Nengyene oko men ka Wurubuaare nbara nbono Mosisi gi nmarase yela mo geno, ne anyo abee asa' me wu toge yee, "En! Kaase mo gi wora genen" mo, nbara mo gi kya nyiile yee me' mo do. Me men sa me' su mo so.

29 Ne obono, mo, on kyu Wurubuaare mo-bi mo tere sei mo de-e? Feye ase mo, mene gisobiide onan ne Wurubuaare laa kyu sa mo? On kyu Wurubuaare mo-bi mo nkalan mo yee gi gye ilaa iko. Genen nkalan nbono, mo, ne Wurubuaare mo-bi mo gi kyeege fue de Wurubuaare mo-re anyamese me' nye wora geno. Kyu lii nkalan nbono so ne Wurubuaare gi loro genen kaase mo yela sa mo-nyoro. Obono o wora genen mo, o saale Wurubuaare Odudu obono o gye Gitolon Gemu mo ne. Imoso Wurubuaare laa tansi biide mo-giso.

30 A nyi mo obono o toge yee,

"Me ne n kya ka ilaa nyenyen giwora giko.

Me ne nan teela ilaa nyenyen aworabo."

O toge kee yee,

"Me Wurubuaare nan gyi me-ade nbele."

31 I tansi i gye ilaa ibono i bo gifuu yee Wurubuaare obono o bo no gekpaa-gekpaa mo laa nye fo oko wora mo-gibaa do.

³² Fē' nyingi owi obono fē daa giwu Wurubuaare fatela mō bii mō. Genen aberē abono mō, fē wu olaawuse kpei-kpei gikyō. Owi obono fē kya kpon genen mō, fē taale keda nyoro.

³³ Iko mō, asa mē liire fēye sansana saale fēye ne mē ka fēye-ansi. Iko mō mō, mē kya wōra fēye-nanboana ako awōrōfōo genen mō, fēye, mō, fē kya kpaā kerē mōmō so.

³⁴ Fē yiyē sa fēye-nanboana abono ako mē keda tii de ibu mō. Asa mē soḡe fēye-atō abono fē bo mō, i mēŋ loo fēye. I wōra fēye okon daa. I lii fēe fē nyi fēye-asen dō yēe ilaa ibono Wurubuaare gi ka yela sa fēye mō bere i san i bo no sa fēye, ne i don atō abono gbaa bun.

³⁵ Imōso ibono fēye-ansi a gyan Wurubuaare ilaa so genen mō, fēŋ sa fē' taa imō yēe. Fē laa nyē imō so ntēela bele.

³⁶ I tiri yēe fē' nyē gisen de fē' wōra Wurubuaare gelaare de fē' nyē ilaa ibono o ka yela sa fēye mō.

³⁷ Wurubuaare agyebi mō dō i tōḡe yēe,
“I san daa ŋmaraa de obono o laa ba mō o' ba. Oŋ baa kēela.

³⁸ Obono o kya ka gyan me Wurubuaare so mō
ne nan kyu yēe mō-gisen dō i boran.

Genen kaase obono ne nan nyē me Wurubuaare ase ḡekyena.
Obono mō-gisōgyi gi koso me so mō bere
o maŋ gyi me-ginsi.”

³⁹ Abono o dare yēe mōmō-gisōgyi gi koso Wurubuaare so ne me fue mō-ōkpa mō mō, aye bere, aŋ bo mōmō dō. A bo daa mōmō abono mē kya ka gyan mō so mō dō. Aye ne o laa mōleḡe de a' nyē kyena mō ase.

11

Asa Abono Mē Sōo Wurubuaare Gyi Mō

¹ Gisōgyi ne n gye ilaa ibono i kya yēḡe a' bii aye-asen dō yēe Wurubuaare laa wōra ilaa ibono aye-ansi a gyan' imō so mō. Gisōgyi ne a kya kyu bii yēe Wurubuaare ilaa ibono aŋ kya wu de ansi mō i bo no ḡesintin.

² Wurubuaare asonbo adedaabo mō me sōo Wurubuaare gyi so mō, mē gyi Wurubuaare ginsi.

³ A sōo Wurubuaare gyi so mō, a kya nu ḡeḡe yēe Wurubuaare gi kpe tōḡe daa de ḡeŋo ne soso de ḡeḡe i ba i bo no faa. Imōso ilaa ibono aŋ kya wu de ansi mō ne Wurubuaare gi kyu lēe ibono a kya wu de ansi faa.

⁴ Abele gi sōo Wurubuaare gyi so mō, o lēe asunbi sa mō, ne mō-asunbi mō a gyi mō-ginsi don Keen-lēe. Lii ḡeŋoobono Abele gi sōo Wurubuaare gyi so mō, Wurubuaare gi kyu mō yēe mō-gisen dō i boran, ne o tōḡe ilaa dense kyu lii mō-asunbi mō so. Abele gisōgyi gide so mō, dabōle ibono o ti wu' faa, mō-ginyen gi san gi de baa lii de nde.

⁵ Inōki gisōgyi so mō, o mēŋ wu'. Wurubuaare gi puru mō dii kpe mō ase. Ōko mēŋ baa wu mō. Asa mē laare mō kpon, i kya nyiile yēe Wurubuaare gi puru mō faa fem kyu dii kpe mō ase de ansi. Wurubuaare agyebi dō i lēe nyiile aye yēe pēi de i' ba de Wurubuaare o' puru Inōki genen mō, o gyi Wurubuaare ginsi daa.

⁶ Fo nyamese foŋ kya sōo Wurubuaare gyi mō, fo maŋ taale gyi mō-ginsi kpa-a. Fo obono fo kya laare fo' bii Wurubuaare lii fo gisen dō mō, i tiri yēe fo' sōo gyi yēe o bo no de fo' sōo gyi kee yēe o kya tēela asa abono mē kya pēere ansi de mē' bii mō mō.

7 Nowa gi sɔɔ Wurubuaare gyi so mɔ, o nu Wurubuaare gedɛ. Imo ne n gye yɛɛ mɔ-gekyena dɔ mɔ, Wurubuaare gi gyo mɔ ɔwɔlii yela yɛɛ ilaa iko i laa baa ba. Genen aberɛ abono mɔ, ɔɲ ti wu genen ilaa ibono de mɔ-ansi, ne ɔ dabɔle wɔra ilaa ibono Wurubuaare gi tɔge sa mɔ mɔ. ɔ sale gikolii bele gibono gi baa mɔleɛe mɔ-re mɔ-ɛten dɔ asa. Kyu naa de Nowa gisɔɔgyi gide so mɔ, i lɛɛ nyiile yɛɛ gesinkpan so anyamesɛ mɛ kaabore Wurubuaare o' bun ɔmɔ gipueɛ genen owi ɔbono dɔ. Nowa bere Wurubuaare gi kyu mɔ yɛɛ mɔ-gisen dɔ i boran kyu naa de mɔ-gisɔɔgyi gibono ɔ sɔɔ Wurubuaare gyi mɔ so.

8 Aberaham gi sɔɔ Wurubuaare gyi so mɔ, o nu Wurubuaare gedɛ. Wurubuaare gi tɔge sa mɔ yɛɛ o' koso nfono ɔ wolaa ɔ tɛ mɔ kpe ɛten banban. Wurubuaare gi ka yela sa mɔ yɛɛ nno ne nan san wɔra mɔ-lɛɛ. Gesintin mɔ, ɔ koso, yɛɛ ɔ mɛɲ nyi nfono ɔ kya kpe mɔ.

9 ɔ sɔɔ Wurubuaare gyi so mɔ, ɔ kpaɔ fo gesinkpan gebono Wurubuaare gi ka yela sa mɔ mɔ so mɔ, ɔ kyena gɛmɔ so fɛɛ isafo. ɔɲ kyena ɛten kolon. ɔ naa ɔ kya kyena daa ibu ibono mɛ kya kyu nbue iwɔle kyu yii imɔ mɔ dɔ. Mɔ-bi Ayisiki de mɔ-naana Gyeekɔpo kee mɛ baa kyena fɛɛ mɔ-lɛɛ mɔ ɔnan. I kya nyiile yɛɛ ilaa ibono Wurubuaare gi ka yela sa Aberaham mɔ, ɔ ka yela sa mɔmɔ kee.

10 Ibono so Aberaham gi taale nye gisen genen mɔ ne n gye yɛɛ o kyu mɔ-ansi gyan' daa ɔsowole ɔbono ɔ bo no gɛkpaɔ-gɛkpaɔ mɔ so. Genen ɔsowole ɔbono ɔlɛɛbo de mɔ-oyiibo ne n gye Wurubuaare.

11 Aberaham mɔ-ka Sara mɛɲ korogɛ kɛɛ. ɔ sɔɔ Wurubuaare gyi so mɔ, dabɔle mɔ-gikiyibelensɛ dɔ mɔ, ɔ nye ɔlon lii Wurubuaare asɛ, ne ɔ da ɔto korogɛ. O sɔɔ Wurubuaare gyi yɛɛ Wurubuaare gye ɔpaawɔrabo. ɔ laa wɔra ilaa ibono ɔ ka yela sa mɔ mɔ.

12 Imɔso, lii genen gisɔɔgyi gide so mɔ, Aberaham ɔbono ɔ bele ɔ ti ɔ kya fuude lɛwu mɔ gi nye gebii korogɛ, ne genen gebii kolon gebono gɛ nye anaana-anaana-abono mɔmɔ-gɛgyɔnɔ gɛ nyaakyo fɛɛ agyɛkpebi de apoo gɛnɔ gɲɛsii.

13 Genen adedaabo abono nɛ tere faa pɛwu mɛ sɔɔ Wurubuaare gyi mɔmɔ-gekyena dɔ kaabore mɛ wu'. Owi ɔbono mɛ mɛɲ ti nye ilaa ibono Wurubuaare gi ka yela sa mɔmɔ mɔ, mɛ ti wolaa bii mɔmɔ-asen dɔ yɛɛ i bo ɔkpa i kya ba, ne i wɔra mɔmɔ ɔkon. Mɛ kyule yɛɛ mɛ gye daa asafo gesinkpan so. Gɛɛ gere iɲ gye mɔmɔ-gewi.

14 Asa abono mɛ kya tɔge genen ilaa ide mɔ, mɛ kya lɛɛ nyiile yɛɛ mɛ kya laare ɔsowole ɔbono ɔ laa baa wɔra mɔmɔ-gewi gɛkaako mɔ ne.

15 Nengyene fɛɛ ɔsowole ɔbono mɛ daa gikyena mɔ menan da mɔmɔ-ɔbole mɔ, nkana mɛ laa taale kii kpe nno.

16 Gɛnɔɔbono i de faa mɔ, mɔmɔ-ansi a gyan' daa ɔsowole ɔbono ɔ don gesinkpan so-lɛɛ mɔ so. Wurubuaare gi lɔɔ genen ɔsowole ɔbono yela sa mɔmɔ. Ibono mɔmɔ-ansi a gyan' Wurubuaare dɔ-lɛɛ ɔsowole mɔ so genen so mɔ, mɛ kya tere Wurubuaare yɛɛ mɔmɔ-Wurubuaare mɔ, iɲ bo Wurubuaare ipeeli.

17-18 Owi ɔko dɔ mɔ Wurubuaare gi daase Aberaham kɛɛ. ɔ tɔge mɔ yɛɛ o' kyu mɔ-bi Ayisiki kpaɔ kyɔɔle sa mɔ. Yɛɛ ɔ wolaa tɔge yela sa mɔ yɛɛ, "Kyu naa de fo-bi Ayisiki so ne fo laa nye anaana-ana abono nɛ ka yela sa fo mɔ." Imɔ-rɛ imɔ genen gbaa mɔ, Aberaham gi dabɔle kyule yɛɛ ɔ laa kyu mɔ-bi kolon ɔbono ɔ bo mɔ kyu kpaɔ kyɔɔle sa Wurubuaare. ɔ sɔɔ Wurubuaare gyi, ne

19 o kyu imo yee nengyene o wɔra genen mo, Wurubuaare laa taale kyingi mo lii ibuni do. Ne gesintin mo, i baa wɔra fee Wurubuaare gi kyingi mo kiiri sa mo. I lii fee on baa yege mo o' kyoole mo.

20 Ayisiki gi see mo, mo kee gi soo Wurubuaare gyi so mo, pei de o' loo wu' mo, o toge ilaa ibono i laa ba mo-biana Gyeekɔpo de Isawu so mo, ne o sa omo olon Wurubuaare ginyen do.

21 Gyeekɔpo gi soo Wurubuaare gyi so mo, owi obono o kya laare o' lee onje mo, o koso kyena, ne o sa mo-bi Gyosefo-lee mo-biana anyo mo olon Wurubuaare ginyen do. O kyu mo-oduduu gyan' mo-oyii tugese so, ne o lee Wurubuaare ginyen.

22 Gyosefo gi soo Wurubuaare gyi so mo, owi obono o wu yee mo-nke gi kya fo ibono o laa kii kpe mo-naanaana ase mo, o taale wu toge yela yee mo-nanboana Isirale awura mo me laa baa koso Igyipiti gesinkpan so geakaako. Genen so mo, o ka sa mo-subuana yee geakaako geakaako me laa koso mo, me' kyu mo-awuye koso.

23 Mosisi mo-nyi de mo-se me kyena mo, me soo Wurubuaare gyi. Igyipiti awura gesinkpan so ne me kyena. Owi oko do mo, Igyipiti wura mo gi yela nbara yee me' mo Isirale awura nbii nyense. Imo genen gbaa mo, me menj sele Igyipiti wura mo gifuu. Me koroge Mosisi ne me wu yee o bo kanpe mo, me nara mo ibose isa'. Me menj ka nbara mo geno.

24 Imo gemara mo, Igyipiti wura mo-bi kyise gi wu Mosisi, ne o kyu mo kpaa bela. Mosisi gi see mo, o soo Wurubuaare gyi. Imoso o kine yee me menj sa me' toge yee o gye Igyipiti wura mo mo-bi kyise mo-bi.

25 O toge yee o laa kyena daa mo-nanboana Isirale awura abono me kya son Wurubuaare mo ase. Mo-re mo-nanboana mo me' wu olaawuse mo, i boran sa mo don okon obono nkana o laa gyi lii ilaa nyenyen giwora do mo. O nyi yee genen okon obono manj de kpe sa mo.

26 Mosisi gi sa gewonsa kyu lii obono Wurubuaare laa sun de o' baa mɔlege anyamese mo so. O kyu yee nengyene o' wu olaawuse ne o nun asebi genen kaase obono so mo, imo ibono i gye ilaa gbaa' sa mo don ibono o laa nye Igyipiti awura awurato pewu mo. Mo-ansi a kpe a gyan' daa nteela bele nbono Wurubuaare laa sa mo geakaako mo so.

27 Mosisi gi soo Wurubuaare gyi so mo, o koso Igyipiti gesinkpan mo so. O menj sele Igyipiti wura mo ginyadon gibono o laa kyu mo so mo. O keda nyoro kine yee o manj kpe ansi de o' kii gemara. I lii fee i wɔra mo fee o kya wu Wurubuaare obono oko menj kya wu mo de ansi mo.

28 Mosisi gi soo Wurubuaare gyi so mo, o nu Wurubuaare gedɛ, ne o yii "Lɛwu Gi Serege Aye So" geke bele gigyi ba, ne o kyu nbue nkalan kyu nɔmade-nɔmade aye-ibu nbunono, de Wurubuaare do soo obono o kya mo asa mo, o menj sa o' yii aye Isirale awura-lee nbii nyense gyangbarase.

29 Isirale awura adedaabo mo me soo Wurubuaare gyi so mo, Wurubuaare gi sa momo okpa, ne me naa fara apoo obono me kya tere yee Apoo Pebara mo lii. Me laa fara apoo mo, mo, nkyu mo gi ye ginyo sa momo okpa, ne me naa kyon. Igyipiti awura mo, mo, me ba me' baa fara mo, nkyu mo gi gyi momo.

30 Isirale awura mo me soo Wurubuaare gyi so mo, momo-re Gyeriko awura me kya ko iko mo, me naa kyaaboo gekpen gebono me yii kyaaboo Gyeriko osowole mo nke so nke so, nke sono, ne Wurubuaare gi yege gekpen mo oɔɔre mo gi de gese.

31 Tutukyii oko gi kyena Gyeriko nno, me kya tere mo yee Rahabe. Pei de Isirale awura me baa ko de omo mo, me sun ako ne me nara kpaa kere osowole mo gidebi. Rahabe gi soo Wurubuaare gyi so mo, on kyule lee

mómó-gewi. O kii koso keda mómó-gisafo bóla daa. Lii genen so mó, owi óbono Isirale awura mé kpaa móó genen ósowole gisomaanu awura mó, mó bere, mé men móó mó.

³² N' kii tóge asa abono mé sóó Wurubuaare gyi baa kyon mó so ilaa abee n' taa yege genen? Man nye nyoro daa, nkana nan tóge Gidiyon, Baraki, Samson, Gyefita, Deefidi de Samuele de Wurubuaare ikalan atógebo mó so ilaa kee.

³³ Genen asa ade mé sóó Wurubuaare gyi so mó, ako mé taale kó ikó gyi awura-awura so.

Ako mé yege gesintin gigyi gi' ba asa dó.

Mómó-gisóogyi mó so mó, ako mé nye ilaa dense ibono Wurubuaare gi ka yela sa mómó mó.

Ako mé taale baala aguuni nno bun.

³⁴ Ako mé duule igya gin-gin ibono i wóra gifuu mó.

Ako gisóogyi so mó, Wurubuaare gi mólege mómó lii lewu dó owi óbono nkana asa mé laare mé' móó ómó de nki mó.

Ako mé gye afólebo, ne mé nye ólon baa bingiri alolonbo.

Mé bii kó ikó, ne mé gyi asafó asogya akpen akpen.

³⁵ Akyii abono mé sóó Wurubuaare gyi mó ako mé nye mómó-subuana abono mé wu' mó mé' kii kyingi lii ibuni dó.

Ako, mó, ibono mé sóó Wurubuaare gyi so mó, asa mé ka mómó-ansi, kaabore mé kyu wu'.

I lii féé mé men taa mómó-gisóogyi mó yege.

Mé nyi yéé nengyene genen so ne mé laa taa

gesinkpan so gekyena yege mó,

gekaako Wurubuaare laa kyingi ómó

de mé' nye gekyena gebono gé boran don gedé mó.

³⁶ Ako, mó, mé sóó Wurubuaare gyi so mó,

asa mé gyaabii mómó ne mé koree mómó.

Ako, mó, kee, ibono mé sóó Wurubuaare gyi so mó,

asa mé ñminde mómó ne mé tii mómó de ibu.

³⁷ Ako, mó, ibono mé sóó Wurubuaare gyi so mó,

asa mé da mómó abui móó.

Mé kyan mómó ako dó ginyó-ginyó.

Ako, mó, mé móó mómó de nki.

Ako, mó, ibono mé sóó Wurubuaare gyi so mó,

isande de itiiide iwolé ne n wóra mómó-akuru bunse.

Mé wóra ayenbo. Asa mé ka mómó-ansi,

mé men nye mómó-nyoro.

³⁸ Nkana in taa kaabore gesinkpan so asa nyenyen mé' nye asa dense ade mé' kyena saare mómó dó.

Mómó ako, ibono mé sóó Wurubuaare gyi so mó,

men nye ikyenaten ne mé naa de apen de abii so.

Mé de-de gesinkpan ibó dó de afóle ibó dó.

³⁹ Genen asa dense ade pèwu ginyen gi de kyu lii genóobono mé sóó Wurubuaare gyi mó so. Imó-re imó genen gbaa mó, ilaa dense ibono Wurubuaare gi ka yela sa asa abono mé sóó mó gyi mó, ó men yege de mé' nye imó genen abere abono.

⁴⁰ I kya nyiile yéé ó wolaa tóge yela yéé ó laa baa wóra ilaa dense sa aye abono a sóó mó gyi ndé faa. Genen ilaa ibono i laa tansi wóra ódan don ibono nkana ó laa sa ómó genen abere abono mó. Mómó-wolé mó Wurubuaare man yege mé' wóra ódan kpaa loge, genen mó, aye kee a' baa bóla de mómó.

12

A' Kpe A' Kere Daa Yesu Aye-Gekyena Dɔ

1-2 A' laa ansi kere asa abono a kaala-kaala baa kyon faa. Mɔmɔ-gekyena ge lɛɛ nyiile aye genɔɔbono me sɔɔ Wurubuaare gyi mɔ. Imɔso ilaa kamaase ibono i laa genda aye de a' men nye wɔra Wurubuaare gelaare kpaaloge mɔ, fe' yege de a' lɛɛ imɔ lii aye-ayaa dɔ, titirigu mɔ, ilaa nyenyen giwɔra ibono i kya nye aye kusaa-kusaa mɔ. A' kpe a' kere daa Yesu aye-gekyena dɔ de a' wɔra fɛɛ asa abono me kya keda nyoro sele ɔnangya ɔbono ɔ de mɔmɔ-ansi so mɔ. Yesu ne n yege a sɔɔ Wurubuaare gyi, ne mɔ ne nan yege a' sɔɔ mɔ gyi kpaaloge. Aberɛ abono me laa da mɔ anjanbi mada de oyii mɔɔ mɔ, ipeeli ibono o gyi genen lɛwu ɔbono dɔ mɔ, ɔ men kyu imɔ tere sei. O kyu mɔ-ansi gyan' daa ɔkon ɔbono ɔ de sa mɔ mɔ-lɛwu gemara mɔ so, ne o sɔɔ lɛwu mɔ abaa anyɔ. Ide kon ɔ te Wurubuaare gibaa gyise so ɔ kya gyi gewura.

3 Ilaa nyenyen awɔrabo me tansi kyo Yesu, ne mɔ, mɔ, gi nye gisen sa ɔmɔ. Imɔso fe' laa ansi kere mɔ-lɛɛ mɔ, de in sa i' yɔɔ feye-nyoro de feye-asen a' koso mɔ so.

4 Ibono fe kya nyanga ansi fe kya ko fa-a tii ilaa nyenyen giwɔra faa mɔ, feɲ ti ko kpaaloge fo ibono me laa mɔɔ feye.

Wurubuaare Kya Laare Fo-Ilaa Mɔ Ne ɔ Kya Biide Fo-Giso

5 Fe ti tan ibono Wurubuaare gi tɔge wɔra feye fɛɛ mɔ-biana mɔ? Wurubuaare ageɛbi mɔ dɔ mɔ i tɔge yeɛ,

“Me-bi, geɲ sa fo' kyu Wura Wurubuaare gibela
gibono ɔ kya bela fo, ne ɔ kya lɔrɔ fo mɔ
yeɛ i men gye ilaa gbaa' iko.

Genɔɔbono ɔ kya biide fo-giso mɔ, geɲ sa fo' yege i' yɔɔ fo-nyoro.

6 I lii fɛɛ fo isa ɔbono Wurubuaare kya laare fo-ilaa
ne o kyu fo wɔra mɔ-bi gesintin mɔ, fo ne ɔ kya bela.

Fo kee ne n wɔra ilaa nyenyen ne Wurubuaare laa biide fo-giso.”

7 Fe' keda nyoro de fe' nye gisen feye-ɔlaawuse ɔbono fe kya wu mɔ dɔ. Fe' kyu imɔ yeɛ feye-se ne n kya bela feye, ne ɔ kya lɔrɔ feye genen. I kya nyiile yeɛ Wurubuaare gi kyu feye fɛɛ fe gye mɔ-biana gesintin. Obi ɔmɔ ne n bo no yeɛ mɔ-se men kya bela mɔ de ɔ' lɔrɔ mɔ?

8 Wurubuaare kya lɔrɔ mɔ-biana pɛwu. Nengyene fɛɛ Wurubuaare men kya lɔrɔ feye mɔ, fe men gye mɔ-biana gbaa-gbaa ne. Ako-lɛɛ nbii ne fe gye.

9 Gesinkpan gedɛ so mɔ, aye-sɛana me kya bela aye ne me kya lɔrɔ aye, ne aye, mɔ, a kya kyu buubuu sa mɔmɔ. Ne aye-se ɔbono ɔ bo soso, oduduu dɔ-lɛɛ ɔse mɔ de-e? I kaabore a' tansi bara aye-nyoro gese sa mɔ de a' nye mɔ-lɛɛ gekyena mɔ ɔnan.

10 Aye-gesinkpan so-lɛɛ ase mɔ, me kya bela aye mɔ, nsi kalese nko ne me kya bela aye ne me kya lɔrɔ aye genɔɔbono ɔkara me laa taale mɔ. Wurubuaare, mɔ, kya bela aye mɔ, ɔ kya bela aye gekpaaloge daa de i' nye lɔrɔ aye de aye-asen a' nye fuuli wɔra fɛɛ mɔ.

11 Owi ɔbono ako me kya bela aye ne me kya biide aye-giso mɔ, in bo aye ɔkon. Me kya wɔra aye genen mɔ, a kya wu daa yeɛ i kya nu aye. Imɔ gemara mɔ, a kya wu yeɛ i yege a wɔra gesintin awura ne a nye gisen yuuli. Owi ɔbono i kya nu aye genen mɔ, i kpe i kya lɔrɔ aye ne.

12 Imɔso fe' yeɛ feye-ayaa so girin. Feɲ sa fe' yege i yɔɔ feye-nyoro.

13 Fɛ' kpe naa daa de Yesu ɔson ɔkpa mɔ ntintin. Ilaa ibono i laa kiiri fɛye gemara Yesu ɔson mɔ dɔ mɔ, fɛ' kere dɔɔdan de fɛ' lɛɛ imɔ lii fɛye-ayaa dɔ de i' nɛɛ kpaɛ fɛye de fɛ' nɛɛ ayaa yelese ɔson mɔ dɔ.

Fɛɛ Lɔrɔ Fɛye-Nyoro Yela Sa Wurubuaare Mɔ, Fɛ Maɲ Wu Mɔ De Ansi

14 Fɛ' nyanga ansi de fɛ' kyu gisen yuuli kyu kyena de nyamese kamaase. Fɛ' lɛɛ fɛye-nyoro lii ilaa nyenyen giwɔra dɔ. Fo nyamese fo menɲ lɔrɔ fo nyoro yela sa Wurubuaare mɔ, fo maɲ nɛɛ wu mɔ de fo-ansi.

15 Fɛ' kere dɔɔdan de fɛye dɔ ɔko ɔ menɲ sa ɔ' fue Wurubuaare gidense gibono ɔ bo sa mɔ mɔ de fɛye dɔ ɔko ɔ menɲ sa ɔ' wɔra fɛɛ giponfe gibono gi gye gibɔrɔ ne gi laa kɔrɔ de gi' sen mɔ. Asa abono ɔnan me laa taale yege asa sakyɔ me' loo ilaa nyenyen giwɔra dɔ.

16 Ɔko ɔɲ sa ɔ' laare ogyibara. Fɛ' kere fɛye-nyoro so dɔɔdan de fɛye dɔ ɔko ɔɲ sa ɔ' kyu Wurubuaare ilaa yeɛ i menɲ gye sei sa mɔ fɛɛ Isawu-lɛɛ mɔ ɔnan. Isawu gi kyu mɔ gebelense kyare agyudɔ lɛpɛ kolon lii mɔ-tede ase, yege nkana mɔ ne n gye mɔ-se obi gyangbarase.

17 Imɔ gemara mɔ, fɛ wu ibono o kii laare fɛɛ mɔ ne mɔ-se ɔ' wɔra mɔ kusee-kusee pei de mɔ-se ɔ' lɔɔ wu' mɔ. Oɲ kii nɛɛ. I lii fɛɛ inɲ baa sa de ɔ' nu mɔ-nyoro geɛɛ de ɔ' kyɛgeɛ lii ilaa ibono ɔ ti wɔra mɔ dɔ. Gemara mɔ o kyu ginsikyu kii laare imɔ-ɔkpa kpon.

Isirale Awura Adedaabo Mɛ Wu Yeɛ Wurubuaare Ilaa I Bo Gifuu

18 Imɔso fɛye bere, fɛ' kere dɔɔdan de fɛ' yege Wurubuaare ilaa i' wɔra fɛye-ilaɛ tirise. Ilaa ibono Wurubuaare gi lɛɛ nyiile fɛye mɔ, inɲ de fɛɛ ibono ɔ lɛɛ nyiile aye Isirale awura adedaabo mɔ. Mɔmɔ abono, mɔ, Wurubuaare gi yege me tu sindi ilaa ibono nyamese maɲ taale yii imɔ mɔ. Imɔ ne n gye yeɛ me wu gibii gi yeɛ gi kya deɛ gin-gin-gin ne i wɔra gibiri kyikin. Mɛ wu afuu bele a kya da fɛɛ gewulewule.

19-20 Mɛ nu ɔlanba bele fɛɛ gegandan, ne me nu gigyebi giko. Wurubuaare gi wolaa yela nbara sa ɔmɔ yeɛ, "Ba-a gebue gbaa gemo-giyaa gi yii genen gibii gibono so mɔ, me' da gemo abui mɔ." Mɛ nu gigyebi mɔ mɔ, me menɲ taale da otu, me kole Wurubuaare yeɛ me menɲ baa ma-a laare me' baa kii nu ilaa banban iko lii Wurubuaare ase.

21 Gesintin mɔ, nno i wɔra gifuu gikyɔ-gikyɔ so mɔ, mɔmɔ-ɔbelense Mosisi gbaa gi bugi genɔ tɔge yeɛ, "I tansi i bo me gifuu gikyɔ. Kere, n yeɛ faa me-nyoro gi kya da me ne."

Fɛye-Lɛɛ I Bo Duduu Ne I Bo Kon Don Isirale Awura-Lɛɛ

22 Fɛye bere, Wurubuaare gi sa fɛye ɔkpa ne oduduu dɔ mɔ fe nye tu sindi Wurubuaare dɔ-lɛɛ Sayon Gibii. Gimɔ so ne Wurubuaare dɔ-lɛɛ Gyerusalem ɔsowole mɔ gyan'. Nfono ne Wurubuaare ɔbono ɔ bo no gekpaa-gekpaɛ mɔ te, mɔ-re mɔ-isɔɔ ibono a maɲ taale bii mɔmɔ-gegyɔno mɔ.

23 I wɔra fɛɛ fe nye loo Wurubuaare mɔ-biana agyangbarase mɔ sagyan mɔ dɔ ne. Nno i tansi i bo kon. Mɔmɔ ne n nye Wurubuaare gi nmarase mɔmɔ-anyen wɔra mɔ-ɔwole dɔ Wurubuaare dɔ. Fe tu sindi Wurubuaare ɔbono mɔ ne nan gyi anyamese pewu nbele mɔ. Fe tu sindi asa abono mɔmɔ-asen dɔ i boran sa Wurubuaare, ne me wu', ne ide kon me kya gi Wurubuaare ginsi kpaɛ loge mɔ.

24 Fe tu sindi Yesu ɔbono ɔ yeɛ aye-re Wurubuaare nsana mɔ. Lii mɔ so ne Wurubuaare gi yege mɔ Wurubuaare mɔ-re anyamese me wɔra genɔ pobɔrɔ. I lii fɛɛ Yesu nkalan ne Wurubuaare gi yege gi nmade aye kpaare

aye-ilaa nyenyen fue sa aye. Yesu-lee nkalan mo gi wora ilaa dense don Abele-lee mo.

²⁵ Wurubuaare kya tonge o kya sa feye. Fe' kere doodan de fe men sa fe' kine yee fe man nu mo ase. I lii fee owi oko do mo Wurubuaare gi yege isa oko gi baa toge mo-okalan mo gesinkpan so sa asa. Asa abono me kine men nu Wurubuaare okalan otogebonono ase mo, Wurubuaare men yege kyee momo. Ne feye abono, mo, fe laa kine yee fe man nu Wurubuaare obono o kya tonge o kya sa feye lii Wurubuaare do mo, feye ne o laa yege kyee?

²⁶ Mosisi abere do mo, Wurubuaare gi tonge sa asa gesinkpan so mo, mo-gigyebi gi yege gesinkpan ge gyigisi. Ide kon bere, o ka yela yee, "Pei ne nan kii yege gesinkpan ge' gyigisi mo, in baa wora gesinkpan wole. Soso kee i laa gyigisi."

²⁷ Agyebi abono Wurubuaare gi toge yee, "Pei ne nan kii yege" mo, a kya lee nyile tentegelen yee ilaa ibono o lee ne i gye igyigisise mo, o laa yege i laa gyigisi de o lee imo lii mo-ayaa do de i' san ibono i men gye igyigisise mo wole.

²⁸ Wurubuaare gi sa aye Yesu asonbo mo mo-awuragyibo ikyenaten ibono i men gye igyigisise. Imoso a' faala mo lii aye-asen do. A' sele mo de a' kyu buubuu bele kyu son mo genobono i laa gyi mo-ginsi mo.

²⁹ I lii fee "Aye-Wurubuaare mo de fee ogya obono o kya dee mo."

13

Fe' Wora Wurubuaare Gelaare Ilaa Feye-Gekyena Do

¹ Fe' kpe fa-a laare feye-nanboana Yesu asonbo mo ilaa fee fe gye daa anyibi asebi.

² Fe' kere de fe' keda asafo. I lii fee genen giwora do mo, ako me ti keda Wurubuaare do isoo gisafo yege men dese.

³ Asa abono me tii de obu mo, fe' nyingi omo so fee feye-re omo ne n tii de obu genen. Fe' nyingi abono me kya wu olaawuse mo fee feye kee ne n kya wu olaawuse genen.

⁴ Okamaase o' kyu gedena yee ge tansi ge gye ilaa tirise. Feye abono fe dena mo, fe' men sa fe' de de oko kpei de fe' nyida ansi. I lii fee obono o laa laare ogyibara abee oko mo-ka abee oko mo-kuli mo, Wurubuaare laa biide kaase obono giso.

⁵ Fen sa fe' laare yee fe' nye aterenbi gikyo feye-gekyena do. Ibono okara fe bo mo, fe yege i' gyi feye-ginsi. I lii fee Wurubuaare gi toge mo-agyebi do yee,

"Gekaako man naa taa fo yege.

Man lee ansi yege fo geakaako kpa-a."

⁶ Imoso lii Wurubuaare so mo aye okamaase a kya da gikan toge yee,

"Wura Wurubuaare ne n gye me-okpaabo. Man sele gifuu.

Mene ne me-nanbo nyamese laa taale wora me?"

⁷ Fe' kyu feye-nwansa kyu gyan' abono me gyangbara sa feye Yesu onon mo do ne me toge Wurubuaare agyebi mo sa feye mo so. Fe' laa ansi kere gekyena gebono onan me kyu kyena mo de fe' ka gyan' Yesu so fee momo-lee mo onan.

A' Keda Yesu Ilaa. I Boran Don Gesinkpan Gede So-Lee

⁸ Yesu Kirisito men kya kyeege; genobono o de deeru mo, genen kee ne o kpe san o de nde faa, ne genen ne o laa kpe o de gekpaa-gekpa.

⁹ Fe' men sa fe' nu de ilaa nyiilese kpei-kpei ibono in kya kyena de Yesu okalan konkonse mo de i' yegge fe' fue Wurubuaare gesintin okpa mo. I boran yee a' nye aye-asen a' kyena geten kolon kyu lii Wurubuaare gidense mo so; nkana i men gye agyudo gigyi abee gimaagyi nbara so. Abono me kya gyi genen nbara nbono so mo, in kya kpa mo.

¹⁰ Aye abono a kya son Wurubuaare kyu naa de Yesu so mo bere, a bo asunbi oleeten. Nno ne Yesu gi lee ilaa nyenyen gikpaarefue asunbi sa aye. Isirale awura abono me kya lee asunbi momo-osonten mo, men bo okpa de me' kyu ilaa nyenyen gikpaarefue asunbi ato kyu yii geno.

¹¹ I lii fee momo Wurubuaare asunbi alebo gemu mo laa lee ilaa nyenyen gikpaarefue asunbi mo, nbue mo nkalan wole ne o kya kyu loo Wurubuaare onon obu tudu-tudu lee mo do. I san nbue mo inun mo bere, me kya dee imo daa nten nkan.

¹² Nten nkan kee ne Yesu gi wu' mo-aworofoo lewu mo sa aye. Mo gbaa-gbaa mo-nkalan ne o kyu kyeege fue de i' nye kpaare aye anyamese ilaa nyenyen fue sa aye de i' loro aye yela sa Wurubuaare.

¹³ Imoso a' soo Yesu onon mo so aworofoo abaa anyo de i' wora fee aye kee a lii kpe mo ase nten nkan nfono o kpa lee asunbi mo de a' kpa soo ipeeli ibono o gyi aye so mo onan sola.

¹⁴ I lii fee gesinkpan so mo a men bo osowole obono o laa kyena gekpaa-gekpa. Aye-ansi a gyan' daa osowole obono o laa baa ba gekaako mo so.

¹⁵ Kyu naa de Yesu so mo, a' kpe a kya lee ayenbi asunbi a kya sa Wurubuaare. Genen asunbi abono ne n gye ibono a laa lee Wurubuaare ginyen.

¹⁶ Fe' men sa fe' tan ilaa dense giwora so. Fe' kpa asa momo-ilaa tirise do. Fe kya wora imo ide mo, imo kee i gye daa asunbi gilee, ne i kya gyi Wurubuaare ginsi.

Agyebi Laalaalofe

¹⁷ Fe' nu abono me gyangbara sa feye Yesu onon mo do mo gedde de fe' bara feye-nyoro gese sa omo. I lii fee me kya kere feye-akyanabi so me kya sa feye. Gekaako mo me laa yele Wurubuaare ansi do de me' lee momo-geno kyu lii imo so. Fe' yegge me' kere feye so de okon. Nengyene fe yegge momo-asen a nyida momo mo, i man wora ilaa dense iko sa feye.

¹⁸ Fe' dalaa sa aye. A nyi aye-asen do yee aye-gekyena do mo a wora daa ilaa ibono a nyi yee i boran sa Wurubuaare mo. A kya laare yee ilaa kamaase do mo, a' wora aye-ilaa imo-okpa so.

¹⁹ N kya kole feye yee fe' bugi feye asen dalaa de Wurubuaare o' yegge n' nye nyoro kii ba feye ase kusaa.

²⁰ Ide kon mo n kya kole Wurubuaare n kya sa feye. Mo ne n gye gisen yuuli gemu, ne mo ne n kyingi aye-Wura Yesu lii ibuni do. Kyu naa de Yesu nkalan nbono o kyeege fue sa aye so mo, Wurubuaare gi yegge aye-re mo a wora geno gekpaa-gekpa. Yesu kya kere aye so gikyo fee genobono isande okerebo dense kya kere mo-isande so mo.

²¹ Wurubuaare o' kyu ilaa dense kamaase loro feye de fe' nye taale wora mo-gelaare. Kyu naa de Yesu Kirisito so mo, Wurubuaare o' kpe o kya wora gesun aye-asen do de a' wora ilaa ibono i kya gyi mo-ginsi mo. Nyisigyi o' wora Yesu Kirisito-lee gekpaa-gekpa. I' ba genen.

²² Me-nanboana Yesu asonbo, n de feye giserε, fe' nyε gisen de fe' yela aso de fe' nu me-ilaa ibono ne tɔge keda feye-nyoro faa. I kya nyiile yεε meη ηmarase feye de i' wɔra bolo-bolo.

²³ Fe' nu yεε me tigi aye-nanbo Timoti ɔbono nkana o tii de obu mɔ. Nengyene ɔ ba me ase gere kusaa mɔ, nan baa laa feye mɔ, me-re mɔ ne nan ba.

²⁴ Fe' faala abono pewu me gyangbara sa feye Yesu ɔson mɔ dɔ mɔ de Yesu asonbo sense mɔ pewu sa me. Mɔmɔ abono me lii Itali mɔ me kya faala feye.

²⁵ Wurubuaare ɔ' sa feye pewu so gewɔnsa dense.

Gyeemesi Ɔwole

¹ Me Gyeemesi ɔbono n gye Wurubuaare de Wura Yesu Kirisito gesun ɔwɔrabo mɔ ne n kya wɔra genen ɔwole baare. N kya faala feye Gyuda awura akpen gudu-anyɔ abono fe sɔɔ Yesu gyi ne fe yaase kpe fe te fe te asa ako nsinkpan so mɔ.

Fe Kya Wu Awɔrɔfɔɔ Mɔ, Fe' Yege I' Wɔra Feye Ɔkon

² Me-nanboana Yesu asonbo, abere abono fe kya wu awɔrɔfɔɔ kpei-kpei mɔ, fe' yege i tansi wɔra feye ɔkon.

³ Fe' bii yee awɔrɔfɔɔ mɔ a kya daase feye-gikagyan gibono fe ka gyan Yesu so mɔ a kya kere daa. Fe taale ka gyan Yesu so kpaal lii mɔ, fe laa wɔra asa abono me bo gisen ilaa kamaase ɔ.

⁴ Imɔso fe' nye gisen genen de fe' yege feye-gisen gibono gi' wɔra gesun feye-asen ɔ kpaal loge. Fe wɔra genen mɔ, fe laa nye ten ansi de fe' wɔra Wurubuaare gisen ɔ ilaa, ibono iko i man san feye.

⁵ Nengyene ɔlaako ginyi ne n kya san fo ɔko mɔ, kaase ɔ' dalaa kole Wurubuaare. Ɔ laa sa mɔ. Wurubuaare kya kyee nyamese kamaase ilaa lii mɔ-gisen ɔ; in kya loo mɔ.

⁶ Fo ɔkamaase ɔbono fo laa kole ɔlaako ginyi lii Wurubuaare ase mɔ, kyu gisɔɔgyi kole mɔ. Gen sa fo' yege i wɔra fo tefee-tefee. Ɔbono ɔ kya kole Wurubuaare ilaa ne i bo mɔ tefee-tefee mɔ, ɔ de daa fee genɔɔbono afuu a kya da nkyu apoo so, gi kya kpe gi kya ba mɔ.

⁷ Kaase ɔbono ɔ' bii yee ɔ man nye sei lii Wurubuaare ase.

⁸ Ɔ gye daa nwɔnsa nnyo-nnyo wura. Mɔ-ilaal kamaase ɔ mɔ i bo mɔ daa tefee-tefee. Ɔ men kya tese yele ilaa kolon so.

⁹ Me-nanbo Yesu sonbo, fo ɔbono fo gye yenbo mɔ, yaale fo-nyoro. I lii fee kyu lii Yesu so mɔ, fo naa mɔ, fo bo duuu.

¹⁰ Ne fo gye aterebi wura ne Wurubuaare gi bara fo gese mɔ, yaale fo-nyoro. Bii yee i man keela ne fo-gesinkpan so gekyena ge laa ta ɔkara fee genɔɔbono oyii afototo kee a men kya kyena oyii so keela mɔ.

¹¹ Owi kya dii ne i kya son mɔ, oyii mɔ afototo a kya nyɔne, ne a kya yɔɔ too-too. Nfono mɔ, afototo mɔ ɔdan ɔbono nkana a bo mɔ, genen ɔdan mɔ kya yela ɔkara. Imɔso aterebi wura kee kpe ɔ de mɔ-gesun ɔ mɔ, genen kee ne ɔ laa wu' ne.

¹² Omudensebo ne n gye fo ɔbono fo kya wu awɔrɔfɔɔ ne fo dabole nye gisen sɔɔ Yesu gyi mɔ. Nengyene awɔrɔfɔɔ mɔ a daase fo kere ne fo keda fo-gisɔɔgyi mɔ ɔ kpaal lii mɔ, Wurubuaare laa teela fo. Ɔ laa yege fo' nye kyena mɔ ase fee genɔɔbono ɔ ka yela sa asa abono me kya laare mɔ-ilaal mɔ.

¹³ Nengyene ilaal iko i kya pɛede fo de fo' wɔra ilaal nyenyen mɔ, gen sa fo' tɔge yee, "Wurubuaare ne n kya yege ne i kya pɛede me genen." I kya nyiile yee ilaal nyenyen giwɔra i man taale da Wurubuaare ɔbole, ne in bo no yee Wurubuaare laa yege ilaal nyenyen giwɔra i' pɛede nyamese.

¹⁴ Pei ne ilaal nyenyen i laal pɛede fo ɔko mɔ, i laal lii daa fo gbaa-gbaa ɔbole gelaare ase. Ilaal nyenyen i laal da fo ɔbole de i' bingiri fo-gelaare ilaal.

¹⁵ Imɔso nyamese ɔbole gelaare ilaal mɔ ne n kya yege ilaal nyenyen i kya ba mɔ-gewɔnsa ɔ. I ba genen mɔ, ɔ laal wɔra ilaal nyenyen. Ɔ kpe

o kya wɔra ilaa nyenyɛn mɔ, mɔ-ɔkyɛnaten Wurubuaare ase mɔ laa lii mɔ-gibaa.

¹⁶ Me-nanboana laarese, feɲ sa fe' yege ɔko ɔ' penɛ feye kyu lii ilaa ide so.

¹⁷ Owi kamaase ilaa ibono i boran mɔ i tu aye mɔ, abɛɛ a nye ilaa ibono i kya gyi ginsi kpaa logɛ mɔ, Wurubuaare ne n sa aye imɔ genen. Aye-se Wurubuaare ɔbono ɔ lɛɛ soso-lɛɛ ifatela mɔ ne n kya yege ne genen ilaa ibono i kya yii aye-gibaa. Wurubuaare berɛ ɔɲ kya kyɛɛge fɛɛ soso-lɛɛ ifatela mɔ de o' kyu aye wɔra gibiri dɔ.

¹⁸ Kyu naa de Wurubuaare gesintin agyebi mɔ so mɔ, ɔ yege aye abono a ka gyan Yesu so mɔ, a nye gekyena pobɔɔ. Wurubuaare gelaare ne n gye yeɛ aye ne a' wɔra agyangbarabo ilaa kamaase ibono ɔ lɛɛ mɔ pewu dɔ.

Fe Nye Nu Wurubuaare Agyebi Mɔ, Fe' Wɔra Amɔ So Ilaa

¹⁹ Me-nanboana laarese, nengyene ɔko kya tɔnge de feye mɔ, feye ɔkamaase ɔ' yela giso de o' nu. ɔɲ sa ɔ' kpaala mɔ-lɛɛ getɔnge so. ɔko-re ɔko ɔɲ sa ɔ' kpaala sɔɔ ginyadon.

²⁰ I lii fɛɛ nyamesɛ ginyadon giɲ kya kpaa mɔ de mɔ-gisen dɔ i' wɔra ɔdan sa Wurubuaare.

²¹ Imɔso fe' tɛɛ feye-nyoro lii ilaa wɔrase kamaase ibono iɲ kaabore fe' wɔra mɔ dɔ. Ilaa nyenyɛn giwɔra i gbigi. Fe' taa imɔ pewu giwɔra yege. Wurubuaare gi kyu mɔ-agyebi mɔ wɔra feye-asen dɔ. Fe' bara feye-nyoro gese de fe' nu amɔ gese. Amɔ ne nan taale mɔleɛge feye de fe' nye Wurubuaare ase gekyena.

²² Fe' wɔra daa asa abono mɛ kya kyu Wurubuaare agyebi mɔ kyu wɔra gesun mɔmɔ-gekyena dɔ mɔ. Iɲ sa i' ba yeɛ fe gye asa abono mɛ kya nu Wurubuaare agyebi mɔ wɔra mɔmɔ-aso dɔ wole penɛ mɔmɔ-nyoro mɔ.

²³ ɔbono ɔ kya nu agyebi mɔ ne ɔɲ kya wɔra amɔ so ilaa mɔ, ɔ de daa fɛɛ ɔbono ɔ kya kere mɔ-nyoro diiwu dɔ mɔ.

²⁴ ɔ kpe wu mɔ-nyoro ne ɔ naa lii diiwu mɔ ase mɔ, ɔ ti tan genɔɔbono mɔ-ansi dɔ i de mɔ. Genen kee ne ako mɛ kya nu Wurubuaare agyebi de mɛ' lɛɛ ansi taa amɔ yege ne.

²⁵ I kaabore nyamesɛ ɔ' kpe ɔ kya nu Wurubuaare-lɛɛ nbara nbono gi boran ɔkpa kamaase so mɔ ɔ kya wɔra mɔ-aso dɔ. Nmɔ ne n kya yege ne nyamesɛ kya nye mɔ-nyoro lii ilaa nyenyɛn giwɔra dɔ. ɔ kya nu nbara mɔ mɔ, ɔɲ sa ɔ' wɔra isa ɔbono ɔ kya nu de o' kii taa yege mɔ. ɔ' wɔra daa isa ɔbono ɔ kpe ɔ kya wɔra nbara mɔ so gesun mɔ-gekyena dɔ. ɔ kya wɔra genen mɔ, Wurubuaare laa yuule mɔ de mɔ-ilaa wɔrase i' wɔra ɔdan sa mɔ.

²⁶ Fo ɔbono fo nyi yeɛ fo kya son Wurubuaare ne foɲ kya bii kere fo-ɔnandii so mɔ, fo kya penɛ fo-nyoro ne. Fo genen Wurubuaare gison mɔ giɲ bo agyan ako.

²⁷ ɔson ɔbono fo laa son aye-se Wurubuaare ne ɔ laa kyu fo yeɛ fo kya son mɔ kanpɛ foɲ kya fue mɔ ne n gye nne? Imɔ ne n gye yeɛ fo nyamesɛ fo wu aɲmenbi de akulaabo mɛ kya yiyɛɛ mɔ, kere ɔmɔ so. Iko kee ne n gye yeɛ fo laa dii fo-nyoro de gesinkpan gedɛ so nwɔnsa gi mɛɲ' nye denge fo-nwɔnsa lii Wurubuaare gelaare ilaa wɔrase so.

2

1 Me-nanboana, fe kya soɔ aye-Wura Yesu Kirisito, obono o gye Nyisigyi Wura mo, gyi faa mo, feɲ sa fe' kere asa ansi so wole kyu buubuu sa asa ako taa ako yege.

2 A taa kyu yee aterenbi wura oko wora sika kokoo nboore, ne o bun gikuru dense, ne o naa baa loo tu feye Yesu asonbo fe gyan' fe kya son. Nfono kee mo, yenbo oko gi baa tu feye. O kye' daa apanan kyua-kyua.

3 Aterenbi wura mo gi kyu ilaa dense wora mo-nyoro so so mo, fe wu mo mo, fe bugi ansi de mo ne fe toge sa mo yee, "Ba kyena ansi do gere." Yenbo mo bere, fe toge sa mo daa yee, "Kyon kpaa yele faa," abee "Kpelege kyena gesinkpan aye-ayaa do gere."

4 Fe toge genen faa mo, fe kya wora fee nbele agyibo abono me kya kere anyamese ansi so gyi momo-nbele mo ne. Fe kya toge yee ode gye nyamese gbaa'; ode bere on gye nyamese gbaa' ne. Fe' bii yee ilaa ibono i bo feye-amu do ne fe kya toge genen mo, in boran.

5 Me-nanboana laarese, fe' yela giso de fe' nu. Feɲ kya wu yee abono me gye ayenbo gesinkpan so gekyena gede do mo ne Wurubuaare gi toose lfee yee me' tansi ka gyan Yesu so de me' wora Wurubuaare awuragyibo? Mo-awuragyibo akyenabi mo ne Wurubuaare gi ka yela sa abono me kya laare mo-ilaa mo.

6 Ne feye bere fe men kyu ayenbo tere sei. In gye aterenbi awura ne n kya nyala feye ne me kya biide feye kpe nbele ogyiten adaa-adaa mo?

7 Momo ne n gye abono me kya saale feye-Wura Yesu, yege mo-ginyen do, mo, ne me gyere feye Wurubuaare sagyere.

8 Aye-Wura Wurubuaare nbara tirise ne n gye yee, "Laare fo-nanbo nyamese fee fo-nyoro" fee genobono Wurubuaare agyebi a kya nyiile mo. Nengyene fe kya gyi genen nbara nde so mo, fo kya wora ilaa dense ne.

9 Nengyene fe kya kere ansi so ilaa kyu buubuu sa ako taa ako yege bere mo, ilaa nyenyen ne fe kya wora genen. Fe gyi gipuee, i lii fee fe toro Wurubuaare nbara.

10 Nengyene fo nyamese fo kya gyi Wurubuaare nbara mo so ne i san daa nkolon mo, fo toro Wurubuaare nbara mo pewu so ne.

11 I lii fee Wurubuaare obono o toge yee, "Geɲ sa fo' laare oko mo-ka," mo, mo kee ne n toge yee, "Geɲ sa fo' moɔ isa." Nengyene fo nyamese fon laare oko mo-ka ne fo moɔ isa mo, Wurubuaare laa bun fo gipuee yee fo toro nbara.

12 Wurubuaare laa gyi feye-nbele mo, o laa kyu daa nbara nbono gi kya yege ne nyamese kya nye mo-nyoro lii ilaa nyenyen giwora do mo gyi feye-nbele. Fe ti nye bii genen faa mo, fe' yege feye-ilaa worase de feye-ilaa toge i' kyena de genen nbara nbono.

13 I lii fee gekaabono Wurubuaare laa gyi feye-nbele mo, fo obono fo men su fo-nanbo nyamese so mo, o man su fo so kee. Atolonbo bere Wurubuaare laa su momo so abera abono o laa gyi anyamese nbele mo.

Fe' Kyu Feye-Gikagyan

Gibono Fe Kya Ka Gyan Yesu So Mo Wora Gesun

14 Me-nanboana Yesu asonbo, nengyene oko kya toge yee o ka gyan Yesu so ne on kya wora imo so gesun mo, nne ne i laa kpaa mo? Gikagyan gibono onan gi man taale molege mo de o' nye Wurubuaare ase gekyena.

15 A taa kyu yee aye-nanbo nyense abee okyiise oko naa awo ne on kya nye agyudo de o' gyi.

¹⁶ Ne fo oko fo wu genen isa obono, ne fo toge sa mo yee, "Naa fo kya kpe de gisen yuuli. Awo an' baa mo fo. Gyi de fo' kaabo," yee fon kii sa mo ilaa ibono i tiri mo mo, fo nyi yee i bo agyan ako sa mo ne?

¹⁷ Imoso fo nyamese fo ka gyan Yesu so ne fon kya wora imo so gesun mo, fo-gikagyan mo gi gye daa gikagyan wuse.

¹⁸ Oko laa taale toge sa oko yee, "Fo yee fo kya ka gyan Yesu so. Mi-i me mo n kya wora gikagyan mo so gesun." Nne so ne fo kya ka gyan Yesu so ne fon kya wora gikagyan mo so gesun? Nyiile me genen gikagyan gibono. Me bere nan wora gikagyan mo gesun de i' lee nyiile yee ne ka gyan Yesu so gesintin.

¹⁹ Fo obono fo soo gyi yee Wurubuaare kolon ne n bo no mo, fon ti wora sei. Ilaa nyenyen pewu gemu isoo gbaa me kya soo gyi yee Wurubuaare bo no. Ne me sele gifuu kee yee Wurubuaare laa biide omo-giso.

²⁰ Fo obono fon kya sa gewonsa kpe geta mo, yela giso de fo' nu yee nengyene oko bo gikagyan ne on kya wora gimmo so gesun mo, genen gikagyan gibono gin bo agyan.

²¹ Wurubuaare gi kyu aye Gyuda awura aye-naana Aberaham yee mo-gisen do i boran. Okpa omo so ne Aberaham gi nye ne Wurubuaare gi kyu mo yee mo-gisen do i boran mo? Imo ne n gye yee Aberaham gi kyu mo-gikagyan wora gesun. O kyule sa Wurubuaare yee o laa kyu mo-bi Ayisiki lee asunbi sa mo, imoso o kyu mo kpe asunbi oleeten.

²² Fei wu yee Aberaham gi ka gyan Wurubuaare so ne o wora gikagyan mo so gesun mo? Mo-gesun gebono o wora genen so mo, mo-gikagyan mo gi nye ta gudu.

²³ Imo ne n yee ne ilaa ibono Wurubuaare agyebi mo a toge lii Aberaham so mo i nye ba gesintin. I toge yee, "Aberaham gi ka gyan Wurubuaare so.

Ne mo-gikagyan gibono so mo,

Wurubuaare gi kyu mo yee mo-gisen do i boran."

Imoso ne me kya toge yee Aberaham gye Wurubuaare mo-kyemene mo.

²⁴ Imoso fe' bii yee nengyene Wurubuaare gi kyu oko yee mo-gisen do i boran mo, in gye mo-gikagyan mo wole so. Pei de o' nye genen mo, i lii genobono o kyu mo-gikagyan gibono kyu wora gesun mo so.

²⁵ A' kii kere oloobu kyise oko, me kya tere mo yee Rahabe. Nkana o gye daa tutukyii. Genen kee ne Wurubuaare gi kyu mo yee mo-gisen do i boran ne. I lii fee o kyu mo-gikagyan gibono o ka gyan Wurubuaare so mo wora gesun. Imo ne n gye yee Rahabe baare gi soo Gyuda awura isoo ibono me ba mo-osowole so mo gisafo, ne abere abono momo-akyobo me kya laare me' mo omo mo, o nyiile momo okpa ne me nye lii momo-akyobo mo abaa do.

²⁶ A' kyu gikagyan gibono fo nyamese fo bo ne fon kya wora gimmo so gesun mo kyu kesere de nyamese nyoro gibi de a' kere. Nengyene nyoro gibi gi bo no ne on me ba o bo gimmo do mo, genen nyoro gibi gibono gi wu' ne. Genen kee ne gikagyan gibono fo nyamese fo ka gyan Wurubuaare so ne fon kya wora gimmo so gesun mo, genen gikagyan gibono kee gi wu' ne.

3

Fe' Bii Feye-Atongebi

¹ Me-nanboana, fe' men sa fe' yee feye do asa saky me' wora Wurubuaare agyebi anyiilebo. I lii fee nengyene Wurubuaare laa gyi

anyamese nbele mɔ, ɔ laa gyi aye abono a gye mɔ-agyɛbi anyiilebo mɔ nbele gɛnsipɛɛrɛ so don asa sɛnsɛ.

² Imɔso fɛ' nyingi yɛɛ aye ɔkamaase kya sidi ilaa kpɛi-kpɛi do gikyɔ.

Nengyene fɛɛ ɔko mɛɲ kya sidi mɔ-ɛtɔngɛ do mɔ, genen kaase ɔbono berɛ gi ta gudu ne; ɔ kya taale mɔ-nyoro ilaa sɛnsɛ pɛwu do kee.

³ A' kyu aye-ɛtɔngɛ kyu kesɛrɛ de ɛnɔɔbono nyamese kya taale kyu gibeletɔ pii giko kyu wɔra bee ɛnɔ do mɔ. Gibeletɔ pii mɔ gi kya biide bee mɔ-nyoro mɔ pɛwu kpe de nfono so nyamese mɔ kya laare mɔ.

⁴ A' kyu akolii bele-bele abono a naa apoo so mɔ kee kyu wɔra sinkaala de a' kerɛ. I bo no yɛɛ akolii mɔ a gye abele-bele ne afuu bolonɛ a dɛ amɔ a naa nkyu so. Itaato pii-pii iko ne mɛ kya kibi ne i kya yeɛɛ akolii mɔ a kya kpe de nfono so mɛ kya laare mɔ.

⁵ Genen kee ne nyamese ɔnandii dɛ faa. ɔ gye ilaa pii aye-nyoro do. Genen ɔnandii baare ne nyamese kya kyu tɔɛɛ ilaa bele-bele nyiile mɔ-nyoro. Genen kee ne gipo ne n kine gi nyaakɔ nne, gifilaa pii gi laa taale dɛɛ gimɔ pɛwu.

⁶ ɔnandii kee dɛ daa fɛɛ ɔgya. Fɛɛ ɛnɔɔbono ilaa nyenyɛn i kya kyange de i' nyaakɔ ɛsinkpan so mɔ, genen kee ne ɔnandii kya wɔra ilaa nyenyɛn nyamese do ne. Nengyene a kya tɔɛɛ ilaa nyenyɛn mɔ, i kya kyu aye-nyoro pɛwu loo ilaa nyenyɛn giwɔra do. I ti taale nyida aye-gekyena do pɛwu, fɛɛ ɛnɔɔbono ɔgya kya dɛɛ ilaa nɔnii mɔ. I ba genen mɔ, ilaa nyenyɛn pɛwu ɛmu mɔ ne n wɔra mɔ-ilaa kyu naa de nyamese ɔnandii so genen.

⁷ Ilaa kamaase ibono Wurubuaare gi lɛɛ, fɛɛ ife do nbue, nbuii, ilaa ibono i kya kpɛi imɔ-ito so mɔ, de nkyu do nbue pɛwu, nyamese laa taale bela imɔ ikamaase, ne ɛsintin mɔ anyamese mɛ ti taale bela imɔ.

⁸ ɔnandii berɛ, mɛɲ bo gibela; mɔ-ilaa nyenyɛn ibono ɔ kpɛ ɔ kya wɔra mɔ i dɛ daa fɛɛ gibɔɔ gibono gi kya mɔɔ nyamese kusaa mɔ.

⁹ ɔnandii ne a kya kyu yen aye-sɛ Wura Wurubuaare, ne ɔnandii kolon baare kee ne a kya kyu tɔɛɛ nno wɔra aye-nanboana anyamese abono Wurubuaare gi lɛɛ fɛɛ mɔ gbaa-gbaa oyuduu mɔ.

¹⁰ Aye-nno de iyuuli, aye-nno de ikyugya faa mɔ, i boran? Me-nanboana, imɔ idɛ inj kaabore i' ba genen.

¹¹ Fɛ' bii yɛɛ nkyu nbono ginj bo nfole de nkyu nbono gi bo nfole mɔ ginj kya kyon lii ɔbon kolon ɛmu.

¹² Kankama oyii mɛɲ kya sɔɔ mango, ne gifole ginj kya sɔɔ kankama abi. Me-nanboana, inj bo no yɛɛ nkyu nbono ginj bo nfole mɔ de nbono gi bo nfole mɔ gi laa taale kyon lii ɔbon kolon ɛmu kpa-a.

Jlaako Ginyi Gi Bo Ginyɔ So

¹³ Feye do anɛ ne n nyi jlaako ne ɔ kya nu ilaa ɛsɛ? Kaase o' kyu mɔ-ɔlaako ginyi mɔ kyu bara mɔ-nyoro ɛsɛ de ɔ' wɔra ilaa dɛnsɛ mɔ-gekyena do. ɔ' yeɛɛ genen ɛkyena dɛnsɛ ɛbono ɛɛ' lɛɛ nyiile yɛɛ o nyi ɔlaako ɛsintin. Genen ɔlaako ginyi mɔ gi kya yeɛɛ nyamese kya bara mɔ-nyoro ɛsɛ.

¹⁴ Nengyene fɛ kya wɔra ɛnɔ ako so abɛɛ fɛ tɛ gikoso ɛgyanbue ɛkyena mɔ, fɛɲ sa fɛ' nyiile feye-nyoro. Fɛɲ sa fɛ' kine Wurubuaare-lɛɛ ɛsintin ilaa de fɛ' kɛɛ abon yɛɛ fɛ nye ɔlaako ginyi lii Wurubuaare aɛ.

¹⁵ Nyamese ɔbono ɔ kya wɔra genen ilaa nyenyɛn ibono mɔ, ɔlaako ginyi gibono ɔ bo mɔ ginj lii Wurubuaare aɛ. I gye daa ɛsinkpan so-lɛɛ ɔlaako ginyi gibono gi gye nyamese gibaa so nwonɛsa, ne gi lii daa ilaa nyenyɛn pɛwu ɛmu isɔɔ mɔ aɛ.

16 I lii fɛɛ fɛ kya wɔra genɔ ako so ne fɛ tɛ gikoso gegyanbue gekyena mɔ, fɛ laa kere mɔ, ilaa kamaase i laa kpe i de daa giyan-giyan sa feye, ne ilaa nyenyɛn kpei-kpei pewu giwɔra ne nan nye feye dɔ.

17 ɔlaako ginyi gibono gi lii Wurubuaare ase mɔ bere gin de genen. Ibono i gyangbara mɔ, Wurubuaare ase-lee ɔlaako ginyi mɔ gi gye daa gisen dense ilaa. ɔbono ɔ bo Wurubuaare-lee ɔlaako ginyi mɔ kya lɔrɔ asa nsana, ɔ kya yuuli asa asen, ne ɔ kya nu ilaa gese kusaa. ɔ kya tansi su mɔ-nanbo so ne ɔ kya wɔra ilaa dense kpei-kpei gikyo. Nyamese ɔbono ɔ bo Wurubuaare-lee ɔlaako ginyi mɔ men kya kere ansi so wole de o' kyu buubuu sa ako taa ako yege. ɔn kya penɛ asa.

18 Nengyene asa me laa nye de mɔmɔ-asen dɔ i' wɔra ɔdan sa Wurubuaare mɔ, i laa lii daa asa abono me kya laare gisen yuuli ne me kya lɔrɔ asa nsana mɔ ase.

4

Fɛ' Bara Feye-Nyoro Gese Sa Wurubuaare

1 Mene ne n kya bara feye-nlɔgedɛ de nluu mɔ daa? In gye feye-ɔbole gelaare ilaa ne n kpe i kya kɔ feye-nyoro gibi dɔ genen faa?

2 Fɛ kya laare ilaa; fɛn kii fɛ kya nye. Imɔso ne fɛ kya mɔɔ asa faa. ɔko ilaa i kya wɔra feye onsipara, fɛn kii fɛ kya nye imɔ. Genen so ne fɛ kya laare nɔgedɛ de nluu mɔ. Fɛn kya kole Wurubuaare, imɔso ne fɛn kya nye faa.

3 Nengyene fɛ kya kole mɔ ne fɛn kya nye mɔ, i lii fɛɛ ilaa ibono so fɛ kya kole mɔ mɔ in kya kyena sa mɔ daa. Fɛ kya kole mɔ ilaa daa de fɛ' kyu wɔra feye-ɔbole gelaare ilaa.

4 Fɛ kya lii Wurubuaare gemara. Fɛ' bii yee nyamese gi kyu gesinkpan gedɛ so ilaa gekyemene mɔ, Wurubuaare ilaa bere, ɔ laa kyo imɔ. Imɔso fo ɔbono fo kya laare fo' lee gesinkpan so ilaa gekyemene mɔ, fo laa bingiri Wurubuaare ɔkyobo.

5 In gye giyan so ne i bo Wurubuaare agyebi dɔ yee,
 “Oduduu ɔbono Wurubuaare gi yege ɔ bo aye anyamese dɔ mɔ
 kya pɛɛɛ ginsi aye so yee a' kyu aye-gisen pewu sa Wurubuaare.”

6 Wurubuaare bere kpe ɔ kya sa aye so gewɔnsa dense don genɔɔbono i kaabore aye mɔ. Imɔso ne Wurubuaare agyebi dɔ i tɔge yee,
 “Wurubuaare kya tii asa abono me kya nyiile mɔmɔ-nyoro mɔ ɔkpa,
 de men sa me' nye mɔmɔ-gelaare.

Asa abono me kya bara mɔmɔ-nyoro gese mɔ bere,
 Wurubuaare kya sa mɔmɔ so gewɔnsa dense.”

7 Imɔso fɛ' bara feye-nyoro gese sa Wurubuaare. Fɛ' yele kɔ de ilaa nyenyɛn pewu gemu mɔ. Fɛ wɔra genen mɔ, ɔ laa sele taa feye yege.

8 Fɛ tu sindi Wurubuaare mɔ, mɔ kee laa tu sindi feye. Feye ilaa nyenyɛn awɔrabo mɔ, fɛ' foro feye-abaa lii ilaa nyenyɛn giwɔra dɔ. Feye abono fɛ gye nwɔnsa nnyo-nnyo awura mɔ, fɛ' lɔrɔ feye-asen dɔ de fɛ' yele Wurubuaare ilaa wole so.

9 Fɛ' boɔda feye-nyoro. Fɛ' su de fɛ' saawo. Fɛ' yege feye-inmase i' bingiri osulon de ɔkon ɔbono fɛ kya gyi mɔ fɛn' baa gyi mɔ de fɛ' nyanga.

10 Fɛ' bara feye-nyoro gese sa Wura Wurubuaare, de mɔ, mɔ, ɔ' diire feye.

11 Me-nanboana Yesu asonbo, fɛn sa fɛ' tɔge ilaa nyenyɛn kyu lii abara so. Nyamese ɔbono ɔ kya tɔge ilaa nyenyɛn kyu lii mɔ-nanbo so abee ɔ kya

bun mɔ-nanbo gipueɛ mɔ, kaase mɔ kya tɔge ilaa nyenyen lii Wurubuaare nbara mɔ so ne, abɛɛ ɔ kya bun Wurubuaare nbara mɔ gipueɛ ne. Fo ɔbono fo kya bun Wurubuaare nbara mɔ gipueɛ mɔ, foŋ baa fo kya gyi nmɔ so ne. Fo san fo kya kyu fo-nyoro yɛɛ fo bo ɔkpa de fo' kere yɛɛ nbara nde gi boran, abɛɛ nde giŋ boran.

¹² Wurubuaare mɔ-nkon ne n bo ɔkpa de o' yela nbara sa anyamese. Mɔ-nkon ne n bo ɔkpa de o' gyi asa nbele bun gipueɛ. Mɔ ne nan taale mɔlegɛ fo nyamese de fo' nye ɔkyenaten mɔ ase, ne mɔ kee ne nan taale yegɛ fo-ɔkyenaten mɔ ase ɔ' lii fo-gibaa. Imɔso fo nyamese fo ne n gye ane de fo' bun fo-nanbo nyamese gipueɛ?

Ɔkpa Kamaase So Mɔ Fɛŋ Sa Fɛ' Nyiile Feye-Nyoro

¹³ Ide kon fɛ' yela giso de fɛ' nu me ase. Feye ako fɛ ti taale tɔge yɛɛ, “Nde abɛɛ ɔke mɔ a laa kpe ɔsowole baare so. A kpe mɔ, a laa gyi gesi nno de a' wɔra gesun laare aterenbi.”

¹⁴ Fɛ kya tɔge genen faa mɔ, fɛ nyi ɔke-lɛɛ? Nyamese de daa fɛɛ nbokyu. Nyenyenge mɔ, gi kya sorɔ gi yele faa nyɔlen. Owi ɔ baa dii mɔ, gi ŋaa.

¹⁵ Nkana i kaabore fo' tɔge daa yɛɛ, “Nengyene Wurubuaare gi kyule mɔ, a laa kyena nkpa de a' wɔra ide abɛɛ imɔ ide.”

¹⁶ Fɛ kya wɔra genen mɔ, fɛ kya nyiile feye-nyoro ne fɛ kya gyiide. Genen nyoro ginyiile gide ɔnan pewu iŋ boran.

¹⁷ Fɛ' bii yɛɛ nengyene fo nyamese fo nyi ilaa ibono i kaabore fo' wɔra, ne foŋ wɔra imɔ mɔ, i gye ilaa nyenyen sa fo.

5

Abono Me Gye Aterenbi Awura Mɔ Me' Wɔra Laakaare

¹ Ide kon, feye aterenbi awura mɔ, fɛ' yela giso de fɛ' nu me ase. Fɛ' su de fɛ' pɛere ansi saawo lii ɔlaawuse ɔbono ɔ laa baa tu feye mɔ so.

² Feye-awurato abono fɛ bo mɔ a laa gyo nyida, ne feye-akuru a laa bingiri igyoonokpakpa awesansan.

³ Feye-isika kokɔ de feye-isilibaa i laa yere koro. Giyere gibono feye-ilaa ide i laa yere mɔ ne nan lɛɛ nyiile yɛɛ fɛŋ wɔra Wurubuaare gelaare. Imɔso genen ne feye-nyoro gibi mɔ gi laa deɛ kee ne. I lii fɛɛ fɛ baala-baala daa awurato yela anyamese gekyena nke laalaalɔge nde ɔ.

⁴ Fɛ' nu yɛɛ feye-gesun awɔrabo abono me ɔɔ feye-ndɔɔana sa feye mɔ, fɛ kudi mɔmɔ gyi kine fɛŋ ka ɔmɔ akɔ. Me kya lɔgede ne mɔmɔ-nlɔgede mɔ gi loo Wura Wurubuaare ɔbono ɔ gye Sawura mɔ aso ɔ.

⁵ Giwaabi de ɔkon gigy gekyena ne fɛ kyu kyena gesinkpan so. Fɛ san fɛɛ nbue nbono me gyi loo nfo pei ne me kya mɔɔ nmɔ mɔ. Feye kee Wurubuaare laa biide feye-giso abere abono ɔ laa gyi anyamese nbele mɔ.

⁶ Abono mɔmɔ-asen ɔ i boran mɔ, fɛ ten mɔmɔ-nno bun mɔmɔ gipueɛ. Me meŋ tɔge feye sei, ne fɛ dabɔle mɔɔ mɔmɔ.

Fɛ' Nye Gisen Kaabore Wura Yesu O' Kii Ba Gesinkpan So

⁷ Me-nanboana Yesu asonbo, fɛ' nye gisen kaabore Wura Yesu o' kii ba gesinkpan so. Fɛ' laa ansi kere genɔɔbono ɔɔbo kya nye gisen gyo abere abono mɔ-ilaa duuse i kya wɔra ilaa gyise de ɔ' nye agyan mɔ. Ɔ kya nye gisen gyo nyangbon gyangbarase de gikye inyangan.

⁸ Imɔso feye kee fɛ' nye gisen feye-gekyena ɔ genen. Fɛ' da gikan yele feye-ayaa so gisɔgyi gibono fɛ bo sa Yesu mɔ ɔ. I lii fɛɛ gekaabono Wura Yesu laa kii ba gesinkpan so mɔ gɛ fuude.

⁹ Me-nanboana, fe men sa fe' loḡede de feye-nanboana yee omo ne n kya wɔra feye de Wurubuaare o' bun feye gipuee. Fe' nyingi yee i man keela ne Wurubuaare laa baa gyi anyamese pewu nbele. ɔ ti ɔ yelee feye-nbunono gbaa.

¹⁰ Fe' laa ansi kere Wurubuaare ikalan atogbo mo. Abere abono me kyu Wurubuaare ginyen me kya toge Wurubuaare agyebi mo ma-a sa asa mo, me wu olaawuse. Me-nanboana, fe' kyu gisen gibono me nye momo-olaawuse do mo kyu wɔra sinkaala sa feye-nyoro.

¹¹ Abono me wu olaawuse ne me taale nye gisen keda Wurubuaare onon mo kpa lii mo, a kya kyu momo yee me gye amudensebo. Fe' nyingi genobono Gyobu gi wu olaawuse gikyo ne ɔ dabole nye gisen soɔ Wurubuaare gyi kpa lii mo. Laalaaloge mo, feɲ wu ilaa ibono Wura Wurubuaare gi baa wɔra sa mo mo? Wura Wurubuaare gye daa otolonbo. ɔ tansi ɔ kya su asa so.

¹² Me-nanboana, ibono pewu ne toge faa gemara mo, nan toge feye ibono i tiri gikyo mo. Imo ne n gye yee feɲ sa fe' toge yee, "Ne kere fee soso," abee "Ne kere fee gesinkpan" abee "Ne kere fee ilaa banban iko." Fe' yege feye-"kuua" ɔ' wɔra "kuua", de feye-"en" ɔ' wɔra "en," de Wurubuaare on sa ɔ' nye bun feye gipuee.

¹³ Imoso oko bo feye do ɔ kya wu olaawuse? Kaase mo ɔ' dalaa. Oko bo feye do ibono mo-gisen do i bo mo okon? Kaase mo o' bii ilon yen Wurubuaare.

¹⁴ Oko bo feye do ɔ kya lo? Kaase ɔ' da gibaa tere Yesu onon mo do abelense de me' baa dalaa sa mo de me' kyu nfo kyu woroge mo Wura Yesu ginyen do.

¹⁵ Nengyene me kyu gisooḡyi dalaa mo, olobo mo laa nye alanfiya. Wura Yesu laa kosore mo, ne fee olobo mo gi wɔra ilaa nyenyen mo, ɔ laa kyu kyee mo.

¹⁶ Imoso fe' lee feye-ilaa nyenyen ibono fe kya wɔra mo toge sa abara de fe' dalaa sa abara. Imo ne nan yege Wurubuaare laa nye kyu kyee feye de fe' nye alanfiya. Obono mo-gisen do i boran sa Wurubuaare mo gi dalaa lii mo-gisen do mo, genen gedalaa gebono ge bo gya ne ge kya wɔra gesun.

¹⁷ Ilaagya gi wɔra nyamese fee aye onan. Owi oko do mo, ɔ dalaa sa Wurubuaare lii mo-gisen do yee nyangbon on sa ɔ' da. Gesintin mo, nyangbon men da gesinkpan so nsi nsa de gibaaon.

¹⁸ Imo gemara mo, o kii dalaa kole Wurubuaare yee ɔ' yege nyangbon ɔ' baa da kon. Ne gesintin mo, Wurubuaare gi nu mo-gedalaa ne ɔ yege nyangbon gi baa da, ne gesinkpan mo ge kii nye wɔra agyudo.

¹⁹ Me-nanboana, nengyene feye do oko gi fue Yesu gesintin okpa mo ne oko gi taale kiiri mo ba mo, kaase mo gi wɔra ilaa.

²⁰ Fe' bii yee obono ɔ taale lee ilaa nyenyen oworabo mo lii mo-ilaa nyenyen okpa mo do genen mo, ɔ molege mo de on sa ɔ' fue mo-lewu gemara ne. Kaase mo kee laa nye mo-ilaa nyenyen gikyo i' kpaare fue sa mo.

Piita Ɔwolé Gyangbarasé

¹ Me Piita obono n gye Yesu Kirisito ɔsɔɔ mɔ ne n kya nmarasé ɔwolé baare. N kya nmarasé mi-i sa feye abono Wurubuaare gi tɔsɔe lée yee ɔ laa lɔrɔ feye yela sa mɔ-nyoro, ne fe yaase kpe fe te fe te fe kya gyi gisafɔ Pontuse, Galati, Kapadosiya, Esiya de Bitiniya nsinkpan so mɔ.

² Pei ne aye-sé Wurubuaare laa lée ilaa kamaase mɔ, ɔ wolaa bii feye. Ɔ bii feye genen mɔ, ɔ tɔsɔe feye lée ne ɔ yege Wurubuaare Oduduu mɔ gi lɔrɔ feye yela sa mɔ Wurubuaare de fe' nye nu Yesu Kirisito gedé de Yesu nkalan mɔ gi' kpaare feye-ilaa nyenyen fue sa feye. Wurubuaare ɔ' sa feye so gewɔnsa dɛnsɛ de ɔ' sa feye gisen yuuli ɔ kya bɔla.

Aye-Ansi A Gyan' Wurubuaare Amɔlegɛ So

³ Afaala a gye Wurubuaare, aye-Wura Yesu Kirisito mɔ-sɛ mɔ-lɛɛ! Ɔ su aye gitolon belɛ. Kyu naa de Yesu Kirisito giwukyingi mɔ so mɔ Wurubuaare gi yege i lɔrɔ korogɛ aye wɔra anyamesɛ pobɔrɔ. Genen so ne aye-ansi a gyan ilaa dɛnsɛ iko so, ne genen ilaa ibono i man gbangɛ.

⁴ I kya nyiile yee a laa baa nye Wurubuaare ilaa dɛnsɛ ibono ɔ baala yela sa aye Wurubuaare dɔ mɔ. Genen ilaa dɛnsɛ ibono berɛ in kya ta ɔkara. Ineesi in bo imɔ dɔ ne in kya nyida kpa-a.

⁵ Wurubuaare dɛ mɔ-olon ɔ kya kun feye. Kyu naa de ibono fe ka gyan Yesu so mɔ, ɔ laa kpe ɔ kya kerɛ feye so genen de gekɛ laalaalogɛ gebono gekyena gedɛ gɛ laa baa yela ɔkara mɔ, ɔ' mɔlegɛ feye de fe' nye kyena mɔ ase. Ɔ ti baala ta ibono ɔ laa lée genen amɔlegɛ abono gewi.

⁶ Ibono feye-ansi a gyan' amɔlegɛ adɛ so mɔ i yege fe kya yaalɛ ne fe kya gyi ɔkon belɛ. I bo no yee genen owi baare dɔ berɛ mɔ fonbii awɔrɔfɔɔ kpei-kpei a kya tu feye ne fe kya yiyɛɛ. Genen awɔrɔfɔɔ de geyiyɛɛ mɔ a man dɛ kpe.

⁷ Awɔrɔfɔɔ a kya tu feye genen mɔ, i mɛn gye giyan. Fe' bii yee i kya daase feye-gikagyan gibono fe ka gyan' Yesu so mɔ i kya kerɛ daa de i' nye lɛi gewi yee feye-gikagyan gi gye gesintin gikagyan. I dɛ daa fɛɛ sika kɔkɔɔ de ɔgya. Pei ne fe laa bii yee sika kɔkɔɔ gye sika kɔkɔɔ gbaa-gbaa mɔ, ɔgya ne mɛ kya kyu tɔ mɔ de i' dɛɛ ibono in gye sika kɔkɔɔ mɔ lɛi mɔ dɔ. Feye-gikagyan gibono fe ka gyan' Yesu so mɔ gi tansi gi tiri don sika kɔkɔɔ obono mɔ-ɔdan kya yela ɔkara mɔ. Nengyene awɔrɔfɔɔ mɔ a lée feye-gikagyan mɔ nyiile yee gi gye gesintin gikagyan mɔ, i laa sa feye ayenbi, nyisigyɛ, de buubuu gekaabono Wurubuaare laa lée Yesu Kirisito gewi nyiile nyamesɛ kamaase mɔ.

⁸ Fɛn kya wu Yesu Kirisito de ansi berɛ. Imɔ-rɛ imɔ genen gbaa mɔ, fe kya laare mɔ-ilaa ne fe kya ka gyan' mɔ so. Yesu so mɔ fe kya yaalɛ ne fe kya gyi ɔkon belɛ obono nyisigyɛ bo mɔ dɔ ne fɛn nyi mɔ-ɔkara mɔ.

⁹ Ntɛɛla nbono feye-gikagyan gidɛ gi kya sa feye mɔ ne n gye yee Wurubuaare kya mɔlegɛ feye, ne feye-rɛ mɔ nsana i kya nye wɔra ɔkon.

Wurubuaare Iklan Atogɛbo De Mɔ-Isɔɔ

Mɛ Laarɛ Mɛ' Nu Ɔkalan Baarɛ Ilaa

¹⁰ Wurubuaare ikalan atogɛbo mɛ wolaa wu genen Wurubuaare amɔlegɛ abono so ilaa tɔgɛ. Mɛ tɔgɛ genɔobono Wurubuaare laa wɔra ilaa gbaa' sa

aye mɔ. Mɔmɔ gbaa-gbaa bere me men nu imo gese. Imoso me peere ansi loo imo do taase-taase.

¹¹ Kirisito Oduduu obono o bo mɔmɔ do mo kya nyiile mɔmɔ yee obono Wurubuaare laa sun de o' baa molege asa mo laa wu olaawuse de imo gemara mo o' nye nyisigyi bele. Wurubuaare ikalan atogebɔ ade me laare de me' nye bii genen nyamese kolon obono Kirisito Oduduu mo dare mo. Me kii laare de me' bii owi obono genen omolegebo obono laa ba mo.

¹² Nfono mo, Wurubuaare gi lee nyiile mɔmɔ yee i men, gye mɔmɔ gbaa-gbaa so ne o sa genen ikalan mo. Wurubuaare gi nyiile omo yee me kya toge mo-ikalan mo genen mo, me kya toge me kya yela daa mɔmɔ-gemara awura. Gesintin, mɔmɔ-gemara mo, Kirisito gi baa molege asa. Imo gemara mo, Wurubuaare gi sun mo-Oduduu lii Wurubuaare do. Wurubuaare Oduduu mo gi baa yege asa me kya toge genen omolegebo obono ilaa ma-a sa feye. Wurubuaare do isoo gbaa, i kya da omo kpa-kpa, me kya laare me' bii genen okalan konkonse baare ilaa.

Fe' Kyena Gisen Fufuli Awura Akyenabi

¹³ Gekaabono Wurubuaare laa baa lee Yesu Kirisito gewi nyiile asa gesinkpan so mo, o laa kyu mo-gidense gibono o bo mo yuule feye de o' sa feye gekyena gekpaa. Imoso fe' kyu feye-ansi gyan' genen ayuule abono so de fe' dese feye-nyoro so. Fenj sa fe' kyu imo seeli.

¹⁴ Fe' nu feye-se Wurubuaare gedde fee nbii dense; fenj' baa kyena fee owi obono fenj ti bii sei kyu lii Wurubuaare so ne feye-obole gelaare ilaa ne n gyi feye-amu mo.

¹⁵ Wurubuaare obono o toge feye yee feye-re mo fe' wɔra nyamese kolon mo gye gisen fufuli wura. Imoso feye kee fe' kyu gisen fufuli akyenabi kyu kyena.

¹⁶ Wurubuaare gi toge mo-agyebi mo do yee,
"Fe' wɔra gisen fufuli awura.

I lii fee me, n gye gisen fufuli wura."

¹⁷ Fe kya dalaa mo, fe kya tere Wurubuaare yee feye-se. Mo ne n gye obono o kya kyu gesintin gyi anyamese pewu nbele naa de mɔmɔ-ilaa wɔrase so. Oj kya ligi oko. Imoso fe' sele mo feye-gisafɔ gekyena gebono fe te gesinkpan so faa do.

¹⁸ Nkana fe te akyenabi abono anj kya kpaa nyamese Wurubuaare ase mo. Feye-naanaana ne n kyena genen gekyena gebono san sa feye. Wurubuaare, mo, gi lee feye lii imo ibono do, ne o sa feye gekyena poboro. Feye gbaa-gbaa fe nyi yee ilaa ibono o kyu molege feye mo imo-oduduu menj kya kooge fee sika kɔkɔ abee aterenbi.

¹⁹ I gye daa Kirisito nkalan nbono aterenbi a manj taale soo nmo mo ne Wurubuaare gi kyu molege feye genen. O wu' kyeege mo-nkalan fue sa aye. O wɔra fee sande obono o kyena sa asunbi gilee mo. I kya nyiile yee mo-gisen do i fuuli, ne oj bo ilaa nyenyen.

²⁰ Pei ne soso de gese i' loo wɔra ileese mo, i wolaa i de yee Kirisito laa wɔra asa omolegebo. Gese gere i kya laare i' yela okara faa mo, Wurubuaare gi san lee omolegebo mo gewi nyiile asa. Feye so ne o wɔra genen.

²¹ Kyu naa de Kirisito so ne fe kya nye soo Wurubuaare gyi faa. Wurubuaare gi kyingi mo lii ibuni do ne o sa mo nyisigyi. Genen so ne fe kya ka gyan Wurubuaare so, ne feye-gewonsa ge gyan mo so.

²² Ibono fe nu gesintin kyu lii Yesu so ne fe kya gyi genen gesintin mo so faa mo, i yege fe taa ilaa nyenyen ibono nkana fe kya wɔra mo yege, ne fe

san fe kya laare feye-nanboana Yesu asonbo mo ilaa gesintin so. Imoso fe' peere ansi laare abara ilaa genen lii feye-asen do.

²³ I kya nyiile yee kyu naa de Wurubuaare gigyebi mo so mo, o yeege i lora koroge feye ne fe wora mo-biana gesintin. Aye-se Wurubuaare bo no gekpaa-gekpa. O man wu' gekaako. Mo-gigyebi gibono o kyu koroge aye mo gi bo gya, ne gi kpe gi bo no adaa-adaa.

²⁴ Wurubuaare ikalan otogebo oko me kya tere mo yee Isaya gi toge mo-owole do yee,

“Anyamese pewu momo-re momo-nyisigy

me de daa fee ife de iyii afototo.

Ife i laa wu', ne iyii afototo a laa kpiisi.

²⁵ Wura Wurubuaare gigyebi mo bere,
gi kpe gi bo no gekpaa-gekpa.”

Genen gigyebi gibono ne n gye Yesu okalan konkonse mo asa me toge sa feye mo.

2

¹ Imoso fe' lee gekyo kamaase lii feye-asen do. Fen sa fe' pene asa. Fen sa fe' wora ilaa ansi so giyan. Fe' taa gelaalo yee. Fen sa fe' saale asa.

² Fee genobono kyokyoo men nye ginyabo ne on kya taale kyena mo, fe' yee Wurubuaare agyebi mo a' da feye obole genen kee. Mo-agyebi mo a gye gesintin. A kya sa nyamese oduduu do on. Imoso fe kya nu agyebi mo, fe laa wora fee kyokyoo obono o kya nyabo ne o kya sen mo. Wurubuaare agyebi mo ne nan yeege fe' see oduduu do de fe' nye Yesu amolege de feye-re mo nsana i' wora okon.

³ I lii fee feye kee fe ti daa Wura Yesu gidense gibono o bo sa aye anyamese mo kere.

Yesu So Mo, Fe De Fee Wurubuaare Obu Asodoo

⁴ Fe' kyu feye-nyoro sa Wura Yesu. O de fee gisodoo gibono gi kpe gi bo no, ne anyamese me kine gim mo. Gim, mo, ne Wurubuaare gi lee yee gi bo agyan sa mo ne gi kya gyi mo-ginsi.

⁵ Feye kee kyu lii Yesu so mo fe de fee asodoo abono a kpe a bo no mo. Imoso fe' yee Wurubuaare o' kyu feye poro oduduu do obu. Wurubuaare gi yee mo-gisen do ilaa ne n san i gyan' feye-ansi so fee mo-asunbi aleebo ne fe gye de fe' nye fe kya lee oduduu do asunbi fe kya sa mo. Kyu naa de Yesu Kirisito so mo, Wurubuaare laa so genen asunbi abono abaa anyo.

⁶ I lii fee i bo mo Wurubuaare agyebi do yee,

“Fe' kere! Me Wurubuaare ne lee gisodoo

gibono gi laa yee me-on obu mo o' nye on yele mo.

Genen gisodoo gibono gi tansi gi kya gyi me-ginsi.

N de gim mi-i too obu gese opore Sayon osowole so.

Obono o laa ka gyan' genen gisodoo gibono so mo

ipeeli i man gyi mo kpa-a.”

⁷ Yesu ne n gye genen gisodoo mo. Feye abono fe ka gyan' mo so mo, o tansi o bo agyan sa feye. Asa abono momo bere men kya ka gyan' mo so mo, i bo Wurubuaare agyebi mo do geteeko kyu lii momo so yee,

“Ibu aporobo me kyu gisodoo mo too gebaamara,

ne gemara gemara mo genen gisodoo mo, mo,

ne Wurubuaare gi san baa kyu poro mo-on obu mo

ne obu mo gi nye on yele.”

⁸ Wurubuaare gi wolaa wu toge yela yee,

“Gisodoo gide gi laa yege anyamese me laa sidi de me' lii toro.”

Ibono so Yesu laa yege anyamese me sidi genen mo ne n gye yee me kya wora gisomaanu de Wurubuaare agyebi mo. Genen gisomaanu gibono gi gye daa ilaa ibono i wolaa i de sa momo.

⁹ Feye abono fe ka gyan' Yesu so mo bere, Wurubuaare gi toose feye lee yee fe laa bingiri fee gesu kolon do asa. Fe bingiri fee awuragyibo asunbi alebo sa Wura Wurubuaare. Feye ne o lora yela sa mo-nyoro lii nsinkpan kpei-kpei so asa do. Fe gye daa mo gbaa-gbaa lee ade. Wurubuaare gi toose feye lee de fe' nye fe kya lee mo-ginyen. I lii fee mo ne n biide feye lii gibiri do baa mo-fatela do nfono i bo obole ne i kya de geno mo.

¹⁰ Owi oko do mo nkana fe men gye asa ako sa Wurubuaare. Ide kon, fe baa wora Wurubuaare-lee ade gesintin so. Nkana Wurubuaare men su feye gitolon. Ide kon, Wurubuaare gi su feye gitolon.

Fe' Kyena Akyenabi Dense

¹¹ Me-nanboana laarese, a gye daa fee asafo gesinkpan so. A gye daa akpakyonbo. Imoso n kya kole feye, fen sa fe' yege gesinkpan so ilaa i' gyi feye-amu. Genen ilaa ibonoana i kya ko de feye de i' nye nyida feyewansa.

¹² Fe te saare asa abono me men kya son Wurubuaare faa mo, fe' yege feye-gekyena ge' wora gekyena dense. Nengyene i ba yee me ten feye-geno yee fe gye ilaa nyenyen aworabo mo, me laa wu feye-gidense gibono fe kya wora mo de me' yen Wurubuaare kyu lii gimso so gekaabono o laa baa laa aye mo.

Fe' Bara Feye-Nyoro Gese

¹³ Kyu lii aye-Wura Yesu Kirisito so mo, fe' bara feye-nyoro gese sa nyamese kamaase obono o kya gyi gebelense feye so mo. Fe' bara feye-nyoro gese sa obono o kya gyi gewura feye so

¹⁴ de abono o yela gebelense buu de mo-nyoro mo kee. I lii fee o yela omo daa de me' biide ilaa nyenyen aworabo giso de me' yen abono me kya wora ilaa ibono i boran mo.

¹⁵ I gye daa Wurubuaare gelaare yee fe' wora ilaa ibono i kaabore mo, de i' yege ginyantoge awura me' bun momo-nno so.

¹⁶ Fe kya bara feye-nyoro gese genen mo, in gye yee fe gye nbide bere. Fen sa fe' toge yee fen te sa oko so mo, fe laa wora feye-obole gelaare ilaa ibono in boran sa Wurubuaare mo. Fe' wora daa Wurubuaare nbide.

¹⁷ Fe' kyu buubuu sa anyamese pewu. Fe' laare abono feye-re omo fe bo Yesu onon mo do mo ilaa. Fe' sele Wurubuaare de fe' buu obono o kya gyi gewura feye so mo.

¹⁸ Feye abono fe te awura ase mo, fe' bara feye-nyoro gese sa feyewuraana de fe' kyu buubuu sa momo fee genooobono i kaabore mo. In sa i' wora yee abono me kya wora feye gidense abee me kya su feye so mo wole. Fe' dabole buu abono me kya wora feye geno mo de fe' bara feye-nyoro gese sa omo.

¹⁹ Fo oko fo kya wu olaawuse obono in kaabore fo wu mo ne fo nye gisen Wurubuaare so mo, i kya gyi Wurubuaare ginsi.

²⁰ Nengyene fo nyamese fo wora ilaa nyenyen, ne me biide fo-giso imo so ne fo nye gisen mo, i kaabore fo' nye afaala ako? Kuaa. Fee ilaa dense bere ne fo wora ne fo kya wu imo so olaawuse mo, nye gisen daa. Fo nye gisen genen olaawuse obono do mo, imo ibono ne n kya gyi Wurubuaare ginsi.

²¹ Yesu Kirisito kee gi nye gisen owi obono o kya wu olaawuse o kya sa feye mo. O kyu wora sinkaala yela yee feye kee fe' kyule de fe' wu olaawuse fee mo-lee mo onan. Genen gekyena gebono onan ne Wurubuaare yee ge' wora feye-lee.

²² Yesu menj wora ilaa nyenyen iko kere.

Oko-re oko menj nu gekaako yee o taa kee abon kere.

²³ Asa me saale mo mo, o menj saale omo ka giko.

O wu olaawuse asa abaa do mo, o menj toge sa momo yee,

“Fe' yeege de-e, fe laa wu me kyule.”

O nyi ibono Wurubuaare laa gyi asa nbæle gesintin okpa so.

Imoso o kyu imo pewu-u wora Wurubuaare abaa do.

²⁴ Yesu gi kyu aye-anyamese ilaa nyenyen sola owi obono me da mo ananbi mada de oyii mo. Mo gbaa-gbaa nyoro ne o kyu so aye-gisobiide. O wora genen daa de a' nye lee abaa lii ilaa nyenyen giwora do de a' nye a kya gyi gesintin a kya sa Wurubuaare aye-gekyena do. Ilo ibono Yesu gi nye lii aworofoo abono o wu kyu lii aye so mo i yeege aye-nyoro gi' toro aye.

²⁵ Nkana a fue Wurubuaare okpa mo fee genobono isande me kya fue me naa me naa mo. Ide kon here a kii ba aye-okparebo Yesu ase. Mo ne n gye obono o kya kere aye so.

3

Akyii Me' Bara Momò-Nyoro Gese Sa Momò-Kuliana

¹ Genen kee ne feye akyii mo, fe' bara feye-nyoro gese sa feye-kuliana. Nengyene momo do ako me kine Wurubuaare okalan mo mo, kyu lii feye-akyenabi dense abono fe laa kyu kyena de omo mo so mo, i laa yeege me' kyeege momo-nwonsa. I manj baa tiri yee fe' toge okalan mo sa momo.

² I kya nyiile yee feye-kuliana mo me laa wu genobono fe de buubuu fa-a sa Wurubuaare ne fe kya gyi gesintin sa omo feye-gekyena do mo.

³ Feye-odan obono fe bo mo on sa o' wora nyoro giloro wole, fee iman ginminde abee sika kokoo agbangbaran gikyee abee akuru dense gidela.

⁴ Fe' yeege feye-asen do ne i' lee feye-odan obono fe bo mo nyiile. Odan obono on kya nyida gekaako mo ne n gye ibono fo oko fo laa bara fo-nyoro gese de fo' yela fo-gewonsa geten kolon. Genen odan obono ne n kya gyi Wurubuaare ginsi.

⁵ Adedaabo owi mo, genen ne momo akyii abono me kyu momo-nyoro too Wurubuaare so mo me kyu lora momo-nyoro ne. Me kyu momo-ansi gyan Wurubuaare so ne me bara momo-nyoro gese sa momo-kuliana.

⁶ Genen akyii abono do oko ne n gye Sara. O nu mo-kuli Aberaham gede, ne o kyu buubuu sa mo yee mo-wura ne. Nengyene feye kee fe laa wora ilaa ibono i boran mo ne fej sele gifuu mo, fe laa wora fee Sara baare mo-biana gesintin.

Feye Anyen Fe' Kyu Buubuu Kyena De Feye-Kaana

⁷ Genen kee ne feye anyen mo, mo, feye-re feye-kaana fe te mo, fe' su momo so yee menj bo lon fo feye. Imoso fe' kyu buubuu kyu kyena de momo. I lii fee Wurubuaare laa sa feye-re omo kpini mo ase gekyena. Fe' kyena de momo genen de feye-ndalaa nbono fe laa dalaa kole Wurubuaare mo, sei-sei o menj sa o' nye tii nmo-okpa.

Fe' Kyena De Abara Kanpe

⁸ Pei de me-geño ge yii mɔ, feye abono fe ka gyan' Yesu so mɔ pɛwu, fe' wɔra genɔ kolon. Fe' su abara so de fe' laare abara ilaa. Fe' wɔra ilaa ibono i laa yege asa asen a' tɔrɔ mɔmɔ mɔ de fe' bara feye-nyoro geɛ sa abara.

⁹ Feŋ sa fe' kyu ilaa nyenyen kyu ka ilaa nyenyen gikɔ abee fɛe ɔko gi saale feye mɔ, fe' saale mɔ ka gikɔ. Feye bere, fe' kole daa Wurubuaare ayuule sa genen asa abono. Wurubuaare kya laare fe' nye mɔ-ayyule so ne ɔ tɔge feye ye fe' son mɔ mɔ.

¹⁰ I de daa fɛe genɔobono me ŋmarase Wurubuaare agyebi mɔ dɔ mɔ. Me ŋmarase ye,

“Fo ɔbono fo kya laare gekeyena dense
ne fo kya laare fo' gyi ɔkon fo-gekeyena dɔ mɔ,
kere fo-geño so doodan.

Foŋ sa fo' tɔge ilaa nyenyen abee fo' kee abon.

¹¹ Kine ilaa nyenyen giwɔra de fo' san wɔra daa ilaa dense.

Nyanga ansi de fo' wɔra ilaa ibono i laa bara gisen yuuli mɔ.

¹² I kya nyiile ye Wura Wurubuaare kya kere
asa abono mɔmɔ-asen dɔ i boran sa mɔ mɔ so,
ne ɔ kya nu mɔmɔ-ndalaa.

Asa abono me kya wɔra ilaa nyenyen mɔ bere,
mɔmɔ-re Wura Wurubuaare ansi a laa wɔra anan.”

Fo-Gesintin So Ne Fo Kya Wu ɔlaa Mɔ, Wurubuaare Laa Yuule Fo

¹³ Nengyene ilaa dense giwɔra ne n kpe i bo feye-ansi so mɔ, ane ne nan wɔra feye ilaa nyenyen?

¹⁴ Ba-a ne ako me kya yege fe' wu ɔlaa lii feye-gesintin gigyi so mɔ, fe gye daa amudensebo Wurubuaare ase. Feŋ sa fe' yege mɔmɔ-ɔŋaala a' wɔra feye gifuu abee i' wɔra feye gewɔnsa.

¹⁵ Feye bere fe' kyu buubuu sa Kirisito lii feye-asen dɔ ye mɔ-nkon ne n gye feye-Wura. Fe' wolaa baala feye-nyoro, nengyene fɛe ɔko gi taa taase feye kyu lii Wurubuaare ilaa ibono feye-ansi a gyan' imɔ so mɔ, de fe' nye lee genɔ sa mɔ doodan.

¹⁶ ɔko gi taase feye genen ilaa ibono mɔ, fe' nye gisen de fe' kyu buubuu lee genɔ kanpe sa mɔ. Fe' wɔra daa ilaa ibono fe' nyi feye-asen dɔ ye i boran mɔ. Fe kya wɔra genen ne ako me kya saale feye ne me kya tɔge ilaa nyenyen kyu lii feye Kirisito asonbo akyenabi dense abono so mɔ, me laa gyi ipeeli.

¹⁷ Fo wɔra ilaa dense ne i gye Wurubuaare gelaare dɔ ye fo' wu ɔlaa mɔ, imɔ ibono ne n boran don ibono fo laa wɔra ilaa nyenyen de fo' wu ɔlaa mɔ.

¹⁸ Kyu lii aye anyamese ilaa nyenyen so mɔ, Yesu Kirisito gi wu' de aye-re Wurubuaare nsana i' nye lɔrɔ. Mɔ ɔbono mɔ-gisen dɔ i boran sa Wurubuaare mɔ gi wu' sa aye abono aye-asen dɔ in boran sa mɔ mɔ. ɔ kpe wu' daa gikolon gibono ne, i ta. Me mɔ daa mɔ-nyoro gibi mɔ. Mɔ-oduduu mɔ bere gi nye gekeyena,

¹⁹ ne o kpe ibuni dɔ kpaa tɔge Wurubuaare agyebi sa ibuni ibono Wurubuaare gi tii ɔmɔ wɔra geteeko mɔ.

²⁰ I lii fɛe owi ɔbono genen ibuni ibono me te de ansi Nowa abere dɔ mɔ, me meŋ nu Wurubuaare gede. Wurubuaare, mɔ, gi nye gisen kyena kere ɔmɔ genen-n kaabore ɔ yege Nowa gi sale gikolii bele giko. Asa kalese ako, asa gukue ɔkara ne n nye loo Nowa gikolii bele gibono dɔ, ne mɔmɔ abono

berε mε nyε Wurubuaare gi mōlēge mōmō, ne mε mεη sii nkyu nbono gi gyi asense mō dō.

²¹ Wurubuaare gi kyu Nowa abere dō ilaa ide kyu lεε mō Wurubuaare sagyere ilaa nyiile. I kya nyiile yεε Wurubuaare sagyere kya mōlēge aye nde asa de aye-rε Wurubuaare nsana i' lōrō. Nkana in gye yεε Wurubuaare sagyere mō kya foro nyamese nyoro so ineesi daa. Sagyere mō kya mōlēge nyamese. I lii fεε nyamese kya kolε Wurubuaare yεε ibono Wurubuaare gi kpaare mō-ilaa nyenyen fue sa mō faa, ɔ' yεge mō ɔ' bii mō-gisen dō yεε kyu naa de Yesu Kirisito giwukyingi mō so mō, mō-ilaa nyenyen ibono ɔ wōra mō in baa i kya nyida mō-rε Wurubuaare nsana.

²² Yesu gi kii kyon Wurubuaare dō kpe ɔ tε Wurubuaare gibaa gyise so, ɔ kya gyi gewura. Wurubuaare dō isɔɔ de ilaa ibonoana pεwu i kya nyε olon anyamese so mō, Yesu ne n bo lon imō pεwu so.

4

Fε' Kyule Yεε Fo Laa Wu Awɔrɔfɔ Fεε Yesu-Lεε Mō Onan

¹ Abere abono Yesu Kirisito bo gesinkpan so mō, ɔ kyule yεε ɔ laa wu awɔrɔfɔ. Imōso feye kee fε' kyule yεε fo laa wu awɔrɔfɔ fεε mō-lεε mō onan. I kya nyiile yεε ɔbono ɔ kya sa genen Yesu-lεε gewōnsa gεde onan ne gesintin, ɔ kya wu awɔrɔfɔ mō, kaase gi taa ilaa nyenyen giwōra yεge ne.

² ɔ taa ilaa nyenyen giwōra yεge mō, ɔkara ɔbono ɔ laa san kyena gesinkpan so mō, ɔη baa ɔ tε sa mō anyamese-lεε ɔbole gelaare ilaa. ɔ kya san kyena sa daa Wurubuaare gelaare.

³ Abono mε mεη nyi Wurubuaare agyebi mō mε kya nu daa de mōmō-ɔbole gelaare ilaa. Owi ɔko dō mō, feye kee fε kya wōra mōmō-lεε mō onan. Fε kya wōra ilaayan, ilaa nyenyen kpei-kpei i kya gyi feye-amu, fε kya boo nta, feye-rε feye-nanboana fε kya gyan' dabɔle boo fε kya wōra ilaa kpan, fε kya son ikpere wōra ilaa ibono in bo gitoge mō. I kaabore fε' bii yεε i kaabo genen.

⁴ Ide kon berε, fεη baa fa-a kyu feye-nyoro mada de asa abono mε mεη nyi Wurubuaare agyebi mō de fε' wōra mōmō-amu wuse ilaa wōrase ibonoana. Imōso i kya de mōmō-genɔ, ne fε san bingiri ɔmō-oyii wese.

⁵ Fε' yεge ɔmō de. Gekaako mō mε laa yelε Wurubuaare ansi dō de mε' lεε mōmō-genɔ. Wurubuaare gi ti baala ibono ɔ laa gyi anyamese nbele-asa abono mε ti wu' de abono mεη ti wu' mō pεwu.

⁶ Kyu lii genen so ne fε wu yεε Wurubuaare gi yεge Yesu gi kpaatoge mō-ɔkalan konkonse mō sa asa dabɔle de ibuni mō. I lii fεε Wurubuaare gi bun ibuni ibono gipueε fεε genɔɔbono Wurubuaare kya bun nyamese gipueε de ɔ' nyε lεwu mō. Yesu gi nyε kpaatonge sa ɔmō faa berε, ne mε nu mō, Wurubuaare laa sa ɔmō Wurubuaare ase gekyena onan fεε genɔɔbono Wurubuaare Oduduu mō kya yεge nyamese ɔ' nyε mō.

Kirisito Asonbo Akyenabi

⁷ Owi ɔbono ilaa kamaase i laa yela ɔkara mō, genen owi ɔbono gi fuude. Imōso fε' yela feye-nwōnsa geten kolon de fε' bii feye-nyoro akedabi de fε' nyε taale dala sa Wurubuaare.

⁸ Imō gemara mō, ibono i tiri gikyɔ-gikyɔ mō ne n gye yεε fε' kpe keda gesalaare gebono fε bo sa abara mō dō genen. I lii fεε gesalaare gε kya kun nyamese ilaa nyenyen sakyɔ.

⁹ Asafo me ba feye-gewi mo, fe' bugi ansi de fe' soo momo abaa anyo de feŋ sa fe' logede.

¹⁰ Genɔɔbono Wurubuaare gi kyee okamaase mo-re mo-lee adawo kpei-kpei faa, fe' kyu amo kyu wora gesun kyu kpaabara. Fe' wora asa abono Wurubuaare gi kyu mo-ilaa kyee kpei-kpei wora momo-abaa do ne me laa bii kere imo so sa mo mo.

¹¹ Fo obono getonge ne Wurubuaare gi kyu kyee fo mo, toge mo-agyebi fee mo gbaa-gbaa ne n kya tonge. Fo obono, mo, fo-nanboana gikpaa ne Wurubuaare yee fo' kpaabara mo, kyu Wurubuaare olon obono o sa fo genen mo kyu kpaabara mo. Fe' wora genen de i' nye kyu nyisigi bara Wurubuaare ilaa kamaase do kyu naa de Yesu Kirisito so. Mo-nkon ne nyisigi de gewuragi ge' wora mo-lee gekpaa-gekpaabara. I' ba genen.

Olaawuse Gye Daa Ilaa Ibono I Wolaa I De Sa Yesu Asonbo

¹² Me-nanboana laarese, feŋ sa fe' yee i' de feye-geno yee asa me kya yee fe kya wu olaawuse kyu lii Yesu onon mo so. I gye ilaa ibono i wolaa i de sa aye abono a soo Yesu gyi mo. I men gye ilaa poboro. Olaawuse mo kya daase feye o kya kere daa yee fe soo Yesu gyi gesintin?

¹³ Genɔɔbono fe kya wu olaawuse fee Yesu Kirisito-lee mo onan faa mo, fe' yee i' wora feye onon. I wora feye onon nperɛ mo, owi obono Yesu Kirisito nyisigi mo laa lii gewi mo, fe laa gyi onon kee.

¹⁴ Nengyene asa me kya saale feye kyu lii ibono fe gye Kirisito asonbo so mo, fe gye daa amudensebo. I kya lee i kya nyiile yee Wurubuaare Oduduu obono o bo nyisigi mo te feye-asen do ne.

¹⁵ In sa i ba feye oko so yee o laa wu olaawuse mo, i' wora yee o mo daa isa, o yuuri, o toro nbara, abee o ten loo asa ilaa do.

¹⁶ Nengyene Yesu Kirisito onon mo so bere ne asa me kya yee fe' wu olaawuse mo, in sa i' wora feye ipeeli. Fe' faala Wurubuaare yee fe nye me kya kale feye wora Yesu Kirisito asonbo mo do.

¹⁷ Wurubuaare gi ti yii gese o kya biide asa giso. O yii gese lii aye abono a gye mo-biana gesintin mo so. To! Ibono Wurubuaare gi yii gese de aye faa mo, asa abono momo bere me kine yee me man wora mo-okalan konkonse mo ilaa mo, momo-lee mo de-e? Fe' bii yee momo-lee gisobiide bere gi laa tansi wora nyenyɛn.

¹⁸ I bo Wurubuaare agyebi mo do yee,
 "Nengyene i bo lon de asa abono me kya gyi gesintin sa Wurubuaare mo gbaa
 me' nye Wurubuaare amolege kyena mo ase mo,
 nne ne ilaa nyenyɛn aworabo abono men sele Wurubuaare mo
 me laa taale nye genen amolege abono?"

¹⁹ Nengyene Wurubuaare gelaare do ne fe kya wu olaawuse mo, fe' kyu feye-nyoro pewu too mo so de fe' kpe keda feye-ilaa dense giwora do. Wurubuaare obono o lee feye mo gye daa opaaworabo.

5

Abono Me Kya Gyangbara Sa Yesu Asonbo Mo

¹ Ide bere n kya laare n' tonge sa feye abono fe gye abelense fe gyangbara sa Yesu asonbo mo. Me kee n gye daa obelense n gyangbara sa Yesu asonbo fee feye. Ne wu Yesu Kirisito owi obono o kya wu olaawuse mo de me-ansi. Gekaabono Wurubuaare laa lee Yesu Kirisito baare nyisigi gewi nyiile mo, me kee n bo abono me laa nye mo-nyisigi mo do.

² N kya ka feye yee fe' kerε Wurubuaare ade abono o kyu wōra feye-abaa dō mō so dōdan fεε genōobono isandε okparebo denses kya kerε mō-isandε so mō. Fe' kerε mōmō so lii feye-asen dō. In sa i' wōra yee oko ne n kya nyise feye abee aterenbi so ne fe kya kerε mōmō so. Wurubuaare so mō, fe' yege i' wōra feye okon yee fe nye fe kya kerε mō Wurubuaare ade so.

³ In sa i' wōra yee fe kya gyi daa gewura omō mō. Fe' wōra asa abono me laa taale kase feye-akyenabi de i' kpaā mōmō mō.

⁴ Nengyene Yesu Kirisito obono o gye isandε akparebo obelense mō laa kii ba gesinkpan so mō, feye abono fe kya kerε mō-isandε so fεε genōobono ne tōge faa mō, fe laa nye nteela nbono gi bo nyisigi ne giŋ bo okara mō.

Adega

⁵ Feye abono fe gye adega mō kee fe' nu abono me gye abelense feye dō mō gedε. Feye abono pewu fe sōo Yesu gyi mō fe' bara feye-nyoro gese sa abara. I lii fεε i bo Wurubuaare agyebi dō yee,

“Wurubuaare kya tii asa abono me kya nyiile mōmō-nyoro mō okpa de meŋ sa me' nye mōmō-gelaare.

Abono me kya bara mōmō-nyoro gese mō bere,

Wurubuaare kya sa mōmō so gewōnsa dense.”

⁶ Imōso fe' bara feye-nyoro gese sa mō Wurubuaare obono o gye Gitōbele mō de o' nye kosore feye-gimu aberε abono i kaabore mō.

⁷ Fe' kyu feye-ilaa tirise pewu wōra mō-abaa dō. I lii fεε oŋ de feye gide.

⁸ Fe' yela feye-nwōnsa geten kolon de fe' bii feye-nyoro akedabi. I lii fεε feye-okyobo, ilaa nyenyen pewu gemu mō, naa o kya kingi fεε guuni obono akon a da mō ne o naa o kya laare obono o laa nye keda we mō.

⁹ Fe' yele feye-gikagyan gibono fe ka gyan Yesu so mō ken-ken de fe' kō de ilaa nyenyen pewu gemu mō. Fe' nyingi yee feye-nanboana abono me ka gyan Yesu so ne me bo me bo gesinkpan geten kamaase so mō kee me kya wu olaawuse obono onan fe kya wu faa.

¹⁰ Fe laa kpe wu olaa ηmaraa daa. Wurubuaare ne n gye gitolon pewu gemu, ne mō mō ne n tōge feye yee feye-re Kirisito ginyamese kolon mō so mō, fe' baa nye mō-nyisigi obono oŋ bo okara mō. Feye-olaawuse gemara mō, genen Wurubuaare kolon obono ne nan lōrō feye, o' sin feye, o' sa feye olon de ayaa yelese, de fe' nye taale ka gyan Yesu Kirisito so kpaā lii.

¹¹ Gewuragi ge' wōra mō-leε gekpaa-gekpaā. I' ba genen.

Afaala Tiikarase

¹² Aye-nanbo Siilase ne n kpaā me ne ne ηmarase feye genen owole teri baare. Genōobono n kya wu mō Yesu onon mō dō mō, n kya sōo mō gyi. Ne ηmarase feye daa de n' tōge keda feye-nyoro de n' tōge tigi feye yee Yesu ilaa ibono n kya nyiile mō i gye gesintin ilaa ibono Wurubuaare kya kyu mōlēge anyamese mō. Fe' keda imō dō ken-ken.

¹³ Yesu asonbo gikpen gibono gi bo Babilon osowole so mō me kya faala feye. Wurubuaare gi tōose feye-re omō lēε yee fe' lōrō feye-nyoro yela sa mō. Aye-nanbo Maako obono o wōra fεε me-bi mō kee kya faala feye.

¹⁴ Fe' kyu genyi-abi afaala faala abara. Feye abono pewu feye-re Yesu Kirisito fe wōra nyamese kolon mō, Wurubuaare gisen yuuli gi' wōra feye-lēε.

Piita Ɔwɔlɛ Nyɔsɛ

¹ Me Simon Piita ne n kya ɛmarase feye ɔwɔlɛ baare. N gye daa Yesu Kirisito gesun ɔwɔrabo, ne n' gye mɔ-ɔsɔɔ. N kya ɛmarase mi-i sa feye abono fe ka gyan Yesu Kirisito so ne feye-gikagyan mɔ gi wɔra ilaa gbaa' sa feye fɛɛ genɔɔbono i wɔra ilaa gbaa' sa aye kee mɔ. Yesu Kirisito gye daa aye-Wurubuaare de aye-ɔmɔlɛgebo. O gyi gesintin sa Wurubuaare daa ne fe nye ka gyan mɔ so faa.

² Genɔɔbono fe nye bii Wurubuaare mɔ-re aye-Wura Yesu faa mɔ, me' sa feye so gewɔnsa dense genen de me' sa feye gisen yuuli me kya bɔla.

Wurubuaare Kya Laare Feye-re Mɔ Fe' Wɔra Nyamese Kolon

³ Wurubuaare ɔlon so mɔ, a nye ilaa kamaase ibono i tiri aye de a' nye Wurubuaare ase gekyena ɔnan de a' taale wɔra mɔ-gisen dɔ ilaa. Ibono a nye bii Wurubuaare mɔ ne n bugi ɔkpa sa aye genen faa. Mɔ Wurubuaare kee ne n tɔge aye yɛɛ a' nye mɔ-nyisigyɛ de mɔ-ginyamese dense gibono ɔ bo mɔ.

⁴ Mɔ-nyisigyɛ de mɔ-ginyamese dense gidɛ so mɔ, ɔ ka ilaa gbaa'gbaa ibono i kya gyi ginsi mɔ yela sa aye. Kyu naa de genen ilaa ibono ɔ ka yela sa aye mɔ so mɔ, a laa nye wɔra fɛɛ mɔ-gidebi. I lii fɛɛ ilaa ibono ɔ ka yela mɔ i laa yege a' nye aye-nyoro lii ilaa nyenyɛn giwɔra dɔ. Anyamese ɔbolɛ gelaare ilaa ne n kya loori mɔmɔ ilaa nyenyɛn giwɔra dɔ.

⁵ Imɔso ibono fe sɔɔ Yesu gyi faa mɔ, fe' pɛere ansi wɔra idense bɔla feye-gisɔgyi mɔ so. Fe kya wɔra idense mɔ, fe' kase ɔlaako ginyi bɔla feye-ilaa dense giwɔra so.

⁶ Fe kya bii ɔlaako mɔ, fe' taale keda feye-nyoro. Fe taale fe de feye-nyoro mɔ, fe' kyu gisen keda feye-nyoro genen kpaɛ lii. Fe kya nye gisen genen mɔ, fe' kere de fe' sele Wurubuaare ilaa kamaase dɔ.

⁷ Fe kya sele Wurubuaare genen mɔ, fe' kyu genyi-abi akyenabi kyu kyena de abara. Fe te de abara genen mɔ, fe' laare Wurubuaare de nyamese kamaase ilaa.

⁸ Nengyene fe bo genen ilaa dense ideana feye-gekyena dɔ ne i kpe i kya nyaakɔ mɔ, genɔɔbono fe nye bii aye-Wura Yesu Kirisito faa mɔ, i man wɔra giyan. I laa yege fe laa wɔra asa abono fe bo agyan sa mɔ.

⁹ Fo ɔbono foɲ bo genen ilaa ideana fo-gekyena dɔ mɔ fo de fɛɛ gyaatanbo abɛɛ foɲ kya sa gewɔnsa kpe geta. Fo tan yɛɛ Wurubuaare gi kpaare fo-gekyena dedaa ilaa nyenyɛn fue sa fo.

¹⁰ Me-nanboana Yesu asonbo, Wurubuaare gi tɔsɛ feye lɛɛ ne ɔ tɔge feye yɛɛ fe' son mɔ faa mɔ, fe' kyu aniya wɔra ilaa ibono i laa lɛɛ nyiile yɛɛ ɔ wɔra genen sa feye gesintin. Fe kya wɔra genen mɔ, i man ba yɛɛ fe pale feye-gemara sa mɔ,

¹¹ ne gekaako mɔ aye-Wura de aye-ɔmɔlɛgebo Yesu Kirisito laa sɔɔ feye abaa anyɔ de fe' nye kpaɛ kyena mɔ-gewuragyɛ gebono geɲ bo ɔkara mɔ dɔ.

¹² Lii genen so mɔ, ne kyu too me-nyoro so yɛɛ nan kpe mi-i nyingi feye genen ilaa ideana pɛwu. I bo no yɛɛ fe ti fe nyi imɔ. Yesu gesintin ɔkalan ɔbono fe nu mɔ fe ti fe yeɛ mɔ so girin.

¹³ Ne wu yɛɛ owi ɔbono n san n te de ansi menɲ ti wu' faa, i kaabore n' kpe mi-i nyingi feye n kya tɔge mi-i wɔra feye de i' nye keda feye-nyoro.

14 I lii fɛɛ aye-Wura Yesu Kirisito gi lɛɛ nyiile me yɛɛ man̄ baa kɛɛla gesinkpan so. Nan kpɛ wu' lii fɛye dɔ ne.

15 Imɔso n kya pɛɛɛɛ ansi de nengyene nɛ wu' taa fɛye yɛɛɛ mɔ, fɛ taale nyingi genen ilaa ideana owi kamaase.

Aye Yesu Isɔɔ Mɔ Ilaa Tɔgɛɛ I Gye Gesintin

16 Aye Yesu isɔɔ mɔ a tɔgɛ fɛye yɛɛ aye-Wura Yesu Kirisito bo olon bele, ne ɔ laa kii ba gesinkpan so. A tɔgɛ fɛye genen mɔ, i mɛn̄ gye ɔlaako ginyi itarɛ ne a too sa fɛye. A tansi wu mɔ-nyisigi de aye-ansi.

17 Owi ɔbono ɔ bo aye ase gesinkpan so mɔ, aye-sɛ Wurubuaarɛ gi kyu nyisigi de buubuu sa mɔ. A nu Nyisigi Gɛmu mɔ gbaa-gbaa gi tɔgɛ lii mɔ so yɛɛ, "Me-gisen dɔ obi ne. Mɔ-ilaa i kya gyi me-ginsi."

18 Wurubuaarɛ gi tɔgɛ genen mɔ, aye-rɛ aye-Wura Yesu pɛwu ne n bo gibii giko so. Nno ne a nu Wurubuaarɛ gbaa-gbaa atɔngɛbi.

19 A nu genen mɔ, i lɔrɔ keda aye-nyoro yɛɛ ilaa ibono Wurubuaarɛ ikalan atɔgɛbo mɔ mɛ wolaa n̄marasɛ kyu lii Yesu so yela mɔ i tansi i gye gesintin. Imɔso i kaaborɛ fɛ' bugi fɛye-aso de fɛ' nu imɔ. I kya nyiile yɛɛ mɔmɔ-ilaa n̄marasɛ mɔ i laa yɛɛ fɛ laa bii ilaa ibono i gye gesintin mɔ fɛɛ gɛnɔɔbono fatela kya wu gibiri dɔ mɔ. A' nu genen ilaa n̄marasɛ ibono genen-n kpaafɔ gɛkaabono aye-Wura Yesu laa kii ba gesinkpan so mɔ. Yesu laa kii ba mɔ, ɔ laa yɛɛ a tansi bii gesintin ilaa fɛɛ gɛdɛ ne n kɛ aye abɛɛ gɛbaadiikɛ gigyɛkpɛbi ne n lii.

20 Ibono i tansi i tiri yɛɛ fɛ' nu gɛsɛ mɔ ne n gye yɛɛ ilaa ibono Wurubuaarɛ ikalan atɔgɛbo mɔ mɛ n̄marasɛ wɔra Wurubuaarɛ agyɛbi ɔwɔlɛ dɔ mɔ, nyamɛsɛ mɛn̄ bo nɔ ɔ laa taale nu imɔ gɛsɛ mɔ-gibaa so.

21 I lii fɛɛ in̄ gye mɔmɔ-gibaa so ne mɛ tɔgɛ Wurubuaarɛ ikalan mɔ ne mɛ n̄marasɛ yela. Wurubuaarɛ Oduduu mɔ ne n suu de mɔmɔ pɛi ne mɛ taale tɔgɛ ikalan ibono i lii Wurubuaarɛ ase mɔ.

2

Abonbo Mɛ Laa Saarɛ Fɛye Dɔ

1 Adedaabo abɛɛɛ mɔ i nyɛ asa ako mɛ kɛɛ abon yɛɛ Wurubuaarɛ ikalan ne mɛ kya tɔgɛ ma-a sa asa. Genen kɛɛ ne fɛye-abɛɛɛ adɛ dɔ mɔ i laa nyɛ asa ako mɛ laa koso kɛɛ abon yɛɛ Wurubuaarɛ gesintin ilaa ne mɛ kya nyiile fɛye. Genen abonbo abono mɛ laa tɔngɛ adawo so nyiile fɛye ilaa nyiilese ibono i kya nyida anyamɛsɛ gɛkyena mɔ. Yɛɛ Yesu gi wu' sa ɔmɔ. Mɔ ne n gye wura ɔbono ɔ sɔɔ mɔmɔ ka giko de mɛ' nyɛ kyena sa mɔ. Imɔ-rɛ imɔ gbaa mɔ, mɛ laa kine mɔ. Imɔso mɔmɔ gbaa-gbaa mɛ kya laarɛ lɛwu poroko ma-a sa mɔmɔ-nyoro ne.

2 Abonbo mɔ mɛ laa wɔra ilaa kpan. Fɛye dɔ sakyɔ fɛ laa buu mɔmɔ-gitan. Asa banban mɛ wu genen mɔ, i laa yɛɛ mɛ laa tɔgɛ ilaa nyenyɛn kyu lii Yesu-lɛɛ gesintin ɔkpa mɔ so.

3 Genen abonbo adɛ mɛ bo onsipara nyenyɛn. Mɛ kya laarɛ mɛ' nyɛ fɛye gyi so mɔ, mɛ laa lɛɛ ilaa nyiilese lii mɔmɔ gbaa-gbaa amu dɔ kyu nyiile fɛye. Lii ko-o dedaa mɔ, Wurubuaarɛ gi ti wolaa bun mɔmɔ gipuwɛ. Mɔmɔ-gisobiidɛ gi dɛ gi gyoo mɔmɔ.

Asa Nyenyɛn Mɛ Laa Sii De Gisobiidɛ Kaaborɛ Mɔmɔ-Nbɛlɛ Gɛkɛ Mɔ

4 A laa taale bii yɛɛ Wurubuaarɛ laa ka ilaa nyenyɛn giwɔra giko gesintin. I lii fɛɛ Wurubuaarɛ dɔ isɔɔ ibono mɛ wɔra ilaa nyenyɛn mɔ, Wurubuaarɛ mɛn̄ yɛɛ kyɛɛ mɔmɔ. O tii mɔmɔ wɔra ibɔ ibono i bo gibiri gɛkpa mɔ dɔ yɛɛ mɛ' dɛ nno gyoo gɛkaabono ɔ laa gyi mɔmɔ-nbɛlɛ mɔ.

⁵ Dedaa mɔ genen kee ne Wurubuaare men yegɛ kyɛ gesinkpan so asa abono mɛ men sele mɔ mɔ. Ɔ yegɛ nkyu gi gyi mɔmɔ pewu. Pɛi de nkyu gi' loɔ gyi mɔmɔ genen mɔ, Nowa bere naa ɔ kya nyiile asa yɛɛ mɛ' wɔra ilaa ibono i boran sa Wurubuaare. Ne Wurubuaare gi mɔlegɛ mɔ-rɛ asa sono ako, ne nkyu mɔ giŋ gyi mɔmɔ.

⁶ Genen kee ne Wurubuaare men yegɛ kyɛ Sodom de Gomora isowolɛ so asa. I lii fɛɛ mɛ men sele mɔ. Ɔ tɔgɛ yɛɛ ɔ laa boori ɔmɔ-isowolɛ ka giko. Gesintin mɔ, ɔ yegɛ ɔgya gi dɛɛ isowolɛ mɔ imɔ-rɛ imɔ-asa bingiri nɔɔ, ne i wɔra sinkaala sa asa abono mɛ man sele mɔ mɔ.

⁷ Owi ɔbono Wurubuaare men ti taa dɛɛ genen isowolɛ ibono mɔ, ɔnyen ɔko tɛ nno. Mɛ kya tɛrɛ mɔ yɛɛ Lotɛ. Lotɛ gye gesintin wura. O wu genɔɔbono isowolɛ mɔ so awura amu a wu' ne mɛ san mɛ kya wɔra ilaa kpan mɔ, mɔ-gisen dɔ i nyida mɔ.

⁸ Gɛkɛ kamaase mɔ, ɔ kya wu de mɔ-ansi ne ɔ kya nu de mɔ-aso yɛɛ men kya ka Wurubuaare nbara mɔ genɔ. Mɔ bere kya laare ilaa ibono i boran sa Wurubuaare so mɔ, mɔ-gisen dɔ i kpe i kya dɛɛ mɔ daa kyu lii genen ilaa ibonoana so.

⁹ Imɔso fɛ' bii yɛɛ Wura Wurubuaare nyi genɔɔbono ɔ laa wɔra de ɔ' lɛɛ anyamese abono mɛ sele mɔ mɔ lii ilaa nyenyɛn idoo dɔ. O nyi genɔɔbono kee ɔ laa yegɛ ilaa nyenyɛn awɔrabo mɔ mɛ laa sii de gisobiide kpaa fo gɛkɛ gebono ɔ laa gyi anyamese nbele mɔ.

¹⁰ Asa abono Wurubuaare laa tansi biide giso mɔ ne n gye abono mɛ kya son mɔmɔ-ɔbole gelaare ilaa ibono i kya kyu ineesi bun mɔmɔ-nyoro ne men kya kyu nyamese kamaase ɔbono ɔ kya gyi gebelɛnɛ mɔ tɛrɛ sei mɔ.

Genen ne n gye abono abono a dare yɛɛ mɔmɔ-ilaa nyiileɛ i kya nyida anyamese gɛkyena mɔ. Mɛ bo ansiɔlon ne mɛ kya nyiile mɔmɔ-nyoro yɛɛ mɔmɔ ne n bo no. Mɛ kya taale saale ilaa ibono i kya nye ɔlon anyamese so mɔ ne in kya taa ŋmaa mɔmɔ-gisen.

¹¹ Wurubuaare dɔ isɔɔ gbaa men kya wɔra fɛɛ mɔmɔ-lɛɛ idɛ. Yegɛ mɔmɔ-ɔlon de mɔmɔ-oduuu ɔbono mɛ bo mɔ gi don abonbo adɛ-lɛɛ mɔ gbaa bun. Imɔ genen gbaa mɔ, nengyene ilaa ibono i kya nye ɔlon anyamese so mɔ i kya wɔra ilaa nyenyɛn ne Wurubuaare dɔ isɔɔ mɔ mɛ laa kpaa buu imɔ sa Wura Wurubuaare mɔ, men kya kpaa saale mɔmɔ sa Wurubuaare.

¹² Genen abonbo adɛ mɛ dɛ daa fɛɛ nfeɔɔbue; men kya sa nwɔnsa pɛi de mɛ' loɔ wɔra ilaa. Ilaa ibono mɛ men nyi imɔ dɔ mɔ, asebi ne mɔmɔ bere mɛ kya kyu loo imɔ dɔ. Mɛ laa nye imɔ so lewu fɛɛ genɔɔbono i dɛ sa nbue nko yɛɛ gyanbue ɔ' pɛɛde nno mɔ mɔ.

¹³ Ilaa nyenyɛn ibono mɛ wɔra mɔ mɛ laa nye imɔ so gikɔka. Mɔmɔ-ilaa laareɛ ne n gye nta ginun de ɔkon gigyi. Mɛ san mɛ kya laare mɛ' wɔra daa imɔ toloowi kalaadɛ. Mɛ kya wɔra fɛye ipeeli ne mɛ kya nyida ilaa sa fɛye fɛɛ genɔɔbono ilaa kpɛnsɛ i kya yii gegbe mɔ. Mɛ kya wɔra abaa gyi de fɛye mɔ, i kya wɔra mɔmɔ ɔkon yɛɛ mɛ kya nye fɛye mɛ kya penɛ.

¹⁴ Asa mɔmɔ-kaana gilaare ne n kpe i gyan mɔmɔ-ansi so, ne ilaa nyenyɛn giwɔra in kya fii mɔmɔ gɛkaako kpa-a. Mɛ kya penɛ asa abono men ti nye yele Yesu gesintin ɔkalan mɔ so girin mɔ yɛɛ mɛ' kase daa mɔmɔ abonbo ilaa wɔrase mɔ. Onsipara nyenyɛn gi den mɔmɔ. Mɔmɔ bere, Wurubuaare gi tɔgɛ nno wɔra mɔmɔ.

¹⁵⁻¹⁶ Mɛ taa gesintin ɔkpa mɔ yegɛ, ne mɛ naa kpe mɛ kya wɔra ilaa nyenyɛn fɛɛ ibono Baalam, Beeyɔ mɔ-bi mɔ gi wɔra mɔ. Nkana Baalam baare kya tɔgɛ Wurubuaare ikalan, ne ɔ baa fue Wurubuaare ɔkpa. Mɔ-gelaare ne n gye yɛɛ ɔ' wɔra ilaa nyenyɛn de asa mɛ' ka mɔ imɔ so

giko. Gεke gεde ɔ koso de ɔ' kpaawɔra genen ilaa nyenyen ibono, ne Wurubuaare gi gya mɔ. ɔ yεge bee, gbaa, gi bugi genɔ tɔnge sa mɔ fεe nyamese de ɔ' nyε taa ilaa kpan ibono nkana ɔ kya laare ɔ' kpaawɔra mɔ yεge.

¹⁷ Abonbo ade mε kya lεe asa tanga fεε nkolobii nbono gi kya ηaa gibelee mɔ, abεε nyangbon ne n sin ɔ kya laare ɔ' baa da ne ɔ kya koso mɔ. Wurubuaare gi kyu nfono i tansi i bo gibiri gεkpaamɔ yela sa ɔmɔ yεe nno ne mε laa kpe mɔmɔ-lεwu gemara.

¹⁸ Agyebi boduduuse abono a kya lii mɔmɔ-nno dɔ mɔ a don mɔmɔ ne aη kya kpaanyamese de sei. Fεε asa ako mε kya laare mε' taa abon ɔson mɔ yεge mɔ, genen abonbo ade mε kya kyu ilaayan nwɔnsa kii baa pene mɔmɔ. Genen nwɔnsa nbono gi kya lii daa aye anyamese-lεe ɔbole gelaare ilaa ase.

¹⁹ Abonbo mɔ mε kya tɔge wɔra asa mɔ yεe, “Nengyene fε nu aye ase mɔ, i laa wɔra fεe fε tε fεye-gibaa so ne. Fε mεη tε sa ɔko.” Abonbo abono mε kya tɔge ilaa ide pewu faa, mɔmɔ mɔ ne n gye nbide sa ilaa nyenyen giwɔra ibono i kya nyida nyamese mɔ. I lii fεε ilaa nyenyen giwɔra i gyi mɔmɔ-amu. Fo ɔbono ilaa iko i gyi fo-gimu ne foη baa taale taa imɔ giwɔra yεge mɔ, fo bingiri gebide sa genen ilaa ibono ne.

²⁰ Nkana abonbo ade mε ti nyε mɔmɔ-nyoro lii Wurubuaare ilaa kyose ibono asa mε naa ma-a wɔra gesinkpan gεde so mɔ dɔ. Mε ti bii aye-Wura de aye-ɔmɔlεgebo Yesu Kiriſito. Imɔ gemara mɔ, mε kii kpaaloo genen ilaa nyenyen ibono dɔ, ne i kya kii nyε ɔlon mɔmɔ so. I ba genen mɔ, i kya lɔrɔ wɔra nyenyen sa mɔmɔ don gigyangbarase mɔ.

²¹ Ne fεε mε mεη ti bii genɔɔbono nyamese kya nyε mɔ-gisen dɔ i' wɔra ɔdan sa Wurubuaare kere daa mɔ, nkana i bo. Ide faa mɔ, Yesu isɔɔ mɔ mε ti yεge mε nu nbara nbono Wurubuaare gbaa-gbaa gi yela sa anyamese mɔ. Ibono mε taa nno yεge faa mɔ, i laa tansi wɔra mɔmɔ nyenyen.

²² Mɔmɔ-ilaa wɔrase i kyena de akpale ade.

“Gyoono gi kpalege yela naa kyon,
ne ɔ kii baa puru mɔ-akpalegetɔ mɔ gyi.”

Ne

“Kuuri, mɔ, fo ne n kine fo gyere mɔ lɔrɔ nne,
gipateε dɔ ne ɔ laa kii kpaawɔra de fɔgedε.”

3

Wura Yesu Laa Kii Ba Gesinkpan So

¹ Me-nanboana laarese, ɔwole baare ne n gye me-ɔwole nyɔse ɔbono n kya ηmarase mi-i bunge fεye. Imɔ inyɔ dɔ mɔ, n kya nyingi fεye daa ilaa ibono fε ti wolaa nu mɔ. N kya tɔge mi-i wɔra fεye de fεye-gewɔnsa ge' nyε gyan gesintin ilaa ide so.

² N kya laare fε' nyingi ilaa ibonoana Wurubuaare ikalan atɔgebo mɔ mε wolaa tɔge yela mɔ. Wurubuaare ne n lɔrɔ ɔmɔ yela sa mɔ-gesun. Fε' nyingi aye-ɔmɔlεgebo de aye-Wura Yesu nbara nbono ɔ yela ne mɔ-isɔɔ mɔ mε lεε tɔge sa fεye mɔ.

³ Ilaa ibono i gyangbara mɔ, fε' bii yεe owi ɔbono gese gere i kya laare i' yela ɔkara mɔ, i laa baa nyε asa ako mε laa koso mε kya ηmase fεye. Genen asa abono mε laa kpe mε kya nu daa de mɔmɔ wole-lεe ɔbole gelaare.

⁴ Genɔɔbono so mε laa kyu ηmase fεye mɔ ne n gye yεe mε laa taase fεye yεe, “Fεye-Wura Yesu gi ka yela sa fεye yεe ɔ laa kii ba gesinkpan so mɔ, ɔ bo fone dɔ daa? Owi ɔbono ɔ ka sa fεye genen mɔ, aye-seana mε san

mε yii ayaa. Lii ko-o ibono Wurubuaare gi lεε soso de gεsε baa lii de ndε faa, genoo bono ilaa kamaase i kpe i dε mɔ, genen ne i kpe san i dε faa.”

⁵ Mε kya nmase feye genen mɔ, mε kya kere ansi daa yεε mε mεn nyi yεε dedaa mɔ Wurubuaare genɔ dɔ gigyebi ne o kyu lεε soso de gεsε. Mε mεn nyi kee yεε Wurubuaare gi lεε gesinkpan mɔ, ɔ lεε gemɔ lii daa nkyu dɔ, ne kyu lii nkyu so kee ne gesinkpan gε bo no faa.

⁶ Owi ɔko dɔ mɔ, kyu naa de Wurubuaare genɔ dɔ gigyebi kee so mɔ, ɔ yεge nkyu gi gyi gesinkpan ne i nyida gemɔ pεwu.

⁷ Kyu naa de Wurubuaare genɔ dɔ gigyebi mɔ kee so ne Wurubuaare gi kyu soso de gεsε yela gyoo yεε ɔgya ne ɔ laa san kyu baa nyida imɔ mɔ. Genen gεkaabono ne ɔ laa gyi anyamese nbele de o' bun asa abono mεn sele mɔ mɔ gipue de ɔ' mɔɔ mɔmɔ gεkpa.

⁸ Me-nanboana laarese, ibono fe te fe gyoo Yesu gikiiba faa mɔ, fεn sa fe' tan yεε Wura Wurubuaare ase mɔ, gεke kolon gε de fεε nsi nwe gudu, ne nsi nwe gudu mɔ gi de fεε gεke kolon.

⁹ Ako me kya tɔge yεε Wurubuaare de mɔ-ilaa ɔ kya kpui gese, nkana ɔfaanan ɔ ti yεge Yesu Kirisito gi kii ba gesinkpan so fεε genoo bono ɔ ka yela mɔ. Inj gye yεε Wurubuaare de mɔ-ilaa ɔ kya kpui gese. ɔ bo gisen sa anyamese daa. ɔn kya laare fεε ɔko ɔ' fue mɔ-lewu gemara. ɔ kya laare yεε nyamese kamaase ɔ' nye nu mɔ-nyoro gese yεε ɔ gye ilaa nyenyen ɔwɔrabo de ɔ' taa imɔ giwɔra yεge.

¹⁰ Gεkaabono Wura Yesu laa kii ba gesinkpan so mɔ, genen gεke mɔ ge laa fue asa ayaa fεε oyu. Gεkaabono mɔ, Wurubuaare laa yεge ɔgya laa yelege ilaa ibono o kyu pɔrɔ soso de gεsε mɔ nyida de ilaa kamaase ibono i bo gesinkpan so mɔ de gesinkpan mɔ gbaa-gbaa gε' dεε nonii. Soso de gεsε i laa yela ɔkara genen gεkaabono. Aberε abono soso i kya yela ɔkara genen mɔ, i laa wɔra ɔlanba.

Imɔso Fe' Kyena Gisen Fufuli Awura Akyenabi

¹¹ Ibono ɔgya laa baa nyida ilaa kamaase fafaanan faa mɔ, menεto anyamese gidebi ne i kaabore fe' wɔra? I kaabore feye-gεkyena dɔ ilaa pεwu dɔ mɔ, fe' lɔrɔ feye-nyoro yela sa Wurubuaare de fe' sele mɔ.

¹² Fe' kyu feye-gewonsa gyan' gεke gεbono Wurubuaare laa yεge Wura Yesu o' kii ba gesinkpan so mɔ so de fe' wɔra ilaa ibono i laa yεge ne genen gεke mɔ ge laa ba kusaa mɔ. Genen gεke gεbono mɔ, soso i laa dεε nyida. ɔgya mɔ awulewule a laa yεge ilaa ibono Wurubuaare gi kyu pɔrɔ soso de gεsε mɔ kee i' yelege.

¹³ Imɔ genen gbaa mɔ, Wurubuaare gi ka yela yεε ɔ laa kii lεε soso de gεsε pobɔrɔ, ne aye-ansi a gyan' imɔ so genen. Gesintin so-o ne mε laa gyi nno.

¹⁴ Imɔso me-nanboana laarese, fεye-ansi a gyan' soso de gεsε pobɔrɔ mɔ so faa mɔ, fe' tεse nyanga ansi de o' wu yεε fe te de abara de gisen yuuli. Fe' yεge fεye-asen a fuuli de ɔn sa o' wu ilaa nyenyen iko fεye-nyoro so tɔge.

¹⁵ Yesu mεn ti kii ba gesinkpan so faa mɔ, fe' bii yεε aye-Wura Wurubuaare kya nye gisen sa asa daa de mε' nye de ɔ' mɔlege mɔmɔ de mɔmɔ-rε mɔ nsana i' nye lɔrɔ pεi de Yesu ɔ' lɔɔ ba. Aye-nanbo laarese Pɔɔlo kee gi ti wolaa nmarase imɔ sa fεye. Wurubuaare ne n sa mɔ ɔlaako ginyi ne ɔ nmarase genen.

¹⁶ Pɔɔlo ɔwole kamaase ɔbono ɔ laa nmarase ne ɔ laa tɔge kyu lii Yesu gimaakiiba belen mɔ so mɔ, genen ne ɔ kya nmarase ne. Mɔ-iwole dɔ mɔ i bo ilaa ikoana ibono i kya wɔra ɔsen de fe' nu imɔ gese kusaa. Asa

abono men̄ kase ilaa ne men̄ yele ilaa kolon so mɔ me kya keda Pɔɔlo iwole nten nko kyeege. Genen ne me kya keda Wurubuaare agyebi sense kee kyeege ne. Me kya wɔra imɔ ide genen pewu faa mɔ, me kya laare me' fue mɔmɔ-lewu gemara ne.

Agyebi Tiikarase

¹⁷ Me-nanboana laarese, feye bere, fe ti wolaa fe nyi imɔ ide. Imɔso fe' kerɛ feye-nyoro so doɔdan de fe men̄ sa fe' yege asa abono men̄ kya gyi Wurubuaare nbara so mɔ me' nye feye penɛ de i' yege fe' tɔɔ Wurubuaare ɔson mɔ do.

¹⁸ Feye bere, fe' kpe fe kerɛ aye-Wura de aye-Ɔmɔlegɛbo Yesu Kirisito ansi do yeɛ ɔ laa kpaɛ feye. Fe ti nye bii mɔ feye-asen do faa mɔ, fe' kpe fe kya bii mɔ genen fe kya too.

Nyisigyɛ ɔ' wɔra mɔ-leɛ abere ade do kpaɛ lii abere abono an̄ bo ɔkara mɔ. [I' ba genen.]

Gyɔn Ɔwɔlɛ Gyangbarasɛ

Kirisito Ɔbono A Wu De Ansi Mɔ

¹ Kirisito Ɔbono ɔ wolaa ɔ bo no lii ko-o gɛsɛ de gɛsɛ mɔ, mɔ Ɔbono a nu mɔ-ilaa tɔgɛsɛ ne a wu mɔ de aye-ansi, ne a kere mɔ dandan ne a nye mɔ yii mɔ, mɔ-ilaa ne a kya baa a' baa tɔgɛ faa. Mɔ ne n gye gigyɛbi gibono gi kya sa Wurubuaarɛ asɛ gɛkyena ɔnan mɔ.

² Genen Wurubuaarɛ asɛ gɛkyena gɛdɛ gɛ lii gɛwi gɛsinkpan so. A wu mɔ de ansi. Mɔ-ilaa ibono a wu mɔ ne a kya buu a kya sa fɛyɛ faa. Mɔ gbaa-gbaa ne n gye Wurubuaarɛ asɛ gɛkyena gɛkpaa mɔ. Nkana ɔ bo mɔ-sɛ Wurubuaarɛ asɛ ne Wurubuaarɛ gi san lɛɛ mɔ-gɛwi nyiile aye gɛsinkpan so. Mɔ-ilaa ne a kya lɛɛ a kya tɔgɛ faa.

³ Imɔso ilaa ibono a wu ne a nu genen mɔ, imɔ ne a kya tɔgɛ a kya sa fɛyɛ de aye-rɛ fɛyɛ kee a' nye wɔra nyamesɛ kolon. Aye berɛ aye-rɛ Wurubuaarɛ de mɔ-bi Yesu Kirisito a ti wɔra nyamesɛ kolon.

⁴ A kya nmarasɛ imɔ idɛ a kya sa fɛyɛ de aye-rɛ fɛyɛ pɛwu a' nye gyi ɔkon dabɔlɛ kpaa logɛ.

Ɔkalan Ɔbono Kirisito Gi Sa Aye Mɔ

⁵ Ɔkalan Ɔbono a nu lii Kirisito asɛ ne a kya lɛɛ tɔgɛ sa fɛyɛ mɔ ne n gye yɛɛ Wurubuaarɛ gye fatela; gibiri gin bo mɔ dɔ ba-a pii faa.

⁶ Nengyene a tɔgɛ yɛɛ aye-rɛ Wurubuaarɛ a gye nyamesɛ kolon yɛgɛ a naa daa ilaa nyenyɛn ibono i gye gibiri dɔ mɔ, a kya kɛɛ abon daa. Aye-gɛkyena dɔ mɔ, a mɛn naa gɛsintin ɔkpa mɔ so ne.

⁷ Nengyene a buu fatela mɔ aye-gɛkyena dɔ fɛɛ gɛnɔɔbono Wurubuaarɛ bo fatela dɔ mɔ, aye-rɛ aye-nanboana Yesu asonbo mɔ a laa wɔra nyamesɛ kolon, ne Yesu, Wurubuaarɛ mɔ-bi mɔ nkalan mɔ gi laa kpɛ gi kya kpaarɛ aye-ilaa nyenyɛn pɛwu lii aye so.

⁸ Nengyene a tɔgɛ yɛɛ a mɛn bo ilaa nyenyɛn iko mɔ, a kya pɛnɛ aye-nyoro daa. Gɛsintin gɛn bo aye dɔ ne.

⁹ Nengyene a lɛɛ aye-ilaa nyenyɛn ibono a wɔra mɔ tɔgɛ sa mɔ mɔ, Wurubuaarɛ gye ɔpaawɔrabo ne ɔ bo gɛsintin so mɔ, ɔ laa kyu aye-ilaa nyenyɛn kyɛɛ aye de ɔ' kpaarɛ aye-asɛn dɔ de ilaa kamaasɛ ibono in boran sa mɔ mɔ i' lii aye dɔ.

¹⁰ Nengyene a tɔgɛ yɛɛ a mɛn wɔra ilaa nyenyɛn iko mɔ, a kya laarɛ a' ten Wurubuaarɛ gɛnɔ ne. Mɔ-agyɛbi mɔ an bo aye-asɛn dɔ.

2

A Nyi Wurubuaarɛ?

¹ Me-biana, n kya nmarasɛ genen ilaa idɛ mi-i sa fɛyɛ de i' kpaa fɛyɛ de fɛn sa fɛ' wɔra ilaa nyenyɛn. Nengyene fɛɛ fɛyɛ dɔ ɔko gi taa wɔra ilaa nyenyɛn iko mɔ, fɛ' bii yɛɛ a bo Ɔbono ɔ yɛlɛ aye-giyaa dɔ mɔ-sɛ Wurubuaarɛ asɛ ɔ kya de gisɛrɛ. Mɔ ne n gye Yesu Kirisito, Gɛsintin Wura mɔ.

² A wɔra ilaa nyenyɛn mɔ, mɔ ne n kyu mɔ-nyoro pataa Wurubuaarɛ sa aye. Ne in gye aye-wɔlɛ gbaa, aye-rɛ gɛsinkpan so anyamesɛ pɛwu.

³ Ilaa ibono i laa yɛgɛ a' nye bii aye-asɛn dɔ yɛɛ a nyi Wurubuaarɛ mɔ ne n gye yɛɛ, "A kya gyi Wurubuaarɛ nbara so?"

⁴ Nyamese obono ɔ kya tɔge yee, “N nyi Wurubuaare, n nyi Wurubuaare” yee ɔ men kya gyi Wurubuaare nbara so mɔ, genen kaase obono gye daa obonbo. Gesintin gen bo mɔ ase.

⁵ Obono ɔ kya gyi Wurubuaare nbara so mɔ bere, genen kaase obono kya laare Wurubuaare ilaa gesintin lii mɔ-gisen dɔ kpaɔ lii. Nan tɔge feye ilaa ibono i laa yee a' nye bii aye-asen dɔ yee aye-re Wurubuaare a kya loo mɔ.

⁶ Imɔ ne n gye yee nyamese obono ɔ kya tɔge yee ɔ naa de Wurubuaare mɔ, i kaabore mɔ-anaabi a' wɔra daa fee Yesu-lee onan.

Laare Fo-Nanbo Kirisito Sonbo Ilaa

⁷ Me-nanboana laarese, in gye nbara pobɔɔ ne n' kya nmarase mi-i sa feye. Nbara mɔ gi gye daa ndedaa nbono fe ti wolaa fe de nmɔ lii giyigese. Nmɔ ne n gye Yesu agyebi abono fe ti nu amɔ so mɔ.

⁸ Okpa oko so bere mɔ, nbara nbono n kya nmarase faa gi gye daa npobɔɔ. Kyu lii Kirisito so de feye kee so mɔ, gi gye daa nbara npobɔɔ gesintin. I kya nyiile yee gibiri mɔ gi ti gi kya kyon ne gesintin fatela mɔ ti ɔ kya wu.

⁹ Nyamese obono ɔ kya tɔge yee ɔ bo Wurubuaare fatela mɔ dɔ, yee ɔ kya kyo mɔ-nanbo Kirisito sonbo mɔ, genen kaase obono san ɔ bo ilaa nyenyen gibiri mɔ dɔ ne.

¹⁰ Nyamese obono ɔ kya laare mɔ-nanbo Kirisito sonbo ilaa mɔ kya kyena daa Wurubuaare fatela mɔ dɔ, ne in bo sei fatela mɔ dɔ ibono i laa yee de o' sidi.

¹¹ Obono mɔ, ɔ kya kyo mɔ-nanbo Kirisito sonbo mɔ bere, bo daa ilaa nyenyen gibiri dɔ. ɔ wɔra fee obono ɔ naa gibiri dɔ mɔ, ɔ men nyi nfono ɔ kya kpe. Mɔ-gekyyo ge yee ɔ wɔra fee gyaatanbo.

N Kya Nmarase Mi-i Sa Feye Abono Fe Gye Kirisito-lee Mɔ

¹² Me-biana, n kya nmarase mi-i sa feye
yee kyu lii Kirisito so mɔ
Wurubuaare gi kyu feye-ilaɔ nyenyen kyee feye.

¹³ Me-seana, n kya nmarase mi-i sa feye
yee fe nyi Kirisito
obono ɔ wolaa ɔ bo no lii ko-o gese de gese mɔ.

Adega, n kya nmarase mi-i sa feye
yee fe nye olon Obonsan, nyamese nyenyen mɔ so.
Me-biana, n kya nmarase feye owole baare, n kya tɔge feye
yee fe nyi aye-se Wurubuaare.

¹⁴ Me-seana, n kya nmarase feye owole baare n kya tɔge feye
yee fe nyi Kirisito obono ɔ bo no lii ko-o gese de gese mɔ.

Adega, n kya nmarase feye owole baare n kya tɔge feye
yee fe bo olon, Wurubuaare agyebi mɔ a te feye-asen dɔ,
ne fe nye olon Obonsan, nyamese nyenyen mɔ so.

Men Kya Son Awura Anyɔ

¹⁵ Imɔso fe naa gesinkpan gede so faa, fe men sa fe' yee gerɛnaa asa abono men kya ka Wurubuaare genɔ mɔ mɔmɔ-gekyyena onan abee mɔmɔ-ilaɔ wɔrase i' da feye obole. Nengyene mɔmɔ-ilaɔ wɔrase i kya da fo oko obole mɔ, fonj bo gelaare' sa Wurubuaare lii fo-gisen dɔ ne.

¹⁶ I kya nyiile yee mɔmɔ-nwɔnsa dɔ ilaa i men lii Wurubuaare ase. Me kya nu de mɔmɔ-obole gelaare ilaa, me kya diile gesinkpan so ilaa ne i

kya gyi mɔmɔ-amu, ne me kya nyiile mɔmɔ-nyoro kyu lii ilaa ibono me bo abe ilaa ibono me kya wɔra mɔ so. Genen nwonso nde onan pewu gi men lii Wurubuaare ase. Gi lii daa gesinkpan gerena gekeyena gebono asa me te ne men kya ka Wurubuaare geno mɔ ase.

¹⁷ Gesinkpan gede so gekeyena de geno so ilaa ibono i kya gyi asa amu mɔ i kya laare i' yela okara. Obono o kya wɔra Wurubuaare gelaare mɔ bere, laa kyena Wurubuaare ase gekpa-gekpa.

Genoobono Kirisito Ade Me Kya Bii Kirisito Akyobo

¹⁸ Me-biana, aye-gesinkpan so gekeyena nke laalaaloge mɔ gi fo. Fee genoobono fe wolaa nu yee nke laalaaloge mɔ do mɔ, Kirisito okyobo mɔ laa ba mɔ, ide kon, Kirisito akyobo me nyaakyo. Imoso ne a nye bii yee nke laalaaloge mɔ gi fo mɔ.

¹⁹ Kirisito akyobo ade me lii aye do. Men gye aye do. Nengyene fee me gye aye do mɔ, nkana ofaanan me san me bo aye do baa lii de nde. Me lii aye do genen daa de i' nye lee gewi nyiile tentegelen yee mɔmɔ pewu me men gye aye do.

²⁰ Feye bere, Kirisito obono mɔ-nkon ne n lii Wurubuaare ase mɔ gi yeye Wurubuaare Oduduu mɔ gi suu de feye de fe' wɔra mɔ-asunbo. Feye pewu fe nyi genen ilaa ide.

²¹ N kya nmarase feye genen owole baare faa, i men gye yee fe men nyi gesintin mɔ so. Fe nyi. Fe nyi kee yee in bo abon ako yee amɔ bere, a lii daa gesintin mɔ ase.

²² Ane mɔ ne n gye obonbo mɔ? Genen mɔ, obono o kya kine yee in gye Yesu ne n gye obono Wurubuaare gi sun lii Wurubuaare do yee o' baa mɔlege anyame mɔ, genen kaase obono ne n gye obonbo mɔ. Mɔ ne n gye Kirisito okyobo mɔ. Mɔ kee ne n gye obono o kya kine Wurubuaare mɔ-re mɔ-bi Yesu pewu mɔ.

²³ Okamaase obono o kya kine yee Yesu men gye Wurubuaare mɔ-bi mɔ man taale tere Wurubuaare yee mɔ-se. Obono mɔ o kya lee tɔge sansana yee o kya soo Yesu, Wurubuaare mɔ-bi mɔ gyi mɔ bere, o laa taale tere Wurubuaare yee mɔ-se.

Fe' Kyena Kirisito Do Genen

²⁴ Fe' yeye ilaa ibono fe wolaa nu lii gese de gese mɔ i' kyena feye do. Nengyene ilaa ibono fe wolaa nu mɔ i te feye do mɔ, feye kee fe laa kyena Wurubuaare mɔ-bi mɔ do de Wurubuaare gbaa-gbaa do.

²⁵ Ilaa ibono Yesu Kirisito gi ka yela sa aye abono a kya soo mɔ gyi genen mɔ ne n gye yee o laa yeye de a' nye Wurubuaare ase gekeyena onan gekpa.

²⁶ Asa abono me kya laare me' pene feye mɔ so ne n' kya nmarase imo ide n kya sa feye faa.

²⁷ Feye bere, Kirisito gi yeye Wurubuaare Oduduu mɔ gi suu de feye, ne o san o bo feye do. Imoso i men baa i tiri yee oko ne o' baa nyiile feye ilaa ide. Wurubuaare Oduduu obono o suu de feye mɔ wolaa o kya nyiile feye ilaa kamaase. Ilaa ibono o kya nyiile feye genen mɔ i gye daa gesintin. I men gye abon. Imoso fe' kyena Kirisito do fee genoobono Wurubuaare Oduduu mɔ gi nyiile feye mɔ.

²⁸ Me-biana, fe' kyena Kirisito do. Nengyene o kii ba mɔ de a' nye da gikan yele mɔ-ansi do de a men sa a' sele ipeeli.

Abono Me Gye Wurubuaare Mɔ-Biana Gesintin Mɔ Ilaa

²⁹ Fɛ nyɛ bii yɛɛ Wurubuaarɛ gyɛ gesintin wura mɔ, i kaaborɛ fɛ' bii kee yɛɛ ɔkamaasɛ ɔbono ɔ kya gyi gesintin mɔ, i lɔrɔ korogɛ mɔ lii Wurubuaarɛ asɛ ne.

3

¹ Fɛ' kerɛ genɔɔbono Wurubuaarɛ kya laarɛ aye abono a kya ka gyan Yesu so mɔ ilaa mɔ! Imɔ ne n gyɛ yɛɛ ɔ kya terɛ aye yɛɛ mɔ-biana. Ne genen asa ne a san a gyɛ. Asa abono mɛ mɛn kya ka Wurubuaarɛ genɔ mɔ berɛ, mɛ mɛn kya wu aye bii genen. Mɛn nyi Wurubuaarɛ so daa ne i dɛ mɔmɔ genen.

² Me-nanboana laarɛsɛ, idɛ kon a bingiri Wurubuaarɛ mɔ-biana ne. Anyamɛsɛ abono ɔnan a laa baa wɔra gɛkaako mɔ berɛ Wurubuaarɛ mɛn ti taa lɛɛ imɔ-gewi. A nyi daa yɛɛ Yesu Kirisito gi kii ba mɔ, a laa wɔra fɛɛ mɔ-ɔnan. I kya nyiile yɛɛ a laa wu genɔɔbono ɔ dɛ mɔ de aye-ansi.

³ Nyamɛsɛ kamaasɛ ɔbono mɔ-gewɔnsa gɛ gyan Kirisito so yɛɛ ɔ laa wu mɔ de ansi mɔ kya lɔrɔ mɔ-gisen dɔ de i' fuuli fɛɛ genɔɔbono Kirisito gisen dɔ i fuuli mɔ.

Ilaa Ibono So Asa Mɛ Kya Wɔra Ilaa Nyenyɛn Mɔ

⁴ ɔkamaasɛ ɔbono ɔ kya wɔra ilaa nyenyɛn mɔ mɛn kya ka nbara genɔ. Ilaa nyenyɛn ne n gyɛ ibono nyamɛsɛ mɛn kya ka nbara genɔ mɔ.

⁵ Fɛyɛ abono fɛ kya ka gyan Kirisito so mɔ fɛ nyi ibono so Kirisito gi ba gesinkpan so mɔ. ɔ ba daa de ɔ' baa kpaarɛ anyamɛsɛ ilaa nyenyɛn fue. Ilaa nyenyɛn iko-rɛ iko in bo mɔ dɔ.

⁶ Anyamɛsɛ abono mɛ tɛ Kirisito dɔ kee mɔ, mɔmɔ ɔko-rɛ ɔko man kpe ɔ kya wɔra ilaa nyenyɛn. Abono mɛ kpe mɛ kya wɔra ilaa nyenyɛn mɔ berɛ, mɔmɔ ɔko-rɛ ɔko mɛn ti taa bii Wurubuaarɛ kerɛ, ne mɛ mɛn nyi Wurubuaarɛ.

Ilaa Nyenyɛn Pɛwu Gɛmu Mɔ Mɔ-Biana De Wurubuaarɛ Mɔ-Biana

⁷ Me-biana, fɛ mɛn sa fɛ' yɛgɛ de ɔko ɔ' penɛ fɛyɛ. Nyamɛsɛ ɔbono ɔ kya gyi gesintin sa Wurubuaarɛ mɔ ne n gyɛ gesintin wura fɛɛ genɔɔbono Kirisito gyɛ gesintin wura mɔ.

⁸ ɔbono mɔ ɔ kya wɔra ilaa nyenyɛn mɔ gyɛ daa ilaa nyenyɛn pɛwu gɛmu mɔ-lɛɛ isa. Mɔ berɛ, ilaa nyenyɛn ne n kpe i gyɛ mɔ-ilaa wɔrasɛ lii gɛsɛ de gɛsɛ. Ilaa ibono so Wurubuaarɛ mɔ-bi mɔ gi ba gesinkpan so mɔ ne n gyɛ yɛɛ ɔ ba de ɔ' baa nyida ilaa nyenyɛn gɛmu mɔ ilaa wɔrasɛ.

⁹ Me-nanboana Kirisito asonbo, fɛ' bii yɛɛ ɔbono i lɔrɔ korogɛ mɔ lii Wurubuaarɛ asɛ gesintin mɔ man kpe ɔ kya wɔra ilaa nyenyɛn. Wurubuaarɛ gidebi ne n kya san kyɛna mɔ dɔ. Imɔso ɔ man baa taalɛ wɔra ilaa nyenyɛn. I kya nyiile yɛɛ i lɔrɔ korogɛ mɔ lii Wurubuaarɛ asɛ.

¹⁰ Ilaa ibono i laa lɛɛ nyiile fɛyɛ yɛɛ asa adɛ ne n gyɛ Wurubuaarɛ mɔ-biana abɛɛ mɔmɔ adɛ ne n gyɛ ilaa nyenyɛn pɛwu gɛmu mɔ mɔ-biana mɔ ne n gyɛ ilaa idɛ: fɛ wu yɛɛ kaasɛ baarɛ mɛn kya gyi gesintin sa Wurubuaarɛ abɛɛ ɔn kya laarɛ mɔ-nanbo Kirisito sonbo mɔ, genen kaasɛ ɔbono mɛn gyɛ Wurubuaarɛ isa ne.

Gɛlaarɛ Gɛbono ɔnan Gɛ Kaaborɛ Kirisito Adɛ Mɔ

¹¹ I kya nyiile yɛɛ Yesu ɔkalan mɔ fɛ nu lii gɛsɛ de gɛsɛ mɔ kya nyiile aye abono a kya son Yesu mɔ yɛɛ a' laarɛ abara.

¹² An sa a' wɔra fɛɛ Keen. Keen berɛ, gi wɔra ɔbonsan, nyamɛsɛ nyenyɛn mɔ-lɛɛ isa. ɔ mɔɔ mɔ-tɛdɛ. Mɛnɛ n wɔra so ne Keen gi mɔɔ mɔ-tɛdɛ mɔ genen daa? O wu yɛɛ mɔ gbaa-gbaa ilaa wɔrasɛ in boran, ne mɔ-tɛdɛ mɔ, mɔ, kya gyi gesintin sa Wurubuaarɛ. Genen so ne ɔ mɔɔ mɔ.

¹³ Me-nanboana Yesu ɔson dɔ mɔ, nengyene asa abono mɛn kya son Wurubuaare mɔ mɛ kya kyo fɛye mɔ, fɛ mɛn sa fɛ' yɛgɛ i' wɔra fɛye ilaa pobɔrɔ.

¹⁴ Ibono a kya laare aye-nanboana Yesu asonbo mɔ ilaa mɔ ne n kya yɛgɛ a kya bii yɛɛ a ti nye Wurubuaare ase gekyena ɔnan; a maŋ baa fue aye-lɛwu gɛmara. ɔbono, mɔ, ɔ mɛn kya laare mɔ-nanbo ilaa mɔ dɛ fɛɛ isa ɔbono o wu' ɔ naa mɔ.

¹⁵ ɔkamaase ɔbono ɔ kya kyo mɔ-nanbo mɔ gye daa asa ɔmɔɔbo, ne fɛye gbaa-gbaa fɛ nyi yɛɛ asa ɔmɔɔbo mɛn bo Wurubuaare ase gekyena ɔnan.

¹⁶ Gɛnɔɔbono a laa wu gelaare' gbaa-gbaa bii mɔ ne n gye yɛɛ Kirisito gi sɔɔ aye-lɛwu wu' sa aye. Imɔso i kaabore aye kee a' sɔɔ aye-nanboana Yesu asonbo lɛwu wu' sa ɔmɔ.

¹⁷ A' kyu yɛɛ fo ɔko fo bo gekyena dɔ ilaa tirise ne fo-nanbo mɛn bo. Nengyene fo keda fo-ansi lɛɛ taa mɔ yɛgɛ mɔ, nne so ne fo laa tɔgɛ yɛɛ fo bo gelaare' sa Wurubuaare lii fo-gisen dɔ?

Gɛnɔɔbono Aye-Asen A Maŋ Nmaa Aye Wurubuaare Ase Mɔ

¹⁸ Imɔso, me-biana, a kya tɔgɛ yɛɛ a kya laare abara ilaa mɔ, in sa i' wɔra gɛnɔ dɔ giyan. I' wɔra daa gesintin-lɛɛ gesalaare gebono mɛ kya wu aye-ilaa wɔrase dɔ mɔ.

¹⁹ A wɔra genen mɔ ne a laa nye bii yɛɛ a buu daa Gɛsintin mɔ ɔkpa. Imɔ ne nan yɛgɛ ne a laa taale tɔgɛ keda aye-nyoro de in sa i' nmaa aye-asen Wurubuaare ase.

²⁰ Owi ɔbono aye-asen a kya nmaa aye Wurubuaare ase mɔ, aŋ sa a' yɛgɛ i' yɔɔ aye-nyoro. Wurubuaare bere, ɔ don aye-re aye-asen. Mɔ ne n nyi ilaa kamaase.

²¹ Me-nanboana laareɛɛ, nengyene aye-asen a mɛn kya nmaa aye Wurubuaare ase mɔ, genen bere mɔ, a kya taale da otu bugi aye-asen sa Wurubuaare ne.

²² Ilaa kamaase ibono a dalaa kole mɔ mɔ, aye-gibaa gi laa yii imɔ. I lii fɛɛ a kya gyi mɔ-nbara mɔ so ne. Genen kee ne a kya wɔra ibono i kya gyi mɔ-ginsi mɔ ne.

²³ Wurubuaare nbara mɔ ne n gye yɛɛ a' ka gyan mɔ-bi Yesu Kirisito so de a' laare abara. Genen ne Wurubuaare gi ka yela sa aye ne.

Fɛ' Daase Ilaa Ibono I Kya Kyena Asa So Mɔ Kere

²⁴ Asa abono pɛwu mɛ kya gyi Wurubuaare nbara mɔ so mɔ, Wurubuaare tɛ mɔmɔ dɔ ne mɔmɔ kee mɛ tɛ mɔ dɔ. Ibono i kya yɛgɛ a kya nye bii yɛɛ Wurubuaare tɛ aye dɔ mɔ, i kya lii daa Wurubuaare Oduduu ɔbono o kyu sa aye mɔ ase.

4

¹ Imɔso me-nanboana laareɛɛ abono fɛ kya son Yesu mɔ, fɛn sa fɛ' sɔɔ ilaa kamaase ibono i kya kyena anyamese so mɔ gyi. Pei ne fɛ laa sɔɔ imɔ gyi mɔ, fɛ' daase imɔ kere yɛɛ i lii Wurubuaare ase abɛɛ? Abono mɛ kya penɛ asa yɛɛ mɛ gye Wurubuaare ikalan atɔgɛbo mɔ mɛ naa mɛ naa gɛsinkpan so.

² Imɔso ibono i laa yɛgɛ fɛ' bii yɛɛ Wurubuaare Oduduu ne n tɛ ɔko so mɔ ne n gye yɛɛ genen oduduu ɔbono kya kyule lɛɛ tɔgɛ yɛɛ Yesu Kirisito ne n gye Wurubuaare mɔ-bi. Wurubuaare gi sun mɔ ba gɛsinkpan so, ne ɔ baa bingiri nyamesɛ. ɔ kya tɔgɛ genen mɔ, fɛ' bii yɛɛ genen ilaa ibono i tɛ mɔ so mɔ, i lii Wurubuaare ase ne.

³ Ilaa kamaase ibono i te nyamese so ne i men̄ kya kyule lee Yesu ilaa toge mo i men̄ kya lii Wurubuaare ase. Imo ibono i gye Kirisito okyobo mo ilaa ne. Fe wolaa nu imo so yee i laa ba, ne gesintin i ti ba i bo gesinkpan so.

⁴ Me-biana, abono fe kya ka gyan Yesu so mo, feye bere, fe gye Wurubuaare asa gesintin. Asa abono me kya peneyee me gye Wurubuaare ikalan atogebɔ mo, fe ti nye olon omɔ so. I kya nyiile yee Wurubuaare obono o bo feye do mo gi don obono o naa gesinkpan gede so faa. Ilaa nyenyen pewu gemu mo ne n de asa abono men̄ kya ka Wurubuaare geno mo o naa gesinkpan so genen.

⁵ Me gye daa gesinkpan gerena lee asa. Gesinkpan so gekyena do ilaa wole ne n kya lii momo-ngo do, ne abono gesinkpan so ilaa wole ne n bo momo-ansi so mo kee, mo, ne n kya nu momo ase.

⁶ Aye abono a kya ka gyan Yesu so mo bere, a gye Wurubuaare asa gesintin. Imoso okamaase obono o nyi Wurubuaare mo kya nu aye ase. Abono me men̄ gye Wurubuaare asa gesintin mo, men̄ kya nu aye ase. Genen ilaa ide ne n kya yeye a kya nye bii yee ilaa ibono i te oko so mo i gye gesintin abee i gye abon.

Wurubuaare De Abono Me Nyi Wurubuaare Mo Me Kya Laare Asa

⁷ Me-nanboana laarese, a' laare abara. Gelaare' ge lii daa Wurubuaare ase. Nyamese obono o kya laare mo-nanbo ilaa mo, i lɔro koroge mo lii Wurubuaare ase ne. O nyi Wurubuaare ne.

⁸ Obono mo, o men̄ ti taa wu Wurubuaare mo-nanbo ilaa mo, genen isa obono men̄ nyi Wurubuaare. I kya nyiile yee Wurubuaare bere gye daa gelaare' wura.

⁹ O keda mo-bi kolon sun aye ase gesinkpan so de a' nye mo Wurubuaare ase gekyena onan kyu naa de mo so. Imo ne n yeye mo-gelaare' gebono o bo sa aye mo ge' lii gewi.

¹⁰ Ilaa ide ne n kya lee gelaare' gbaa-gbaa nyiile. In̄ gye aye ne n kya laare Wurubuaare ilaa. Wurubuaare ne n kya laare aye-ilaa. Imoso ne o keda mo-bi sun yee me' kyu mo kyole kpaare aye-ilaa nyenyen ibono a wɔra mo fue sa aye.

¹¹ Me-nanboana alaaarese, ibono Wurubuaare gi laare aye-ilaa fafaanan faa, i kaabore aye kee a' laare abara ilaa.

¹² Oko-re oko men̄ ti taa wu Wurubuaare de ansi kerɛ. Ngyene a kya laare abara ilaa mo, i kya nyiile yee Wurubuaare te aye do, ne a nye mo-lee gelaare' onan a de a kya laare mo-ilaa.

¹³ A nyi aye-asen do yee Wurubuaare te aye do ne aye mo a te mo do. Ibono so a nyi genen mo ne n gye yee Wurubuaare gi sa aye mo gbaa-gbaa Odudu.

¹⁴ Aye mo a wu de ansi ne a kya buu a kya sa asa yee Wurubuaare gi sun mo-bi yee o' baa wɔra anyamese omolegebo gesinkpan gede so.

¹⁵ Nyamese kamaase obono o kya bugi geno toge yee Wurubuaare mo-bi mo ne n gye Yesu mo, Wurubuaare te kaase mo do ne kaase mo mo kee te Wurubuaare do.

¹⁶ Aye bere, a ti bii gelaare' gebono Wurubuaare kya laare aye ilaa mo ne aye mo a kya ka gyan genen gelaare' gebono so.

Wurubuaare ne n gye gelaare' wura. Imoso fo obono fo te ne fo de gelaare' do mo, Wurubuaare te fo do, ne fo-o fo mo, fo te mo do.

¹⁷ Imo ne n kya yeye aye abono a kya ka gyan Kirisito so mo a kya nye Wurubuaare gelaare' onan aye-asen do. A nye mo-gelaare' onan genen mo, a laa nye mara akyole gekaabono Wurubuaare laa gyi anyamese nbele mo.

Imo gese ne n gye yee genɔɔbono Kirisito de mo, genen kee ne aye abono a kya ka gyan mo so mo a de gesinkpan gede so ne.

¹⁸ Nyamese bo gelaare' mo-gisen do mo, o men bo gifuu. I kya nyiile yee fo bo Wurubuaare gelaare' onan fo-gisen do mo, i kya gya gifuu lii fo-gisen do kpem. I san i bo fo gifuu mo, gisobiide ilaa ne fo kya kere. Obono o bo gifuu mo men ti nye Wurubuaare gelaare' onan mo-gisen do.

¹⁹ Aye abono a kya ka gyan Yesu so mo a kya laare Wurubuaare ilaa faa mo, i lii daa Wurubuaare gelaare' gebono o daa gilaare aye-ilaa mo so.

²⁰ Nengyene oko gi toge yee o kya laare Wurubuaare ilaa, yeege o kya kyo mo-nanbo Kirisito sonbo mo, kaase obono gye daa obonbo. Obono on kya laare mo-nanbo obono o kya wu de ansi mo, nne ne o laa laare Wurubuaare obono o men kya wu mo de ansi mo?

²¹ Nbara nde kee ne Wurubuaare gi yela sa aye abono a kya ka gyan Yesu so mo. Obono o kya laare Wurubuaare ilaa mo, i kaabore o' laare mo-nanbo Kirisito sonbo ilaa.

5

Wurubuaare Mo-Biana Gidebi de Momo-Onon Obono Me Bo Mo

¹ Abono pewu me soɔ gyi yee Yesu ne n gye obono Wurubuaare gi sun lii Wurubuaare do de o' baa molege aye mo, i lora koroge momo lii Wurubuaare ase ne. Me gye Wurubuaare mo-biana gesintin. Obono o kya laare Wurubuaare ilaa mo, o laa laare abono me gye Wurubuaare mo-biana gesintin mo ilaa kee.

² Nengyene a nye bii yee a kya laare abono me gye Wurubuaare mo-biana gesintin mo ilaa mo, i laa lii ilaa inyo ide ase: imo ne n gye yee a kya laare Wurubuaare gbaa-gbaa ilaa ne a kya nu mo-gede.

³ Nengyene a kya laare Wurubuaare ilaa gesintin mo, a laa gyi mo-nbara mo so. Ne mo-nbara mo so gigyi i man wora ilaa bolonse sa aye.

⁴ Nyamese kamaase obono i koroge mo lii Wurubuaare ase mo, mo ne n kya nye onon asa abono men nyi Wurubuaare mo ilaa worase so. Ilaa ibono i bo aye do ne i kya sa aye onon ne a kya nye ko lii ilaa ideana do mo ne n gye gisooɔgyi gibono a soɔ Yesu gyi mo.

⁵ Isa omo ne nan taale nye onon asa abono men nyi Wurubuaare mo ilaa worase so? Genen mo, obono o kya soɔ gyi yee Yesu ne n gye Wurubuaare mo-bi mo wole.

Ibono So A Laa Ka Gyan Yesu So Mo

⁶ Yesu Kirisito ne n gye obono o ba gesinkpan so ne Wurubuaare gi lee mo-gidebi nyiile asa kyu naa de nkyu nbono me kyu gyere mo Wurubuaare sagyere mo so. O lee mo-gidebi nyiile asa kee kyu naa de ibono o wu' kyeege mo-nkalan fue mo so. I men gye nkyu mo wole so ne Kirisito gidebi mo gi lii gewi. Nkyu de nkalan so ne mo-gidebi mo gi lii gewi. Wurubuaare Oduduu mo kee kya lee Yesu gidebi mo nyiile aye. I lii fee Wurubuaare Oduduu mo bo gesintin.

⁷ I bo ilaa isa' ibono i kya lee Yesu gidebi mo nyiile aye.

⁸ Imo ne n gye Wurubuaare Oduduu mo, nkyu mo, de nkalan mo. Ne genen ilaa isa' ide i kya toge daa ilaa kolon.

⁹ Nyamese gi wu ilaa de ansi ne o kya toge mo, a kya nu mo ase. Ne Wurubuaare mo de-e? Ilaa ibono o laa buu mo i man don anyamese-lee mo gbaa bun? To! Ilaa ibono Wurubuaare gi lee nyiile aye kyu lii mo-bi mo so mo ne n gye ilaa ide.

¹⁰ Ɔbono ɔ sɔɔ Yesu, Wurubuaare mɔ-bi mɔ, gyi mɔ, ilaa ibono Wurubuaare gi lɛɛ nyiile kyu lii mɔ-bi mɔ so mɔ i bo kaase gisen dɔ. Ɔbono mɔ, ɔ mɛn kya sɔɔ Wurubuaare gyi mɔ, genen kaase ɔbono kya nyiile yɛɛ Wurubuaare gye ɔbono ne. I lii fɛɛ ilaa ibono Wurubuaare gi lɛɛ nyiile kyu lii mɔ-bi mɔ so mɔ, ɔ mɛn sɔɔ imɔ gyi.

¹¹ Ilaa ibono Wurubuaare gi lɛɛ nyiile aye mɔ ne n gye yɛɛ ɔ sa aye mɔ ase gɛkyena gɛbono gɛn bo ɔkara mɔ. Genen gɛkyena gɛbono gɛ kya naa daa de mɔ-bi Yesu so.

¹² Nyamese ɔbono ɔ bo Wurubuaare mɔ-bi mɔ tɛ mɔ dɔ mɔ, genen kaase ɔbono bo Wurubuaare ase gɛkyena ne. Ɔbono mɔ, Wurubuaare mɔ-bi mɔ mɛn tɛ mɔ dɔ mɔ, mɛn bo Wurubuaare ase gɛkyena.

Wurubuaare Ase Gɛkyena de Gedalaa

¹³ N kya nmarase ɔwɔlɛ baare n kya sa fɛye abono fɛ kya ka gyan Wurubuaare mɔ-bi mɔ so mɔ de fɛ' nye bii yɛɛ fɛ bo Wurubuaare ase gɛkyena gɛkpaa.

¹⁴ Ilaa ibono a nyi aye-asen dɔ ne i kya yɛɛ a kya nye bugi aye-asen sa Wurubuaare mɔ ne n gye yɛɛ a kya kole mɔ ilaa kamaase ne i gye mɔ-gɛlaare dɔ mɔ, ɔ kya nu aye ase.

¹⁵ Nengyene a nyi yɛɛ Wurubuaare kya nu ilaa kamaase ibono a kya kole mɔ mɔ, a nyi kee yɛɛ ɔ ti nu aye-ndalaa ne ɔ laa wɔra sa aye.

¹⁶ Nengyene fɛɛ fo ɔko fo wu fo-nanbo Kirisito sonbo kya wɔra ilaa nyenyɛn iko ne i mɛn gye ilaa ibono i laa barage mɔ-rɛ Wurubuaare nsana gɛkpaa mɔ, dalaa kole Wurubuaare sa mɔ. Fo dalaa sa mɔ mɔ, Wurubuaare laa sa mɔ Wurubuaare ase gɛkyena ɔnan. Nyamese ɔbono mɔ-ilaa nyenyɛn i mɛn gye ilaa ibono i laa barage Wurubuaare mɔ-rɛ mɔ nsana gɛkpaa mɔ wɔlɛ ne n' dare genen. Ilaa nyenyɛn iko i bo no i kya barage Wurubuaare mɔ-rɛ nyamese nsana gɛkpaa. In gye imɔ ibono so ne n' kya tɔge yɛɛ fɛ' dalaa sa ɔbono mɔ.

¹⁷ Ilaa kamaase ibono in boran sa Wurubuaare mɔ, i gye ilaa nyenyɛn. I bo ilaa nyenyɛn iko ɔnan bere ibono in kya barage Wurubuaare mɔ-rɛ nyamese nsana gɛkpaa.

¹⁸ A nyi yɛɛ ɔkamaase ɔbono i lɔrɔ koroge mɔ lii Wurubuaare ase mɔ man kpe ɔ kya wɔra ilaa nyenyɛn. Kirisito ɔbono i koroge mɔ lii Wurubuaare ase mɔ ne n kya dii fo genen kaase ɔbono ne Ɔbonsan, nyamese nyenyɛn mɔ mɛn kya nye yii fo.

¹⁹ A nyi yɛɛ aye abono a kya ka gyan Yesu so mɔ a gye Wurubuaare ade gesintin. Asa sense pɛwu abono mɛ bo gesinkpan so mɔ, mɛ bo daa Ɔbonsan, nyamese nyenyɛn mɔ abaa dɔ.

²⁰ A nyi kee yɛɛ Wurubuaare mɔ-bi Yesu Kirisito gi ba gesinkpan so, ne ɔ bugi aye abono a kya ka gyan mɔ so mɔ ansi de a' bii ɔbono ɔ tansi ɔ gye Wurubuaare mɔ. Aye-rɛ ɔbono ɔ tansi ɔ gye Wurubuaare mɔ a san a gye nyamese kolon. Aye-rɛ Wurubuaare mɔ-rɛ mɔ-bi Yesu Kirisito ne n san a gye nyamese kolon. Wurubuaare tansi ɔ gye Wurubuaare, ne mɔ kee ne n kya sa Wurubuaare ase gɛkyena gɛbono gɛn bo ɔkara mɔ.

²¹ Imɔso, me-biana, fɛ' dii fɛye-nyoro de fɛ mɛn sa fɛ' son ilaa banban iko baa bɔla de Wurubuaare.

Gyɔn Ɔwɔlɛ Nyɔsɛ

¹ Me, Wurubuaare asonbo ɔbelense mɔ, ne n kya nmarase ɔwɔlɛ baare n kya sa fo, ɔkyii ɔbono Wurubuaare gi lɛɛ fo yɛɛ fo' wɔra mɔ-sonbo mɔ. Fo-rɛ fo-biana ne n' kya sa genen ɔwɔlɛ baare.

N kya laare fɛye-ilaa naa de Wurubuaare gesintin ɔkalan mɔ so, ne i menj gye me-nkon. Asa abono pɛwu mɛ nyi gesintin ɔkalan mɔ kee mɛ kya laare fɛye-ilaa.

² I kya nyiile yɛɛ Wurubuaare gesintin ɔkalan mɔ bo aye-rɛ fɛye dɔ ne ɔ laa kyena aye dɔ gekpaa.

³ Aye-sɛ Wurubuaare mɔ-rɛ mɔ-bi Yesu Kirisito mɛ' sa aye-rɛ fɛye so gɛwɔnsa densɛ de mɛ' su aye gitolon de mɛ' sa aye gisen yuuli kyu naa de gesintin de gelaare' so.

Gesintin De Gelaare' Ɔkpa

⁴ I wɔra me ɔkon gikyɔ-gikyɔ yɛɛ nɛ wu fo-biana dɔ ako mɛ buu gesintin ɔkpa fɛɛ genɔɔbono aye-sɛ Wurubuaare gi ka yela sa aye mɔ.

⁵ Imoso me-nyi densɛ, n kya kole fo, yɛɛ a' laare abara. I menj gye yɛɛ n kya nmarase nbara pobɔrɔ mi-i sa fo daa. Nbara mɔ gi gye daa ndedaa nbono a wolaa a de nmɔ lii gɛsɛ de gɛsɛ.

⁶ Gelaare' gbaa-gbaa ne n gye ibono a laa buu Wurubuaare nbara ɔkpa. Nbara mɔ ne n gye yɛɛ fe' buu gelaare' ɔkpa fɛɛ genɔɔbono a wolaa nu lii gɛsɛ de gɛsɛ mɔ.

⁷ Fe' kere genen ilaa ide so. I kya nyiile yɛɛ abono mɛ kya penɛ asa lii Wurubuaare ilaa so mɔ mɛ naa mɛ naa gesinkpan so. Mɔmɔ ne n gye abono menj kya kyule lɛɛ tɔgɛ yɛɛ Yesu ne n gye Kirisito Wurubuaare mɔ-bi, ne Wurubuaare gi sun mɔ ba gesinkpan so baa bingiri nyamesɛ mɔ. Nengyene fɛ wu isa ɔbono ɔnan mɔ, mɔ ne n gye asa ɔpenɛbo mɔ. Mɔ kee ne n gye Kirisito ɔkyobo mɔ.

⁸ Fe' kere fɛye-nyoro so dandan de ilaa ibono fɛ wɔra gesun nye mɔ i menj sa i' lii fɛye-gibaa. Fe' nye imɔ pɛwu so ntɛɛla.

⁹ Nyamesɛ ɔbono ɔ tɔgɛ yɛɛ ɔ kya kpe ansi dɔ Wurubuaare ilaa dɔ ne ɔ menj sii de Kirisito ilaa nyiilese mɔ, Wurubuaare menj tɛ mɔ dɔ. Ɔbono mɔ, ɔ sii de Kirisito ilaa nyiilese mɔ, genen kaase ɔbono bere, aye-sɛ Wurubuaare mɔ-rɛ mɔ-bi Kirisito mɛ tɛ mɔ dɔ.

¹⁰ Nengyene ɔko gi ba fɛye ase ne i menj gye ilaa nyiilese ide ɔnan ne ɔ de mɔ, fɛ menj sa fe' sɔɔ mɔ gisafo abɛɛ fe' faala mɔ.

¹¹ Ɔbono ɔ kya faala genen isa ɔbono ɔnan mɔ de mɔ-nyoro ɔ wɔra kaase mɔ-ilaa nyenyɛn giwɔra dɔ ne.

Afaala Laalaalɔgɛ

¹² Nkana n san n bo ilaa gikyɔ ibono nan tɔgɛ sa fɛye. Nɛ kii kere mɔ, menj kya laare n' nmarase imɔ ɔwɔlɛ dɔ bunge fɛye. Me-ansi a gyan daa yɛɛ nan ba nno baa wu fɛye de ansi de a' nye tɔngɛ de abara. Imɔ ne nan yɛɛ ne a laa nye gyi ɔkon kpaa logɛ.

¹³ Nɛ sin gerɛ. Fo-daa ɔbono Wurubuaare gi lɛɛ yɛɛ ɔ' wɔra mɔ-sonbo mɔ, mɔ-biana mɛ kya faala fo.

I gye me,
Gyɔn

Gyɔn Ɔwɔlɛ Sasɛ

¹ Gayusɛ, me-kyɛmɛnɛ dɛnsɛ,

Mɛ, Yesu asonbo ɔbelɛnsɛ mɔ, nɛ n kya sa fo ɔwɔlɛ baarɛ. N kya laarɛ fo-ilaa gɛsintin so.

N Kya Nu Fo So Yɛɛ Fo Buu Gɛsintin Mɔ Ɔkpa

² Me-kyɛmɛnɛ dɛnsɛ, n kya dalaa n kya kolɛ Wurubuaarɛ yɛɛ ɔ' yɛgɛ fo-ilaa kamaasɛ i' wɔra ɔdan sa fo de fo' kyena de alanfiya. Fo-oduduu dɔ lɛɛ bɛrɛ, iɲ bo mɛ gifuu.

³ I kya nyiilɛ yɛɛ aye-nanboana Yesu asonbo ako mɛ ba baa tɔgɛ mɛ gɛnɔɔbono fo kya gyi gɛsintin sa Wurubuaarɛ mɔ. Ilaa mɔ i wɔra mɛ ɔkon gikyɔ-gikyɔ. N nyi yɛɛ fo buu Wurubuaarɛ gɛsintin ɔkalan mɔ.

⁴ Nengyɛnɛ n kya nu yɛɛ mɛ-adɛ Yesu ɔson mɔ dɔ mɛ buu gɛsintin ɔkalan mɛ genɛn mɔ, i kya wɔra mɛ ɔkon don ilaa kamaasɛ.

Asafo Gikɛda

⁵ Me-kyɛmɛnɛ dɛnsɛ, gɛnɔɔbono fo kya wɔra idɛnsɛ sa aye-nanboana Yesu asonbo, dabɔlɛ asafo abono fo mɛɲ nyi ɔmɔ mɔ, a wu yɛɛ a laa taalɛ kyu fo tii gikɔɔrɛ.

⁶ Asa mɛ ti baa lɛɛ fo-gɛsalaarɛ mɔ ilaa tɔgɛ sa Yesu asonbo gikpɛn gibono gi bo gɛrɛ mɔ. Wɔra aniya de fo' kii lɛɛ asafoana abono ɔkpa mɔmɔ-anaanaa dɔ fɛɛ gɛnɔɔbono i kaabɔrɛ aye abono a kya son Wurubuaarɛ kyu naa de Yesu so a' wɔra mɔ.

⁷ Mɛ kya laarɛ Kirisito ginyɛn gi' dii daa so nɛ mɛ koso mɛ naa ma-a tɔgɛ mɔ-ɔkalan mɔ. Mɛ kya kpe abono mɛ mɛɲ nyi Wurubuaarɛ agyɛbi mɔ asɛ mɔ, mɛɲ kya kyu mɔmɔ-nyoro too mɔmɔ so yɛɛ mɔmɔ nɛ mɛ' kɛrɛ ɔmɔ so.

⁸ Imɔso i kaabɔrɛ aye, Yesu asonbo mɔ nɛ a' kpaa genɛn asa abono ɔnan. Imɔ nɛ nan yɛgɛ ayɛ-rɛ mɔmɔ a laa nyɛ wɔra gɛsun dabɔlɛ de Kirisito gɛsintin ɔkalan mɔ ɔ' nyɛ yɛlɛgɛ.

Abono Mɛ Kya Wɔra Ilaa Nyɛnyɛn Mɔ

⁹ Me-kyɛmɛnɛ dɛnsɛ, nɛ ti ɲmarasɛ ɔwɔlɛ ɔko bunge fɛyɛ Yesu asonbo gikpɛn mɔ. Dayatrofiiɛ bɛrɛ, mɛɲ kya ka aye-gɛnɔ. Ɔ kya laarɛ daa gɛbelɛnsɛ.

¹⁰ Nengyɛnɛ nɛ ba fɛyɛ asɛ nno mɔ, nan baa lɛɛ mɔ-ilaa wɔrasɛ tɔgɛ sa fɛyɛ. Ɔ naa ɔ kya nyida aye, nɛ ɔ kya kɛɛ abɔn ɔ kya gyan aye so. Imɔ ibono wɔlɛ gbaa i mɛɲ kaabo mɔ. Ɔ kya kii kine bɔla yɛɛ ɔ mɛɲ sɔɔ aye-nanboana Yesu asonbo mɔ gisafo. Nengyɛnɛ ako mɔ mɛ kya laarɛ mɛ' sɔɔ ɔmɔ gisafo mɔ, ɔɲ kya yɛgɛ ɔmɔ. Mɛ wɔra genɛn mɔ, ɔ kya gya ɔmɔ lii Yesu asonbo gikpɛn mɔ dɔ.

¹¹ Me-kyɛmɛnɛ dɛnsɛ, gɛɲ sa fo' kasɛ ilaa nyɛnyɛn ibono asa mɛ kya wɔra mɔ. Kasɛ daa ilaa dɛnsɛ. Nyamɛsɛ ɔbono ɔ kya wɔra ilaa ibono i boran mɔ nɛ n gyɛ Wurubuaarɛ isa. Ɔbono mɔ ɔ kya wɔra daa ilaa nyɛnyɛn mɔ mɛɲ ti bii Wurubuaarɛ nɛ.

¹² Dimiiterosi bɛrɛ, nyamɛsɛ kamaasɛ kpe ɔ dɛ mɔ-ginyɛn dɛnsɛ. Gɛsintin ilaa ibono ɔ buu mɔ kee i kya lɛɛ mɔ-gidɛbi nyiilɛ ɔkamaasɛ. Aye kee genɛn. Nɛ fo nyi yɛɛ ibono a wu tɔgɛ mɔ i gyɛ gɛsintin.

Afaala Laalaalɔgɛ

¹³ Nkana n san n bo ilaa gikyo ibono nan tɔge sa fo. Ne kii kere mo, men kya laare n' nmarase imo owole do bunge fo.

¹⁴ Me-ansi a gyan yee i man keela, nan baa wu fo de ansi de a' nye kyena tonge de abara.

Ne sin gere. Wurubuaare gisen yuuli gi' wɔra fo-lee. Aye-nanboana abono me bo gere mo me kya faala fo. Faala aye-nanboana abono me bo nno mo okamaase sa me.

I gyɛ me,
Gyɔn

Gyude Ɔwole

¹ Me Gyude, Gyeemesi mɔ-tede, ɔbono n gye Yesu Kirisito gesun ɔwɔrabo mɔ ne n kya nmarase genen ɔwole baare. N kya nmarase mi-i sa feye abono Wurubuaare gi tɔge sa feye yee fe' son mɔ mɔ. Feye-ilaa i bo aye-se Wurubuaare gisen dɔ, ne aye-Wura Yesu Kirisito kya kere feye so.

² Wurubuaare ɔ' yee fe' nye gitolon, gisen yuuli, de gelaare' fe kya bola.

Asa Ako Me Njara Loo Feye Dɔ Me Kya Kyeege Yesu Ɔkalan Mɔ

³ Me-nanboana laarese, Wurubuaare gi mɔlege me-re feye pewu ne a kya nye mɔ ase gekyena ɔnan. Nkana i bo me-gisen dɔ yee n' nmarase feye ɔwole de n' tɔge feye imɔ so ilaa. Ne san kere mɔ, ne wu yee i kaabore n' daa ginmarase feye kyu lii ilaa banban iko so pei. I lii fee Wurubuaare gi kyu ilaa nyiilese ibono i kaabore a' sɔɔ imɔ gyi mɔ wɔra aye, Yesu asonbo mɔ, abaa dɔ. Ɔ sa aye imɔ faa, ɔ sa aye daa. Ɔn baa kyeege imɔ. Imɔso n kya kole feye, fe' wɔra aniya de fe' kere imɔ so dɔɔdan de ɔko ɔn sa ɔ' kyeege imɔ.

⁴ I lii fee asa abono menɔ sele Wurubuaare mɔ ako me njara loo saare feye dɔ ibono fe menɔ nyi mɔmɔ so. Genen asa abono me de yee Wurubuaare gitolon so mɔ, anyamese me laa nye wɔra ilaayan. Genen asa abono mɔ, me kine Yesu Kirisito ɔbono mɔ-nkon ne n gye aye-Ɔbelense de aye-Wura mɔ. Lii ko-o dedaa mɔ, Wurubuaare gi yeege ako me nmarase asa abono ilaa yela yee ɔ laa biide mɔmɔ-giso.

Fe' Nyingi Yee Wurubuaare Kya Biide Asa Nyenyen Giso

⁵ Ilaa ibono n kya laare n' baa tɔge nperɛ faa, fe ti wolaa fe nyi imɔ pewu. Ne taa kii mi-i nyingi feye daa. Fe nyi genɔɔbono Wura Wurubuaare gi mɔlege Isirale awura ne me koso Igyipiti gesinkpan so mɔ. Ɔ mɔlege mɔmɔ genen mɔ, imɔ gemara mɔ, mɔmɔ dɔ abono menɔ sɔɔ mɔ gyi mɔ, ɔ mɔ mɔmɔ.

⁶ Fe' nyingi Wurubuaare dɔ isɔɔ-lee mɔ kee. Mɔmɔ dɔ ako me menɔ kyule de me' sii de gebelense gebono ɔkara Wurubuaare gi sa mɔmɔ mɔ. Mɔmɔ gbaa-gbaa ne n taa mɔmɔ-ɔkyenaten ɔbono nkana me wolaa me te mɔ yeege. Wurubuaare gi yeege ɔfe ɔbono ɔ man tee geakaako mɔ gi nminde genen Wurubuaare dɔ isɔɔ ibono kyu kpaa too wɔra gibiri dɔ tudɔ-tudɔ geteeko. Nno ne me san me te me gyoo geke gbaa' gebono ɔ laa biide mɔmɔ-giso kyu lii mɔmɔ-ilaa nyenyen ibono so mɔ.

⁷ Fe' nyingi Sodom mɔ-re Gomora de isowole sense ibono i sindi imɔ mɔ. Imɔ dɔ asa me wɔra fee Wurubuaare dɔ isɔɔ ibono n dare faa lee mɔ ɔnan. Genen isowole ibono so asa mɔ me wɔra ilaayan denge kpaa loo ibono in gye iwɔrase mɔ dɔ, ne Wurubuaare gi yeege ɔgya gi dee mɔmɔ-re mɔmɔ-isowole mɔ pewu faa nɔnii. Mɔmɔ-ilaa ide i kya ka aye yee asa nyenyen me laa kpe ɔgya ɔbono ɔn kya wu' geakaako mɔ dɔ.

Abonbo Mɔ Gidebi

⁸ Asa abono n dare yee me njara loo saare feye dɔ mɔ kee me kya wɔra ilaa nyenyen ibono ɔnan asa akpen asa' ade me wɔra mɔ. Me kya tɔge yee i kya lee ilaa nyiile ɔmɔ de me' yele imɔ so wɔra ilaa nyenyen. Me kya wɔra ilaayan kyu kyolese mɔmɔ gbaa-gbaa nyoro gibi mɔ. Me menɔ kya kyu abono me kya gyi gebelense mɔmɔ so mɔ tere sei ne me kya saale ilaa ibono i kya nye ɔlon anyamese so mɔ.

⁹ Wurubuaare do isoo obelense obono me kya tere mo yee Maakele mo gbaa men saale ilaa ibono i kya nye olon anyamese so mo. Owi obono mo-re ilaa nyenyen pewu gemu mo me nye gelogede kyu lii Mosisi gibuni so mo, Maakele men saale mo. Ilaa ibono o kpe toge sa mo mo ne n gye yee, "Wura Wurubuaare o' gya fo yee ilaa ibono fo de faa in boran."

¹⁰ Asa abono n dare yee me nara loo saare feye do mo, ilaa kamaase ibono men kya nu gese mo, asebi ne me kya kyu loo imo do. Ilaa ibono me kya nu imo gese gbaa mo, i men gye yee me kya sa gewonsa pei de me' loo nu imo gese. I kya loo daa momo-amu do fee nbue-lee olaako ginyi onan. Genen ilaa ibonoana ne nan moo momo.

¹¹ Asa abono bere, momo laako. I lii fee ilaa nyenyen ibono Keen gi naa kyena wora mo imo onan ne momo kee me kya wora faa. Aterenbi gelaare so mo, me taa momo-nyoro yege sa Baalam-lee ilaa nyenyen giwora mo onan. I yege me fue okpa dense mo. Me wora gisomaanu de Wurubuaare fee genobono Kora gi naa kyena wora mo. Wurubuaare laa moo momo ka giko fee genobono o naa kyena moo Kora mo.

¹² Me kya gyi feye-genanbokon geke bele agyudo kpa feye mo, me kya nyida daa ilaa sa feye ne me kya wora feye ipeeli. Momo bere me men nyi ipeeli. Me kya kere daa momo-nyoro wole so. Me de fee Wurubuaare awole abono a koola fee nyangbon laa baa da ne afuu a kya da amo koso mo. Me de daa kee fee iyii ibono in kya soro abi, dabole imo-asorobere mo. I wora fee genen iyii ibono i wu' i yele ne. I kaabore me' kyigi imo fue de i' wu' ilewu inyo. Genen ne asa ade me laa wu' ilewu inyo kee ne.

¹³ Me laa kpe ma-a wora ilaa nyenyen, de momo-ipeeli ilaa i' lii gewi. I de daa fee genobono afuu a kya da apoo ginyadon so, ne nkyu mo gi kya furu mo. Me de fee agyekpebi abono a naa Wurubuaare awole do giyan-giyan mo. Oko-re oko man taale buu omo de o' bii okpa dense mo. Wurubuaare gi lora nfono i tansi i bo gibiri kyikin mo yela sa momo momo-lewu gemara. Nno ne me laa sii gekpaa-gekpaa.

¹⁴ Adedaabo abere do mo Inoki gi wu asa ade ilaa toge yela. Adam abere do gemara mo asa abono me kyena-kyena kyon mo gikpado sonose ne n wora Inoki-lee abere do. Inoki baare gi wu toge yela yee, "Kere, Wura Wurubuaare kya ba mo-re mo-isoo sakpii bele abono o lora yela sa mo-nyoro mo.

¹⁵ O kya ba de o' baa gyi nyamese kamaase nbele. O laa bun abono men sele mo mo pewu gipuee. Momo-ilaa worase i kya lee nyiile yee men sele mo. Wurubuaare ilaa in fe genen ilaa nyenyen aworabo ade giso. Me saale mo asebi loose. O laa biide momo-giso kyu lii imo ide pewu so."

¹⁶ Asa abono me nara loo saare feye do mo, owi kamaase mo me kya nye ilaa iko logede imo so, ne sei men kya gyi momo-ginsi. Momo-bole gelaare ilaa ne n bo momo-ansi so. Me kya nyiile momo-nyoro momo-getonge do. Me kya kyu geno okon kyu tonge sa asa de me' nye ilaa lii momo ase.

Fe' Keda Yesu-Lee Oson Mo Do

¹⁷ Me-nanboana laarese, fe' nyingi ilaa ibono aye-Wura Yesu Kirisito isoo mo me wola wu toge yela mo.

¹⁸ Me toge sa feye yee, "Owi obono gese gere i kya laare i' baa yela okara mo, i laa nye ako me laa kyu Wurubuaare ilaa me kya nmase. Ilaa kpei-kpei ibono Wurubuaare kya kyo mo giwora ne nan gyi momo-amu."

¹⁹ Genen asa abono ne n kya yege gesabarage ge kya ba feye do. I lii fee anyamese-lee nwonsa ne n bo momo-amu do. In gyi Wurubuaare Oduduu ne n bo momo do.

²⁰ Me-nanboana dɛnsɛ, fɛyɛ bɛrɛ, fɛ' bɛla fɛyɛ-nyoro kyu naa de Yesu ɔkalan ɔbono Wurubuaare gbaa-gbaa gi sa aye yɛɛ a' sɔɔ gyi mɔ so. Fɛ kya dalaɔ mɔ, fɛ' dalaɔ Wurubuaare Oduduu mɔ ɔlon dɔ.

²¹ Fɛ' yɛɛ fɛyɛ-nwɔnsa gi' gyan' Wurubuaare gelaare' gɛbono ɔ bo sa fɛyɛ mɔ so. Aye-Wura Yesu Kirisito bo gitolon sa fɛyɛ. Imɔso fɛ' kyena gyoo gɛkaabono ɔ laa sa fɛyɛ Wurubuaare aɛ gɛkyena gɛkpaɔ mɔ.

²² Asa abono mɔmɔ-nwɔnsa dɔ i bo mɔmɔ tɛfɛɛ tɛfɛɛ kyu lii Yesu ɔkalan mɔ so mɔ, fɛ' su mɔmɔ gitolon.

²³ Asa ako mɛ kya wɔra ilaa ibono i laa yɛɛ mɛ' kpaɔ loo ɔgya dɔ mɔmɔ-lɛwu gɛmara; fɛ' mɔlɛɛ ɔmɔ! Ako, mɔ, nɛ fɛ laa su mɔmɔ-gitolon mɔ, fɛ' kɛrɛ fɛyɛ-nyoro so dɔɔdan. Fɛ' kyo ilaa nyɛnyɛn ibono mɛ kya wɔra nɛ i kya kyɔlɛsɛ mɔmɔ fɛɛ akuru nɛ n wɔra ineesi mɔ de iɲ sa i' kyangɛ fɛyɛ.

Fɛ' Yɛɛ A' Yɛn Wurubuaare

²⁴ Fɛ' yɛɛ a' yɛn Wurubuaare. Mɔ nɛ n gye ɔbono ɔ laa taalɛ kpaɔ fɛyɛ de fɛɲ sa fɛ' loo ilaa nyɛnyɛn giwɔra dɔ. Mɔ nɛ nan taalɛ yɛɛ i maɲ nyɛ ilaa nyɛnyɛn iko fɛyɛ-nyoro so baa pii, de o' kyu fɛyɛ kpe mɔ aɛ mɔ-nyisigyɛ dɔ de ɔkon bɛlɛ.

²⁵ Fɛ' yɛɛ a' yɛn mɔ kyu naa de aye-Wura Yesu Kirisito so. Mɔ-nkon nɛ i kaabore nyamɛsɛ ɔ' son. Mɔ nɛ n gye aye-ɔmɔlɛɛbo. Nyisigyɛ, gɛwuragyɛ, ɔlon de gɛbɛlɛnsɛ i' wɔra Wurubuaare-lɛɛ abɛrɛ abono a ti kyon mɔ, abɛrɛ adɛ dɔ, de abɛrɛ abono a laa baa ba mɔ dɔ gɛkpaɔ-gɛkpaɔ. I' ba gɛnɛn.

Gilɛɛnyile Ibono Yesu Gi Lɛɛ Nyiile Gyɔn Mɔ

¹ Ilaa ibono i bo ɔwole baare dɔ faa, Wurubuaare ne n kyu imɔ wɔra Yesu Kirisito abaa dɔ yɛɛ ɔ' lɛɛ imɔ nyiile mɔ-asonbo de mɛ' nye nu ilaa ibono i laa baa ba mɔ. I maɲ kɛɛla ne ɔwole baare dɔ ilaa i laa ba gɛsintin. Owi ɔbono Yesu laa lɛɛ imɔ nyiile mɔ-asonbo genen mɔ, o sun mɔ-ɔsɔɔ lii Wurubuaare dɔ ba Gyɔn (mɛ ɔbono n gye mɔ-gesun ɔwɔrabo mɔ) ase.

² Yesu ɔsɔɔ mɔ gi yɛɛ ne wu Wurubuaare ilaa ide fɛɛ oderi yɛɛ n kerɛ, ne ne ŋmarase imɔ pɛwu yela fɛɛ genɔɔbono ne wu imɔ mɔ de asa mɛ' nye nu imɔ. Ne lɛɛ Wurubuaare agyɛbi abono ne nu de ilaa ibono Yesu Kirisito gi buu sa me mɔ kee nyiile asa.

³ ɔbono ɔ laa kale Wurubuaare ɔkalan baare agyɛbi sa asa mɔ gye omudensebo Wurubuaare ase. Abono, mɔ, mɛ laa nu de mɛ' gyi amɔ so mɔ, mɛ wɔra amudensebo kee. I lii fɛɛ owi ɔbono agyɛbi mɔ a laa ba gɛsintin mɔ genen owi mɔ gi fuude.

Wurubuaare de Yesu Kirisito

⁴ Me Gyɔn ne n kya ŋmarase genen ɔwole baare n kya sa Yesu asonbo akpen sono abono a bo Esiya gɛsinkpan so mɔ.

Wurubuaare ne n gye ɔbono ɔ bo no, ɔ wolaa ɔ bo no, ne ɔ bo no gɛkpaɔ. ɔ' sa fɛye so gɛwɔnsa dense. Wurubuaare mɔ-rɛ mɔ-Oduduu ɔbono ɔ bo gɛkpadɔ sono ne ɔ bo Wurubuaare gɛgyapaa ase mɔ

⁵ de Yesu Kirisito mɛ' sa fɛye so gɛwɔnsa dense de mɛ' sa fɛye gisen yuuli.

Yesu Kirisito ne n gye ɔbono ɔ kya gyi gɛsintin
 ne ɔ kya lɛɛ ilaa kamaase nyiile anyamese imɔ-ɔkpa so mɔ.
 Mɔ ne n gye ɔbono o wu'
 ne ɔ gyangbara nyamese kamaase kyingi lii ibuni dɔ mɔ.
 Mɔ kee ne n gye gɛsinkpan so awura mɔ mɔmɔ-wura.
 Nyisigyɔ ɔ' wɔra Yesu Kirisito-lɛɛ!
 Mɔ ne n kya laare aye-ilaa,
 ne o kyu mɔ-nkalan sɔɛ aye abono a kya ka gyan mɔ so mɔ
 lii aye-ilaa nyenyɛn dɔ.

⁶ Mɔ ne n yɛɛ ne a wɔra fɛɛ awuragyibo
 de asunbi alɛɛbo sa mɔ-sɛ Wurubuaare.
 I lii fɛɛ ɔ yɛɛ a kya kpaɔ de i' lɔɔ anyamese mɔmɔ-rɛ Wurubuaare nsana.
 Nyisigyɔ de gɛwuragyɔ i' wɔra Yesu-lɛɛ gɛkpaɔ-gɛkpaɔ.
 I' ba genen.

⁷ Fɛ' nu yɛɛ Yesu laa kii ba mɔ-rɛ Wurubuaare awole!
 Nyamese kamaase laa wu mɔ de mɔ-ansi
 de asa abono mɛ yii mɔ-gɛkɛɛbi fondi mɔ pɛwu.
 Gɛsinkpan so asa kɛɛi-kɛɛi pɛwu mɛ laa saawo lii mɔ so.
 I' ba genen.

⁸ Wura Wurubuaare yɛɛ,
 "Me ne n gye giyiigɛse de laalaalogɛ.
 Me ne n bo no,
 me ne n wolaa n bo no,
 ne me ne n bo no gɛkpaɔ.
 Me ne n gye ɔlonbo."

Gencobono I Ba Ne Ne Nymarase Owole Baare Mo

⁹ Me Gyɔn ne n kya buu genen ilaa ide n kya sa feye abono fe kya ka gyan Yesu so mo. Kyu lii aye-re Yesu ginyamese kolon mo so mo, n gye feye-nanbo mo-ɔson do. Me-re feye kpini ne n kya wu ɔlaa wuse, a gye Wurubuaare awuragyibo ne a kya nye gisen Wurubuaare gesun mo do. Nkana n kya wɔra Wurubuaare agyebi mo so gesun n kya toge Yesu ilaa mi-i sa asa de me' so mo gyi. Imoso asa ako me gya me kpa kyena apoo gikyaafiya bele giko so. Asa me te nno. Me kya tere nno yee Patimose.

¹⁰ N bo nno genen mo, Wurubuaare ɔson geke geko mo, Wurubuaare Oduduwa mo gi baa kyena me so. ɔ te me so mo, ne nu geno geko me-gemara ken-ken fee gegandan.

¹¹ Geno mo ge toge sa me yee, "Nymarase ilaa ibono fo wu mo wɔra owole do de fo' kyu bunge Yesu asonbo akpen abono a bo isowole sono ide so mo. Isowole mo ne n gye Efiso, Simena, Pegamum, Tayatira, Saadise, Filadefiya, de Lawodisiya."

Ne Wu Yesu Yele Ifatela Igyanten Sono Nsana

¹² Ne nu genen mo, ne kisee kere de n' wu obono o kya tonge de me mo, n' baa kere mo, ifatela igyanten sono iko ne. Sika kokoo ne me kyu wɔra imo.

¹³ Ifatela igyanten mo nsana mo, ne wu oko fee gesinkpan so nyamese, o suu gegbe bosorose kpelegere yii ne ilaa iko fee liide i laran mo-gikan so. Imo-nkyu i de fee sika kokoo.

¹⁴ Mo-gimu do iman i fuuli faa pare-pare fee okurufepuu. Mo-ansi abi a de fee ogya obono o kya dee mo.

¹⁵ Mo-ayaa a de fee gibeletɔ ne n to ogya do keela ne me lee tolɔse. Mo-gigyebi' mo gi kya ghere fee abii do ibon ne n bola gibola bele.

¹⁶ ɔ de agyekpebi sono de mo-gibaa gyise. Geki boyese geko, gemara oye, ansi oye, gebono ge yele sa gesintin agyebi mo ge bo mo-geno do, ne mo-ansi do i kya nelegi fee owi.

¹⁷ Ne wu mo genen mo, ne toɔ mo-ayaa do fee ne wu' daa. Mo mo gi kyu mo-gibaa gyise gyan me so, ne o toge sa me yee, "Geɲ sele gifuu. Me Yesu ne. Me ne n gye giyiigese de laalaalɔge.

¹⁸ N kpe n bo no. Ne naa kyena wu'. Ne ide kon, n bo no gekpaa-gekpaa. Lewu de nkyan isafuee i bo daa me-gibaa do.

¹⁹ Nymarase ilaa ibono fo laa wu mo, ibono i bo no mo de ibono i laa baa ba geakaako mo, pewu yela.

²⁰ Ilaa ibono agyekpebi sono abono fo wu me-gibaa gyise do de ifatela igyanten sono mo i yele i sa mo ilaa ne nan baa toge faa. Agyekpebi sono mo a yele a sa Wurubuaare isoo sono iko. Momo ne n kya yangbara sa Wurubuaare asonbo akpen sono mo. Ne ifatela igyanten sono mo mo, i yele sa Wurubuaare asonbo akpen sono mo."

2

Efiso

¹ ɔ lee imo gese genen mo, o kii toge sa me Gyɔn yee, "Nymarase ilaa ide kpa sa Wurubuaare ɔso obono o yangbara o sa me-asonbo gikpen gibono gi bo Efiso mo.

'Me Yesu, obono n de agyekpebi sono me-gibaa gyise do ne n' naa ifatela igyanten sono nsana mo ne n kya sa feye okalan baare.

² 'N nyi feye-ilaa worase. N nyi gesun gebono fe kya gyi ne n' nyi gisen gibono fe kya nye Wurubuaare gesun mo do mo. N nyi yee nengyene feye-re asa nyenyen fe te mo in kya sa feye. Abono me peneyee me gye Yesu isoo mo, fe daase-daase omo kere ne fe wu yee me kya kee daa abon.

³ N nyi ibono fe bo gisen fe de me-gesun mo do, fe kya wu olaa kyu lii me so, ne in kya yoo feye-nyoro.

⁴ 'Imo ibonoana do bere mo, fe wora ilaa. Ilaa kolon ibono fe kya wora ne i kya loo me mo ne n gye yee fey baa fe kya laare me-ilaa fee genobono fe gyangbara laare me-ilaa mo.

⁵ Fe' taa laa ansi kere nfono nkana fe ti fo ne fe kii toro mo. Fe' nu feye-nyoro gese de fe' kii keda ilaa dense ibono fe wolaa fe de mo do. Nengyene fe men nu feye-nyoro gese de fe' kyeege mo, nan ba feye ase de n' baa lee feye-fatela ogyanten mo lii nfono o bo mo.

⁶ 'Ilaa ide bere ne fe kya wora ne i kya kyena me-gisen do. Imo ne n gye yee fe kya kyo Nikolatiya awura ilaa worase ibono me kee n kya kyo mo.

⁷ 'Obono o bo aso mo o' nu ilaa ibono Wurubuaare Oduduu mo gi toge sa Wurubuaare asonbo akpen mo. Isa obono o laa ko lii mo, nan yee kaase o' gyi oyii obono mo-abi a kya sa Wurubuaare ase gekyena gekpaa mo. Genen oyii obono yii daa Wurubuaare gekyena dense mo geten.' "

Simæna

⁸ O kii toge yee, "Nmarase ilaa ide kpaa sa Wurubuaare osoo obono o gyangbara sa me-asonbo gikpen gibono gi bo Simæna mo.

'Me, Yesu obono n' gye gyligese de laalaaloge mo, me obono ne wu' ne ne kii kyingi n te nkpa mo ne n kya sa feye okalan baare.

⁹ 'N nyi yee fe kya wu olaa ne fe kya wu ayen me so. Feye mo ne n gye awuragyibo gbaa-gbaa. N nyi yee Gyuda awura ako me kya ten feye-geno. Momo ase mo, me nyi yee me kya son Wurubuaare. In gye Wurubuaare ne me kya son. Satan, ilaa nyenyen pewu gemu mo, gikyangbon do asa ne me gye.

¹⁰ Fe men sa fe' sele olaawuse obono fe laa baa wu mo mo gifuu. Fe' nul Me-ason mo so mo, ilaa nyenyen pewu gemu mo laa yee asa me' keda feye do ako kpaa tii de obu de o' soo feye idoo kere yee fe laa taa me-ason mo yee abee? O laa yee fe laa wu olaa nke gudu. I ba genen mo, ba-a me laa moo feye mo, me' moo feye, fe' kpe keda genobono fe de mo do kpaa lii. Fe wora genen mo, afaala abono nan kyu faala feye mo, a gye daa gekyena dense Wurubuaare ase.

¹¹ 'Obono o bo aso mo, o' nu ilaa ibono Wurubuaare Oduduu mo gi toge sa Wurubuaare asonbo akpen mo. Isa obono o laa ko lii mo, nan yee lewu nyose mo man kpee de kaase mo ba-a pii.' "

Pegamum

¹² O kii toge yee, "Nmarase ilaa ide kpaa sa Wurubuaare osoo obono o gyangbara sa me-asonbo gikpen gibono gi bo Pegamum mo.

'Me Yesu, obono n bo geki boyese, gemara oye, ansi oye mo, ne n kya sa feye genen okalan baare.

¹³ 'N nyi nfono fe te mo. Satan, ilaa nyenyen pewu gemu mo, kya gyi gewura feye-osowole mo so. Feye abono fe kya son me mo bere, ne wu yee fe sii de me, fe men kine me. Ba-a Antipase gekyena do mo, fe men kine me. Nkana o kya gyi gesintin sa me, ne o kya lee me-ilaa nyiile asa imo-okpa so. Genen so mo, me moo mo feye-osowole mo so nfono Satan te mo.

14 'Imo ibonoana do bere mo, fe wora ilaa. Ilaa kalese iko ne fe kya wora ne i kya loo me. Imo ne n gye yee feye do asa ako me de Baalam ilaa nyiilese do ne feŋ kya bii ka omo. Baalam obono ne n nyiile Balaka ilaa nyenyen ne Balaka mo gi san yege Isirale awura abono me kya son Wurubuaare mo me loo imo do giwora, me san me kya gyi akycōletō, ne me kya laare agyibara.

15 Genen kee ne fe bo asa ako feye do abono me de daa Nikolatiya awura ilaa nyiilese do.

16 Imoso fe' nu feye-nyoro gese de fe' kyeege. In gye genen mo, i man keela ne nan ba feye ase de n' kyu geki gebono ge bo me-genō do ne ge yeŋe sa gesintin mo kyu baa ko iko de genen ilaa nyenyen aworabo abono.

17 'Obono o bo aso mo, o' nu ilaa ibono Wurubuaare Oduduu mo gi toge sa Wurubuaare asonbo akpen mo. Fo obono fo laa ko lii mo, nan sa fo agyudo abono me kya tere yee "mana" ne a nara Wurubuaare ase mo. Nan sa fo gibui fufuli giko kee. Me nmarase me-ginyen poboro gyan gimō so. Ōko-re ōko men nyi genen ginyen mo, genen mo, fo obono fo laa nye gibui gibono mo wole ne nan bii ginyen mo. "

Tayatira

18 O kii toge yee, "Nmarase ilaa ide kpaa sa Wurubuaare osō obono o gyangbara o sa me-asonbo gikpen gibono gi bo Tayatira mo.

'Me, Wurubuaare mo-bi obono me-ansibi a kya dee fee ogya ne me-ayaa a de fee gibeletō ne n to ogya do keela ne me lee tolōse mo, me ne n kya sa feye okalan baare.

19 'N nyi feye-ilaa worase pewu. Feye-gikagyan gibono fe kya ka gyan me so mo de feye-gelaare' gebono fe bo sa me mo, n nyi. Gesun gebono fe kya wora sa me mo de gisen gibono fe kya nye me-gesun mo do mo pewu mo, n nyi. Ne wu kee yee ilaa dense ibono fe kya wora nperē faa mo, i kya don ibono fe daa gifyangbara wora mo.

20 'Imo ibonoana do bere mo, fe wora ilaa. Ilaa kolon ibono fe kya wora ne i kya loo me mo ne n gye yee fe yege Gyesebele, okyii obono o kya kyu mo-nyoro yee o gye Wurubuaare ikalan otogebo mo, saare feye do. O kya nyiile me-asonbo ilaa nyenyen, ne o kya penē omo de me' laare agyibara de me' gyi akycōletō.

21 Ne nye gisen sa mo keela de o' nye nu mo-nyoro gese de o' kyeege. O kine yee o man taa mo-ilaayan mo yege.

22 N' toge sa feye yee nan de mo toge gifengen so de gilō. Momo abono me lii momo-kaana nmara kpaa laare mo mo kee, nengyene me man nu momo-nyoro gese yee okyii mo kya yege me' wora ilaa nyenyen mo, nan too momo wora olaawuse bele do.

23 Nan mo abono me kya buu mo mo kee kpem. Nfono ne Wurubuaare asonbo akpen mo pewu me laa bii yee me ne n gye obono n kya kere anyamese nwōnsa do de momo-asen do. Gesun gebono fo okamaase fo kya wora mo, nan teela fo.

24 'Feye asense abono fe bo Tayatira ne feŋ de genen ilaa nyiilese nyenyen ide mo, feye abono fe men kase ilaa ibono ako me kya tere yee Satan ilaa boduduuse mo, feye bere, n kya toge mi-i sa feye yee man baa kyu gikpon giko baa bola feye.

25 Fe' kpe keda daa ibono fe ti fe de mo do ken-ken kpaa lii owi obono nan kii ba mo.

²⁶ 'Isa obono o laa ko lii ne o keda me-ilaa nyiilese mo do kpaa lii mo, nan sa genen kaase obono olon gesinkpan asa kpei-kpei so,

²⁷ fee genooobono me kee ne nye olon lii me-se Wurubuaare ase mo. Nan yege mo o' kyu gibeletolee olon onan kyu kere anyamese so fee genooobono oparobo kya taa nlobi boori dogo-dogo mo.

²⁸ Nan kyu Gibaadiike Gigyekpebi Gigyekpebi nyisigyi obono gi bo mo onan kyu sa kaase obono kee.

²⁹ Obono o bo aso mo, o' nu ilaa ibono Wurubuaare Oduduu mo gi toge sa Wurubuaare asonbo akpen mo.' "

3

Saadise

¹ O kii toge yee, "Nmarase ilaa ide kpaa sa Wurubuaare osoo obono o gyangbara sa me-asonbo gikpen gibono gi bo Saadise mo.

'Me Yesu, obono n bo Wurubuaare Oduduu obono o bo gikpado sono ne n' bo agyekpebi sono mo ne n kya sa feye okalan baare. N nyi feye-ilaa worase. Ginyen gi gyan feye so yee me-Oduduu bo feye do, yege kuaa, me-Oduduu man taa bo feye do.

² Fe' kyingi. Fe' laro feye-nyoro keda me-Oduduu pii obono o san feye do ne o kya laare de o' lii gekpaa mo. I kya nyiile yee man wu yee feye-ilaa worase i boran me-se Wurubuaare ansi so.

³ Imoso fe' nyingi ilaa ibono me nyiile feye de ilaa ibono fe nu mo. Fe' gyi genen ilaa ibono so de fe' nu feye-nyoro gese de fe' kyeege. Nengyene fe man kyingi mo, nan baa tuule feye fee oyu. Fe man bii owi obono nan ba feye ase mo.

⁴ 'I san asa kalese feye Saadise osowole so abono momo bere, me man yege de ineesi i' yii momo-ngbe. Momo ne nan nye suu ilaa fufuli de me-re omo a' naa dabole. I kya nyiile yee omo ne i kaabore me-re momo a' naa.

⁵ 'Isa obono o laa ko lii mo ne nan nye suu genen ngbe fufuli nbono. Man kpaare mo-ginyen lii Wurubuaare owole do. Genen owole obono do ne Wurubuaare gi nmarase abono me laa nye okyenaten mo ase mo anyen wora. Nan lee toge me-se Wurubuaare, mo-re mo-isoo mo ansi do yee genen isa obono gye me-lee.

⁶ Obono o bo aso mo, o' nu ilaa ibono Wurubuaare Oduduu mo gi toge sa Wurubuaare asonbo akpen mo.' "

Filadefiya

⁷ O kii toge yee, "Nmarase ilaa ide kpaa sa Wurubuaare osoo obono o gyangbara sa me-asonbo gikpen gibono gi bo Filadefiya mo.

'Me Yesu, Gesintin wura obono me-nkon ne n lii Wurubuaare ase mo, me obono n de Oloobu Deefidi safuee obono o kya yege asa me' nye loo Wurubuaare geten' do mo, me ne n kya tigi ne oko man taale tii, ne me kee ne n kya tii ne oko man taale tigi. Me ne n kya sa feye okalan baare.

⁸ 'N nyi feye-ilaa worase. Fe' nu yee ne tigi gebunono gebono oko man taale tii mo yela sa feye. N nyi ibono feye-olon man kyo. Imo genen gbaa mo, fe kya nu me-gede ne fe man kine me.

⁹ Imoso fe' nu ilaa ibono nan kyu wora Satan gikyangbon do asa mo. Me kya kyu momo-nyoro yee me kya son Wurubuaare. Yege i gye daa abon. In gye Wurubuaare ne me kya son. N' toge sa feye yee nan yege genen asa abono me' baa nmii feye-ayaa do de me' bii yee n kya laare feye-ilaa.

10 'Ge'iyee owi kya ba gesinkpan pewu so. Ibono fe nu me-gede ne fe nye gisen keda me-gesun mo do so mo, ge'iyee owi gi fo mo, me kee, nan kere feye so. Genen owi obono mo, Wurubuaare laa kere yee abono me te gesinkpan so mo me laa taale yele momo-ayaa so?

11 Nan ba belen. Fe' sa fe' yee oko o' soge feye-afaala abono nan kyu faala feye mo lii feye-abaa do. Fe' keda ibono fe de mo do ken-ken.

12 'Obono o laa ko lii mo, nan yee o' wora fee gekpara me-se Wurubuaare onon obu mo do. O man baa lii mo do ge'kaako. Nan nmarase me-se Wurubuaare ginyen de me-se Wurubuaare osowole mo ginyen gyan kaase mo so. Wurubuaare osowole obono ne n gye Gyerusalem poboro obono o laa lii soso me-se Wurubuaare ase ba gesinkpan so mo. Nan nmarase me gbaa-gbaa lee ginyen poboro kee gyan kaase mo so.

13 'Obono o bo aso mo o' nu ilaa ibono Wurubuaare Oduduu mo gi toge sa Wurubuaare asonbo akpen mo.' "

Lawodisiya

14 O kii toge yee, "Nmarase ilaa ide kpaa sa Wurubuaare osoo obono o gyangbara sa me-asonbo gikpen gibono gi bo Lawodisiya mo.

'Me Yesu abono n kya toge ne i kya ba genen mo, me obono n kya gyi gesintin lee ilaa kamaase nyiile anyamese imo-okpa so ne i kya kyena mo, Wurubuaare laa lee ilaa kamaase mo, me ne n gyangbara imo do. Me ne n kya sa feye okalan baare.

15 'N nyi feye-ilaa worase. Fe' bo gya, ne fe' kii fe bo yuuli. Fee fe bo imo iko do mo, nkana n kya laare.

16 Ibono fe kyole nsana faa so mo, nan fure feye lii me-geno do fue.

17 Fe wu ibono fe bo aterenbi, feye-ilaa i kya wora odan sa feye, ne sei man tiri feye, ne sei man taale feye. Yee feye mo ne man taa da aban. Feye-ilaa i bo ayen. Fe de fee abono me gye ayenbo, agyaatanbo de abono me naa gibolonbukpan mo.

18 Imoso n kya ka feye yee fe' ba me ase de n' sa feye sika kokoo obono ne kyu ogya loro mo mo. Imo ne n gye oduduu do-lee awurato abono a laa kere feye so gesintin gikere mo. Fe' ba de n' sa feye ngbe fufuli de fe' suu de i' lee feye lii feye-gibolonbukpan ipeeli mo do. Fe' ba de n' sa feye gelin fe' wora feye-ansi de a' bugi de fe' wu Wurubuaare okpa.

19 'Obono n kya laare mo-ilaa mo, mo ne n' kya ka ne mo kee ne n' kya biide giso. Imoso fe' peere ansi me-ilaa so de fe' nu feye-nyoro gese de fe' kyeege.

20 Fe' nu! N yele gebunono n kya nme. Okamaase obono o nu me-geno ne o tigi me mo, nan loo mo ase de me-re mo a' wora abaa gyi dabole.

21 'Isa obono o laa ko lii mo, nan sa mo okpa de o' kyena me ase me-gewuragyapaa so, fee genobono me kee ne ko lii ne ne kpelege n te me-se Wurubuaare ase mo-gewuragyapaa so mo.

22 'Obono o bo aso mo, o' nu ilaa ibono Wurubuaare Oduduu mo gi toge sa Wurubuaare asonbo akpen mo.' "

4

Gyon Gi Wu Wurubuaare Gegyapaa

1 Genen ilaa ide gemara mo, n baa kere mo, ne wu gebunono geko ge yaa Wurubuaare do! Nfono mo, ne kii nu geno gebono ne daa ginu ge kya tonge de me ken-ken fee gegandan mo. Geno mo ge toge sa me yee, "Dii ba soso gere de n' nyiile fo ilaa ibono i laa ba imo ide gemara mo."

2 Ayaa abono so mo Wurubuaare Oduduu mo gi puru me. N' baa kere mo, Wurubuaare gegyapaa ge yii Wurubuaare do ne Wura Wurubuaare te gemo so.

3 O te gemo so mo, o kya nelegi faa pila-pila fee abui nelegise ako, afufuli de apebara. I kya nelegi kyaaboo Wurubuaare gegyapaa mo fee gibui nelegise gibono gim-o-kyu gi gye gifedaa bonboli.

4 Awura ngyapaa oko nnan gi yii kyaaboo Wurubuaare gegyapaa mo, ne abelense oko anan me te ngyapaa mo so. Me bun akuru fufuli, ne me bun awura npe. Npe mo gi gye sika kokoo npe.

5 Nyangbon kya wiisee lii Wurubuaare ase o kya ghere ne o kya faa. Wurubuaare gegyapaa mo ansi do mo, ifatela sono i yii i kya dee wule-wule. Ifatela mo ne n gye Wurubuaare Oduduu obono o gye gikpado sono mo.

6 Ilaa iko i de Wurubuaare gegyapaa mo ansi do fee nkyu bele ne n ken. I kya wu sonlii fee puruntuwa.

Wurubuaare Do Asa Me Kya Yen Mo

Ilaa inan iko i mada Wurubuaare gegyapaa mo nkan-nkan. I bo nkpa ne i bo ginyamese nwonsa. Inj kii i gye anyamese. I bo ansibi faa birim, gemara de ansi pewu.

7 Genen ilaa inan ibono, ogyangbarase mo de fee guuni. Onyose mo, de fee nten do naade. Osase mo ansi do a de fee nyamese, ne onanse mo mo, de fee lun ne n kya maale.

8 Genen ilaa inan ide ikamaase i bo aban ase ne i bo ansibi faa birim imo-nyoro so de imo tudu. Genye de gepe mo, i men kya kyoola, i kya bii olon yen Wurubuaare yee, "Mo-nkon, mo-nkon guan

ne n gye Wura Wurubuaare Ololonbo!

Mo ne n gye obono o bo no,
o wolaa o bo no, ne o bo no gekpaa."

9 Genen ilaa inan mo i kya kyu nyisigi de buubuu de afaala sa Wurubuaare obono o te gegyapaa mo so ne o bo no gekpaa-gekpa mo. Owi kamaase obono me yen Wurubuaare genen mo,

10 abelense oko anan mo kee me kya kyu obono o te gegyapaa mo so ne o bo no gekpaa-gekpa mo buubuu obono o kaabore mo mo sa mo. Me kya kpelege de mo-ayaa do, me kya bugi momo-awura npe ma-a too Wurubuaare ansi do yee mo-wole ne gewura ge kaabore. I san mo me kya bii olon yee,

11 "Aye-Wura de Aye-Wurubuaare,
nyisigi de buubuu de olon ne n kaabore fo.

Fo ne n lee ilaa kamaase.
Fo-gelaare do ne fo lee imo ne i nye i bo no faa."

5

Ilaa Ibono I Laa Baa Ba Mo Owole

1 Ne wu Wurubuaare te mo-gegyapaa so o de owole oko de mo-gibaa gyise. Genen owole mo, me nmarase ilaa ibono i laa baa ba mo bola mo-ansi de gemara ne me boo mo fee gifengen, ne me kyu gimara kyu daase mo nten sono de oko kpei o men sa o' nye sange mo.

2 Ne wu Wurubuaare do ooo ololonbo oko yele o kya taase ken-ken de okamaase o' nye nu yee, "Ane ne n kaabore ibono o laa nye fologe idaase mo de o' sange Ilaa Ibono I Laa Baa Ba Mo owole mo?"

3 ɔ taase genen mɔ, mɛ kere Wurubuaare dɔ de gesinkpan so de gesinkpan ɔbɔ dɔ pɛwu, man nye isa ɔbono ɔ bo ɔkpa de ɔ' taale sange ɔwole mɔ de ɔ' kere mɔ dɔ mɔ.

4 Ne nu yee in nye isa ɔbono ɔ kaabore ɔ' sange ɔwole mɔ de ɔ' kere mɔ dɔ genen mɔ, ne su gikyo-gikyo.

5 N kya su mɔ, abelense mɔ dɔ ɔko gi tɔge sa me yee, "Geɲ baa su. Kere, Gyuda gesu dɔ guuni mɔ, Yesu ɔbono ɔ gye Oloobu Deefidi ɔpaa dɔ mɔ, gi ti wolaa kɔ lii. Mɔ ne n bo ɔkpa de ɔ' fɔloge idaase sono mɔ de ɔ' sange Ilaa Ibono I Laa Baa Ba Mɔ ɔwole mɔ".

6 Ne kere Wurubuaare gegyapaa de ilaa inan mɔ nsana de abelense mɔ nsana mɔ, ne wu Yesu yele fɛɛ sande, fo laa tɔge yee mɛ kyu mɔ kyɔɔle daa. ɔ bo ase sono abono a kya lɛɛ mɔ-ɔlon nyiile, ne ɔ bo ansibi sono. Ansibi ade ne n gye Wurubuaare Oduduu ɔbono ɔ bo gikpadɔ sono mɔ. Wurubuaare gi sun mɔ-Oduduu baare ba gesinkpan so geten kamaase gyan.

7 Wurubuaare sande mɔ gi kpa sɔɔ ɔwole mɔ lii Wurubuaare gibaa gyise dɔ.

8 ɔ nye ɔkpa sɔɔ ɔwole mɔ genen mɔ, nfono mɔ, ilaa inan ibono i bo nkpa mɔ de abelense oko anan mɔ mɛ kpelege de mɔ-ayaa dɔ mɛ kya yen mɔ. Abelense mɔ ɔkamaase de ilaa iko fɛɛ aduule de sika kɔkɔɔ gelepepii, ne anuwantere a bo gemɔ dɔ. Anuwantere mɔ a yele sa Yesu asonbo ndalaa.

9 Abelense oko anan mɔ mɛ bii ɔlon pobɔɔ yee, "Fo Yesu wole ne n kaabore ibono fo' nye ɔkpa sɔɔ Ilaa Ibono I Laa Baa Ba Mɔ ɔwole mɔ, fɔloge mɔ-idaase mɔ.

I kya nyiile yee fo ne mɛ kyɔɔle,
ne fo-nkalan gi sɔɔ anyamese kiiri sa Wurubuaare
mɛ san mɛ te mɛ sa mɔ.

Fo ne n sɔɔ anyamese lii ɔpaa kamaase dɔ,
gede kamaase dɔ, asa oyuduu kamaase dɔ,
de gesinkpan kamaase so.

10 Fo ne n yeye ne genen asa mɔ
mɛ wɔra awuragyibo de asunbi alebo sa aye-se Wurubuaare.

I lii fɛɛ fo yeye mɛ kya kpa
de i' lɔɔ anyamese mɔmɔ-re Wurubuaare nsana.

Abono fo sɔɔ genen mɔ
mɛ laa baa gyi gewura gesinkpan asa pɛwu so."

Soso De Gese Awura Pɛwu Mɛ Kya Yen Wurubuaare Mɔ-re Yesu

11 Nfono mɔ, ne kere mɔ, Wurubuaare dɔ isɔɔ sakpii bele abono nyamese man taale bii mɔmɔ-gegyɔnɔ mɔ mɛ kyaabɔɔ Wurubuaare gegyapaa mɔ de ilaa inan ibono i bo nkpa mɔ de abelense mɔ. Ne nu sakpii mɔ pɛwu

12 kya kpen yee,

"Gebelense, awuratɔ, ɔlaako ginyi, ɔlon, buubuu,
nyisigyi, de ayenbi i kaabore Yesu.

Mɔ ne n gye Wurubuaare sande
ɔbono mɛ kyu mɔ kyɔɔle sa anyamese mɔ."

13 Nfono mɔ, ne nu ilaa kamaase ibono Wurubuaare gi lɛɛ Wurubuaare dɔ, de gesinkpan so, gesinkpan dɔ, de nkyu dɔ, ilaa kamaase ibono i bo imɔ pɛwu dɔ mɔ i kya tɔge yee,

"Ayenbi, buubuu, nyisigyi, de ɔlon
i' wɔra mɔ ɔbono ɔ te gegyapaa mɔ so mɔ-leɛ
de Wurubuaare sande mɔ-leɛ gekpaa-gekpaa!"

¹⁴ Me kpen genen mɔ, ilaa inan ibono i bo nkpa mɔ i kyule yee, "I' ba genen!" Ne abelense mɔ me kpelege de Wurubuaare mɔ-re mɔ-sande mɔ ayaa dɔ me kya yen ɔmɔ.

6

Idaase Gyangbarase Mɔ: Abee Anan

¹ I san i kya wɔra me fee oderi mɔ, ne wu Yesu, Wurubuaare sande mɔ gi fologe ɔwole mɔ idaase sono mɔ dɔ ɔko. Nfono mɔ, ilaa inan ibono i bo nkpa mɔ dɔ ɔko gi lee genɔ tere fee nyangbon ne n ghere yee, "Ba!"

² N baa kerɛ mɔ, bee fufuli ne. Isa gyan mɔ so, ɔ de gita. Me kyu ɔkoliibo gepe kyu bun mɔ-gimu so. Bee mɔ mɔ-re isa baare me yele sa ilaa ibono i laa baa ba gesinkpan so geakaako mɔ. Isa mɔ laa kpe gesinkpan so fee ɔkoliibo de ɔ' kpaa kɔ iko lii.

³ Yesu, Wurubuaare sande mɔ, gi fologe daase nyɔse mɔ mɔ, ne nu ilaa inan ibono i bo nkpa mɔ dɔ ɔnyɔse mɔ gi lee genɔ tere yee, "Ba!"

⁴ ɔ lee genɔ genen mɔ, bee pebara ɔko ne. Bee baare mɔ-re isa ɔbono ɔ gyan mɔ mɔ me yele sa iko ibono i laa baa ba gesinkpan so geakaako mɔ. Me kyu iko geki bele kyu sa isa mɔ. Wurubuaare gi sa mɔ ɔkpa de ɔ' lee gisin yuuli lii gesinkpan so de ɔ' yege iko i' ba de asa me' mɔɔ abara.

⁵ Yesu, Wurubuaare sande mɔ, gi fologe ɔwole mɔ daase sase mɔ mɔ, ne nu ilaa inan mɔ dɔ ɔsase mɔ i lee genɔ tere yee, "Ba!" N baa kerɛ mɔ, bee bibiri ne. ɔbono ɔ te bee mɔ so mɔ de ilaa ibono me kya kyu kerɛ ilaa mɔ. Bee baare mɔ-re isa ɔbono ɔ gyan mɔ mɔ me yele sa akon bele abono a laa baa ba gesinkpan so geakaako mɔ.

⁶ Ne wu genen mɔ, ne nu gigyebi' giko gi kya tonge lii ilaa inan ibono i bo nkpa mɔ nsana. Gi tɔge yee, "Ayu mudu laa wɔra ɔgyalon fee aterenbi abono gesun ɔwɔrabo laa nye geke mumuli dɔ mɔ. Ne awayu, mɔ, imudu isa' i laa wɔra geke kolon-lee aterenbi kee. (Nfo de nta bere gigya gi laa kpe gi de genen.)"

⁷ Yesu, Wurubuaare sande mɔ gi fologe daase nanse mɔ, ne nu ilaa inan ibono i bo nkpa mɔ dɔ ɔnanse mɔ gi lee genɔ tere yee, "Ba!"

⁸ N baa kerɛ mɔ, bee tɔnsɔ ɔko ne. Me kya tere ɔbono ɔ te bee ɔbono so mɔ yee Lewu, ne Nkyan gi buu mɔ. Genen ilaa ide i yele i sa Lewu ɔbono ɔnan ɔ laa baa ba gesinkpan so geakaako mɔ. Wurubuaare laa ye gesinkpan so anyamese mɔ dɔ gikpadɔ ginan de ɔ' kyu gikolon kyu wɔra Lewu mɔ-re nkyan mɔ abaa dɔ yee iko, akon, alɔtɔ, de ndonbue i' mɔɔ ɔmɔ.

Daase Nunse: Gesintin Awura Me Taase Ilaa Lii ɔson Gibui Mɔ Gese

⁹ Owi ɔbono ɔ fologe ɔwole mɔ daase nunse mɔ, ne wu asa ako Wurubuaare dɔ. Me bo Wurubuaare ɔson gibui mɔ gese. Owi ɔbono me te de ansi mɔ, me tɔge Wurubuaare agyebi sa asa gesinkpan so ne me lee Wurubuaare ilaa ibono me wu mɔ nyiile anyamese. Genen so mɔ, asa ako me mɔɔ mɔmɔ.

¹⁰ Abono ne wu nno genen mɔ, me lee genɔ kpen taase yee, "E Wurubuaare, soso de gese Wura, gisen fufuli de gesintin wura ne fo gye. Abere amɔ dɔ ne fo laa gyi gesinkpan so asa nbele de fo' biide abono me mɔɔ aye mɔ giso daa?"

¹¹ Nfono mɔ, Wurubuaare gi sa mɔmɔ ɔkamaase gegbe fufuli, ne ɔ tɔge ɔmɔ yee me' kii kyena kyoola gyoo ɱmaraa pii too. Asa me laa kii mɔɔ mɔmɔ-nanboana abono me kya son Wurubuaare mɔ bola. Imoso me' kyena kpaa lii abere abono mɔmɔ-gegyɔnɔ ge laa fo ɔkara ɔbono ɔ yela mɔ.

Daase Seese: Soso I Laa Njaa, Ne Gifuu Gi Laa Tɔɔ Asa Dɔ Gese Gere

¹² Yesu ɔbono ɔ wɔra fɛɛ sandɛ mɔ gi fɔlɔge daase seese mɔ lii Ilaa Ibono I Laa Baa Ba Mɔ ɔwɔle mɔ so mɔ, nɛ wu genɔɔbono gesinkpan ge laa gyigisi mɔ, i laa wɔra nyenyen, owi laa biiri fɛɛ gikuru bibiri ne bɔse mɔ geten kumaase i laa pɛɛɛ fɛɛ nkanan.

¹³ Agyekpebi a laa kyigi lii soso tɔɔ gesinkpan so fɛɛ kyangbelele afuu bele ne n kpiisi oyii abii too.

¹⁴ Soso i laa njaa gikolon fɛɛ gifengen ne mɛ sange ne gi kya kii bɔɔ gimɔ-atɔ. Abii de apoo akyaafiya bele-bele a laa koso lii nfono nkana a wolaa a de mɔ.

¹⁵ Nfono mɔ, awura abono mɛ kya kere nsinkpan so mɔ, asa gbaa'gbaa, asogya abelense, aterenbi awura, alolonbo, de asa abono mɛ tɛ awura ase de abono mɛ tɛ mɔmɔ-gibaa so mɔ pɛwu mɛ laa sele kpaa njara abii so, ifolebɔ dɔ de afole dɔ.

¹⁶ Mɛ laa san tɔge sa abii mɔ de afole mɔ yɛɛ, "Fɛ' tɔɔ bun aye so de a' njara Wurubuaare ɔbono ɔ tɛ gɛwuragyapa mɔ so mɔ de a' njara de an sa a' loo Wurubuaare sandɛ mɔ ginyadon gibono ɔ de mɔ dɔ.

¹⁷ I lii fɛɛ mɔ-rɛ Wurubuaare ginyadon geke bele mɔ ge fo. Anɛ ne nan taale yelɛ?"

7

Wurubuaare Laa Kun Mɔ-Asonbo

¹ Imɔ ide gemara mɔ, nɛ wu Wurubuaare dɔ isɔɔ inan mɛ yelɛ gesinkpan so afuu iliiten inan mɔ so. Mɔmɔ-gesun ne n gye yɛɛ mɛ kya tii afuu nyenyen ɔkpa de a men sa a' nyɛ da gesinkpan abɛɛ apoo so abɛɛ oyii ne n gye oyii.

² Genen isɔɔ inan ide kee ne Wurubuaare laa sa ɔkpa de mɛ' yɛge afuu nyenyen a' baa da gesinkpan de apoo so.

Nfono mɔ, nɛ wu Wurubuaare dɔ ɔsɔɔ banban oko mɔ kya dii ɔ lii owi ɔbaaliiten so ɔ de Wurubuaare ɔbono ɔ bo no adaa-adaa mɔ daase. ɔsɔɔ mɔ gi bugi genɔ kpen ken-ken tɔge sa Wurubuaare dɔ isɔɔ inan mɔ yɛɛ,

³ "Fɛ' yɛge a' kyu Wurubuaare daase kyu gyan'gyan mɔmɔ abono mɛ kya son Wurubuaare mɔ asegbelɛ so pei de fɛ' lɔɔ yɛge afuu a' nyida gesinkpan mɔ, apoo mɔ, de iyii mɔ."

⁴ Nɛ nu asa abono ɔkara mɛ laa daase genen mɔ gegyɔnɔ. Mɛ laa wɔra asa nwe gudu-gudu genen gikpadɔ gudu ginyɔ, genen gikpadɔ gudu ginyɔ. Mɛ laa lii Isirale awura abono mɛ kya son Wurubuaare wole mɔ adedaabo gudu anyɔ mɔ ɔpaa dɔ.

⁵ Mɛ laa daase:

Gyuda-lɛɛ ɔpaa dɔ asa nwe gudu-gudu genen gikpadɔ gudu ginyɔ,
Ruben-lɛɛ ɔpaa dɔ asa nwe gudu-gudu genen gikpadɔ gudu ginyɔ,
Gadɛ-lɛɛ ɔpaa dɔ asa nwe gudu-gudu genen gikpadɔ gudu ginyɔ,

⁶ Akya-lɛɛ ɔpaa dɔ asa nwe gudu-gudu genen gikpadɔ gudu ginyɔ,
Nafitali-lɛɛ ɔpaa dɔ asa nwe gudu-gudu genen gikpadɔ gudu ginyɔ,
Manase-lɛɛ ɔpaa dɔ asa nwe gudu-gudu genen gikpadɔ gudu ginyɔ,

⁷ Simiyon-lɛɛ ɔpaa dɔ asa nwe gudu-gudu genen gikpadɔ gudu ginyɔ,
Lɛfi-lɛɛ ɔpaa dɔ asa nwe gudu-gudu genen gikpadɔ gudu ginyɔ,
Isakaa-lɛɛ ɔpaa dɔ asa nwe gudu-gudu genen gikpadɔ gudu ginyɔ,

⁸ Sebulun-lɛɛ ɔpaa dɔ asa nwe gudu-gudu genen gikpadɔ gudu ginyɔ,
Gyosefo-lɛɛ ɔpaa dɔ asa nwe gudu-gudu genen gikpadɔ gudu ginyɔ,

de Bengyamin-lɛɛ ɔpaa dɔ asa nwe gudu-gudu genen gikpadɔ gudu ginyɔ.

Sakpii De Wurubuaare Dɔ Isɔɔ Pɛwu Mɛ Kya Yen Wurubuaare

⁹ Imɔ idɛ gemara mɔ, i san i kya wɔra me fɛɛ oderi mɔ, n' baa kerɛ mɔ, sakpii beɛ-beɛ ɔko ne n bo Wurubuaare dɔ. Isa man taale kale mɔmɔ de ɔ' bii mɔmɔ-gɛgyɔnɔ. Mɛ lii gɛsinkpan kamaase, ɔpaa kamaase, asa oyudu kamaase, de gedɛ kamaase dɔ. Mɛ suu ilaa fufuli ne mɛ de mɛ de abelafe mɛ yelɛ Wurubuaare gɛwuragyapaa mɔ de Yesu, Wurubuaare sande mɔ, ansi dɔ.

¹⁰ Mɛ yelɛ genen mɔ, mɛ bugi genɔ kpen ken-ken yɛɛ,
“Wurubuaare ase ginyɛ kyena
gi kya lii daa aye-Wurubuaare ɔbono ɔ tɛ gɛwuragyapaa so mɔ
de Yesu, Wurubuaare sande mɔ ase!”

¹¹ Wurubuaare dɔ isɔɔ mɔ pɛwu mɛ yelɛ kyaabɔɔ Wurubuaare Gɛwuragyapaa mɔ de abelense mɔ de ilaa inan ibono i bo nkpa mɔ. Wurubuaare dɔ isɔɔ mɔ pɛwu mɛ kpeleɛ de Wurubuaare ayaa dɔ ne mɛ yen mɔ

¹² yɛɛ,
“I' ba genen!

Ayenbi, nyisigyɛ, ɔlaako ginyi, afaala, buubuu, gɛbelense,
de ɔlon i' wɔra aye-Wurubuaare lɛɛ gɛkpa-gɛkpa!
I' ba genen!”

Anyamesɛ Sakpii Abono Mɛ Suu Ilaa Fufuli Mɔ

¹³ Nfono mɔ, abelense mɔ dɔ ɔko gi tongɛ de me, ne ɔ taase me yɛɛ,
“Genen asa abono mɛ suu ilaa fufuli faa, anɛana ne? Fone dɔ ne mɛ lii ne mɛ ba Wurubuaare dɔ gɛrɛ faa?”

¹⁴ Nɛ lɛɛ genɔ yɛɛ, “ɔbelense, fo bere ne n nyi.”

Nfono mɔ, ɔ nyiile me yɛɛ, “Mɔmɔ adɛ ne n gye asa abono mɛ laa loo ɔlaawuse beɛ mɔ dɔ lii mɔ. Mɛ laa kyu Yesu, Wurubuaare sande mɔ nkalan de mɛ' kyu lɔrɔ mɔmɔ-asen de a' fuuli fɛɛ genɔɔbono asa mɛ kya foro mɔmɔ-akuru ne a kya lii fuuli mɔ.

¹⁵ Imɔso mɛ laa yelɛ Wurubuaare ansi dɔ genyɛ de gɛrɛ mɛ kya yen mɔ mɔ-ɔson obu mɔ dɔ. Mɛ bo Wurubuaare gɛwuragyapaa mɔ ase genen mɔ, mɔ Wurubuaare laa kun mɔmɔ.

¹⁶ Akon de bolefo man baa mɔɔ mɔmɔ gɛkaako. Owi man baa mɔɔ mɔmɔ ne owi afuu bogyase a man baa da ɔmɔ gɛkaako kpa-a.

¹⁷ I lii fɛɛ Yesu ɔbono ɔ gye Wurubuaare sande ne ɔ tɛ Wurubuaare ase mɔ, ne nan kerɛ mɔmɔ so. Mɔ ne nan kyu mɔmɔ kpe ibon ibono i kpe i kya kyon i kya sa Wurubuaare ase gɛkyena mɔ dɔ, ne Wurubuaare mɔ laa kpaare mɔmɔ-ansikyu kamaase lii mɔmɔ-ansi dɔ sa mɔmɔ.”

8

Daase Sonose: Onufuii, Ndalaa, De Ngandan Sono

¹ Yesu, ɔbono ɔ wɔra fɛɛ sande mɔ, gi fɔlɔɛ daase sonose mɔ lii Ilaa Ibono I Laa Baa Ba Mɔ ɔwole mɔ so mɔ, Wurubuaare dɔ i sii kurun fɛɛ owi kolon gibaafon.

² Nfono mɔ, nɛ wu Wurubuaare dɔ isɔɔ sono ibono mɛ bo Wurubuaare ase mɔ. Ako mɛ kyu ngandan sono baa sa mɔmɔ.

³ Ne nɛ wu Wurubuaare dɔ ɔsɔɔ banban ɔko gi naa baa yelɛ Wurubuaare ɔson gibui mɔ ase, ɔ de sika kɔkɔɔ tangalan. Mɛ kyu onufuii gikyɔ sa mɔ

yee o' kyu dee sika kokoo oson gibui mo so Wurubuaare ansi do de igyesii mo i' dii dabole de Yesu asonbo mo ndalaa de i' wora Wurubuaare okon.

4 Imoso onufuii mo igyesii de Yesu asonbo mo ndalaa mo gi dii lii Wurubuaare do osoo mo abaa do Wurubuaare ansi do.

5 O dee ta mo, ne wu genooono Wurubuaare do osoo mo laa nyoo ogya lii Wurubuaare oson gibui mo ase de o' kyu wora sika kokoo tangalan mo do de o' kyu too woroge gesinkpan so mo. Nfono mo, nyangbon laa gbere, i laa wora olanba, nyangbon laa wiisee, ne gesinkpan ge laa gyigisi.

Ngandan Gyangbarase Nnan: Soso De Gese Ilaa I Laa Nyida

6 Nfono mo, Wurubuaare do isoo sono abono me de Ilaa Ibono I Laa Baa Ba Mo Ngandan sono mo me loro momo-nyoro de me' fole.

7 Osoo gyangbarase mo gi fole mo-gegandan. O fole genen mo, Ne wu genooono nyangbon akpenkpelebui, de ogya saare de nkalan i laa lii soso baa woroge gesinkpan so mo. Me ye gesinkpan do gikpado gisa' mo, ogya laa baa dee gibaafon giko, gim-re gim-iyii de gim-ife bonboli pewu.

8 Wurubuaare do osoo nyose mo gi fole mo-lee gegandan mo, ne wu genooono ilaa iko fee gibii bele ne n kya dee, gi laa lii soso baa toro apoo do.

9 Gi lii toro apoo mo do mo, apoo mo gibaafon giko gi laa hingiri nkalan de i' san abaafon anyo. Ne nkyu do nbue gibaafon giko gi laa wu', de i' san abaafon anyo, ne akolii bele-bele mo gibaafon giko gi laa nyida de i' san abaafon anyo.

10 Wurubuaare do osoo sase mo gi fole mo-gegandan mo, gigyekpebi bele giko gi laa kyigi lii soso gi kya dee fee gifilaa. Gigyekpebi mo gi laa kpaatoo gesinkpan so ibon de ibon gemu gibaafon giko do.

11 Me laa tere genen gigyekpebi gibono yee "ololoo". I kya nyiile yee ibon mo nkyu gi laa loo ololoo, ne asa sakyoo me laa nun nkyu mo de me' wu'.

12 Wurubuaare do osoo nanse mo gi fole mo-gegandan. Nfono mo, ne wu genooono i laa gyi owi, bose, de agyekpebi gyerebi mo. Genooono nkana i kya wu mo, fo ye imo do gikpado gisa' mo, gikolon gin baa wu. Genye de geye kee, fo ye imo do gikpado gisa'gisa mo giko-giko gin baa wu.

13 I san i kya wora me fee oderi mo, ne wu lun kya maale soso. Ne nu lun mo kya kpen ken-ken yee, "Ngandan sense nbono Wurubuaare do isoo isa' mo me laa baa fole mo, me fole nmo nsa' mo, asa abono me te gesinkpan so mo, momo laako, momo laako, genen-n gikpado gisa'."

9

Gegandan Nunse: Obi Obono Oji Bo Okara Mo Nkpenfuree

1 Nfono mo, Wurubuaare do osoo nunse mo gi fole mo-lee gegandan. O fole genen mo, ne wu oko, o de fee gigyekpebi. Ne wu genooono o laa baa kyigi lii Wurubuaare do baa toro gesinkpan so mo. Wurubuaare laa kyu gesinkpan so obi obono oji bo okara mo safuee wora kaase obono abaa do.

2 O laa kyu safuee mo tigi gesinkpan so obi obono oji bo okara mo de igyesii i' lii obi mo do dugu-dugu fee gitalaa bele ne n kya dee. Obi mo igyesii mo i laa keda afuu de owi wora.

3 Nfono mo, ilaa iko i laa lii igyesii mo do fee nkpenfuree. Wurubuaare laa sa genen ilaa mo olon fee gesinkpan so nnan-lee mo onan.

4 Wurubuaare laa tii imo yee inj sa i' nyida gesinkpan so iyii abee gifē ne n gye gifē. Asa abono me man bo Wurubuaare daase gyan momo-asegbele so mo bere,

5 ilaa mo i laa nye okpa de i' yege momo-nyoro gi' ko momo genen-n ibose inun. Gimoo bere, i man nye okpa de i' moo momo. I laa wora momo fee genoo bono genan ge kya da nyamese ne i kya ko mo mo.

6 Genen nke nbono do asa me laa laare lewu; me man kii nye. Me laa toge yee me' tese wu' mo, i bo. Lewu mo laa sele lii momo ase.

7 Ilaa ibono ne wu fee nkpenfuree mo i wora fee abee abono me baala sa iko gikpe. Imo-amu i de fee sika kokoo npe ne i bun. Imo-ansi do i de fee anyamese ansi do onan.

8 Imo-iman i wora gisoro tee kyologa, ne imo-anyi a de fee aguuni anyi.

9 Ilaa iko i mada i mada momo-nben do fee abeletō abono asa me kya kyu kun momo-nyoro owi obono me kya ko iko mo. Olanba obono imo-aban do i kya wora mo, i de fee asa ne n kyu abee gikyo ghere loo iko do.

10 Ilaa mo i bo iduu fee nnan, ne i kya da fee nnan-lee mo. Genoo bono i laa yege asa nyoro gi' ko momo ibose inun mo, i laa lii daa imo-iduu do.

11 Genen ilaa ibono i de fee nkpenfuree mo, i bo wura. Mo ne n gye obelense obono o kya kere gesinkpan gede so obo obono oj bo okara mo so. Mo-ginyen ne n gye Onyidabo. Me kya tere mo de Hiiburu gede do yee Abadon. Geriiki gede do mo, me kya tere mo yee Apoliyon.

12 Nkpenfuree nde ilaa ne n gye laako gyangbarase sa gesinkpan so awura. I san momo laako gikpado ginyo.

Gegandan Seese:

Me Laa Sange Ilaa Nyenyen Pewu Gemu Mo Isoo Inan

13 Wurubuaare do ooo seese mo gi fole mo-lee gegandan. O fole genen mo, ne nu geno lii Wurubuaare sika kokoo oson gibui igen inan mo nsana Wurubuaare ase.

14 Geno mo ge toge sa ooo seese obono o fole gegandan mo yee, "Sange ilaa nyenyen pewu gemu mo isoo inan ibono Wurubuaare gi nminde momo yela Yufereetise obon bele mo ase mo."

15 Gesintin mo ne wu genoo bono Wurubuaare do ooo mo laa sange ilaa nyenyen pewu gemu mo isoo inan ibono Wurubuaare gi wolaa baala omo yela sa genen gesi, bose, geke, de owi obono mo. Wurubuaare yee genen owi mo gi nye ne o fo mo, isoo inan mo me' yege gesinkpan anyamese sakyō me' wu iko do ka gesinkpan so awura ilaa nyenyen giko. Wurubuaare yee me ye gesinkpan so anyamese do gisa' mo, giko gi laa wu' genen owi obono do de i' san momo gikpado ginyo.

16 Me laa kyu abee gikyo kpe genen iko ibono. Ne nu me tere asogya abono me laa gyan abee mo so mo gegyōno. Momo-gegyōno ge gye imiliyon nwe nnyo.

17 Ne wu abee mo fee oderi genen mo, genoo bono so ne kyu wu imo mo ne n gye yee: Asa ako me gyan abee mo so. Me kyu abeletō abono a peere fee ogya, de abono a de fee kyaase nfo fee ferewuta, de abono a gye buruu mo, kyu kun momo-akan. Abee mo amu a de fee aguuni-lee. Ogya, igyesii de ferewuta i kya lii imo-nno do.

18 Genen lewu ilaa isa' ide: ogya mo, igyesii mo de ferewuta mo i kya lii abee mo nno do mo ne nan moo gesinkpan so anyamese sakyō abono Wurubuaare gi wolaa toge yela mo. Momo do giko gi laa wu' de i' san gikpado ginyo.

¹⁹ Abee mɔ ɔlon ɔbono me bo mɔ laa lii daa mɔmɔ-nno dɔ de mɔmɔ-iduu dɔ. Mɔmɔ-iduu mɔ i de fɛɛ awɔɔ ne i bo amu. I laa yege anyamese me' gooli.

²⁰ Ibono lewu ilaa isa' mɔ i laa mɔɔ asa sakyɔ mɔ gemara mɔ, asa abono me laa san mɔ me man' nu mɔmɔ-nyoro gese yee me kya wɔra ilaa nyenyen. Me laa kii me kya son ilaa ibono i kya kyena asa so mɔ. Me ti taale kyu sika kɔkɔɔ, abelete oyuduu kpei-kpei, abui, de iyii de me' kyu sale ikpere de me' san son genen ilaa ibono i men' kya wu, i men' kya nu, ne i men' kya naa mɔ.

²¹ Genen asa ade kee me man' nu mɔmɔ-nyoro gese de me' taa mɔmɔ-asa gimɔɔ, mɔmɔ-afe, mɔmɔ-ilaayan, de mɔmɔ-gɛyu yege.

10

Wurubuaare Dɔ ɔsɔɔ ɔlolonbo Mɔ

¹ Nfono mɔ, i san i kya wɔra me fɛɛ oderi mɔ, ne wu Wurubuaare dɔ ɔsɔɔ banban ɔlolonbo ɔko gi kpelege lii Wurubuaare dɔ ɔ kya ba. Wurubuaare awole a mili mɔ ne i kya njelegi kyaabɔɔ mɔ-gimu fɛɛ okyiimaale. Mɔ-ansi dɔ i de fɛɛ owi, ne mɔ-ayaa a de fɛɛ ɔgya ne n kya dɛɛ.

² ɔwole pii ɔko gi bugi ɔ bo mɔ-gibaa dɔ. O kyu mɔ-giyaa gyise yii apoo dɔ ne o kyu mɔ-bene giyaa yii gifuli.

³ O kpen ken-ken tɔnge fɛɛ guuni ne n kya gbere gipen dɔ. O kpen genen mɔ, nyangbon gi gbere gikpadɔ sono.

⁴ Nyangbon gi gbere gikpadɔ sono genen mɔ, ne laare n' nmarase ilaa ibono ne nu lii imɔ dɔ mɔ yela. Nfono mɔ, ne nu genɔ geko lii Wurubuaare dɔ yɛɛ, "Kyu ilaa ibono nyangbon gi gbere gikpadɔ sono tɔge mɔ kyu wɔra asiiri dɔ ilaa. Gen' sa fo' nmarase imɔ yela."

Ilaa Boduduuse In Baa Keela

⁵ Nfono mɔ, Wurubuaare dɔ ɔsɔɔ ɔbono ɔ yeɛ apoo dɔ de ofuli so mɔ gi diire mɔ-gibaa gyise soso,

⁶ ne ɔ ka ntan yɛɛ, "Nɛ kere fɛɛ Wurubuaare ɔbono ɔ bo no adaa-adaa ne mɔ ne n lɛɛ soso de gese de apoo de ilaa kamaase ibono i bo imɔ pɛwu dɔ mɔ yɛɛ, in baa keela

⁷ ne Wurubuaare ilaa boduduuse i laa ba gesintin, fɛɛ genɔɔbono ɔ wolaa tɔge sa mɔ-asonbo, mɔ-ikalan atɔgebo mɔ. Genen ilaa ibono i laa ba daa abere abono Wurubuaare dɔ ɔsɔɔ sonose mɔ laa foɛ mɔ-lɛɛ gegandan mɔ."

Nɛ Wɛ ɔwole Pii ɔbono ɔ Bo Kon Ne ɔ Bo ɔloloɔ

⁸ Nfono mɔ, genɔ gebono ne nu ge tɔnge lii Wurubuaare dɔ mɔ ge kii tɔge sa me yɛɛ, "Naa kpe me-ɔsɔɔ ɔbono ɔ yeɛ apoo dɔ de ofuli so mɔ ase de fo' kpaɔ sɔɔ ɔwole ɔbono o bugi ɔ bo mɔ-gibaa dɔ mɔ."

⁹ ɔ tɔge me genen mɔ, ne naa kpe mɔ ase kpaɔ tɔge sa mɔ yɛɛ o' kyu ɔwole pii mɔ ɔ de mɔ sa me. Mɔ mɔ gi kyu sa me yɛɛ, "Sɔɔ de fo' wɛ. Fo-genɔ dɔ i laa wɔra fo ɔkon fɛɛ nmasan, fo ɔtɔ dɔ bere n' tɔge tigi fo yɛɛ i laa wɔra fo ɔloloɔ."

¹⁰ ɔ tɔge me genen mɔ, ne sɔɔ ɔwole pii mɔ lii mɔ-abaa dɔ ne ne wɛ. N kya wɛ ɔwole mɔ mɔ, i bo kon fɛɛ nmasan me-genɔ dɔ. Nɛ wɛ ta mɔ, me-ɔtɔ dɔ i wɔra me ɔloloɔ.

¹¹ Nfono mɔ, me lɛɛ ɔwole ɔbono ne wɛ mɔ gese sa me yɛɛ, "I tiri yɛɛ fo' kii tɔge ilaa ibono Wurubuaare laa yege i' ba asa kpei-kpei, nsinkpan kpei-kpei, nde kpei-kpei asa, de awura sakyɔ so mɔ."

11

Wurubuaare Ilaa Atogebbo Anyo

¹ I san i kya wōra me fēe oderi mō, Wurubuaare dō ɔsɔɔ ɔko gi kyu oyii kaala-ilaase fēe oyii tugese sa me ne ɔ toge sa me yee, “Koso de fo' kaala Wurubuaare ɔson obu mō de Wurubuaare ɔson gibui mō de fo' kale anyamese abono me kya son Yesu obu mō dō mō.

² ɔson obu gikpaara mō bere, taa gimō yee. Geŋ sa fo' kaala gimō. Asa kpei-kpei abono me bo nno mō meŋ kya son Wurubuaare. Wurubuaare gi sa ɔmō ɔkpa yee me' loo nno. Me laa kyise-kyise Wurubuaare ɔsowole mō so giyan-giyan ibose ikue-inyo de ibose inyo.”

³ Wurubuaare yee, “Nan sa me-ilaatogebbo anyo ɔlon de me' wu me-ilaatogebbo de me' lēe me-ikalan toge sa asa, nke nwe gudu nnyo de nke ikue-isa. Me laa bun akuru abono a laa nyiile yee anyamese ilaa nyenyen i gye gensipere ilaa sa ɔmō mō. Ne me laa naa me kya toge me-ikalan mō ma-a sa asa.

⁴ Wurubuaare agyebi ako dō i wolaa toge yee nfo iyii inyo iko de ifatela igyantent inyo iko i bo gesinkpan pewu Wura mō ase.” Fe' bii yee genen ilaa ibono i yele sa Wurubuaare ilaa atogebbo anyo ade.

⁵ Nengyene fēe ɔko kya laare de ɔ' wōra ɔmō ilaa iko mō, ɔgya laa lii mōmō-nno dō kpaade dēe mōmō genen ɔkyobo ɔbono. Imōso ɔkamaase ɔbono ɔ kya laare ɔ' wōra ɔmō ilaa iko mō, genen lewu nyenyen baare ne nan tu kaase.

⁶ Me bo ɔkpa de me' keda Wurubuaare awole tii de nyangbon ɔŋ sa ɔ' da nke nbono me de ma-a toge Wurubuaare ɔkalan mō. Me bo ɔlon kee de me' yee ibon i' bingiri nkalan de me' kyu geyiyee kamaase kyu too gesinkpan so owi kamaase ɔbono me kya laare mō.

⁷ Wurubuaare ilaa atogebbo anyo ade me laa lēe Wurubuaare ilaa ibono me wu mō nyiile asa loge. Nfono mō, gedonbue geko ge laa lii gesinkpan ɔbo ɔbono ɔŋ bo ɔkara mō dō baa ko iko de mōmō. Ge laa gyi ɔmō so de ge' mōɔ ɔmō.

⁸ Ge mōɔ mōmō mō, mōmō-gibuni gi laa too gidan so ɔsowole bele mō dō. Me kya tere genen ɔsowole mō akpale dō yee Sodom de Igyipiti. Nno ne me da Wura Yesu anjanbi oyii so mōɔ mō.

⁹ Mōmō-gibuni mō gi laa kpe gi too gidan so ɔsowole bele mō dō genen nke nsa' de gibaafon. Oyudu kpei-kpei, gesu kpei-kpei, nde kpei-kpei, de nsinkpan kpei-kpei asa me laa wu mōmō me too, ne me maŋ kyule yee ɔko o' puru mōmō kpaade pule.

¹⁰ Mōmō-lewu laa wōra gesinkpan so asa ɔkon. Me laa gyi geko bele de me' kyee-kyee abara ilaa. I kya nyiile yee genen asa anyo mō me yee gesinkpan so asa me' wu ɔlaawuse gikyō.

¹¹ Nke nsa' de gibaafon gemara mō, Wurubuaare laa kii sa genen asa anyo ade ɔŋe de me' kyingi koso yele mōmō-ayaa so. Nfono mō, gifuu bele gi laa keda asa abono me laa wu mōmō mō.

¹² Nfono mō, me laa nu geno geko lii Wurubuaare dō ge laa tere ɔmō ken-ken yee, “Fe' dii ba gere.” Me laa kyu de Wurubuaare awole dō dii kpe soso, yee mōmō-akyobo mō me yele me kere mōmō.

¹³ Genen ayaa abono so mō, gesinkpan ge laa gyigisi, i laa wōra nyenyen. Me ye ɔsowole bele mō gikpadɔ gudu mō, giko ibu i laa tɔɔ de i' san gikpadɔ sango. I laa mōɔ asa nwe gudu-gudu genen gikpadɔ sono. Gifuu bele gi laa loo asa abono me laa san mō dō de me' yen Wurubuaare ɔbono ɔ bo soso mō.

14 Gesinkpan so anyamese mamo-laako nyose obono o laa baa ba mo ilaa ne ne toge faa. Mo-gemara mo, osase mo laa buu ayaa abono so.

Gegandan Sonose: Wurubuaare Gewuragyi Do Akyenabi A Ba

15 I san i kya wora me fee oderi mo Wurubuaare do osos sonose mo gi fole mo-lee gegandan. O fole genen mo, ne nu nno nko Wurubuaare do gi kya tonge ken-ken yee,

“Ide kon gesinkpan so gewuragyi pewu ge san bingiri

aye-Wura Wurubuaare mo-re obono o sun kpa a molege anyamese mo-lee.

O laa gyi gewura gekpaa-gekpaai!”

16 Nfono mo, abelense oko anan abono me te awura ngyapaa so Wurubuaare ansi do mo me toro bun Wurubuaare ayaa do, me kya yen Wurubuaare.

17 Me kya toge yee,

“Wura Wurubuaare, Ololonbo!

Fo obono fo bo no, ne fo wolaa fo bo no mo,
a kya faala fo yee fo kyu fo-olon bele mo
fo kya gyi gewura.

18 Gesinkpan so asa kpei-kpei me kyu ginyadon bele fo so.

Fo-o fo mo-lee ginyadon gi ba.

Owi mo gi fo ibono fo laa koola anyamese

de fo' gyi okamaase obono o wu' mo nbele,

de fo' kyu nteela sa asa

abono fo lora mamo yela sa fo-nyoro mo

de fo-ikalan atogebo de asa abono me sele fo mo,
abelense de nbii pewu.

Owi mo gi fo ibono fo laa nyida

abono me nyida gesinkpan gemo-re gemo so asa mo.”

19 Ne wu ilaa ide fee oderi mo, imo gemara mo, ne kii wu Wurubuaare oson obu obono o bo Wurubuaare do mo. Gi tigi, ne i kya wu tuda-tuda nfono Wurubuaare oson gidekaa mo gi de mo. Me kya tere gidekaa mo yee Geno Gebono Wurubuaare Gi Yee Mo-re Anyamese Me Wora Mo Gidekaa. Ne wu gidekaa mo genen mo, ne kii wu genobono nyangbon laa wiisee, i laa wora olanba, nyangbon laa ghere, gesinkpan ge laa gyigisi, ne nyangbon akpenkpelenui a laa toro gikyoo.

12

Giwo Bele-Bele Mo De Jkyii Mo Ilaa

1 I san i kya wora me fee oderi mo, ide kon mo, ne wu ilaa bele soso ibono i kya lee Wurubuaare ilaa nyiile mo. Imo ne n gye okyii obono owi ne n gye mo-gikuru ne bose mo bo mo-ayaa ateesi mo. O bun awura geye. Genen geye mo so mo, agyekpebi gudu anyo a mada a mada gemo so kyaaboo.

2 Okyii mo da oto. Gedun ge yii mo, o kya laare o' koroge mo, o kya saawo.

3 N' baa kii kere mo, ne wu ilaa banban iko soso nno ibono i kya lee Wurubuaare ilaa nyiile. Imo ne n gye giwo pebara bele-bele giko. Gi bo amu sono de ase gudu ne gi bun awura npe sono gimmo-amu mo so.

4 Ne fee me ye agyekpebi abono a bo soso mo do gikpado gisa' mo, giwo mo gi kyu gimmo-oduu kpare gikolon lii soso too gesinkpan ne i san gikpado ginyo soso nno. Gi wora genen mo gi kpe gi kpa yele okyii obono o kya

laare de o' koroge mo ansi do, de nengyene o' koroge mo, gi' nye puru gebii mo mara.

⁵ Okyii mo gi koroge gebii nyensee. Gemo ne nan baa kyu olon fee gibeletolee olon onan gyi gewura nsinkpan pewu so. Okyii mo gi koroge mo, i puru mo-bi mo dii kpe Wurubuaare mo-re mo-gegyapaa mo ase.

⁶ Okyii mo mo gi sele kyon kpe gipen do. Wurubuaare gi loro nno geteeko yela mo yee o' kyena nke nwe gudu nnyo nke ikue-isa. O laa nye mo-ilaa gyise nno.

Wurubuaare Do Iko

⁷ Nfono mo, iko i loro Wurubuaare do. Maakele, Wurubuaare do ooso belense oko mo-re mo-nanboana Wurubuaare do isoo me kya ko de giwoo bele mo. Giwoo mo gimoo-nanboana isoo kee me kya ko ma-a kpaa gimoo.

⁸ Maakele mo-re Wurubuaare do isoo mo me gyi giwoo mo gimoo-re gimoo-isoo mo so, ne meij baa nye okyenaten Wurubuaare do.

⁹ Me too giwoo bele mo lii Wurubuaare do, genen ko-o dedaa giwoo gibono me kya tere yee Satan abee ilaa nyenyen pewu gemu mo. Mo ne n gye gesinkpan pewu so asa openebo mo. Me kyu gimoo-re gimoo-isoo mo pewu too gesinkpan.

¹⁰ I san i kya wora me fee oderi mo, ne nu geno geko Wurubuaare do ge kya toge ken-ken yee,

“Ide kon bere, aye-Wura Wurubuaare amolege,
de mo-olon, de mo-gewuragi mo ge lii gewi tentegelen.

Yesu obono Wurubuaare gi sun lii Wurubuaare do,
ne o kpaa molege gesinkpan so anyamese mo kee
mo-gebelense mo ge lii gewi tentegelen. I kya nyiile yee
me gya ilaa nyenyen pewu gemu mo lii Wurubuaare do kon.

Aye-nanboana Wurubuaare asonbo abono me bo gesinkpan so mo
momo-okyobo ne n gye mo.

Nkana o kya kyu momo-ilaa kpaa buu sa Wurubuaare genye de gepere.
Ide kon bere me gya mo lii nno.

¹¹ Ilaa ibono so Wurubuaare asonbo mo me taale nye olon
ilaa nyenyen pewu gemu mo so genen mo ne n gye yee
Yesu, Wurubuaare sande mo, gi wu' kyeege mo-nkalan fue sa momo,
ne me lee Wurubuaare gesintin gebono me nyi mo toge sa asa.

Me taale kyule yee Yesu so mo,
ba-a me laa moo momo mo, me' moo momo.

¹² Imoso aye abono pewu a bo Wurubuaare do mo,
a' yege de i' wora aye okon.

Gesinkpan so asa de ilaa ibono i bo apoo do mo bere, feye laako.
Ilaa nyenyen pewu gemu mo gi kyu ginyadon bele

kpelege ba feye ase.

O nyi ibono mo-nke gin kyoo gesinkpan so.”

Giwoo Mo Gi Laa Sele Gya Okyii Mo Kpon

¹³ Giwoo bele mo gi wu yee gi laa san kyena daa gesinkpan so mo, gi koso gi sele gi gya okyii obono o koroge gebii nyensee mo.

¹⁴ Wurubuaare gi sa okyii mo lun bele aban anyo de o' kyu maale kyon giwoo mo so kpe gipen do nfono o laa nye ilaa gyise nsi nsa' de gibaafon mo.

¹⁵ Nfono mo giwoo mo gi gbii nkyu lii gimoo-geno do fee obon de gi' gyi okyii mo.

¹⁶ Gesinkpan mo ge molege mo. Ge bugi ginyo ne nkyu nbono giwoo mo gi gbii lii gimoo-geno do mo gi haa loo gemo do.

¹⁷ Nfono mo giwoo bele mo gi kyu ginyadon wora okyii mo. Imoso gi kyon de gi' kpa a ko de okyii mo mo-biana sence mo. Momo ne n gye anyamese abono pewu me gyi Wurubuaare nbara so ne me keda Yesu gesintin gebono o nyiile mo do mo.

¹⁸ Giwoo mo gi kya kpe mo gi san sii gi yelee apoo geno.

13

Giwoo Mo Gi Kyu Gimoo-olon Kyu Sa Gedonbue Geko

¹ I san i kya wora me fee oderi mo, ne wu gedonbue geko ge kya dii ge kya lii apoo do. Ge bo ase gudu de amu sono. Awura npe gudu gi bun gemoo-ase mo so. Ge kya nyiile gemoo-nyoro so mo, ge nmarase Wurubuaare anyen gyan'gyan gemoo-amu mo so.

² Gedonbue gebono ne wu genen mo ge de fee bufuli. Gemoo-ayaa a de fee otukuakyuree ayaa ne gemoo-geno ge de fee guuni geno. Giwoo bele mo gi kyu gimoo-olon de gimoo-gewuragyapaa de gimoo-gebelense bele mo kyu sa gedonbue gede.

³ Fo wu gedonbue mo gimoo giko mo fo laa toge yee ge lo olo bele ibono i kaabore ge' wu' ne gey kii wu' ne olo mo gi san wu'. I de gesinkpan so anyamese pewu geno ne me san kpane kpe me buu gemoo.

⁴ Ibono giwoo mo gi kyu gimoo-gewuragy mo kyu sa gedonbue mo so mo, asa me son gimoo. Me son gedonbue mo kee, me kya toge yee, "Ane ne n fo gedonbue gede? Ane ne nan taale ko de gemoo?"

⁵ Giwoo mo gi sa gedonbue mo olon ne ge kya toge ilaa kyu nyiile gemoo-nyoro, de ge' kyu gemoo-nyoro yee ge gye Wurubuaare. Ge nye okpa gyi gebelense ibose ikue-inyo ibose inyo.

⁶ Ge kya bugi gemoo-geno saale Wurubuaare. Ge kya nyida mo-ginyen ne ge kya saale mo-okyenaten de asa abono me bo mo ase mo pewu.

⁷ Gebue mo ge nye okpa kee de ge' taale ko de Yesu asonbo de ge' gyi momo so. Me nye okpa kee de ge' gyi gewura opaa kamaase, asa oyuduu kamaase, gede kamaase, de gesinkpan kamaase asa so.

⁸ Gesinkpan so anyamese pewu me laa son gedonbue mo, i laa san daa abono momo-anyen a wolaa a bo Wurubuaare ase gekyena owole mo do pei ne Wurubuaare gi loo lee soso de gese mo. Genen owole mo gye daa Yesu, Wurubuaare sande obono me kyu kyoole sa anyamese mo lee.

Wurubuaare Asonbo, Fe' Kpe Keda Genen

⁹ Obono o bo aso mo, o' nu.

¹⁰ Fo obono i gye yee me laa kyu fo kpa tii de obu mo, obu do ne me laa tii fo. Fo obono fo laa moo isa de geki mo, geki lewu ne fo laa wu'. Gerena-lee ilaa togeese ide i kya ka asa abono Wurubuaare gi loro momo yela sa mo-nyoro mo yee me' kpe keda momo-gikagyan gibono me ka gyan Yesu so mo.

Gedonbue Gebono Ge Kya Pens

Yee Wurubuaare Olon Ne N Bo Gemoo Do Mo

¹¹ I san i kya wora me fee oderi mo, ne wu gedonbue banban geko ge lii gesinkpan do. Ge bo ase anyo fee sande. Gemoo-atongebi a de fee giwoo atongebi.

¹² Gedonbue gede ge bo olon asa so. Ilaa ibono gebue gyangbarase mo ge bo ge kya wora mo, gebue nyose mo kee ge laa wora imo gegyangbarase mo ansi do. Genyose mo ge laa yege gesinkpan so asa me' son daa

gegYangbarase gebono gemo-gimu giko gi lo lo obono i kaabore ge' wu' ne ger kii wu' ne lo mo gi san wu' mo.

¹³ Gedonbue nyose gede ge laa wora ilaa degenose bele-bele ibono i kya lee gemo-olon nyiile. Ge laa yege ogya o' lii Wurubuaare do ba gesinkpan so de asa me' wu de ansi.

¹⁴ Kyu lii ilaa degenose ibono ge laa nye wora gedonbue gyangbarase mo ase mo so mo, ge laa nye pene gesinkpan so asa. Ge laa toge omo pewu yee me' poro okpere obono o laa lii gedonbue gyangbarase gebono me mo gemo de geki ne ge kii kyingi mo.

¹⁵ Gebue openebo mo laa nye okpa kee de ge' sa gebue mo okpere mo gesonga de okpere mo o' taale tonge gbaa. Okpere mo laa yege me' mo abono me kine yee me marj son mo mo.

¹⁶ Ge laa yege me' daase anyamese pewu abaa gyise so, abee momo-asegbele so; nbii de abelense, aterenbi awura de ayenbo, abono me te momo-gibaa so de abono me te awura ase mo pewu.

¹⁷ Fo obono me men daase fo mo, fo marj nye fe ilaa abee fo' soo ilaa. Daase mo ne n gye gedonbue mo ginyen abee gemo-ginyen ase gegyono.

¹⁸ Genen ilaa ide mo, i tiri sa olaako ginyi. Imoso fo obono fo nyi olaako mo, buu gedonbue mo ginyen ase gegyono. I gye nyamese ginyen ase gegyono. Gegyono mo ge gye nwe nsee de ikue-isa isee.

14

Abono Me Kya Buu Yesu Geten Kamaase Mo

¹ I san i kya wora me fee oderi mo, ne wu Yesu, Wurubuaare sande mo. O yele Sayon Gibii so mo-re asa nwe gudu-gudu genen gikpado gudu ginyo genen gikpado gudu ginyo. Asa bele ade ne n gye abono me nye me' nmarase Wurubuaare sande mo ginyen de mo-se Wurubuaare ginyen gyan'gyan momo-asegbele so mo.

² Nfono mo, oderi do mo, ne nu olanba oko lii Wurubuaare do fee kyakyaale bele oko abee fee nyangbon ne n kya faa. Olanba mo kii o de fee aduule alanbo ne n kya lan momo-aduule.

³ Asa bele abono ne wu gibii mo so mo, me yele Wurubuaare gegyapaa mo de ilaa inan ibono i bo nkpa mo de abelense oko anan mo ase me kya bii olon poboro. Asa nwe gudu-gudu genen gikpado gudu ginyo genen gikpado gudu ginyo ade gemara mo, oko-re oko marj baa taale kase olon obono gibii. Genen asa abono me kya bii olon obono mo ne Wurubuaare laa daa gimolege lii gesinkpan so kpe mo ase.

⁴ Momo genen asa abono me marj kyu ikpa nyenyen so laare akyii de i' kyolese momo-Wurubuaare onon. Momo-asen do i laa fuuli. Momo abono ne nan naa buu Yesu, Wurubuaare sande mo, geten kamaase gebono o kya kpe mo. Momo ne nan nye lii anyamese do kii ba Wurubuaare ase fee agyudo poboro abono me kya daa gikyu too Wurubuaare mo-re Yesu, Wurubuaare sande mo.

⁵ Oko-re oko marj nu momo me' kee abon. I marj nye ilaa nyenyen iko momo so.

Wurubuaare Do Isoo Isa' Momo-re Momo-Ikalan Isa'

⁶ I san i kya wora me fee oderi mo, ne wu Wurubuaare do oso oko kya maale soso. O de okalan konkonse obono o bo no gekpaa-gekpa mo o laa toge sa asa abono me te gesinkpan so nsinkpan kamaase so, o'paa kamaase do, gede kamaase do, de asa oyuduu kamaase pewu do.

⁷ Wurubuaare do oso mo kya maale mo, o bugi geno toge ken-ken yee, "Fe' sele Wurubuaare de fe' yen mo. Mo-owi obono o laa koola anyamese

de o' gyi mómó-nbele mō gi fo. Fē' son Wurubuaare obono mō ne n lēe soso de gēse de apoo de ibon mō.”

⁸ Wurubuaare dō ɔsɔɔ nyosē ɔko buu ɔgyangbarasē mō ɔ kya tōge yēē, “Babilon, ɔsowolē belē mō laa boori. ɔ laa boori gesintin. Mō ne n gye ɔsowolē obono ɔ yege nsinkpan pewu so asa mē nun lii mō-ilaā nyenyen gēwē dō fēē ɔkyii obono genyenlaare i gyi mō-gimu ne ɔ yege anyen sakyo mē loo mō-ilaayan dō mō.”

⁹ Wurubuaare dō ɔsɔɔ sasē ɔko kee gi buu isɔɔ gyangbarasē inyo mō. Mō kee gi baa lēē genō ken-ken ɔ kya tōge yēē, “Mōmō abono pewu mē son gedonbuē mō gēmō-rē gēmō-ɔkperē mō ne gēmō-daasē gyan mōmō-asegbele so abēē mōmō-gyisē abaa so mō,

¹⁰ mē laa nun daa Wurubuaare ginyadon so-o! Gi laa wōra fēē nta bolonsē nbono Wurubuaare gi kyēēgē bōla mō-gisobiide gēwē mō. Mē laa yiyyē fērēwuta de ɔgya dō yege Wurubuaare dō isɔɔ ibono ɔ wolaa lōro yela sa mō-gesun mō de Yesu, Wurubuaare sandē mō mē yelē mē kere ɔmō.

¹¹ Igyesii i laa kpē i kya dii i kya lii mōmō-geyiyēē mō geten gēkpaā-gēkpaā. Genyē de gēpē mō, mōmō abono mē son gedonbuē mō gēmō-rē gēmō-ɔkperē ne gēmō-ginyen gi gyan mōmō so mō, mōmō-nyoro gi maŋ tōrō mōmō kpa-a.”

¹² Gērē-lēē ilaa tōgēsē idē i kya ka asa abono Wurubuaare gi lōrō mōmō yela sa mō-nyoro mō yēē mē' kpē keda Wurubuaare nbara mō dō de mē' keda mōmō-gikagyan gibono mē ka gyan Yesu so mō dō genen.

¹³ Nfono mō nē nu i tōgē lii Wurubuaare dō yēē, “Nmarasē genen ilaa idē yela: Lii nperē kyu kyon mō, obono mō-rē Wurubuaare mē gye nyamese kolon ne o wu' mō, ɔ gye daa omudensebo.” ɔ tōgē genen mō, Wurubuaare Oduduu mō gi lēē genō yēē, “Gesintin. Mē laa taa mōmō-gesun bolonsē mō yege de mē' kyoola. Gesun mō nteela mō gi laa yii ɔmō-abaa.”

Wurubuaare Laa Koola Anyamese Dense Yela Mō Ase

¹⁴ I san i kya wōra mē fēē oderī mō, n baa kere mō, Wurubuaare awolē fufuli ne. Nē wu ɔko tē Wurubuaare awolē mō so. ɔ lii nyamesē. O bun sika kōkōɔ gēpē fēē wura, ne ɔ dē getakpara boyesē de gibaa.

¹⁵ Nfono mō, Wurubuaare dō ɔsɔɔ ɔko gi lii Wurubuaare ɔson obu mō dō kpaa kpen ken-ken sa obono ɔ tē Wurubuaare awolē mō so mō yēē, “Idē kon, kyu getakpara mō wōra gesun. I fo ibono Wurubuaare laa koola anyamese dense pewu yela mō ase fēē genōobono igyo i yaa ne dōɔbo kya kpa imō koola yela mō.”

¹⁶ Imōso nē wu genōobono obono ɔ tē Wurubuaare awolē so mō laa kyu mō-gitakpara mō loo gesinkpan dō de ɔ' koola gesinkpan so anyamese dense pewu yela Wurubuaare ase.

Wurubuaare Laa Koola Anyamese De ɔ' Ka ɔmō Giko

¹⁷ Nfono mō nē wu Wurubuaare dō ɔsɔɔ ɔko gi lii Wurubuaare ɔson obu obono ɔ bo Wurubuaare dō mō. ɔ dē gebirega boyesē.

¹⁸ Wurubuaare dō ɔsɔɔ banban ɔko mō gi lii Wurubuaare ɔson gibui mō ase, mō obono ne n kya kere Wurubuaare gisobiide ɔgya so. O kpen ken-ken tōgē sa obono ɔ dē gebirega boyesē mō yēē, “Idē kon kyu gebirega boyesē mō wōra gesun. I fo ibono Wurubuaare laa koola anyamese nyenyen pewu de ɔ' biide ɔmō-giso fēē genōobono gifōlē giko abi a pēere ne mē kya tēē amō kyu wōra nta mō.”

¹⁹ Imōso nē wu genōobono Wurubuaare dō ɔsɔɔ mō laa kyu mō-gebirega boyesē mō wōra gesun gesinkpan so de ɔ' koola anyamesē nyenyen pewu

kyu kpaɔ too Wurubuaarɛ ginyadon dɔ fɛɛ genɔɔbono mɛ kya kyu genen gifɔɛ gibono abi kpaɔ too amɔ-ɔnyanten mɔ.

²⁰ Mɛ laa biidɛ ɔmɔ-giso ɔsowolɛ mɔ nkan, ne ɔmɔ-nkalan gi laa lii gi kya kyon faa bo-bo-bo fɛɛ genɔɔbono gifɔɛ mɔ abi nkyu gi kya kyon amɔ-ɔnyanten mɔ. Nkalan mɔ gi laa kyon genen-n wɔra gisoro akpaten nwe nnyɔ, ne nɔmɔ-okin laa wɔra fɛɛ beɛ ɔlonga.

15

Mosisi Mɔ-rɛ Yesu Mɛ Wɔra Wurubuaarɛ Ayenbi ɔlon

¹ I san i kya wɔra mɛ fɛɛ oderɛ mɔ, nɛ kii wu ilaa lɛnyiiɛsɛ banban iko Wurubuaarɛ dɔ. I gye ilaa beɛ ne i kya dɛ genɔ. Imɔ ne n gye Wurubuaarɛ dɔ isɔɔ sono ibono mɛ dɛ awɔrɔfɔɔ akpen sono abono a gye awɔrɔfɔɔ tiikarase mɔ. Kyu naa dɛ amɔ so ne Wurubuaarɛ laa biidɛ gesinkpan so anyamesɛ nyenyɛn giso dɛ mɔ-ginyadon mɔ gi' yela ɔkara.

² Nɛ wu ilaa iko fɛɛ nkyu beɛ nbono gi ken gi kya wu sɔnlii fɛɛ puruntuwa ne i dɛ fɛɛ ɔgya gi kyange saarɛ imɔ dɔ. Ilaa mɔ asɛ mɔ ne wu asa abono mɛ laa kɔ lii mɔmɔ-gisɔgyi dɔ mɔ. I lii fɛɛ mɛ laa kine gedonbue mɔ dɛ gemɔ-ɔkperɛ mɔ gison dɛ gemɔ-asɛɛ gɛgyɔnɔ daasɛ mɔ. Asa mɔ mɛ yelɛ ilaa mɔ asɛ mɛ dɛ aduule abono Wurubuaarɛ gi sa mɔmɔ mɔ.

³ Mɛ kya bii ɔlon ɔbono Mosisi, Wurubuaarɛ sonbo mɔ dɛ Yesu ɔbono ɔ gye Wurubuaarɛ sandɛ mɔ, mɛ wɔra mɔ yɛɛ,

“Wura Wurubuaarɛ ɔlonbo,
fo-ilaa wɔrase i kyɔ ne i kya dɛ genɔ.
Nsinkpan pɛwu so Wura,

fo-ikpa i dɛ ntintin ne i gye gesintin.

⁴ Anɛ ne n bo no yɛɛ ɔ maɲ seɛ fo? Anɛ ne maɲ lɛɛ fo-ginyɛn?

Fo-nkon ne n gye gisen fufuli wura.

Nsinkpan pɛwu so asa mɛ laa baa son fo.

I lii fɛɛ fo-gesintin gɛ laa lii gɛwi yɛɛ

Fo kya wɔra ilaa gesintin ɔkpa so.”

Awɔrɔfɔɔ Tiikarase Sono Mɔ

⁵ Idɛ gemara mɔ, i san i kya wɔra mɛ fɛɛ oderɛ mɔ, nɛ wu Wurubuaarɛ ɔson obu mɔ gi tigi Wurubuaarɛ dɔ. Genen obu ɔbono dɔ ne Wurubuaarɛ ɔson ɔto a bo ne i kya lɛɛ Wurubuaarɛ ilaa wɔrase nyiiɛ aye.

⁶ Nfono mɔ, Wurubuaarɛ dɔ isɔɔ sono mɔ mɛ lii Wurubuaarɛ ɔson obu mɔ dɛ mɛ dɛ awɔrɔfɔɔ sono mɔ. Mɛ suu akɛɛɛ ngbɛ parɛ-parɛ gi kya nɛɛɛɛ, ne ilaa iko fɛɛ iliidɛ i laran mɔmɔ-akan so. Imɔ-nkyu gi gye sika kɔkɔɔ.

⁷ Nfono mɔ, ilaa inan ibono i bo nkpa mɔ dɔ ɔko gi kyu sika kɔkɔɔ ibonboron sono sa Wurubuaarɛ dɔ isɔɔ sono mɔ. Wurubuaarɛ ɔbono ɔ bo no gɛkpaa-gɛkpaa mɔ ginyadon gi bɔla ibonboron mɔ dɔ.

⁸ Isɔɔ mɔ mɛ sɔɔ ibonboron mɔ mɔ, Wurubuaarɛ nyisigyɛ dɛ mɔ-ɔlon mɔ i yɛɛ igyɛsɛi i bɔla Wurubuaarɛ ɔson obu mɔ. ɔko maɲ taalɛ loo nno kaabore awɔrɔfɔɔ sono mɔ a yela ɔkara.

16

Ibonboron Dɔ Awɔrɔfɔɔ Sono

¹ Ne nu genɔ geko lii Wurubuaare ɔson obu mɔ dɔ, ge tɔge ken-ken sa Wurubuaare dɔ isɔɔ sono mɔ yee, “Fe’ kpaɔ kyeege Wurubuaare gisobiide sono gibono gi bo feye-ibonboron mɔ dɔ mɔ woroge gesinkpan so.”

² Gesintin mɔ, isɔɔ sono mɔ dɔ ɔgyangbarase mɔ gi lii kpaɔ kyeege mɔ-bonboron mɔ dɔ-lee awɔrɔfɔɔ mɔ woroge gesinkpan so. Nfono mɔ, ne wu genɔɔbɔno asa abono gedonbue mɔ daase gyan mɔmɔ so ne me son gedonbue mɔ ɔkperɛ mɔ me laa lɔ ilo mɔ. Ilo nyenyen gyɔse ne nan lii mɔmɔ-nyoro so faa nyamaa.

³ Ɔsɔɔ nyɔse mɔ gi kyeege mɔ-lee bonboron dɔ awɔrɔfɔɔ mɔ wɔra apoo dɔ ne ne wu genɔɔbɔno nkyu mɔ pewu gi laa bingiri fɛe obuni nkalan mɔ. Ilaa kamaase ibono i bo apoo mɔ dɔ pewu i laa wɔ’.

⁴ Ɔsɔɔ sase mɔ gi kyeege mɔ-lee bonboron dɔ awɔrɔfɔɔ mɔ wɔra ibon de ibon amu so, ne ne wu genɔɔbɔno nkyu gi laa bingiri nkalan mɔ.

⁵ Nfono mɔ, ne nu Wurubuaare dɔ ɔsɔɔ ɔbɔno ɔ kya kerɛ nkyu so mɔ gi tɔge yee, “E, Wurubuaare, fo ɔbɔno fo bo no, ne fo wolaa fo bo no mɔ, fo-nkon ne n gye Wurubuaare, Gesintin Wura. Genɔɔbɔno fo laa biide anyamese nyenyen giso faa, i kyena.

⁶ I kya nyiile yee me mɔɔ abono fo lɔrɔ yela fo-nyoro mɔ de fo-ikalan atɔgebo kyeege mɔmɔ-nkalan fue. Ne fo mɔ, nkalan kee ne fo laa kyu nuule mɔmɔ. Ibono i kaabore mɔmɔ mɔ ne!”

⁷ Nfono mɔ ne nu genɔ geko ge kyule lii Wurubuaare ɔson gibui mɔ dɔ yee, “I gye gesintin, Wura Wurubuaare Ɔlonlonbo. Genɔɔbɔno fo laa biide anyamese nyenyen giso mɔ, i gye gesintin ne i gye imɔ-ɔkpa so.”

⁸ Wurubuaare dɔ ɔsɔɔ nanse mɔ gi kyeege mɔ bonboron mɔ dɔ awɔrɔfɔɔ mɔ bun owi, ne ne wu genɔɔbɔno i laa sa owi ɔkpa de mɔ-ɔgya ɔ’ foo asa mɔ.

⁹ Imɔso owi mɔ laa son kan-kan-kan ne i laa foo asa. Ibono Wurubuaare bo ɔlon genen awɔrɔfɔɔana abono so mɔ, asa me laa saale mɔ. Me man nu mɔmɔ-nyoro gese de me’ kyeege de me’ kyu nyisigyɔ sa mɔ.

¹⁰ Ɔsɔɔ nunse mɔ gi kyeege mɔ-bonboron mɔ dɔ-lee awɔrɔfɔɔ mɔ bun gedonbue mɔ gewuragyapaa, ne gesinkpan gebono so ɔ kya gyi gewura mɔ i wɔra gibiri. Asa me laa yiyee ne me laa san we anebi.

¹¹ Mɔmɔ-geyiyee de mɔmɔ-ilo mɔ so mɔ, me laa saale Wurubuaare ɔbɔno ɔ bo soso mɔ, yeege me man kii nu mɔmɔ-nyoro gese de me’ kyeege lii mɔmɔ-ilaɔ nyenyen ibono me kya wɔra mɔ dɔ.

¹² Wurubuaare dɔ ɔsɔɔ seese mɔ gi kyeege mɔ-bonboron mɔ dɔ awɔrɔfɔɔ wɔra Yufereetise ɔbon bele mɔ dɔ, ne ne wu genɔɔbɔno ɔ laa ŋaa wosi-wosi mɔ. I laa ba genen de awura-awura mɔ mɔmɔ-re mɔmɔ-ade abono me laa lii owi ɔbaaliiten so mɔ me’ nye ɔkpa kyon.

¹³ I san i kya wɔra me fɛe oderɔ mɔ, ne wu ilaa nyenyen oduduu ɔko-ɔko isa’ ibono i kya kyena asa so mɔ, i de fɛe atetemenyi. I laa lii giwɔɔ mɔ genɔ dɔ de gedonbue mɔ genɔ dɔ de gedonbue gebono ge kya penɛ asa mɔ genɔ dɔ.

¹⁴ Genen ilaa nyenyen oduduu isa’ ide i gye ilaa nyenyen pewu gemu mɔ isɔɔ. I kya wɔra ilaa degenɔse. Ilaa nyenyen oduduu mɔ i laa naa gyan de gesinkpan pewu koola awura pewu kpaɔ gyan de me’ kpe kpaɔ kɔ iko de Wurubuaare ade geke bele gebono Wurubuaare ɔbɔno ɔ gye Ɔlonlonbo mɔ gi yela mɔ.

¹⁵ Wura Yesu gi wolaa tɔge yee,
“Genen geke bele gebono mɔ,
nan baa tuule anyamese fɛe oyu.

Imoso fe' baala fɛye-nyoro gyoo me.
 Omudensebo ne n gye obono o dese mo-nyoro so
 ne o kya kere mo-aso gigyi gikuru so
 de on sa o' naa gibolonbukpan
 de i' wɔra mo ipeeli sansana mo."

16 Ilaa nyenyɛn oduduu isa' mo i laa koola-koola awura mo pewu kpa
 gyan gesinkpan gebono so me kya tere de Hiiburu gedɛ do yɛ Amagedon
 mo.

Bonboron Do Awɔɔfɔɔ Sonose: Gese Gere I Kya Nyida

17 Wurubuaare do ɔsoɔ sonose mo gi kyɛɛge mo-bonboron mo do-lee
 awɔɔfɔɔ mo wɔra afuu do, ne ne nu genɔ geko ge tere ken-ken lii
 Wurubuaare ɔson obu do, Wurubuaare gegyapaa mo ase yɛ, "I loge kon."

18 Nfono mo, ne wu genɔobono nyangbon laa wiiseɛ, i laa wɔra olanba,
 nyangbon laa faa, ne gesinkpan ge laa gyigisi. Ge laa tansi gyigisi serege.
 Ko-o ibono Wurubuaare gi lee nyamese faa, gesinkpan ger ti taa gyigisi de
 i' fo genen.

19 I laa ba' ɔsowole bele mo so gikpadɔ gisa', ne nsinkpan pewu so
 isowole mo i laa boori. Genen owi obono do mo, Wurubuaare laa nyingi
 Babilon ɔsowole bele mo ilaa nyenyɛn so, de o' kyu mo-gisobiide wɔra
 gɛwe do de o' yɛge Babilon awura me' nun gisobiide mo ta.

20 Oko maɲ baa wu apoo akyaafiya bele-bele de abii gesinkpan so.

21 Nyangbon akpenkpenbui boduduuse a laa lii Wurubuaare do tɔɔ
 anyamese so. Akpenkpenbui mo gikamaase oduduu laa wɔra fɛɛ siminti
 bagi oduduu. A laa tɔɔ genen kaabore anyamese me laa tonge kpa
 ηmɛɛ de Wurubuaare. I kya nyiile yɛ akpenkpenbui mo awɔɔfɔɔ mo a laa
 don abaa.

17

Ilaayankyii Obono O Te Gebunono Mo De Gedonbue Mo

1 I san i kya wɔra me fɛɛ oderɛ mo, Wurubuaare do ɔsoɔ sono ibono
 nkana me de Wurubuaare ginyadon ibonboron sono mo do oko gi baa
 tere me yɛ, "Ba kere! Nan nyiile fo genɔobono Wurubuaare laa kyu biide
 ɔsowole bele obono o te ibon sakyɔ ase mo giso mo. ɔsowole mo de fɛɛ
 ilaayankyii obono o te gibunono ne mo-ginyɛn gi nu gyan de gesinkpan
 pewu so mo.

2 Gesinkpan so awura-awura me kya dii ma-a kpelege ɔsowole bele mo
 so fɛɛ genɔobono anyɛn me kya kpe genen okyii obono onan ase mo.
 Gesinkpan so asa pewu me kya nun lii ɔsowole mo onsipara gɛwe do ne
 me kya boo fɛɛ nta."

3 ɔsoɔ mo gi tɔge me genen ta mo, Wurubuaare Oduduu olon do mo, i
 wɔra me fɛɛ ɔsoɔ mo gi puru me kyu kpe gipen giko do. Nno mo, ne wu
 okyii oko, o gyan gedonbue pebara geko so. Ge kya nyiile gemɔ-nyoro so
 mo Wurubuaare anyɛn so-o ne ge ηmarase gyan'gyan gemɔ-nyoro so. Ge
 bo amu sono de ase gudu.

4 Okyii mo dela akuru pebara boogyalonse. O kyu sika kɔkɔɔ de abui
 ηelegise, de ngyi boogyalonse lɔɔ mo-nyoro faa nyolen-n. O de sika kɔkɔɔ
 bonboron oko de mo-gibaa. Ilaa kyose de ilaa kyolesese ibono mo-ilaayan
 mo i kya kyu bun mo-nyoro mo ne n bɔla genen sika kɔkɔɔ bonboron mo
 do.

5 Ayenbi anyɛn a gyan mo-gisegbele so yɛɛ,
 Babilon ɔsowole bele!

Ilaayan akyii abono me te nbunono mo momo-nyii.

Gesinkpan so ilaa kyose kamaase imo-nyii.

6 Ne wu genen okyii mo mo, asa nkalan gi kya boo mo fee nta. I lii fee o kya moa asa abono Wurubuaare gi lora momo yela sa mo-nyoro mo de asa abono me kya wu Yesu ilaa lee toge mo. Ne wu okyii mo genen mo, i de me-geno gikyo.

Wurubuaare Do Osoo Gi Lee Okyii Mo Ilaa Mo Gese Sa Me

7 Wurubuaare do osoo mo mo gi taase me yee, "Mene n wora ne i kya de fo-geno genen? Okyii baare de gedonbue gebono ge bo amu sono de ase gudu ne okyii mo te gemo so mo i gye daa ilaa boduduuse iko. Nye gisen. Nan nyiile fo imo gese.

8 Gedonbue gebono fo wu mo, nkana ge bo no ne ide kon gen baa ge bo no. Ge laa dii lii Wurubuaare ilaa kyose obo obono on bo okara mo do de ide kon ge' baa kyon kpe lewu nyose do. Gesinkpan so asa ako, momo abono momo-anyen an wolaa a bo Wurubuaare Ase Okyenaten Mole mo do pei ne Wurubuaare gi loo lee soso de gese mo, me laa wu genen gedonbue mo ilaa worase mo, i laa de omo-geno. I kya nyiile yee nkana ge bo no. Gen baa ge bo no, ne ge laa kii kii ba.

9 "Obono o gye olaako onyibo mo wole ne nan nu ilaa ide gese. I kya nyiile yee gedonbue mo amu sono mo a yele sa abii sono abono okyii mo te amo so mo. A yele sa awura sono ako kee.

10 Awura mo do anun men baa me bo no. Oko san o kya gyi gewura. Obanban mo bere men ti baa gyi gewura. Owi obono o laa baa gyi gewura mo, o laa kyena daa nmaraa faa.

11 "Gedonbue gebono nkana ge bo no ne ide kon gen baa ge bo no mo, gemo ne n gye wura kuese obono mo kee bola de awura sono mo. Gemo kee ge laa baa kyon kpe lewu nyose mo do.

12 Ase gudu abono fo wu mo, a yele sa awura gudu abono me men ti taa yela momo gewura mo. Me laa nye okpa de me' gyi gewura dabole de gedonbue mo nmaraa pi-i faa daa.

13 Genen awura gudu ade nwansa gi gye gikolon, ne me laa kyu momolon de momo-gewuragi sa gedonbue mo.

14 Me laa kyu iko tu Yesu, Wurubuaare sande mo. Ne Yesu mo laa gyi momo so. I kya nyiile yee mo ne n gye awura do Wura de abelense do Obelense. Mo-re mo-ade abono o toge omo yee me' son mo mo, o toose momo lee, ne me sii de mo, mo-re omo ne nan gyi awura gudu mo so genen."

15 Wurubuaare do osoo mo gi kii toge sa me yee, "Ibon ibono fo wu ilaayankyii mo te imo ase mo i yele sa asa kpei-kpei, sakpii kpei-kpei, nsinkpan kpei-kpei, de nde kpei-kpei so asa.

16 Ase gudu abono fo wu mo de gedonbue mo me laa kyo ilaayankyii obono o yele sa osowole mo. Me laa soge ilaa kamaase lii mo ase de me' naa taa mo yeye gibolonbukpan de me' kyoo-kyoo mo-inun gyi de me' kyu ogya dee mo.

17 I kya nyiile yee Wurubuaare gi kyu wora momo-asen do yee me' wora mo Wurubuaare gelaare de me' wora geno kolon de me' kyu momogewuragi sa gedonbue mo kaabore Wurubuaare agyebi mo a' loo ba gesintin."

18 Osoo mo gi kii toge sa me yee, "Okyii obono fo wu mo, yele sa osowole bele mo. Gesinkpan so awura-awura me te sa genen osowole mo."

18

Babilon Osowole Gbaa' Mo Laa Boori

¹ Imo ide gemara mo, i san i kya wora me fee oderi mo, ne wu Wurubuaare do osoo banban oko gi kpelele lii soso o kya ba. O gye obelense gbaa' ne olon bele bo mo ase. Mo-nyisigyi kya njelegi gesinkpan so.

² O kpen ken-ken yee,
"Babilon osowole gbaa' mo laa boori.

O laa boori gesintin.

O laa baa bingiri akyanfon.

O laa wora ilaa nyenyen odudu kpei-kpei okyenaten.

Nbui nyenyen de nbui kyose gi laa kyena nno.

³ Mo-ilaa nyenyen so ne o laa boori genen.

I kya nyiile yee o kya yege nsinkpan pewu so asa

me kya nun lii mo-ilaa nyenyen gewe do

fee genobono anyen saky me kya loo ilaayan do

kyu naa de okyii obono anyen gilaare i gyi mo-gimu mo.

Gesinkpan so awura-awura

me kya dii ma-a kpelele osowole mo so

fee genobono anyen me kya kpe ilaayankyii

obono o te gebunono ase mo.

Gesinkpan so giga agyibo me kya baa wora aterenbi awura

kyu lii osowole mo nkyoola nbono o kya kyoola fom-m mo so."

⁴ Nfono mo ne nu geno geko lii Wurubuaare do ge kya toge yee,

"Feye abono fe kya son me Wurubuaare mo,

fe' lii genen osowole baare so.

Ij gye genen mo, mo-ilaa nyenyen giwora

i laa naa kyangfe feye

de mo-gisobiide kee gi' taare feye.

⁵ Mo-ilaa nyenyen i nyaakyo.

I dii kpa kyaga de Wurubuaare

ne Wurubuaare men kya tan imo so.

⁶ Feye Wurubuaare do isoo

ibono Wurubuaare laa yege fe' ka asa giko mo,

genobono osowole gbaa' mo gi kyu wora asa mo,

fe' kyu genen kee wora mo.

Mo-ilaa nyenyen ibono o kyu wora asa mo,

fe' ka mo giko genen gikpado ginyo.

Fee genobono o kyu aworofoo gewe sa asa

ne me nun mo,

fe' ko aworofoo kee genen gikpado ginyo

wora gewe do nuule mo.

⁷ Genobono okara o kyu yen mo-nyoro,

ne o wora mo-gelaare ilaa kyu kyoola fom-m mo,

feye mo fe' kyu daa olaawuse de osulon too mo so.

O kya toge sa mo-nyoro yee,

'N kya gyi gewura daa ne n' te.

Men gye okulaabo. Osulon maa bii tu me.'

⁸ Lii genen so mo,

geke kolon poroko ne aworofoo a laa tu mo:

alobi, osulon, de akon bele.

Ogya kee laa dee mo.

Wura Wurubuaare obono o laa biide mo-giso genen mo,
gye daa ololonbo.

Gesinkpan So Awura Me Laa Su De Me' Saawo Sa Babilon

9 “Gesinkpan so awura-awura abono me dii kpelege osowole gbaa' mo so fee genobono anyen me kya kpe ilaayankyii obono o te gebunono ase mo, nkana genen awura abono momo-re osowole mo pewu me kyoola dable fom-m. Awura-awura mo me laa wu igyesii ibono i laa dii lii osowole mo-odæeten mo, me laa su de me' saawo sa mo.

10 Mo-geyiyee ge laa wora momo gifuu so mo, me laa yele daa koo-koo me kere mo de me' toge yee,

'O, laako, Babilon osowole gbaa'.

Laako-a, Babilon ololonbo.

Fo-gisobiide gi baa tu fo owi kolon poroko.'

11 “Gigya agyibo abono me bo gesinkpan so mo kee me laa saawo de me' su osulon kyu lii mo so. Oko-re oko men baa o kya soo momo-ila.

12 Men baa nye fe momo-sika kokoo de abeleto fufuli, momo-abui nelegise de ngyi boogyalonse, momo-akuru dense dense onan kamaase. Men baa nye fe iyii bofense, de ilaa ibono pewu asa me kyu akonde anyi de iyii boogyalonse sale imo mo, de ilaa ibono me kyu abeleto kpei-kpei de akpenkpenbui fufuli kyu wora mo.

13 Men baa nye fe ilaa bofense fee sasaale, atikee, ibono me kya kyu bo de ibono me kya kyu dee mo, de onufuii. Men baa nye fe nta de nfo, de nnyufo nbono gi pe mo de ilaa gyise ibono me kya kyu koro nnyufo de inaade de isande, abee de ilaa ibono abee me kya biide mo, de nbide.

14 Babilon osowole, oyii abi abono nkana a da fo obole mo
a kyon yee fo.

Fo-awurato de fo-nyisigyi pewu gi lii fo-gibaa.

Gekaako, geakaako fon baa nye imo kpa-a.

15 “Gigya agyibo abono me fe ilaa ide pewu osowole mo so ne me bingiri aterenbi awura mo me laa wu osowole mo-geyiyee mo, i laa wora omo gifuu, ne me laa yele koo-koo de me' san su de me' yiyee sa mo yee,

16 'Mo laako! Mo-re geiyiyee! Osowole gbaa' baare!

Yee nkana mo ne n gyere

bun akelele de akuru pebara dense,

ne o kyu sika kokoo, de abui nelegise, de ngyi boogyalonse
kyu lora mo-nyoro nyolen-n mo.

17 Owi kolon do mo

genen ato de aterenbi bele ade pewu a sii.'

“Abono me kya kere akolii so, abono me kya kyu akolii kpe momo-nten kpepe, abono me kya wora akolii do gesun, de abono me kya gyi gigya apoo so mo, momo pewu me laa yele koo-koo

18 me kere genobono osowole mo kya dee ne igyesii i kya dii lii osowole mo so mo de me' saawo yee, 'Nkana osowole omo ne n baa fo osowole gbaa' baare!'

19 Me laa paada momo-amu de me' san me kya saawo me kya su osulon yee,

'Mo laako! Mo-re geiyiyee!

Osowole gbaa' baare!

Nkana mo-aterenbi so

ne akolii awura pewu me bingiri aterenbi awura.

Owi kolon do mo, o boori bun.'

20 Wurubuaare dɔ asa,
 ngyene ilaa ide pɛwu i ba genen mɔ,
 fɛ' yegɛ i' wɔra fɛye ɔkon!
 Fɛye abono Wurubuaare gi lɔrɔ yela sa mɔ-nyoro mɔ,
 Yesu isɔɔ, de Wurubuaare ikalan atɔgebo mɔ,
 fɛ' yegɛ i' wɔra fɛye ɔkon!
 Ilaa ibono ɔsowole baare gi kyu wɔra fɛye mɔ,
 Wurubuaare gi ka mɔ gikɔ sa fɛye!"

Wurubuaare Dɔ Ɔsɔɔ ɔlonbo Mɔ Ilaa Tɔgesɛ

21 Nfono mɔ, Wurubuaare dɔ ɔsɔɔ ɔlonbo ɔko gi puru gibui fɛɛ giboo
 bele ne ɔ too gimɔ wɔra apoo dɔ kaala nyiile, ne ɔ tɔge yɛɛ,
 "Fɛɛ genɔɔbono ne too gibui gidɛ wɔra apoo dɔ faa,
 genen kee ne Wurubuaare
 laa boori Babilon ɔsowole gbaa' mɔ ɔlon so ne.
 Mɛ maɲ baa wu mɔ gekaako.

22 Babilon ɔsowole!
 Ɔko maɲ baa nu aduule alanbo, ilon abiibo, nɔɛɛ
 de ngandan afolebo so fo dɔ gekaako.
 Adawo awura abono mɛ kya wɔra abaa dɔ nsun mɔ kee,
 ɔko maɲ baa nu mɔmɔ so fo dɔ.
 Ɔko maɲ baa nu ɔdoo kɔrɔsɛ so fo dɔ gekaako.

23 Fatela maɲ baa kii kyange fo dɔ
 ne ɔko maɲ baa nu ɔkyiifɔ mɔ-rɛ mɔ-kuli genɔ fo dɔ gekaako.
 Fo-gigya agyibo ne n wɔra gesinkpan so anyamese gbaa'gbaa,
 ne fo kyu fo-afe pene nsinkpan pɛwu so asa.

24 Babilon ɔsowole gisobiide gi kya ba.
 I lii fɛɛ asa nkalan nbono gi nyida gesinkpan mɔ,
 Babilon ne n wɔra imɔ.
 Babilon ne n yegɛ ne Wurubuaare ikalan atɔgebo,
 asa abono Wurubuaare gi lɔrɔ mɔmɔ yela sa mɔ-nyoro mɔ,
 de asa abono pɛwu mɛ mɔɔ mɔmɔ gesinkpan so mɔ nkalan gi kyɛɛge
 fue."

19

Wurubuaare Dɔ Asa Mɛ Kya Yen Mɔ

1 Imɔ ide gemara mɔ, i san i kya wɔra me fɛɛ oderi mɔ, ne nu ɔlanba
 fɛɛ sakpii bele nno Wurubuaare dɔ mɛ kya tɔnge ken-ken yɛɛ,
 "Nbuo! Wurubuaare kusee-e!
 Amɔɔɛɛ, nyisigyɛ de ɔlon
 i gye daa aye-Wura Wurubuaare-lɛɛ.

2 Genɔɔbono Wurubuaare laa biide anyamese nyenyen giso mɔ,
 i gye gesintin ne i gye imɔ-ɔkpa so.
 Ɔ laa biide ɔsowole nyenyen mɔ giso.
 Genen ɔsowole mɔ de fɛɛ ilaayankyii ɔbono ɔ tɛ gebunono mɔ.
 Ɔsowole mɔ gi kyu mɔ-ilaa nyenyen
 kyu kyange gesinkpan so anyamese
 fɛɛ genɔɔbono ilaayankyii kya taale yegɛ anyen sakyɔ
 mɛ' wɔra ilaa kankaran mɔ.
 Wurubuaare laa biide ɔsowole mɔ giso
 de i' kyu ka mɔ Wurubuaare asonbo
 abono genen ɔsowole mɔ gi mɔɔ mɔmɔ mɔ gikɔ."

³ Sakpii mɔ mɛ kii kpen yɛɛ,
 “Nbuo! Wurubuaare kusee-e!
 Igyesii i laa kpɛ i kya dii
 i kya lii ɔsowolɛ mɔ ɔdɛɛten gɛkpaa-gɛkpaa.”

⁴ Abelense oko anan mɔ de ilaa inan ibono i bo nkpa mɔ mɛ kpelegɛ dɛ
 Wurubuaare ayaa dɔ mɛ kya yen mɔ ɔbono ɔ tɛ gɛgyapaa so mɔ. Mɛ tɔgɛ
 yɛɛ,
 “Nbuo! I' ba genen!”

Yesu Gɛkɛ Belɛ Mɔ Gɛ Fo

⁵ Gɛnɔ gɛko gɛ lii Wurubuaare gɛgyapaa mɔ asɛ kpen tɔgɛ yɛɛ,
 “Fɛ' yen aye-Wura Wurubuaare!
 Fɛye abono pɛwu fɛ kya son mɔ ne fɛ selɛ mɔ mɔ,
 nbii de abelense pɛwu,
 fɛ' yen aye-Wura Wurubuaare!”

⁶ Nfono mɔ, nɛ nu ɔlanba faa kpo-o fɛɛ sakpii katakperɛ nnɔ gi kya gberɛ
 fɛɛ abii dɔ ibon ne n bɔla gibɔla belɛ. ɔlanba mɔ kii ɔ dɛ fɛɛ nyangbon ne
 n kya faa ken-ken. Sakpii mɔ kya kpen ɔ kya tɔgɛ yɛɛ,
 “Nbuo! Wurubuaare kusee-e!
 Idɛ kon ne aye-Wura Wurubuaare ɔlolonbo mɔ gɛwuragyɛ
 gɛ laa lii gɛwi tentegelen.
 ɔkamaase laa san wɔra daa Wurubuaare gɛlaare.

⁷ A' gyi ɔkon!

I' wɔra aye-asen dɔ ɔkon
 de a' yen Wurubuaare.

Yesu, Wurubuaare sandɛ mɔ gɛkɛ belɛ
 gɛbono gɛ dɛ fɛɛ ɔkyii gikpiikɛ mɔ gɛ fo.

Yesu asonbo mɔ mɛ dɛ fɛɛ ɔkyiifo
 ɔbono ɔ gyɛrɛ lɔrɔ nyoro nyɔlen-n

⁸ ne mɔ-kuli gi sa mɔ-ɔkpa

de ɔ' dɛla akɛlɛlɛ kyabi-kyabi abono a kya nɛlegi mɔ.”

ɔkyiifo akɛlɛlɛ adɛ a yɛlɛ sa Yesu asonbo mɔ gɛsintin gɛbono mɛ kya gyi
 sa Wurubuaare mɔ.

Gyɔn De Wurubuaare Dɔ ɔsɔɔ Mɔ Ilaa

⁹ Nfono mɔ, Wurubuaare dɔ ɔsɔɔ mɔ gi tɔgɛ sa mɛ Gyɔn yɛɛ, “Nmarase
 imɔ idɛ yɛla yɛɛ, ‘Amudensebo ne n gyɛ asa abono Wurubuaare laa da
 gibaa tɛrɛ mɔmɔ yɛɛ mɛ’ baa gyi Yesu, Wurubuaare sandɛ gɛdenakɛ
 agyudɔ mɔ.’ ” Nɛ nmarase imɔ yɛla mɔ, ɔ kii tɔgɛ sa mɛ yɛɛ, “Wurubuaare
 gɛsintin agyɛbi ne fo nmarase faa.”

¹⁰ Nfono mɔ, nɛ kpelegɛ nmiɛ mɔ-ayaa dɔ n dɛ buubuu belɛ mi-i sa
 mɔ. O wu genen mɔ, ɔ gya mɛ yɛɛ, “Gɛn baa wɔra genen. Mɛ-rɛ fo de
 fo-nanboana Wurubuaare asonbo abono mɛ dɛ ilaa ibono Yesu gi nyiile
 mɔmɔ mɔ dɔ mɔ, aye pɛwu a gyɛ daa Wurubuaare asonbo. Son daa
 Wurubuaare.” (Ilaa ibono Yesu gi nyiile mɔmɔ mɔ ne n kya sa asa oduduu
 de mɛ' taalɛ tɔgɛ Wurubuaare ikalan mɔ.)

Bɛɛ Fufuli Wura

¹¹ Nfono mɔ, i san i kya wɔra mɛ fɛɛ oderɛ mɔ, nɛ wu soso i bugi ginyɔ.
 N' baa kɛrɛ mɔ, bɛɛ fufuli nɛ. Mɛ kya tɛrɛ isa ɔbono ɔ gyan bɛɛ mɔ so
 mɔ yɛɛ “ɔpaawɔrabo de Gɛsintin Wura.” ɔ kya gyi nbɛlɛ ne ɔ kya kɔ iko
 imɔ-ɔkpa so.

¹² Mɔ-ansibi a de fɛɛ ɔgya ɔbono ɔ kya dɛɛ mɔ, ne awura npe gi bun gi bun mɔ-gimu so. Ginyen giko gi gyan mɔ so. Ɔko-rɛ ɔko mɛɲ nyi genen ginyen mɔ, genen mɔ, mɔ-wole.

¹³ Iko dɔ nkalan gi pale mɔ-gegbɛ gebono o suu mɔ. Ginyen gibono mɛ kya tɛrɛ mɔ mɔ ne n gye yɛɛ Wurubuaare Gigyɛbi.

¹⁴ Wurubuaare dɔ iko akɔbo mɛ buu mɔ. Mɛ gyan abee fufuli so kee ne mɛ bun akelele kyabi-kyabi.

¹⁵ Gɛki boyɛsɛ gebono gɛ yelɛ sa gesintin mɔ gɛ bo mɔ-gɛno dɔ. Gɛmɔ ne ɔ laa kyu kɔ de nsinkpan kpei-kpei so awura-awura. Ɔ laa kyu ɔlon fɛɛ gibeletɔ-lɛɛ ɔlon kyu gyi gewura mɔmɔ so. Ɔ laa kyu Wurubuaare Ɔlonlon mɔ ginyadon belɛ kyu ka anyamesɛ nyenyɛn giko sa Wurubuaare fɛɛ gɛnoɔbono mɛ kya kyise gifɔlɛ giko abi amɔ-ɔnyantɛn pɛtɛrɛ mɔ.

¹⁶ Ginyen giko gi gyan mɔ-gegbɛ de mɔ-ɔgyan so yɛɛ,
AWURA DƆ WURA DE ABELENSE DƆ ƆBELENSE.

Nbuii Gi Laa Gyi Kaabo

¹⁷ I san i kya wɔra me fɛɛ oderi mɔ, ne wu Wurubuaare dɔ ɔɔɔ ɔko owi dɔ, ne ne nu ɔ lɛɛ gɛno ken-ken tɛrɛ nbuii nbono gi kya maalɛ afuu so mɔ pɛwu yɛɛ, "Fɛ' baa gyan' de fɛ' gyi Wurubuaare agyudo belɛ mɔ.

¹⁸ Agyudo mɔ ne n gye asa nyoro inun: awura-awura de asogya abelense de anyamesɛ alolonbo de iko dɔ abee akɔbo abono mɛ gyan mɔmɔ so mɔ de anyamesɛ nyenyɛn pɛwu, dabɔlɛ abono mɛ tɛ mɔmɔ-gibaa so de abono mɛ tɛ awura asɛ mɔ, nbii de abelense pɛwu inun."

¹⁹ Nfono mɔ ne wu gɛnoɔbono gɛdonbue mɔ de gesinkpan so awura-awura mɔmɔ-iko akɔbo mɔ mɛ laa kpaa gyan mɛ kya laarɛ mɛ' kpaa kɔ de ɔbono ɔ gyan bee mɔ so mɔ mɔ-rɛ mɔ-lɛɛ iko akɔbo.

²⁰ Mɛ laa kɔ mɔ, mɛ laa kɛda gɛdonbue mɔ gɛmɔ-rɛ gɛmɔ-nanbo gebono gɛ pɛnɛ asa mɔ. Gɛ wɔra ilaa dɛgɛnoɔsɛ gɛdonbue gɛko mɔ asɛ pɛnɛ asa abono mɛ bo gɛdonbue mɔ daasɛ mɔmɔ-asegbele so ne mɛ son gɛmɔ-ɔkperɛ mɔ. Wurubuaare laa too genen ndonbue nnyɔ ndɛ wɔra fɛrɛwuta gigyapade dɔ, yɛgɛ mɛ kɛrɛ.

²¹ Mɔ ɔbono ɔ gyan bee mɔ so mɔ laa kyu gɛki mɔɔ gɛdonbue mɔ iko akɔbo sɛnsɛ mɔ. Genen gɛki mɔ ne n bo mɔ-gɛno dɔ ne gɛ yelɛ sa gesintin mɔ. Nfono mɔ nbuii pɛwu gi laa baa gyi mɔmɔ abono ɔ laa mɔɔ mɔ inun gɛɛlɛ nyoro.

20

Nsi Nwe Gudu Ilaa

¹ I san i kya wɔra me fɛɛ oderi mɔ, ne wu Wurubuaare dɔ ɔɔɔ ɔko, ɔ lii Wurubuaare dɔ kpeleɛ ɔ kya ba gesinkpan so. Ɔ de safueɛ de gigbangbaran belɛ de gibaa. Genen safueɛ mɔ gye daa Wurubuaare ilaa kyosɛ ɔbo ɔbono ɔɲ bo ɔkara mɔ safueɛ.

² Ɔ laa kpaa kɛda ginaagɛsɛ, giwɔɔ dedaa-dedaa gibono gi gye Satan, ilaa nyenyɛn pɛwu gɛmu mɔ. Wurubuaare dɔ ɔɔɔ mɔ gi kɛda Satan genen mɔ, ɔ laa ɲminde mɔ yela nsi nwe gudu.

³ Ɔ laa kyu mɔ kyu too wɔra ɔbo ɔbono ɔɲ bo ɔkara mɔ dɔ de ɔ' tii wɔra safueɛ de ɔɲ' baa nye pɛnɛ nsinkpan kpei-kpei pɛwu so asa, genen mɔ, nsi nwe gudu mɔ gi fo pɛi de ɔ' sangɛ mɔ ɲmaraa.

⁴ Nfono mɔ ne wu awura ngyapaa. Abono mɛ tɛ nmɔ so mɔ, Wurubuaare laa kyu gesinkpan so nbelɛ gigyi kyu wɔra mɔmɔ-abaa dɔ. Ne wu asa abono mɛ tɔgɛ Yesu ilaa de Wurubuaare agyɛbi sa asa ne imɔso ne asa ako

mē ten mōmō-amu mō. Abono nē wu genen mō, mē mēŋ son gedonbue mō abeē gemō-ɔkperē mō. Mē kyena mō, mē kine gedonbue mō daase mōmō-asegbele so abeē mōmō-abaa so. Genen asa adē mē laa kyingi lii ibuni dō kii kyena nkpa, nē mōmō-rē Kirisito mē laa gyi gewura nsi nwe gudu.

⁵ Asa sēnsē abono mē wu' mō bere, mē maŋ kyingi kii nye nkpa, genen mō, nsi nwe gudu mō gi fo. Imōso asa abono mōmō-rē Kirisito mē laa gyi gewura mō nē nan wōra agyangbarabo abono mē laa kyingi lii ibuni dō.

⁶ Mōmō abono mē laa daa gikyingi lii ibuni dō genen mō, mē laa wōra amudensebo de asen fufuli awura. Lēwu nyōsē mō maŋ nye ɔlon mōmō so. Mē laa wōra Wurubuaare mō-rē Kirisito asunbi alēebo nē mē laa gyi gewura nsi nwe gudu mō.

Ilaa Ibono I Laa Ba Ilaa Nyenyen Pēwu Gemu Mō So

⁷ Nsi nwe gudu mō gi fo mō, Wurubuaare dō ɔsɔɔ mō laa tigi ilaa nyenyen pēwu gemu mō

⁸ de ɔ' lii kpaa pene asa kpei-kpei abono mē tē gesinkpan pēwu so mō. Genen asa mō nē n gye Goge de Magoge. Ilaa nyenyen pēwu gemu mō laa kpaa pene asa de ɔ' koola ɔmō baa gyan de mē' kpe ikō. Mē laa nyaakyo fēe apoo gigengen so ginēsii.

⁹ Mē kpaa gyan mō, mē laa naa gesinkpan ɔŋmange ɔkara kpaa bun kyaabɔɔ nfono asa abono Wurubuaare gi lɔrɔ mōmō yela sa mō-nyoro mō mē bo mō de Wurubuaare ɔsowolē laarese mō. Mē bun kyaabɔɔ genen mō, ɔgya laa lii Wurubuaare dō baa dēe mōmō koro.

¹⁰ Nfono mō, Wurubuaare laa kyu ilaa nyenyen pēwu gemu mō, mō ɔbono ɔ pene asa mō, kyu too wōra ferewuta gigyapadē dō. Nno nē Wurubuaare gi wolaa kyu gedonbue mō gemō-rē gemō-nanbo gebono gē pene asa mō too wōra mō. Mē laa wu ɔlaawuse genye de gēpe genen-n gēkpaa-gēkpaa.

Wurubuaare Laa Gyi ɔkamaase Nbele

¹¹ Nfono mō nē wu gewuragyapaa fufuli bele, nē Wurubuaare tē gemō so. Soso de gēsē i ŋaa lii Wurubuaare ansi so. ɔko maŋ baa wu imō.

¹² Ne nē wu abelensē de nbii abono mē wu' wu' mō mē yele Wurubuaare ɔbono ɔ tē gēgyapaa so mō ase. Ne nē wu genɔɔbono Wurubuaare laa bugi-bugi iwolē ibono ɔ ŋmarase ɔkamaase ilaa wōrase wōra mō. ɔ laa bugi ɔwolē banban ɔko. ɔbono dō nē ɔ ŋmarase abono mē laa nye kyena mō ase mō anyen wōra. Wurubuaare laa gyi ɔkamaase nbele lii iwolē mō dō genɔɔbono i laa kyena de mō-ilaa wōrase mō.

¹³ Apoo a laa lēe asa abono mē wu' sii mō dō mō, nē Lēwu de Nkyan i laa lēe abono mē wu' kpe mōmō dō mō, de Wurubuaare o' gyi mōmō pēwu nbele kyu naa de mōmō-ilaa wōrase so.

¹⁴ Nfono mō, Wurubuaare laa too Lēwu de Nkyan wōra gigyapadē mō dō. Gigyapadē gide nē n gye lēwu nyōsē mō.

¹⁵ Nyamese kamaase ɔbono mō-ginyen giŋ bo Wurubuaare ase gēkyena ɔwolē mō dō mō, Wurubuaare laa too mō wōra gigyapadē mō dō.

21

Soso de Gēsē Ipobɔrɔ

¹ Nfono mō, i san i kya wōra mē fēe oderi mō, nē wu soso pobɔrɔ de gesinkpan pobɔrɔ. Soso gyangbarase mō de gesinkpan gyangbarase mō i kyon nē iŋ baa i bo no. Apoo kee aŋ baa a bo no.

² Ne wu Wurubuaare osowole, Gyerasalem poboro mo. Ne wu genoo bono o laa lii Wurubuaare ase o kya kpelege o kya ba gesinkpan so mo. I laa lora osowole mo fee genoo bono okyiifo kya gyere lora mo-nyoro nyolen-n sa mo-kuli mo.

³ Ne nu geno geko faa ken-ken lii Wurubuaare gegyapaa mo ase ge kya toge yee,

“Fe' kere,

Wurubuaare okyenaten laa san ba o bo anyamese ase.

O laa kyena momo do ne momo mo,

me laa san wora mo-wole lee asa.

Wurubuaare gbaa-gbaa ne nan kyena momo do.

⁴ O laa kpaare ansikyu kamaase lii momo-ansi do sa momo.

Ij baa nye lewu. Me man baa yiyee

de me' su osulon abee me wu olaa.

I kya nyiile yee gekyena gedo do ilaa

i laa kyon gekpaa.”

⁵ Wurubuaare abono o te gegyapaa mo so mo gi toge yee, “Fe' kere! Nan yee ilaa kamaase i laa bingiri ipoboro.” O kii toge yee, “Nmarase imo ide yela. I lii fee genen agyebi ade a gye agyebi paaworase ne a gye gesintin.”

⁶ Wurubuaare gi toge sa me yee, “I loge kon! Me ne n gye abono n gyangbara ne me ne n tiikara. Me ne n gye giyiigese de laalaaloge. Asa abono bolef do omo mo, nan sa momo nkyu. Genen nkyu nbono gi kya lii daa abon abono o kpe o kya kyon ne o kya sa Wurubuaare ase gekyena gekpaa mo gemu. Man soo omo sei.

⁷ Abono me laa ko lii mo me laa nye genen ilaa ide pewu lii me ase, ne me, nan wora momo-Wurubuaare de momo mo, me' wora me-biana gesintin.

⁸ Afuubo de abono men bo gisogyi sa Yesu mo, de abono me wora me Wurubuaare ilaa kyose mo, de asa amobo, de abono me kya laare agyibara mo, de afe awura, de ikpere asonbo, de abonbo pewu bere, gigyapade gibono gi kya dee de ferewuta mo do ne me laa kpe. Imo ide ne n gye lewu nyose mo.”

Wurubuaare Osowole, Gyerasalem Poboro

⁹ I san i kya wora me fee oderi mo, ne wu Wurubuaare do oso oko kya ba me ase. Wurubuaare do oso sono ibono nkana me de ibonboron sono de aworofoo sono tiikarase mo do oko ne o gye. O baa tere me yee, “Baa kere. Nan nyiile fo asa abono me de fee okyiifo, Yesu, Wurubuaare sande mo, mo-ka mo.”

¹⁰ Wurubuaare do oso mo gi toge me genen mo, Wurubuaare Oduduu olon do so mo, i wora me fee oso mo gi puru me kyu dii kpe gibii bele lege-lege giko gimu so, ne o kpa nyiile me genoo bono Gyerasalem, Wurubuaare osowole mo, laa lii soso Wurubuaare ase o kya kpelege o kya ba gesinkpan so mo.

¹¹ Osowole mo kya ba mo, o laa nye Wurubuaare nyisigy o kya nelegi fee gibui boogyalonse giko. O laa nelegi o kya wu sonlii fee puruntuwa.

¹² Osowole mo laa nye gekpen bele gebono gemo-ooore laa longa dandan. Gekpen mo ge laa nye nbunono gudu nnyo, ne Wurubuaare do oso gudu anyo me laa kyena-kyena nbunono nde ase me kya dii nmo. Genen nbunono mo so mo me laa nmarase Isirale awura abono me son Wurubuaare mo adedaabo gudu anyo mo anyen gyan'gyan nmo so.

13 Gekpen mɔ nbunono mɔ nsa' gi laa nye de owi obaaliiten so, nsa' gi laa nye de owi ɔtɔrɔten so, nsa' gi laa nye de ɔbon adii so, ne nsa', mɔ, gi laa nye de ɔbon akpeleɛ so.

14 ɔsowole mɔ gekpen mɔ gese ɔpɔɔre laa wɔra daa abui gudu anyɔ. Mɛ laa nmarase Yesu, Wurubuaare sande mɔ isɔɔ gudu anyɔ mɔ anyen gyan'gyan amɔ so.

15 Wurubuaare dɔ ɔsɔɔ ɔbono ɔ tɔnge de me fɛɛ oderi dɔ mɔ de sika kɔkɔɔ gibeletɔ de o' kyu kaala ɔsowole mɔ de mɔ-gekpen mɔ ɔpɔɔre de nbunono mɔ.

16 ɔsowole mɔ ɔnmange de mɔ-gisoro pewu i laa wɔra daa kyɛɛ-kyɛɛ. ɔ laa kyu gibeletɔ mɔ kyu kaala ɔsowole mɔ mɔ, i laa wɔra akpaaten nwe gudu-gudu genen gikpadɔ gudu ginyɔ. ɔsowole mɔ gisoro de mɔ-ɔnmange de mɔ-ɔlonga i laa wɔra kyɛɛ-kyɛɛ. Iko i maɲ don iko.

17 ɔ laa kaala ɔsowole mɔ gekpen mɔ kee, ne i laa wɔra abaaɲmin gisoro gudu anyɔ-anyɔ genen gikpadɔ gudu ginyɔ. Anyamese-leɛ kaala ne Wurubuaare dɔ ɔsɔɔ mɔ laa kyu kaala genen.

Wurubuaare ɔsowole Mɔ Nyisigyɪ

18 Abui nɛlegise fufuli ne mɛ kyu yii gekpen mɔ. ɔsowole mɔ gye daa sika kɔkɔɔ, ɔ kya wu sɔnlii fɛɛ puruntuwa.

19 Mɛ kyu abui nɛlegise kamaase ɔnan kyu too gekpen mɔ gese ɔpɔɔre mɔ adawo so.

Gigyangbarase mɔ gi gye gibui fufuli.

Ginyɔse de gisase mɔ a gye buruu.

Ginanse mɔ gi gye gifedaa bonboli nkyu siidase.

20 Ginunse de giseese mɔ a pɛɛɛ.

Gibui sonose mɔ gi gye kyaase nfo.

Gukuese mɔ gi gye gifedaa bonboli gibono i kaare gimɔ dɔ mɔ.

Sangose mɔ gi laare gi wɔra fɛɛ kyaase nfo.

Guduse mɔ gi gye gifedaa bonboli nkyu nbono ginj siida mɔ.

Gudu ɔkose de gudu ginyɔse mɔ a pɛɛɛ folan.

21 Nbnunono gudu nnyɔ mɔ mɔ gi gye ngyi boɔgyalonse nbele-bele gudu nnyɔ. Gebunono kamaase mɔ mɛ kyu gegyi bele kolon kyu sale gemɔ-gisin. ɔsowole mɔ so gidan mɔ gi gye daa sika kɔkɔɔ so-o ne gi kya wu sɔnlii fɛɛ puruntuwa.

22 Meɲ wu Wurubuaare ɔson obu genen ɔsowole mɔ so. Wura Wurubuaare gbaa-gbaa, ɔlolonbo mɔ, mɔ-re Yesu, Wurubuaare Sande mɔ, ne n gye ɔsowole mɔ Wurubuaare ɔson obu.

23 Genen ɔsowole ɔbono so mɔ, in tiri yɛɛ owi abɛɛ bɔse ɔ' lii mɔ so. Wurubuaare nyisigyɪ mɔ ne n kya nɛlegi ne i kya wu ɔsowole mɔ fɛɛ owi. Yesu, Wurubuaare Sande mɔ, mɔ, ne n gye ɔsowole mɔ so fatela.

24 Genɔɔbono ɔsowole mɔ so i laa wu mɔ, imɔ ne nan yeɛ ne nsinkpan kpei-kpei so asa mɛ laa nye wu naa. Gesinkpan so awura-awura mɔ mɛ laa kyu mɔmɔ-nyisigyɪ kpe genen ɔsowole mɔ so.

25 Mɛ maɲ tii ɔsowole mɔ nbunono mɔ gɛkaako, i kya nyiile yɛɛ in bo genye nno.

26 Asa mɛ laa kyu nsinkpan kpei-kpei lɛɛ nyisigyɪ de nmɔ so buubuu kpe Wurubuaare ɔsowole mɔ so.

27 Ilaa kyolesese bere, i maɲ nye loo ɔsowole mɔ so. Nyamese ɔbono ɔ kya wɔra Wurubuaare ilaa kyose abɛɛ ɔ gye ɔbonbo mɔ maɲ nye loo ɔsowole mɔ so. Genen mɔ, mɔmɔ abono mɔmɔ-anyen a bo Yesu, Wurubuaare Sande mɔ ɔwole mɔ dɔ, nfono mɛ nmarase asa abono mɛ

laa nye gekyena dense Wurubuaare ase mo anyen wora mo, momo-wole ne nan nye genen Wurubuaare osowole obono do loo.

22

Wurubuaare Ase Gekyena

¹ Nfono mo, Wurubuaare do osoo mo gi nyiile me obon obono mo-nkyu gi kpe gi kya kyon gi kya sa Wurubuaare ase gekyena gekpaa mo. Obon mo nkyu gi de faa kelan-kelan ne gi kya njelegi. Obon mo gi lii Wurubuaare mo-re Yesu, Wurubuaare sande mo gegyapaa mo ase o kya kyon

² naa de Wurubuaare osowole mo gidan mo nsansana. Oyii ginsi kolon obono o kya sa Wurubuaare ase gekyena gekpaa mo yele o yele obon mo agengen so genen-n kyu kpaa lii. Oyii mo kya soroo abi gikpadoo gudu ginyoo gesi do, bose kamaase mo-re mo-lee abi sorose oyuduu. Mo-afedaa a kya kye nsinkpan kpei-kpei so asa alooo.

³ In baa nye Wurubuaare o' toge nno wora mo-ilaa iko-re iko. Wurubuaare mo-re Yesu, Wurubuaare Sande mo, gegyapaa mo ge laa nye osowole mo so nno. Wurubuaare asonbo me laa son mo,

⁴ ne me laa wu Wurubuaare de ansi, ne mo-ginyen gi laa gyan momo-asegbele so.

⁵ In baa wora genye. Osowole mo so i man baa tiri ifatela abee owi. I lii fee Wura Wurubuaare so mo, i laa wu abono me bo osowole mo so mo fee owi, ne Wurubuaare laa yege me laa wora fee awura gekpaa-gekpaa.

Owole Baare Do Agyebi Mo Ilaa

⁶ Wurubuaare do osoo mo gi toge sa me yee, "Genen agyebi abono fo nu mo pewu a gye agyebi paaworase ne a gye gesintin. Wura Wurubuaare obono o wolaa kyu mo-Oduduu mo kyu sa mo-ikalan atogebho mo, genen Wurubuaare kolon obono kee ne n sun mo-osoo ne o baa nyiile mo-asonbo ilaa ibonoana i man keela ne i laa ba mo."

⁷ Yesu gi toge yee, "Nan kpe ba ne. Omudensebo ne n gye nyamese obono o laa gyi Wurubuaare ikalan agyebi mo so fee genooobono me toge owole baare do mo."

⁸ Me, Gyon mo ne n gye obono ne nu ne ne wu genen ilaa ide fee oderi mo. Ne nu ne ne wu imo genen mo, ne kpelege nmii Wurubuaare do osoo obono o lee imo nyiile me mo ayaa do, n de buubuu bele n kya sa mo.

⁹ O wu genen mo, o gya me yee, "Gen baa wora genen. Me-re fo, de fonanboana Wurubuaare ikalan atogebho mo, de momo abono me laa wora ilaa ibono owole baare do i kya toge mo, aye pewu a gye daa Wurubuaare asonbo. Son daa mo."

¹⁰ O kii toge sa me yee, "Gen sa fo' kyu Wurubuaare ikalan ibono o toge owole baare do mo kyu wora asiiri do ilaa. I lii fee imo-owi mo gi fuude.

¹¹ Fo obono fo yee ilaa nyenyen ne fo laa wora mo, kpe keda de-e. Fo obono fo bo ineesi mo, kpe nu de fo-ineesi de-e. Fo obono mo fo-gisen do i boran sa Wurubuaare mo, kpe keda genen, ne fo obono fo lero fo-nyoro yela sa Wurubuaare mo, kpe keda genen."

Yesu Kya Ba! A' Baala

¹² Yesu kya toge aye yee, "Nan kpe ba ne. N de okamaase mo-re mo nteela fee genooobono o wora gesinkpan so mo n kya bara mo.

¹³ Me ne n gye obono n gyangbara ne me ne n tiikara. Me ne n gye giyiigese de laalaaloge.

¹⁴ Asa abono me kya lorc mamo-asen do fee genobono me kya foro ngbe mo, Wurubuaare ayuule a gye mamo-lee. Mamo ne nan nye okpa gyi oyii obono o kya sa Wurubuaare ase gekyena gekpaa mo abi. Mamo ne nan nye loo de Wurubuaare osowole mo gekpen mo nbunono.

¹⁵ I laa san asa abono me kya wora ilaa kankaran mo, de afe awura, de abono me kya laare agyibara mo, de asa amoo, de ikpere asonbo, de abono abon ilaa i da omo obole ne me kya kee abon mo pewu. Me man nye loo Wurubuaare osowole mo so.

¹⁶ "Me, Yesu ne n kyu okalan baare sun me-oso, ne o ba o kya buu o kya sa feye abono fe bo me-son mo akpen do mo. Oloobu Deefidi onaanabi ne n' gye. Ne lii daa Wura Deefidi opaa do. Me ne n gye Gibaadiike Gigyekpebi gibono gi kya nelegi ne gi kya wu mo."

¹⁷ Wurubuaare Odudu mo

de aye abono a kya ka gyan Yesu so ne a de fee mo-okyiifo mo,
a kya tere Yesu yee, "Ba!"

Okamaase obono o nu genen ilaa ide mo kee

o' tere mo yee, "Ba!"

Wurubuaare kya toge yee,

"Obono bolefo de mo mo, o' ba.

Obono i bo mo obole mo, o' ba de n' sa mo

nkyu nbono gi kpe gi kya kyon

gi kya sa Wurubuaare ase gekyena gekpaa mo.

Man soo mo sei."

Agyebi Laalaalogs

¹⁸ Me, Gyon, ne n kya laare n' ka fo okamaase obono fo laa nu Wurubuaare ikalan ibono i bo Wurubuaare agyebi owole baare do mo. Fo obono fon nyi ne fo kyu agyebi ako bola ikalan mo agyebi ade so mo, Wurubuaare laa kyu aworofoo abono ilaa o toge owole baare do mo sa fo.

¹⁹ Ne fo obono, mo, fon nyi ne fo koo agyebi ako lii Wurubuaare ikalan ibono i bo owole baare do mo, Wurubuaare man baa sa fo ilaa ibono nkana fo laa nye lii mo ase ne o kya toge imo so ilaa owole baare do mo. Fo laa pan oyii abi abono a kya sa Wurubuaare ase gekyena gekpaa mo, ne fo laa pan Wurubuaare osowole mo so gekyena mo kee.

²⁰ Wura Yesu obono o lee owole baare do ilaa nyiile me mo ne n kya toge yee, "Nan kii ba gesintin. I man keela." Mi-i me mo, ne kyule mo yee, "I' ba genen! Wura Yesu, ba."

²¹ Aye Wura Yesu o' sa mo-asonbo pewu so gewonsa dense. I' ba genen.